


God-are Jögoru  
I'oho



The New Testament in the Omie language of Papua New Guinea

**God-are Jögoru I'oho**  
**The New Testament in the Omie language of Papua New Guinea**  
**Nupela Testamen long tokples Omie long Niugini**

copyright © 1991 Wycliffe Bible Translators, Inc.

Language: Ömie (Omie)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Apr 2025 from source files dated 31 Aug 2023  
a68769b4-6180-5825-a17e-676d8f6a7efa

Contents

FRT . . . . .	1
MATTHEW . . . . .	2
MARK . . . . .	57
LUKE . . . . .	92
JOHN . . . . .	150
ACTS . . . . .	191
ROMANS . . . . .	246
1 CORINTHIANS . . . . .	272
2 CORINTHIANS . . . . .	297
GALATIANS . . . . .	313
EPHESIANS . . . . .	323
PHILIPPIANS . . . . .	331
COLOSSIANS . . . . .	337
1 THESSALONIANS . . . . .	343
2 THESSALONIANS . . . . .	348
1 TIMOTHY . . . . .	351
2 TIMOTHY . . . . .	358
TITUS . . . . .	363
PHILEMON . . . . .	366
HEBREWS . . . . .	368
JAMES . . . . .	387
1 PETER . . . . .	394
2 PETER . . . . .	401
1 JOHN . . . . .	406
2 JOHN . . . . .	412
3 JOHN . . . . .	413
JUDE . . . . .	414
REVELATION . . . . .	416
Read the New Testament . . . . .	442

# God-are Jögoru I'oho The New Testament in the Omie language of Papua New Guinea

## Nupela Testamen long tokples Omie long Niugini

*God-are Jögoru I'oho*

The New Testament in the Omie language of Papua New Guinea  
[aom]

Translation: © 1991 Wycliffe Bible Translators, Inc.

Print publication, 1991 by Bible League International

Web version  
2013, Wycliffe Bible Translators, Inc.  
[www.Wycliffe.org](http://www.Wycliffe.org)

<http://pngscriptures.org>

[www.ScriptureEarth.org](http://www.ScriptureEarth.org)

This translation is made available to you under the terms of the Creative Commons license (Attribution-Noncommercial-No Derivative Works).

<http://creativecommons.org/licenses/by-nc-nd/4.0>

**Your are free to share** — to copy, distribute and transmit the text under the following conditions:

- **Attribution.** You must attribute the work to *Wycliffe Bible Translators* (but not in any way that suggests that they endorse you or your use of the work).
- **Noncommercial.** You may not use this work for commercial purposes.
- **No Derivative Works.** You may not alter, transform, or build upon this work.
- **In addition,** you have permission to port the text to different file formats, as long as you don't change any of the text or punctuation of the Bible.

**Notice** — For any reuse or distribution, you must make clear to others the license terms of this work.

### **Tok Orait**

Dispela Buk Baibel i kam wantaim tok orait na lo bilong Creative Commons Attribution-Noncommercial-No Derivative Works license. Em i tok olsem **yu ken givim kopi long narepela manmeri**. Yu ken wokim kopi na givim long husat i laikim. Tasol, yu mas tok klia dispela samting i kam long <http://tokplesbaibel.org>. Yu no ken kisim mani na salim dispela. **Yu mas givim nating**. Na tu, **yu no ken senisim Tok**.

Ol piksa i kam wantim ol Baibel na narapela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela**.

Olgeta tok orait na lo long tok ples English i stap long <http://creativecommons.org/licenses/by-nc-nd/4.0/legalcode>.

Sapos yu gat askim long dispela, **plis askim mipela**.

**God-are Jögoru I'oho**

## MATTHEW

*Iesuare hijo miono'o jiobe rovade jöhoje.*

<sup>1</sup> Aveho Iesu Keriso-are hijo miono'o jiobe rovade jöhoje. Iesu hu David-are uje jiadeje. David hu Abraham-are uje jiadeje.

<sup>2</sup> Abraham hu Isaac-are vavue jiadeje. Isaac hu Jacob-are vavue jiadeje. Jacob hu Judah-are o Judah-are ö ömo'ömo jabesi vavue jiadeje.

<sup>3</sup> Judah hu Perez o Zerah-mesi vavue jiadeje. Jabesi vëmoho Tamar jiadeje. Röhu Perez hu Hezron-are vavue jiadeje. Hezron hu Ram-are vavue jiadeje.

<sup>4</sup> Ram hu Amminadab-are vavue jiadeje. Amminadab hu Nahshon-are vavue jiadeje. Nahshon hu Salmon-are vavue jiadeje.

<sup>5</sup> Salmon hu Boaz-are vavue jiadeje. Boaz-are vëmoho Rahab jiadeje. Röhu Boaz hu Obed-are vavue jiadeje. Obed-are vëmoho Ruth jiadeje. Röhu Obed hu Jesse-are vavue jiadeje.

<sup>6</sup> Jesse hu a böröme David-are vavue jiadeje.

David hu Solomon-are vavue jiadeje. Solomon-are vëmoho Uriah-are dorue jiadeje.

<sup>7</sup> Röhu Solomon hu Rehoboam-are vavue jiadeje. Rehoboam hu Abijah-are vavue jiadeje. Abijah hu Asa-are vavue jiadeje.

<sup>8</sup> Asa hu Jehoshaphat-are vavue jiadeje. Jehoshaphat hu Joram-are vavue jiadeje. Joram hu Uzziah-are vavue jiadeje.

<sup>9</sup> Uzziah hu Jotham-are vavue jiadeje. Jotham hu Ahaz-are vavue jiadeje. Ahaz hu Hezekiah-are vavue jiadeje.

<sup>10</sup> Hezekiah hu Manasseh-are vavue jiadeje. Manasseh hu Amon-are vavue jiadeje. Amon hu Josiah-are vavue jiadeje.

<sup>11</sup> Josiah hu Jechoniah-are o hesi ö ömo'ömo jabesi vavue jiadeje. Evare majare Babylon rajohuro muorovo'i rueromo Israel rajoho tövëvoromo ujuoho va'oromo Babylon rëmारेजे.

<sup>12</sup> Tövëvo ujuoho va'oromo Babylon rëmारेजे maja hesi ijore evare Jechoniah hu Shealtiel-are vavue jiadeje. Shealtiel hu Zerubbabel-are vavue jiadeje.

<sup>13</sup> Zerubbabel hu Abiud-are vavue jiadeje. Abiud hu Eliakim-are vavue jiadeje. Eliakim hu Azor-are vavue jiadeje.

<sup>14</sup> Azor hu Zadok-are vavue jiadeje. Zadok hu Achim-are vavue jiadeje. Achim hu Eliud-are vavue jiadeje.

<sup>15</sup> Eliud hu Eleazar-are vavue jiadeje. Eleazar hu Matthan-are vavue jiadeje. Matthan hu Jacob-are vavue jiadeje.

<sup>16</sup> Jacob hu Joseph-are vavue jiadeje. Joseph hu Mary-are barue jiadeje. Mary hu Iesuare vëme jiadeje. Iesuare jöho uvarueje: Böröme namiromomo ajamuaje aho höjo.

<sup>17</sup> Iesuare hijo miono'oho ëhi jiobe rovadeje. Abraham bëhoho jioromo hesi ujo ömo'ömo jiobe rovdohoro ro David-arire ë vituoho jioromo bëhohu'o ujohu'o aho'obëhe 14 jiadeje. O David bëhoho jioromo hesi ujo ömo'ömo jiobe rovdohoro ro Israel rajo tövëvoromo Babylon ujuoho va'are majare ë vituoho jioromo bëhohu'o ujohu'o aho'obëhe 14 jiadeje. O Israel rajo tövëvoromo ujuoho va'are majare jioromo ujo ömo'ömo jiobe ruejuvo böröme namiromomo ajamuaje a rahade majare ë vituoho jioromo ujoho aho'obëhe 14 jiadeje.

*Iesu rahade jöhoje.*

<sup>18</sup> Röhu Iesu Keriso rahadoho aviëhije. Hesi vëme Mary'o Joseph'o masurovo'iröhëro uarovoromo arijareje. Bogo masurovoromo gemuoroho arijë'e Mary-ro gavadeje God-are Aru'ahohuro uje bojamijë'ëro hu dë'e jiamu.

<sup>19</sup> Hesi aemo'aeme Joseph-ro gavade hu dë'e jiamu gagorovo jögoru ejaje aëro jië'ëro Mary nugö'ö'i uehorovadeje. Röhu Mary a nunire javoji bojami'iröhoho bijönimamu uvadeje: Iae na saginiëri ëhi ë'ëjöjo.

<sup>20</sup> Ëhi uehorovajuvo nia'ovoro gavadeje Badare aneraëro rueromo uavavamu: David-are hije Joseph jaehu Mary masu'iranoho nadi juhuonivonëjo. Ëhesi bëhoho bogo aho ujoho bojami'i hesi God-are Aru'ahëro bojamamu dë'iraejë'e höjo.

<sup>21</sup> Harihoho rahego hesi ihoho Iesu jumuvonëjo rabëni huro hesi aribövi jabesi sisëho mu'uvëhoromo maro rëmo'ië'e jiaje.

<sup>22</sup> Röhu ë mue aho'o rovade hesi bëhoho ëhuro Badahu hesi jö majëhijaje a uavamu jajivadëhi ëhi jioröhego.

<sup>23</sup> Jajivoromo ëhi uvadeje: Aboridohuro dë'iraeromo harihe raho'a'ajëjo. Raho'iramu aëro hesi ihoho Emmanuel jumuvo'aruëjo. Emmanuel ë iho hesi bëhoho God-hu no'o jiaje jöhoje.

<sup>24</sup> Amo Joseph-ro niavë'ëro ri'öromo Badare anera hesi jöho ejahoromo hesi magonahoho masuvadeje.

<sup>25</sup> Masuromo röhu bogo hu'oho gemuoroho niavadeje u'emu harihoho rahego ni-avo'iröhëro. Amo harihoho rahamu Iesu jumuvadeje.

## 2

*Sa'a gö rajo ariböviehu Iesu rajahi'i rovare jöhoje.*

<sup>1</sup> Iae Iesu Bethlehem amore Judea sa'are ë rahadeje Herod sa'a a böröme jiadevare. Rahamu iae jiji adaho'amarue a masijohuro aruhe sa'a göre jioromo rovaroho ro Jerusalem amore suorovareje.

<sup>2</sup> Suorovoromo uëvareje: Jew rajo jemesi sa'a a böröme jioröhego rahade aharihoho dinö'e höjo. No aruhe sa'a göre raromoromo gavare hesi jijoho rojomamu garomo hu rajahi'i rovare höjo.

<sup>3</sup> Ejöho heromo Herod sa'a a börömhuro dë sisërëromo uehore gö gö baejadeje Jerusalem amo rajo a ioro'iorohu'o.

<sup>4</sup> Uehore gö gö baeromo huro Jew rajo priest masijohu'o jabesi jögoru öri røjëhijarue ariböviohu'o uëvamu gemuoro gagovoruomadeje. Gagovamu uëvadeje: Böröme namiroamo ajëmi'iröhe aho hu dinö'e raho'a'ajëjo.

<sup>5</sup> Uavareje: Bethlehem amore Judea sa'are ë raho'a'ajëjo. Mami'e jö God-aro baeromo majëhinövade ahuro ëhi jajivoromo uvë'e höjo:

<sup>6</sup> Bethlehem ja Judea sa'are javajoho

Judea sa'are a masijo jabesi nuniroho jasi ihoho bogo bise'oho jio'a'ajëjo.

Jasirire jioromo a böröme rue'a'ajëjo.

Rueromo nasi aribövie Israel rajoho muebejëvo'ajëjo.

<sup>7</sup> Ehi majahijamu hegorovo Herod-ro ë sa'a gö rajo a masijohuro ruejöro saginiëri jöe nugö'öromo uëvadeje: Ejijoho maja raburo aevoromo rojomamu gavarije höjo. Nadi ruëroho numëroho ue'i majaho ma-gemu uevego na hejöjo.

<sup>8</sup> Majaha uavamu henugoromo uëvadeje: Rue Bethlehem amoro va'irarijoho aharihoho avoho nahobe jijihorëjo. Birohogoro rueromo dinö'e jiajoho uerego na he'iröjo na'o ë va'oromo hu rajahi'irode.

<sup>9</sup> Ehi uëvamu hegoro va'areje. Örire va'ihö gavareje mami'e ruhe sa'a göre gavare jije gemuoho jabesi nuninö urimo va'amu. Jijohuro urimo va'adoho va'o aharihehu hijajire ë hesi simano bure namijadeje.

<sup>10</sup> Namijamu ganugoromo bogo bise'o vadu'oho nimorohareje.

<sup>11</sup> Nimorohoromo ë osare rumo va'oromo gavareje aharihoho hesi vëme Mary'o ë hijamu. Garomo sa'are ague aho raromoromo hu rajahijareje. Rajahiromo inömo inömohe jiovoromo suvoore bamahareje. Gold o ridi'e inöme niö'i göho frankincense göho myrrh ëhi i'imamareje.

<sup>12</sup> I'imamë'ëro nia'ovonö'e hejare God-ro uëvamu: Bogave Herod-are öriroho vuonorö'ö va'irarijë uëvamu hegorovo vuonorö'öromo öri gönö jabesi sa'are va'areje.

*Joseph-hu Mary'o Iesu'o hu'iraejëvoromo ju'ebiromo Egypt sa'are va'are jöhoje.*

<sup>13</sup> Va'amu Joseph-ro nia'ovoro gavadeje Badare aneraëro rovamu. Aneraëro rueromo uavavamu: Ri'ö aharihohu'o hesi vëmohu'o hu'iraejëvoromo ju'ebiromo Egypt sa'aro va'ëjo. Va'o ëhuro jionëjo hujeji naro uavego rue'irane ë hesi bëhoho Herod-ro aharihoho ano'i naho'ië'e jiaje.

<sup>14</sup> Ehi uavamu hegorovo Joseph-ro ri'öromo jabumë hu'iraejëvoromo vahi'e ë amoho vuonugo'i Egypt va'adeje.

<sup>15</sup> Egypt va'oromo ë hijuvo hejade uavavamu: Herod guomë'e hö uavamu hegoro rovadeje. Emue aho'ovade hesi bëhoho urimë'i Badahu uavamu hesi jö majëhinövade aehu jajivadëhi ëhi jioröhego. Badahu uavade jöho hesi surire jajivoromo ëhi uvë'eje: Nasi Harihoho uvamu Egypt jioromo rovë'e höjo.

*Asisö'o ino bijuëmare jöhoje.*

<sup>16</sup> Ehi ë'areje röhu ë hesi urimoho Herod-ro gavade sa'a gö rajo masijoho bogo vejö'oho rueruomamu gagorovo uvadeje: Sareremijare höromo dë vörönimo avohadeje. Dë vörönimamu hesi aribövioho jöe bojëmiromo uëvadeje: Bethlehem-nö va'oromo asisö'o ininoho aho'ov bijuëmorejo. Magonahoho nadi vadune niö'i iosiramë'oho nadi a'i asisö'o

ioro'ioroho aho'o bijuëmo barërëjo. Mami'e sa'a gö rajohuro jije rojomamu gavare majaho uavamu hejë'ëro ëhuni vadune nió'i bogo iosiramijë'e asisó'o ho bijuëmoróhego uëvadeje. Uëvamu iae va'oromo bijuëmoruomadeje.

<sup>17</sup> Bijuëmamu ëhuro mami'e jö God-aro baeromo majëhinövade ae Jeremiah-hu uëvadëhi ëhi jiadeje.

<sup>18</sup> Jeremiah-ro ëhi uëvadeje:

No hejaruëjo Ramah amore uvavo'ego.

Hara'uoromo nivavo'ego.

Rachel-ro hesi ujo ömo'ömohuni nivavajëjo.

Hesi ujoho barëjahë'ëro aehu sanuamaruoho bogo ejajëjo.

*Iesumëhu Egypt jioromo vuonorö'ö rovare jöhoje.*

<sup>19</sup> Herod guomamu Joseph-ro Egypt hiromo nia'ovo'iraeromo gavadeje Badare aneraëro rueromo

<sup>20</sup> uavamu: Ri'öromo aharihohu'o hesi vëmohu'o hu'irae ömëvoromo Israel sa'aro vuonorö'ö va'ëjo aharihu ano'i uehorovare aribövioho mami'e vuovë'e jiaje.

<sup>21</sup> Ëhi majahijamu hegorovo Joseph-ro ri'öromo aharihohu'o vëmohu'o hu'irae ömëvoromo Israel sa'are vuonorö'ö rovadeje.

<sup>22</sup> Rueromo hejade uvavamu: Archelaus-ro hesi vavue Herod-are sionoho baeromo bövie namiromu Judea sa'aho muebejaje hö uvamu hegorovo juhuonivoromo ë sa'aroho bogo hijadeje. A'i nia'ovo'iraeromo hejade God-arire jöe rueromo majahijamu hegorovo Galilee sa'are va'adeje.

<sup>23</sup> Galilee sa'are va'oromo amo ihe Nazareth ë hijadeje. Nazareth hijade hesi bëhoho urimë'i jö God-aro baeromo majëhinövare ariböviohuro God-are surire jajivarëhi ëhi jioróhego. Jajivoromo ëhi uvareje: Aëro hesi jöho atoromo uvo'a'aruëjo: Hu Nazareth raje ae höjo.

### 3

*Bapataeto vaejaje ae John-hu ëhi ë'tade jöhoje.*

<sup>1</sup> Ëhi'amu John a bapataeto vaejëvaje ahuro Judea sa'a a rumo'ere Jordan jovo riröre hiromo jöho majëhinövadeje.

<sup>2</sup> Majëhiromo uënövadeje: Uehoro sisëho vuonugo'i uehoro mae baehëjo. Jemë iae ga'ië'arujëjo God-ro böröme namiromu muebejëvego. Ëhi majëhinövadeje.

<sup>3</sup> Ëaho John hesi jöho God-ro mami'e uavamu hesi jö baeromo majëhinövade ae Isaiah-ro God-are surire jajivoromo ëhi uvë'eje:

Aëro a rumo'e sa'are hiromo ma-darugo'o uvo'a'ajëjo:

Badahu ruerohe öroho avohorego hu maro rue'irajo.

Hesi öroho ahorirëro vajivorego hu maro juvo'irajo.

John-hu ë'iröhe jöho mami'e ëhi jajivoromo uvë'eje.

<sup>4</sup> Ëhi jajivoromo uvë'ëro ë aho John-ro camel mi uehu avoho'amë'e niögu sisëho ruohoromo mi sinehu avohë'e götaho dë'ahore ba'amonövadeje. O hesi ioho hu guajugauje vuome ëhi ibe juvonövadeje.

<sup>5</sup> Ëhi'ëgo Jerusalem amo rajoho Judea sa'a ioro'ioror raromarue aribövioho Jordan jovo bëhinö dinö'e dinö'e raromarue aribövioho ëho jaburo rueruomonövadeje.

<sup>6</sup> Rueromo jabesi sisëho huruho'ëgo John-ro Jordan jovore bapataeto vaejëvonövadeje.

<sup>7</sup> Ëhi'oromo John-ro gavade Pharisee ariböviohu'o Sadducee ariböviohu'o aho'obëhe huro bapataeto vaejëvojöro rueruomamu gëgorovo uëvadeje: Sigobu aboji harihu'e jëvanovajëjo. Jemë raro uëvade höjo: God-are vöröehu rue'iröhire jioromo huomomoromo manö va'irarijoho eni jëvo'ajëjo.

<sup>8</sup> Bogajo. Ijehu bajo mae raejajëhi ëhi mu mae vaerego no garomo uvo'irarëjo: Iae jemë uehoro sisëho vuonugo'i uehoro mae baejë'e jëvavajëjo.

<sup>9</sup> Röhu nadi uvorëjo: Abraham nosi bëhohuro jië'ëro ëhu'ëro no mae javuajëjo. Naro jemë uëvavajëjo: Jemë Abraham-are ujo ömo'ömo jëvajohe ëho ma-bise'e höjo. God-ro nimo'lbejajo ave munëho ujuohoromo avohëvego araeromo Abraham-are ujo ömo'ömo ho jio'amo'lbejajo. Ëhuni nadi nimorohë'ioho ëhioho atorëjo.

<sup>10</sup> Röhu tonëro ijoho bëhi'o huo'ö'ië'ajëjo. Di ijohuro bajoho bogo ma raejë'e jiego huo'öromo vëniro huo'ië'ajëjo.

<sup>11</sup> Naro jovëremu bapataeto vaejëvaje höjo aëro garuomoróhego jemë öri sisëho vuonugo'i aevoromo öri mare jijihë'e jëvego. Röhu ae gö nasi ijonö rue'ië'ajëjo. Huro na iosiremiromu börömoho höjo. Naehu hesi mu bise'o vaejahoromo höru sino

ujuohahoromo hesi ijore va'ibejodoho o mu bise'o bise'e rabe vaejaho'ibejodoho rôhu na ma-bise'e jevajêjo. Êahuro God-are Aru'ahohuro o vênêro bapataeto vaejêvo'ajêjo.

<sup>12</sup> Hesi ijo garanoho ôvore hôjo. Ijo garanoho ôvore jiê'êro ioho tevoromo dôro hijiohijiovoromo mevoromo i maho gagovoromo hesi iruno'e osare ë avoho bahi'i subueho sinoho ravemu ravaje vênire huo'a'ajêjo.

*John-hu Iesu bapataeto vaejade jôhoje.*

<sup>13</sup> Êhi'amu Iesuro Galilee sa'are jioromo abuejadoho abo Jordan jovore hörôjadeje John-ro hu bapataeto vaejêro.

<sup>14</sup> Rovamu gagorovo John-ro nijio'iraeromo uavadeje: O-ajo. Jero na bapataeto vaejevo'ibejanêjo iae mae jio'ibejajo. Rôhu jero rabêni nasi ôriroho rovane hôjo naro ja bapataeto vaejavôjêro.

<sup>15</sup> Êhi uavamu hegorovo Iesuro uavadeje: Bogajo. Avevejê'e naehu uavajêhi êhi ê'êjo. Êhi ê'tê'oho êhuro God-hu nimaje muoho vae'ejarêjo. God-hu nimaje mu noehu vae barêjê'oho iae mae hôjo. Iae mae hójamu hegorovo John-ro ejahadeje.

<sup>16</sup> Bapataeto vaejamu gagorovo Iesuro jovore jioromo rojo ionire namijadeje. Namijamu ô'idôho arorovadeje. Arorovamu Iesuro gavadeje God-are Aru'ahe guaho va'ênohuro ruvebiromo hesirire gerejamu.

<sup>17</sup> Êhi'amu ae aho'obêhe hejareje ô'idôre uvavamu: Ave aho nasi Harihu mabêhe hôjo. Na hu garomo êhuro nasi dê vövôbajo'oho nimorohevajêjo.

## 4

*Iesuhu mu sisê vaejêro Satan-hu bijioho gavade jôhoje.*

<sup>1</sup> Iae Satan-ro Iesuare dêre bijioho garôhego God-are Aru'ahêro uavamu Iesuro a rumo'e sa'a gôre ajiomadeje.

<sup>2</sup> Ajiomoromo ioho bogo ijê'e majae vahie ma-hibe va'amu majae aho'obêhe 40 barêjadeje. Majae aho'obêhe 40 barêjamu vadunêro hómadeje.

<sup>3</sup> Hómamu dêre bijahuaje ahuro rueromo uavadeje: Ja God-are Harihe javê'oho ave munêho uêvego irae'amajo.

<sup>4</sup> Irae'amajamu ruehuro uavadeje: Rôhu God-are jôho jajivoromo êhi uvê'e hôjo: Aehu iemu uehorovê'oho bogo maho raromo'aruêjo. A'i God-hu jõe aho'o jövajohuro êhuro mae raromo'aruêjo.

<sup>5</sup> Êhi'amu Satan-ro Iesu hu'irae baeromo God-are amo ihe Jerusalem ajiomoromo ajio ruhe God-are osa bôrômo hesi dôre ba'ojio ë nugamu namijadeje.

<sup>6</sup> Namijamu Satan-ro uavadeje: Ja God-are Harihe javê'oho jôrô'ôrovêjo. Êhesi bêhoho God-are surire jôho êhi uvê'e hôjo: God-ro hesi aneraho uê'iramu ja muebejavo'aruêjo. O hesi surire jô gôho êhi uvê'e hôjo: Aneraho jaburo ôvore ma'enagonôvo'aruêjo jasi hörure munêro bibejavôjêni. Êhuni jôrô'ôrovêjo.

<sup>7</sup> Jôrô'ôrovêjamu uavadeje: Rôhu ave God-are surire jôhu'o êhi uvê'e hôjo: Nadi ri'ôromo Bada jasi God hesi dêho êma bijiohoromo uanêjo: God jero êhi êhi ê'êjo.

<sup>8</sup> Êhi uavamu Satan-ro Iesu hu'irae baeromo dahuru êgobôvire ajiomadeje. Ajiomoromo a masijehu dinô'e dinô'e raromoromo muebe'amarue ôri ari'oho sa'ae inômo inôme bôvie bise'e ma-mabêhe jiê'lego aehu muebe'amaruoho êho rôjahi barêjadeje.

<sup>9</sup> Rôjahiromo uavadeje: Êbôvioho bise'oho aho'o jasi ôrire bojami'ejôjo. Jaehu ague ahoromo na rajehijê'oho iae na bojami'ejôjo.

<sup>10</sup> Bojami'ejôjamu ruehuro uavadeje: Satan va'êjo. God-are surire jôho uvê'e hôjo: Bada jasi God gemu rajahiromo hesi muohemu gemu vaejahonêjo.

<sup>11</sup> Êhi uavamu Satan-ro va'adeje. Va'amu aneraêro rueromo Iesu ajamijareje.

*Iesuhu Galilee sa'are hiromo aevoromo hesi mu vaejade jôhoje.*

<sup>12</sup> Êhi'amu Iesuro hejade uavavamu: John bapataeto vaejavuae aho aêro guduamo bava'oromo savoji gagore ba'amê'e hójamu hegorovo Galilee sa'are ajiomadeje.

<sup>13</sup> Ajiomoromo Nazareth amore hiro mo êho vuoongo'i abueromo Capernaum amore hijadeje. Capernaum amoho jovo e'u rirôreje Zebulun rajo Naphtali rajo jabesi ôri ari'ere.

<sup>14</sup> Iesuhu ë sa'are hijade hesi bêhoho God-hu uavamu hesi jô baeromo majêhinôvade ae Isaijah-hu jajivadêhi êhi jiorôhego. Isaijah-ro God-are surire jajivoromo êhi uvadeje:

<sup>15</sup> Zebulun rajo Naphtali rajo jabesi sa'aho

jovo bôrômore va'arue ôroho Jordan ioro'ioro gôre sa'aho

ë sa'are Jew rajoho bogo a'i sa'a ioro'ioro rajehu ë Galilee sa'are raromaruoho

<sup>16</sup> ë aribôvioho ramoramô'ere raromaruê hôjo.

U'emu aji mabêhe iae garuomô'ajêjo.



Jaruvoho ramoramo'ero vuovo öriro jijiharue höjo.

U'emu ajoho rueromo jabesi örire ajivëvo'ajëjo.

Iesuhu ëhi ë'iröhego God-are surire jö jajivadëhi Iesuro ëhi Galilee sa'are hiromo ajoho barovadeje.

<sup>17</sup> Iesuro ajoho barueromo aevoromo jöho majëhiromo uënövadeje: Uehoro sisëho vuonugo'i uehoro mae baehëjo. Jemë iae ga'ië'arujëjo God-ro böröme namiromo muebejëvego.

*Iesuhu uëvamu visu suovarue ae 4 jabuhu aevoromo hesi ijore ijore jijihare jöhoje.*

<sup>18</sup> Èhi'oromo iae Iesuro Galilee e'lu riröre juvadeje. Juvo'i gavadeje Simon hesi iho göho Peter'o Andrew'o ö'o ö'o visue suovarue aëro jëvë'ëro viöho jovore ba'amamu.

<sup>19</sup> Viöho jovore ba'amamu gëgorovo uëvadeje: Nasi ijoro ijoro ruehëjo naro röjhijego jemëro bogo visuoho gagovo'i a'i ae magonahe gagovëvego nasinö jioruomol'iröhe höjo.

<sup>20</sup> Èhi uëvamu hejë'i jaburo viöho ëhi vuonugo'i aevoromo hesi ijore ijore jirehonövareje.

<sup>21</sup> Èhi'amu Iesuro va'i gavadeje ae gö ö'o ö'o James'o John'o Zebedee-are harihe niö'i boat gagore jabesi vavuohu'o gemuore arijamu. Ariromo jabesi viöho sigohijamu gëgorovo uvëvadeje: Ruehëjo.

<sup>22</sup> Ruehëjamu hejë'i jaburo boat-ohu'o jabesi vavuohu'o ë vuonugo'i aevoromo Iesuare ijore ijore jirehonövareje.

*Iesuhu hesi jö majëhibe a ajëmibe juvade jöhoje.*

<sup>23</sup> Èhi'amu Iesuro God rajahjarue osare osare God-are jö bëhoho röjëhibe God-hu böröme namiromo ae muebejëvo'iröhe jö maho majëhibe guomo guome gö gö bæjë'e aribövioho avohëvobe ëhi'obe Galilee sa'ae bövioho juvo barëjadeje.

<sup>24</sup> Èhi'obe juvamu huhu ëhi ë'ade jöho hebe va'adoho Syria sa'are raromarue aribövioho jabu'o ë jöho hebe va'oruomadeje. Hebe va'oromo aëro guomo guome gö gö vi'ehe gö gö bæjë'e aribövioho Satan-are ariböviehu dëre abue'amë'e aribövioho simano sisërëjë'e aribövioho övo hörü vuovëhë'e aribövioho ëhi jië'e aribövioho ujuohoromo jabesi sa'are jioromo ruenövareje. Ujuoho rue'ego Iesuro ajëmi'ego marëjëvonövadeje.

<sup>25</sup> Ae aho'obëhe ave Galilee sa'are jioromo aruhe Amo 10 Jio'amaje Sa'are jioromo arue Jerusalem amo börömore Judea sa'a ioro'iorore jioromo aruhe Jordan jovo ioni gönö jioromo ë ro tagavoromo Iesu rihironövareje.

## 5

*Iesuhu dahorure hiromo a jö majëhijadohoje.*

<sup>1</sup> Rihioromamu Iesuro gavade ae aho'obëhe tagavoromo raromamu gagoro dahorure ajiomadeje. Ajiomoromo sa'are hijadeje. Hijamu hesi ijore ijore jijiharue ariböviohuro rovamu gëgorovo

<sup>2</sup> aevoromo jöho röjëhiromo uëvadeje:

*Huë mae jioruomaje aribövi jabesi jöhoje.*

<sup>3</sup> Ae rahu uvë'oho: No bogo eni javuë'ëro hesi God-ro ajamuijaje hö uvë'oho huë mae jioruomaje höjo

God-ro muebejëvego hesi aharire mae raromol'ie'ëro.

<sup>4</sup> Huë vavaeni bæjarue aribövioho huë mae jioruomaje höjo

God-ro huë sanue bojëmi'ie'ëgo.

<sup>5</sup> Ma-taemo raromarue aribövioho huë mae jioruomaje höjo

God-hu uëvade bövioho bise'oho bæ'ië'ëro.

<sup>6</sup> God-are mu maemu ga'i nimo avoharue aribövioho huë mae jioruomaje höjo

God-ro mu maho nugö'öjëhego jabesi dë vövöbajo'oho mae jëvo'ie'ëgo.

<sup>7</sup> Ae göëni vavaenimarue aribövioho huë mae jioruomaje höjo

God-ro jabesi jöëni vavaenimol'ie'ëgo.

<sup>8</sup> Dë vövöbajo'o ma-maemu jiaruoho huë mae jioruomaje höjo

God ga'ië'ëro.

<sup>9</sup> Muorovo öri tugohi huë baerovarue öri jiovarue aribövioho huë mae jioruomaje höjo

God-ro uvo'ie'ëgo: Jabumë nasi aboji harihu'e hö uvo'ie'ëgo.

<sup>10</sup> Mu mae vaejego aehu ma-jabu gemu i'u bojëmego bæjaruoho huë mae jioruomaje höjo

God-ro muebejëvego hesi aharire mae raromol'ie'ëro.

<sup>11</sup> Jemëhu na uehorovevamu aehu sivëgoromo mu sisë vaejëvoromo ae sarerëmiromo jemesi jö sisë gö gö ëma atë'oho huë mae jëvaje höjo.

<sup>12</sup> Dē sasohoromo nimoro avohorējo ē hesi bēhoho God-hu suvuoro jemēni ō'idōre bamēhajoho bōrōme jiē'e jiaje. Urimo jō God-aro baeromo majēhinōvare aribōvi jabesi ōrīre jabu'o aēro ēhi gemuoho sisē vaejēvonōvare hōjo.

*Sō'o iro'o jabesi uhu jōhoje.*

<sup>13</sup> Sōehu rumorovego i marējajēhi jemēro sa'are aribōvioho ēhi ajēmego mae jioruomaje hōjo. Jemēhu ēhi sōnō'e ajēmijarujoho sō hesi rihu barējē'ohō diehi'oromo rōhu maho avohojōēni sisēgo ruruhō'ōjarue hōjo. Ruruhō'ōromo ē dōre jijiharue hōjo.

<sup>14</sup> O irehu ajivego gavaruēhi jemē sa'are aribōvioho ēhi ajivēvo'irarijoho jēvajējo. Ame hojire jiē'ohō bogo gurihiroho jēvo'i ma-va'orahoro jēvo'ajējo.

<sup>15</sup> O iro buno'iraejē'iroho hevō gagoroho bogo gurih'i ma-va'orahoro bamo'anuejo ae aho'obēhe ē osare raromaruoho ajivēvo'irōhego.

<sup>16</sup> Ēhesi bēhoho jemēro jemesi aji muoho ma-va'orahoro vaejēgo aēro ē garomo jemesi Vavue ō'idōre hijajoho rajahiruomo'irajo.

*Moses o jō God-aro baeromo majēhinōvare a ioro'ioro ē aribōvi jabesi jōgoru Iesuhu ejego marē barē'irōhohuni ēhuni rovode jōhoje.*

<sup>17</sup> Rōhu jō gōho nadi uvorējo: Naehu rovode hesi bēhoho Moses-hu bojamuade jōgorohu'o jō God-aro baeromo majahuinōvare a ioro'ioro jabesi jōhu'o Iesu naehu mu'u'irodoho hōjo. Na bogo ēhunioho rovode hōjo. A'i ē aribōviehu jajivare jōe aho'o naehu ejego marē barē'irōhohuni ēhuni rovode hōjo.

<sup>18</sup> Ave jōho na jō mae uē'iē'ajējo. Ō'idō'o sa'a'o biririvoromo jiobe va'irōhoho Moses-are jōgoroho bogo iaroho bisemu vadu'ohō sisērē'i jōe aho'obēhe ē hesi muoho marē barē'ajējo.

<sup>19</sup> Ēhuni ae rahu Moses-are jōgoru masijohu'o inino mahu'o ahē'ohō o ae gōehu ahorōhego rōjēhijē'ohō ēhi jiē'e a hesi ihoho God-are ōri ari'eroho bogojio'ajējo. A'i ae rahu Moses-are jōgoru ejē'ohō o ae gōehu erōhego rōjēhijē'ohō ēhi jiē'e a hesi ihoho God-are ōri ari'ere bōrōme jio'a'ajējo.

<sup>20</sup> Ēhuni naro jemē uēvajējo: God-are jōgoru ōri rōjēhijarue aribōviohu'o Pharisee aribōviohu'o jaburo Moses-are jōho ma'enarue hōjo. Rōhu jemēhu ē aribōvi bogo iosirēmiromo God-hu nimaje mu bogo uohu'o vaejē'ohō God-are ōri ari'eroho bogo mae bogo va'a'aruējo.

*Bogo dē vōrōnimo'irōhe jōhoje.*

<sup>21</sup> Jemē hejarije hōjo uvavamu: Aēro a mamioho ēhi uēvare hōjo: Nadi aho anonējo. Jaehu a anē'ohō aēro ja guduamavoromo court-ro baejavo va'a'aruējo. Ēhi uvamu hejarije hōjo.

<sup>22</sup> Rōhu naro uēvajējo: Ae rahu jaehu ae gō hesi ōrīre dē vōrōnimē'ohō aēro guduamavoromo court-ro baejavo va'o hesi hōjo. O ae rahu jaehu jasi aemo'aemo sivoromo uavē'ohō: Ja uehore bogojīē'e ae javajē uavē'ohō aēro guduamavoromo council masijo jabesi nunire baejavo va'o hesi hōjo. O ae rahu jaehu ae gō agoromo uavē'ohō: Ja simano bogojīē'e ae javajē uavē'ohō ēhuro ja vēni ōrīre va'o hesi javajējo.

<sup>23</sup> Ēhuni jasi suvuoro God-are maratuore bamaho'i ē namiromo uehorovoromo uvē'ohō: O nasi aemo'aemohuro nasi jō sisēho uehorovaje hō uvē'ohō

<sup>24</sup> suvuoro maratu nuninō ēhuro bamo nugo'irōgoro urimo va'oromo jasi aemo'aemohu'o sanuamirovoromo evare ijonō vuonorō'o rueromo God-are ōroro suvuoro bamahonējo.

<sup>25</sup> Aehu jasi jō sisē hesirire jiē'ēro ja baejavoromo court-re va'iē'iroho jemē niō'iro ōrīre va'arujevaro jero ma-burēro sanu'e jōho majahinējo. Sanu'e jō bogo majahijē'ohō huro court gavaje a hesi ōvore bojami'ajējo. Bojami'iramu court gavaje ahuro police bojami'iramu savoji gagore ba'amavo'iramu ē hi'a'anuejo.

<sup>26</sup> Ēhi ma-hiemu hijuvo bojami'irane monioho aho'obēhe bojami barē'anuejo. Iae na mae uēvajējo.

*Bogo goho'amo'irōhe jōhoje.*

<sup>27</sup> Jemē hejarije hōjo uvavamu: Urimo ēhi uēvare hōjo: Nadi goho'amonējo.

<sup>28</sup> Ēhi uvamu hejarije hōjo. Rōhu naro uēvajējo: Ae rahu magonaho garomo goho'amo'iē'ohuro ēhuro hesi simanore goho'amē'e hōjo.

<sup>29</sup> Ēhuni jasi ōvo manōrīre nunehu mu sisē garomo ēhuro God uehorovanue mu vuonugo'iē'iroho nunoho jahoromo bu'ōnējo. Inōme gemu boremi'ōjē'ohō ma-jianovo'i jasi sine aho'o vēnire va'ē'ohō ēho sisē hōjo.

<sup>30</sup> Jasi övo manöhuro mu sisë vaeromo God uehorovanue mu vuonugo'ië'iroho tari-  
oromo bu'önëjo. Inöme gemu boremi'öjê'oho ma-jianovo'i jasi sine aho'o vënire va'ë'oho  
ëho sisë hõjo.

*Bogo vaboro nugö'ö'iröhe jöhoje.*

<sup>31</sup> Röhu ave jöhu'o uövuë'e hõjo: Vaboro nugö'ö'ië'iroho suroro jajivoromo vaboroho  
bojamiromomo evaro nugö'önëjo. Ëhi uövuë'e hõjo.

<sup>32</sup> Röhu naro uëvájëjo: Vaboroho bogo ma-juvë'e baruehu ëma nugö'öjê'oho ëho huro  
magonaho hesi örire mu sisë vaejaje hõjo. Ëhu'ëro ë magonahohuro ae gö masuvë'oho  
bogo maho masu'i ëho goho'amarue muoho vae'a'ajëjo. O ae göehu nugö'öjade  
magonaho masuvë'oho goho'amarue muoho vae'a'ajëjo.

*God-are öri ari'o iho o inömo iho bogo uvoromo darugo'e jö jövo'iröhe jöhoje.*

<sup>33</sup> Jemë hejarije hõjo uvavamu: Aëro a mamioho ëhi uëvare hõjo: Darugo'e jö jövoromo  
mu vae'i mae uavë'oho nadi ahonëjo. A'i diehi vae'i uavanëhi ëhi Badare nunoro vaenëjo.  
Ëhi uvamu hejarije hõjo.

<sup>34</sup> Röhu naro uëvájëjo: Mu vae'i mae uavë'oho nadi darugo'e jöho jövo'i ma-ahorirëro  
uanëjo. Nadi ö'idö ihoho uvoromo darugo'oho jövonëjo God hu böröme jioromo ë hijaje  
jiaje.

<sup>35</sup> Nadi ave sa'a ihoho uvoromo darugo'oho jövonëjo God-ro hesi hõroho ë bamoromo  
hijaje jiaje. Jerusalem amo ihoho nadi uvoromo darugo'oho jövonëjo böröme namijaje a  
hesi ame jiaje.

<sup>36</sup> Jasi simano ihoho nadi uvoromo darugo'oho jövonëjo. Simano si'öre gemu namijöro  
uvë'oho o simano ue rövë'e gemu namijöro uvë'oho ja bogo mae bogo eni javo'ajëjo.

<sup>37</sup> Ëhuni nadi simano ihoho uvo'irögoro ae ma-uërëjo: Iae na ë'ejöjo. O bogo ë'ejöjo. Jöe  
ruëre numëre ëma jövë'oho ëho hesi Satan-are jöho hõjo.

*I'u bogo mana bojami'iröhe jöhoje.*

<sup>38</sup> Jemë hejarije hõjo uvavamu: Urimo ëhi uëvare hõjo: Ae göehu gö hesi nune gemu  
bijioho hisivë'oho mana nune gemu bijioho hisivahonëjo. Ae göehu gö hesi ane gemu  
bu'uvë'oho mana ane gemu bu'uvahonëjo.

<sup>39</sup> Röhu naro uëvájëjo: Aehu sisë vaejavë'oho nadi nijio'iraerovonëjo. A'iro aehu a'isabi  
övo manörire anagë'iroho huotorovego a'isabi gönöhu'o anago'irajo.

<sup>40</sup> Aehu jasi niögu bae'i court-re baejavo va'ië'iroho jasi döre ba'amanue niögohu'o  
bojamego bae'irajo.

<sup>41</sup> Rome muorovo'e aehu uavë'oho: Ma-burëro ri'öromomo nasi inömoho baejago  
va'oromo ëhuro bamë uavë'oho jero huë baeromo ajamiromomo bamojoro uavade röhoho  
iosiramiroromo va'o numori'o bamahonëjo.

<sup>42</sup> Aehu jasi örire böviëni bise'ëni ëninamë'oho bojaminëjo. Ma-jahuri bae'i nimë'oho  
nadi nijio'iraenëjo.

*Nu huodaguarue aribövi huë baejëvo'iröhe jöhoje.*

<sup>43</sup> Jemë hejarije hõjo uvavamu: Urimo ëhi uëvare hõjo: Jasi ae gemuoho huë baenëjo.  
Ja'o muorovaje aho nue huodivonëjo.

<sup>44</sup> Röhu naro uëvájëjo: Jemë'ö muorovarue aribövioho huë baejëvorëjo. Jemë mu sisë  
vaejëvarue ariböviohuni God-are öroro ëninamirëjo.

<sup>45</sup> Jemëhu ëhi ë'ë'oho Vavue ö'idöre hijaje hesi aboji harihu'o mae jëvo'ajëjo. Ëhesi  
bëhohe Vavuehu maja ëni nugö'öjajöho bogo a mahuni gemu nugö'ö'i a mahu'o a sisëhu'o  
aho'o jabuni röromomo nugö'öjaje hõjo.

<sup>46</sup> O jemë huë baejëvarue aganhemu huë baejëvë'oho rabëni uvorëjo: Ëhuni God-  
ro suorovo mabëhe bojamui'ajëjo. Jemë'ö uehorovorëjo. Vajiohu'e tax baeruomaje  
aribövioho jabu'o ëhi jabesi aganoho huë baejëvarue hõjo.

<sup>47</sup> O jemëhu jemesi ö mueno'emu rajëhijë'oho rabëni nimorohoromo uvorëjo: No ae  
aho'obëhe iosirëmiromomo mu ma-mabëhe vaejë'e javuajëjo. Jemë'ö uehorovorëjo. God-  
are jö bogo hejë'e aribövioho jabu'o iae ëhi gemuoho ë'oromo jabesi ö mueno'ohemu  
rajëhijarue hõjo.

<sup>48</sup> Ëhi jië'e jiaje jemesi Vavue ö'idöre hijajehu mu bövi bise'ö ma-mae vaejajëhi jemë'ö  
ëhi avoho vaerëjo.

## 6

*Bogo aehu göjoro suvuoro bojëmi'iröhe jöhoje.*

<sup>1</sup> God uehorovaruje mu vaejè'iroho gavè'iajo. Nadi a nuniroho è muoho vaerego èhuro aèro jemè gè'irarèjo. A nunire vaejè'oho jemesi Vavue ò'idòre hijajohuro suvuoroho bogo mana bojèmi'ajèjo.

<sup>2</sup> Èhi jì'e jiaje mae sisè bogojì'e a huè baeromo suvuoro bojèmi'iè'iroho nadi sinemuoho nimorohoromo hégòe huanovoromo uvorèjo: Suvuoro'e ae jevajoho ro gehèjo. Hesi dòhemu mae jio'amaje aribòvi jabesi mue hòjo. Èho jaburo God rajahijarue osare raromoro o òrire jijihoromo èhi a nunire nimorohè'i suvuoroho i'imèmarue hòjo aèro jabumè rajèhijòro. Ròhu aveho na jò mae uèvajèjo. Jabesi iho dòre jiajoho èho jabu jabesi manaho mami'e ma-ioro'ioeremu bae barèjè'e hòjo.

<sup>3</sup> A'i jemèhu huè baeromo a ajèmijè'iroho òvo maehu ae ajèmijè'oho nadi adoho huruoho majahi'i

<sup>4</sup> jasi ma-saginièri aho ajèminèjo. Ma-saginièri ajèmijè'oho Vavue jaehu saginièri vaejègo gavajohuro jasi manaho iae bojami'ajèjo.

*Diehi pari vae'iròhe jòhoje.*

<sup>5</sup> O jemèhu God-are òrire jò atè'iroho ma-dòhemu mae jioruomaje aribòvieuu vaejaruèhioho nadi èhioho vaerèjo. Jabumèro God rajahijarue osare o òri duvahore riravoromo parie vae'i nimoruomaje hòjo aèro gèjòro. Ròhu aveho na jò mae uèvajèjo. Jabesi iho dòre jiajoho èho jabu jabesi manaho mami'e ma-ioro'ioeremu bae barèjè'e hòjo.

<sup>6</sup> A'i jemèhu God-are òrire jò atè'iroho jero jasi sivue osaro va'oromo ojoho tugohoromo parie vaejègo jasi Vavue gurihiro hijajohuro he'irajo. Èhi'oromo pari vaejè'oho jasi Vavue jaehu saginièri vaejègo gavajohuro jasi manaho iae bojami'ajèjo.

<sup>7</sup> O pari vaejè'oho nadi ruèroho numèroho ma-atobe va'orèjo. Hesi God-are jò bogo hejè'e aribòvieuu uvoruomaje hòjo: Nani noehu jò ègobòvi jaguromo majèhijè'oho èhuro aru'aho masijohuro avoho he'a'aruèjo.

<sup>8</sup> Jabuhu pari vaejaruèhioho nadi èhioho è'orèjo. Bogo pari vaejaruje majare jemesi Vavuohuro jemesi huè vavaenoho huro urimo gavaje hòjo.

<sup>9</sup> Èhuni jemèro jòho nadi èhioho jagu'irògoro a'i avièhi jì'e jòho majahiromo parie vaerèjo. Uarèjo:

Nosi apajo. Ò'idòre hijanuoho

jero ae aho'obèhe nosi dè vòvòbajo'oho avohahuego  
noro ja gemu mae uehorovavo'irarèjo.

<sup>10</sup> Jero bòròme namiromo aho'obèhe muebejavuego  
no jasi aharire gemu raromo'irarèjo.

Jasi aharire gemu raromoro jaehu nimanuoho ruhe ò'idòre mae ejaharuèhi  
ave sa'arohuro èhi ejaho'irarèjo.

<sup>11</sup> Nosi ioho jaruvo i'imamuijègo no ue'ahego da'uaguajo.

<sup>12</sup> Nosi sisèho uehorovoromo vuonugonèjo.

Ae gòehu no sisè vaejavuego noehu uehorovoromo vuonugaruèhi jero èhi ajamuinèjo.

<sup>13</sup> Nadi vòrò'eroho ramuego rireromavuo'i

a'i ajamuinego A Sisèho bogo ruahò'òjavuo'irajo.

<sup>14</sup> Èhesi bèhoho jemèhu a jabesi sisè uehorovoromo vuonugè'oho èhuro jemesi Vavue ò'idòre hijajohuro jemesi sisèhu'o uehorovoromo vuonugo'ajèjo.

<sup>15</sup> O a jabesi sisè bogo uehorovoromo vuonugè'oho jemesi Vavuohuro jemesi sisèhu'o bogo uehorovoromo vuonugo'ajèjo.

*Bogo aehu gòjòro God uehorovo'i i vuonugo'iròhe jòhoje.*

<sup>16</sup> O jemèhu God uehorovo'i i vuonugè'iroho dòèremu mae jì'e aribòvieuu nu ano'e sisèrèrovaruèhioho nadi èhioho è'orèjo. Èhesi bèhoho dòèremu mae jì'e aribòvieuu i vuonugè'oho jabesi nu ano'oho ijumorovarue hòjo aèro gèjòro jabuhu i bogo ijaruoho. Ròhu aveho na jò mae uèvajèjo. Jabesi iho dòre jiajoho èho jabu jabesi manaho mami'e ma-ioro'ioeremu bae barèjè'e hòjo.

<sup>17</sup> O jaehu i vuonugè'oho jasi sine bòvie bise'e avohorovoromo ninugu'e jovèro simanoro otehoromo nu ano'oho u'orovonèjo.

<sup>18</sup> Èhi è'è'oho aho bogo ga'a'aruèjo ja ioho vuonugè'e javo'iramu ga'i jasi Vavue gurihiro hijajohuro huro sivue ja ga'a'ajèjo. Jasi Vavue jaehu saginièri vaejègo gavajohuro jasi manaho iae bojami'ajèjo.

*Ave sa'are bogo a'i ò'idòre inòmo babaenemi'iròhe jòhoje.*

<sup>19</sup> Ròhu ave sa'aroho nadi inòmoho aho'obèhe jemesi sinènioho avohoromo babaenemirèjo. Sa'aroho inòmoho dè'irae'amaje hòjo. Majo majèro tarivo'amaje hòjo. Vajiohu'e aribòvièro osaho dadovoromo ujuoharue hòjo. A'i ò'idòro avoho babaenemirèjo.

Ö'idöroho inömo bogo dë'irae'amaje höjo. Majo majoho bogo tarivo'amaje höjo. Vajiohu'e aribövioho bogo osaho dadovoromo ujuoharue höjo.

<sup>20</sup> Inömo inömo nadi jemesi sinënioho gemu bahi'i God-are öroro bojamego huro hesi öri ari'ere bahi nugëho'irajo. Èhi jië'oho majo majoho bogo tarivo'amo'ajëjo. Bogo dë'irae'amo'ajëjo. O vajiohu'e aehu ojo dadovoromo inömo ujuoho'iröhohoho bogojio'ajëjo.

<sup>21</sup> Jasi mae sisë dinö'e jiajire jasi dë vövöbajo'oho è gemu jio'a'ajëjo.

*Sino haho'o hesi iroho nuni jiaje uhu jöhoje.*

<sup>22</sup> Jasi sino hesi iroho nunoho höjo. Jasi nuni mae jië'oho èhuro aji maro hi'a'anuëjo.

<sup>23</sup> O jasi nuni sisë jië'oho èhuro ja ramoramoro hi'a'anuëjo. Èhesi bëhoho naro uëromo è'ajëjo: Jasi uehoro ramoramovavë'ohuro èhuro ramoramoro maro hi'a'anuëjo.

*Monie iruno'e niögu suhi'e è hesi jöhoje.*

<sup>24</sup> Ae niö'i börömo gemuho jëvajeromo jabesi mu gemuore havoromo vaejë'oho bogo eni javo'ajëjo. Ja göho nue huodivo'i göho rajahi'anuëjo. O göho mae uehorovo'i göho bijönimo'anuëjo. Èhesi bëhoho God'o moni'o niö'i börömo gemuho jëvajeromo gemuore havoromo mu vaejë'oho bogo eni jëvo'ajëjo.

<sup>25</sup> Èhuni uëvajëjo: Nadi uvorëjo: I jovo'o rabe ue'ahoromo bogo vuovo'i biririvoromo raromo'ejarëjo. O uho niögu'o rabëro sino haho'oho riogivo'ejarëromo nurunurumorëjo. Èhesi bëhoho ioho ma-bise'e jio'i jemëhu biririvoromo raromarujoho èho börömo höjo. Uho niögu'oho ma-bise'e jio'i sino haho'o jëvajoho èho börömo höjo.

<sup>26</sup> Röhu ugehu döre va'aruoho uehorovohëjo. Noehu è'aruëhioho ugoho bogo èhioho iruno'oho bivo'i o bogo gagovo'i o bogo ujuohoromo osaroho ro avoho bahjarue höjo. Bogo èhioho è'oruomaje höjo röhu jemesi Vavue ö'idöre hijajohuro ugoho mio'amaje höjo. Röhu jabumë ma-bise'e jio'amo'i jemë masijo mae jëvajëjo. Èhuni hu jemë'o avo'avoho muebejëvo'ajëjo.

<sup>27</sup> O jemëhu uvë'oho: No diehi'oromo ave sa'aroho majae ègo'o raromo'ejarë uvoromo nurunurumë'oho na èhuro jemesi vuovo'irarije majaho iosiramiro mo ruëhi ma-bisemu gö'o raromobe va'orëjo. Bogajo.

<sup>28</sup> O niögënioho rabëni nurunurumarue höjo. Bëhoho bogohöjo. Je'ore resu resuehu diehi'oromo ri'amaruoho èhu'o uehorovohëjo. Aehu mu vaeromo niögu avoharuëhioho resu resuoho bogo èhioho è'arue höjo.

<sup>29</sup> Bogo èhioho è'arue höjo röhu ave resu resuohuro ma-mabëhe kavuego garomo nosi dëho vüevauaje höjo. Naro jemë uëvajëjo: A böröme Solomon niögu ma-mabëhe io'amonövadoho èho ma-jianovo'i ave resu resuohuro èhi ma-mabëhe mae kavuo'amaje höjo.

<sup>30</sup> Jaruvéhi resu resuoho rijego nërëhi èhi aëro jahoromo vëniro huo'amarue höjo. Röhu èhi jië'e resu resuoho God-ro muebejeho marëromo kavuo'amaje höjo. Resu resuoho ma-bise'e jio'amo'i jemë masijo mae jëvajëjo. Èhuni uvorëjo: Hu no'o avo'avoho muebejavuoromo uhe niöge i'imamui'ajëjo. Nurunurumarujoho God bogo ma uehorovaruje ariböviohö jëvajëjo.

<sup>31</sup> Èhuni nadi uvorëjo: No i rabe jovo rabe i'ejarëjo. O niögu rabe io'amo'ejarëromo nurunurumorëjo.

<sup>32</sup> God-are jö bogo hej'e raromarue ariböviohuro ie jove bövie bise'e èhuremu uehorovoruomaje höjo. Röhu jemëro nadi èhioho è'orëjo. Jemesi Vavue ö'idöre hijajohuro iae mae garomo uvajëjo: Jemë iëro jövëro rabëro èhuro biririvoromo raromarujëjo.

<sup>33</sup> Èhuni nadi èhemuoho uehorovo'i a'i God-hu böröme namiromo muebejëvaje muoho noehu vaejëro huhu nimaje muoho èho nunoro bamorëjo. Èhi è'è'oho God-ro jemesi aru'ahoho muebejëvoromo röhu ie jove niöge givae bövie bise'e èhu'o romoromoro bojëmi'ajëjo.

<sup>34</sup> Èhuni nëröhunioho nadi nurunurumorëjo. Nëri evare è maja hesi muoho uehorovo'arujëjo. Majae gemu hesi huë vavaene jaruvo majae gemu uehorovarujoho höjo. Èhuni nëri hesiroho nadi nurunurumorëjo.

## 7

*Bogo döro bamorovoromo a jabesi sisë mevo'iröhe jöhoje.*

<sup>1</sup> Röhu nadi döroho bamorovoromo a jabesi sisëho mevorëjo. Jabesi sisë bogo mevë'oho God'o jemesi sisëho bogo mevo'ajëjo.

<sup>2</sup> Jemë diehi jië'e uehoro baeromo mevarujëhi God-ro èhi jië'e uehoroho baeromo mevëho'ajëjo. I'u'e mae bojamë'ohuro èhuro i'u'e mae bae'a'arujëjo. O bisemu bojamë'oho bisemu bae'a'arujëjo.

<sup>3</sup> Ja diehi'oromo ijo ugobajo'e biseharihehu isiare nunire namijajoho ga'i ijo börömehu jasi nunire namijavajoho bogo gavanuëjo.

<sup>4</sup> Jasi nunire ijo börömehu tugohavë'oho ëhu'oho ja rabëni jasi aemo'aemoho uanëjo: Ë'ego na jasi nunire ijo ine namijavajoho jahahöjo.

<sup>5</sup> Sareri ae javajëjo. Jasi nunire ijo börömehu tugohavajoho jero urimo jahonëjo. Jahonugoromo evare avoho garomo ijo ino harihoho isiare nuniroho jahaho'anuëjo.

<sup>6</sup> Röhu God-are inömo maho nadi öho mëm'i jemesi nieniaho nadi mahu nuniroho ruruhö'örëjo. Ëhi ë'ë'oho jaburo önu bijö'ëro vaenugoromo evare huotorovoromo jemë umijëvo'ajëjo.

*Biririvoromo God ua ga'iröhe jöhoje.*

<sup>7</sup> Röhu biririvoromo God ua garëjo. Biririvoromo ua gavë'oho ujuoho'arujëjo. Biririvoromo nahorëjo. Nahë'oho biroho'arujëjo. Ojoho ano'anovorëjo. Ano'anovë'oho God-ro jiovëho'ajëjo.

<sup>8</sup> Ae rahu ua gavë'oho ujuohoruomo'ajëjo. Nahë'oho birohoruomo'ajëjo. Ano'anovë'oho ojoho jiovëho'ajëjo.

<sup>9</sup> Nasi jö hejarujoho ae gö vavu ömo'ömo'e jëvajëjo. Jemesi harihehu uëvë'iroho: Ie bojemego na ijö uëvamu hejë'oho na jemë sareramiroho munë bojamirëjo.

<sup>10</sup> O uëvë'iroho jovo mie bojemego na ijö uëvamu hejë'oho na jemë sareramiroho sigobu sisëho bojamirëjo. Bogajo. Jemë i mae i'imami'arujëjo.

<sup>11</sup> Jemë sisë aribövie jëvajëjo röhu jemesi aboji harihu'o avoho suvuorëmi'irarije öroho iae gavaruje höjo. Jemë sisë jëvo'i ö'idöre hijaje jemesi Vavuho mae jiaje jemëro biririvoromo uvorëjo: Hu maëro jië'ëro ae rahu ua gavë'oho suvuoro mabëhe bojamuinövo'ajëjo.

<sup>12</sup> Ëhi jië'e jiaje jemë ae göehu diehi vaejëvojöro nëgë'oho jemë'o ëhi jië'e muoho ae gö jabesi öroho vaejëvorëjo. Ëhi jië'e mu vaejë'ohuro ëhuro Moses-are surire jögorohu'o jö God-aro baeromo majëhinövare surire jöhu'o ë jö hesi bëhohe ejëho'arujëjo.

*Ojo harihure rumo va'iröhe hesi jöhoje.*

<sup>13</sup> Röhu ojo harihoro rumo va'orëjo. Vëni'ere va'arue ojoho öroho börömëro jië'ëro ëhu'ëro ae aho'obëhe ë va'oruomaje höjo.

<sup>14</sup> A'i maro raromoröhe ojoho öroho biseharihe jië'ëro hesi ae ma-gemuëro gemuëro bihorohomo ë va'arue höjo.

*Jö majahuijarue ae gö jabesi mure garomo uvo'ëjo: Sareri jöe majahuijaruëjo. Ëhesi jöhoje.*

<sup>15</sup> Gavë'i raromorëjo. Aëro rueromo God-are jöho huotohuotovoromo majëhijego ejëhojöhëni uëvajëjo. Jabumë ma-döhemu sheep va'ëne jio'amo'i uhoho vörö'e mioho va'ëne jio'amajëjo.

<sup>16</sup> Jabesi mure garomo uvo'a'arujëjo: Ëaribövioho God-are jö sareri'e majahuijarue aribövioho jioruomajëjo. Rihu'e grape bajo uro'ië'iroho ë ö'iremu uro'i bibë'e ijo sisëroho bogo uro'a'anuëjo. O meso böso uro'ië'iroho mesoremu uro'i bibë'e resu sisëroho bogo uro'a'anuëjo.

<sup>17</sup> O ijo mahuro bajo mae rae'i ijo sisëhuro bajo sisë rae'amaje höjo.

<sup>18</sup> Ijo maho bajo sisëho bogo rae'i ijo sisëho bajo maho bogo raejaje höjo.

<sup>19</sup> Ije aho'obëhe bajo bogo ma raejë'oho huo'öromö vëniro ruruhö'öjarue höjo.

<sup>20</sup> Ëhu'ëro jië'ëro jabesi mure garomo uvo'a'arujëjo: Ëho jaburo bogo rae avohë'ëro God-are jöho bogo avoho majahuijarue höjo.

*Bogo Bada ma-döëremu uvarue a'i Vavuehu nimaje mu vaejarue ariböviehu God-are öri ari'ere va'iröhe jöhoje.*

<sup>21</sup> Aëhu na uevaruoho: Bada Bada uevaruoho ioro'iorohuremu God-are öri ari'eroho va'oruomo'ajëjo. Ioro'ioroho bogajo. A'i ae rahu nasi Vavue ö'idöre hijaje aëhu nimajoho ë'ë'ohuro ë ariböviohuremu ëho va'oruomo'ajëjo.

<sup>22</sup> Ëmajaho rue'iramu ae aho'obëhe ueruomo'ajëjo: Bada Badajo. Noro jasi ihore God-are jöho majëhiromö Satan-are sisë aribövioho a dëroho rarovö'öjëvoromo mu masijoho aho'obëhe vae'amare höjo.

<sup>23</sup> Vae'amare hö'iramu evare naro uë'ejöjo: Na jemë bogo gëvode höjo. Bogo mae bogajo. Jemë mu sisë vaejaruje aribövie jëvaje ëhuni rori'o va'ohëjo.

*Simano ma'e ahu'o simano sisë'e ahu'o javu vaejare uhu jöhoje.*

<sup>24</sup> Röhu naëhu jövaje jö ae rahu ejehajoho ëhi jië'e a hesi jöho naru uhu'e majëhi'ië'ajëjo. Simano ma'e ae gemuëro javuoho munë'e sa'are vaejade höjo.

<sup>25</sup> Vaejê'ëro ëni bôrômëro jovo bôrômëro buru bôrômëro rueromo ë javuoho anade hõjo. Anamu bogo buevade hõjo mun'e sa'aro vaejê'ëro. Nasi jô ejehaje aho ë simano ma'e aho va'ëne hõjo.

<sup>26</sup> A'i naehu jövaje jô ae rahu heromo bogo ejehajoho ëhi jiê'e a hesi jôho na majêhi'ie'ajêjo. Simano sisê'e ae gemuëro javuoho nie'ure vaejade hõjo.

<sup>27</sup> Vaejê'ëro ëni bôrômëro jovo bôrômëro buru bôrômëro rueromo ë javuoho anamu buevade hõjo. Buevoromo sa'are nemoromo garahör'öe baejade hõjo. Ahia mino'ëjo.

<sup>28</sup> E'jôho Iesuro majêhi barëjãmu ë tagavare ariböviohuro heromo tiöromoma uvoromadaje: Hesi jôho darugo'e jô ma-mabêhe javavajêjo.

<sup>29</sup> E'hi uvoromadaje hesi bëhoho jabesi jögoru öri røjêhijarue ariböviehu røjêhijarêhioho hu bogo êhioho majêhi'i a'i hesi birire baejê'ëro jôho majêhijadeje.

## 8

### *Iesuhu sino jomo'e a ajamade jôhoje.*

<sup>1</sup> Iae Iesuro dahorure abuejadeje. Abuejamu gagorovo ae aho'obêhe hu rihromoromadaje.

<sup>2</sup> Rihromoromo sino jomo'e ae gemuëro hu bihoromo ague aho hiromo uavadeje: Bada ja nasi sino avoheho'irano ho ja eni javajêjo. E'huni jasi nimoromo ajemijê'ohuro iae ajemi'anuêjo.

<sup>3</sup> Ajemi'anuêjamu Iesuro övoho nugöl'öromoma sinoho rëhahoromo uavadeje: Iae na negajêjo ajami'iro. Marêjêjo. Marêjê uavamu gavê'i jomoho rireromoromo hesi sinore sisê sisêho barëjadeje.

<sup>4</sup> Sisê sisêho barëjamu gagorovo Iesuro uavadeje: Aveho hejêjo. Nadi aho uënêjo. A'i ma-va'irano ho jasi sinoho priest røjahijego ga'irajo. E'hi'oromo Moses-hu uövuade ëhi jiê'e suvuoroho God-are öroro bojamego aëro garomo uvo'irarêjo: Jasi sinore sisêho barëjê'ëro iae mae javajêjo.

### *Iesuhu Rome rajo hesi mu vaejaje a avohade jôhoje.*

<sup>5</sup> E'hi'onugoromo Iesuro va'o Capernaum amore höröjadeje. Höröjamu Rome raje muorovo simano vaejaje ahuro rueromo uavadeje:

<sup>6</sup> Bada nasi mu vaejahaje aho guomo guome jioromo vi'ehe sisê maro baeromo bogo vuodovê'e ma-röhoremu raromajêjo. Na ja ajaminêjo o bogajo.

<sup>7</sup> Bogajamu uavadeje: Iae na ja'o ö'oromo hesi sinoho ajami'ejôjo.

<sup>8</sup> Ajami'ejöjamu rue simano vaejaje ahuro uavadeje: Bada iae mae hõjo röhu na ae mabise'e jevoromo sisê jevê'e jaehu nasi osare ö'ë'ohoho bogo maehu hõjo. A'i ma-jö'ëro jöe jövego nasi mu vaejahaje aho marê'irajo.

<sup>9</sup> Ma-jö jövego mu rovaje hesi öroho iae na gavê'e jevajêjo. E'hesi bëhoho na nasi a masijo jabesi aharire jevê'ëro jabesi jôho ejëhoromo muoho vae'i muorovo aribövioho nasi aharire jevê'ëro nasi jôho ejëhoromo muoho vaejarue hõjo. Naehu muorovo ae gö uavê'oho: Va'ë uavê'iroho iae hu va'aje hõjo. O muorovo ae gö uavê'oho: Rovê uavê'iroho iae hu rovaje hõjo. O nasi mu ajemaje a uavê'oho: Mue ëhi ëhi vaejê uavê'iroho iae hu ëhi vaejaje hõjo. E'hu'ëro jô jövego mu rovaje hesi bëhoho iae na gavê'e jevajêjo. E'huni uavajêjo: Ma-jö'ëro jöe jövego marêjajo.

<sup>10</sup> E'hi uavamu Iesuro heromo tiöjadeje. Tiöromoma hu rihromare aribövioho uëvadeje: Hu mabêhe uehorovevade hõjo. E'hi jiê'e aho na bogo birohê'e jevajêjo. Nosi Israel rajoho jabu'ö bogo êhioho mae uehorovevaruêjo. Iae na mae jövajêjo.

<sup>11</sup> E'huni uëvajêjo: Sa'a ioro'ioro raje ae aho'obêhe maja rojomajire beva'ajire jioromo God-are öri ari'ere va'oromo Abraham Isaac Jacob jabu'ö gemuore raromoromo ie ue'ahoruomo'ajêjo.

<sup>12</sup> A'i Israel raje God-are öri ari'ere va'o raromo'iröhe röho jiêhajoho God-ro Israel rajo a ioro'ioroho babu'öjêvo'iramoma ëho bogo va'i rori'ö ramoramoro va'a'aruêjo. E'dirö'ore ae aho'obêhe nierusuburu'e bamoroma ane ja'ïho vuogigimoruomo'ajêjo.

<sup>13</sup> E'hi uënuoromo Iesuro ë simano vaejaje aho uavadeje: Va'onêjo. Diehi jio'iröhego jaehu mae uehorovanêhi iae ëhi jiaho'ajêjo. E'hi uavamu gavê'i evare hesi aho marêjadeje.

### *Iesuhu ae aho'obêhe jabesi sino ajëmade jôhoje.*

<sup>14</sup> E'hi'onugoromo Iesuro Peter-are osare va'adeje. Va'oromo gavadeje Peter-are jure magonahoho sine vörö'irae'ego röhore raromamu.

<sup>15</sup> Raromamu gagorovo Iesuro magonaho hesi övoho rëhahamu vöröho u'uhadeje. Vöröho u'uhamu hegorovo magonahohuro ri'öromoma Iesuni iruno'e avohahadeje.

<sup>16</sup> Ēhi'amu majae beva'amu gavē'i Satan-are a sisēhu dēre abue'amē'e aribōvioho aho'o aēro sō rovareje. Sō rovamu gagoro Iesuro jōe jōvoromo ajēmīromo Satan-are aribōvioho rarovō'ōjēvadeje. O guomo guomo'e aribōvioho aho'o jabesi sinoho avohēvamu marējēvadeje.

<sup>17</sup> Ēhi a ajēmade hesi bēhoho mamī'e jō God-aro baeromo majēhinōvade ae Isaiah-ro jajivoromo uvadeje:

Nosi guomo guomo hesi i'uoho huro nigemahu'e hōjo.

Nosi vi'ehoho rori'o bava'ē'e hōjo.

*A ioro'iorehu Iesuare ijore ijore jijihō'ia'amugo Iesuhu jō majēhijade jōhoje.*

<sup>18</sup> Ēhi'oromo Iesuro gavade ae aho'o hesi bēhire ruē numē tagavamu gēgorovo hesi ijorajo ōmo'ōmoho uēvadeje: Ruerego no e'u ionī gōnō va'irarējo.

<sup>19</sup> Ēhi uēvamu Jew rajo jōgoru ōri rōjēhijaje ae gemuēro rueromo Iesu uavadeje: Tisa ja dinō'e dinō'e va'ē'iroho na jasi ijore ijore juvonōvo'ejōjo.

<sup>20</sup> Juvonōvo'ejōjamu Iesuro ē aho uavadeje: Jero nasi ijore ijore juvo'i uevanuējo rōhu je'o majehu sa'a gagore rōho avohoromo mare raromaruoho iae jiajējo. O je'o ugehu iju vaeromo mare raromaruoho iae jiajējo. A'i God-are A Ma naehu niavaje hijaje osaho bogojevajējo. Nadi uvonējo: Nōrō'o hibe juv'ē'oho mae hibe juvo'ejōromo nasiriroho ruenējo.

<sup>21</sup> Ēhi'amu Iesuare ijore ijore juvaje ae gōēro ri'ōromo Iesu uavadeje: Bada uevego na nimo vuonorō'ō va'oromo nasi vavuoho guavo'irōjo. Guavoromo hujeji evare jasi ijore ijore juvo'irōjo.

<sup>22</sup> Juvo'irōjamu Iesuro uavadeje: O-ajo. Jero nasi ijoro ijoro juvējo. Vuonugego vuovo ōrire jijiharue aribōviohuro jabesi aribōvioho guavo'amo'irarējo.

*Iesuhu uavamu jovo bōrōmehu ruhosōjade jōhoje.*

<sup>23</sup> Ēhi'oromo Iesuro boat gagore ajio hijamu hesi ijorajo ōmo'ōmohuro hu'o ajio gemuore raromoromo va'areje.

<sup>24</sup> Va'ihō gavareje e'u dōre buru bōrōmoho rueromo jovoho hasa'ego boat gagoho abo rarovamu. Abo raro'vo'i rōhu Iesu niavē'e jiadeje.

<sup>25</sup> Iesu niavē'e jiamu gagorovo va'o ioromo uavareje: Bada ajamuējo. Vuovavuo'iē'ajējo.

<sup>26</sup> Vuovavuo'iē'ajējamu uēvadeje: Jemē rabēni juhuonivarujējo. Jemē God bogo ma uehorovaruje aribōvie jēvajējo. Ēhi uēnugoromo ri'ōromo burohu'o jovohu'o uēvadeje: Vuonugohējo. Vuonugohējamu jovoho u'uhoromo ma-jōrume ruhijadeje.

<sup>27</sup> Ma-jōrume ruhijamu gavē'i ruoho jaburo uarovareje: Ave aho diehi jiē'e ae hōjo. Huhu uēv'ē'oho bogo aēremuoho ejaho'i burohu'o jovohu'o jabu'o hesi jōho ejaharue hōjo.

*Aru'aho sisē ae niō'i jabesi dēroho Iesuhu rarovō'ōjēvade jōhoje.*

<sup>28</sup> Ēhi'onugoromo Iesumēro va'aroho va'o e'u ionī gōnō Gadarene rajo jabesi sa'are va'o baboro bejareje. Baboro bejamu gavē'i ae niō'iro guavo'amarue juju gagore arijē'ēro rueromo Iesu birohareje. Rōhu ē ae niō'ioho Satan-are a sisēro dēre abueruomē'ēro jiē'ēro vōrō ma'e jēvadeje. Ēhuni ae aho'obēhe juhuonivareje ē ōrire jijihō'irōhoho.

<sup>29</sup> Ēhi jiē'e vōrōho jēv'ē'ēro birohoro ma-darugo'o uvareje: God-are Harihoho ja rabēni sihusihuaguo'i rovane hōjo. Noehu i'u bae'irōhe majaho bogo rovē'e na ja ēma ōri'ahoro huē sisēho vi'ehoho bojamui'i rovane hōjo. O diehi'avuo'i rovane hōjo.

<sup>30</sup> Rovane hōromo gavare aruhēre mahe aho'obēhe gemuoro ie ue'ahamu gagorovo

<sup>31</sup> Iesu uavareje: Ja rarovō'ōjavuogorovo uōvuego no suorovo va'oromo aruhe mahu jabesi dēre va'o abuejarējo.

<sup>32</sup> Abuejarējamu uēvadeje: Ēhuro va'ohējo. Va'ohē uēvamu hejē'i ē ae niō'i jabesi dēre jioromo suorovo va'oromo ruhe mahu jabesi dēre abueruomadeje. Abueruomamu ē mahohuro aho'obēhe baradore va'o rireromoromo e'ure siō ruruhō'ō va'oromo jove ue'ahoromo vuovadeje.

<sup>33</sup> Vuovamu gavē'i mahu muebejarue aribōviohuro huruomomoromo amore va'oromo ae uēvareje: Aru'aho sisēhu dēre jēvade aho ēhi marējēvohijajo. O mue gō gō ēhi ēhi ruhijajo.

<sup>34</sup> Ēhi majēhijamu ae aho'obēhe heromo Iesu biroho'i rueruomadeje. Rueromo garomo uavareje: Ave sa'aho vuonugo'i va'ējo.



<sup>1</sup> Ĕhi'amu Iesuro boat gagore ajiomoromo jovo döre va'adoho va'o hesi amore ravo'amadeje.

<sup>2</sup> Amore ravo'amamu gagorovo övo höru'e vuovahë'ëro hesi maratuore raromaje aho aëro giojimo barovareje. Barovamu gagorovo Iesuro gavade jaburo hu mae uehorovamu gëgorovo övo höru'e vuovahë'e aho uavadeje: Harihohajo. Ma-biririvëjo. Jasi sisëho uehorovoromo vuonugoromo mu'u barëjahë'e höjo.

<sup>3</sup> Mu'u barëjahë'e höjumu hegorovo jögoru öri röjëhijarue a ioro'iorohuro uehorovoromo uvareje: Asë'ëjo. Ave ahuro God-are ihoho ijumajëjo.

<sup>4</sup> Ĕhi uvamu Iesuro gëromo uvadeje: Jabumë ĩhi uehorovarüëromo uëvadeje: Jemë rabëni uehoro sisëho baejarujëjo.

<sup>5</sup> Jemë'o uehorovohëjo. Nani ja ae ëma ua'a'anuëjo: Jasi sisëho uehorovoromo vuonugahë'e hö ua'a'anuëjo. Ja ĩhi ua'ibejanëjo aho nunoho bogo ga'ibejarëjo ja mae o sarere jövë'e javego. Röhu ja bogo ëma ua'a'anuëjo: Ri'öromo nami juvëjo hesi guomo guomoho bogo barëjega ja javojagojëni.

<sup>6</sup> Röhu ë bogo ëma jövë'ibejane jöho iae na jövë'ejöjo huro ejehoromo ri'ö nami juvego jemëro ë muoho garomo ëhuro ga'irarijega God-are A Maho naro sa'are hijajire evare sisë mu'uvaje darugoho baej'e jevego. Ĕhi uënugoromo röhu övo höru'e vuovahë'e aho uavadeje: Ri'öromo raromanue maratuoho banigojiomoromo baeromo jasirëro va'ëjo.

<sup>7</sup> Va'ëjumu iae ri'öromo hesirëro va'adeje.

<sup>8</sup> Va'amu gavë'i ë ariböviohuro juhuonivoromo uvoruomadeje: God-ro ma-ae uavamu mu böröme ë'ade höromo God rajahiruomadeje.

*Iesuhu uvamu Matthew-hu aevoromo hesi ijore ijore juvade jöhoje.*

<sup>9</sup> Ĕhi'amu Iesuro va'adeje. Va'i gavade tax baejaje ae hesi ihoho Matthew hesi mu vaejaje osare hijamu gagorovo uavadeje: Rueromo nasi ijoro ijoro juvonövonëjo. Juvonövonëjumu hegorovo ri'öromo aevoromo hesi ijore ijore juvonövadeje.

<sup>10</sup> Ĕhi'amu Iesumëro Matthew-are osare ie ue'ahamu evare tax baejarue ae aho'o sisë aribövie aho'o ëho jaburo rueromo Iesu'o hesi ijorajo ömo'ömo'u'o gemuoro ioho ue'ahareje.

<sup>11</sup> Ie ue'ahamu gëgorovo Pharisee ariböviohuro Iesuare ijorajoho uëvareje: Asë'ëjo. Jemesi börömo rabëni tax baejarue ariböviohu'o sisë a ioro'iorohu'o gemuoroho hiromo ioho ijajëjo. Ĕhi jië'o ho sisë höjo.

<sup>12</sup> Ĕhi jië'o ho sisë hö uvavamu Iesuro hu'o hegorovo ë Pharisee aribövioho uhu'e uëvadeje: Jemëhu nasi aribövi ĩhi uëvarujoho röhu guomo guomo'e ariböviohuremu doctor gavare höjo mae jëvë'e aribövioho bogajo.

<sup>13</sup> Va'oromo ave jö hesi bëhoho nahoromo bihororëjo. God-ro uvajëjo: Na negajëjo a huë bae'irarije muoho vaejoro mi suvuoroho bogajo. Naro sisë aribövioho nasinö jëvojoro uë'i rovode höjo ma-döemu mae jëvë'e aribövioho bogajo.

*Bëhoho rabëni Iesuare ariböviohu i bogo vuonugare jöhoje.*

<sup>14</sup> Ĕhi'amu John-are ijore jijiharue ariböviohuro rueromo Iesu uavareje: No'o Pharisee ariböviohu'o God uehorovo'i ie vuonugarue höjo. Noro ĩhi ë'arue höjo röhu jasi aribövioho rabëni bogo ëhioho ioho vuonugarue höjo.

<sup>15</sup> Rabëni bogo ëhioho ioho vuonugarue höjumu hegorovo Iesuro uëvadeje: Nasi ijore ijore jijiharue ariböviohu i bogo vuonugarue hesi bëhoho naru uhu'e uë'ië'ajëjo. Na jemëro uvarujëjo: I'o masuröhe a hesi söröre rueromo aemo'aemëro huë vavaene baerumo'ajëjo. Bogo ëhioho ë'i iae ie ue'ahoruomo'ajëjo. Röhu majae ijönö i'o masuröhe aho aëro guduumo bava'iramu evare ioho vuonugo'aruëjo. Avevejö'o ho naru jabu'o hijë'ego jabu ioho bogo vuonugo'aruëjo.

*Jew rajehu gororovo'iröhe jögoru mamiohu'o Iesuhu barovade mu i'ohu'o bogo gemuore havo'iröhe jöhoje.*

<sup>16</sup> Ĕhi uënugoromo Iesuro uhu jöe gö'o majëhiromo uëvadeje: Niögu i'ohu'o mamiohu'o bogo havo'anuëjo. Bogo havoromo niögu mami dadovadiroho niögu i'o hesi vituoho baeromo niögu mami hesi gagoroho bamoromo sigohi'anuëjo i'ohuro duduhivororomo ruho barovego böröme dadorovojëni.

<sup>17</sup> O wine jovo mi sino gagore bigu'ië'iroho jovo i'ohu'o mi sino mamiohu'o bogo gemuoroho havoromo jovo i'oho mi sino mamiroho bigu'anuëjo. Ĕhi ë'ibejanëjo jovohuro gatovoromo öghuro bibivoromo mi sinoho mamiëro jië'ëro tögömoromo dadorovego jovoho rova'ibejajo. A'i jovo i'oho mi sino i'o hesi gagoremu bigu'anuëjo. Bigu'iramu jovoho mi sinoho mae jio'amo'ajëjo.

*Iesuhu magonahe niö'i Jairus-are abojohu'o magonahe gö'o ajëmade jöhoje.*

<sup>18</sup> Iesuro ēhi uēvamu gavē'i Jew rajo a bōrōme gemuēro rovadeje. Rueromo ague aho hiromo Iesu uavadeje: Nasi aboje avevejō'e guomajējo. Jero rueromo jasi ōvoho hesi sinoro bamego i'ovajo.

<sup>19</sup> I'ovajamu hegorovo Iesuro ri'ōromo hu'o hesi ijarahajo ōmo'ōmohu'o ē a hesi ijore va'areje.

<sup>20-21</sup> Ōrire va'amu gavē'i magonahe gemuēro jabu'o va'adeje. Ēmagonahoho man-aero garorovade guomo guomoho bogo barē'i vadune aho'obēhe 12 baejē'ero jiē'ero uehorovoromo uvadeje: Na Iesu ma-niōgohuremu rēhē'ohuro ēhuro marējevo'ajēromo Iesuare dejonō rueromo niōgu viture rēhadeje.

<sup>22</sup> Rēhamu hegorovo Iesuro hutovoromo magonahoho garomo uavadeje: Abojējo. Nadi juhuonivo'i biririvējo. Jero na mae uehorovevamu ēhuro ja marējavē'e hōjo. Marējavē'e hō uavamu gavē'i marējadeje.

<sup>23</sup> Marējamu gagorovo Iesuro va'oromo ē a bōrōme hesi osare va'oromo gavade virikō vavaeni'e huosiharue aribōvioho ē raromo'i ae aho'obēhe darugo'o nierusuburu'e bamamu gēgorovo

<sup>24</sup> uēvadeje: Ae aho'o va'ohējo. Magonaho harihoho bogo guomo'i ma-niavajējo. Ma-niavajējamu hegoro rueho jaburo Iesu sivoromo ijo'ijahareje.

<sup>25</sup> Ijo'ijahamu huro ae aho'obēhe rarovō'ōjēvonugoromo magonaho hesi osare va'oromo ōvoho baejamu i'ovoromo ri'ōjadeje.

<sup>26</sup> Ēhi ē'ade jōho ē sa'aho aho'obēhe rumorovobe va'adeje.

*Ae niō'i nuni tugorohēvadoho Iesuhu ajēmamu marējēvade jōhoje.*

<sup>27</sup> Ēhi'amu Iesuro ē amoho vuonugo'i ōrire juvo va'adeje. Ōrire juvo va'amu gagorovo nuni sisē'e ae niō'iro rihhiromoromo uvobe va'areje: David-are ujoho bōrōme javaje jero noni vavaenimējo.

<sup>28</sup> Ēhi uvobe va'amu Iesuro osare va'adeje. Osare va'amu rue ae niō'iohuro rovaraje. Rovamu gēgorovo Iesuro uēvadeje: Na jemē mae uehorovoromo uvarujējo: Nōrō ajamui'irōhoho eni hōjo. Eni hōjamu uavareje: Bada io'ajo.

<sup>29</sup> Io'ajamu Iesuro nunoho rēhēhoromo uēvadeje: Ēhi jiē'oho jemēhu uehorovarujēhi iae ēhi jiēho'ajējo.

<sup>30</sup> Ēhi uēvamu gēgorovo nunoho marējēvamu mae uherihareje. Mae uherihamu gagorovo Iesuro darugo'o majēhiromo uēvadeje: Bogave aho uē'irarijējo.

<sup>31</sup> Ēhi uēvamu hegorovo ē ae niō'iohuro hō'ōromo va'oromo Iesuare jōho bogo ejaho'i Iesuhu jabumē ajēmijade jōho majēhibe sa'ae bōvioho jirehareje.

*Iesuhu bitaro tōvē'e a ajamade jōhoje.*

<sup>32</sup> Ēae niō'ioho jaburo ē osare jioromo hō'ōjamu gavē'i aēro ae gemu hu'irae baeromo rovaraje. Ēaho aru'aho sisē dēre jiē'ero jōrumo'e jiadeje.

<sup>33</sup> Jōrumo'e jiamu Iesuro ē aru'aho sisēho rarovō'ōjamu aho aevoromo jōe jōvadeje. Jōe jōvamu hegorovo ae aho'obēhe tiōromo uarovareje: Asē'e ēhi jiē'e muoho Israel sa'aroho bogo gavē'e javuajējo.

<sup>34</sup> Ēhi uarovamu Pharisee aribōviohuro uēvareje: Sisē a bōrōmohuro vōrōho bojamiyego ēhuro a dēre aru'aho sisēho rarovō'ō'amaje hōjo.

*Iesuhu ae aho'obēhe jabesi jōēni vavaenimade jōhoje.*

<sup>35</sup> Ēhi'amu Iesuro God rajahijarue osare osare God-are jō bēhoho rōjēhibe God-hu bōrōme namiromo muebejēvo'irōhe jō maho majēhibe guomo guome gō gō baejē'e aribōvioho avohēvobe ēhi'obe amo masijore ininore juvo barējadeje.

<sup>36</sup> Juvoromo ganōvade ae aho'obēhe tagavoromo huē vavaene baeromo sisē'i raromo'ego gēgorovo uvonōvadeje: Ēaribōvioho vēmu vavu rumo'e ō mahu'ero raromanovaruē uvoromo jabesi jōēni vavaenimonōvadeje.

<sup>37</sup> Jabesi jōēni vavaenimamu hesi ijarahajo ōmo'ōmoho uhu'e uēvadeje: Ae aho'obēhe nasinō sō rue'irōhoho ēho mure iruno'e gagovo'irōhoho va'ēne hōjo. Mure gagovo'irōhe iruno'oho bōvi mae jio'i gagovarue aribōvioho no ma-gemu gemu javuajējo.

<sup>38</sup> Ēhuni mu Arijo'oho ēninamiromo uarego huro ae gō'o rēmō'ōjego mure rueromo ajamuiromo iruno'oho gagovo'irarējo.

## 10

*Iesuare apostle 12 jabesi jōhoje.*

<sup>1</sup> Ēhi'amu Iesuro hesi ijarahajo 12-ho uēvadeje: Ruehōromo rovamu daruge bojēmiromo uēvadeje: Satan-are aribōviehu a jabesi dēre jio'amamu gēvē'oho rarovō'ōjēvego

suorovoromo va'irarëjo. Guomo guome gö gö baejë'e o sino haho'e u'uh'o'amë'e jiamu gëvë'oho avohëvego marëjëvo'irajo.

<sup>2</sup> Röhu hesi apostle aribövïe 12 jabesi ihoho aviëhije. Urimo Simon hesi iho göho Peter'lo hesi öho Andrew'lo ëhi jëvadeje. Göho James'lo John'lo ö'lo ö'lo Zebedee-are harihoho jëvadeje.

<sup>3</sup> Göho Philip'lo Bartholomew'lo jëvadeje. Göho Thomas'lo tax baenövade ae Matthew'lo jëvadeje. Göho James Alphaeus-are harihohu'lo Thaddaeus'lo jëvadeje.

<sup>4</sup> Göho Simon hu Jew rajehu jabesi mueberovo'i nimade aho jiadeje. Göho Judas Iscariot jiadeje. Judas Iscariot hu ijönö Iesuni hiruëmiromo a jabesi övore bojëmi'iröhe aho jiadeje. Iesuale apostle 12 jabesi ihoho ëhi jio'amadeje.

*Apostle 12 jabuhu va'oromo mu vaeröhego Iesuhu rëmö'öjade jöhoje.*

<sup>5</sup> Ëaribövïe 12-ho jaburo mue vaebe jijihoröhego Iesuro rëmö'öromo uëvadeje: Va'irarijoho sa'a ioro'ioro rajo jabisiriroho Samaria sa'a rajo jabesi amoroho nadi va'orëjo.

<sup>6</sup> A'i Israel rajo jabisiremu va'orëjo jabumë sheep-ëro öre sidövanovoromo ëma jijiharue jiaje.

<sup>7</sup> Va'oromo uëbe jijihorëjo: Iae ga'ië'arujëjo God-ro böröme namiromo muebejëvego.

<sup>8</sup> Ëhi uëbe guomo guomo'e aribövïoho ajëmibe vuovë'e aribövïoho i'ovëvobe sino jomo'e aribövïoho avohëvobe Satan-are aribövïehu a dëre jio'amë'oho rarovö'öjëvobe ëhi'obe jijihorëjo. A ajëmi'irarije darugo God-arire baejarijoho bogo manaho bojamarije höjo. Ëhuni manaho nadi bae'i aho ma-ajëmibe jijihorëjo.

<sup>9</sup> Gold ijo bajoho ajivë'e ijo bajoho rövë'e ijo bajoho göta esöroho nadi aegoromo ujuoho jijihorëjo.

<sup>10</sup> A ëninëmiromo ujuohoromo aego'irarije esöho nadi ujuohoromo jijihorëjo. Niögoho nadi göho ujuoho'i ma-gemu ruohoromo jijihorëjo. Höru guduoho nadi io'amoromo ijahoho nadi ujuohoromo jijihorëjo. Ëhi jië'e inömo inömohe nadi ujuoho jijihorëjo ë hesi bëhoho ae rahu mu vaeromo i mana baejë'oho iae mae jië'e jiaje.

<sup>11</sup> Va'irarijoho amo masijore o ininore suorovë'oho va'oromo a ma-maho nahorëjo. Nahoromo birohogorovo ë a hesi osaro raromonövorëjo ijönö ë amore jioromo va'ië'e jëvaje.

<sup>12</sup> Röhu osare rumo va'ë'iroho jejëmiromo uënövorëjo: Huë mae baerëjo.

<sup>13</sup> Huë mae baerëjamu hegorovo ë osare raromarue aribövïehu uëvë'oho: Iae mae hö uëvë'oho iae huë mae baeruomö'ajëjo. O bijönimë'oho uërëjo: God-are huë ma jö uëvodoho vuonugajëjo. Ëhu'ëro bogo bae'a'arujëjo.

<sup>14</sup> O di osaeu di amehu jemesi örire nu huodëgoromo jö bogo ejëhë'oho uvorëjo: Jabesi muoho bövïoho bise'oho sa'aho tohotohoho sisë höromo jabesi tohotohe jemesi hörue jiajoho riremö va'orëjo.

<sup>15</sup> Ave jöho na jö mae uëvajëjo: God-hu i'u bojëmi'iröhe maja rovë'iroho Sodom o Gomorrah amo rajo jabuhu i'u baeröhoho ma-jianovo'i a'i jemesi jö bogo eruomaje aribövïoho jaburo i'u börömo maho baeruomö'ajëjo.

*Aehu Iesuale aribövï huë sisë bojëmi'iröhe jö Iesuhu jövadohoje.*

<sup>16</sup> Aveho hehëjo. Naro rëmö'öjago jemë vaevë'e sheep harihunö'e vörö'e miehu jioruomajire va'ië'arujëjo. Ëhuni va'oromo sigobehu a gagoro ma-burëro ju'ebiromo va'ajëhi ëhi gavë'i jijihorëjo. O ugo ma-maeu hesi iemu iromo ma-taemo hijajëhi ëhi taemo raromobe va'orëjo.

<sup>17</sup> Ae gëvë'iajo. Jaburo guduamo ujuohëvo va'oromo jögoru muebejarue aribövï jabesi övore bojëmi'aruëjo. Jabuhu God rajahijarue osa göro göro hisuebijëvo'aruëjo.

<sup>18</sup> Gavana o sa'are a masijo gö gö jabesi nunire rëmo'iramu nasi jöëni ë riravoromo nasi jöho jabesi örire sa'a gö rajo jabesi örire majëhi'arujëjo.

<sup>19</sup> Röhu jabuhu guduamo ujuohëvo va'amü a masijo jabesi nunire riravë'oho nadi uvorëjo: Na diehi jöho majëhi'ejöjo. O rabu jöe majëhi'ejöromo nurunurumorëjo. Rabëni hesi bëhoho jö majëhi'irarije majaho rue'iramu evare majare God-ro ajëmiromo jöho röjëhi'iramu majëhi'arujëjo.

<sup>20</sup> Bogo jemëhu jöho majëhi'irögorö a'i jemesi Vavu hesi Aru'ahohuro jöho simanore bojëmi'iramu jemëro jöho majëhi'arujëjo.

<sup>21</sup> Röhu öhuro öho ae gö jabesi örire bojëminövo'aruëjo muo'amöjoro. Vavuohuro aboji harihu'oho ëhi gemuoho ë'a'aruëjo. Aboji harihu'ohuro ri'öromo ae uë'iramu vëmu vavu'oho muo'amö'aruëjo.

<sup>22</sup> Rõhu jemëhu na uehorovevarujohuni ae aho'obëhe jaburo jemesi õrire nue huodëgoruom'ajëjo. Rõhu ae rahu birivoromo mae uehorovevobe va'ojuvo maja barë'irõhe maja rovë'iroho God-ro baejëvoromo manõ bamëvo'ajëjo.

<sup>23</sup> Jemë amo göre raromamu aehu sisë vaejëvë'oho huruomoromo amo göro va'onõvorëjo. Aveho na jö mae uëvajëjo. Jemë Israel sa'are amo göre göroho bogo va'obarejë'e God-are A Maho na õ'ejöjo.

<sup>24</sup> Jö hejaruje aribövioho jö røjëhijaje aho na bogo iosiremiromo masijoho jëvajëjo. O mu vaejeharuje aribövioho mu simano vaejaje aho na bogo iosiremiromo döroho jëvajëjo.

<sup>25</sup> Èhuni jö røjëhijaje aho ae göehu huë vavaene bojemego naehu baejajëhi nasi jö hejaruje aribövieuhi èhi baejë'oho iae mae hõjo. O mu simano vaejaje aho ae göehu huë vavaene bojemego naehu baejajëhi nasi mu vaejeharuje aribövieuhi èhi baejë'oho iae mae hõjo. Èhesi bëhoho agano muebejëvaje aho na aehu uevaroho: Ja Beelzebul a sisë jabesi börröme javajë uevarohuni èhuni èhi jië'e ariböviohuo jemë nasi agane jëvë'ego jö sisë bëhi mae uëruom'ajëjo.

<sup>26</sup> Jö sisëho èhi uëruom'ajëjo rõhu nadi juhuonëmirëjo. Mue rabe gurihiro jia-joho aho'obëhe va'orahoro jio'a'ajëjo. Rabe rabe subivëhajoho aho'obëhe ma-samaro jio'a'ajëjo.

<sup>27</sup> Èhi jië'e jiaje naehu jöe rabe vahi'e saginiëri majëhijajoho ijönõ maja'e ë jöho ma-va'orahoro majëhirëjo. O saginiëri hia'ire majëhijego hejarujoho èho amo riroro majëhirëjo.

<sup>28</sup> Rõhu nadi uvorëjo: Èariböviohuo anagu'ajëromomo juhuonëmiromo jabesi jöho uehorovorëjo. Jemesi sinohemu muo'amë'oho eni jëvo'i jemesi aru'aho muo'amë'oho bogo eni jioruomë'e jiaje èhuni jabumë nadi juhuonëmi'i God juhuonamiromo hesi jöho uehorovorëjo. Huhu jemesi aru'ahohu'o sinohu'o vëni'e õri ari'ere babu'õjëvoromo ijumëvo'irõhoho hu eni jiajëjo. Èaho juhuonamiromo hesi jöho uehorovorëjo.

<sup>29</sup> A'i aho bövioho bise'oho nadi juhuonëmirëjo. Èhesi bëhoho God-ro uvajëjo: Jemë iae masije jëvajëromomo avo'avoho muebejëvaje hõjo. Monie ma-bisemu bu'õromomo ugo inine niõ'i imo'arujëjo. Rõhu jemesi Vavuoho bogo uvaje hõjo: Ugoho ininego bogo muebe'ejöjo. Bogo èhioho uvo'i ugoho muebe'amë'ego ugoho bogo gemu vadu'oho èma vuovoromo õ'idõroho jioromo sa'aroho rireromo rovarue hõjo. Vavuohuro gëvego rireromo rovarue hõjo.

<sup>30</sup> A'i jemë God-ro jemesi bövie bise'e aho'o muebejëhoromo rõhu jemesi simano uoho èhu'o adahëhoromo avo'avoho muebejëhaje hõjo.

<sup>31</sup> Èhuni nadi juhuonivorëjo uge aho'obëhe jio'amajoho èho ma-jianovo'i ae gemu gemu jemë masije jëvë'e jiaje.

*Noehu Iesuare jö a nunire huruoho majëhi'irõhe jö Iesuhu jövadohoje.*

<sup>32</sup> Ae rahu a nunire uvë'oho: Na Iesuare ae jëvajë uvë'oho naro nasi Vavue õ'idõre hijaje hesi nunire uvo'ejöjo: Èho nasi ae magonahe hõjo.

<sup>33</sup> O ae rahu a nunire uvë'oho: Na bogo Iesuare aehu jëvajë uvë'oho naro nasi Vavue õ'idõre hijaje hesi nunire uvo'ejöjo: Èho bogo nasi aehu magonahehu hõjo.

*Iesuhu rovë'ëro èhu'ëro ae adovoromo göehu jöe gö göehu jöe gö uehorovarue jöhoje.*

<sup>34</sup> Nadi uvorëjo: Nõrõhu rovade hesi bëhoho ajamuego sa'ae aho'obëhe iro muorovo'oho vuonugo'i ma-huë baerovoromo gemuoro rarom'irõhego rovade hõjo. Na bogo èhuniho rovode hõjo. A'i naehu rovode hesi bëhoho naro nasi jöho majëhijego aëro heromo jöe gö gö uehorovoromo muorovo'irõhego rovode hõjo.

<sup>35</sup> Naehu rovode hesi bëhoho nasi jöhuni harihohuro vavuoho nue huodivo'i abojohuro vëmoho nue huodivo'i ajohuro ajoho nue huodivo'irõhego èhuni rovode hõjo.

<sup>36</sup> A nu huodëgarue aribövioho jabesi agane gemuoho jioruom'ajëjo.

<sup>37</sup> Ae rahu ja vavu o vëmu nuninõ bamo'i na dejönõ bamevë'oho nasi a ma jio'iranoho bogo eni javo'ajëjo. O ae rahu harihu o aboji nuninõ bamo'i na dejönõ bamevë'oho nasi a ma jio'iranoho bogo eni javo'ajëjo.

<sup>38</sup> Ae rahu ja bogo uvë'oho: Iesuare jöëni vi'ehe huë vavaene javoje rabe baeromo guomevë'oho iae hesi hõ uvoromo bogo korosi hesi i'u banigojiomanovoromo nasi ijore ijore jüvë'oho nasi ae jio'iranoho ja bogo eni javo'ajëjo.

<sup>39</sup> Ja jasi sinohuni uehorovoromo birivoromo ave sa'are hi'i èhemu uehorovë'oho ijönõho guomo õriro va'a'anuëjo. O ja nasi jöëni guomë'oho ijönõho maro hi'a'anuëjo.

*Mu ma vaejarue hesi mana bae'irõhe jöhoje.*

<sup>40</sup> Jemēhu nasi jō majēhibe va'ē'iroho ae rahu jemē rajēhiromo baejēvē'oho ēhuro na'o rajēhiromo baejevorumaje hōjo. O ae rahu na rajēhiromo baejēvē'oho ēhuro remō'ōjamu rovode ahu'o rajahīruomaje hōjo.

<sup>41</sup> Ae rahu uvē'oho: Ēaho jō God-aro baeromo majahuijaje ae hōromo rajahīromo baejē'oho ēhuro jō God-aro baeromo majēhiromaje aribōviehu suvuoro ujuoharue ēhi jiē'e suvuoroho God-are ōrire ujuohoruumo'ajējo. O ae rahu uvē'oho: Ēaho ma-mae hōromo rajahīromo baejē'oho ēhi jiē'e a maehu suvuoro ujuoharuēhi ēhi ujuohoruumo'ajējo.

<sup>42</sup> Ave jōho na jō mae uē'iē'ajējo. Ave nasi ijorajoho ae ma-bise'ehu ō'amu aehu garomo uvē'oho: Ēaho Iesuare ijore ijore juvaje ae hōromo ma-bisemu ajamiromo enatuore jovo baguso bojamijē'oho ē aribōvioho jaburo iae manaho ujuohoruumo'ajējo.

## 11

*Bapataeto vaejaje ae John-hu ae rēmō'ōjamu rueromo Iesu jō ua gavare jōhoje.*

<sup>1</sup> Iesuro hesi aribōvie 12 jabesi ōrire jōho majēhinugoromo va'adoho ē bēhire jio'amaje amore amore jōho majēhibe bēhoho rōjēhibe juvadeje.

<sup>2</sup> Iae John bapataeto vaejaje ahuro savoji gagore hiromo hejade uavamu: Kerisoro muoho ēhi vaejaje hō uavamu hegorovo hesi ijorajoho rēmō'ōromo uēvadeje: Va'oromo ēhi ēhi Iesu ua garējo.

<sup>3</sup> Ua garējamu va'oromo Iesu uavareje: No uvaruējo: God-ro a bōrōme nugō'ō'iramu nosi ōrire rue'a'ajējo. Na ja ē aho javajējo. O na no muebe'ejarējo ae gōero ruerōhego.

<sup>4</sup> Ēhi uavamu hegorovo Iesuro uēvadeje: Va'oromo diehi hejarujoho gavarujoho John majahirego he'irajo.

<sup>5</sup> Uarējo: Nōrōro ae nuni sisē'oho ajēmijego mae uheriharue hōjo. Hōru sisē'oho ajēmijego mae jijiharue hōjo. Jomo'e aho ajēmijego marējēvoromo jabesirire sisē sisēho barējēhaje hōjo. Hia'i sisē'oho ajēmijego hia'e dadovoromo jōe hejarue hōjo. Vuovē'e aho ajēmijego i'ovarue hōjo. Bogo eni jiē'e aribōvioho ajēmīromo majēhijego God-are jō maho hejarue hōjo. John ēhi majahirējo.

<sup>6</sup> Rōhu John o ae rahu biririvoromo nasi ōrire mae uehorovevē'oho ē ahuro maho hi'a'ajējo.

<sup>7</sup> Maho hi'a'ajējamu hegorovo vuonorō'ō va'areje. Va'amu gavē'i Iesuro ē hesi bēhire gagovare aribōvioho John-are jōho majēhiromo uēvadeje: Urimē'ioho jemē rabe ga'irōgoro John-hu a rumo'e sa'are hijajiroho ēho va'onōvarije hōjo. Ijo rudu burehu huosihego arue anume va'aje ēhi uehorovaje aho na John ēhi jiē'e ae jiamu ga'i va'arije hōjo. Bogajo.

<sup>8</sup> O diehi jiē'e aho ga'i va'arije hōjo. Na John niōgu mabēhe sanu'e io'amē'e ae jiamu ga'i va'arije hōjo. Rōhu ēhi jiē'e niōgu ma io'amarue aribōvioho bogo a rumo'e sa'aroho raromō'i a masijehu rarumarue osaremu rarumarue hōjo.

<sup>9</sup> Ēhi jiē'oho jemē rabēni a rumo'e sa'aroho va'arije hōjo. Na John jō God-aro baeromo majēhijaje ae jiamu ga'i va'arije hōjo. Io'ajo. John iae hu ēhi jiē'e ae hōjo. Rōhu aveho hehējo. Jō God-aro baeromo majēhinōvare a ioro'ioroho iosirēmiromo John hu bōrōmoho hōjo.

<sup>10</sup> Iae ē a hesi jōho God-are surire ēhi jajivoromo uvē'e hōjo:

Ave aho God nasi jō bajuvaje aho hōjo.

Ja va'iē'iroho naro hu urimo nugō'ō'iramu va'oromo ae uē'a'ajējo jaehu va'irane ōroho iogorahorōhego.

<sup>11</sup> Ave jōho na jō mae uē'iē'ajējo. Ave sa'are raromobe rovare aho ae gemu vadu'oho John bogo iosiramīromo bōrōmoho jiē'e hōjo. A'i God-hu bōrōme namiromo muebejēvego hesi aharire rarumarue a inino mahuro John iosiramīromo dōroho jioruomajējo.

<sup>12</sup> Urimo John bapataeto vaejavuajaje aehu a jō majēhijadevare evare aēro aevoromo daruge aho'o bojamiromo biririvoromo ōroho jiovobe rueruomē'e hōjo ēhuro God-ro bōrōme namiromo muebejēvego hesi aharire jēvorōhego. Jaruvoho ēhi gemuoho ē'oruomaje hōjo.

<sup>13</sup> Aveo'ioho Moses jōgoru bojēmade ahuro God-hu bōrōme namiromo ae muebejēvo'irōhe jōho majēhijamu jō God-aro baeromo majēhibe rovare aribōviohuro ēhi gemuoho ē'obe rovaroho rōhu ijo tugoho'ioho John-ro ē jōho majēhijade hōjo.

<sup>14</sup> Rōhu urimo majēhiromo uēnōvare hōjo: God-hu bōrōme namiromo muebejēvego ga'irarije ē hesi urimo ae gō rue'a'ajējo. Ēahuro Elijah-hu vaenōvade mue gemuoho barue'ajējo. Jōho ēhi majēhinōvare hōjo. Rōhu jemē mae uehorovo'i nēgē'oho uvorējo: Elijah-are mu baruerōhego uōvuare aho iae John hōjo.

<sup>15</sup> Ae rahu ja God-are jö hejanue ae javë'o'oho bëhoho nahoromo birohonëjo.

<sup>16</sup> Röhu jaruvore raromaruje aribövi jemesi jöho uhu'e majëhi'ië'ajëjo. Amo ririre raromarue jö bijönimoruomaje asisö'oho jëvanovajëjo. Amo ririre raromoromo asisö'oho ioro'iorohuro ioro'ioroho uvëvoruomajëjo:

<sup>17</sup> Noehu aninivoromo jemëni virikö huosihëharoho jemëro bijönimoromo bogo ejahuoromo javavarije höjo. Noehu aninivoromo huë vavaeni'e jö iaroho jemëro bijönimoromo bogo ejahuoromo nierusuburu'e bamarije höjo.

<sup>18</sup> Èhesi bëhoho John-ro rueromo God uehorovoromo ma-hi'i ioho jovoho bogo inövade höjo. Èhi'onövadoho jemëro ë jö bijönimarue asisö'oho va'ëne bijönëgamu John-are jöho bogo ejaho'i sisë'i uehorovoromo uvonövarije höjo: Aru'aho sisë dëre jië'ëro ëhu'ëro ioho jovoho bogo ijaje höjo.

<sup>19</sup> O God-are A Maho naro rueromo ioho jovoho ma-ijaje höjo. Èhi ë'ajoho jemëro ëhu'o bijönimoromo uvaruje höjo: Nörö gahëjo. Ioho mahunö'e iromo vörö'e jovemu ijaje höjo. Hu vajiohu'e tax baejarue ahu'o a sisë ioro'iorohu'o ëho jabesi aemo'aeme höjo. Jemëro John-are muohu'o nasi muohu'o bijönimaruje höjo röhu no God-are uehoro maho baej'ëro muoho vaejarue höjo. Èmuoho aëro garomo uvoruomo'ajëjo: God-are uehoroho iae mae höjo. Èhu'ëro muoho vaejare höjo.

*Ame göehu göehu Iesu bogo ma uehorovare jö Iesuhu jövadohoje.*

<sup>20</sup> Èhi uënogoromo ame gö gö birëgadeje ë hesi bëhoho urimë'i huhu a ajëmiromo darugo'e mu masijo vaebe ë amore amore juvamu jabuhu bogo huotorovoromo hu mae uehorovarohuni. Birëgoromo uëvadeje:

<sup>21</sup> Chorazin'o Betsaida'o amo rajohumë vaevë'oho jemë sisëro revo hesi jëvajëjo. Naro darugo'e muoho jemesi amore vaejogo garomo röhu nasi jöho bijönimaruje höjo. Naehu darugo'e mu jemesi amore vaejodoho Tyre amore o Sidon amore vaejogo ga'ibejarëjo mami gö'e jabesi sisëni huë vavaene baeromo niögu sisë io'amoromo uonëro buerovoromo uehoro sisëho vuonugo'i uehoro mae baeruomo'ibejajo.

<sup>22</sup> God-hu i'u bojëmi'iröhe maja rovë'iroho Tyre o Sidon rajo jabuhu i'u bae'iröhoho ma-jianovo'i jemëro i'u bërömo maho bae'a'arujëjo. Èhuremu uehorovorëjo.

<sup>23</sup> Röhu Capernaum amo rajohumë jemëro jemesi sivue uehorovoromo uvaruje höjo: Nosi ihoho ö'idöre ajiomö'ajëjo. Bogo ëhioho jio'i sa'aro be'a'ajëjo. Èhesi bëhoho naro darugo'e muoho jemesi amore vaejogo garomo röhu nasi jöho bijönimaruje höjo. Naehu darugo'e mu jemesi amore vaejodoho Sodom amore vaejogo ga'ibejarëjo mu sisëho vuonugo'ibejarëjo ëhuro jabesi amoho bogo sisërë'i jaruvoho ëhi mae jio'ibejajo.

<sup>24</sup> God-hu i'u bojëmi'iröhe maja rovë'iroho Sodom rajo jabuhu i'u baeröhoho ma-jianovo'i jemëro i'u bërömo maho bae'a'arujëjo. Èhuremu uehorovorëjo.

*Iesuaro va'oromo nuho'iröhe jöhoje.*

<sup>25</sup> Iesuro ëhi uënogoromo evare God uavadeje: Apo ja ö'idörohu'o sa'arohu'o muebejanue ae javajëjo. Naro jasi örire huë mae uavajëjo. Rabëni hesi bëhoho jero gavane nuni aji'e a masijohuro uvoruomamu: Nosi simanoho mae javuoromo bövie bise'e ga barëj'e javuajë uvamu gëgorovo jero jasi jöho jabesi örire subivëhë'e javajëjo. A'i gavane bogo gavë'e ariböviohuro bogo döroho bamorovo'i jöho he'i nëgamu gëgorovo jero jasi jö bëhoho röjëhijë'e javajëjo.

<sup>26</sup> Apo iae mae höjo. Jero jasi nimoromo ë'ane höjo.

<sup>27</sup> God ëhi uanugoromo ë aribövioho uëvadeje: Nasi Vavuohuro jöe aho'o bojëmijë'e höjo muebe'irodoro. Vavuohuro gemuëro Harihoho na avoho gevaje höjo. Harihoho naremuëremu Vavuoho avoho gavaje höjo. O Harihu naehu di aribövi röjëhi'i negë'ohuro ëhuro ë ariböviohuremu röjëhijego jabu'o Vavuoho gavarue höjo.

<sup>28</sup> Röhu jemë ae rahu sivohoromo i'u'e mu vaejamu u'uvëvë'oho ruerego naro jemesi dë vövöbajo'oho sasohëho'iröjo.

<sup>29</sup> Na sanu'e mae jevë'e jiaje ëhuni nasi muoho banigojioromomo nasi jöho henövorëjo. Èhi ë'ë'oho jemesi dë vövöbajo'oho ma-mabëhe sasohëvo'ajëjo.

<sup>30</sup> Rabëni hesi bëhoho nasi muoho i'uhoho bogojio'i sase höjo.

## 12

*Jew rajehu nuharue maja hesi jöhoje.*

<sup>1</sup> Èhi'oromo Jew rajo jabesi nuho majaho gagorovo Iesumëro mure jijihareje. Jijihoromo hesi ijorajo ömo'ömhuro hömëvamu ioho babovoromo ue'ahobe va'areje.

<sup>2</sup> Babovoromo ue'ahobe va'amu gagorovo Pharisee ariböviëro Iesu uavareje: Asë'e jaruvoho nuho majae hõjo. Jasi ijorajo ömo'ömehu i avoharuoho ëho nuho maja hesi jögoroho aharuëjo.

<sup>3</sup> Aharuëjamu Iesuro uëvadeje: David nosi a böröme jionövade hõjo. Röhu hu'o hesi ariböviohu'o jabumë hömëvamu hegorovo huhu ë'ade jö God-are surire adaharijoho ëho diehi'oromo bogo avoho uehorovarujëjo.

<sup>4</sup> David-ro God-are osa mare va'ade hõjo. Va'oromo God-are nunire bahijare ioho hu'o hesi ariböviohu'o ue'ahare hõjo. Ëioho bogo David'o hesi ariböviohu'o ue'aho'iröho jio'i hesi ma-priest-ëremu ue'aho'iröhe ie jiade hõjo. Röhu jabuhu ue'aharohuro ëhuro jögoroho ahare hõjo. Röhu ë hesi jöho bogojiade hõjo.

<sup>5</sup> Ave jöhu'o Moses-hu jögoru surire jajivadoho jemë diehi'oromo bogo avoho adaharije hõjo. Nuho maja rovë'iroho priest ariböviohuro God-are osa börömo hesi muoho vaeromo ëhuro nuho maja hesi jögoroho ahoruomaje hõjo. Röhu God-are osa börömo hesi muoho vaejaruëro jiië'ero ëhu'ëro jöho bogojiajëjo.

<sup>6</sup> Naro jemë uëvajëjo: Mu i'ëro aviae rueromo God-are osa börömo hesi muoho iosiramijë'e hõjo. Ëhuni nasi ariböviehu i babovoromo ue'aharuoho jöho bogohõjo.

<sup>7</sup> God-are surire jöho jajivoromo uvë'e hõjo: God-ro uvajëjo: Na negajëjo a huë bae'irarije muoho vaejëro mi suvuoroho bogajo. Ëjö hesi bëhoho avoho he'ibejarijëjo ave övo uno'e aribövioho bogo uë'ibejarijëjo: Mu sisë ë'ë'e jëvajëjo.

<sup>8</sup> God-are A Maho naru nuho maja hesi jögoroho muebejaje hõjo.

*Övo guomahë'e a Iesuhu ajamade jöhoje.*

<sup>9</sup> Iesuro ëhi uënugoromo va'adeje. Va'oromo Jew rajehu God rajahijarue osare rumo va'adeje.

<sup>10</sup> Amo ë osare övo hitahi guomahë'e aho ë hijë'e jiadeje. Hijamu gagorovo aëro ë ramömë'ëro uehorovoromo uvareje: Ë'ego noro Iesuare jö sisëho nahoromo jögoru muebejarue aribövioho majëhijarëromo Iesu uavareje: Nuho majare a jabesi sino ajëmijë'oho na ëhuro no nosi jögoroho aharuë hõjo o bogajo.

<sup>11</sup> O bogajamu Iesuro uhu'e uëvadeje: Jemë ae gemu sheep gemu javë'oho röhu nuho majare guare beva'ë'oho na ja ajamiromo io bamonëjo o bogajo. Io'ajo. Nuho majaroho iae io bamo'anujëjo.

<sup>12</sup> Röhu sheep-oho ma-jianovo'i aho börömo mae hõjo. Ëhuni nuho majare a ajëmijë'oho iae mae hõjo.

<sup>13</sup> Iesuro ëhi uënugoromo ë övo guomahë'e aho uavadeje: Jasi övoho nugö'öjëjo. Ëhi uavamu hegorovo övoho nugö'öjamu marëromo övo gö jiajëhi ëhi jiadeje.

<sup>14</sup> Mae jiamu gagorovo Pharisee ariböviohuro va'oromo Iesu anoröhe jöho mevoruomadeje.

*Iesu hu God-are mu vaejaje a mae jiaje jöhoje.*

<sup>15</sup> Iesu anoröhe jöho mevaruë uvamu hegorovo Iesuro ë amore jioromo va'adeje. Va'amu gagorovo ae aho'obëhe hu rihioromareje. Rihioromamu huro guomo guomo'e aribövioho aho'o ajëmamu mae jëvadeje.

<sup>16</sup> Mae jëvo'ego uënövadeje: Naehu jemë ajëmijode jöho bogave aho uë'irarijëjo.

<sup>17</sup> Ëhi uënövade jö hesi bëhoho jö God-aro baeromo majëhinövade ae Isaiiah-hu jajivadëhi ëhi jioröhego. Isaiiah-ro God-are surire jajivoromo ëhi uvadeje:

<sup>18</sup> Naehu baejë'ëro mu vaejaje aho gahëjo.

Nasi dë vövöbajo'e aho'o uehorovego dë mae jevaje aho aviae hõjo.

Naru nasi Aru'ahoho hesirire bamahö'ejöjo.

Bamahö'iramu ae aho'obëhe dinö'e dinö'e raromaruoho huro nasi mu ma hesi jöho majëhi'ajëjo.

<sup>19</sup> Hu bogo giagiavoromo darugo'oho uvo'a'ajëjo.

Aho hesi huëho amo ririroho bogo he'a'aruëjo.

<sup>20</sup> Ijo adehu aho bu'öjanovo'ië'iroho hu bogo ahö'ö'ajëjo.

Irehu duorohanovo'ië'iroho bogo duoho'a'ajëjo.

Ëhi ë'obe va'ojuvo hujeji evare hesi mu mahuro ruahö'öjëvoromo dö maro jio'a'ajëjo.

<sup>21</sup> Ëhi jio'iramu ae aho'obëhe dinö'e dinö'e raromaruohuro hu uehorovoromo uvoruomo'ajëjo: Iae huro gemuëro ajamui'ajëjo.

*Iesuhu Satan-are aribövi a dëre jio'amamu rarovö'öjëvadoho hu bogo Satan-are darugo'oho baeromo ëhioho ë'adeje. Ëhesi jöhoje.*

<sup>22</sup> Ëhi'amu aëro ae gemu hu'irae baeromo rovareje. Ëaho Satan-are a sisëro dëre abo hijë'ëro ëhu'ëro nune tugohahoromo bitare tövahë'e jiadeje. Ëaho hu'irae baeromo

rovamu gagorovo Iesuro a sisë dëre jiajoho rarovö'øjamu bitaroho nunoho mae jioromo jõe jövoromo uherihadeje.

<sup>23</sup> Èhi ajamamu gagorovo ae aho'obëhe jiodudu'iraeromo uarovareje: Ave aho na hu a böröme David-are uje no ajamui'iröhe aho höjo. O rahuo höjo.

<sup>24</sup> Èhi atoruumamu hegorovo Pharisee ariböviohuro uëruomadeje: O bogo èhi jië'e a maho jioromo ë'aje höjo. A'i Beelzebul aru'aho sisë jabesi börömo huro vöröho bojamego èhuro a dëre aru'aho sisëho rarovö'ö'amaje höjo.

<sup>25</sup> Èhi uëruomamu Iesuro gëromo uvadeje: Èariböviohuro nasi jöho èhi uehorovaruëromo uhu'e uëvadeje: Sa'ae gemuehu adovoromo jabesi arijo'arije muorovë'oho barërovo'ajëjo. Ame gemuehu o agane gemuehu adovoromo jabesi arijo'arije muorovë'oho bogo biririvo'i barërovo'ajëjo.

<sup>26</sup> Èhuni Satan-ro ri'öromo hesi aribövi a jabesi dëre jio'amajoho rarovö'öjëvo'ibejajo èhuro hesi ariböviohu'o muorovo'ibejajo hesi darugoho muoho uehoroho diehi'oromo biririvoromo nami'ibejajo.

<sup>27</sup> Röhu jemëro uvarujëjo: Sisë a börömo huro nörö vöröho bojamego hesi sisë ariböviohuo rarovö'ö'amaje höjo. Èhi jië'oho na jemesi ariböviohuro sisë a börömo hesi vöröho baeromo rarovö'ö'amarue höjo. O diehi'oromo ë'arue höjo. Jaburo uë'a'aruëjo: Sarerivarujëjo. Aho bogo sisë a börömo hesi vöröho baeromo èhioho ë'arue höjo.

<sup>28</sup> A'i naro God-are Aru'aho hesi darugoho baeromo rarovo'amaje höjo. Èhuni uvorëjo: God-ro aevoromo böröme namiromo nosi örire muebejavuajëro jië'ëro èhu'ëro ë'ajëjo.

<sup>29</sup> Röhu aehu darugo'e a hesi osare rumo va'oromo hesi mae sisë ujuohaho va'ië'iroho bogo ëma ujuohaho va'irögoro urimo darugo'e aho guduamoromo tövonugoromo evare hesi inömo inömo ujuohaho va'a'ajëjo. Naro Satan èhi ruahö'öjaje höjo.

<sup>30</sup> Ae rahu bogo nasi a jië'oho èho huro na'o muorovaje höjo. O na bogo ajemiromo nasi aribövi gagovë'oho èho huro arua anumiae nugö'ö'amaje höjo.

<sup>31</sup> Èhuni uëvajëjo: Aehu mu sisë vaejë'oho God-are iho ijumarue jö sisë atë'oho aho'o God-ro uehorovoromo vuonugëho'ajëjo. A'i God-are Aru'aho hesi iho ijumë'oho èhi jië'e jö sisëho God bogo uehorovoromo vuonugo'ajëjo.

<sup>32</sup> God-are A Ma nasi jö sisë'i atë'oho God-ro uehorovoromo vuonugo'ajëjo. A'i God-are Aru'aho hesi jö sisë'i atë'oho èho God bogo uehorovoromo vuonugo'ajëjo jaruvo majahu'o maja ijohu'o.

*Aho jö jövajire heromo uvarueje: Èa hesi dë vövöbajö'oho mae höjo è aho sisë höjo. Èhesi uhu jöhoje.*

<sup>33</sup> Ijo bajo mae uro'i nagë'oho ijo ma hesi bajoho uro'a'anuëjo. O ijo sisë javë'oho bajo sisë uro'a'anuëjo. Ijoho bajoro garomo uvo'a'anuëjo: Èijoho mae höjo èho sisë höjo.

<sup>34</sup> Sigobu aboji harihu'e jëvanuvajëjo. Ijo sisë va'ëne jëvë'oho jemë diehi'oromo ijo bajo manö'e raeromo jö mae atorëjo. Bogo eni jëvajëjo. Uehoro maehu o uehoro sisëhu dë vövöbajö'ere rarovëvajoho èhi jië'e jöho jö'ëro atarue höjo.

<sup>35</sup> A maho uehoro maëremu jëvë'ëro jö maemu atarue höjo. A sisëho uehoro sisëremu jëvë'ëro jö sisëmu atarue höjo.

<sup>36</sup> Naro jemë uëvajëjo: Jö sisë rabe rabe èma atë'oho mevëvo gëröhe majaha rue'iramu God-ro uë'a'ajëjo: Èjöhö rabëni atarije hö uë'iramu mana ua'a'aruëjo.

<sup>37</sup> Ae gemu gemu jasi jöre garomo ua'a'ajëjo: Ja a mae javajëjo. O jasi jöre garomo ua'a'ajëjo: Ja a sisë javajëjo.

*Ariböviohu Iesu bogo ma uehorovoromo huhu darugo'e mu vaejöro dinamare jöhoje.*

<sup>38</sup> Èhi jövamu hegorovo Jew rajo jögoru öri röjëhijarue ae gö gö o Pharisee ae gö gö èho jaburo ri'öromo uavareje: Tisa no naguajëjo ga'i jero darugo'e muoho vaejago èhuro uvo'iröhëro: Ja daruge God-aro baeromo muoho vaejanue höjo.

<sup>39</sup> Vaejanue höjumu uëvadeje: Sareri'e aribövi sisë jëvajëjo. Magonahehu hesi baru vuonugo'i ma-juvajëhi jemëro èhi God vuonugo'i mue gö gö uehorovaruje höjo. Jemë rabëni darugo'e muoho ga'i nimarujëjo. Na èhi jië'e muoho bogo vae'i a'i jö God-aro baeromo majëhinövade ae Jonah-hu God-are mu börömo röjëhijade èhi jië'e muohuremu röjëhi'ejöjo. Mue gö gö bogajo.

<sup>40</sup> Jonah-are mu börömo hesi bëhoho jovo mi börömo huro Jonah nimu'øjamu abueromo hesi dëre hijade höjo. Hiromo majae niö'i gemu vahie niö'i gemu hesi uhure ègubijiohamu höröjade höjo. Höröromo rovadëhi God-are A Maho naro sa'a gagore abo hiromo majae niö'i gemu vahie niö'i gemu hesi uhure höröromo rue'ejöjo.

<sup>41</sup> Nineveh amo rajohuro ave jaruvore raromaruje ariböviohu'o gemu mae ri'öromo God-are nunire riravoruomö'ajëjo. Riravo'iramu God-ro jabesi mu maho garomo jemesi



mu sisêho garomo jemê uê'a'ajêjo: Nineveh amo rajehu vaejare êhi jiê'e mu maho bogo vaejê'ego êhuni na uêvâjêjo: Jemê sisê'e aribôvie jêvaje sisêro va'ohêjo. Êhesi bêhoho ê Nineveh amo rajohuro mu sisê vaeruumê'ero hejare Jonah-ro God-are jôe majêhijamu hegorovo jabesi uehoro sisêho vuonugo'i uehoro mae baejare hōjo. Jonah ma-bise'o jioromo jô majêhijadoho Nineveh amo rajohuro hesi jôho ejahare hōjo. A'i naehu hu iosiramiromo bôrômo jioromo jô majêhijajoho jemê bogo ejeharujê hōjo. Êhu'ero jiê'ero mevo gêrohe majaho rue'iramu jemê sisêrêjêvo'ajêjo.

<sup>42</sup> O êho majaho rue'iramu arue sa'a gôre bôrômo vaenôvade magonahohuro ave jaruvore raromaruje aribôviohu'o gemu mae ri'ôromo God-are nunire nami'a'ajêjo. Nami'iramu God-ro sa'a gô rajo magonaho hesi mu maho garomo jemesi mu sisêho garomo jemê uê'a'ajêjo: Êmagonahehu vaejade êhi jiê'e mu maho bogo vaejê'ego êhuni na uêvâjêjo: Jemê sisê'e aribôvie jêvaje sisêro va'ohêjo. Êhesi bêhoho ê sa'are bôrômo vaenôvade magonahohuro hesi sa'aho vuonugo'i ôri êgobôviro rovade hōjo a bôrôme Solomon-hu nuni aji'e jô jôvâjoho he'iro. Solomon-hu ae ma-bisemu bôrômo jioromo jô majêhijajoho ê magonahohuro he'i nimade hōjo. A'i naehu Solomon iosiramiromo bôrômo mae jioromo jô majêhijajoho he'irarijoho jemê bijônégâjêjo. Êhu'ero jiê'ero mevo gêrohe majaho rue'iramu jemê sisêrêjêvo'ajêjo.

*Satan-are a sisêhu a hesi dêre vuonorô'ô abueromo ijumahade uhu jô Iesuhu jôvadohoje.*

<sup>43</sup> Rôhu Satan-are mu ajamijaje aru'aho sisêhuro ae gemu hesi dêre hi'a'ajêjo. Hiromo hōrô va'a'ajêjo. Va'oromo jovo rumo'e sa'are va'oromo hi'irôhe rôhoho nahobe juvojuvo bogo birohgorovo

<sup>44</sup> uvo'a'ajêjo: Na vuonorô'ô va'oromo hijode sionore rôhu maho ê hi'ejôjo. Êhi uvonugoromo vuonorô'ô va'oromo urimo hijade a hesi dêre abueromo ga'a'ajêjo dê vövôbajo'oho gagemu jio'i bibivoromo iogorê'e ma-mabêhe osa va'êne jio'iramu.

<sup>45</sup> Êhi jio'iramu gagorovo va'oromo Satan-are aru'aho sisê aho'obêhe sôromo rue'a'ajêjo. Êurimore ro hijade aru'ahoho a sisê hōjo. Ijore huhu sô rovade aribôviohuro hu iosiramiromo jabumê sisê bêhi mae jioruomâjêjo. Êhu'ero urimo sisê'i hijade aho ijônôho sisê bêhe hi'a'ajêjo. Jaruvore raromaruje aribôvi sisêho jemê êhi sisêrêjêvo'ajêjo.

*Iesuare vêmu ômo'ôme o ô ômo'ôme rahumê jêvaje jôhoje.*

<sup>46</sup> Êhi jôvamu evare hesi vémohu'o ô ômo'ômohu'o jaburo Iesu'o jôe ato'i nêgamu rueromo amonô riravareje.

<sup>47</sup> [Riravamu ae gemuêro ri'ôromo Iesu uavadeje: Hê-ajo. Jasi vémohu'o ô ômo'ômohu'o ja'o jôe ato'i nimoromo amonô riravarujêjo.]

<sup>48</sup> Riravarujêjumu Iesuro uavadeje: Ja uehorovanuoho nasi vémoho nasi ô ômo'ômoho di aribôvioho jioruomâjêjo.

<sup>49</sup> Êhi uanugoromo hesi ijore ijore jijiharue aribôvioho ôvêro rôjêhijadeje ae aho'obêhe jaburo gêjôro. Hesi aribôvioho rôjêhiromo ae aho'obêhe uêvadeje: Aruêroho nasi vémohu'o ô ômo'ômohu'o jêvâjêjo.

<sup>50</sup> Ae rahu nasi Vavue ô'idôre hijaje aehu nimajêhi êhi ê'ê'oho êhuro ê aribôvioho nasi ôe ma'ine vême jioruomâjêjo.

## 13

*Aehu i ujo sa'a mare sa'a sisêre riremâde uhu jôhoje.*

<sup>1</sup> Êmajae gemuore Iesuro osare jioromo va'oromo nume jovo e'lu rirôre abuejadeje. Abueromo God-are jô bêhoho rôjêhi'i sa'aro hijadeje.

<sup>2</sup> Hijamu ae aho'obêhe ro tagavamu Iesu jovore boat gagore va'o hi'i ae aho'obêhe jovo rirôre riravareje.

<sup>3</sup> Riravamu Iesuro uhu jôe majêhiromo êhuro jôe aho'obêhe rôjêhijadeje.

Rôjêhiromo uêvadeje: Iae ae gemuêro i uje ujuohoromo mure riremô'i va'ade hōjo.

<sup>4</sup> Rîremobe va'amû ujo ioro'ioroho ôrîre rîreromâde hōjo. Rîreromamû gavê'i ugêro ro i barêjare hōjo.

<sup>5</sup> Ujo ioro'ioroho munê uhunô jîê'e sa'are rîreromâde hōjo. Rîreromoromo ma-burêro ri'amâde hōjo sa'aho munê dôro ma-bisemu jîê'ero.

<sup>6</sup> Riromo dirumoho bogo ma io'amê'ero majaêro rojomoromo anamu sahorî'amâde hōjo.

<sup>7</sup> Ujo ioro'ioroho bibê'e resu resu'e sa'are rîreromâde hōjo. Rîreromê'ero bibê'e resuohuro riromo ujo maho baba'amâde hōjo.

<sup>8</sup> Ujo ioro'ioroho sa'a mare rireromade höjo. Rireromoromo riromo bajoho rae'amade höjo. Uje gemu gemu röhu ioro'ioroho baje 100 rae'amo'i ioro'ioroho 60 rae'amo'i ioro'ioroho 30 rae'amade höjo.

<sup>9</sup> Ae rahu ja God-are jö hejanue ae javë'oho bëhoho nahoromo birohonëjo.

*Iesuhu rabëni uhu'e majëhinövade ë hesi jöhoje.*

<sup>10</sup> Èhi'amu Iesuare ijorajo ömo'ömohuro rueromo Iesu uavareje: Ja ae aho'obëhe jö majëhijë'iroho ja rabëni uhu'oho majëhijanue höjo.

<sup>11</sup> Rabëni uhu'oho majëhijanue höjamu uëvadeje: God-ro böröme namiromo aho'obëhe muebejaje jöho urimoho subivëhade höjo. Èsubivëhade jöho huro hesi suvuore jemë bojëmijë'e höjo jemëremu he'i a ioro'ioroho bogo heruomoröhego.

<sup>12</sup> Èhesi bëhoho aji'e jö javë'oho God-ro gö'o bojami'iramu baeromo bövi mae javo'ajëjo. O bogojavë'oho bise mu baejanoho God-ro ë uehoroho mu'uvah'o'ajëjo.

<sup>13</sup> Èhuni naehu uhu jöemu ë aribövi majëhijaje hesi bëhoho jabu gavaruoho bogo avoho gavarue höjo. Hejaruoho bogo avoho heromo simanoroho baejarue höjo.

<sup>14</sup> Jabumë ëhi jië'e aribövie jioruomajëjo. Jabesi jöho mam'i'e jö God-aro baeromo majëhinövade ae Isaiah-ro jajivoromo ëhi uvë'e höjo:

Jemë hemu he'a'arujëjo

röhu bëhoho bogo avoho he'a'arujëjo.

Jemë gaemu ga'a'arujëjo

röhu bëhoho bogo avoho ga'a'arujëjo.

<sup>15</sup> Èaribövi jabesi dë vövöbajo'oho i'uhëgaje höjo.

Hia'oho tugohëhë'e höjo.

Nunoho sigohijëhë'e höjo.

Bogo ëhioho jëvo'ibejajo nunëro ga'ibejarëjo.

Hia'ëro he'ibejarëjo.

Dë vövöbajo'oho sasohoromo jöho bae'ibejarëjo

ëhuro jabumë huotorovoromo rue'ibejarëjo

naro avohëvego mae jëvo'ibejajo.

<sup>16</sup> Isaiah-hu jajivadëhi aribövi ioro'ioroho ëhi jioruomaje höjo. A'i jemë huë mae baejë'e jëvajëjo. Rabëni jemë nunëro garomo avoho gavaruje höjo. Hia'ëro heromo avoho hejaruje höjo.

<sup>17</sup> Ave jöho na jö mae uë'ië'ajëjo. Jemë gavaruje muoho o hejaruje jöho urimë'i jö God-aro baeromo majëhinövare ariböviohu'o a ma ioro'iorohu'o aho'obëhe jaburo nimoruomade höjo garomo he'iro. Röhu bogo garomo bogo heruomade höjo.

*I ujo sa'are riremadi uhu jö Iesuhu huruoho majëhijadohoje.*

<sup>18</sup> Röhu aehu i ujo riremadi uhu jö hesi bëhoho hehëjo.

<sup>19</sup> God-hu böröme namiromo muebejëvaje jöho ae rahu hia'ëremu heromo bogo avoho hejamu gavë'oho a sisë börömhuro rovaje höjo. Rueromo gavaje God-are jöho i ujo va'ëne jabesi dëre jiego garomo baeniëhiromo rori'o bu'öjaje höjo. Ujo örire rireromamu ugehu i barëjare jö hesi bëhoho ëhi höjo.

<sup>20</sup> O i ujehu munë uhunö jië'e sa'are rireromoromo riromo sahori'amade jö hesi bëhoho aëro God-are jöho heromo ma-burëro nimorohoromo jöho ejaharue höjo.

<sup>21</sup> Ejahoromo jöho ma-döëremu baejë'ëro ëhu'ëro majae ma-bunemu mae uehorovoromo garöhe God-are jö uehorovaruohuni aehu sisë vaejëvamu gavë'oho o huë vavaene rovamu gavë'oho ma-burëro vuonugarue höjo.

<sup>22</sup> O ujehu bibë'e resu gemuore rireromadi jö hesi bëhoho aëro God-are jöho hejarue höjo. Heromo ave sa'a hesi muohuni nurunurumoromo o sarerivoromo uvarue höjo: Inöme bövie bise'e masije höromo jabesi nuninö bamarue höjo. Bamoromo sa'arohemu uehorovaruohuro ëhuro God-are jö jabesi dëre jiajoho taemego jabumë bogo rae avoharue höjo.

<sup>23</sup> O ujehu sa'a mare rireromoromo baje 100 o 60 o 30 rae'amade jö hesi bëhoho aëro God-are jöho heromo avoho hejarue höjo. Avoho heromo rae avoharue höjo. Ioro'iorohuro ioro'ioroho iosirëmiromo mu ma-mabëhe vaejarue höjo.

*Resu sisëhu iruno'o ma hesi gemuore ri'amade uhu jöhoje.*

<sup>24</sup> Iae Iesuro uhu jöe gö'o majëhijadeje. Majëhiromo uëvadeje: Ae gemuehu ujo ma rireromoromo ë'adëhi God-ro böröme namiromo hesi öri ari'oho ëhi muebejaje höjo. Ae gemuëro mure va'oromo iruno'e ujo maho riremobe va'ade höjo.

<sup>25</sup> Ĕhi ĕ'ĕ'ĕro ae aho'obĕhe momoro'ĕjĕ'e jiamu gagoro mu arijo'ohu'o muorovaje ae gemuĕro mure rovade hĕjo. Rueromo i va'ĕne resu sisĕho i ujo riremadiĕe ĕ riremoungoromo va'ade hĕjo.

<sup>26</sup> Ĕhi ĕ'ĕ'ĕro iruno'oho riromo baje raejamu gavĕ'i resu sisĕhu'o riromo rae'amade hĕjo.

<sup>27</sup> Resu sisĕhu'o rae'amamu gagorovo mu arijo'o hesi mu vaejarue aribĕviahuro rueromo uavare hĕjo: Asĕ'e ja ujo mae jasi mure riremame hĕjo. Diehi'oromo resu sisĕhu'o rijade hĕjo.

<sup>28</sup> Uĕvade hĕjo: Na'o muorovaje ahuro ĕ'ade hĕjo. Ĕ'ade hĕjamu uavare hĕjo: Ĕhi jiĕ'oho na ja nagajĕjo no va'oromo resu sisĕho ravojĕro.

<sup>29</sup> Uĕvade hĕjo: Bogajo. Jemĕro resue ravo'ihĕromo iruno'ohu'o ravo'amojĕni bogo ĕhioho ĕ'a'arujĕjo.

<sup>30</sup> Ĕhuni iruno'ohu'o resuohu'o nugego ĕhi gemu mae ri'irajo gagovo'irĕhe majaho rue'irĕhe hĕjo. Ĕmajaho rue'iramu iruno'e gagovarue aribĕviahuro naro uĕ'ejĕjo: Urimo resuho ravoromo huhoho'amorĕjo vĕniro huo'irarije. Amo evaro iruno'oho gagovoromo ujuho va'oromo nasi iruno'o osaro bahirĕjo.

*Ijo hisue mustard-hu ĕgovaje uhu jĕhoje.*

<sup>31</sup> Rĕhu uhu jĕe gĕ'o majĕhiromo uĕvadeje: Ijo hisu ihe mustard ujehu bĕrĕmoriromo ĕgovajĕhi God-ro bĕrĕme namiromo ae gĕ'o gĕ'o ĕhi gagovoromo muebejĕvobe va'a'ajĕjo. Ae gemuĕro mustard ijo hisu uje gemu baeromo hesi mure ĕjade hĕjo.

<sup>32</sup> Rĕhu bajo ioro'ioroho ma-jianovo'amoi a'i ĕ mustard ujohe biseharihe hĕjo. Ĕhi hĕjo rĕhu riromo ĕgovoromo ijo hisu ioro'ioroho iosirami'amoromo ijo va'ĕne jiaje hĕjo. Ijo va'ĕne jiego ugĕro rueruomoromo ĕ ijo hesi adore ijue vae'amarue hĕjo.

*I dĕ huaje osehu ire rumorovade uhu jĕhoje.*

<sup>33</sup> Ĕhi majĕhinugoromo uhu jĕe gĕ'o majĕhiromo uĕvadeje: God-hu bĕrĕme namiromo muebejĕvaje ŕroho aviĕhi hĕjo. I dĕ huaje osehu ire rumorovajĕhi God-hu bĕrĕme namiromo muebejĕvaje muohuro sa'ae aho'o ĕhi rumorovobe va'aje hĕjo. Magonahe gemuĕro ie aho'obĕhe gagovoromo i dĕ huaje osoho i gemuore bamoromo iohu'o buarohade hĕjo. Buarohamu ĕ ioho aho'obĕhe rumorovo barĕjade hĕjo.

<sup>34</sup> Ĕjĕho aho'obĕhe Iesuro uhu'e majĕhijamu rue gagovare aribĕviahuro hejareje. Jĕe aho'o ma-uhu'e gemu majĕhinĕvadeje.

<sup>35</sup> Ĕhi uhu'e majĕhijade jĕ hesi bĕhoho urimo jĕ God-aro baeromo majĕhinĕvade ae gemuĕro Iesuhu vae'irĕhe mu jĕho God-are surire jajivoromo uvadeje: Naro uhu'e majĕhinĕvo'ejĕjo.

Ĕ'idĕ sa'a bamadevare evare aevoromo subivĕhobe rovade jĕho na jĕvonĕvo'ejĕjo.

*Resu sisĕ hesi uhu jĕ Iesuhu huruoho majĕhijade jĕhoje.*

<sup>36</sup> Ĕhi'onugoromo gagovarue aribĕviahuro rĕmo'i osare va'adeje. Osare va'amu gagorovo hesi ijorajo ŕmo'ŕmohuro rueromo uavareje: I va'ĕne resu sisĕhu i mure ri'amade jĕho huruoho majahujego no hejarĕjo.

<sup>37</sup> Hejarĕjamu uĕvadeje: Ujo ma riremadiĕe a hesi jĕ bĕhoho uĕromo ĕ'ode hĕjo: God-are A Maho nĕrĕ hĕjo.

<sup>38</sup> I mu hesi jĕ bĕhoho uĕromo ĕ'ode hĕjo: Sa'ae aho'obĕhe dinĕ'e dinĕ'e jiove va'ajĕjo. I ujo hesi jĕ bĕhoho naro uĕromo ĕ'ode hĕjo: God-hu muebejĕvego hesi aharire raromarue aribĕvie jioruomajĕjo. I va'ĕne resu sisĕ hesi jĕ bĕhoho naro uĕromo ĕ'ode hĕjo: A sisĕ bĕrĕmo hesi aribĕvie jioruomajĕjo.

<sup>39</sup> Mu arijo'o nu huodivoromo resu sisĕ hesi ujo riremadiĕe a hesi jĕ bĕhoho naro uĕromo ĕ'ode hĕjo: Satan hĕjo. I gagovo'irĕhe maja hesi jĕ bĕhoho naro uĕromo ĕ'ode hĕjo: Ave sa'a bĕvi bise'o barĕ'irĕhe majaho hĕjo. I gagovo'irĕhe aribĕvi jabesi jĕ bĕhoho naro uĕromo ĕ'ode hĕjo: Anera aribĕviahuro jioruomajĕjo.

<sup>40</sup> Resu sisĕ gagovoromo vĕniro huarĕhi sa'a bĕvi bise'o barĕ'irĕhe majaho rue'iramu ĕhi jio'a'ajĕjo.

<sup>41</sup> Ĕho majaho rue'iramu evare God-are A Maho naro nasi anera aribĕviahuro rĕmĕ'ĕ'iramu jabumĕro rueruomajĕjo. Rueruomoromo mu sisĕ rĕjĕhijarue o God-are jĕ aharue aribĕvi God-hu muebejĕvajoho mevoromo

<sup>42</sup> vĕni bĕrĕmehu ravajire ruruhĕ'ŕruomo'ajĕjo. Ĕdirĕ'ore ae aho'obĕhe nierusuburu'e bamoromo ane ja'ihio vuogigimoruomo'ajĕjo.

<sup>43</sup> Ĕhi ĕ'iramu evare mu mae vaejarue aribĕviahuro jabesi Vavuehu muebejaje ŕri ari'ere raromoromo majaehu bamoromo ajivajĕhi ĕhi ajivoruomajĕjo. Ae rahu ja God-are jĕ hejanue ae javĕ'oho bĕhoho nahoromo birohĕjo.

*Gurihiġe inōmo mabēhe o nienia mabēhe ē inōmo jabesi uhu jōhoje.*

<sup>44</sup> Rōhu God-hu bōrōme namiromo muebejēvaje jō gōho uhu'e uē'iē'ajējo. Ae gemuehu gurihi nugē'e inōmo mabēhi birohoro mo ēhuremu gemu uehorovadēhi God-hu bōrōme namiromo muebejēvaje jō ēhuremu ēhi uehorovo'irarije jōho hōjo. Ae gemuēro ae gō hesi mure juvo'i gavade hōjo inōmo ma-mabēhe gagovoromo gurihi nugē'e jiamu. Gurihi nugē'e jiamu gagorovo huro ujuohoro mo rōhu maho gurihiromo duhade hōjo. Duhonugoromo ē inōmohuremu uehorovoromo nimorohē'i va'oromo hesi maho sisēho aho'o imo'amo barēnugoromo ijo bajo bōvi mae baeromo vuonorō'ō va'oromo gurihi nugē'e inōmoho bae'i ē muoho imade hōjo.

<sup>45</sup> O aehu nienia mabēhe ēhemu uehorovadēhi God-hu bōrōme namiromo muebejēvaje jō ēhemu ēhi uehorovo'irarije jōho uhu'e uē'iē'ajējo. Nienia imo'amaje ae gemuēro nienia mabēhe imo'amo'i nahobe juvade hōjo.

<sup>46</sup> Nahōjuvo nieniae gemu ma-mabēhoho birohade hōjo. Birohonugoromo ē nieniahuremu uehorovoromo va'oromo hesi maho sisēho imo'amo barēnugoromo ijo bajo bōvi mae baeromo vuonorō'ō va'oromo ē nieniaho gemu imade hōjo.

*Viō uhu jōhoje.*

<sup>47</sup> Rōhu God-hu bōrōme namiromo muebejēvaje jō gōho uhu'e uē'iē'ajējo. Aēro viō bōrōme jovo e'ure ba'amare hōjo. Ba'amamu jovo maje ihe gō gō viōre aegade hōjo.

<sup>48</sup> Aegoromo irijiomamugo evare jovo rirōre hava'oromo raromare hōjo. Raromoromo jovo majo maho suovoromo hevōre io'amo'i sisēho ruruhō'ōjare hōjo.

<sup>49</sup> Ējō hesi bēhoho ave sa'a hesi majaho barē'iramu ēhi jio'a'ajējo. Aneraēro rueruomoro mo a maho ēhi rēmo'i a sisēho mevoromo ujuohoro mo

<sup>50</sup> vēni bōrōmehu ravajire ē ruruhō'ō'aruējo. Ēdirō'ore ae aho'obēhe nierusuburu'e bamoromo ane ja'iho vuogigimoruomo'ajējo. Ēhi jio'a'ajējo.

*Jō mae gōho mamie gōho i'e ē hesi jōhoje.*

<sup>51</sup> Rōhu naehu majēhijode jōho aho'o na jemē he barējarie hōjamu uavareje: Io'ajo.

<sup>52</sup> Io'ajamu Iesuro uēvadeje: Ēhu'ēro God-are jōgoru mami ōri rōjēhijaje ae rahu God-hu bōrōme namiromo muebejēvaje jō i'ohu'o ēhu'o hejē'oho inōmo mamiohu'o i'ohu'o hesi osare jiaje aho va'ēne jianovajējo. Ēhi jiē'e aehu inōmo mamiohu'o i'ohu'o bahijaje osare jio'amajoho va'orahoro ujuoho rueromo rōjēhijajēhi ēhi jiē'e aribōvioho God-are jō mamiohu'o i'ohu'o ae rōjēhiruomo'ajējo.

*Iesuare amo rajehu Iesu bijōnimoruomade jōhoje.*

<sup>53</sup> Ēhi jiē'e uhu jōho majēhinugoromo Iesuro va'adeje.

<sup>54</sup> Va'oromo hesi amēro rovadeje. Rueromo hiromo God rajahjarue osare rumo va'oromo God-are jō bēhoho rōjēhijadeje. Rōjēhijamu hegorovo tiōjēvadeje. Tiōromo uvoruomadeje: Diehi'oromo simano maho baeromo darugo'e mu masijoho vaejaje hōjo.

<sup>55</sup> Hu sarerivajējo. Ma-ijo muemu vaejaje a hesi harihe hōjo. Hesi vēmoho Mary hōjo. Hesi ō ōmo'ōmoho James Joseph Simon Judas ēhi jio'amajējo.

<sup>56</sup> Hesi ma'ino ōmo'ōmoho aho'o no'o gemu mae raromarue hōjo. Ēhi jiē'oho diehi'oromo aviēhi jiē'e muoho baejade hōjo.

<sup>57</sup> Ēhi uvoromo nue huodivareje. Nue huodivamu ġēgorovo Iesuro uēvadeje: Jō God-aro baeromo majēhijarue aribōvioho dinō'e dinō'e va'ē'iroho aēro no mae uehorovavuarue hōjo. A'i nosi sa'a raje agane gemuoho jemēremu bogo ēhioho uehorovavuarue hōjo.

<sup>58</sup> Ēhi uēnugoromo darugo'e muoho ma-gemu gemu ē vaejadeje amo rajoho bogo ma uehorovaruego.

## 14

*John bapataeto vaejaje a guomade jōhoje.*

<sup>1</sup> Ēhi'amu Iesuhu mu bōrōmo vaejaje jōho sa'a a bōrōme Herod-ro hejadeje.

<sup>2</sup> Herod-ro jōho heromo hesi mu vaejarue aribōvioho uēvadeje: Ēaho John bapataeto vaenōvade aho hōjo. Hu guomoromo ri'ōjē'e hōjo. Guomoromo ri'ōjē'ēro ēhu'ēro darugo bōrōme baeromo mu masijoho vaejaje hōjo.

<sup>3-4</sup> Rōhu ē jō hesi bēhoho urimē'i Herod-ro hesi ōe Philip-are vabore hesi ihoho Herodias gohoniahijadeje. Gohoniahijamu John-ro ri'ōromo ua'i hijadeje: Ēmagonaho baejanoho ēho bogo maehu hōjo. Ēhi ua'i hijamu Herod-ro ē magonaho hesi jōēni ae uēvamu John guduamoromo tōvoromo savoji gagore ba'amareje.

<sup>5</sup> Ĕhi'amu Herod-ro John ano'i nimiromo rōhu uvadeje: Ae aho'obēhe uvoruomaje hōjo: John hu jō God-aro baeromo majahuijaje ae hō uvarue hōjo. Ĕhi uvoromo ē aribōvioho juhuonēmiromo bogo anadeje.

<sup>6</sup> Ĕhi'ojuvo Herod rahade majaho rovadeje. Herod rahade majaho rovamu Herodias-are abojohuro ae aho'obēhe jabesi nunire rueromo javavadeje. Javavamu Herod-ro garomo vuēvadeje.

<sup>7</sup> Vuēvoromo magonahoho uavadeje: Ja rabe rabe nagē'oho iae na bojami'ejōjo. God-ro ge'ego na mae uavajējo.

<sup>8</sup> Ĕhi uavamu abojohuro va'o vēmehu nimade jōho heromo rueromo Herod uavadeje: Bapataeto vaejaje ae John-are sōnōho tarioromo simanoho hevōro bamoromo avehuro baro bojemējo.

<sup>9</sup> Ĕhi uavamu hegorovo rue a bōrōmohuro huē vavaene baejadeje. Huē vavaene baejade hōjo rōhu urimo darugo'e jōho ē aribōvi jabesi nuniro ē magonahoho mae uavē'ēro ēhu'ēro jōe bojēmiromo uēvadeje: Magonahehu nimajoho baro bojami'hējo.

<sup>10</sup> Bojamihēromo ae rēmō'ōjamu savoji gagore va'oromo John-are sōnōho tarioromo

<sup>11</sup> simanoho hevōre bamonugoromo barueromo abojoho bojami'jareje. Bojamamu huro bava'o vēmoho bojamadeje.

<sup>12</sup> Ĕhi'amugo John-are ijore ijore jijiharue aribōviohuro rueromo sinoho bava'oromo guavareje. Guavonugoromo va'oromo Iesu majahijareje.

*Iesuhu ae aho'obēhe 5,000 da'uojuhade jōhoje.*

<sup>13</sup> John bapataeto vaejēvaje a guomade jōho majēhijamu hegorovo Iesuro va'oromo boat-re ajio hiro mo a rumo'e sa'are va'i va'adeje hu'o hesi aribōviohu'o sivue raro-rorōhēni. Ĕva'aje jōho hegoro ae aho'obēhe jabesi amore amore jioromo va'oromo Iesuhu va'ajire sa'a hōrēro ē va'oruomadeje.

<sup>14</sup> Va'oruomamu Iesuro jovo dōre boat-re va'adoho sa'are rueromo ravo'amoromo gavade ae aho'obēhe tagavē'e jiamu gēgorovo jabesi jōēni vavaenimoromo jabesi aribōvie guomo'oho ajēmijadeje.

<sup>15</sup> Ĕhi'ojuvo majae garobō'e bamamugo hesi ijorajo ōmo'ōmohuro rueromo uavareje: Aveho a rumo'e sa'ae hōjo. O majae mami'e barējē'e hōjo. Ĕhuni aribōvioho rēmō'ōjego amo gōro gōro va'oromo ie imo'amo'irarējo.

<sup>16</sup> Ie imo'irarējamu Iesuro uēvadeje: Jabumē rabēni va'ojōrajo. Jemēro iruno'oho da'uojuhīrējo.

<sup>17</sup> Da'uojuhīrējamu uavareje: Iae mae hōjo rōhu aviae no ie ōvo gō mine visue niō'i ēhemu javuajējo.

<sup>18</sup> Ĕhemu javuajējamu uēvadeje: Baro bojemihējo.

<sup>19</sup> Ĕhi uēnugoromo huro aribōvioho uēvadeje: Garasioro raromohējo. Raromohēromo ie ōvo gō mine visue niō'i ujuoho rovaroho ēho huro ujuohoromo ō'idōho sioroho garomo God huē mae uavadeje. Huē mae uanugoromo ioho ato'atovoromo hesi ijorajo ōmo'ōmoho i'imēmamu ujuohoromo ae aho'obēhe suvuorēmijareje.

<sup>20</sup> Suvuorēmijamu ae aho'obēhe ē ioho visuoho ue'ahamu da'uēgadeje. Da'uēgamu gagorovo ijorajoho jaburo vitu vituoho gagovoromo aegamu esōe aho'obēhe 12 iri-jiomo'amadeje.

<sup>21</sup> Ĕhi'areje. Ama'e aho'obēhe 5,000 rabu'e iohu'o visuohu'o ue'ahoruomadeje. Rōhu magonahe asisō'e jabu'o ue'ahareje.

*Iesuhu e'u dōre hōrehu va'ade jōhoje.*

<sup>22</sup> Ĕhi'amu Iesuro hesi ijorajo ōmo'ōmoho uēvadeje: Boat-oro ajio raromoromo e'u ioni gōnō urimo va'ohēgo na a loro'loroho rēmō'ōjōjo.

<sup>23</sup> Ĕhi uēromo ae aho'obēhe rēmō'ōnugoromo parie vae'i hesi sivue dahorure ajiomadeje. Ajiomoromo hesi sivue hijamu vahioromadeje.

<sup>24</sup> Vahioromamu nume ijorajoho jaburo ōri ēgobōviro jovo dōre va'oruomamu evare burēro jabesi nuninō rueromo jovoho hasaromo boat-ohu'o babu'ōjēvobe va'adeje.

<sup>25</sup> Ĕhi'ojuvo sisonuvo'ia'amu Iesuro jovo dōre hōrēro rovadeje.

<sup>26</sup> Jovo dōre rovamu gagorovo ijorajoho jaburo jiodudu'iraeromo uvareje: Aru'ahēro rovājēromo juhuonivoromo jō'e dadovareje.

<sup>27</sup> Jō'e dadovamu hejē'i Iesuro uēvadeje: Nadi juhuonivo'i biririvohējo. Na jevajējo.

<sup>28</sup> Na jevajējamu Peter-ro uavadeje: Bada ja javē'oho uevego na jovo dōre ō'ōjo.

<sup>29</sup> Ō'ōjamu Iesuro uavadeje: Rovējo. Rovējamu hegorovo Peter-ro boat-re jioromo jovo dōre abueromo Iesu biroho'i hōrēro jovo dōre va'adeje.

<sup>30</sup> Va'ihö gavade bure rovamü gagorovo juhuonivadeje. Juhuonivoromo jovo gagore abue'ia'amü gavë'i uvadeje: Bada ajemëjo.

<sup>31</sup> Ajemëjamü hejë'i Iesuro övoho nugö'öromö Peter ma'enoromö uavadeje: Mae uehorovevo avoho'ibejanëjo. Ja rabëni uehorö niö'ioho bæjane höjo.

<sup>32</sup> Èhi uanugoromö jaburo niö'iro boat gagore ajiomamü gavë'i buroho barëjadeje.

<sup>33</sup> Buroho barëjamü gagorovo boat-re raromare ariböviohuro Iesu rajahiro m uavareje: Iae mae-ëjo. Ja God-are Harihe javajëjo.

<sup>34</sup> Èhi'onugoromö e'u ioni gönö rueromö Gennesaret sa'are ravo'amareje.

<sup>35</sup> Ravo'amamü gagorovo ë sa'a rajohuro Iesu garomö uvoruomadeje: Iae Iesu hö uvoromö ë sa'ae bövioho jöe nugö'öjamü guomö guomö'e ae aho'obëhe ujuoho rueruomadeje.

<sup>36</sup> Ujuoho rueromö ëninamirömö uanövareje: Guomö guomö'e aribövioho uëvego ja niögu vituohuremü rëhego ëhuro guomö guomöho barë'amajo. Èhi ua'ego ae rahu rëhë'oho marë'amonövadeje.

## 15

*Pharisee ariböviehu God-are jö bogo avoho uehorovoti jabesi a mami jö böröme hö uehorovare jöhoje.*

<sup>1</sup> Èhi'amü Pharisee ariböviohu'o Jew rajo jögorü öri röjëhijarue ariböviohu'o ëho jaburo Jerusalem jioromö rovereje. Rueromö Iesu uavareje:

<sup>2</sup> Jasi ijorajo ömö'ömomö nosi a mamiehu bojëmibe rovere jögoroho ahoruomaje höjo. Nosi a mamiehu ë'arëhioho jasi aribövioho jovoho övoho bogo ëhioho otehodivorovë'e ioho ma-ue'aharue höjo. Rabëni ëhioho ë'arue höjo.

<sup>3</sup> Èhi uavamü hegoromö Iesuro uëvadeje: Röhu jemë rabëni jemesi a mami jabesi muohuremü uehorovoromö ëhuro God-are jögoroho aharuje höjo.

<sup>4</sup> Èhesi bëhoho God-ro uëvade höjo: Jasi vëmü vavü'oho mae uehorovëvonëjo. O jöe gö'ö uëvade höjo: Ae rahu jö sisë jövoromö vëmü o vavü hesi iho ijumahë'oho anegö guomö'irajo.

<sup>5</sup> Röhu jemëro ë jöho ahoromö ae röjëhiromö uëvaruje höjo: Jaehu jasi vëmü vavü'o God-are nunire uëvë'oho: Nasi maho sisëho ujuohoromö jemë ajëmi'ibejodoho röhu aveho na God-are ihoro bamë'e javajë uëvë'oho

<sup>6</sup> nadi röhu maho huotorovoromö vavüho ajaminëjo. Ajamijë'oho sisë höjo. Vavü ajamijë'oho sisë hö uëvarujohuro ëhuro vëmü vavü'o mae uehorovëvo'irarijego God-hu bojëmade jöho jemëro aharuje höjo jemesi a mami jöho e'irovo.

<sup>7</sup> Sareri sareri'e aribövie javajëjo. Jö God-aro baeromö majëhijade ae Isaiah-ro jemëhu ë'irarije jöho jajivoromö ëhi uvë'e höjo:

<sup>8</sup> Ave ariböviohuro ma-jö'ëremü God na rajehi'i dë vövöbajo'oho bogo nasi gemuoroho jio'i rori'o jioruomajëjo.

<sup>9</sup> Jabumë a jabesi jögoroho ae röjëhiromö uëruomaje höjo: Èho God-are jöe jiaje ejahuorëjo. Ma-a jabesi jögoroho ëhi röjëhiromö ëhuro ma-döhëmu God na rajehiruomaje höjo.

Èjemesi jö Isaiah-hu jajivadoho iae mae höjo.

*Bogo i jaruohuro a'i uehorö sisë bæjaruohuro ëhuro God-are nunire sisë'ëjavuajë jöhoje.*

<sup>10</sup> Iesuro ëhi uënuoromö ae aho'obëhe uëvadeje: Rö gemuoro gagovöhëromö ro gagovamü uëvadeje: Ave uhu jö uë'ië'ajoho avoho heromö bëhoho bærejo.

<sup>11</sup> Rabe jö'ore va'ë'oho bogo ëhuro aho sisë'ë'amö'i a'i rabe jö'ore jioromö suorovë'ohuro ëhuro aho sisë'ë'amaje höjo.

<sup>12</sup> Iesuro ëhi jövamü hejë'ëro hesi ijorajoho jaburo rueromö uavareje: Jaehu ë jö majëhijamü Pharisee ariböviehu heromö huë sisë bæruomadoho na ja uehorovanëjo.

<sup>13</sup> Na ja uehorovanuëjamü Iesuro uëvadeje: Nasi Vavue ö'idöre hijaje a hesi aribövioho mure i maehu rijajoho va'ëne jioruomajëjo. Èmure hesi ëma ri'amaje resu resuoho nasi Vavuohuro jaho'amoromö ruruhö'ö'ajëjo.

<sup>14</sup> Èhuni ë resu resu va'ëne Pharisee aribövioho ëhi vuonugorëjo. Jaburo nuni sisë'e ariböviohuro öroho röjëhijanovarue höjo. Nuni sisë'e a göëhu nuni sisë'e a gö öri röjahijë'oho jabumë niö'i guare bejëvo va'a'ajëjo.

<sup>15</sup> Bejëvo va'a'ajëjamü Peter-ro Iesu uavadeje: Röhu jö'ore va'aje o jö'ore jioromö suorovaje uhu jö hesi bëhoho huruoho majahuijego no hejarëjo.

<sup>16</sup> Hejarëjamü Iesuro uëvadeje: Na jaruvoho ëhi jemë'ö uehoroho bogojëvajëjo.

<sup>17</sup> Jemë rabëni bogo garomo uvarujëjo: Rabe jö'ore va'ë'oho dëre abueromo dëre jioromo suorovoromo bogo aho ijumëvë'e ma-gua gagore va'aje höjo.

<sup>18</sup> A'i jö'ore jioromo suorovaje jöhuro dë vövöbajo'ere jioromo rojomoromo jö'ore suorovaje höjo. Suorovoromo ëhuro aho God-are nuniroho sisërë'amaje höjo.

<sup>19</sup> Ëhesi bëhoho uehoro sisëhuro dë vövöbajo'ere jioromo rojomego ëhuro ae muo'amoruomaje höjo. Goho'amoruomaje höjo. Öero jijihanovoruomaje höjo. Vajiohëro ujuohoruomaje höjo. Ae sarerëmiruomaje höjo. Ae gö jabesi ihoho ijumoruomaje höjo.

<sup>20</sup> Ëhi jië'e mu sisë vaejë'ohuro ëhuro aho God-are nunire sisërë'amaje höjo. A'i övo bogo egü'ë'e i ijë'oho bogo ëhuro aho God-are nuniroho sisërë'amaje höjo.

*Israel rajo bogo a'i sa'a gö rajo magonahehu Iesu mae uehorovade jöhoje.*

<sup>21</sup> Ëhi'oromo Iesuro ë sa'aho nugo va'adeje. Va'adoho va'o Tyre amo Sidon amo jiajinö sa'are ë rovadeje.

<sup>22</sup> Rovamu iae Canaan sa'a rajo magonahëro ë sa'are hijë'ëro rueromo Iesu uavadeje: Bada ja a böröme David-are ujoho javaje nani vavaenimoromo ajeminëjo. Satan-are a sisëro nasi aboji hesi dë gagore abuejë'e höjo. Abuejë'ëro magonahoho sisë'i hijajëjo.

<sup>23</sup> Sisë'i hijajëjumu Iesuro bogo jöho uavadeje. Bogo jöho uavamu hesi ijorajo ömo'ömhuro rueromo uavareje: Magonahoho uavego va'ajo. Hu ma-darugo'o uvobe nosi ijore ijore rovajëjo.

<sup>24</sup> Rovajëjumu Iesuro uëvadeje: God-ro sa'are remö'öjade höjo naro rueromo bogo sa'a gö rajoho ajëmi'i a'i Israel raje sheep va'ëne subirö'ö'amë'ohemu ajëmi'irodego.

<sup>25</sup> Ëhi uëvamu ë sa'a gö rajo magonahohuro ro Iesuare bëhire ague aho hiromo uavadeje: Bada ajemijëjo.

<sup>26</sup> Ajemijëjumu Iesuro uehorovoromo uvadeje: Vëmu vavu'ehu jabesi aboji harihu'o urimo ajëmijaruëhi naro nasi sa'a rajohemu ëhi urimo ajëmi'i rovode höjo. Ëhi uvoromo ë sa'a gö rajo magonahoho uhu'e uavadeje: O-ajo. Noehu aboji harihu'o jabesi i ujuohoromo ö harihu mio'amë'oho ëho bogo maehu höjo.

<sup>27</sup> Bogo maehu höjumu hegoroovo magonahohuro uehorovoromo uvadeje: Iae na bisemu ioniro sa'a gö raje jevo'ego ëhuni bogo ajëmi'i jöho jövajëjo. Röhu noehu bogo rarovego öehu i ugorbajo'o ue'aharuëhi nani Iesuro na'o ëhi ejehoromo nasi abojoho ajami'ajëjo. Ëhi uvoromo mana uhu'e uavadeje: Bada iae mae-ëjo röhu jabesi öhuro vavu jabesi maratuore jioromo rireromë'e i ugorbajo'oho ue'aharue höjo.

<sup>28</sup> Ue'aharue höjumu Iesuro uavadeje: Asë'e naro ajamijöro uehoro ma-mabëhe barovane höjo. Ëhuni jaehu nimanuëhi ëhi ë'ejöjo. Ëhi ë'ejöjumu gavë'i abojoho marëjahadeje.

*Iesuhu ae aho'obëhe jabesi sino avohëhade jöhoje.*

<sup>29</sup> Ëhi'amu Iesuro va'adeje. Va'adoho va'o Galilee jovo riröre va'oromo dahorure ajiomoromo sa'aro hijadeje.

<sup>30</sup> Hijamu ae aho'obëhe maho jaburo höru sisë'e aho nuni sisë'e aho övo höru tövëhë'e aho bitaro tövëhë'e aho guomo guomo'e a ioro'ioroho aho'obëhe ëhi ujuoho rueruomadeje. Ujuoho rueromo Iesuhu hijajire sa'are bahiruomadeje. Bahijamu huro avohëvamu mae jëvadeje.

<sup>31</sup> Mae jëvamu ae aho'obëhe garuomadeje bitaro tövëhë'e aribövioho mae jioromo jöe atamu övo höru'e tövëhë'oho mae jëvamu höru sisë'e aribövioho mae jioromo jijihamu nuni sisë'e aribövioho mae jioromo uherihamu. Ëhi'amu gëgoroovo jabumë ae aho'obëhe tiöjëvadeje. Tiöromo God Israel rajo muebejëvaje a hesi ihoho döro bamoruomadeje.

*Iesuhu ae aho'obëhe 4,000 i da'uojëhade jöhoje.*

<sup>32</sup> Ëhi'amu Iesuro hesi ijorajo ömo'ömo uëvadeje: Ruehë uëromo rovamu uëvadeje: Ave ariböviohuni vavaenegajëjo. Jabumë na'o raromobe rovaroho majae niö'i gemu barëjë'ëro ëhu'ëro i ue'aho'iröhooho bogohöjo. Ma-dë gagëremu remö'öjë'oho na bijönegajëjo va'ego örire nune örijëvojöëni.

<sup>33</sup> Ëhi uëvamu rue ijorajoho jaburo uavareje: Iae ëhi höjo röhu aveho ma-sa'aemu jië'e öri ari'ero ae aho'obëhe rovë'e höjo. Ëhi jië'oho no dinö'e ioho birohoro mo da'uojëhi'ëjarëjo.

<sup>34</sup> Da'uojëhi'ëjarëjumu uëvadeje: Ioho dimino'e jëvajëjo. Dimino'e jëvajëjumu uavareje: Ioho övo gö mine övo göre niö'i visu ininoho ma-gemu gemu javuajëjo.

<sup>35</sup> Ëhi uavamu hegoroovo Iesuro ae aho'obëhe uëvadeje: Sa'aro raromohëjo.

<sup>36</sup> Raromohëromo ie övo gö mine övo göre niö'i ujuoho rovarohu'o visuohu'o ujuo-horomo God huë mae uanugoromo ato'atovoromo hesi ijorajo ömo'ömoho i'imëmamu ae aho'obëhe suvuorëmijareje.

<sup>37</sup> Suvuorëmijamu ae aho'obëhe ue'ahamu da'uëgadeje. Da'uëgamu gagorovo ijorajoho jaburo vitu vituohu gagovoromo esöe övo gö mine övo göre niö'i aegamu irijiom'amadeje.

<sup>38</sup> Ama'e aho'obëhe 4,000 jaburo ë ioho visuohu ue'ahoruomadeje. Röhu magonahe asisó'e jabu'o ue'ahareje.

<sup>39</sup> Ëhi'amu Iesuro ë aribövioho rëmö'önugoromo boat-re ajio hiromo Magadan sa'are va'adeje.

## 16

*Pharisee ariböviohu'o Sadducee ariböviohu'o jabuhu Iesu bogo ma uehorovoromo huhu darugo'e mu vaejöro dinamare jöhoje.*

<sup>1</sup> Iae Pharisee ariböviohu'o Sadducee ariböviohu'o ëho jaburo rovareje. Rueromo Iesu guaro beva'ojöro nimoromo uavareje: God-are darugoho baeromo bogo gavarue muoho röjahuijego no gavarëjo huro ja ajamego muoho vaejanue javego o bogo.

<sup>2</sup> Ëhi uavamu huro uëvadeje: Jeniromoromo ö'idöho kavuego uvaruje höjo: Ö'idö kavuajoho vamae jio'iro ë'ajëjo.

<sup>3</sup> O sue'oho uvaruje höjo: Ö'idö kavuoromo ramoramovajoho jaruvoho ëni buru'e rue hesi höjo. Jemëro ö'idöho uherihoromo kavuego garomo uvaruje höjo: Ëhesi bëhoho iae ëhi jio'ië'ajëjo. Röhu ave jaruvore rovaje muoho garomo ë hesi bëhoho bogo avoho garomo uvarujëjo: Iae God-are mu börömo rovajëjo.

<sup>4</sup> Sareri'e aribövi sisë jëvájëjo. Magonahehu hesi baru vuonugo'i ma-juvájëhi jemëro ëhi God vuonugo'i mue gö gö uehorovaruje höjo. Jemë rabëni darugo'e muoho ga'i nimarujëjo. Na ëhi jië'e muoho bogo vae'i a'i Jonah-hu God-are mu börömo rëjhijade ëhi jië'e muohuremu rëjhie'ejëjo. Mue gö gö bogajo. Ëhi uënuoromo rëmo va'adeje.

*Pharisee aribövi o Sadducee aribövi jabesi i dë huaje oso hesi uhu jöhoje.*

<sup>5</sup> Ëhi'amu Iesumëro e'lu döre va'oromo ioni gönö rovareje. Rueromo ijorajoho jaburo gavareje rumonëgamu iruno'oho bogo ujuohë'e jëvamu.

<sup>6</sup> Ëhi'amu Iesuro uhu'e uëvadeje: Jemë gavë'iajo. Pharisee aribövi o Sadducee aribövi jabesi i dë huo'amaje osohuro jemesirire rumorovo'ajëjo.

<sup>7</sup> Rumorovo'ajëjamu rueho jaburo ë jöho mevoromo uarovareje: Noro ie bogo ujuoho rovë'ëro ëhuni jövájëjo.

<sup>8</sup> Ëhi uarovamu Iesuro gëromo uvadeje: Jabumë ëhi jië'e jöho ataruëromo uëvadeje: Mae uehorovevo avoho'ibejarijëjo. Jemë rabëni i bogojavuaje jöho atarujëjo.

<sup>9</sup> Jemë rabëni avevejö'ohu'o bogo gavarujëjo. Naehu ie övo gö mine ujuohoromo ae aho'obëhe 5,000 i'imëmodoho ë i vitu vitu aegamu esöe dimino'e irijiom'amadoho jemë ëhu'o rabëni bogo uehorovarujëjo.

<sup>10</sup> O naehu ie aho'obëhe övo gö mine övo göre niö'i ujuohoromo ae aho'obëhe 4,000 i'imëmodoho ë i vitu vitu aegamu esöe dimino'e irijiom'amadoho jemë rabëni bogo ëhu'o uehorovarujëjo.

<sup>11</sup> Jemë rabëni uvarujëjo: Ie bogojavuo'ego nöörö i jöe uehorovoromo majahuijajëjo. Bogo ë jöho uëromo ë'ode höjo. Röhu gavë'iajo. Pharisee aribövi o Sadducee aribövi jabesi i dë huo'amaje osohuro jemesirire rumorovo'ajëjo.

<sup>12</sup> Rumorovo'ajëjamu hegorovo ijorajoho jaburo uhu jö hesi bëhoho avoho uehorovoromo uvareje: O Iesu bogo i dë huo'amaje oso jöho majahuiromo uövuade höjo: Gavë'iajo. A'i Pharisee aribövi o Sadducee aribövi jabesi jö sisëhuro nosiro rumorovojöëni ë jöho uhu'e majahuiromo uövuade höjo: Gavë'iajo.

*Iesu hu ëhi jië'e ae jiaje jö Peter-hu jövade jöhoje.*

<sup>13</sup> Iae Iesuro ajiomadoho Caesarea Philippi amo bëhinö sa'are rovadeje. Rueromo huro hesi ijorajo ömo'ömoho uëvadeje: God-are A Maho na rahuo jevaje jöho ae aho'obëhe diehi atoruumaje höjo.

<sup>14</sup> Diehi atoruumaje höjamu uavareje: A ioro'iorohuro uvoruomaje höjo: Ja John bapataeto vaejavuonövine ahuro rovë'e javajëjo. A ioro'iorohuro uvoruomaje höjo: Ja Elijah-ro rovë'e javajëjo. A ioro'iorohuro uvoruomaje höjo: Ja Jeremiah-ro o jö God-aro baeromo ae majëhinövine ae göëro rovë'e javajëjo.

<sup>15</sup> Ëhi uavamu hegorovo Iesuro uëvadeje: Röhu jemë nasi jöho diehi ataruje höjo.



<sup>16</sup> Diehi ataruje hōjamu Simon Peter-ro ri'ōromu uavadeje: Ja bōrōme namiromo ajamuijanue aho javajējo. God hiemu hijaje a hesi Harihe javajējo.

<sup>17</sup> Hesi Harihe javajējamu Iesuro Peter uavadeje: John-are harihoho Simon ja huē mabēhe baejē'e javajējo. Bogo ma-aehu ē jōho rōjahijamu jōvo'irōgoro nasi Vavue ō'idōre hijajohuro rōjahijē'ero jōvanuējo.

<sup>18</sup> Rōhu na ave jōho ua'iē'ajējo: Ja Peter javajējo. Peter hesi bēhoho munē javajējo. Rōhu ave munēho bamo'ejōjo nasi ekaresiae aho'obēhe ē hesi dōre gagovēvego bibivoromo riravo'irarijego. Nasi ekaresiae aho'obēhe ēhi riravo'iramu vuovo hesi vōrōho bogo ruahō'ōjēvoromo ijumēvo'ajējo.

<sup>19</sup> Rōhu naro Peter jasi ōrire darugoho bojami'ejōjo jero ojoho jiovēhego aēro God-are ōri ari'ere ē va'oruomorōhego. Ja sa'are hiromo ōri tugohē'o ho jero ma-mae tugoho'iramu God'o ō'idōre hiromo avoho tugoho'ajējo. O sa'are hiromo ōri jiovē'o ho jero ma-mae jiovo'iramu God'o ō'idōre hiromo avoho jiovo'ajējo.

<sup>20</sup> Ēhi uaromo hesi ijorajoho aho'obēhe darugo'o uēvadeje: Nadi aho huruoho majēhiromo uērējo: Nōrō bōrōme namiromo a ajēmijaje aho hōjo.

*Iesuhu huē vavaeni baeromo guomorōhe jō jōvadohoje.*

<sup>21</sup> Ēhi'onugoromo evare majare Iesuro aevoromo hesi ijorajo ōmo'ōmoho rōjēhiromo uēvadeje: God-ro ēhi bamē'ero ēhu'ero na Jerusalem ajiomō'ejōjo. Ajiomō'iramu a duvaho aribōvihuro priest masijohuro Jew rajo jōgoru ōri rōjēhijarue aribōvihuro ēho jaburo vi'ehe huē vavaene bōvie bise'e bojemi'aruējo. Ēhi ē'oromo ae gō jabesi ōvore bojēmi'iramu anego'iramu guomoromo majae niō'i gemu hesi uhure ri'ō'ejōjo.

<sup>22</sup> Ēhi uēvamu hegorovo Peter-ro Iesu rori'o hu'irae bava'oromo uavadeje: Bada bogajo. Ēhi jiē'e huē vavaenoho bogo mae bogo bae'a'anuējo.

<sup>23</sup> Ēhi uavamu hegorovo Iesuro huotorovoromo Peter uavadeje: Satan rori'o va'ējo. Jero nasi muoho ahanuējo. God-hu uehorovajēhioho ja bogo ēhioho uehorovo'i ma-aehu uehorovuēhi jero ēhi uehorovoromo ēhuni ē jōho jōvanuējo.

<sup>24</sup> Ēhi uanugoromo hesi ijorajo ōmo'ōmoho uēvadeje: Ae rahuario nasi ijore ijore juvo'i nimē'o ho jasi sinehu nimajoho nadi uehorovo'i uvonējo: Iesuare jōēni vi'ehe huē vavaene javoje rabe baeromo guomevē'o ho iae hesi hō uvoromo korosi hesi i'uoho banigojomanovoromo nasi ijoro ijoro juvonōvonējo.

<sup>25</sup> Ja jasi sinohuni uehorovoromo birivoromo ave sa'are hi'i ēhemu uehorovē'o ho ijonōho guomo ōriro va'a'anuējo. O ja nasi jōēni guomē'o ho ijonōho maro hi'a'anuējo.

<sup>26</sup> Jaehu are jove sa'ae mae sisē aho'obēhe bae baerē'i rōhu jasi arijo'arije ijumorovē'o ho na ja ēhuro mae javo'ajējo. Bogajo. Arijo'arije ijumorovē'o ho diehi rōhu maho avohorovo'iramu mae javo'ajējo. Ōre bogohōjo.

<sup>27</sup> Rōhu God-are A Maho naro nasi Vavu hesi ajohu'o nasi anera ōmo'ōmohu'o gemu mae vuonorō'ō rue'ejōjo. Rueromo evare ae gemu gemu diehi jiē'e mu vaejarije manaho ēhi bojēmibe va'ejōjo.

<sup>28</sup> Ave jōho na jō mae uē'iē'ajējo. Jemē a ioro'iore ave riravarujoho bogo vuovē'e raro-moromo ge'a'arujējo God-are A Maho naro bōrōme namiromo muebejēvo'i rue'iramu.

## 17

*Iesuare nu ano'ehu ajivoromo gorosovade jōhoje.*

<sup>1</sup> Ēhi uēnugoromo majae aho'obēhe ōvo gō mine ōvo gōre gemu barējamu Iesuro Peter James o James-are ōe John ēhi sōromo dahoru ēgobōvire ajiomoromo jabesi sivue raromareje.

<sup>2</sup> Raromoromo ē ijorajoho jaburo gavareje Iesuare sino haho'e gorosovoromo hesi nu ano'o ho majaehu bamajēhi ēhi jio'i hesi niōgoho ajivo avohamu.

<sup>3</sup> Ēhi gal'i gavareje Moses'o Elijah'o ēma jēvoromo jabu'o Iesu'o jōe atoruomamu.

<sup>4</sup> Jōe atamu gēgorovo Peter-ro Iesu uavadeje: Bada nō ave raromaruoho iae mae hōjo. Ja nagē'o ho naro javue niō'i gemu vae'amo'ejōjo jani gemu Moses-ni gemu Elijah-ni gemu.

<sup>5</sup> Ēhi jōvamu gavē'i ajivē'e suehuro rueromo aegēhadeje. Aegēhamu hejareje sue uhure uvavamu: Ave aho nasi Harihu mabēhe hōjo. Na hu garomo nimorohevajējo. Huhu jōvaje jōho avoho herējo.

<sup>6</sup> Ēhi uvavamu hejē'i ē ijorajoho jaburo sisē maro juhuonivoromo sa'are rireromoromo nu ano'o ho sa'are amoromo momorō'ōjareje.

<sup>7</sup> Sa'are momorō'ōjamu Iesuro rueromo jabumē rēhēvoromo uēvadeje: Nadi juhuonivo'i ri'ōhējo.

<sup>8</sup> Ri'ōhējamu hegorovo ri'ō uheriho'i gavareje ae gō bogojio'i Iesu gemu namijamu.

<sup>9</sup> Ĕhi'onugoromo dahorure ruvebijë'i Iesuro uëvadeje: Jemëhu gavarijoho nadi aho majëhirëjo. U'emu God-are A Maho naro guomoromo ri'öjogo evaro majëhirëjo.

<sup>10</sup> Ĕhi uëvamu rueho jaburo uavareje: Jew rajo nosi jögoru öri röjahuijarue ariböviohuro uövuaruë höjo: God-are a börömoho bogo ëma rue'i a'i urimo Elijah God-aro va'adoho iae vuonorö'ö rue'a'ajëjo. Rue'iramu God-are a börömoho ijore rue'a'ajëjo. Jögoru öri röjahuijarue aribövioho rabëni ë jöho majahuijarue höjo.

<sup>11</sup> Rabëni majahuijarue höjamu Iesuro uëvadeje: Io'ajo. Elijah-hu urimo rueromo bövi bise'o avoho'amo'iröhe jöho iae mae-ëjo.

<sup>12</sup> Röhu ave jöho naro jemë uhu'e uë'ië'ajëjo. Hehëjo. Elijah iae mami'e rovade höjo. Rovamu aëro hu bogo ma ga'irögoro jabuhu diehi nimarëhi ëhi hesi örire sisë vaeruomade höjo. Jabuhu hu sisë vaejarëhi God-are A Maho na'o ëhi sisë vaejevoroumo'ajëjo.

<sup>13</sup> Ĕhi majëhijamu hegorovo evare Elijah uëvaje hesi bëhoho uehorovoromo uvareje: John bapataeto vaejavuonövade a hesi jöho majahuiromo ë'ajëjo.

*Iesuhu Satan-are a sisë aharihu hesi dëre jiamu rarovö'öjade jöhoje.*

<sup>14</sup> Dahorure ruvebinugoromo ae aho'obëhe raromaruire ë rovareje. Rovamu gavë'i ae gemuëro rueromo ague aho hiromo

<sup>15</sup> Iesu uavadeje: Bada nasi harihohuni vavaenimoromo ajamijëjo. Hesi simanoho sisëërëromo sisë'i sisë'i hi juvaje höjo. Sisë'i sisë'i hiromo vënire jovore ëma ravorovaje höjo.

<sup>16</sup> Ĕhuni jasi ijorajo jabesi örire barovode höjo. Barovamu ajami'iröhoho bogo eni jëvade höjo.

<sup>17</sup> Bogo eni jëvade höjamu Iesuro uëvadeje: Asë'e ave jaruvore raromaruje aribövioho jemë bogo ma uehorovö'i jöe gö gö ëma uehorovarue aribövie jëvajëjo. Na majae dimino'e jemë'oho hibe va'ejöjo. Majae dimino'e jemesi mu sisëho garomo ma-nunëro ga taemobe va'ejöjo. Jemesi mu sisëhuro na u'uëvajëjo. Ĕaharihoho avehuro barovego na gavöjo.

<sup>18</sup> Barovamu gagorovo Iesuro Satan-are a sisëho birevamu aharihu hesi dëre jioromo hörö va'adeje. Hörö va'amu gavë'i aharihoho mae jiadeje.

<sup>19</sup> Ĕhi'amu Iesure ijorajoho jaburemu rueromo Iesu uavareje: Diehi'oromo noehu aru'aho sisë rarovö'öjaroho bogo eni javuade höjo.

<sup>20</sup> Bogo eni javuade höjamu Iesuro uëvadeje: Jemëro bogo ma uehorovë'ëro ëhu'ëro bogo eni jëvadeje höjo. Röhu ave jöho na jö mae uë'ië'ajëjo. Mustard bajoho inino mae jio'amajëjo. Mustard baje gemu ma-bise'o jiajëhi ëhi uehoro mae ma-bisemu baeromo God mae uehorovë'oho ave dahorehu böviehu bise'ehu jemesi mu ahanovajoho uavë'oho: Rori'o va'ë uavë'oho iae rori'o va'a'ajëjo. Ĕhi jië'mu mu bövi bise'o vaejë'oho eni jëvo'ajëjo.

<sup>21</sup> [Amo ë aharihu hesi dëre jiade ëhi jië'e a sisë ae gö hesi dëre jiajoho rarovö'ö'ië'iroho i ue'aharujoho vuonugo'i God-are örire uehore aho'o bojamiromo ëninamijë'ohuro ëhuro rarovö'ö'amo'arujëjo. Öri göho bogo'e höjo.]

*Iesuhu guomoröhe jö röhu maho majëhijade jöhoje.*

<sup>22</sup> Ĕhi'oromo Iesure ijorajoho jaburo Galilee sa'are ë ro gemuoro gagovareje. Gagovamu gavë'i Iesuro uëvadeje: God-ro ëhi bamë'ëro hesi A Maho na a jabesi övore va'oromo

<sup>23</sup> anego'iramu guomo'ejöjo. Guomoromo majae niö'i gemu hesi uhure ri'ö'ejöjo. Ĕhi majëhijamu heromo huë vavaene böröme baeruomadeje.

*Iesumëhu God-are amo börömo hesi tax bojami'iröhe jöhoje.*

<sup>24</sup> Ĕhi ë'ë'ëro Iesu'o hesi ijorajo ömo'ömohu'o ëho jaburo Capernaum amore rovareje. Rovamu God-are amo börömo hesi mu nigemo'iröhe tax moni baejarue ariböviohuro rueromo Peter uavareje: Na jasi a börömoho God-are amo börömo hesi tax-oho bojamijaje höjo.

<sup>25</sup> Bojamijaje höjamu Peter-ro uëvadeje: Io'ajo. Io'a uënuigoromo osare va'amu gavë'i Iesuro urimo jöho jövoromo Peter uavadeje: Simon ja diehi uvanuëjo. Sa'ae dinö'e dinö'e raromoromo masijo vaejaruoho tax ihe gö gö ujuoho'ië'iroho rahumesi örire uëvego i'imëmarue höjo. Na jabesi ae gemuoho jabesi örire o ae gö jabesi örire uëvarue höjo.

<sup>26</sup> Uëvarue höjamu Peter-ro uavadeje: Ae gö jabesi örire uëvarue höjo tax monie bojëmijöro. Ĕhi uvamu Iesuro Peter uavadeje: Ĕhu'ëro jië'ëro jabesi agane gemuoho tax-oho bogo vaejarue höjo.

<sup>27</sup> No God-are agane javuajëjo röhu no hesi osa hesi tax-oho bogo bojëmi'ibejarëjo tax baejarue aribövioho huë sisë bae'ibejarëjo. Ĕhuni iae bojëmi'ëjarëjo. Röhu jovo e'uoro va'oromo anuge ba'amoromo aevö'i jiomo'irane visuoho baeromo jö'oho tarivahonëjo.

Tarivahoromo ga'a'anuëjo tax hesi ijo bajoho jö'ore jio'iramu. Ëho bava'oromo tax-oho jasirohu'o nasirohu'o bojëminëjo. jöhoje.

## 18

*Di aehu a ioro'ioro iosirëmiromo böröme jiaje*

<sup>1</sup> Ëhi'amu evare Iesuare ijorajoho jaburo rueromo uavareje: God-hu böröme namiromo muebejavuajoho di ahuro a ioro'ioroho iosiramuiromo börömoho javuajëjo.

<sup>2</sup> Börömoho javuajëjumu hegorovo Iesuro aharihoho uvamu rovadeje. Rovamu jabesi nunire hu'irae barueromo

<sup>3</sup> uëvadeje: Ave jöho na jö mae uë'ië'ajëjo. Jemë jemesi iho böröme jiojoro uehorovarujoho vuonugoromo huutorovoromo asisö'onö'e ma-taemo raromorëjo. Jemë bogo ëhi ë'ië'oho God-hu muebejaje öri ari'eroho bogo va'o hesi jëvájëjo.

<sup>4</sup> Ae rahu döre bamorovaruocho vuonugo'i ave aharihoho va'ëne ma-taemo raromë'oho ë ariböviohuro God-hu böröme namiromo muebejëvaje a ioro'ioroho iosirëmiromo jabumë masijo mae jioruomajëjo.

<sup>5</sup> Ae rahu aviëhi jië'e asisö'oho gemu nasi ihore rajahiromo baejë'oho ëhuro na'o rajehiromo baejvoruomaje höjo.

*God uehorovarue mu ijumëharue aribövi jabesi jöhoje.*

<sup>6</sup> Ae göëro asisö'onö'e jörume hiromo nasi örire mae uehorovevo'ajëjo. Ëhi'o'iramu ae göëro ë aho mu sisë röjahiromo ëhuro na uehorovevaje muoho ijumaho'ajëjo. Ijumahoromo ëhuro hu i'u sisëho bae'a'ajëjo. Mu sisë bogo röjahijajevare evare ë mu sisë röjahijaje a hesi sönö'ahore aëro i'u'e munë hitahiohuro tövoromo sö jovore ba'amego e'u egöbövire beva'oromo jove iromo guomo'ibejajo ëho ma-jianovo'ibejajo. A'i ë mu sisë röjahi'iröhe ë hesi i'uoho börömo bëhe bae'a'ajëjo.

<sup>7</sup> Sa'are aribövioho aho'o vaevë'e jioruomajëjo göehu gö bijioho gavego sisë vaeröhe muoho jia'ëlego. Ëhi jië'e muoho iae rue'a'ajëjo. Röhu ae rahu ë mu barovë'oho vaevë'oho sisërë'ajëjo.

<sup>8</sup> Jasi övehu o hörehu mu sisë vaeromo God uehorovanue mu vuonugo'ië'iroho övoho o höroho tarioromo bu'önëjo. Ja öve o höre gemu javamu ijönö va'oromo mare hijë'oho ëhuro mae javo'ajëjo. A'i öve niö'i o höre niö'i javamu ijönö God-hu ramö'öjumu ravemu ravaje vënire va'ë'oho ëhuro sisë bëhe javo'ajëjo.

<sup>9</sup> O jasi nunehu mu sisë vaeromo God uehorovanue mu vuonugo'ië'iroho nunoho jahoromo bu'önëjo. Ja nune gemu javamu ijönö va'oromo mare hijë'oho ëhuro mae javo'ajëjo. A'i nune niö'i javamu God-hu ramö'öjumu vëni sisëre va'ë'oho ëhuro sisë bëhe javo'ajëjo.

*Sheep subirö'öjumu nahoromo birohade uhu jöhoje.*

<sup>10</sup> Röhu gavë'i raromorëjo. Asisö'o va'ëne ma-taemo raromarue aribövioho bogave nue huodëgo'irarijëjo. Rabëni hesi bëhoho jabumë muebejëvarue aneraho jaburo ö'idöre raromoromo nasi Vavue ö'idöre hijaje a hesi nuniro raromemu raromarue höjo.

<sup>11</sup> [God-are A Ma naehu rovode hesi bëhoho subirö'ö'amë'e aribövioho sö rueromo maro nugo'amo'iroadëni rovode höjo.]

<sup>12</sup> Röhu ave uhu jö majëhi'ië'ajoho jemë diehi uehorovarujëjo. Ae gemu sheep aho'obëhe 100 jio'i gemu sidövoromo ëma juvë'oho arijo'ohuro sheep ioro'ioroho 99 dahore nugo'amo'i va'oromo subirö'öjade sheep-oho nahobe juvo'a'ajëjo. Na mae-ëjo.

<sup>13</sup> Nahobe juvoromo birohë'oho evare sheep ioro'iore 99 mae raromare jabesi jöënioho ma-bisemu nimoroho'i a'i ë subirö'öjade sheep gemu'ohunioho nimoroho avoho'ajëjo. Iae na mae uëvájëjo.

<sup>14</sup> Ëuhu jö hesi bëhoho asisö'o va'ëne jörume raromarue aribövioho röhu gemu sisëre va'ë'oho jemesi Vavue ö'idöre hijajohuro ëhi jië'oho bijönimaje höjo.

*Ekaresia ae göehu mu sisë vaejavuego noehu diehi ë'iröhe jöhoje.*

<sup>15</sup> Ja'o hu'o God uehorovaruje öehu ri'öromo jasi örire sisë vaejavë'oho jasi sivue va'oromo jemë niö'iro ariromo hesi sisëho avoho majahijego hu he'irajo. Heromo huhu ejahë'ohuro ëhuro jasi öho jasiro barue'anuëjo.

<sup>16</sup> O bogo ejahë'oho va'oromo ae gö'o gemu o niö'i hu'iraejëvoromo ö hesi öroro vuonorö'ö va'onëjo. Ëhesi bëhoho God-are surire jöho ëhi uvë'e höjo: Ae rahu ae gö hesi sisë a masijo jabesi nunire majëhijë'iroho ae niö'i o niö'i gemu gavare o hejare jö sisë gemuohuremu majëhijë'oho aëro heromo uvo'a'aruëjo: Iae mae-ëjo. Ëhi jië'e mu sisëho vaejaje höjo. Ëhuni ae gö'o gemu o niö'i hu'iraejëvoromo ö hesi öroro va'oromo hesi jö sisëho mevego jabu'o heromo ja ajami'irarëjo.

17 O jabesi jöhu'o bogo ejëhë'oho va'oromo ekaresiaho ë a hesi sisëho huruoho majëhinëjo. O huhu ekaresia jabesi jö ëhu'o bogo ejëhamu gavë'iroho uvonëjo: Hu a gö va'ëne o vajiohu'e tax gagovaje aho va'ëne höromo nadi gavanovonëjo.

18 Ave jöho na jö mae uë'ië'ajëjo. Jemë sa'are raromoromo öri tugohë'oho jemëro ma-mae tugoho'iramu God'o ö'idöre hiromo avoho tugoho'ajëjo. O sa'are raromoromo öri avoho jiovë'oho jemëro ma-mae jiovo'iramu God'o ö'idöre hiromo avoho jiovo'ajëjo.

19 Röhu ave jöhu'o uë'ië'ajëjo. Jemë ae niö'i sa'are arirromo jöe gemuoro uehorovoromo ëninamijë'oho nasi Vavue ö'idöre hijajohuro ejëhoromo jemëhu ëninamijarijëhi iae ëhi vaejëho'ajëjo

20 rabëni ae niö'i o niö'i gemu nasi ihore gemuore gagovë'oho naro ë dirö'ore jemë'o jevajëro jië'ëro.

*Ae göehu ae gö hesi sisë bogo uehorovoromo vuonugade ë hesi uhu jöhoje.*

21 Ëhi'amu Peter-ro rueromo Iesu uvadeje: Bada nasi öehu nasi örire mu sisë vae'i hijë'iroho na majae dimino'e uehorovoromo vuonugo'i hi'ejöjo. Na na vae 7 uehorovoromo vuonugo'i hi'ejöjo.

22 Ëhi uavamu hegorovo Iesuro uvadeje: Na uavajëjo: Bogo vae 7 ëhemu a'i vae majae uehorovoromo vuonugo'i hi'a'anuëjo.

23 Ëhesi uhu jöho na ua'ië'ajëjo. Sa'a a börömo hesi mu vaejeharue aribövi jabuhu moni bojami'iröhe suri suri ë sa'a a börömehu adahoromo ë'adëhi God-ro böröme namiromo hesi öri ari'oho ëhi muebejaje höjo.

24 Iae sa'a a böröme gemuëro hijade höjo. Hiromo hesi mu muebejeharue jabesi suri surioho aevoromo adaho'amade höjo. Adaho'amamu ae gemuehu a börömo hesi örire 7 million kina bojami'iröhoho hu'irae barovare höjo.

25 Barovamu a börömhuro gavade ë aho moni bojami'iröhoho bogo eni jiamu gagorovo hesi aribövioho uëvade höjo: Ëhuni ave aho hesi vaborohu'o aboji harihu'ohu'o maho sisëho aho'obëhe ëhu'o jemëro ae gö imëvoromo monioho mana baeromo nasi öroro bojemirëjo. Ëhi jië'oho ë mu vaejaje aehu na mana bojemego bae'ibejodëhi ë monioho naro bae'ejöjo.

26 Ëhi majëhijamu hegorovo ë ahuro ague aho hiromo ëninamiromo uavade höjo: Ma-biririvoromo hiromo muebejevonëjo. Iae na aho'o bojami barë'ejöjo.

27 Ëhi jövamu hegorovo rue a börömhuro huni vavaenimoromo uavade höjo: Iae mae-ëjo. Nadi ijoho bojeminëjo. Iae barëjajëjo. Va'onëjo.

28 Ëhi uavamu iae va'ade höjo. Va'ihö gavade ae gemu hu'o mue vaeromo a börömo hesi mu muebejahajoho jiamu gagorovo guduamade höjo 12 kina hesi örire bojami'iröhëro jië'ëro. Guduamoromo huë husuovahoromo uavade höjo: Nasi monioho bojemijëjo.

29 Bojemijëjamu ague aho hiromo ëninamiromo uavade höjo: Ma-biririvoromo hiromo muebejevonëjo. Iae na bojami'ejöjo.

30 Bojami'ejöjamu bogo ejahade höjo. Bogo ejaho'i guduamo bava'oromo savoji gagore ba'amade höjo hu ë hibe va'ojuvo ë monioho hesi örire bojami'iröhego.

31 Ëhi'amu gagorovo a börömo hesi mu muebejeharue a ioro'iorohuro garomo dë vörönëgoromo sisë maro vavaenëgade höjo. Vavaenëgamu va'oromo a börömo hu-ruoho majahiromo uavare höjo: Ëhi ëhi ë'lë'e höjo.

32 Ëhi ëhi ë'lë'e höjamu rue a börömhuro jöe nugö'öjamu ë mu muebejahaje ahuro rovade höjo. Rovamu a börömhuro uavade höjo: Nasi mu vaejanue aho sareri a sisë bëhe javajëjo. Jero uevë'ëro ëhuni jaehu moni bojemi'iranoho na uehorovoromo vuonugo barëjode höjo.

33 Naehu jani vavaenimodëhi ja rabëni jasi a göhunioho bogo ëhioho vavaenimane höjo.

34 Ëhi uanugoromo ë arijo'ohuro dë vörönimamu ae uëvamu hegoro mu vaejaje aho guduamo bava'oromo savoji gagore ba'amare höjo ë hibe va'ojuvo monie aho'obëhe bojami barë'iröhego.

35 Jöho ëhi jië'ëro jemë ae gemu gemu jemesi a ioro'ioro jabesi sisë bogo uhohu'o uehorovoromo vuonugë'oho nasi Vavue ö'idöre hijajohuro ë börömehu ë'adëhi jemesi örire ëhi ë'lë'ajëjo.

## 19

*Vaboro'o baru'o gemuoho jëvaje jöhoje.*

1 Iesuro ë jöho majëhinugoromo Galilee sa'are jioromo va'adeje. Va'oromo Jordan beromo ioni göre Judea sa'are rovadeje.

<sup>2</sup> Rovamu ae aho'obêhe mae rihiromoruomamu huro guomo guomo'e aribövioho avohêvamu mae jêvadeje.

<sup>3</sup> Êhi'amu gagorovo Pharisee ariböviohuro rueromo Iesu guaro beva'ojôro uavareje: Vaboro nugô'ô'amo'irôhe jôgoru hesi jôho no he'i naguajêjo. Baruehu rabêni rabêni bijônimoromo vaboro nugô'ô'ajê'oho na mae o sisê hôjo.

<sup>4</sup> Mae o sisê hôjamu Iesuro uêvadeje: Rôhu jemê ave jô adaharijoho rabêni bogo avoho uehorovarujêjo. God-are surire êhi uvê'e hôjo: Bôvi bise'ô bamade ahuro aevoromo ahu'ô magonahohu'ô bamêvade hôjo.

<sup>5</sup> Bamêvoromo uêvade hôjo: Êhu'êro jiê'êro aêro vêmu vavu'oho rêmô'ô'i vaborohu'ô gemu mae hi'a'ajêjo. Vaborohu'ô hi'iramu jabumê niô'i jêvadoho rôhu gemu jio'a'ajêjo. Êhi uvê'e hôjo.

<sup>6</sup> Êhu'êro jiê'êro ê ahu'ô magonahohu'ô bogo hahagu hahagu jio'i ma-gemu jêvo'ajêjo. God-hu mami'e gemuore havoromo muohadoho jemê ma-ae jêvaje nadi tarivorêjo.

<sup>7</sup> Nadi tarivorêjamu uavareje: Vaboro nugô'ô'irôhoho sisê hô uôvuuanuoho rôhu êhi jiê'oho Moses-ro rabêni ave jôgoroho bojamuade hôjo: Vaboro nugô'ô'i nagê'oho nugô'ô'irane jôho suroro jajivoromo vaboroho bojamiromo evaro nugô'ônêjo.

<sup>8</sup> Nugô'ônêjamu Iesuro uêvadeje: Jemê hia'i biriri'e aribövie jêvobe rovê'ego êhuni baruehu vaboro nugô'ô'amo'irarije ê hesi ôroho Moses bogo tugohade hôjo. Rôhu ni'i'ivadiroho êhi jiê'e muoho bogojiade hôjo.

<sup>9</sup> Rôhu ave jôho na uê'iê'ajêjo. Vaboroho bogo ma-juvê'e baruehu êma nugô'ôromo magonahe gô masuvê'oho êho bogo maho masu'i goho'amarue muoho vae'a'ajêjo.

<sup>10</sup> Êhi majêhijamu hegorovo hesi ijorajoho jaburo Iesu uavareje: Ja uôvuuanuoho: Baruehu vaboro masuvê'oho nadi êma nugô'ô'amorê uôvuuanuêjo rôhu êhi jiê'oho aehu magonaho masuvê'oho bogo maho jianovajêjo.

<sup>11</sup> Êhi uavamu Iesuro uêvadeje: Magonaho bogo masu'i ma-raromê'oho ae aho'obêhe êhi ê'ê'oho bogo eni jioruomô'ajêjo. God-hu darugo bojêmamumu baerumê'oho ê ariböviohuremu êhi ê'ê'oho eni jioruomô'i a ioro'ioroho bogo eni jioruomô'ajêjo.

<sup>12</sup> Êhesi bêhoho ae gêoro gêoro bêhe gô gô uehorovoromo magonahoho bogo masu'i êma rarumarue hôjo. A ioro'ioroho rahare majare sinoho êhi jêvê'êro magonahoho bogo masu'i êma rarumarue hôjo. A ioro'iorohuro God-hu bôrôme namiromo muebejêvaje hesi muoho uehorovoromo magonahoho bogo masu'i êma rarumarue hôjo. Ae rahu êhi jiê'e mu vae'irarije darugo baejê'oho êhi vaerêjo.

*Iesuhu hesi ôvo asisô'ô inino jabesi sinore bamêhade jôhoje.*

<sup>13</sup> Êhi'amu gagorovo aêro asisô'oho sô ujuoho rueruomadeje Iesuro ôve jabesi sinore bamêhoromo God uavego ajêmi'irôhego. Ujuoho rovamu gêgorovo Iesuare ijorajo ômo'ômohuro birêgareje.

<sup>14</sup> Birêgamu hegorovo Iesuro hesi ijorajoho uêvadeje: Nadi ahêvo'i uêhego rueruomajo. Êhi jiê'e asisô'ô va'êne jôrume raromê'e aribövioho God-ro bôrôme namiromo muebejêvego hesi aharire raromoruomaje hôjo.

<sup>15</sup> Êhi uêvê'êro ôvoho jabesi simanore bamêhonugoromo va'adeje.

*Bôvi bise'ô marohê'e a hesi jôhoje.*

<sup>16</sup> Êhi'amu iae a i'e gemuêro rueromo Iesu uavadeje: Tisa na diehi jiê'e mu maho vaeromo êhuro ioro'ioremuoho maroho hi'ejôjo.

<sup>17</sup> Maroho hi'ejôjamu uavadeje: Mu ma vae'irane jôho ja rabêni nasi ôriroho ue gevanuêjo. God gemu a maho hôjo. Rôhu mare hi'i nagê'oho hesi jôgoroho ejahonôvonêjo.

<sup>18</sup> Ejahonôvonêjamu uavadeje: Diehi jiê'e jôgoroho uevanuêjo. Uevanuêjamu Iesuro uavadeje: Nadi aho anonêjo. Nadi goho'amonêjo. Nadi vajiohoho baenêjo. Nadi sareri'e jôho aho majêhinêjo.

<sup>19</sup> Jasi vêmoho vavuoho mae uehorovêvonêjo. Jasi arijo'arije rajahirovanuêhi jasi ae gemuoho êhi rajahinêjo.

<sup>20</sup> Rajahinêjamu uavadeje: Êjôho iae na e barêjê'e jevajêjo. Êhi ê'ê'e jevajêjo rôhu mu gôho rabe vae'ejôjo êhuro maro hi'irodoho eni jêvo'irôhe.

<sup>21</sup> Êhi uavamu Iesuro uavadeje: Maro hi'iranêro ma-mae javojôro nagê'oho va'oromo jasi bôvioho bise'oho imo'amoromo monioho baeromo inômo bogo eni jiê'e aribövioho suvuorêminêjo. Êhi ê'ê'oho bôvie bise'e maho maho janioho ô'idôre jiaho'ajêjo. Êhi'oromo rueromo nasi ijoro ijoro juvonôvonêjo.

<sup>22</sup> Êhi uavamu hegorovo ruéhuro hesi uehorovoromo uvadeje: Na bôvie bise'e bôrômo mae jêvê'êro suvuorêmi'irodoho na bogo eni jevajêromo vavaenimoromo va'adeje.

<sup>23</sup> Va'amu gagorovo Iesuro ijorajo ömo'ömo uävadeje: Ave jöho na jö mae uë'ië'ajëjo. Bövi bise'o marohë'e aehu God-hu muebejaje öri ari'ere va'ë'oho ëhi jië'oho anoji'e mae jio'a'ajëjo.

<sup>24</sup> Röhu avehu'o uävajëjo. Mi börömo anugo gagore nugö'öjë'oho ja bogo eni javo'ajëjo. Röhu ëhi ë'ië'oho samae jianovo'i bövi bise'o marohë'e ariböviehu God-hu muebejaje öri ari'ere va'iröhoho ëho anoji'e mae höjo.

<sup>25</sup> Anoji'e mae höjamu heromo tiötövoromo uavareje: Ëhi jië'oho no diehi'oromo maroho va'ejarëjo. No ae aho'obëhe bogo eni javuajëjo.

<sup>26</sup> Bogo eni javuajëjamu Iesuro ërimëhoromo uävadeje: Io'ajo. Jemë aëro jëvë'ëro bogo eni jëvajëjo. A'i God-hu mue aho'obëhe vaejë'oho hu eni höjo.

<sup>27</sup> Ëhi uëvamu hegorovo Peter-ro ri'öromo Iesu uavadeje: Aveho gavëjo. Noro bövie bise'e nosiroho vuonugo'i jasi ijore ijore jijihë'e javuajëjo. Ëhuni no manaho rabe bae'ejarëjo.

<sup>28</sup> Rabe bae'ejarëjamu Iesuro uävadeje: Ave jöho na jö mae uë'ië'ajëjo. Maja i'oho rue'iramu God-are A Maho naru nasi ihoho dö maro jio'iramu nasi röho mare hiromo nasi aribövioho muebejëvo'ejöjo. Muebejëvo'iramu evare nasi ijoraje 12-ho jemëro na'o gemu mae arëto göro göro raromoromo Israel rajo nosi agane gö gö 12 jabesi muoho mevo ga'a'arujëjo.

<sup>29</sup> O ae rahu javue öe ma'ine vavue vëme aboji harihu'e o sa'ae nasi iho hesi jöëni vuonugo'amo'i va'ë'oho ëhi jië'e ariböviohuro bövi mae baeromo ijönö ma-ioro'ioremu maro raromo'arujëjo.

<sup>30</sup> Ëhi höjo röhu a ioro'iore aho'o nuninö jiaruoho dejonö jioruomo'i a ioro'iore dejonö jiaruoho nuninö jioruomo'ajëjo.

## 20

*Ariböviehu grape ö'i bajo mure va'oromo mu vaejamu mu arijo'ehu mana diehi bojëmade uhu jö Iesuhu majëhijadohoje.*

<sup>1</sup> Sa'a arijo'e aehu hesi mu hesi öri muebejadëhi ö'idöre hijaje A Börömo huro hesi öri ari'oho ëhi muebejaje höjo. Sa'a arijo'e ae gemuëro sue'o va'ade höjo ae baejogo jaburo hesi grape ö'i bajo mure va'oromo mue vaejahoromo manaho baeruomoröhego.

<sup>2</sup> Va'o ae birohëvoromo uävade höjo: Muoho vaejehorego noehu a bojëmijaruëhi ëhi jië'e ajivë'e ijo baje gemu majae gemu hesi muohuni bojëmi'iröjo. Bojëmi'iröjamu uavare höjo: Iae mae höjo. Iae mae höjamu rue mu arijo'ohuro hesi mure rëmö'öjade höjo.

<sup>3</sup> Ëhi ë'ë'ëro majae 9 o'clock jiamu gavë'i vuonorö'ö va'oromo gavade höjo a ioro'ioroho mu rumo'e market-re ëma riravamu gëgorovo

<sup>4</sup> uävade höjo: Jemë'o nasi muoro va'o mue vaerëjo. Suvuoro mae dimino'e jiajëhi na ëhi bojëmi'ejöjo.

<sup>5</sup> Bojëmi'ejöjamu muro va'are höjo. Ëhi'amu maja ririrohu'o maja huotorovadevarohu'o huro market-re vuonorö'ö va'oromo ae gö gö jöe gemuoho uë'i hijade höjo.

<sup>6</sup> Ëhi ë'ë'ëro majae beva'ia'amu gavë'i market-re va'oromo gavade a ioro'ioroho riravamu gëgorovo uävade höjo: Majae bövioho jemë rabëni muoho bogo ë'ë'e ëma riravemu riravarujëjo.

<sup>7</sup> Uavare höjo: Aho moni muoho bogo bojamuijë'ëro ëhuni ma-riravarujëjo. Uävade höjo: Jemë'o nasi muoro va'oromo mue vaejehorëjo.

<sup>8</sup> Ëhi ë'ë'ëro majae barëjamu gagorovo mu arijo'ohuro hesi mu muebejahaje aho uavade höjo: Mu aribövioho uëvego rue'irarëjo. Rovego suvuoro ho bojëmibe va'onëjo. Ijonö ro aevoromo mu vaejare aribövioho urimo manaho bojëmiromo evaro va'o urimo majae göre göre mu vaebe rovare aribövioho bojëmibe va'oromo ijo tugoho'ioho urimo ro mu aevoromo vaejare aribövioho bojëminëjo.

<sup>9</sup> Ëhi'amu majae beva'ia'amu ro mu vaejare ariböviohuro ajivë'e ijo baje gemu gemu baeruomade höjo.

<sup>10</sup> Ëhi baeruomamu gavë'i urimo ro mu vaejare ariböviohuro uvare höjo: No gö'o döre bae'ejare uvare höjo röhu jabu'o ajivë'e ijo bajoho ëhi gemuoho baeruomade höjo.

<sup>11</sup> Ëhi gemuoho baeruomoromo mu arijo'oho birevoromo

<sup>12</sup> uaruomade höjo: Ijo tugoho'i ro mu vaejare ariböviohuro majae ma-bisemu mue vae'i noro sisonuvamu muoho aevoromo majae nijo'e huë vavaeni'e muoho vaebe va'öjuvo hujeji jenirumamu vuonugare höjo. Röhu jero jabumë bojëmijanëhi no'o ëhi gemuoho bojamujanujëjo.

<sup>13</sup> Bojamuijanuėjamu rue mu arijo'ohuro ae gemu uavade hōjo: Isiajo. Na bogo sisē'ioho vaejavode hōjo. Ja'o uehorovėjo. Na mami'e uavode hōjo: Ajivē'e ijo baje gemu bojami'ejōjamu hegoro jero uevane hōjo: Iae mae hōjo.

<sup>14</sup> Ēhuni jasi suvuoroho baeromo va'ėjo. Nasi nimoromo naehu ja bojami'jodēhi ave ijo tugoho'i ro mu vaejehade aho suvuore ēhi gemuoho bojami'ajėjo.

<sup>15</sup> Nasi moniēro jii'ēro naehu baeromo rabe rabe negajoho ē'ē'oho ēho na mae hōjo o sisē'ioho. Na suvuoro'e huē baejē'e ae jevajėjo rōhu jero rabēni ēho uehorovoromo aho nue huodėganuėjo. Ēhi uavade hōjo.

<sup>16</sup> Rōhu uhu jō bēhoho ēhi hōjo. Dejonō jiaruoho nuninō jioruomo'i nuninō jiaruoho dejonō jioruomo'ajėjo.

*Iesuhu guomorōhe jō urimo vae niō'ī majēhijadoho ijonō rōhu maho majēhijade jōhoje.*

<sup>17</sup> Iae Iesuro Jerusalem amo bōrōmore ajiomo'i va'adeje. Ōrire va'oromo huro hesi ijarahē 12-ho rori'o sō va'oromo ōrire uēbe va'adeje:

<sup>18</sup> Aveho hehėjo. No Jerusalem amore va'aruėjo. Va'o ē raromoromo God-ro hesi ēhi bamē'ēro hesi A Maho naro priest masijo jabesi ōvore Jew rajo jōgoru ōri rōjēhijarue a jabesi ōvore va'iramu baejevo'aruėjo. Baejevoromo nasi jōho mevo garomo uvoruomo'ajėjo: Nōrō sisē'e aego guomo'a'ajėjo.

<sup>19</sup> Guomo'a'ajēromo na baejevoromo sa'a gōre jioromo rovare aribōvi jabesi ōvore bojēmi'iramu baejevoromo sivegoromo hisuebijevoromo korosire anego'iramu guomevo'ajėjo. Guomoromo majae niō'ī gemu hesi uhure ri'ō'ejōjo.

*James'o John'o jabuhu masije rirarovo'irōhego jabesi vēmehu Iesu ua gavade jōhoje.*

<sup>20</sup> Ēhi'amu iae Zebedee-are harihe niō'ī James'o John'o jabesi vēmohuro jabumē hu'iraejēvoromo rovadeje. Rueromo ague aho hīromo Iesu uavadeje: Na ja ajamuinėjo o bogajo.

<sup>21</sup> O bogajamu hegorovo Iesuro uavadeje: Ja diehi nagajėjo. Diehi nagajėjamu uavadeje: Na negajėjo jaehu bōrōme namiromo muebejavuē'iroho jero uēvego ave nasi harihu niō'iohuro ō'o jasi bēhire masije rirarovoromo gōhuro jasi ōvo manō gōhuro jasi ōvo adonō ēhi ari'irōhego.

<sup>22</sup> Ēhi uavamu hegorovo Iesuro ō'o ō'o uēvadeje: Iae ēhi hōjo rōhu jemēhu ue gevaruje jō hesi bēhoho jemē bogo gavē'e ēma uevarujėjo. Na gavajėjo ajuo'e jovo sisēro ajumanovo hesi jio'ego. Ēhi jii'e huē vavaeni bae'irarijoho na jemē'o eni jėvajėjo. Eni jėvajėjamu uavareje: Iae no eni javuajėjo.

<sup>23</sup> Ēhi uavamu Iesuro uēvadeje: Iae mae hōjo. Na ajuemi'irōhe jovo sisēhuro jemē'o ajuēmi'ajėjo. Rōhu nasi bēhire ōvo manō o ōvo adonō ari'irarije jō uē'irodoho ēho bogo nasirehu hōjo. Nasi Vavuehu a rahumēni uvoromo nugade rōhoho ē aho jaburemu nasi bēhiroho ari'a'aruėjo.

<sup>24</sup> Ēhi'amu Iesuare ijarahō ioro'ioe 10-ho jaburo hejare uvavamu: Ō'o ō'o Iesuare bēhire bōrōme rirarovo'i uvare hōjamu hegorovo jabesi ōrire dē vōrōnimoruomadeje.

<sup>25</sup> Dē vōrōnimoruomamu gėgorovo Iesuro hesi ijarahoho aho'obēhe uēvadeje: Ruehōromo rovamu uēvadeje: Iae jemē'o gavarujėjo. Sa'a ioro'ioe rajo jabesi a masijoho jaburo jabesi aribōvioho ruahō'ōjėvoromo jabumēremu masije riravarue hōjo. O jabesi bēhire riravaruohuro ēhi taemėvoromo jōe bojēmijarue hōjo.

<sup>26</sup> Sa'a ioro'ioe rajohuro ēhi ē'arue hōjo. Rōhu jemē nadi ēhioho dōroho bamorovorėjo. A'i jemesi ae gemu rahu bōrōme nami'i nimē'oho ē aho a ioro'ioe jemē ajēminōvo'irōhe ae jio'a'ajėjo.

<sup>27</sup> O jemesi ae gemu rahu nunire jio'i nimē'oho hu a ioro'ioe jemesi mu vaejėhonōvo'irōhe ae jio'a'ajėjo.

<sup>28</sup> God-are A Ma naehu a ajēmi'i rovodēhi ēhi ē'orėjo. Naehu rovode hesi bēhoho bogo aēro na ajemi'irarijego rue'i a'i naro ae ajēmiromo nasi arijo'arije bojami'rorovoromo guomorovoromo ēhuro ae aho'obēhe sisēhu tōvėvajoho jiovo rēmō'ō'irodēni ēhuni rovode hōjo.

*Iesuhu Jericho amo vuonugoromo va'ī nuni sisē'e ae niō'ī ajēmade jōhoje.*

<sup>29</sup> Ēhi'oromo Iesumēro Jericho amoho nugo'i va'amu ae aho'obēhe rihiromoruomadeje.

<sup>30</sup> Rōhu nuni sisē'e ae niō'ī ōri ionire arijē'e jiareje. Ariromo hejare uvavamu: Iesuro rova'ajė uvamu hegorovo ma-darugo'o uvareje: [Bada] David-are ujoho bōrōme javaje noni vavaenimėjo.

<sup>31</sup> Vavaenimėjamu hegorovo ae aho'obēhe jaburo birėgoromo uēvareje: Jōe vuonugohėjo. Jōe vuonugohėjamu hejē'i rōhu maho darugo ma'o uvareje: Bada David-are ujoho bōrōme javaje noni vavaenimėjo.

<sup>32</sup> Vavaenimėjamu Iesuro va'adoho vuonugo'i ë namiromu uvėvadeje: Avehuro ruehėromu rovamu uėvadeje: Naro diehi ajėmijėro nėgajėjo.

<sup>33</sup> Nėgajėjamu uavareje: Bada ajamuego no nune dadovoromo uheriharėjo.

<sup>34</sup> Uheriharėjamu Iesuro jabumėni vavaenimoromo nunoho rėhėhadeje. Rėhėhamu ma-burėro uherihoromo hesi ijore va'areje.

## 21

*Iesuhu Jerusalem mabėhe rovade jėhoje.*

<sup>1</sup> Iae Iesumėro va'o Jerusalem bėhire va'oromo Olives Dahorure Bethphage amo'ere ajio suorovareje. Suorovoromo Iesuro ijorajoho niő'i rėmő'ōromu

<sup>2</sup> uėvadeje: Arue jemesi nunōrire amohuro va'ohėjo. Va'o hōrō'i ga'a'arujėjo donkey-oho harihohu'o benugė'e jio'iramu. Benugė'e jiego jiovoromo hu'iraejėvo ruerėjo.

<sup>3</sup> O aehu jō uėvė'iroho uarėjo: Badaro ave miho nimo'tego ėhuni hu'iraejėvo va'aruėre. Ėhi ua'iramu iae ma-burėro uė'a'ajėjo: Ėhi ė'ohėjo.

<sup>4</sup> Rōhu ėhi ė'irōhe mu hesi bėhoho God-are surire jō jajivarėhi ėhi jiorōhego. Jō God-aro baeromo majėhinōvade ahuro uėvadeje:

<sup>5</sup> Jemėro Zion amo rajoho ėhi uėrėjo:

Gahėjo. Jemesi bōrōmohuro jemesi ōrire rovajėjo.

Hu sanu'e aėro jiė'ėro donkey dōre hiromu rovajėjo.

Donkey hesi harihure hiromu rovajėjo.

<sup>6</sup> Amo Iesuro hesi ijorajoho rėmő'ōjamu va'oromo Iesuhu uėvadėhi ėhi ė'areje.

<sup>7</sup> Ėhi'oromo ė donkey niő'ioho vėmohu'o harihohu'o hu'iraejėvo rueromo niōgoho jabesi dejore ruaho'amo bahijamu gagorovo Iesuro ė ajio hijadeje.

<sup>8</sup> Hijamu ae aho'obėhe a ioro'iorohuro niōgoho ōrire ahahobe va'i a ioro'iorohuro ijo rude tarivo'amoromo ahahobe va'areje.

<sup>9</sup> Iesuarė nuninō va'oruomadohu'o dejonō rueruomadohu'o ma-darugo'o uvoruo-madeje:

Ave aho David-are ujoho bōrōme vaeromo rovajoho mabėhėjo.

Ave aho Badare ihore rovajoho mabėhėjo.

God mabėhėjo.

<sup>10</sup> Ėhi'amu Iesuro Jerusalem amore hōrōjamu gavė'i amo raje ae magonahe aho'obėhe tiōtiōvoromo uėvareje: Ėho rahuo hōjo.

<sup>11</sup> Rahuo hōjamu Iesu'o rueruomade aribōviohuro uėvareje: Ėaho Galilee sa'are Nazareth amore hiromu jō God-aro baeromo majahuijaje aho hōjo.

*Iesuhu God-are amo bōrōmore va'oromo ė'ade jėhoje.*

<sup>12</sup> Ėhi'amu Iesuro God-are amo bōrōmore va'adeje. Va'i gavade aėro bōvie bise'e imo'amamu rarovō'ōjėvadeje. Rarovō'ōjėvoromo gavade aėro sa'a gōre gōre jioromo rovare aribōvi jabesi ijo bajoho ujuoho'i amo bōrōmo hesi ijo bajoho i'imėmamu gėgorovo jabesi mu maratuoho huotovō'ōjėhoromo ugo imo'amarue aribōvi jabesi arėtohu'o huotovō'ōjėhadeje.

<sup>13</sup> Huotovō'ōromu uėvadeje: God-are surire jajivoromo uvė'e hōjo: God nasi osaho aėro uvoruomo'ajėjo: Ėho God-are ōrire jō ato'irōhe osaho hōjo. Ėhi uvė'e hōjo rōhu jemėro mu sisė ė'ė'ėro ėhuro ave osaho vajiohu'e aribōviehu gurihovarue juju gagoho va'ėne hōjo.

<sup>14</sup> Ėhi uėvamu nuni sisė'e hōru sisė'e aribōvioho God-are amo bōrōmore rueruomamu Iesuro avohėvadeje.

<sup>15</sup> Avohėvamu gagorovo priest masijohu'o jōgoru ōri rōjėhijarue aribōviohu'o ėho jaburo gavare Iesuro ėhi jiė'e mu masijoho vae'amamu hejare asisō'ėro uvo'i arijavamu: Ave aho David-are ujoho bōrōme vaeromo rovajoho mabėhė uvoruomamu hegorovo dė vōrōnimoruomadeje.

<sup>16</sup> Dė vōrōnimoruomoro Iesu uavareje: Arue asisō'ėhu jō sisė uvoruomajoho na ja hejanuėjo o bogajo. O bogajamu hegorovo Iesuro uėvadeje: Io'ajo. Iae na hejajėjo. God-are jōho surire jajivoromo uvė'e hōjo: God jero asisō'ohu'o asisō'o inino mahu'o avohėvė'tego jasi ihoho mabėhe uvoruomaje hōjo. Ėsurire jōho rabėni bogo avoho gavarije hōjo.

<sup>17</sup> Ėhi uėnugoromo Iesuro ė rėmoromo Jerusalem amore jioromo va'oromo Bethany amore hōrōromu vahie gemu ė hijadeje.

*Mesehu bajo bogo raejėro Iesuhu uavade jėhoje.*



<sup>18</sup> Hijë'ëro sisonuvamu gagorovo Iesuro Jerusalem amo börömore vuonorö'ö va'i va'adeje. Örire va'amu hömadeje.

<sup>19</sup> Hömamu va'ihö gavade mesoho öri ionire namijamu gagorovo bëhire va'oromo gavadeje bajoho bogojio'i ma-hano rudu'emu jiamu. Ma-hano rudu'emu jiamu gagorovo mesoho uavadeje: Ijoho nadi bajoho raenëjo. Èhi uavamu gagorovo mesoho ma-burëro sahorijadeje.

<sup>20</sup> Sahorijamu gagorovo Iesuare ijorajoho jaburo tiöromo uavareje: Diehi'ego mesoho ma-burëro sahorijajëjo.

<sup>21</sup> Sahorijajëjumu Iesuro uëvadeje: Ave jöho na jö mae uë'ië'ajëjo. Jemë bogo uehore niö'i bae'irögoru God gemu mae uehorovë'oho naehu meso avohode èhi jië'e mu vaejë'oho eni jëvo'ajëjo. Röhu bogo ehemuoho vae'i ave dahoru uavë'oho: Ri'öromo va'ö jovo börömore bu'örovonë uavë'oho iae èhi jio'a'ajëjo.

<sup>22</sup> O rabe rabe God ua gavë'oho mae uehorovoromo uvë'oho: God-ro ajemi'ajë uvë'ohuro ehuro iae bae'a'arujëjo.

*Jew rajo a masijehu Iesu bogo ma uehorovoromo darugoho dinö'e baejane hö uavare jöhoje.*

<sup>23</sup> Èhi uëngoromo Iesuro God-are amo börömore ajiomadeje. Ajiomoromo God-are jö bëhoho ae röjëhijadeje. Röjëhijamu priest masijohu'ö a duvaho ömo'ömo'u'ö èho jaburo rueromo uavareje: Jaehu God-are amo börömore hiromo mue gö gö vaejanuoho diehi jië'e daruge javoromo ö raro darugoho bojamijë'ëro èhi jië'e muoho vaejanue höje.

<sup>24</sup> Vaejanue höjumu Iesuro uëvadeje: Nasi darugo hesi jö ue gevarujoho na'ö jemë jöe gemu uë gë'ië'ajëjo. Jemëhu mana uevë'oho naro jemë uë'ejojö: Na èhi jië'e darugohuro muoho vaejaje höje.

<sup>25</sup> John-hu bapataeto vaejavuonövadoho è darugoho dinö'e baejade höje. Na God-ro ö ma-äero darugoho bojamijë'ëro èhiho è'onövade höje. È'onövade höjumu rue a masijohuro Iesu diehi mana ua'iröhe jöho jabesi mevoromo uarovareje: Noehu uavë'oho God-ro John darugoho bojamijade hö uavë'oho Iesuro uö'a'ajëjo: Èhi jië'oho jemë rabëni John bogo ma uehorovarije höje.

<sup>26</sup> O noehu Iesu ua'iröhoho: Ma-äero John uavamu è'ade hö ua'iröhoho röhu ae aho'obëhe juhuonëmiromo bogo èhiho ua'ejarejo è hesi bëhoho jaburo uvoruomë'ëro: John hu jö God-aro baeromo majahuinövade ae hö uvoruomë'ëro.

<sup>27</sup> Èhi uarovoromo Iesu uavareje: Jaehu uö gövuanue jö hesi bëhoho no dadivavuajëjo. Dadivavuajëjumu hegoroovo Iesuro uëvadeje: Èhi jië'oho jemëhu uevariye jöho na'ö bogo uë'ejojö: Na èhi jië'e darugohuro muoho vaejaje höje.

*Harihu niö'ihu diehi è'are uhu jö Iesuhu jövadohoje.*

<sup>28</sup> Röhu ave uhu jö heromo diehi uehorovarujoho majehirego na he'iröjo. Iae ae gemu hu harihe niö'i jëvade höje. Harihe niö'i jëvë'ëro vavuohuro va'oromo murioho uavade höje: Jue'i jaruvo grape ö'i bajo muoro va'oromo mue vaejehonëjo.

<sup>29</sup> Vaejehonëjumu muriohuro ri'öromo uavade höje: Na bijönegajëjo. Bijönegajë uanugoromo röhu ijonö avoho uehorovoromo mue vaejaho'i va'ade höje.

<sup>30</sup> Èhi'amu vavuohuro va'oromo ijorajoho jöe gemuoho majahiromo uavade höje: Muoro va'oromo mue vaejehonëjo. Vaejehonëjumu ijorajohuro uavade höje: Apo iae na va'ejö uaromo röhu bogo va'ade höje.

<sup>31</sup> Èhi jië'oho di ahuro vavuehu nimadëhiho vaejade höje. Vaejade höjumu uëvareje: Muriohurajo. Muriohurajumu Iesuro uëvadeje: Ave jöho na jö mae uë'ië'ajëjo. Vajiohu'e tax baejarue ariböviohu'ö önö'e jijiharue magonahohu'ö èho jaburo jemë iosirëmiromo urimo God-are aharire va'oromo raromego huro jabumë muebejëvaje höje.

<sup>32</sup> Rabëni hesi bëhoho John-ro jemesirire rovide höje öri maho röjëhijego ga'irarijego. Rovamu jemëro hu bogo ma uehorov'irögoru vajiohu'e tax baejarue ariböviohu'ö önö'e jijiharue magonahohu'ö èho jaburo hu mae uehorovoromuade höje. Mae uehorovamu jemëro èho garomo röhu bogo avoho uehorovoromo huotorovoromo John ma uehorovarije höje.

*Mu ariböviehu a börömo hesi ö'i bajo mu mueberomo sisë è'are uhu jö Iesuhu jövadohoje.*

<sup>33</sup> Röhu uhu jöe gö'ö majëhi'ie'ajoho hehëjo. Iae sa'a arijo'e ae gemuëro mure grape ö'oho bivo'amade höje. Bivoromo è muoho buore iromo rova'ö rojomoromo ö'i bajo sa'ijovoröhe guaho umoromo mu javue döro vaejade höje hesi mu ahuro ajö è hiromo muoho atovoröhego. Èhi avohoromo gavade eni jiamu gagorovo ae uëvade höje: Na va'ejojö. Jemëro nasi muoho muebejehorëjo. Mueberomo ö'i bajoho raeromo mavego

nasiroho bahi'i ioro'ioroho jemesi ujuohorëjo. Èhi uënuqoromo ri'öromomo va'o sa'a göro ë hijade höjo.

<sup>34</sup> Sa'a göro va'oromo hijuvo gavade ö'i bajo urarue majaho dunovamu gagorovo hesi mu vaejharue aribövioho uëvade höjo: Va'irarijoho mu muebejarue aribövioho uërego nasi ö'i bajoho i'imëmego ujuoheho ruerëjo.

<sup>35</sup> Ujuoheho ruerëjamu hegorovo va'are höjo. Va'oromo suorovamu gëgorovo mu muebejarue ariböviohuro guduamëvare höjo. Guduamëvoromo göho hisuebi'i göho ano bamo'i göho munëro vajamijamu guomade höjo.

<sup>36</sup> Èhi'amugo mu arijo'ohuro mu vaejharue ae gö'o rëmö'öjjade höjo mure va'oröhego. Urimo mu vaejharue ae gemu gemu rëmö'öj'ëro röhu evaroho ae aho'obëhe rëmö'öjjade höjo. Rëmö'öjamu va'oromo mure suorovamu gëgorovo mu muebejarue ariböviohuro urimo rueruomamu ë'arëhi ëhi sisë vaejëvare höjo.

<sup>37</sup> Sisë vaejëvamu ijo tugoho'i mu arijo'ohuro uvade höjo: Arue mu muebejarue ariböviohuro nasi hariho garomo uvo'a'aruëjo: Nöruare harihe hö uvoromo ëhuni mae uehorovo'aruëjo. Èhi uvoromo nugö'öjamu mure va'ade höjo.

<sup>38</sup> Va'o höröjamu garomo uarovare höjo: Arue rovaje ahuro hesi vavu hesi sionoho bae hesi höjo. Èhuni ë'ëgo ano bamoromo hesi sa'aho nosi baejarëjo.

<sup>39</sup> Èhi uarovoromo ë aho mure jiamu guduamoromo rori'o bijimo bu'öromomo anamu guomade höjo. Èhi'are höjo.

<sup>40</sup> Èhi jië'oho mu arijo'ohuro mure rovë'iroho mu muebejarue aribövi jabesi öiroho diehi'ëvo'ajëjo.

<sup>41</sup> Diehi'ëvo'ajëjamu uavareje: Sisë jioruomö'ego ijumëvo barëromomo muoho a maho bojëmi'ajëjo jaburo mueberöhego. Mueberomomo majae eni jiego ö'i bajoho uroromo hesiroho i'imamiröhego.

<sup>42</sup> Èhi uëvamu hegorovo Iesuro uëvadeje: Ave uhu jöho God-are surire jajivoromo uvë'e höjo:

Munë javue vae'irögoro munë gemu bijönimoromo vuonugare höjo.

Vuonugaroho jaruvoho ë munëhuro javuoho nigemö'ego bibivoromomo mae namijajëjo.

Hesi Bada God-ro ëhi ë'ade höjo.

Èho noro garomo uvarue höjo: God-ro mu mabëhe ë'ë'e höjo.

Èjö God-are surire jajivamu adaharijoho jemë diehi'oromo ë hesi bëhoho bogo avoho baejarije höjo.

<sup>43</sup> Èhu'ëro jië'ëro naro jemë uëvajëjo: Jemëhu God-are aharire raromoromo hesi mu muebebe rovarije muoho God-hu baeniëhiromomo ae gö bojëmi'iramu jaburo hesi aharire raromoromo ë muoho mueberomomo rae avoho'aruëjo.

<sup>44</sup> [Röhu aehu ë munë döre bejë'oho ahoro ahoro bae'a'ajëjo. O ë munëhu a döre berovë'oho aho sa'ijovo barë'ajëjo.]

<sup>45</sup> Iesuro uhu jöe gö gö ëhi jövamu hegorovo priest masijohu'o Pharisee ariböviohu'o ëho jaburo garomo uvareje: Nosi jöe jövajëromomo

<sup>46</sup> guduamo bava'ië'oromo uvareje: Ae aho'obëhe uvoruomaje höjo: Iesu hu jö God-aro baeromomo majahuijaje ae hö uvoruomaje hö uvoromomo jabumë juhuonëmiromomo vuonugareje.

## 22

*Sörö bamamu aehu juahamare uhu jöhoje.*

<sup>1</sup> Iae Iesuro röhu maho uhu jöe gö gö ae majëhijadeje.

<sup>2</sup> Majëhiromomo uëvadeje: God-hu böröme namiromo muebejëvaje öroho aviëhi höjo. Sa'a a böröme gemuëro söröe baejade höjo hesi harihohuro masuromomo iröhego.

<sup>3</sup> Èhi ë'ë'ëro hesi mu vaejharue aribövioho uëvade höjo: Va'irarijoho rueröhego naehu mami'e uëvode aribövioho uërego rue'irarëjo. Rue'irarëjamu uëvamu bijönimoruomade höjo.

<sup>4</sup> Bijönimamu hegorovo sa'a a börömohuro mu vaejharue a ioro'ioroho uëvade höjo: Söröre rueröhego uëvodoho ëhi uërëjo: Jöe hehëjo. Nasi söröho eni jië'e höjo. Nasi mi masije ma-mabëhe naehu ma-je mio'amaje sanuovë'e mioho bijuëmoromomo buvomoromo bahijë'e jevajëjo. Bövie bise'e eni avohë'e jevajëjo. Èhuni rovego no ë söröho i'irarëjo. Èhi uërëjo.

<sup>5</sup> Èhi uëvamu jöho bava'oromo majëhijamu ë ariböviohuro bogo ejëhë'e öre gö öre gö va'are höjo. Göëro hesi mure va'ade höjo. Göëro hesi moni muro va'ade höjo.

<sup>6</sup> Ioro'iorohuro ë anu rovare aribövioho guduamëvoromomo mu sisë vaejëvoromomo muo'amare höjo.

<sup>7</sup> Ēhi'amu ē sa'a a bōrōmohuro dē vōrōnimade hōjo. Dē vōrōnimamu muoromo aribōvioho rēmō'ōjamu jaburo ē anēgare aho muo'amoromo jabesi amoho bue'ōjēhare hōjo.

<sup>8</sup> Bue'ōjamu gagorovo a bōrōmohuro hesi mu vaejāharue aho uēvade hōjo: Sōrōho eni jīē'e hōjo. Rōhu rueromo sōrō ihē uēvamu juahemijare aribōviehu rueromo sōrō ijē'oho sisē hōjo.

<sup>9</sup> Ēhuni ōri masijoro va'irarijoho va'oromo ae rahu birohēvē'oho uēvego sōrōro rue'irarējo.

<sup>10</sup> Rue'irarējamu hegorovo rue mu aribōviohuro ōrire va'oromo a sisēhu'o a mahu'o birohēvoromo aho'o sō tjuoho rovere hōjo. Rueruomamu sōrō osaho rarovade hōjo.

<sup>11</sup> Rarovamu a bōrōmohuro ē aribōvioho gē'i osare rovide hōjo. Rue'i gavade hōjo ae gemu masuvarue sōrō i'i io'amarue niōgoho bogo ba'amē'e ma-hijamu.

<sup>12</sup> Ma-hijamu gagorovo uavade hōjo: Isiajo. Masuvarue niōgoho bogo ba'amē'e ja diehi'oromo ave osaroho rovine hōjo. Osaroho rovine hōjamu ruehuro jōrumoraējade hōjo.

<sup>13</sup> Jōrumoraējamu rue a bōrōmohuro ri'ōromo mu aribōvioho uēvade hōjo: Ōvo hōru'oho tōvo'amoromo babu'ōhego amonō ramoramore va'ohijajo. Ēdirō'ore ae aho'obēhe nierusuburu'e bamoromo ane ja'ihohu vougigimoruomō'ajējo.

<sup>14</sup> Ēhesi bēhoho God-ro ae aho'obēhe ruejōro uēvaje hōjo. Rōhu ae ma-gemu gemu hesinō jēvōjōro baejēvaje hōjo.

*Iesuhu guaro berovojōro aehu tax jō ua gavarohoje.*

<sup>15</sup> Ēhi'amu iae Pharisee aribōviohuro va'oromo jōe atoromo uarovareje: Ē'ego no Iesu sareramego hu guaro berovo'irajo.

<sup>16</sup> Ēhi atonugoromo jabesi ijore ijore jijiharue a ioro'iorohu'o Herod-are aribōvi ioro'iorohu'o rēmō'ōjamu va'oromo Iesu sarerisareriamiromō uavareje: Tisajo. Iae no gavaruē hōjo ja a mae javē'ēro God-are mu ōrohemu rōjahuijajo. O aho bogo juhuonēmijego. Ēhesi bēhoho jero no gōromo ae bōrōme o bise'e javuajēromo jōe gō gō bogo rōjahuijanue hōjo.

<sup>17</sup> Ēhuni ave jōho ja diehi uehorovanuoho majahuijego no hejarējo. Rome a bōrōmohuro nosi sa'ahohu mubejēgo noro hu tax bojāmiarue hōjo. Noehu ēhi ē'aruoho na ēhuro nosi jōgorohu aharue hōjo o bogajo.

<sup>18</sup> Bogajamu Iesuro gēromo uvadeje: Jabumē sisē vaejevo'i ue gevaruēromo uēvadeje: Sareri aribōvie jēvājējo. Jemē rabēni na bijioho gevaruējējo.

<sup>19</sup> Tax a bojēmijaruje ijo bajoho rōjehihego na gavōjo. Gavōjamu ijo bajoho barovareje.

<sup>20</sup> Barovamu garomo uēvadeje: Aveho rahuare nu ano'ohu'o ihohu'o jajivē'e hōjo.

<sup>21</sup> Jajivē'e hōjamu uavareje: Rome a bōrōmo hesi hōjo. Rome a bōrōmo hesi hōjamu uēvadeje: Ēhuni Rome a bōrōmo hesiroho ēho hesi ōroro bojāmi'i God-aroho ēho God-are ōroro bojāminōvorējo.

<sup>22</sup> Ēhi uēvamu hegorovo tiōjēvamu Iesu ē nugo'i va'oruomadeje.

*Iesuhu guaro berovojōro vuovē'e aribōviehu ri'ōruomorōhe jō Sadducee aribōviehu hu ua gavarohoje.*

<sup>23</sup> Va'amu gagorovo majae gemuore Jew rajo a masijo ioro'iorohuro rovereje. Jabumē Sadducee jō uehorovarue aribōvie jioruomadeje. Sadducee aribōviohuro uehorovoromo uvoruomajeje: A vuovē'oho ijōnōho bogo ri'ō'amō'i ma-ioro'iore gemu vuovo'ajējo. Ēhi uvoruomaje aribōviohuro rueromo Iesu guaro berovojōro sarerisareriamiromō uavareje:

<sup>24</sup> Tisa Moses-oro jōgore jajivoromo uōvuē'e hōjo: Aboji harihu'o rumo'e vuovego diehi ē'irōhe ōroho aviēhi hōjo. Aehu vaboro masuromo vaboroho aboji harihu'oho bogo vaejē'e baruehu guomō'i vaboro nugē'oho hesi ōhuro vuojiroho masuromo ēhuro guomade ō hesi ihoro ujohe vaejaho'ajējo. Moses-are jōgoroho ēhi hōjo.

<sup>25</sup> Ēhi jīē'ero iae ae aho'obēhe 7 ma-ō ōmō'ōmēremu nosirire raromare hōjo. Raromoro murohuro magonahoho masuvade hōjo. Masuromo vaboroho aboji harihu'oho bogo vaejē'e baruoho guomade hōjo. Guomamu hesi vaboroho dorue hijamu gagorovo ō gōhuro vuojiroho masuvade hōjo.

<sup>26</sup> Masuromo guomade hōjo. Ō ōmō'ōmo ioro'ioroho ēhi gemuoho ē'obe rovere hōjo. Ō ōmō'ōme 7 jabuhu ē magonahe gemuoho masube rovaroho ē magonahoho aboji harihu'oho bogo vaejē'e aho ma-vuovēvobe rovide hōjo.

<sup>27</sup> Vuovobe ruejuvo barējamu ijo tugoho'ioho ē magonahoho hu'o guomade hōjo. Ēhi'are hōjo.

28 Ēhi ē'arohuni ēhuni ave jōho no ua galiē'aruējo. Jero uvanue hōjo: Vuovoromo ri'ō'ejarejo. Ēhuni vuovē'e aribōviehu ri'ōruomorōhe majaroho ae 7 hōjo rōhu ē mago-nahoho di ahu'o hi'a'ajējo. Barue aho'obēhe masuvē'ego ēhuni uavaruējo.

29 Ēhi uavamū hegorovo Iesuro uēvadeje: Bogajo. God-are surire jōhu'o huhu mu vaerōhe darugohu'o jemē bogo avoho gavarujēro sisē'i uehorovoromo ue gevarujējo.

30 Ēhesi bēhoho vuovē'ēro ri'ōruomo'irōhe maja rovē'iroho vaboroho baruoho bogo masurovo'i aneraehu ō'idōre ma-raromaruēhi ēhi raromo'aruējo. Ēhuni ē magonahehu di ahu'o hi'irōhe jō ue gevarujōho bēhi rumo'e hōjo.

31 Ējōho jemēro uvaruje hōjo: Vuovē'e aribōviehu ri'ō'irōhe jōho sareri jōe hōjo. Ēho bogo sareri jōehu jio'i jō mae hōjo. Ēhesi bēhoho vuovoromo ri'ō'irōhe jōho God-ro jemēni jōvamu hesi surire jajivoromo uvē'e hōjo:

32 Na Abraham Isaac Jacob ēhi muebejēvaje ae jevajējo. Jemē rabēni ē jō hesi bēhoho bogo avoho baejarije hōjo. God-hu Abraham Isaac Jacob muebejēvaje jō hesi bēhoho jabumē vuovoromo bogo ioro'ioemuoho barē'i va'o raromego muebejēvaje hōjo. God bogo vuovoromo ioro'ioemu barējē'e aribōvioho muebejēvo'ibejajo. A'i hu vuovoromo va'o raromaruē aribōvioho iae muebejēvaje hōjo.

33 Iesuro Sadducee aribōvioho ēhi uēvamu ae aho'obēhe heromo jōe barējēvadeje.

*God-hu bojamuade jōho diho bōrōmoho jiajoho aehu Iesu ua gavadohoje.*

34 Ēhi'amu Pharisee aribōviohuro hejare uvavamū: Iesuro jō mae jōvamu ēhuro Sadducee aribōvioho jō mana majahi'irōhoho bogohō uvavamū hegoro gagovorovareje.

35 Gagovorovonogoromo Jew rajo jōgoru ōri rōjēhijaje ae gemuēro Iesuare dēho bijioho ga'irōgoro ri'ōromo uavadeje:

36 Tisajo. God-hu bojamuijade jōgore aho'o jio'amajoho di jōho bōrōmoho hōjo.

37 Bōrōmoho hōjamū uavadeje: Jasi dē vōvōbajo'e aru'ahe uehore aho'obēhe Bada jasi God ma-hu gemu bojaminējo.

38 Ēho jō bōrōmo bōrōmoho jiē'ego ēho nuniroho hōjo.

39 O ē jō hesi bēhiohu'o iae gemuoho hōjo. Jaehu jasi arijo'arije rajahirovanuēhi jasi ae gemuoho ēhi rajahinējo.

40 Dē vōvōbajo'e aho'o God bojami'irane jōhu'o jasi ae gemuoho rajahi'irane jōhu'o bēhoho jēvajējo. God-are surire jō Moses'o jō God-aro baeromo majēhinōvare a ioro'iorohu'o jajivo'amaroho ēho ado sirino'oho jio'amajējo.

*Bōrōme namiromo ajamuaje a hesi jō Iesuhu rōjēhi'i uē gēvadohoje.*

41 Iae Pharisee aribōviohuro gagovorouomamū gavē'i Iesuro uēvadeje:

42 Bōrōme namiromo ajēmi'irōhe a hesi jōho jemē diehi uehorovarujējo. Hu rahuare ujoho hōjo. Uavareje: Hu David-are ujoho hōjo.

43 David-are ujoho hōjamū uēvadeje: Ēhi jiē'oho God-are Aru'ahoho rabēni uavamū David-ro bōrōme namiromo ajēmi'irōhe aho Bada uavade hōjo.

44 Ēhesi jōho David-ro God-are surire jajivoromo uvē'e hōjo: God Badaro nasi Bada uavade hōjo:

Nasi ōvo manō rojo hijego  
ja'o muorovarue aribōvioho naro ruahō'ōjēvego  
hōrēro vijuvo taemo'amo'irane hōjo.

45 Ēhesi bēhoho bōrōme namiromo ajēmi'irōhe a hesi jōho David-ro jajivoromo uvē'e hōjo: Bada hōjo. Bada hō uvē'e jiaje ēhuni nadi uvorējo: Bōrōme namiromo ajamui'irōhe aho ma-David-are uje hōjo.

46 Ēhi uēvamu aehu Iesu mana ua'irōhoho bogo eni jēvadeje. Bogo eni jēvamu ijōnō jōe gō gō ua galiē'aroho juhuonivoromo vuonugareje.

## 23

*Pharisee aribōviohu'o Jew rajo jōgoru ōri rōjēhijarue aribōviohu'o ēho jabuhu sareri'e mu vaejaruēhi aehu bogo ēhi ē'irōhego Iesuhu jōvadohoje.*

1 Ēhi'amu Iesuro hesi ijorajo ōmo'ōmohu'o a ioro'iorohu'o aho'obēhe uēvadeje:

2 Jew rajo jōgoru ōri rōjēhijarue aribōviohu'o Pharisee aribōviohu'o ēho jaburo Moses-are sionoho baejē'e hōjo.

3 Moses-are sionoho baejē'e jēvaje ēhuni mu jō rabe rabe uēvē'oho ejēhoromo ēhi vaenōvorējo. A'i jabuhu ōmaruēhioho nadi ēhioho ōmorējo. Rabēni hesi bēhoho jō majēhijaruēhioho muoho bogo ēhioho vaejarue hōjo.

4 Aehu i'u'e inōmo ujuoho va'oruomōjōro buahore bahijēhoromo tōvēhoromo va'ego bogo ajēmiromo ōvo namehu vitu banigojōmēharuēhi ē Pharisee aribōviohu'o jōgoru ōri

røjehijarue ariböviohu'o jaburo ehi ë'arue hõjo. I'u'e muoho aho'o ae bojëmiromo bogo mae bogo ajëmi'i ma-nunëremu gëvarue hõjo.

<sup>5</sup> Jabu mu rabe rabe vaejë'oho aëro gëjõro ma-dõhemu vaeruomaje hõjo. Èhesi bëhoho jabumëro nimoruomaje hõjo aëro gëromo uvoruomorõhego: Jabumëremu God mabëhe uehorovoruomaje hõjo. Aëro ehi uvoruomorõhego nëgego God-are jö'e suri surioho maua gagore bahiromo õvo ahore varijore muoho taemoruomaje hõjo va'orahoro jio'amego aëro garuomojõro. O God-are õrire jö ato'i io'amarue niõgure õ'i egobõvie be io'amoruomaje hõjo va'orahoro jio'amego aëro garuomojõro.

<sup>6</sup> O sõrõ i'i va'ë'oho o God rajahijarue osare va'ë'oho a masijehu raromaruire ë va'õ raromo'i nimarue hõjo.

<sup>7</sup> O imo'amaruire va'ë'oho nimarue hõjo ae aho'obëhe uvoruomorõhego: Jabumë a masijëro jijihajëromo rajëhiromo jejëmiruomorõhego. O nimarue hõjo aëro jejëmiromo uërohego: Tisajo.

<sup>8</sup> Rõhu ae gõehu jemë dõre bamëvoromo uëvë'oho: Tisa uëvë'oho ehi jië'oho sisë hõjo rabëni hesi bëhoho jemë õ õmo'õmëremu jëvo'i jemesi Tisaho na gemu jevë'ëgo.

<sup>9</sup> O ave sa'are raromarue aribövioho nadi dõroho bamëvoromo uërëjo: Apajo. Èhesi bëhoho ae gemu õ'idõre hijajoho ëho iae jemesi Vavu Bõrõmoho hõjo. Èhuni ehi jië'e jõho nadi uërëjo.

<sup>10</sup> O ae gõehu jemë dõre bamëvoromo uëvë'oho: Simano vaejanue aho javajë uëvë'oho ehi jië'oho sisë hõjo. Èhesi bëhoho jemesi Simano Vaejaje Aho ma-gemu jevajëjo bõrõme namiromo ajëmijaje ahuro jevë'ëro.

<sup>11</sup> A'i a masije jemesirire jioruomajoho ehi jië'e aribövioho mu ajëmi'irõhe aribõvie jioruomajajëjo.

<sup>12</sup> Ae rahu sivu uehorovoromo dõre bamorovë'oho hesi ihoho abue'a'ajëjo. O ae rahu ba'obuerovë'oho hesi ihoho dõro ajiomajajëjo.

*Pharisee ariböviohu'o Jew rajo jõgoru õri røjehijarue ariböviohu'o sisëre va'irõhe jö Iesuhu jövadohoje.*

<sup>13</sup> Vaevë'e jõgoru õri røjehijarue ariböviohu'o Pharisee ariböviohu'o jemë ma-dõëremu muoho õmarujëro sisërëjëvo'ajëjo. Èhesi bëhoho God-hu bõrõme namiromo muebejëvego hesi aharire raromoruomajirõhe õroho tugohëharuje hõjo aëro ë va'õ raromojõëni. Jemë God-are ahariroho bogo va'õ raromo'i nimarue hõjo. O ae gõehu God-are aharire va'õ raromõ'ia'amu gëvë'oho ahëvaruje hõjo.

<sup>14</sup> [Vaevë'e jõgoru õri røjehijarue ariböviohu'o Pharisee ariböviohu'o jemë ma-dõëremu muoho õmarujëro sisërëjëvo'ajëjo. Èhesi bëhoho magonaho doru jabesi bõvioho bise'oho ëma ujuohëharuje hõjo. Èma ujuohëhoromo sarerivoromo pari egobõvie jaguvaruje hõjo aëro gëromo uvõjõro: Mu mae vaejaruëjo. Èhi jië'e sareri'e muoho vaejarujego ëhuni God-ro i'u bõrõmo mae bojëmi'ajëjo.]

<sup>15</sup> Vaevë'e jõgoru õri røjehijarue ariböviohu'o Pharisee ariböviohu'o jemë ma-dõëremu muoho õmarujëro sisërëjëvo'ajëjo. Èhesi bëhoho jemëro jovo gõre gõre sa'a gõre gõre ae dinëmime va'aruje hõjo ma-ae gemuëro hesi muoho vuonugo'i Jew rajo muoho baerõhego. Ae dinëmime va'õromo gavaruje aho jemesi jõho ejëhoromo Jew rajo mu baejamu gavë'oho jemëro ë aho mu sisë røjahijego mae hõromo vaeromo jemëhu sisë ë'õromo vëni'e õrire va'arujoho ë ahuro jemë iosirëmiromo sisë bõrõmo bëhe ë'õromo vëni'e õrire va'õ hesi hõjo.

<sup>16</sup> Vaevë'e nuni ramoramovë'e aribõvi jemëhu ae gö õri røjëhi'ië'arujoho sisërëjëvo'ajëjo. Èhesi bëhoho jemëro ae ëma majëhiromo uëvaruje hõjo: Ae rahu darugo'e jö uvo'ië'oho God-are osa bõrõmo hesi iho uvoromo ae uëvë'oho: Na mue ehi ehi ë'ejõ uëromo rõhu mu bogo vaejë'oho iae hesi hõjo. A'i God-are osa bõrõmore jio'amaje gold hesi iho uvoromo ae uëvë'oho: Na mue ehi ehi ë'ejõ uëvë'oho iae ë muoho vae'a'anuejo. Bogo sarerivo'anuejo.

<sup>17</sup> Nune ramoramovoromo simane sisë'i uehorovë'e aribõvie jëvajëjo. Èhi majëhijarue hesi bëhoho nani jemëro uvaruje hõjo: God-are osa bõrõmo hesi ihoho bise'e jio'i God-are osa bõrõmore jio'amaje gold-ho iho bõrõme hõjo. Rõhu ë gold-ho bogo God-are osa bõrõmoroho jio'amõ'ibejajo bogo God-are gold maho jio'amõ'ibejajo. A'i ë gold-ho God-are osa bõrõmore jio'amë'ëro ëhu'ëro ëho gold maho hõjo. Gold-huro bogo God-are osa bõrõmoho iosiramimromo iho bõrõmoho jio'i God-are osa bõrõmo hesi ihohuro gold ihoho iosiramimromo bõvioho jiaje hõjo.

<sup>18</sup> O jemëro jõe gö ëma majëhiromo uëvaruje hõjo: Ae rahu darugo'e jö uvo'ië'oho God-are maratu hesi iho uvoromo ae uëvë'oho: Na mue ehi ehi ë'ejõ uëromo rõhu mu bogo

vaejê'oho iae hesi hõjo. A'i God-are maratu dõre bahijahare suvuoro hesi iho uvoromo ae uêvê'oho: Na mue êhi êhi ê'ejõ uêvê'oho iae ê muoho vae'a'anuejo. Bogo sarerivo'anuejo.

<sup>19</sup> Nuni ramoramo'e aribõvie jêvâjêjo. Nani jemêro uvaruje hõjo: God-are maratu hesi ihoho bise'e jio'i God-are maratuore jio'amaje suvuoroho iho bõrõme hõjo. Rõhu ê suvuoroho bogo God-are maratuoroho jio'amo'ibejajo bogo God-hu ujuo'hõ'irõhe suvuoro maho jio'amõ'ibejajo. A'i ê suvuoroho God-are maratuore jio'amê'ero êhu'ero êho suvuoro maho hõjo. Suvuorohuro bogo God-are maratuoho iosiramiromo iho bõvioho jio'i God-are maratu hesi ihohuro suvuoro ihoho iosiramiromo bõvioho jiaje hõjo.

<sup>20</sup> Aehu darugo'e jõ ato'iê'iroho God-are maratu hesi iho darugo'o majêhijê'oho ê hesi bêhoho bogo maratu hesi ihohemu uvo'i maratuore jio'amaje suvuoro hesi ihohu'o uvoromo ê'arue hõjo.

<sup>21</sup> O ae rahu God-are osa bõrõmo hesi iho darugo'o majêhijê'oho ê hesi bêhoho bogo osa hesi ihohemu uvo'i osare hijaje A hesi ihohu'o uvoromo ê'arue hõjo.

<sup>22</sup> O ae rahu õ'idõ hesi iho darugo'o majêhijê'oho ê hesi bêhoho õ'idõre jiaje God-are rõho hesi ihohu'o ê hijaje a hesi ihohu'o uvoromo ê'arue hõjo. Êhuro darugo'o majêhijarue hõjo.

<sup>23</sup> Vaevê'e jõgoru õri rõjêhijarue aribõviohu'o Pharisee aribõviohu'o ma-dõêremu muoho õmarujêro sisêrêjêvo'ajêjo. Jemêro jemesi i jõgoru e avohoromo i'o buarohoromo ijarue rihu'e oso harihu harihue gõ gõ garue gõ gõ mevoromo 10 10 bahibe va'oromo gemu gemu God suvuore bojamijarue hõjo. Êhi jiê'e jõgoru ininoho ejaho avoharuje hõjo. Êhi jiê'oho iae mae hõjo. Nadi vuonugorêjo. Rõhu êho ma-jianovo'i jõ ioro'iroho masijo jiajoho êho bogo uehorovaruje hõjo. A ma-mae vaejêvo'irarije muoho a huê baejêvo'irarije muoho ahorire vaejêvo'irarije muoho êho rumonimaruje hõjo. Nadi rumonimo'ibejarijêjo.

<sup>24</sup> Majo majo biseharihehu jemesi jovore beva'ê'oho io bu'õromu jovoho i'i majo bõrõmo bõrõmoho bogo avoho gavê'e ma-nimu'õjaruje hõjo. Jõ masijoho bogo uehorovo'i ma-jõ ininohemu uehorovaruje hõjo. Êhuro nunoho ramoramovêvego õroho sisê'i rõjêhijarue aribõvie jêvâjêjo.

<sup>25</sup> Vaevê'e jõgoru õri rõjêhijarue aribõviohu'o Pharisee aribõviohu'o ma-dõêremu muoho õmarujêro sisêrêjêvo'ajêjo. Jemê hevõe enatue dõnõhemu u'o'amaruje hõjo. Gagonõho ae gõ jabesi ie jove vajiohêro ujuohoromo aegê'ero irijiomõ'amê'e hõjo. Êhu'ero dõnõho aje jio'i gagonõho va'inumi'e jio'amajêjo. Jemesi mu sisêho êhi jianovâjêjo.

<sup>26</sup> Pharisee jemê ae gemu gemu nuni ramoramo'e ae jêvâjêjo. Urimo ae gõ jabesi iohu'o jovohu'o vajiohehu ujuohoromo hevõre bahiromo enatuore oteharujoho vuonugorego hevõ o enatu gagoroho va'inumoho bogojio'irajo. Êhi ê'ê'oho jemesi hevõhu'o enatohu'o dõhu'o uhohu'o ma-mae jio'amo'ajêjo.

<sup>27</sup> Vaevê'e jõgoru õri rõjêhijarue aribõviohu'o Pharisee aribõviohu'o jemê ma-dõêremu muoho õmarujêro sisêrêjêvo'ajêjo. Jemesi jõho uhu'e uê'iê'ajêjo. Vuovê'e sino bahi'amarue munêho aêro ajivê'e osêro buejaho'amarue hõjo nu ano'e mae jio'amorõhego. Buejaho'amago dõnõho ajivê'e mabêhe jio'amo'i gagonõho vuovê'e a jabesi ijõ'ahohu'o sagohohu'o êhuremu jio'amajêjo. Jemê êhi jiê'e jêvanovâjêjo.

<sup>28</sup> Dõhemu mae jêvego aêro gêromo uvoruomaje hõjo: Jemê a mae jêvâjêjo. A'i jemesi uhoho sarerî sarerî'e mu sisêmu vaejaruje jêvâjêjo.

<sup>29</sup> Vaevê'e jõgoru õri rõjêhijarue aribõviohu'o Pharisee aribõviohu'o ma-dõêremu muoho õmarujêro sisêrêjêvo'ajêjo. Jõ God-aro baeromo majêhinõvare aribõvi jabesi sino guavo'amare huoho avoho'amaruje hõjo. Mu mae vaejare a mami jabesi huoho avohoromo muebejaruje hõjo.

<sup>30</sup> Avohoromo mueberomo jemê uvaruje hõjo: Nosi hijo miono'ehu raromare majaroho evaroho no'o javuo'ibejajo no jabumê bogo ajêmiromo God-are jõ majêhijarue aribõvioho muo'amo'ibejarêjo.

<sup>31</sup> Iae mae-êjo. Êhi atarujoho êho jemêro huruoho majahuiromo uõromo ê'arujêjo: God-are jõ majêhinõvare a muo'amare aribõvi jabesi ujo õmo'õmêro javuê'ero jabesi õre gemuore jijiharue aribõvie javuajêjo.

<sup>32</sup> Jemê êhi jiê'e aribõvie jêvê'e jiaje êhuni jemesi hijo miono'ehu mu sisê aevoromo vaebe rovarêhi jemesi nimarujoho jemê'o êhi jiê'e muoho vaebe jijihorêjo. Na ê hesi jõho bogo uê'ejõjo.

<sup>33</sup> Sigobe jêvo'amajêjo. Sigobu aboji harihu'e jêvo'amajêjo. Êhi jiê'e mu vaejê'oho diehi'oromo vênõho garaedivorêjo.

<sup>34</sup> Ĕhuni aveho hehĕjo. Jĕ God-aro baeromo majĕhinĕvo'irĕhe aribĕvioho simano ma'e aribĕvioho jĕ rĕjĕhinĕvo'irĕhe aribĕvioho Iesu naro rĕmĕ'ĕ'iramu ĕ'oruomo'ajĕjo. Ĕ'iramu jemĕro ioro'ioroho muo'amo'arujĕjo. O korosire ano taemo'amo'arujĕjo. Ioro'ioroho God rajahijaruje osare osare hisuebi'amo'arujĕjo. O amo gĕre jio'iramu amo gĕre siho ujuoho va'onĕvo'arujĕjo.

<sup>35</sup> Ĕhi ĕ'iramu ĕhuni ma-maemu jiĕ'e aribĕvi aehu muo'amobe rovere ĕ hesi i'uohe jemesi ĕrire rue'a'ajĕjo. Ave'ioho aĕro Abel a mae anoromo a ma ioro'ioroho muo'amobe ruejuvo ro ijo tugoho'ioho jemesi hijo miono'ohuro Barachiah-are harihe Zechariah anare hĕjo. God-are osa bĕrĕmoho numĕhi jio'i God-are suvuoro bahijaruje maratuoh ruhĕhi jiamu Zechariah ĕ ririre anare hĕjo.

<sup>36</sup> Ave jĕho na jĕ mae uĕ'iĕ'ajĕjo. God-are aribĕvi ĕhi muo'amobe rovere ĕ hesi i'uohe aho'obĕhe ave jaruvore raromaruje aribĕvioho jemĕni rue'a'ajĕjo.

*Iesuhu Jerusalem amo rajĕni vavaenimade jĕhoje.*

<sup>37</sup> Vaevĕ'e Jerusalem amo rajohumĕ jemĕro jĕ God-aro baeromo majĕhijaruje aribĕvioho muo'amaru je hĕjo. God-hu jemĕni rĕmĕ'ĕ'ajĕje aribĕvioho munĕro vajĕmijaru je hĕjo. Kĕkĕrĕko vĕmehu harihu vivoju uhure nugo'amoromo diehehu aegĕharuĕhi naro jemĕ ĕhi gagovĕvoromo gemuore rĕmo'i nimo'i hijode hĕjo rĕhu jemĕro bijĕnimarije hĕjo.

<sup>38</sup> Ĕhuni ave jĕho hehĕjo. God-ro jemesi amoho vuonugego jemesi sivue jĕvo'iĕ'ajĕjo.

<sup>39</sup> Naro jemĕ'o hiromo va'iramu jemĕ nasi nu ano'oho bogo ga'a'arujĕjo hujĕji na vuonorĕ'ĕ rue'iramu evare avoho geromo nasi jĕho majĕhiromo uvo'a'arujĕjo: Badare ihore rovajoho mabĕhĕjo. Ĕhuremu uehorovorĕjo.

## 24

*Aehu God-are amo bĕrĕmo dadovoruomo'irĕhe jĕ Iesuhu jĕvadohoje.*

<sup>1</sup> Ĕhi uĕnugoromo Iesuro God-are amo bĕrĕmore jioromo va'amu gavĕ'i hesi ijarajo ĕmo'ĕmohuro ro birohoromo God-are amo hesi javue gĕ gĕ rajahi'amareje.

<sup>2</sup> Rĕjahi'amamu Iesuro uĕvadeje: Ave ĕri ari'oho aho'o jemĕ iae gavarujejo. Rĕhu aveho na jĕ mae uĕ'iĕ'ajĕjo. Ave munĕ javuoho aho'obĕhe aĕro dadovoruomo'iramu munĕho ahoromo sa'aro ruvebi barĕ nahonahovo'ajĕjo.

*Huĕ vavaeni bĕrĕmo ruerĕhe jĕ Iesuhu majĕhijadohoje.*

<sup>3</sup> Ĕhi ĕ'ĕ'ĕro Iesuro Olives Dahorure ajio hijadeje. Hijamu hesi ijarajoho jaburo sivue ajio hu'o raromoromo uavareje: Ave jĕho majahuego no hejarĕjo. God-are javu masijehu rireromo'irĕhego uĕvuanoĕho ĕho divare jio'a'ajĕjo. O no mu rabe garomo uvo'ejarĕjo: Jero rue'iĕ'anuĕjo. Rovego ave sa'aho bĕvioho bise'oho barĕ'iĕ'ajĕjo.

<sup>4</sup> Barĕ'iĕ'ajĕjamu hegorovo Iesuro uĕvadeje: Gavĕ'iajo. Aĕro sarerĕmi'iramu guaro rireromĕvo va'a'ajĕjo.

<sup>5</sup> Ae aho'obĕhe rueromo sarerĕmiromo uĕ'a'aruĕjo: Nĕruare ihoro rovajĕjo. God-hu uevĕ'ĕro bĕrĕme namiromo ajĕmi'irode aho na jevajĕjo. Ĕhi uĕromo ae aho'obĕhe sarerĕmi'iramu uvo'a'aruĕjo: Mae-ĕromo guaro rireromo'ajĕjo.

<sup>6</sup> Rĕhu he'a'arujĕjo muorovo jĕe ruenĕvo muorovonĕvo'iramu he'a'arujĕjo. Ĕhi hejĕ'oho bogave gemu juhuonivo'irarijĕjo. Ĕre gĕ bogojiĕ'ĕro ĕhi jiĕ'e mu sisĕho iae jio'a'ajĕjo. Rĕhu sa'aho bĕvioho bise'oho evaroĕho bogo barĕ'i hesi majae gĕro jio'a'ajĕjo.

<sup>7</sup> Sa'ae gĕĕro gĕhu'o muorovonĕvo a masijo ioro'iorohuro ioro'iorohu'o muorovonĕvo'aruĕjo. Sa'ae gĕ gĕ iruno'e bogojio'ajĕjo. Sa'ae dinĕ'e dinĕ'e jiajoho hijiohijiovo'amo'ajĕjo.

<sup>8</sup> Ĕhi jiĕ'e huĕ vavaenoho rue'iramu mu sisĕho bogo burĕroho barĕ'i magonahuhu aevoromo raho'i hara'ujajĕhi ĕhi aho aevoromo huĕ vavaene bĕrĕmoho baebe va'oruomo'ajĕjo.

<sup>9</sup> Ĕhi'o'iramu evare aĕro jemĕ guduamo ujuohĕvo va'o a masijo jabesi ĕvore bojĕmi'aruĕjo jaburo huĕ vavaene bojĕmi'irĕhego. O muo'amĕvo'aruĕjo. Sa'ae dinĕ'e dinĕ'e raromarue aribĕvioho aho'obĕhe jaburo uvoruomo'ajĕjo: Jemĕro na uehorovevaruje hĕ uvoromo nue huĕdĕgoruomo'ajĕjo.

<sup>10</sup> Ĕhi'o'iramu evare ae aho'obĕhe nasi ĕrire mae uehorovevaruoho vuonugo'i mĕe gĕ gĕ uehorovoruo'ajĕjo. Aemo'aemohuro aemo'aemoho sarerisareriĕmiromo ae gĕ jabesi ĕvore bojĕmi'aruĕjo sisĕ vaejĕvorĕhego. Gĕĕro gĕho nue huĕdivorovoruo'ajĕjo.

<sup>11</sup> Ae gĕĕro gĕĕro ri'ĕromo ae sarerĕmiromo uĕ'a'aruĕjo: Na jĕ God-aro baeromo majĕhijaje ae jevajĕ uĕ'iramu ae aho'obĕhe heromo mae hĕromo guaro rireromo'aruĕjo.

<sup>12</sup> Mu sisĕ aho'o rumorovobe va'iramu gagorovo ae aho'obĕhe gĕhehu gĕ huĕ baerovarue muoho vuonugo'iramu sisĕrĕ'ajĕjo.

<sup>13</sup> Ēhi ē'oruomo'ajējo rōhu ae rahu birivoromo mae uehorovevobe va'ojuvo maja barē'irōhe maja rovē'iroho God-ro baejēvoromo manō bamēvo'ajējo.

<sup>14</sup> Rōhu God-hu bōrōme namiromo muebejēvaje jō maho aēro sa'ae dinō'e dinō'e majēhibe va'oruomo'ajējo ae aho'obēhe sama'e heruomorōhego. Jōho sa'ae aho'obēhe majēhi barē'iramu evare sa'a bōvi bise'o barē'irōhe majaho rue'a'ajējo.

*Mu sisē bēhe ruerōhe jōhoje.*

<sup>15</sup> Rōhu Daniel jō God-aro baeromo majēhinōvade ahuro mami'e God-are surire jajiv-oro mo uōvuade hōjo: God-are osa ijumaje sisēhuro God-are osa maremu nami'a'ajējo. Daniel-hu jajivadēhi ēhi ga'a'arujējo ē sisēho God-are osare nami'iramu. Iesuro ēhi majēhijadeje. Ējō Iesuhu majēhijadoho adahoromo avo'avoho gare.

<sup>16</sup> Amo Iesuro jō vituoho majēhiromo uēvadeje: Sisēhuro God-are osare namijego gagorovo ave Judea sa'are raromaruje aribōvioharo huruomoromo dahoru'ero io-ijomorēne.

<sup>17</sup> Ae rahu javu dōnō haradare raromē'oho nadi abueromo osare inōmoho va'o ujuo'ho'i ma-huruomoromo va'orēne.

<sup>18</sup> O mure raromē'oho nadi vuonorō'ō va'o niōgoho ujuo'ho'i ma-huruomoromo va'orēne.

<sup>19</sup> Rōhu ē huē vavaeni rue'irōhe majaroho dē'e magonahohu'o aboji harihu'o inino jio'amē'e magonahohu'o jabumē vaevē'oho diehi huruomoruomo'ajējo.

<sup>20</sup> Rōhu God ua garējo huro ajēmego ēhuro niohijo majaroho o nuho majaroho bogo huruomo'irarije hōjo.

<sup>21</sup> Rabēni hesi bēhoho evare majaroho huē vavaene bogo bise'o vadu'oho rue'a'ajējo. Ēhi jiē'e huē vavaenoho urimo God-hu sa'a bōvi bise'o bamadevaroho bogojioje ruejuvo ro jaruvo majahu'o ēhi jiē'e huē vavaenoho bogohōjo. O ijonōhu'o bogojio'i ē majaho gemu bōrōmoho jio'a'ajējo.

<sup>22</sup> Ēhuē vavaeni maja ēgobōvi jiajoho God bogo tarioromo bunemuoho bamo'ibejajo aho bogo birivoromo rarom'ibejajo. A'i God-ro hesi baejēvade aribōvioho uehorovēvoromo ē majaho tarioromo bunemu bamo'ajējo.

<sup>23</sup> Ēhi jiamu ae gōehu uēvē'oho: Aveho ro gahējo. O arueho va'o gahējo. God-hu uavē'ero bōrōme namiromo ajamui'irōhe aho aviae o aruae hō uēvē'oho nadi maho uehorovorējo.

<sup>24</sup> Ēhesi bēhoho rabēniajo. Ae aho'obēhe rueromo sarerēmiromo uēbe va'a'aruējo: God-hu uevē'ero bōrōme namiromo ajēmi'irode aho jevajējo o jō God-aro baeromo majēhijaje ae jevajējo. Sarerēmiromo ēhi majēhi'aruējo. Majēhiromo bogo gavarue mu masijo masijoho vaenōvo'aruējo eni jēvego God-hu sōjēvade aribōviohu'o sarerēme go rireromo'irōhego.

<sup>25</sup> Rōhu hehējo. Ijonō jiorōhe jōho na urimo majēhijē'e jevajējo.

<sup>26</sup> Ēhu'e jiaje aehu uēvē'oho: Ēhuro va'o garējo. Aruae je'ore hijajē uēvē'oho nadi va'o garējo. O uēvē'oho: Hu gurihoromo osaro hijajē uēvē'oho nadi maho uehorovorējo.

<sup>27</sup> A'i baderehu aruhe baderivoromo ajivo va'o anume bu'ōjego gavarujēhi God-are A Maho naro ēhi ma-va'orahoro rue'iramu ge'a'arujējo.

<sup>28</sup> Sagohe dinō'e jiajire ē ugoho gagovoruomo'ajējo.

*God-are A Maehu ruerōhe jōhoje.*

<sup>29</sup> Rōhu ē huē vavaeni majaho barē'iramu evare maja nunoho ramoramovoromo manaeroho duorohoromo jijoho sisērē'amoromo ō'idōre inōmoho aho'o arua anumiae va'o'amo'ajējo.

<sup>30</sup> Ēhi'o'iramu evare God-are A Ma nasi ajohuro ō'idōre ajivo'iramu ga'a'aruējo. Ēho garomo sa'are aribōvioho aho'obēhe nierusuburu'e bamoromo ga'a'aruējo God-are A Maho naro darugo'o aji'o bōrōmo mae baeromo ō'idōre suere ruvebi'iramu.

<sup>31</sup> Ruvebiromo hēgōho ma-darugo'o huo'iramu nasi aneraho rēmō'ō'ejōjo. Rēmō'ō'iramu ro God-hu sōjēvade aribōvioho gagovēvo'aruējo. Arua anumiae sa'ae dinō'e dinō'e maja rojomajire beva'ajire jioruomajoho gagovēvo'aruējo.

*Mesehu gumutivego Jew rajo jabesi vama maja dunovaje uhu jōhoje.*

<sup>32</sup> Rōhu meso hesi uhu jōho heromo bēhoho avoho uehorovorējo. Gavaruje mesoho gumutivoromo rahego garomo evare jemē uvaruje hōjo: Jew rajo nosi vama majaho iae dunovajējo.

<sup>33</sup> Ēhesi bēhoho jemē ga'irarije naehu uēvodēhi mue gō gō rovamū gavē'iroho uvorējo: Ēmajaho iae rovajējo.



<sup>34</sup> Ave jöho na jö mae uë'ië'ajëjo. Ave jaruvore raromaruje aribövioho jemë bogo vuovo barëjë'iro evare naehu uëvaje muoho aho'obëhe rue'a'ajëjo.

<sup>35</sup> Ö'idöe sa'ae bövie bise'e barë'i nasi jöho gemu bogo barë'ajëjo.

*Iesuhu vuonorö'ö rueröhe maja no bogo gavarue jöhoje.*

<sup>36</sup> Röhu ë majaho divare jio'iröho aho bogo gavarujëjo. Ö'idöre raromarue anerahu'o Hariho na'o bogo ga'i hesi Vavuohuro gemuëro gavajëjo.

<sup>37</sup> Röhu God-are A Ma naehu a nunire rue'ië'iroho a mami ae Noah-hu hijade majare jiadëhi ëhi gemuoho jio'a'ajëjo.

<sup>38</sup> Jovo börömo bëhe rojomoromo öri ari'e aho'o bae'iröhe majaho dunovamu evare aëro ie jove ue'ahobe masurovobe ëhi jië'e muohemu uehorovobe va'öjuvo evare Noah-mëro boat börömore rumo va'are höjo.

<sup>39</sup> Rumo va'amu gavë'i a ioro'iorohuro uvoruomade höjo: No mae raromaruëjumu evare jovo börömhuro rojomoromo jabumë aho'o baeniagëgo barë nahonahovade höjo. God-are A Ma naehu rue'ië'iroho ëhi jië'e muoho jio'a'ajëjo.

<sup>40</sup> Ëmajaho rue'iramu evare ae niö'iro mure ariromo muoho vae'iramu gavë'i aneraëro göho bae'i göho ë vuonugo'aruëjo.

<sup>41</sup> Magonahe niö'iro gemuoro ariromo ioho sa'ijovoromo avoho'iramu aneraëro göho bae'i göho ë vuonugo'aruëjo.

<sup>42</sup> Ëhi ë'iröhohuni ëhuni gavë'iajo. Jemesi Bada naehu rue'irode majaho jemë'o bogo gavarujëjo.

<sup>43</sup> Ave uhu jöhu'o avo'avoho uehorovöhëjo. Vajiohu'e aehu vahi'e divare rueröhe majaho osa arijo'oho bogo gavade höjo. Ga'ibejajo gavë'i hiromo vajiohu'e a hesi öroho tugohahego osaho bogo dadovoromo inömo ujuoh'o'ibejajo.

<sup>44</sup> Osa arijo'ohuro gavë'i hi'ibejajo mae jio'ibejajo. Jemë'o gavë'i raromorëjo. Jemë bogo uehorovë'e raromaruje majare evare God-are A Maho naro rue'ejëjo.

*A börömo hesi mu aehu avoho o sisë'i mueberöhe jöhoje.*

<sup>45</sup> Aehu hesi a börömo hesi muohemu uehorovë'i simano mae uehorovoromo mu vaejaje ëhi jië'e aho uehorovöhëjo. Ëa hesi a börömhuro hu uavë'e höjo. Na va'ië'ajëjo. Jero nasi mu vaejarue a ioro'ioroho muebejëvonëjo. Muebejëvoromo majae eni jiego jabesi iruno'oho i'imëminövonëjo. I'imëminövonë uanugoromo va'ë'e höjo.

<sup>46</sup> Va'o hijuvo röhu ijönö vuonorö'ö rueromo garöhe ë ahuro hesi muoho avoho vaejaho'iramu gagorovo huë mabëhe bojami'ajëjo.

<sup>47</sup> Huë mabëhe bojamiromo ua'a'ajëjo: Ja mu mae vaejanohuni ëhuni na mu börömore bamavo'ejëjo. Jero nasi sa'ae inömo inöme bövie bise'e aho'o muebejehonëjo. Mu avo'avoho muebejë'oho iae hu ëhi ua'a'ajëjo.

<sup>48</sup> A'i ë mu vaejahaje aho sisë jië'ohuro ëhuro uehorovoromo uvo'a'ajëjo: Nasi börömo örisanuovajëromo

<sup>49</sup> ri'öromo mu vaejarue aribövi ioro'ioroho muo'amoromo vörö'e jovo sisë ue'ahoruomaje ariböviohu'o gemuore hiromo ioho jovoho i'a'ajëjo.

<sup>50</sup> Ëhi'oromo bogo gavë'e uehorovë'e hi'iramu evare hesi börömo ma-majioho rue'a'ajëjo.

<sup>51</sup> Rueromo sino haho'oho sisë maro ijumahoromo nugö'ö'iramu sisëro va'oromo sareri sareri'e ariböviohu'o hi'a'ajëjo. Ëdirö'ore ae aho'obëhe nierusuburu'e bamoromo ane ja'iho vuogigimoruomo'ajëjo.

## 25

*Aborido ioro'iorehu sisë'i uehorovo'i ioro'iorehu avo'avoho uehorovare uhu jö Iesuhu jövadohoje.*

<sup>1</sup> Nasi majaho rovego God-hu böröme namiromo a diehi muebejëvo'iröhe jöho naro uhu'e majëhi'ië'ajëjo. Iae magonaho aboride aho'obëhe övo gö mine övo gö mine raromoruomade höjo. Raromoromo iroho gae ujuohoromo i'o masuvade aho biroho'i va'oruomade höjo.

<sup>2</sup> Röhu aboride övo gö mine simano sisë'i uehorovarue aborido ömo'öme jioruomö'i aboride övo gö mine ëho simano mae uehorovarue aboride jioruomade höjo.

<sup>3</sup> Simano sisë'i uehorovarue aboridoho jaburo irore biguröhe jovoho bogo ujuohö'i irohemu ujuoho va'irögoro

<sup>4</sup> simano mae uehorovarue aboridoho jaburo irore biguröhe huonore jovohu'o irohu'o ëhi ujuohoromo va'oruomade höjo.

<sup>5</sup> Ĕaboridoho övo gö mine övo gö mine jaburo va'oromo muebejuvo gavare i'lo masuvade aho bogo vejö'oho rovamu gagorovo nunëhëgamu hegorovo momorö'öruomade höjo.

<sup>6</sup> Momorö'öjuvo vahi riri'e aëro ma-darugo'lo uvare höjo: Nosi aho rovajëjo. Ruehego va'oromo birohärëjo.

<sup>7</sup> Ruehego va'oromo birohärëjamu hegorovo aborido ömo'ömhuro ri'öruomoromo jabesi iroho avoho'amare höjo.

<sup>8</sup> Avohoromo simano sisë'i uehorovarue aboridoho jaburo simano mae uehorovarue aboridoho uëvare höjo: Jemesi jovoho gö bojamuihëjo. Nosi iroho duorohahuo'amajëjo.

<sup>9</sup> Duorohajëjamu uëvare höjo: Bogajo. Jemë'lo no'lo biguvego barëjöeni bogo bojëmi'ëjarëjo. Ĕhuni va'oromo jemesi gö imohëjo.

<sup>10</sup> Imohëjamu ë aboridoho jaburo jove imo'i va'oruomade höjo. Va'oruomamu i'lo masuvade ahuro rovade höjo. Rovamu iro ma avohare aboridoho jaburo ë ahuro gemu mae osanö va'oruomade höjo masurovare söröho i'iröhëni. Osanö va'oruomamu ojoho tugohare höjo.

<sup>11</sup> Ojoho tugohamu magonaho ioro'iorohuro ijore rueruomade höjo. Rueruomoromo i'lo masuvade ahuni uvare höjo: Asë'e asë'e oje jiovahuego no ö'arëjo.

<sup>12</sup> Ö'arëjamu ruehuro uëvade höjo: Na jemë bogo gëvaje höjo. Iae na mae uëvajëjo. Ĕhi'are höjo.

<sup>13</sup> Ĕhuni gavë'iajo na divare majare rue'irodoho jemë bogo gavë'e jëvaje.

*Ae niö'i gemu jabesi a börömo hesi moni ujuohoromo diehi ë'are ë hesi uhu jö Iesuhu jövadohoje.*

<sup>14</sup> Röhu God-hu böröme namiromo muebejëvo'iröhe öri hesi uhu jö göho aviëhi höjo. Ae gemuëro öre gö va'irögoro hesi mu vaejharue aribövioho uëvamu rovare höjo. Rovamu uëvade höjo: Na va'ejöjo. Jemëro nasi sa'aho bövioho bise'oho avoho muebejehorëjo.

<sup>15</sup> Avoho muebejehorëromo mu aribövieuho mu böröme o bise'e vae'iröhoho eni jëvamu garomo ëhi hesi monioho böröme o bise'e ëhi ae gemu gemu bojamibe va'ade höjo jaburo ëho baeromo hesi muho vaejahoröhego. A göho 5,000 kina bojami'i a göho 2,000 kina bojami'i a göho 1,000 kina ëhi bojamijade höjo. Ĕhi i'imëminugoromo va'ade höjo.

<sup>16</sup> Va'amu gavë'i 5,000 kina baejade ahuro ujuoho va'oromo mue vaeromo ëhuro 5,000 kina gö'lo döre baejade höjo.

<sup>17</sup> 2,000 baejade aho hu'lo mue vaeromo 2,000 kina gö'lo döre baejade höjo.

<sup>18</sup> Ĕhi'lo'irögoro 1,000 kina baejade ahuro va'oromo guae umoromo hesi a börömo hesi ijo bajoho ë gurihi bahijade höjo.

<sup>19</sup> Ĕhi'oromo raromobe va'ojuvo majae ëgobövie barëjamu jabesi a börömhuro vuonorö'ö rovade höjo. Rueromo uëvade höjo: Ruehego na gëvöjo nasi ijo bajoho diehi muebejehë'e jëvego.

<sup>20</sup> Ĕhi uëvamu 5,000 kina baejade ahuro 5,000 kina gö'lo döre baejadoho ëhu'lo barueromo bojamiromo uavade höjo: Bada jero 5,000 kina bojemijane höjo. Aveho gavëjo. Naro mue vaeromo 5,000 kina gö'lo döre baejahë'e jëvajëjo.

<sup>21</sup> Baejahë'e jëvajëjamu hesi a börömhuro uavade höjo: Mabëhëjo. Ja mue vaejehanue a ma-mae javajëjo. Naehu ijo baje ma-bisemu bojamamu avoho muebejehanohuni ëhuni naro bövi mae bojami'ejöjo muebejeho'iranego. Rovego gemuoro nimoroho'irarëjo.

<sup>22</sup> Gemuoro nimoroho'irarëjamu 2,000 kina baejade ahuro rueromo uavade höjo: Bada jero 2,000 kina bojemijane höjo. Aveho gavëjo. Naro mue vaeromo 2,000 kina gö'lo döre baejahë'e jëvajëjo.

<sup>23</sup> Baejahë'e jëvajëjamu hesi a börömhuro uavade höjo: Mabëhëjo. Ja mue vaejehanue a ma-mae javajëjo. Naehu ijo baje ma-bisemu bojamamu avoho muebejehanohuni ëhuni naro bövi mae bojami'ejöjo muebejeho'iranego. Rovego gemuoro nimoroho'irarëjo.

<sup>24</sup> Gemuoro nimoroho'irarëjamu 1,000 kina baejade ahuro rovade höjo. Rueromo uavade höjo: Bada na mae garomo uvode höjo: Ja vörö'e aëro javë'ëro ae göehu ba'amaroho bivaroho ja ma-ijanue höjo.

<sup>25</sup> Ĕhi javë'e aego ëhuni naro ja juhuonamiromo jasi 1,000 kina bava'oromo sa'a gagore gurihi bamode höjo. Aveho gavëjo. Jasi ijo bajoho aviae höjo.

<sup>26</sup> Aviae höjamu rue a börömhuro ri'öromo uavade höjo: Sareri mu bijöni'e a sisë bëhe javajëjo. Jero uvane höjo: Ae göehu ba'amaroho bivaroho nöröro ma-ijaje höjo. Jero ëhi uvane höjo. Na mae-ëjo.

<sup>27</sup> Ĕhuni ja nasi ijo bajoho baeromo avoho bahijarue aribövi jabesi övore bamo'ibejanëjo. Ĕhi ë'ibejanëjo na rueromo nasiroho baeromo gö'lo döre bamaroho ëhu'lo bae'ibejööjo.

<sup>28</sup> Ĕhuni jemëro 1,000 kina ë ia hesiriroho baeniahiromo 10,000 kina baejë'e aho bojamiñëjo.

<sup>29</sup> Ĕhesi bëhoho mu vae'irane suvuore javë'oho God-ro gö'o bojami'iramu baeromo bövi mae javo'ajëjo. O bogojavë'oho bisemu baejanoho God-ro baeniahi'ajëjo.

<sup>30</sup> Röhu ë mu bogo vaejaje aho guduamoromo babu'öhego amonö ramoramore va'o hijajo. Ĕdirö'ore ae aho'obëhe nierusuburu'e bamoromo ane ja'ihu voogigimoruomo'ajëjo. Ĕhi uëvade höjo.

*Maja viture a ma a sisë mevavuo'iröhe jö Iesuhu jövadohoje.*

<sup>31</sup> Röhu jö göho God-are A Maho naro anerae aho'obëhe jabu'o gemu mae nasi aji'o rovë'iroho evare nasi aji'e röho mare ajio hi'ejöjo.

<sup>32</sup> Hi'iramu sa'ae dinö'e dinö'e raromarue aribövioho jaburo rueromo nasi nunire gagovoruomo'ajëjo. Gagovoruomo'iramu sheep muebejaje aehu sheep o goat adovoromo hahagu hahagu nugo'amaruëhi naro ë aribövioho ëhi adovëvoromo hahagu hahagu rëmo'ejöjo.

<sup>33</sup> Hahagu hahagu rëmoromo sheep ma va'ënoho nasi övo manö rëmo'i goat sisë va'ënoho nasi övo adonö rëmo'ejöjo.

<sup>34</sup> Rëmonugoromo a börömo ho naro övo manö riravarue aribövioho uë'ejöjo: Nasi Vavuohuro jemesi örire huë mabëhe bojëmijë'e ijaje jemesi röho ho ro baeñëjo. Ĕröho ho urimo sa'a bövi bise'o bamadevare huro avoho nugëhobe rovë'e höjo jemëro ë hesi aharire raromo'irarijejo.

<sup>35</sup> Rabëni hesi bëhoho urimo na hömevamu jemëro ie i'imemijarije höjo. Na huë girihevamu jemëro jovo ho bojëmijarije höjo. Naro ame göro jioromo ö'amu gegorovo uevarije höjo: Nosi osaro ro hijëjo.

<sup>36</sup> Niögu rumo'e jevamu niögoho i'imemamu io'amode höjo. Guomo guome baejevamu jemëro muebejarije höjo. Savoiji gagore hijamu jemëro rueromo gevarije höjo.

<sup>37</sup> Gevarije hö'iramu rue aribövi mahuro ueruomo'ajëjo: Bada iae ëhi höjo röhu no divare gavare höjo ja hömavamu ioho i'imamare höjo. Divare gavare höjo ja huë girihavamu jovo ho bojamare höjo.

<sup>38</sup> Divare gavare höjo ja ame göro jioromo rovamu uavare höjo: Nosi osaro ro hijëjo. Divare gavare höjo niögu rumo'e javamu niögoho i'imamare höjo.

<sup>39</sup> Divare gavare höjo ja guomo guome baejavamu o savoiji gagore hijamu no ö'oromo gavare höjo.

<sup>40</sup> Ĕhi ue'iramu a börömo ho naro uë'ejöjo: Aveho na jö mae uëvajëjo. Nasi öe iho ma-bise'o jjië'oho mae avoharijohuro ëhuro na'o mae avohevarije höjo.

<sup>41</sup> Ĕhi uënu goromo huotorovoromo nasi övo adonö riravarue aribövioho uë'ejöjo: I'ue bae'ië'e aribövie jëvaje rori'o va'ohëjo. Ravemu ravaje vëni'e öri ari'oro va'ohëjo. Ĕvënoho God-ro Satan'o hesi anera ömo'ömo hu'o ëho jabuni avohëhë'e höjo.

<sup>42</sup> Rabëni hesi bëhoho na hömevadoho jemë ioho bogo i'imemijarije höjo. Huë girihevadoho jemë jovo ho bogo bojëmijarije höjo.

<sup>43</sup> Ame göro jioromo ö'odoho jemë bogo uevarije höjo: Nosi osaro ro hijëjo. Niögu rumo'e jevadoho jemë niögoho bogo i'imemarije höjo. Guomo guomo baejevadoho o savoiji gagore hijodoho jemë bogo ro muebejarije höjo.

<sup>44</sup> Bogo ro muebejarije hö'iramu rue ariböviohuo ueruomo'ajëjo: Bada iae ëhi höjo röhu no divare gavare höjo ja hömavamu o huë girihavamu o ame göro jioromo rovamu o niögu rumo'e javamu o guomo guome baejavamu o savoiji gagore hijamu garomo bogo ajami'i ma-nunëremu gavare höjo.

<sup>45</sup> Ma-nunëremu gavare hö'iramu naro uë'ejöjo: Nasi öe iho ma-bise'o jjië'oho bogo ma avoharijohuro ëhuro na'o bogo ma avohevarije höjo.

<sup>46</sup> Ĕhi ue'iramu ë aribövioho sisëro va'oromo ma-ioro'ioremu i'ue baeruo'mo'ajëjo. A'i aribövi mahuro maro va'oromo ma-ioro'ioremu raromoruomo'ajëjo.

## 26

*Iesu ano'i mevare jöhoje.*

<sup>1</sup> Ĕjöho majëhi barënu goromo Iesuro hesi ijorajo ömo'ömo ho uëvadeje:

<sup>2</sup> Iae jemë'o gavarujëjo majae niö'i hesi uhure evare God-hu Vörö Tugohade Sörö majaho rue'a'ajëjo. Rue'iramu aëro God-are A Maho na guduamevoromo a masijo jabesi övore bojëmi'aruëjo korosire ano taemevoröhego.

<sup>3</sup> Iesuro ëhi jövo'irögorö röhu evare priest masijohu'o Jew rajo a duvaho ömo'ömo hu'o ëho jaburo priest börömo ihe Caiaphas-are osa börömore ë ro gagovareje.

<sup>4</sup> Gagovoromo jöe mevoromo uarovareje: No diehi'oromo Iesu saginiëri guduamoromo ano'ejarejo.

<sup>5</sup> Sörö majaroho bogo guduamo'ejarejo aëro göromo no'lo muorovoruojojöeni.

*Magonahehu ridi'e oso Iesuare simanore otehade jöhoje.*

<sup>6</sup> Èhi'amu Iesuro Bethany amore rueromo sino jomo'e ae Simon-are osare ro hiromo ie ijadeje.

<sup>7</sup> Ie ijamu gagorovo magonahe gemuëro munë huono mabëhe baeromo rovadeje. Èhuono gagore ridi'e osoho jiadeje. Huonore oso imarue hesi manaho bövi mae jiadeje. Magonahohuro ë osoho barueromo Iesuare simanore otehadeje.

<sup>8</sup> Simanore otehamu gagorovo Iesuare ijorajoho jaburo dë vörönëgamu uarovareje: Osoho rabëni ëma otehö'öjajëjo.

<sup>9</sup> Ae gö jabesi örire imo'ibejarëjo manaho bövi mae bae'ibejarëjo. Èmanaho baeromo bövi bise'lo rumo'e aribövioho suvuorëmi'ibejarëjo. Èhi jië'o'ho iae mae jio'ibejajo. Röhu ëma otehö'öjade höjo.

<sup>10</sup> Èhi atamu hegorovo Iesuro gëromo uvadeje: Èhi jië'e jöho ataruëromo uëvadeje: Jemë rabëni magonahoho huë vavaenoho bojamijarujëjo. Mu mabëhe nasi örire vaejevë'e höjo.

<sup>11</sup> Bövi bise'lo rumo'e ariböviohuo jemë'lo raromoe jijih'o'aruëjo mae vaejëvojöro. A'i naro jemë'o'ho bogo hibe juvo'ejöjo ëhi avohevojöro.

<sup>12</sup> Èmagonahehu oso nasi sinore bamehade hesi bëhoho nasi sinoho avohehade höjo ëhuro aëro hure mae bamevoröhego.

<sup>13</sup> Ave jöho na jö mae uë'ië'ajëjo. Sa'ae dinö'e dinö'e aehu nasi jö ma majëhibe jijihë'iroho ë magonahehu ë'ade jöhu'lo majëhibe jijih'o'aruëjo aëro hu mae uehorovoruo-moröhego.

*Judas-hu Iesuni Jew rajo a masijo hiruëmade jöhoje.*

<sup>14</sup> Èhi'amu Iesuare ijoraje 12 röhu gemu hesi ihe Judas Iscariot-ro va'oromo priest masijoho uëvadeje:

<sup>15</sup> Naehu Iesu jemesi övore bojëmi'ë'oho jemë ijo baje dimino'e bojemirëjo. Bojemirëjamu rueho jaburo ajivë'e ijo bajoho adahoromo 30 bojamijareje.

<sup>16</sup> Bojamijamu evare Judas-ro aevoromo öre nahadeje Iesu jabesi övore bojëmi'iröhëro.

*God-hu Vörö Tugohade Sörö Iesumëhu ijare jöhoje.*

<sup>17</sup> I Dë Huaje Oso Rumo'e I ibe va'iröhe majaho aevoromo rovamu gagorovo Iesuare ijorajoho jaburo rueromo Iesu uavareje: Ja nagajoho no dinö'e va'oromo God-hu Vörö Tugohade Söröho avohaho'ejarejo.

<sup>18</sup> Èhi uavamu uëvadeje: Jerusalem amo börömhuro va'oromo ë a hesi osaro va'oromo uarëjo: No röjahuijaje ahuro uvajëjo: Nasi majaho dunovajëjo. Èhuni naro jasi osare ö'oromo God-hu Vörö Tugohade Söröho nasi ijorajoho jabu'lo gemu mae i'ejöjo. Èhi uarëjo.

<sup>19</sup> Èhi uarëjamu rue ijorajoho jaburo Iesuhu uëvadëhi ëhi ë'oromo söröho avohareje.

<sup>20</sup> Èhi'amu vahiromadeje. Vahiromamu gagorovo Iesuro hesi ijoraje 12-ho jabu'lo gemuore hijadeje ë ioho i'irovo.

<sup>21</sup> Hiromo ioho ijë'i uëvadeje: Ave jöho na jö mae uë'ië'ajëjo. Jemë ae gemuëro na bijönegarue aribövi jabesi övore bojëmi'anuejo.

<sup>22</sup> Bojëmi'anuejamu hegorovo uehore gö gö böröme baeromo ae gemuëro gemuëro uavareje: Na bogo ëhioho ë'ejöjo. Na na mae uavajëjo.

<sup>23</sup> Mae uavajëjamu hegorovo uëvadeje: Naehu i hevöre ba'amo'ego hu'lo gemuore ba'amaje ahuro ë mu sisëho vae'a'ajëjo.

<sup>24</sup> God-are surire jajivarëhi hesi A Maho na ëhi guomevo'ajëjo. Röhu na bijönegarue aribövi jabesi övore bojëmi'iröhe aho vaevë'oho sisë'rë'ajëjo. Èaho bogo raho'ibejajo ëhuro mae jio'ibejajo.

<sup>25</sup> Mae jio'ibejajamu Judas Iesu bijönimarue a jabesi övore bojëmi'iröhe ahuro uavadeje: Na bogo ëhioho ë'ejöjo. Na mae-ëjo. Na mae-ëjamu uavadeje: Jero jasi jövanuëjo.

*Sino'lo kö'lo aevoromo ijare jöhoje.*

<sup>26</sup> Èhi'amu ioho ue'ahoromo Iesuro ioho baeromo God mae uanugoromo ato'atovoromo hesi aribövioho suvuorëmiromo uëvadeje: Baeromo ihëjo. Aveho nasi sine höjo.

<sup>27</sup> Èhi'onugoromo enatuore jovoho baeromo God mae uanugoromo bojëmiromo uëvadeje: Jemë ae aho'obëhe enatuore jovoho baeromo ihëjo.

<sup>28</sup> Aveho nasi köe höjo. Ae aho'o jemesi jöëni köho rovevoromo guomevo'ajëjo ëhuro sisëho mu'uvëhoröhego. Guomevo'iramu ëhuro God-hu muebejëvo'iröhe jögoroho marë'ajëjo.

<sup>29</sup> Rõhu aveho hehëjo. Na ijoho ô'i bajo jovoho bogo i'ejõjo hujeji êho majaho rovego evare jemë'o na'o nasi Vavuehu muebejaje ôri ari'ere raromoromo ô'i bajo jovo i'oho ue'ahorõhëni.

<sup>30</sup> Êhi uëngoromo God rajahjarue jõho ionugoromo suorovo va'oromo Olives Dahorure iojomareje.

*Peter-hu Iesu gavaje jö a subivëhorõhe jö Iesuhu majahijadohoje.*

<sup>31</sup> Iojomoromo Iesuro hesi aribövioho uëvadeje: Jaruvo vahire ae aho'obëhe nasi ôriire mae uehorovevarujoho vuonugo'i remo va'a'arujëjo. Êhesi bëhoho God-are surire jõho jajivoromo uvë'e hõjo: Sheep muebe'amaje aho God naro ano'ejõjo. Ano'iramu huhu muebe'amade sheep-oho jaburo arua anumiaie va'o'amo'ajëjo. God-are jö jiajëhi êhi remo va'a'arujëjo.

<sup>32</sup> Remo va'iramu guomoromo ri'õnugoromo naro urimo Galilee va'ejõjo. Jemë ijore ô'a'arujëjo.

<sup>33</sup> Êhi uëvamu Peter-ro ri'õromo uavadeje: Nani a ioro'ioroho jasi ôriire uehorovaruoho vuonugo'i ramo va'a'aruëjo rõhu na bogo êhioho ê'ejõjo.

<sup>34</sup> Bogo êhioho ê'ejõjamu Iesuro Peter uavadeje: Êhi uevanuëjo rõhu ave jõho na jö mae ua'ië'ajëjo. Jaruvo vahire kõkõrõkoho bogo urimoho uvë'e jero urimo vae niõ'i gemu ae uë'a'anuëjo: Na Iesu bogo gavaje hõjo.

<sup>35</sup> Êhi uë'a'anuëjamu hegorovo Peter-ro uavadeje: O na bogo êhioho ê'ejõjo. Aehu anegamu ja'o gemuore guomo'ië'iroho na bogo êhioho majëhi'ejõjo. Bogo majëhi'ejõjamu ijorajo ioro'ioroho aho'o jabu'o êhi gemuoho Iesu uaruomadeje.

*Iesuhu Gethsemane sa'are hiromo God-are ôriire êninamijade jõhoje.*

<sup>36</sup> Êhi'amu Iesuro ôri ari'o ihe Gethsemane hesi ariböviohu'o rovadeje. Rueromo uëvadeje: Avehuro rarohego na aruëre va'oromo God-are ôriire jõe jövõjo.

<sup>37</sup> Êhi uëngoromo Peter'o Zebedee-are harihoho niõ'i jabu'o sõ ujuoho va'oromo huë vavaene bõrõme baeromo nurunurumadeje.

<sup>38</sup> Nurunurumoromo uëvadeje: Na sisë maro huë vavaene baejevajëjo. Êhuro guomevo hesi hõjo. Êhuni nadi momorõ'õ'i ma-nune jioromo avoho mueberovë'e raromohëjo.

<sup>39</sup> Êhi uëngoromo rori'o va'oromo sa'are behumoromo nu ano'oho sa'are amoromo God êninamiromo uavadeje: Apo jasi ôriire ôre gö javë'oho i'ue huë vavaene nasi ôriire rovajoho ahego na bogo bae'irõjo. Rõhu naehu nimajoho nadi ê'i jaehu nimanuëhi êhi ê'onëjo.

<sup>40</sup> Êhi êninaminugoromo vuonorõ'õ rueromo gavade hesi ae niõ'i gemu momorõ'õjamu gëgorovo Peter uavadeje: Majae ma-bunemu nune jioromo na'o gemuoro mueberovë'e raromo'irarijoho jemë diehi'oromo bogo eni jëvajëjo.

<sup>41</sup> Nune jioromo mueberomo êninamihego God-ro ajëmego Satan-ro bogo dinëmego êhuro bogo bejëvo'irajo. Jemesi aru'ahoho mu mae vae'i nimo'i jemesi sino haho'oho u'uhë'e hõjo.

<sup>42</sup> Êhi uëngoromo rõhu maho va'oromo êninamiromo uavadeje: Apo ôre gö bogojavo'i i'uehu huë vavaenehu nasirire ruejõro nimë'oho iae êhi ê'onëjo.

<sup>43</sup> Êhi uanugoromo vuonorõ'õ rueromo gavade jabumë nunëhimo'amo'ego momorõ'õjamu gëgorovo

<sup>44</sup> rëmõ'i vuonorõ'õ va'oromo urimë'i vae niõ'i êninamijade jõe gemuoho rõhu maho êninamijadeje.

<sup>45</sup> Êninaminugoromo rueromo hesi aribövioho uëvadeje: Jemë diehi'oromo nuhoromo ma-momorõ'õemu momorõ'õjarujëjo. Gahëjo. Majaho mami'e rovë'e hõjo. Aëro God-are A Maho na bijõnegarue aribõvi jabesi õvore bojëmi'ië'ajëjo.

<sup>46</sup> Ri'õromo go va'ohëgo va'arëjo. Gahëjo. Na bijõnegarue a bojëmi'irõhe aho rovajëjo.

*Iesu guduamare jõhoje.*

<sup>47</sup> Êhi uëvamu gavë'i Judas rovadeje. Iesuare ijoraje aho'obëhe 12 rõhu Judas hu'o jabesi ae gemuoho jiadeje. Judas rovamu ae aho'obëhe mae siravae kepatae ujuohoromo hu'o rueruomadeje priest masijohu'o Jew rajo a duvaho õmo'õmohu'o êho jaburo rëmõ'õjë'ëro jië'ëro.

<sup>48</sup> Rõhu ë hesi urimo ë sareri'e aho Judas-ro ë aribövioho uëvadeje: Ga'irarije naro di aho dudõhamu gavë'oho uvorëjo: Iae Iesu hõromo guduamorëjo.

<sup>49</sup> Judas-ro êhi uëvë'ëro huro rueromo ma-burëro ro Iesu uavadeje: Bada vaevë'ëromo dudõhadeje.

<sup>50</sup> Dudöhamu uavadeje: Isi jasi nimanue muoho vaejêjo. Ëhi uavamu aëro rueromo Iesu guduamareje.

<sup>51</sup> Guduamamu gagorovo ae gemu Iesuare bëhire namijadohuro hesi kaejôho jijöromo priest bôrömo hesi mu vaejaje aho anoromo hia'oho tariö'ôjahadeje.

<sup>52</sup> Tariö'ôjahamu gagorovo Iesuro uavadeje: Jasi kaejôho sionoro vuonorö'ö ba'amêjo. Ae rahu kaejôehu o bijehu bunehu muorovë'oho kaejôhuro bijohuro bunohuro muo'amëvo'iramu vuovëvo'ajêjo.

<sup>53</sup> Ojaehu a ananue hesi bëhoho nani jero uvanuêjo: Nöröhu hesi Vavu ua gavë'oho bogo ajamiro mo anerae aho'obëhe mae gemuore jioruomajoho rëmö'ö'iramu rueruomoromo na ajemi'aruëromo êhuni aho ananuêjo.

<sup>54</sup> Röhu naro hu ua ga'ibejêjo God-are surire jajivarêhi muoho bogo êhioho jio'ibejajo. Êhuni ajemi'iröhe jôho Vavuoho bogo ua ga'ejêjo.

<sup>55</sup> Iesuro êhi uanugoromo ë rueruomade aribövioho uëvadeje: Aveho na bogo vajiohu'e anano'e aehu jevajêjo. Jemë rabëni siravaho kepataho ujuohoromo guduamevo'i rovarujêjo. Mami'e majae aho'o naehu God-are amo bôrömore hiro mo God-are jö hesi öri a røjëhinövodoho jemë evaroho bogo guduamevarije hôjo.

<sup>56</sup> Röhu avevejê'e vaejaruje mue aho'o hesi bëhoho urimo jö God-aro baeromo majëhinövare ariböviohuro God-are surire jajivoromo uvare hôjo: Ëhi jië'e muoho jio'a'ajêjo. Jabuhu jajivarêhi êhi jioröhego êhuni ave muoho rovë'e hôjo. Ëhi uëvamu hesi ijoraje aho'obëhe hu nugo'i huruomoromo va'areje.

*Iesu Jew rajo a masijo jabesi nunire namijade jöhoje.*

<sup>57</sup> Ëhi'amu gagorovo Iesu hu'irae rueromo priest bôröme Caiaphas-are osare rovareje. Rueromo gavareje jögoru öri røjëhijarue ariböviohu'o a duvaho ömo'ömo'hu'o ë gemuoro gagovë'e jiamu.

<sup>58</sup> Iesu priest bôrömo hesi osare barovamu Peter-ro arue riribövire Iesu rihioromoro mo priest bôrömo hesi osare rovadeje. Rueromo osare rumo va'oromo abo osa ririre ruë numë javue vae'i riroho ma-va'oraho nugarire ë va'oromo priest hesi mu vaeruomaje ariböviohu'o gemuore hijadeje diehi'aruoho garöhëni.

<sup>59</sup> Ëhi'amu priest masijohu'o a masijo ioro'iorohu'o ae nahareje sarerivoromo ëma huruoho majëhiromo uëröhego: Iesuro êhi jië'e mu sisëho vaejumu gavare höjego heromo Iesu anego guomoröhego.

<sup>60</sup> Nahoromo bogo birohareje. Ae göëro göëro rueromo Iesuare jö sarerivoromo majëhijaroho bogo eni jio'be va'ojuvo hujëji ae niö'iro rueromo

<sup>61</sup> jöe gemuoho majëhiromo uëvareje: Ëiahuro uvavohijajo: God-are amo bôrömo dadovoromo majae niö'i gemu hesi uhure röhu maho vae barë'irodoho na eni jevajêjo. Êjö sisëho uövuamu hejare hôjo.

<sup>62</sup> Ëhi majëhijamu hegorovo priest bôrömhuro ri'öromo Iesu uavadeje: Na ja jö mana uö'iranoho bogojavajêjo. Aehu jasi jö sisë majahuijaruoho na êho mae o sarere hôjo.

<sup>63</sup> Mae o sarere höjamu Iesuro jörume namijadeje. Jörume namijamu priest bôrömhuro uavadeje: God biririvoromo hijaje a hesi nunoro ave jôho ma-maemo uveego na hejôjo. Bôröme namiromo ajamuijanue aho na ja javajêjo. Na ja God-are Harihe javajêjo.

<sup>64</sup> Javajëjamu uavadeje: Jaehu uevanuëhi iae êhi jevajêjo. Röhu naro jemë ae aho'obëhe ave jôho uëvajêjo. U'emu jemëro ge'a'arujêjo God-are A Maho darugo eni jië'e A hesi övo manö hi'iramu. Ö'idöre jio'amaje suehu'o gemu mae ruvebi'iramu.

<sup>65</sup> Ëhi uavamu hegorovo rue priest bôrömhuro hesi niögöho dadovoromo uëvadeje: Huro God-are ihoho ijumajêjo. A göho rabëni rueromo hesi jôho huruoho majahuijöräjo. Iae no eni hejê'e javuajêjo. God-are iho ijumajoho jemë iae hejarujêjo.

<sup>66</sup> Êhuni jemë diehi uehorovarujêjo. Diehi uehorovarujëjamu uavareje: Jö sareri'e aego ano'iramu guomo'a'ajêjo.

<sup>67</sup> Ëhi uanugoromo Iesuare nu ano'ere sabëro ödivoromo övo mugö mugöëro anoruomadeje. O övo hitahiëro anoromo

<sup>68</sup> sivoromo uavareje: Jero uvanuêjo: Na bôröme namiromo ajëmaje aho jevajêjo. Ëhi jië'e javaje jôho God-aro baeromo huruoho majahuiromo anagade a hesi ihoho uövuego no hejarêjo.

*Peter-hu Iesu gavaje jö a subivëhade jöhoje*

<sup>69</sup> Ëhi'amu Peter-ro amonö aehu raromaruire ë hijadeje. Hijamu gagorovo mu ajamijaje magonahe gemuëro rueromo uavadeje: Ja'o Galilee sa'a rajo ae Iesu'o gemu mae javade hôjo.

<sup>70</sup> Javade hōjamu Peter-ro ae aho'obēhe jabesi nunire magonahoho sareramiromo uavadeje: Jaehu jōvanue jōho na dadivevo avohajējo.

<sup>71</sup> Ēhi uanugoromo aribōvioho ē rēmo'i ojo bēhire va'adeje. Va'amu magonaho gōero Peter garomo hesi bēhire riravarue aribōvioho uēvadeje: Ave iaho Nazareth amo rajo ae Iesu'o gemu mae jiađe hōjo.

<sup>72</sup> Jiade hōjamu hejē'i Peter-ro rōhu maho sareramadeje. Sareramiromo uavadeje: God-are nuniro na mae uavajējo. Ēaho na bogo gavaje hōjo.

<sup>73</sup> Ēhi uavadoho ririvanovamu bēhire riravarohuro ro Peter uavareje: Iae mae-ējo Iesuare aribōvi jabesi ae gemuoho javajējo. Jasi huēre heromo ēhuni uavaruējo.

<sup>74</sup> Uavaruējamu Peter-ro uēvadeje: Na jemē sarerēmijē'o ho i'ue baejōeni ēhuni na jō mae uēvajējo. Ēaho na bogo gavaje hōjo.

<sup>75</sup> Bogo gavaje hōjamu gavē'i kōkōrōkoho uvadeje. Uvavamu hegorovo Peter-ro uehorovoromo uvadeje: O mami'e Iesuro uevade hōjo: Kōkōrōkoho bogo urimoho uvē'e jero urimo vae niō'i gemu ae uē'a'anuējo: Na Iesu bogo gavaje hōjo. Ēhi uehorovoromo amonō hōrō va'oromo sisē maro nivadeje.

## 27

*Pilate-are nunire namijōro Iesu bava'are jōhoje.*

<sup>1</sup> Iae sisonuvo'ia'amu gagorovo priest masijohu'o Jew rajo a duvaho ōmo'ōmohu'o ē aribōvioho aho'obēhe jaburo gagovoromo jōe mevoromo uarovareje: No ēhi ēhi ē'ejarējo Iesu guomorōhego.

<sup>2</sup> Ēhi mevoromo eni jiamu gagorovo Iesu tōvoromo bava'oromo gavana Pilate-are ōvore bamareje.

*Judas-hu hesi arijo'arije anorovade jōhoje.*

<sup>3</sup> Ēhi'amu Iesuni hiruēmiromo a jabesi ōvore bojēmade aho Judas-ro gavade Iesuare jōho court-roho bejē'e jiamu gagorovo uvadeje: Na mae ē'ajē'i sisē ē'ē'e jevajējo. Sisē ē'ē'e jevajē uvonugoromo ajivē'e ijo baje aho'obēhe 30 ujuohadoho vuonorō'ō ujuoho va'oromo priest masijohu'o a duvahohu'o bojēmi'iē'adeje.

<sup>4</sup> Bojēmi'iē'oromo uēvadeje: Naro mu sisē ē'ē'e jevajējo. Naro a mahuni jemē hiruēmiromo hu jemesi ōvore bojēmijē'e jevajējo anego guomorōhego. Ēhi uēvamu uavareje: Ēho bogo nosi muehu hōjo. Jero jasi ganējo.

<sup>5</sup> Ēhi uavamu hejē'i ijo bajoho God-are osare bu'ōnugoromo jabumē rēmo va'oromo ō'ēro sōnōre benugoromo vioruhivoromo guomadeje.

<sup>6</sup> Ēhi'amu priest masijohuro ijo bajoho ujuohoromo uarovareje: Ave ijo bajoho guomorōhe a hesi manaho hōjo. Ēhuni God-ni moni bahijaruire ē bahijē'o ho sisē hōjo.

<sup>7</sup> Jōho mevonugoromo eni jiamu gagorovo ijo bajoho ujuohoromo sa'aho imareje sa'a ioro'iorore jioromo rovere aribōvioho vuovēvego ē guavo'amorōhēni sa'a ihoho Rama Avoho'amaje A Hesi Sa'aho jī'ēro.

<sup>8</sup> A guomorōhe manaho baeromo ē sa'aho imē'ēro ēhuni ē sa'aho Kō Rovade Sa'aho jumumaroho jaruvoho hesi ihoho ēhije.

<sup>9</sup> Rōhu jō God-aro baeromo majēhinōvade ae Jeremiah-hu Iesuare mana ujuohoromo sa'a imoruumorōhego urimo uēvadēhi ēhi ē'areje. Amo Jeremiah-ro uēvadeje: Jabumē ajivē'e ijo bajoho aho'obēhe 30 ujuohare hōjo Israel rajohuro monie ēmino'e hu imorōhēni uvē'ēro.

<sup>10</sup> Ijo bajoho ujuohoromo Badahu na uevadēhi ēhi rama avoho'amaje a hesi sa'ahuni bu'ōruomade hōjo. Jeremiah-ro ēhi uēvadeje.

*Pilate-hu jōe gō gō Iesu ua hejade jōhoje.*

<sup>11</sup> Amo Iesuro gavanare nunire namijamu gavanaro uavadeje: Na ja Jew rajo jabesi a bōrōmoho javajējo. Javajējamu Iesuro uavadeje: Ējōho jero jasi jōvanuējo.

<sup>12</sup> Jōvanuējamu priest masijohu'o a duvahohu'o ēho jaburo Iesuare jō sisēho gavana huruoho majahijareje. Majahijamu Iesu bogo mana uavadeje.

<sup>13</sup> Bogo mana uavamu Pilate-ro Iesu uavadeje: Rueho jabuhu jasi jō sisē aho'obēhe majehijaruoho na ja hejanuējo o bogajo.

<sup>14</sup> Bogajamu Iesuro jōho bogo mana majahijadeje. Bogo majahijamu rue a bōrōmohuro tiō avohadeje.

*Iesu anego guomōjōro Pilate-hu uēvade jōhoje.*

<sup>15</sup> Röhu God-hu Vörö Tugohade Sörö maja rovë'iroho savoji gagore raromaru aribövioho di aho jiovo nugö'öjoro aehu uvoruomë'oho Pilate-ro ë aho jiovo nugö'önövadeje.

<sup>16</sup> Röhu ae gemu hesi jö sisë ae aho'obëhe hemu hejaruoho ë aho savoji gagore hijadeje. Hesi ihoho Iesu Barabbas jiadeje.

<sup>17-18</sup> Röhu Pilate-ro gëromo uvadeje: Iesuare ihoho bövie jië'ego ë ariböviohuro dë vörönëgamu nasi övore bojemijare höjo. Bojemijare hö uvoromo gavade ae aho'obëhe gagovorovë'le jiamu gëgorovo uëvadeje: Jemë nëgajoho na di aho jiovoromo bojëmi'ejöjo. Na na Iesu Barabbas jiovo nugö'ö'ejöjo. O na na Iesu göho Keriso hö uvarujoho jiovo nugö'ö'ejöjo.

<sup>19</sup> Ëhi uënuogoromo röhu Pilate-ro court-re hiromo jöho hejamu evare hesi vaborohuro jöe nugö'öromu uavadeje: Ëaho sisë rumo'e ae jiaje ëhuni hesi öriroho nadi bövioho bise'oho ë'onëjo. Jaruvo vahi'e naro niavoromo Iesu nia'ovoro garomo huë vavaene börömo bëhe baejode höjo.

<sup>20</sup> Jöho ëhi rovamu gavë'i Jew rajo priest masijohu'o a duvahohu'o ëho jaburo ae aho'obëhe biririvoromo dinëmiromo uëvareje: Jemëro uvohëjo: Barabbas jiovo nugö'ö'i Iesu anohëjo.

<sup>21</sup> Ëhi uëvamu Pilate-ro ae aho'obëhe uëvadeje: Ëae niö'ioho jemë nëgajoho na di aho jiovoromo bojëmi'ejöjo. Uavareje: Barabbas-ajo.

<sup>22</sup> Barabbas-ajamu uëvadeje: Ëhi jië'oho Iesu Keriso na diehi'o'ejöjo. Ae aho'obëhe uvoruomadeje: Korosioro anego guomajo.

<sup>23</sup> Guomajamu uëvadeje: Rabëniajo. Diehi jië'e mu sisë vaejë'e höjo. Vaejë'e höjamu ae aho'obëhe ma-darugo ma'e uvo'i arijareje: Korosioro anego guomajo.

<sup>24</sup> Ëhi uvamu hegorovo Pilate-ro gavade hu jö jövajoho bogo eni jio'i aribövioho muorovo'ia'amu gëgorovo vuonugo'i jovoho baejadeje. Jovoho baeromo ae aho'obëhe jabesi nunire övoho eguadeje. Övoho eguoromo uëvadeje: Na övo uno'e ae jevajëjo. Ëia hesi kö rumo'e jevajëjo. Jemesi garëjo.

<sup>25</sup> Jew raje ae aho'obëhe uvoruomadeje: Iae mae-ëjo. Nosi övore nosi ujo jabesi övore ë ia hesi köho javuobe va'a'ajëjo.

<sup>26</sup> Köho javuobe va'a'ajëjamu Pilate-ro ejëhoromo Barabbas jiovo nugö'öjadeje. Barabbas jiovo nugö'ö'i Iesu hisuebijöro ae uënuogoromo uëvadeje: Ave aho bava'oromo korosioro anohego guomajo.

*Muorovo ariböviehu Iesu sivare jöhoje.*

<sup>27</sup> Guomajamu rue gavanare muorovo ariböviohuro hesi osa börömore Iesu bava'oromo muorovo a ioro'iorohu'o gagovoromo Iesu ruë numë numareje.

<sup>28</sup> Numonugoromo hesi niögohu' jijövaho'i a masijehu kavuë'e niögu ëgo io'amoromo mu vaejarue ëhi jië'e niögohu' ba'amahareje.

<sup>29</sup> Ba'amahoromo a masijehu bosö didi'arue ëhi jië'e bosöho Iesuare simanore didi'ahareje. Röhu bogo inömo maho baeromo bosöho avohaho'i bibë'e ijo hisuoho ujuohoromo huoromo simanore ba'amahareje. Ba'amahonugoromo a masijehu inömo ma-mabëhe ma'eno raromaruëhi jië'e inömo ho övore bamahareje. Röhu bogo inömo maho bamaho'i ma-ijahemu övore bamahareje. Bamahoromo hesi nuninö ro ague aho raromoromo sivoromo uavareje: Jew rajo jabesi börömo ho vaevë'e hijanuëjo.

<sup>30</sup> Hijanuëromu sabëro ödivoromo ijahoho baeniahiromo hesi simanore anareje.

<sup>31</sup> Ëhi sivoruomoromo niögu ëgohu' jijövaho'i hesi niögu maho io'amahoromo hu'irae bava'areje korosire ano taemo'i.

*Iesu korosire ano taemare jöhoje.*

<sup>32</sup> Bava'oromo örire va'ihö gavare Cyrene amo raje ae gemu hesi ihe Simon rovamu gagorovo övëro bijimö'öromu uavareje: Ave a hesi korosioho baeromo va'ëjo.

<sup>33</sup> Baeromo va'ëjamu ejëhoromo baeromo jabumë aho'o va'aroho ajiomoromo sa'a ihe Golgotha nosi huëhu huotovë'o ho simano gijo va'ëne sa'are ë ajio suoravareje.

<sup>34</sup> Suorovonugoromo wine jovohu'o ajuo'e jovohu'o buaroharoho Iesu bojamijareje hesi vi'ehoho bisemu u'uhoröhego. Bojamijamu i garomo juahëmadeje.

<sup>35</sup> Juahëmamu korosire ano taemareje. Ano taemoromo hesi niögohu' adovoromo ajajovoromo ujuohareje.

<sup>36-37</sup> Röhu Iesuare jö sisë jajivaroho hesi simano namore korosire ano taemareje. Jajiv-oromo ëhi uvë'e jiadeje: Ave aho Iesu Jew rajo jabesi a börömo ho höjo. Ëhi'onugoromo sa'are raromoromo hu muebejareje.

<sup>38</sup> Ëhi'o'irögoro röhu aëro anano'e vajiohu'e ae niö'i jabu'o korosire ano taemëvoromo göho ruëhi Iesuare övo manö göho viëhi övo adonö ëhi amëvareje.



<sup>39</sup> Ĕhi'amu aëro rova'ë'i uvene hijiohijiovoromo sivoromo

<sup>40</sup> uvoromonövadeje: Asë'e sareri ae javajëjo. Jero uvane höjo: Naro God-are osa börömo hadovoromo majae niö'i gemu hesi uhure röhu maho vae barë'ejöjo. Ĕhi uvë'e javaje ëhuni ja God-are Harihe javë'oho jasi arijo'arije ajamirovoromo korosire javajoho ruvebijego bogo guomavajo.

<sup>41</sup> Jabuhu sivarëhi priest masijoho jögoru öri röjëhijarue aribövioho a duvaho ömo'ömo ho ëho jabu'o ëhi sivoromo uarovareje:

<sup>42</sup> Ĕahuro uövuađe höjo: Naro a ioro'ioroho ajëmego marëjëvaje höjo. Ĕhi uövuađe höjo röhu hesi sino ajamirovë'oho hu bogo eni höjo. Huro uövuađe höjo: Israel rajo jemesi börömo na javajëjo. Ĕhuni nadi'ego hu korosire jioromo ruvebijego no garomo mae uehorovarëjo.

<sup>43</sup> Röhu ave jöhu'o huro uövuađe höjo: God-ro na muebejevaje höjo. Hu uvaje höjo: Na God-are Harihe jevajëjo. Ĕhuni nadi'ego no ga'irarëjo God iaho nimoromo ajamijego o bogo ajamijego.

<sup>44</sup> Ĕhi uarovamu gavë'i hesi bëhire vajiohu'e ae niö'i korosi'o amëvare aho jabu'o ëhi sivoromo jöe gemuho uavareje.

*Iesu guomade jöhoje.*

<sup>45</sup> Ĕhi'amu majae ririre öri ari'e aho'o ramoramovadeje. Ramoramovobe va'ujuvo majae huotorovamu ajivadeje.

<sup>46</sup> Majae huotorovoromo ajivamu Iesuro Jew rajo jabesi jöëro ma-darugo'o uvadeje: Eliajo. Eliajo. Lema sabaktaniajo. Nosi jöëhu huotovë'oho God nasi Böviohajo. God nasi Böviohajo. Ja rabëni remo va'ane höjo.

<sup>47</sup> Remo va'ane höjamu bëhire riravare a ioro'iorohuro Elia uvavamu hegorovo uarovareje: Elijah-ni uvajëjo.

<sup>48</sup> Ĕhi uarovoromo ae gemuëro ma-burëro tutuvo va'oromo u'uhë'e inömo barueromo nioga'i'e wine jovre ba'amoromo rumorovamu ioromo ijaho viture bijiohoromo Iesu bojami'ië'adeje.

<sup>49</sup> Bojami'ia'amu a ioro'iorohuro uarovareje: Nadi'ego no ga'irarëjo Elijah-ro hu ajami'i rovego o bogo rovego.

<sup>50</sup> Ĕhi uarovamu Iesuro röhu maho jö'e dadovoromo guomadeje.

<sup>51</sup> Guomamu God-are osa börömo ojo göho gagonö jiajoho niögehu tugoharo arorovo ruvebijadeje. Sa'aho hijiohijiovamu munëho arorov'amadeje.

<sup>52</sup> Arorov'amamu huoho tögömoromo jiororov'amamu God-are aribövie vuovëvade ioro'ioroho aho'obëhe i'ov'amadeje.

<sup>53</sup> I'ovoromo suorovoromo Iesu ri'öjamu evare va'oromo God-are osa börömo ijaje amore va'o ae aho'obëhe jabesi nunire ruuomamu garuomadeje.

<sup>54</sup> Röhu Iesu guomamu gagorovo muorovo simano vaejaje ahu'o ë hesi ariböviohu'o riravoromo Iesu muebejarohuro gavare sa'aho hijiohijiovoromo mue gö gö jiamu garomo sisë maro juhuonivoromo uvareje: Iae mae-ëjo. Ave aho iae God-are Harihe jiade höjo.

<sup>55</sup> Ĕhi'amu magonahe aho'obëhe arue riribövire riravoromo Iesu diehi'aruoho garuomadeje. Urimoho ë magonaho jaburo Galilee jioromo Iesu ajamibe hesi ijore ijore rovarëje.

<sup>56</sup> Mary Magdalene o Mary göho James o Joseph jabesi vëmoho o Zebedee-are harihu jabesi vëmoho o magonaho ioro'ioroho ëhi jioruomadeje.

*Iesuare sino munë gagore bamare jöhoje.*

<sup>57</sup> Iae majae garobe'e bamamu bövie bise'e eni jië'e ae gemu hesi ihe Joseph-ro rovideje. Hesi amoho Arimathea jio'i hu'o Iesuare ijoraje jiadeje.

<sup>58</sup> Ĕhi jië'ëro huro va'oromo Pilate uavadeje: Uevego na Iesuare sinoho bae'iröjo. Bae'iröjamu Pilate-ro ae uëvadeje: Va'o sinoho ave aho babojamego bava'irajo.

<sup>59</sup> Babojamamu Joseph-ro baeromo niögu i'ohuro numadeje.

<sup>60</sup> Numeromo Joseph guomego hesi sino bamo'iröhego uvadire Iesuare sinoho ë bamadeje munë gage i'e ubuvë'ëro jië'ëro. Bamoromo munë börömo höhö barueromo ojoho tugohonugoromo va'adeje.

<sup>61</sup> Ĕhi'amu Mary Magdalene'o Mary göhu'o Iesu bamarire ë nunoho bamoromo ëhi arijareje.

*Iesu bamarire atovare jöhoje.*

<sup>62</sup> Ĕmajaho Friday jiadeje. Friday jiamu momorö'öjë'ëro sisonuvamugo Jew rajo priest masijohu'o Pharisee ömo'ömo hu'o rueromo Pilate'o gagovoroumadeje.

<sup>63</sup> Gagovoromo Pilate uavareje: Gavanajo. Iesu hu sareri sareri'e ae jiade hōjo. No uehorovoromo uvaruējo: Mami'e hu bogo guom'e hijadevare evare sareramuiromo uovuade hōjo: Guomoromo majae niō'i gemu hesi uhure i'ovoromo ri'ō'ejōjo.

<sup>64</sup> Ēhuni ae uēvego huoho tugohoromo majae niō'i gemu ēhi atovo'irarējo. Ēhesi bēhoho no juhuoninaguajējo Iesuare ijore ijore jijiharue aribōviohuro hure va'oromo hesi sinoho vajiohēro baeromo ae aho'o sarerēmiromo uējōēni: Iaho guomoromo ri'ōjē'e hōjo. Ēhi jiē'e sareri'e jō atē'o ho ēhuro urimo Iesuro mae uōvuajēromo aribōvioho mabisemu sisērērovaroho avevejō'o ho ri'ōjade jōho mae hōromo bōrōmo bēhe sisērērovo avoho'aruējo. Ēhuni huoho avoho tugohojōro naguajējo.

<sup>65</sup> Tugohojōro naguajējamu Pilate-ro uēvadeje: Muorovo aribōvioho ujuoho va'ego atovo'irarējo. Huoho diehi tugoho'i uehorovarujēhi ēhi tugoho garējo.

<sup>66</sup> Ēhi uēvamu va'oromo tugohoromo sivaēro badihhi taemareje. Taemoromo muorovo aho ē nugo'amareje huoho atovorōhego.

## 28

*Iesu ri'ōjade jōhoje.*

<sup>1</sup> Iae Jew rajo nuho majaho barējamu nērōho hura bōrōmoho sisonuvo'iē'adeje. Sisonuvo'ia'amamu Mary Magdalene'o Mary gōhu'o jaburo niō'iro Iesu bamaroho ga'i va'areje.

<sup>2</sup> Va'amamu sa'aho hijiohijiovadeje. Ēhesi bēhoho Badare anerae gemuēro ō'idōre jioromo ruvebiromo Iesu bamoromo ojo tugohare munēho hōhō bava'adeje. Bava'oromo ē munē dōre hijadeje.

<sup>3</sup> Amo anera hesi nu ano'o ho baderivoromo ajivajēhi ēhi jiadeje. Hesi niōgoho ajivoromo sa buso va'ēne jiadeje.

<sup>4</sup> Ēhi jiamu gagorovo muorovo aribōvie munē muebejarohuro ēho garomo juhuonivoromo butubutumoromo sa'are rireromoromo vuovē'e ahuro momorō'ōjanovadeje.

<sup>5</sup> Ēhi'amamu magonahoho jaburo rovamu gagorovo anerahuro uēvadeje: Nadi juhuonivohējo. Na gavajoho jemē korosire anamu guomade a hesi sinoho naharujējo.

<sup>6</sup> Hu aveho bogohōjo. Guomoromo ri'ōrōhēni uēvadēhi ēhi ē'ē'e hōjo. Ro hesi sinehu raromade sionoho gahējo.

<sup>7</sup> Garomo ma-burēro va'oromo hesi ijorajo ōmo'ōmoho uērējo: Iesu guomoromo ri'ōjē'e hōre. Huro urimo Galilee sa'are va'iramamu jemēro ijore ō'oromo ga'a'arujēre. Ave naehu uēvaje jōho uehorovorējo.

<sup>8</sup> Ēhi uēvamu hegorovo juhuonivē'i sisē maro nīmorohoromo hure jioromo tutuvoromo Iesuare ijorajoho jōho majēhi'i va'areje.

<sup>9</sup> Va'amamu gavē'i Iesuro birohēvadeje. Birohēvoromo uēvadeje: Vaevē'e jēvājējo. Vaevē'e jēvājējamu rueromo hesi hōroho guduamoromo rajahijareje.

<sup>10</sup> Rajahijamu uēvadeje: Nadi juhuonivohējo. Va'oromo nasi ō ōmo'ōmoho uērējo: Galilee sa'aro va'orējo. Iae na ē ge'a'arujējo. Ēhi uērējo.

*Iesuare sino atovare aribōviehu priest jō majēhijamu priest jabuhu nijio'iraejēvade jōhoje.*

<sup>11</sup> Ēhi uēvamu va'areje. Magonahoho jaburo va'irōgoro muorovo a ioro'ioro Iesuare sino muebejarohuro amo bōrōmore vuonorō'ō va'areje. Va'oromo priest masijoho uēvareje: No hu muebejaroho ēhi ēhi jiade hōjo.

<sup>12</sup> Ēhi majēhijamu hegorovo priest masijohuro uēvareje: Jew rajo a duvahohumē ro gagovohējo. Gagovohējamu gagovorovoromo jōho mevoromo avohonugoromo ijo bajo bōrōme muorovo aribōvioho suvorēmiromo

<sup>13</sup> uēvareje: Jemēro ae majēhiromo uēnōvorējo: Vahi'e noro momorō'ō'i bogo gavamu Iesuare ijore ijore jijiharue aribōviohuro sinoho vajiohēro bava'ē'ēro ēhu'ēro Iesuare huoho gagemu hōjo.

<sup>14</sup> O momorō'ōjarije jō gavanahu hejē'o ho noro hu sanuami'ejarējo. Sanuami'iramamu hu huē vavaenoho jemesi ōriroho bogo bojēmi'ajējo.

<sup>15</sup> Ēhi uēvamu hegorovo rue muorovo aribōviohuro ijo bajoho ujuohoromo Jew rajo a masijehu ae majēhirōhego uēvarēhi ēhi majēhibe jijihonōvareje. Ēhi majēhibe jijihonōvē'ēro ēhu'ēro Jew raje ae aho'obēhe ē jōho atarueje.

*Iesuhu hesi aribōvi jabesi nunire rovade jōhoje.*

<sup>16</sup> Iae Iesuare ijoraje 11-ho jaburo Galilee sa'are va'oromo Iesuhu birohēvo'irōhēni uēvade dahorure ē iojio mareje.

<sup>17</sup> Iojiomoromo hu garomo rajahijareje. Röhu ijorajo ioro'iorohuro uvareje: Na aveho Iesu höjo o ae gö höjo.

<sup>18</sup> Ĕhi'amu Iesuro bëhire rueromo uëvadeje: God-ro nasi örire daruge bojemijë'e höjo mue'obëhe ö'idöre o sa'are jio'amajoho naro muebe'amo'irodego.

<sup>19</sup> Ĕhuni sa'ae dinö'e dinö'e va'oromo ae aho'obëhe ajëmibe jijihorego jabu'o nasi ijore ijore jijihö'irarëjo. Ĕhi ajëmiromo Vavu hesi ihoro Harihu nasi ihoro God-are Aru'aho hesi ihoro bapataeto vaejëvobe jijihorëjo.

<sup>20</sup> Bapataeto vaejëvoromo naehu mu rabe rabe bojëmodoho ëho røjëhibe jijihorego jaburo nasi jöho ejeho'irarëjo. Ĕhi ë'iramu naro jemë'o gemu mae juvemu juvobe va'iramu sa'ae bövie bise'e barë'ajëjo.

## MARK

*Bapataeto vaejaje ae John-hu jö majëhinövade jöhoje.*

<sup>1</sup> God-are Harihe Iesu Kerisohu mu mae barovade jöho na jajivo'ië'e. Ëmu ma aevadoho ëhi jiadeje.

<sup>2</sup> Mami gö'e hu bogo rovadevare evare jö God-aro baeromo majëhinövade ae Isaiah-ro ë mu maehu sa'are rueröhe jöho God-are surire jajivadeje. God-hu Keriso-are örire jövade jöho jajivoromo uvë'eje:

Ave aho God nasi jö bajuvaje aho höjo.

Ja va'ië'iroho naro hu urimo nugö'ö'iramu va'oromo ae uë'a'ajëjo jaehu va'irane öroho iogoro'iröhego.

<sup>3</sup> Aëro a rumo'e sa'are hiromomo ma-darugo'o uvo'a'ajëjo:

Badahu rueröhe öroho avohorego hu maro ruel'irajo.

Hesi öroho ahorirëro vajivorego hu maro juvo'irajo.

<sup>4</sup> Ëhi ë'iröhego Isaiah-hu jajivadëhi iae ëhi John-ro ijönö rueromomo a rumo'e sa'are ro hijadeje. Hiromomo aribövioho ruerumomo'ego bapataeto vaejëvoromomo jöe majëhinövadeje. Majëhiromomo uënövadeje: Uehoro sisëho vuonugo'i uehoro mae baeromomo bapataeto vaehego God-ro jemesi sisëho uehorovoromomo vuonugëhajo.

<sup>5</sup> Ëhi'ego Jerusalem amo rajoho aho'obëhe o Judea sa'a ioro'iorore raromaru aribövioho aho'obëhe ëho jaburo rueruomonövadeje. Rueromomo jabesi sisëho huruoho'ego John-ro Jordan jovore bapataeto vaejëvonövadeje.

<sup>6</sup> Röhu John niöge camel mi uehu avohë'e niögu sisëho ruohoromomo mi sinehu avohë'e götaho dë'ahore ba'amoromomo juvonövadeje. O hesi ioho hu guajugajue vuome ëhi ibe juvonövadeje.

<sup>7</sup> Röhu hu jöho ëhi uënövadeje: Ae gö nasi ijönö ruel'ie'ajëjo. Huro na iosiremiromomo böromoho höjo. Naehu hesi mu bise'o bise'e rabe vaejaho'ibejodoho röhu na ma-bise'e jevajëjo.

<sup>8</sup> Na ma-jovëremu bapataeto vaejëvë'e jevajëjo. A'i ë ahuro God-are Aru'ahohuro bapataeto vaejëvo'ie'ajëjo.

*Iesu bapataeto vaejamu Satan-hu dinamijade jöhoje.*

<sup>9</sup> John-ro ëhi jië'e muoho vaejamu Iesuro Galilee sa'are Nazareth amore jioromomo rovadeje. Rueromomo uavamu John-ro ë Jordan jovore bapataeto vaejadeje.

<sup>10</sup> Bapataeto vaejamu gagorovo Iesuro jovore jioromomo rojo ionire nami'i gavadeje ö'idöho arorovo'ego God-are Aru'ahe guaho va'ënohuro hesirire ruvebijamu.

<sup>11</sup> Ruvebijamu gavë'i ae aho'obëhe hejareje ö'idöre uvavamu: Ja nasi Harihu mabëhe javajëjo. Na ja garomomo ëhuro nasi dë vövöbajo'oho nimorohevajëjo.

<sup>12</sup> Ëhi uvamu gavë'i God-are Aru'ahohuro darugo'e jöho Iesuale dë vövöbajo'ere bojamamu huro ri'öromomo a rumo'e sa'a göre ajiomadeje.

<sup>13</sup> Ajiomamu huro God-are jöho ahojöro Satan-ro hesi dëho bijioho ga'i hijadeje. Bijioho ga'i hijamu je'o mi sisë jioruomajinö ë hijadeje röhu aneraëro ajamareje. Ëhi'obe va'adoho majae 40 barëjadeje.

*Iesuhu uëvamu visu suovarue ae 4 jabuhu aevoromomo hesi ijore ijore jijihare jöhoje.*

<sup>14</sup> Ëhi'amu aëro John guduamo bava'oromomo savoji gagore ba'amareje. Savoji gagore ba'amamomo evare Iesuro Galilee sa'are ajiomomomo God-are jö maho majëhinövadeje.

<sup>15</sup> Majëhiromomo uënövadeje: God-are maja böromoho rovë'e höjo. Jemë iae ga'ie'arujëjo God-ro börome namiromomo muebejëvego. Ëhuni uehoro sisëho vuonugo'i God-are jö maho mae uehorovohëjo.

<sup>16</sup> Ëhi'oromomo iae Galilee e'u riröre juvadeje. Juvo'i gavadeje Simon'o Andrew'o ö'o ö'o vise suovarue aëro jëvë'ëro viöho jovore ba'amamomo.

<sup>17</sup> Viöho jovore ba'amamomo gëgorovo uëvadeje: Nasi ijoro ijoro ruhëjo naro röjëhijego jemëro bogo visuoho gagovo'i a'i ae magonahe gagovëvego nasinö jioruomomo'iröhe höjo.

<sup>18</sup> Ëhi uëvamu hejë'i jaburo viöho ëhi vuonugo'i aevoromomo hesi ijore ijore jirehonövareje.

<sup>19</sup> Ëhi'amu Iesuro ma-bisemu va'anovo'i gavadeje Zebedee-are harihe niö'i James'o John'o ö'o ö'o jabesi boat gagore arijamu. Ariromomo jabesi viöho sigohijamu gëvë'i

<sup>20</sup> uvēvadeje: Ruehējo. Ruehējāmu hegorovo jaburo jabesi vavue Zebedee hesi mu vaejarue aribōviohu'o gemu mae boat-re hijajoho vuonugo'i aevoromo Iesuare ijore ijore jirehonōvareje.

*Satan-are aru'aho sisē ae gemu hesi dēre jiamu Iesuhu rarovō'ōjade jōhoje.*

<sup>21</sup> Ēhi'oromo Iesumēro rue Capernaum amore va'areje. Va'oromo God-are nuho majaho rovāmu Iesuro God rajahijarue osare va'oromo God-are jō bēhoho rōjēhijadeje.

<sup>22</sup> Rōjēhijāmu heromo tiōromo uvoruomadeje: Hesi jōho darugo'e jō ma-mabēhe javavajējo. Ēhi uvoruomade hesi bēhoho Jew rajo jōgoru ōri rōjēhijarue aribōviehu rōjēhijarēhioho hu bogo ēhioho majēhi'i a'i hesi birire baejē'ero jōho majēhijadeje.

<sup>23</sup> Jabumēro ēhi uvoruomāmu rōhu evare majare Satan-are a sisēhu dēre abuejē'e aho ē osare hijē'ero ma-darugo'o uvadeje:

<sup>24</sup> Iesu Nazareth rajoho ja rabēni sihusihuāguo'i rovane hōjo. Na ja ijumavuo'ie'ānuējo. Na iae ja gavajējo. Ja God-aro jioromo rovē'e a ma-maemu jiē'e ae javajējo.

<sup>25</sup> Ēhi uvāmu hejē'i uvadeje: Jōho vuonugo'i hōrōjējo.

<sup>26</sup> Hōrōjējāmu hejē'i uhure a sisēhuro ē a hesi simānoho huotovāhamu bijōbijōvoromo ōvo'o hōru'o ajiomadeje. Ōvo'o hōru'o ajiomāmu a sisēhuro jō'e dadovoromo hōrōromo va'adeje.

<sup>27</sup> Hōrōromo va'amū ē aribōvioho aho'o tiōjēvadeje. Tiōromo berohoromo uarovareje: Aveho mu rabe hōjo. No bogo hejarue jōho jōvājējo. Ēiāho daruge baejē'ero ēhu'ero huhu jō bojēmijē'oho aru'aho sisēho jabu'o ejaharue hōjo.

<sup>28</sup> Ēhi'amū Iesuhu vaejaje mu hesi jōho ē Galilee sa'are raromaruoho aho'o hebe va'areje.

*Iesuhu guomo guomo'e ae aho'obēhe ajēmāde jōhoje.*

<sup>29</sup> Ēhi'amū Iesumēro God rajahijarue osare ē jioromo va'areje. Va'oromo Iesuro James'o John'o gemu mae va'oromo Simon'o Andrew'o arijarue osare rovareje.

<sup>30</sup> Rōhu Simon-are jure magonāho hesi sino hāho'oho vōrō'iraejāmu rōhore raromē'e jideje. Raromāmu Iesuro osare rovāmu gavē'i ē aribōviohuro uavareje: Ave magonāho guomo guome baejē'e hōjo.

<sup>31</sup> Baejē'e hōjāmu hegorovo Iesuro rueromo ōvore ma'enoromo banigojioimadeje. Banigojioimāmu sino hāho'ere vōrō'iraejadōho u'uhadeje. Vōrōho u'uhāmu hegorovo magonāhohuro ri'ōromo iruno'e avohēhadeje.

<sup>32</sup> Avohēhē'ero majae beva'amū gāgorovo aēro guomo guomo baejē'e aribōvioho aho'o Satan-are a sisēhu dēre abue'amē'e aribōvioho aho'o ēhi ujuoho rueruomadeje.

<sup>33</sup> Amo raje ae aho'obēhe rueromo Simon-are ojanore gagovoruomadeje.

<sup>34</sup> Gagovāmu Iesuro guomo guome gō gō baejē'e ae aho'o jabesi sinoho avohēhoromo aru'aho sisēho aho'o a jabesi dēroho rarovō'ōjēvonōvadeje. Rarovō'ōjēvoromo ē aru'aho sisēho uēnōvadeje: Jōe nugohējo. Nadi nasi jōho huruohohējo. Iesuhu ēhi jiē'e jō jōvade hesi bēhoho ē aru'aho sisēho jaburo gavē'ego hu ēhi jiē'e ae jiamu garuomē'ego ēhuni jōvadeje.

*Iesuhu Galilee sa'are jō majēhibe juvade jōhoje.*

<sup>35</sup> Ēhi ē'ē'ero sisonuvo'i titimāmu Iesuro ri'ōromo va'o a rumo'e sa'are hiromo ē parie vaejadeje.

<sup>36</sup> Parie vaejāmu Simon-mēro Iesu nahobe rovareje.

<sup>37</sup> Nahobe rueromo bihoromo uavareje: Ae aho'obēhe ja nahavaruējo.

<sup>38</sup> Nahavaruējāmu Iesuro uēvadeje: Ruehego no amo gōre gōre va'arējo nāro God-are jōho amo ioro'iorohu'o majēhi'irode hōjo. Ēhesi bēhoho na ēhi ē'irodēro rovode hōjo.

<sup>39</sup> Ēhi uēnugoromo va'oromo God-are jōho Jew rajehu God rajahijarue osare osare majēhibe Satan-are aru'aho sisēho a jabesi dēroho rarovō'ōjēvobe ēhi'obe Galilee sa'ae bōvioho juvo barējadeje.

*Iesuhu sino jomo'e a ajāmāde jōhoje.*

<sup>40</sup> Ēhi'amū iae sino jomo'e ae gemuēro rueromo āgue aho hiromo ēnināmiromo uavadeje: Ja nasi sino avohēho'iranoho ja eni javajējo. Ēhuni jasi nīmoromo ajēmijē'ohuro iae ajēmī'ānuējo.

<sup>41</sup> Ajēmī'ānuējāmu Iesuro huni vāvāenīmoromo ōvoho nugō'ōromo sinoho rēhāhoromo uavadeje: Iae na negājējo ajāmī'iro. Marējējo.

<sup>42</sup> Marējējāmu gavē'i jomoho rīreromoromo hesi sinore sisē sisēho barējadeje.

<sup>43</sup> Barējāmu gavē'i Iesuro hu nugō'ōromo darugo'e jōho uavadeje:

<sup>44</sup> Aveho hejëjo. Nadi aho uënëjo. A'i ma-va'irano ho jasi sinoho priest rōjahago ga'irajo. Ēhi'ego Moses-hu uōvuade ēhi jiē'e suvuoro ho God-are ōro ro bojamego aēro garomo uvo'irarējo: Jasi sinore sisēho barējē'ero iae mae javajējo.

<sup>45</sup> Ēhi uavamū rue ahuro Iesuare jōho bogo ejaho'i va'oromo Iesuhu ajamade jōho ae majēhibe juvadeje. Ae majēhibe juvamu ae aho'obēhe hebe va'amu Iesuro urimo ē'onōvadēhi amore amore ma-va'orahoro juvo'iē'oromo gavade ae aho'o hu ga'i tagavamū gēgorovo vuonugo'i a rumo'e sa'are va'o hijadeje. Hi'ego ae aho'obēhe dinō'e dinō'e jioromo hu ga'i ruenōvareje.

## 2

*Ōvo hōru'e vuovahē'e a Iesuhu ajamade jōhoje.*

<sup>1</sup> Ēhi'amu iae majae gemu niō'i barējamū gagoro Iesuro Capernaum amore vuonorō'ō rovadeje. Rovamu ae aho'obēhe hejare uvamu: Iesu hesi osare hijajē uvamu hegorovo

<sup>2</sup> rueromo ē gagovorouomadeje. Gagovorouomamu rōhe aho'obēhe osaho ojanoho rarovo barējadeje. Rarovo barējamū huro God-are jōho majēhijadeje.

<sup>3</sup> Majēhijamū evare ae ēhi niō'i ēhi niō'i jaburo ōvo hōru'e vuovahē'e aho maratuore giojimo baruel'i a ioro'iorohuro ma-namijēho rovareje.

<sup>4</sup> Rueromo Iesuare bēhire rue'iē'oromo gavare ae aho'obēhe tagavoromo rōhoho rarovē'e jiamū gagorovo javu dōnō ba'ojiomoromo Iesuare simano namonō dadovareje. Dadovoromo maratuohu'o ēhi nūme osare ba'amareje.

<sup>5</sup> Ba'amamū Iesuro gavade i'e rovare aribōviahuro hu mae uehorovorouomamū gēgorovo ōvo hōru'e vuovahē'e aho uavadeje: Harihējo. Jasi sisēho uehorovoromo vuonugoromo mu'u barējahē'e hōjo.

<sup>6</sup> Mu'u barējahē'e hōjamū hegorovo Jew rajo jōgoru ōri rōjēhjarue a ioro'iorohuro ē raromoromo jabesi simanēro uehorovoromo uvoruomadeje:

<sup>7</sup> Asē'ējo. Ave aho rabēni ēhi jiē'e jōho jōvajējo. Ēhi jiē'ohō huro God-are ihohō ijumajējo. Hu ma-ae hōjo. Rōhu huro ē aho uavajējo: Naro jasi sisēho uehorovoromo vuonugoromo mu'u barējahē'e jevajējo. Ēhi jiē'e muoho hesi God-ro gemuēro vaejaje hōjo. Ma-aho bogajo.

<sup>8</sup> Ēhi uehorovamū Iesuro hesi dē vōvōbajo'ero gēromo uvadeje: Jabumē ēhi uehorovuēromo uēvadeje: Jemē rabēni uehore gō gō baejarujējo.

<sup>9</sup> Jemē'o uehorovohējo. Ave ōvo hōru'e vuovahē'e aho nani ja ēma ua'a'anuējo: Jasi sisēho uehorovoromo vuonugahē'e hō ua'a'anuējo. Ja ēhi ua'ibejanējo aho nunoho bogo ga'ibejarējo ja mae o sarere jōvē'e javego. Rōhu ja bogo ēma ua'a'anuējo: Ri'ōromo jasi maratuoho banigojioromomo nami juvējo hesi guomo guomoho bogo barējego ja javojagojōēni.

<sup>10</sup> Rōhu ē bogo ēma jōvo'ibejane jōho iae na jōvo'ejōjo huro ejehoromo ri'ō nami juvego jemēro ē muoho garomo ēhuro ga'irarijego God-are A Maho naro sa'are hijajire evare sisē mu'uvaje darugoho ēhu'o baejē'e jevego. Ēhi uēnugoromo rōhu ōvo hōru'e vuovahē'e aho uavadeje:

<sup>11</sup> Naro ja uavajējo: Ri'ōromo raromanue maratuoho banigojioromomo baeromo jasi osahuro va'ējo.

<sup>12</sup> Va'ējamū hejē'i ruehuro ri'ōromo maratuoho ma-burēro banigojioromomo baeromo ae aho'obēhe jabesi nūnire hōrōromo amonō va'adeje. Hōrōromo va'amu gagorovo ē aribōviahuro aho'obēhe tiō'i God rajahiromo uarovareje: Asē'ējo. Ēhi jiē'e mu bōrōmoho urimoho no bogo gavare hōjo.

*Levi-hu Iesuare ijore ijore juvorōhego Iesuhu uavade jōhoje.*

<sup>13</sup> Ēhi'amu iae Iesuro amore jioromo va'oromo rōhu maho Galilee jovo e'u rirōre va'adeje. Va'amu ae aho'obēhe ijore va'oromo hesi bēhire gagovorouomadeje. Gagovamū gagorovo jōho rōjēhijadeje.

<sup>14</sup> Rōjēhi barēnugoromo va'adeje. Va'i gavade tax baejaje ae hesi ihohō Levi Alphaeus-are harihohō hesi mu vaejaje osare hijamū gagorovo uavadeje: Rueromo nasi ijoro ijoro juvonōvonējo. Juvonōvonējamū hegorovo ri'ōromo aevoromo Iesuare ijore ijore juvonōvadeje.

<sup>15</sup> Ēhi'amu Iesumēro Levi-are osare ie ue'ahamū evare tax baejarue ae aho'o sisē aribōvie aho'o urimo Iesuare ijore ijore jijihonōvē'ero jiē'ero ēhu'ero ēho jaburo rueromo Iesu'o hesi ijorajo ōmo'ōmohu'o gemuoro ioho ue'ahareje.

<sup>16</sup> Ie ue'ahamū gēgorovo Pharisee aribōvie Jew rajo jōgoru ōri rōjēhjarue aribōviahuro gavare Iesuro sisē aribōviahuro tax baejarue aribōviahuro ēho jabu'o gemu mae ie ijamū

gagorovo hesi ijorajo ömo'ömo ho uëvareje: Asë'ëjo. Hu rabëni tax baejarue ariböviohu'o sisë a ioro'iorohu'o gemuoroho hiro mo ioho ijajëjo. Èhi jië'oho sisë hõjo.

<sup>17</sup> Èhi jië'oho sisë hõ uvavamu hegorovo Iesuro hu'o heromo ë Pharisee aribövioho uhu'e uëvadeje: Jemëhu nasi aribövi ëhi uëvarujoho rõhu guomo guomo'e ariböviohuremu doctor gavarue hõjo mae jëvë'e aribövioho bogajo. Èhesi bëhoho naro sisë aribövioho nasinõ jëvojõro uë'i rovode hõjo ma-döemu mae jëvë'e aribövioho bogajo.

*Bëhoho rabëni Iesuare ariböviohu i bogo vuonugare jõhoje.*

<sup>18</sup> Èhi'amu iae John-are ijore ijore jijiharue ariböviohu'o Pharisee ariböviohu'o ëho jaburo God uehorovo'i ioho vuonugareje. Ioho vuonugamu aëro rueromo Iesu uavareje: John-are jõ o Pharisee jabesi jõ hejarue ë aribövioho jaburo ioho vuonugarue hõjo. Rõhu jasi aribövioho rabëni bogo ëhioho ioho vuonugarue hõjo.

<sup>19</sup> Rabëni bogo ëhioho ioho vuonugarue hõjamu hegorovo Iesuro uëvadeje: Nasi ijore ijore jijiharue ariböviohu i bogo vuonugarue hesi bëhoho naro uhu'e uë'ië'ajëjo. Na jemëro uvarujëjo: I'o masu'irõhe a hesi sõrõre rueromo aemo'aemëro ioho vuonugo'aruëjo. Bogo ëhioho jio'i a'i i'o masurõhe aehu jabu'o hijajevare evare ioho ue'aho'aruëjo.

<sup>20</sup> Rõhu majae ijõnõ i'o masurõhe aho aëro guduamo bava'iramu evare ioho vuonugo'aruëjo. Avevejõ'oho naro jabu'o hijë'ego jabu ioho bogo vuonugo'aruëjo.

*Jew rajehu gororovo'irõhe jõgoru mamiohu'o Iesuhu barovade mu i'ohu'o bogo gemuore havo'irõhe jõhoje.*

<sup>21</sup> Èhi uëngoromo Iesuro uhu jõe gö'lo majëhiromo uëvadeje: Niõgu i'ohu'o mamiohu'o bogo havo'aruëjo. Bogo havoromo niõgu mami dadovadiroho niõgu i'o hesi vituoho baeromo niõgu mami hesi gagoroho bamoromo sigohi'anuëjo i'ohuro duduhivoromo mamioho ruho barovego dadovego gagoho böviræjõëni.

<sup>22</sup> O wine jovo mi sino gagore bigu'ië'iroho jovo i'ohu'o mi sino mamiohu'o bogo gemuoroho havoromo jovo i'oho mi sino mamiroho bigu'aruëjo. Èhi ë'ibejanëjo jovohuro gatovoromo õgohuro bibivoromo mi sinoho mamiëro jië'ëro tõgõmoromo ioro'io remu dadorovego jovoho rova'o barë'ibejajo. A'i jovo i'oho mi sino i'o hesi gagoremu bigu'aruëjo.

*Jew rajehu nuharue maja hesi jõhoje.*

<sup>23</sup> Iae Jew rajo nuho majaho rovamu gagorovo Iesumëro mure jijihareje. Jijihoromo hesi ijorajo ömo'ömo huro ioho bavovoromo ue'ahobe va'areje.

<sup>24</sup> Bavovoromo ue'ahobe va'amu Pharisee aribövioho Iesu uavareje: Asë'e jaruvoho nuho majae hõjo. Jasi ijorajo ömo'ömehu i avoharuoho ëho nuho maja hesi jõgoroho aharuëjo. Jabumë rabëni ëhi jië'oho ë'aruëjo.

<sup>25</sup> Èhi uëvamu Iesuro uëvadeje: David nosi a bõrõme jionövade hõjo. Rõhu hu'o hesi ariböviohu'o ie bogojëvoromo hõmëvamu huhu ë'ade jõ God-are surire adaharijoho ëho diehi'oromo bogo avoho uehorovarujëjo.

<sup>26</sup> Abiathar priest bõrõme jiadevare evare David-ro God-are osa mare va'ade hõjo. Va'oromo God-are nunire bahijare ioho ujuohoromo vituoho i'i vituoho hesi aribövioho i'imëmamu ue'ahare hõjo. Èhi jië'e ioho bogo aho ue'aho'i hesi ma-priest-ëremu ue'aho'irõhe ie hõjo. Rõhu jabuhu ue'aharohuro ëhuro jõgoroho ahare hõjo. Rõhu ë hesi jõho bogojade hõjo.

<sup>27</sup> Èhi uëngoromo uëvadeje: God-ro nuho majaho bamë'e hõjo ae ajamui'irõhëro. Bogo aho bamavuade hõjo nuho maja hesi jõho e'irõhego.

<sup>28</sup> Èhu'ëro God-are A Maho naro nuho maja hesi jõgoroho ëhu'o muebejaje hõjo.

### 3

*Övo guomahë'e a Iesuhu ajamade jõhoje.*

<sup>1</sup> Èhi'amu iae Iesuro God rajahjarue osare rumo va'adeje. Amo ë osare övo hitahi guomahë'e aho hijë'e jiadeje.

<sup>2</sup> Hijamu gagorovo aëro ë raromë'ëro Iesuare jõ sisëho nahoromo uvareje: Iesuhu ë a hesi övo avohëhë'oho noro a masijoho huruoho majëhiromo uë'ëjarëjo: Iesuro a ajamaje muoho vaeromo nuho maja hesi jõgoroho ahade hõjo. Èhi uvoromo jabumëro ma-hu gemu ërimahareje ga'iro nuho majare huro ë a hesi övoho avohahego o bogo.

<sup>3</sup> Èrimahamu Iesuro övo guomahë'e aho uavadeje: Ave a nunoro rovëjamu rovadeje.

4 Rovamu hu bijönimoromo ërimaharuoho uëvadeje: Nosi jögoroho diehi hõjo. Nuho majaroho na ae mae vaejëvo'ëjarëjo o sisë vaejëvo'ëjarëjo. I'ovëvo'ëjarëjo o muo'amo'ëjarëjo. Èhi uëvamu rue ariböviohuro ma-jörumoraëjareje.

5 Jörumoraëjamu Iesuro uvadeje: Èaribövioho hia'i biriri'e aribövie jioruomajë uvoromo huë vavaeni bõrõme baeromo dë vörõnimamu uherihoromo ë aribövioho gëvadeje. Gënuigoromo övo guomahë'e aho uvadeje: Jasi övoho nugö'öjëjo. Èhi uavamu hegorovo övoho nugö'öjamu marëjadeje.

6 Marëjamu gagorovo rue Pharisee ariböviohuro suorovo va'oromo sa'are a bõrõme Herod nimarue ariböviohu'o gemu mae gagovoromo Iesu anorõhe jõho mevoruomadeje.

*Ae aho'obëhe e'u rirõre raromare jõhoje.*

7 Èhi'amu Iesuro hesi ijorajo ömo'ömohu'o gemu mae ë amore jioromo va'oromo Galilee e'u rirõre abuejadeje. Abuejamu ae aho'obëhe mae Galilee sa'are jioromo hesi ijore rueruomadeje.

8 Rueruomamu rue Jerusalem amore Judea sa'a ioro'iorore jioromo arue Idumea sa'are jioromo ruhe Jordan jovo ioro'ioro gönö jioromo nume Tyre amo'o Sidon amo'o jiajinö ë ae aho'obëhe jioromo Iesuhu mu masijo vaejaje jõho hegorovo hesi õrre rueruomadeje.

9 Rueruomamu gëgorovo Iesuro uvadeje: Ae aho'obëhe jioruomë'ëro nani jabumëro na tatijimevoruomajë uvoromo hesi ijorajo ömo'ömohu'o uëvadeje: Boat harihe avohehego na ë hi'irõjo.

10 Röhu Iesuro hu tatijimorõhe jö uehorovade hesi bëhoho huro ae aho'obëhe avohëvamu mae jio'amë'ëgo guomo guomo'e aho aho'obëhe göëro gö bijimö'öbe iosir-amirovobe rue'ië'areje hu rëhego mae jëvorõhego.

11 O Satan-are aru'aho sisë a jabesi dëre raromaroho ëho jabuhu Iesu gavë'iroho hesi nuninö behumorovo'amoromo ma-darugo'o uvonõvareje: Ja God-are Harihe javajëjo.

12 God-are Harihe javajë'ëgo Iesuro ë aru'aho sisëho uënõvadeje: Jõe nugohëjo. Na rahu jevajoho bogave aho huruoho majëhi'irarijëjo.

*Iesuhu hesi ijoraje aho'o 12 baejëvade jõhoje.*

13 Èhi'onugoromo iae Iesuro dahorure ajimoromo hesi baejëvo'i nimade aribövioho uëvadeje: Ruehëjo. Ruehëjamu rovareje.

14 Rovamu ae aho'obëhe 12 baejëvadeje hu'o gemu mae raromo jijihö'irõhego. O rëmö'õjogo hesi jõho ae majëhibe jijihö'irõhego.

15 O Satan-are ariböviohu a dëre jioruomajoho uëvego suorovoromo va'oruomorõhego.

16 Röhu baejëvade aribövi jabesi ihoho èhi jëvadeje. Simon baejadeje. Röhu Iesuro iho göho Peter jumuvadeje.

17 Röhu Zebedee-are harihe niö'i James'o John'o ö'o ö'o baejëvadeje. Röhu Iesuro jabumë niö'i ihe Boanerges jumëgadeje. Jabesi jõho Boanerges iho bëhoho nosi jõho vajerehu anajëhi èhi jëvë'e ae jëve.

18 Röhu Andrew Philip Bartholomew Matthew Thomas o Alphaeus-are harihe James o Thaddaeus o Simon èhi baejëvadeje. Röhu Simon hu Jew rajehu jabesi mueberovo'i nimade aho jiadeje.

19 O Judas Iscariot hu'o baejadeje. Judas Iscariot hu ijönö Iesuni hiruëmiromo a jabesi övore bojëmi'irõhe aho jiadeje.

*Iesuhu Satan-are aribövi a dëre jio'amamu rarovö'õjëvadoho hu bogo Satan-are daru-goho baeromo èhioho ë'tadeje. Èhesi jõhoje.*

20 Èhi'onugoromo Iesu va'oromo hesi osare hijadeje. Hijamu ae aho'obëhe mae röhu maho hu ga'i ro gagovamu ehuro Iesu'o hesi ijorajo ömo'ömohu'o i ue'aho'irõhoho bogo eni jëvadeje.

21 Bogo eni jëvamu hesi aganohuro ëho heromo uvareje: Nani Iesuale simanoho sisërejähë'e hõromu hu guduamoromo hu'irae bava'i rovareje.

22 Èhi'amu Jew rajo jöguro õri røjëhijarue ariböviohuro urimo Jerusalem jioromo rovë'ëro atoromo uvonõvareje: Iesu hu Beelzebul aru'aho sisë dëre jiajëjo. Sisë a bõrõmohuro vörõho bojamijego ehuro a dëre aru'aho sisëho rarovö'õ'amaje hõjo.

23 Rarovö'õ'amaje hõjamu hegorovo Iesuro uëvadeje: Ruehego na jõe majëhijõjo. Majëhijõjamu rovamu uhu'e uëvadeje: Diehi'oromo Satan-ro hesi aru'aho sisëho rarovö'õjëvojõro uvarujëjo.

24 Sa'ae gemuehu adovoromo jabesi arijo'arije muorovë'oho ë sa'aho bogo biririvo'i barërovo'ajëjo.

25 O agane gemuehu adovoromo jabesi arijo'arije muorovë'oho ë aganoho bogo biririvo'i barërovo'ajëjo.



<sup>26</sup> Ĕhuni Satan-ro ri'ōromo hesi aribōviohu'o muorovo'ibejajo hesi darugoho uehoroho muoho bogo biririvo'i barē'ibejajo.

<sup>27</sup> Rōhu aehu darugo'e a hesi osare rumo va'oromo hesi mae sisē ujuohaho va'iē'iroho bogo ěma ujuohaho va'irōgoro urimo darugo'e aho guduamoromo tōvonugoromo evare hesi inōmo inōmoho ujuohaho va'a'ajējo. Naro Satan ěhi ruahō'ōjaje hōjo.

<sup>28</sup> Ave jōho na jō mae uē'iē'ajējo. Aehu mu sisē vaejē'o ho God-are iho ijumarue jō sisē atē'o ho aho'o God-ro uehorovoromo vuonugēho'ajējo.

<sup>29</sup> A'i God-are Aru'aho hesi iho ijumē'o ho ěhi jiē'e jō sisēho God bogo mae bogo uehorovoromo vuonugo'i ě mu sisē vaejē'o ho ě hesi i'uo ho ma-ioro'io re gemu baeruom'ajējo.

<sup>30</sup> Iesuhu ěhi uēvade hesi bēhoho ě aribōviohuro atoromo uvareje: Aru'aho sisēro Iesuare dēre abuejē'e hōjo.

*Iesuare věmu ōmo'ōme ō ōmo'ōme rahumě jěvaje jōhoje.*

<sup>31</sup> Ĕhi'amu iae Iesuare věmohu'o ō ōmo'ōmohu'o rovareje. Rueromo amonō riravoromo Iesuro ruejōro jōe nugō'ōjareje.

<sup>32</sup> Jōe nugō'ōjamu Iesu ririre hi'i ae aho'obēhe ruē numē raromo rova'o rojomē'ero uavareje: Hē-ajo. Jasi věmohu'o ō ōmo'ōmohu'o ja ga'i nimoromo amonō ro riravaruējo.

<sup>33</sup> Riravaruējamu uēvadeje: Jemē uehorovarujoho nasi věmoho ō ōmo'ōmoho di aribōvioho jioruomajējo.

<sup>34</sup> Ĕhi uěnugoromo uherihoromo ruē numē raromo rova'o rojomarue aribōvioho gěromo uēvadeje: Aveho gahējo. Aruěroho nasi věmohu'o ō ōmo'ōmohu'o jěvajējo.

<sup>35</sup> Ae rahu God-hu nimaje mu vaejē'o ho ěhuro ě aribōvioho nasi ōe ma'ine věme jioruomajējo.

## 4

*Aehu i ujo sa'a mare sa'a sisěre riremāde uhu jōhoje.*

<sup>1</sup> Ĕhi'amu iae Iesuro rōhu maho e' u rirōre va'o hiromo jōho rōjěhijadeje. Rōjěhijamu ae aho'obēhe ro tagavamu Iesuro jovore boat gagore va'o hi'i ae aho'obēhe jovo rirōre raromareje.

<sup>2</sup> Jovo rirōre raromamu Iesuro uhu jōe majěhiromo ěhuro jōe aho'obēhe rōjěhijadeje. Rōjěhiromo uēvadeje:

<sup>3</sup> Jōe hehějo. Iae ae gemuěro i uje ujuohoromo mure riremō'i va'ade hōjo.

<sup>4</sup> Riremōbe va'amu ujo ioro'ioroho ōrire rireromade hōjo. Rireromamu gavē'i ugěro ro i barějare hōjo.

<sup>5</sup> Ujo ioro'ioroho muně uhunō jiē'e sa'are rireromade hōjo. Rireromoromo ma-burěro ri'amade hōjo sa'aho muně dōro ma-bisemu jiē'ero.

<sup>6</sup> Riromo dirumoho bogo ma io'amě'ero majaěro rojomoromo anamu sahoriamade hōjo.

<sup>7</sup> Ujo ioro'ioroho bibě'e resu resu'e sa'are rireromade hōjo. Rireromě'ero bibě'e resuohuro riromo ujo maho baba'amade hōjo. Baba'amamu maho bogo rae'amade hōjo.

<sup>8</sup> Ujo ioro'ioroho sa'a mare rireromade hōjo. Rireromoromo riromo ěgovoromo bajoho rae'amade hōjo. Uje gemu gemu rōhu ioro'ioroho baje 30 rae'amo'i ioro'ioroho 60 rae'amo'i ioro'ioroho 100 rae'amade hōjo.

<sup>9</sup> Ĕhi uěnugoromo uēvadeje: Ae rahu ja God-are jō hejanue ae javě'o ho bēhoho nahoromo birohonějo.

*Iesuhu raběni uhu'e majěhinōvade ě hesi jōhoje.*

<sup>10</sup> Ĕhi uěvamu ijōnōho ae aho'obēhe bogojio'i Iesuro hesi aribōviohu'o gemu mae hijadeje. Hijamu hesi ijorajo 12-hu'o hesi běhire raromarue aribōvi ioro'iorohu'o ěho jaburo uhu jō hesi bēhoho ua gavareje.

<sup>11</sup> Ua gavamu Iesuro uēvadeje: God-ro bōrōme namiromo aho'obēhe muebejaje jōho urimoho subivěhade hōjo. Ĕsubivěhade jōho huro hesi suvuore jemě bojěmijě'e hōjo jeměremu he'irarijěgo. Ĕhu'ero jeměro jō bēhoho he'i a ioro'ioro jabesi ōriroho ma-uhu jōemu rovaje hōjo.

<sup>12</sup> Jabuně ma-uhu jōemu rovaje hesi bēhoho ě jōho God-are surire jajivoromo ěhi uvě'e hōjo:

God-ro nimade hōjo ě aribōviohuro muoho ma-gaemu ga'i bogo avoho garuomōrōhego. O jōho ma-hemu he'i bogo avoho herōhego.

Garomo he'ibejarějo jabumě huotorovoromo God-arinō va'ego ěhuro hu jabesě sisěho uehorovoromo vuonugo'ibejajo.

*I ujo sa'are riremāde uhu jō Iesuho huruoho majēhijade jōhoje.*

<sup>13</sup> Ēhi uēnugoromo uēvadeje: Rōhu naehu majēhijode uhu jōho jemē diehi'oromo bēhoho bogo hejarujējo. Bogo hejarujoho diehi'oromo uhu jō ioro'ioro hesi bēhoho'avo avoho herējo.

<sup>14</sup> Aehu mure ruruhō'ōjade i ujo hesi bēhoho ēho God-are jō a majēhijajoho uēromo ē'ode hōjo.

<sup>15</sup> Ujo ōrire rireromamu ugehu i barējare jō hesi bēhoho aehu God-are jō hejama gavē'oho Satan-ro ma-burēro rovaje hōjo. Rueromo gavaje God-are jōho i ujonō'e jabesi dēre jiego garomo baeniēhiromo rori'o bu'ōjaje hōjo.

<sup>16</sup> O i ujehu munē uhunō jiē'e sa'are rireromoromo riromo sahori'amade jō hesi bēhoho aēro God-are jōho hejarue hōjo. Heromo ma-burēro nimorohoromo jōho ejaharue hōjo.

<sup>17</sup> Ejahoromo jōho ma-dōēremu baejē'ēro majae ma-bunemu mae uehorovoromo garōhe God-are jō uehorovaruohuni aehu sisē vaejēvamu gavē'oho o huē vavaene rovamu gavē'oho ma-burēro vuonugarue hōjo.

<sup>18</sup> O ujehu bibē'e resu gemuore rireromade jō hesi bēhoho aēro God-are jōho heruomaje hōjo.

<sup>19</sup> Heromo ave sa'a hesi muohuni nurunurumoromo o sarerivoromo inōme bōrōmo mae ujuohoi o bōvie bise'e ujuohoi nimoromo ēhemu uehorovoromo ēho jabesi nuninō bamarue hōjo. Bamoromo sa'arohemu uehorovaruohuro ēhuro God-are jō jabesi dēre jiajoho taemego jabumē bogo rae avoharue hōjo.

<sup>20</sup> O ujehu sa'a mare rireromoromo baje 30 o 60 o 100 rae'amade jō hesi bēhoho aēro God-are jōho heromo ejahoromo rae avohoruomaje hōjo ioro'iorohuro ioro'ioroho iosirēmiromo mu ma-mabēhe vaejarue hōjo.

*Iro bueromo va'orahore bahijarue uhu jōhoje.*

<sup>21</sup> Rōhu uhu jōe gō'o majēhi'iē'ajējo. Jemē'o uehorovohējo. Iro buno'iraeromo osare barovarue hesi bēhoho bogo hevō gagoroho o maratu ahariroho gurihhi bamo'i va'orahoro bamo'iro ēhuni barovarue hōjo.

<sup>22</sup> Ēho naro uēromo ē'ajējo: Nasi jōe rabe rabe gurihuro jiaje naehu jōvaje hesi bēhoho ma-va'orahoro jiorōhego jōvajējo. O rabe rabe subivēhaje naehu uēvaje hesi bēhoho masamaro jiorōhego uēvajējo.

<sup>23</sup> Ae rahu ja God-are jō hejanue ae javē'oho bēhoho nahoromo birohonējo.

<sup>24</sup> Ēhi uēnugoromo uēvadeje: Nasi jō hejarujoho avo'avoho uehorovonōvorējo. Uehore ma-bisemu bamē'oho ēhuro aji'e jōho ma-bisemu bae'a'arujējo. O bōrōmo bamē'ohuro ēhuro bōrōme bae'a'arujējo. Rōhu gō'o dōre bōrōmo bēhe bae'a'arujējo.

<sup>25</sup> Aji'e jō javē'oho God-ro gō'o bojami'iramu bae'a'anujējo. O bogojavē'oho bisemu baejanoho God-ro ē uehoroho mu'uvaho'ajējo.

*I ujehu sa'are jioromo hesi ēma gurihuro rijaje uhu jōhoje.*

<sup>26</sup> Rōhu Iesuro uhu jōe gō'o majēhiromo uēvadeje: I ujehu riromo raejajēhi God-ro bōrōme namiromo hesi ōri ari'oho bōvioho bise'oho ēhi muebejēvaje hōjo. Ējōho naro majēhi'iē'ajējo. Mu arijo'ohuro nani ujoho sa'are suovo ruruhō'ōbe va'a'ajējo.

<sup>27</sup> Va'oromo vahiromo'iramu niavoromo sisonuvo'iramu ri'ōnōvo'ajējo. Ēhi'obe va'iramu ē majae gemuore ujo suovo ruruhō'ōjadohuro rēdijiomoromo ri'amo'ajējo. Ēhi'o'iramu mu arijo'ohuro ēho garomo dadivoromo uvo'a'ajējo: Diehi'oromo ē'ajējo.

<sup>28</sup> Ēhi uvo'a'ajējo rōhu hesi sa'aēro rihuoho bojamego i ujoho riromo inovoromo maho raejaje hōjo.

<sup>29</sup> Maho raeromo mavego evare arijo'ohuro ma-burēro tarivoromo gagovoromo avoho bahijaje hōjo ē hesi bēhoho ē gagovarue majaho rovē'ego.

*Ijo hisue mustard-hu ēgovaje uhu jōhoje.*

<sup>30</sup> Rōhu Iesuro jōe gō'o majēhiromo uēvadeje: God-hu bōrōme namiromo muebejēvaje ōroho naro uhu'e bu'ōromo jemē'o na'o uehorovo'ejarējo.

<sup>31</sup> Ijo hisu ihe mustard ujehu bōrōmoriromo ēgovajēhi God-ro bōrōme namiromo ae gō'o gō'o ēhi gagovoromo muebejēvobe va'a'ajējo. Mustard uje gemu sa'are ōjē'iroho bajo ioro'ioro dinō'e dinō'e jio'amajoho ēho ma-jianovo'amo'i a'i ē mustard ujoho biseharihe hōjo.

<sup>32</sup> Ēhi hōjo rōhu riromo ēgovoromo ijo hisu ioro'ioroho iosirami'amoromo ēho bōrōmoho hōjo. Bōrōmoriromo adoho ēgovo'amego ugēro rueromo gavarue sanu mae jiegorovo ijuoho ē vae'amarue hōjo. Ēhi uēvadeje.

<sup>33</sup> Ēhi jiē'e uhu jōho aho'obēhe Iesuro uēromo ēhuro hesi jōho majēhinōvadeje. Jabumē diehi jiē'e jō bae'irōhoho eni jēvē'oho ēhi jiē'e jōhuremu majēhinōvadeje.

<sup>34</sup> Jöho bogo mae bogo samaroho majëhi'i ma-uhue gemu majëhinövadeje. Majëhiromo röhu hu'o hesi ariböviohu'o jabesi sivue raromë'iroho jöho aho'o huruoho majëhinövadeje.

*Iesuhu uavamu jovo börömehu ruhosöjade jöhoje.*

<sup>35</sup> Iesuro boat-re hiromo ëhi jïë'e uhu jöho majëhinugoromo vö'öromamu gagorovo hesi aribövioho uévadeje: Ruehego no aruhe e'u ioni gönö va'arëjo.

<sup>36</sup> Va'arëjamu hegorovo ë Iesuare ariböviohu'o ae aho'obëhe ë rëmo'i Iesuhu hijaje boat-re iojiomoromo hu boat-re baeromo va'areje. Bava'amü boat ioro'ioroho ëhu'o gemu mae va'oruomadeje.

<sup>37</sup> Va'amü buru böröme e'ure rovadeje. Bure rovamu jovohuro hasaromo boat-re ro nemoromo ruahoromo abueromo irijiomoromo diruvëvo'ïë'adeje.

<sup>38</sup> Diruvëvo'ia'amü gavë'i ijorajoho jaburo gavare Iesu mami'e boat dejonö va'o raromoromo simano dövaejaruohuro simane dövaeeromo niavë'e jiamu gagorovo ioromo uavareje: Tisa no vuovavuo'ïë'ajëjo. Na ja nosi jöëniho bogo uehorovanuëjo.

<sup>39</sup> Uehorovanuëjamu Iesuro ri'öromo burohu'o hasajaje jovohu'o uévadeje: Vuonugohëjo. Vuonugohëjamu buroho ahö'ö'i jovoho u'uhoromo ma-jörume ruhijadeje.

<sup>40</sup> Ma-jörume ruhijamu gagorovo hesi aribövioho uévadeje: Jemë rabëni juhuonivarujëjo. Urimë'i jemë bogo ma uehorovevobe rovarijoho na jemë jaruvohu'o ëhi gemuoho ë'arujëjo.

<sup>41</sup> Ëhi gemuoho ë'arujëjamu sisë maro juhuonivoromo uarovareje: Ave aho diehi jïë'e ae höjo. Huhu uëvë'oho bogo aëremuoho ejaho'i burohu'o jovohu'o jabu'o hesi jöho ejaharue höjo.

## 5

*Satan-are a sisë aho'obëhe ae gemu hesirire jioruomamu Iesuhu rarovö'ö'amade jöhoje.*

<sup>1</sup> Ëhi'onugoromo jabu'o Iesu'o va'aroho va'o e'u ioni gönö Gerasene rajo jabesi sa'are va'o baboro bejareje.

<sup>2</sup> Baboro bejamu gagorovo ae gemuëro guavo'amarue juju gagore jioromo rueromo Iesu birohadeje. Ëa hesi dëre Satan-are a sisëro abueruomamu simane huotorovë'e jiadeje.

<sup>3</sup> Simane huotorovë'ëro guavo'amarue juju gago jio'amajire ë hinövadeje. Hi'ego aëro vajaëro ö'ëro rabëro tövo'ïë'oromo gavare bogo eni jëvamu vuonugareje.

<sup>4</sup> Urimoroho aëro vajaëro övore hörure tövo'ëgo övore ö'oho ruho tarivoromo hörure vajaho ano ahö'önövadeje. Ëhi'oromo vörö'irae'ëgo aehu guduamoromo hu'irae ro röhhore nugo'iröhoho bogo eni jëvonövadeje.

<sup>5</sup> Majae vahie jö'e dadovë'i munëro anorovë'i guavaruire hinövo dahorure ajio hinövadeje.

<sup>6</sup> Ëhi'onövë'ëro ë ahuro röri'o öri ëgoböviro namiromo Iesu garomo tutuvo rueromo hesi bëhire ague aho hiromo

<sup>7</sup> ma-darugo'o uvadeje: Iesu ja God dö mare hijaje a hesi Harihe javajëjo. Ja rabëni sihusihuego'i rovane höjo. Na God-are nuniro uavajëjo: Nadi huë sisëho vi'ehoho bojemëjo.

<sup>8</sup> Vi'ehoho nadi bojemijë uvade hesi bëhoho urimë'i Iesuro hu uavadeje: Aru'aho sisëho jero ë a hesi dëre hijanuoho vuonugo'i va'ëjo. Ëhi uavë'ëgo ëhuni uvadeje.

<sup>9</sup> Ëhi uvamu hegorovo Iesuro uavadeje: Jasi ihoho rahuo höjo. Rahuo höjamu uavadeje: Nasi ihoho Siriehu Bimuvanövë'oho jevajëjo. Ëhesi bëhoho no aru'ahe aho'obëhe dëre javuë'ëgo ëhuni ëhi jumegë'e höjo.

<sup>10</sup> Ëhi uaromo Iesu ua'i hijadeje: Aru'ahoho nadi uëvego jabumë ave sa'are jioromo va'irarëjo.

<sup>11</sup> Röhu mahe aho'obëhe aruhe dahoru ahore gemuoro gagovoromo ie ue'ahamu gagorovo

<sup>12</sup> dëre sisë ariböviohu'o Iesu uavareje: Uövuëgo no suorovo va'oromo aruhe mahu jabesi dëre va'o abuejarëjo.

<sup>13</sup> Abuejarëjamu uévadeje: Ëhuro va'ohë uëvamu hejë'i ë sisë ariböviohu'o ë a hesi dëre jioromo suorovo va'oromo ruhe mahu jabesi dëre abueruomadeje. Abueruomamu ë mahohuro va'o baradore rireromoromo e'ure siö ruruhö'ö va'oromo jove ue'ahoromo vuovadeje. Mahe aho'obëhe 2,000 rabu'e ëhi vuovo'amadeje.

<sup>14</sup> Vuovamu gavê'i mahu muebe'amarue ariböviohuro huruomoromo amo börömore amo ininore jôho majêhibe va'areje. Jôho majêhijamu hejê'i ae aho'obêhe rueruomadeje ga'iro diehi jiego.

<sup>15</sup> Iesuaro rueromo gavareje aru'aho sisêhu dêre jioromo suorovo va'oruomade aho simanoho mae jio'ego niôge ba'amê'e hijamu. Urimoho ganövereje aru'aho sisê Siriehu Bimuvanovê'ohuro hesi dêre jioruomê'e êhi hi'ego rôhu evare majare gavareje ma-mae hijamu. Êhi gagorovo juhuonivoruomadeje.

<sup>16</sup> Juhuonivamu Iesuhu mu vaejamu gavare ariböviohuro uêvareje: Sisê ariböviehu dêre abue'amade ahu'o mahohu'o êhi jiê'e muoho birohuruomohijajo.

<sup>17</sup> Êhi majêhijamu ae aho'obêhe heromo Iesu uavareje: Ave sa'aho vuonugo'i va'êjo.

<sup>18</sup> Vuonugo'i va'êjamu Iesuro boat-re ajiomoromo sionêro vuonorô'ö va'iê'adeje. Va'ia'amu gavê'i aru'aho sisê hesirire jioromo suorovo va'oruomade ahuro Iesu uavadeje: Na ô'oromo ja'o hi'i negajêjo.

<sup>19</sup> Negajêjamu Iesuro uavadeje: Bogo rue'a'anuêjo. Sionêro jasi amêro va'oromo jasi aganoho uênêjo: Badaro huê baejevoro mo êhi mabêhe ajemijamu rovode hôjo.

<sup>20</sup> Êhi uavamu hegorovo rue ahuro va'oromo hesi sa'a ihoho Ame 10 Jio'ama je Sa'aho ê sa'are majêhibe juvoromo uênövadeje: Iesuro êhi mabêhe ajemamu rovode hôjo. Êhi majêhijamu hegorovo ae aho'obêhe jôe barêjêvadeje.

*Iesuhu magonahe niô'i Jairus-are abojohu'o magonahe gö'o ajêmade jôhoje.*

<sup>21</sup> Êhi'amu Iesuro boat-re va'oromo anume e'u ionî gönö va'o ravo'amadeje. Ravo'amoromo e'u rirôre namijamu ae aho'obêhe ruê numê gagovo rova'oromo êhi riravareje.

<sup>22</sup> Riravamu iae ae gemu hesi ihe Jairus-ro rovadeje. Jairus hu Jew rajehu God rajahjarue osa muebejaje ae jiadeje. Rueromo Iesu garomo hesi hôru bêhire ague aho hiromo

<sup>23</sup> dinamiro mo uavadeje: Bêsu guomo'iê'ajêjo. Rueromo jasi ôvoho hesi sinoro bamego i'ovoromo hijajo.

<sup>24</sup> Hijajamu hegorovo Iesuro hu'o gemu mae va'adeje. Va'amu ae aho'obêhe tati-jiomobe hu'o gemu mae êhi va'oruomadeje.

<sup>25</sup> Va'oruomamu iae magonahe gemuêro jabu'o va'adeje. Êmagonahoho manaero garorovade guomo guomoho bogo barê'i êhi jiemu jiobe va'adoho vadune aho'o 12 barêjê'e jiadeje.

<sup>26</sup> Doctor aho'obêhe gêromo êhuro vi'ehe sisê maro baenövadeje. Vi'ehe baeromo hesi ijo baje bu'ö barê'i rôhu bogo marê'i sisêrêbe va'onövadeje.

<sup>27-28</sup> Sisêrêbe va'amu ê magonahohuro hejade uvoruomamu: Iesuro ae magonahe mabêhe ajamuijaje hô uvamu hejê'êro uehorovoromo uvadeje: Na Iesu ma-niôgohuremu rêhê'ohuro êhuro marêjevo'ajêromo ae aho'obêhe va'aruire ê va'oromo Iesuare dejonö rueromo niôgoho rêhadeje.

<sup>29</sup> Niôgoho rêhamu gavê'i magonahoho kö rovadoho ijoho bogo rovadeje. Ijoho bogo rovamumu magonahohuro herovadeje mae jiavamumu.

<sup>30</sup> Mae jiavamumu Iesuro hejade a ajêma je daruge gö hesirire jioromo va'ê'e jiavamumu evare ma-burêro huotorovoromo ae aho'obêhe uêvadeje: Ja rahuaro nasi niôgoho rêhane hôjo.

<sup>31</sup> Rêhane hôjamumu hegorovo hesi ijorajoho jaburo uavareje: Ja'o iae gavanuêjo ae aho'obêhêro ja tatijiomavo'ego. Êhi jiê'oho ja rabêni uövuanuêjo: Ja rahuaro na rêhevane hôjo.

<sup>32</sup> Êhi uêvamu Iesuro arua anumia e uherihadeje ga'i di ahuro o di magonahohuro hu rêhê'e jiego.

<sup>33</sup> Uherihoromo gêvamu rue magonahohuro iae mae garomo uvadeje: Huro na ajemade hô uvoromo juhuonivoromo butubutumoromo rôhu ma-biririvoromo rueromo Iesuare hôru bêhire ague aho hiromo diehi ê'ade jôho sama'e huruoho majahi barêjêvadeje.

<sup>34</sup> Majahi barêjamumu Iesuro uavadeje: Abojêjo. Jero na mae uehorovevamu êhuro ja marêjavê'e hôjo. Vaevê'e va'onêjo. Jasi guomo guomoho barêjavê'e jiaje ijonö mae jionêjo.

<sup>35</sup> Iesuro êhi uavamumu gavê'i ae göêro göêro Jairus-are osare jioromo rueromo Jairus uavareje: Jasi abojoho mami'e guomê'e hôjo. Êhu'oho rabêni ja tisaho u'uoho bojami-januêjo.

<sup>36</sup> U'uoho bojami-januêjamumu hegorovo Iesuro he bogo hejanovê'e Jairus uavadeje: Nadi juhuonivo'i God mae uehorovonêjo.

<sup>37</sup> Êhi uanugoromo Peter James o James-are ôe John êho jaburo hu'o va'ojôro uê'i a ioro'ioroho nijio'iraejêvadeje.

<sup>38</sup> Nijjo'iraejévonugoromo jaburo va'oromo Jairus-are osare rovareje. Rueromo Iesuro gavadeje ae aho'obêhe gagovorovê'ëro garahôrô'e baeromo ma-darugo'o nierusuburu'e bamoruomamu.

<sup>39</sup> Èhi'amu gagorovo osare va'oromo uêvadeje: Jemê rabêni garahôrô'e baeromo nierusuburu'e bamarujêjo. Èmagonaho harihoho bogo guomo'i ma-niavajêjo.

<sup>40</sup> Ma-niavajêjamu hegorofo rueho jaburo Iesu sivoromo ijo'ijahareje. Ijo'ijahamu gagorovo Iesuro ê aribôvioho aho'obêhe amonô rarovô'ôjévonugoromo magonaho harihu hesi vëmu vavu'ohu'o hu'o rovare ae niô'i gemu jabu'o êhi sôjêgoromo magonaho harihehu raromaje osare va'adeje.

<sup>41</sup> Osare va'oromo magonaho hesi ôvore ma'enoromo hesi jôëro uavadeje: Tarita kumajo. Èjôho huotovê'oho êho uaromo ê'adeje: Bësu naro ja uavajêjo: Ri'ôjêjo.

<sup>42</sup> Ri'ôjêjamu hejê'i rue magonahohuro ma-burêro ri'ôromomo nami juvadeje hesi vadunoho aho'obêhe 12 jiê'ëro. Juvamu gavê'i ae aho'obêhe hu garomo tiôjêvadeje.

<sup>43</sup> Tiôjêvamumu gagorovo Iesuro ma-darugo'o uêvadeje: Naehu vaejode muoho nadi aho huruohorêjo. Èhi uênugoromo uêvadeje: Magonahoho ie bojamego ijajo.

## 6

*Iesuare amo rajehu Iesu bijônimoruomade jôhoje.*

<sup>1</sup> Èhi'onugoromo Iesuro va'adeje. Va'oromo hesi amêro rue'i hesi ijarajoho jaburo hu'o gemu mae rovareje.

<sup>2</sup> Rueruomoromo Jew rajo jabesi nuho majaho rovamu Iesuro God rajahijarue osare va'oromo God-are jô bêhoho rôjêhijadeje. Rôjêhijamu ae aho'obêhe heromo tiôjareje. Tiôromomo uvoruomadeje: Èiahuro jôho dinô'e hejê'ëro jôvajêjo. Hu diehi'oromo êhi jiê'e simano maho baejade hôjo. Darugo'e mu masijoho diehi'oromo vaejaje hôjo.

<sup>3</sup> Hu sarerivajêjo. Ma-ijo muemu vaejaje ae hôjo. Hu Mary-are harihe hôjo. Hu James-are Josas-are Judas-are Simon-are ôe hôjo. Hesi ma'ino ômo'ômoho aviae no'o gemu mae raromarue hôjo. Èhi uvoruomoromo nue huodivareje.

<sup>4</sup> Nue huodivamu gëgorovo Iesuro uêvadeje: Jô God-aro baeromo majêhijarue aribôvioho dinô'e dinô'e va'ë'iroho aëro no mae uehorovavuarue hôjo. A'i nosi sa'a rajoho aganoho osae gemuore raromaruoho jemêremu bogo êhioho uehorovavuarue hôjo.

<sup>5</sup> Èhi uëromomo hu darugo'e mu vae'irôhoho bogo eni jiadeje. Huro guomo guomo'e ae ma-gemu gemu jabesi sinore hesi ôvoho bamêhoromo sinoho avohêvamu marêjêvadeje. Èhemu ê'adeje.

<sup>6</sup> Rôhu hesi amo rajehu hu bogo ma uehorovarohuni êhuni tiôjadeje.

*Iesuare ijaraje 12 jabuhu va'oromo mu vaerôhego Iesuhu rêmô'ôjade jôhoje.*

Èhi'onugoromo va'adeje. Va'oromo amore amore jôho rôjêhibe juvadeje.

<sup>7</sup> Rôjêhibe juvoromo hesi ijaraje 12-ho uêvadeje: Ruehëromomo rovamu uêvadeje: Naro jemê rêmô'ô'iê'ajêjo jemêro nasi jôho ae majêhibe jijihô'irarijêjo. Jemê ae niô'i niô'i ame gôro gôro va'orêjo. Jemêhu mu vae'irarijohuni nasi darugoho bojêmijajêjo êhuro jemêro Satan-are a sisê gô gô a dëre jio'amê'oho rarovô'ô'irarijêjo.

<sup>8</sup> Rôhu va'iê'iroho ma-guduodemu ujuohorêjo. Ioho esôho ijo bajoho bôvioho bise'oho bogavêjo.

<sup>9</sup> O hôru guduoho io'amoromo niôge ma-gemu gemu io'amo'i nadi niô'i niô'ioho io'amorêjo.

<sup>10</sup> Èhi uênugoromo uêvadeje: Amo göre göre va'oromo aehu di osare raromôjôro uêvamu va'o raromê'oho êhuremu raromonôvorêjo ijonô ê amore jioromo va'iê'e jêvaje.

<sup>11</sup> O di amore aribôviehu jemesi ôrire nu huodêgoromo jô bogo ejêhê'oho amoho nugo va'irôgoro jabesi sa'a hesi tohotohe jemesi hôru hitahire jiajoho sa'aro riremomo va'ego ê amo rajohuro garomo uvo'irarêjo: No sisê ê'ê'e javuajêjo.

<sup>12</sup> Èhi majêhijamu hegorofo ijarajo ômo'ômohuro va'oromo jôe majêhibe jijihoromo uênôvareje: Uehoro sisêho vuonugo'i uehoro mae baerêjo.

<sup>13</sup> Èhi jiê'e jôho majêhibe Satan-are aribôvi sisê aho'obêhe jabesi dëre jêvajoho rarovô'ôbe ose guomo guomo'e a jabesi sinore otehoromo sinoho avohêvobe êhi jiê'e mu masijoho vaebe jijihareje.

*John bapataeto vaejaje a guomade jôhoje.*

<sup>14</sup> Èhi jiê'e mu masijoho vaebe jijihamu sa'a a bôrôme Herod-ro ê jôho hejadeje rabêni Iesuhu ê'aje jôho ae aho'obêhe dinô'e dinô'e vaerovê'ëro jiê'ëro. A ioro'iorohuro

uvoruomadeje: Ęaho John bapataeto vaenövade ahuro guomoromo ri'öj'e höjo. Ęhu'ëro darugo böröme baeromo mu masijoho vaejaje höjo.

<sup>15</sup> A ioro'iorohuro uvoruomadeje: Iesu hu mami'e hijade ae Elijah-ro rov'ëro ë'ajëjo. A ioro'iorohuro uvoruomadeje: Jö God-aro baeromo majëhinövare aribövi ioro'ioro jiarëhi hu ëhi jië'e aëro jië'ëro ë'ajëjo.

<sup>16</sup> Ae gëoro gëoro Iesuare jöho gö gö atavamu hegoro Herod-ro ae uëvadeje: Ęaho hu John höjo. Urimo naro hesi sönöho tarijahode höjo röhu hu guomoromo ri'öj'ëro hijajëjo.

<sup>17-18</sup> Röhu ë jö hesi bëhoho urimë'i Herod-ro hesi öe Philip-are vabore hesi ihoho Herodias gohoniahijadeje. Gohoniahijamu John-ro ri'öromo ua'i hijadeje: Jasi vuojiri baejanoho ëho bogo maehu höjo. Ęhi ua'i hijamu Herod-ro ë maganaho hesi jöëni ae uëvamu John guduamoromo tövoromo savoji gagore ba'amareje.

<sup>19</sup> Ęhi'amu ë magonahohuro John nue huodivoromo ano'i nimadeje. Ęhi nimoromo röhu Herod-ro magonahoho ahamu ano'ië'adoho vuonugadeje.

<sup>20</sup> Herod-hu maganaho ahade hesi bëhoho huro uvadeje: John hu a ma-mabëhe hö uvoromo ëhuni John juhuonamiromo avoho mueberomo magonahoho ahadeje. Magonahoho ahoromo va'oromo henövadeje John-ro God-are jöe majahi'ego. Jöe majahi'ego Herod-ro nurunurumo'ego hesi jöho he'i nimonövadeje.

<sup>21</sup> Ęhi'oromo John anojöëni magonahoho ahobe ruejuvo Herod rahade majaho rovamuvare magonahehu vae'i nimade majaho rovadeje. Ęhesi bëhoho Herod-ro söröe baeromo hu ajamiromo ë sa'a muebejarue aribövioho muorovo mu muebejarue aribövioho a masijo ioro'iore Galilee sa'are raromaruoho ë a masijoho uëvadeje: Ruehego na söröe bojëmi'iröjo. Bojëmi'iröjamu rueruomadeje.

<sup>22</sup> Rueruomamu ë maganaho hesi abojohuro rueromo javavadeje. Javavamu gagorovo Herod'io hesi örire rueruomade ariböviohu'o ë magonahoho garomo vuëvorovorouomadeje. Vuëvorovoromo Herod-ro magonahoho uavadeje: Ja rabe rabe nimë'ohe uevego bojami'iröjo.

<sup>23</sup> Naehu muebejaje öri ari'o nimë'ohe iae ëhu'o ririre tarioromo vituoho bojami'ejöjo. God-ro ge'ego na mae uavajëjo.

<sup>24</sup> Ęhi uavamu ë magonahohuro va'oromo vëmoho uavadeje: Na rabe bae'ejöjo. Rabe bae'ejöjamu rue vëmohuro uavadeje: Uanëjo bapataeto vaejaje ae John-are sönöho tarioromo simanoho baro bojëmëjo.

<sup>25</sup> Ęhi uavamu hejë'i rue abojohuro ma-burëro vuonorö'ö rueromo a börömohe uavadeje: Na negajoho avevejö'e ae uëvego bapataeto vaejaje ae John-are sönöho tarioromo simanoho hevö döre bamoromo baro bojëmarëjo.

<sup>26</sup> Ęhi uavamu hegoro ruo a börömohe huë vavaene böröme baejadeje. Iae hu huë vavaene baejadeje röhu urimo darugo'e jöho ë aribövi jabesi nuniro ë magonahoho mae uavë'ëro ëhu'ëro huotorovoromo nijö'iraeröhoho hu bijönimadeje.

<sup>27</sup> Bijönimamu evare ae gemu ma-burëro nugö'öromo uavadeje: Va'oromo John-are sönöho tarioromo simanoho baruenëjo. Baruenëjamu savoji gagore va'oromo sönöho tarioromo simanoho

<sup>28</sup> hevöre bamonugoromo barueromo abojoho bojamadeje. Bojamamu huro bava'o vëmoho bojamadeje.

<sup>29</sup> Ęhi'amu John-are ijore ijore jijiharue ariböviohuro ë jöho heromo rueromo sinoho bava'oromo munë gagore bamareje.

*Iesu hu aho'obëhe 5,000 da'uojëhade jöhoje.*

<sup>30</sup> Iesuare apostle ömo'ömohuro mu masije vaebe jijihë'ëro vuonorö'ö rueromo Iesu uavareje: No muoho ëhi ëhi vaeromo jöho ëhi ëhi majëhiromo rovare höjo. Ęhi jië'e jöho jabumëro Iesu majahi barëjareje.

<sup>31</sup> Majëhi barëjamu gagorovo ruehuro gavade ae aho'obëhe rovë'i va'ë'i rovë'i va'ë'ëro hu'o hesi ariböviohu'o i ue'aho'iröhe o bövi bise'o vae'iröhe majaho bogojiamu gagorovo uëvadeje: Ruehego na a rumo'e sa'are nosi sivue va'o raromoromo jemëro ëhuro mabisemu nuhorëjo.

<sup>32</sup> Ęhi uënuoromo jaburo boat-re ajio raromoromo a rumo'e sa'are jabesi sivue va'i va'areje.

<sup>33</sup> Va'i va'amu ae aho'obëhe gavare jabumë va'amu iae mae gëromo uvoruomadeje: Ęaribövioho Iesumëro boat-re va'aruë uvoromo amo göre göre jioromo sa'a hörëro ma-burëro va'oromo Iesu'o hesi ariböviohu'o boat-re va'aruoho iosirëmiromo jaburo jovo ioni gönö urimo rueruomadeje.

<sup>34</sup> Urimo rovamu Iesuro ijonö ro höröromo ravo'amoromo gavade ae aho'obêhe tagavê'e jiamu gëgorovo uehorovoromo uvadeje: Vaevê'êjo. Êaribövioho vëmu vavu'o rumo'e ö mahu'ëro raromanovaruë uvoromo jabesi jöeni vavaenimadeje. Jabesi jöeni vavaenimamu evare jöe aho'obêhe røjêhijadeje.

<sup>35</sup> Jöe aho'obêhe røjêhijuvo majae beva'ia'amu gagorovo hesi ijorajo ömo'ömhuro rueromo uavareje: Aveho a rumo'e sa'ae höjo. O majae mami'e barêjê'e höjo.

<sup>36</sup> Êhuni ave aribövioho rëmö'öjego ave bëhire amo masijore ininore va'oromo ie imo'amo'irarêjo ue'ahoröhe.

<sup>37</sup> Ue'ahoröhe höjamu uëvadeje: Bogajo. Jemëro iruno'oho da'uojëhirêjo. Da'uojëhirêjamu uavareje: Asê'êjo. Dinö'e ioho baeromo da'uojëhijöro uvanuêjo. Na ja uvoromo ê'anuêjo: No 200 kina javuê'ëro noro êho bava'oromo bu'ö barëromo ioho imo'amoromo ujuoho rueromo êhuro da'uojëhi'ejarê uvoromo o diehi uvoromo jövanuêjo.

<sup>38</sup> Jövanuêjamu uëvadeje: Ioho dimino'e jëvavêjo. Va'oromo gahêjo. Va'oromo gahêjamu va'oromo adaho garomo vuonorö'ö rueromo uavareje: No ie aho'obêhe övo gö mine o visue niö'i êhi javuajêjo.

<sup>39</sup> Êhi uëvamu hegorovo ruehuro ae aho'obêhe uëvadeje: Va'oromo hahagu hahagu gagovoromo êhi garasihuro raromobe va'ohêjo.

<sup>40</sup> Va'ohêjamu rue ariböviohuro va'oromo ö 50 50 o 100 100 hahagu hahagu gagovoromo êhi garasi rövê'e mabëhire raromobe va'areje.

<sup>41</sup> Raromobe va'amu gagorovo ie övo gö mine visue niö'i ujuoho rovaroho êho Iesuro ujuohoromo ö'idöho sioroho garomo God huê mae uavadeje. Huê mae uanugoromo ioho ato'atovoromo hesi ijorajo ömo'ömhö i'imëmijadeje ae aho'obêhe suvuorëmijöro. Êhi'oromo visue niö'i taritarivoromo i'imëmijadeje jaburo êhu'o suvuorëmijöro.

<sup>42</sup> Êhi'amu ae aho'obêhe ö ioho visuoho ue'ahamu da'uëgadeje.

<sup>43</sup> Da'uëgamu gagorovo ijorajoho jaburo i vitu vituoho visu vitu vituoho aegamu esöe aho'obêhe 12 irijjimo'amadeje.

<sup>44</sup> Êhi'areje. Iesuro ie övo gö mine visue niö'i ujuohoromo suvuorëmijamu ama'e aho'obêhe 5,000 ö ioho ue'ahoruomadeje.

*Iesuhu e'ü döre hörehu va'tade jöhoje.*

<sup>45</sup> Êhi'amu gavê'i Iesuro ijorajo ömo'ömhö uëvadeje: Boat-oro ajio raromoromo e'ü ioni gönö Bethsaida amoro urimo va'ohëgo na a ioro'ioroho rëmö'öjjo.

<sup>46</sup> Êhi uëvamu hegorovo hesi ijorajoho jaburo boat-re iojioromomo va'oruomamu Iesuro parie vae'i dahorunö ajiomadeje.

<sup>47</sup> Ajioromomo parie vaejamu vahiromadeje. Vahiromamu nume ijorajoho jaburo öri êgöböviro jovo döre va'oruomö'i Iesuro ruhe sa'are hesi sivue hijadeje.

<sup>48</sup> Hi'i gavadeje burëro jabesi nuninö rue'ëgo ijorajoho jaburo jovohe sisê'i sisê'i huo'öbe va'oruomamu. Êhi'ojjuvo sisonuvo'iê'adeje. Sisonuvo'ia'amu Iesuro abueromo jovo döre hörëro va'adeje. Va'oromo jabumê iosirëmi'ia'adeje.

<sup>49-50</sup> Iosirëmi'ia'amu ijorajoho jaburo gavareje hu jovo döre juvamu gagorovo uavareje: Aru'ahëro juvavêromo jiodudu'iraeromo jö'e dadovareje. Jö'e dadovamu hejê'i uëvadeje: Nadi juhuonivo'i biririvohêjo. Najevavêjo.

<sup>51</sup> Na jevavê uënuigoromo boat gagore ajioromomo jabu'o gemu mae hijamu buroho barêjêje. Buroho barêjamu ö aribövioho dadivëvadeje.

<sup>52</sup> Êhesi bëhoho Iesuhu mami'e i da'uojëhade hesi bëhoho bogo avoho bæjareje jabesi uehoroho bogo eni jîê'ëro.

*Iesuhu Gennesaret sa'are hiromo guomo guomo aribövi ajëmade jöhoje.*

<sup>53</sup> Êhi'amu e'ü ioni gönö rueromo Gennesaret sa'are ravo'amoromo boat-oho ijo bunore be nugareje.

<sup>54</sup> Röhu ravo'amamu gavê'i evare ae aho'obêhe Iesu garomo uvoruomadeje: Iae Iesu hö uvoromo

<sup>55</sup> ö sa'ae börëromo ma-burëro jijjioromo aevoromo guomo guomo'e aribövioho giojimo ujuoho rueromo henövere uvavo'ëgo: Iesu ö dirö'ore hijajê'ëgo ö va'onövereje.

<sup>56</sup> Iesuhu amo masijore ininore o dinö'e dinö'e rovê'iroho guomo guomo'e aribövioho giojimo ujuohoromo aehu gagovarue öri ari'ere ö ro bahinövereje. Bahinugoromo Iesu êninamiromo uanövereje: Guomo guomo'e aribövioho uëvego ja niögu vituohuremu rêhego êhuro guomo guomoho barê'amajo. Êhi ua'ëgo ae rahu niögu rêhê'oho êhuro marê'amonövadeje.

## 7

*Pharisee ariböviehu God-are jö bogo avoho uehorovo'i jabesi a mami jö böröme hö uehorovare jöhoje.*

<sup>1</sup> Iae Pharisee ariböviohuro Jew rajo jögoru öri röjêhijarue ariböviohuro urimo Jerusalem jioromo rovê'ëro jiê'ëro Iesu jiajire ro gagovoruomadeje.

<sup>2</sup> Gagovoromo gavareje Iesuare ijorajo ömo'ömhuro Pharisee rajo jabesi jögoroho ahoromo jovoho övoho bogo otehodivorovoromo sisêho u'ovê'e ioho ma-ue'ahamu.

<sup>3</sup> Èhesi bëhoho Pharisee ariböviohu'o Jew rajo a ioro'iorohu'o ioho bogo ëma ue'aharueje. A'i urimo Jew rajo a mamiehu jö bojêmibe rovarêhi êhi'oromo jovëro övoho otehodivorovoromo uvoruomajeje: Nosi sinore sisêho u'ovahuê'ëro God-are nunire mae javuajëromo evare ioho ue'aharueje.

<sup>4</sup> O i imo'amarue öri ari'ere jioromo ujuoho rovê'iroho uvoruomajeje: Sisê höromo jovëro otehodivoromo u'o'amoromo uvoruomajeje: Avevejö'oho è ioho iae mae u'ovê'e höromo evare ue'aharueje. Èhi'oromo a mami ariböviehu bojêmibe rovarê jögoroho aho'obêhe jabumëro ejêhoromo enatue ramae gö gö [i ijarue röhe] êhi u'o'amoromo uvoruomajeje: Èinömo inömo hesi sisêho u'o barê'ego God nimorohajêjo. Èhi'aruêje.

<sup>5</sup> Èhi'aruëro jiê'ëro è Pharisee ariböviohu'o Jew rajo jögoru öri röjêhijarue ariböviohu'o ri'öromo Iesu uavareje: Jasi ijorajo ömo'ömo a mamiehu bojêmibe rovarê jöho bogo eromo jovoho övoho bogo otehodivorovê'e ioho ma-ue'aharue jöho. Rabëni êhiöho è'arue höjo.

<sup>6</sup> Èhi uavamu hegorovo Iesuro uëvadeje: Sarerî sarerî'e aribövie jëvájêjo. Jö God-aro baeromo majêhijade ae Isaiiah-ro jemêhu è'irarije jöho jajivoromo êhi uvê'e höjo: Ave ariböviohuro ma-jö'ëremu God na rajehi'i dë vövöbajo'oho bogo nasi gemuoroho jio'i ma-rori'o jioruomajêjo.

<sup>7</sup> Jabumë a jabesi jögoroho ae röjêhiromo uëruomaje höjo: Èho God-are jöe jiaje ejahuorêjo. Ma-a jabesi jögoroho êhi röjêhiromo êhuro ma-döhemu God na rajehiruomaje höjo. Èjemesi jö Isaiiah-hu jajivadoho iae mae höjo.

<sup>8</sup> God-hu bojêmade jögoroho jemëro vuonugo'i aehu bojêmibe rovarê jögorohemu ma'ënaruje höjo.

<sup>9</sup> Èhi uënuogoromo uëvadeje: Sarerî'e uehoroho baeromo êhuro God-hu bojêmade jöho aharuje höjo jemêhu a bojêmijarue jögoroho ma'eno'irarijëro.

<sup>10</sup> Èhesi bëhoho Moses-ro uëvade höjo: Jasi vëmu vavu'oho mae uehorovëvonêjo. O jöe gö'ö uëvade höjo: Ae rahu jö sisê jövoromo vëmu o vavu hesi iho ijumahê'oho anego guomo'irajo.

<sup>11</sup> Röhu jemëro è jöho ahoromo ae röjêhiromo uëvaruje höjo: Jaehu jasi vëmu vavu'o God-are nunire uëvê'oho: Nasi maho sisêho ujuohoromo ajëmi'ibejodoho röhu aveho na God-are ihoro bamê'e jëvajê uëvê'oho

<sup>12</sup> nadi röhu maho huotorovoromo jasi vëmu vavu'oho ajëminêjo. Ajëmi'jê'oho sisê höjo. Èhi uëvaruje höjo.

<sup>13</sup> Vëmu vavu'ö ajëmi'jê'oho sisê hö uëvarujohuro êhuro vëmu vavu'o mae uehorovë'ö'irarijêgo God-hu bojêmade jöho jemëro aharuje höjo jemesi a mami jöho e'irovo. Èhi jiê'e mu sisêho aho'obêhe röjêhijarue höjo.

*Bogo i ijaruohuro a'i uehoro sisê bæjaruohuro êhuro God-are nunire sisêrëjavuajê jöhoje.*

<sup>14</sup> Iesuro êhi uënuogoromo ae aho'obêhe röhu maho uëvadeje: Ro gemuoro gagovohëromo ro gagovamu uëvadeje: Naehu ave uhu jö uë'iê'ajoho jemë ae aho'obêhe avoho heromo bëhoho baerêjo.

<sup>15</sup> Rabe rori'o jiajehu jö'ore va'ê'oho bogo êhuro aho sisêrê'amo'i a'i rabe dë vövöbajo'ere jioromo suorovê'ohuro êhuro aho sisêrê'amaje höjo.

<sup>16</sup> [Ae rahu ja God-are jö hejanue ae javê'oho bëhoho nahoromo birohonêjo.]

<sup>17</sup> Èhi majêhinugoromo Iesuro ae aho'obêhe rëmo'i osare va'adeje. Osare va'amu hesi ijorajoho jaburo uavareje: Uhu jö majahuujane hesi bëhoho huruohego no hejarêjo.

<sup>18</sup> Hejarëjamu Iesuro uëvadeje: Èhi jiê'oho na jemë'o uehoroho bogojëvajêjo. Jemë rabëni bogo garomo uvarujêjo: Rabe rori'o jiajehu jö'ore va'ê'oho bogo êhuro aho sisêrê'amaje höjo.

<sup>19</sup> Èhesi bëhoho rabe jö'ore va'ê'oho vövöbajo'eroho bogo abue'i dëre abuejaje höjo. Dëre abueromo dëre jioromo suorovoromo bogo aho ijumëvê'e ma-gua gagore va'aje höjo. Èhu'ëro aho God-are nuniroho bogo sisêrê'amaje höjo. Iesuhu êhi jövadoho huro uöromo è'adeje: Jaruvoho ie aho'o ma-ue'ahê'oho God-ro uvaje höjo: Iae mae höjo.



<sup>20</sup> Rõhu Iesuro hesi jö vituoho majëhiromo uëvadeje: I ue'ahë'ohuro bogo ëhuro aho sisërë'amo'i a'i dë vövöbajo'ere jioromo rojomoromo suorovë'ohuro ëhuro aho God-are nuniroho sisërë'amaje höjo.

<sup>21</sup> Uehoro sisëhuro dë vövöbajo'ere jioromo rojomego ëhuro öero jijihanovoruomaje höjo. Vajiohëro ujuohoruomaje höjo. Ae muo'amoruomaje höjo.

<sup>22</sup> Goho'amoruomaje höjo. A jabesiroho ujuohoniëhi'i ganiganimoruomaje höjo. Mu sisë rabe rabe vaeruomaje höjo. Ae gö sarerëmiruomaje höjo. A nunire javoji'e muoho vaeruomaje höjo. A jabesi mu mahuni dë vörönégaje höjo. A jabesi ihoho ijumoruomaje höjo. Sivue uehorovoromo jabesi ihoho döro bamoruomaje höjo. Simane sisë'i uehorovoromuomaje höjo.

<sup>23</sup> Ëhi jië'e uehoro sisë aho'obëhe dë vövöbajo'ere jioromo rojomoromo suorovajohuro ëhuro aho God-are nunire sisërë'amaje höjo.

*Israel rajo bogo a'i sa'a gö rajo magonahehu Iesu mae uehorovade jöhoje.*

<sup>24</sup> Ëhi'onugoromo Iesuro ri'öromo ë Jew rajo jabesi sa'aho vuonugo'i va'adoho va'o sa'a göre Tyre amo Sidon amo jiajinö sa'are ë rovadeje. Ruenugoromo osare va'oromo uëvadeje: Naehu ave rovodoho nadi huruohorëjo. Ëhi uëvadeje rõhu hesi ihoho ë sa'aroho börömëro jië'ëro hu rovadoho bogo a subivëho varijënoho jiadeje.

<sup>25</sup> Ëhu'ëro jië'ëro magonahe gemuëro ma-burëro hejadeje uvavamu: Iesu rovë'e höjo. Ëmagonahoho aboje gemu bise'e jiadeje. Satan-are a sisëro ë aboji hesi dëre abueromo simanoho huotovahë'e jiadeje. Hesi abojoho ëhi jië'ëro ë magonahohuro hejade uvavamu: Iesu rovë'e hö uvavamu hegorovo rueromo Iesuare hörü bëhire ague aho hijadeje.

<sup>26</sup> Rõhu ë magonahoho hu bogo Jew rajo magonahehu jioromo bogo Jew rajo jöehu jövaje magonahehu jio'i a'i hesi sa'a börömoho Syria jio'i hesi sa'a bise'oho Phoenicia jiadeje. Hu bogo Jew rajoho jië'e Iesu ëninamiromo uavadeje: Ajemiromo a sisë nasi aboji hesirire jiajoho rarovö'öjogo va'irajo.

<sup>27</sup> Rarovö'öjogo va'irajamu Iesuro uehorovoromo uvadeje: Vëmu vavu'ehu jabesi aboji harihu'ö urimo ajëmiraruëhi naro nasi sa'a rajohemu ëhi urimo ajëmi'i rovode höjo. Ëhi uvoromo ë sa'a gö rajo magonahoho uhu'e uavadeje: O-ajo. Nadi'ego urimo aboji harihu'oho ie da'uojëhi'iröjo. Ëhesi bëhoho noehu aboji harihu'ö jabesi i ujuohoromo ö harihu mio'amë'oho ëho bogo maeu höjo.

<sup>28</sup> Bogo maeu höjamu hegorovo rue magonahohuro uehorovoromo uvadeje: Iae na bisemu ioniro sa'a gö raje jevo'ego ëhuni bogo ajëmi'i jöho jövajëjo. Rõhu noehu bogo rarovego öehu i ugobajo'ö ue'aharuëhi nani Iesuro na'ö ëhi ejehoromo nasi abojoho ajami'ajëjo. Ëhi uvoromo mana uhu'e uavadeje: Bada iae mae-ëjo rõhu i maratu aharire rarumarue öho jabumëro aboji harihu'ö jabesi i ugobajo'oho iae ue'aharue höjo.

<sup>29</sup> Ue'aharue höjamu Iesuro uavadeje: Iae mae uevanuëjo. Ëhuni va'onëjo. A sisëho jasi aboji hesi dëre jioromo iae mami'e höröromo va'ë'e höjo.

<sup>30</sup> Ëhi uëvamu hegorovo rue magonahohuro vuonorö'öromomo hesi osare va'oromo gavadeje a sisëho mami'e hörö va'i abojoho rõhore raromamu.

*Ae gemu hesi hia'e tugohoromo bitare tövë'e jiamu Iesuhu ajamade jöhoje.*

<sup>31</sup> Ëhi'amu Iesuro Tyre amonö jioromo va'oromo Sidon amonö rova'adoho va'ö sa'a ihe Ame 10 Jio'amaje Sa'are ë va'oromo nume Galilee e'ure ruvebijadeje.

<sup>32</sup> Ruvebijamu gagorovo aëro ae gemu hu'irae baeromo rovereje. Ëa hesi hia'oho tugohë'e o jöho a'ö'a'ohë'e jövë'e ae jiadeje. Ëaho hu'irae baeromo rueromo Iesu ëninamiromo uavareje: Jasi övoho hesi sinoro bamego hu mae jiajo.

<sup>33</sup> Ëhi uavamu Iesuro hu'irae baeromo ae aho'obëhe riravaruire jioromo va'oromo jabesi sivue rirarovoromo hesi övo namoho niö'i ë a hesi hia'i gagore rëmö'öjajadeje. Rëmö'öromomo jijönugoromo sabëro öromomo ë a hesi bitaroho rëhahadeje.

<sup>34</sup> Bitaroho rëhahonugoromo ö'idöho sioroho garomo ë ahuni hara'uoromo hesi jöëro uavadeje: Epatajo. Ëhesi bëhoho huotovë'oho: Hia'e dadovo'amëjo.

<sup>35</sup> Ëhi uavamu gavë'i ë a hesi hia'oho dadovaho'i bitaroho marëromomo jöho avoho jövadeje.

<sup>36</sup> Jöho avoho jövamu Iesuro ae aho'obëhe uëvadeje: Naehu mu vaejodoho nadi aho majëhirëjo. Iesuhu nijio'iraejëvo'i hijadoho bogo ejahoruomo'i ae ëma majëhibe va'areje.

<sup>37</sup> Rõhu ae aho'obëhe Iesuare muoho garomo tiöruomadeje. Tiöromomo uvoruomadeje: Mue bövie bise'e ma-mabëhe vaejë'e höjo. Mu masije gö gö vaeromo rõhu hia'i tugohë'e bitaro tövë'e aribövioho jabu'ö avohëvego marë'amoromo jöe heromo jöe atarue höjo.

## 8

*Iesuhu ae aho'obêhe 4,000 i da'uojëhade jôhoje.*

<sup>1</sup> Èhi'amu ae aho'obêhe rôhu maho gagovê'ëro ie bogojêvadeje. Ie bogojêvamu gagorovo Iesuro hesi ijorajo ômo'ômoho uêvadeje: Ruehê uêromo rovamu uêvadeje:

<sup>2</sup> Ave aribôviohuni vavaenegajêjo. Jabumê na'ô raromobe rovaroho majae niô'i gemu barêjê'ëro êhu'ëro i ue'aho'irôhoho bogohôjo.

<sup>3</sup> Naehu ma-dê gagêremu rêmô'ôjumu jabesirêro va'ê'oho nune ôri'amobe va'oruomo'ajêjo jabumê ae gô gô ôre êgoro rueruomê'ëro jiê'ëro.

<sup>4</sup> Èhi uêvamu rue ijorajoho jaburo uavareje: Rôhu diehi'oromo ê aribôvioho ioho da'uojëhi'ëjarêjo. Aveho a rumo'e sa'ae hôjo.

<sup>5</sup> A rumo'e sa'ae hójamu uêvadeje: Ioho dimino'e jêvâjêjo. Dimino'e jêvâjêjumu uavareje: Ie ôvo gô mine ôvo gôre niô'i javuajêjo.

<sup>6</sup> Èhi uavamu hegorovo Iesuro ae aho'obêhe uêvadeje: Sa'aro raromohêjo. Raromohêromo ie ôvo gô mine ôvo gôre niô'i ujuoho rovaroho êho Iesuro ujuohoromo God huê mae uaromo ato'atovoromo hesi ijorajo ômo'ômoho i'imêmijadeje jaburo suvuorêmijôro. I'imêmamu ujuohoromo ae aho'obêhe suvuorêmijareje.

<sup>7</sup> Èhi'ô'i visu inine ma-gemu Iesuro jorajo jebesirire jiadeje. Jêvamu Iesuro ujuohoromo God huê mae uanugoromo hesi aribôvioho uêvadeje: Ave visuohu'ô suvuorêmibe va'ohêjo.

<sup>8</sup> Èhi ê'ê'ëro ae aho'obêhe ê ioho ue'ahamu da'uêgadeje. Da'uêgamu gagorovo ijorajoho jaburo i vitu vituoho gagovoromo esôe ôvo gô mine ôvo gôre niô'i aegamu irijiomô'amadeje. Èhi'areje.

<sup>9</sup> Rôhu ê i visu ue'ahare aribôvioho aho'obêhe 4,000 rabu'e jiadeje. Ue'ahoromo Iesuro rêmô'ôjumu va'oruomadeje.

<sup>10</sup> Va'amu gavê'i Iesuro hesi ijorajo ômo'ômohu'ô gemu mae boat-re ajiomoromo Dalmanutha sa'are va'adeje.

*Pharisee aribôviehu Iesu bogo ma uehorovoromo huhu darugo'e mu vaejôro dinamare jôhoje.*

<sup>11</sup> Èhi'amu iae Pharisee aribôviohuro rueromo Iesu jô aho'ahamijareje. Jô aho'ahamiromo Iesu bijioho ga'i nimareje ga'i hu guaro beva'ego. Èhi nimoromo Iesu uavareje: God-are darugoho baeromo bogo gavarue muho rôjahujigeo no gavarêjo huro ja ajamego muho vaejanue javego o bogo.

<sup>12</sup> Èhi uêvamu hegorovo dê vövôbajo'ô uhure sisê maro vavaenimoromo hara'uoromo uêvadeje: Ave jaruvore raromaruje aribôvioho jemê rabêni bogo gavarue muho ga'i nimarujêjo. Na God-are ae jevego ga'i nadi êhioho uehêjo. Ave jôho na jô mae majêhi'îê'ajêjo. Ave jaruvore raromaruje aribôvioho êhi jiê'e darugo'e muho bogo mae bogo ga'a'arujêjo.

<sup>13</sup> Èhi uênugoromo rêmô'ô'i Iesumêro va'oromo boat-re iojiomoromo jovo e'u ioni gônô va'i va'areje.

*Pharisee aribôvi o Herod-are aribôvi jabesi i dê huaje oso hesi uhu jôhoje.*

<sup>14</sup> Va'oromo hesi ijorajoho jaburo rumonêgamu iruno'ôho bogo gô'ôho ujuohê'e jiareje. Ioho ma-bisemu urimo jiadohemu êhuremu boat-re jêvadeje.

<sup>15</sup> Ie ma-bisemu jêvamu Iesuro uhu'e uêvadeje: Jemêro gavê'iajo. Pharisee aribôvi jabesi o Herod-are i dê hu'amaje osohuro jemesirire rumorovo'ajêjo.

<sup>16</sup> Rumorovo'ajêjumu rueho jaburo ê jôho mevoromo uarovareje: No ie bogojavuo'ego êhuni jôvâjêjo.

<sup>17</sup> Èhi uarovamu Iesuro gêromo uvadeje: Jabumê ê jôho ataruêromo uêvadeje: Jemê rabêni i bogojavuae jôho atarujêjo. Jemê rabêni avevejô'ohu'ô bogo gavarujêjo. O rabêni bogo uehorovarujêjo. Na mu ma hesi uehoroho bogojêvê'ëro êhu'ëro bogo gavarujêjo.

<sup>18</sup> Jemê nuni'e hia'i'e jêvâjêjo. Rôhu rabêni bogo garomo bogo hejarujêjo. Jemê rabêni ave jô hesi bêhoho bogo uehorovarujêjo.

<sup>19</sup> Naehu ie ôvo gô mine ujuohoromo ato'atovoromo ae aho'obêhe 5,000 i'imêmodoho jemê ê i vitu vituoho aegamu esôe dimino'e irijiomô'amade hôjo. Uêvareje: Esôe aho'obêhe 12 irijiomô'amade hôjo.

<sup>20</sup> Èhi uavamu uêvadeje: O naehu ie ôvo gô mine ôvo gôre niô'i ato'atovoromo ae aho'obêhe 4,000 i'imêmodoho jemê ê i vitu vituoho aegamu esôe dimino'e irijiomô'amade hôjo. Uavareje: Esôe aho'obêhe ôvo gô mine ôvo gôre niô'i êhi irijiomô'amade hôjo.

<sup>21</sup> Irijiomô'amade hójamu uêvadeje: Urimo nasi mu bêhi bogo gavarijoho jaruvohu'ô jemê rabêni bogo avoho gevaruje hôjo na diehi jiê'e ae jevajoho.

*Iesuhu nuni sisë'e a ajamamu öri ari'o ma-bisemu ma'e ma'e garomo röhu maho ajamamu avoho ga barëjade jöhoje.*

<sup>22</sup> Èhi'onugoromo Iesu'o hesi ijarahö ömo'ömo'u'o èho jaburo Bethsaida amore rovareje. Rovamu aëro nuni sisë'e ae gemu hu'irae baeromo rovareje. Barueromo Iesu èninamiro mo uavareje: Ave iaho rëhego nunoho marëjajo.

<sup>23</sup> Marëjajamu Iesuro nuni sisë'e a hesi övore ma'enoromo amore jioromo hu'irae baeromo va'adeje. Hu'irae baeromo va'oromo è a hesi nunoho sabëro ödivoromo övoho nunire bamëvoromo uavadeje: Na ja uherihoromo bövioho bise'oho gavanuëjo.

<sup>24</sup> Gavanuëjamu ruehuro nigerohoromo garomo uavadeje: Na sisë'i gavajëjo ae jijihö'i röhu jabesi nu ano'oho ijo va'ëne jio'amo'ego.

<sup>25</sup> Èhi uëvamu ruehuro övoho nunire röhu maho bamëvadeje. Bamëvamu röhu maho uherihoromo avoho garomo bövie bise'e aho'o ma-mae ga'amadeje.

<sup>26</sup> Ma-mae ga'amamu uavadeje: Nadi arue amoho vuonorö'ö va'i o öre gö öre göho va'i ma-ahorirëro jasi osaëro va'ëjo.

*Iesu hu èhi jië'e ae jiaje jö Peter-hu jövade jöhoje.*

<sup>27</sup> Èhi è'è'ëro Iesu'o hesi ijarahö ömo'ömo'u'o va'areje. Va'oromo Caesarea Philippi amo börömo jiajinö amore amore suorovo'i iojio mareje. Örire iojio më'i Iesuro uëvadeje: Na rahuo jevaje jöho ae aho'obëhe diehi atoruomaje höjo.

<sup>28</sup> Diehi atoruomaje höjamu uavareje: A ioro'iorohuro uvoruomaje höjo: Ja John bapataeto vaejavuonövine ahuro rovë'e javajëjo. A ioro'iorohuro uvoruomaje höjo: Ja Elijah-ro rovë'e javajëjo. A ioro'iorohuro uvoruomaje höjo: Mami gö'e jö God-aro baeromo majëhinövarijohuro röhu jero gemuëro rovë'e javajëjo.

<sup>29</sup> Èhi uavamu hegorovo Iesuro uëvadeje: Röhu jemë nasi jöho diehi ataruje höjo. Diehi ataruje höjamu Peter-ro ri'öromo uavadeje: Ja böröme namiromo ajamuijanue aho javajëjo.

<sup>30</sup> Javajëjamu uëvadeje: Èjöhö nadi aho huruoho majëhirëjo.

*Iesuhu huë vavaeni baeromo guomoröhe jö jövadohoje.*

<sup>31</sup> Èhi'onugoromo Iesuro aevoromo hesi ijarahö ömo'ömo'u'o röhëhiromo uëvadeje: God-ro èhi bamë'ëro èhu'ëro hesi A Maho naro vi'ehë huë vavaene bövie bise'e bae'ejöjo. Jew rajo a duvaho ömo'ömo'u'o prieste masijohö jögoru öri röhëhijarue aribövioho èho jaburo na bijönegoruomo'ajëjo. Bijönegoruomo'iramu aëro anego'iramu guomevo'ajëjo. Guomoromo majae niö'i gemu hesi uhure i'ovoromo ri'ö'ejöjo.

<sup>32</sup> Èjöhö Iesuro bogo subivëho'i ma-sama'e röhëhijadeje. Röhëhijamu Peter-ro Iesu rori'o hu'irae bava'oromo uavadeje: Èhi jië'e jöho nadi jövëjo.

<sup>33</sup> Nadi jövëjamu Iesuro huotorovoromo hesi ijarahö ömo'ömo'u'o gëromo Peter uavadeje: Satan rori'o va'ëjo. God-hu uehorovajëhioho ja bogo èhioho uehorovo'i ma-aehu uehorovuëhi jero èhi uehorovoromo èhuni è jöho jövanuëjo.

<sup>34</sup> Èhi uënuoromo Iesuro hesi ijarahö ömo'ömo'u'o a ioro'iorohö aho'obëhe èhu'o uëvadeje: Ruehë uëromo rovamu uëvadeje: Ae rahuarö nasi ijore ijore jijihö'i nimë'oho jasi sinehu nimajohö nadi uehorovo'i uvonëjo: Iesuarë jöëni vi'ehë huë vavaene javoje rabe baeromo guomevë'oho iae hesi hë uvoromo korosi hesi i'uohö banigöjiomanovoromo nasi ioro ijoro juvonövonëjo.

<sup>35</sup> Ja jasi sinohuni uehorovoromo biririvoromo ave sa'are hi'i èhemu uehorovë'oho ijönöho guomo öriro va'a'anuëjo. O ja nasi jöëni o nasi jö ma hesi jöëni guomë'oho ijönöho maro hi'a'anuëjo.

<sup>36</sup> Jaehu are jove sa'ae mae sisë aho'obëhe bae barë'i röhu jasi arijo'arije ijumorovë'oho na ja èhuro mae javo'ajëjo. Bogajo.

<sup>37</sup> Arijo'arije ijumorovë'oho diehi röhu maho avohorovo'iramu mae javo'ajëjo. Öre bogohöjo.

<sup>38</sup> Èhesi bëhohö ave jaruvore raromarue aribövioho sisë aribövioëro jioruomë'ëro bogo God gemu uehorovo'i mue gö gö uehorovoruomaje höjo. Jabumë ae rahu nasi jöëni o naehu majëhijaje jö hesi jöhuni javojëgë'oho u'emu God-are A Maho naro maemu jië'e anera ömo'ömo'u'o nasi Vavu hesi ajohu'o rue'iramu evare nani javojimoruomade ariböviohuni javojego'ajëjo.

## 9

<sup>1</sup> Èhi uënuoromo uëvadeje: Ave jöho na jö mae uë'ië'ajëjo. Jemë a ioro'iore ave riravarujohö bogo vuovë'e raromoromo ga'a'arujëjo God-hu böröme namiromo hesi darugehu muebejaje ajohö rue'iramu.

*Iesuare nu ano'ehu ajivoromo gorosovade jöhoje.*

<sup>2</sup> Ëhi'oromo majae aho'obêhe övo gö mine övo göre gemu barëjambu Iesuro Peter James John ëhi söromo dahoru ëgobövire ajiomoromo jabetesi sivue hahagu raromareje. Raromoromo ë ijorajoho jaburo gavareje Iesuare sino haho'e gorosovoromo

<sup>3</sup> niögoho ajivo avohamu. Sa'are raromarue aribövioho noro niöge u'o'ibejo bogo ëhioho ajivo'ibejo. Iesuare niögohuro ëhi ajivamu gavareje.

<sup>4</sup> Ëhi ga'i gavareje a mami ae niö'i Elijah'o Moses'o ëma jëvoromo jabu'o Iesu'o jöe atoruomamu.

<sup>5</sup> Jöe atamu gëgorovo Peter-ro Iesu uavadeje: Tisa no ave raromaruoho iae mae höjo. Uövuego no javu harihe niö'i gemu vae'amarëjo jani gemu Moses-ni gemu Elijah-ni gemu.

<sup>6</sup> Peter-hu ëhi uavade hesi bëhoho Peter James John ëho jaburo sisë maro juhuonirovë'ëro jö ma diehi jövo'iröhoho Peter dadivamu ëhuni ëhi jövadeje.

<sup>7</sup> Ëhi jövoromo Iesuare ijorajoho jaburo gavare suehuro Iesumë aegëhamu gagorovo hejareje sue uhure uvavamu: Ave aho nasi Harihu mabëhe höjo. Huhu jövaje jöho avoho herëjo.

<sup>8</sup> Ëhi uvamu hejë'i Iesuare ijorajoho jaburo ruaroho numiaroho uheriho'i gavareje Moses'o Elijah'o bogojëvo'i Iesuro gemuëro ë jabetesi bëhire namijamu.

<sup>9</sup> Ëhi'oromo dahorure ruvebijë'i Iesuro uëvadeje: Jemëhu gavarijoho nadi aho huruoho majëhirëjo. U'emu God-are A Maho naro guomoromo ri'öjogo evaro majëhirëjo.

<sup>10</sup> Ëhi uëvamu rue ijorajoho jaburo iae ejahoromo Iesu gorosovamu gavare jöho subivëhobe va'areje. Röhu jabetesi sivue atoromo uarovareje: Guomoromo ri'ö'iröhëro uövuaje jö hesi bëhoho rabe höjo.

*John bapataeto vaejaje aehu rovadoho ëho Elijah-hu rovanovade jöhoje.*

<sup>11</sup> Ëhi uarovoromo jabumëro Iesu uavareje: Jew rajo nosi jögoru öri röjahuijarue ariböviohuro uövuarue höjo: God-are a börömohe bogo ëma rue'i hu rue'ie'iroho a mami ae Elijah God-arire va'adohuro vuonorö'ö rue'a'ajëjo. Rue'iramu God-are a börömohe ijore rue'a'ajëjo. Jögoru öri röjahuijarue aribövioho rabëni ë jöho majahuijarue höjo.

<sup>12</sup> Rabëni majahuijarue höjambu Iesuro uëvadeje: Io'ajo. Elijah-hu urimo rueromo bövi bise'o avoho'amo'iröhe jöho iae mae-ëjo. Röhu ave jöhu'o God-are surire jajivoromo uvë'e höjo: Aëro God-are A Maho nörö nue huodivoromo sisë vae'iramu vi'ehë huë vavaene bövie bise'e bae'a'ajëjo. Ëhi jajivë'e höjo. Ëjöho bogo ëma jajivo'i iae mae jajivare höjo.

<sup>13</sup> Röhu naro ave jöho jemë uhu'e uë'ie'ajëjo. Hehëjo. Elijah iae mami'e öre avoho'i rovide höjo. Rovamu jaburo diehi nimarëhi ëhi hesi örire sisë vaeruomade höjo. Ëhi ë'iröhe jöhu'o God-are surire jajivë'e höjo.

*Iesuhu Satan-are a sisë aharihu hesi dëre jiamu rarovö'öjade jöhoje.*

<sup>14</sup> Ëhi uënuigoromo Iesu Peter James John ëho jaburo dahorure ruvebijareje. Ruve-biromo Iesuare ijorajo ioro'ioro jabetesirire rue'i gavareje ae aho'obëhe jabetesi bëhire gagovoromo riravo rova'o rojomo'i Jew rajo jögoru öri röjëhijarue ariböviohuro Iesuare aribövi jabetesi jöho aho'ahëmijamu.

<sup>15</sup> Ëhi jië'ëro ae aho'obëhe gavare Iesu rovamu gagorovo tiöjëvadeje. Tiöjëvamu Iesu ma-burëro birohoromo jëjamiruomadeje.

<sup>16</sup> Jëjamijamu Iesuro uëvadeje: Jemë rabu jöe nasi ariböviohu'oho atarujëjo.

<sup>17</sup> Atarujëjumu ae gemuëro uavadeje: Tisa na nasi harihoho jasi örire barovode höjo. Ëhesi bëhoho Satan-are ae gemuëro hesi dëre abo hiromo hesi bitaroho tövahë'e höjo. Ëhi jië'e aru'ahoho hesirire höjo.

<sup>18</sup> Hesirire jië'ëro nasi harihu hesi simano huotovahë'iroho ijumahego jue'i sa'are behumorovaje höjo. Behumorovoromo jö'onö obohu tatogo'e rueromo ane vuogigimoromo biriri'övae höjo. Ëhi'ajego naro jasi ijorajo ömo'ömohe uëvode höjo: Aru'aho sisëho rarovö'öhego va'ajo. Ëhi uëvamu rarovö'ö'i ë'o gavaroho bogo eni jëvade höjo.

<sup>19</sup> Bogo eni jëvade höjambu Iesuro uëvadeje: Asë'e ave jaruvore raromarue aribövioho jemë bogo ma uehorovaruje aribövie jëvajëjo. Na majae dimino'e jemë'oho hibe va'ejöjo. Majae dimino'e jemesi mu sisëho garomo ma-nunëro ga taemobe va'ejöjo. Jemesi uehoro sisëhuro na u'uvevajëjo. Ëaharihoho barovego na gavöjo.

<sup>20</sup> Na gavöjumu rueho jaburo aharihoho hu'irae rovereje. Rovamu uhure a sisëhuro Iesu garomo ma-burëro dë vövöbajo'oho ijumahamu simane sisë'rëromo bijöbjövoromo övo'o hörü'o ajiomoromo sa'are behumorovoromo jö'onö obohu tatogo'e rueromo ubiri'ubirivadeje.

<sup>21</sup> Ubiri'ubirivamu gagorovo Iesuro vavuoho uavadeje: Divare aevoromo simanoho sisërêbe rovade hõjo. Sisërêbe rovade hõjamu uavadeje: Asis'õo jiadevare evare aevoromo èhi jiobe rovade hõjo.

<sup>22</sup> Rõhu uhure a sisèhuro majae aho'obèhe ijumo avoho'i nimego simane huotovahego vènire jovore èma ravorovaje hõjo. Rõhu ja eni javè'oho nosi jöeni vavaenimoromo ajamujèjo. O bogo eni javego èhuro vuonugèjo. Vuonugèjamu Iesuro uavadeje:

<sup>23</sup> Ja rabèni uvanuèjo: Nani nõrõ bogo eni hõjo. Ae rahu God mae uehorovè'oho God-hu èhi jiè'e ariböviohuni bövi bise'o vae'irõhoho eni hõjo.

<sup>24</sup> Eni hõjamu rue vavuohuro ma-darugo'o uvadeje: Iae na ma-bisemu mae uehorovajèjo. Ajemego na mae uehorovo avohõjo.

<sup>25</sup> Èhi uvamu heromo Iesuro gavade rue ariböviohuro aho'obèhe tutubijiohoromo ruè numè hu baba'amo'i rueruomamu gègorovo uhure a sisèho birevoromo uavadeje: Aru'aho sisè a jabesirire abueromo bitaro tõvèhoromo hia'i tugohèhanuoho naro ja uavajèjo: Hõrõromo va'èjo. Ijoho bogave gemu vuonorõ'õ abue'iranèjo.

<sup>26</sup> Èhi uvamu hegorovo rue uhure a sisèhuro jõe dadovoromo aharihu hesi simanoho huotovahamu bijöbijövoromo sisè maro övo'o hõru'o ajiomadeje. Sisè maro övo'o hõru'o ajiomamu uhure a sisèhuro hõrõromo va'amu aharihoho guomo barèjè'e sinoho va'ène raromadeje. Èhi raromamu ae aho'obèhe uvoruomadeje: Èiaho mami'e guomè'e hõjo.

<sup>27</sup> Guomè'e hõjamu Iesuro aharihoho övore ma'enoromo nigemamu ri'õjadeje.

<sup>28</sup> Èhi'amu Iesuro va'o osare hijamu hesi ijorajoho jaburemu hu'o raromoromo uavareje: Diehi'oromo noehu aru'aho sisè rarovõ'õjarocho bogo eni javuade hõjo.

<sup>29</sup> Bogo eni javuade hõjamu Iesuro uèvadeje: Èaharihu hesi dère jiade èhi jiè'e a sisè ae gö hesi dère jiajoho rarovõ'õ'iè'iroho God-are örire èninamijè'ohuro èhuro rarovõ'õ'amo'arujèjo. Öri göho bogo'e hõjo.

*Iesuhu guomorõhe jõ rõhu maho majèhijade jõhoje.*

<sup>30</sup> Èhi'onugoromo Iesu'o hesi ariböviohu'o è sa'aho vuonugo'i va'areje. Va'oromo Galilee sa'are ma-saginièri jijihoruomadeje aèro Iesu gajöeni.

<sup>31</sup> Èhesi bèhoho huro hesi aribövioho rõjèhibe juvoromo uènövadeje: God-ro èhi bamè'èro hesi A Maho na a jabesi övore va'oromo anego'iramu guomo'ejõjo. Guomoromo majae niõ'i gemu hesi uhure ri'õ'ejõjo.

<sup>32</sup> Jõho èhi rõjèhamu bèhoho bogo he'irõgoro juhuoninègamu bogo ua gavareje.

*Di aehu a ioro'ioro iosirèmiromo bõrõme jiaje jõhoje.*

<sup>33</sup> Èhi'oromo Iesumèro Capernaum amore rovareje. Rueromo osare va'o raromoromo Iesuro hesi aribövioho uèvadeje: Jemè rabu jõe öriroho atobe rovarije hõjo.

<sup>34</sup> Atobe rovarije hõjamu jõrumoraejareje è hesi bèhoho örire rueromo atoromo uarovè'èro: Iesuare ijorajo ömo'ömoho di aho bõrõmoho javuajèjo. Èhi uarovobe rovè'èro jõrumoraejareje.

<sup>35</sup> Jõrumoraejamu Iesuro sa'aro hiromo hesi aribövi 12-ho jaburo ruejõro uvèvamu rovareje. Rovamu uèvadeje: Ae rahu a ioro'ioro iosirèmiromo nunire nami'i uehorovè'oho uvonèjo: Na a ioro'ioro jabesi dejonõ namijajèromo jabesi muoho vaejèhonövonèjo.

<sup>36</sup> Èhi uènugoromo Iesuro va'o aharihoho vièhi jabesi nunire baro gurasijjomo namiroomo uèvadeje:

<sup>37</sup> Ae rahu avièhi jiè'e asisõ'oho gemu nasi ihore rajahiromo baejè'oho èhuro na'o rajehiromo baejèvoruomaje hõjo. O ae rahu na rajehiromo baejèvè'oho èhuro bogo na gemu rajehi'i remõ'õjamu rovode ahu'o rajahiruomaje hõjo.

*Ae rahu jemè'o bogo iro muorovo'e vaejè'oho jemè'o gemuore jiaje hesi jõ Iesuhu jövadohoje.*

<sup>38</sup> Èhi uèvamu John-ro ri'õromo uavadeje: Tisa no gavare hõjo ae gemuèro jasi ihoho uvoromo aru'aho sisè a jabesi dèroho rarovõ'õjèvamu. Rarovõ'õjèvamu garomo rõhu gavare hu bogo no'o juvaje aho jiamu gagorovo uavareje: Vuonugèjo.

<sup>39</sup> Vuonugèjamu Iesuro uèvadeje: Nadi èhi jiè'oho è'orèjo. Ae rahu nasi iho uvoromo darugo'e mu vaejè'oho bogo burèroho huotorovoromo nasi jõ sisèho aho majèhi varijènoho hõjo.

<sup>40</sup> Ae rahu nosi örire bogo bijönimè'oho è aribövioho nosi aemo'aeme jioruomajèjo.

<sup>41</sup> Rõhu ave jõho na jõ mae uè'iè'ajèjo. Ae rahu jemè gèromo uvè'oho: Jemè Keriso-are aribövie jèvajèromo ma-bisemu ajèmiromo enatuore jovo bojèmiijè'oho jabu iae manaho ujohoruomo'ajèjo.

*God uehorovarue mu ijumëharue aribövi jabesi jöhoje.*

<sup>42</sup> Ae göëro asisö'onö'le jörume hiro mo nasi örire mae uehorovevo'ajëjo. Èhi'o'iramu ae göëro ë aho mu sisë røjahiromo èhuro na mae uehorovevaje muoho ijumaho'ajëjo. Ijumahoromo i'u sisëho bae'a'ajëjo. Mu sisë bogo røjahijajevare evare ë mu sisë røjahijaje a hesi sönö'ahore aëro i'u'e munë hitahiohuro tövoromo sô jovore ba'amego e'ure beva'oromo guomo'ibejajo èho ma-jianovo'ibejajo. A'i ë mu sisë røjahi'iröhe ë hesi i'uoho böromo bëhe bae'a'ajëjo.

<sup>43</sup> O jasi övehu mu sisë vaeromo God uehorovanue mu vuonugo'ië'iroho övoho tariö'önëjo. Ja öve gemu javamu ijönö va'oromo mare hijë'o'ho èhuro mae javo'ajëjo. A'i öve niö'i javamu ijönö God-hu ramö'öjamu ravemu ravaje vënire va'ë'o'ho èhuro sisë bëhe javo'ajëjo.

<sup>44</sup> [Èdirö'ore huiniohuro bogo vuovo'i a sine ma-ue'ahemu ue'ahego vënoho bogo duorohego ë dirö'ore aho vi'ehoho ma-baemu baejarue höjo.]

<sup>45</sup> O jasi hörehu mu sisë vaeromo God uehorovanue mu vuonugo'ië'iroho höroho tariö'önëjo. Ja höre gemu javamu ijönö va'oromo mare hijë'o'ho èhuro ja mae javo'ajëjo. A'i höre niö'i javamu ijönö God-hu ramö'öjamu vënire va'ë'o'ho èhuro ja sisë bëhe javo'ajëjo.

<sup>46</sup> [Èdirö'ore huiniohuro bogo vuovo'i a sine ma-ue'ahemu ue'ahego vënoho bogo duorohego ë dirö'ore aho vi'ehoho ma-baemu baejarue höjo.]

<sup>47</sup> O jasi nunehu mu sisë vaeromo God uehorovanue mu vuonugo'ië'iroho nunoho jahonëjo. Ja nune gemu javamu ijönö va'oromo God-are aharire hijë'o'ho èhuro mae javo'ajëjo. A'i nune niö'i javamu God-hu ramö'öjamu vënire va'ë'o'ho èhuro ja sisë bëhe javo'ajëjo.

<sup>48</sup> Èdirö'ore huiniohuro bogo vuovo'i a sine ma-ue'ahemu ue'ahego vënoho bogo duorohego ë aho vi'ehoho ma-baemu baejarue höjo.

<sup>49</sup> Söëro ioho hu'ihego èhuro ioho bogo sisërë'i mae jiaje höjo. Söehu i hu'ihego i bogo sisërë'i mae jiajèhi èhi ae aho'obëhe jemë vënëro ravëvanovoromo vi'ehë bae'a'arujëjo èhuro jemesi dë vövöbajo'oho bogo sisërëjèho'i ma-mae jëvoröhego.

<sup>50</sup> Söho rihu'e mabëhe höjo. Röhu sô hesi rihu barëjè'o'ho röhu bogo maho avoho hesi höjo. Èhuni nasi rihu'e jöho ma'eno'i nadi boremi'örëjo. Nadi boremi'ö'i nadi iro muorovo'oho vae'i ma-huë baerovorëjo.

## 10

*Vaboro'o baru'o gemuoho jëvaje jöhoje.*

<sup>1</sup> Iesuro jöho èhi majëhinugoromo ë sa'aho vuonugo'i va'adeje. Va'adoho va'o Judea sa'are va'oromo Jordan beromo ioni göre ajiomadeje. Ajiomamu gagorovo ae aho'obëhe hesi örire röhu maho ro gagovareje. Gagovamu huro urimo ë'ajëhi èhi God-are jöë røjëhijadeje.

<sup>2</sup> Røjëhijamu Pharisee ariböviohuro rueromo Iesu guaro beva'ojöro uaruomadeje: Vaboro nugö'ö'amo'iröhe jögoru hesi jöho no he'i naguajëjo. Aehu vaboro nugö'öjè'o'ho èhi jië'o'ho na mae o sisë höjo.

<sup>3</sup> Na mae o sisë höjamu Iesuro uëvadeje: Röhu Moses-hu jajivoromo bojëmade jögoroho diehi höjo.

<sup>4</sup> Diehi höjamu uavareje: Moses-ro jajivoromo uövuë'le höjo: Nugö'ö'i nagë'o'ho nugö'ö'irane jöho suroro jajivoromo vaboroho bojamiromo evaro nugö'önëjo.

<sup>5</sup> Èhi uavamü uëvadeje: Iae èhi höjo röhu jemë hia'i biriri'e aribövie jëvobe rovë'ego èhuni Moses-ro ë jögoroho jemëni jajivëhade höjo.

<sup>6</sup> Röhu aevö'i God-hu bövi bise'o bamade majaroho bogo èhioho jio'i ë hesi jöho God-are surire èhi uvë'le höjo: God-ro aevoromo ahu'o magonahohu'o bamëvade höjo.

<sup>7</sup> Èhu'ëro jië'ëro aëro vëmu vavu'oho rëmö'ö'i vaborohu'o gemu mae hi'a'ajëjo.

<sup>8</sup> Vaborohu'o hi'iramu jabumë niö'i jëvadoho röhu gemu jio'a'ajëjo. Èhi uvë'le höjo. Èhu'ëro jië'ëro ë ahu'o magonahohu'o bogo hahagu hahagu jio'i ma-gemu jëvo'ajëjo.

<sup>9</sup> God-hu mami'e gemuore havoromo muhadoho jemë ma-ae jëvaje nadi tarivorëjo.

<sup>10</sup> Èhi uëngoromo hu'o hesi ijorajo ömo'ömo'u'o vuonorö'ö va'o osare raromoromo ijorajoho jaburo Iesu uavareje: Vaboro nugö'ö'amarue jöho röhu maho majahuijego no hejarëjo.

<sup>11</sup> Hejarëjamu Iesuro uëvadeje: Baruehu vaboro nugö'ö'i gö masuvë'oho èho goho'amarue muoho vae'a'ajëjo. Èhuro vaboro maho ijumo'ajëjo.

<sup>12</sup> O vaborehu baru nugö'ö'i gö masuvë'oho èho bogo maho masu'i goho'amarue muoho vae'a'ajëjo. Èhi uëvadeje.

*Iesuhu hesi övo asisö'ö inino jabesi sinore bamêhade jôhoje.*

<sup>13</sup> Ëhi uêvê'ëro aëro asisö'öho sô ujuoho rueruomadeje Iesuro öve jabesi sinore bamêhojôro. Ujuoho rovamu gêgorovo Iesuare ijorajo ömo'ömhuro birêgoromo uêvareje: Asisö'öho nadi aveho sô ruehêjo.

<sup>14</sup> Ëhi birêgamu hegoro Iesuro dê vörönimamu hesi aribövioho uêvadeje: Nadi ahêvo'i uêhego rueruomajo. Ëhi jiê'e asisö'ö va'ëne jörume raromê'e aribövioho God-ro bôröme namiromo muebejëvego hesi ahariremu raromoruomaje hôjo.

<sup>15</sup> Ave jôho na jô mae uê'iê'ajêjo. Asisö'ö ininehu bogo sivu uehorovo'i God-hu muebejavuajoho mae hô uvaruêhi ae rahu bogo Ëhi uvê'öho ë God-are ahariroho bogo va'ö raromo'aruêjo.

<sup>16</sup> Ëhi uêngoromo ë asisö'öho huohudê'ämoromo övoho jabesi simanore bamêhoromo uêvadeje: God-ro huê mae bojêmi'ajêjo.

*Bövi bise'ö marohê'e a hesi jôhoje.*

<sup>17</sup> Ëhi ê'iê'ëro Iesuro ri'öromô örire va'adeje. Va'amû ae gemuëro tutuvo rueromo hesi bêhire ague aho hiromô uavadeje: Tisa ja a mae javajêjo. Na diehi'oromo ioro'ioremuoho maroho hi'ejôjo.

<sup>18</sup> Maroho hi'ejôjamu uavadeje: Jero na uevanuêjo: Ja a mae javajêjo. Iae mae hôjo rôhu hesi God gemu a maho hôjo.

<sup>19</sup> Rôhu mae hi'iranêro ue gevanuoho ja God-are jôgoroho iae gavanue hôjo. Nadi aho anonêjo. Nadi goho'amonêjo. Nadi vajiohoho baenêjo. Nadi sareri'e jôho aho majêhinêjo. Nadi sareri sarerioho ê'oromo vajiohu muoho vaenêjo. Jasi vëmoho vavuoho mae uehorovëvonêjo. Mae hi'irane öroho Ëhi hôjo.

<sup>20</sup> Öroho Ëhi hôjamu uavadeje: Tisa iae mae-êjo rôhu na asisö'ö'ere aevoromo jô ebe rovodoho jaruvohu'ö Ëhi gemuoho ê'aje hôjo.

<sup>21</sup> Ëhi uavamu hegorovo Iesuro hu garomo hesi örire dê vövöbajö'e aho'ö uehorovoromo uavadeje: Iae Ëhi hôjo rôhu mue gemu bogo vaejê'ëro javê'ëro êhu'ëro ja bogo eni javajêjo mae hiemu hi'iranoho. Va'oromo jasi inömo ho bövioho bise'öho imo'ämoromo monioho baeromo inömo bogo eni jiê'e aribövioho suvuorëminêjo. Ëhi ê'iê'öho bövie bise'e maho maho janioho ö'idöre jiaho'ajêjo. Ëhi'oromo rueromo nasi ijoro ijoro juvonövonêjo.

<sup>22</sup> Ëhi uavamu hegorovo ruehuro hesi uehorovoromo uvadeje: Na bövie bise'e bôrömo mae jevê'ëro suvuorëmi'irodoho na bogo eni jevajêromo vavaenimoromo nu ano'e sisêrëromo va'adeje.

<sup>23</sup> Va'amû gagorovo Iesuro uherihoromo hesi ijorajo ömo'ömhô gêromo uêvadeje: Bövi bise'ö marohê'e ariböviohu God-hu muebejaje öri ari'ere va'ê'öho anoji'e mae jio'a'ajêjo.

<sup>24</sup> Ëhi uêvamu rue ijorajoho jabu jöe barêjêvadeje. Jöe barêjêvamu Iesuro rôhu maho uêvadeje: Aganomê God-hu muebejaje aji'e öri ari'ere va'iröhoho anoji'e mae hôjo.

<sup>25</sup> Mi bôrömo anugo gagore nug'öjê'öho ja bogo eni javo'ajêjo. Rôhu Ëhi ê'iê'öho samae jianovo'i a'i bövi bise'ö marohê'e ariböviohu God-hu muebejaje öri ari'ere va'iröhoho êho anoji'e mae hôjo.

<sup>26</sup> Ëhi jövamu heromo tiötïovoromo uavareje: Ëhi jiê'öho no diehi'oromo maroho va'ejärêjo. No ae aho'obêhe bogo eni javuajêjo.

<sup>27</sup> Bogo eni javajêjamu Iesuro êrimêhoromo uêvadeje: Io'ajo. Jemê aëro jêvê'ëro bogo eni jêvajêjo. A'i God-hu öri avohêhê'öho hu eni hôjo hu mue aho'obêhe vaejê'öho eni jiajêro jiê'ëro.

<sup>28</sup> Ëhi uêvamu hegorovo Peter-ro ri'öromô Iesu uavadeje: Aveho gavêjo. Noro bövie bise'e nosiroho vuonugo'i jasi ijore ijore jijihê'e javuajêjo.

<sup>29</sup> Jijihê'e javuajêjamu Iesuro uêvadeje: Êho iae mae hôjo. Aveho na jô mae uê'iê'ajêjo. Ae rahu javue öe ma'ine vëme vavue aboji harihu'e o sa'ae vuonugo'i nasi jöeni va'oromo nasi jô ma a majêhijê'öho

<sup>30</sup> Ëhi jiê'e aribövioho jemê jemesi bövioho bise'öho êho ma-bise'e vuonugarije hôjo rôhu avevejö'e ave sa'are bövi mae bae'a'arujêjo. Javue aho'ö ö ömo'öme aho'ö ma'ino ömo'öme aho'ö vëmu ömo'öme aho'ö aboji harihu'e aho'ö sa'ae aho'ö bae'a'arujêjo. Ëhi bae'a'arujêjo rôhu aëro nasi jöeni huê vavaenohu'ö bojêmi'iramu bae'a'arujêjo. Rôhu majae ijönö jemê ma-ioro'ioremu maro raromo'arujêjo.

<sup>31</sup> Ëhi hôjo rôhu a ioro'iore aho'ö nuninö jiaruoho dejonö jio'i a ioro'iore dejonö jiaruoho nuninö jioruomö'ajêjo.

*Iesuhu guomoröhe jô urimo vae niö'ï majêhijadoho ijönö rôhu maho majêhijade jôhoje.*

<sup>32</sup> Ĕhi ĕ'ĕ'ĕro Iesu'o hu'o va'arue ariböviohu'o ĕho jaburo Jerusalem amo böromore ajimo'i ĕrire va'areje. Iesuro urimo va'i hesi ijorajo ömo'ömhuro uehoro börome baehe hesi ijore va'i a ioro'ioroho aho'obĕhe jaburo jabetesi ijore juhuonivobe va'oruomadeje. Va'oromo Iesuro hesi ijoraje 12-ho röhu maho rori'o sö va'oromo aehu hesi ĕrire diehi jiĕle mu vae'iröhe jöho majĕhiromo uĕvadeje:

<sup>33</sup> Aveho hehĕjo. No Jerusalem amore ajiomaruĕjo. Ajio ĕ raromoromo God-ro hesi ĕhi bamĕ'ĕro hesi A Maho naro priest masijo jabetesi övore Jew rajo jögoru öri röjĕhjarue a jabetesi övore va'iramu baejevo'aruĕjo. Baejevoromo nasi jöho mevo garomo uvoruomo'ajĕjo: Nöro sisĕ'e aego guomo'a'ajĕjo. Guomo'a'ajĕromo na baejevoromo sa'a göre jioromo rovare aribövi jabetesi övore bojĕmi'iramu baejevoromo

<sup>34</sup> sivegoromo sabĕro ödegoromo hisuebijevoromo anego'iramu guomevo'ajĕjo. Guomoromo majae niö'i gemu hesi uhure ri'ö'ĕjĕjo.

*James'o John'o masije rirarovo'i Iesu ua gavare jöhoje.*

<sup>35</sup> Ĕhi uĕvĕ'ĕro iae Zebedee-are harihe niö'i James'o John'o rueromo Iesu uavareje: Tisa no naguajĕjo noehu rabu jö ua ga'iĕ'aruĕhi jero ĕhi ĕ'iranego.

<sup>36</sup> Ĕhi uavamu uĕvadeje: Naro rabe ĕ'ĕhojĕro uevarujĕjo.

<sup>37</sup> Rabe ĕ'ĕhojĕro uevarujĕjamu uavareje: No naguajĕjo jaehu jasi aj'le öri ari'ere hijĕ'iroho jero uövuego no ö'o jasi bĕhire masije rirarovoromo noro göero jasi övo manö göero jasi övo adonö ĕhi ari'iröhĕro.

<sup>38</sup> Ĕhi uavamu uĕvadeje: Iae ĕhi höjo röhu jemĕhu ue gevaruje jö hesi bĕhohe jemĕ bogo gavĕ'e ĕma uevarujĕjo. Na gavajĕjo ajuo'e jovo sisĕhu ajuemano'iröhoho jioromo nasi ĕrire jövĕro rovanovo hesi jio'ego. Ĕhi jiĕ'e huĕ vavaeni bae'irarijoho na jemĕ'o eni jĕvajĕjo.

<sup>39</sup> Eni jĕvajĕjamu uavareje: Iae no eni javuajĕjo. Ĕhi uavamu Iesuro uĕvadeje: Iae mae höjo. Na ajumi'iröhe jovo sisĕhuro jemĕ'o ajumi'ajĕjo. O nani rueröhe jovohuro jemĕni rue'a'ajĕjo.

<sup>40</sup> Röhu nasi bĕhire övo manö o övo adonö ari'irarije jö uĕ'irodoho ĕho bogo nasirehu höjo. Hesi God-hu a rahumĕni uvoromo nugade röhohe ĕ aho jaburemu nasi bĕhiroho ari'a'aruĕjo.

<sup>41</sup> Ĕhi'amu Iesuare ijorajo ioro'ioroho 10 jaburo hejareje uvavamu: James'o John'o Iesuare bĕhire börome rirarovo'i uvare höjamu hegorovo jabetesi ĕrire dĕ vörönimoruomadeje.

<sup>42</sup> Dĕ vörönimoruomamu gagorovo Iesuro hesi ijorajoho aho'obĕhe uĕvadeje: Ruehĕromo rovamu uĕvadeje: Iae jemĕ'o gavarujĕjo. Sa'a ioro'ioro rajĕro uvoruomaje höjo: Ĕa masijohuro no muebejavuarue höjo. Ĕhi höjo röhu ĕ a masijoho jaburo jabetesi aribövioho ruahö'öjĕvoromo jabumĕremu masije riravarue höjo. O jabetesi bĕhire riravaruhuro ĕhi taemĕvoromo jöe bojĕmijarue höjo.

<sup>43</sup> Sa'a ioro'ioro rajohuro ĕhi ĕ'arue höjo. Röhu jemĕ'o nadi ĕhioho döroho bamorovorĕjo. A'i jemesi ae gemu rahu bövie nami'i nimĕ'oho hu a ioro'ioro jemĕ ajĕminövo'iröhe ae jio'a'ajĕjo.

<sup>44</sup> O jemesi ae gemu rahu nunire jio'i nimĕ'oho hu a ioro'ioro jemesi mu vaejĕhonövo'iröhe ae jio'a'ajĕjo.

<sup>45</sup> Ĕhesi bĕhohe God-are A Maho na'o ae ajĕmi'i ĕhuni rovode höjo. Naehu rovode hesi bĕhohe bogo aĕro na ajĕmi'irarijĕgo rue'i a'i naro ae ajĕmiromo nasi arijo'arije bojamirovoromo guomorovoromo ĕhuro ae aho'obĕhe sisĕhu tövĕvajoho jiovo rĕmö'ö'irodĕni ĕhuni rovode höjo.

*Iesuhu Jericho amo vuonugoromo va'i nuni sisĕ'e a ajamade jöhoje.*

<sup>46</sup> Ĕhi'oromo Iesumĕro va'aroho va'o Jericho amore suorovareje. Suorovĕ'ĕro Iesu'o hesi ijorajo ömo'ömhuro a ioro'iorohu'o aho'obĕhe ĕho jaburo Jericho amoho nugoromo va'i ĕ'areje. Röhu Timaeus-are harihe Bartimaeus öri ionire hijĕ'e jiadeje. Hu nuni sisĕ'e aĕro jiĕ'ĕro hiromo maĕni sisĕni ĕninĕminövadeje.

<sup>47</sup> Ĕahuro öri ionire hiromo hejade uvoruomamu: Rova'aje aho Nazareth amo raje Iesu hö uvamu hegorovo ma-darugo'o uvo'i hijadeje: David-are ujoho börome javaje Iesu jero nani vavaenimĕjo.

<sup>48</sup> Vavaenimĕjamu hegorovo ae aho'obĕhe jaburo birevoromo uavareje: Jöe vuonugĕjo. Jöe vuonugĕjamu hejĕ'i röhu maho darugo ma'o uvo'i hijadeje: Hĕ David-are ujoho nani vavaenimĕjo.



<sup>49</sup> Ëhi uvo'li hijamu hegorovo Iesuro va'adoho vuonugo'li ë namiromo uëvadeje: Uvohego rovajo. Rovajamu rueho jaburo ë nuni sis'e aho uavareje: Iae mae hõjo. Ri'õromo rovëjo. Arue ahuro uvajëjo jero ruejõro.

<sup>50</sup> Ëhi uavamu hejë'i ruehuro dõre ba'amade niõgoho jaho bu'õromo ma-burëro ri'õromo Iesuaro va'adeje.

<sup>51</sup> Va'amu Iesuro uavadeje: Naro diehi ajamijõro nagajëjo. Nagajëjumu rue nuni sis'e ahuro uavadeje: Bada ajemego na nune dadovoromo uherihõjo.

<sup>52</sup> Uherihõjumu Iesuro uavadeje: Iae mae hõjo. Va'ëjo. Jero God mae uehorovamu ëhuro marëjavë'e hõjo. Ëhi uavamu gavë'i ma-burëro uherihadeje. Uherihoromo Iesuare ijore õrire va'adeje.

## 11

### *Iesuhu Jerusalem mabëhe rovade jõhoje.*

<sup>1</sup> Iae Iesumëro va'o Jerusalem bëhire va'oromo Olives Dahorure iojioromomo Bethphage amo o Bethany amo jiajinõ ë rovareje. Rueromo Iesuro hesi ijorajoho niõ'i rëmõ'õromo

<sup>2</sup> uëvadeje: Arue jemesi nuninõrire amohuro va'ohëjo. Va'o hörõ'i ga'a'arujëjo donkey harihe bise'ego aehu dõre bogo hiromo va'aruoho benugë'e jio'iramu. Benugë'e jiego jiovoromo hu'irae ruerëjo.

<sup>3</sup> O aehu uëvë'oho: Jemë rabëni jiovarujë uëvë'oho uërëjo: Badaro ave mioho nimo'ego ëhuni jiovaruëre. Huro mu nimadoho vaeromo iae ma-burëro sionëro nugõ'õ'ajëre.

<sup>4</sup> Ëhi uëvamu va'oromo gavareje donkey harihoho õri bõrõmore javue gemu nami'ego ë ojanore benugë'e jiamu. Benugë'e jiamu gagorovo jiovereje.

<sup>5</sup> Jiovamü gëgorovo ë bëhire riravare aribõvioho jaburo uëvareje: Jemë rabëni donkey harihoho jiovarujëjo.

<sup>6</sup> Rabëni jiovarujëjumu Iesuhu uëvadëhi ëhi majëhijareje. Ëhi majëhijamu rueho jaburo uëvareje: Iae mae hõjo. Bava'ohëjo.

<sup>7</sup> Bava'ohëjumu hu'irae barueromo jabesi niõgoho mi dejore ruaho'amo bahijamu Iesuro ë ajio hijadeje.

<sup>8</sup> Hiromo va'amü gavë'i ae aho'obëhe a ioro'iorohuro niõgoho õrire ahahobe va' i a ioro'iorohuro mure ijo rude tarivë'ëro ahahobe va'areje.

<sup>9</sup> Va'oromo Iesuare nuninõ va'oruomadohu'o dejonõ rueruomadohu'o ma-darugo'o uvoruomadeje:

God mabëhëjo.

Ave aho Badare ihore rovajoho mabëhëjo.

<sup>10</sup> Nosi hije David-are sionho baeromo bõrõme namiromo muebejavuo'ië'ajëjo.

No naguajëjo ë muoho mae tutuvorõhego.

God mabëhëjo.

<sup>11</sup> Ëhi rajahibe rovë'i Iesu'o Jerusalem rovareje. Iesuro Jerusalem ruenugoromo God-are amo bõrõmore va'adeje. God-are amo bõrõmore va'oromo bõvioho bise'oho gabe juvonugoromo gavade mam'i'e vö'õromamu gagorovo huro hesi ijoraje 12-ho jabu'o gemu mae Bethany amore sionëro va'adeje.

### *Mesehu bajo bogo raejõro Iesuhu uavade jõhoje.*

<sup>12</sup> Bethany amore va'ë'ëro nërõ ri'õromo ë jioromo vuonorõ'õ rovareje. Õrire rueromo Iesuro hejade hõmamu hejë'i

<sup>13</sup> rue'i gavadeje arue riribõvire mesoho hano'e namijamu. Mesoho namijamu gagorovo ë bëhire va'adeje ga'i bõsoho raejë'e jiego o bogo. Va'oromo gavadeje bajoho bogojio'i ma-hano rudu'emu jiamu hesi raejaje majaho bogo rovë'ëro jië'ëro.

<sup>14</sup> Hano rudu'emu jiamu gagorovo mesoho uavadeje: Ijonõho nadi bajoho raenego aho ue'aho'irarëjo. Ëhi uavamu hesi ijorajoho jaburo hejareje.

### *Iesuhu God-are amo bõrõmore va'oromo ë'ade jõhoje.*

<sup>15</sup> Ëhi'oromo Iesumëro õrëro ajiomoromo Jerusalem ajio suorovareje. Suorovoromo Iesuro God-are amo bõrõmore va'adeje. Va'i gavade aëro bõvie bise'e imo'amamu gëgorovo rarovõ'õjëvadeje. Rarovõ'õjëvoromo gavade aëro sa'a gõre gõre jioromo rovare aribõvi jabesi ijo bajoho ujuoho'i amo bõrõmo hesi ijo bajoho i'imëmamu gëgorovo jabesi mu maratuoho huotovõ'õjëhoromo ugo imo'amarue aribõvi jabesi arëtohu'o huotovõ'õjëhadeje.

<sup>16</sup> Huotovõ'õromo ae aho'obëhe ahëvadeje jabuhu inõmo inõmo ujuohoromo God-are amo ririre õrõrovaruoho vuonugojõro.

<sup>17</sup> Ēhi uēnugoromo God-are jō hesi öroho ae röjëhiromo uēvadeje: God-are surire jajivoromo uvē'e hōjo: God nasi osaho aëro uvoruomo'ajëjo: Ēosa hesi bëhoho sa'ae dinö'e dinö'e raromarue ariböviehu ro God-are örire jō atarue osaho hōjo. Ēhi uvē'e hōjo röhu jemëro mu sisë ë'l'ëro ëhuro ave osaho vajiohu'e ariböviehu gurihivarue juju gagoho va'ëne hōjo.

<sup>18</sup> Ēhi uēvamu priest masijohu'o Jew rajo jögoru öri röjëhijarue ariböviohu'o ëho jaburo ë jōho heromo gavare ae aho'obëhe Iesuhu röjëhijaje jōho heromo tiöruomamu gëgorovo uvareje: Nani ae aho'obëhe no ramuo'i Iesu gemu uehorovo'aruëromo juhuonivareje. Juhuonivoromo öre nahareje Iesu anego guomoröhego.

<sup>19</sup> Ēhi'amu vö'öromamu gagorovo Iesu'o hesi ariböviohu'o Jerusalem jioromo va'areje.

*Iesuhu meso hesi uhu jō huruoho majëhijade jöhoje.*

<sup>20</sup> Va'ë'ëro sisonuvamu Iesu'o hesi ariböviohu'o örire vuonorö'ö ruel'i gavareje mesoho mami'e sahori barëjë'e jiamu.

<sup>21</sup> Sahori barëjë'e jiamu gagorovo Peter-ro Iesuhu urimo jövade jōho uehorovoromo uavadeje: Bada arueho gavëjo. Jaehu sahorijöro uavane mesoho iae sahorijë'e hōjo.

<sup>22</sup> Sahorijë'e hōjamu Iesuro uēvadeje: God mae uehorovorëjo.

<sup>23</sup> Ave jōho na jō mae uë'l'ajëjo. Jemë bogo uehore niö'i bae'irögoro God gemu mae uehorovoromo uvë'oho: Na uvajëhi iae ëhi jio'a'ajë uvoromo ave dahoru uavë'oho: Ri'öromo va'o jovo börömore bu'örovonë uavë'oho jemëhu uvarije muoho God-ro vaejëho'ajëjo.

<sup>24</sup> Ēhuni na uēvajëjo: Rabe rabe God ua gavë'oho mae uehorovoromo uvorëjo: Iae mae-ëjo. God-ro iae bojemi'iramu bae'ejöjo. Ēhi uvë'ohuro ëhuro iae bae'a'arujëjo.

<sup>25</sup> O jemë döre riravoromo God-are örire ëninami'irögoro röhu ae göëni dë vörönëgë'oho ë a hesi sisëho uehorovoromo vuonugorëjo. Ēhi ë'l'ëho ëhuro jemesi Vavue ö'idöre hijaje ahuro jemesi sisëhu'o uehorovoromo vuonugoa'ajëjo.

<sup>26</sup> [O jemëhu jabesi sisë bogo uehorovoromo vuonugë'oho jemesi Vavue ö'idöre hijaje aho hu'o jemesi sisëho bogo uehorovoromo vuonugoa'ajëjo.]

*Jew rajo a masijehu Iesu bogo ma uehorovoromo darugoho dinö'e baejane hō uavare jöhoje.*

<sup>27</sup> Ēhi majëhinugoromo Iesu'o hesi ariböviohu'o Jerusalem röhu maho rovareje. Jerusalem rueromo Iesuro God-are amo börömore va'oromo ë juvadeje. Juvamu gagorovo priest masijohuro Jew rajo jögoru öri röjëhijarue ariböviohuro a duvaho ömo'ömhuro rueromo

<sup>28</sup> Iesu uavareje: Jaehu God-are amo börömore hiromo mue gö gö vaejanuoho diehi jië'e daruge javoromo o raro darugoho bojamijë'ëro ëhi jië'e muoho vaejanue hōjo.

<sup>29</sup> Vaejanue hōjamu Iesuro uēvadeje: Nasi darugo hesi jō ue gevarujoho na'ö jemë jöe gemu uë gë'l'ajëjo. Jemëhu mana uevë'oho naro jemë uë'ejöjo: Na ëhi jië'e darugohuro muoho vaejaje hōjo.

<sup>30</sup> John-hu bapataeto vaejavuonövadoho na God-ro o ma-aëro darugoho bojamijë'ëro ëhioho ë'onövade hōjo. Uehego na hejōjo.

<sup>31</sup> Hejōjamu rue a masijohuro Iesu diehi mana ua'iröhe jōho jabesi mevoromo uarovareje: Noehu uavë'oho: God-ro John darugoho bojamide hō uavë'oho Iesuro uö'a'ajëjo: Ēhi jië'oho jemë rabëni John bogo ma uehorovarije hōjo.

<sup>32</sup> O noehu Iesu ua'iröhoho: Ma-aëro John uavamu ë'ade hō ua'iröhoho röhu ë jōho bogo ua'ëjarëjo. Ēhi uarovare hesi bëhoho ae aho'obëhe uvoruomadeje: John hu jō God-aro baeromo majahuinövade ae hōjo. Ēhi uvoruomamu ë a masijehu ae aho'ö jabesi jō aho'i jō gö Iesu ua'iröhoho juhuonivareje. Juhuonivo'i ëhuni Iesu ua'iröhoho: Ma-aëro John uavamu ë'ade hō ua'iröhoho bijönimareje.

<sup>33</sup> Bijönimoromo Iesu uavareje: Jaehu uö gövuanue jō hesi bëhoho no dadivavuajëjo. Dadivavuajëjumu hegorovo Iesuro uēvadeje: Ēhi jië'oho jemëhu uevarije jōho na'ö bogo uë'ejöjo: Na ëhi jië'e darugohuro muoho vaejaje hōjo.

## 12

*Mu ariböviehu a börömo hesi ö'i bajo mu mueberomo sisë ë'are uhu jöhoje.*

<sup>1</sup> Iesuro ëhi uēnugoromo ë Jew rajo aribövi jabesi jō sisëho uhu'e majëhiromo uēvadeje: Iae ae gemuëro mure grape ö'oho bivo'amade hōjo. Bivoromo ë muoho buore iromo rova'ö rojomoromo ö'i bajo sa'ijovoröhe guaho umoromo mu javue döro vaejade hōjo hesi mu ahuro ajio ë hiromo muoho atovoröhego. Muoho ëhi avohoromo gavade eni jiamu gagorovo ae uēvade hōjo: Na va'ejöjo. Jemëro nasi muoho muebejehorëjo.

Mueberomo ô'i bajoho raeromo mavego nasiroho bahi'i ioro'ioroho jemesi ujuohorêjo. Ëhi uënuogoromo ri'ôromomo va'o sa'a gôro è hijade hõjo.

<sup>2</sup> Sa'a gôro va'oromomo hijuvo gavade ô'i bajo urarue majaho rovamu gagorovo mu vaejहारue aho gemu uavade hõjo: Va'iranocho mu muebejarue aribôvioho uënego ô'i baje gô i'imamego ujuoheho ruenêjo. Ujuoheho ruenêjamu ruehuro va'ade hõjo.

<sup>3</sup> Va'o mure hörôjamu gavê'i rue mu muebejarue aribôviohuro è aho guduamoromo anoromo sihô'ôjamu sionêro ôvemu rovade hõjo.

<sup>4</sup> Ôvemu rovamu gagorovo rue a bôrômohuro mu vaejहारue ae gô'o nugô'ôjamu mure va'ade hõjo. Va'o hörôjamu gavê'i rue mu muebejarue aribôviohuro è aho simanore anoromo hesi ôrيره mu sisê vaejare hõjo.

<sup>5</sup> Ëhi'amu mu arijo'ohuro mu vaejहारue ae gô'o nugô'ôjamu mure va'ade hõjo. Va'oromomo hörôjamu gavê'i mu muebejarue aribôviohuro è aho anamu guomade hõjo. Anamu guomamugo mu arijo'ohuro hesi mu vaejहारue ae gô gô nugô'ôbe rovade hõjo. Nugô'ô'ego va'o mure hörô'ego ioro'ioroho ijahêro hisuebi'amo'i ioro'ioroho muo'amo barênôvare hõjo.

<sup>6</sup> Ëhi'ojuvo hu'oho ae gemu jiade hõjo. Êaho hesi harihu mabêhoho jiade hõjo. Ijo tugoho'i mu arijo'ohuro uehorovoromo uvade hõjo: Arue mu muebejarue aribôviohuro hu garomo uvo'a'aruêjo: Nôruare harihe hõ uvoromo êhuni mae uehorovo'aruêjo. Ëhi uvoromo nugô'ôjamu mure va'ade hõjo.

<sup>7</sup> Va'o hörôjamu gavê'i è mu muebejarue aribôviohuro uarovare hõjo: Arue rovaje ahuro hesi vavu hesi sionoho bae hesi hõjo. Êhuni è'ego ano bamarêjo êhuro ave muoho noro baerôhe hõjo.

<sup>8</sup> Ëhi uarovonugoromo è aho guduamoromo anoromo guomamu muro jiamu baeromo rori'o bu'ôruomade hõjo. Ëhi'are hõjo.

<sup>9</sup> Ëhi jiê'oho mu arijo'ohuro diehi è'a'ajêjo. Huro rueromo mu muebejarue aribôvioho i'ue bojêmiromo muo'amo'i è muoho ae gô bojêmi'ajêjo jaburo mueberôhego.

<sup>10-11</sup> Rôhu ave uhu jôho God-are surire jajivoromo uvê'e hõjo:

Munê javue vae'irôgoro munê gemu bijônimoromo vuonugare hõjo.

Vuonugaroho jaruvoho è munêhuro javuoho nigemo'ego bibivoromo mae namijajêjo.

Hesi Bada God-ro êhi è'ade hõjo.

Êho noro garomo uvarue hõjo: God-ro mu mabêhe è'è'e hõjo.

Êjô God-are surire jajivamu adaharijoho jemê diehi'oromo è hesi bêhoho bogo avoho baejarije hõjo.

<sup>12</sup> Ëhi uëvamu hegorovo rue Jew rajo a masijohuro garomo uvareje: Iesuro a masijoho no biraguoromo êhuni uhu jôho jôvavêjo. Jôvavê uvoromo Iesu guduamo bava'iê'oromo ae aho'obêhe juhuonêmiromomo vuonugo va'areje.

*Iesuhu guaro berovojôro aehu tax jô ua gavarohoje.*

<sup>13</sup> Ëhi'amu aêro Pharisee aribôvioho o Herod-are aribôvioho rêmô'ôjareje va'oromomo Iesu sareramego huro jôe sisê'i jôvoromo guaro berovorôhego.

<sup>14</sup> Rêmô'ôjamu va'oromomo Iesu sarerisareriamiro mo uvareje: Tisajo. Iae no gavaruê hõjo ja a mae javêgo. O aho bogo juhuonêmijêgo. Êhesi bêhoho jero no gôromomo ae bôrôme o bise'e javuajêromomo jôe gô gô bogo rôjahui'i God gemu uehorovoromo hesi ôrohemo mae rôjahuijanue hõjo. Êhuni no jô harihe ua ga'iê'aruêjo tax jôho. Rome a bôrômohuro nosi sa'aho muebejêgo noro hu tax bojamijaruê hõjo. Noehu êhi è'arumo na êhuro Jew rajo nosi jôgoroho aharue hõjo o bogajo. Na no bojami'ejarejo o bogajo.

<sup>15</sup> Bogajamu Iesuro gêromomo uvadeje: Arue aribôviohuro nasi ôrيره ma-dôemu mae ue ge'i a'i jabesi uhoho na ijumevo'i nimiromo majehijaruêromomo uëvadeje: Jemê rabêni nasi dêho bijioho gevarujêjo ga'i na bejevego. Ajivê'e ijo baje gemu baruehego na gavôjo.

<sup>16</sup> Gavôjamu barovareje. Barovamu garomo uëvadeje: Aveho rahuare nu ano'ohu'o ihohu'o jajivê'e hõjo. Jajivê'e hõjamu uavareje: Rome a bôrômomo hesi hõjo.

<sup>17</sup> Rome a bôrômomo hesi hõjamu Iesuro uëvadeje: Êhuni Rome a bôrômomo hesiroho êho hesi ôroro bojami'i God-aroho êho God-are ôroro bojaminôvorêjo. Êhi uëvamu heromo jôe barêjêvadeje.

*Iesuhu guaro berovojôro vuovê'e aribôviehu ri'ôruomo'irêhe jô Sadducee aribôviehu hu ua gavarohoje.*

<sup>18</sup> Ëhi'amu iae Jew rajo a masijo ioro'iorohuro rovareje. Jabumê Sadducee jô uehorovarue aribôvie jioruomadeje. Sadducee aribôviohuro uehorovoromo uvoruomajeje:

A vuovë'oho ijonôho bogo ri'ò'amo'li ma-ioro'iore gemu vuovo'ajëjo. Èhi uvoruomaje ariböviohuro rueromo Iesu guaro berovojëro sarerisareriamiro mo uavareje:

<sup>19</sup> Tisajo. Moses-ro jögore jajivoromo uövüë'e höjo: Aboji harihu'o rumo'e a vuovego diehi ë'iröhe öroho aviëhi höjo. Aehu vaboro masuromo vaboroho aboji harihu'oho bogo vaejë'e baruehu guomo'li vaboro nugë'oho hesi öhuro vuojiroho masuromo ëhuro guomade ö hesi ihoro ujoho vaejaho'ajëjo. Moses-are jögoroho ëhi höjo.

<sup>20</sup> Èhi jië'ëro iae ma-ö ömo'ömëremu ae aho'o 7 raromare höjo. Raromoromo muriohuro magonahoho masuvade höjo. Masuromo vaboroho aboji harihu'oho bogo vaejë'e baruoho guomade höjo.

<sup>21</sup> Guomamu hesi vaboroho dorue hijamu ö göhuro vuojiroho masuvade höjo. Masuromo vaboroho aboji harihu'oho bogo vaejë'e baruoho guomade höjo. Guomamu hesi vaboroho röhu maho dorue hijamu gagorovo ö göhuro vuojiroho masuvade höjo. Masuromo guomade höjo.

<sup>22</sup> Ö ömo'ömo ioro'iorohu'o ëhi gemuoho ë'obe rovere höjo. Ö ömo'öme 7 jabuhu ë magonahe gemuoho masube rovaroho ë magonahoho aboji harihu'oho bogo vaejë'e aho ma-vuovëvobe rovade höjo. Vuovobe ruejuvo barëjamu ijo tugoho'ioho ë magonahoho hu'o guomade höjo. Èhi'are höjo.

<sup>23</sup> Èhi ë'arohuni ëhuni ave jöho no ua ga'ië'aruëjo. Jero uvanue höjo: Vuovoromo ri'ò'ëjarëjo. Èhuni vuovë'e ariböviehu ri'öruomoröhe majaroho ë magonahoho di ahu'o hi'a'ajëjo. Barue aho'o 7 masuvë'ego uvaruëjo.

<sup>24</sup> Èhi uavamu hegorovo Iesuro uëvadeje: Bogajo. God-are surire jöhu'o huhu mu vaeröhe darugohu'o jemë bogo avoho gavarujëro sisë'li uehorovoromo ue gevarujëjo.

<sup>25</sup> Èhesi bëhoho vuovë'ëro ri'öruomo'iröhe maja rovë'iroho vaboroho baruoho bogo masurovo'li aneraehu ö'idöre ma-raromaruëhi ëhi raromo'aruëjo. Èhuni ë magonahuhu di ahu'o hi'iröhe jö ue gevarujoho bëhi rumo'e höjo.

<sup>26</sup> Èjöho jemëro uvaruje höjo: Vuovë'e ariböviehu ri'ö'iröhe jöho sareri jöe höjo. Èho bogo sareri jöehu jio'li jö mae höjo. Èhesi bëhoho vuovoromo ri'ö'iröhe jöho Moses-ro God-are surire iae jajivë'e höjo. Ijo hisu vënehu ravade jö jajivadevare evare God-hu jövade jöho jajivoromo ave jöhu'o uvë'e höjo: God na Abraham Isaac Jacob ëhi muebejëvaje ae jevajëjo. Jemë rabëni ë jö hesi bëhoho bogo avoho baejarije höjo.

<sup>27</sup> God-hu Abraham Isaac Jacob muebejëvaje jö hesi bëhoho jabumë vuovoromo bogo ioro'ioemuoho barë'li va'o raromego God-ro muebejëvaje höjo. God bogo vuovoromo ioro'ioemu barëjë'e aribövioho muebejëvo'ibejajo. A'li hu vuovoromo va'o raromaru aribövioho iae muebejëvaje höjo. Èhuni ae vuovoromo ioro'ioemu barëjaje hö uvarujoho ëho sarerivarujëjo.

*God-hu bojamuade jöho diho börömohe jiajoho aehu Iesu ua gavadohoje.*

<sup>28</sup> Èhi uëvamu Jew rajo jögoru öri röjëhijarue ae gemuëro rueromo hejade Iesu'o Sadducee ariböviohu'o jö aho'ahamirovamu hejë'li röhu gavade Iesuro jö mae mana majëhijamu gagorovo Iesu uavadeje: Na ave jöho ua ga'ië'ajëjo. God-hu bojamuade jögore aho'o jio'amajoho di jöhuro jö ioro'ioroho iosirami'amoromo nuniroho höjo.

<sup>29</sup> Nuniroho höjamu Iesuro uavadeje: Nunire jö börömohe aveho höjo: Israel ariböviohumë ave jöho hejëjo. Bada nosi God hu gemu börömohe höjo.

<sup>30</sup> Jasi dë vövöbajo'e aru'ahe uehore daruge aho'obëhe Bada jasi God ma-hu gemu bojaminëjo.

<sup>31</sup> Èjöho nuniroho höjo. Röhu ë jö hesi bëhiroho aveho höjo. Jaehu jasi arijo'arije rajahirovanuëhi jasi ae gemuoho ëhi rajahinëjo. Jögoru ioro'ioroho ë jö niö'ioho bogo iosirëmiromo masijoho jio'amo'li ë jö niö'ioho börömo maho jëvajëjo.

<sup>32</sup> Börömo maho jëvajëjamu hegorovo rue jögoru öri röjëhijaje ahuro Iesu uavadeje: Tisa ja jö mae jövanuëjo. Jaehu uevanuoho: God ma-gemu jio'li god gö gö bogohöjo.

<sup>33</sup> Noehu dë vövöbajo'e uehore daruge aho'obëhe ma-hu gemu bojamiromo röhu nosi arijo'arije rajahirovaruëhi nosi ae gemuoho ëhi rajahijë'oho ëho ma-mabëhe höjo. O mi vënire bueromo God-are örire bojamijë'oho o suvuore gö gö hu bojamijë'oho ëho majanovajëjo.

<sup>34</sup> Ma-jianovajëjamu hegorovo Iesuro gavade rue aho simano mae uehorovoromo jövamu gagorovo uavadeje: Jaehu God-are aharire va'o hijego huhu muebejavo'iröhohe ja bogo rori'oho javo'li iae bëhiro javajëjo. Èhi uavamu hegorovo ae aho'obëhe jöe gö gö ua ga'ië'aroho juhuonivoromo vuonugareje.

*Böröme namiromo ajamuaje a hesi jö Iesuhu röjëhi'li uë gëvadohoje.*

<sup>35</sup> Vuonugamu Iesuro God-are osa börömore hiromo jögoroho røjëhijadeje. Røjëhiromo uëvadeje: Aveho hehëjo. Böröme namiromo ajëmi'iröhe a hesi jöho jövo'ie'ajëjo. Jew rajo jögoru öri røjëhijarue ariböviohuro uvoruomaje höjo: Böröme namiromo ajamui'iröhe aho ma-David-are uje jio'a'ajëjo. Rabëni ëhioho uvoruomaje höjo.

<sup>36</sup> God-are Aru'ahohuro jöho David-are simanore bojамamu jajivoromo uvë'e höjo: Bada God-ro nasi Bada uavade höjo:

Nasi övo manö rojo hijego  
ja'lo muorovarue aribövioho naru ruahö'öjëvego  
hörëro vijuvo taemo'amo'irane höjo.

<sup>37</sup> Èhesi bëhoho böröme namiromo ajëmi'iröhe a hesi jöho David-ro jajivoromo uvë'e höjo: Bada höjo. Bada hö uvadoho ëhu'oho rabëni uvoruomaje höjo: Böröme namiromo ajamui'iröhe aho ma-David-are uje höjo. Èhi uëvamu ae aho'obëhe huhu majëhijaje jöho heromo nimorohoruomadeje.

*Jew rajo jögoru öri røjëhijarue ariböviehu sareri'e mu vaejaruëhi aehu bogo ëhi ë'iröhego Iesuhu jövadohoje.*

<sup>38</sup> Èhi'amu Iesuro jöho røjëhijuvo röhu uëvadeje: Jemëro Jew rajo jögoru öri røjëhijarue aribövioho gë avohorëjo. Èhesi bëhoho ë aribövioho jaburo jabesi sinohemu uehorovoromo niögu ëgobövie höru'ö utahë'oho io'amoromo jijiharue ëhi jië'e muoho nimarue höjo aëro gëromo rajëhijöro. O imo'amaruire va'ë'oho jaburo nimarue höjo aëro uvoruomoröhego: Jabumë a masijëro jijihajëromo rajëhiromo jejemiruomoröhego.

<sup>39</sup> O God rajahijarue osare va'ë'oho o söro i'i va'ë'oho a masijehu raromaruire ë va'ö raromo'i nimarue höjo.

<sup>40</sup> Raromo'i nimoromo magonaho doru jabesi bövioho bise'oho ëma ujuohëharue höjo. Ujuohoromo sarerivoromo pari ëgobövie jaguvarue höjo aëro gëromo uvöjoro: Mu mae vaejaruëjo. Èhi jië'e sareri'e muoho vaejaruego ëhuni God-ro i'ü börömo mae bojëmi'ajëjo.

*Bövi bise'ö rumo'e magonaho doruehu God-ni suvuoro ba'amade jöhoje.*

<sup>41</sup> Èhi uëngoromo Iesuro God-are suvuoro bahijarue bëhire ë va'ö hijadeje. Hiromo uheriho'i gavadeje ae aho'obëhe ijo bajoho ë io'amamu. Bövi bise'ö marohë'e mae jië'e aribövie aho'obëhe jaburo rueromo ijo baje böröme ba'amoromo va'onövareje.

<sup>42</sup> Èhi'amu magonaho dorue gemuëro rueromo rövé'e ijo baje niö'i ba'amëvadeje. A'i ë monioho ma-bise'e jiadeje.

<sup>43</sup> Ba'amëvamu Iesuro ëho garomo hesi ijorajo ömo'ömhuro ruejoro uvëvadeje. Rovamu uëvadeje: Èbövi bise'ö marohë'e jië'e ariböviohuro ijo baje aho'ö io'amo'i arue bogo eni jië'e magonahohuro rövé'e ijo bajoho niö'i ba'amade höjo. Röhu God-ro ëhi uvajëjo: God-are suvuoro io'amare a ioro'iorohuro bisemu bisemo io'amo'i ë bogo eni jië'e magonaho doruohuro bövi mae ba'amade höjo. Na mae uëvajëjo.

<sup>44</sup> God-hu ëhi uehorovaje hesi bëhoho ë a ioro'iorohuro inömo marohë'e maëro jië'ëro ma-vituohe mu bojami'i ë magonahohuro inömo rumo'ëro jië'ëro hesi i'ibejade monioho aho'ö bojami barëjë'e höjo.

## 13

*Aehu God-are amo börömo dadovoruomo'iröhe jö Iesuhu majëhijadohoje.*

<sup>1</sup> Èhi'onugoromo Iesuro God-are amo börömore jioromo va'amu gavë'i hesi ijorajo ömo'öme röhu ae gemuëro Iesu uavadeje: Tisa aruëroho gavëjo. God-are javu masijö vae'amarohu'ö javu masijö hesi munëhu'ö ma-mabëhe jio'amajëjo.

<sup>2</sup> Èhi uavamu uavadeje: Ave munë javu masijoho na jemë gavarujëjo. Èjavuoho aho'obëhe aëro dadovoruomo'iramu munëho ahoromo sa'aro ruvebi barë nahonahovo'ajëjo.

*Huë vavaeni börömo rueröhe jö Iesuhu majëhijadohoje.*

<sup>3</sup> Èhi uëngoromo Iesuro va'oromo Olives Dahorure ajio hiromo gavadeje God-are amo börömo anume jiamu. God-are amo börömo anume jiamu Peter James John Andrew ëho jaburo sivue ajio Iesu'ö raromoromo uavareje:

<sup>4</sup> Ave jöho majahuëgo hejarëjo. God-are javu masijehu rireromo'iröhego uövuanoho ëho divare jio'a'ajëjo. O no mu rabe garomo uvo'ejarëjo: Èhi jië'e muoho aho'obëhe rue'ie'ajëjo.

<sup>5</sup> Rue'ie'ajëjamu uëvadeje: Gavë'iajo. Aëro sarerëmi'iramu guaro rireromëvo va'a'ajëjo.

<sup>6</sup> Ae aho'obēhe rueromo sarerēmiromo uē'a'aruējo. Nōruare ihoro rovājējo. God-hu uev'ēro bōrōme namiromo ajēmi'irode aho na jevajējo. Ēhi uēromo ae aho'obēhe sarerēmi'iramu uvo'a'aruējo: Mae-ēromo guaro rireromo'ajējo.

<sup>7</sup> O he'irarije muorovo jō ruenōvo muorovonōvamu hejē'oho nadi juhuonivorējo. Ōre gō bogojī'ēro ēhi jiē'e mu sisēho iae jio'a'ajējo. Rōhu sa'aho bōvioho bise'oho evaroho bogo barē'i ēho hesi majae gōro jio'a'ajējo.

<sup>8</sup> Sa'ae gōēro gōhu'o muorovonōvo a masijo ioro'iorohuro ioro'iorohu'o muorovonōvo'aruējo. Sa'ae dinō'e dinō'e jiajoho hijiohijiovo'amo'ajējo. Sa'ae gō gō iruno'e bogojio'ajējo. Ēhi jiē'e huē vavaenoho rue'iramu mu sisēho bogo burēroho barē'i a'i magonahehu aevoromo raho'i hara'ujāhēhi ēhi aho aevoromo huē vavaene bōrōmoho baē va'oruomo'ajējo.

<sup>9</sup> Rōhu gavē'i raromorējo. Aēro guduamo ujuohēvo va'oromo jōgoru muebejarue aribōvi jabesi ōvore bojēmi'aruējo. God rajahijarue osa gōro gōro ē hisuebijēvo'aruējo. Gavana o sa'are a masijo gō gō jabesi nunire rēmo'iramu nasi jōēni ē riravo'arujējo nasi jōho huruoho majēhi'i.

<sup>10</sup> Rōhu God-are jō maho aēro sa'ae dinō'e dinō'e majēhibe va'o barē'ajējo. Ēmuoho urimoho jio hesi hōjo. Bōvi bise'o barē'irōhe majaho ē hesi ijonō jio'a'ajējo.

<sup>11</sup> Rōhu jabuhu guduamo ujuohēvo va'amu a masijo jabesi nunire riravē'oho nadi uvorējo: Na rabu jōe majēhi'ejōromo nurunurumorējo. Nadi ēhioho ē'i a'i a masijo jabesi nunire riravo'irarije maja rovamu evare God-hu rabu jō jemesi simanore bojēmē'oho ē jōho majēhirējo. Ēhesi bēhoho bogo jemēhu jōho majēhi'irōgoro a'i God-are Aru'ahohuro jōho simanore bojēmi'iramu jemē ē jōho majēhi'arujējo.

<sup>12</sup> Rōhu ōhuro ōho ae gō jabesi ōrire bojēminōvo'aruējo muo'amojōro. Vavuohuro aboji harihu'oho ēhi gemuoho ē'a'aruējo. Aboji harihu'ohuro ri'ōromo ae uē'iramu vēmu vavu'oho muo'amo'aruējo.

<sup>13</sup> O jemēhu na uehorovevarujohuni ae aho'obēhe jaburo jemesi ōrire nue huodēgoruomo'ajējo. Rōhu ae rahu biririvoromo mae uehorovevobe va'ojuvo maja barē'irōhe maja rov'iroho God-ro baējēvoromo manō bamēvo'ajējo.

*Mu sisē bēhe ruerōhe jōhoje.*

<sup>14</sup> Rōhu jemē ga'a'arujējo God-are osa ijumaje sisēhuro maehu jiaje rōhore ēma nami'iramu. Ējō Iesuhu majēhijadoho adahoromo avo'avoho gare. Amo Iesuro jō vituoho majēhiromo uēvadeje: Sisēhuro maehu jiajire ēma namijamu gavē'oho ave Judea sa'are raromoruje aribōvioharo huruomoromo dahoru'ero iojioromōre.

<sup>15</sup> Ae rahu javu dōnō haradare raromē'oho abueromo osare inōmoho nadi va'o ujuoho'i ma-huruomoromo va'orēne.

<sup>16</sup> O mure raromē'oho nadi vuonorō'ō va'o niōgoho ujuoho'i ma-huruomoromo va'orēne.

<sup>17</sup> Rōhu ē huē vavaeni rue'irōhe majaroho dē'e magonahohu'o aboji harihu'o inino jio'amē'e magonahohu'o jabumē vaevē'oho diehi huruomoruo'ajējo.

<sup>18</sup> Rōhu God ua garējo huro ajēmego ēhuro aho niohijo majaroho bogo huruomo'irōhe hōjo.

<sup>19</sup> Rabēni hesi bēhoho evare majaroho huē vavaene bogo bise'o vadu'oho rue'a'ajējo. Ēhi jiē'e huē vavaenoho urimo God-hu sa'a bōvi bise'o bamadevaroho bogojiohe ruejuvo ro jaruvo majahu'o ēhi jiē'e huē vavaenoho bogohōjo. O ijonōhu'o bogojio'i ē majaho gemu bōrōmoho jio'a'ajējo.

<sup>20</sup> Ēhuē vavaeni maja ēgobōvi jiajoho God bogo tarioromo bunemuoho bamo'ibejajo aho bogo biririvoromo raromo'ibejajo. A'i God-ro hesi baējēvade aribōvioho uehorovēvoromo ē majaho tarioromo bunemu bamo'i uvē'e hōjo.

<sup>21</sup> Ēhi jiamu ae gōehu uēv'ē'oho: Aveho ro gahējo. O arueho va'o gahējo. God-hu uavē'ēro bōrōme namiromo ajamui'irōhe aho aviae o aruae hō uēv'ē'oho nadi maho uehorovorējo.

<sup>22</sup> Ēhesi bēhoho rabēniajo. Ae aho'obēhe rueromo sarerēmiromo uēbe va'a'aruējo: God-hu uev'ēro bōrōme namiromo ajēmi'irode aho jevajējo o jō God-aro baeromo majēhijaje ae jevajējo. Sarerēmiromo ēhi majēhiromo bogo gavaru mu masijoho vadenōvo'aruējo eni jēvego God-hu sōjēvade aribōvioho sarerēmego rireromo'irōhego.

<sup>23</sup> Rōhu jemēro avoho mueberovorējo. Ijonō jiorōhe jōho na urimo majēhijē'e jevajējo. Ēhuni sareri'e jōho nadi maho uehorovorējo.

<sup>24</sup> Rôhu ë huë vavaeni majaho barë'iramu evare maja nunoho ramoramovoromo manaroho duorohoromo

<sup>25</sup> jijoho sisërë'amoromo ö'idöre inömoho aho'o arua anumiae va'o'amo'ajëjo.

<sup>26</sup> Èhi'o'iramu sa'are raromarue ariböviohuro ae aho'obëhe ga'a'aruëjo God-are A Maho naro darugo'o aji'o börömo mae baeromo suere ruvebi'iramu.

<sup>27</sup> Ruvebiromo nasi anerahu rëmö'ö'iramu ro God-hu søjëvade aribövioho gagovëvo'aruëjo. Arua anumiae sa'ae dinö'te dinö'te maja rojomajire beva'ajire jioruomajoho gagovëvo'aruëjo.

*Mesehu gumutivego Jew rajo jabesi vama maja dunovaje uhu jöhoje.*

<sup>28</sup> Rôhu meso hesi uhu jöho heromo bëhoho avoho uehorovorëjo. Gavaruje mesoho gumutivoromo rahego garomo evare jemë uvaruje höjo: Jew rajo nosi vama majaho iae dunovajëjo.

<sup>29</sup> Èhesi bëhoho jemë ga'irarije naehu uëvodëhi mue gö gö rovamu gavë'iroho uvorëjo: Èmajaho iae rovajëjo.

<sup>30</sup> Ave jöho na jö mae uë'ië'ajëjo. Ave jaruvore raromaruje aribövioho jemë bogo vuovo barëjë'iro evare naehu uëvaje mue aho'obëhe rue'a'ajëjo.

<sup>31</sup> Ö'idöe sa'ae bövie bise'e barë'i nasi jöho gemu bogo barë'ajëjo.

*Iesuhu vuonorö'ö rueröhe maja no bogo gavarue jöhoje.*

<sup>32</sup> Rôhu ë majaho divare jio'iröhoho aho bogo gavarüjo. Ö'idöre raromarue anerahu'o Harihoho na'o bogo ga'i hesi Vavuohuro gemuëro gavajëjo.

<sup>33</sup> Avoho mueberovorëjo. Gavë'iajo. Jemë'o ë majaho bogo gavarujëjo.

<sup>34</sup> Èhesi jöho uhu'e majëhi'ië'ajëjo avoho he'irarijego. Ae gemuëro öre gö va'ië'ajëjo. Amore jioromo va'ië'iroho hesi mu vaejaharue aribövioho ae gö gö mue gö gö bojëmibe va'a'ajëjo jaburo simane vaeromo ë muoho muebejaho'iröhego. Bojëmibe va'oromo hesi osa ojo muebejaje aho ua'a'ajëjo: Ojoho avo'avoho muebenëjo. Osa arijo'ohuro ëhi ë'a'ajëjo.

<sup>35</sup> Èhesi bëhoho na ë osa arijo'oho va'ëne jevajëjo. Na divare vuonorö'ö rue'irodoho jemë bogo gavarujëjo. Nani vö'ö'te o vahi riri'e o sisonuvo'i titimo'iramu o sisonuvo'iramu rue'ejöjo. Jemë bogo gavarujëjo. Èhuni muoho avo'avoho mueberëjo.

<sup>36</sup> O bogo nuni jioromo mu avoho muebejë'oho nani na ma-majioho rue'i ga'ejöjo jemë momorö'ö uro'amë'e jëvo'iramu.

<sup>37</sup> Na jemë uëvajëhi ae aho'obëhe ëhi gemuoho uëvajëjo: Nune jioromo muoho avo'avoho mueberëjo.

## 14

*Jew rajo a masijehu Iesu ano'i jö mevare jöhoje.*

<sup>1</sup> Iae God-hu Vörö Tugohade Sörö o I Dë Huaje Oso Rumo'e Sörö jiamëhi i'iröhoho jio'i rôhu jaruvëhi priest masijohu'o Jew rajo jögoru öri röjëhjarue ariböviohu'o ëho jaburo öre nahareje Iesu saginiëri guduamoromo ano'iröhëro.

<sup>2</sup> Öre nahoromo uarovareje: Sörö majaroho bogo guduamo'ëjarëjo aëro göromo no'o muorovojöëni.

*Magonahe gemuehu ridi'e jovehu Iesuarë simanore otehodivade jöhoje.*

<sup>3</sup> Èhi'amu Iesuro Bethani amore rueromo sino jomo'e ae Simon-are osare ro hiromo ie ijadeje. Ie ijamu gagorovo magonahe gemuëro munë huono mabëhe baeromo rovadeje. Èhuono gagore ridi'e osoho jië'e jiadeje. Osoho bogo jovo'oho buaröhë'e ma-oso maemu jiadeje. Oso ihoho nard jiadeje. Rôhu hesi manaho bogo bise'o vadu'oho jiadeje. Magonahuro ë munë gagore jiaje osoho barueromo munëho hahovoromo Iesuarë simanore otehadaje.

<sup>4</sup> Simanore otehamu gagorovo ae göëro göëro dë vörönëgamu jö sisë atoromo uarovareje: Èmagonahoho rabëni osoho ëma otehö'öjajëjo.

<sup>5</sup> Aro imo'ibejarëjo 300 kina iosiramijë'e manaho bövi mae bae'ibejarëjo. Èmanaho baeromo bövi bise'o rumo'e aribövioho suvuorëmi'ibejarëjo. Èhi jië'oho iae mae jio'ibejajo. Rôhu huro ëma otehö'öjade höjo. Èhi uarovoromo magonahoho birevareje.

<sup>6</sup> Birevamu hegorovo Iesuro uëvadeje: Èmagonaho birevarujoho vuonugohëjo. Jemë rabëni magonahoho huë vavaenoho bojamijarujëjo. Huro na mabëhe avohevë'e höjo.

<sup>7</sup> Bövi bise'o rumo'e ariböviohuro jemë'o raromobe jijihö'aruëjo. Jemesi nimoromo jabumë ajëmijë'oho iae jemë eni jëvaje höjo. A'i naro jemë'oho bogo hibe juvo'ejöjo. Ijonö ëhi avohevo'irarijoho bogo eni jëvo'ajëjo.

<sup>8</sup> Ĕmagonahohuro rabe eni jiadoho ĕho nasi ōrIRE mae avohevade hōjo. Mae avohevoro mo nasi sinore otehade hesi bĕhoho nasi sinoho avohehade hōjo ĕhuro nasi sinoho mae jevego aĕro hure bamevoruomorōhego.

<sup>9</sup> Ave jōho na jō mae uĕ'iĕ'ajĕjo. Sa'ae dinō'e dinō'e aehu nasi jō ma majĕhibe jijihĕ'iroho ĕ magonahehu ĕ'ade jōhu'o majĕhibe jijih'o'aruĕjo aĕro hu mae uehorovoruo-morōhego.

*Judas-hu Iesuni Jew rajo a masijo hiruĕmade jōhoje.*

<sup>10</sup> Ĕhi'amu Iesuare ijoraje 12 rōhu gemuĕro Judas Iscariot-ro va'oromo priest masijoho uĕvadeje: Jemĕ nĕgĕ'o'ho na Iesu jemesi ōvore bojĕmi'ĕjōjo.

<sup>11</sup> Bojĕmi'ĕjōjamu hegorovo nimorohoromo uavareje: Iae mae hōjo. Ĕhi jĕ'o'ho no ijo baje mana bojami'ĕjarĕjo. Ĕhi uavamu hegorovo Judas-ro ōre nahadeje Iesu jabesi ōvore bojĕmi'irōhĕro.

*God-hu Vōrō Tugohade Sōrō Iesumĕhu ijare jōhoje.*

<sup>12</sup> I Dĕ Huaje Oso Rumo'e I ibe va'irōhe majaho aevoromo rovadeje. Aevoromo rovaje majaho rue'ego Jew rajĕro sheep harihoho muo'amonōvareje God-hu Vōrō Tugohade Sōrōho i'iro. Amo ĕ majaho rovamu gagorovo Iesuare ijorajoho jaburo Iesu uavareje: Ja nagajoho no dinō'e va'oromo sōrōho avohaho'ĕjarĕjo.

<sup>13</sup> Avoho'ĕjarĕjamu Iesuro hesi ijorajoho niō'i uĕvadeje: Jerusalem amo bōrōmoro va'orĕjo. Va'i ga'a'arujĕjo aĕro jovo'e ramaho simanĕro baeromo ro birohĕvo'iramu.

<sup>14</sup> Ro birohĕvego va'oromo ga'irarije hu di osare rumo va'ego gagorovo jemĕ'o ĕ osaro va'oromo osa arijo'oho uarĕjo: Tisahuro uvade hōjo: Osaho dinō'e hōjo naehu nasi ijorajoho jabu'o gemu mae sōrō i'irodoho. Ĕhi uarĕjo.

<sup>15</sup> Ĕhi ua'iramu osa arijo'ohuro jemĕ hu'iraejĕvoromo vuahure ajiomoromo dōre osa bōrōmoho rōjĕhi'a'ajĕjo. Rōjĕhi'iramu ga'a'arujĕjo maratue bōvie bise'e eni avohoromo bahijĕ'e jio'iramu. Ĕhi jiamu gavĕ'iroho ĕ dirō'oro sōrōho avohorĕjo jemĕ'o no'lo ĕ i'irōhe.

<sup>16</sup> Ĕhi uĕvamu rue ae niō'iohuro ri'ōromo Jerusalem va'areje. Va'oromo gavare Iesuhu uĕvadĕhi bōvioho bise'o'ho ĕhi jiamu gagorovo sōrōho avohareje.

<sup>17</sup> Ĕhi'amu vahiromadeje. Vahiromamu gagorovo Iesuro hesi ijoraje 12-ho jabu'o gemu mae rovadeje.

<sup>18</sup> Rueromo ioho ijĕ'i Iesuro uĕvadeje: Ave jōho na jō mae uĕ'iĕ'ajĕjo. Jemĕ ae gemuĕro na bijōnegarue aribōvi jabesi ōvore bojĕmi'anuĕjo. Ĕaho ja aviae na'o ie ijanuĕjo.

<sup>19</sup> Ie ijanuĕjamu hegorovo jaburo uehore gō gō baeromo ae gemuĕro gemuĕro uavareje: Na bogo ĕhioho ĕ'ĕjōjo. Na na mae uavajĕjo.

<sup>20</sup> Mae uavajĕjamu hegorovo uĕvadeje: Ae aho'obĕhe 12 rōhu gemu naehu i hevōre ba'amo'ego hu'o gemuore ba'amaje ahuro ĕ mu sisĕho vae'a'ajĕjo.

<sup>21</sup> God-are surire jajivarĕhi hesi A Maho na ĕhi guomevo'ajĕjo. Rōhu na bijōnegarue aribōvi jabesi ōvore bojĕmi'irōhe aho vaevĕ'o'ho sisĕrĕ'ajĕjo. Ĕaho bogo raho'ibejajo ĕhuro mae jio'ibejajo.

*Sino'o kō'o aevoromo ijare jōhoje.*

<sup>22</sup> Ĕhi uĕnugoromo ioho ue'ahoromo Iesuro ioho baeromo God mae uanugoromo ato'atovoromo hesi aribōvioho suvuorĕmiromo uĕvadeje: Baĕhĕjo. Aveho nasi sine hōjo.

<sup>23</sup> Ĕhi'onugoromo enatuore jovoho baeromo God mae uanugoromo bojĕmadeje. Bojĕmamu ae aho'obĕhe ĕ jovoho ibe rova'areje.

<sup>24</sup> Ibe rova'amu Iesuro uĕvadeje: Aveho nasi kōe hōjo. Ae aho'o jemesi jōĕni kōho rovevoromo guomevo'ajĕjo. Guomevo'iramu ĕhuro God-hu jemĕ muebejĕvo'irōhe jōgoroho marĕ'ajĕjo.

<sup>25</sup> Rōhu ave jōho na jō mae uĕ'iĕ'ajĕjo. Na ijoho ō'i bajo jovoho bogo i'ĕjōjo hujeji ĕho majaho rovego evare na God-hu muebejaje ōri ari'ere hiromo ō'i bajo jovo i'oho i'irodĕni.

<sup>26</sup> Ĕhi uĕnugoromo God rajahijarue jōho ioruomoromo suorovo va'oromo Olives Dahorure iojomareje.

*Peter-hu Iesu gavaje jō a subivĕhorōhe jō Iesuhu majahijadohoje.*

<sup>27</sup> Olives Dahorure iojomoromo Iesuro hesi aribōvioho uĕvadeje: Jemĕ ae aho'obĕhe nasi ōrIRE mae uehorovevarujoho vuonugo'i remo va'a'arujĕjo. Ĕhesi bĕhoho God-are surire jōho jajivoromo uvĕ'e hōjo: Sheep muebe'amaje aho God naro ano'ĕjōjo. Ano'iramu huhu muebe'amade sheep-oho jaburo arua anumiae va'o'amo'ajĕjo. God-are jō jiajĕhi ĕhi remo va'a'arujĕjo.

<sup>28</sup> Remo va'iramu guomoromo ri'ōnugoromo naro urimo Galilee va'ĕjōjo. Jemĕ ijore ō'a'arujĕjo.



<sup>29</sup> Ĕhi uēvamu Peter-ro ri'ōromo uavadeje: Nani a ioro'ioroho jasi ōrire uehorovaruoho vuonugo'i ramo va'a'aruējo rōhu na bogo ēhioho ē'ejōjo.

<sup>30</sup> Bogo ēhioho ē'ejōjamu Iesuro Peter uavadeje: Ĕhi uevanuējo rōhu ave jōho na jō mae ua'iē'ajējo. Jaruvo vahire kōkōrōkoho bogo urimoho vae niō'i uvē'e jero urimo vae niō'i gemu ae uē'a'anuējo: Na Iesu bogo gavaje hōjo.

<sup>31</sup> Ĕhi uē'a'anuējamu hegorovo Peter-ro ma-darugo'o uavadeje: O na bogo ēhioho ē'ejōjo. Aehu anegamu ja'o gemuore guomo'iē'iroho na bogo ēhioho majēhi'ejōjo. Bogo majēhi'ejōjamu Iesuare aribōvi ioro'ioroho aho'o jabu'o ēhi gemuoho Iesu uaruomadeje.

*Iesuhu Gethsemane sa'are hiromo God-are ōrire ēninamijade jōhoje.*

<sup>32</sup> Ĕhi uanugoromo Iesu'o hesi aribōviohu'o va'oromo ōri ari'o ihe Gethsemane rovaraje. Rueromo Iesuro uēvadeje: Avehuro raromohego na aruēre va'oromo God-are ōrire jōe jōvōjo.

<sup>33</sup> Ĕhi uēnugoromo Peter James John ēhi sō ujuoho va'oromo hesi dē vōvōbajo'o uhure huē vavaene aho'o rovamu sisē maro nurunurumadeje.

<sup>34</sup> Nurunurumoromo uēvadeje: Na sisē maro huē vavaene baejevajējo. Ĕhuro guomevo hesi hōjo. Ĕhuni nadi momorō'ō'i ma-nune jioromo na'o gemuoro avoho mueberovē'e raromohējo.

<sup>35</sup> Ĕhi uēnugoromo rori'o ēgo'o va'oromo sa'are behumoromo God ēninamijadeje ēhuro eni jiego vi'ehoho bogo bae'irōhēni.

<sup>36</sup> Ĕninamiromo uavadeje: Apo mue aho'o vae'iranoho ja eni javajējo. Ĕhuni i'ue huē vavaene nasi ōrire rovajoho ahego na bogo bae'irōjo. Rōhu naehu nimajoho nadi ē'i jaehu nimanuēhi ēhi ē'onējo.

<sup>37</sup> Ĕhi ēninaminugoromo vuonorō'ō rueromo gavade hesi ae niō'i gemu momorō'ōjamu gēgorovo Peter uavadeje: Simon-ajo. Rabēni niavanuējo. Majae ma-bunemu nune jioromo mueberovē'e hi'iranoho ja diehi'oromo bogo eni javajējo.

<sup>38</sup> Jemēro nune jioromo mueberomo ēninamihego God-ro ajēmego Satan-ro bogo dinēmego ēhuro bogo bejēvo'irajo. Jemesi aru'ahoho mu mae vae'i nimo'i jemesi sino haho'oho u'uhē'e hōjo.

<sup>39</sup> Ĕhi uēnugoromo rōhu maho va'oromo urimo ēninamiromo uavade jōe gemuoho ēninamijadeje.

<sup>40</sup> Ĕninaminugoromo vuonorō'ō rueromo gavadeje jabumē nunēhimo'amo'ego momorō'ōjamu. Rueho jaburo momorō'ōjē'ero ri'ōromo Iesuare ōrire jō mana ua'irōhoho dadivēvadeje.

<sup>41</sup> Dadivēvamu Iesuro urimē'i vae niō'i va'oromo ēninamijadoho rōhu maho va'oromo ēninamijadeje. Ĕninaminugoromo rueromo uēvadeje: Jemē diehi'oromo ma-momorō'ōemu momorō'ōjarujējo. Iae mino'ējo. Iae barē'ajējo. Majaho mami'e rovē'e hōjo. Aēro God-are A Maho na bijōnegarue aribōvi jabesi ōvore bojēmi'iē'ajējo.

<sup>42</sup> Ri'ōromo go va'ohogo va'arējo. Gahējo. Na bijōnegarue aribōvi jabesi ōvore bojēmi'irōhe aho rovajējo.

*Iesu guduamare jōhoje.*

<sup>43</sup> Ĕhi uēvamu gavē'i Judas rovadeje. Iesuare ijoraje aho'obēhe 12 rōhu Judas hu'o jabesi ae gemuoho jiadeje. Judas rovamu ae aho'obēhe siravae kepatae ujuohoromo hu'o rueruomadeje priest masijohu'o Jew rajo jōgoru ōri rōjēhjarue aribōviohu'o a duvaho ioro'iorohu'o ēho jaburo rēmō'ōjē'ero.

<sup>44</sup> Rōhu urimē'i ē sareri'e aho Judas-ro ē aribōvioho uēvadeje: Ga'irarije naro di aho dudōhamu gavē'oho uvorējo: Iae Iesu hōromo guduamoromo hu'iraeromo avoho muebebe va'orējo.

<sup>45</sup> Judas-ro ēhi uēvē'ero huro rueromo ma-burēro ro Iesu jejamiromo Bada uavē'i dudōhadeje.

<sup>46</sup> Dudōhamu gavē'i ē aribōviohuro Iesu guduamareje.

<sup>47</sup> Guduamamu ae gemu Iesuare bēhire namijaduhuro hesi kaejōho jijōromo priest bōrōmo hesi mu vaejaje aho anoromo hia'oho tariō'ōjahadeje.

<sup>48</sup> Ĕhi'amu Iesuro ē rueruomade aribōvioho uēvadeje: Aveho na bogo vajiohu'e anano'e aehujevajējo. Jemē rabēni siravaho kepataho ujuohoromo guduamevo'i rovarujējo.

<sup>49</sup> Mami'e majae aho'o naehu God-are amo bōrōmore hiromo God-are jō hesi ōri a rōjēhinōvodoho jemē evaroho bogo guduamevarije hōjo. Rōhu jemēhu vaejaruje muoho ē hesi jō God-are surire jajivarēhi muoho ēhi jiorōhego ēhuni ave muoho rovē'e hōjo.

<sup>50</sup> Ĕhi uēvamu hesi ijoraje aho'obēhe hu nugo'i huruomoromo va'areje.

<sup>51</sup> Va'amu a i'e gemuëro niöge hane gemu ruohë'e Iesuare ijore va'adeje. Iesuare ijore va'amu aëro guduamo'ia'amu

<sup>52</sup> niögoho jaho bu'önugoromo dë'ahobatëremu ju'ebirimo va'adeje.

*Iesu Jew rajo a masijo jabesi nunire namijade jöhoje.*

<sup>53</sup> Èhi'amu Iesu hu'irae rueromo priest börömo hesi osare rovareje. Èosare priest masijoho a duvaho ömo'ömoho jögoru öri röhëhijarue aribövioho ë aribövioho aho'obëhe jaburo ë gemuoro gagovareje.

<sup>54</sup> Ae priest börömo hesi osare barovamu Peter-ro arue riribövire Iesu rihimoromo priest börömo hesi osare rovadeje. Rueromo osare rumo va'oromo abo osa ririre ruë numë javue vae'i riroho ma-va'oraho nugarire ë va'oromo priest hesi mu vaeruomaje ariböviohu'o gemuore hiromo vënoho jurovadeje.

<sup>55</sup> Èhi'amu priest masijohu'o a masijo ioro'iorohu'o ae nahareje jaburo huruoho majëhiromo uëröhego: Iesuro ëhi jië'e mu sisëho vaejumu gavare höjego heromo Iesu anego guomoröhego. Nahareje röhu jö sisëho bogo birohareje.

<sup>56</sup> Ae aho'o sarerëmiromo Iesuare jö sisëho majëhiromo ae göëro göëro jöe gö gö majëhijareje.

<sup>57</sup> Ae göëro göëro jöe gö gö majëhijuvu a ioro'iorëro ri'öromo sarerëmiromo Iesuare jö sisëho huruoho majëhiromo uëvareje:

<sup>58</sup> Èahuro ëhi uvavohijajo: Ave God-are javu börömo naro dadovo'ejöjo. Dadovoromo majae niö'i gemu hesi uhure javu i'oho vae'ejöjo. Urimore javuoho aëro övëro vaejare höjo. A'i ijore javuoho ëho bogo övehu vaejë'oho jio'a'ajëjo. Èhi uvade höjo.

<sup>59</sup> Jöho ëhi majëhijareje röhu jabu'o jöe bogo gemuoho majëhi'i ae göëro göëro jöe gö gö majëhijareje.

<sup>60</sup> Jöe gö gö majëhijamu hegorovo priest börömo huro ri'öromo ae aho'obëhe jabesi nuninö va'o namiromo Iesu uavadeje: Na ja jö mana uö'iranoho bogovavëjjo. Aehu jasi jö sisë majahujjaruoho na ëho mae o sarere höjo.

<sup>61</sup> Mae o sarere höjumu Iesuro jöho bogo mana ua'i ma-jörume namijadeje. Jörume namijamu priest börömo huro röhu maho jöe gö bu'öromo bijioho garomo uavadeje: Böröme namiromo ajamuijanue aho na ja javajëjo. Na ja noehu rajahijarue A hesi Hariho javajëjo.

<sup>62</sup> Javajëjumu uavadeje: Iae na ë aho jevavëjo. Röhu u'emu jemëro ge'a'arujëjo God-are A Maho naro darugo eni jië'e A hesi övo manö hi'iramu. Ö'idöre jio'amaje suehu'o gemu mae ruvebi'iramu.

<sup>63</sup> Èhi uvavumu hegorovo rue priest börömo huro hesi niögoho dadovoromo uëvadeje: Iae eni jië'e höjo. A göho rabëni rueromo hesi jöho huruoho majahujjöräjo. Iae no eni hejë'e javuajëjo.

<sup>64</sup> God-are iho ijumajoho jemë'o iae hejarujëjo. Èhuni jemë diehi uehorovarujëjo. Diehi uehorovarujëjumu uavareje: Jö sareri'e aego ano'iramu guomo'a'ajëjo.

<sup>65</sup> Èhi uanugoromo a ioro'iorëro ri'öromo Iesu sabëro ödivoromo nunoho tugohahoromo övo mugö mugöëro anareje. Anoromo sivoromo uavareje: Na jö God-aro baeromo majëhijaje ae jevavë uövuanue javaje ëhuni anagare aribövi jabesi ihoho huruoho majahujjege hejarëjo. Èhi uvavumu Iesu atovarue ariböviohuo Iesu baeromo sisë maro ano'i arijareje.

*Peter-hu Iesu gavaje jö a subivëhade jöhoje.*

<sup>66</sup> Èhi'amu Peter-ro anume aehu raromaruire ë hijadeje. Hijamu priest börömo mu ajamijarue magonahoho röhu gemuëro rovadeje.

<sup>67</sup> Rueromo gavade Peter hiromo vëne jurovamu gagorovo ërimahoromo uavadeje: Ja'o Nazareth amo rajo ae Iesu'o gemu mae javade höjo.

<sup>68</sup> Javade höjumu Peter-ro magonahoho sareramiromo uavadeje: Jaehu jövanue jö hesi bëhoho na bogo garomo bogo hejajëjo. Èhi uanugoromo ojonö va'o namijadeje. [Namijamu kököröke uavadeje.]

<sup>69</sup> Amo Peter-ro ëhi namijamu gagorovo priest börömo mu ajamijaje magonahohuro Peter garomo hesi bëhire riravarue aribövioho uëvadeje: Èaho Iesuare aribövi jabesi ae gemuoho höjo.

<sup>70</sup> Iesuare aribövi jabesi ae gemuoho höjumu Peter-ro röhu maho sareramiromo uavadeje: Na bogajo.

Èhi uvadoho ririvanovumu bëhire riravaroho jaburo Peter uavareje: Iae mae-ëjo. Iesuare aribövi jabesi ae gemuoho javajëjo. Ja'o hu'o Galilee sa'a raje jëvë'ego ëhuni uavaruëjo.

<sup>71</sup> Uavaruējāmu Peter-ro uēvadeje: Na jemē sarerēmijē'oho i'ue baejōēni ēhuni na jō mae uēvajējo. Jemēhu uevaruje aho na bogo gavaje hōjo.

<sup>72</sup> Bogo gavaje hōjamu gavē'i kōkōrōko urimo vae gemu uvadoho rōhu maho uvadeje. Uvamu hegoro Peter-ro uehorovoromo uvadeje: O mami'e Iesuro uevade hōjo: Kōkōrōkoho bogo urimoho vae niō'i uvē'e jero urimo vae niō'i gemu ae uē'a'anuējo: Na Iesu bogo gavaje hōjo. Ēhi uehorovoromo sisē maro nivadeje.

## 15

*Iesu Pilate-are nunire namijade jōhoje.*

<sup>1</sup> Iae sisonuvo'ia'amu gagorovo priest masijohuro a duvaho ōmo'ōmohuro Jew rajo jōgoru ōri rōjēhijarue aribōviohuro jō mevarue a masijo ioro'iorohuro ēho jaburo gemuore gagovoromo jōe mevoromo uvoruomadeje: No Iesuare ōrire ēhi ēhi ē'ejarējo. Ēhi mevoromo eni jiamu gagorovo Iesu tōvoromo bava'oromo Pilate-are ōvore bamareje.

<sup>2</sup> Bamamu Pilate-ro Iesu uavadeje: Na ja Jew rajo jabesi a bōrōmoho javajējo. Javajējamu Iesuro uavadeje: Ējōho jero jasi jōvanuējo.

<sup>3</sup> Ēhi uvamu priest masijohuro Pilate sareramiro mo Iesuare jō sisēho aho'obēhe huruoho majahijareje.

<sup>4</sup> Majahijamu Pilate-ro Iesu rōhu maho jōe ua garomo uavadeje: Jasi jō sisē aho'obēhe majehijaruoho ja hejanuējo. Na ja jō mana majēhi'iranoho bogojavajējo.

<sup>5</sup> Bogojavajējamu Iesu jōho bogo mana majēhamu Pilate-ro uvadeje: Diehi'oromo jōho bogo jōvajēromo tiōjadeje.

*Iesu anego guomojōro Pilate-hu uēvade jōhoje.*

<sup>6</sup> Rōhu God-hu Vōrō Tugohade Sōrō maja rovē'iroho savoji gagore raromarue aribōvioho di aho jiovo nugō'ōjōro aehu uvoruomē'oho Pilate-ro ē aho jiovo nugō'ōnōvadeje.

<sup>7</sup> Rōhu ae gemu hesi ihe Barabbas savoji gagore hijadeje. Urimē'i sa'are a masijohu'o muorovare majaho jiamu ae aho'o sa'are a masijohu'o muorovoromo ae muo'amareje. Ae muo'amē'ēro savoji gagore raromareje. Rōhu ae gemu Barabbas jiadeje.

<sup>8</sup> Barabbas savoji gagore hijamu amonō gagovoromo riravare aribōvioho ae aho'obēhe jaburo rueromo Pilate uavareje: Savoji gagore raromaruoho noehu uavego jiovo nugō'ōjahuanuēhi ēhi ē'onējo.

<sup>9-10</sup> Ēhi ē'onējamu Pilate-ro gēromo uvadeje: Iesuare ihoho bōvie jiē'ego priest masijohuro dē vōrōnēgamu nasi ōvore bojemijare hō uvoromo uēvadeje: Na jemē nēgajējo naro Jew rajo jemesi a bōrōmoho jiovo nugō'ōjōro.

<sup>11</sup> Ēhi uēvamu priest masijohuro ae aho'obēhe birivoromo dinēmijamu hegorovo jaburo uvoruomadeje: Iesu vuonugo'i Barabbas jiovo nugō'ōjējo.

<sup>12</sup> Ēhi uvoruomamu hegorovo Pilate-ro uēvadeje: Ēhi jiē'oho jemēhu uvarujoho: Jew rajo nosi a bōrōme hō uvaruje ē aho na diehi'o'ejōjo.

<sup>13</sup> Diehi'o'ejōjamu uvoruomadeje: Korosioro anego guomajo.

<sup>14</sup> Guomajamu Pilate-ro uēvadeje: Rabēniajo. Diehi jiē'e mu sisē vaejē'e hōjo. Vaejē'e hōjamu ma-darugo ma'e uvo'i arijareje: Korosioro anego guomajo.

<sup>15</sup> Guomajamu hegorovo Pilate-ro ē aribōvioho aho'obēhe sanuēmi'i nimamu Barabbas jiovo nugō'ōjadeje. Barabbas jiovo nugō'ō'i Iesu hisuebijōro uēnugoromo uēvadeje: Ave aho bava'oromo korosioro anohego guomajo.

*Muorovo aribōviehu Iesu sivare jōhoje.*

<sup>16</sup> Ēhi uēvamu rue muorovo aribōviohuro Iesu hu'irae bava'oromo gavanare osa bōrōmore va'areje. Osa bōrōmo hesi ihoho praetorium uvonōvareje. Va'oromo jabesi muorovo aribōviohuni jōe nugō'ōromo uēvareje: Jemē aho'o avehuro ro gagovohējamugo ro gagovareje.

<sup>17</sup> Gagovoromo Iesu sivo'irōgoro sa'are a masijehu kavuē'e niōgu ēgo io'amoromo mu vaejarue ēhi jiē'e niōgoho Iesu ba'amahareje. Ba'amahoromo a masijehu bosō didi'arue ēhi jiē'e bosōho Iesuare simanore didi'ahareje. Rōhu bogo inōmo maho baeromo bosōho avohaho'i bibē'e ijo hisuoho ujuohoromo huoromo simanore ba'amahareje.

<sup>18</sup> Ēhi'onugoromo sivoromo jejamiromo uavareje: Jew rajo jabesi bōrōmoho vaevē'e hijanuējo.

<sup>19</sup> Vaevē'e hijanuēromo ijahēro simanore anoromo sabēro ōdivoromo ēma sarere ague aho raromoromo rajahijareje.

<sup>20</sup> Ēhi sivoruoromo niōgu ēgoho jijōvaho'i hesi niōgu maho io'amahoromo osare jioromo hu'irae bava'areje korosire ano taemo'i.

*Iesu korosire ano taemare jōhoje.*

<sup>21</sup> Bava'oromo örire va'ihö gavareje ae gemu hesi ihe Simon muro jji'ëro rovamu. Röhu Simon hu Cyrene sa'a rajo ae jiadeje. Hu Alexander'o Rufus'o jabesi vavue jiadeje. Amo Simon-ro örire rovamu gagorovo muorovo ariböviohuro hu garomo övëro hijimö'öromo uavareje: Ave a hesi korosioho baeromo va'ëjo.

<sup>22</sup> Baeromo va'ëjamu ejëhoromo baeromo jabumë aho'o va'aroho ajiomoromo sa'a ihe Golgotha nosi huëhu huotovë'oho simano gijo va'ëne sa'are ë ajio suorovareje.

<sup>23</sup> Suorovonugoromo wine jovohu'o myrrh osohu'o buaroharoho Iesu bojamareje hesi vi'ehoho bisemu u'uhoröhego. Bojamamu juahëmadeje.

<sup>24</sup> Juahëmamu korosire ano taemareje. Ano taemoromo hesi niögohu adovoromo ajajovareje ga'i di aho di niögohu bae hesi jiego. Ajajovonugoromo niögohu ujuohareje.

<sup>25</sup> Röhu Iesu korosire ano taemare majaho 9 o'clock sisonu'e jiadeje.

<sup>26</sup> O Iesuare jö sisëho jajivoromo ëhi uvë'e jiareje: Ave aho Jew rajo jabesi a börömo ho hjo.

<sup>27</sup> Röhu aëro anano'e vajiohu'e ae niö'i jabu'o korosire ano taemëvoromo göho ruëhi Iesuare övo manö göho viëhi övo adonö ëhi amëvareje.

<sup>28</sup> [Amëvamu Iesu ë a sisë niö'i jabesi ririre korosire iromadeje. A sisë jabesi ririre iromadohuro ëhuro ëhi ë'iröhëgo God-are surire jö aehu jajivadëhi iae ëhi jiadeje. God-are surire jöho jajivoromo uvë'eje: Aëro uvoruomë'e hjo: Hu jö ahoruomaje ariböviohu'o gemuore hjo.]

<sup>29</sup> Èhi'amu aëro rova'ë'i uvene hijiohijiovoromo sivoromo uvoruomonövadeje: Asë'e sareri ae javajëjo. Jero uvane hjo: Naro God-are osa börömo ho dadovoromo majae niö'i gemu hesi uhure röhu maho vae barë'ëjjo.

<sup>30</sup> Èhi uvë'e javaje ëhuni jasi sinoho ajamirovoromo korosire javajoho ruvebijëjo. Sivoromo ëhi uvoruomadeje.

<sup>31</sup> Jabuhu sivarëhi priest masijohu'o jögoru öri röjëhijarue ariböviohu'o ëhi sivoromo uarovareje: Èhuro uövuade hjo: Naro a ioro'ioroho ajëmëgo marëjëvaje hjo. Èhi uövuade hjo röhu hesi sino ajamirovë'oho hu bogo eni hjo.

<sup>32</sup> Huro uövuade hjo: Böröme namiromo jemë ajëmaje aho na jevajëjo. Israel rajo jemesi börömo ho na jevajëjo. Èhuni nadi'ego hu korosire jioromo ruvebijëgo no garomo hu mae uehorovarëjo. Èhi uarovamu ë ae niö'i hesi bëhire korosi'o amëvare aho jabu'o Iesu sivarëje.

### *Iesu guomade jöhoje.*

<sup>33</sup> Èhi'amu maja ririre öri ari'e aho'o ramoramovadeje. Ramoramovobe va'öjuvo majae huotorovamu gavë'i ajivadeje.

<sup>34</sup> Majae huotorovoromo ajivamu gavë'i Iesuro Jew rajo jabesi jöëro ma-darugo'o uvadeje: Eloiajo. Eloiajo. Lema sabaktaniajo. Nosi jöehu huotovë'oho God nasi Böviohajo. God nasi Böviohajo. Ja rabëni remo va'ane hjo.

<sup>35</sup> Remo va'ane hjojamu bëhire riravare a ioro'iorohuro hejare uvavamu: Eloia uvamu heromo uarovareje: Èho hehëjo. Elijah-ni uvajëjo.

<sup>36</sup> Èhi uarovoromo ae gemuëro tutuvo va'oromo u'uhë'e inömo ho barueromo nioga'i'e wine jovore ba'amoromo rumorovamu ioromo ijaho viture bijiohoromo Iesu bojami'ië'adeje. Bojami'ië'oromo ariböviohu uëvadeje: Nadi'ego no gavarëjo Elijah-ro God-arire jioromo ro Iesu juvo baruvebijëgo o bogo.

<sup>37</sup> Èhi uëvamu Iesuro jö'e dadovoromo guomadeje.

<sup>38</sup> Guomamu gavë'i God-are osa börömo ojo göho gagonö jiajoho niögëhu tugoharoho arorovo ruvebijadeje.

<sup>39</sup> Èhi'amu muorovo simano vaejaje ahuro Iesuare nuninö namiromo gavade Iesu ëhi'oromo guomamu gagorovo uvadeje: Iae mae-ëjo. Ave aho God-are Harihe jiade hjo.

<sup>40</sup> Èhi'amu magonaho ömo'ömo huro arue riribövire riravoromo Iesu diehi'aruoho garuomadeje. Mary Magdalene o Mary göho James a i'o o Joses jabesi vëmohu o Salome o magonaho ioro'ioroho ëhi jioruomadeje.

<sup>41</sup> Ürimë'i Iesu Galilee sa'are hijadevare evare ë magonaho ömo'ömo huro bövie bise'e ajamibe hesi ijore ijore jijihonövareje. Èhi ë'ë'ëro ë magonahohu'o magonaho ioro'iorohu'o aho'obëhe Jerusalem amore hu'o gemu mae rovë'ëro ë riravoromo garuomadeje.

### *Iesuare sino munë gagore bamare jöhoje.*

<sup>42</sup> Röhu ë majaho bövi bise'o avohu'amarue majae jiadeje nëröho nuhoromo God rajahi'iröhëro. Èmajaho garobo'e bamadeje.

<sup>43</sup> Nuho majae rue'ia'amu majae garobo'e bamamu gagorovo Arimathea amo raje ae gemu hesi ihe Joseph-ro va'adeje. Hu Jew rajo jabesi a duvahëro jië'ëro Jew rajo a masijo ioro'iorohu'o hiromo jõe mevonövadeje. Jõe mevo'ego ae aho'obëhe hesi örire mae uehorovonövareje. Röhu ae göehu göehu ë'aruëhi hu'o ëhi muebejë'e hijadeje God-ro ro böröme namiromo aho'obëhe muebejëvoröhego. Joseph ëhi jië'e ae jiadeje. Ëhi jië'e aëro jië'ëro huro biririvoromo va'oromo Pilate uavadeje: Uevego na Iesuare sinoho bae'iröjo.

<sup>44</sup> Iesuare sinoho bae'iröjumu Pilate-ro tiöromo uvadeje: Iesu diehi'oromo ma-burëroho guomade höjo. Ëhi uvoromo jõe nugö'öjumu Iesu muebejade muorovo ahuro rovadeje. Rovamu Pilate-ro uavadeje: Na Iesu mami'e guomë'e höjo.

<sup>45</sup> Guomë'e höjumu ruehuro uavadeje: Iae guomë'e höjumu hegorovo Joseph uavadeje: Jaehu Iesuare sino baejë'oho iae mae höjo.

<sup>46</sup> Iae mae höjumu Joseph-ro va'oromo niögu mabëhe imoromo guomë'e sinoho baruvebiromo niögohuro numadeje. Niögohuro nomoromo munë ubuvarire ë bamadeje. Bamoromo munë höhö barueromo ojoho tugohadeje.

<sup>47</sup> Ëhi'amu Mary Magdalene'o Joses-are vëmoho Mary'o jaburo niö'iro ariromo gavareje Iesu ë dirö'ore bamamu.

## 16

### *Iesuhu ri'öjade jöhoje.*

<sup>1</sup> Iae Jew rajo jabesi nuho majaho barëjadeje. Jew rajo jabesi nuho majaho barëjumu Mary Magdalene o Mary göho James-are vëmoho o Salome ëho jaburo va'oromo ridi'e osoho imareje va'oromo Iesuare sinore otehoröhëro.

<sup>2</sup> Imë'ëro hura börömore sue'o majae rojomamu gagorovo ri'öromo Iesuare sino bamarire va'areje.

<sup>3</sup> Va'ë'i uarovareje: Raro ojo tugohare munëho rori'o höhö baejahuo va'a'ajëjo.

<sup>4</sup> Ëhi uarovoromo avoho ga'i gavareje mami'e rori'o bava'ë'e jiamu. Röhu ë munëho böröme jiadeje.

<sup>5</sup> Bava'ë'e jiamu gagoro va'o munë gagore rumo va'oromo gavareje rue jabesi övo manö a i'e ajivë'e niögu ba'amë'oho ë hijamu. Hijamu gagorovo jiodudu'iraejareje.

<sup>6</sup> Jiodudu'iraejumu gagorovo ruehuro uëvadeje: Nadi jiodudu'iraejëjo. Nazareth rajo ae Iesu kososire anamu guomade a hesi sinoho jemë naharujëjo. Hu aveho bogohöjo. Guomoromo ri'öjë'e höjo. Hesi sino bamare sionoho gahëjo.

<sup>7</sup> Garomo va'oromo Peter'o Iesuare ijorajo ioro'iorohu'o uëjëjo: Iesuro urimo Galilee va'iramu mami'e uëvadire jemë ë ijore va'oromo ga'a'arujë uëjëjo.

<sup>8</sup> Ëhi uëvamu ë magonaho ömo'ömhuro jiodudu'iraeromo butubutumoromo munë gagore jioromo suorovoromo huruomoromo va'areje. Va'oromo juhuonivo'i ë jöho aho bogo majëhijareje.

### *Iesuhu Mary Magdalene-are nunire rovade jöhoje.*

<sup>9</sup> [Iae hura börömore sisonuvo'ia'amu Iesu guomadoho ri'öjadeje. Ri'öromo aevo'ioho Mary Magdalene-are nunire rovadeje. Röhu urimo bogo guomade majare Iesuro ë magonaho hesi dëre jio'amaje aru'aho sisë 7 raro'omadeje.

<sup>10</sup> Ëmagonaho hesi nunire rovamu gagorovo ë magonahohuro va'oromo gavade Iesuare aribövioho huë vavaene baeromo nivoruomamu gëgorovo uëvadeje: Iesu ri'öjë'ëro hijamu gavode höjo.

<sup>11</sup> Hijamu gavode höjumu heromo bogo ma uehorovareje.

### *Iesuhu hesi ijoraje niö'i jabesi nunire rovade jöhoje.*

<sup>12</sup> Bogo ma uehorovamu Iesuro Mary Magdalene-are nunire rovamu ijönö ae niö'iro amore jioromo va'i gavareje Iesu nu ano'e gorosovë'e rovamu.

<sup>13</sup> Rovamu gagorovo jaburo niö'iro vuonorö'ö rueromo Iesuare aribövi ioro'ioroho Iesu gavare jöho majëhijumu bogo ma uehorovareje.

### *Iesuhu hesi ijoraje 11 jabesi nunire rovade jöhoje.*

<sup>14</sup> Bogo ma uehorovoromo Iesuare ijoraje 11-ho jaburo ie ue'ahamu evare ijo tugoho'i Iesu jabesi nuniroho rovadeje. Rueromo uehorovoromo uvadeje: Ave nasi ariböviohuro hejare ae göëro göëro uëvamu: Nörö ri'öjë'e jiamu noro gavare hö uëvamu heromo bogo ma uehorovare hö uvoromo birëgadeje. Birëgoromo uëvadeje: Jemë rabu hia'i birire ë'oromo naehu ri'öjode jöho bogo ma uehorovarije höjo.

<sup>15</sup> Ëhi birëgonugoromo uëvadeje: Sa'ae dinö'e dinö'e va'oromo nasi jö maho ae aho'obëhe majëhi barëjëjo.

<sup>16</sup> Ae rahu mae uehorovoromo bapataeto vaejè'o'ho God-ro baejèvoromo manö bamèvo'ajèjo. Ae rahu bogo ma uehorovè'o'ho God-ro uè'a'ajèjo: Jemè sisè jèvaje öri sisènö va'ohèjo.

<sup>17</sup> O ae rahu mae uehorovè'o'ho avièhi jìè'e bogo gavarue mu masijoho vaeruomo'ajèjo aëro èho garomo uvoruomoròhego: Iae mae-èjo. Jemè jö mae atarujèjo. Nasi ihoho uvoromo Satan-are sisè aribövi a dère jèvajoho rarovò'oruomo'ajèjo. Bogo hejarue jöëro atoruomo'ajèjo.

<sup>18</sup> Vörö'e sigobu banigojìomè'o'ho o oso sisè'e jovo ue'ahè'o'ho bogo sisèrèjèvo'ajèjo. O guomo guomo'e aribövi jabesi sinore övo bamèhè'o'ho marèjèvo'ajèjo.

*God-hu Iesu ajamamu ö'idöre ajiomade jöhoje.*

<sup>19</sup> Bada Iesuro èhi jìè'e jöho majèhiromo God-ro hu ajamamu huro ö'idöre ajiomoromo God-are övo manö hijadeje.

<sup>20</sup> God-are övo manö hijamu hesi ariböviohuro va'oromo jöho majèhibe dinö'e dinö'e jijihonövareje. Majèhibe jijiho'ego Badaro jabu'o bimuvoromo muoho ajèmi'ego bogo gavarue darugo'e muoho vaenövareje aëro èho garomo jabesi jöho mae uehorovo'iròhego. Èhi'areje. Ahia mino'e.]

## LUKE

*Luke-hu jajivade jö hesi bēhohoje.*

<sup>1-2</sup> O as'ēle Theophilus naro ave jōho jasi örire jajivo'iē'e gane. Mu böröme nosirire rov'ēje. Ēmu aevadire aëro nunëro gabe rov'ëro ë jōho ae majahuinövareje. Majahuijama ae aho'obēhe heromo ë jö gö göho gemuoro gagovoromo jajivo gavareje.

<sup>3</sup> Ēhuni ë muoho aho'o diehi diehi vaejaroho he avoho'i uë gēbe rov'ëro naro jani avoho ahorirëro jajivo'amo'i uehorovodeje

<sup>4</sup> Ēhuro jero adahoromo mami'e hejane jōho mae uehorovo'iranego.

*Badapaeto vaejaje ae John rahoröhego aneraehu majahijade jōhoje.*

<sup>5</sup> Iae Herod-hu Judea sa'a muebejadvare priest gemu ë hijadeje. Priest hesi ihoho Zechariah jiadeje. Abijah-are ujore priest ömo'ömohe Zechariah hu'o ae gemuoho jiadeje. Hesi vaboro hesi ihoho Elizabeth jiadeje. Elizabeth hu aev'o'i jiade priest Aaron-are uje jiadeje.

<sup>6</sup> Vaboro'o baru'o jaburo niö'iro Badahu bojēmade jögoroho bövioho bise'oho aho'o avoho ejahoromo hesi nunire ma-mabēhe arijareje.

<sup>7</sup> Jabumē aboji harihu'u' rumo'e jēvadeje Elizabeth dē tiovj'e magonahëro jji'ëro. Röhu mami'e mavojiraejēv'e jiadeje. Jabumē ēhi jji'e a magonaho'e jēvadeje.

<sup>8</sup> Ēhi jēv'ëro Zechariah'o hu'o gemu mae priest mu vaejarue ariböviohu'o jabesi mu majaho rovamu evare Zechariah-ro priest muoho God-are nunire vaejadeje.

<sup>9</sup> Muoho vaejama Jew rajo priest-ehu vaejaruēhi jabumëro priest ihoho jajivo'amoromo gemuore buarohoromo gemu iareje ga'i di ahuro di muoho bae hesi jiego. Ihoho ioromo gavareje Badare osa börömore rumo va'oromo ridi'e oso God-ni vënehu bueröhe muoho Zechariah-ro baejē'e jiamu. Zechariah-ro ë muoho baenugoromo ose bue'i Badare osa börömore va'irögoro

<sup>10</sup> a ioro'iorohuro aho'o amonö raromoromo God-are örire jöe atoruomadeje.

<sup>11</sup> God-are örire jöe atamu gavē'i Zechariah-ro osa börömore muoho vae'i gavadeje Badare anerae gemu nume oso buejarue maratu övo manö ro namijamu.

<sup>12</sup> Aneraho ro namijamu gagorovo jiodudu'iraeromo juhuonivadeje.

<sup>13</sup> Juhuonivamu gagorovo anerahuro uavadeje: Zechariah nadi juhuonivëjo. Jaehu God ëninamijanoho hu iae ejah'ë höjo. Ejah'ëro huro jasi vabore Elizabeth ajami'iramu huro jani harihoho raho'a'ajëjo. Rah'ë'iroho hesi ihoho John jumuvonëjo.

<sup>14</sup> Jero sisë maro nimoroho'iramu ae aho'obēhe jabu'o uvo'a'aruëjo: Mabēhe rahade hö uvoromo nimoroho'aruëjo.

<sup>15</sup> Hu Badare nunire a böröme jio'a'ajëjo. Wine jove vörö'e jove gö gö bogo i'a'ajëjo. Hu hesi vëmu hesi dëre jio'iröhire aevoromo God-are Aru'ohohuro hesi dë vövöbajo'ere simanore raro'ajëjo.

<sup>16</sup> Rarovo'iramu Israel raje ae aho'obēhe jabesi dë vövöbajo'oho huotovëho'iramu jabumëro Bada jabesi God-are örire avoho uehorovoromo'ajëjo.

<sup>17</sup> Huro Elijah-are öre daruge gemuoho baeromo ëhuro Badare jōho baeromo urimo va'a'ajëjo. Va'oromo aribövi jabesi dë vövöbajo'oho huotovëho'iramu vavu ömo'ömhuro aboji harihu'oho huë baejēvo'aruëjo. Jö bijönimarue ariböviohuro mu mae vaejarue aribövi jabesi jö maho ejëhoruom'o'ajëjo. Ēhi ajëmi'iramu evare aribövioho avoho raromoruom'o'ajëjo Bada maro rueröhego.

<sup>18</sup> Anerahuro ēhi majahijamu hegorovo Zechariah-ro uavadeje: Nasi vaboroho raho'a'ajë uevanuoho röhu na mavoje jevoromo nasi vaborohu'o mavoje höjo. Ēhi jji'öho na diehi'oromo uvo'ejöjo: Ja jö mae uevanuëjo.

<sup>19</sup> Uevanuëjamu anerahuro uavadeje: Na Gabriel jevajëjo. Na God-are nuninö namijaje höjo. Huro na remö'öjade höjo naro ja'o jöe jövoromo jaehu hejanue jö mabëhoho majahi'irodego.

<sup>20</sup> Ēhuni hejëjo. Jaehu nasi jö bogo ma uehorovanuohuni ëhuni ja jö jövanuoho bitaroho tövavo'iramu jörume hibe va'ojuvo naehu uavodëhi ēhi jio'iramu evare jōho jövo'anuëjo. Amo ë jōho bogo sareroho jio'i hesi majaho rue'iramu iae jio'a'ajëjo.

<sup>21</sup> Ēhi'amu ae aho'obēhe Zechariah mueberomo uvoruomadeje: Hu rabe ë'oromo osa börömoroho hiromo örisanuovajëjo.

<sup>22</sup> Örisanuovajëjamu Zechariah-ro amonö hörö rueromo jōho bogo majëhi varijënoho jiadeje. Jōho bogo majëhi varijënoho jiamu gagorovo rue ariböviohuro garomo uvoruomadeje: Hu God-are osa börömore hijadevare God-ro röjahamu nia'ovo'iraeromo mu

böröme gavë'ëro ëhu'ëro jöho bogo majahui varijënoho höjo. Röhu hu tövë'ëro jië'ëro jöho bogo majëhi'i ma-öväremu majëhijadeje.

<sup>23</sup> Ëhi ë'ë'ëro God-are osare mu majaho barëjamu Zechariah-ro hesi amëro vuonorö'ö va'adeje.

<sup>24-25</sup> Va'amü hesi vabore Elizabeth-ro dë'iraeromo uvadeje: Dë tioromo hiromu ae aho'obëhe jabesi nunire javoji baebe rovodoho aviavejö'e Badaro huë baejevoromo ajemamu javojoho barëjevë'e höjo. Ëhi uvoromo osaremu hijamu manaere övo gö mine barëjadeje.

*Iesu rahoröhe jöhoje.*

<sup>26</sup> Elizabeth dë'iraeromo manaere 5 barëromo röhu manaere 6-ho jiamu gavë'i God-ro anerae Gabriel nugö'öjamu Galilee sa'are Nazareth amore rovadeje

<sup>27</sup> aboride gemu jöe majahi'iröhëni. Ëborido hesi ihoho Mary jiadeje. Hu o a juvije gemu jahu niö'ihu masurovo'iröhe jöho ae aho'obëhe jabesi nunire majëhijareje. A juvije hesi ihoho Joseph jiadeje. Joseph hu Israel sa'are börömo vaenövade ae David-are uje jiadeje.

<sup>28</sup> Amo anerahuro rueromo Mary uavadeje: Vaevë'e javajëjo. God-hu huë baejavaje magonahe javajëjo. Badaro ja'o juvaje höjo.

<sup>29</sup> Ja'o juvaje höjamu hegorovo Mary-ro sisë maro nurunurumoromo uehorovoromo uvadeje: Bëhoho rabëni ëhi jië'e huë baejë'e jöho majehiromu jejemijajëjo.

<sup>30</sup> Ëhi uvamu anerahuro uavadeje: Mary God-ro jasi örire huë baejavë'e jiaje nadi juhuonivo'i

<sup>31</sup> aveho gavëjo. Jero dë'iraeromo harihe rahoromo Iesu jumuvo'anuëjo.

<sup>32</sup> Hu böröme jio'a'ajëjo. Huro ave ihoho bae'a'ajëjo Dö Mare Hijaje A hesi Harihe ë ihoho bae'a'ajëjo. Bada God-ro ë aho ua'a'ajëjo: Jasi hije David-are sionoho baeromo böröme namiromo Israel rajoho muebejëvonëjo.

<sup>33</sup> Muebejëvonë ua'iramü huro Jacob-are ujo ömo'ömocho ma-ioro'ioremu muebejëvonö'ajëjo. Bogo vuonugo'i ëhi muebejëvobe va'a'ajëjo.

<sup>34</sup> Muebejëvobe va'a'ajëjamu Mary-ro aneraho uavadeje: Iae jö mae-ëjo. Röhu aho bogo maseg'e na ëma hijajëjo. Ëhi jië'ocho diehi'oromo na dë'iraejevo'ajëjo.

<sup>35</sup> Dë'iraejevo'ajëjamu anerahuro uavadeje: God-are Aru'ahohuro ruahö'öjavö'ajëjo. Dö mare hijaje A hesi darugohuro aegahö'ajëjo. Ëhuni raho'irane a ma hesi jöho God-ro uë'a'ajëjo: Hu nasi Harihe höjo.

<sup>36</sup> Röhu aveho gavëjo. Jasi agane Elizabeth mavoje höjo röhu hu'o harihe raho'irögoro ë'ajëjo. Ae aho'obëhe garomo uvoruomade höjo: Hu dë tiojë'e magonahe höjo. Röhu hu dë'iraejadoho manaere 5 barë'i aveho 6-ho höjo.

<sup>37</sup> Rahade hesi bëhoho mue bövie bise'e vae'iröhoho God hu eni jiajëjo.

<sup>38</sup> Eni jiajëjamu Mary-ro uavadeje: Iae mae höjo. Na Badare mu vaejaje magonahe jevajëjo. Ëhuni jaehu uevanue ëhi jië'e muehu nasi örire rovë'ocho iae mae höjo. Ëhi uvamu anerahuro hu nugo'i va'adeje.

*Mary-hu Elizabeth ga'i ajiomade jöhoje.*

<sup>39</sup> Va'amü gagorovo Mary-ro ri'öromo dahorunörire Judea sa'are ë ma-burëro ajiomoromo amore höröjajadeje.

<sup>40</sup> Hörönugoromo Zechariah-are osare va'oromo Elizabeth jejamijadeje.

<sup>41</sup> Jejamijamu hejë'i Elizabeth-ro hejadeje hesi dëre aharihocho tiöjavamu. Tiö'ego God-are Aru'ahohuro hesi dë vövöbajö'ere sino haho'ere aho'obëhe rumorovavamu hegorovo

<sup>42</sup> Mary-ni ma-darugo'o uvadeje: Ja huë mae baejë'e javajëjo. Magonaho ioro'ioroho iosirëmjë'e javajëjo. Jaehu raho'iranoho huë mae jiajëjo.

<sup>43</sup> Aveho na diehi'oromo huë mae baejevë'e höjo nasi Börömo hesi vëmehu nasi örire rovanoho.

<sup>44</sup> Ëhesi bëhoho jero jejemijamu hejë'i hejode höjo nasi dëre aharihohuro nimorohoromo tiöjavamu.

<sup>45</sup> Ja huë mae javajëjo Badahu uvadëhi ëhi jio'a'ajë uvano'huro.

*Mary-hu jö ioromo God rajahijade jöhoje.*

<sup>46</sup> Ëhi uvamu hegorovo Mary-ro uavadeje:

Naro nasi dë vövöbajö'o uhure Bada mabëhe uavajëjo.

<sup>47</sup> God na ajemaje aho uehorovoromo na nimorohevajëjo.

<sup>48</sup> Na hesi mu magonahe ma-bise'e jevajëjo röhu huro nasi örire uehorovevë'e höjo.

Aviavejö'e avevoromo ae aho'obëhe uvonövo'aruëjo: Nörö huë mae baejë'e höjo.

<sup>49</sup> Darugo ma'e Ahuro mu böröme vaejehë'e höjo.



Hesi ihoho gemu maemu hōjo.

<sup>50</sup> Hu mae uehorovarue aribōvi jabesi jōeni vavaenimaje hōjo.

Jabesi a ujo ōmo'ōmohuni hesi vavaenoho ēhi jiemu jiobe va'a'ajējo.

<sup>51</sup> Hesi darugo'e mu maho rōjēhiromo

a masije javuajē uvarue aribōvioho rarovō'ōjēvamu huruomē'e hōjo.

<sup>52</sup> Huro darugo'e a masijo jabesi ihoho sa'aro ba'obue'i

iho rumo'e aribōvioho banigojioṁēvē'e hōjo.

<sup>53</sup> Vadunehu vuovē'e aribōvioho iruno'o mahuro da'uojēhi'i

bōvi bise'o marohē'e aribōvioho rēmō'ōjamu ma-ōvemu va'oruomē'e hōjo.

<sup>54-55</sup> Huro hesi mu aribōvie Israel raje no ajamuijē'e hōjo.

Nosi hijo miono'o uēvadēhi huro ēhi Abraham'o hesi ujo ōmo'ōmohu'o nosi jōeni vavaenimemu vavaenimobe rovē'e hōjo.

<sup>56</sup> Ēhi jōvonugoromo Mary-ro Elizabeth'o hiromo manaere niō'i gemu barējamu hesi amēro vuonorō'ō abuejadeje.

*Bapataeto vaejaje ae John rahade jōhoje.*

<sup>57</sup> Iae Elizabeth-are majaho rovamu harihoho rahadeje.

<sup>58</sup> Rahamu hesi amo rajohu'o aganohu'o hejare uēvavamu: Badaro huē baeromo Elizabeth mabēhe ajamijade hō uēvavamu hegorovo jabu'o nimorohoruomadeje.

<sup>59</sup> Nimorohoromo rahadoho hurae gemu barējamu gagorovo rueruomadeje garōhēni jabesi Jew rajo muoho vaeromo aharihu hesi sinoho tariojahego. Rueromo ihoho hesi vavu hesi ihe Zechariah ē ihe gemuoho jumuvo'ie'areje.

<sup>60</sup> Jumuvo'ia'amu gagorovo vēmohuro uēvadeje: Bogajo. Hesi ihoho John ua'ejarējo.

<sup>61</sup> John ua'ejarējamu uavareje: Iae mae hōjo rōhu jasi aganoho ēhi jiē'e ihoho bogohōjo.

<sup>62</sup> Bogohō uanugoromo vavuoho ōvēremu ua gavareje: Harihu hesi ihoho rahuo jio'a'ajējo.

<sup>63</sup> Rahuo jio'a'ajējamu vavuohuro ōvēremu uēvadeje: Ijo ha'osoho barovego na jajivōjo. Ijo ha'osoho baro bojamamu jajivoromo uēvadeje: Hesi ihoho John hōjo. Hesi ihoho John hō uēvamu gagorovo rue aribōvioho gōvōgōvōvareje.

<sup>64</sup> Ēhi'amu evare Zechariah-are jō'oho bitaroho marējamu God rajahijadeje.

<sup>65</sup> Rajahijamu gagorovo rue amo rajohuro ae aho'obēhe juhuonivoruomadeje. Juhuonivoromo ē mu bōrōmo hesi jōho aho'o Judea dahorunōrire sa'a bōrōmore ē vaerovemu vaerovorouomadeje.

<sup>66</sup> Vaerovemu vaerovoromo ē jōho sisē maro uehorovorouomadeje. Uehorovoromo gavare Badaro aharihoho mae ajamamu gagoro uvareje: Ēaharihoho hu diehi jiē'e a mabēhe jio hesi hōjo.

*Zechariah-hu jō God-aro baeromo majēhijade jōhoje.*

<sup>67</sup> Iae aharihu hesi vavue Zechariah-ro hejade God-are Aru'ahoho hesi dē vōvōbajo'ere sino haho'ere rumorovoromo uehore bojamamu hegorovo ave jōho majēhiromo uēvadeje:

<sup>68</sup> Bada God Israel rajo muebejavuajae aho hu mabēhe hōjo.

Huro uehoro ma-mae baeromo hesi aribōvioho ajamui'i rovē'e hōjo.

Rueromo sisē'i raromaroho maro bamavūē'e hōjo.

<sup>69</sup> Huro darugo'e aho God-are mu vaenōvade ae David-are ujojo bojamuijē'e hōjo no baejavuoromo maro ramuo'irōhego.

<sup>70</sup> Huro ēhi ē'irōhēro mami gō'e hesi jō baejare aribōvi maho ēhi huruoho'ego jabumēro ē jōho ae majēhinōvare hōjo.

<sup>71</sup> Huro no'o muorovarue aribōvioho ruahō'ōjēvoromo no baejavuoromo maro ramuo'irōhēro

no nu huodaguarue aribōvi jabesi ōvore javuego baeniēhiromo maro bamavuo'irōhēro ēhi uvade hōjo.

<sup>72</sup> Huro muebejavuobe va'irōhe jōho uehorovoromo nosi hijo miono'oho huē baejēvo'i uvade hōjo.

<sup>73</sup> Huro nosi hije Abraham darugo'e jōho majahiromo uavade hōjo

<sup>74-75</sup> ajamuromo no'o muorovarue aribōvi jabesi ōvore javuego baeniēhi'irōhēro.

Baeniēhijego noro bogo juhuonivo'i ma-ioro'ioeremu hesi nuniro raromoromo

hu gemu uehorovoromo ae mae vaejēvoromo hesi muoho vaenōvo'irōhego.

<sup>76</sup> Rōhu jue'iajo. Dō mare hijaje Aho God-ro ave jōho majahiromo ua'a'ajējo:

Ja jō God nasiro baeromo a majēhijanue ae javajējo.

Jero Badare jōho baeromo urimo va'a'anujējo huhu ruerōhe ōroho avohahego maro ruerōhego.

77 Jero jöe majëhijego God-are ariböviohuro heromo uvoruomorohego: God-ro nosi sisëho uehorovoromo vuonugoromo no baejavuoromo maro ramuaje hö uvorohego.

78-79 Èhesi bëhoho God-ro noni vavaenimajohuro majaëro ò'idöre rojomanovoromo ramoramore vuovo òrire jijiharue aribövioho no ajjavuoa'ajëjo.

Ajjavuvuoromo huë mae bae'iröhe òroho rõjahu'a'ajëjo.

<sup>80</sup> Zechariah-ro èhi jöv'ëro John-ro böviraebe hesi aru'ahoho dë vövöbajo'oho biririvobe va'adeje. Biririvobe va'oromo a rumo'e sa'are va'o hijadeje u'emu Israel rajo jabesi nunire muoho ma-va'orahoro vaeröhëni.

## 2

### *Iesu rahade jöhoje.*

<sup>1</sup> Èhi'amu evare Rome a böröme sa'ae aho'obëhe muebejaje a ihe Caesar Augustus-ro jöe nugò'òjadeje. Jöe nugò'òromo uëvadeje: Nasi aribövie sa'ae dinò'e dinò'e raromarujoho jemëro va'oromo jemesi ihoho census aribövioho bojëmirego jajivëho'irarëjo.

<sup>2</sup> Röhu evare majaho èho iho aevoromo jajivo'amare majaho jiadeje. Evare majaroho Quirinius-ro bövie vaeromo Syria sa'aho muebenövadeje.

<sup>3</sup> Amo è jöho rovamu gagorovo ae gemu amo göre göre va'o raramaroho jabesi amo mare vuonorò'ò rueruomadeje jabesi ihoho uëvego jajivojoro.

<sup>4</sup> Rueruomamu Joseph-ro hu'o Galilee sa'are Nazareth amore hiromo vuonugoromo hu David-are ujëro jië'ëro David-hu aevo'i hijade amore Bethlehem è rovadeje.

<sup>5</sup> Rue'i Mary hu'irae rovadeje jabesi ihohu'o jajivëhojoro rabëni Mary huro masuröhe magonahego. Röhu hu dë'e jiadeje.

<sup>6</sup> Bethlehem rueromo arijamu magonahehu rahoröhe majaho rovadeje.

<sup>7</sup> Majaho rovamu gavare aehu nuharue osaho rarovamu gagorovo mi nugo'amarue osare va'o harihu murioho rahoromo niögëro nomoromo mi jabesi i bahijarue rõhore è bamareje.

### *Aneraehu jö barovamu sheep muebejarue ariböviehu hejare jöhoje.*

<sup>8</sup> Èhi'amu gavë'i iae dirò'e gemuore aëro vahi'e sheep mure raromoro sheep-oho muebe'amareje.

<sup>9</sup> Sheep-oho muebe'i gavare Badare anerahuro ro nami'ego Badare ajohuro ajivëvamu gagorovo sisë maro juhuonivareje.

<sup>10</sup> Juhuonivamu gagorovo anerahu uëvadeje: Nadi juhuonivohëjo. Naehu rovaje hesi bëhoho na jö mae baeromo rovajëjo jemë'o jemesi a ioro'iorohu'o aho'obëhe heromo börömo bëhe nimoroho'irarijego.

<sup>11</sup> Aruëre David-hu hinövade amore jemë baejëvoromo mare bamëvo'iröhe aho jaruvo rahë'e höjo. God-hu uavë'ëro böröme namiromo ajëmi'iröhe aho höjo. Hu Bada höjo.

<sup>12</sup> Röhu jemëro va'oromo ga'irarije aharihoho niögëro numë'e mi jabesi i bahijarue rõhore raromamu gavë'iroho uvorëjo: Nörò jö mae uövuade höjo.

<sup>13</sup> Jö mae uövuade hö uëvamu gavë'i anerae aho'obëhe ò'idöre jioromo ma-majioho ruvebiruomoro urimore rovade anerahu'o gemu mae riravoromo God rajahiromo uvoruomadeje:

<sup>14</sup> Dö mare hijaje aho God hu mabëhe höjo.

Sa'are raromarue aribövioho huhu huë baejëvajoho maro raromoruomo'ajëjo.

<sup>15</sup> Aneraho jaburo èhi uvoruomoro ò'idöre vuonorò'ò iojomamu gagorovo nume sheep muebejarue ariböviohuro uarovareje: Rovego Bethlehem va'oromo Badahu uövuade muoho gavarëjo.

<sup>16</sup> Èhi uarovonugoromo ma-burëro rueromo nahoromo gavareje Mary'o Joseph'o ari'irògoro aharihoho miehu i ijarue rõhore raromamu.

<sup>17</sup> Èhi ganugoromo aharihu hesi jö aneraehu uëvamu hejaroho Mary'o Joseph'o majëhijareje.

<sup>18</sup> Majëhijamu hegorovo ae aho'obëhe tiöjëvadeje.

<sup>19</sup> Tiöjëvamu Mary-ro jöho avoho heromo hesi simanore bamoromo uehorovemu uehorovadeje.

<sup>20</sup> Èhi'amu rue sheep muebejarue ariböviohuro aneraehu uëvadëhi èhi jiamu gavë'ëro o jöho èhi hejë'ëro God rajahibe mae uabe jebesirëro sionëro va'areje.

### *Iesu jumuvare jöhoje.*

<sup>21</sup> Iesu rahadoho hurae gemu barëjamugo Iesuare òrire Jew rajo muoho vaeromo sinoho tariò'òjahoromo urimo Mary bogo ma'enorohë'e ma-hijadevare aneraehu iho uavadëhi èhi Iesu jumuvareje.

*Iesu osa börömore bava'oromo God-are örire bojamare jöhoje.*

<sup>22</sup> Mary-ro aharihoho rahoromo hijuvo gavade Moses-hu bojëmade mu vaeromo jabesi sisë u'oröhe majaho rovamu gagorovo huro Joseph-mu niö'iro aharihe Iesu baeromo Jerusalem amore ajiomareje aharihoho Bada bojami'iröhëni.

<sup>23</sup> Ëmu hesi jöho God-are surire jajivoromo uvë'eje: Harihu murioho aho'obëhe God-are öroro i'imamego hesiremu jio'amo'irajo. Amo Mary'o Joseph'o aharihoho bava'areje ëhi jië'e muoho vaeröhëni.

<sup>24</sup> O jö göho Badare surire jajivoromo ëhi uvë'eje: Ihititore niö'i o guaho harihe niö'i ëhi jië'e ugoho priest bojëmege God-ni vënëro muejëvo'irajo. Ëmuohu'o vae'iröhëni jabumë aharihoho bava'areje.

<sup>25</sup> Röhu ae gemu Jerusalem amore hijë'e jiadeje. Hesi ihoho Simeon jiadeje. Hu ae mae vaejëvoromo God-are muoho gemu uehorovaje aëro jië'ëro muebenövadeje God-ro Israel rajoho ajëmiromo jabesi huë vavaenoho tugohëroröhego. Röhu God-are Aru'ahohuro hu'o juvonövadeje. Hu ëhi jië'e ae jiadeje.

<sup>26</sup> Simeon hu ëhi jië'e ae jiamu God-are Aru'ahohuro röjahiromo uavadeje: Ja bogo avevejö'oho guomo'i Badahu uavë'ëro böröme namiromo ajëmi'iröhe aho rue'iramu ganugoromo evare guomo'a'anuëjo.

<sup>27</sup> Ëhi uavë'ëro ijönö God-are Aru'ahohuro uehore bojamamu Simeon-ro God-are osa börömore rovadeje. Rovamu evare Iesuare vëmu vavu'ohuro aharihoho God-are osa börömore barovareje Jew rajo jögoru jiaje ëhi jië'e muoho vae'iro.

<sup>28</sup> Barovamu gagorovo Simeon-ro aharihoho övëro huohudëromomo God rajahiromo uavadeje:

<sup>29</sup> Bada jaruvo jero jasi nimoromo uevego na muoho vuonugo'i huë mae ö'iröjo jaehu uevanëhi ëhi jië'e jiaje.

<sup>30</sup> No maro bamavuo'iröhe aho nasi nunëro gavë'e jevajëjo.

<sup>31</sup> Ëæhu vaeröhe muoho jero avohane höjo sa'ae aho'o garöhego.

<sup>32</sup> Avohane hesi bëhoho huro ajoho barovego ëhuro jasi jö bogo hejë'e aribövioho jasi öroho ga'i jasi aribövie Israel rajo nosi ihoho döro jioröhego.

<sup>33</sup> Simeon-ro ëhi jövamu hegorovo Iesuare vëmohu'o vavuohu'o tiöjëvadeje.

<sup>34</sup> Tiöjëvamu God-ro jabumë huë mae bojëmi'iröhego Simeon-ro God uanugoromo Iesuare vëme Mary uavadeje: Aveho hejëjo. Ave aharihoho God-ro bamade höjo huro muoho vaejege ëhuro Israel rajo a ioro'ioroho sa'are rirerömëvo'i ioro'ioroho döro ri'öröhego. God-ro bamade höjo huro hesi jöho barueröhego. Huro hesi jöho barue'iramu aëro ahoruomoa'ajëjo.

<sup>35</sup> Ahoromo ëhuro ae aho'obëhe jabuhu diehi diehi uehorovaruoho va'orahoro jio'iramu ga'ejarëjo. Ëhi'o'iramu jero jasi dë vövöbajo'o uhure huë vavaene börömohe bae'a'anuëjo.

<sup>36</sup> Simeon-ro Mary ëhi uavadeje. Röhu magonaho mavoje gemu ë hijë'e jiadeje. Hesi ihoho Anna jiadeje. Hu jö God-aro baeromo majëhijaje magonahe jiadeje. Phanael-are aboje jiadeje. Asher-are uje gemuho jiadeje. Röhu hesi vadunoho aho'obëhe mae jiadeje. Urimë'i barue masuromo baru'o hijadoho vadune aho'obëhe 7 barëjamu

<sup>37</sup> baru guomamu doru hijadoho rahade vadunoho aho'obëhe 84 jiadeje. Ëhu'ëro mavoji mae jiadeje. Röhu huro ë God-are osa börömoremu va'oromo majae vahie jene ioho vuonugo'i God gemu uehorovoromo hesi örire jöe jövoromo rajahinövadeje.

<sup>38</sup> Amo Mary'o Joseph'o God-are osa börömore arijamu ë magonahohuro jabisirire rovadeje. Rueromo aharihoho garomo God huë mae uavadeje. Huë mae uaromo va'oromo ganövade di ariböviohuro God-ro Jerusalem amo rajoho maro bamëvoröhego muebejarue ë aribövioho gëromomo aharihu hesi jöho majëhinövadeje.

*Iesu Nazareth amore vuonorö'ö barovare jöhoje.*

<sup>39</sup> Ëhi'amu Mary'o Joseph'o Badare surire jiaje ëhi jië'e muoho vae barënuogoromo Galilee sa'are vuonorö'ö rueromoro jio jabesi amore Nazareth ë arijareje.

<sup>40</sup> Arijamu aharihoho böviraëbe biririvobe va'adeje. Hu uehoro mabëhe hesi simanore jiadeje. God-ro hesi örire huë bae avohobe va'adeje.

*A harihe Iesuhu God-are osare hiromomo ë'ade jöhoje.*

<sup>41</sup> Ëhi jië'ëro God-hu Vörö Tugohade Maja Börömohe rue'ego vadune göro göro Iesuare vëmu vavu'ohuro Jerusalem ajiomoromo ë hesi söroho inövareje.

<sup>42</sup> Ëhi'obe rovaroho Iesu vadune aho'obëhe 12 baejamu gagoro Iesuare vëmu vavu'ohuro ëhi gemuho ë'oromo Jerusalem amore ajiomareje.

<sup>43</sup> Ajiomoromo sörö majaho barëjama vuonorö'öromo sionëro jabesi amëro rue'ië'areje. Röhu jabesi harihe Iesuro ë Jerusalem hijadeje. Hijamu vëmu vavu'oho dadivëvadeje.

<sup>44</sup> Dadivëvamu uehorovoromo uvareje: Evaho Iesu nosi a ioro'iorohu'o gemu mae rovajëromo rovaroho majae gemu barëjadeje. Majae gemu barëjama agano ioro'iorehu örire rovaruire Iesu nahobe jirehojuvo

<sup>45</sup> gavare Iesu bogojiamu gagorovo öri ahore vuonorö'öromo Jerusalem naho va'areje.

<sup>46</sup> Nahujuvo jiamëhi va'i gavareje Iesu God-are amo börömore hiromo God-are jö öri röjëhijarue aribövi jabesi jöho hejë'i hu'o mana uë gëvamu.

<sup>47</sup> Hejareje huro ëhi'ego ae aho'obëhe tiöromo uvoruomamu: Rabu simano ma-mabëhe baejë'ëro jöho mana bu'öjajëjo.

<sup>48</sup> Èhi'amu vëmu vavu'ohuro Iesu garomo tiöromo vëmohuro uavadeje: Jue'i ja rabëni nosi öriroho ëhioho ë'ane höjo. No jasi vavuohumu niö'iro nurunurumë'i nahavobe rovere höjo.

<sup>49</sup> Rovare höjama Iesuro uëvadeje: Jemë rabëni na nahevobe rovarije höjo. Jemë rabëni bogo uvarije höjo: Nörö hesi Vavuohuro nimo'ego hesi osare hijajëjo.

<sup>50</sup> Èhi uëvamu hegorovo vëmu vavu'oho Iesuhu uëvaje jö hesi bëhoho dadivëvadeje.

<sup>51</sup> Dadivëvamu Iesuro vëmu vavu'ohu'o sionëro vuonorö'ö rovadoho jabesi amore Nazareth ë hiromo jabesi jöho ejëhë'e hinövadeje. Hijamu vëmohuro gavade hejade jöho hesi simanore bamoromo uehorovemu uehorovonövadeje.

<sup>52</sup> Èhi'amu Iesuro simano mae jiobe daje böviraëbe va'adeje. God o ae aho'obëhe jaburo hesi örire huë bae avohobe va'areje.

### 3

*Bapataeto vaejaje ae John-hu jö majëhinövade jöhoje.*

<sup>1</sup> Iae Tiberius Caesar-hu Rome amore bövie namiromo hesi sa'ae dinö'e dinö'e aevoromo muebejavuadoho vadune aho'obëhe 14 barë'i 15-ho jiadeje. Röhu Pontius Pilate-ro Judea sa'aho muebe'i Herod-ro Galilee sa'aho muebe'i Herod-are murie Philip-ro Iturea sa'ahu'o Trachonitis sa'ahu'o muebejëvo'i Lysanias-ro Abilene sa'aho muebejadeje.

<sup>2</sup> Annas'o Caiaphas'o jabumë niö'i Jew rajo jabesi priest böröme jëvadeje. Èsa'are a masijo'o priest masijo'o ëhi jio'amade majare evare Zechariah-are harihe John-ro a rumo'e sa'are hijamu God-are jöhuro dëre abuejadeje.

<sup>3</sup> Abuejama hegorovo jöho majëhibe juvoromo Jordan jovonörire öri ari'oho juvo barëjadeje. Juvo barëromo majëhiromo uënövadeje: Uehoro sisëho vuonugo'i uehoro mae baeromo bapataeto vaehego God-ro jemesi sisëho uehorovoromo vuonugëhajo.

<sup>4</sup> John-hu ëhi ë'iröhe jöho urimë'i jö God-aro baeromo majëhinövade ae Isaiah-ro surire jajivoromo uvadeje:

Aëro a rumo'e sa'are hiromo ma-darugo'o uvo'a'ajëjo:

Badahu rueröhe öroho avohorego hu maro rue'irajo.

Hesi öroho ahörirëro vajivorego hu maro juvo'irajo.

<sup>5</sup> Guoröte aho'obëhe hu'o'amo'iramu rojomo'amo'ajëjo.

Dahoru ëgohu'o bunohu'o aho'obëhe aho'amo'iramu ahörire jio va'a'ajëjo.

Tagu tagu'e öroho vajivo'iramu ahörirëro jio'amo'ajëjo.

Abue ajiomë'e öroho avoho'iramu ahörirëro jio va'a'ajëjo.

<sup>6</sup> Èhi'o'iramu ae aho'obëhe garuom'o'ajëjo God-hu baejëvoromo mare bamëvajoho.

<sup>7</sup> Èhi jajivë'ëro jië'ëro iae John-ro gavade ae aho'obëhe mae huro bapataeto vaejëvojöro rueruomamu gëgorovo uëvadeje: Sigobu aboji harihu'e jëvanovajëjo. Jemë raro uëvade höjo: God-are vöröhe rue'iröhire jioromo huruomoromo manö va'irarijoho eni jëvo'ajëjo. Bogajo.

<sup>8</sup> Ijehu bajo mae raejajëhi ëhi mu mae vaerego no garomo uvo'irarëjo: Iae jemë uehoro sisëho vuonugo'i uehoro mae baejë'e jëvajëjo. Röhu nadi uvorëjo: Abraham nosi bëhohuro jië'ëro ëhu'ëro no mae javuajëjo. Naro jemë uëvajëjo: Jemë Abraham-are ujo ömo'ömo jëvajoho ëho ma-bise'e höjo. God-ro nimo'ibejajo ave munëho ujohoromo avohëvego araeromo Abraham-are ujo ömo'ömo jio'amo'ibejajo. Èhuni nadi nimorohë'ioho ëhioho atorëjo.

<sup>9</sup> Röhu tonëro ijoho bëhi'o hu'o'ö'ië'ajëjo. Di ijohuro bajoho bogo ma raejë'e jiego hu'o'öromo vëniro hu'o'ië'ajëjo.

<sup>10</sup> Èhi jië'e jöho majëhi'ego aëro uanövareje: Èhi jië'oho no diehi jië'e muoho vae'ëjarëjo.

<sup>11</sup> Vae'ëjarë'ego John-ro uënövadeje: Ae rahu niöge niö'i jëvë'oho gö baeromo niögu rumo'e aho bojaminëjo. O ie jëvë'oho i rumo'e aho gö bojaminëjo.

<sup>12</sup> Ĕhi uē'ego tax baejarue aribōvioho jabu'o bapataeto vae'i ruenōvareje. Rueromo uanōvareje: Tisa no diehi jiē'e muoho vae'ejarējo.

<sup>13</sup> Vae'ejarē'ego John-ro uēnōvadeje: Tax baejē'iroho sa'are a masijehu uēvaruēhi ėmino'e bae'i nadi gō'o'oho dōroho jemesi ėma baerējo.

<sup>14</sup> Ĕhi uē'ego muorovo aribōvioho jabu'o uanōvareje: Jabesi muoho ėhi hōjo rōhu nomē diehi jiē'e muoho vae'ejarējo. Vae'ejarējamu uēvadeje: Jemēro va'oromo nadi ae gō jabesi monioho baenīhīrējo o nadi sarerēmiromo uērējo: Jemē mu sisē vaejē'e jēvaje monie mana bojamuihējo. Nadi ėhi jiē'e muoho vaeromo monioho ujuoho'i ma-uvorējo: No suvuoro baejaruoho iae eni hōjo.

<sup>15</sup> Ĕhi majēhijamu hegorovo ae aho'obēhe dē vōvōbajo'ere uvoruomadeje: Nani mu bōrōmēro rovajējo. O nani John hu God-hu uavē'ēro bōrōme namiromo ajamui'irōhe ahuro jōe majahuijajējo.

<sup>16</sup> Ĕhi uvoruomamu gagorovo John-ro uēvadeje: Naro jovēremu bapataeto vaejēvaje hōjo. Rōhu ae gō nasi ijonō rue'iē'ajējo. Huro na iosiremiromo bōrōmoho hōjo. Naehu hesi mu bise'o vaejatoromo hōru sino jiovaho'ibejodoho o mu bise'o bise'e rabe vaejaho'ibejodoho rōhu na ma-bise'e jevajējo. Naro ma-jovēremu bapataeto vaejēvaje hōjo. Ĕahuro God-are Aru'ahohuro o vēnēro bapataeto vaejēvo'ajējo.

<sup>17</sup> Hesi ijo garanoho ōvore hōjo. Ijo garanoho ōvore jiē'ēro ioho tevoromo dōro hijiohijiovoromo mevoromo i maho gagovoromo hesi iruno'e osare ė avoho bahi'i subueho sinoho ravemu ravaje vānīre huo'a'ajējo.

<sup>18</sup> Ĕhi jiē'e jōho o jōe gō gō John-ro majēhiromo ėhuro jabesi simanoho huotovēho ganōvadeje. Ĕhi'oromo God-are jō maho majēhinōvadeje.

*John savoji gagore ba'amare jōhoje.*

<sup>19</sup> Ĕhi'amu gagorovo iae ė sa'a muebejaje a bōrōme Herod-ro hesi muri hesi vabore Herodias gohoniahiromo mu sisē gō gō vaejamu gagorovo John-ro ri'ōromo birevadeje.

<sup>20</sup> Birevamu Herod-ro mu sisē aho'obēhe vaejē'ēro rōhu ave mu sisēhu'o vaejadeje. Huro ae uēvamu John guduamo bava'oromo savoji gagore ba'amareje.

*John-hu Iesu bapataeto vaejade jōhoje.*

<sup>21</sup> Rōhu ė hesi urimo John-hu a bapataeto vaejēvade majare huro ae aho'obēhe bapataeto vaejēvonugoromo Iesu'o bapataeto vaejadeje. Bapataeto vaejamu Iesuro God-are ōrire jōe jōvamu gavē'i ō'idōho arorovadeje.

<sup>22</sup> Arorovamu God-are Aru'ahohuro sino haho'e jioromo guaho va'ēnohuro Iesuaro ruvebijamu gavē'i ae aho'obēhe hejareje ō'idōre uvavamu: Ja nasi Harihu mabēhe javajējo. Naro ja garomo ėhuro nasi dē vōvōbajo'oho nimorohevajējo.

*Iesuare hijo miono'o jabesi iho jajivobe va'ade jōhoje.*

<sup>23</sup> Rōhu Iesuhu mu aeavade majaho hu vadune aho'obēhe 30 rabu'e jiadeje. Ae aho'obēhe uvoruomadeje: Iesu hu Joseph-are harihe hōjo. Rōhu Joseph hu Heli-are harihe jiadeje.

<sup>24</sup> Heli hu Matthat-are harihe jiadeje. Matthat hu Levi-are harihe jiadeje. Levi hu Melchi-are harihe jiadeje. Melchi hu Jannai-are harihe jiadeje. Jannai hu Joseph-are harihe jiadeje.

<sup>25</sup> Joseph hu Mattathias-are harihe jiadeje. Mattathias hu Amos-are harihe jiadeje. Amos hu Nahum-are harihe jiadeje. Nahum hu Esli-are harihe jiadeje. Esli hu Naggai-are harihe jiadeje.

<sup>26</sup> Naggai hu Maath-are harihe jiadeje. Maath hu Mattathias-are harihe jiadeje. Mattathias hu Semein-are harihe jiadeje. Semein hu Josech-are harihe jiadeje. Josech hu Joda-are harihe jiadeje.

<sup>27</sup> Joda hu Joanan-are harihe jiadeje. Joanan hu Rhesa-are harihe jiadeje. Rhesa hu Zerubbabel-are harihe jiadeje. Zerubbabel hu Shealtiel-are harihe jiadeje. Shealtiel hu Neri-are harihe jiadeje.

<sup>28</sup> Neri hu Melchi-are harihe jiadeje. Melchi hu Addi-are harihe jiadeje. Addi hu Cosam-are harihe jiadeje. Cosam hu Elmadam-are harihe jiadeje. Elmadam hu Er-are harihe jiadeje.

<sup>29</sup> Er hu Joshua-are harihe jiadeje. Joshua hu Eliezer-are harihe jiadeje. Eliezer hu Jorim-are harihe jiadeje. Jorim hu Matthat-are harihe jiadeje. Matthat hu Levi-are harihe jiadeje.

<sup>30</sup> Levi hu Simeon-are harihe jiadeje. Simeon hu Judah-are harihe jiadeje. Judah hu Joseph-are harihe jiadeje. Joseph hu Jonam-are harihe jiadeje. Jonam hu Eliakim-are harihe jiadeje.

<sup>31</sup> Eliakim hu Melea-are harihe jiadeje. Melea hu Menna-are harihe jiadeje. Menna hu Mattatha-are harihe jiadeje. Mattatha hu Nathan-are harihe jiadeje. Nathan hu David-are harihe jiadeje.

<sup>32</sup> David hu Jesse-are harihe jiadeje. Jesse hu Obed-are harihe jiadeje. Obed hu Boaz-are harihe jiadeje. Boaz hu Shelah-are harihe jiadeje. Shelah hu Nahshon-are harihe jiadeje.

<sup>33</sup> Nahshon hu Amminadab-are harihe jiadeje. Amminadab hu Admin-are harihe jiadeje. Admin hu Arni-are harihe jiadeje. Arni hu Hezron-are harihe jiadeje. Hezron hu Perez-are harihe jiadeje. Perez hu Judah-are harihe jiadeje.

<sup>34</sup> Judah hu Jacob-are harihe jiadeje. Jacob hu Isaac-are harihe jiadeje. Isaac hu Abraham-are harihe jiadeje. Abraham hu Terah-are harihe jiadeje. Terah hu Nahor-are harihe jiadeje.

<sup>35</sup> Nahor hu Serug-are harihe jiadeje. Serug hu Reu-are harihe jiadeje. Reu hu Peleg-are harihe jiadeje. Peleg hu Eber-are harihe jiadeje. Eber hu Shelah-are harihe jiadeje.

<sup>36</sup> Shelah hu Cainan-are harihe jiadeje. Cainan hu Arphaxad-are harihe jiadeje. Arphaxad hu Shem-are harihe jiadeje. Shem hu Noah-are harihe jiadeje. Noah hu Lamech-are harihe jiadeje.

<sup>37</sup> Lamech hu Methuselah-are harihe jiadeje. Methuselah hu Enoch-are harihe jiadeje. Enoch hu Jared-are harihe jiadeje. Jared hu Mahalaleel-are harihe jiadeje. Mahalaleel hu Cainan-are harihe jiadeje.

<sup>38</sup> Cainan hu Enos-are harihe jiadeje. Enos hu Seth-are harihe jiadeje. Seth hu Adam-are harihe jiadeje. Adam hu God-are harihe jiadeje.

## 4

*Iesu hu mu sisë vaejoro Satan-hu bijioho gavade jöhoje.*

<sup>1</sup> Iae Iesuro hejade God-are Aru'ahohuro hesi dë vövöbajo'ere sino haho'ere rumorovavamu hegorovo Jordan jovoho vuonugo'irögoro God-are Aru'ahuhu uavajire a rumo'e sa'a göre ë va'o juvadeje.

<sup>2</sup> A rumo'e sa'are juvamu gagorovo Iesuro God-are jöho ahojoro Satan-ro hesi dëho bijioho gabe va'adoho majae aho'o 40 barëjadeje. Bijioho ga'i hijamu evare majaroho Iesuro ioho bogo ijë'e ma-hibe va'oromo ë majaho barëjamu vadunëro hömadeje.

<sup>3</sup> Vadunëro hömamu Satan-ro ri'öromo uavadeje: Ja God-are Harihe javë'oho ave munëho uavego iraejajo.

<sup>4</sup> Iraejajamu ruehuro uavadeje: Röhu God-are jöho jajivoromo ëhi uvë'e höjo: Aehu iemu uehorovë'oho bogo maho raromo'aruëjo.

<sup>5</sup> Ëhi uavamu Satan-ro Iesu hu'irae ba'ojiomoromo a masijehu dinö'e dinö'e raro-moromo muebe'amarue öri ari'oho ëho ma-burëro röjahi barëjadeje.

<sup>6</sup> Röjahiromo uavadeje: Ëöri ari'oho aho'obëhe naru bojami barëjéjjo jero mueberomo ë bövi bise'oho mahu ujuoho'iranego. Ëhesi bëhoho ë öri ari'oho naru baëjë'ëro jevë'ëro ae rahu bojëmi'i negë'oho iae bojëmajë höjo.

<sup>7</sup> Ëhuni jaehu uvene aho röjehijë'oho aho'obëhe jasi jio'amo'ajëjo.

<sup>8</sup> Jasi jio'amo'ajëjamu Iesuro uavadeje: Röhu God-are surire jöho ëhi uvë'e höjo: Bada jasi God gemu rajahiromo hesi muohemu gemu vaejahonëjo.

<sup>9</sup> Ëhi uavamu Satan-ro Iesu Jerusalem hu'irae baeromo ajiomadoho ruhe God-are osa börömo hesi döre ba'ojio ë nugamu namijadeje. Namijamu Satan-ro uavadeje: Ja God-are Harihe javë'oho avehuro nami'i jörö'örovëjo.

<sup>10</sup> Ëhesi bëhoho God-are surire jöho ëhi uvë'e höjo: God-ro hesi aneraho uë'iramu ja avoho muebejavo'aruëjo.

<sup>11</sup> O hesi surire jö göho ëhi uvë'e höjo: Aneraho jaburo övore ma'enagonövo'aruëjo jasi hörure munëro bibevajovëni. Ëhuni jörö'örovëjo.

<sup>12</sup> Jörö'örovëjamu uavadeje: Röhu God-are jöho ëhi uvë'e höjo: Nadi ri'öromo Bada jasi God hesi dëho ëma bijiohoromo uanëjo: God jero ëhi ëhi ë'ëjo.

<sup>13</sup> Ëhi uavamu Iesuro mue gö gö aho'o vaejoro Satan-ro hesi dëho bijioho ganugoromo vuonugo va'adeje majae eni jiego vuonorö'ö rueröhëro.

*Iesu hu Galilee sa'are hiromo aevoromo mu vaejade jöhoje.*

<sup>14</sup> Va'amu iae Iesuro God-are Aru'aho hesi darugoho baeromo vuonorö'öromo Galilee sa'are va'adeje. Va'amu huhu rovade jöho ë sa'aho aho'obëhe heruomadeje.

<sup>15</sup> Iesuro Jew rajehu God rajahijarue osare osare jöe röjehibe juvamu ae aho'obëhe uvoruomadeje: Hu a mae höjo.

*Iesuare ame Nazareth rajehu Iesu bijönimoruomade jöhoje.*

<sup>16</sup> Ëhi'amu Iesuro jöe röjêhibe juvoromo urimë'i asisö'o'ere hiromo böviræjade amore Nazareth ë rovadeje. Rueromo nuho majae rovamu amo göre göre va'oromo ë'ajêhi ëhi huro God rajahjarue osare va'adeje. Va'oromo God-are surire jöho adaho'i ri'ö namijadeje.

<sup>17</sup> Namijamu jö God-aro baeromo majêhinövade ae Isaiah-hu jajivade jö'e suroho ae göëro bojamijadeje. Bojamamu Iesuro baeromo jiovö'öromo ave jajivade jöho nahoromo bihororomo adahoromo

<sup>18</sup> uvadeje:

Badare Aru'ahohuro nasi simanore rumorovevajêjo Badaro hesi Aru'ahoho nasirire bamë'ëro jië'ëro.

Huhu bamade hesi bëhoho naro hesi jö maho baeromo bogo eni jië'e aribövioho majêhi'irodego bamade hōjo.

Huro na remö'öjade hōjo naro va'oromo tövëvë'e aribövioho uë'irodego: Jiovo rëmö'ö'irode majaho rovë'e hōjo.

Nuni tugorohëvë'e aribövioho uë'irodego: Nuni dadovëho'irode majaho rovë'e hōjo.

Remö'öjade hōjo sisëhu ruahö'öjêvë'e aribövioho naro manö bamëvo'irodego.

<sup>19</sup> Naro ae uë'irodego: Badahu ajëmi'iröhe majaho iae rovë'e hōjo.

<sup>20</sup> Ëjōho adahonugoromo Iesuro suroho huhoho taemoromo osa muebejaje aho sionëro bojamiromo jö bëhoho röjêhi'i sa'aro hijadeje. Hijamu gagorovo ë osare raromare ariböviohuro ae aho'obêhe he'i Iesu gemu ërimahareje.

<sup>21</sup> Ërimahamu uëvadeje: God-are jö adahamu hejarije ë hesi muoho aviavejō'e rovë'e hōjo.

<sup>22</sup> Iesuro ëhi jië'e jöho jövamu hegorovo ae aho'obêhe uvoruomadeje: Hu jö mae jövajëromo hesi huë ma jöho heromo tiöjêvadeje. Tiöjêvamu uvoruomadeje: Ëiaho bogo a börömehu jio'i hu Joseph-are harihe hōjo.

<sup>23</sup> Ëhi uvoruomamu Iesuro uëvadeje: Ave uhu jö atarujoho jemëro ëhi ue'a'arujêjo: Oso muebejanue aho jero jasi ajamirovego mae javajo. Ëhesi bëhoho jemëro ueromo ë'arujêjo: Arue Capernaum amore mu vaejane ë hesi jö hejaroho ëhi jië'e muoho ave jasi amoro vaejago no gavarêjo.

<sup>24</sup> Röhu ave jöho na jö mae uë'ië'ajêjo. Jö God-aro baeromo majêhijarue aribövioho nosi sa'a rajohuro bogo ma uehorovavuarue hōjo. Bogo mae bogajo.

<sup>25</sup> Röhu aveho na jö mae uë'ië'ajêjo. Elijah-hu hijade majaroho ave Israel sa'are magonaho dorue aho'obêhe jio'amade hōjo. Evare majare ëni bogo mae bogo rovdoho vadune niö'i gemu röhu döre manaere 6 ëhi barëjê'ëro ëhu'ëro sa'ae aho'obêhe majae ëgobövie vadune raromare hōjo. Vadune raromamu evare

<sup>26</sup> magonaho dorue aho'obêhe ave Israel sa'are raromaroho God-ro Elijah hesi sa'a rajo magonaho doruoho bogo gemu vadu'e ajamijöro jabumënioho nugö'ö'i sa'ae gö Sidon amonörire sa'are Zarephath amore hijade magonaho doruohuni gemu nugö'öjade hōjo ajami'iröhego.

<sup>27</sup> O jö God-aro baeromo majêhinövade ae Elisha-hu hijade majaroho ave Israel sa'are sino jomo'e ae aho'obêhe jio'amade hōjo. Röhu Elisha-ro Israel raromarue jomo'e aribövi bogo ae gemu vadu'e jabesi sinoho avohëho'i Syria rajemu gemu a ihe Naaman hesi sinoho avohahade hōjo.

<sup>28</sup> Ëhi majêhijamu hegorovo ë God rajahjarue osare raromarue ariböviohuro heromo sisë maro dë vörönimoruomadeje.

<sup>29</sup> Dë vörönëgamu ri'öromo Iesu amore jiamu guduamo baeromo amo'e dahoru bönuere iojioromoro dahoru vösöre surovareje barado döre riravo'i baba'amoirovo.

<sup>30</sup> Ëhi'o'i ë'oruomamu gëgorovo Iesuro jabesi ririre jioromo rëmö'öromo va'adeje.

*Aru'aho sisë ae gemu hesi dëre jiamu Iesuhu raröv'öjade jöhoje.*

<sup>31</sup> Va'oromo Iesuro abuejadoho abo Galilee sa'are Capernaum amore höröjjadeje. Höröromo Jew rajo jabesi nuho majaho rovamu God rajahjarue osare va'oromo jöho röjêhijadeje.

<sup>32</sup> Jöho röjêhijamu heromo tiöromo uvoruomadeje: Hesi jöho darugo'e ma-mabêhe javavajêjo. Ëhi uvoruomade hesi bëhoho hesi birire baejê'ëro hu jöho majêhijadeje.

<sup>33</sup> Amo ë osare Satan-are a sisëhu dëre abuejê'e aho hijê'e jiadeje. Hijê'ëro ma-darugo'o uvadeje:

<sup>34</sup> Hë-ajo. Iesu Nazareth rajoho ja rabëni sihusihuaguo'i rovane hōjo. Na ja ijumavuo'i ë'tanuëjo. Na iae ja gavajêjo. Ja God-aro jioromo rovë'e a ma-maemu jië'e ae javajêjo.

<sup>35</sup> Ëhi uavamu hejê'i Iesuro uavadeje: Jöho vuonugo'i höröjêjo. Höröjêjumu hejê'i uhure a sisëhuuro ë a hesi simanoho huotovahamu ë aribövi jabesi nunire sa'are

behumorovadeje. Sa'are behumorovamu uhure a sisēhuro ē a hesi sino haho'oho bogo ijumaho'i ma-hōrōromo va'adeje.

<sup>36</sup> Hōrōromo va'amu gagorovo ae aho'obēhe garomo tiōjēvamu uarovareje: Aveho rabu'e jōho hōjo. Darugo'e jōho jōvego a sisēhuro ma-burēro ejahoromo suorovo va'oruomaje hōjo.

<sup>37</sup> Ēhi'amu Iesuhu vaejaje mu hesi jōho ē sa'aho aho'obēhe he barējareje.

*Iesuhu ae aho'obēhe jabesi sino avohēhade jōhoje.*

<sup>38</sup> Rōhu a sisēho dēre jioromo hōrō va'amu Iesuro God rajahjarue osare jioromo va'adeje. Va'oromo Simon-are osare va'adeje. Rōhu Simon-are jure magonaho hesi sino haho'oho vōrō'irae avohē'e jiadeje. Vōrō'iraejamu Iesu uavareje: Na ja magonahoho ajaminējo.

<sup>39</sup> Ajaminējamu hegorovo Iesuro va'oromo bēhire ruaho'amo namiromo uavadeje: Vōrō'iraejanuoho u'uhējo. U'uhējamu sino haho'ere vōrō'iraejadoho u'uhadeje. U'uhamu hejē'i ri'ōromo iruno'e avohēhoromo i'imēmadeje.

<sup>40</sup> I'imēmamu majae beva'amu gagorovo ae rahu hesi ae guomo guome gō gō jiē'oho ujuoho rovamu Iesuro hesi ōvoho ae aho'obēhe jabesi sinore bamēho'ego marē'amonōvadeje.

<sup>41</sup> Marē'amo'ego aru'aho sisē ae aho'obēhe jabesi dēre raromarohuro suorovo va'onōvareje. Suorovo va'iē'iroho ma-darugo'o uvonōvareje: Ja God-are Harihe javajē'ego heromo uēnōvadeje: Jōe nugohējo. Nadi nasi jōho huruohohējo. Iesuhu ēhi jiē'e jō jōvade hesi bēhoho ē aru'aho sisēho jaburo garomo uvareje: Hu bōrōme namiromo ae ajēmaje aho hōjo.

*Iesuhu Judea sa'are jō majēhibe juvade jōhoje.*

<sup>42</sup> Ēhi ē'ē'ēro sisonuvamugo Iesuro ri'ōromo va'oromo a rumo'e sa'are ē hijadeje. Hijamu ae aho'obēhe hu nahobe rovarēje. Nahobe rueromo gavare ē hijamu gagorovo nijio'iraeromo uavareje: Nadi va'i rueromo no'ho hijējo.

<sup>43</sup> No'ho hijējamu hegorovo uēvadeje: Iae mae uevarujējo rōhu God-hu bōrōme namiromo muebejēvaje jōho ē jōho amo ioro'iorohu'o majēhibe va'ejōjo ē hesi bēhoho God-ro ēhuni remō'ōjamu rovē'ēro.

<sup>44</sup> Ēhi'onugoromo Judea sa'are God rajahjarue osare osare jōho majēhibe juvadeje.

## 5

*Iesuare ijore ijore jijihorōhego Iesuhu aevoromo a uēvade jōhoje.*

<sup>1</sup> Iae Iesuro Gennesaret e'u rirōre namijadeje. Namijamu ae aho'obēhe God-are jōho he'i tagavoromo bijimō'ōrovobe rueruomadeje.

<sup>2</sup> Rovamu Iesuro namiromo gavadeje boat niō'i e'u rirōre raromēvo'i visu suovarue aribōvioho rori'o raromoromo viōho u'ovamu.

<sup>3</sup> Ēhi ganugoromo boat gemu Simon-are boat-re ajio hiromo Simon uavadeje: Ave rirōre jioromo biduohō'ōjogo rori'o va'ajo. Rori'o va'a uanugoromo gavade eni jiamu gagorovo boat-re ēhi hiromo jōho rōjēhijamu rue sa'are raromare aribōviohuro heruomadeje.

<sup>4</sup> Heruomamu Iesuro hesi jōho jōvobe va'ojuvo barējamu Simon uavadeje: Ave jasi boat-oho baeromo e'u umahē'inō huō'ōbe va'oromo ja'o jasi aribōviohu'o viōho ba'amorējo ēhuro visue aho'o suovo'irarije hōjo.

<sup>5</sup> Suovo'irarije hōjamu Simon-ro uavadeje: Tisa ēho iae mae hōjo rōhu no vahi bōvie visu suovo'i ē'ho gabe rovarohō gavare hōjo bogo eni javuamu. Rōhu jero uē'ego ēhuni viōho ba'amō'ejōjo.

<sup>6</sup> Ēhi uanugoromo viōho ba'amoromo visue aho'obēhe suovamu viōho dadorovo'iē'adeje.

<sup>7</sup> Dadorovo'ia'amu gagorovo Peter-mēro jabesi a ioro'iore boat göre arijaruoho ōvēro uēvareje: Ro ajamuihējo. Ro ajamuihējamu rueho jaburo rueromo ajēmiromo visue aho'obēhe suovoromo ē boat niō'ire bahijamu irijiomoromo diruvēvo varijēne jiadeje.

<sup>8</sup> Ēhi'amu gagorovo Simon Peter-ro Iesuare bēhire ague aho hiromo uavadeje: Bada na remo va'ējo. Na a sisē jevajējo.

<sup>9</sup> Peter-mēro visue aho'obēhe mae suovoruumoromo tiōjēvē'ēro jiē'ēro ēhu'ēro ēhi uavadeje.

<sup>10</sup> Peter-mē tiōjēvo'i James'o John'o jabu'o tiōjēvadeje. Rōhu James'o John'o jabumē Zebedee-are harihe jēvadeje. Jabumē Simon'o gemu mae muoho vaenōvareje. Amo tiōjēvamu Iesuro Simon uavadeje: Nadi juhuonivonējo. Aviavejō'e aevoromo ja bogo visuoho gagovo'i ae magonahe gagovēvo'iramu nasinō jioruomo'ajējo.



<sup>11</sup> Ēhi jövamugo boat-re rueromo ravo'amoromo boat-oho jagu ömëvo va'o nie'uahore ötöjëvareje. Ötöjëvunugoromo jabesi muoho bövioho bise'oho vuonugo'i aevoromo Iesuare ijore ijore jijihonövareje.

*Iesuhu sino jomo'e a ajamade jöhoje.*

<sup>12</sup> Iae Iesuro amore hijadeje. Hijamu ae gemu sino haho'e jomemu jië'ohuro rueromo Iesu garomo ague aho hiromu äninamiromu uavadeje: Bada ja nasi sino avoheho'iranoho ja eni javajëjo. Ēhuni jasi nimoromo ajemijë'ohuro iae ajemi'anuejo.

<sup>13</sup> Ajemi'anuejamu Iesuro övoho nugö'öromu sinoho rëhahoromo uavadeje: Iae na negajëjo ajami'iro. Marëjëjo. Marëjëjamu gavë'i jomoho rireromoromo hesi sinore sisë sisëho barëjadeje.

<sup>14</sup> Sisëho barëjamu gagorovo Iesuro uavadeje: Naehu ëhi ë'odoho nadi aho huruoho majëhinëjo. A'i ma-va'oromo jasi sinoho priest röjahijego ga'irajo. Ēhi'oromo Moses-hu uövuade ëhi jië'e suvuoroho God-are öroro bojamego aëro garomo uvo'irarëjo: Jasi sinore sisëho barëjë'ero iae mae javajëjo.

<sup>15</sup> Bogo aho huruoho majëhi'iröhego uavadeje röhu ë huhu vaejade mu jöho böörömo mae rumorovamu ae gö gö hebe va'oruomadeje. Hebe va'oruomë'ero ae aho'obëhe rueromo gagovoruumadeje hesi jöho heruomoi' huro jabesi sino haho'oho ajëmego marëjëvo'iröhego.

<sup>16</sup> Ro gagovoruumamu gëgorovo Iesuro a rumo'e sa'are va'o hiromu God-are örire jöe jövadeje.

*Övo hörü'e vuovahë'e a Iesuhu ajamade jöhoje.*

<sup>17</sup> Ēhi'oromo iae Iesuro aribövioho jöho röjëhijamu Pharisee ariböviohu'o Jew rajo jögoru öri röjëhijarue ariböviohu'o ëho jaburo hesi bëhire raromoruomadeje. Urimë'i ë aribövioho ioro'iorohuro ë Galilee sa'are amo göre göre jioromo ioro'iorohuro arue Jerusalem amore Judea sa'are amo ioro'iorore jioromo rueruomë'ero ë raromoruomadeje. Raromamu Iesuro jöho röjëhiromu Badare darugoho baejë'ero guomo guomo'e a jabesi sino avohëho'iröhoho eni jiadeje.

<sup>18</sup> Sino avohëho'iröhoho eni jiamu iae aëro övo hörü'e vuovahë'e aho maraturoho giojimo barovareje. Barueromo osanö bava'oromo Iesuare bëhire bamo'iröhe öroho nahareje.

<sup>19</sup> Öroho nahoromo gavare ae aho'obëhe tagavoromo ojanoho urahë'e jiamu gagorovo ba'ojiomoromo javuoho dönö dadovö'öromu maratuoahu'o nume osare riravarue aribövi jabesi ririre Iesuare bëhire ë ba'amareje.

<sup>20</sup> Ba'amamu gagorovo Iesuro gavade i'e rovere ariböviohuo hu mae uehorovoruumamu gëgorovo övo hörü'e vuovahë'e aho uavadeje: Isiajo. Jasi sisëho uehorovoromo vuonugoromo mu'u barëjahë'e höjo.

<sup>21</sup> Mu'u barëjahë'e höjamu hegorovo jögoru öri röjëhijarue ariböviohu'o Pharisee ariböviohu'o uarovareje: Asë'ëjo. Sareri ae höjo. Huro God sivoromo ëhi jië'e jöho jövajëjo. Hu ma-ae höjo. Röhu huro ë aho uavajëjo: Naro jasi sisëho uehorovoromo vuonugoromo mu'u barëjahë'e jevajëjo. Ēhi jië'e muoho hesi God-ro gemuëro vaejaje höjo. Ma-aho bogajo.

<sup>22</sup> Ēhi atamu gagorovo Iesuro uëvadeje: Jemë rabëni uehore gö gö baejarujëjo.

<sup>23</sup> Jemë'o uehorovohëjo. Nani ja ae ëma ua'a'anuejo: Jasi sisëho uehorovoromo vuonugahë'e hö ua'a'anuejo. Ja ëhi ua'ibejanëjo aho nunoho bogo ga'ibejarëjo ja mae o sarere jövë'e javego. Röhu ja bogo ëma ua'a'anuejo: Ri'öromu nami juvëjo hesi guomo guomoho bogo barëjega ja javojagojëni.

<sup>24</sup> Röhu ë bogo ëma jövo'ibejane jöho iae na jövo'ejöjo huro ejehoromo ri'ö nami juvego jemëro ë muoho garomo ëhuro ga'irarijego God-are A Maho naro sa'are hijajire evare sisë mu'uvaje darugoho ëhu'o baejë'e jevego. Ēhi uënuoromo röhu övo hörü'e vuovahë'e aho uavadeje: Naro ja uavajëjo: Jero ri'öromu raromanue maratuoho banigojioromomo baeromo jasirëro va'ëjo.

<sup>25</sup> Va'ëjamu hejë'i ruehuro ae aho'obëhe jabesi nunire ri'öromu maratuoho banigojioromomo baeromo God rajahibe hesirëro va'adeje.

<sup>26</sup> Va'amu gagorovo ë aribövioho aho'obëhe tiöjëvamu juhuonivoromo God rajahiromu uarovareje: Asë'ëjo. No bogo gavaruë muoho jaruvo gavë'e javuajëjo.

*Levi-hu Iesuare ijore ijore juvoröhego Iesuhu uavade jöhoje.*

<sup>27</sup> Ēhi'amu gagorovo Iesuro ri'öromu va'adeje. Va'i gavade tax baejaje ae hesi ihoho Levi hesi mu vaejaje osare hijamu gagorovo uavadeje: Rueromo nasi ijoro ijoro juvonövonëjo.

<sup>28</sup> Juvonövonëjamu hegorovo hesi muoho aho'o vuonugo'i ri'öromo aevoromo Iesuare ijore ijore juvonövadeje.

<sup>29</sup> Èhi'oromo Levi-ro Iesu rajahi'i sörö böröme hesi osare bamoromo Iesu'o a ioro'iorohu'o aho'obëhe uëvadeje: Rueromo söröe ihëjo. Ihëjamu hegorovo tax baejarue ae aho'obëhe èhi jië'e a ioro'iore aho'obëhe èho jaburo ro gemuoro raromoromo ie ue'ahareje.

<sup>30</sup> Ie ue'ahamu gëgorovo Jew rajo jögoru öri røjëhjarue Pharisee ariböviohu'o Pharisee aribövi ioro'iorohu'o èho jaburo dë vörönëgamu Iesuare aribövioho uëvareje: Jemë rabëni tax baejarue ariböviohu'o sisë a ioro'iorohu'o gemuoroho ioho jovoho ue'aharujëjo. Èhi jië'oho sisë hõjo.

<sup>31</sup> Sisë hõjamu hegorovo Iesuro uhu'e uëvadeje: Röhu guomo guomo'e ariböviohuremu doctor gavarue hõjo mae jëvë'e aribövioho bogajo.

<sup>32</sup> Èhesi bëhoho naro sisë aribövioho sisë vaejaruoho vuonugojõro uë'i rovode hõjo ma-döemu mae jëvë'e aribövioho bogajo.

*Bëhoho rabëni Iesuare ariböviohu i bogo vuonugare jõhoje.*

<sup>33</sup> Iae aëro Iesu uavareje: John-are jö hejarue ariböviohuro majae aho'obëhe God uehorovo'i ioho vuonugoromo hesi örire jõe ato'i arijarue hõjo. O Pharisee jabesi jö hejarue aribövioho jabu'o èhi jië'e muoho vae'i arijarue hõjo. Jabumëhu èhi è'aruoho iae mae hõjo. Röhu jasi aribövioho ioho bogo vuonugo'i ma-iemu jovemu ue'aharue hõjo. Rabëni èhioho è'arue hõjo.

<sup>34</sup> Rabëni èhioho è'arue hõjamu hegorovo Iesuro uhu'e uëvadeje: I'o masuröhe a hesi söröre aemo'aemehu rueromo i i'ie'iroho jemë tugohëvo'irarijoho na eni jëvájëjo o bogajo. Bogajo.

<sup>35</sup> Röhu majae ijönö i'o masuröhe aho aëro guduamo bava'iramu evare majare ioho vuonugo'aruëjo. Avevejö'oho naro jabu'o hijë'ego jabu ioho bogo vuonugo'aruëjo.

*Jew rajehu gororovo'iröhe jögoru mamiohu'o Iesuhu barovade mu i'ohu'o bogo gemuore havo'iröhe jõhoje.*

<sup>36</sup> Èhi uëngoromo Iesuro uhu jõe gö'o majëhiromo uëvadeje: Niögu i'ohu'o mamiohu'o bogo havo'anuëjo. Bogo havoromo dadovadiroho niögu i'oho baeromo bisemu tariö'öromo niögu mami hesi gagoroho bamoromo sigohi'anuëjo. Èhi è'ibejanëjo niögu i'oho tariö'öjë'ëro èhuro sisërë'ibejajo. O niögu mamioho èho nu ano'e gö jio'i i'oho nu ano'e gö jioromo èhuro niögu mamiohu'o sisërë'ibejajo.

<sup>37</sup> O wine jovo mi sino gagore bigu'ie'iroho jovo i'ohu'o mi sino mamiohu'o bogo gemuoroho havoromo jovo i'oho mi sino mamiroho bigu'anuëjo. Èhi è'ibejanëjo jovohuro gatovoromo ögohuro bibivoromo mi sinoho mamiëro jië'ëro tögömoromo ioro'ioremu dadorovego jovoho rova'ibejajo.

<sup>38</sup> A'i jovo i'oho mi sino i'o hesi gagoremu bigu'anuëjo.

<sup>39</sup> Röhu jovo mami ue'ahë'oho aëro uvarue hõjo: Mamioho mae hõromo èhuni i'oho bijönimarue hõjo. ÈJew rajehu Iesuare mu i'o bijönimarue jõho Iesuro uhu'e èhi majëhijadeje.

## 6

*Jew rajehu nuharue maja hesi jõhoje.*

<sup>1</sup> Iae Jew rajo jabesi nuho majaho rovanu gagorovo Iesumëro mure jijihareje. Jijihoromo hesi ijorajo ömo'ömhuro ioho babovoromo övëro uhiromo ue'ahobe va'oruomadeje.

<sup>2</sup> Ioho övëro uhiromo ue'ahobe va'amü gëgorovo Pharisee aribövioho uëvareje: Jaruvoho nuho majae hõjo. I avoharujoho èho nuho maja hesi jögoroho aharujëjo. Rabëni èhi jië'oho è'arujëjo.

<sup>3</sup> È'arujëjamu Iesuro uëvadeje: David nosi a böröme jionövade hõjo. Röhu hu'o hesi ariböviohu'o hómëvamu hegorovo huhu è'ade jö God-are surire adaharijoho èho diehi'oromo bogo avoho uehorovarujëjo.

<sup>4</sup> David-ro God-are osare va'oromo God-are nunire bahijare ioho ujuohoromo vituoho i'i vituoho hesi aribövioho i'imëmamü ue'ahare hõjo. Èhi jië'e ioho aho bogo ue'aho'i hesi ma-priest-ëremu ue'aho'iröhe ie hõjo. Röhu jabuhu ue'aharohuro èhuro jögoroho ahare hõjo. Röhu è hesi jõho bogojade hõjo.

<sup>5</sup> Èhi uëngoromo uëvadeje: God-are A Maho naro nuho maja hesi jögoroho muebejaje hõjo.

*Övo guomahë'e a Iesuhu ajamade jöhoje.*

<sup>6</sup> Ëhi uëvë'ëro Jew rajo jabesi nuho majae gö'o rovadeje. Nuho majae gö'o rovamu Iesuro God rajahjarue osare va'oromo hesi jöho röhijadeje. Amo ë osare övo manörire övo hitahi guomahë'e aho hijë'e jiadeje.

<sup>7</sup> Jew rajo jögoru öri röhijjarue ariböviohu'o Pharisee ariböviohu'o ëho jaburo Iesuare jö sisëho nahoromo uvareje: Iesuhu guomo guomo'e aribövi jabesi sino avohëhë'oho noro a masijoho huruoho majëhiromo uë'ëjarëjo: Iesuro a ajëmaje muoho vaeromo nuho maja hesi jögoroho ahade höjo. Ëhi uvoromo jabumëro ma-hu gemu ërimahareje ga'iro nuho majare hu guomo guomo'e aribövi jabesi sinoho avohëhego o bogo.

<sup>8</sup> Ërimahamu Iesuro gëromo uvadeje: Jabumë ëhi ëhi uehorovarue uvoromo övo guomahë'e aho uavadeje: Ro ave nosi riroro namijëjo. Namijëjamu ro jabesi ririre namijadeje.

<sup>9</sup> Namijamu hu bijönimoromo ërimaharuoho Iesuro uëvadeje: Na ave jöho uë gë'ië'ajëjo. Nosi nuho maja hesi jögoroho diehi höjo. Nuho majaroho na ae mae vaejëvo'ëjarëjo o sisë vaejëvo'ëjarëjo. I'ovëvo'ëjarëjo o muo'amo'ëjarëjo.

<sup>10</sup> Ëhi uëngoromo uherihoromo ë ariböviohu aho'obëhe gëngoromo övo guomahë'e aho uavadeje: Jasi övoho nugö'öjëjo. Ëhi uavamu hegorovo övoho nugö'öjamu marëjadeje.

<sup>11</sup> Marëjamu rue ariböviohuo gavare Iesuro ë aho ajami'ego marëjamu gagorovo dë vörönëgo avohadeje. Dë vörönëgamu jöe atoromo uarovareje: No Iesuare öriroho diehi'o'ëjarëjo.

*Iesuhu hesi apostle 12 baejëvade jöhoje.*

<sup>12</sup> Ëhi'o'irögoro Iesuro God-are örire jöe jövo'iro dahorure ajiomadeje. Ajio hiromo vahi bövie God-are örire jöe jövobe va'ojuvo ëhi sisonuvadeje.

<sup>13</sup> Sisonuvamu gagorovo hesi ijore ijore jijiharue ariböviohuo ruejöro uvëvadeje. Uvëvoromo rovamu ae aho'obëhe 12 hesi baejëvadeje. Baejëvoromo uëvadeje: Jemë nasi apostle jëvajëjo.

<sup>14</sup> Iesuro Simon baejadeje. Baeromo iho göho Peter jumuvadeje. O Peter-are öho Andrew baejadeje. O göho James John Philip Bartholomew

<sup>15</sup> Matthew Thomas o James Alphaeus-are harihe o Simon aehu uvaruoho Jew rajehu jabesi mueberovo'i nimaje aho

<sup>16</sup> o Judas James-are harihoho o göho Judas Iscariot ë aribövioho baejëvadeje. Judas Iscariot Iesuni hiruëmiromo a jabesi övore bojëmi'iröhe aho jiadeje.

*Iesuhu a jabesi sino avohëhade jöhoje.*

<sup>17</sup> Ëaribövioho baejëvonugoromo Iesuro jabu'o gemu mae abueromo enure ë namijadeje. Namijamu hesi aribövie aho'obëhe mae o a ioro'iorohu'o arue Jerusalem amore jioromo Judea sa'a ioro'iorore jioromo nume Tyre amo Sidon amo jiajinö sö jovo bëhire sa'are jioromo ae aho'obëhe mae ë ro riravareje

<sup>18</sup> Iesuare jöho heruomo'i huro ajëmego jabesi sino haho'oho marëjëvo'iröhego. Ro riravamu a sisëhu dëre abuejëvë'ëro i'u baejarue aribövioho Iesuro ajëmamu marëjëvadeje.

<sup>19</sup> Marëjëvamu ae aho'obëhe gavare Iesuare darugohuro rueromo guomo guomo'e ae aho'obëhe ajëmamu gagorovo Iesu rëho'i ë'o gavareje ehuro guomo guomoho barëjëvo'iröhego.

*Huë mae baeröhe ariböviohu'o huë vavaene baeröhe aribövi jabesi jöhoje.*

<sup>20</sup> Ëhi'amu Iesuro hesi ijorajo ömo'ömohe gëromo uëvadeje:

Bövi bise'o rumo'e aribövioho jemë huë mae jëvajëjo  
God-ro muebejëvego hesi aharire mae raromo'ië'ëro.

<sup>21</sup> Avejëj'ë hömëvaje aribövioho jemë huë mae jëvajëjo  
maja ijönöho eni da'uëgo'ië'ëro.

Avejëj'ë nierusuburu'e bamaruje aribövioho jemë huë mae jëvajëjo  
maja ijönöho nimoroho'ië'ëro.

<sup>22</sup> Jemëhu God-are A Maho na uehorovevamu aehu gëromo bijönëgoromo nu huodëgoromo sivëgoromo jemesi ihoho sisë höromo vuonugëhë'oho huë mae jëvaje höjo.

<sup>23</sup> Jabuhu ëhi sisë vaejëvë'iroho jemëro hirohiromoromo nimoroho avohorëjo God-hu suvuoro jemëni ö'idöre bamëhajoho börome jië'e jiaje. Ëaribövi jabesi hijo miono'ohuro jö God-aro baeromo majëhinövere aribövi jabesi örire ëhi gemuoho sisë vaejëvonövere höjo.

<sup>24</sup> A'i bövi bise'o marohë'e mae jëvë'e aribövioho vaevë'e jëvajëjo.

Jemesi bövi bise'o maho ujuoho barëjë'ëro ijönöho bogo ujuoho hesi jëvajëjo.

<sup>25</sup> Avejëj'ë da'uëgë'e aribövioho vaevë'e jëvajëjo.

Maja viture vadunëro vuovëvo hesi hōjo.

Avevejō'e nimoroharuje aribōvioho vaevē'e jëvājëjo.

Maja viture huë vavaene baejē'i nierusuburu'e bae hesi jëvājëjo.

<sup>26</sup> Ae aho'obëhe jemesi jō ma-mabëhe atë'ohō vaevē'e jëvājëjo. Ĕaribōvi jabesi hijo mionō'ohuro God-are jō huotohuotovoromo majëhinōvare aribōvi jabesi òrire ëhi gemuoho mae atonōvare hōjo.

*Nu huodaguarue aribōvi jabesi òrire noehu huë baejëvō'irōhe jōhoje.*

<sup>27</sup> Rōhu jemë nasi jō hejaruje aribōviumë ave jōho majëhi'ie'ajëjo. Jemë'o muorovarue aribōvioho huë baejëvorëjo. Jemë nu huodëgarue aribōvioho mae vaejëvorëjo.

<sup>28</sup> Jō sisë uëvarue aribōvioho jō mae uërëjo. Sisë vaejëvarue aribōviahuni God-are òroro ëninamirëjo.

<sup>29</sup> Aehu a'isabi gönō anagë'iroho hunuorovego a'isabi gönōhu'o anago'irajo. Aehu niōgu gö baeniahijë'ohō nadi nijio'iraejego niōgu göhu'o bae'irajo.

<sup>30</sup> Aehu jasi òrire böviëni bise'ëni ëninamijë'ohō bojaminëjo. Aehu jasi mae sisë baejahë'ohō nadi uanëjo: Sionëro bojëmëjo.

<sup>31</sup> Jemë ae göehu diehi vaejëvojōro nëgë'ohō jemë'o ëhi jië'e muoho ae gö jabesi òroro vaejëvorëjo.

<sup>32</sup> O jemë huë baejëvarue aganohe mu huë baejëvë'ohō rabëni uvorëjo: God-are nunire mabëhe javuajëjo. Sisë aribōviahuro jabu'o huë baejëvarue aganohe mana huë baejëvarue hōjo.

<sup>33</sup> O jemë mae vaejëvarue aribōviahemu mae vaejëvë'ohō rabëni uvorëjo: God-are nunire mabëhe javuajëjo. Sisë aribōviahuro jabu'o ëhi gemuoho ë'arue hōjo.

<sup>34</sup> O uvë'ohō: Ĕhi gemuoho vuonorō'ō bae'ejōromo ëhuni bövi bise'o ma-jahuri ae gö bojëmijë'ohō rabëni uvorëjo: God-are nunire mabëhe javuajëjo. Sisë aribōviahuro jabu'o uvoruomaje hōjo: Ĕhi gemuoho vuonorō'ō bae'ejōromo ëhuni bövioho bise'ohō ma-jahuri ae gö bojëmijarue hōjo.

<sup>35</sup> A'i jemë nu huodëgarue aribōvioho huë baejëvorëjo. Mae vaejëvorëjo. Nadi uvorëjo: Mana bojemi'aruë uvë'i jemesi bövioho bise'ohō ma-bojëmirëjo. Ĕhi ë'ë'ohō God-ro jemë suvuoro bōrōme bojëmi'ajëjo. Ĕhuro God-hu dō mare hijaje a hesi aboji harihu'o mae jëvō'ajëjo. Ĕhesi bëhohō God-ro gëvaje a sisë jioruomō'i bogo mana mabëhe uavë'e suvuore ëma baejarue aribōvie jëvego gëgorovo huro ëma huë baejëvoromo ajëmijaje hōjo. Huhu ë'aje ëhi jië'e mu vaejë'ohō jemë hesi aboji harihu'o mae jëvō'ajëjo.

<sup>36</sup> Ĕhuni jemesi Vavuehu jemëni vavaenimajëhi ëhi ae göëni vavaenimorëjo.

*Bogo dōro bamorovoromo a jabesi sisë mevo'irōhe jōhoje.*

<sup>37</sup> Nadi dōroho bamorovoromo a jabesi sisëho mevorëjo. Jabesi sisë bogo mevë'ohō God jemesi sisëhu'o bogo mevō'ajëjo. Nadi a jabesi sisëhunioho i'uoho bojëmirëjo. I'u bogo bojëmijë'ohō God jemë'o i'uoho bogo bojëmi'ajëjo. A'i ae gö jabesi sisëho uehorovoromo vuonugorëjo. Ĕhi ë'ë'ohō God-ro jemesi sisëhu'o uehorovoromo vuonugō'ajëjo.

<sup>38</sup> Ae suvuorëmirëjo. Jemë ëhi ë'ë'ohō God-ro jemë'o suvuorëmi'ajëjo. Bōrōmo mae suvuorëmiromo jemëro òvohō avohō'iramu sōrō va'ëne ë bamëho'iramu òvo duvahohō rarovoromo oterohō'a'ajëjo. Bogo bise'o vadu'ohō suvuorëmi'ajëjo. Jemë dimino'e bojëmë'ohuro ëhuro ë bojëmarije mino'e ëhi bae'a'arujëjo. Iesuro ëhi jōvadeje.

<sup>39</sup> Rōhu Iesuro rōjëhi'iro ave uhu jōho uëvadeje: Nuni sisë'e a göhuro nuni sisë'e a göho diehi òroho rōjahibe va'a'ajëjo. Bogajo. Rōjahijë'ohō jabumë niō'i guare bejëvo va'a'ajëjo.

<sup>40</sup> Jō hejaruje aribōvioho jō rōjëhijaje aho na bogo iosiremiromo jō maho bae'a'arujëjo. Jōho he barë'iramu evare jō rōjëhijaje aho va'ëne jëvō'ajëjo.

<sup>41</sup> Rōhu ja diehi'oromo ijo ugobajo'e biseharihehu isiare nunire namijajohō ga'i ijo bōrōmehu jasi nunire namijavajohō bogo gavanuëjo.

<sup>42</sup> Ijo bōrōmehu jasi nunire namijavajohō bogo gavë'ohō ëhu'ohō ja rabëni jasi aemo'aemohō uanëjo: Isi ë'ëgo na jasi nunire ijo ine namijavajohō jahahōjo. Sareri ae javajëjo. Jasi nunire ijo bōrōmehu tugohavajohō jero urimo jahonëjo. Jahonugoromo evare avohō garomo ijo ino harihohō isiare nuniroho jahahō'anuëjo.

*Aho mu vaejajire garomo uvarueje: Hu mae o sisë hōjo. Ĕhesi uhu jōhoje.*

<sup>43</sup> Ijo maho bajo sisëho bogo rae'i ijo sisëho bajo maho bogo raejaje hōjo.

<sup>44</sup> Ijohō bajoro garomo uvo'a'anuëjo: Ĕijohō mae hōjo ëho sisë hōjo. Meso böso uro'ie'iroho mesoremu uro'i bibë'e ijo sisëroho bogo uro'a'anuëjo. Rihu'e grape bajo uro'ie'iroho ë ò'iremu uro'i bibë'e resu sisëroho bogo uro'a'anuëjo. Ijo sisëhuro bajo sisëho rae'amaje hōjo. Ijo mahuro bajo maho rae'amaje hōjo.

<sup>45</sup> Ëhesi bēhoho a maho ijo maehu bajo mae raejajēhi ēhi jēvaje hōjo. A maho uehoro maēremu jabesi dē vōvōbajo'ere jēv'ēro mu maemu vaeruomaje hōjo. A sisēho uehoro sisēremu jabesi dē vōvōbajo'ere jēv'ēro mu sisēmu vaeruomaje hōjo. Aēro diehi jiē'e uehorehu jabesi dē vōvōbajo'ere irijiomēvajoho jabesi jō'ēro atarue hōjo.

*Simano ma'e ahu'o simano sisē'e ahu'o javu vaejare uhu jōhoje.*

<sup>46</sup> Jemēro uevaruje hōjo: Bada ja no mu bojamuijanue aho javajējo. Ëhi jiē'o ho jemē rabēni naehu bojēmaje muoho bogo vaejaruje hōjo.

<sup>47</sup> Rōhu ae rahu nasi ōrire rueromo nasi jō heromo ejehajoho ēhi jiē'e a hesi jōho naru uhu'e majēhi'ejōjo.

<sup>48</sup> Ae gemuēro javue vae'iē'ade hōjo. Javue vae'irōgoro ēgōbōvie umo abuejuvo munē'e sa'aho birohogoro ōboho ē ruhoromo javuoho vaejade hōjo bibivorōhego. Javuoho vae barēromo hijamu jovo bōrōmēro ruomoromo ē javuoho anade hōjo. Anamu javuoho mae vaejē'ero jiē'ero bogo orivo'i ma-bibivoromo namijade hōjo. Nasi jō ejehaje aho ē bibivē'e javu vaejade aho va'ēne hōjo.

<sup>49</sup> A'i ae rahu nasi jō heromo bogo ejehajoho ēhi jiē'e a hesi jōho naru uhu'e majēhi'ejōjo. Ae gemuēro javue vae'iē'ade hōjo. Rōhu sa'aho bogo umo abueromo ōboho ruho'i ma-sa'a dōre vaejade hōjo. Vaejē'ero ē javuoho jōv'ero ro anamu dadorovo barē nahonahovade hōjo.

## 7

*Rome raje muorovo simano vaejaje a hesi mu vaejaje a guomo'ia'amu Iesuhu ajamade jōhoje.*

<sup>1</sup> Iesuro hesi jōho ae aho'obēhe majēhinugoromo va'adoho va'o Capernaum amore hijadeje.

<sup>2</sup> Rōhu Rome raje muorovo simano vaejaje ae gemuēro ē hijē'e jiadeje. Hu bogo Jew rajehu jio'i sa'a gō raje jiadeje. Hesi muemu vaejahaje ahuro hu'o hijadeje. Hijamu rue simano vaejaje ahuro ē iaho mae uehorovo avohadeje. Mae uehorovo avohamu rue aho guomo guomo bōrōme baejē'ero guomo'iē'adeje.

<sup>3</sup> Guomo'ia'amu gagorovo rue simano vaejaje ahuro Iesuhu a ajēmaje jōho hegoro Jew rajo a duvaho ioro'ioroho uēvadeje: Va'oromo Iesu uarego rueromo nasi mu vaejahaje a hesi sinoho avohahego marē'irajo.

<sup>4</sup> Ëhi uēvamu hegorovo va'areje. Va'oromo Iesu ēninamiromo uavareje: Ēaho ajaminējo. Hu a maego jaehu ajamijē'oho iae mae hōjo.

<sup>5</sup> Hu sa'a gō raje hōjo rōhu huro ave sa'a rajoho no uehorovavuaje hōjo. Uehorovavujēro jiē'ero huro ajamuiromo ae uēvade hōjo noehu God rajahjarue osaho vaejahuorōhego.

<sup>6</sup> Ëhi uavamu Iesuro ri'ōromo jabu'o va'adeje. Va'oromo ē simano vaejaje a hesi osa bēhire rovamu gavē'i rue simano vaejaje ahuro hesi aho uēvadeje: Va'oromo Iesu bihoromo uarējo: Badajo. Nadi nasiriroho rueromo u'uoho baejējo. Na ae ma-bise'e jevoromo sisē jēv'e jaehu nasi osare rovē'oho bogo maehu hōjo.

<sup>7</sup> Ëhuni na uehorovoromo uvode hōjo: Na ō'irodoho rōhu na bogo maehu jevajējo. Ëhuni nadi rue'i ma-jō'ero jōe jōvego nasi mu vaejahaje aho marē'irajo.

<sup>8</sup> Ma-jō jōvego mu rovaje hesi ōroho iae na gavē'e jevajējo. Ëhesi bēhoho na nasi a masiyo jabesi aharire jēv'ēro jabesi jōho ejēhoromo muoho vaejarue hōjo. Naehu muorovo ae gō uavē'oho: Va'ē uavē'iroho iae hu va'aje hōjo. O muorovo ae gō uavē'oho: Rovē uavē'iroho iae hu rovaje hōjo. O nasi mu ajemaje a uavē'oho: Mue ēhi ēhi vaejehē uavē'iroho iae hu ēhi vaejaje hōjo. Ëhu'ero jō jōvego mu rovaje hesi bēhoho iae na gavē'e jevajējo. Ëhuni uavajējo: Ma-jō'ero jōe jōvego marē'irajo. Ējōho baeromo Iesu majahirego he'irajo.

<sup>9</sup> He'irajamu simano vaejaje a hesi aribōviahuro ē jōho bava'oromo Iesu majahijareje. Majahijamu Iesuro heromo tiōjadeje. Tiōromo huotorovoromo hu rihiomare aribōvioho uēvadeje: Hu mabēhe uehorovevade hōjo. Ëhi jiē'e aho na bogo birohē'e jevajējo. Nosi Israel rajoho jabu'o bogo ēhioho mae uehorovevaruējo. Iae na mae jōvajējo.

<sup>10</sup> Ëhi uēvamu hegorovo rue aribōviahuro vuonorō'ō rueromo simano vaejaje a hesi osare ro gavareje hesi mu vaejahaje aho mami'e marējē'e jiamu.

*Magonaho doru hesi harihu guomo raromamu Iesuhu ajamamu i'ovade jōhoje.*

<sup>11</sup> Ëhi'ō'irōgoro iae Iesuro Nain amore va'i va'adeje. Va'amu Iesuare ijorajo ōmo'ōmohu'o a ioro'iorohu'o ae aho'obēhe mae hu'o va'oruomadeje.

<sup>12</sup> Va'oromo amo rejo ojo bëhire hörö'ia'amu suorovo'ia'amu evare aëro guomë'e a hesi sinoho amore jioromo guavo'i giojimo baeromo rovareje. Röhu vaevë'oho guomë'e aho magonaho doru hesi harihu gemu'oho jadeje. Amo raje ae aho'obëhe ë magonahohu'o rueruomadeje.

<sup>13</sup> Rueruomamu Badaro magonahoho ganugoromo huni vavaenimamu uavadeje: Nadi nivonëjo.

<sup>14</sup> Nadi nivonëromo ruero mo sino bamare maratuoho rëhadeje. Rëhamu giojimo barovare ariböviohuo ëhi riravareje. Riravamu gatorovo Iesuro a juvijoho uavadeje: Jue'iajo. Naro ja uavajëjo: Guomano ho ri'öjëjo.

<sup>15</sup> Ri'öjëjamu döro ri'ö hiromo aevoromo jöe jövadeje. Jöe jövamu gatorovo Iesuro harihoho vëmu hesi övore bamadeje.

<sup>16</sup> Ehi'amu gavë'i ae aho'obëhe juhuonivoromo God rajahiro mo uvoruomadeje: Asë'e jö God-aro baeromo majahuijaje a börömo huoro nosi örire rovë'e hö uvoromo God-ro hesi aribövi nosi jöeni vavaenimë'e hö uvoruomadeje.

<sup>17</sup> Ehi'amu gatorovo ae aho'obëhe Judea sa'ahu'o sa'a ioro'iore bëhirohu'o Iesuro jöho ëhi vaerovemu vaerovobe va'areje.

*Bapataeto vaejaje ae John-hu ae rëmö'öjamu ruero mo Iesu jö ua gavare jöhoje.*

<sup>18</sup> Iesuhu ëhi jië'e mu vaejade jöho John-are ijore ijore jijiharue ariböviohuo John majahijareje.

<sup>19</sup> Ehi majahijamu hegoro vo John-ro hesi aribövioho niö'iro ruejöro uëvamu rovareje. Rovamu uëvadeje: Va'oromo Iesu ua garëjo: No uvaruëjo: God-ro ae nugö'ö'iramu nosi örire rue'a'ajëjo. Na ja ë aho javajëjo. O na no muebe'ejarëjo ae göero ruero hego.

<sup>20</sup> Ehi uëvamu hegoro vo va'oromo Iesu uavareje: John bapataeto vaejavuajaje ahuro uövuamu rovare höjo. Huoro uövuade höjo: Iesu uarëjo: No uvaruëjo: God-ro a böröme nugö'ö'iramu nosi örire rue'a'ajëjo. Na ja ë aho javajëjo. O na no muebe'ejarëjo ae göero ruero hego.

<sup>21</sup> Ehi uavamu hegoro evare Iesuro guomo guome gö gö juhuonini'oho aho'o aru'aho sisë'oho aho'o avoho'amadeje. Nuni tugorohë'e aribövioho aho'o jabesi nunoho dadovëhadeje.

<sup>22</sup> Ehi'oromo John-are ae niö'ioho uëvadeje: Va'oromo diehi gavarijoho hejarijoho John majahirego he'irajo. Uarëjo: Nöröro ae nuni sisë'oho ajëmijego mae uheriharue höjo. Hörü sisë'oho ajëmijego mae jijiharue höjo. Jomo'e aho ajëmijego marëjëvoromo jabesirire sisë sisëho barëjehaje höjo. Hia'i sisë'oho ajëmijego hia'e dadovoromo jöe hejarue höjo. Vuovë'e aho ajëmijego i'ovarue höjo. Bogo eni jië'e aribövioho ajëmiromo majëhijego God-are jö maho hejarue höjo. Va'oromo John ëhi majahirejo.

<sup>23</sup> Röhu John o ae rahu birivoromo nasi örire mae uehorovë'oho ë ahuro maho hi'a'ajëjo.

<sup>24</sup> Maho hi'a'ajëjamu John-are ae niö'iohuo vuonorö'öromo va'areje. Va'amu gavë'i Iesuro ë hesi bëhire gagovare aribövioho John-are jöho majëhiromo uëvadeje: Urimë'ioho jemë rabe ga'irögoro John-hu a rumo'e sa'are hijajiroho ëho va'onövarije höjo. Ijo rudu burehu huosihego arue anume va'aje ëhi uehorovaje aho na John ëhi jië'e ae jiamu jemë ga'i va'arije höjo. Bogajo.

<sup>25</sup> O diehi jië'e ae ga'i va'arije höjo. Na niögu mabëhe sanu'e io'amë'e ae jiego ga'i va'arije höjo. Röhu ëhi jië'e niögu ma io'amoromo bövi bise'o marohë'e ma baeromo raromarue aribövioho bogo a rumo'e sa'aroho raromo'i a masijehu raromarue osaremu raromarue höjo.

<sup>26</sup> Röhu diehi jië'e ae ga'i va'arije höjo. Na John jö God-aro baeromo majëhijaje ae jiamu ga'i va'arije höjo. Io'ajo. John iae hu ëhi jië'e ae höjo. Röhu aveho hehëjo. Jö God-aro baeromo majëhinövere a ioro'ioroho iosirëmiromo John hu börömo höjo.

<sup>27</sup> Iae ë a hesi jöho God-are surire jajivoromo ëhi uvë'e höjo:

Ave God nasi jö bajuvaje aho höjo.

Ja va'ië'iroho naru hu urimo nugö'ö'iramu va'oromo ae uë'a'ajëjo jaehu va'irane öroho iogorahoröhego.

Ehi jajivë'e höjo.

<sup>28</sup> Ave jöho na jö mae uë'ië'ajëjo. Ave sa'are raromarue aho ae gemu vadu'oho John bogo iosiramiro mo börömo jië'e höjo. A'i God-hu böröme namiromo muebejëvego hesi aharire raromarue a inino mahuro John iosiramiro mo döroho jioruomajëjo.

<sup>29</sup> Iesuro ëhi majëhijamu tax baejarue ariböviohu'o a ioro'iorohu'o aho'obëhe ë jöho heromo uvoruomadeje: God hu mae höjo. Rabëni John-hu bapataeto vaeröhe jöho jaburo ejahë'ëro.

<sup>30</sup> A'i Pharisee ömo'ömo'u o Jew rajo jögoru öri röjehijarue a ömo'ömo'u o ë jöho heromo jabuhu ë'ojöro God-hu nimaje muoho juahovareje rabëni John-hu bapataeto vaeröhe jöho jaburo bijönimë'ëro.

<sup>31</sup> Röhu Iesuro hesi jö vituoho majëhiromo uëvadeje: Ave jaruvore raromaruje aribövi jemesi jöho uhu'e majëhi'ie'ajëjo.

<sup>32</sup> Amo ririre raromoromo jö bijönimoromaje asisö'oho jëvanovajëjo. Amo ririre raromoromo asisö'oho ioro'iorohuro ioro'ioroho uvëvoruomajëjo: Noehu aninivoromo jemëni virikö huosihëharoho jemëro bijönimoromo bogo ejahuoromo javavarie jöho. Noehu aninivoromo huë vavaeni'e jö iaroho jemëro bijönimoromo bogo ejahuoromo nierusuburu'e bamarie jöho.

<sup>33</sup> Èhesi bëhoho bapataeto vaejavuaje ae John-ro rueromo God uehorovoromo ma-hi'i ioho wine jovoho bogo inövade jöho. Èhi'onövadoho jemëro ë jö bijönimarue asisö'oho va'ëne bijönëgamu John-are jöho bogo ejaho'i sisë'i uehorovoromo uvonövarie jöho: Aru'aho sisë dëre jië'ëro ëhu'ëro ioho jovoho bogo ijaje jöho.

<sup>34</sup> O God-are A Maho naro rueromo ioho jovoho ma-ijaje jöho. Èhi ë'ajoho jemëro ëhu'oho bijönimoromo uvaruje jöho: Nörö gahëjo. Ioho mahunö'e iromo vörö'e jovemu ijaje jöho. Hu vajiohu'e tax baejarue ahu'oho a sisë ioro'iorohu'oho ëho jabesi aemo'aeme jöho.

<sup>35</sup> Jemëro John-are muohu'oho nasi muohu'oho bijönimaruje jöho röhu no God-are uehoro maho baejë'ëro muoho vaejarue jöho. Èmu nimarue aribövioho aho'oho jaburo garomo uvoruomo'ajëjo: God-are uehoroho iae mae jöho. Èhu'ëro muoho vaejare jöho.

*Iesuhu Pharisee ae gemu Simon-are osare hiromo ë'ade jöhoje.*

<sup>36</sup> Èhi'amu Pharisee ae gemuëro Iesu uavadeje: Nasi osaro rovego no ie ijarëjo. Ie ijarëjamu ë a hesi osare va'oromo ie i'i sa'aro hijadeje.

<sup>37</sup> Röhu sisë magonahe gemuëro ë amore hijadeje. Hiromo hejade uvavamu: Iesuro Pharisee a hesi osare hiromo ie ijajë uvavamu hegorovo ridi'e ose munë huono mabëhiroho baeromo rovadeje.

<sup>38</sup> Barueromo Iesuare dejonö hörü bëhire hiromo nivoromo hesi nuni jovohuro Iesuare hörure aho'amodivamu buejahoromo simano uohuro uhijahoromo höröho dudöhahoromo ridi'e jovohuro otehadadeje.

<sup>39</sup> Èhi'amu gagorovo ë Pharisee ae Iesu uavamu rueromo i ijade ahuro uehorovoromo uvadeje: Ave aho jö God-aro baeromo majahuijaje ae jio'ibejajo hu ga'ibejajo magonahehu ma'enajoho rahuo jio'i o diehi jië'e mue vaebe juvaje magonahe jiego ahego ëhuro mae jio'ibejajo. Èhesi bëhoho hu magonaho sisë jöho. Röhu Iesuhu ë magonaho bogo avoho gavajoho ëhuro hu bogo jö God-aro baeromo majahuijaje aehu jöho.

<sup>40</sup> Èhi uehorovamu gagorovo Iesuro Simon ë Pharisee a hesi ihoho Simon uavadeje: Simon na jö harihe majahi'ie'ajëjo. Majahi'ie'ajëjamu Simon-ro uavadeje: Tisa iae mae jöho. Majehago hejjo.

<sup>41</sup> Hejjojamu Iesuro uhu'e uavadeje: Iae ae niö'iehu ae gemu hesi örire moni mana sionehu bojami'iröhoho jëvade jöho. Göhuro 500 kina göhuro 50 kina ë a hesi örire bojami'iröhoho jiade jöho.

<sup>42</sup> Röhu bogo eni jëvade jöho. Bogo eni jëvamu gagorovo moni bae'iröhe ahuro ë ae niö'iehu moni bojami'iröhoho uehorovoromo vuonugëhade jöho. Èhi jië'oho ë ae niö'ioho di ahuro ë moni bae'iröhe a hesi öriroho böröme rajahi'i di ahuro ma-bisemu rajahi'ajëjo.

<sup>43</sup> Rajahi'ajëjamu Simon-ro uavadeje: Na uehorovoromo uvajëjo: Moni böröme bojami'iröhe ahuro ë moni bae'iröhe aho böröme rajahi'ajëjo ë hesi bëhoho huro moni börömo mae uehorovoromo vuonugahë'ego. Rajahi'ajëjamu Iesuro uavadeje: Ja mae uevanuëjo.

<sup>44</sup> Èhi uaromo huotorovoromo magonahoho gavë'i Simon uavadeje: Ave magonahoho gavëjo. Naro jasi osare rovode jöho röhu ja bogo rajehiromo jovoho bojemijane jöho nasi höröho u'ojöro. A'i ave magonahohuro rajehiromo hesi nuni jovohuro nasi hörure aho'amodegamu ëhuro u'ovehade jöho. U'ovehoromo hesi simano uohuro uhijehade jöho.

<sup>45</sup> Ja bogo rajehiromo dudöhevë'e javajëjo. A'i ë magonahohuro naehu jasirire rovodevare evare aevoromo rajehiromo nasi höröho dudöhobe rovë'e jöho.

<sup>46</sup> Ja bogo rajehiromo ninugu'e jovoho nasi simanoroho oteheho'i ë magonahohuro rajehi avohoromo ridi'e jovo mabëhohuro nasi hörure otehadade jöho.

<sup>47</sup> Èhuni uavajëjo: Èmagonahohuro na rajehi avohë'ëro ëhu'ëro hesi sisë aho'obëhe jiadoho uehorovoromo vuonugë'e jöho. A'i sisë ma-bisemu uehorovoromo vuonugëhë'oho ëhi jië'e aribövioho ma-bisemu rajehi'aruëjo.

<sup>48</sup> Ēhi uanugoromo magonahoho uavadeje: Jasi sisēho uehorovoromo vuonugahē'e hōjo.

<sup>49</sup> Vuonugahē'e hōjamu Iesu'o raromoromo i ue'aharue ariböviohuro jabesi uehorovoromo uvareje: Ēaho hu diehi jiē'e aēro jiē'ēro huro God-are muoho baeromo ae magonahe jabesi sisēho uehorovoromo vuonugēhaje hōjo. Hu ēhi jiē'e muohu'o vaejaje hōjo.

<sup>50</sup> Ēhi uvamu Iesuro magonahoho uavadeje: Jero nasi ōrire mae uehorovevamu God-ro ja baejavoromo maro ramē'e hōjo. Vaevē'e va'onējo.

## 8

*Magonaho göehu göehu Iesu'o gemu mae jijihoromo Iesu ajaminövare jōhoje.*

<sup>1</sup> Ēhi ē'ē'ēro Iesuro va'adeje. Va'oromo God-hu bōrōme namiromo muebejavuaje jō maho baeromo ae majēhibe amo masjore ininore ē va'adeje. Rōhu hesi ijoraje 12-ho jabu'o

<sup>2</sup> magonaho ōmo'ōmohu'o ēhi Iesu'o gemu mae va'areje. Ēmagonahoho ioro'ioroho urimo aru'aho sisēhu dēre abuejēvo'i ioro'ioroho guomo guomo baejēvadoho Iesuro ajēmijamu marējēvadeje. Ēmagonaho jabesi ihoho göho Mary aehu uvaruoho Mary Magdalene jiadeje. Iesuro ē magonaho hesi dēre jio'amaje aru'aho sisē 7 raro'vamadeje.

<sup>3</sup> O magonaho gö hesi ihoho Joanna jiadeje. Joanna hu Chuza-are vabore jiadeje. Chuza hu a bōrōme Herod-are bōvi bise'o muebejahaje ae jiadeje. Rōhu magonaho gö hesi ihoho Susanna jiadeje. Ēmagonaho ōmo'ōmohu'o magonaho ioro'iorohu'o aho'obēhe jaburo jabesi bōvi bise'o jēvadohuro ēhuro Iesumē rabe rabe bogo eni jēvajoho ajēmibe va'onövareje.

*Aehu i ujo sa'a mare sa'a sisēre riremāde uhu jōhoje.*

<sup>4</sup> Ēhi'amu iae ae aho'obēhe amo gōre gōre jioromo gagovamu sa'aho raro'vadeje. Rarovamu gagorovo Iesuro uhu'e majēhiromo uēvadeje:

<sup>5</sup> Iae ae gemuēro hesi i uje ujuohoromo mure riremō'i va'ade hōjo. Riremobe va'amu ujo ioro'ioroho ōrire rireromāde hōjo. Rireromamu gagorovo aēro taemotaemovamu ugēro ro i barējare hōjo.

<sup>6</sup> Ujo ioro'ioroho munē uhunō jiē'e sa'are rireromāde hōjo. Rireromonugoromo rijamu sahorī'amāde hōjo sa'aho jovo rumo'ēro jiē'ēro.

<sup>7</sup> Ujo ioro'ioroho bibē'e resu resu'e sa'are rireromāde hōjo. Rireromē'ēro ujo ma hesi gemuoro riromo baba'amāde hōjo.

<sup>8</sup> Ujo ioro'ioroho sa'a mare rireromāde hōjo. Rireromoromo riromo maho aho'obēhe 100 100 ēhi rae'amāde hōjo. Uhu'e ēhi uēnugoromo ma-darugo'o uēvadeje: Ae rahu ja God-are jō hejanue ae javē'oho bēhoho nahoromo birohonējo.

*Iesuhu rabēni uhu'e majēhinövade ē hesi jōhoje.*

<sup>9</sup> Ēhi'amu Iesuare ijorajo ōmo'ōmohuro uhu jō hesi bēhoho he'i ua gavareje.

<sup>10</sup> Ua gavamu Iesuro uēvadeje: God-ro bōrōme namiromo aho'obēhe muebejaje jōho urimoho subivēhade hōjo. Ēsubivēhade jōho huro hesi suvuore jemē bojēmijē'e hōjo jemēremu he'irarijago. Ēhu'ēro jemēro jō bēhoho he'i a'i a ioro'ioro jabesi ōriroho ma-uhu jōemu rovaje hōjo ēhuro nunēremu ga'i bēhoho bogo avoho ga'i hia'ēremu he'i bēhoho bogo avoho heruomorōhego.

*I ujo sa'are riremāde uhu jō Iesuhu huruoho majēhijade jōhoje.*

<sup>11</sup> Rōhu ē uhu jō hesi bēhoho aviēhi hōjo. I ujo hesi bēhoho God-are jōe hōjo.

<sup>12</sup> Ujehu ōrire rireromamu ugehu i barējare jō hesi bēhoho aehu God-are jō hejumu gavē'ōho Satan-ro rueromo jōho baeniēhiromo rori'o bu'ōjaje hōjo ēhuro jabumē bogo ma uehorovoromo maroho va'oruomorōhego.

<sup>13</sup> O i ujehu munē uhunō jiē'e sa'are rireromoromo riromo sahorī'amāde jō hesi bēhoho aēro God-are jōho heromo nimorohoromo jōho ejaharue hōjo. Ejahoromo jōho ma-dōēremu baejē'ēro majae ma-bunemu mae uehorovoromo Satan-ro dinēmege evare vuonugarue hōjo.

<sup>14</sup> Ujehu bibē'e resu resu gemuore rireromāde jō hesi bēhoho aēro God-are jōho hejarue hōjo. Heromo rōhu jabesi muohuni nurunurumoromo monie bōvie bise'e uehorovoromo ave sa'a hesirohemu nimoronimorohoromo ēhi jiē'e muohemu uehorovaruhuro God-are jō jabesi dēre jiajoho taemego jabumē bogo rae avoharue hōjo.

<sup>15</sup> Ujehu sa'a mare rireromāde hesi bēhoho aēro jabesi dē vōvōbajo'oho maēro jiē'ēro God-are jōho heromo ejahoromo ma'eno titimoromo biririvobe va'o ijōnō rae avohoruomaje hōjo.



*Iro bueromo va'orahore bahijarue uhu jöhoje.*

<sup>16</sup> Röhu iro buno'iraejê'iroho bogo hevö gagoroho o maratu ahariroho gurihi'i ma-va'orahoro bamo'anuejo ae osare rovê'oho ajivëvoröhego.

<sup>17</sup> Nasi jö bëhoho rabe rabe gurihiro jiajoho aho'obêhe ma-va'orahoro jio'a'ajêjo. O rabe rabe subivêhajoho aho'obêhe ma-samaro jio'a'ajêjo.

<sup>18</sup> Èhuni naehu jövaje jöho avo'avoho herêjo. Aji'e jö javê'oho God-ro gö'o bo-jami'iramu bae'a'anuejo. O bogojavê'oho ma-döëremu baejanoho God-ro è uehoroho mu'uvaho'ajêjo.

*Iesuare vëmu ömo'öme o ö ömo'öme rahumë jëvaje jöhoje.*

<sup>19</sup> Èhi uëvamu iae Iesuare vëmohu'o ö ömo'ömohu'o jaburo rovaraje. Rueromo gavareje ae aho'obêhe tagavoromo öroho rarovê'ëro hu jajiroho bogo rue varijënoho jëvamu.

<sup>20</sup> Bogo rue varijënoho jëvamu gagorovo aëro Iesu uavareje: Jasi vëmohu'o ö ömo'ömohu'o ja ga'i nimoromo amonö riravaruejo.

<sup>21</sup> Riravaruejumu Iesuro è aribövioho uhu'e uëvadeje: Iae hejajêjo. Röhu ae magonahe rahu God-are jö heromo ejahê'oho èhuro è aribövioho nasi vëme ö ömo'öme jioruomajêjo.

*Iesuhu uavamu jovo börömehu ruhosöjade jöhoje.*

<sup>22</sup> Èhi ët'ëro iae Iesuro hesi ijorajoho jabu'o gemu mae boat-re ajio hijadeje. Hiromo uëvadeje: Ruehego no e'u ioni gönö va'arêjo. Va'arëromo ri'öromo va'areje.

<sup>23</sup> Ri'öromo va'aroho va'oromo Iesuro niavadeje. Niavamu gavê'i buru börömëro e'ure rovadeje. Bure rovamu jovëro hasaromo boat gagore abueromo irijiomoromo diruvëvo'ië'adeje.

<sup>24</sup> Diruvëvo'ia'amu gavê'i Iesuare ijorajoho jaburo va'o Iesu ioromo uavareje: Asê'e Tisa vuovavuo'ië'ajêjo. Vuovavuo'ië'ajëjumu ri'öromo burohu'o hasajaje jovohu'o uëvadeje: Vuonugohêjo. Vuonugohëjumu buru rovadoho barê'i jovoho u'uhadeje.

<sup>25</sup> U'uhamu gagorovo Iesuro hesi aribövioho uëvadeje: Jemë rabëni bogo ma uehorove-varujêjo. Èhi'amu rueho jaburo tiöromo juhuonivoromo uarovareje: Ave aho diehi jiê'e ae höjo. Huhu uëvê'oho bogo aëremuho ejaho'i burohu'o jovohu'o jabu'o hesi jöho ejaharue höjo.

*Satan-are a sisê aho'obêhe ae gemu hesirire jioruomamu Iesuhu rarovö'ö'amade jöhoje.*

<sup>26</sup> Èhi'amu Iesumëro e'u döre va'adoho va'o Gergesa sa'are va'o baboro bejareje. Galilee sa'aho nume e'u ioni gönö jio'i Gergesa sa'aho ruhe ioni gönö jiadeje.

<sup>27</sup> Gergesa sa'are va'o baboro bejumu gagorovo amo raje ae gemuëro rueromo Iesu birohadeje. Ècho aru'aho sisê aho'obêhëro dëre abue'amamu simane huotorovê'e jiadeje. Niögu rumo'e ma-dë'ahobatëremu majae ëgobövie hibe rovê'e jiadeje. Osaroho bogo hi'i guavo'amarue munë gagoremu hinövadeje.

<sup>28</sup> Hijê'ëro rueromo Iesu garomo jö'e dadovoromo Iesuare höru bëhire ague aho hiromo ma-darugo'o uvadeje: Iesu ja God dö mare hijaje a hesi Harihe javajêjo. Ja rabëni sihusihuego'i rovane höjo. Vuonugevêjo. Nadi huê sisêho vi'ehoho bojemêjo.

<sup>29</sup> Vi'ehoho nadi bojemiê uvade hesi bëhoho urimê'i aru'aho sisêhuro höröjöro Iesuro uavê'ego èhuni uvadeje. Röhu urimoho è aru'aho sisêhuro hu baenövadeje. Bae'ego aëro hu avoho mueberomo hesi övoho höroho tövaho'amonövareje. Tövaho'amo'ego ö'oho tarivo ruruhö'öromo aru'aho sisêhuro hesi uhure jiê'ëro ua'ego a rumo'e sa'are va'onövadeje.

<sup>30</sup> Èhi ë'onövê'ëro Iesuro uavadeje: Jasi ihoho rahuo höjo. Rahuo höjumu uavadeje: Nasi ihoho Siriehu Bimuvanovê'oho jevajêjo. Huhu èhi uavade hesi bëhoho a sisê aho'obêhe siri va'ëne hesi dëre abue'amê'ëro jiê'ëro èhi uavadeje.

<sup>31</sup> Èhi'amu è dë uhure sisê ariböviohuro Iesu ëninamiromo uaruomadeje: Nadi uönego no sisëroho revo'irarêjo.

<sup>32</sup> Röhu mahe aho'obêhe aruhëre dahoru ahore gemuoro ie ue'ahamu gagorovo dëre sisê ariböviohuro Iesu uaruomadeje: Uövuego no suorovo va'oromo aruhe mahu jabesi dëre va'o abuejarêjo. Abuejarëjumu uëvadeje: Èhuro va'ohêjo.

<sup>33</sup> Èhuro va'ohê uëvamu hejê'i rue sisê ariböviohuro è a hesi dëre jioromo suorovo va'oromo ruhe mahu jabesi dëre abueruomadeje. Abueruomamu è mahohuro va'o baradore rireromoromo e'ure siö ruruhö'ö va'oromo jove ue'ahoromo vuovadeje.

<sup>34</sup> Vuovamu gavê'i mahu muebe'amarue ariböviohuro huruomoromo amo börömëro amo ininore jöho majëhibe va'areje.

<sup>35</sup> Jöho majëhijumu hejê'i ae aho'obêhe rueruomadeje ga'iro diehi jiego. Iesuro rueromo gavareje aru'aho sisêhu dëre jioromo suorovo va'oruomade aho simanoho mae jio'ego niöge ba'amê'e Iesuare höru bëhire hijumu. Èhi gagorovo juhuonivoruomadeje.

<sup>36</sup> Juhuonivamu Iesuhu mu vaejamu gavare ariböviohuro uëvareje: Sisë ariböviehu dëre abue'amade aho Iesuro ëhi ajami'ego marëhijajo.

<sup>37</sup> Marëhijajamu Gergesa sa'a rajoho jaburo heromo sisë maro juhuonivë'ëro Iesu uavareje: Nosi sa'aho vuonugo'i va'ëjo. Vuonugo'i va'ëjamu Iesuro boat-re ajiomoromo sionëro vuonorö'ö va'ië'adeje.

<sup>38</sup> Va'ia'amu aru'aho sisëhu dëre jioromo suorovo va'oruomade ahuro Iesu uavadeje: Na ö'o ja'o hi'i negajëjo. Negajëjamu Iesuro nijio'iraeromo sionëro nugö'öromo

<sup>39</sup> uavadeje: Bogo rue'a'anuëjo. Sionëro jasi amoro va'oromo uënëjo: God-ro ëhi mabëhe ajemijamu rovode höjo. Ëhi uavamu rue ahuro va'oromo amo börömo jöe majëhibe juvo barëjadeje. Majëhiromo uëvadeje: Iesuro ëhi mabëhe ajemijamu rovode höjo.

*Iesuhu magonahe niö'ï Jairus-are abojohu'o magonahe gö'o ajëmade jöhoje.*

<sup>40</sup> Ëhi'amu Iesuro boat-re vuonorö'ö rueromo ve e'u ioni gönö rovadeje. Rovamu ae aho'obëhe hu muebejë'ëro gavare rovamu gagorovo nimorohoromo rajahiruomadeje.

<sup>41-42</sup> Rajahiruomamu iae ae gemu hesi ihe Jairus-ro rovadeje. Jairus hu God rajahijarue osa muebejaje ae jiadeje. Röhu hu aboje ihevae gemu jiadeje. Abojoho vadune aho'obëhe 12 rabu'e jiadeje. Amo guomo'ië'adeje. Guomo'ia'amu gagorovo Jairus-ro rueromo Iesuare höru bëhire ague aho hiromo dinamiromo uavadeje: Nasi osaro rueromo nasi abojoho ajamëjo. Ajamijëjamu hegorovo Iesuro hu'o va'adeje. Va'amu ae aho'obëhe hu'o gemuore ëhi tatijiomobe va'areje.

<sup>43</sup> Tatijiomobe va'amu gagorovo iae magonahe gemuëro jabu'o va'adeje. Ëmagonahoho manaero garorovade guomo guomoho bogo barë'i ëhi jiemu jibe va'adoho vadune aho'o 12 barëjë'e jiadeje. [Hesi ijo baje doctor jabesi örire bu'ö barëjadeje.] Röhu ajami'iröho bogo eni jëvë'ëro ëhi jiemu jiadeje.

<sup>44</sup> Ëhi jiemu jië'ëro ë magonahohuro Iesuare dejonö rovadeje. Rueromo niögu vituoho rëhamu gavë'i kö rovdohö ijoho bogo rovadeje.

<sup>45</sup> Ijoho bogo rovamu Iesuro ae uëvadeje: Ja rahuaro rëhevane höjo. Rëhevane höjamu hegorovo ae aho'obëhe uavareje: No bogo rëhavë'e javuajëjo. Rëhavë'e javuajëromo Peter-ro uavadeje: Tisa ja rabëni ëhioho uövuanejo. Ae aho'obëhe jasi bëhire jijihoromo tatijiomavaruëjo.

<sup>46</sup> Tatijiomavaruëjamu uëvadeje: Iae aëro rëhevade höjo. Na hejajoho nasi darugoho ae ajëmi'i gö va'ë'e jiavajëjo.

<sup>47</sup> Va'ë'e jiavajëjamu ë magonahohuro garomo uvadeje: Naehu Iesu niögure rëhodoho bogo subivo varijënohevajë uvoromo juhuonivadeje. Juhuonivoromo butubutumobe rueromo Iesuare höru bëhire ague aho hijadeje. Ague aho hiromo ae aho'obëhe jabesi nunire Iesu uavadeje: Na ëhi marëjevojöro negamu ëhuni rëhavode höjo. Rëhavamu ëhuro ma-burëro marëjevade höjo.

<sup>48</sup> Ëhi uavamu hegorovo Iesuro uavadeje: Abojëjo. Jero na mae uehorovevamu ëhuro marëjavë'e höjo. Vaevë'e va'onëjo.

<sup>49</sup> Iesuro ëhi uavamu gavë'i ae göëro Jairus-are osare jioromo rueromo uavadeje: Jasi abojoho mami'e guomë'e höjo. Ëhuni mino'e tisaho u'uoho bojamëjo.

<sup>50</sup> Mino'e u'uoho bojamëjamu Iesuro mu'öjahiromo Jairus uavadeje: Nadi juhuonivo'i mae uehorovonëjo. Ëhi jië'ohuro jasi abojoho i'ovo'ajëjo.

<sup>51</sup> I'ovo'ajë uanugoromo Iesuro Jairus-are osare va'oromo Peter John James magonaho harihu hesi vëmu vavu'oho ëho jaburo hu'o va'öjoro uë'i a ioro'ioroho nijio'irajëvadeje.

<sup>52</sup> Nijio'irajëvonugoromo osare va'oromo gavade ae aho'obëhe magonaho hesi jöeni nierusuburu'e bamoromo jabesi muo'amorovamu gëgorovo Iesuro uëvadeje: Nadi nierusuburu'e bamohëjo. Ëmagonaho harihoho bogo guomo'i ma-niavajëjo.

<sup>53</sup> Ma-niavajëjamu hegorovo rueho jaburo garomo uvareje: Magonahoho iae mae guomë'e höromo Iesu sivoromo ijo'ijahareje.

<sup>54</sup> Ijo'ijahamu Iesuro va'oromo magonaho hesi övore ma'enoromo ma-darugo'o uvadeje: Bësu ri'öjëjo.

<sup>55</sup> Ri'öjëjamu magonaho hesi aru'ahohuro vuonorö'ö rovamu hejë'i ma-burëro ri'öjajadeje. Ri'öjamu gagorovo Iesuro uëvadeje: Ie bojamego ijajo.

<sup>56</sup> Ëhi'amu vëmu vavu'oho tiöjëvadeje. Tiöjëvamu Iesuro uëvadeje: Naehu vaejode muoho nadi aho uërëjo.

## 9

*Iesuare ijoraje 12 jabuhu va'oromo mu vaeröhego Iesuhu rëm'öjajade jöhoje.*

<sup>1</sup> Iae Iesuro hesi ijoraje 12-ho uëvadeje: Ro gemuoro gagovohëjo. Gagovohëromo rovam uëvadeje: Jemëhu mu vae'irarijohuni nasi darugoho bojëmijajëjo ëhuro jemëro Satan-are a sisë a dëre jio'amë'oho rarovö'ö'amoromo guomo guomo'e aribövioho ajëminövo'irarijego.

<sup>2</sup> Ëjõho darugoho bojëmijë'e jevaje ëhuni va'oromo God-hu böröme namiromo muebejevaje jõho majëhabe guomo guomo'e aribövioho ajëmibe jijjhorëjo.

<sup>3</sup> Ëhi uëromo uëvadeje: Va'ie'iroho bövioho bise'oho nadi ujuohorëjo. Ha'itoho esõho iruno'oho ijo bajoho nadi ujuohorëjo. Niögohõ nadi göho ujuoho'i ma-gemu ruohoromo jijjhorëjo.

<sup>4</sup> Amo göre göre va'oromo aehu di osare raromojõro uëvamu va'o raromë'oho ëhuremu raromoromo va'onövorëjo.

<sup>5</sup> O di amore ariböviehu jemesi örire nu huodëgë'oho amoho nugo va'irögoro jabesi sa'a hesi tohotohe jemesi hörü hitahire jiajoho sa'aro riremõ va'ego ë amo rajohuro garomo uvo'irarëjo: No sisë ë'ë'e javuajëjo.

<sup>6</sup> Ëhi majëhijamu hegorovo Iesure ijorajoho jaburo ri'öromo va'areje. Va'oromo jö maho majëhibe guomo guomo'e aribövi jabesi sinoho ajëmibe ame aho'o jijjhareje.

*Herod-hu Iesure jö heromo dadivade jõhoje.*

<sup>7</sup> Iae Galilee sa'are a böröme Herod-ro hejade uvoruomamu: Iesumëro ëhi jië'e mu masije vae'amë'e hö uvavamü hegorovo Iesure jõho uehorovoromo uvadeje: Diehi'oromo ë'ajëjo. Ëhesi bëhohõ hu hejadeje a ioro'iorohuro uvoruomamu: Iesu hu John bapataeto vaenövade ahuro guomoromo ri'öjje'e höjo. Ëhu'ëro ëhi jië'e muohõ vae'amaje höjo.

<sup>8</sup> O a ioro'iorohuro uvoruomamu: Iesu hu mami'e hijade ae Elijah-ro rovë'ëro ë'ajëjo. O a ioro'iorohuro uvoruomamu: Mami gö'e jö God-aro baeromo majëhinövare aribövioho röhu gemuëro i'ovoromo ri'öjje'ëro ë'ajëjo.

<sup>9</sup> Ae göëro göëro jöe gö gö ëhi atavamü hegoro Herod-ro dadivamu uvadeje: Nani ë aho bogo John-hu höjo. Mami'e na John-are sönõho tariojahode höjo. Röhu ë mu masijo vae'ego aehu garomo ato'ego na hejajoho ë iaho rahuo höjo. Ëhi uvoromo Iesu gal'i nimadeje.

*Iesuhu ae aho'obëhe 5,000 da'uojëhade jõhoje.*

<sup>10</sup> Ëhi'amu apostle ömo'ömhuro vuonorö'ö rueromo Iesu uavareje: No ëhi ëhi ë'oromo rovere höjo. Rovare höjamü Iesuro söjëvoromo Bethsaida amore jabesi sivue raromö'i va'areje.

<sup>11</sup> Bethsaida jabesi sivue raromö'i va'i va'amu ae aho'obëhe ë jõho heromo rueruomadeje. Rueromo birõhoruomamu gëgorovo Iesuro uëvadeje: Iae mae rovë'e jëvajë uëngoromo God-hu böröme namiromo muebejavuajë jõho majëhiromo guomo guomo'e aribövioho ajëmijadeje.

<sup>12</sup> Ëhi'õjuvo majae garobõ'e bamamugo hesi ijoraje 12-ho jaburo rueromo uavareje: Aveho a rumõ'e sa'ae höjo. Ëhuni ave aribövioho rëmö'öjjege ave bëhire amo masijore amo ininore va'oromo ie nahoromo ue'ahoromo momorö'ö'irarëjo.

<sup>13</sup> Momorö'ö'irarëjamü uëvadeje: Bogajo. Jemëro iruno'oho da'uojëhirëjo. Da'uojëhirëjamü uavareje: Iae mae höjo röhu no ie övo gö mine visue niö'i ëhemü javuõ'i gö bogojavuajëjo. O na ja uöromo ë'anuëjo noro va'oromo ave ariböviohuni ie imo'amojõro. Ae aho'obëhe jië'ëro no bogo eni javuajëjo.

<sup>14</sup> Ëhi uavare hesi bëhohõ ama'e aho'obëhe 5,000 rabu'e ë raromë'ego ëhuni uavareje. Ëhi uavamü Iesuro hesi ijorajo ömo'ömhõ uëvadeje: Uëvego 50 50 rabu'e hahagu hahagu gagovoromo ëhi raromobe va'arëjo.

<sup>15</sup> Raromobe va'arëjamü rue ijorajoho jaburo uëvamu ae aho'obëhe ëhi raromobe va'oruomadeje.

<sup>16</sup> Ëhi raromobe va'amu gagorovo ie övo gö mine visue niö'i ujuohõ rovarohõ ëho Iesuro ujuohoromo ö'idõho siorohõ garomo God huë mae uvadeje. Huë mae uanugoromo iohõ ato'atovoromo hesi ijorajo ömo'ömhõ i'imëmijamü suvorëmijareje.

<sup>17</sup> Suvuorëmijamü ae aho'obëhe ue'ahamü da'uëgadeje. Da'uëgamü gagorovo ijorajoho jaburo vitu vituohõ gagovoromo esõe aho'obëhe 12 aego'amareje.

*Iesu hu ëhi jië'e ae jiaje jõho Peter-hu jövade jõhoje.*

<sup>18</sup> Ëhi'amu Iesuro huro hesi sivue parie vaejamü evare hesi ijorajoho jaburo hu'o raromareje. Raromamü gagorovo uëvadeje: Na rahuo jevaje jõho ae aho'obëhe diehi atoruomaje höjo.

<sup>19</sup> Diehi atoruumaje hōjamu uavareje: A ioro'iorohuro uvoruomaje hōjo: Ja John bapataeto vaejavuonōvane ahuro rovê'e javajêjo. A ioro'iorohuro uvoruomaje hōjo: Ja Elijah-ro rovê'e javajêjo. A ioro'iorohuro uvoruomaje hōjo: Mami gō'e jō God-aro baeromo majêhinōvarije aribōvioho rōhu jero gemuêro i'ovoromo rovê'e javajêjo.

<sup>20</sup> Èhi uavamu Iesuro uêvadeje: Rōhu jemê nasi jōho diehi ataruje hōjo. Diehi ataruje hōjamu Peter-ro ri'ōromo uavadeje: Ja God-hu uavê'ero bōrōme namiromo ajamuijanue aho javajêjo.

*Iesuhu huê vavaeni baeromo guomorōhe jō jōvadohoje.*

<sup>21</sup> Javajêjamu Iesuro jōho darugo'o majêhiromo uêvadeje: Èjōho nadi aho huruoho majêhirêjo.

<sup>22</sup> Èhi uênugoromo uêvadeje: God-ro èhi bamê'ero êhu'ero hesi A Maho naro vi'ehe huê vavaene bōvie bise'e bae'ejōjo. Jew rajo a duvaho ômo'ômoho priest masi-joho Jew rajo jōgoru ôri rōjêhjarue aribōvioho êho jaburo na bijōnegoruomo'ajêjo. Bijōnegoruomo'iramu aêro anego'iramu guomevo'ajêjo. Guomoromo majae niō'i gemu hesi uhure i'ovoromo ri'ō'ejōjo.

<sup>23</sup> Iesuro hesi ijorajoho èhi majêhinugoromo ae aho'obêhe uêvadeje: Ae rahuaro nasi ijore ijore juvo'i nimê'oho jasi sinehu nimajoho nadi uehorovo'i vae majae uvonêjo: Iesure jōeni vi'ehe huê vavaene javoje rabe baeromo guomevê'oho iae hesi hō uvoromo korosi hesi i'uoho banigojiomanovoromo nasi ijoro ijoro juvonōvonêjo.

<sup>24</sup> Ja jasi sinohuni uehorovoromo biririvoromo ave sa'are hi'i êhemu uehorovê'oho ijonōho guomo ôriro va'a'anuêjo. O ja nasi jōeni guomê'oho ijonōho maro hi'a'anuêjo.

<sup>25</sup> Jaehu are jove sa'ae mae sisê aho'obêhe bae barê'i rōhu arijo'arije ijumorovê'oho o sisêrovê'oho na ja êhuo mae javo'ajêjo. Bogajo.

<sup>26</sup> Èhesi bêhoho ae rahu nasi jōeni o naehu majêhijaje jō hesi jōhuni javojêgê'oho u'emmu God-are A Maho naro nasi ajohu'o nasi Vavu hesi ajohu'o anera maemu jiê'e jabesi ajohu'o rue'iramu evare nani javojimoruomade aribōviohuni javojego'ajêjo.

<sup>27</sup> Rōhu ave jōho na jō mae uê'iê'ajêjo. Jemê a ioro'iore ave riravarujoho bogo vuovê'e raromoromo God-hu bōrōme namiromo muebejaje ajoho ga'a'arujêjo.

*Iesure nu ano'ehu ajivoromo gorosovade jōhoje.*

<sup>28</sup> Èhi uênugoromo hurae gemu barêjamu Iesuro Peter John James èhi sōromo God-are ôrire jōe jōvo'i dahorure ajiomadeje.

<sup>29</sup> Ajiomoromo God-are ôrire jōe jōvamu Iesure nu ano'oho gorosovoromo ma-mabêhe jio'i hesi niōgoho majaeju bamajêhi èhi ajivo avohadeje.

<sup>30-31</sup> Ajivo avohamu gavê'i iae urimê'i arinōvare ae niō'i Moses'o Elijah'o ma-majioho aji mare rirarovoromo jabu'o Iesu'o jōe atareje. Atoromo God-hu nimaje mu Iesuhu vaeromo Jerusalem guomorōhe jōho atareje.

<sup>32</sup> Atoruomamu Peter-mêro nunêhêgamu momorō'ō uro'amareje. Momorō'ō uro'amê'ero ri'ō'i gavareje Iesu aji'ere nami'ego ê ae niō'ioho jabu'o ê rirarovamu.

<sup>33</sup> Rirarovoromo Moses'o Elijah'o Iesu nugo va'ia'amu gavê'i Peter-ro Iesu uavadeje: Tisa no ave rareramaruoho iae mae hōjo. Uōvuego no javu harihe niō'i gemu vae'amarêjo jani gemu Moses-ni gemu Elijah-ni gemu. Peter-ro bêhoho bogo avoho uehorovê'e ê jōho êma jōvadeje.

<sup>34</sup> Jōvamu gavê'i suêro rueromo aegêhadeje. Aegêhamu Peter-mêro gavare Iesu Moses Elijah suêro numêvamu gagorovo juhuonivareje.

<sup>35</sup> Juhuonivê'i hejareje sue uhure uvavamu: Ave aho nasi Harihe naehu baejode aho hōjo. Huhu jōvaje jōho avoho herêjo.

<sup>36</sup> Èhi uvavamu hejê'i gavareje Iesu hesi sivue namijamu. Èhi gavê'ero Peter-mêro rabe rabe gavaroho subivêhoromo aho bogo majêhijareje u'emmu majêhi'irōhêro.

*Iesuhu Satan-are a sisê aharihu hesi dêre jiamu rarovô'ōjade jōhoje.*

<sup>37</sup> Èhi ê'iê'ero sisonuvamu gagorovo Iesu o hesi ae niō'i gemu dahorure abuejareje. Abuejamu gavê'i ae aho'obêhe rueromo Iesu birohuruomadeje.

<sup>38</sup> Ae aho'obêhe ro birohoro rōhu ae gemuêro ma-darugo'o uvadeje: Tisa huê baejevoromo nasi harihoho ro gavêjo. Na aboji harihu'e bogojovo'i avehuremu gemu jevajêjo.

<sup>39</sup> Rōhu Satan-are a sisêro hesi dêre abueromo ijumahego aharihoho simane sisêrōromo ma-majioho jō'e dadovoromo bijōbijōvoromo ôvo'o hôru'o ajiomoromo jō'onō obohu tatogo'e rovaje hōjo. Obohu tatogo'e rovego a sisêhuro bogo burêroho hōrō va'i sino hahō'oho ijumahojuvo u'uhego evare hōrōromo va'aje hōjo.

<sup>40</sup> Ēhi ē'i hijjē'ego naro jasi ijorajo ōmo'ōmoho uēvode hōjo: Aru'aho sisēho rarovō'ōhego va'ajo. Ēhi uēvamu rarovō'ō'i ē'o gavaroho bogo eni jēvade hōjo.

<sup>41</sup> Bogo eni jēvade hōjamu Iesuro uēvadeje: Asē'e ave jaruvore raromaruje aribōvioho jemē bogo ma uehorovo'i jōe gō gō ēma uehorovaruje aribōvie jēvajējo. Na majae dimino'e jemē'oho hiromo jemesi mu sisēho garomo ma-nunēro ga taemobe va'ejōjo. Jemesi uehore sisēhuro na u'uvevajējo. Jasi harihoho avehuro barovego na gavōjo.

<sup>42</sup> Gavōjamu ē harihoho rovamu gavē'i Satan-are a sisē dēre hijaduhuro dē vōvōbajo'oho ijumahamu simane sisērōromo sa'are darugo'o behumorovoromo bijōbijōvoromo ōvo'o hōru'o ajiomadeje. Ōvo'o hōru'o ajiomamu gagorovo Iesuro aru'aho sisēho rarovō'ōjamu marējadeje. Marējamu Iesuro aharihoho baeromo vavuoho sionēro bojamijadeje.

<sup>43</sup> Bojamamu ae aho'obēhe God-are darugo bōrōmoho garomo jōe barējēvadeje.

*Iesuhu guomorōhe jō rōhu maho majēhijade jōhoje.*

Ae aho'obēhe Iesuare mu masijoho aho'o uehorovoromo jōe barējēvamu gavē'i Iesuro hesi ijorajo ōmo'ōmoho majēhiromo uēvadeje:

<sup>44</sup> Ave jōhuremu avoho hehējo. God-ro ēhi bamē'ero hesi A Maho na a jabesi ōvore va'iramu baejevoruomajājējo.

<sup>45</sup> Ēhi uēvamu hejareje rōhu jō bēhoho dadivēvadeje. Subivēhē'ero bēhoho bogo gavareje. O ua ga'irōhoho juhuonivareje.

*Di aehu a ioro'ioro iosirēmiromo bōrōme jiaje jōhoje.*

<sup>46</sup> Ēhi'onugoromo ē ijorajoho jaburo jō aho'ahamirovoromo uarovareje: Iesuare ijorajo ōmo'ōmoho di aho bōrōmoho javuajējo.

<sup>47</sup> Bōrōmoho javuajējamu Iesuro jabesi uehoroho garomo aharihe gemu baro hesi bēhire nugamu namijadeje.

<sup>48</sup> Namijamu hesi ijorajo ōmo'ōmoho uēvadeje: Ae rahu aviēhi jiē'e aharihoho nasi ihore rajahiromo baejē'oho ēhuro na'o rajehiromo baejevoruomaje hōjo. O ae rahu na rajehiromo baejevē'oho ēhuro remō'ōjamu rovode ahu'o rajahiruomaje hōjo. Ēhesi bēhoho jemesirire di aho bise'o jiajoho God-hu gavajoho ēhi jiē'e aho bōrōmoho hōjo.

*Ae rahu jemē'o bogo iro muorovo'e vaejē'oho jemē'o gemuore jiaje a hesi jō Iesuhu jōvadohoje.*

<sup>49</sup> Ēhi uēvamu John-ro ri'ōromo uavadeje: Tisa no gavare hōjo ae gemuēro jasi ihoho uvoromo aru'aho sisē a jabesi dēroho rarovō'ōjēvamu. Rarovō'ōjēvamu garomo rōhu gavare hu bogo no'o juvaje aho jiamu gagorovo uavare hōjo: Vuonugējo.

<sup>50</sup> Vuonugējamu Iesuro uavadeje: Nadi ēhi jiē'oho ē'orējo. Ae rahu jemesi ōrire bogo bijōnimē'oho ē aribōvioho jemesi aemo'aeme jioruomajējo.

*Iesuhu Samaria sa'are amore ro hi'ia'amu amo rajehu hesi ōri ahare jōhoje.*

<sup>51</sup> God-hu Iesu uavego ō'idōre ajiomō'irōhe majaha dunovamu gagorovo Iesuro uehore gemu baeromo uvadeje: Iae na Jerusalem ajiomō'ie'ajājējo.

<sup>52</sup> Ēhi uvoromo ae rēmō'ōromo uēvadeje: Jemēro urimo va'irarijoho Samaria sa'are amo gōhuro va'oromo amo rajoho uēnējo: Nōrō ō'a'ajājējo. Ō'a'ajējami hegoro rueho jaburo va'oromo amore suorovareje bōvie bise'e Iesuni avohahorōhēro.

<sup>53</sup> Suorovamu ē amore aribōviohuro uvoruomadeje: Jerusalem amoho sisē jiē'e Iesuro ē amore va'i rovajēromo ēhuni Iesuhu jabesi amore hi'irōhoho ahoruomadeje.

<sup>54</sup> Ahoruumamu gagorovo Iesuare ijoraje James'o John'o jaburo Iesu uavareje: Tisajo. Na ja nagajējo noro uavego vēnēro ō'idōre jioromo ruvebiromo ē amo rajoho ravēvojōro.

<sup>55</sup> Ēhi uavamu hegorovo Iesuro huotorovoromo James'o John'o uēvadeje: Bogave ēhioho uvo'irarijējo.

<sup>56</sup> Ēhi uēnugoromo ame gōro va'areje.

*A ioro'iorehu Iesuare ijore ijore jijiho'ia'amu Iesuhu majēhijade jōhoje.*

<sup>57</sup> Ōrire va'oruomoro ae gemuēro Iesu uavadeje: Ja dinō'e dinō'e va'ē'iroho na jasi ijore ijore juvonōvo'ejōjo.

<sup>58</sup> Juvonōvo'ejōjamu Iesuro uavadeje: Jero nasi ijore ijore juvo'i uevanuējo rōhu je'o majehu sa'a gagore rōho avohoromo mare raromaruoho iae jiajējo. Je'o ugehu iju vaeromo mare raromaruoho iae jiajējo. A'i God-are A Ma naehu niavaje hijaje osaho bogojevajējo. Nadi uvonējo: Nōrō'o hibe juvē'oho mae hibe juvo'ejōromo nasiriroho ruenējo.

<sup>59</sup> Ēhi ē'ē'ero Iesuro ae gō uavadeje: Rueromo nasi ijoro ijoro juvējo. Juvējamu ruehuro uavadeje: Iae mae hōjo rōhu uavego na nimo vuonorō'ō va'oromo nasi vavuoho guavoromo hujeji evare jasi ijore ijoroho juvo'irōjo.

<sup>60</sup> Juvo'irōjāmu Iesuro uavadeje: O-ajo. Vuonugego vuovo örire jijiharue ariböviohuro jabesi aribövioho guavo'amo'irarējo. A'i jero va'oromo God-hu böröme namiromo muebejevaje jōho majēhibe juvonövonējo.

<sup>61</sup> Ēhi uavamu ae göero Iesu uavadeje: Bada iae na jasi ijore ijore juvonövo'ejōjo. Röhu uevego na urimo va'oromo nasi aganoho jejēmiromo rueromo evare jasi ijore ijoroho juvo'irōjo.

<sup>62</sup> Juvo'irōjāmu Iesuro uhu'e uavadeje: Röhu aehu aevoromo mu ravoromo vuonorö'ö uherihobe ravobe va'ē'oho hu muoho bogo avo'avoho ravaje hōjo. Ēhesi bēhoho ja uehoro niō'i baej'ē'oho ēhuro God-are aji'e öri ari'o hesi mu vae'iranoho bogo eni javo'ajējo.

## 10

*Ae aho'obēhe 72 jabuhu va'oromo mu vaejōro Iesuhu rēmō'ö'irōgoro jō majēhijade jōhoje.*

<sup>1</sup> Ēhi ē'ē'ero Badaro ae gö aho'obēhe 72 baejēvoromo rēmō'öromo uēvadeje: Nae hu juvo'irode ē amoro amoro ēhuro jemēro ae niō'i niō'i urimo va'orējo.

<sup>2</sup> Ēhi uēnugoromo uhu'e uēvadeje: Ae aho'obēhe nasinö sö rue'irōhoho ēho mure iruno'e gagovo'irōhoho va'ēne hōjo. Mure gagovo'irōhe iruno'oho bövi mae jio'i gagovarue aribövioho no ma-gemu gemu javuajējo. Ēhuni mu Arijō'oho ēninamiromo uarego huro ae gö'o rēmō'ōjēgo mure rueromo ajamuiromo iruno'oho gagovo'irarējo.

<sup>3</sup> Jemēro va'orējo. Röhu gavē'iajo. Naro rēmō'ōjēgo jemē vaevē'e sheep harihunō'e vörō'e miehū jioruomajire va'iē'arujējo.

<sup>4</sup> Monioho esōho hörū sinoho nadi ujuoho va'orējo. Öriroho nadi ae gö gö jabesi öriroho jejēmibe va'oromo örisanuoho ē'orējo.

<sup>5</sup> Jemē ae gö jabesi osare va'iē'iroho urimo jejēmiromo uēnōvorējo: Ave osare aribövioho huē mae baerējo.

<sup>6</sup> Huē mae baerē'iramu God-are huē ma bae'i nimaje aho ē osare hijē'oho iae huē mae bae'a'ajējo. O God-are huē ma baerōhoho bijōnimoromē'oho uērējo: God-are huē ma jō uēvodoho vuonugajējo. Ēhu'ero bogo bae'a'arujējo.

<sup>7</sup> Nadi osa göroho göroho momorō'öbe va'i ma-osae gemuoro raromoromo ie jove rabe i'imēmijē'oho ēho ue'ahorējo. Jemēhu jabesi iruno'o o jovo ue'ahē'oho iae mae hōjo rabēni jemē jabesi mue vae'iē'ero. Ēhesi bēhoho ae rahu mu vaeromo mana baej'ē'oho iae mae hōjo.

<sup>8</sup> Jemē di amore va'o suorovamu jabuhu huē baejēvamu gavē'ohuro ie rabe rabe i'imēmē'oho ēho ue'ahorējo.

<sup>9</sup> Guomo guomo'e aribövie ē amore raromē'oho ajēmirejo. Amo rajoho jōe majēhiromo uērējo: Avejevō'oho God-ro böröme namiromo jemē muebejevō'iē'ajējo.

<sup>10</sup> O jemē di amore va'o suorovamu jabuhu jemē bijōnēgē'oho amoho nugo va'irōgoro amoro jijihoromo jōe majēhiromo uērējo:

<sup>11</sup> Noro jemesi bövioho bise'oho riremī'ōromo jemesi amore sa'a hesi tohotohehu nosi hörure aegadoho no va'i ēhu'o riremo va'ejarējo ēhuro jemē garomo uvo'irarijēgo: No sisē aribövie javuajējo. Röhu ave jōhu'o avo'avoho uehorovohēre. God-ro böröme namiromo aevoromo jemē mabēhe muebejevō'iē'oromo vuonugē'e hōre. Ame gö gö jemesi jō bijōnimē'oho ēhi majēhinōvorējo.

<sup>12</sup> Naro jemē uēvajējo: God-hu i'u bojēmi'irōhe maja rovē'iroho Sodom amo rajo jabuhu i'u baerōhoho ēho ma-jianovo'i a'i jemesi jō bogo eruomaje aribövioho jaburo i'u börömo maho baeruomo'ajējo.

*Ame göehu göehu Iesu bogo ma uehorovare jō Iesuhu jōvadohoje.*

<sup>13</sup> Chorazin'o Bethsaida'o amo rajohumē vaevē'oho sisēro revo hesi jēvajējo. Naro darugo'e muoho jemesi amore vaejēgo garomo röhu nasi jōho bijōnimaruje hōjo. Nae hu darugo'e mu jemesi amore vaejodoho Tyre amore o Sidon amore vaejēgo ga'ibejarējo mami'e jabesi sisēni huē vavaene baeromo niōgu sisē io'amoromo uonēro buerovoromo raromoromo uehoro sisēho vuonugo'i uehoro mae baeruomo'ibejajo.

<sup>14</sup> God-hu i'u bojēmi'irōhe maja rovē'iroho Tyre o Sidon rajo jabuhu i'u baerōhoho ma-jianovo'i jemēro i'u börömo maho bae'a'arujējo.

<sup>15</sup> Röhu Capernaum amo rajohumē jemēro jemesi sivue uehorovoromo uvaruje hōjo: Nosi ihoho ö'idöre ajiomō'ajējo. Bogo ēhioho jio'i sa'aro be'a'ajējo.

<sup>16</sup> Röhu nasi ariböviohumē ae rahu jemesi jō ejēhē'oho nasi jōhu'o ejarahue hōjo. O ae rahu jemē juahēmijē'oho na'o juahemijarue hōjo. Ae rahu na juahēmijē'oho rēmō'ōjāmu rovode ahu'o juahemijarue hōjo. Hesi ae 72-ho ēhi uēnugoromo rēmō'ōjāmu va'areje.

*Ae aho'obēhe 72 jabuhu Iesuare mu vaenugoromo vuonorō'ō rovare jōhoje.*

<sup>17</sup> Va'ē'ēro ē ae aho'obēhe 72-ho jaburo nimorohē'i vuonorō'ō rueromo Iesu uavareje: Bada mue aho'obēhe mabēhe vaebe jijihē'ēro rovaruējo. No jasi ihore uēvamu Satan-are sisē aribōviahuro ejahuoromo suorovo va'oruomade hōjo. Ēhi jiē'e muoho ēhu'o gavē'e javuajējo.

<sup>18</sup> Gavē'e javuajējamu Iesuro uēvadeje: Satan-are aribōviehu jemē ejēhare hesi bēhoho naro gavode hōjo Satan-are vōrōe barēromo baderehu baderivajēhi Satan ēhi ō'idōre jioromo berovamu.

<sup>19</sup> Iae nasi mu vae'irarije darugoho bojēmijē'ēro ēhuro jemēro vōrō'e sigobohu'o niani'ōhu'o hōrēro taemo'amoromo Satan-are vōrōho aho'obēhe ruahō'ō'amo'arujējo. Ēhi ē'iramu bōvioho bise'oho jemē bogo ijumēvo'ajējo.

<sup>20</sup> Iae ēhi hōjo. Rōhu Satan-are aribōviehu jemesi jō ejēharuoho ma-jianovē'e jiaje nadi uehorovo'i a'i jemesi ihe ō'idōre jajivē'e jiajoho ēho uehorovoromo nimorohorējo.

*Iesuhu nimorohade jōhoje.*

<sup>21</sup> Ēhi uēromo evare majare Iesuro God-are Aru'aho hesi huē maho baeromo nimoroho avohadeje. Nimorohoromo God uavadeje: Apo ja ō'idōrohu'o sa'arohu'o muebejanue ae javajējo. Naro jasi ō'irire huē mae uavajējo. Rabēni hesi bēhoho jero gavane nuni ajil'e a masijohuro uvoruomamu: Nosi simanoho mae javuoromo bōvie bise'e ga barējē'e javuajē uvamu gēgorovo jero jasi jōho jabesi ō'irire subivēhē'e javajējo. A'i gavane bogo gavē'e aribōviahuro bogo dōroho bamorovo'i jōho he'i nēgamu gēgorovo jero jasi jō bēhoho rōjēhijē'e javajējo. Apo iae mae hōjo. Jero jasi nimoromo ē'ane hōjo.

<sup>22</sup> God ēhi uanugoromo ē aribōvioho uēvadeje: Nasi Vavuohuro jōe aho'o bojēmijē'e hōjo muebe'irodego. Vavuohuro gemuēro Harihoho na avoho gavaje hōjo. Harihoho naremuēremu Vavuoho avoho gavaje hōjo. O Harihu naehu di aribōvi rōjēhi'i negē'ohuro ēhuro ē aribōviahuremu rōjēhijego jabu'o Vavuoho gavarue hōjo.

<sup>23</sup> Ēhi uēvē'ēro Iesu'o hesi ijorajoho jabu'o jabesi sivue raromoromo Iesuro huorovoromo uēvadeje: Jemē mu maho gavarujēro jēv'ēro ēhu'ēro jemē mae jēvajējo.

<sup>24</sup> Ave jōho na jō mae uē'iē'ajējo. Jemēhu gavaruje muoho o hejaruje jōho urimē'i jō God-aro baeromo majēhinōvare aribōviohu'o sa'are a masijohu'o aho'obēhe jaburo nimoruomade hōjo garomo he'iro. Rōhu bogo garomo heruomade hōjo. Rōhu God-ro jemē ajēmijē'ēro ēho gavaruje hōjo. Ēhu'ēro jemē huē mae baejē'e jēvajējo.

*Sa'a gō rajehu sa'a gō rajo ajamade uhu jōhoje.*

<sup>25</sup> Ēhi'amu gagorovo Jew rajo jōgoru ōri rōjēhijaje ae gemuēro Iesuare dēho bijioho ga'irōgoro ri'ōromo uavadeje: Tisajo. Na diehi'oromo ioro'ioremuoho maroho hi'ejōjo.

<sup>26</sup> Maroho hi'ejōjamu Iesuro uavadeje: God-are surire jōho diehi jajivē'e hōjo. Ja uehorovanuoho bēhoho diehi hōjo.

<sup>27</sup> Bēhoho diehi hōjamu ruehuro uavadeje: Jasi dē vōvōbajole aru'ahe daruge uehore aho'obēhe Bada jasi God ma-hu gemu bojaminējo. O jō gōho jaehu jasi arijo'arije rajahirovanuēhi jasi ae gemuoho ēhi rajahinējo.

<sup>28</sup> Rajahinējamu Iesuro uavadeje: Ja jō mae jōvanuējo. Ēhi ē'ē'oho ēhuro ja maro hi'a'anuējo.

<sup>29</sup> Hi'a'anuējamu rue rōjēhijaje ahuro hesi ihoho mae jiojōro nimamu Iesu uavadeje: Rōhu nasi ae gemuoho rahumē hōjo.

<sup>30</sup> Rahumē hōjamu Iesuro uhu'e uavadeje: Iae Jew raje ae gemuēro Jerusalem jioromo Jericho amore abue'iē'ade hōjo. Ō'irire abueromo nume vajiohu'e aribōvi jabesi ōvoro va'ade hōjo. Ōvoro va'amu guduamoromo niōgoho maho sisēho vajiohēro ujuohahoromo sa'ijosa'ijovoromo gavare guomo'ia'amu gagorovo nugo va'are hōjo.

<sup>31</sup> Va'amu gagorovo priest-ēro ijōnō ō'irire ruvebijade hōjo. Ruvebi'i gavade aho raromamu gagorovo iosiramiro mo ōri ionī gōnō va'ade hōjo.

<sup>32</sup> Ēhi'amu Levi raje God-are mu ajamaje ahuro ēhi gemuoho ē'ade hōjo. Ruvebiromo bēhire va'oromo aho ērimahonugoromo ōri ionī gōnō va'oromo iosirami va'ade hōjo.

<sup>33</sup> Va'amu gagorovo sa'a gō raje ae gemuēro ō'irire ruvebijade hōjo. Hu Samaria sa'a raje jemēhu nu huodēgaruje sa'a raje ae gemuēro ruvebijade hōjo. Ēho rajēro ruvebiromo Jew rajoho birohade hōjo. Birohoromo gavade raromamu gagorovo huni vavaenimade hōjo.

<sup>34</sup> Vavaenimamu va'o garomo nemo'amade sagohore ninugu'e osohu'o wine jovo osohu'o otehahoromo muohaho'amade hōjo. Muohahonugoromo banigojioromo hesi mi dejore bamonugoromo hu'irae ba'obuejadoho abo ōri jijihoromo momorō'ōjarue osare rovade hōjo. Rueromo hiro mo avoho ajamijade hōjo.

<sup>35</sup> Ajamiromo diroharëro sisonuvamu gagorovo Samaria rajohuro ajivë'e ijo baje niö'i jabesi uhure aho'o jîë'oho baeromo osa muebejaje aho bojamiromo uavade hõjo: Na va'ajëjo. Jero ave aho avoho muebenëjo. Monie gö'o bu'öjê'oho vuonorö'ö rueromo naro jaehu bu'öjane ë hesi manaho bojami'ejõjo. Ëhi'ade hõjo.

<sup>36</sup> Röhu ja diehi uehorovanuëjo. ËJew rajohuro vajiohu'e aribövi jabesi övore va'oromo sisë birohade hõjo. Sisë birohamu ae niö'i gemu ro hu gavare hõjo. Göho priest-ëro göho God-are mu ajamijaje ahuro göho nu huodëgaruje sa'a gö rajohuro ëhi ro gavare hõjo. Röhu di aho hesi ae gemuoho jiade hõjo.

<sup>37</sup> Ae gemuoho jiade hõjamu jögoru öri röjêhijaje ahuro uavadeje: Huë baeromo ajamijade aho hu hesi ae gemuoho jiade hõjo. Ëhi uavamu Iesuro uavadeje: Jero va'oromo ëhi jîë'e muoho vaenövonëjo.

*Iesuhu Martha'o Mary'o gë'i va'ade jõhoje.*

<sup>38</sup> Ëhi uënuoromo iae Iesu'lo hesi ijorajoho jabu'lo va'aroho va'lo amore suorovareje. Suorovamu magonahe gemu hesi ihe Martha-ro Iesu uavadeje: Nasi osaro ro hijëjo.

<sup>39</sup> Hijëjamu Iesuro osare va'lo hijadeje. Hijamu Martha-are öe Mary-ro ro Badare hörü bëhire hiromo huhu jö röjêhijajoho hejadeje.

<sup>40</sup> Hiromo jõho hejamu gagorovo Martha-ro Iesuni bövie bise'e avohoromo bogo eni jiamu nurunurumoromo Iesu uavadeje: Bada nasi öho na remö'öjê'ëro nasi sivue mue vaejajëjo. Na ja nasi jöënioho bogo uehorovanuëjo. Uavego ro ajemajo.

<sup>41</sup> Ajemajamu Badaro uavadeje: Asë'e Martha-ajo. Jero mue aho'obëhe uehorovo'ego ëhuro nurunuruagajëjo.

<sup>42</sup> Röhu ja mue gemu bogo baejê'e javajëjo. A'i Mary-ro mu maho baejê'e hõjo. Ëmuoho no bogo aho'ëjarëjo.

## 11

*Noehu pari vae'irõhe öri Iesuhu röjêhijade jõhoje.*

<sup>1</sup> Iae Iesuro hiromo God-are örire jõe jövadeje. Jõe jövoromo barëjamu gagorovo hesi ijorajoho gemuëro uavadeje: Bada God-are örire jö ato'irõhego John-hu hesi ijorajo ömo'ömo röjêhijadëhi jero no'lo ëhi ë hesi öroho röjahuijëjo.

<sup>2</sup> Röjahuijëjamu hegorovo Iesuro uëvadeje: Jemëhu God-are örire jö atë'iroho ëhi uarëjo: Apo ae aho'obëhe nosi dë vövöbajo'oho avohahuego ja gemu mae uehorovavo'irarëjo.

Jero böröme namiromo aho'obëhe muebejavuego no jasi aharire gemu raromo'irarëjo.

<sup>3</sup> Vae majae ioho bojamuibe va'ego ue'ahego da'uaguo'irajo.

<sup>4</sup> Nosi sisëho uehorovoromo vuonugahuëjo no a jabesi sisëho uehorovoromo vuonugëharue jiaje. Nadi vörö'eroho ramuö'öjego rireromavuo'irajo.

<sup>5</sup> Ëhi uënuoromo Iesuro hesi ijorajo ömo'ömoho uhu'e uëvadeje: Nani jemë ae gemuëro vahi riri'e aemo'aemo hesi osare va'oromo ua'a'anuëjo: Isiajo. Ie gö bojemëjo.

<sup>6</sup> Nasi aemo'aeme gö örire juvë'ëro nasi osare ro hijajëjo. Röhu i bojami'irodoho bogojevajëjo.

<sup>7</sup> Bogojevajë'iramu nani jasi aemo'aemohuro osare raromoromo ua'a'ajëjo: Nadi nunëhoho iegëjo. Mami'e oje tugohoromo asisö'lo'lo na'lo momorö'öjê'ëro na bogo ri'öromo ajami'ejõjo.

<sup>8</sup> Nani ëhi ua'a'ajëjo. Röhu naro jemë uëvajëjo: Nani hu bogo uehorovoromo uvo'a'ajëjo: Nasi aemo'aemego ri'öromo ajami'ejõ uvoromo ajami'i röhu herõhe jero biririvoromo ua ga'i hi'iramu evare hu ri'öromo ja rabe rabe nimanuoho bojami'ajëjo.

<sup>9</sup> Ëhuni na jemë uëvajëjo: Biririvoromo God ua garëjo. Biririvoromo ua gavë'oho ujuoho'arujëjo. Biririvoromo nahorëjo. Nahë'oho biroho'arujëjo. Ojoho ano'anovorëjo. Ano'anovë'oho God-ro jiovëho'ajëjo.

<sup>10</sup> Ae rahu ua gavë'oho ujuohoruomo'ajëjo. Nahë'oho birohoruomo'ajëjo. Ano'anovë'oho ojoho jiovëho'ajëjo.

<sup>11</sup> Nasi jö hejarujoho ae gö vavu ömo'ömo'e jëvajëjo. Jemesi harihehu uëvë'iroho: Jovo mie bojemego na ijö uëvamu hejê'iroho na jemë sareramiromo sigobu sisëho bojamiëjo.

<sup>12</sup> O uëvë'iroho: Ugo une bojemego na ijö uëvamu hejê'iroho na jemë sareramiromo ögusuru une bojamiëjo. Bogajo. Jemë i mae i'imami'arujëjo.

<sup>13</sup> Jemë sisë aribövie jëvajëjo röhu jemesi aboji harihu'lo avoho suvuorëmi'irarije öroho iae gavaruje hõjo. Jemë sisë jëvo'i ö'idöre hijaje jemesi Vavuoho mae jiaje jemëro uvorëjo:



Hu maëro jië'ëro ae rahu ua gavë'o ho nosi Vavuohuro hesi Aru'ahoho iae mabêhe suvuoramui'ajêjo.

*Iesuhu Satan-are aribövi a dëre jio'amamu rarovö'öjêvadoho hu bogo Satan-are darugoho baeromo ëhioho ë'adeje. Êhesi jôhoje.*

<sup>14</sup> Ae gemu aru'aho sisë dëre jië'ëro bitare tõvoromo jöe bogo jöv'e hijadeje. Hijamu Iesuro aru'aho sisëho rarovö'öjêdeje. Rarovö'öjamu ë aho aevoromo jöe jövadeje. Jöe jövamu gagorovo ae aho'obêhe tiöjêvadeje.

<sup>15</sup> Tiöjêvamu a ioro'iorohuro uarovareje: Beelzebul sisë a bërömhuro vöröho bojami-jego ëhuro Iesuro a dëre aru'aho sisëho rarovö'ö'amaje höjo.

<sup>16</sup> A ioro'iorohuro nimareje Iesuale darugoho ga'i diehi jië'e jiego. Êhi nimoromo uavareje: Bogo gavarue darugo'e muoho røjahuijego no gavarëjo God-ro ja ajamego o bogo ajamego.

<sup>17</sup> Êhi uavamu Iesuro jabesi sareri sarerioho gëromo uëvadeje: Sa'ae gemuehu adovoromo jabesi arijo'arije muorovë'o ho barërovo'ajêjo. O agane gemuehu adovoromo jabesi arijo'arije muorovë'o ho sisërërovo'ajêjo.

<sup>18</sup> Êhuni Satan-ro ri'öromo hesi ariböviohu'o muorovo'ibejajo hesi darugoho uehoroho muoho diehi'oromo biririvoromo nami'ibejajo. Jemëro uvarujêjo: Sisë a bërömhuro nörö vöröho bojamego hesi sisë aribövioho rarovö'ö'ajêje höjo.

<sup>19</sup> Êhi jië'o ho na jemesi ariböviohuro sisë a bërömo hesi vöröho baeromo rarovö'ö'amarue höjo. O diehi'oromo ë'arue höjo. Jaburo uë'a'aruêjo: Sarerivarujêjo. Aho bogo sisë a bërömo hesi vöröho baeromo ëhioho ë'arue höjo.

<sup>20</sup> A'i naro God-are darugoho baeromo rarovo'amaje höjo. Êhuni uvorëjo: God-ro aevoromo bëröme namiromo nosi örire muebejavuajëro jië'ëro ëhu'ëro ë'ajêjo.

<sup>21</sup> Biriri'e aehu bije tone bahiromo javuoho avoho muebejë'o ho hesi inömo inömo ho ma-jiemu jio'a'ajêjo.

<sup>22</sup> O ae gëehu rueromo javu arijo'o hesi biriri iosiramijë'o ho javu arijo'ohuro uvo'a'ajêjo: Bije tone eni javajëromo hi'iramu ruehuro osare rueromo arijo'oho gud-uamoromo ruahoromo bijoho tonoho ujuohoniahiromo inömo inöme aho'o ujuoho va'a'ajêjo. Vajiohehu ujuohadoho ae suvuorëmi'ajêjo. Naro Satan ëhi ruahö'ö'ajêje höjo.

<sup>23</sup> Ae rahu bogo nasi a jië'o ho ëho huro na'o muorovaje höjo. O na bogo ajemiromo nasi aribövi gagovë'o ho ëho huro arua anumiae nugö'ö'amaje höjo.

*Satan-are a sisëhu a hesi dëre vuonorö'ö abueromo ijumahade uhu jö Iesuhu jövadohoje.*

<sup>24</sup> Röhu Satan-are mu ajamaje aru'aho sisëhuro ae gemu hesi dëre hi'a'ajêjo. Hiromo hörö va'a'ajêjo. Va'oromo jovo rumo'e sa'are va'oromo hi'iröhe röho ho nahobe juvojuvo bogo birohogorovo uvo'a'ajêjo: Na vuonorö'ö va'oromo hijode sionore röhu maho ë hi'ejöjo.

<sup>25</sup> Êhi uvonugoromo vuonorö'ö va'oromo urimo hijade a hesi dëre abueromo ga'a'ajêjo dë vövöbajo'oho bibivoromo igorë'e ma-mabêhe osa va'ëne jio'iramu.

<sup>26</sup> Êhi jio'iramu gagorovo va'oromo Satan-are aru'aho sisë aho'obêhe söromo rue'a'ajêjo. Eurimore ro hijade aru'ahoho a sisë höjo. Ijore huhu sö rovade ariböviohuro hu iosiramiromo jabumë sisë bëhi mae jioruomajêjo. Êhu'ëro urimo sisë'i hijade aho ijonöho sisë bëhe hi'a'ajêjo.

*Huë mae raromo'iröhe hesi jôhoje.*

<sup>27</sup> Iesuro ëhi uëvamu hejë'i magonahe gemuëro ae aho'obêhe jabesi ririre jië'ëro Iesu ma-darugo'o uavadeje: Ja rahavoromo amu bojamijade magonahohuro maroho hijaje höjo.

<sup>28</sup> Maroho hijaje höjamu uavadeje: Êho ma-jianovo'i a'i ae rahu God-are jö heromo ejahë'o ho ë ariböviohuro ma-maroho raromarue höjo.

*Ariböviehu Iesu bogo ma uehorovoromo huhu darugo'e mu vaejoro dinamare jôhoje.*

<sup>29</sup> Iae ae aho'obêhe Iesuale bëhire ro tagavoruomadeje. Tagavoruomamu gëgorovo Iesuro uëvadeje: Ave jaruvore raromaruje aribövioho sisë aribövie jëvajêjo. Jemëro darugo'e muoho ga'i uevaruje höjo ga'i God-ro na ajamego muoho vaejaje jevego o bogo. Na ëhi jië'e muoho bogo vae'i a'i Jonah-hu God-are mu bërömo røjëhijadëhi ëhi jië'e muohuremu røjëhi'ejöjo. Mue gö gö bogajo.

<sup>30</sup> Nineveh amo rajehu mae uehorovoröhego Jonah-hu mu røjëhijadëhi God-are A Maho naro ëhi jië'e muohemu røjëhi'ejöjo ave jaruvore raromaruje ariböviohuro mae uehorovevo'irarijêjo.

<sup>31</sup> God-hu mevoromo gëröhe majaho rue'iramu arue sa'a göre börömo vaenövade magonahohuro ave jaruvore raromaruje ariböviohu'o gemu mae ri'öromo God-are nunire nami'a'ajëjo. Nami'iramu God-ro ë sa'a gö rajo magonaho hesi mu maho garomo jemesi mu sisëho garomo jemë uë'a'ajëjo: Ëmagonahehu vaejade ëhi jië'e mu maho bogo vaejë'ego ëhuni na uëvájëjo: Jemë sisë'e aribövie jëvaje sisëro va'ohëjo. Ëhesi bëhoho ë sa'are börömo vaenövade magonahohuro hesi sa'aho vuonugo'i öri ëgöböviro rovade höjo a böröme Solomon-hu nuni aji'e jö jövajoho he'iro. Solomon-hu ae ma-bisemu börömo jioromo jö majëhijajoho ë magonahohuro he'i nimade höjo. A'i naehu Solomon iosiramiro mo börömo mae jioromo jö majëhijajoho he'irarijoho jemë bijönëgajëjo. Ëhu'ëro jië'ëro mevo gëröhe majaho rue'iramu jemë sisërëjëvo'ajëjo.

<sup>32</sup> O ëho majaho rue'iramu ë sa'ae gö aribövie Nineveh amo rajohuro ave jaruvore raromaruje ariböviohu'o gemu mae ri'öromo God-are nunire riravoruomo'ajëjo. Riravo'iramu God-ro jabesi mu maho garomo jemesi mu sisëho garomo jemë uë'a'ajëjo: Nineveh amo rajehu vaejare ëhi jië'e mu maho bogo vaejë'ego ëhuni na uëvájëjo: Jemë sisë'e aribövie jëvaje sisëro va'ohëjo. Ëhesi bëhoho ë Nineveh amo rajohuro mu sisë vaeruomë'ëro hejare Jonah-ro God-are jöe majëhijamu hegorovo jabesi uehoro sisëho vuonugo'i uehoro mae baejare höjo. Jonah ma-bise'o jioromo jö majëhijadoho Nineveh amo rajohuro hesi jöho ejahare höjo. A'i naehu hu iosiramiro mo börömo jioromo jö majëhijajoho jemë bogo ejarahuje höjo. Ëhu'ëro jië'ëro mevo gëröhe majaho rue'iramu jemë sisërëjëvo'ajëjo.

*Sino haho'o hesi iroho nuni jiaje uhu jö Iesuhu jövadohoje.*

<sup>33</sup> Iro buno'iraejë'i'iroho bogo sa'a gagoroho hevö gagoroho gurihi'i ma-va'orahoro bamo'anuëjo ae ë osare rovë'o'oho ajivëvoröhego.

<sup>34</sup> Jasi sino hesi iroho nunoho höjo. Jasi nuni mae jië'o'oho ëhuro aji maro hi'a'anuëjo. O jasi nuni sisë jië'o'oho ëhuro ja ramoramoro hi'a'anuëjo. Ëhesi bëhoho naro uëromo ë'ajëjo: Jasi uehoro mae jië'ohuro God-are aji'e jöho baeromo aji maro hi'a'anuëjo. O uehoro sisë jië'ohuro nunoho ramoramovavo'iramu ramoramoro hi'a'anuëjo.

<sup>35</sup> Avo'avoho mueberovonëjo. Nani jasi uehoroho sisëremu jioromo ramoram'o'eremu javajëjo.

<sup>36</sup> Röhu jasi nuni mae jiego ajire hijanuëhi ramoramoho bogojio'i ma-aje gemu jië'o'oho ëhuro aje aho'obëhe jasirire rueromo ja ajivavo barë'ajëjo. Irehu ajivavajëhi ëhi ajivavo'ajëjo.

*Pharisee ariböviohu'o Jew rajo jögoru öri røjëhijarue ariböviohu'o Iesuhu birëgade jöhoje.*

<sup>37</sup> Iesuro jöho majëhiromo barëjamu gavë'i Pharisee ae gemuëro uavadeje: Nasi osaro rovego no i harihe gemuoro ijarëjo. Ijarëjamu Iesuro va'oromo osare va'o hijadeje ie i'irovo.

<sup>38</sup> Hijamu rue Pharisee ahuro gavade Iesuro a mami muoho bogo vaeromo övoho bogo eguë'e ioho ëma ijamu gagorovo tiöromo uehorovoromo uvadeje: Iesu diehi'oromo övoho bogo eguë'e ioho ëma ijajëjo. Ëhi jië'e muoho God hu bijönimaje höjo.

<sup>39</sup> God bijönimaje höjamu Badaro uavadeje: Övo eguo jö uvanuoho aveho hejëjo. Ëhi jië'e muoho ëho ma-döemu höjo. Pharisee aribövioho jemëro döre muohemu vaeromo hevöho enatuoho u'o'amoromo uvaruje höjo: God iae ëhuni nimorohajëjo. Röhu jemesi uoho vajiohu'e mu o mu sisë gö gö uehorovarujohuro ëhuro jemesi dë vövöbajo'oho irijiomëhé'e höjo.

<sup>40</sup> Simano sisërëjë'e aribövie jëvájëjo. Nani jemë uvarujëjo: Nunehu ga'amarue inömohe mu God-ro avoho'amoi' nosi dë vövöbajo'oho bogo avohade höromo ëhuni öve hevöe enatue ëhi jië'e inömo hesi va'inumohemu uehorovo'i dë vövöbajo'oho hesi sisëho bogo uehorovaruje höjo.

<sup>41</sup> Röhu ae huë baejëvoromo jemesi enatu gagore jovoho hevö gagore ioho ae suvuorëminövorëjo. Ëhi ë'ë'ohuro uvo'a'arujëjo: Inöme bövie bise'e ma-mae gemu jio'amajëjo.

<sup>42</sup> Pharisee ariböviohumë vaevë'o'oho jemë sisërëjëvo'ajëjo. Jemëro jemesi i jögoru e avohoromo i'o buarohoromo ijarue rihu'e oso harihu harihue gö gö garue gö gö mevoromo 10 10 bahibe va'oromo gemu gemu God suvuore bojamijaruje höjo. Ëhi jië'e jögoru ininoho ejaho avoharuje höjo. Ëhi jië'o'oho iae mae höjo. Nadi vuonugorëjo. Röhu a mu ma-maemu vaejëvo'irarije muohu'o God-are örire dë vövöbajo'ere uehorovo'irarije muohu'o rumoninaruje höjo. Nadi rumonimo'ibejarijëjo.

<sup>43</sup> Pharisee ariböviohumë vaevë'oho sisërëjëvo'ajëjo. God rajahijarue osare va'ë'iroho jemëro jemesi sinohemu uehorovoromo ëhuni a masijehu raromaruire ë va'o rarom'o nimiruje hõjo. O imo'amaruire va'ë'iroho jemë nimiruje hõjo ae aho'obëhe uvoromorõhego: Jemë a masijëro jijiharujëromo rajëhiromo jejëmiruomorõhego.

<sup>44</sup> Vaevë'oho sisërëjëvo'ajëjo. Jemë ma-dõhuremu mae jëvo'i uhoho sisë jëvavëjo. A guavoromo hure guodo sibiri'e bogo ruhë'oho jëvanovavëjo. Aëro sagohe sa'a uhure jiaje jõho bogo uehorovë'e ëma uvarue hõjo: Ma-sa'a maemu hõromo hu dõre ë jijiharue hõjo. Èhesi bëhoho ae gõëro uvarue hõjo: Jemë maemu jëvavëjo. Rõhu uhoho ëhi sisë bëhe jëvavëjo.

<sup>45</sup> Iesuro ëhi majëhijamu hegorovo Jew rajo jabesi jõgoru õri røjëhijarue ae gemuëro ri'õromo uavadeje: Tisa jaehu ëhi jië'e jõ jõvanuoho ëho ja bogo Pharisee ariböviohemuoho agëvo'i jõgoru õri røjëhijarue aribövioho aho'obëhe no'o agavuanuëjo.

<sup>46</sup> Agavuanuëjamu Iesuro uëvadeje: Iae mae uvanuëjo. Jõgoru õri røjëhijarue ariböviohumë vaevë'oho jemë'o sisërëjëvo'ajëjo. Aehu i'u'e inõmo ujuoho va'oruomojõro buahore bahijëhoromo va'ego bogo ajëmiromo õvo name gemu vadu'ehu vitu banigijomëharuëhi jemëro ëhi ë'arujë hõjo. Jemëro i'u'e muoho aho'o ae bojëmiromo bogo mae bogo ajëmi'i ma-nunëremu gëvaruje hõjo.

<sup>47</sup> Vaevë'oho sisërëjëvo'ajëjo. Jõ God-aro baeromo majëhinõvare aribövioho jemesi hijo miono'ohuro muo'amare hõjo. Muo'amë'ëro jemëro ëma uvaruje hõjo: No God-are aribövioho uehorovëvaruëromo jabesi sino guavo'amare huoho avoho'amarujë hõjo.

<sup>48</sup> Rõhu jabesi hu avoharujoho ëho uõromo ë'arujë hõjo: Jõ God-aro baeromo majëhinõvare aribövioho nosi hijo miono'ehu muo'amaroho iae mae hõjo. Naehu uëvaje hesi bëhoho jemesi hijo miono'ehu muo'amaroho jemëro jabesi sionoho avoho'amarujë hõjo.

<sup>49</sup> Jemëhu a ano'irarije uehore ëhi jëvë'ëro God-are simano ma'e jõho ëhi uvë'e hõjo: Jõ nasiro baeromo majëhi'irõhe ariböviohu'o nasi apostle ariböviohu'o ëhi naro rëmõ'õ'iramu a jabesi õrire va'a'aruëjo. Va'iramu aëro a ioro'ioroho muo'amari ioro'ioroho huë vavaene bojëmi'aruëjo. Èhi uvë'e hõjo.

<sup>50</sup> Èhu'ëro jië'ëro God-hu sa'a bamadevare evare aevoromo jemesi hijo miono'ehu jõ God-aro baeromo majëhinõvare aribövi muo'amobe rovare ë hesi i'uhoho ave jaruvore raromarujë aribövioho jemëni rue'a'ajëjo.

<sup>51</sup> Aevõ'ioho aëro Abel anoromo God-are aribövi ioro'ioroho ëhi muo'amobe ruejuvo ro ijo tugohõ'ioho Zechariah anare hõjo. God-are suvuoro bahijarue maratuoho ruhëhi jio'i God-are osa bõrõmo numëhi jiamu Zechariah ë ririre anare hõjo. Ave jõho na jõ mae uë'i'ë'ajëjo. God-are aribövi ëhi muo'amobe rovare ë hesi i'uhoho ave jaruvore raromarujë aribövioho jemëni rue'a'ajëjo.

<sup>52</sup> Jõgoru õri røjëhijarujë ariböviohumë vaevë'oho sisërëjëvo'ajëjo. God-are mu ma hesi jõho jemëro bogo røjëhi'i aëro heruomojõëni jemëro ë hesi ojo jiovaruoho gurihhi bamë'e jëvavëjo. Jemë ë mu ma hesi jõho bogo baejarujë hõjo. O ae gõëhu bae'ia'amu gëvë'oho ahëvarujë hõjo.

<sup>53</sup> Iesuro ëhi majëhinugoromo va'adeje. Va'amu gavë'i Jew rajo jõgoru õri røjëhijarue ariböviohu'o Pharisee ariböviohu'o ëho jaburo Iesu'o va'oromo aevoromo hu nue huodivoromo dinamiro mo jõe gõ gõ ua ga'i arijareje.

<sup>54</sup> Jõe gõ gõ ua ga'i ariromo mu'õjahareje he'i hu guaro berovoromo jõe sisë'i jõvego.

## 12

*Noehu bogo ma-dõhemu mu mae vae'irõhe jõhoje.*

<sup>1</sup> Iae ae aho'obëhe mae ro tagavoromo tatijiomorovoromo hõrëro bijëëro vaerovamu hesi ijorajoho jaburo urimo hejõro Iesuro ëhi majëhiromo uëvadeje: Jemëro gavë'iajo. Pharisee aribövi jabesi i dë huaje osohuro jemesirire rumorovõ'ajëjo. Jabuhu sareri'e mu vaejarue ëhi jië'e muohuro jemesirire rumorovõjõëni uëvavëjo.

<sup>2</sup> Jaruvoho Pharisee ariböviohuo jabesi mu sisëho gurihijarue hõjo. Rõhu mue rabe gurihiro jiajoho aho'obëhe va'orahoro jio'a'ajëjo. Rabe rabe saginiëri vaejaruoho aho'obëhe ma-samaro jio'a'ajëjo.

<sup>3</sup> Èhu'ëro jië'ëro jemëhu jõe rabe vahile saginiëri atë'oho ijõnõ maja'e ë jõho ma-va'orahoro heruomõ'ajëjo. O osa gagore raromoromo saginiëri hia'ire majëhijë'oho aëro amo ririre ë jõho ma-darugo'o majëhiruomõ'ajëjo.

*Noehu bogo a juhuonëmi'i God juhuonami'irõhe jõ Iesuhu jõvadohoje.*

<sup>4</sup> Rõhu nasi ariböviohumë naro ave jõho jemesi õrire majëhi'ië'ajëjo. Nadi uvorëjo: Èariböviohuo anaguo'ajëromo juhuonëmiromo jabesi jõho uehorovorëjo. Jemesi sino

haho'o muo'amë'o ho eni jëvájëjo. Röhu sino haho'o muo'amonugoromo ijonö mu sisë gö jemesi örire vaejëvë'o ho bogo eni jioruomo hesi höjo. Èhuni nadi ë aribövioho juhuonëmirëjo.

<sup>5</sup> A'i juhuonami'irarije aho naro uë'ië'ajëjo. God juhuonamiromo hesi jöho uehorovorëjo. Èhesi bëhoho God-hu jemesi aru'aho baejëhego vuovëvego evare ijonö vëni'e öri ari'tere ujuoho ruruhö'öjëvo'iröhoho hu eni jiajëjo. Iae mae-ëjo. Jemë ë aho gemu juhuonamirëjo.

<sup>6</sup> A'i aho bövioho bise'o ho nadi juhuonëmirëjo. Èhesi bëhoho God-ro uvajëjo: Jemë iae masije jëvájëromo avo'avoho muebejëvaje höjo. Monie ma-bisemu bu'öromo ugo inine övo gö mine imo'arujëjo. Röhu God bogo uvaje höjo: Ugoho ininego bogo muebe'amo'ejöjo. Bogo ëhioho uvo'i iae hu avo'avoho muebe'amaje höjo.

<sup>7</sup> A'i jemë God-ro jemesi bövie bise'e aho'o muebejëhoromo röhu jemesi simano uoho ëhu'o adahëhoromo avo'avoho muebejëhaje höjo. Èhuni nadi juhuonivorëjo uge aho'obëhe jio'amajoho ëho ma-jianovo'i ae gemu gemu jemë masije jëvë'e jiaje.

*Keriso-are jö a nunire huruoho majëhi'iröhe jöhoje.*

<sup>8</sup> Röhu ave jöho naro uëvájëjo. Ae rahu a nunire uvë'o ho: Na Iesuare ae jevajë uvë'o ho God-are A Maho naro God-are anera jabesi nunire uvo'ejöjo: Èho nasi ae magonahe höjo.

<sup>9</sup> O ae rahu a nunire uvë'o ho: Na bogo Iesuare aehu jevajë uvë'o ho naro God-are anera jabesi nunire uvo'ejöjo: Èho bogo nasi aehu magonahehu höjo.

<sup>10</sup> O ae rahu God-are A Ma nasi jö sisë'i atë'o ho God-ro uehorovoromo vuonugo'ajëjo. A'i ae rahu God-are Aru'aho hesi jö sisë'i atë'o ho ëho God bogo uehorovoromo vuonugo'ajëjo.

<sup>11</sup> O jemë nasi mu vaejamu gavë'o ho aëro uvo'a'aruëjo: Iesuare mu vaejarujoho ëho mu sisë vaejaruje höromo jemë guduamëvoromo God rajahijarue osare mu vaejarue a masijo jabesi nunire o gavana jabesi o sa'are a masijo gö gö jabesi nunire rëmoruomo'ajëjo court vaejëvojöro. Èrëmë'iroho nadi uvorëjo: No diehi nosi jöho majëhi'ëjarëjo. O rabu jöe majëhi'ëjarëromo nurunurumorëjo.

<sup>12</sup> Èhesi bëhoho jemëhu jö majëhi'irarije majaho rue'iramu evare majare God-are Aru'ahohuro röjëhi'iramu garomo uvo'a'arujëjo: Iae no ëhi ëhi majëhi'ëjarëromo ëhuni nadi nurunurumorëjo.

*Bövi bise'o marohë'e aehu sisë'i uehorovade jöhoje.*

<sup>13</sup> Iae ae aho'obëhe jiareje röhu ae gemuëro ri'öromo Iesu uavadeje: Tisa nasi öho uavego nosi vavuehu guomo'i nughuadoho na gö bojemi'irajo.

<sup>14</sup> Gö bojemi'irajamu Iesuoro uavadeje: Raro uvade höjo naro jemesi muoho gavëhoromo jemesi inömo inömoho maho sisëho mevonövo'irodego. Èho bogo nasi muehu höjo.

<sup>15</sup> Èhi uanugoromo ae aho'obëhe uëvadeje: Jemëro gavë'i avo'avoho mueberovorëjo. Jemesi sinohemu uehorovoromo bövie bise'e bae'i ëma nëgojëni uëvájëjo. Ja sa'ae jove inömo inöme rabe rabe bövi mae baejë'o ho bogo ëhuoro maroho hi'a'anuejo.

<sup>16</sup> Èhi uënugoromo ave uhu jöho röjëhiromo uëvadeje: Iae bövi bise'o marohë'e ae gemuëro hijade höjo. Hijamu hesi sa'aroho iruno'o ho ma-mabëhe ri'amade höjo.

<sup>17</sup> Ma-mabëhe ri'amamu gagorovo huro hesi simanore uehorovoromo uvade höjo: Nasi iruno'o ho böromo börome jevajëjo. Èhu'ëro nasi iruno'o avoho bahi'irode röho ho bogo eni jio'amajëjo bise'ëro jië'ëro. Èhi jië'o ho na diehi'o'ejöjo.

<sup>18</sup> O iae na ëhi ë'ejöjo. Nasi i bahijaje osaho bise'e jio'amë'ëro naro dadovo'amo'i javu masijo masije vae'amo'ejöjo nasi iruno'e nasi bövie bise'e ë maro bahi'irodëni.

<sup>19</sup> Vaenugoromo naro nasi uvo'ejöjo: Na eni jevë'e ae jevajëjo. Iruno'o ho inömo inömoho bövi mae avoho bahijë'ëro vadune aho'obëhe eni jevobe va'a'ajëjo. Èhuni na nuhoromo ma-hijë'i ie jove iromo nimoronimorohonövo'ejöjo.

<sup>20</sup> Nimorohonövo'ejöjamu God-ro uavade höjo: Ja simano sisë'i uehorovanue ae javajëjo. Jaruvo vahie naro jasi aru'ahoho baejaho'iramu guomo'a'anuejo. Guomo'iramu jaehu bahijane iruno'o ho bövioho bise'o ho raro bae'a'ajëjo. God-ro ëhi uvade höjo.

<sup>21</sup> Èæhu ë'ade mu hesi bëhoho ëhi höjo. Ae rahu hesi sinohemu uehorovoromo bövi bise'o marohë'e mae bahiromo uvë'o ho: Èhuro na eni jevajë uvamu röhu God-hu uvë'o ho: Bogo ëhioho jio'i hu bogo eni jië'e hö uvë'o ho ëhuro ë ahu'o hesi muohu'o be'a'ajëjo.

*Bogo nurunurumo'i God mae uehorovo'iröhe jöhoje.*

<sup>22</sup> Ĕhi uēnugoromo Iesuro hesi ijorajo ōmo'ōmoho uēvadeje: Inōmemu uehorovē'oho bēhi rumo'e jiē'e jiaje ēhuni nadi uvorējo: No i rabe ue'ahoromo bogo vuovo'i biririvoromo raromo'ejarējo. Uho niōgu'o rabēro sino haho'oho riogivo'ejarēromo nurunurumorējo.

<sup>23</sup> Ĕhesi bēhoho ioho bise'e jio'i jemēhu biririvoromo raromarujo ēho bōrōmoho hōjo. Uho niōgu'oho bise'e jio'i sino haho'oho jēvajoho ēho bōrōmoho hōjo.

<sup>24</sup> Magugoho uehorovohējo. Noehu ē'aruēhioho magugoho bogo ēhioho iruno'oho bivarue hōjo o gagovarue hōjo. I bahijarue osaho bogojēvajējo. Rōhu God-ro ē ugho mio'amaje hōjo. Rōhu jabumē ma-bise'e jio'amo'i jemē masijo mae jēvajējo. Ĕhuni hu jemē'o avo'avoho muebejēvo'ajējo.

<sup>25</sup> O jemēhu uvē'oho: No diehi'oromo ave sa'aroho majae ēgo'o raromo'ejarē uvoromo nurunurumē'oho na ēhuro jemesi vuovo'irarije majaho iosiramiromo ruēhi ma-bisemu gō'o raromobe va'orējo. Bogajo.

<sup>26</sup> Ajamirovoromo bogo vuovo'i majae ēgo'o raromē'oho ēho mu bise'e hōjo. Rōhu nurunurumē'ohuro ēgo'o raromo'irarijoho jemē bogo eni jēvajējo. Ĕhu'oho rabēni mu gōēni gōēnioho nurunurumarujē hōjo. Bēhe bogohōjo.

<sup>27</sup> O je'ore resu resuehu diehi'oromo ri'amaruoho ēhu'o uehorovohējo. Aehu mu vaeromo niōgu avoharuēhioho resu resuoho bogo ēhioho ē'arue hōjo. Bogo ēhioho ē'arue hōjo rōhu ave resu resuoho ma-mabēhe kavuego garomo nosi dēho vuēvavuaje hōjo. Naro jemē uēvajējo: A bōrōme Solomon niōgu ma-mabēhe io'amonōvadoho ēho ma-jianovo'i ave resu resuoho ma-mabēhe mae kavuo'amaje hōjo.

<sup>28</sup> Jaruvēhi resu resuoho sa'are rijego nērēhi ēhi aēro jahoromo vēniro huo'amarue hōjo. Rōhu ēhi jiē'e resu resuoho God-ro muebejēgo marēromo kavuo'amaje hōjo. Resu resuoho ma-bise'e jio'amo'i jemē masijo mae jēvajējo. Ĕhuni uvorējo: Hu no'o avo'avoho muebejavuoromo uhe niōge i'imamui'ajējo. Nurunurumarujoho God bogo ma uehorovarujē aribōvie jēvajējo.

<sup>29</sup> Rōhu jemēro nadi uvorējo: No i rabe jovo rabe i'ejarēromo nurunurumorējo.

<sup>30</sup> God-are jō bogo hejē'e raromarue aribōviohuro ie jove bōvie bise'e ēhuremu uehorovoromaje hōjo. Rōhu jemēro nadi ēhioho ē'orējo. Jemesi Vavuohuro iae mae garomo uvajējo: Jemē iēro jovēro rabēro ēhuro biririvoromo raromarujejo.

<sup>31</sup> Ĕhuni nadi ēhemuoho uehorovo'i a'i God-hu bōrōme namiromo muebejēvaje muoho ēho uehorovorējo. Ĕhi ē'ē'oho God-ro jemesi aru'ahoho muebejēvoromo rōhu ie jove niōge ēhu'o romoromoro bojēmi'ajējo.

*Ō'idōre mabēhe ujuoho'irōhe suvuoro hesi jōhoje.*

<sup>32</sup> Jemē bogo ae aho'o jēvo'i God-are ō mahu'e ma-gemu gemu jēvajējo. Rōhu nadi juhuonivorējo. Jemesi Vavuohuro iae nimajējo hesi aji'e ōri ari'e ē hesi huē maho bojēmi'irōhēni.

<sup>33</sup> Rōhu jemesi bōvioho bise'oho imo'amoromo monioho baeromo bogo eni jiē'e aribōvioho suvuorēmirejo. Ĕhi ē'ē'oho jemesi bōvioho bise'oho ō'idōre bahi'arujējo. Ĕhuro bogo sisērējēho'i vajiohu'e aho bogo bēhiroho va'oromo ujuohēho'i majo majoho bogo tarivēho'i a'i jemesi bōvioho bise'oho marohē'e mae jiemu jiēho'ajējo.

<sup>34</sup> Jemesi mae sisē dinō'e jiajire jemesi dē vōvōbajō'oho ē gemu jio'a'ajējo.

*Nosi a bōrōme Kerisohu ruerōhego noehu muebe'irōhe jōhoje.*

<sup>35</sup> Rōhu jō gōho ave muohu'o vaenōvorējo. Jemēro avohorovoromo uho niōgu'e vaeromo iroho bueromo avoho raromorējo.

<sup>36</sup> Avoho raromoromo mu ajamijarue aribōviehu jabesi bōrōmehu rovego ajami'i muebejaruēhi ēhi avoho raromoromo mueberējo. Ĕhesi bēhoho mu ajamarue aribōvi jabesi bōrōmohuro aehu masu'irōhe sōrōre va'ē'ero vuonorō'ō rueromo ojore ano'anovo'iramu rueho jaburo heromo ojoho ma-burēro jiovaho'aruējo.

<sup>37</sup> Ma-burēro jiovaho'iramu jabesi a bōrōmohuro garōhe jabumē nune jioruomoromo eni jēvamu gēv'oho huē mabēhe bojēmi'ajējo. Huē mabēhe bojēmiromo hesi niōgoho avoho ruahoromo jaburo sa'are raromōjōro uēnugoromo ioho jovoho i'imēm'i'ajējo.

<sup>38</sup> Ĕa bōrōmehu bogo burēro rue'i vahi riri'e o vahi riri duvahoho iosiramiromo ēhi ruēhi rueromo gērōhe jabumē eni jēvamu gēv'oho huē mabēhe bojēmi'iramu baeruomo'ajējo.

<sup>39</sup> Ave uhu jōhu'o avo'avoho uehorovohējo. Vajiohu'e aehu ruerōhe majaho osa arijo'oho bogo gavade hōjo. Ga'ibejajo vajiohu'e a hesi ōroho tugohahego osaho bogo dadovoromo inōmoho ujuoho'ibejajo.

<sup>40</sup> Osa arijo'ohuro gavē'i hi'ibejajo mae jio'ibejajo. Jemē'o gavē'i raromorējo. Jemē bogo uehorovē'e raromarujē majare evare God-are A Maho naru rue'ejōjo.

*A bōrōmo hesi mu aehu avoho o sisē'i mueberōhe jōhoje.*

<sup>41</sup> Ēhi uēvamu hegorovo Peter-ro Iesu uavadeje: Bada na ja jasi ijarahoho noremuēromu rōjahui'i o ae aho'obēhe rōjahui'i ē uhu jōho majahuijanuējo.

<sup>42</sup> Majahuijanuējamu Badaro uēvadeje: Naehu ē jō majēhijaje hesi bēhoho aehu hesi a bōrōmo hesi muohemu uehorovē'i simano mae uehorovoromo mu vaeajāhēi jemēro ēhi muoho vaenōvo'irarijigo uēvajējo. Ēhi jiē'e mu muebejaje a hesi a bōrōmohuro ua'a'ajējo: Na va'iē'ajējo. Jero nasi mu vaejarue a ioro'ioroho muebejēvonējo. Muebejēvoromo majae eni jiego jabesi iruno'o'ho i'imēminōvonējo. I'imēminōvonē uanugoromo va'a'ajējo.

<sup>43</sup> Va'o hijuvo rōhu ijōnō vuonorō'ō rueromo garōhe ē ahuro hesi muoho avoho vaejaho'iramu gagorovo huē mabēhe bojami'ajējo.

<sup>44</sup> Huē mabēhe bojamiromo ua'a'ajējo: Ja mu mae vaejanohuni ēhuni na mu bōrōmore bamavo'ejōjo. Jero bōvie vaeromo nasi sa'ae inōme bōvie bise'e aho'o muebejehonējo. Mu avo'avoho muebejē'o'ho iae hu ēhi ua'a'ajējo.

<sup>45</sup> A'i ē mu vaejahaje aho sisē jiē'ohuro ēhuro uehorovoromo uvo'a'ajējo: Nasi bōrōmoho bogo burēroho rue'i ōrisanuovajēromo ri'ōromo mu vaejarue aho magonahoho muo'amoromo iē jove iromo ēhuro simane sisērē'ajējo.

<sup>46</sup> Ēhi'oromo bogo gavē'e uehorovē'e hi'iramu evare hesi bōrōmoho ma-majioho rue'a'ajējo. Rueromo sino haho'oho sisē maro ijumahoromo nugō'ō'iramu sisēro va'oromo jō aho'aho'e aribōviohu'o hi'a'ajējo.

<sup>47</sup> A bōrōmehu nimajoho mu vaejahaje aehu heromo rōhu jō bogo ejahoromo bōvi bise'o bogo avoho'amē'oho ēhuro hesi a bōrōmohuro rueromo sisē maro ano'ajējo.

<sup>48</sup> O a bōrōmehu nimajoho mu vaejahaje aehu bogo hejē'e mu sisē vaejē'ero mana anorōhe bēhi jiē'oho iae ma-bisemu ano'ajējo. Rōhu mu vae'irarije simano ma-mabēhemo o suvuro gō gō bōvi mae God-hu jemesi ōrire bojēmijē'oho huro uvo'a'ajējo: Na bōrōme bojēmijē'ero ēhuro mu bōrōme vaerumo'ajējo. O bogo vaeruomē'oho ēho sisē hōjo.

*Iesuhu rovē'ero ēhu'ero ae adovoromo gōehu jōe gō gōehu jōe gō uehorovarue jōhoje.*

<sup>49</sup> Naehu rovode hesi bēhoho sa'ae aho'obēhe vēninō'e ravēvo'i rovode hōjo mu sisēho barē'i aho'obēhe ma-maemu jiorōhego. Ēmuoho mami'e vae barē'ibejajo iae mae jevo'ibejajo.

<sup>50</sup> Rōhu ē hesi urimo na vi'ehe huē vavaene bae'irodoho ēho nasi ōrire jōvēro rovanovo hesi hōjo. Ēho bapataeto vaejevanovo'ajējo. Ēhuni naehu nurunuru bōrōmo baejajoho hujeji ē huē vavaenoho baegorovo evare mae hi'ejōjo.

<sup>51</sup> Nani jemēro uehorovoromo uvarujējo: Nōrōhu rovade hesi bēhoho nōrōro ajamuego sa'ae aho'obēhe iro muorovo'oho vuonugo'i ma-huē baerovoromo gemuoro raramo'irōhego rovade hōjo. Jemēro ēhi uvarujējo rōhu na bogo ēhunioho rovode hōjo. Bogo mae bogajo. A'i naehu rovode hesi bēhoho naro nasi jōho majēhijigo aēro heromo adovoromo ae gōero jōe gō uehorovo'i ae gōero jōe gō uehorovo'irarijigo rovode hōjo.

<sup>52</sup> Ēhesi bēhoho nani agane gemuoho ae aho'obēhe ōvo gō mine osae gemuore huē mae raromoromo rōhu a ioro'iorohuro avevejō'e aevoromo nasi muoho nimo'i ioro'iorohuro bogo nimoromo ae niō'i gemu jaburo jōe gō uehorovo'i ae niō'iro jōe gō uehorovoromo ēhuro huē sisē baeromo bogo gemuoroho avoho raramo'aruējo.

<sup>53</sup> Vavuohuro uehore gō baeromo harihoho nue huodivo'i harihohuro uehore gō baeromo vavuoho nue huodivo'ajējo. Vēmohuro uehore gō baeromo abojoho nue huodivo'i abojohuro uehore gō baeromo vēmoho nue huodivo'ajējo. Ajohuro uehore gō baeromo ajoho nue huodivo'i ajohuro uehore gō baeromo ajoho nue huodivo'ajējo. Ēhi jiobe va'a'ajējo.

*Iesuhu mu masijo vaejade majae ē hesi bēhoho aribōviehu bogo avoho gavare jōhoje.*

<sup>54</sup> Ēhi uēnugoromo Iesuro ae aho'obēhe uēvadeje: Jemēro gavaruje anumēhi sue rojomego uvaruje hōjo: Iae ēnēro rue'iē'ajējo. Rue'iē'ajējigo evare ēnoho rovaje hōjo.

<sup>55</sup> O jemēro gavaruje aruēhi bure rovego uvaruje hōjo: Birebire bōrōme jio'iē'ajējigo iae ēhi birebire bōrōme jiaje hōjo.

<sup>56</sup> Jemē sareri sareri'e ae jēvajējo. Jemēro sa'aho ō'idōho uherihoromo sue bure rabe rabe garomo uvaruje hōjo: Ēhesi bēhoho iae ēhi jio'iē'ajējo. Rōhu ave jaruvore rovaje muoho garomo ē hesi bēhoho bogo avoho garomo uvarujējo: Iae God-are mu bōrōmoho rovajējo. Diehi'oromo bogo avoho gavarujejo.

*Aehu nosi jō sisē majahuijigo noehu ma-burēro ahorire vae'irōhe jōhoje.*

<sup>57</sup> Rōhu jemē rabēni bogo avoho mevoromo gavaruje hōjo di muoho mae jiego.

<sup>58</sup> Ae gōehu jasi jō sisē hesirire jiē'ero ja baejavoromo court-re va'iē'iroho jemē niō'iro ōrire va'arujevaro jero hu'o jōho mevoromo ahorire vae ganējo. Bogo ahorire vaejē'oho

huro guduamavoromo court gavaje a hesi övore bojami'ajëjo. Bojami'iramu court gavaje ahuro police bojami'iramu savoji gagore ba'amavo'iramu ë hi'a'anuëjo.

<sup>59</sup> Èhi hiemu hijuvo moni bojami'iranoho aho'obëhe bojami barë nahonahovo'anuëjo. Iae na mae uavajëjo.

## 13

*Uehoro sisë bogo vuonugë'oho sisërëjëvo'iröhe jöhoje.*

<sup>1</sup> Èhi uëvamu gavë'i ë raromarohuro Iesu uavareje: Galilee sa'a raje ae göëro God-ni mie bahi'irögoru muo'amare höjo. Muo'amoromo köe otehamu gavë'i Pilate-are muorovo ariböviohuro ro ë aribövioho muo'amamu ëhuro jabesi köhu'o God-are mi köhu'o gemuore buarohë'e höjo.

<sup>2</sup> Buarohë'e höjumu hegorovo Iesuro uëvadeje: Na jemëro uvarujëjo: ÈGalilee rajo-huro Galilee rajo ioro'ioroho iosirëmiromo sisë bëhe jioruomë'ëro ëhu'ëro ëhi jië'e huë vavaenoho baeromo vuovade höjo.

<sup>3</sup> Hesi bëhoho bogo ëhioho höjo. Bogo mae bogajo. A'i jemëhu uehoro sisë bogo vuonugo'i God mae uehorovë'oho jabumë vuovëvadëhi ae aho'obëhe jemë'o ëhi i'uooho mana baeromo vuovëvo'ajëjo.

<sup>4</sup> O Jerusalem raje ae aho'obëhe 18 vuovëvade jöho uehorovohëjo. Jerusalem amore Siloam jovo bëhire javu ëgoböviohuro ahoromo ae aho'obëhe 18 jabesi döre ruvebiromo taemo'amade höjo. Na jemëro uvarujëjo: Taemo'amade Jerusalem amo rajohuro Jerusalem amo rajo ioro'ioroho iosirëmiromo sisë bëhi mae jioruomë'ëro ëhu'ëro ëhi jië'e huë vavaenoho baeromo vuovade höjo.

<sup>5</sup> Bogo mae bogajo. A'i jemëhu uehoro sisë bogo vuonugo'i God mae uehorovë'oho jabumë vuovëvadëhi ae aho'obëhe jemë'o ëhi jië'e i'uooho mana baeromo vuovëvo'ajëjo.

<sup>6</sup> Èhi uënuogoromo ave uhu jöho majëhiromo uëvadeje: Ae gemu hesi ö'i bajo mure mesoho ri'öjë'e jiade höjo. Ri'öjë'e jiamugo rueromo böse nahoromo gavade höjo bogojiamu.

<sup>7</sup> Bogojiamu gagorovo mu arijo'ohuro mu ajamijaje aho uavade höjo: Aveho gavëjo. Na aviae rueromo böse nahoromo ga'i hijode höjo mesoho bajoho bogo raejë'e jiamu ga'i hijodoho vadune aho'obëhe niö'i gemu barëjë'e höjo. Èhi jië'e jiaje mesoho uejëjo. Rabëni ëma nugo'iramu sa'a rihuoho barë'ajëjo.

<sup>8</sup> Èhi uavamu hegorovo mu ajamaje ahuro uavade höjo: Iae mae höjo röhu vuonugego vadune gemu gö'o namijego naro bëhire vo'onöe umo rova'oromo mi dëho ë bahijego ëhuro rihue bae'iröhe höjo.

<sup>9</sup> Rihu baebe va'oromo vadune gemu barëjumu bajoraëjë'iroho ëho iae mae jio'a'ajëjo. O bogo raejë'oho uevego na mesoho ue'iröjo.

*Magonahe gemu hesi dejo gurorovë'e nuho majare Iesuhu ajamade jöhoje.*

<sup>10</sup> Iae Jew rajo jabesi nuho majae jiamu gagorovo Iesuro God rajahjarue osare hiromo jöho röjëhijadeje.

<sup>11</sup> Röhu ë osare magonahe gemu hijë'e jiadeje. Satan-are a sisë hesi dëre abuejë'ëro ëhu'ëro hesi sino haho'o sisërëjadoho vadune aho'obëhe 18 barëjadeje. Sisërëromo hesi dehojo gurorovë'ëro ahorire nami'iröhoho bogo eni jiadeje.

<sup>12</sup> Èhi jiamu gagorovo Iesuro magonahoho garomo uvamu rovadeje. Rovamu uavadeje: Ma'ino ja marëjavë'e höjo.

<sup>13</sup> Marëjavë'e hö uaromo övoho sinore bamahamu gavë'i ahorire namiromo God huë mae uavadeje.

<sup>14</sup> Èhi'amu God rajahjarue osa muebejaje ahuro gavade nuho majare Iesuro magonahoho ëhi ajamamu gagorovo dë vörönimadeje. Dë vörönimamu ae aho'obëhe uëvadeje: Mu vaejarue majaho majae aho'o övo gö mine övo göre gemu ëhi höjo. Èmajaro rovego hu jemesi sinoho ajëmi'irajo. Nosi nuho majaroho nadi ruerego hu ajëmi'irajo.

<sup>15</sup> Èhi uëvamu hegorovo Badaro ë osa muebejaje aho uavadeje: Jemë sareri sareri'e aribövie jëvajëjo. Nuho maja jië'iroho jemë ae aho'obëhe mue vaeromo jemesi ö mahu'oho jiovo'amoromo jovore sö ujuoho va'aruje höjo jove ue'ahojöro. Na mae-ëjo.

<sup>16</sup> Jemëro jemesi ö mahu'oho nuho majare ëhi ajamijaruje höjo. Röhu ave magonahoho bogo ö mahu'ehu jio'i hu Abraham-are üjëro jië'ëro ëhu'ëro God-ro huë baejaje magonahe höjo. Röhu Satan-hu hu tövahadoho vadune aho'obëhe 18 barëjajëjo. Èhi jië'oho naro rabëni nuho majaroho bogo ajamego bogo marëjöräjo.

17 Ēhi uëvamu hegorovo Iesu bijõnimoruomade aribõvioho aho'obëhe javoje bõrõme bae'i a ioro'iorohuro aho'obëhe uvoruomadeje: Iesuro mu mabëhe aho'obëhe vaejaje hõ uvoromo nimorohoruomadeje.

*Ijo hisue mustard-hu ëgovade uhu jõhoje.*

18 Ēhi'amu Iesuro jõe gõ majëhiromo uëvadeje: God-hu bõrõme namiromo muebejëvaje õroho naro uhu'e bu'õromo jemë'o na'o uehorovo'ëjarëjo.

19 Ijo hisu ihe mustard ujehu riromo ëgovoromo bõrõmo rijajëhi God-ro bõrõme namiromo ae gõ'o gõ'o ëhi gagovoromo muebejëvobe va'a'ajëjo. Ae gemuëro mustard ijo hisu uje gemu baeromo hesi mure õjade hõjo. Õjumu riromo ijo va'ëne ëgovoromo bõrõmorijade hõjo. Bõrõmorijamu ugëro rueromo hesi adore ijue vae'amare hõjo.

*I dë huaje osehu ire rumorovajëhi uhu jõhoje.*

20 Ēhi uëngoromo jõ gõho majëhiromo uëvadeje: God-hu bõrõme namiromo muebejëvaje õri ë hesi uhu jõ gõho naro majëhi'ië'ajëjo.

21 I dë huaje osehu ire rumorovajëhi God-hu bõrõme namiromo muebejëvaje muohuro sa'ae aho'o ëhi rumorovobe va'aje hõjo. Magonahe gemuëro ie aho'obëhe gagovoromo i dë huaje osoho i gemuere bamoromo iohu'o buarohade hõjo. Buarohamu ë ioho aho'obëhe rumorovo barëjade hõjo.

*Ojo harihure va'irõhe ë hesi uhu jõhoje.*

22 Ēhi'onugoromo Iesuro Jerusalem va'irõhëni amo masijore amo ininore jõho rõjëhibe va'adeje.

23 Va'amu ae gemuëro uavadeje: Bada naehu jõ ua ga'ië'ajoho hejëjo. Na ae magemu gemu ëhemu vuovoromo sisëroho bogo va'i God-are õri ari'eroho va'oromo maroho raramo'ëjarëjo. O diehi jio'a'ajëjo. Diehi jio'a'ajëjumu Iesuro ae aho'obëhe uëvadeje:

24 Sivohe mu sivohoromo ojo harihoro rumo va'o garëjo ëhuro ijonõ God-are õri ari'ere va'irarije. Naro jemë uëvajëjo: Ae aho'obëhe rumo va'ië'iroho bogo eni jëvo'ajëjo.

25 Rõhu jemë ojo harihure bogo rumo va'ë'oho majae ijonõ ë osa arijo'ohuro ri'õromo ojoho tugoho titimo'ajëjo. Ojoho tugoho titimo'iramu jemëro amonõ riravoromo aevoromo ojoho ano'anovoromo osa arijo'oho ua'a'arujëjo: Bada oje jiovahuego õ'arëjo. Õ'arë'iramu huro uë'a'ajëjo: Jemë a rabëro rueruomoromo ojoho jiovëhojõro uvarujëjo. Ojoho na bogo jiovëho'ejõjo.

26 Ojoho na bogo jiovëho'ejõ'iramu jemëro ua'a'arujëjo: Rõhu no ie jove ja'o gemu mae inõvare hõjo. Nosi amorõho jero jõho rõjahuinõvane hõjo.

27 Rõjahuinõvane hõ'iramu rue osa arijo'ohuro uë'a'ajëjo: Jemë a rabëro rueruomoromo ojoho jiovëhojõro uvarujëjo. Jemë mu sisë vaejaruje aribõvie jëvaje rori'o va'ohëjo.

28 Va'ohë'iramu jemëro ga'a'arujëjo jemesi hijo miono'e Abraham Isaac Jacob o jõ God-aro baeromo majëhinõvare ae aho'obëhe God-are õri ari'ere ë raramo'i jemë babu'õjëvo'iramu gagorovo nierusuburu'e bamoromo ane ja'iho vuogigimo'arujëjo.

29 Rõhu maja rojomajire beva'ajire arua anumiae jioromo ae aho'o God-are õri ari'ere va'oromo ie ue'ahoruomo'ajëjo.

30 Ue'aho'iramu a ioro'iore dejonõ jiaruoho nuninõ jioruomo'i a ioro'iore nuninõ jiaruoho dejonõ jioruomo'ajëjo. Ëhuremu uehorovorëjo.

*Iesuhu Jerusalem amo rajëni vavaenimade jõhoje.*

31 Iesuro ëhi uëvamu gavë'i Pharisee ae gõëro rueruomoromo uavareje: Ri'õromo õre gõ va'ëjo. Ave sa'a muebejaje ae Herod-ro anago'ië'ajëjo.

32 Anago'ië'ajëjumu hegorovo Iesuro uëvadeje: Herod hu sareri'e mu vaejaje õ sisëho va'ëne ae hõjo. Va'oromo hu uarëjo: Ave jõho hejëjo. Nõrõ hiromo Satan-are aru'aho sisë aribõvi jabesi dëre jio'amajoho rarovõ'õjëvobe a jabesi sinoho avohëvobe va'õjuvo evare nasi muoho barë'ajëjo. Ēhi uarëjo.

33 Rõhu iae na ave sa'aho vuonugoromo õrire juvobe hibe va'õjuvo evare Jerusalem hõrõ'ejõjo nasi muoho ëhi jië'ëro. Ëhesi bëhoho jõ God-aro baeromo majëhijarue ae aho'obëhe ë amoremu muo'amamu vuovëvobe rovë'e hõjo. Ëhuni na'o ë amore va'iramu anego'iramu guomo'ejõjo.

34 Vaevë'e Jerusalem amo rajohumë jemëro jõ God-aro baeromo majëhijarue aribõvioho muo'amaruje hõjo. God-hu jemëni rëmö'õjaje aribõvioho munëro vajëmijaruje hõjo. Kõkõrõko vëmehu harihu vivoju uhure nugo'amoromo diehehu aegëharuëhi naro jemë ëhi gagovëvoromo gemuore rëmo'i nimo'i hijode hõjo rõhu jemëro bijõnimarije hõjo.



<sup>35</sup> Ĕhuni ave jōho hehējo. God-ro jemesi amoho vuonugego jemesi sivue jēvo'li'ē'ajējo. Naro jemē'o hiromo va'iramu jemē nasi nu ano'oho bogo ga'a'arujējo hujeji na vuonorō'ō rue'iramu evare avoho geromo ue'a'arujējo: Bada God-are ihore rovanuoho mabēhe rovanuējo. Ĕhuremu uehorovorējo.

## 14

*Ōvo hōru'e huē'e a Iesuhu nuho majare ajamade jōhoje.*

<sup>1</sup> Iae Jew rajo jabesi nuho majaho rovamu Iesuro Pharisee a bōrōme gemu hesi osare ie i'i va'adeje. Osare va'amū gagorovo Pharisee aribōviahuro ē raromoromo Iesu ga'i muebejareje hu mu sisē o rabe ē'ego.

<sup>2</sup> Rōhu ē osare ae gemu hijē'e jiadeje. Hesi ōvo hōru'e aho'obēhe huo'amē'e jiadeje.

<sup>3</sup> Huo'amē'e jiamu gagorovo Iesuro ri'ōromo Jew rajo jōgoru ōri rōjēhijarue aribōviahuro Pharisee aribōviahuro uēvadeje: Nuho majare a jabesi sino ajēmijē'oho na ēhuro no nosi jōgoroho aharue hōjo o bogajo.

<sup>4</sup> Bogajamu rueho jaburo jōrumoraejareje. Jōrumoraejamu Iesuro aho baeromo sinoho avohahoromo nugō'ōjamu va'adeje.

<sup>5</sup> Va'amū gavē'i Iesuro uēvadeje: Nuho majare jemesi harihoho o mioho jovo'e guare beva'ibejajo na jemē burēro io barojomo'ibejarijējo o bogajo. Iae jemē ēhi ē'ibejarijējo.

<sup>6</sup> Ĕhi ē'ibejarijējamu jō mana uarōhoho bogojēvadeje.

*Nosi arijo'arije ba'obuerovo'irōhe jōhu'o inōmo rumo'e aribōvi ajēmi'irōhe jōhu'o ē jōho niō'ijēve.*

<sup>7</sup> Jōe bogojēvamū Iesuro gavade ē ruenugade aribōviahuro rōho ma-mahemu baeromo raromamū gēgorovo uhu'e uēvadeje:

<sup>8</sup> Aehu ja uavē'oho: Rueromo masurōhe sōrō inē uavē'iroho nadi jasi sivuoho uehorovoromo va'o a masijo raromaruiroho hinējo. Ja ēhi ē'ē'oho nani ae gō jasi iho iosirami'ōhuro sōrōre rue'a'ajējo sōrō arijo'ohuro mami'e uavē'ēro.

<sup>9</sup> Rovē'oho ja'o a bōrōmohu'o ruejōro uēvade ahuro rueromo ja ua'a'ajējo: Rōhe bojamego hu ē hijajo. Ĕhi uavē'oho ja javoje baeromo rori'o va'o hi'a'anuējo.

<sup>10</sup> A'i aehu ja sōrō ro ijōro uavē'iroho va'oromo ma-rori'o hinējo. Ĕhi ē'ē'oho ro ijōro uavade ahuro rueromo ua'a'ajējo: Isio dōro ajio hijējo. Ajio hi'iramū gagorovo sōrō ue'aharue aribōviahuro uehorovavoromo uvo'a'aruējo: Ja a bōrōme javajējo.

<sup>11</sup> Ĕhesi bēhoho ae rahu hesi sivue uehorovoromo dōre bamorovē'oho hesi ihoho abue'a'ajējo. O ae rahu ba'obuerovē'oho hesi ihoho dōro ajiomō'ajējo.

<sup>12</sup> Ĕruenugade aribōviahuro Iesuro ēhi uēnugoromo huotorovoromo ro i ijōro uavade aho uavadeje: Jaehu i harihu maja'e o jeni'e bamo'iē'iroho nadi jasi aemo'aemoho ō mueno'oho bōvi bise'o marohē'e mae jiē'e bēhire raromarue aribōviahuro nadi ēhi jiē'e aribōviahemūho uēvego ro ioho ue'aho'irarējo. Uēvē'oho jabumēro ijōnō mana bojami'iramū jasi suvuoroho bae barē'anuējo.

<sup>13</sup> A'i jaehu i bamo'iē'iroho bōvi bise'o bogo eni jiē'e aribōviahuro ōvo hōru sisē'e o nuni sisē'e aribōviahuro ēhi jiē'e aribōviahuro uēvego rue'irarējo.

<sup>14</sup> Ĕhi ē'ē'oho ē aribōviahuro mana bojami'irōhoho bogo eni jēvē'ēro ja huē mabēhe bae'a'anuējo. Hujeji mu mae vaejarue aribōviahuro vuovē'ēro i'ovoromo ri'ōruomō'iramū evare God-ro jasi manaho bojami'ajējo.

*Sōrō bamamū aehu juahamare uhu jōhoje.*

<sup>15</sup> Ĕhi uavamū hegorovo Iesuro raromoromo i iruomade ae gemuēro Iesu uavadeje: Aribōviahuro ri'ōromo God-are ōri ari'rere va'o raromoromo i ue'aho'irōhoho no huē mae bae'ejarējo.

<sup>16</sup> Huē mae bae'ejarējamū Iesuro uhu'e uavadeje: Iae ae gemuēro sōrō bōrōme baeromo ae aho'obēhe uēvade hōjo: Rueromo sōrōe i'a'aruējo.

<sup>17</sup> Ĕhi ē'ē'ēro sōrō majaho rovamū hesi mu vaejahaje aho nugō'ōjamū sōrō anue va'oromo ae uēbe juvoromo uēvade hōjo: Sōrōho eni jiajējo. Evaro ruehējo.

<sup>18</sup> Ĕhi uēvamū hegorovo ae aho'obēhe mae juahamare hōjo. Ae gōēro ri'ōromo uavade hōjo: O asē'ējo. Na ō'ibejodoho rōhu na sa'ae i'e imē'ēro ē va'oromo ga'ejōjo.

<sup>19</sup> Ae gōēro uavade hōjo: O asē'ējo. Na ō'ibejodoho rōhu na mu vaejaje mioho aho'obēhe 10 imē'ēro ēhuni ē va'oromo ga'ie'ajējo gē'i mae ē'oruomego.

<sup>20</sup> Ae gōēro uavade hōjo: Na magonahe masuvē'e jevē'ēro ēhuni bogo ō'ejōjo.

<sup>21</sup> Ĕhi'amū rue ahuro vuonorō'ō rueromo hesi a bōrōmoho uavade hōjo: Ĕhi ēhi uevare hōjo. Ĕhi uevare hōjamū rue osa arijo'ohuro vōrō'iraeromo hesi aho uavade hōjo: Ma-burēro va'iranoho amo'e ōri masijoho ininoho aho'obēhe juvo barēnējo. Juvo barēromo

bogo eni ji'e aribövioho sino sisërëj'e aribövioho nuni sisë'e aribövioho hõru sisë'e aribövioho ëhi ji'e aribövioho ujuoho ruenëjo.

<sup>22</sup> Ëhi uavamu ejahoromo ëhi ë't'ëro ji'ëro rueromo hesi bõrõmoho uavade hõjo: Ja uevanëhi iae na ëhi ë't'ë'e jevajëjo. Rõhu rõhe iae jiajëjo.

<sup>23</sup> Rõhe iae jiajëjamu rue bõrõmohuro uavade hõjo: Mu õroro je'lo õroro va'iranoho dinëmiromo uëvego ae aho'obëhe rueruomoi'irajo ëhuro nasi osaho irijiomoi'rõhe hõjo.

<sup>24</sup> Na jemë ae aho'obëhe uëvajëjo: Na urimo uëvamu juahemijare aribövioho nasi i sörõ'oho bogo i'a'aruëjo. Bogo mae bogajo.

*Bëhoho uehorovo avohoromo evare Iesuare ijore ijore jijihoi'rõhe jõhoje.*

<sup>25</sup> Iae ae magonahe aho'obëhe siri va'ëne Iesu'o gemu mae õrire jijihoruomonövadeje. Jijihujuvo Iesuro huotorovoromo uëvadeje:

<sup>26</sup> Jemëhu nasiro rovë'oho jemesi vëmu vavu'e vabore aboji harihu'e õe ma'ine nadi ë aribövioho nuninõho bamo'i na dejonõho remorëjo. Rõhu avehu'o gemuoho hõjo. Jemëhu ave sa'are raromoi'irarijoho nadi ëho nuninõho bamo'i na dejonõho remorëjo. Jemëhu bõvie bise'e göemu göemu nuninõ bamë'oho nasi ijore ijoroho bogo jijihoi'aruëjo.

<sup>27</sup> O ae rahu ja bogo uvë'oho: Iesuare jõeni vi'ehë huë vavaene javoje rabe baeromo guomevë'oho iae hesi hõ uvoromo bogo korosi hesi i'u banigojiomanovoromo nasi ijore ijore juvë'oho ja bogo nasi ijorajoho javo'ajëjo.

<sup>28</sup> Nasi ijore ijore jijihoi'ië'iroho ëho mu bõrõme jiaje nadi ëma jijihoi' urimo uehorovo avohoromo evaro nasi ijore ijoroho jijihorëjo. Ehesi bëhoho ae rahu ja javu ëgobõvi vae'ië'iroho bogo ëma vae'i urimo sa'aro hiromo javu vae'irane monioho adaho ga'a'anuëjo ga'i vae barë'irane monioho eni jiego o bogo.

<sup>29</sup> Ja bogo adaho gavë'oho ëhuro nani sa'ahemu vaeromo ga'a'anuëjo monioho barë'iramu vituoho vuonugo'anuëjo. Vuonugo'iramu ae aho'obëhe ëho garomo ja sivagoromo uvoruomoi'ajëjo:

<sup>30</sup> Ësareri'e aho javu ëgobõvie vae'ië'oromo bogo eni jiamu vituoho vuonugade hõjo.

<sup>31</sup> O uhu jõ göho bëhe gemuoho hõjo. Sa'are a bõrõmo göëhu sa'a a bõrõmo göhu'o muorovo'ië'iroho hu bogo ëma muorovo'i urimo sa'aro hiromo uehorovoromo uvo'a'ajëjo: Rue a bõrõmo göhuro muorovo ae aho'obëhe 20,000 ae aho'obëhe mae sõ ujuoho rovajëjo. Na muorovo ae aho'obëhe 10,000 ma-vevino'e ëhëmu jevajëjo. Naehu hu'o muorovë'oho na na eni jevo'ajëjo o bogo eni jevo'ajëjo.

<sup>32</sup> Ëhi uvonugoromo uvë'oho: Bogo eni jevo hesi hõ uvë'oho muorovo'i rovaje a bõrõmoho bogo bëhiroho rovë'e evare ve hijaje a bõrõmo göhuro hesi aho rëmõ'õ'iramu va'oromo rue rovaje a bõrõmo göho sanuamiromo jõ mae majahiromo ua'a'aruëjo: No diehi'oromo muorovoho tugohoromo avoho raromoi'earëjo.

<sup>33</sup> Ëuhu jõ hesi bëhoho jemëhu jemesi sa'ae inõmo inõme bõvie bise'e uehorovarujoho bogo vuonugë'oho bogo nasi ijorajo õmo'õmoho jëvo'ajëjo.

*Rihu rumo'e sõ hesi uhu jõhoje.*

<sup>34</sup> Nasi ijore ijore jijiharujoho jemë sõ va'ëne jëvajëjo. Sõho rihu'e mabëhe hõjo. Rõhu sõ hesi rihu barëjë'oho rõhu bogo maho avoho hesi hõjo.

<sup>35</sup> Ëhu'ëro ë hesi muoho bogohõjo. Bogo muroho ruruhõ'õjego muoho rihuvo'i bogo mi dëhu'o buarohoromo bahijego muoho marë'i a'i ëhi ji'e sõho ma-ruruhõ'õjarue hõjo. Ae rahu ja God-are jõ hejanue ae javë'oho bëhoho nahoromo birohonëjo.

## 15

*Sheep subirõ'õjamu nahoromo birohade uhu jõhoje.*

<sup>1</sup> Iae vajiohu'e tax baejarue ariböviohu'o sisë aribõvi ioro'iorohu'o ëho jaburo Iesuare jõho he'i rueruomadeje.

<sup>2</sup> Rovamu gagorovo Pharisee ariböviohu'o Jew rajo jõgoru õri rõjëhijarue ariböviohu'o uarovareje: Ësareri'e ahuro sisë aribövioho rajëhiromo jabu'o gemuoro ie ijaje hõjo.

<sup>3</sup> Ijaje hõjamu Iesuro uhu'e uëvadeje:

<sup>4</sup> Jemë ae gemu sheep aho'obëhe 100 javo'i gemu subirõ'õjë'oho ja diehi'onëjo. Ja sheep ioro'iore mure raramaruoho ëhi nugo'amoi' va'oromo ë sheep gemu'oho nahobe juvujuvo hujeji vae göro birohõ'anuëjo.

<sup>5</sup> Birohonugoromo nimorohë'i babuariromo amëro rue'a'anuëjo.

<sup>6</sup> Rueromo jasi amo rajoho aganoho uë'a'anuëjo: Nasi sheep subirõ'õjadoho iae birohë'e jevajëjo. Ehuhi ruehego no gemuoro nimoroharëjo.

<sup>7</sup> Ehesi bëhoho naro uë'ië'ajëjo. Õ'idõre raromarue ariböviohuro gavaruë ae gemu õri sisëre juvajoho vuonugo'i huotorovoromo õri mare juvamu gavë'oho nimoroho avoharuë

höjo. O gavarue ae aho'obêhe jabesi sivue uehorovoromo uvamu: No mae javuê'ëro êhu'ëro mu sisê vuonugo'irôhoho bogojavuajê uvamu gëvê'oho bogo êhioho nimoroharue höjo.

*Subirô'ôjê'e ijo bajo nahoromo birohade uhu jôhoje.*

<sup>8</sup> O uhu jô göho hehëjo. Magonahe gemu ajivê'e ijo baje aho'obêhe 10 jiajoho gemu subirô'ôjê'oho hu diehi ê'a'ajêjo. Iroho buenugoromo ari sisuoho bibivê'i ma-avoho nahobe juvoromo hujeji vae göro birohoh'ajêjo.

<sup>9</sup> Birohonugoromo hesi amo rajoho aganoho uê'a'ajêjo: Subirô'ôjade ijo bajoho birohê'e jevaje êhuni ruehego no gemuoro nimoroharêjo.

<sup>10</sup> Êhesi bêhoho na uê'iê'ajêjo. God-are anerahuro gavarue ae gemu ôri sisêre juvajoho vuonugo'i huotorovoromo ôri mare juvamu gavê'oho nimoroharue höjo.

*Ijorajo subirô'ôromo vuonorô'ô rovamugo vavuehu hu rajahi'i muriehu bijönimade jôhoje.*

<sup>11</sup> Êhi uenugoromo Iesuro uhu jöe gö'o majêhiromo uêvadeje: Iae ae gemu harihe niö'i jêvade höjo.

<sup>12</sup> Harihe niö'i jêvê'ëro ijorajohuro ri'ôromo vavuoho uavade höjo: Apo ja guomavego naehu ujuoho'irodego uevane bövioho bise'oho avevejô'e bojemêjo. Bojemijêjamu rue vavuohuro hesi bövioho bise'oho adovoromo harihu göho ioni göho bojami'i harihu göho ioni göho bojamijade höjo.

<sup>13</sup> Bojamamu majae ma-gemu niö'i barêjamu rue ijorajohuro huhu ujuohadoho imo'amo barëromo monioho baeromo va'ade höjo. Va'adoho va'ojuvo ôri êgoböviro sa'a göro va'oromo nimoronimorohê'i hiromo hesi maho sisêho ma-bu'ônövade höjo.

<sup>14</sup> Êhi bu'öbe va'amu hesi bövioho bise'oho barêjahade höjo. Barêjahamu ê sa'are iruno'oho aho'oho barëromo ê sa'are aribövioho vadunëro vuovamu ê aho huê vavaene bôröme baejê'e hijade höjo.

<sup>15</sup> Êhi hiromo va'oromo ê sa'aho raje ae gemu uavade höjo: Ja mue javê'oho uevego na ê jasiro mue vaejôjo. Mue vaejôjamu ruehuro uavade höjo: Mahu muohuro va'oromo mahe mio'amonêjo.

<sup>16</sup> Mahe mio'amonêjamu ê Jew rajehu sisê hö uvarue muoho baeromo va'oromo mahoho mueberomo hómamu uvade höjo: Raro mahu ioho babojemego na ijego da'uego'irajo. Êhi uvade höjo rôhu a vadu'oho ioho bogo bojamare höjo.

<sup>17</sup> Bogo bojamamu hiromo ijonê avoho uehorovoromo uvade höjo: O apare mu aribövioho ie aho'obêhe jêvê'ëro i barê'irôhoho bogo eni jêvajêjo. Na aviae harihoho jevajêjo rôhu vadunëro guomevo'iê'ajêjo.

<sup>18</sup> Êhuni naro ri'ôromo aparo va'oromo ua'ejôjo: Apo naehu God-are ôrire jasi ôrire huê vavaeni bojêmodoho êho naro mu sisê vaejê'e jevajêjo.

<sup>19</sup> Na a sisê jevê'ego êhuni ja bogo na harihoho ue'a'anuêjo. A'i jasi muoro bamevego na muoho vaejahoromo manaho bae'irôjo.

<sup>20</sup> Êjorajohuro êhi uvonugoromo ri'ôromo hesi vavuehu hijajire va'i va'ade höjo.

Va'i va'amu vavuohuro gavade höjo arue riribövire hesi harihoho rovamu. Ganugoromo vavaenimoromo tutuvo va'oromo guduamoromo dudôhade höjo.

<sup>21</sup> Dudôhamu rue harihohuro uavade höjo: Apo naehu God-are ôrire jasi ôrire huê vavaeni bojêmodoho êho naro mu sisê vaejê'e jevajêjo. Na a sisê jevê'ego êhuni ja bogo na harihoho ue'a'anuêjo.

<sup>22</sup> Êhi uavamu hejê'i rue vavuohuro harihoho bogo ejaho'i hesi mu vaejeharue aribövioho uêvade höjo: Ma-burëro va'oromo niögu maho jaegoho hörü guduoho êhi jue'ini ujuohaho rueromo sinoro övo gaenoro hōro io'amahohêjo.

<sup>23</sup> Jemêhu ma-je i muoharue sanuovê'e mioho baro anohego no i sörö'e iromo nimoronimoroharêjo.

<sup>24</sup> Urimoho naro uvode höjo: Nani nasi harihoho guomê'e höjo. Nani diehi ê'tê'e höjo. Avevejô'oho na gavajoho hu iae hijajêjo. Urimoho ôri ari'e göro subirô'ôjade höjo. Avevejô'oho iae birohê'e jevajêjo. Êhuni ê'ego no nimoroharêjo. Êhi uêvê'ëro söröe iromo nimoro nimore bamare höjo.

<sup>25</sup> Êhi'amu gavê'i iae muriohuro muro hijade höjo. Muro hiromo amo bêhire rue'i hejade höjo javavo'ego jajoho hêgöho rovavamü.

<sup>26</sup> Jajoho hêgöho rovavamü hegorovo mu vaejarue ae gemuëro ruejôro uaromo rovamu uavade höjo: Rabêni ê'aruêjo.

<sup>27</sup> Rabēni ē'aruējāmu ruehuro uavade hōjo: Jasi ijorajohuro rovamu jasi vavuohuro gavade hesi harihōho raboho raboho bogo ē'ē'e hesi ōrire ma-mae rovamu gagoro ma-je i muoharue sanuovē'e mioho huni anahade hōjo.

<sup>28</sup> Anade hōjāmu rue muriohuro dē vōrōnimāmu osare va'irōhoho bijōnimade hōjo. Bijōnimāmu vavuohuro amonō hōrō rueromo uavade hōjo: Nadi juahovo'i osaēro rueromo iōho ma-ijējo.

<sup>29</sup> Ijējāmu rue muriohuro uavade hōjo: Aveho hejējo. Jasi jōho na bogo gemu vadu'oho aha'ho'i vadune vadune na jasi muohemu vaejahobe rovē'e jevajējo. Iae ēhi hōjo rōhu mi mae o mi sisē ēhu'o bogo bojēmijane hōjo ēhuro naehu nasi aemo'aemohu'o iromō nimoroho'irodoho. Bogo mae bogajo.

<sup>30</sup> Nasi ōriroho bogo bojemi'i jasi harihoho magonaho sisēho ga'amoromo ēhuro jasi maho sisēho i barējē'ēro rovamu gavē'i jero sanuovē'e mi mabēhoho anoromo hesi ōrire bojāmane hōjo.

<sup>31</sup> Bojāmane hōjāmu rue vavuohuro uavade hōjo: Jue'i ja majae ēhi na'o gemu mae hijānue hōjo. Nasi sa'ae are inōmo inōme ie bōvie bise'e aho'o ma-jasiremu hōjo.

<sup>32</sup> Ēhi hōjo rōhu urimoho naro uvode hōjo: Nani jasi ijorajoho guomē'e hōjo. Nani diehi ē'ē'e hōjo. Avevejō'oho na gavajoho hu iae hijājējo. Urimoho ōri ari'e gōro subirō'ōjade hōjo. Avevejō'oho iae birohē'e jevajējo. Ēhuni noehu huē mae baeromo nimorōnimorohē'oho iae mae hōjo.

## 16

*Ae gemuehu hesi a bōrōmo hesi mu sisē'i muebejahoromo rōhu uehoro mae birohade uhu jōhoje.*

<sup>1</sup> Iae Iesuro hesi ijorajo ōmō'ōmoho uhu'e uēvadeje: Iae moni marohē'e jiē'e ahu'o hesi mu muebejahaje ahu'o jaburo niō'iro arijare hōjo. Ariromo eni jiē'e ahuro hejade hōjo uvāmu: Jasi mu vaejahaje ahuro jasi inōmo inōmoho ma-bu'ōjahaje hōjo.

<sup>2</sup> Ma-bu'ōjahaje hōjāmu hegorovo ē iahuni uvoromo rovamu uavade hōjo: Jaehu ē'ānuoho na hejē'e jevajējo. Nasi mu muebejanuoho vuonugo'ānuējo. Ēhuni nasi mu suri surioho ujuoho ro memego na gavōjo ja nasi mu diehi muebejanoho.

<sup>3</sup> Ēhi uvāmu rue mu muebejaje ahuro uehorovoromo uvade hōjo: Nasi a bōrōmohuro uevajējo naro muoho vuonugojōro. Ēhuni na diehi'o'ejōjo. Sa'a umoromo o ēhi jiē'e i'u'e mu gō vae'irodoho darugoho bogo eni jevajējo. Ae gō jabesi ōrire ēninēmi'irodoho na javojegajējo.

<sup>4</sup> O iae na uehorovajējo. Na ae ajēmiromo ēhi ē'ejōjo ēhuro nasi bōrōmohuro remō'ōjego na va'ego jabumē ae gōēro gōēro ueruomōrōhego: Nasi osaro rovējo.

<sup>5</sup> Ēhi uvonugoromo ae rahu rahu inōmo inōme rabe rabe hesi a bōrōmo bojāmi'irōhohuni jōe nugō'ōromo uēvade hōjo ae gemu gemu ruejōro. Urimore ahuro rovamu mu vaejaje ahuro uavade hōjo: Nasi a bōrōmo hesi ōrire mana bojāmi'iranoho dimino'e jevajējo.

<sup>6</sup> Dimino'e javajējamu uavade hōjo: Jovo'e rama masije aho'obēhe 100 bojāmi'irodoho jevajējo. Bojāmi'irodoho jevajējamu uavade hōjo: Ja dimino'e bojāmi'irane jōho jiē'e jiaje ave suroho baejējo. Baeromo ma-burēro sa'aro hiromo ramae 100 bojāmi'irane jōho mu'tu'i ba'obueromo ramae aho'obēhe 50 bojāmi'iranoho jajivējo.

<sup>7</sup> Ēhi ē'ē'ēro ae gōēro rovamu mu vaejaje ahuro uavade hōjo: Ja'o bojāmi'iranoho dimino'e jevajējo. Dimino'e javajējamu uavade hōjo: I esōe aho'obēhe 100 bojāmi'irodoho jevajējo. Jevajējamu uavade hōjo: Ja bojāmi'irane jōho jiē'e jiaje ave suroho baeromo esōe 100 bojāmi'irane jōho mu'tu'i ba'obueromo esōe aho'obēhe 80 bojāmi'iranoho jajivējo. Ēhi'obe va'ade hōjo.

<sup>8</sup> Ēhi ē'ade jōho hejē'ēro a bōrōmohuro hesi mu sisē'i muebejaje aho uavade hōjo: Ja uehoro mabēhe mae rovāmu ēho ē'ane hōjo. Ēhi rajahijade hesi bēhoho ave sa'a hesi muohemu uehorovarue aribōviohuro uehoro mabēhe birohoromo jabesi muoho vaeruomaje hōjo. A'i God-are aji'e mu uehorovarue aribōviohuro simane sisē'i sisē'i uehorovoromo muoho vaeruomaje hōjo.

<sup>9</sup> Ēhesi bēhoho na uē'ejōjo. Jemēro ave sa'a hesi monioho baeromo ēhuro mu mae vaeromo jemesi agane baejēvorējo. Ēhi ē'ē'oho ēhuro vuovēvo'iramū moni hesi bēhoho barē'iramū God-ro uē'a'ajējo: Nasi amoro rueromo ma-ioro'ioeromu raromohējo.

<sup>10</sup> Ae rahu mu inino avoho muebejē'ohuro mu masijohu'o avoho mueberuomō'ajējo. Ae rahu mu inino sisē'i muebejē'ohuro mu masijohu'o sisē'i mueberuomō'ajējo.

<sup>11</sup> Ēhuni jemē ave sa'a hesi inōmo sisē'i muebejē'oho God rabēni ō'idō hesi inōmo maho bojēmi'ajējo jemēro muebejōro.

<sup>12</sup> O jemēhu ae gö hesi bövi bise'o bogo avoho muebejahē'oho God rabēni bövioho bise'oho i'imēmi'ajējo jemesi ujuohōjōro.

<sup>13</sup> Ae niō'i bōrōmoho gemuoho jēvajēromo jabesi mu gemuore havoromo vaejē'oho bogo eni javo'ajējo. Ja gōho nue huodivo'i gōho rajahi'anuejo. O gōho mae uehorovo'i gōho bijōnimo'anuejo. Ēhesi bēhoho God'o moni'o niō'i bōrōmoho gemuoho jēvajēromo gemuore havoromo mu vaejē'oho bogo eni javo'ajējo.

*Iesuhu jō masije gö gö majēhijade jōhoje.*

<sup>14</sup> Iesuro ēhi uēvamu hejē'i Pharisee aribōviohuro moniemu uehorovoruumē'ero Iesu sivareje.

<sup>15</sup> Sivamu hegorovo Iesuro uēvadeje: Jemē ma-dōēremu mu maho vaejaruje hōjo aēro jemē gēromo uvojōro: Ēaribōvioho mu mae vaeruomaje aribōvie jioruomajējo. Rōhu jemesi dē vōvōbajo'oho diehi jiajoho God iae gē barējaje hōjo. Huhu jemesi dē vōvōbajo'o gēvē'oho aehu gēvaruēhioho hu bogo ēhioho gēvaje hōjo. Ēhesi bēhoho aehu sarerivoromo uvarujoho: Mabēhe hō uvarujoho God-hu gavajoho sisē bēhe hōjo.

<sup>16</sup> Urimē'i Moses-hu surire jajivade jōgorohu'o jō God-aro baeromo majēhinōvare a ioro'ioro jabesi surire jōhu'o aehu hebe rovaroho evare John rovade hōjo. John rovamu evare God-hu bōrōme namiro mo ae aho'obēhe muebejēvaje ē hesi huē ma jōho aevoromo rov'e hōjo. Aevoromo rov'ēgo ae aho'obēhe daruge aho'o bojamirovoromo biririvoromo ōroho jiovoruomaje hōjo ēhuro God-ro muebejēvego hesi aharinō jēvorōhego.

<sup>17</sup> Ēhi jiē'e mu i'oho rov'e hōjo rōhu God-hu urimo bojēmade jōgoroho bogo barē hesi hōjo. Ō'idō'o sa'a'o sisērejē'oho ēho samae hōjo. A'i God-are jōgoroho gö bogo bisemu vadu'oho sisērē hesi hōjo.

<sup>18</sup> Rōhu jō gōhajo. Baruehu vaboro nugō'ō'i gö masuvē'oho ēho bogo masuvē'e muoho jio'i goho'amarue muoho hōjo. O aehu nugō'ōjē'e magonaho masuvē'oho bogo hesi vaboro maho masu'i ēho goho'amarue muoho hōjo.

*Inōmo ma'e ahu'o Lazarus'o jabu niō'ihu ē'are jō Iesuhu jōvadohoje.*

<sup>19</sup> Iae ae gemuēro hijade hōjo. Hesi inōmo inōme are sa'ae bövie mae jiade hōjo. Niōge sanuovē'e kavuē'e mabēhe io'amonōvade hōjo. Iruno'e aho'obēhe sōrōnō'e iromono nimononimorohonōvade hōjo. Majae aho'o ēhi gemu ēhi'obe rovide hōjo.

<sup>20</sup> Ēhi'ēgo inōmo'e a hesi ojanore bövi bise'o bogojiē'e ahuro ē raromonōvade hōjo. A ihohe Lazarus jiade hōjo. Lazarus-are sino haho'oho ma-sagohemu jiē'e jiade hōjo.

<sup>21</sup> Sagohemu jio'ēgo Lazarus-ro nimonōvade hōjo eni jiē'e a hesi i vitu vituoho i'irovo ēhuro da'uomōjōro. Rōhu vaevē'oho ōero rueruomoro hesi sagohoho sēhahonōvare hōjo.

<sup>22</sup> Ēhi'ōjuvo iae ē bövi bise'o bogojiē'e aho guomade hōjo. Guomamu aneraēro hesi aru'ahoho bava'amu nosi bēhe Abraham-are guruto mare avoho hijade hōjo. Hijamu ē eni jiē'e ahu'o guomade hōjo. Guomamu guavare hōjo.

<sup>23</sup> Guavamu vuovarue aribōviehu raromaruire va'o hijade hōjo. Hiromu vi'ehi sisē bēhe baejē'ero nunēro ga avoho'i gavade hōjo Abraham arue riribōvire hi'i Lazarus Abraham-are guruto mare hijamu.

<sup>24</sup> Ēhi gēnugoromo ma-darugo'o uvade hōjo: Saso Abraham-ajo. Nani vavaenimoromo Lazarus nugō'ōjēgo huro hesi ōvo namoho jovore ba'amoromo rueromo nasi bitaroho rēhoromo sanuoveho'irajo. Na vēniro jevē'ero sisē maro vi'ehegavajējo.

<sup>25</sup> Vi'ehegajējamu Abraham-ro ri'ōromo uavade hōjo: Sasajo. Avehe uehorovējo. Sa'are hijē'i ja huē ma-mabēhe birohane hōjo. Lazarus hu hijē'i ma-huē sisēmu birohade hōjo. Rōhu jaruvoho Lazarus-ro sanue baeromo hijajējo. Jero vi'ehi bōrōme baeromo hijanuējo.

<sup>26</sup> Rōhu jō gōho ēhu'o hejējo. No aviae javuo'i jemē aruae jēvajējo. Rōhu ririre hahe guorōte jiē'ero ēhuro ave jioromo jemesirire ō'ē'oho bogo eni jio'i jemesirire jioromo ave rovē'oho bogo eni jiajējo.

<sup>27</sup> Bogo eni jiajējamu uavade hōjo: Saso ēhi jiē'oho huē baejevoro mo Lazarus nugō'ōjēgo huro nasi aganehu raromaruire va'ajo.

<sup>28</sup> Na ōe aho'obēhe ōvo gö mine jev'e jiaje uavego Lazarus-ro va'oromo nasi ō ōmo'ōmoho jōgore majēhi'irajo ēhuro ave vōrō'eroho bogo rueruomorohe hōjo.

<sup>29</sup> Ēhi uavamu Abraham-ro uavade hōjo: Rōhu jasi ō ōmo'ōmoho Moses-are surire jōho mami'e gavaruē hōjo. Jō God-aro baeromo majēhinōvare a ioro'ioro jabesi surire jōhu'o gavaruē hōjo. Ēhuni nadi'ēgo jabumēro jabesi jōho ejēho'irarējo.

<sup>30</sup> Ejëho'irarëjåmu uavade hõjo: Saso Abraham iae ëhi hõjo. Rõhu surire jõho bogo eruomo'ajëjo. A'i vuovoromo ave ro raromajire aehu ë jioromo ri'õ va'oromo jõ majëhijåmu hejë'iroho iae jabu huotorovoromo mae uehorovo'aruëjo.

<sup>31</sup> Mae uehorovo'aruëjåmu Abraham-ro uavade hõjo: Bogo ëhioho jio'a'ajëjo. Jasi õ õmo'õmoho Moses-are surire jõho bogo ejaharue hõjo. Jõ God-aro baeromo majëhinõvare a ioro'ioro jabesi surire jõho bogo ejëharue hõjo. Jabesi jõho bogo ejëhobe rovë'ëro he'irõhe ae gö guomoromo ri'õromo jõ majëhijåmu hejë'o'ho hesi jõhu'o bogo ma uehorovo'aruëjo.

## 17

*Mu sisë hesi jõhoje.*

<sup>1</sup> Ehi'oromo Iesuro hesi ijorajo õmo'õmoho uëvadeje: Göehu gö bijioho gavego sisë vaerõhe muoho iae ruenõvo'ajëjo. Iae ëhi jio'a'ajëjo rõhu ae rahu ë mu barovë'o'ho vaevë'o'ho sisërë'ajëjo.

<sup>2</sup> Asisõ'onõ'le jõrume raromarue ae gemu mu sisë rõjahijåmu bejë'o'ho mu sisë bogo rõjahijajevare ë mu sisë rõjahijaje a hesi sõnõ'ahore aëro i'u'e munë hitahiohuro tõvoromo sõ jovore ba'amego e'ure beva'oromo guomo'ibejajo ëho ma-jianovo'ibejajo. A'i ë mu sisë rõjahi'irõhe ë hesi i'u'oho bõrõmo bëhe bae'a'ajëjo.

<sup>3</sup> Eñuni avo'avoho mueberovorëjo.

Jasi õehu jasi õrيره sisë vaejavë'o'ho ahonëjo. Ahamu huhu huotorovoromo uehoro mae baejë'o'ho ëhuro jero hesi sisëho uehorovoromo vuonugonëjo.

<sup>4</sup> O majae gemu rõhu mu sisë gö'o gö'o vae 7 vaejavo'i hiromomo rõhu vae 7 ro ua'i hijë'o'ho: Iae naro mu sisëho vaejë'ëro jevë'ëro vuonugoejõ ua'i hijë'o'ho jero uehorovoromo vuonugaho'i hinëjo.

*God mae uehorovoromo ehuro mu masijo vaerõhe jõhoje.*

<sup>5</sup> Ehi uëvåmu Iesuarë apostle õmo'õmohuro ri'õromo Bada uavareje: Iae no jasi darugoho ma-bisemu mae uehorovarue hõjo. Rõhu jero ajamuego no mae uehorovo avoho'irarëjo.

<sup>6</sup> Mae uehorovo avoho'irarëjåmu huro uhu'e uëvadeje: Mustard bajoho inino mae jio'amajëjo. Mustard baje gemu ma-bise'o jiajëhi ëhi uehoro mae ma-bisemu baeromo God mae uehorovo'ibejarijëjo ave namijaje ijo bõrõmoho ua'ibejarijëjo: Jasi jahorovëjo. Jahorovoromo va'oromo sõ jovohuro jasi ba'amorovë ua'ibejarijëjo ë ijohuro jemë ejëho'ibejajo. Mae uehorovo'ibejarijëjo ëhi jië'e muoho vae'ibejarijëjo.

*A bõrõmo hesi mu vaejarue uhu jõhoje.*

<sup>7</sup> Rõhu jõ göho jemë nasi jõ hejaruje aribõvioho nani ja ae gemu jasi muemu vaejaje ae javajëjo. Nani huro jasi muro hiromomo sa'aho avohaho'ajëjo o õ mahu'o'ho muebejaho'ajëjo. Mu vaeromo rovë'o'ho na ja hu uanëjo: Ro hiromomo ie ijëjo. Ja bogo ëhi jië'e jõho ua'i

<sup>8</sup> A'i ua'a'anuëjo: Nasi ioho avohehoromo jasi niõgoho avoho ruohoromo ro ioho jovoho i'imemego na i'irõjo. Na ijego evaro ja'o inëjo.

<sup>9</sup> Jaehu mu jõ ëhi bojåmamu hu ejahoromo mu vaejë'o'ho na ja uanëjo: Mabëhe huë baejevoromo ajemijane hõjo. Bogo ëhioho ua'a'anuëjo hu jasi muemu vaejajego.

<sup>10</sup> Euhu jõ hesi bëho'ho jemë God-are muemu vaejaruje aribõvie jëvajëjo. God-hu jemë bojëmaje mu jemë vae barëjë'iroho uvorëjo: No mu aribõvi sisë sisë javuajëjo. Eho nosi muego ë'tare hõjo.

*Iesuhu ae 10 ajëmamu ae gemuehu God huë mae uavade jõhoje.*

<sup>11</sup> Iae Iesuro Jerusalem amore va'ë'i va'ë'i Galilee sa'a vituohu'o Samaria sa'a vituohu'o birorohadinõ ehunõ va'adeje.

<sup>12</sup> Va'oromo ë dirõ'ore amore hõrõ'ia'åmu gavë'i sino jomo'e ae aho'obëhe 10 rueromoro ri'õ riravareje.

<sup>13</sup> Riravoromomo ma-darugo'o uvoruomadeje: Iesujajo. Badajajo. Noni vavaenimoromomo ajamuijëjo.

<sup>14</sup> Ajamuijëjåmu Iesuro gëromomo uëvadeje: De va'irarijohomo arue priest õmo'õmoho rõjëhirego jabumëro morijëgo gë'irarëjo. Morijëgo gë'irarëjåmu õrيره va'åmu gavë'i marëjëvadeje.

<sup>15</sup> Marëjëvåmu gagorovo ae gemuëro vuonorõ'õromomo ma-darugo'o God mabëhe uabe rovadeje.

<sup>16</sup> Rueromomo Iesuarë hõru bëhire ague aho hiromomo rajahijadeje. Rõhu ë aho bogo Jew rajehu jio'i Samaria raje jiadeje.

<sup>17</sup> Rovamu gagorovo Iesuro uavadeje: Jomo'e ae aho'obêhe 10 marëjêvade hõjo. Na mae-êjo. Rõhu a ioro'ioire 9-ho diehi'oromo bogo rovare hõjo.

<sup>18</sup> Diehi'oromo nosi Jew rajoho bogo rueruomoli ave sa'a gö rajohuremu God mae uali vuonorõ'õ rovide hõjo.

<sup>19</sup> Êhi unagoromo è Samaria rajoho uavadeje: Ri'õ va'êjo. Jero God mae uehorovamu êhuro marëjavê'e hõjo.

*God-hu aevoromo hesi aji ma røjahuiromo bõrõme namiromo muebejavuo'irõhe jõhoje.*

<sup>20</sup> Êhi'amu Pharisee a ioro'iorõro ri'õromo Iesu uavareje: God divare aevoromo bõrõme namiromo muebejavuo'iramu no hesi ahariremu raromoejarêjo. Raromoejarêjamu Iesuro uêvadeje: God-hu bõrõme namiromo aho'obêhe muebejêvajoho võrõ'e muoho jemesi nunoho bogo garomo uvo'a'arujêjo: God-ro aevoromo muebejavuo'ego no hesi ahariremu raramaruêjo.

<sup>21</sup> O ja bogo aho uê'a'anuêjo: Aveho gahêjo. God-ro ave dirõ'oremu bõrõme namiromo muebejavuajêjo. O arueho gahêjo. God-ro è dirõ'oremu bõrõme namiromo muebejêvajêjo. Bogo êhioho uê'a'anuêjo è hesi bêhoho God-ro jemesirire bõrõme namiromo muebejêvajêro jiê'êro.

<sup>22</sup> Êhi uênugoromo hesi ijorajo õmo'õmoho uêvadeje: Majae ijono jemêro God-are A Maho ge'i nimo avohoromo uvo'a'arujêjo: Majae êgobõvie bogo gavê'êro nõrõ majae mabisemu ga'ibejarêjo mae javuo'ibejajo. Rõhu bogo ge'a'arujêjo.

<sup>23</sup> Bogo ge'iramu aêro jemê sarerêmiromo uê'a'arujêjo: Gahêjo. Nõrõ aruae hõjo. O nõrõ aviae hõjo. Êhi uêvê'oho nadi ejêhoromo ge'i jahu'oho va'orêjo.

<sup>24</sup> Êhesi bêhoho naehu rue'irode majaho rue'iramu na bogo dirõ'e gemuoroho ro hi'i a'i baderehu õ'idõre baderivoromo õ'idõre aho'o ajivo barêjego ae aho'obêhe ga barêjaruêhi God-are A Maho naro êhi rue'iramu ge'a'arujêjo.

<sup>25</sup> Iae êhi jio'a'ajêjo rõhu urimoho na vi'êhe huê vavaene bõvie bise'e bae'ejõjo. Ave jaruvore raromarue aribõviohuro na bijõnegoruomo'ajêjo.

<sup>26</sup> Rõhu God-are A Ma naehu a nunire rue'iê'iroho a mami ae Noah-hu hijade majare jiadêhi êhi gemuoho jio'a'ajêjo.

<sup>27</sup> Noah hijadevare evare aêro ie jove ue'ahobe masurovobe êhi jiê'e muohemu uehorovobe va'ojuvo evare Noah-mêro boat bõrõmore rumo va'amu gavê'i jovo bõrõmêro rojomoromo a ioro'ioroho baeniagêgamu vuovo barê nahonahovade hõjo.

<sup>28</sup> O a mami ae Lot-hu hijade majare jiadêhi God-are A Ma naehu a nunire rue'iê'iroho êhi gemuoho jio'a'ajêjo. Lot hijade majare evare ae aho'obêhe ie jove ue'ahobe bõvie bise'e imobe i'õ mu'e vaebe javue vaebe êhi jiê'e muohemu uehorovobe va'ojuvo

<sup>29</sup> evare Lot-ro Sodom amore jioromo mae va'amu gavê'i vênêro girosijiomê'e munêhuro rireromo ruvebiromo a ioro'ioroho bijuêmamu vuovo barê nahonahovade hõjo.

<sup>30</sup> God-are A Ma naehu rue'iê'iroho aêro êhi gemuoho ê'obe va'ojuvo evare è majaho ma-majioho rue'a'ajêjo.

<sup>31</sup> Êmaja rovê'oho ae rahu javu dönõ haradare raromoli jabesi inõmo inõmo osanõ jiê'oho nadi inõmoho ujuoho'i abo osaroho rumo va'i o mure raromê'oho jahu'o nadi inõmoho ujuoho'i uehorovoromo vuonorõ'õ rue'i ma-huruomo'irarêjo.

<sup>32</sup> Lot-are vaborehu hesi inõmo uehorovoromo vuonorõ'õ'ia'amu i'uehu hesi õrire rovide jõho avoho uehorovorêjo.

<sup>33</sup> Ae rahu hesi sinohuni uehorovoromo biririvoromo ave sa'are hi'i êhemu uehorovê'oho vuovo õriro va'a'ajêjo. O ae rahu hesi sineni bogo uehorovo'i nasi jõhuremu uehorovoromo ma-guomorovê'oho è ahuro maro hiemu hi'a'ajêjo.

<sup>34</sup> Rõhu na avehu'o uêvajêjo. Naehu rue'irode vahire evare ae niõ'iro rõhe gemuore diroho'aruêjo. Diroho'iramu God-ro göho bae'i göho è vuonugo'ajêjo.

<sup>35</sup> Magonahe niõ'iro gemuoro ariromo ioho sa'ijovoromo avoho'iramu God-ro göho bae'i göho è vuonugo'ajêjo.

<sup>36</sup> [Ae niõ'iro mure ari'iramu God-ro göho bae'i göho è vuonugo'ajêjo.]

<sup>37</sup> Êhi uêvamu rue ijorajo õmo'õmohuro uavareje: Bada ja di õri ari'ere vuonorõ'õ ruenêjo. Ruenêjamu uhu'e uêvadeje: Sagohe dinõ'e jiajire è ugho gagovoruomo'ajêjo.

## 18

*Magonahe doruehu jõ mevaje a hesi õrire biririvoromo êninamijamu ajamade uhu jõhoje.*

<sup>1</sup> Iae Iesuro uhu jõe gö majêhijadeje aêro heromo uvorõhego: No bogo u'uholi biririvoromo parie vae'i ari'esarêjo.

<sup>2</sup> Majëhiromu uëvadeje: Iae ae gemuëro hijade hõjo. Hu jõ heromu mevaje a bõrõme jiade hõjo. Hu God bogo ma uehorovoromo a jabesi õrirohu'o bogo ma uehorovonõvade hõjo.

<sup>3</sup> Hu bogo mae uehorovë'e ae jio'i rõhu magonaho doruëro ë ame gemuore hijade hõjo. Hiromu ë jõ mevaje a hesi õrire rueromu ua'i hinõvade hõjo: Ajemego sisë vaejevaje aho iosirami'irõjo.

<sup>4</sup> Ëhi ua'ego bogo ejahonõvade hõjo. Ëhi'o'i arijuvo ë jõ mevaje ahuro hesi uehorovoromo uvade hõjo: Na God bogo uehorovoromo a jabesi õrirohu'o bogo uehorovaje hõjo

<sup>5</sup> rõhu ave magonaho doruohuro dinemi'i hi'ego na bijõnego'ego ëhuni na hesi õroho avohaho'ejõjo huro ro ue'i hijego na he'i hijego u'uvevojõeni.

<sup>6</sup> Badaro ë uhu jõho ëhi majëhinugoromo jõ bëhoho uëvadeje: Ëjõ mevaje a sisëhu diehi jõvadoho uehorovorëjo.

<sup>7</sup> A'i God-ro diehi ë'a'ajëjo. Hesi aribõvi maehu vahie sisone jene hesi õrire ëninami'i arijaruoho na hu jabesi mu õroho bogo avohëho'ajëjo. Na hu majae ëgobõvie õrisanuovo'i bogo burëroho ajëmi'ajëjo.

<sup>8</sup> Iae hu ma-burëro ajëmi'ajëjo. Rõhu God-are A Ma naehu sa'are rovë'iroho na na ga'ejõjo aëro biririvoromo God mae uehorovo'iramu o bogo.

*Ae döemu mae jiajohu'o a sisë'o pari vaejare uhu jõhoje.*

<sup>9</sup> Iae Iesuro gëvadeje ae gõ jabesi sivue uehorovoromu uvamu: Noremuëremu maho javuajëromu a ioro'loro jabesi jõho bogo uehorovuomamu gëgorovo jabesi õrire ave uhu jõho majëhiromu uëvadeje:

<sup>10</sup> Iae ae niõ'iro God-are osa bõrõmore parie vae'i ajiomare hõjo. Gõho Pharisee ae jiade hõjo. Gõho vajiohu'e tax baejaje ae jiade hõjo.

<sup>11</sup> Ajiomoromo Pharisee ahuro va'oromo namiromu parie vaeromu ëhi uavade hõjo: God-ajo. Na jasi õrire huë mae uavajëjo rabëni a ioro'loroho jabu anano'e vajiohu'e goho'amarue mu vaeruomajëhi naehu bogo ëhi ë'ajohuni. O aruëre tax baejaje ae jiajëhi na bogo ëhi jevajohuni.

<sup>12</sup> A'i hurae gemu hesi uhure majae niõ'i jasi jõëni na ioho bogo ijaje hõjo. Inõme rabe ujuohë'o ho 9 nasi bahi'i gemu jani bamahobe va'aje hõjo.

<sup>13</sup> Ëhi ua'irõgoro rue tax baejaje ahuro rori'o namiromu javojimamu nunoho bogo õ'idõho sioroho'i vineboho õvëro ano'anovoromo God uavade hõjo: Na a sisë jevaje nani vavaenimëjo. Ëhi'are hõjo.

<sup>14</sup> Naro jemë uëvajëjo: Tax baejaje aho God-ro hesi sisëho uehorovoromo vuonugamu God-are nurire mae namijë'ëro hesi osare vuonorõ'õ abuejade hõjo. A'i rue Pharisee aho bogo ëhioho maho abuejade hõjo. Ëhesi bëhoho ae rahu hesi sivu uehorovoromo dõre bamorovë'o ho hesi ihoho abue'a'ajëjo. O ae rahu ba'obuerovë'o ho hesi ihoho dõro ajiom'o'ajëjo.

*Iesuhu hesi õvo asisõ'o inino jabesi sinore bamëhade jõhoje.*

<sup>15</sup> Ëhi uëvamu aëro asisõ'o ininoho ëhu'o sõ ujuoho rueruomadeje Iesuro õve jabesi sinore bamëhojõro. Ujuoho rovamu gëgorovo Iesuare ijorajo õmo'õmohuro birëgareje.

<sup>16</sup> Birëgamu hegoro Iesuro asisõ'o ho ujuoho ruejõro uvoromo hesi ijorajõho uëvadeje: Nadi ahëvo'i uëhego rueruomajo. Ëhi jië'e asisõ'o va'ëne jõrome raromë'e aribõvioho God-ro bõrõme namiromu muebejëvego hesi ahariremu raroruomajë hõjo.

<sup>17</sup> Ave jõho na jõ mae uë'ië'ajëjo. Asisõ'o ininehu bogo sivu uehorovo'i God-hu muebejavuajõho mae hõ uvaruëhi ae rahu bogo ëhi uvë'o ho God-are ahariroho bogo va'o rarom'o'aruëjo.

*Bõvi bise'o marohë'e a hesi jõhoje.*

<sup>18</sup> Ëhi'amu iae Jew rajo a bõrõme gemuëro ri'õromu Iesu uavadeje: Tisa ja a mae javajëjo. Na diehi'oromo ma-oro'ioremuoho maroho hi'ejõjo.

<sup>19</sup> Maroho hi'ejõjamu uavadeje: Jero na uevanuëjo: Ja a mae javajëjo. Iae mae hõjo rõhu hesi God gemu a maho hõjo.

<sup>20</sup> Rõhu mae hi'iranëro ue gevanuoho ja God-are jõgoroho iae gavanue hõjo. Nadi goho'amonëjo. Nadi aho anonëjo. Nadi vajiohõho baenëjo. Nadi sareri'e jõho aho majëhinëjo. Jasi vëmoho vavuoho mae uehorovëvonëjo. Mae hi'irane õroho ëhi hõjo.

<sup>21</sup> Õroho ëhi hõjamu uavadeje: Iae mae-ëjo rõhu na asisõ'ere aevoromo jõ ebe rovdodho jaruvohu'o ëhi gemuoho ë'aje hõjo.

<sup>22</sup> Ëhi gemuoho ë'aje hõjamu hegorovo Iesuro uavadeje: Iae mae ë'anue hõjo rõhu mue gemu bogo vaejë'e javajëjo. Jasi bõvioho bise'o ho imo'amoromo monioho baeromu inõmo



bogo eni jië'e aribövioho suvuorëminëjo. Ëhi ë'ë'o'oho bövie bise'e maho maho janioho ö'idöre jiaho'ajëjo. Ëhi'oromo rueromo nasi ijoro ijoro juvonövonëjo.

<sup>23</sup> Ëhi uavamu hegorovo ruehuro hesi uehorovoromo uvadeje: Na bövie bise'e börömo mae jevë'ëro suvuorëmi'irodoho na bogo eni jevajëromo huë vavaene böröme baejadeje.

<sup>24</sup> Huë vavaene baejamu Iesuro hu garomo a ioro'ioroho uëvadeje: Bövi bise'o marohë'e mae jië'e ariböviehu God-hu muebejaje öri ari'ere va'ë'oho anoji'e mae höjo.

<sup>25</sup> Mi börömo anugo gagore nugö'öjë'oho ja bogo eni javo'ajëjo. Röhu ëhi ë'ë'oho samae jianovo'i a'i bövi bise'o marohë'e ariböviehu God-hu muebejaje öri ari'ere va'iröhoho ëho anoji'e mae höjo.

<sup>26</sup> Ëhi jövamu heromo uavareje: Ëhi jië'oho no diehi'oromo maroho va'ejarejo. No ae aho'obëhe bogo eni javuajëjo.

<sup>27</sup> Bogo eni javuajëjamu Iesuro uëvadeje: Iae ëhi höjo röhu jemë ma-aëro jëvë'ëro mu vaejë'oho bogo eni jëvajoho ëho God hu eni jiajëjo.

<sup>28</sup> Ëhi uëvamu Peter-ro ri'öromo Iesu uavadeje: Aveho gavëjo. Noro bövie bise'e nosiroho vuonugo'i jasi ijore ijore jijihë'e javuajëjo.

<sup>29</sup> Jijihë'e javuajëjamu Iesuro uavadeje: Ëho iae mae höjo. Aveho na jö mae uë'ië'ajëjo. Ae rahu God-hu muebejëvo'iröhe mu uehorovoromo ëhuni javue vabore ö ömo'öme vëmu vavu'e aboji harihu'e vuonugo'amë'oho

<sup>30</sup> ëhi jië'e aribövioho jemë jemesi bövioho bise'oho ëho ma-bise'e vuonugarije höjo röhu avevejö'e ave sa'are bövi mae bae'a'arujëjo. O majae ijonö jemë ma-ioro'ioemu maro raromo'arujëjo.

*Iesuhu guomoröhe jö urimo vae niö'ü majëhijadoho ijonö röhu maho majëhijade jöhoje.*

<sup>31</sup> Iae Iesuro hesi ijoraje 12-ho rori'o sö va'oromo uëvadeje: Aveho hehëjo. No Jerusalem amore ajiomaruëjo. Ajio raromo'iramu evare urimo jö God-aro baeromo majëhinövere ariböviehu jö jajivo'amarëhi ëhi jië'e muoho Jerusalem rajëro God-are A Ma nasi örire vaejevo'aruëjo.

<sup>32</sup> God-ro hesi ëhi bamë'ëro naro sa'a göre jioromo rovare aribövi jabesi övore va'ejöjo. Va'iramu jaburo baejevoromo sivegoromo ijumevoromo sabëro ödegoromo

<sup>33</sup> hisuebijevoromo anego'iramu guomevo'ajëjo. Guomoromo majae niö'i gemu hesi uhure ri'ö'ejöjo.

<sup>34</sup> Ëhi uëvamu hegorovo hesi ijorajoho jabu bogo mae bogo hejareje. Bëhoho subivëhë'ëro hesi jöho bogo avoho baejareje.

*Iesuhu Jericho amore rueromo nuni sisë'e ae ajamade jöhoje.*

<sup>35</sup> Ëhi'amu iae Iesuro va'adoho va'o Jericho amore hörö'iro ë'adeje. Röhu nuni sisë'e ae gemuëro ë öri ionire hiromo maëni sisëni ae ëninëmijadeje.

<sup>36</sup> Ae ëninëmiromo hejade ae aho'obëhe mae rova'avamu hejë'i ae uëvadeje: Jabumë rabë'i rova'aruëjo.

<sup>37</sup> Rabë'i rova'aruëjamu aëro uavareje: Iesu Nazareth rajohuro rova'ego ëhuni ë'aruëjo.

<sup>38</sup> Ëhi uavamu hegorovo nuni sisë'e ahuro ma-darugo'ovadeje: David-are ujoho böröme javaje Iesu jero nani vavaenimëjo.

<sup>39</sup> Vavaenimëjamu hegorovo rue urimo va'are ariböviohuro birevoromo uavareje: Jöe vuonugëjo. Jöe vuonugëjamu hejë'i ma-darugo ma'o uvo'i hijadeje: Hë David-are ujoho nani vavaenimëjo.

<sup>40</sup> Ëhi uvo'i hijamu Iesuro va'adoho vuonugo'i ë namiroomo uëvadeje: Nuni sisë'e aho hu'irae baruehëromo barovamu nuni sisë'e aho uavadeje:

<sup>41</sup> Naro diehi ajamijöro nagajëjo. Nagajëjamu uavadeje: Bada ajemego na nune dadovoromo uherihöjo.

<sup>42</sup> Uherihöjamu Iesuro uavadeje: De nune dadovoromo uherihëjo. Jero God mae uehorovamu ëhuro marëjavë'e höjo.

<sup>43</sup> Ëhi uavamu ma-burëro uherihadeje. Uherihoromo God huë mae uabe Iesuare ijore ijore va'adeje. Va'amu ae aho'obëhe garomo God rajahiruomadeje.

## 19

*Zacchaeus-hu Iesu ga'i nimamu ëhi ë'ade jöhoje.*

<sup>1</sup> Ëhi'amu Iesuro Jericho amore rovë'ëro amo ririre rova'adeje.

<sup>2</sup> Röhu ë amore ae gemu hijë'e jiadeje. Hesi ihoho Zacchaeus jiadeje. Hu tax baejaje a böröme jiadeje. Hesi bövioho bise'oho marohë'e mae jiadeje.

<sup>3</sup> Amo Iesuro rueromo va'ia'amugo Zacchaeus-ro Iesu ga'i sivohoromo röhu ae aho'obëhe tagavoromo urahë'ëro bunosirivamu bogo avoho gavadeje.

<sup>4</sup> Bogo gagorovo uvadeje: Iesuro ë örire va'a'ajë uvoromo urimo tutuvo va'oromo öri bëhire ijo duvahore ajio hijadeje Iesu rovego niomo'amo ga'iro.

<sup>5</sup> Ajio hijamu Iesuro hu jiaji'ere ruegoro namiromo sioroho garomo uavadeje: Zacchaeus-ajo. Ma-burëro ruvebijego va'arëjo jaruvoho na jasi osare hi'ië'e jevaje.

<sup>6</sup> Èhi uavamu hejë'i Zacchaeus-ro nimorohoromo ma-burëro abueromo Iesu hu'irae baeromo hesi osare va'oromo rajahijadeje.

<sup>7</sup> Rajahijamu ae aho'obëhe gavare Iesuro Zacchaeus-are osare va'amu gagorovo bijönimoromo uarovareje: Asë'e Zacchaeus a sisë höjo. Iesu rabëni ëhi jië'e a hesi osaroho niavo'i va'ajëjo.

<sup>8</sup> Èhi uarovamu Zacchaeus-ro ri'öromu Bada uavadeje: Bada aveho hejëjo. Nasi bövioho bise'oho ririre tarioromo vituoho bae'i vituoho bogo eni jië'e aribövioho suvuorëmi'ejëjo. Naehu a rahuarie inömo sarerëmiromo vajiohehu ujuohodoho iae na ëhi niö'i ëhi niö'i ëhi mana vuonorö'ö bojëmibe va'ejëjo.

<sup>9</sup> Bojëmibe va'ejëjumu hegorovo Iesuro ae aho'obëhe uëvadeje: Jaruvo ave osare raromarue aribövi jabesi sisëho uehorovoromo vuonugëhë'ëro mae jëvajëjo. Èhesi bëhoho Zacchaeus hu'o Abraham-are ujëro jië'ëro ëhu'ëro God-hu huë baejaje ae höjo.

<sup>10</sup> Zacchaeus va'ëne ëhi subirö'ö'amë'e aribövi ioro'ioroho naho'amoromo sö rueromo maro nugo'amo'irodëni ëhuni God-are A Maho na rovode höjo.

*A böröme gemuehu hesi mu aribövi ijo bajo bojëmiromo avoho muebejehorë uëvade uhu jöhoje.*

<sup>11</sup> Èhi uëvamu ae aho'obëhe hejareje. Heromo uvareje: Iesu Jerusalem hörö'i dunovajëjo. Hörö'iramu gavë'i no aevoromo ga'ëjarëjo God-ro böröme namiromo no muebejavuo'iramu. Èhi uvoruomamu gëgorovo Iesuro hesi jöho uhu'e majëhiromo uëvadeje:

<sup>12</sup> Iae a böröme gemuëro hijade höjo. Hiromo öre ëgoböviro sa'a göro va'ië'ade höjo hesi sa'a mueberöhe darugoho baeromo vuonorö'ö rue'iröhëni.

<sup>13</sup> Va'irögoro hesi mu vaejaruarue ae aho'obëhe 10 jaburo ruejëro uvëvoromo rueruomamu ae gemu gemu 20 kina 20 kina ëhi bojëmibe va'ade höjo. Bojëmibe va'oromo uëvade höjo: Ave monioho baeromo muoho ma-vaemu vaeromo monie gö'o döro baejehorego evare na vuonorö'ö rueromo bae'iröjo.

<sup>14</sup> Èhi uëvë'ëro va'amu gagorovo ë a börömoho hesi sa'a rajohuro nue huodivë'ëro ae gö rëmö'öjumu a börömo hesi ijore va'are höjo. Va'oromo ë sa'a göre suorovoromo a masijoho uëvare höjo: Èaehu böröme namiromo nosi sa'a muebejavuo'iröhoho no bijönaguajëjo.

<sup>15</sup> Èhi'amu ë ahuro hesi sa'a mueberöhe darugoho baeromo vuonorö'ö rovade höjo. Rueromo jöe nugö'öromu hesi moni bojëmide mu aribövioho uëvade höjo: Ruehego na gëvöjo monioho dimine dimine gö'o döroho baejehë'e jëvego.

<sup>16</sup> Èhi uëvamu ae gemuëro urimo rueromo uavade höjo: Jaehu 20 kina bojemijanohuro ëhuro na mue vaeromo gö'o döre 200 kina baejahë'e jevajëjo.

<sup>17</sup> Baejahë'e jevajëjumu ruehuro uavade höjo: Mabëjëjo. Ja mu mae vaejanue ae javajëjo. Ja mu bise'oho mabëhe muebejehobe rovanohuni ëhuni naro darugoho bojami'ejëjo jero ame aho'o 10 muebejehö'iranego.

<sup>18</sup> Èhi uavamu gavë'i mu vaejaje a göhuro rueromo uavade höjo: Jaehu 20 kina bojemanohuro ëhuro na mue vaeromo gö'o döre 100 kina baejahë'e jevajëjo.

<sup>19</sup> Baejahë'e jevajëjumu ruehuro uavade höjo: Jero ame 5 muebenëjo.

<sup>20</sup> Muebenëjumu gavë'i mu vaejaje a göhuro rueromo uavade höjo: Jasi 20 kinaho aviae höjo. Niögëro numoromo avoho bamahë'e jevajëjo.

<sup>21</sup> Èhesi bëhoho naro ja juhuonamijode höjo ja vörö'e ae javë'ëgo. Ae göehu ba'amaroho bivaroho ja ma-ijanue höjo.

<sup>22</sup> Èhi uavamu hesi börömohuro uavade höjo: Ja mu sisë vaejanue ae javajëjo. Jaehu jasi jö'ehu jövanue jöe gemuoho ëho naro baeromo vuonorö'ö ja mana majahi'ië'ajëjo jero heromo uvo'iranego. Ojo'e na sisë ë'aje ae jevajëjo. Jero uvane höjo: Nörö vörö'e aëro jië'ëro ae göehu ba'amaroho bivaroho ma-ijaje höjo.

<sup>23</sup> Èhi uvanoho röhu ja rabëni nasi ijo bajoho bogo baeromo avoho bahijarue aribövi jabesi övoroho bamane höjo na rueromo nasiroho baeromo gö'o döre bamaroho ëhu'o bae'irode.

<sup>24</sup> Èhi uanugoromo ë bëhire riravarue aribövioho uëvade höjo: Èia hesi 20 kina baeniahiromo 200 kina baejade aho bojami'hëjo.

<sup>25</sup> Bojamiñejamu rue ariböviohuro uavare höjo: Iae mae höjo röhu mami'e iae hu 200 kina baejade höjo.

<sup>26</sup> Baejade höjumu ruehuro uëvade höjo: Na aveho uëvajëjo. Mu vae'irane suvuore javë'oho God-ro gö'o bojami'iramu bae'a'anuëjo. O bogojavë'oho bisemu baejanoho God-ro baeniahi'ajëjo.

<sup>27</sup> Röhu na nu huodegarue aribövi jabesi jöho uë'ië'ajëjo. Naro böröme namiro mo mue-bejëvo'ia'amu bijönimare jiaje ëhuni guduamo ujuoho rueromo nasi nunoro muo'amego vuovajo.

*Iesuhu Jerusalem mabëhe rovade jöhoje.*

<sup>28</sup> Ëaribövioho ëhi uëngoromo Iesuro urimo Jerusalem hörö'i ajiomamu gavë'i ë ariböviohuro ijore rihiromareje.

<sup>29</sup> Ëhi'oromo Iesuro Olives Dahorure Bethphage amo o Bethany amo jiajinö ë ajio höröjajedeje. Hörönugoromo hesi ijorajoho niö'i rëmö'oromo

<sup>30</sup> uëvadeje: Arue jemesi nuninörire amohuro va'ohëjo. Va'o hörö'i ga'a'arujëjo donkey harihe bise'ego aehu döre bogo hiromo va'aruoho benugë'e jio'iramu. Benugë'e jiego jiovoromo hu'irae ruerëjo.

<sup>31</sup> O aehu uëvë'oho: Jemë rabëni jiovarujë uëvë'oho uërëjo: Badaro ave mioho nimo'ego ëhuni jiovaruëre.

<sup>32</sup> Ëhi uëvamu va'oromo gavareje Iesuhu uëvadëhi ëhi jiamu.

<sup>33</sup> Ëhi jiamu gagorovo jaburo donkey hariho jiovamü gavë'i ë mi arijo'oho jaburo gëromo uëvareje: Jemë rabëni donkey hariho jiovarujëjo.

<sup>34</sup> Rabëni jiovarujëjumu rueho jaburo uëvareje: Badaro ave mioho nimo'ego jiovaruëjo.

<sup>35</sup> Ëhi uëromo jiovoromo hu'irae barueromo jabesi niögoho mi dejore ruaho'amo bahiromo Iesu ma'enamu ajio döre hijajedeje.

<sup>36</sup> Hiromo va'amu gavë'i ae aho'obëhe niögoho örire ahahobe va'areje.

<sup>37</sup> Ahobe va'amu Iesuro ë va'oromo Olives Dahorure ajiomoromo hojire höröromo Jerusalem hörö'i abue'ië'adeje. Abue'ia'amu Iesure aribövie aho'obëhe Iesuro mu masije aho'o vaejamu garuomë'ëro ma-darugo'o God mae uabe nimorohobe abueru-madeje.

<sup>38</sup> Abuejë'i uvoruomadeje:

Ave aho a börömehu Badare ihore rovajoho mabëhëjo.

Ö'idöre aribövioho huë maro raromaruëjo.

Aje aho'o God-aremu höjo.

<sup>39</sup> Ae aho'obëhe hu'o gemuore va'oruomadeje röhu Pharisee a ioro'iorohuro Iesu uavareje: Tisa jasi aribövioho uëvego ja rajahijaruoho vuonugarëjo.

<sup>40</sup> Vuonugarëjumu Iesuro uëvadeje: Bogajo. Na aveho uëvajëjo. Nasi ariböviehu rajehijaruoho vuonugo'ibejarëjo ë munëho jaburo aëro ë'anovoromo nasi örire rajehiruomoromo ma-darugo'o uvoruomo'ibejajo.

*Iesuhu Jerusalem amo rajëni nivade jöhoje.*

<sup>41</sup> Ëhi uëngoromo Iesuro va'adoho Jerusalem amo bëhi mare va'adoho va'o amoho garomo vavaenimoromo

<sup>42</sup> nivë'i uvadeje: Vaevë'oho jemë jaruvo ga'ibejarijëjo jemë diehi ë'oromo ma-mae raromo'irarije öroho ëhi jiego ga'ibejarijëjo mae jëvo'ibejajo. Röhu jaruvo ga'ibejarijoho tugohë'ëro bogohöjo.

<sup>43</sup> Majae ijoho rue'iramu jemë'o muorovarue ariböviohuro rueromo sa'ae babaenemi rova'oromo tugohoromo ruë numë numëvo barë'aruëjo.

<sup>44</sup> Numëvoromo jemë ujuoho sa'are behumëvo'amo'aruëjo jemë'o jemesi asisö'ohu'o. Munë javu vaeromo babaenemibe ajiomaroho jaburo dadovo'iramu ahoromo sa'aro ruvebi barë nahonahovo'ajëjo. Rabëni hesi bëhoho God-ro jemë ajëmi'i rovamu jemëro ëho bogo uehorovë'ego ëhuniäjo.

*Iesuhu God-are amo börömore va'oromo diehi ë'ade jöhoje.*

<sup>45</sup> Iesuro nivë'i ëhi uvoromo God-are amo börömore ajiomoromo bövie bise'e imo'amarue aribövioho osare jëvamu rarovö'öjëvadeje.

<sup>46</sup> Rarovö'öjëvoromo uëvadeje: God-are surire jöho ëhi uvë'e höjo: God nasi osaho nasi örire jö ato'irarije osae höjo. Ëhi uvë'e höjo röhu jemëro mu sisë ë'ë'ëro ëhuro ave osaho vajiohu'e ariböviehu gurihiovarue juju gagoho va'ëne höjo.

<sup>47</sup> Ëhi ë'ë'ëro Iesuro majae ëhi God-are osare hiromo jöho röjëhinövadeje. Röjëhijamu priest masijohu'o Jew rajo jögoru öri röjëhijarue ariböviohu'o Iesu ano'iröhe öroho nahö'i amo rajo a masijoho jahu'o ëhi ë'areje.

<sup>48</sup> Öroho nahoromo gavare ae aho'obêhe Iesuare jöhuremu he'i hia'e avohamu gëgorovo uvareje: No Iesu anê'oho ë aribövioho jaburo diehi'avuoa'aruëjo. Èhi jiê'ëro Iesu anorôhe öroho bogo birohareje.

## 20

*Jew rajo a masijehu Iesu bogo ma uehorovoromo darugoho dinö'e baejane hö uavare jöhoje.*

<sup>1</sup> Èhi'amu Iesuro God-are amo börömore hiromo ae magonahe hesi jö maho majëhiromo hesi öroho røjëhijadeje. Røjëhijamu gavê'i Jew rajo priest masijohu'o jabesi jögoru öri røjëhijarue ariböviohu'o ëho jaburo a duvaho ömo'ömo'hu'o gemu mae rueruomadeje.

<sup>2</sup> Rueromo Iesu uavareje: Ave jöho uövuego no he'irarëjo. Jaehu God-are amo börömore hiromo mue gö gö vaejanuoho diehi jiê'e daruge javoromo o raro darugoho bojamijë'ëro ëhi jiê'e muoho vaejanue höjo.

<sup>3</sup> Vaejanue höjumu Iesuro uëvadeje: Nasi darugo hesi jö ue gevarujoho na'o jemë jöe gemu uë gë'ië'ajëjo.

<sup>4</sup> John-hu bapataeto vaejavuonövadoho na God-ro o ma-aëro darugoho bojamijë'ëro ëhioho ë'onövade höjo.

<sup>5</sup> È'onövade höjumu rue a masijohuro Iesu diehi mana ua'iröhe jöho jabesi mevoromo uarovareje: Noehu uavê'oho: God-ro John darugoho bojamate hö uavê'oho Iesuro uö'a'ajëjo: Èhi jiê'oho jemë rabëni John bogo ma uehorovarije höjo.

<sup>6</sup> O noehu Iesu uavê'oho: Ma-aëro John uavamu ë'ade hö uavamu hejë'oho ae aho'obêhe munëro vajamui'aruëjo ë hesi bëhoho jaburo uvoruomë'ëro: John hu jö God-ro baeromo majahuinövade ae hö uvoruomë'ëro.

<sup>7</sup> Èhi uarovoromo Iesu uavareje: No dadivuvajëjo John darugoho dinö'e baeromo muoho vaejade höjo.

<sup>8</sup> Vaejade höjumu Iesuro uëvadeje: Èhi jiê'oho jemëhu uevarije jöho na'o bogo uë'ejöjo: Èhi jiê'e darugohuro na muoho vaejaje höjo.

*Mu ariböviehu a börömo hesi ö'i bajo mu mueberomo sisë ë'are uhu jöhoje.*

<sup>9</sup> Iesuro ëhi uënuoromo ë Jew rajo aribövi jabesi jö sisëho uhu'e majëhiromo ae aho'obêhe uëvadeje: Iae ae gemuëro mure grape ö'oho bivo'amade höjo. Bivonugoromo ae uëvade höjo: Na va'ejöjo. Jemëro nasi muoho muebejehorëjo. Mueberomo ö'i bajoho raeromo mavego nasiroho bahi'i ioro'ioroho jemesi ujuohorëjo. Èhi uënuoromo ri'öromomo sa'la göro va'oromo majae ëgöbövie ë hijade höjo.

<sup>10</sup> Hijuvo gavade ö'i bajo urarue majaho rovamu mu vaejharue aho gemu uavade höjo: Va'iranoho mu muebejarue aribövioho uënego ö'i baje gö i'imamego ujuoheho ruenëjo. Ujuoheho ruenëjamu riehuro va'ade höjo. Va'o mure höröjamu gavê'i rue mu muebejarue ariböviohuro ë aho anoromo sihö'öjamu sionëro övemu rovade höjo.

<sup>11</sup> Övemu rovamu gagorovo mu arijo'ohuro mu vaejahaje a göho nugö'öjamu mure va'ade höjo. Va'o höröjamu gavê'i rue mu muebejarue ariböviohuro ë aho anoromo hesi örire mu sisë vaeromo sihö'öjamu sionëro övemu rovade höjo.

<sup>12</sup> Rovamu gagorovo mu arijo'ohuro mu vaejahaje a göho nugö'öjamu mure va'ade höjo. Va'amu gavê'i mu muebejarue ariböviohuro ë aho anojuvo gavare hesi sino haho'oho maköëremu rumorovoromo rövamu rori'o babu'öjare höjo.

<sup>13</sup> Èhi'amu gagorovo mu arijo'ohuro uehorovoromo uvade höjo: Èhi jiê'oho na diehi'oromo ö'i bajoho ujuohë'ejöjo. Iae na nasi harihu mabëhoho nugö'ö'ejöjo. Nugö'ö'iramu va'iramu rue ariböviohuro hu garomo uvoruomë'ajëjo: Nöruare harihe hö uvoromo ëhuni nani hu mae uehorovoruomë'ajëjo.

<sup>14</sup> Èhi uvoromo hesi harihoho nugö'öjamu mure va'ade höjo. Va'o höröjamu gavê'i rue mu muebejarue ariböviohuro uarovare höjo: Arue rovaje ahuro hesi vavu hesi sionoho bae hesi höjo. Èhuni ë'ëgo ano bamarëjo ehuro ave muoho noro baeröhe höjo.

<sup>15</sup> Èhi uarovoromo ë aho guduanoromo mure jiamu rori'o bijimo bu'öromomo anamu guomade höjo. Èhi'are höjo.

Èhi jiê'oho mu arijo'ohuro ë mu muebejarue aribövioho diehi'ëvo'ajëjo.

<sup>16</sup> Huro rueromo i'ue bojëmiromo muo'amo'i ë muoho ae gö bojëmi'ajëjo jaburo mueberöhego. Ae gö bojëmi'ajëjamu hegorovo ae aho'obêhe bëhoho uehorovoromo uvareje: Mu muebejare ariböviehu sisë ë'oromo i'u baejarëhi nosi a masijo ëhi jëvoröho ho no bijönaguajëromu Iesu uavareje: Asê'e ëhi jiê'oho mu sisë höjo.

<sup>17</sup> Mu sisë höjama hegoro Iesuro jabumë ërimëhoromo uëvadeje: Jemesi a masijehu ëhi jïë'e mu sisë vaeromo i'u baeröhoho jemë bijönëgajëjo röhu ave uhu jö God-are surire jajivadoho bëhe gemuoho höjo:

Munë javue vae'irögoro munë gemu bijönimoromo vuonugare höjo.

Vuonugaroho jaruvoho ë munëhuro javuoho nigemo'ego bibivoromo mae namijajëjo.

Ëhi jajivë'e höjo.

<sup>18</sup> Röhu aehu ë munë döre bejë'o ho ahoro ahoro bae'a'ajëjo. O ë munëhu a döre berovë'o ho aho sa'ijovo barë'ajëjo.

*Iesuhu guaro berovojöro aehu tax jö ua gavarohoje.*

<sup>19</sup> Ëhi uëvamu hegorovo rue Jew rajo jögoru röjëhijarue ariböviohu'o priest masijohu'o ëho jaburo garomo uvareje: Iesuro a masijoho no biraguoromo ëhuni uhu jöho jövajëjo. Jövajë uvoromo evare Iesu guduamo bava'ie'oromo ae aho'obëhe juhuonëmiromo vuonugareje.

<sup>20</sup> Vuonugonugoromo Iesu garomo muebejuvo majae eni jiamu gagorovo ae uëvareje: Va'irarijoho Iesu sareramijego huro uvo'irajo: Jemë a mae jëvajëjo. Ëhi'oromo hesi öroro jöe ua gavego huro jöe sisë'i jövoromo guaro berov'o'irajo. Berovego evare no guduamo bava'oromo gavanare övore bojami'iröhe höjo.

<sup>21</sup> Ëhi uëvamu hegorovo jaburo va'oromo Iesu sarerisareriamiromo uavareje: Tisajo. Iae no gavarue höjo ja jö maemu jövoromo mu maemu röjahuijego. Jero no göromo magemu uehorovavuoromo God-are örohemu mae röjahuijanue höjo.

<sup>22</sup> Ëhuni jö harihe ua galië'aruëjo tax jöho. Rome a börömhuro nosi sa'aho muebejogo noro hu tax bojamiarue höjo. Noehu ëhi ë'aruoho na ëhuro nosi jögoroho ahare höjo o bogajo.

<sup>23</sup> Bogajamu Iesuro gëromo uvadeje: Naehu io'a o boga uëvë'o ho ijumevo'i nimarüeromo uëvadeje:

<sup>24</sup> Ijo baje gemu röjëhihego na gavöjo. Röjahijamu uëvadeje: Rahuare nu ano'ohu'o ihohu'o jajivë'e höjo. Jajivë'e höjama uavareje: Rome a börömo hesi höjo.

<sup>25</sup> Rome a börömo hesi höjama Iesuro uëvadeje: Ëhuni Rome a börömo hesiroho ëho hesi öroro bojami'i God-aroho ëho God-are öroro bojaminövorëjo.

<sup>26</sup> Ëhi uëvamu hegorovo rue Iesure jö sisë nahare ariböviohuro uvareje: Noro uvare höjo: Noro Iesu bijioho ga'iramu huro tax jöho sisë'i jövoromo a nuniro be'a'ajë uvaroho röhu hu bogo bejade höjo. Ëhi uvoromo jöe barëjëvamu jörumoraëjareje.

*Iesuhu guaro berovojöro vuovë'e ariböviehu ri'öruomo'iröhe jö Sadducee ariböviehu hu ua gavarohoje.*

<sup>27</sup> Jörumoraëjamu iae Jew rajo a masijo ioro'iorohuro rovareje. Jabumë Sadducee jö uehorovarue aribövie jioruomadeje. Sadducee ariböviohuro uehorovoromo uvoruomajeje: A vuovë'o ho ijönöho bogo ri'ö'amo'i ma-ioro'iore gemu vuovo'ajëjo.

<sup>28</sup> Ëhi uvoruomaje ariböviohuro rueromo Iesu guaro berovojöro sarerisareriamiromo uavareje: Tisajo. Moses-ro jögore jajivoromo uövuë'e höjo: Aboji harihu'o rumo'e a vuovego diehi ë'iröhe öroho aviëhi höjo. Aehu vaboro masuromo vaboroho aboji harihu'o ho bogo vaejë'e baruehu guomo'i vaboro nugë'o ho hesi öhuro vuojiroho masuromo ëhuro guomade ö hesi ihoro ujoho vaejaho'ajëjo. Moses-are jögoroho ëhi höjo.

<sup>29</sup> Ëhi jïë'ëro iae ma-ö ömo'ömëremu ae aho'o 7 raromare höjo. Raromoromo muriohuro magonahoho masuvade höjo. Masuromo vaboroho aboji harihu'o ho bogo vaejë'e baruoho guomade höjo.

<sup>30</sup> Guomamu hesi vaboroho dorue hijamu gagorovo ö göhuro vuojiroho masuvade höjo.

<sup>31</sup> Masuromo guomade höjo. Guomamu hesi vaboroho röhu maho dorue hijamu gagorovo ö göhuro vuojiroho masuvade höjo. Masuromo guomade höjo. Ö ömo'ömo ioro'iorohu'o ëhi gemuoho ë'obe rovare höjo. Ö ömo'öme 7 jabuhu ë magonahe gemuoho masube rovoro magonahoho aboji harihu'o ho bogo vaejë'e aho ma-vuovëvobe rovade höjo.

<sup>32</sup> Vuovobe ruejuvo barëjamu ijo tugoho'ioho ë magonahoho hu'o guomade höjo. Ëhi'are höjo.

<sup>33</sup> Ëhi ë'arohuni ëhuni ave jöho no ua galië'aruëjo. Jero uvanue höjo: Vuovoromo ri'ö'ëjarëjo. Ëhuni vuovë'e ariböviehu ri'öruomoröhe majaroho ë magonahoho di ahu'o hi'a'ajëjo. Barue aho'o 7 masuvë'ego ëhuni uavaruëjo.

<sup>34</sup> Uavaruëjamu uëvadeje: Bogajo. Ave sa'are raromarue aribövioho masuovarue höjo.

<sup>35</sup> A'i God-hu uvë'o ho: Mae jëvë'ego vuovoromo ri'öromoma maja i'ore raromo'aruë uvë'o ho ë aribövioho evaroho bogo masurovo'aruëjo

<sup>36</sup> bogo röhu maho vuovëvo'ie'ëro. Ëhesi bëhoho ëhi jië'e aribövioho vuovoromo ri'ò'amë'ëro jabumë God-are aboji harihu'e jëvoromo anera va'ëne jëvo'ajëjo.

<sup>37</sup> Röhu vuovë'e ariböviehu ri'ò'iröhoho ë jöho Moses-ro röjëhijade höjo. Ijo hisu vënehu ravade jö jajivadevare evare surire jajivoromo uvë'e höjo: Bada God-hu Abraham Isaac Jacob ëhi muebejëvaje ae höjo.

<sup>38</sup> God-hu Abraham Isaac Jacob muebejëvaje jö hesi bëhoho jabumë vuovoromo bogo ioro'ioremuoho barë'i va'o raromego God-ro muebejëvaje höjo. God bogo vuovoromo ioro'ioremu barëjë'e aribövioho muebejëvo'ibejajo. A'i hu vuovoromo va'o raromaruë aribövioho muebejëvaje höjo. God gavaje höjo vuovë'e o bogo vuovë'e aribövioho bogo barëgi raromego muebejëvaje höjo.

<sup>39</sup> Ëhi uëvamu hegorovo Jew rajo jögoru öri röjëhijaruë aribövi ioro'iorohuro uavareje: Tisa ja mae uvanuëjo.

<sup>40</sup> O Iesu bijönimare ariböviohuro Iesuare dëre bijioho garöhe jöho ua ga'ie'aroho juhuonivoromo ioro'ioremu vuonugareje.

*Böröme namiromo ajamuaje a hesi jö Iesuhu röjëhi'i uë gëvadohoje.*

<sup>41</sup> Vuonugamu Iesuro uëvadeje: Aëro atoromo uvoruomaje höjo: Böröme namiromo ajamui'iröhe aho hu ma-David-are uje jio'a'ajëjo. Rabëni ëhioho uvoruomaje höjo.

<sup>42</sup> David-ro Psalms jajivo'amare surire jajivoromo uvë'e höjo:

Bada God-ro nasi Bada uavade höjo: Nasi övo manö rojo hijego

<sup>43</sup> ja'o muorovarue aribövioho naru ruahö'öjëvego hörerö vijuvo taemo'amo'irane höjo.

<sup>44</sup> Ëhesi bëhoho böröme namiromo ajëmi'iröhe a hesi jöho David-ro jajivoromo uvë'e höjo: Bada höjo. Bada hö uvadoho ëhu'oho rabëni uvoruomaje höjo: Böröme namiromo ajamui'iröhe aho ma-David-are uje höjo.

*Jew rajo jögoru öri röjëhijaruë ariböviehu sareri'e mu vaejaruëhi aehu bogo ëhi ë'iröhego Iesuhu jövadohoje.*

<sup>45</sup> Ma-David-are uje höjamu rue Jew rajo jögoru öri röjëhijaruë ariböviohuro jöho bogo mana uavareje. Bogo mana uavamu ae aho'obëhe riravoromo mu'öjahijamu gavë'i Iesuro hesi aribövioho uëvadeje:

<sup>46</sup> Jew rajo jögoru öri röjëhijaruë aribövioho gë avohorëjo. Ëhesi bëhoho ë aribövioho jaburo jabësi sinohemu uehorovoromo niögu ëgobövie höru'ö utahë'oho io'amoromo jijiharue ëhi jië'e muoho nimarue höjo aëro gëromo rajëhijöro. O imo'amaruire va'ë'oho jaburo nimarue höjo aëro uvoruomoröhego: Jabumë a masijëro jijihajëromo rajëhiromo jejemiruumoröhego. O God rajahijaruë osare va'ë'iroho o söro i'i va'ë'iroho a masijehu raromaruë ë va'o raromo'i nimarue höjo.

<sup>47</sup> Raromo'i nimoromo magonaho doru jabësi bövioho bise'oho ëma ujuohëharue höjo. Ujuohoromo sarerivoromo pari ëgobövie jaguvarue höjo aëro gëromo uvöjöro: Mu mae vaejaruëjo. Ëhi jië'e sareri'e muoho vaejaruego ëhuni God-ro i'u börömo mae bojëmi'ajëjo. Ëhuni avoho mueberovo'i nadi ëhi jië'e muoho vaerëjo.

## 21

*Bövi bise'o rumo'e magonaho doruehu God-ni suvuoro ba'amade jöhoje.*

<sup>1</sup> Ëhi uënuogoromo Iesuro avoho uheriho'i gavadeje bövi bise'o marohë'e mae jië'e aribövioho God-are amo börömore riravoromo God-are suvuoro bahijaruë ë va'oromo jabësi suvuoro ho io'amamu.

<sup>2</sup> Io'amamu gëvë'i gavadeje bövi bise'o rumo'e magonaho dorue gemuëro rueromo rövë'e ijo baje niö'i ë gemuore ba'amëvamu.

<sup>3</sup> Ba'amëvamu gagorovo Iesuro ae uëvadeje: Ëbövi bise'o marohë'e jië'e ariböviohuro ijo baje aho'ö io'amo'i arue bogo eni jië'e magonahohuro rövë'e ijo bajoho niö'i ba'amade höjo. Röhu God-ro ëhi uvajëjo: Ëmagonaho hesi suvuorohuro a ioro'ioro jabësi suvuoro ho iosiram'amoromo börömo mae höjo. Na mae uëvajëjo.

<sup>4</sup> God-hu ëhi uehorovaje hesi bëhoho ë a ioro'iorohuro inömo marohë'e maëro jië'ëro ma-vituohemu bojami'i ë magonahohuro inömo rumo'ëro jië'ëro hesi i i'ibejade monioho bövioho bise'oho aho'ö bojami barëjë'e höjo.

*Aehu God-are amo börömo dadovoromo'iröhe jö Iesuhu majëhijadohoje.*

<sup>5</sup> Ëhi'amu aëro God-are amo börömo hesi jöho atareje. Munë mabëhëro iromë'ëro God-ni suvuoro nu ano'e mabëhe ë amore bahijë'ëro ëhu'ëro ë amo hesi nu ano'e mabëhe jiajoho ë hesi jöho atareje. Ëhi atamu hegorovo Iesuro uëvadeje:

6 Jemë ave aho'o gavarujoho majae ijonö ë munë javuoho aho'obëhe aëro dadovoruumo'iramu munëho ahoromo sa'aro ruvebi barë nahonahovo'ajëjo.

*Huë vavaeni bõrõmo ruerõhe jö Iesuhu majëhijadohoje.*

7 Èhi uëvamu rue ariböviohuro uavareje: Tisa jaehu uövuanue muoho ëho divare jio'a'ajëjo. O mu rabe garomo uvo'ëjarëjo: Iae ë majaho rue'ië'ajëjo.

8 Rue'ië'ajëjamu Iesuro uëvadeje: Gavë'iajo. Aëro sarerëmi'iramu jemë rireromëvo va'a'ajëjo. Ae aho'obëhe rueromo sarerëmiromomo uë'a'aruëjo: Nõruare ihoro rovajëjo. God-hu uevë'ëro bõrõme namiromomo ajëmi'irode aho na vevajëjo. O uë'a'aruëjo: Jemëhu muebejaruje majaho iae aviae rovajëjo. Èhi jië'e jö uëvamu hejë'o'ho jabesi ijore ijoroho nadi jijihorëjo.

9 O he'irarije sa'ae göehu sa'a göhu'o muorovarue jõhu'o sa'a gemuehu arijo'arije muorovamirovarue jõhu'o hejë'o'ho nadi juhuonivorëjo. Öre gö bogojië'ëro ëhi jië'e mu sisëho iae urimo jio'a'ajëjo. Röhu sa'aho bövioho bise'o'ho evaroho bogo barë'i hesi majae göro jio'a'ajëjo.

10 Èhi uëngoromo röhu ave jö bõrõmohu'o majëhiromomo uëvadeje: Sa'ae göëro göhu'o muorovonõvo a masijo ioro'iorohuro ioro'iorohu'o muorovonõvo'aruëjo.

11 Sa'ae darugo'o hijiohijiovo'amo'ajëjo. Sa'ae gö gö iruno'e bogojioromomo guomomo sisë rue'a'ajëjo. Bogo gavarue vörõ'e mu masijoho ö'idõre jio'a'ajëjo.

12 Röhu ë mue aho'o ë hesi urimo aëro na bijõnegoromo jemë guduumëvoromomo sisë vaejëvo'aruëjo. Ujuohëvo va'oromomo God rajahijarue osae göre göre court vaejëvoromomo savoji gagore io'amëvo'aruëjo. Gavana o sa'are a masijo gö gö jabesi nunire rëmo'iramu ë riravo'aruëjo.

13 Jabesi nunire riravo'iramu ëhuro jemëhu nasi jö huruoho majëhi'irarije öroho jiovëho'ajëjo.

14 Nasi jö majëhi'irarije öroho jiovëho'ië'aje jiaje ëhuni a masijo jabesi nunire riravo'irarije maja ë hesi urimo uehore gemu baeromomo uvorëjo: Noehu jabesi nunire riravë'iroho no bogo uvo'ëjarëjo: Diehi mana uë'ëjarëromomo nurunurumo'ëjarëjo.

15 Èhesi bëhoho Iesu naro jemesi jö'e simane sasohëho'iramu jõho majëhi'aruëjo. Majëhi'iramu jemë nu huodëgarue aribövioho jemesi jõho heromomo röhu ahëhoromomo jö mana majëhi'irõhoho bogo eni jioruumo'ajëjo.

16 Bogo a göho gemu a'i jemesi vëmu vavu'ëro ö ömo'ömëro aganëro aemo'aemëro jabu'o jemë guduumëvoromomo ujuohëvo va'oromomo a masijo jabesi övore bojëmi'iramu baëjëvoruumo'ajëjo. Baëjëvoromomo a ioro'ioroho jemë muo'amëvo'iramu vuovëvo'ajëjo.

17 Jemëhu na uehorovevarujohuni ae aho'obëhe jaburo jemesi örire nue huodëgoruumo'ajëjo.

18 Röhu jemesi aru'ahoho bogo ëhi ëhi'o'i ma-mabëhe jëvo'ajëjo.

19 Biririvë'ohuro ëhuro mae raromomo'irarije öroho biroho'aruëjo.

*Aehu rueromomo Jerusalem dadovo'irõhe jö Iesuhu majëhijadohoje.*

20 Röhu jemëro ga'irarije muorovo ariböviehu rueromomo amo numamu gavë'iroho uvorëjo: Jerusalem ijumo barë'irõhe majaho iae rovajëjo.

21 Èhi uvoromomo ave Judea sa'are raromaruje aribövioharo huruomomomo dahoru'ero iojioromõre. O Jerusalem raromaruje aribövioharo rori'o va'orõne. O mure je'ore raromaruje aribövioharo nadi amo bõrõmoroho va'orõne.

22 Huruomomo va'o jö uëvaje hesi bëhoho i'ue mana ave sa'are ruerõhego God-are surire jajivare jõho ë i'uocho aho'obëhe evare majare rue barë'ajëjo.

23 Èhuë vavaeni rue'irõhe majaroho dë'e magonahohu'o aboji harihu'o inino jio'amë'e magonahohu'o jabumë vaevë'o'ho jëvo'ajëjo. God-ro ave aribövi jabesi örire dë vörõnimoromomo i'ue nugö'õ'iramu huë vavaene sisë mae ave sa'are rue'a'ajëjo.

24 Huë vavaene ave sa'are rue'iramu muorovo ariböviohuro bibe bunë baeromomo sa'ae göro jioromomo rueromomo jemesi a ioro'ioroho muo'amo'iramu vuovo'i a ioro'ioroho guduumoromomo tõvo'amoromomo sa'ae göro göro ujuoho va'oruumo'ajëjo. O sa'a göre göre jioromomo ruerõhe ariböviohuro Jerusalem ijumo barëromomo ave sa'aho jabesi baeromomo sisë'i muebejëvobe va'ojuvo hujeji God-hu bamade majaho rue'iramu evare jabesi vörõho barë'ajëjo.

*God-are A Mae Kerisohu sa'are ruerõhe jõhoje.*

25 Röhu majare manaerore jijire mujõrure vörõ'e muoho jio'iramu aëro sioroho garuumo'ajëjo. O sa'aroho sa'a gö gö rajëro he'irõhe sõ jovoho ma-darugo'o hasajavo'iramu hegorovo uehorovoromomo uvoruumo'ajëjo: Rabëro ë'ajëromomo juhuonivoromomo huë vavaene bõrõme baeruumo'ajëjo.

<sup>26</sup> Garöhe ö'idöre inömoaho'lo arua anumiae va'iramu gagorovo nune örijanovoromo dë vövöbajo'e butubutumoromo uvoruomo'ajëjo: Sa'aho diehi diehi jio'ië'ajëjo.

<sup>27</sup> Ëhi uvoromo garuomo'ajëjo God-are A Maho naro darugo'lo aji'lo böröme baeromo suere ruvebi'iramu. Ëhi jio'a'ajëjo.

<sup>28</sup> Röhu ëhi jië'e mu aevoromo jië'iroho döro riravoromo sioroho garomo uvorëjo: God-ro nosi i'u'e muoho tugoho'i hesi sasohë'e muoho røjahu'i'irögoro ë'ajëjo.

*Mesehu gumutivego Jew rajo jabesi vama maja dunovaje uhu jöhoje.*

<sup>29</sup> Iesuro ëhi uënuigoromo ave uhu jöho uëvadeje. Mesohu'lo ijo ioro'iorohu'lo uehorovohëjo.

<sup>30</sup> Gavaruje hane gumutivego garomo evare jemë uvaruje höjo: Jew rajo nosi vama majaho iae dunovajëjo.

<sup>31</sup> Ëhesi bëhoho ga'irarije naehu uëvodëhi mue gö gö rovamü gavë'iroho uvo'a'arujëjo: No ga'ië'aruëjo God-ro böröme namiromo aho'obëhe muebejavuego.

<sup>32</sup> Ave jöho na jö mae uë'ië'ajëjo. Ave jaruvore raromaruje aribövioho bogo vuovëvo barëjë'iro naehu uëvaje muoho aho'obëhe rue'a'ajëjo.

<sup>33</sup> Ö'idöe sa'ae bövie bise'e barë'i nasi jöho gemu bogo barë'ajëjo.

*Avoho mueberovo'iröhe jöhoje.*

<sup>34</sup> Röhu gavë'i raromorëjo. Nadi nimoronimorohoromo iruno'emuoho uehorovoromo vörö'e jovemuoho ue'ahoromo simanoho sisërëvorëjo. O ave sa'a hesi muohemu nadi uehorovoromo nurunurumorëjo. Ëhi ë'ë'oho jemëhu bogo uehorovo'irarije majare evare nasi majahuro ma-majiohëvo'ajëjo.

<sup>35</sup> Ö'ehu mahu mi'e ma-majioho baejajëhi majae höröjajire beva'ajire aëro ma-raromo jijio'i ga'a'aruëjo nasi majaho ëhi ma-majioho rue'iramü.

<sup>36</sup> A'i jemëro nune jioromo muebenövorëjo. Mueberomo God uanövorëjo: Ëhuë vavaeni maja rovë'iroho jero ajamuego no mae biririvo'irarëjo ëhuro mae javuobe va'oromo jasi A Ma hesi nunire mae riravo'iröhe höjo.

<sup>37</sup> Iesuro ëhi majëhijadeje. Röhu hesi muoho aviëhi jionövadeje. Sisonuvo'ego God-are amo börömore hiromo God-are jöho ae røjëhiromo vahiroromo'ego va'oromo ajio Olives Dahorure ë hinövadeje.

<sup>38</sup> Ëhi ë'ego sisonu sisonu'e ae aho'obëhe rueromo God-are amo börömore gagovonövareje Iesuhu jövaje jöho he'iro.

## 22

*Iesu anoröhe öri nahare jöhoje.*

<sup>1</sup> Jew rajehu Dë Huaje Oso Rumo'e I Ue'aharue Söröho dunovadeje. Sörö hesi iho göho God-hu Vörö Tugohade Söröhoje.

<sup>2</sup> Amo sörö majaho dunovamu priest masijohu'lo Jew rajo jögoru öri røjëharue ariböviohu'lo ëho jaburo Jew rajo a ioro'ioroho juhuonëmiromo öre nahareje Iesu masaginiëri baeromo anego guomoröhego.

*Judas-hu Iesuni Jew rajo a masijo hiruëmijade jöhoje.*

<sup>3</sup> Öre nahamu Judas hesi iho göho Iscariot-ro rovadeje. Iesuare ijoraje ae aho'obëhe 12 röhu Judas hu jabesi gemuoho jiadeje. Judas hu Iesuare ijorajo jabesi gemuoho jiamu Satan-ro hesi dëre abueromo jöe bojamideje.

<sup>4</sup> Jöe bojamamu Judas-ro va'oromo priest a masijohu'lo osa börömo muebejarue ariböviohu'lo jöe jövadeje hu diehi'oromo Iesu ë aribövi jabesi övore bojëmego gudu-amo'iröhoho.

<sup>5</sup> Jöe jövamu hegorovo rueho jaburo nimorohoromo Judas uavareje: Iae mae höjo. Ëhi jië'oho no monie mana bojami'ëjarëjo.

<sup>6</sup> Bojami'ëjarëjamu Judas-ro uëvadeje: Ëhi jië'oho iae mae höjo. Iae mae hö uëromo va'oromo öre nahadeje ae aho'lo bogojëvego evare Iesu a masijo jabesi övore bojëmi'iröhëro.

*God-hu Vörö Tugohade Sörö Iesuhu i'iro bövi bise'lo avohade jöhoje.*

<sup>7</sup> Ëhi'amu iae Oso Rumo'e I Ue'aharue Sörö majaho rovadeje. Röhu ë maja rovë'iroho Jew rajëro sheep harihoho bijuëmarueje God-hu Vörö Tugohade Söröho i'iro.

<sup>8</sup> Sörö majaho rovamü Iesuro Peter'lo John'lo nugö'öjëvoromo uëvadeje: Va'oromo söröho avohorego no ue'aho'irarëjo.

<sup>9</sup> Ue'aho'irarëjamu uavareje: Ja nagajoho no dinö'e va'oromo söröho avoho'ëjarëjo.



<sup>10</sup> Avoho'ejarëjambu Iesuro uëvadeje: Aveho hehëjo. Jerusalem amo bõrõmoro va'orëjo. Va'i ga'a'arujëjo aëro jovo'e ramaho simanëro baeromo ro birohëvo'iramu. Ro birohëvego hesi ijoro ijoro va'orëjo. Va'oromo ga'irarije hu di osare rumo va'ego gagorovo jemë'o ë osaro va'orëjo.

<sup>11</sup> Osaro va'oromo osa arijo'o ho uarëjo: Tisahuro jani uvade hõjo: Osaho dinõ'e hõjo naehu nasi ijorajoho jabu'o gemu mae sörö i'irodoho. Ëhi uarëjo.

<sup>12</sup> Ëhi ua'iramu osa arijo'ohuro jemë hu'iraejëvo ajiomoromo dõre osa bõrõmoho røjëhi'a'ajëjo. Røjëhi'iramu ga'a'arujëjo maratue bövie bise'e eni avohoromo bahijë'e jio'iramu. Ëhi jiamu gavë'iroho ë dirõ'oro sörõho avohorëjo.

<sup>13</sup> Ëhi uëvamu rueho jaburo va'areje. Va'oromo gavare Iesuhu uëvadëhi ëhi jiamu gagorovo sörõho avohareje.

*Sino'o kõ'o aevoromo ijare jõhoje.*

<sup>14</sup> Ëhi ë'ë'ëro sörö majaho rovamu Iesuro hesi apostle ömo'ömo'hu'o gemuore hijadeje ie i'irovo.

<sup>15</sup> Hiromo uëvadeje: Na nego avohajëjo God-hu Vörö Tugohade ë hesi Ioho jemë'o i'irovo ijönö vi'ehe baeromo gumevorõhego.

<sup>16</sup> Ëhesi bëhoho na uë'ië'ajëjo. Na ijoho ë ioho bogo i'ejõjo. Hujeji God-ro a nunire bõrõme namiromo aho'obëhe muebejëvo'iramu sörö bëhoho va'orahoro jio'iramu evare i'ejõjo.

<sup>17</sup> Ëhi uënu'goromo enatuore jovoho baeromo God mae uaromo hesi aribövioho uëvadeje: Aveho jemë ae gemu gemu ba ibe göëro göho bojamibe va'orëjo.

<sup>18</sup> Aveho hehëjo. Na ijoho ö'i bajo jovoho bogo i'ejõjo. Hujeji God-ro rueromo a nunire bõrõme namiromo aho'obëhe muebejëvo'iramu evare i'ejõjo.

<sup>19</sup> Ëhi'onugoromo ioho baeromo God mae uanugoromo ato'atovoromo hesi aribövioho suvuorëmiromo uëvadeje: Aveho nasi sine hõjo. [Na nasi sinoho God-are örire bojamirovo'ië'ajëjo jemë mae jëvorõhego. Aviëhi jië'e muoho vaenõvorëjo ëhuro na uehorovevo'irarije hõjo.

<sup>20</sup> Ëhi ë'ë'ëro ioho ue'ahonugoromo enatuore jovoho baeromo ëhi jië'e mue gemuoho vaeromo hesi aribövioho uëvadeje: Ave enatuore jovo hesi bëhoho iae nasi kõho jemëni rovevo'ajëjo ëhuro God-hu muebejëvonõvorõhe jõgoru i'oho marë'irõhego.]

<sup>21</sup> Iae ëhi hõjo. Röhu gahëjo. Aehu na bijõnegarue a jabesi övore bojëmi'irõhe ahuro na'o ie ijajëjo.

<sup>22</sup> God-hu bamadëhi hesi A Maho na iae ëhi guomevo'ajëjo röhu na bijõnegarue a jabesi övore bojëmi'irõhe aho vaevë'oho sisërë'ajëjo.

<sup>23</sup> Ëhi uëvamu hesi ariböviohuro uarovareje: Di aho noro ëhi jië'e mu sisëho vae'ejarëjo.

*Di aehu a ioro'ioro iosirëmiromo bõrõmo jiaje jõhoje.*

<sup>24</sup> Ëhi'oromo Iesuare ijorajo ömo'ömo'huro jö aho'ahamirovoromo uarovareje: Di aho a nuniroho a bõrõmoho javuajëjo.

<sup>25</sup> Ëhi uarovamu Iesuro uëvadeje: Sa'a ioro'ioro rajohuro jabesi sa'a rajoho ru-ahõ'õjëvoromo jabumëremu masije riravarue hõjo. Riravoromo röhu jabesi jumuvorovoromo jabesi sa'a rajoho uëvarue hõjo: Uönõvorëjo: Sa'a aribövi ajamuijarue a masije jëvajëjo.

<sup>26</sup> Röhu jemë'o nadi ëhioho döroho bamorovorëjo. A'i ae rahu a bõrõmo bõrõmo jië'oho ë aho jero ijorajonõ'e jionõvonëjo. O ae rahu simano vaejë'oho ë aho jero ae gö ajëmi'irane ae jionõvonëjo.

<sup>27</sup> Röhu jemë diehi uehorovarujëjo. Di aho bõrõme jio'i di aho bise'e hõjo. Na hiromo i ijaje aho bõrõmoho hõjo o ajëmiromo jabesi i ujuoho mëmijajoho bõrõmoho hõjo. Hiromo i ijaje aho iae bõrõmoho hõjo. O ajëmijaje aho ma-bise'e hõjo. Na mae-ëjo. Röhu Iesu na ajëmiromo i ujuoho mëmijaje aho va'ëne jëvajëjo.

<sup>28</sup> Na i'ue bövie bise'e bae'ego jemëro biririvoromo na'o jijihobe ruenõvarije hõjo.

<sup>29</sup> Nasi Vavuohuro darugoho bojëmijade hõjo naro bõrõme namiromo nasi aribövioho muebejëvo'irodego. Huhu ë'adëhi naro ëhi jemesi örire daruge bojëmijajëjo masije riravo'irarijego.

<sup>30</sup> Naro bõrõme namiromo nasi aribövioho muebejëvo'iramu jemëro na'o raromoromo ioho jovoho ue'aho'arujëjo. Ioho ue'ahoromo jemë ae aho'obëhe 12 na'o gemu mae arëto göro göro raromoromo Israel rajo nosi agane gö gö 12 jabesi muoho mevo ga'a'arujëjo ga'i mae o sisë jiego.

*Peter-hu Iesu gavaje jö a subivëho'irõhe jö Iesuhu majahijadohoje.*

<sup>31</sup> Rõhu Simon-ajo. Ave jõho hejõjo. Satan-ro God ua gavê'e hõjo jemë baejêvoromo jemesi dère bijêho'irohëni. Ëhuni aehu i hijiohijiovoromo garuomaje diho mae jiego diho sisë jiego gavaruëhi Satan-ro ëhi jemesi dère bijêho gë'a'ajêjo gë'i rahuo darugo'oho jio'i rahuo darugo rumo'oho jiego. Amo Satan-ro ëhi ua gavamu God-ro jemë hesi õvore bojëmijê'e hõjo.

<sup>32</sup> Ëhi jie rõhu Simon naro jani parie vaejê'e jevajêjo jero bogo uehorovevoromo vuonugo'iranego. Rõhu ijono Satan-hu jasi dë bijioho garomo barëjamu jaehu huotorovoromo nasi õrire avoho uehorovevê'iroho jasi aganoho ajëmego biririvo'irarêjo.

<sup>33</sup> Biririvo'irarêjamu Peter-ro uavadeje: Bada iae ëhi hõjo rõhu na ja'o gemu mae juvoromo ja'o savoji gagore va'ê'oho o ja'o guomevê'oho iae na eni jevajêjo.

<sup>34</sup> Eni jevajêjamu Iesuro uavadeje: Peter rõhu nasi jõho hejêjo. Jaruvo vahi'oho kõkõrõkoho bogo uvê'e jero majae niõ'i gemu ae uê'a'anuêjo: Na Iesu bogo gavaje hõjo.

*Iesuare aribõviehu monie esõe muorovo'irõhe kaejõe ujuoho'irõhego Iesuhu majêhjadohoje.*

<sup>35</sup> Iae Iesuro hesi ijorajo õmo'õmoho uêvadeje: Urimoho naro rëm'õromomo uêvode hõjo: Monioho esõho bõvioho bise'oho nadi ujuoho va'orêjo. O hõru sinoho nadi io'amoromo va'orêjo. Rõhu na jemë bõvi bise'o nimarijoho eni baejarije hõjo o bogajo. Bogajamu uavareje: Iae no eni baejare hõjo.

<sup>36</sup> Eni baejare hõjamu Iesuro uhu'e uêvadeje: Urimoho aëro ajëmamu ëhi baejarije hõjo rõhu avevejõ'oho bogo ëhioho jio'a'ajêjo. Ëhuni monie o esõe jêvê'oho ujuohoromo va'orêjo. O muorovo'irarije kaejõ ëge bogojêvê'oho jemë dõre io'amaruje niõgoho imo'amoromo monie mana ujuohoromo kaejõ ëgoho imo'amorêjo.

<sup>37</sup> Ëhesi bëhoho hehêjo. God-ro ëhi bamade hõjo hesi surire jõ jajivarëhi ëhi jiorõhego. God-are surire jajivoromo ëhi uvê'e hõjo: Aëro uvoruomê'e hõjo: Hu jõ ahoruomaje aribõviohu'o gemuore hõjo. Nasi jõho ëhi uvê'e hõjo. God-are surire jõ jajivarëhi iae ëhi jio'irõgoro ë'ajêjo.

<sup>38</sup> Ëhi jio'irõgoro ë'ajêjamu ijorajoho jaburo uavareje: Bada gavêjo. Aviae kaejõ ëge niõ'i javuajêjo. Kaejõe niõ'i javuajêjamu uêvadeje: Ëhi jî'e jõho iae mino'êjo.

*Iesuhu Gethsemane sa'are hiromomo God-are õrire ëninamijade jõhoje.*

<sup>39</sup> Ëhi'oromomo Iesuro ë osaho vuonugo'i Olives Dahorure mami'e va'onõvadire rõhu maho ë va'adeje. Va'amu hesi ijorajoho jaburo hu rihiorumareje.

<sup>40</sup> Rihioromoromo va'o suorovoromo Iesuro uêvadeje: Ëninamihego God-ro ajëmego Satan-ro bogo dinëmego ëhuro bogo bejêvo'irajo.

<sup>41</sup> Ëhi uëngoromo rori'o va'adeje. Munë bu'õjego va'o bejaje ëmino'e va'oromomo ague aho hiromomo parie vaeromomo uavadeje:

<sup>42</sup> Apajo. Ja nagê'oho i'ue huë vavaene nasi õrire rovajoho ahego na bogo bae'irõjo. Rõhu naehu nimajoho nadi ë'i jaehu nimanuëhi ëhi ë'onêjo.

<sup>43</sup> [Ëhi'amu gavê'i anerae gemuëro õ'idõre jioromomo rueromomo Iesu ajamamu biririvadeje.

<sup>44</sup> Biririvoromomo rõhu huë vavaene bogo bise'o vadu'oho baeromomo parioho ma'eno titimoromomo vaemu vaejadeje. Parie vaemu vaejamu nu ano'ere jõho kõe direjohijê'ehu sa'are ahajëhi ëhi aho'amadeje.]

<sup>45</sup> Parie vaenugoromomo dõro ri'õjadeje. Ri'õromomo vuonorõ'õ va'oromomo gavadeje ijorajoho jabumë huë vavaene bõrõme baejê'ëromomoro'õjamu.

<sup>46</sup> Momoro'õjamu gëgorovo uêvadeje: Jemë rabëni momoro'õjarujêjo. Ri'õromomo ëninamihêjo. Satan-ro dinëmi'iramu bejêvo'ajêjo.

*Iesu guduamare jõhoje.*

<sup>47</sup> Ëhi uëvamu gavê'i ae aho'obêhe Judas-ro õroho rõjêhiromomo sõ ujuohoromomo rovamu rueromomadeje. Iesuare ijoraje aho'obêhe 12 rõhu Judas hu'o jabesi ae gemuoho jadeje. Judas-ro rueromomo Iesu dudõho'i bëhire rovadeje.

<sup>48</sup> Dudõho'i rovamomo Iesuro uavadeje: Judas-ajo. Na God-are A Maho jevajêjo. Ja diehi'oromomo ma-dõëremuoho rajehiromomo dudõhevanuêjo arue aribõviohuro guduamomo baejevo va'õjõro.

<sup>49</sup> Ëhi uëvamu Iesuare aribõvie hesi bëhire riravaroho jaburo gavare a ioro'iorohuro mu sisë vae'ia'amu gëgorovo uavareje: Bada na no kaejõ ëgobõvioho jijõromomo muo'amo'ëjarêjo o diehi'o'ëjarêjo.

<sup>50</sup> Ëhi uaromomo Iesuare ae gemuëro priest bõrõmo hesi mu vaejaje aho anoromomo õvo manõrire hia'oho tariõ'õjahadeje.

<sup>51</sup> Tariö'öjahamu Iesuro uavadeje: Ëhi jië'le muoho vuonugëjo. Vuonugë'i ë anade a hesi hia'i sionoho rêhamu marëjadeje.

<sup>52</sup> Marëjåmu priest masijohuro God-are osa bërömo atovarue ariböviohuro a duvahuro Iesu guduamo bava'i rovë'ëro riravareje. Riravamu gagorovo Iesuro uëvadeje: Aveho na bogo vajiohu'e anano'e aehu jevajëjo. Jemë rabëni siravaho kepataho ujohoromo rovarujëjo.

<sup>53</sup> Mami'e majae aho'o naehu God-are amo bërömore jemë'o hinövodoho jemë evaroho bogo guduamevarije höjo. Röhu jaruvoho jemesi majae höjo. Ramoramo'e mu muebejaje a hesi vöröho rovë'le höjo.

*Peter-hu Iesu gavaje jö a subivëhadohoje.*

<sup>54</sup> Ëhi uëvamu Iesu guduamo barueromo priest bërömo hesi osare rovareje. Priest hesi osare rue'irögoro Peter-ro arue riribövire Iesu rihioromoro ijore rovadeje.

<sup>55</sup> Osare rueromo gavade aehu raromaruire vëne huë'ëro ravolego ë uno bëhire raromamu. Ae uono bëhire raromamu gagorovo jabu'o gemu mae hijadeje.

<sup>56</sup> Hijamu gagorovo mu ajëmijarue magonahe gemuëro gavade Peter uono bëhire hi'ego nu ano'oho vënëro ajivë'le jiamu. Ajivë'le jiamu gavë'i Peter ërimahë'i ë aribövioho uëvadeje: Ave iaho hu'o Iesu'o gemu mae juvonövade ae höjo.

<sup>57</sup> Juvonövade ae höjåmu Peter-ro uavadeje: Sarerivanuëjo. Na ë iaho bogo mae bogo gavaje höjo.

<sup>58</sup> Bogo gavaje höjåmu majae ma-bunemu jioromo barëjåmu ae göëro Peter garomo uavadeje: Ja'o Iesuare ae javajëjåmu Peter-ro uavadeje: Sarerivanuëjo. Na bogojevajëjo.

<sup>59</sup> Bogojevajëjåmu hour gemu rabu'e barëjåmu ae göëro birivoromo ë aribövioho uëvadeje: Iae mae-ëjo. Iae na gavajëjo ave aho Iesu'o juvonövade ae höjo. Hu'o Galilee sa'a raje höjo.

<sup>60</sup> Ëhi uëvamu Peter-ro uavadeje: Sarerivanuëjo. Ja jövanue jöho na dadivevo avohajëjo. Dadivevo avohajëjåmu kökörökoho uvadeje.

<sup>61</sup> Kökörökoho uvamu Badaro huotorovoromo Peter gavadeje. Gavamu gavë'i Peter-ro uehorovoromo uvadeje: O Badaro mami'e uevade höjo: Jaruvo vahire kökörökoho bogo urimoho uvë'le jero urimo vae niö'i gemu ae uë'a'anuëjo: Na Iesu bogo gavaje höjo.

<sup>62</sup> Ëhi uevade hö uvoromo Peter-ro amonö hörö va'oromo sisë maro nivadeje.

*Aehu Iesu sivare jöhoje.*

<sup>63</sup> Ëhi'åmu iae Iesu mueberuomaje ariböviohuro Iesu sivoromo sino haho'ere ano'anovareje.

<sup>64</sup> Ano'anovoromo nu ano'e niögëro tugohahoromo uavareje: Na jö God-aro baeromo majëhijaje ae jevajë uövuanue javaje ëhuni anagade a hesi ihoho huruoho majahuijago no hejarëjo.

<sup>65</sup> Ëhi jië'le jö sisë gö gö aho'obëhe atoromo Iesu sivareje.

*Iesu Jew rajo a masijo jabesi nunire namijade jöhoje.*

<sup>66</sup> Ëhi ë'l'ëro sisonuvamu Jew rajo a duvaho ömo'ömhuro priest masijohuro Jew rajo jögoru öri röjëhijarue ariböviohuro gagovorovoromo ae uëvareje: Iesu hu'irae barovego no court vaejarëjo.

<sup>67</sup> Barovamu rue a masijohuro Iesu uavareje: Na ja God-hu uavë'ëro bëröme namiromo ajamui'irane aho javajëjo. Ja ë aho javë'oho uövuego no hejarëjo. Hejarëjåmu Iesuro uëvadeje: Na uëvë'oho röhu jemë bogo ma uehorovo'arujëjo.

<sup>68</sup> O na jö uë gevë'oho jemë bogo mana ue'a'arujëjo.

<sup>69</sup> Röhu majae dunovo'iramu evare God-are A Maho naro bërömëro jevë'ëro ajiomoromo God darugo eni jië'le A hesi övo manö ëhi hiemu hi'ejöjo.

<sup>70</sup> Hi'ejöjåmu rue a masijohuro uavareje: Ëhi jië'oho na ja God-are Harihe javajëjo. Uëvadeje: Iae mae-ëjo. Jemëro jemesi uevarujëjo: Ja ëhi javajëjo.

<sup>71</sup> Ëhi javajëjåmu rue a masijohuro uarovareje: Iesuro hesi jö'ëro hesi jö sisëho majahuijåmu iae mami'e hejë'le javuajëjo. Ëhuni rabëni ae gö uë'ejärëjo: Gavarije o hejarije jöho majahuijago no hejarëjo. Court-oho iae barëjajëjo.

## 23

*Iesu Pilate-are nunire namijade jöhoje.*

<sup>1</sup> Ëhi uarovonugoromo ë a masijo ömo'ömhuro ri'öromomo Iesu hu'iraeromo Pilate-are nunire va'areje.

<sup>2</sup> Va'oromo Pilate-are nunire riravoromo Iesuare jö sisêho aevoromo huruho majahijareje. Majahiromu uavareje: Iae no hejare hõjo ë iaho sareri'e jõe majëhijavamu. Ëhi majëhijë'ëro ëhu'ëro nosi sa'a rajohuro sa'are a masijo jemesi jõho bogo eruomo hesi hõjo. No hejare hõjo Iesuro uvavamu: Rome a bõrõmoho tax-oho nadi ijoho bojamirëjo ë hesi bëhoho sa'are a bõrõmoho na jevë'e jiaje. God-hu uevë'ëro bõrõme namiromu ajëmi'irode aho Keriso na jevajëjo.

<sup>3</sup> Keriso jevajëjamu Pilate-ro Iesu uavadeje: Na ja Jew rajo jabesi a bõrõmoho javajëjo. Bõrõmoho javajëjamu Iesuro uavadeje: Ëjõho jero jasi jõvanuëjo.

<sup>4</sup> Jõvanuëjamu Pilate-ro priest masijohu'o a ioro'iorohu'o uëvadeje: Ave aehu i'iu baerõhe hesi sisêho bogo birohë'e jevajëjo.

<sup>5</sup> Ëhi uëvamu hegorovo ae aho'obëhe biririvoromu uavareje: Ëiahuro Galilee sa'are aevoromo jõ sisë ae røjëhiromu muorovojõro simane huotovëhobe Judea sa'aho aho'o juvoromo avehu'o rovë'e hõjo.

*Iesu Herod-are nunire namijade jõhoje.*

<sup>6</sup> Ëhi uaruomamu hegorovo Pilate-ro uëvadeje: Na ë iaho Galilee sa'a raje hõjo.

<sup>7</sup> Galilee sa'a raje hõjamu rue ariböviohuro uavareje: Io'ajo. Io'ajamu hegorovo Pilate-ro uehorovoromu uvadeje: Herod hu Galilee sa'a muebejaje ae hõjo. Rõhu hu aviae Jerusalem rovë'e hõjo. Rovë'e hõ uvoromo Iesu nugõ'õjamu aëro bava'areje Herod-ro court vaerõhego.

<sup>8</sup> Iesu bava'amu Herod-ro garomo uehorovoromu uvadeje: Na mami'e Iesuhu mu vae'amade jõho hejë'ëro ga'i nimobe rovë'e jevajëjo. Nani huro darugo'e muoho vaejeho'iramu na ga'ejõ uvoromo Iesu garomo nimoroho avohadeje.

<sup>9</sup> Nimorohoromo jõe aho'obëhe Iesu ua gavadeje. Ua gavamu jõho bogo mana uavadeje.

<sup>10</sup> Bogo mana uavamu priest masijohu'o Jew rajo jõgoru öri røjëhijarue ariböviohu'o ëho jaburo Herod-are nunire riravoromo Iesuare jö sisêho darugo'o huruho majahijareje.

<sup>11</sup> Majahijamu Herod-ro heromo hu'o hesi muorovo ariböviohu'o Iesu nue huodivoromo sisë vaeromo sivareje. Sivoromo Iesu niõgu ëgo mabëhëro ba'amahoromo nugõ'õjamu sionëro Pilate-aro bava'areje.

<sup>12</sup> Bava'amu evare majae gemuore Herod'o Pilate'o urimo nu huodivorovaro ho vuonugo'i huë baerovoromo ma-mae arijareje.

*Iesu anego guomojõro Pilate-hu uëvade jõhoje.*

<sup>13</sup> Iesu barueruomamu gëgorovo Jew rajo priest masijoho ë sa'are a masijoho a ioro'ioroho ëho jabumëni Pilate-ro uvadeje gagovoromo raromojõro.

<sup>14</sup> Gagovamu gëgorovo Pilate-ro uëvadeje: Ëiaho jemëro barueromo uevarije hõjo: Huro sareri'e jõho majëhijë'ëro ae aho'obëhe sa'are masijo nosi jõho bogo e hesi jëvajëjo. Jemëro ëhi uevamu hejode hõjo. Rõhu naro jemesi nunire namiromu Iesuare jõho morijovoromo gavode hõjo Iesuare jö sisêho uevarijoho bogojiamu.

<sup>15</sup> O Iesu mae jiajoho Herod-ro hu'o gavade hõjo. Ëhi gagorovo sionëro nosi örire nugõ'õjade hõjo. Ëhuni aveho hehëjo. Hu mu sisë vaejë'ëro mana anego guomorõhe bëhoho bogohõjo.

<sup>16</sup> Ëhuni naro ae uë'iramu hisuebiromu jiovo nugõ'õ'iramu va'a'ajëjo.

<sup>17</sup> [Rõhu God-hu Vörõ Tugohade Sörõ maja rovë'iroho savoji gagore raromarue aho gemu Pilate-ro Jew rajo ariböviohuni jiovo nugõ'õjehonõvadeje hu bojamare muoho ëhi jïë'ëro.]

<sup>18</sup> Muoho ëhi jiamu ae aho'obëhe ma-gemu mae uvoruomadeje: Ëiaho anëjo. Barabbas jiovahuëjo.

<sup>19</sup> Rõhu Barabbas savoji gagore hijade hesi bëhoho urimë'i a masijohu'o amo bõrõmoro muorovare majaho jiamu hu'o muorovoromo ae anamu police ariböviohuro hu guduamo bava'oromo savoji gagore ba'amareje.

<sup>20</sup> Rõhu Pilate-ro Iesu jiovo nugõ'õ'i nimamu jõe gö'o majëhijadeje.

<sup>21</sup> Majëhijamu hejë'i ae aho'obëhe uvo'i arijareje: Korosioro anego guomajo. Korosioro anego guomajo.

<sup>22</sup> Guomajamu Pilate-ro urimo vae niõ'i rõhu maho uëvadeje: Rabëniajo. Diehi jïë'e mu sisë vaejë'e hõjo. Na gavajoho mu sisë ë'ë'ëro mana anego guomorõhe bëhoho bogohõjo. Ëhuni hisuebiromu jiovo nugõ'õ'ejõjo.

<sup>23</sup> Jiovo nugõ'õ'ejõjamu ae aho'obëhe biririvoromu dinamiromu ma-darugo'o uvo'i arijareje: Korosioro anego guomajo. Ëhi uvamu jabesinõ marëjadeje.

<sup>24</sup> Marëjama jabuhu uvarëhi Pilate-ro jõho ëhi majëhijadeje.

<sup>25</sup> Urimo Barabbas-ro a sisë ioro'iorohu'o gemuoro bu'öromo sa'are a masijohu'o muorovoromo ae muo'amadeje. Ëhi ë'ë'ëro savojire raromadeje. Ëhi jië'e a sisë jiadeje röhu Pilate-ro hejade Jew rajohuro Barabbas nimoromo uvo'i arijavamu hegorovo hesi mu aribövioho uévadeje: Barabbas jiovo nugö'ö'i jaburo nim'e jiarue Iesu anohëjo.

*Iesu korosire ano taemare jöhoje.*

<sup>26</sup> Anohëjamu aëro Iesu court-re jioromo ano'i bava'areje. Bava'oromo örire val'i gavareje Cyrene amo raje ae gemu hesi ihe Simon muro jië'ëro Jerusalem rovamu. Rovamu gagorovo övëro ma'enoromo korosioho hesi dejore bamoromo uavareje: Baeromo Iesuare ijoro va'ëjo. Va'ëjamu Simon-ro Iesuare korosioho bava'adeje.

<sup>27</sup> Bava'amumu iae ae aho'obëhe Iesu rihimareje. Rihimoromo magonaho ioro'iorohuro muo'amorovë'i nierusuburu'e bamobe rovaraje.

<sup>28</sup> Nierusuburu'e bamobe rovamu gagorovo Iesuoro hunuorovoromo uévadeje: Jerusalem magonaho ömo'ömoömë nadi naniöho vavaenimoromo nierusuburu'e bamo'i jemë'o jemesi aboji harihu'ohu'o uehorovoromo nivo'amivorovëjo.

<sup>29</sup> Huë vavaene bogo bise'o vadu'oho rue'iramu aëro uvoruvomajëjo: Dë tiovë'e magonahoho aboji harihu rumo'e raromarue magonahoho huë mae jëvájëjo.

<sup>30</sup> Ëhi uvoromo juhuonivoromo uvoruvomajëjo: Dahoru masijoho ininoho jemëro ahoromo taemavuorëjo. Ëhi uvoruvomajëjo.

<sup>31</sup> Na ijo ma va'ëne jëvájëjo röhu ije uejevanovaruëjo. A'i jemë ijo sahonö'e huo'öjëvoromo baradore siö'öjëvo'amo'aruëjo.

<sup>32</sup> Iae mu sisë vaejare ae niö'ioho guduamo ömëvo va'areje Iesu'o gemu mae vuovëvoröhego.

<sup>33</sup> Va'aroho ajimoromo sa'a ihe Simano Gijo ajio suorovareje. Suorovoromo Iesu baeromo korosire ano taemareje. Iesu ano taemo'i ë a sisëho niö'i jabu'o ano taemëvareje. Ano taemoromo ujuoho nigemo'amoromo Iesu ririre amo'i a sisë göho ruëhi Iesuare övo manö amo'i göho viëhi övo adonö amareje.

<sup>34</sup> Amamu Iesuoro uavadeje: Apajo. Aehu nasi örire mu sisë vaejavaruoho uehorovoromo vuonugëjo. Jabumë ë mu hesi bëhoho dadibijiohajëjo.

Dadibijiohajëjamu rue muorovo ariböviohuro Iesuare niögöho adovoromo ajajovoromo ae gemu niöge gemu ëhi baebe rovaraje.

<sup>35</sup> O ae aho'obëhe riravoromo ërimahareje. Ërimahamu a masijohuro sivoromo uarovareje: Ëhuro uövuade höjo: Naro a ioro'ioroho ajëmego marëjëvaje höjo. Ëhuni nadi'ego hu hesi arijo'arije ajamirovego hu mae jiajo. Huro uövuade höjo: God-hu uevë'ëro bëröme namiromo ajëmi'irode aho na jëvájëjo. God-hu nimoromo baejevade aho na jëvájëjo. Ëhuni nadi'ego hu hesi arijo'arije ajamirovajo.

<sup>36</sup> A masijohuro ëhi sivamu muorovo ariböviohuro jabu'o Iesu sivareje. Sivoromo rueromo nioga'i'e wine jovoho bojami'ië'areje.

<sup>37</sup> Bojami'ië'oromo uavareje: Jew rajo jabesi a bërömo javë'oho ëhuro jasi ajamirovego mae javajo. Sivoromo ëhi uavareje.

<sup>38</sup> Röhu Iesuare simano namore ijo viture jajivoromo uvë'e jiadeje: Ave aho Jew rajo jabesi a bërömo höjo.

<sup>39</sup> Iae korosire iromë'e a sisë göhuro Iesu sivoromo uavadeje: God-hu uavë'ëro bëröme namiromo ajamui'irane aho ja javájëjo. Na mae-ëjo. Ëhi jië'oho jasi arijo'arije ajamirovoromo no'o ajamuego mae javuajo.

<sup>40</sup> Ëhi uavamu a sisë göhuro uavadeje: Nadi ëhi jië'e jöho jövëjo. Ja'o i'ue gemuoho baejanuëjo. Ëhi jië'oho ja diehi'oromo God bogo juhuonamijanuëjo.

<sup>41</sup> No niö'iro mu sisë vaejë'ëro ëhu'ëro iae mae no i'ue baeromo ë'aruëjo. A'i ë iaho mu sisëho bogo vaejë'e höjo.

<sup>42</sup> Bogo vaejë'e hö'i Iesu uavadeje: Iesuajo. A muebejavuo'irane darugo barueromo bëröme namijë'iroho nasi öroro uehorovevonëjo.

<sup>43</sup> Uehorovevonëjamu Iesuoro uavadeje: Aveho na jö mae uavájëjo. Jaruvoho ja'o na'o gemu mae Paradise-re ari'ëjarëjo.

*Iesu guomade jöhoje.*

<sup>44</sup> Iae majae ririre jiadeje. Majae ririre jiamu öri ari'e aho'o ramoramovadeje. Ramoramovobe va'öjuvo majae huotorovamu gavë'i ajivadeje.

<sup>45</sup> Ajivamu gavë'i God-are osa bërömo ojo göho gagonö jiajoho niögehu tugoharoho arorovadeje.

<sup>46</sup> Arorovamu gavë'i Iesuoro God ma-darugo'o uavadeje: Apajo. Naro nasi aru'ahoho jasi övo döre nugajëjo. Nugajëromo evare nugo'amadeje.

<sup>47</sup> Nugo'amamu muorovo a börömëro gavade èhi jië'e mue gö gö ë'amu gadorovo uvadeje: Iae mae-ëjo. Èaho iae a mae jiade hõjo. Èhi uvamu èhuro God-are ihoho mae jiadeje.

<sup>48</sup> Ae aho'obëhe urimo è mu börömo ga'i gagovarohuro gavare èhi jië'e mue gö gö ë'amu gadorovo vuonorõ'öromo vavaenimoromo vinebe anobe va'areje.

<sup>49</sup> Va'amu Iesuare ariböviohu'o Galilee sa'are jioromo Iesuare ijore ijore rovare magonaho ömo'ömo'u'o èho jaburo rori'o riravoromo gavareje èhi jië'e mue gö gö ë'amu.

*Iesuare sino munë gagore bamare jõhoje.*

<sup>50</sup> Èhi'amu ae gemu hesi ihe Joseph-ro iae hijadeje. Hu Arimathea amo raje jiadeje. Hu Jew rajo jabesi a duvahëro jië'ëro a masijo ioro'iorohu'o hiromo jõe mevonövadeje. Hu a mabëhe God-are jõho avoho ejahaje ae jiadeje.

<sup>51</sup> A maëro jië'ëro èhu'ëro a masijo ioro'iorohu'o hiromo hejade uvoruomamu: È'ëgo no Iesu ano'irarë uvoruomamu hegoroovo bogo ejëhadeje. Bogo ejëhoromo gavade jaburo Iesu anamu gëgoroovo uvadeje: Èhi jië'ëro sisë hõjo. Röhu huro muebejë'e hijadeje God-ro böröme namiromo aho'obëhe muebejëvörõhego. Joseph èhi jië'e ae jiadeje.

<sup>52</sup> Èhi jië'e aëro jië'ëro huro va'oromo Pilate uvadeje: Uevego na Iesuare sinoho bae'irõjo.

<sup>53</sup> Sinoho bae'irõjamu Pilate-ro ejahamu va'oromo sinoho baruvebiromo niõgu maëro numoromo munë ubuvarire è bamadeje. Èmunë gagoho ae gö bogo bamë'e Iesu è bamadeje.

<sup>54</sup> Èmajaho Friday jië'ëro Jew rajehu nuharue majaho rue'ië'adeje.

<sup>55</sup> Joseph-hu Iesuare sino bava'oromo bamadevare evare Galilee sa'are jioromo Iesu'o gemuore rovare magonaho ömo'ömo'huro Joseph-are ijore rueromo ubuvarire munëho garomo gavareje Iesuare sinoho è avoho bamamu.

<sup>56</sup> Iesuare sinoho è avoho bamamu gadorovo vuonorõ'ö va'oromo ridi'e ose gö gö avoho'amareje Iesuare sinore bahi'irõhëro. Avohoromo nuho majaho rovamu Jew rajo jõgoroho eromo ma-nuhareje.

## 24

*Iesu ri'õjade jõhoje.*

<sup>1</sup> Nuhë'ëro hura börömore sue'o sue'o è magonaho ömo'ömo'huro ri'öromo ridi'e oso avoharoho ujuohoromo Iesu bamarire è vuonorõ'ö va'areje.

<sup>2</sup> Iesu bamarire va'i gavareje munë gago tugohare munë börömo'huro rori'o hõhõ bava'ë'e jiamu.

<sup>3</sup> Hõhõ bava'ë'e jiamu gadorovo munë gagore rumo va'areje röhu Bada Iesuare sinoho bogo birohareje.

<sup>4</sup> Bogo birohogoro è riravoromo uehore gö gö baejareje. Uehore gö gö baejamu gavë'i ae niõ'iro ma-majioho rovareje jabesi niõgoho majae'hu bamanovë'e èhi ajivë'e niõgoho io'amë'ëro. Rueromo è magonaho jabesi bëhire rirarovareje.

<sup>5</sup> Bëhire ro rirarovamu gëgoroovo rue magonahoho jaburo juhuonëmiromo uruh'o'amo riravareje. Uruho'amo riravamu gavë'i rue ae niõ'io'huro uëvareje: Jemë rabëni i'ovë'e aho guomë'e a sino bamaruiroho naharujëjo.

<sup>6</sup> Iesu aveho bogohõjo. Hu mami'e ri'õjë'e hõjo. Ri'õrõhe jö Galilee sa'are hiromo majëhijadoho uehorovohëjo.

<sup>7</sup> Huro jemë uëvade hõjo: Aëro God-are A Maho na baejavoromo a sisë jabesi övore bojëmi'iramu baejavoromo korosire ano taemevoruomõ'ajëjo. Ano taemevo'iramu guomoromo majae niõ'i gemu hesi uhure ri'õ'ejõjo. Nasi muoho God-ro èhi bojëmë'e hõjo. Tesuro èhi uëvamu hejarije hõjo.

<sup>8</sup> Hejarije hõjamu rue magonahoho jaburo è jõho uehorovareje.

<sup>9</sup> Uehorovoromo Iesu bamarire jioromo vuonorõ'ö va'areje. Va'oromo rabe rabe gavare hejare jõho majëhijamu Iesuare ijoraje 11-ho jabu'o Iesuare aribövi ioro'iorohu'o è jõho heruomadeje.

<sup>10</sup> Röhu è jö majëhijare magonaho jabesi ihoho Mary Magdalene o Joanna o James-are vëme Mary èhi jëvadeje. Èmagonahohu'o magonaho ioro'iore jabu'o gemu mae jjiharohu'o èho jaburo è jõho apostle aribövioho majëhijareje.

<sup>11</sup> Majëhijamu hegoroovo rue apostle ariböviohuro uvareje: Èmagonahoho jaburo è jõho èma ataruëromo bogo ma uehorovareje.

<sup>12</sup> Bogo ma uehorovoromo röhu Peter-ro ri'öromo sino bamarire tutuvoromo è va'adeje. Va'oromo munë gagoho hohithoromo gavadeje Iesu numare niõgohemu jio'amamu.

Niögohe mu jiamu gagorovo uehorovoromo uvadeje: Aveho diehi'ade hö uvoromo hesirëro vuonorö'ö va'adeje.

*Emmaus amore va'i örire diehi ë'tare jöhoje.*

<sup>13</sup> Va'ë'ëro jeniromamu Iesuare ae niö'iro Emmaus amore va'irögoro örire va'areje Jerusalem jioromo Emmaus va'iröhe öri hesi vahuoho 11 kilometre jië'ëro.

<sup>14</sup> Örire va'oromo mu rabe rabe jiade jöho jörovobe va'areje.

<sup>15</sup> Jöho jörovoromo berohobe va'amu Iesuro birohëvoromo jabu'o gemu mae va'adeje.

<sup>16</sup> Va'amu ë ae niö'i jabesi uehoroho tugohëhamu bogo avoho garomo uvareje: Ëho Iesu höjo.

<sup>17</sup> Bogo avoho gavamu Iesuro uëvadeje: Jemë diehi jië'e jöho jörovobe jireharujëjo. Jireharujëjamu rueho jaburo jireharoho vuonugo'i nu ano'e sisë'irëvoromo rirarovareje.

<sup>18</sup> Rirarovoromo ae gemu hesi ihe Cleopas-ro uavadeje: Ae aho'obëhe Jerusalem raromaruohuro avevejö'e rabehu ë'adoho iae garuomö'i ja gemu diehi'avo'ego bogo gavanuëjo.

<sup>19</sup> Bogo gavanuëjamu Iesuro uëvadeje: Diehi jië'e muohajo. Uavareje: Nazareth rajë Iesuare örire vaejare jöho uavaruëjo. Iesu hu jö God-aro baeromo no majahuijare ae jiade höjo. Ëhi jië'e aëro jië'ëro God-are nunire o ae aho'obëhe nosi nunire namiromö biriri'e muoho vaenövo biriri'e jöho jövonövade höjo.

<sup>20</sup> Iesu hu ëhi jië'e ae jiade höjo. Röhu nosi priest masijohu'o nosi a masijo ioro'iorohu'o ëho jaburo Rome aribövi jabesi övore bojëmijare höjo ëhuro ëho jaburo court vaeromo Iesu ano'iröhe jöho uëröhego. Rome aribövi jabesi övore bojëmamu ëhuro Iesu korosire ano taemare höjo.

<sup>21</sup> Röhu noro uehorovoromo uvare höjo: Ëaho nani God-ro nugö'öjade höjo rueromo no ajamuïromö Israel rajo nosi i'u'e muoho ahavuo'i hesi sasohë'e muoho röjahuiröhego. No ëhi uehorovare höjo. Röhu jöë gö'o ë mu sisë vaeruomadoho majae niö'i barëjamu röhu aveho majae göho rové'e höjo.

<sup>22</sup> Iae ëhi höjo röhu no'o gemu mae Iesuare ijore ijore jijiharue magonahohuro ave jö börömo majahuijamu hegoro no tiöjavuade höjo. Jaburo jaruvo sue'o ri'öromö Iesu bamarire va'are höjo.

<sup>23</sup> Va'oromo gavare höjo Iesuare sinoho bogojiamu. Bogojiamu gagorovo vuonorö'ö rueromo uövuare höjo: No va'oromo nia'ovo'iraejanovoromo garomo hejare höjo aneraho jaburo uövuamu: Iesu bogo guomö'i i'ovë'e höjo. Magonahoho jaburo ëhi uövuamu hejare höjo.

<sup>24</sup> Jöho henugoromo nosi ae göëro göëro Iesu bamarire va'oromo gavare höjo magonahuhu uövuadëhi ëhi jiamu. Röhu Iesu bogo gavare höjo.

<sup>25</sup> Iesu bogo gavare höjamu Iesuro ri'öromö ë ae niö'ioho uëvadeje: Asë'e jemë simane i'uhëgo'ego God-are jöho bogo ma-burëroho baejarujëjo. Ëhu'ëro jië'ëro jö God-aro baeromo majëhinövare a jabesi jöho bogo maho uehorovarujëjo.

<sup>26</sup> Jemë diehi'oromo ave jöho bogo uehorovarujëjo. God-ro bamade höjo böröme namiromö ajëmi'iröhe aho vi'ehi böröme baeromo guomöjoro röhu ijönö aji'ere ajiö hiröhego.

<sup>27</sup> Ëhi uënuoromo Iesuro hesi jöë God-are surire jajivo'amadoho huruoho majëhi barëjadeje. Moses-hu jajivade jöho aevö'i majëhiromö jö God-aro baeromo majëhinövare a ioro'iorehu jajivo'amade jöhu'o huruoho majëhijadeje. Majëhijamu rue ae niö'iohuro hebe va'areje.

<sup>28</sup> Hebe va'aroho va'i nimare amore hörö'ië'areje. Hörö'irögoro Iesu öre ëgo'o va'o hesi jiamu gagorovo

<sup>29</sup> rueho jaburo nijio'iraeromo uavareje: Nadi va'i no'o hijëjo. Majae mami'e barëjë'ëro vahiomavuo'ië'ajëjo. Vahiomavuo'ië'ajëjamu ejëhoromo jabu'o va'oromo osare hijadeje.

<sup>30</sup> Hiromö jabu'o ie i'irögoro sa'aro hiromö ie baeromo God mae uaromo ato'atovoromo i'imëmamu rueho jaburo baejareje.

<sup>31</sup> Baeromo God-ro jabesi simanoho jiovëhamu evare Iesu avoho garomo uvareje: Ojo'e ë aho Iesu höjo. Iesu höromö ga'i gavareje Iesu ëma bogojio va'amü.

<sup>32</sup> Va'amü gagorovo uarovareje: Ja'o uehorövëjo. Ëahuro no'o jöë jövoromo God-are suri bëhoho huruoho majahuibe örire rovamu heromö nosi dö vëvöbajo'oho sasohavuuromo ri'öjavuo avohade höjo.

<sup>33</sup> Ëhi uarovoromo ma-burëro sionëro vuono bu'öromö Jerusalem amore va'areje. Jerusalem va'oromo gavare Iesuare ijoraje 11-hu'o jabesi a ioro'iorohu'o gagovoromo raromë'e jiamu.

<sup>34</sup> Raromë'ëro jaburo ë ae niö'ioho uëvareje: Bada iae ri'öjê'e höjo. Ri'öromo Simon-are örire rovamu huro gavade höjo.

<sup>35</sup> Gavade höjamu rue ae niö'iohuro uëvareje: Noro niö'iro örire jirehoromo ëhi ëhi gavare höjo. Ëhi uëromo uëvareje: Iesuro ie ato'atovoromo i'imamuamu evare no avoho garomo uvare höjo: Iae Bada höjo.

*Iesuhu hesi ijorajo jabesi nunire rovade jöhoje.*

<sup>36</sup> Bada höjamu gavê'i Iesuro ro ma-majioho jabu'o gemu mae namijadeje. Namiromo uëvadeje: Aganomë vaevê'e raromarujêjo.

<sup>37</sup> Vaevê'e raromarujêjumu juhuonivoromo jiodudu'iraeromo uvareje: No aru'ahe gavarujêjo.

<sup>38</sup> Aru'ahe gavarujêjumu uëvadeje: Jemë rabëni juhuonivarujêjo. Rabëni uehore gö gö baejarujêjo.

<sup>39</sup> Ave nasi övoho höroho geromo uvorêjo: Nörö höjo. Ma'enegro heromo uvorêjo: Nörö bogo aru'ahemuoho jio'i a mae höjo. Aru'ahoho sine ijo'ahe bogohöjo. Röhu jemë iae gevarujêjo na sino'e ijo'aho'e jevo'ego.

<sup>40</sup> Ëhi uëngoromo övohu'o hörohu'o röjêhijamu gavareje.

<sup>41</sup> Garomo uehorovemu uehorovo'i arijareje. Uehorovoromo uvareje: Aveho mu mamabêhe jî'e nani noro sisê'i gavaruëromo bogo ma uehorovareje. Bogo ma uehorovamu gavê'i Iesuro uëvadeje: Na jemë ioho jëvájêjo o bogojëvájêjo.

<sup>42</sup> Ëhi uëvamu visue vënire buejê'oho babojamareje.

<sup>43</sup> Babojamamu Iesuro baeromo ae aho'obêhe jabesi nunire ijadeje.

<sup>44</sup> Iromo uëvadeje: Urimo naehu jemê'o hiromo majêhijamu hejarije jöho iae avevejê'e röhu maho majêhi'irögoro ê'ajêjo. Na uëvode höjo: Nasi jöho aho'obêhe Moses-hu jajivadoho jö God-aro baeromo majêhinövare a ioro'iorehu jajivaroho Psalms jö jajivaroho nasi jöe aho'obêhe God-are surire jajivarêhi iae ëhi jio'a'ajêjo. Öre gö bogohöjo. Ëhi uëvamu hejarije höjo.

<sup>45</sup> Hejarije hö uëromo jabesi simanoho huotovêhamu God-are surire jö bëhoho avoho gavareje.

<sup>46</sup> Avoho gavamu huro uëvadeje: God-are surire jajivoromo ëhi uvê'e höjo: God-ro bamê'ëro böröme namiromo ajëmijaje aho nörö vi'ehi böröme baeromo guomoromo majae niö'i gemu hesi uhure ri'ö'a'ajêjo.

<sup>47</sup> Ri'ö'iramu aëro nörüare ihore jöe majêhiromo ae uë'a'aruêjo: Ae aho'obêhe öri sisëre jijiharujoho vuonugohêjo. Mu sisêho vuonugo'i avoho uehorovoromo mu mae vaehego God-ro jemesi sisêho uehorovoromo vuonugajo. Ëhi jî'e jöho Jerusalem amore aevoromo majêhiromo maja rojomajire beva'ajire sa'are sa'are majêhibe jijihö'aruêjo. God-are surire jöho ëhi uvê'e höjo.

<sup>48</sup> Röhu ëhi jî'e muoho jemë gavê'e jëvaje êhuni ë jöho majêhibe jijihorêjo.

<sup>49</sup> Röhu aveho hehêjo. Urimo nasi Vavuehu hesi Aru'aho suvuorëmi'i mae uëvadêhi naro ë Aru'aho suvuoroho jemëni nugö'ö'iramu bae'a'aruêjo. Êhuni ë hesi urimo jemëro va'oromo Jerusalem amohuremu raromorego hujeji God-are darugohuro ruvebiromo ruahö'öjêvo'iröhe höjo. God-are darugohuro ruvebiromo ruahö'öjêvo'iramu evare va'oromo nasi muoho vae'a'aruêjo.

*Iesu ö'idöre ajiomade jöhoje.*

<sup>50</sup> Ëhi uëngoromo sö ujuohoromo Bethany amonö va'adeje. Va'oromo övoho nigemëvoromo uëvadeje: God-ro jemë huë mae bojëmi'ajêjo.

<sup>51</sup> God-ro jemë huë mae bojëmi'ajê uëromo God-ro uavamu jabumë ë rëmo'i huro ö'idöre ajiomadeje.

<sup>52</sup> Ajiomamu gagorovo rue Iesuale ariböviohuro hu rajahiromo böröme bëhe nimorohobe Jerusalem vuonorö'ö va'areje.

<sup>53</sup> Va'oromo raromoromo God-are osa börömore va'oromo majae aho'o God rajahinövareje. Ahia mino'e.



## JOHN

*God-are Jö Jövaje Aehu God-arire jioromo sa'are rueromo mu ma barovade jöhoje.*

<sup>1</sup> Ni'i'ivade majaroho ae gemu hesi ihoho God-are Jö jumuvè'oho iae hijè'e jiadeje. Hu God'o gemu mae hi'i hu'o God jiadeje.

<sup>2</sup> Ni'i'ivadire è aho God'o gemu mae hijè'e jiadeje.

<sup>3</sup> God-ro uavamu huro sa'ae bövie bise'e bamadeje. Bogo bamo'ibejo bövioho bise'oho bogo mae bogojio'ibejo.

<sup>4</sup> Darugoho aho'o hesirire gemu jioromo rovadeje. Rueromo ae aho'o ajoho bojamuadeje.

<sup>5</sup> Eäjohuro ramoramore ajivajeje. Ramoramoho ajoho bogo tugohè'eje.

<sup>6</sup> Ae gemu God-ro nugö'öjamu rovadeje. Hesi ihoho John jiadeje.

<sup>7</sup> Hu rovadeje aji hesi bëhi gavadoho huruoho majahui'iröhëro. Majahuijego ae aho'obëhe hesi jöho heromo mae uehorovo'iröhego.

<sup>8</sup> Hu bogo ajoho jiadeje. A'i huro aji hesi bëhoho majahui'i rovadeje.

<sup>9</sup> Eäjoho iae aji maho jiohijo. Evare majare è aje ae aho'obëhe ajivavuajohuro sa'are ruehijo.

<sup>10</sup> Amo God-are Jö jumuvade ahuro ave sa'are hijadeje. Urimè'i God-ro uavamu ave sa'aroho avoho'amadeje röhu ave sa'are ariböviohuro hu bogo avoho garuomadeje.

<sup>11</sup> Hu hesiro rovadeje röhu hesi aribövi mahuro hu bijönimoruomadeje.

<sup>12</sup> Röhu hesi a ioro'iorohuro hu nimoromo mae uehorovoruomadeje. Mae uehorovoruomamu èhuni uévadeje: Avevejö'e jemë God-are aboji harihu'e raejè'vájëjo.

<sup>13</sup> God-are aboji harihu'e raejè'vade hesi öroho bogo aehu nimoromo baejè'vamu i'oroho rahè'vo'i a'i God-ro baejè'vè'ëro èhuro hesi aboji harihu'e jè'vadeje.

<sup>14</sup> Röhu God-are Jö jumuvè'e ahuro sino haho'e baeromo ro God-are jöho mae röjahui avohoromo huè baejavu avohoromo no'o gemu mae hibe juvadeje. Hi juvamu no hesi ajoho gavareje è ajoho hesi Vavu hesi Harihe hu gemu'ëro jiè'ëro baejè'ëro.

<sup>15</sup> Èhi'amu gagorovo John-ro è a hesi jöho ae huruoho majè'hijadeje. Majèhiromo ma-darugo'o uvadeje: Naehu uévode aho aviaie höjo. Na mami'e uévode höjo: Naro urimo rovè'e jevajëjo. Ae gemu'ëro nasi ijönö rue'iè'ajëjo. Èhi höjo röhu è ahuro na iosiremiromo hu börömoho höjo na bogo rahevadevare hu jlobe rovè'ëro jiè'ëro. Èhi uévadeje.

<sup>16</sup> Iae hu huè baejavu avohè'ëro èhu'ëro huè mae no ae aho'obëhe bojamuromo döre döre bojamuibe rovè'eje.

<sup>17</sup> Mu vae'iröhe jögoroho God-ro uavamu Moses-ro bojamuadeje. A'i God-ro uavamu Iesu Kerisoro huè baejavuoromo God-are bëhoho maemu röjahuijadeje.

<sup>18</sup> Aho God bogo mae bogo gavè'e javue. God Harihoho gemu Vavu hesi bëhi mare hijaje aëro jiè'ëro huro God röjahuijè'eje.

*John bapataeto vaejaje aehu a jö majè'hijadohoje.*

<sup>19</sup> Röhu Jerusalem raromarue Jew rajo a masijohuro priest ömo'ömo'u'o priest ajëmijarue a ömo'ömo'u'o uévareje: Va'irarijoho John uarëjo: Ja rahuo javajëre. Èhi uévamu va'oromo è jöho ua gavamu huro avièhi jiè'e jöho majè'hijadeje.

<sup>20</sup> Hu bogo jöho subivè'ho'i sama'e huruoho majèhiromo uévadeje: Na bogo böröme namiromo ajëmi'irode aho jevajëjo.

<sup>21</sup> Uavareje: Èhi jiè'oho na ja Elijah javajëjo. Uévadeje: Bogajo. Uavareje: No muebejaruëjo a börömohuro jöe God-aro barueromo majahui'iröhego. Na ja è aho javajëjo. Uévadeje: Bogajo.

<sup>22</sup> Uavareje: Èhi jiè'oho ja rahuo javajëjo. Majahuijego no va'oromo ramuö'öjamu rovare aho majèhi'iröhe höjo. Jasi jöho ja diehi jövanue höjo.

<sup>23</sup> Diehi jövanue höjamu John-ro uévadeje:

Na a rumo'e sa'are hiromo avièhi jiè'e jöho ma-darugo'o majè'hijaje ae jevajëjo.

Badahu rueröhe öroho ahorirëro vajivahorego hu maro rue'irajo.

Urimè'i jö God-aro baeromo majèhinövade ae Isaiah-ro è jöho jajivadeje. Èho John-ro uëromö è'adeje: Isaiah-hu jajivade jö hesi muoho iae na vaeromo è'ajëjo.

<sup>24</sup> Èhi jövamu rueho jaburo Pharisee a masijohuro rëmö'öjamu rovè'ëro

<sup>25</sup> uavareje: Ja bogo böröme namiromo ajamu'irane aho javajëjo bogo Elijah javajëjo bogo jö God-aro baeromo majahuijanue a börömoho javajëjo röhu ja diehi'oromo aho bapataeto vaejè'vanue höjo.

<sup>26</sup> Vaejēvanue hōjamu John-ro uēvadeje: Naro jovēro bapataeto vaejēvaje hōjo. Rōhu jemēhu bogo gavaruje aho jemesi ririre namijajējo.

<sup>27</sup> Huro nasi ijonō rue'ie'ajējo rōhu huro na iosiremiromo bōrōmoho hōjo. Naehu hesi mu bise'o vaejahoromo hesi hōru sino jiovah'o'ibejodoho o mu bise'o bise'e rabe vaejaho'ibejodoho na ma-bise'e jevajējo. John-ro ēhi uēvadeje.

<sup>28</sup> John'o Jerusalem jioromo rovare aribōviohu'o jō ēhi vaerovaroho ēho Bethany jiadeje. Bethany amoho Jordan jovo ruhēhi jiadeje. Ēsa'are Jordan jovore John-ro ae bapataeto vaejēvonōvadeje.

*Iesu God-are Sheep Harihu jiaje jōhoje.*

<sup>29</sup> Nērō John-ro gavade Iesu rovamu gagorovo ae uēvadeje: Arueho gahējo. Sheep harihu muo'amamu God-hu mu sisē rori'o babu'ōjadēhi ēhi ē ahuro sa'ae gō gō aho'obēhe nosi sisēho rori'o babu'ō'ajējo.

<sup>30</sup> Ēa hesi jōho na mami'e majēhijode hōjo. Majēhiromo uēvode hōjo: Naro urimo rov'e jevajējo. Ae gemuēro nasi ijonō rue'ie'ajējo. Ēhi hōjo rōhu huro na iosiremiromo hu bōrōmoho hōjo na bogo rahevadevare hu jiove rov'ēro jiē'ēro. Ēhi majēhijode hōjo.

<sup>31</sup> Mami'oho na hu bogo avoho gavode hōjo. Rōhu naehu rueromo jovehu bapataeto vaejēvode hesi bēhoho ēho naro hu rōjēhijego Israel aribōvioho jemēro ga'irarijego ēhuni ē'ode hōjo.

<sup>32</sup> O ave jōho John-ro gavē'ēro huruoho majēhiromo uēvadeje: Naro gavode hōjo God-are Aru'ahē guaho va'ēnohuro ō'idōre jioromo ē a hesi simano namore ruvebiromo gerejamu.

<sup>33</sup> Mami'e na hu bogo gavode hōjo rōhu naehu jovehu bapataeto vaejēvojōro uevado-huro uevade hōjo: Ga'irane Aru'ahohuro ruvebiromo di a hesi simanore gerejamu gavē'oho uvonējo: Ēahuro God-are Aru'aho Mahuro ēhuro bapataeto vaejēvo'ajējo. Vavuohuro ēhi uevamu hejē'ēro ijonō gavode hōjo Aru'ahoho ruvebiromo ē a hesi simanore gerejamu.

<sup>34</sup> Ēho nasi nunēro gavode hōjo. Gavē'ēro naro jemē uēvajējo: Arue aho God-are Harihe hōjo.

*Iesuhu aevoromo ae uēvamu hesi ijore ijore jijihare jōhoje.*

<sup>35</sup> Ēhi uēv'ēro nērō John-ro rōhu maho ē rueromo hesi ijorajoho niō'i jabu'o gemu mae namijadeje.

<sup>36</sup> Nami'i gavade Iesu rova'amu gagorovo ijorajo niō'ioho uēvadeje: Arueho gahējo. God-are Sheep Harihoho iae jiajējo.

<sup>37</sup> Ēhi uēvamu hegorovo rueho jaburo John nugo'i Iesuare ijore va'areje.

<sup>38</sup> Iesuare ijore va'amu huro huotorovoromo gēvade ē ae niō'ioho hesi ijore rovamu gēgorovo uēvadeje: Jemē rabe naharujējo. Rabe naharujējamu jabesi huēro uavareje: Rabae ja din'ō'e hijanue hōjo. Rōhu Rabae uavaroho ēho uaromo ē'areje: Rōjahuijanue a bōrōmohajo.

<sup>39</sup> Rabae ja din'ō'e hijanue hō uavamu hegorovo Iesuro uēvadeje: Rueromo gahējo. Gahējamu hegorovo majae garobo'e bamamu hu'o va'oromo hu hijaje osaho gavareje. Garomo hu'o arijuvo vahioramamu va'areje.

<sup>40</sup> Ae niō'iohuro John-are jōho hejē'ēro Iesuare ijore rovare a gō hesi ihoho Andrew Simon Peter-are ōho jiadeje.

<sup>41</sup> Andrew-ro ma-bur'ēro hesi ōho Simon naho va'oromo bihoromo uavadeje: Bōrōme namiromo ajamui'irōhe aho noro birohē'e javuajējo. Bōrōme namiromo ajamui'irōhe aho Greece huēhu huotovē'oho Kerisoje.

<sup>42</sup> Bōrōme namiromo ajamui'irōhe aho birohē'e javuajēromo Simon hu'irae baeromo Iesu ga'iro rovadeje. Rovamu Iesuro hu garomo uavadeje: Ja Simon John-are harihe javajējo. Jasi ihoho Cephas jio'a'ajējo. Hebrew huēhu Cephas huotovē'oho Greece huēho Peter-je. Ēiho hesi bēhoho munēje.

*Iesuhu Philip'o Nathanael'o uēvamu hesi ijore ijore jirehare jōhoje.*

<sup>43</sup> Ēhi ē'ē'ēro nērō Iesuro uvadeje: Jaruvo na Galilee sa'are ajiomolejōjo. Ajiomolejō uvonugoromo ajiomadoho ajio Philip birohadeje. Philip bihoromo uavadeje: Nasi ijoro rovējo.

<sup>44</sup> Rōhu Philip hu Bethsaida amo rajo ae jiadeje. Andrew'o Peter'o jabu'o ame gemuoho jēvadeje.

<sup>45</sup> Ēhi'amu Philip-ro Nathanael naho va'oromo bihoromo uavadeje: Urim'ē'i Moses-ro hesi jōgoru surire uōvuade hōjo: Ijonō a bōrōme rue'a'ajējo. O jō God-aro baeromo

majëhinövare ariböviohuro jõe gemuoho jajivoromo uönövare hõjo. Ëruerõhego jajivoruomade aho iae no birohë'e javuajëjo. Hesi ihoho Iesu hõjo. Hu Joseph-are harihe hõjo. Hesi amo ihoho Nazareth hõjo.

<sup>46</sup> Nazareth hõjamu Nathanael-ro uavadeje: Asë'e a maho ëhi jië'e amoroho bogo rue hesi hõjo. Bogo rue hesi hõjamu Philip-ro uavadeje: Ja'o ro gavëjo.

<sup>47</sup> Ëhi'amu Iesuro gavade Nathanael rovamu gagorovo ae uëvadeje: Arueho gahëjo. Israel rajo a ma-maëro rovajëjo. Hesi uhuroho sareri'e jõho bogohõjo.

<sup>48</sup> Ëhi uavamu Nathanael-ro uavadeje: Ja diehi'oromo na gevanue hõjo. Gevanue hõjamu Iesuro uavadeje: Jaehu ruejõro Philip-hu uavade hesi urimo ja meso gurutore hijamu gavode hõjo.

<sup>49</sup> Gavode hõjamu Nathanael-ro uavadeje: Tisa ja God-are Harihe javajëjo. Ja bõrõme namiromo Israel rajo muebejavuanue aho javajëjo.

<sup>50</sup> Muebejavuanue aho javajëjamu Iesuro uavadeje: Na uavode hõjo: Ja meso gurutore hijamu gavode hõjo. Ëmu harihu vaejode jõho uavamu hejë'ëro jero mae uehorovevanuëjo. Röhu u'emu mu masijo maho ga'amo'anuëjo.

<sup>51</sup> Ëhi uanugoromo uëvadeje: Ave jõho na jõ mae uë'ië'ajëjo. Jemë iae ga'aruajëjo õ'idõho arorovo'i God-are A Ma naehu jiajire God-are anerahuro iojioromomo ruvebi'i ari'iramu.

## 2

*Iesuhu Cana amore hiromu masurovare sõrõ iromu bëhi'e mu bõrõmo vaejade jõhoje.*

<sup>1</sup> Majae niõ'i gemu hesi uhure iae masurovo'irõhe sõrõho Cana amore Galilee sa'are avohareje. Avohamu Iesure vëmohuro ë hijadeje.

<sup>2</sup> Iesu'o hesi ijorajoho jabu'o sõrõre ruejõro uëvë'ëro ë ro raromareje.

<sup>3</sup> Raromoromo sõrõ'e ariböviohuro wine jovoho ue'aho barënuigoromo vëmohuro Iesu uavadeje: Wine jovoho barëjë'e hõjo.

<sup>4</sup> Barëjë'e hõjamu uavadeje: Mamajo. Rabëni ajëmijõro uevanuëjo. Nasi maja bõrõmoho bogo rovë'e hõjo.

<sup>5</sup> Bogo rovë'e hõjamu hegorovo vëmohuro mu ajëmiarue aribövioho uëvadeje: Ëaehu diehi uëvamu hejë'õho ëhi ë'orëjo.

<sup>6</sup> Röhu Jew rajëro God uehorovoromo jabesi sine inõme u'o'amarue jõgoroho enövareje. Ëhuni jovo hevõe munëhu ubuvoromo avoho'amaroho aho'obëhe õvo gö mine õvo göre gemu ë momorõ'õjadeje. Jovo bövi mae 80 o 120 litre gemu gemu oteho'amo'ego irijiomõ'amonövadeje.

<sup>7</sup> Ëhi jië'e jië'ëro Iesuro mu aribövioho uëvadeje: Ëmunë hevõro jovo maho oteho'amego irijiomõ'amo'irajo. Ëhi uëvamu irijiomõ'amo barëjareje.

<sup>8</sup> Ëhi'amu uëvadeje: Jove gö ë hevõro vuoromo ujuoho va'oromo sõrõ muebejaje aho i'imamirëjo. I'imamirëjamu ujuoho va'oromo i'imamijareje.

<sup>9</sup> I'imamamu rue sõrõ muebejaje ahuro i heromo hejadeje jovoho rihu'e jiamu ë jovo maho mami'e wine-rëjë'ëro jië'ëro. Röhu ë wine jovoho dinõ'e jioromo ujuoho rovaroho bogo ga'i hesi jovo vuare mu ariböviohuro gavareje. Amo hejade rihu'e jiamu hegoro i'o masuvade aho uvamu rovadeje.

<sup>10</sup> Rovamu rue sõrõ muebejaje ahuro uavadeje: Ae aho'obëhe wine jovo mabëhoho urimo bahijëharue hõjo. Bahijëhonugoromo aëro jovo bövi mae ue'ahëgo ijonõ jove mabisemu sisëho bahijëharue hõjo. A'i jero wine jovo maho avoho runo'e bamane hõjo aviavejõ'e i'irõhohuni.

<sup>11</sup> Iesuro Cana amore Galilee sa'are hiromu bëhi'e mu bõrõmoho aevõ'i ëhi vaejadeje. Vaeromo ëhuro hesi aji maho røjëhijamu gagorovo hesi ijorajoho jaburo hu mae uehorovareje.

<sup>12</sup> Ëhi'amu Iesu o hesi vëmoho o õ õmo'õmoho o ijorajo õmo'õmoho ëho jaburo Capernaum amore abuejareje. Abueromo ë raromaroho majae gemu niõ'i rabu'e barëjadeje.

*Iesuhu God-are amo bõrõmore ajioromomo inõmo imo'amarue aribõvi rarovõ'õjëvade jõhoje.*

<sup>13</sup> God-hu Võrõ Tugohade Sõrõ Jew rajehu ijarue majaho dunovadeje. Sõrõ majaho dunovamu Iesuro Jerusalem ajiomadeje.

<sup>14</sup> Ajioromomo God-are amo bõrõmore va'oromo gavadeje a ioro'ioroho cow-ho Sheep-oho guaho va'ëne ugoho ëhi imo'amo'i o a ioro'ioroho mu maratu bëhire raromoromo ijo bajoho ujuohõ'i amo bõrõmo hesi ijo bajoho mana i'imëmijamu.

<sup>15</sup> Ĕhi gēnugoromo ö'le ujuohoromo baduno'e ö'oho huadeje ěhuro hisuebi'amoröhēni. Huonugoromo ě aribövioho aho'obēhe God-are amore jioruomamu hisuebijėvoromo rarovö'öjėvoromo sheep-ohu'o cow-hu'o rarovö'ö'amadeje. Ijo bajo mu vaeruomaje aribövi jabesi mu maratuoho huotovö'öjėhamu ijo bajoho rireromoromo arua anumiae va'adeje.

<sup>16</sup> Guahö va'ēne ugo imoruomaje aribövioho uėvadeje: Ave inömo inömo rori'o ujuoho va'ohėjo. Nadi aveho imohėjo. Nasi Vavu hesi amoho bogo bövi bise'o imarue amoho hōjo.

<sup>17</sup> Bogo bövi bise'o imarue amoho hōjamu hegorofo Iesuare ijorajoho jaburo uehorovoromo uvareje: Huhu ě mu vaejaje hesi bėhoho God-are surire jajivoromo uvė'e hōjo: Vavuoho jasi osa hesi mu nimajohuro ěhuro vėninö'e nasi dē vövöbajore ravevajėjo.

<sup>18</sup> Röhu Jew rajo a masijohuro gavare Iesu ěhi'amu uvareje: Rabēni ěhioho ě'anuėjo. Bogo gavare darugo'e muoho rōjahuijego no garomo daruėjo: God-ro uavė'ero ě'anuėjo.

<sup>19</sup> Ĕ'anuėjamu Iesuro uėvadeje: Ave God-are amoho dadovorėjo. Dadovė'oho majae niö'i gemu hesi uhure naro röhu maho vae barė'iramu mae nami'a'ajėjo. Ĕhi jiė'e darugo'e muohemu rōjėhi'ejōjo.

<sup>20</sup> Rōjėhi'ejōjamu Jew rajohuro uėvareje: Sarerivanuėjo. Ave amo vaebe rovaroho vadune aho'obēhe 46 barėjė'e hōjo. Ĕhuni dadovė'oho röhu ja diehi'oromo majae niö'i gemu hesi uhuroho vae barė'iramu maho nami'a'ajėjo.

<sup>21</sup> Jaburo uvareje: Nani God-are amo bōrömo dádovo barėjego huro vae barė'i jövajėjo. Röhu bogo amo hesi jōho jövö'i hesi sino haho'ehu guomoromo röhu maho ri'öröhe jōho jövadeje.

<sup>22</sup> Ĕhu'ero jiė'ero ijonö Iesuhu guomoromo ri'öjadevare evare hesi ijorajoho jaburo uehorovoromo uvareje: Iesuro mami'e uönövade hōjo: God-are amoho naro avoho vae'iramu nami'a'ajėromo evare Iesu ri'ö'iröhe jö God-are surire jajivare Iesuhu majėhijádoho ěho mae uehorovareje.

*Iesuhu ae aho'obēhe gö barėjaje jōhoje.*

<sup>23</sup> God-hu Vörö Tughade Sörö majare Iesuro Jerusalem amo bōrömore hijamu evare ae aho'obēhe gavare hu mu masije vaejamu gagorovo hesi örire mae uehorovoruomadeje.

<sup>24</sup> Mae uehorovamu Iesuro uvadeje: Ĕaribövioho ma-döėremu uehorovevaruėromo jabesi öriroho bogo ma uehorovėvadeje ae aho'obēhe mami'e gėvė'ero jiė'ero.

<sup>25</sup> Iae hu ae aho'obēhe jabesi dē vövöbajö'oho gē barėnövadeje. Ĕhu'ero ae gö jabesi jö Iesuare örire majahi'iröhe bėhoho bogojiadeje.

### 3

*Iesuhu Nicodemus'o jö jövade jōhoje.*

<sup>1</sup> Iae Jew rajo a bōröme gemuero hijadeje hesi ihoho Nicodemus. Hu Pharisee ae jadeje.

<sup>2</sup> Vahie gemu huro Iesu ga'i va'adeje. Va'oromo Iesu uvadeje: Tisa no ja garomo uvarue hōjo: God-hu ramö'öjamu rōjahui'i rovane ae javajėjo. Rabėniajo. God'a'oho bogo hi'ibejajo jaehu vaejanue ěhi jiė'e mu masijo vaejė'oho bogo eni javuo'ibejajo.

<sup>3</sup> Bogo eni javuo'ibejajamu Iesuro uvadeje: Ave jōho na jö mae ua'iė'ajėjo. Ae mami'e rahádoho röhu maho bogo raho'amė'oho God-hu muebejaje öri ari'o garuomoröhoho bogo eni jioruomö'ajėjo.

<sup>4</sup> Bogo eni jioruomö'ajėjamu Nicodemus-ro uvadeje: Iae mae hōjo röhu aho mavoji-raejė'oho diehi'oromo röhu maho raho'amö'iröhoho eni jioruomö'ajėjo. Vėmu jabesi dėre vuonorö'ö rumo va'oromo suorovonövė'oho bogo eni hōjo.

<sup>5</sup> Bogo eni hōjamu Iesuro uvadeje: Ave jōho na jö mae ua'iė'ajėjo. Jovohu'o God-are Aru'ahohu'o bogo ajėmijamu röhu maho rahė'oho God-are öri ari'ere va'iröhoho bogo eni jioruomö'ajėjo.

<sup>6</sup> Sino haho'o'e aėro sino haho'o'e harihoho baeruomö'i a'i God-are Aru'ahohuro iae aru'aho'e harihoho avoho'amaje hōjo.

<sup>7</sup> Na uvode hōjo: Jemė mami'e rahėvadoho röhu maho rahėvė'oho ěhuremu mae jėvo'ajė jōho hejanuoho nadi tiönėjo.

<sup>8</sup> Buroho dinö'e dinö'e va'i nimė'oho hesi ěma va'aje hōjo. Ja he'a'anuėjo rovavo'iramu röhu bogo ga'a'anuėjo dinö'e jioromo rovajoho o dinö'e va'ajoho. God-are Aru'ahuhu a rahu ajėmamu röhu maho rahė'oho jabesi öroho iae ěhi dadivavo'iramu bogo ga'a'anuėjo.

<sup>9</sup> Bogo ga'a'anuėjamu Nicodemus-ro uvadeje: Röhu ěhi jiė'e muoho diehi jio'a'ajėjo.

<sup>10</sup> Diehi jio'a'ajėjamu Iesuro uvadeje: Ja Israel rajo rōjahuijanue a bōröme javajėjo. Röhu ja diehi'oromo ěhi jiė'e muoho bogo gavanue hōjo.

<sup>11</sup> Ave jöho na jö mae ua'ië'ajëjo. Simane javuë'ëro ë jöho no atarue höjo. Nunehu gavë'e jöho huruoho majëhijarue höjo. Majëhijego jemëro bogo ejahuaruje höjo.

<sup>12</sup> Sa'a hesi mu jö majëhijodoho jemë bogo maho uehorovevaruje höjo. Èhuni ö'idö hesi mu jö majëhijë'oho jemë diehi'oromo mae uehorovevorëjo.

<sup>13</sup> A ioro'ioroho bogo ö'idöroho ajo raromoruomade höjo. God-are A Maho ö'idöre jioromo ruvebijodoho naru gemuëro ëho hijode höjo.

<sup>14</sup> Röhu urimë'i Moses-ro a rumo'e sa'are hiromo sigobu va'ëne inömo ma-mabëhe avohoromo ijore bamoromo a jabesi nunire banigojiomade höjo aëro ëho garomo mae raromonövoröhego. Sigobu va'ëne inömo banigojiomadëhi God-ro bamë'ëro aëro ëhi hesi A Maho na a jabesi nunire banigojiomevo'aruëjo

<sup>15</sup> Èhuro ae rahu na mae uehorovë'öho i'e rahanovoromo ma-ioro'ioremu maro raromo'iröhego.

<sup>16</sup> Sa'ae dinö'e dinö'e God-ro dë vövöbajo'e aho'o uehorovavuadeje. Uehorovavuoromo hesi Harihu gemu'oho bojamuijadeje èhuro ae rahu Harihu mae uehorovë'ohuro èhuro bogo sisëroho va'i ma-ioro'ioremu maro raromoröhego.

<sup>17</sup> God-hu hesi Harihu sa'are nugö'öjade hesi bëhoho bogo nosi sisëho garomo sisëroho bamavuo'i a'i ajamuiromomo maro ramuo'iröhego èhuni nugö'öjadeje.

<sup>18</sup> Ae rahu Harihu mae uehorovë'öho bogo sisëroho va'o hesije. O bogo ma uehorovë'öho mami'e sisënö bamë'eje ë hesi bëhoho hu God-are Harihu gemu'oho bogo ma uehorovë'ëgo.

<sup>19</sup> A sisënö bamëvaje hesi öroho aviëhije. Ajohuro sa'are rovë'eje. Rovë'e jiamu aëro ajoho bijönimo'i ramoramoho nimoruomadeje mu sisëmu vaejaruëro jië'ëro.

<sup>20</sup> Ae rahu mu sisë vaejë'öho ajoho garomo bijönimoromo bogo bëhiroho rovajeje hesi mu sisëho va'orahoro jiojëni.

<sup>21</sup> A'i ae rahu mu ma vaejë'öhuoro aji bëhire rovajeje huhu God-are jö ejahoromo mu vaejajoho ëho samaro jioröhego.

*John-hu Iesuare jö majëhijade jöhoje.*

<sup>22</sup> Èhi'amu Iesu'o hesi ijorajo ömo'ömo'u'öho ëho jaburo Judea sa'are va'areje. Va'oromo huro jabu'öho hiromo ae bapataeto vaejëvonövadeje.

<sup>23</sup> Bapataeto vaejëvo'i John-ro Aenon sa'are Salim amo bëhire hiromo hu'öho bapataeto vaejëvonövadeje ë dirö'öho jove aho'obëhe jië'ëro. Bapataeto vae'ëgo ae aho'obëhe ë rueromo vaenövareje

<sup>24</sup> È hesi bëhoho John bogo guduamoromo savoji gagoroho ba'amë'ëro ijönö ba'amo'iröhego.

<sup>25</sup> John-ro bapataeto ëhi vaejëvamu hesi ijorajo ömo'ömo'u'öho Jew rajo ae gö'o jö aho'ahamirovoromo uarovareje: Jovehu sisë u'ö'iröhe öroho ëhi èhi höjo.

<sup>26</sup> Jöho ëhi aho'ahamirovoromo John-are ijorajohuro va'oromo John uavareje: Tisa Jordan jovo ioro'iorore ja'öho hijamu jaehu hesi jö majahuijanoho ë ahuro jasi muoho vajiohunö'e baeromo bapataeto vaejëvego jabu ae aho'obëhe hesirire va'oruomaje höjo.

<sup>27</sup> Va'oruomaje höjamu John-ro uëvadeje: Röhu aehu nosirire rueruomë'öho o muehu o rabehu rabehu rovë'öho bogo ëma rovego bae'i a'i God-ro bojamuijago baearue höjo.

<sup>28</sup> Jemë mami'e hejarije höjo naru jemë uëvamu: Böröme namiromomo ajëmi'irode aho bogo naehu jevajëjo. A'i God-ro na urimo remö'öjamu rovë'e jevajëjo ë ahuro ijore rueröhego.

<sup>29</sup> Èa hesi jöho uhunö'e majëhi'ie'ajëjo. I'ö masuröhe aho huro gemuëro vaboroho bae'a'ajëjo. O ë a hesi aemo'aemohuro namiromomo mu'öjamiromomo heröhe masuröhe aho jöe jövavamu hejë'öho nimoroho'ajëjo. Nimoroho'iröhëhi jemëhu uevaruje a hesi mu jöho heromo na nimorohevo avohajëjo.

<sup>30</sup> God-ro ëhi nimo'ëgo ë a hesi ihoho ajiomo'i nasi ihoho abuejajëjo.

*Iesuhu ö'idöre jioromo ruvebijë'ëro jö börömo majahujaje jöhoje.*

<sup>31</sup> John-hu majëhijadëhi iae ëhije. Döre jioromo ruvebijade ahuro ae aho'obëhe iosiramuiromomo börömohego. Bogo döre jioromo ruvebi'i a'i ma-sa'are rahëvare aribövioho jabumë ma-sa'aremu raromarue ariböviero jëvë'ëro sa'a hesi jöhemu majahuijarueje. O ö'idöre jioromo ruvebijade ahuro aho'obëhe iosiramuiromomo hu börömohego.

<sup>32</sup> Börömohego jië'ëro garomo ejade jöho huro ae majëhijajeje. Majëhijego hesi jöho aho bogo ejaharueje.

<sup>33</sup> Röhu ae rahuro hesi jö ejahë'öho èhuro uvarueje: Iae mae-ëjo God mae höjo.

<sup>34</sup> Èhesi bëhoho God-hu nugö'öjade ahuro God-are jöhuremu jövajeje. Rabëni hesi bëhoho God-ro hesi Aru'ahoho bojami avohego dë vövöbajo'e rarovahego jöho jövajeje.

<sup>35</sup> Vavuohuro Harihuo rajahijajeje. Rajahiromomo bövie bise'e hesi övore bamë'eje.

<sup>36</sup> Ae rahu Harihu mae uehorovë'o ho ma-ioro'ioremu maro hijajeje. O ae rahu Harihu bogo ejahë'o ho bogo maro hi'i God-ro hesi örire dë vöronimemu vöronimajeje.

## 4

*Iesuhu Samaria rajo magonahohu'o jö jövadohoje.*

<sup>1</sup> Iae Pharisee ariböviohuro hejareje aëro uvoruomamu: John rinëgoromo bapataeto vaejövobe rovaje aho ma-jianovo'i Iesuhu rinëgoromo bapataeto vaejövobe rovaje aho börömo ho jö.

<sup>2</sup> Èhi hejareje röhu Iesu bogo hesi övoho bapataeto vaejövö'i a'i hesi ijarajoho jaburo ë'areje.

<sup>3</sup> Amo Iesuro hejade uvavamu: Huhu ë'aje muohuro John hesiroho iosiramijë'e jöho Pharisee ariböviohuro hejë'e hö uvavamu hegoro Judea sa'aho vuonugo'i vuonorö'öromo Galilee sa'are ajiomo'i va'adeje.

<sup>4</sup> Galilee ajiomo'irögoro Samaria örero va'adeje hesi muëro jië'ëro.

<sup>5</sup> Va'oromo Samaria sa'are ajiomoromo amo ihe Sychar ë rovadeje. Röhu Sychar amo bëhire jiaje sa'aho urimë'i a mami ae Jacob-ro hesi hariho Joseph bojamijadeje. Èsa'anö Iesu rovadeje.

<sup>6</sup> Rueromo maja ririvanovë'iro öri ëgoböviro rovë'ëro u'uvamu hegoro Jacob-mëhu jövëni umare gua bëhire hijadeje.

<sup>7-8</sup> Hesi ijarajoho jabu ie imo'i amore va'ë'ëro hesi sivue hijadeje. Hijamu iae Samaria sa'a rajo magonahe gemuëro jove vuo'i rovadeje. Rovamu gagorovo Iesuro uavadeje: Jove vuo bojemego na ijöjo.

<sup>9</sup> Jove bojemego na ijöjamu rue magonahohuro uavadeje: Ja Jew raje javo'i na Samaria rajo magonahe jevajëjo. Èhu'o ho rabëni jovo jöho ue gevanuëjo. Èmagonahehu ëhi uavadeje hesi bëho ho Jew rajohuro uvoruomajeje: Samaria rajo jabesi ano sabo'e hevöho enatuoho unoho ioho bogo i'ëjarëjo. Jew rajehu ëhi uvoromo ömaruëhi Iesu bogo ëhioho ömë'ëro ëhu'ëro magonahohuro uavadeje: Rabëni jovo jöho ue gevanuëjo.

<sup>10</sup> Ue gevanuëjamu hegoro Iesuro uavadeje: God-hu a bojëmijaje suvoroho jero bogo gavanuëjo. O naehu jovo bojemijöro ua gavaje aho jero bogo gevanuëjo. Ge'ibejanëjo ja ue ge'ibejanëjo nara a i'ovëvaje jovoho bojami'ibejöjo iromo maro hi'iranego.

<sup>11</sup> Bojami'ibejöjamu magonahohuro uavadeje: Iae mae höjo röhu jovo vuoromo bojami'irane hevöho bogojavajëjo. Röhu jovo vuo'irane guaho ëgobövi mae jio abuejajëjo. Èhi jië'o ho ja diehi'oromo a i'ovëvaje jovoho vuo bojeminëjo.

<sup>12</sup> Nosi hije bövi mae Jacob-ro ave jovo vuarue guaho bojamuijade höjo. Hu'o hesi harihu ömo'ömo'u'o ëho jaburo ave guare rueromo jovoho vuoromo ue'ahë'i jabesi mioho mio'amonövare höjo. Na jero Jacob iosiramiro mo börömo ho javajëromo ëhu'ëro jero a i'ovëvaje jovoho vuo'irane jio uevanuëjo.

<sup>13</sup> Uevanuëjamu uavadeje: Ae rahu ave jovo ue'ahë'o ho huë girihëvo'iramu röhu maho gö'to i'i nimonövo'arujëjo.

<sup>14</sup> O naehu jovo mëmamu ue'ahë'o ho huëho bogo girihëvo'i ioro'iore gemu ma-maemu jioruomö'ajëjo. Èhesi bëho ho nara jovoho bojami'iramu nasi jovo mahuro jabesi dë vövöbajö'ere jövëro bubujivanovo rojomëvo'iramu ma-ioro'iore gemu maro raromö'aruëjo.

<sup>15</sup> Raromö'aruëjamu magonahohuro uvadeje: Mae jovo jöe jövajëromo uavadeje: Iae mae höjo. Èhi jië'e jovoho bojemego na ijöjo. Iromo ijönöho huëho bogo girihevego aveho bogo rueromo jovoho vuo'irode höjo.

<sup>16</sup> Bogo vuo'irode höjamu Iesuro uavadeje: Va'oromo jasi baruo ho uaromo hu'irae baruenëjo.

<sup>17</sup> Baruenëjamu rue magonahohuro uavadeje: Baru rumo'e jevajëjo. Baru rumo'e jevajëjamu uavadeje: Iae mae uevanuëjo: Baru rumo'e jevajëjo.

<sup>18</sup> Urimo baru masu nugobe rovanoho aho'obëhe övo gö mine höjo. Avevejö'e garomo hijanuoho ëho bogo jasi baruo ho höjo. Èhuni ja mae uevanuëjo.

<sup>19</sup> Mae uevanuëjamu rue magonahohuro uavadeje: Iae na gavajoho ja jö God-aro baeromo majahuijanue ae javajëjo.

<sup>20</sup> Èhuni ave jöho uevego na hejöjo. Nosi Samaria hijo miono'o ömo'ömo'huro rue dahorure iojioromomo God rajahibe rovë'e höjo. Röhu Jew rajoho jemëro uvaruje höjo: Jerusalem amohuremu rojomoromo God rajahinövorëjo. Di öri ari'o ho maho höjo.

<sup>21</sup> Maho höjamu uavadeje: Röhu ave nasi jöho mae uehorovëjo. Majae ijönöho aho bogo rue dahoruro ho o Jerusalem amoroho Vavuho rajahiruomö'ajëjo.

<sup>22</sup> Samaria rajoho jemëhu rajahijaruje bēhoho bogo gavē'e ēma ē'aruje hōjo. Rōhu Jew rajo noehu rajahijaruoho noro avoho garomo ē'aruje hōjo. Rabēni hesi bēhoho God-hu a manō babamēvo'irōhe muoho Jew rajo nosirire aevē'ēro jiē'ēro ēhu'ēro noro ōroho avoho garomo God rajahijaruje hōjo.

<sup>23</sup> Majae gō rue'ie'ajējo. Rōhu mami'e rovanovē'e hōjo. Evare majare aehu uhohu'o God rajahijē'oho God-are Aru'ahoho baeromo Vavuoho avoho uehorovoromo ēhi rajahi'aruējo. Vavuohuro iae nimajējo ēhi jiē'e aribōviahuro hu rajahinōvorōhego.

<sup>24</sup> God hu aru'ahe hōjo. Ēhuni ae rahu God rajahijē'iroho hesi Aru'ahoho baeromo God avoho uehorovoromo rajahi'aruējo. Ōre gō bogohōjo.

<sup>25</sup> Bogohōjamu rue magonahohuro uavadeje: Iae na gavajējo. Bōrōme namiromo ajamui'irōhe aho Keriso iae rue'a'ajējo. Rueromo jōe aho'obēhe huruoho majahui barē'ajējo.

<sup>26</sup> Majahui barē'ajējamu Iesuro uavadeje: Jaehu uvanue aho iae na aviae jevajējo ja'o jō jōvajoho.

<sup>27</sup> Ēhi uavamu gavē'i Iesuare ijorajoho jaburo vuonorō'ō rovareje. Rue'i gavare Iesuro magonaho'ō jōe jōvamu gagorovo tiōjēvadeje. Tiōjēvamu rōhu aho Iesu bogo uavareje: Ja rabe nagajējo. O bogo uavareje: Ja rabēni hu'oho jōho jōvanuējo.

<sup>28</sup> Ēhi'amu magonahohuro ri'ōromo jovo'e hevōho ē nugo'i amēro va'adeje. Va'oromo ae uēvadeje:

<sup>29</sup> Rueromo ae gemu gahējo. Naehu bōvi bise'o ōmode jōho huro majehijamu hejē'e jevajējo. Na ē aho bōrōme namiromo ajamui'irōhe aho hōjo o rahuo hōjo.

<sup>30</sup> Ēhi uēvamu amoho vuonugo'i Iesu ga'i ōrire rueruomadeje.

<sup>31</sup> Ēmagonahohuro ēhi ē'irōgoro Iesuare ijorajoho jaburo ioho imē'ēro uavareje: Tisa ie ijējo.

<sup>32</sup> Ijējamu Iesuro uēvadeje: Iae nasi ie jiajējo. Rōhu jemē bogo gavarujējo.

<sup>33</sup> Bogo gavarujējamu rueho jaburo uarovareje: Na aēro ioho ba ro bojamijare hōjo. O dinō'e baejade hōjo.

<sup>34</sup> Ēhi uarovamu Iesuro uēvadeje: Ēho na bogo i jōho uē'iro a'i Vavuehu sa'are remō'ōromo nimaje jōho naro ejahoromo huhu bojemade muoho vae barējēgo ēhuro inō'e da'uegaje hōjo.

<sup>35</sup> Jemē'o uehorovohējo. Jemē atoromo ēhi uvaruje hōjo: Manaere ēhi niō'i ēhi niō'i mueberomo iruno'oho mavo'iramu evare gagovo'ejarējo. Rōhu aveho hehējo. I'o mu'oho ruē numē uherihoromo gahējo. Iruno'oho iae mavo'amē'e hōjo gagovo'amo'irōhego. Ēhi uēvade jō hesi bēhoho bogo iruno'ō jōho jio'i a'i Samaria rajae ae aho'obēhe magonahohuro uēvē'ēro Iesu ga'i ōrire rueruomade jōhoje.

<sup>36</sup> Rōhu uhu jō hesi vituoho majēhiromo uēvadeje: Gagovarue aribōviahuro aviavejō'e jabesi suvuoroho ujuohoromo aribōviahuro iruno'ō va'ēne gagovēvaruējo jaburo maiorō'ioremu maro raromorōhego. Ēhu'ēro iruno'e bamarue aribōviahuro'ō gagovarue aribōviahuro'ō ma-gemuoro nimorohoruomo'ajējo.

<sup>37</sup> Rōhu ave jōhu'ō atoromo uvarue hōjo: A ioro'iorohuro iruno'oho bamego a ioro'iorohuro gagovarue hōjo. Ējōho iae mae hōjo.

<sup>38</sup> Naro jemē rēmō'ōjode hōjo i'u'e mu bogo vaejarijire ē va'oromo ma-gagovo'irarijēgo. Hesi a ioro'iorohuro i'u'e muoho ē vaejamu jemēro jabesi mu vituoho baejē'ēro ae magagovēvo'ie'arujējo nasinō jēvojōro.

<sup>39</sup> Ēhi'amu Samaria sa'a rajo aribōvie ē amore raromaruohuro hejare magonahoho uēvamu: Naehu bōvi bise'o ōmode jōho majehijamu hejē'e jevajē uēvamu hegorovo ae aho'obēhe Iesu mae uehorovareje.

<sup>40</sup> Mae uehorovoromo rueromo Iesu uavareje: Ro nosi amoro no'ō hijējo. Hijējamu Iesuro va'oromo majae niō'i jabu'ō hijadeje.

<sup>41</sup> Hijamu urimo ae aho'ō magonaho hesi jōho heromo mae uehorovē'ēro hejare Iesuro jōe majehijamu hegorovo ae gō gō aho'obēhe mae uehorovareje.

<sup>42</sup> Mae uehorovoromo magonahoho uavareje: Urimoho jasi jōho heromo Iesu mae uehorovare hōjo. Jaruvoho bogo ēhonioho mae uehorovo'i a'i nosi hia'ēro hejare Iesuro jōe majahuijamu hejē'ēro ēhu'ēro noro mae garomo uvarue hōjo: Iae mae-ējo. Ēaho sa'ae dinō'e dinō'e raromarue aribōviahuro manō babamavuaaje aho hōjo.

*Gavamen mu vaejaje a hesi harihu hesi sino Iesuhu ajamamu marējade jōhoje.*

<sup>43</sup> Ēhi uavamu Iesuro ē amore hiromo majae niō'i barējamu gagorovo va'adeje. Va'oromo Galilee sa'are ajiomadeje.

<sup>44</sup> Urimē'i Iesuro ae majēhiromo uēvadeje: Jō God-aro baeromo majēhijarue aribōvioho ēhi jiē'e aribōvioho nosi sa'a rajohuro bogo masijoho hōromo maho uehorovavuoruomaje hōjo.

<sup>45</sup> Rōhu va'oromo Galilee sa'are rovamu gagorovo ē sa'a rajohuro hu rajahiruomadeje ē hesi bēhoho mami'e sōrōho i'i Jerusalem va'oromo gavare Iesuro darugo'e mu masijoho vaejumu gavē'ēro.

<sup>46</sup> Rajahijamu Iesuro Galilee sa'are hiromo rōhu maho va'oromo Cana amore hōrōjadeje. Urimē'i huro ē amore hiromo jovo maho baeromo avohamu wine-rējadeje. Ēamore rōhu maho rovadeje. Rōhu gavamen mu vaejaje aēro ē sa'ae gemuore hijē'e jiadeje. Sa'ae gemuore Capernaum amore hi'i hesi hariho guomo guome baeromo hu'o hijadeje.

<sup>47</sup> Hijamu vavuohuro hejade uvavamu: Iesuro Judea jioromo Galilee ro hijajē uvamu hegorovo ajio Cana hōrōromo Iesu uavadeje: Nasi hariho guomeho'iē'ajējo. Ēhuni na'o ruvebiromo anume Capernaum amoro ajamego mae jio'irajo.

<sup>48</sup> Mae jio'irajamu Iesuro uavadeje: Na jemē nasi darugo'e mu masijoho garomo mae uehorovevo'i ēhuni na bogo maho uehorovevaruje hōjo.

<sup>49</sup> Uehorovevaruje hōjamu rue vavuohuro uavadeje: Iae ēhi hōjo rōhu ruvebiromo ajamijējo. Jue'i guomo'iē'ajējo.

<sup>50</sup> Guomo'iē'ajējamu Iesuro uavadeje: Va'ējo. Jasi hariho iae i'ovoromo hi'iē'ajējo. Hi'iē'ajējamu hegorovo rue vavuohuro jōho mae uehorovoromo abuejadeje.

<sup>51</sup> Abuejamu gagorovo hesi mu vaejarue aribōviohuro rueromo ōrire bihoromomo uavareje: Jasi hariho iae i'ovoromo hijajējo.

<sup>52</sup> Hijajējamu uēvadeje: Maja raburo jue'i i'ovade hōjo. I'ovade hōjamu uavareje: Nēri jeni'e majae huotorovamu gavē'i evare hesi sino dajo'e vōrō'iraejadoho u'uhade hōjo.

<sup>53</sup> U'uhade hōjamu rue vavuohuro uehorovoromo uvadeje: O majae ēhi gemuoho jiamu gavē'i Iesuro uevade hōjo: Jasi hariho iae i'ovoromo hi'iē'ajēromo hu'o hesi ō mueno'e aho'obēhe jabu'o mae uehorovareje.

<sup>54</sup> Rōhu urimē'i Iesuro Judea sa'are jioromo Galilee rueromo evare bēhi'e mu bōrōmo gō vaejadoho avevejō'e jō jōvamu a bōrōmo hesi harihu i'ovadoho ēho bēhi'e mu gōho jiadeje.

## 5

*Iesuhu jovo rirōre va'oromo a hesi sino ajamamu marējade jōhoje.*

<sup>1</sup> Ēhi'amu Jew rajehu God uehorovoromo sōrō ijarue majaho gemu rovadeje. Sōrō majaho rovamu Iesuro Jerusalem ajiomadeje.

<sup>2</sup> Rōhu Jerusalem amo bōrōmo oje gemu hesi ihoho Sheep Ojohoje. Ēojo hesi bēhire jovo e'ue gemu ruhijē'eje. Ējovo hesi ihoho Hebrew huēhu uvaruoho Bethzatha-je. Rōhu ē jovo hesi ruhēhi numēhi ionire ionire ririre javu ēge ōvo gō mine jio'ame. Javuoho bogo iromē'e ma-dōhemu vaeromo ēhi ma-gagemu nugo'amē'ejō ē raromonōvorōhēni.

<sup>3</sup> Ējavuore guomo guomo'e ae aho'obēhe raromonōvareje. Nuni sisē'e hōru sisē'e ōvo hōru'o tövē'e ēhi jiē'e aribōvioho ē raromoromo [muebejareje jovoho avadu'avaduvorōhego.

<sup>4</sup> Ēhesi bēhoho Badare anerae gemuēro majae gō gō ē jovore abueromo jovoho huoto-huotovo'ego avadu'avaduvonōvadeje. Avadu'avaduvo'ego guomo guomo'e aribōvioho di aho urimo jovore abuejadoho marēnōvadeje.]

<sup>5</sup> Iae ae gemuēro ē raromadeje. Guomo guomo maminō gō'e baeromo ēhi jiobe rovadoho vadune aho'obēhe 38 barējē'e jiadeje.

<sup>6</sup> Ēraromamu Iesuro hu gavadeje. Garomo uvadeje: Ēaho guomo guomo baejadoho majae ēgobōvie barējē'e hōromo uavadeje: Na ja marējavojōro nagajējo.

<sup>7</sup> Marējavojōro nagajējamu rue guomo guomo'e ahuro uvadeje: Na aemo'aeme bogojevē'ēro jovo avadu'avaduvē'iroho bogo baejovoromo jovoroho ba'amevarue hōjo. O na jovore abue'iē'iroho ae gōēro na iosiremiromo urimo abuejaje hōjo.

<sup>8</sup> Urimo abuejaje hōjamu uavadeje: Ri'ō namiromo raromanue suhoho banigojiomoromo baeromo juvējo.

<sup>9</sup> Juvējamu ē aho ma-burēro marējadeje. Marējamu hesi suhoho banigojiomoromo baeromo juvo va'adeje.

Ēhi ē'adeje rōhu ē majaho Jew rajehu mu bogo vae'i nuharue majaho jiadeje.

<sup>10</sup> Nuharue majaho jiamu gagorovo Jew rajo a masijohuro gavare ē ahuro suhoho bava'amu gagorovo uavareje: Jaruvo nosi nuho majae hōjo. Ēhuni ja suhi baeromo juvanuocho ēho jero nosi jōgoroho ahanuējo.



<sup>11</sup> Ahanuējāmu uēvadeje: Rōhu ajemāmu marējevade ahuro uevade hōjo: Jasi suhoho banigojiomoromo baeromo juvė uevadohuni ēhuni baeromo juvajėjo.

<sup>12</sup> Baeromo juvajėjāmu uavareje: Raro ēhioho uavade hōjo.

<sup>13</sup> Ēhi uavāmu rōhu dadivāmu bogo uēvadeje rabėni ae aho'obėhe jovo rirōre tagavāmu Iesuro ajamiromo va'ē'ero jiē'ero.

<sup>14</sup> Ēhi ē'ē'ero Iesuro God-are amo bōrōmore va'oromo ē aho bihororomo uavadeje: Hejėjo. Iae mami'e marėjavė'e jiaje ijoho nadi mu sisėho vaenėjo. Urimo huė vavaene ma-bisemu baejanoho rōhu ijonōho bōrōmo bėhe bae'a'ānuėjo.

<sup>15</sup> Ēhi uavāmu hegorovo rue ahuro va'oromo Jew rajo a masijoho uēvadeje: Ajemāmu marējevade aho Iesu hōjo.

<sup>16</sup> Iesu hō uėvāmu hegorovo Jew rajo a masijohuro uvareje: Iesuro ē muoho nuho majaro ōmade hō uvoromo dē vōrōnimoromo aevoromo Iesu huė vavaene bojami'i arijareje.

<sup>17</sup> Huė vavaene bojami'i arijāmu Iesuro uēvadeje: Nasi Vavuoho bogo nuho'i a'i ma-muemu vaemu vaejogo na'o ēhi ē'aje hōjo.

<sup>18</sup> Ēhi uėvāmu hegorovo rue a masijohuro uvareje: Nuho maja hesi jōgoroho ahė'e hōjo. Rōhu gōho hu uvajėjo: God nasi Vavu mae hōjo. Ēhu'ero hu uvoromo ē'ajėjo: Na God'o gemuoho jevajėjo. Ēhi uvoromo ēhuni jaburo uehore aho'o ma-gemu baeromo uvareje: Iaho ano'ejarėjo.

*God-are Harihehu God-are darugo baeromo mu vaejaje jō Iesuhu jōvadohoje.*

<sup>19</sup> Ēhi uvāmu Iesuro jōe majėhiromo uēvadeje: Ave jōho na jō mae uē'i'ē'ajėjo. God-are Harihu naehu nasi sivu mu vae'irodoho bogo eni jevajėjo. A'i Apohu vaejogo gavaje muohemu vaejaje hōjo. Apohu vaejajėhi Harihoho naro ēhi gemuoho vaejaje hōjo.

<sup>20</sup> Ēhesi bėhoho Aporo Harihoho na uehorovevoromo huhu mu bōvi bise'o vaejajoho ēho rōjehijaje hōjo. Rōhu ē mu rōjehijajoho u'emu iosiramiromo masijo maho rōjehi'a'ajėjo naro vaejogo jemėro garomo tiōromo uvo'irarijego: Mabėhe ē'ajėjo.

<sup>21</sup> Vavuehu vuovė'e aribōvi ajėmijego i'ovaruėhi ēhi Harihoho na'o vuovė'e ae rahu ajėmi'i negė'oho ajėmego i'ovaruė hōjo.

<sup>22</sup> Vavuohuro aho bogo mevoromo gėvaje hōjo mae o sisė jio'amego a'i mevoromo mae o sisė jėvego gė'irode muoho Vavuohuro Harihu nasi ōvore bamo barėjė'e hōjo naro ē muoho vae'iodego.

<sup>23</sup> Naro vaejogo ae aho'obėhe Vavu rajahijaruėhi Harihoho na'o ēhi rajehiruomorōhego. Ae rahu Harihoho bogo rajehijė'oho ēhuro Vavue remō'ojadohu'o bogo rajahijarue hōjo.

<sup>24</sup> Ave jōho na jō mae uē'i'ē'ajėjo. Ae rahu nasi jō heromo sa'are remō'ojade aho mae uehorovė'oho ma-ioro'ioremu mae raromo'irōhe ōrire jijihoruomaje hōjo. Mae raromo'irōhe ōrire jijihobe va'ojuvu mevoromo gė'irode majaho rue'iramu God-are i'uoho bogo baerumo'ajėjo vuovo ōrire jijiharoho mami'e vuonugo'i i'ovo ōrire jijiharuero jiē'ero.

<sup>25</sup> Ave jōho na jō mae uē'i'ē'ajėjo. Majaho rue'a'ajėjo. Rōhu mami'e rovanovė'e hōjo. Evare majare vuovėvė'e aribōvie gōero gōero he'a'aruėjo God-are Harihoho naru uvavo'iramu. Ae rahu Harihu naehu uvāmu hejė'oho vuovo ōrire jijiharuoho vuonugo'i i'ovo ōrire jijiharu'aruėjo.

<sup>26</sup> Vavuehu ae uėvego i'ovaruėhi huro na ajėmijė'ero Harihoho na'o ēhi uėvego i'ovaruė hōjo.

<sup>27</sup> Vavuohuro ēhi ajėmiromo rōhu jōho bojėmijade hōjo naro ae mevēvoromo gė'irodego mae o sisė jėvego rabėni na hesi A Maho jevė'ego.

<sup>28</sup> Ējō hejarujoho nadi tiōrėju. Majaho rue'iramu evare ae aho'obėhe hure raromaruo-huro herōhe naru uvavo'iramu

<sup>29</sup> hegorovo hure jioromo suorovorumo'ajėjo. Suorovoromo mu ma vaejare aribōviohuro ri'ōromo ma-ioro'ioremu maro raromo'irōgoro mu sisė vaejare aribōviohuro ri'ōromo naru mevėvo gėromo i'ue mana bojėmi'iramu sisėro va'oruomo'ajėjo.

*Rabe rabe garomo heromo ēhuni uvo'ejo: Iesu mae hōjo. Ēhesi jōhoje.*

<sup>30</sup> Naehu nasi sivu mu vae'irodoho bogo eni jevajėjo. Vavuehu uvego hejajėhi na ēhi mevēvoromo gėvaje hōjo ae mae o sisė jėvego. Bogo ēma mevėvo'i a'i mae mevēvoromo gėvaje hōjo rabėni hesi bėhoho nasi nimajoho bogo uehorovo'irōgoro a'i sa'are na remō'ojade aehu nimajoho uehorovajėro jiē'ero. Iae ēhuni avoho mevēvoromo gėvaje hōjo.

<sup>31</sup> Naro nasi sivue nasi jōho huruoho majėhijego he'ibejarijėjo nani aėro uvo'ibejarijėjo: Sarere hōjo.

<sup>32</sup> Rôhu bogo nasi sivuoho jövo'i ae gö na ömego gevajohuro jövo ajemiromo uévaje höjo: Nörö jö mae jövaje höjo. Iae na gavajoho ë aho hu jö maemu jövaje höjo nasi Vavuohuro jië'ëro.

<sup>33</sup> Mami'e jemëro jemesi ae rëmö'øjamu John-are örire va'are höjo. Va'oromo hejare höjo huro jö ma hesi jöho mae majëhijamu.

<sup>34</sup> Èhesi bëhoho nasi jöho majëhijade höjo. Na ëhi uévaje hesi bëhoho bogo aëro nasi jöho ajemiromo majëhijöro nego'ego uévajëjo. A'i ëhi uévaje hesi bëhoho jemëro ejehoromo bogo sisëroho va'i maro va'irarijego ëhuni uévajëjo.

<sup>35</sup> Rôhu John-ro irehu höduvoromo ajivavuajëhi huro ëhi ajivëvonövade höjo. Èhi'amu majae ma-bunemu nimarije höjo hesi ajire raromogoro nimoroho'irovo.

<sup>36</sup> John-hu nasi jö majëhijamu hejarijoho iae mae höjo rôhu ëho ma-jianovo'i Vavuuhu bojemego vae'amaje muoho ëho masijoho höjo. Èho garomo uvo'ibejarijëjo: Iae mae-ëjo. Vavuohuro nörö nugö'øjamu rovë'e höjo.

<sup>37</sup> Rôhu Vavue na sa'are rëmö'øjade ahuro hu'o ajemiromo nasi jöho majëhijë'e höjo. Hesi huëho jemë bogo heromo nu ano'o'oho bogo gavë'e jëvajëjo.

<sup>38</sup> Hesi jöho jemesi dë vövöbajo'eroho bogo'e höjo rabëni huhu rëmö'øjamu rovode aho na bogo ma uehorovevarujëro jëvë'ëro.

<sup>39</sup> Rôhu jemëro uehorovoromo uvaruje höjo: God-are surire jö adahë'o'oho noehu ma-ioro'ioremu mae raromo'iröhe öroho biroho'ejarëromo ë hesi öroho naho'irögoro suroho adaho avoharuje höjo. Rôhu nasi jöho jemëhu adaharuje surire iae ë jajivë'e höjo.

<sup>40</sup> Nasi jöe ë surire jajivare höjo rôhu jemëhu ë jö eromo nasirire rueromo ëhuro mae raromo'irarijoho bijönimaruje höjo.

<sup>41</sup> Ma-aehu nasi iho döre bamëho'irarijoho ëho na bogo uehorovoromo jövajëjo.

<sup>42</sup> Rôhu jemesi dëho iae na gëvajëjo. God-are öriroho jemesi dë vövöbajo'eroho bogo uehorovaruje höjo.

<sup>43</sup> Naro nasi Vavu hesi ihore rovode höjo. Rôhu jemëro bogo ejeharuje höjo. Ae göehu hesi ëma rovë'o'oho ëma ejëho'arujëjo.

<sup>44</sup> Jemë nimarujëjo jemesi ariböviëro jemesi ihoho döro bamëhojöro. A'i God gemu eni jië'e aehu jemesi iho döre bamëhoröhe ë hesi öroho bogo naho gavaruje höjo. Bogo naho gavë'o'oho jemë diehi'oromo na mae uehorovevorëjo.

<sup>45</sup> Rôhu nadi uvorëjo: Nöröro hesi Vavu hesi örire nosi jö sisëho huruoho majahi'ajëjo. Na bogo ëhiho ë'ejëjo. A'iro Moses-ro jemesi jö sisëho huruoho majahi'ajëjo. Jemë uvaruje höjo: Moses-ro ajamui'iramu mae raromo'ejare uvaruje höjo rôhu hesi jöho bogo ejaharuje höjo. Èhuni huro huruoho majahi'ajëjo.

<sup>46</sup> Èhesi bëhoho jemëro Moses-are jöho ejaho'ibejarijëjo nasi jöhu'o ejeho'ibejarijëjo. Huro nasi jöho jajivë'ëgo ëhuni uévajëjo.

<sup>47</sup> Rôhu huhu jajivo'amade jö bogo ejaharujoho jemë diehi'oromo nasi jöho ejehorëjo.

## 6

*Iesuhu ae aho'obëhe 5,000 da'uojëhade jöhoje.*

<sup>1</sup> Èhi'onugoromo Iesumëro boat-re ajio raromoromo Galilee e'u döre e'u hesi iho göho Tiberias e'u ioni göre ë va'areje.

<sup>2</sup> Va'amu ae aho'obëhe mae Iesuro darugo'e muoho vaeromo guomo guomo'e ae ajëmamu mami'e gavë'ëro Iesu ijore rihioromomadeje.

<sup>3</sup> Amo Iesuro hesi ijorajo ömo'ömo'ho söjëvo ujuohoromo dahorure ajiomoromo jabu'o ë hijadeje.

<sup>4</sup> Èmajaho God-hu Vörö Tugohade Majaho Jew rajo jabesi söro majaho dunovadeje.

<sup>5</sup> Evare majare Iesuro dahorure hiromo uheriho'i gavadeje ae aho'obëhe ijore rojomoromamu. Rojomamu gëgorovo Philip uavadeje: No din'ë ioho imoromo ë aribövioho aho'o da'uojëho'ejarejo.

<sup>6</sup> Hu mami'e gavadeje rabe ë'iröhoho. Rôhu huro Philip uavadeje he'i Philip-ro diehi uavego.

<sup>7</sup> Amo ëhi ua gavamu Philip-ro uavadeje: Monie aho'obëhe 200 kina rôhu döre gö'o bu'öromo ie imoromo i'imëmi'ibejarëjo ae aho'o jië'ëro ma-bisemu bisemu ue'ahoruomo'ibejajo.

<sup>8</sup> Èhi uavamu Iesure ijoraje ae gö hesi ihoho Andrew Simon Peter-are öhuro uavadeje:

<sup>9</sup> Aharihe gemu iae höjo. Hu ie aho'obëhe 5 visue niö'i ëhi jiajëjo. Rôhu ja'o uehorovëjo ëho bogo eni höjo ae aho'obëhe jië'ëro.

<sup>10</sup> Ĕhi uavamu hegorovo Iesuro hesi aribövioho uëvadeje: Ae aho'obëhe uëvego sa'are raromarëje. Rõhu è dirõ'oho ma-garasiemu jië'e jiadeje. Ĕhi'amu ae aho'obëhe 5,000 rabu'e è raromareje.

<sup>11</sup> Raromamu Iesuro è aharihuhu ujuoho rovade ioho ujuohoromo God mae uaromo raromarue aribövioho i'imëmadeje. Ĕhi'oromo visuohu'o ujuohoromo Ĕhi gemuoho è'adeje. Ĕhi'amu è ariböviohuro dimino'e i'i nimarëhi Ĕhi ue'ahareje.

<sup>12</sup> Ue'ahoromo da'uëgamu gagorovo Iesuro hesi ijorajo õmo'õmoho uëvadeje: I vitu vituoho gagovorego bogo mae bogo mu'u'irajo.

<sup>13</sup> Ĕhi uëvamu ie aho'obëhe 5 ue'ahare è hesi vitu vituoho gagovoromo esõe aho'obëhe 12 irijiomamareje.

<sup>14</sup> Irijiomamamamu Iesuhu bëhi'e mu börõmo vaejadoho ae aho'obëhe garomo uarovareje: No muebejarue hõjo jõ God-aro baeromo majahuijaje a börõmohuro sa'are ruerõhego. Ĕaho jiajãjo.

<sup>15</sup> Ĕhi uvoromo rueromo Iesu ëma guduamoromo ua'irõgoro è'areje: Jero nosi börõmoho jionëjo. Ĕhi è'ia'amu gëgorovo Iesuro va'adeje. Va'oromo dahorure vuonorõõ ajiomoromo hesi sivue hijadeje.

*Iesuhu e'u dõre hõrehu va'ade jõhoje.*

<sup>16</sup> Majae beva'ia'amu Iesuarue ijorajo õmo'õmohuro e'u rirõre abuejareje.

<sup>17</sup> Abueromo boat-re ajio raromoromo Capernaum amore va'i jovo dõre va'areje. Va'amu vahiomëvadeje. Rõhu Iesu evaroho jabesiriroho bogo rovë'e jiadeje.

<sup>18</sup> Bogo rovamu gavareje buru börõmoho rue'ego jovoho hasajamu.

<sup>19</sup> Jovoho hasajamu jovo dõre huo'õbe va'aroho 5 o 6 kilometre ëmino'e va'aroho va'ihõ gavare Iesuro jovo dõre juvobe jabesi bëhire rovamu gagorovo juhuonivareje.

<sup>20</sup> Juhuonivamu uëvadeje: Na jevajëjo. Nadi juhuonivohëjo.

<sup>21</sup> Nadi juhuonivohëjamu hegorovo jaburo nimareje Iesuro boat gagore rojomõjõro. Ĕhi'oromo dinõ'e va'i nimarire è ma-burëro va'areje.

*Ae aho'obëhe Iesu biroho'i nahoruomade jõhoje.*

<sup>22</sup> Iesu'o hesi ijorajo õmo'õmohu'o Ĕhi jovo ioni gõnõ va'i a'i i'õ visu'o ue'ahare aribövie aho'obëhe mae jovo ioni gõnõ Ĕhi raromareje. Raromë'ero nërõ gavareje Iesu bogojiamu. Bogojiamu uvoruomadeje: Nërõho boat gemuero ave jovo rirõroho nami'i boat gõ gõ bogojiohijajo. Rõhu Iesu è boat-roho bogo va'i hesi ijorajohuremu va'oruomade hõjo.

<sup>23</sup> Ĕhi uvoromo gavareje boat gõ gõ Tiberias amore jioromo rueromo Bada Iesuhu Vavu mae uavamu i ue'aharinõ è ro riravamu.

<sup>24</sup> Boat gõ gõ ro riravamu gagorovo gavare Iesu'o hesi ijorajo õmo'õmohu'o bogojëvamu gëgorovo arue boat gõre gõre iojiomoromo Iesu naho'irõgoro Capernaum amore va'oruomadeje.

*Iesu i va'ëne jië'ero i'ovavuo'irõhe jõ Iesuhu jõvadohoje.*

<sup>25</sup> Va'aroho jovo ioni gõnõ va'o baboro beromo Iesu bihoruomadeje. Birohoromo uaruomadeje: Tisa ja divare aveho rovane hõjo.

<sup>26</sup> Divare aveho rovane hõjamu hegoro uëvadeje: Ave jõho na jõ mae uë'ië'ajëjo. Jemëhu na nahevaruje hesi bëhoho jemë bogo uehorovoromo uvarije hõjo: Nõrõro bëhi'e mu masijoho rõjahuijë'e hõ uvoromo èhunioho nahevo'i a'i jemë ie aho'obëhe ue'ahamu da'uëgaduhuni èhuni nahevarujëjo.

<sup>27</sup> Rõhu muduroho'irõhe iënioho nadi muoho vae'i a'i jiemu jiorõhe iohuremu uehorovoromo muoho vaerego ehuro ma-ioro'ioremu maro raromõ'irarije hõjo. Ĕioho God-are A Maho naro suvuorëmi'ejõjo rabëni God Vavuohuro a nuniro uevë'ego: Jasi muoho mae hõjo.

<sup>28</sup> Ĕhi uëvamu uaruomadeje: Ĕhi jië'oho no diehi jië'e muoho vaeromo ehuro God-hu nimaje muoho vae'amo'ëjarëjo.

<sup>29</sup> Vae'ëjarëjamu uëvadeje: God-hu nimaje mu vae'irarijoho aviëhi hõjo huhu sa'are remõ'õjade aho na jemëhu mae uehorovevo'irarijoho. Iae Ĕhi è'orëjo.

<sup>30</sup> Ĕhi è'orëjamu uaruomadeje: Rõhu ja'o ja mu rabe vaenëjo. Diehi jië'e darugo'e muoho õmo'iramu no garomo mae uehorovo'ëjarëjo

<sup>31</sup> Iae urimë'i nosi hijo miono'ohuro darugo'e muoho iae gavare hõjo. A rumo'e sa'are raromõ jjiharevare evare bogo ijarue i mabëhi hesi ihe manna ue'ahoruomade hõjo. God-are surire uvë'e hõjo: Ö'idõre jioromo ruvebijade ioho huro i'imëmade hõjo jaburo ue'ahorõhego.

<sup>32</sup> Ĕhi uavamu uēvadeje: Iae jemē uevarujējo: Ō'idōre jioromo ruvebijade ioho Moses-ro nosi hijo miono'oho i'imēmade hōjo ue'ahorōhego. Rōhu aveho na jō mae uēvajējo. Ĕjō hesi bēhoho avoho uehorovoromo uvorējo: Bogo Moses-hu mami'e bojēmade jōho jio'i a'i nōruare Vavuehu avevejō'e ō'idōre i ma bojamuijaje jōho hōjo.

<sup>33</sup> God-hu bojēmaje iohuro ō'idōre jioromo ruvebiromo birire bojēmego sa'ae dinō'e dinō'e i'ovoromo maro raromarue hōjo.

<sup>34</sup> Maro raromarue hōjamu uvareje: I ma hesi jōho jōvajēromo uavareje: No naguajējo jero majae Ĕhi ē ioho bojamuinōvo'iranego.

<sup>35</sup> Ĕhi uavamu uēvadeje: Rōhu ē i hesi bēhoho na i'ovēvajoho jevajējo. Ae rahu nasinō rovē'oho ijoho bogo hōmo'ajējo. Mae uehorovevē'oho ijoho bogo huēho giriho'a'ajējo.

<sup>36</sup> Rōhu na mami'e uēvode hōjo: Jemē na gevē'e jēvajējo rōhu bogo ma uehorovevaruje hōjo.

<sup>37</sup> Nasi Vavuehu ae rahu bojemijē'oho ē aribōviohuro nasi ōrire rueruomaje hōjo. Ae rahu nasi ōrire rovē'oho na bogo mae bogo uē'ejōjo: Rori'o va'ohējo

<sup>38</sup> rabēni naehu ō'idōre jioromo ruvebijode hesi bēhoho bogo nasi nimaje muoho ōmo'i a'i sa'are na remō'ōjade aehu nimajohemu ōmo'irodēni rovē'ero.

<sup>39</sup> Hu nimajējo huhu bojēmade aribōvioho na bogo ae gemu vadu'oho boremi'ō'i a'i muebejēvojuvo ijo tugoho'i majare naro ajēmego vuovoromo ri'ōruomorōhego.

<sup>40</sup> Nasi Vavuohuro aveho nimaje hōjo ae rahu Harihu na geromo mae uehorovevē'oho ma-ioro'iolemu maro raromoruoamorōhego. Ĕaribōvioho ijo tugoho'i majare naro i'ovēvo'iramu jabumē ri'ōromo raromo'aruējo.

<sup>41</sup> Rōhu Iesuhu ō'idōre jioromo inō'e rueromo a i'ovēvaje jōho Ĕhi majēhijamu hegorovo Jew rajo aribōviohuro dē vōrōnēgamu jōe sisē'i atoromadaje.

<sup>42</sup> Jōe sisē'i atoromo uarovareje: Ave iaho Joseph-are harihe hōjo. Hesi vēmu vavu'oho iae no gēvarue hōjo. Rōhu hu rabēni uvajējo: Na ō'idōre jioromo ruvebijē'e jevajējo.

<sup>43</sup> Ĕhi uarovamu uēvadeje: Nadi nasi jōho sisē'ioho atohējo.

<sup>44</sup> Aho bogo jabesi Ĕma rueromo na'oho raromo'i a'i nasi Vavue sa'are remō'ōjadohuro rinēgamu Ĕhuro nasirire rueruomē'oho eni jēvaje hōjo. A ioro'ioroho bogajo. Rovē'oho naro ijo tugoho'i majare i'ovēvo'iramu vuovoromo ri'ōruomo'ajējo.

<sup>45</sup> Mami'e jō God-aro baeromo majēhinōvare aribōviohuro jajivoromo uvare hōjo: God-ro ae aho'obēhe rōjēhi'iramu hesi jōho heruomo'ajējo. Ĕhi jajivē'e hōjo. Rōhu Vavuehu hesi jō rōjēhijamu ae rahu heromo ejahē'oho nasi ōrire rueruomaje hōjo.

<sup>46</sup> Ĕhi hōjo rōhu aho Vavuoho bogo gavē'e hōjo. God-arire jioromo ruvebijode aho naremuēremu Vavuoho gavē'e jevajējo.

<sup>47</sup> Ave jōho na jō mae uē'iē'ajējo. Ae rahu mae uehorovevē'oho mami'e aevē'ero ma-ioro'iolemu maro raromaruje hōjo.

<sup>48</sup> A i'ovēvaje ioho na jevajējo.

<sup>49</sup> Jemesi hijo miono'ohuro a rumo'e sa'are raromo jijihoromo bogo ijarue i mabēhi hesi ihe manna inōvare hōjo. Inōvare hōjo rōhu vuovēvade hōjo.

<sup>50</sup> A'i ō'idōre jioromo ruvebijaje ioho ae rahu ijē'oho Ĕhuro bogo vuovēvo'ajējo.

<sup>51</sup> Ō'idōre jioromo ruvebijē'ero a i'ovēvaje ioho na jevajējo. Ae rahu ē i ijē'oho ma-ioro'iolemu maro raromo'arujējo. Naehu bojēmi'irode ioho Ĕho nasi sine hōjo. Ĕhesi bēhoho nasi sinoho bojamirovo'ejōjo sa'ae aho'obēhe vuovēvadoho i'ovoromo mae raromo'irarijego.

<sup>52</sup> Ĕhi majēhijamu hegorovo Jew rajohuro dē vōrōnēgamu jō aho'ahamirovoromo uarovareje: Ĕaho diehi hesi sinoho bojamui'iramu i'ejarējo.

<sup>53</sup> I'ejarējamu uēvadeje: Ave jōho na jō mae uē'iē'ajējo. God-are A Ma nasi sinohu'o kōhu'o bogo ijē'oho darugoho bogo bae'i vuovēvo'ajējo.

<sup>54</sup> Ae rahu nasi sino kō ijē'oho ma-ioro'iolemu maro raromarue hōjo. Raromojuvo ijo tugoho'i majare i'ovēvo'iramu ri'ō'aruējo.

<sup>55</sup> Ĕhesi bēhoho nasi sinoho iae i mae jio'i nasi kōho iae jovo mae jiē'ero Ĕhu'ero ijē'oho mae raromo'aruējo.

<sup>56</sup> Ae rahu nasi sinohu'o kōhu'o ijē'oho na'o gemu mae jio'i na jabu'o gemu mae jevaje hōjo.

<sup>57</sup> Vavue daruge eni jiē'ero hijajohuro na sa'are remō'ōjade hōjo. Remō'ōjē'ero darugoho bojemijego na hijaje hōjo. Naehu hesi darugo baeromo hijajēhi ae rahu na ijevē'oho nasi darugoho Ĕhi baeromo raromo'aruējo.

<sup>58</sup> Ĕhu'ero jiē'ero ō'idōre jioromo ruvebijade i hesi jōho na majēhijē'e jevajējo. Jemesi hijo miono'e jabesi i mabēhe ue'ahare hōjo rōhu vuovēvade hōjo. O naehu uēvaje ioho

bogo ëhioho jio'i ae rahu ijë'o'oho bogo vuovëvo'i ma-ioro'io'oremu maro raromo'aruëjo. Ahia mino'ëjo.

<sup>59</sup> Iesuhu Capernaum hiromu God rajahijarue osare jö röjëhijadevare evare hu ë jöho majëhijadeje.

*Iesuhu jövaje jö baejë'oho ëho darugo baejarue ë hesi jöhoje.*

<sup>60</sup> Ëhi majëhijamu hegorovo Iesuare ijore ijore jijiharue a ioro'ioroho ae aho'obëhe uarovareje: Ëhi jje'e jöho i'u ma'e höjo. Nomë diehi'oromo baeëjarëjo.

<sup>61</sup> Baeëjarëjamu Iesuro hesi simanore garomo uvadeje: Nasi ijore ijore jijiharue ariböviohuro nasi jöho bijönimoromo sisë'i ataruëromo uëvadeje: Naehu ö'idöre jioromo ruvebijode jö hejarijoho jemë diehi uehorovarujëjo. Na jemë nëgajëjo na'o jijiharujoho vuonugo'i.

<sup>62</sup> Röhu jemë gevë'oho God-are A Ma naehu urimo hijodire sionëro ajiomamu gevë'oho jemë diehi uehorovorëjo.

<sup>63</sup> Hesi God-are Aru'ahohuro darugoho bojëmi'iramu i'ovoromo mae raromo'aruëjo. Jemesi sino hesi biriroho baeromo arijo'arije ajamirovo'ië'iroho bogo eni jëvo'ajëjo. Röhu naehu jövaje jö ejahë'ohuro ëhuro Aru'aho daruge baeromo i'ovoromo mae raromo'aruëjo.

<sup>64</sup> Röhu a ioro'ioroho jemëro bogo ma uehorovevaruje höjo. Ëhi uëvade hesi bëhoho mami'e huhu urimo ijorajo gagovëvade majare aevoromo gëromo uvobe rovadeje: Ëaribövioho bogo ma uehorovevo'iröhoho höjo. O ë aho a hiruëmiromo na baeëvoromo jabesi övore bojëmi'iröhoho höjo. Ëhi gëromo uvobe rovë'ëro ëhu'ëro uëvadeje: A ioro'ioroho jemëro bogo ma uehorovevaruje höjo.

<sup>65</sup> Röhu hesi jö viture uëvadeje: A ioro'ioroho jemëro bogo ma uehorovevaruje höjo. Ëhuni uëvode höjo: Aho nasi öriroho bogo ëma rueruomaje höjo bogo eni jëvë'ëro. Ma-Vavuehu uëvë'ohuremu rueruomaje höjo.

<sup>66</sup> Ëhi uëvamu hegorovo Iesuare ijore ijore jijiharue aribövi ioro'ioroho ae aho'obëhe hu nugo va'oruomadeje ijönöho hu'o'oho bogo gemuoroho jijihoruomoröhëni.

<sup>67</sup> Va'amü gëgorovo Iesuro gëvade hesi ijoraje 12-ho ëhi raromamu gëgorovo uëvadeje: Röhu jemëjo. Na jemë'o na remu va'orëjo.

<sup>68</sup> Remu va'orëjamu Simon Peter-ro uavadeje: Bada no rahuare örire va'öjorajo. Jero jöho jövego ëhuro no darugoho baeromo ma-ioro'io'oremu maro raromarue höjo.

<sup>69</sup> Iae no garomo mae uehorovoromo uvarue höjo: God-hu baejavade A Mahuremu ja javajëjo.

<sup>70</sup> Ja javajëjamu Iesuro uëvadeje: Jemë'o uehorovohëjo. Naro jemë ae aho'obëhe 12 baejëvode höjo. Röhu jemesirire ae gemu hu Satan höjo.

<sup>71</sup> Ëhi uëvadeje. Röhu Satan hö uëvade hesi bëhoho Judas Simon Iscariot-are harihu hesi jöho uëromo ë'adeje. Iesuare ijoraje aho'obëhe 12 jio'amajoho Judas hu'o ë ae gemuoho jiadeje. Röhu huro ijönö ae hiruëmiromo Iesu jabesi övore bojëmadeje. Iae ëhuni Iesuro Satan hö uëvadeje.

## 7

*Iesuare ö ma jabuhu hesi örire bogo ma uehorovare jöhoje.*

<sup>1</sup> Ëhi'amü Iesuro garomu uvadeje: Jew rajohuro anego'i nimiruëromo Judea sa'aroho bogo hi'i Galilee sa'aremu hibe juvadeje.

<sup>2</sup> Galilee sa'are hibe juvamu Jew rajo jabesi söro maja böromoho dunovadeje. Söro hesi ihoho Amo Harihu Ma-Jahuri Vae'amë'e Sörohoje.

<sup>3</sup> Ësöro majaho dunovamu Iesuare ö maho jaburo ri'öromo Iesu uavareje: Ave amoho nugo'i Judea sa'ahuro va'oromo jasi mu masijoho röjëhijego jasi ijore ijore jijiharue aribövioho jaburo garuomo'irajo.

<sup>4</sup> Ae aho'obëhe jabuhu nosi iho hejöro noehu nimë'oho bogo gurihiroho muoho vaejarue höjo. Ëhuni ja mu masije vaejanue javaje jero va'oromo ma-va'orahoro muoho vaenego ae aho'obëhe garuomo'irajo.

<sup>5</sup> Ëhi uavare hesi bëhoho jabumë Iesuare ö ömo'öme jëvadeje röhu hesi öriroho bogo ma uehorovë'ëro ëhuni ëhi uavareje.

<sup>6</sup> Ëhi uavamu uëvadeje: Nasi majaho bogo rovë'e höjo ijönö rue'iröhëro. Jemëhu söroro va'irarije majaho majae aho'obëhe höjo.

<sup>7</sup> Sa'are mu sisëmu uehorovoruumaje aribövioho jemesi öriroho bogo nu huodëgo varijënoho höjo bëhe bogojio'ego. A'i nasi örire iae nue huodegarue höjo. Rabëni hesi

bèhoho naro majèhiromo uèvaje hòjo: Jemè mu sisè vaejaruje hò uèvego èhuni nue huodegarue hòjo.

<sup>8</sup> Jemesi iojiomoromo maja bõrõmoho vaerèjo. Nasi majaho bogo rovè'ego sõrõroho bogo ajiomo'ejõjo.

<sup>9</sup> Èhi uènuoromo Galilee sa'are èhi hijadeje.

*Iesuhu Jerusalem ajiomoromo Amo Harihu Ma-Jahuri Vae'amè'e Sõrõ garomo jõ røjèhijade jõhoje.*

<sup>10</sup> Hijamu hesi õ õmo'õmohuro iojiomareje maja bõrõmoho vaerõhëro. Iojiomamu evare Iesuro hu'o ajiomadeje. Bogo va'orahoroho ajiomo'i ma-saginièri ajiomadeje.

<sup>11</sup> Saginièri ajiomamu Jew rajo a masijohuro sõrõ ririre Iesu nahoromo uvoruomadeje: Èaho dinõ'e hòjo.

<sup>12</sup> Èhi atoromo ae aho'obèhe gemuore gagovè'ëro göëro göho saginièri majahirovoromo Iesure jõho uarovareje. Uarovoromo a ioro'iorohuro uvareje: Èaho a mae hòjo. A ioro'iorohuro uvareje: Bogajo. Huro ae aho'obèhe sareramuijaje hòjo.

<sup>13</sup> Èhi atoromo Jew a masijoho juhuonèmiromo aho bogo va'orahoroho Iesure jõho ato'i ma-saginièri atoromadeje.

<sup>14</sup> Èhi'amu Iesuro sõrõ maja hesi ririre God-are amo bõrõmore ajiomoromo ae jõe majèhijadeje.

<sup>15</sup> Jõe majèhijamu hegorovo Jew rajohuro tiõromo uvareje: Ae gö hu bogo røjahijè'e hòjo. Èhi jjiè'oho hu diehi'oromo nuni aji'e jioromo jõho majahuijajèjo.

<sup>16</sup> Jõho majahuijajèjamu Iesuro uèvadeje: Nae hu røjèhaje jõho bogo naehu uehorovoromo røjèhi'i sa'are na remõ'õjade ahuro bojèmi'ëro røjèhijaje hòjo.

<sup>17</sup> Ae rahu God-hu nimaje mu vae'i nimè'oho è aribõviohuro garomo uvoruomo'ajèjo: Nõrõ bogo hesi simanèremuoho jõho èma røjahui'i a'i God-ro jõho bojami'jego røjahuijaje hòjo.

<sup>18</sup> Ae rahu jabesi simanèremu jõ majèhijè'oho jõ majèhijarue hesi bèhoho jaburo nimoruomaje hòjo jabesi ihoho dõro jiojõro. O noehu naguè'oho ramuõ'õjamu rovare a hesi iho dõro jiojõro naguè'oho èhi javuè'e aribõvioho sareroho bogojavuo'i ma-maemu javuajaje hòjo.

<sup>19</sup> Jemè'õ uehorovohèjo Moses-ro God-are jõgoroho jemè bojèmi'jade hòjo. Rõhu jemè bogo ae gemu vadu'oho jõgoroho ejaharuje hòjo. Jemè rabèni è jõho ahoromo anego'iro è'arujèjo.

<sup>20</sup> Èhi uèvamu ae aho'obèhe uaruomadeje: Sarerivanuèjo. Sisèhuro baejavè'ëro simane sisèrèromo jõvanuèjo. Raro ja anago'iè'ego uvanuèjo.

<sup>21</sup> Uvanuèjamu Iesuro uèvadeje: Naro mue gemu vaejamu jemè ae aho'obèhe tiõromo uehore gö gö baejè'e jèvajèjo.

<sup>22</sup> Rõhu Moses-ro aharihu jabesi sino tarivèho'irarije muoho bojèmi'jade hòjo. Bogo huro aevoromo bojèmi'i a'i urimore jemesi a mamiohuro aevoromo bojèmi'jare hòjo. Bojèmi'jè'ëro èhu'ëro jemèro nuho majaro mue vaeromo aharihu jabesi sinoho tarivèharuje hòjo.

<sup>23</sup> Nuho majaro jemèro a sino tarivèharuje muoho vaejaruje hòjo Moses-are jõgoroho ahojõeni. A'i nuho majare naro a hesi sinoho avohahamu marè barèjade hòjo. Èhi jjiè'oho rõhu jemè rabèni uvarujèjo: Nõrõro nuho maja hesi jõgoroho ahadè hõromo nasi õriroho dèho võrõnimarujèjo.

<sup>24</sup> Èhi'oromo jemè nasi muoho ma-dõemu garomo mevoromo nasi õriroho dèho võrõnègajèjo. Nadi èhioho è'i nasi mu õroho ma-avoho garomo mevorèjo.

*Aribõviohuro uarovareje: Na bõrõme namiromo ajanui'irõhe aho Iesu hòjo o bogajo. Èhi uarovare jõhoje.*

<sup>25</sup> Èhi uèvamu gagorovo Jerusalem amo rajo a ioro'iorohuro uarovareje: Èaho nosi a masijehu ano'iè'arue aho hòjo. Na mae-èjo.

<sup>26</sup> Rõhu gahèjo. Hu a nunire jõe jövajèjo rõhu nosi a masijohuro hesi õriroho jõho bogo ua'i ma-nunèremu gavarujèjo. Na jabumè garomo uvarujèjo: Èaho bõrõme namiromo ajanui'irõhe aho hõromo èhioho è'aruèjo.

<sup>27</sup> Rõhu bõrõme namiromo ajanui'irõhe aehu rovè'iroho hu di amore jioromo ruerõhoho no dadivavuo'ajèjo. A'i è aho di amore jioromo rovadoho iae no gavarujèjo. Èhuni hu bogo è aho hòjo.

<sup>28</sup> Èhi atamu Iesuro hejadeje. Heromo God-are amo bõrõmore hiromo jõho majèhiromo ma-darugo'o uvadeje: Jemèro uvarujèjo: Noro nõrõ iae mae gavarujèjo. Di amore jioromo rovadoho èhu'o gavarujèjo. Rõhu jemè bogo avoho gevaruje hòjo. Na bogo nasi èma rue'i

Vavuohuro remö'öjamu rovode höjo. Ęaho hu mae höjo. Röhu jemë hu bogo gavaruje höjo.

<sup>29</sup> Naro hu gavaje höjo naro hu'o jiamu huro na remö'öjamu rovë'ëro jevë'ëro.

<sup>30</sup> Ęhi uëvamu hegorovo guduamo'ië'oromo hesi majaho bogo rovë'e jiamu vuonugareje.

<sup>31</sup> Vuonugamu a ioro'ioroho aho'obëhe Iesu mae uehorovareje. Mae uehorovoromo uarovareje: Böröme namiromo ajamui'iröhe aehu rovë'iroho na huro ave aho iosiramiromo bëhi'e mu masijoho vae'a'ajëjo. Bogajo. Ęhuni nani hu ë rueröhe a börömo höjo.

*Iesu guduamo'iröhego atovarue aribövi rëmö'öjamu rueruomade jöhoje.*

<sup>32</sup> Jö ëhi vaerovobe rovaruoho Pharisee ariböviohuro hejareje. Heromo jabu'o priest masijohu'o ëho jaburo jabuni atovarue aribövi ioro'ioroho rëmö'öjareje va'oromo Iesu guduamo barueröhego.

<sup>33</sup> Ęhi'amu Iesuro ae uëvadeje: Majae ma-bunemu jemë'o hiromo remö'öjamu rovode a hesirire vuonorö'ö va'ejöjo.

<sup>34</sup> Va'iramu jemëro na nahevoromo bogo birohevo'arujëjo. Naehu hi'irodire jemëhu ë ö'irarijoho bogo eni jëvo'ajëjo.

<sup>35</sup> Ö'irarijoho bogo eni jëvo'ajë uëvamu Jew rajo a masijohuro uarovareje: Ęaho dinö'e va'ego no bogo biroho'iröhego uövuajëjo. Na hu Jew rajehu sa'a göre va'o raromaruire ë va'oromo God rumo'e aribövioho jöe röjëhi'iröhëni uvajëjo o dinö'e va'i uvajëjo.

<sup>36</sup> Hu uvajëjo: Jemë na nahevoromo bogo birohevo'arujëjo. O naehu hi'irodire jemëhu ö'irarijoho jemë bogo eni jëvo'ajëjo. Ęhi jië'e jöho hu diehi jövoromo ë'ajëjo.

*A i'ovëvaje jovo hesi jö Iesuhu jövadohoje.*

<sup>37</sup> Ęhi'amu söro maja böröme jlobe ruejuvo ijo tugoho'i maja börömo maho rovadeje. Rovamu evare Iesuro döre ri'ö namiromo ma-darugo'o uvadeje: Jovo ue'aho'i nëgë'iroho nasi öroro rueromo irëjo.

<sup>38</sup> Ae rahu na mae uehorovevë'oho God-are surire jö jajivoromo uvarëhi ëhi jëvo'ajëjo. Ęhesi bëhoho ae rahu mae uehorovevë'oho a i'ovëvaje jovohuro jemesi dë vövöbajore jioromo rojomoromo suorovo va'iramu aho i'ovëvo'ajëjo.

<sup>39</sup> Ejovo jö hesi bëhoho God-are Aru'aho hesi jöho jövoromo ë'ladeje Iesu mae uehorovarue ariböviohuro ijönö ëho bae'iröhego. Iesuhu ëhi jövade majaroho Aru'ahoho bogo sa'aroho nugö'öj'e jiadeje ë hesi bëhoho Iesu ö'idöroho bogo ajiomoromo ajoho baejë'ëro.

*Iesure jö ae göehu gö uehorovo'i ae göehu gö uehorovare jöhoje.*

<sup>40</sup> Ęhi jövamu hegorovo a ioro'ioroho ae aho'obëhe uvareje: Ęaho iae jö God-aro baeromo majahujaje a börömo rueröhego muebejaruoho höjo.

<sup>41</sup> A ioro'iorohuro uvareje: Ęaho böröme namiromo ajamui'iröhe aho höjo. A ioro'iorohuro uvareje: Hu bogo ë aho höjo. Hu Galilee rajo ae höjo. Röhu böröme namiromo ajamui'iröhe aho bogo Galilee sa'aroho jioromo rue'a'ajëjo.

<sup>42</sup> A'i God-are surire jajivoromo uvë'e höjo: Böröme namiromo ajamui'iröhe aho David-are ujoho jië'ëro David-hu hijade ame Bethlehem ë raho'a'ajëjo. A'i Iesu Galilee rajëro jië'ëro ëhu'ëro hu bogo ë uehorovarue a börömo höjo.

<sup>43</sup> Ęhi atoromo ae aho'obëhe Iesure jöho jöe gö gö uehorovareje.

<sup>44</sup> A ioro'iorohuro Iesu guduamo'i nimareje. Röhu aho hesi sinoroho övoho bogo bamareje.

*Jew rajo a masijehu Iesu bogo ma uehorovare jöhoje.*

<sup>45</sup> Ęhi'amu Pharisee ömo'ömhuni priest masijohuni atovarue ariböviohuro mami'e Iesu guduamo barue'i va'ë'ëro övemu vuonorö'ö rovamu gëgorovo jabesi masijohuro uëvareje: Jemë rabëni hu bogo guduamo barovarije höjo.

<sup>46</sup> Barovarije höjamu uëvareje: Urimë'i aehu bogo ëhi jië'e jö ma jövamu hejaroho ë iahuro jö maho jövamu hegoro ëhuni vuonugare höjo.

<sup>47</sup> Vuonugare höjamu Pharisee ariböviohuro uëvareje: Na hu jemë'o sarerëmiromo jaguvëvade höjo.

<sup>48</sup> Jemë gavarujoho di a masijohuro o di Pharisee ahuro hesi öriroho maho uehorovë'e javuajëjo. Bogo'e höjo.

<sup>49</sup> Hesi ma-raromo jijihö'e vaejarue ariböviohuremu Iesu mae uehorovarue höjo. Jabumë Moses-are jögoroho bogo hejaruëro jië'ëro ëhu'ëro God-are i'uoho baeruomo hesi höjo.

<sup>50</sup> Pharisee ömo'ömohuro ëhi uënuqoromo jabesi ae gemu Nicodemus-ro mami'e Iesu ga'i va'adoghuro ri'öromo uëvadeje:

<sup>51</sup> E'jõho bogo maehu hõjo. No aho bogo ëma uavarue hõjo: Sisëro va'ëjo. Nosi jõgoroho bogo ëhiho hõjo. Urimo huro hesi jõ'ëro jõho jõvego heromo huhu rabe rabe ë'adoho heromo evare uavarue hõjo: Ja i'ue baejé'e javajëjo.

<sup>52-53</sup> E'hi uëvamu sivoromo uavareje: Sareri ae javajëjo. Na ja Iesuare sa'ae gemuoho Galilee rajëro javë'ëro ëhuni ja hesi öroho avohanuëjo. Röhu ja'o God-are surire jõho avoho adahoromo ganëjo jö God-aro baeromo majahuijarue aehu Galilee sa'are jioromo ruerõhe jõho bogojajoho.

## 8

*Magonahehu a goho'amamu garomo Iesuare nunire barovare jõhoje.*

<sup>1</sup> [E'hi'amu ae gemu gemu jabesi osaëro osaëro va'irõgoro Iesuro aruhe Olives Dahorure ajiomadeje.

<sup>2</sup> Ajiomoromo niavë'ëro sue'o ri'öromo God-are amo bõrõmore vuonorõ'ö rovadeje. Rueromo gavade ae aho'obëhe hesi bëhire rueruomamu gëgorovo sa'aro hiromo aevoromo jõho røjëhijadeje.

<sup>3</sup> Jõho røjëhijamu gagorovo Moses-are jõgoru öri røjëhijarue ariböviohu'o Pharisee ömo'ömohu'o ëho jaburo masuvë'e magonahe gemu hu'irae baeromo rovareje mami'e ë magonahohuro ae gö'o niavamu aëro garomo guduamë'ëro. Hu'irae barueromo ae aho'obëhe jabesi nunire nugareje.

<sup>4</sup> Nunire nugaromo Iesu uavareje: Tisa ave magonahohuro ae gö'o niavamu aëro gavare hõjo.

<sup>5</sup> Röhu mami'e Moses-ro jõgoroho jajivoromo uövuade hõjo ëhi jië'e magonahoho munëro vajami'irõhego. Röhu ja diehi uehorovanuëjo.

<sup>6</sup> E'hi uavare hesi bëhoho jabumë nimareje Iesuro jõe sisë'i jõvego jõho jaburo court-re huruoho majëhi'irõhëro. E'huni ëhi uavareje. E'hi uavamu hegorovo Iesuro jõho bogo uëvë'e ma-uruho'amoromo övo namëro sa'are jajivadeje.

<sup>7</sup> Sa'are jajivamu jö ua ga'i arijaroho bogo mana uëvë'e ma-sa'are jajivojuvo hujeji ijonõ ririrohoromo uëvadeje: Jemë di aharo sisë rumo'e javego aevoromo munëro vajamijëjo.

<sup>8</sup> Munëro vajamijëromo röhu maho uruho'amoromo sa'are jajivadeje.

<sup>9</sup> Sa'are jajivamu huhu jövade jõho heromo ë ariböviohuo va'oruomadeje. Ama'i mavojoho jaburo aevoromo huruomoromo gemu gemu ri'ö va'õjuvo ijore a i'oho va'amu barëjadeje. Barëjamu Iesu hesi sivue jio'i magonahoho hesi nunire ë namijë'e jiadeje.

<sup>10</sup> Namijë'e jiamu Iesuro ririrohoromo magonahoho uavadeje: Ma'ino aribövioho dinõ'e jioruomajëjo. Na jasi sisë mevoromo i'u bojami'irõhe aho bogohõjo.

<sup>11</sup> Uavadeje: Bada ae bogohõjo. E'hi uavamu uavadeje: E'hi jië'oho na'o jasi jö sisëho bogo jövoromo i'uoho bojami'ejõjo. Va'oromo nadi ijoho ëhi jië'e muoho vaenëjo.]

*Iesuhu sa'ae aho'obëhe ajivavuaqe jö huhu jövadohoje.*

<sup>12</sup> E'hi'ë'ëro Iesuro röhu maho jõe majëhiromo uëvadeje: Na ajoho jevë'ëro sa'ae dinõ'e dinõ'e ajivëvaje hõjo. Ae rahu nasi ijore ijore jijihë'iroho bogo mae bogo ramoramoroho jijihõ'i ajoho baeromo maro raromo'aruëjo.

<sup>13</sup> Maro raromo'aruëjamu Pharisee ömo'ömohuro uavareje: Röhu jero jasi sivue jasi jõho majahuromo uövuanuëjo: Nasi jõho mae hõjo. E'hi jië'oho no jasi jõho diehi maho uehorovo'ejarejo. Öre bogohõjo.

<sup>14</sup> Öre bogohõjamu uëvadeje: Iae mae-ëjo. Iae na nasi sivue jõho majëhijajëjo. Röhu nasi jõho iae mae hõjo. Rabëni hesi bëhoho na dinõ'e jioromo rovodoho o dinõ'e va'irodoho naro gavaje hõjo. Jemë ëho bogo gavaruje hõjo.

<sup>15</sup> Jemëro ma-sa'a hesi uehore baeromo ae magonahe sisëro bahijaruje hõjo. Na bogo aho sisëroho bahijaje hõjo.

<sup>16</sup> Röhu na sisëro bahi'i uehorovo'ibejõjo sareri'e jõho bogo uehorovo'i ma-mae ë'ibejõjo. Rabëni hesi bëhoho na bogo nasi sivuoho mevoromo jõho jövo'i na'o Vavue remõ'õjadohu'o noro niõ'iro mevoromo jõho majëhijarue hõjo.

<sup>17</sup> E'hesi jõho jemesi jõgoru surire ave jõho jajivoromo uvë'e hõjo: Ae niõ'iehu mu garomo ajamirovoromo jõe gemuoho majëhijamu gavë'oho uvorëjo: Jabesi jõho iae mae hõjo. E'hi jajivë'e hõjo.

<sup>18</sup> Naro nasi jõho majëhijego nasi Vavue sa'are remõ'õjadohuro hu'o nasi jõe gemuoho majëhijaje hõjo. E'huni nasi jõho iae mae hõjo.



<sup>19</sup> Mae hōjamu uavareje: Rōhu jasi Vavuoho dinō'e hōjo. Dinō'e hōjamu Iesuro uēvadeje: Jemē na'o nasi Vavuohu'o bogo gōvuaruje hōjo. Jemē na ge'ibejarijējo nasi Vavuohu'o ga'ibejarijējo.

<sup>20</sup> Iesuro God-are amo bōrōmore hiromo God-ni suvuroo bahijarue osare jō rōjēhijadevare evare ē jōho majēhijadeje. Majēhijamu aho hu bogo guduamo bava'areje hesi majaho bogo rovē'ēro jiē'ēro.

*Iesuro uēvadeje: Naehu va'irodire jemē'o ē ō'irarijoho bogo eni jēvajējo. Ēhesi jōhoje.*

<sup>21</sup> Ēhi ē'ē'ēro iae Iesuro jōe gō Jew rajoho majēhiromo uēvadeje: Naro ōre gō va'ejōjo. Va'iramu jemēro nahevo'arujējo. Nahevo'iramu rōhu mu sisē'e jēvoromo vuovēvo'ajējo. Vuovēvo'iramu naehu va'irodire ē ō'irarijoho bogo eni jēvo'ajējo.

<sup>22</sup> Bogo eni jēvo'ajējamu rue Jew rajohuro uarovareje: Huro uōvuajējo: Naehu va'irodire ē ō'irarijoho bogo eni jēvo'ajējo. Hu diehi uōromo jōvajējo. Na hu anorovo'i jōvajējo. O diehi ē'iro jōvajējo.

<sup>23</sup> Diehi ē'iro jōvajējamu Iesuro uēvadeje: Jemē ave sa'are sisē'i raromaruje aribōvie jēvo'i na aruhe dōre jioromo ruvebijē'e jēvajējo. Jemē ave sa'aho raje jēvo'i na bogo ave sa'a rajehu jēvo'i dō raje jēvajējo.

<sup>24</sup> Ēhuni uēvajējo: Jemē sisē'e jēvoromo vuovēvo'ajējo. Jemē bogo ma uehorovevoromo uvē'o'oho: Nōrōhu uēvaje ē aho hō uvē'o'oho sisē'e jēvoromo vuovēvo'ajējo.

<sup>25</sup> Vuovēvo'ajējamu uavareje: Ēhi jiē'o'oho ja rahuo javajējo. Ja rahuo javajējamu uēvadeje: Na aevoromo uēbe rovode ē aho jēvajējo.

<sup>26</sup> Jemesi mu sisē jōho aho'obēhe nasiriho jiajējo jōvo'irodoho. Rōhu remō'ōjade aehu uevamu hejode jōho na ēhuremu jōvaje hōjo sa'are raromaruje aribōvioho jemēro hejōro rabēni hesi bēhoho remō'ōjade aho jō maemu jōvajēro jiē'ēro.

<sup>27</sup> Ēhi uēvamu jaburo bogo avoho uehorovoromo uvareje: Remō'ōjade hō uōvuaje aho Vavuoho hōjo.

<sup>28</sup> Bogo ēhioho uvoruomamu Iesuro uēvadeje: God-are A Maho na banigojiomevoromo dōre nugevē'iroho evare jemē avoho garomo uvo'a'arujējo: Nōrōhu uēvaje ē aho hōjo. Evare jemē garomo uvo'a'arujējo: Na bogo nasi simanoho muoho vae'i Vavuehu rōjēhijade jōhuremu jōvaje hōjo.

<sup>29</sup> Remō'ōjade ahuro bogo vuoroemiromo va'i na'o hijaje hōjo hu nimaje muoho naro majae ēhi vaejajego.

<sup>30</sup> Ēhi uēvamu hegorovo ae aho'obēhe hesi ōrire mae uehorovareje.

*Sisē hesi darugore raromaruoho Iesuhu jiovēho'i uvade jōhoje.*

<sup>31</sup> Jew rajo ioro'iorohuro Iesure jōho mae uehorovamu gagorovo uēvadeje: Jemē nasi jō ejehonōvē'o'oho nasi ijorajo mae jēvo'ajējo.

<sup>32</sup> Ēhi jēvo'iramu jō maho ga'a'arujējo. Jō maho garomo ēhuro ijōnōho i'u'e mu hesi uhure jēvajoho barējēvo'i ma-sasohē'e mu hesi aharire jēvo'ajējo.

<sup>33</sup> Jēvo'ajējamu uavareje: Iae ēhi hōjo rōhu no Abraham-are ujo ōmo'ōmēro javuē'ēro avare i'u'e mu hesi uhuroho bogo raromobe rovē'e javuajējo. Ēhi jiē'o'oho ja diehi uōromo ē'anujējo: I'u'e mue jēvajoho barējēvo'ajējo.

<sup>34</sup> Barējēvo'ajējamu Iesuro uēvadeje: Ave jōho na jō mae uē'iē'ajējo. Ae rahu sisē vaejaruoho mu sisē hesi uhure jioruomajējo.

<sup>35</sup> I'u'e mu vaemu vaejarue aribōviohuro aganohu'o ma-jahuri raromo'i harihu ōmo'ōmohuro aganohu'o ma-ioro'ioiremu raromarue hōjo.

<sup>36</sup> Jemē i'u'e mu hesi uhure jēvamu Harihu naehu tugohēhē'o'oho ēhuro iae mu ma hesi aharire jēvo'ajējo.

<sup>37</sup> Iae na garomo uvajējo: Jemē Abraham-are a uje jēvajējo. Rōhu nasi jōho bijōnōgē'ego ēhuni anego'iē'arujējo.

<sup>38</sup> Nasi Vavuehu rōjēhijamu gavode jōho naro jōvaje hōjo. A'i jemēro jemesi vavuehu uēvamu hejarije jōho ejahoromo ōmaruje hōjo.

<sup>39</sup> Ōmaruje hōjamu uavareje: Rōhu nosi aevo'i jiade vavuoho Abraham jio'i no hesi ujo ōmo'ōmoho javuajējo. Hesi ujoho javuajējamu uēvadeje: Iae ēhi jēvajējo rōhu jemē Abraham-are ujo mae jēvo'ibejajo huhu mu ma vaejade ēhi jiē'e mu maho vae'ibejarijējo.

<sup>40</sup> God-hu uevamu hejode jō maho majēhibe rovode hōjo rōhu jaruvoho jemēro na anego'iē'arujējo. Abraham ēhi jiē'e muoho bogo vaenōvade hōjo.

<sup>41</sup> Jemesi vavuehu sisē'i ē'adēhi ēhi ē'arujējo. Ēhi ē'arujējamu uavareje: Asē'e no bogo ōbiehu javuo'i God gemu nosi Vavuoho hōjo. No hesi ujo mahuremu javuajējo.

<sup>42</sup> Ujo mahuremu javuajējamu Iesuro uēvadeje: Jemē ēhi uvarujējo rōhu jemesi Vavuoho God jio'ibejajo nasi ōrire rajehi'ibejarijējo. Rabēni hesi bēhoho na God jiajire jioromo

rovodoho aviae jevajëjo. Bogo nasi ma-rue'i God-ro na remô'ojamu rovode hõjo. Rõhu jemëhu bogo rajehijarujohuni ëhuni God bogo jemesi Vavuehu hõjo.

<sup>43</sup> Jemë rabëni nasi jö bëhoho bogo avoho hejarujëjo. Nasi jõho bijönëgo'ego ëhuni ë'arujëjo.

<sup>44</sup> Jemë jemesi vavu hesi agane gemuoho jëvajëjo. Rõhu jemesi vavuoho Satan hõjo. Jemesi vavuehu nimajëhi ëhi òmo'i nimaruje hõjo. Ni'i'ivadire Satan-ro aevoromo ae muo'amobe rovë'e hõjo. Hu ma-sareri'e jöemu uehorovajëro ëhuni hu jö maho bogo ajamijaje hõjo. Hu sareri'e jö jövë'iroho hesi muoho ëhi jië'ëro ëhu'ëro hu ëhi gemu muoho vaejaje hõjo rabëni sareri'e mu hesi bëhoho hu jië'ëro sareri'e jöhemu uehorovajëro jië'ëro. Jemë'o ëhi gemuoho jëvajëjo.

<sup>45</sup> Naehu jö ma jövajoho ëho bijönimoromo jemë nasi jõho bogo ma uehorovaruje hõjo.

<sup>46</sup> Di aho ja nasi sisë garomo huruoho'iranoho eni javajëjo. Nasi sisëho bogojië'ëro jemë huruoho'irarijoho bogo eni jëvajëjo. Naehu jö ma majëhijajoho jemë rabëni nasi öriroho bogo maho uehorovevarujëjo.

<sup>47</sup> God-are aganoho hesi jõho hejarue hõjo. Rõhu jemë bogo God-are agane gemuoho jëvë'ëro ëhu'ëro hesi jõho bogo hejaruje hõjo.

*Iesuro uëvadeje: Abraham bogo rahadevaroho evaroho naro hibe rovode hõjo. Ëjõho Iesuhu jövadohoje.*

<sup>48</sup> Ëhi uëvamu Jew rajohuro Iesu birevoromo uavareje: Iae no mae uavare hõjo: Ja sareri'e Samaria rajo va'ëne javanovajëjo. Satan-are a sisëho jasi dëre jiajëjo.

<sup>49</sup> Jiajëjumu uëvadeje: Satan-are aho nasi dëroho bogohõjo. A'i naro nasi Vavu hesi ihoho banigojiomego döro jiaje hõjo. Rõhu jemëro nasi ihoho sisë vaejeharujëjo sa'aro jiehojõro.

<sup>50</sup> Rõhu nasi ihehu döro jiorõhoho ëho bogo naehu uehorovoli a'i A Göhuro iae uehorovaje hõjo. Ëho uehorovoromo huro böröme namiromo nasi jõho mae mevehaje hõjo.

<sup>51</sup> Ave jõho na jö mae uë'ië'ajëjo. Ae rahu nasi jö ejehë'oho ijonõho bogo mae bogo vuovëvo'ajëjo.

<sup>52</sup> Bogo vuovëvo'ajëjumu rue Jew rajohuro uavareje: Avevejõ'oho iae no gavaruoho Satan-are a sisëho jasi dëre jiajëjo. Abraham'o jö God-aro baeromo majahuinövare a masijohu'o mami'e vuovobe rovë'e hõjo. Rõhu jero uövuanuëjo: Ae rahu nasi jö ejehë'oho bogo mae bogo vuovëvo'ajëjo.

<sup>53</sup> Nosi aevo'i jiade vavuoho Abraham guomade hõjo. Na jero uvanuëjo: Na Abraham iosiramijë'e a böröme jevajëjo. O jö God-aro baeromo majahuinövade aribövioho vuovobe rovë'e hõjo. Diehi jië'e aharo nimoronimorohë'i jövanuëjo.

<sup>54</sup> Jövanuëjumu Iesuro uëvadeje: Naro nasi ihoho banigojiomo'ibejõjo ëho bëhe bogojio'ibejajo. Rõhu nasi Vavuohuro nasi ihoho banigojiomehego döro jiaje hõjo. Ëaho jemëro uvaruje hõjo: God nosi Börömoho hõjo.

<sup>55</sup> Rõhu jemë hu bogo gavë'e jëvajëjo. Naro iae hu gavaje hõjo. Na uë'ibejõjo: Na hu bogo gavaje hö uë'ibejõjo jemë jö sareri'e ae jëvajëhi na ëhi jië'e ae jevo'ibejajo. Rõhu iae naro hu garomo hesi jõho ejahaje hõjo.

<sup>56</sup> Jemesi aevo'i jiade vavuoho Abraham-ro naehu hijode maja ga'irõhohuni ëhuni nimoroho avohade hõjo. Nimorohë'ëro naehu hijode majaho iae hu gavamu dë sasohade hõjo.

<sup>57</sup> Dë sasohade hõjumu rue Jew rajoho jaburo uavareje: Sarerivanuëjo. Hu mami gö gö'e guomadoho ja vadune aho'obëhe 50-ho bogo baejë'e javajëjo. Ëhi jië'oho ja diehi'oromo Abraham gavane hõjo.

<sup>58</sup> Gavane hõjumu Iesuro uëvadeje: Ave jõho na jö mae uë'ië'ajëjo. Abraham bogo rahadevaroho na urimoho jevë'e jiade hõjo.

<sup>59</sup> Ëhi jövamu hejë'i vajami'irõgoro munëho ujuohareje. Ujuohamu Iesuro gurihivrovë'ëro God-are amo börömoho nugo'i va'adeje.

## 9

*Iesuhu nuni ramoramovë'e a ajamamu marëjade jõhoje.*

<sup>1</sup> Iae Iesuro juvo va'adeje. Va'ihõ gavadeje nuni sisë'e ae gemu hijamu rahade majare aevoromo hesi nunoho sisërëjëvë'ëro jië'ëro.

<sup>2</sup> Ëaho ë hijamu gagorovo Iesuare ijorajo ömo'ömhuro uavareje: Tisa rahuare sisëro ëhuro nuni sisë'oho rahade hõjo. Na hesi sisëro o hesi vëmu vavu'o jabesi sisëräjo.

<sup>3</sup> Ĕhi uavamu uēvadeje: Bogo hesi sisēhuro o bogo hesi vēmu vavu'o jabesi sisēhuro ēhuro nunoho sisērējade hōjo. A'i sisērējade hesi bēhoho jemē ga'irarijego God-ro hesi darugohuro diehi ajamego mae jiajoho iae ēhuni nuni sisē'oho jiade hōjo.

<sup>4</sup> Aji maja jiajevare evare sa'are remō'ōjade aehu nimaje muoho no vaenōvo'ejarējo. Vahiro mavuo'iē'ajējo. Evaroho aehu mu vae'irōhoho bogo eni jio'a'ajējo.

<sup>5</sup> Na ave sa'are hijajevare evare na ajoho jevē'ēro sa'ae aho'obēhe ajivēvaje hōjo.

<sup>6</sup> Ĕhi uēnugoromo sabēro sa'aho ōdivoromo tevoromo ōvēro hatohatovoromo nuni sisē'e a hesi nunoho buejahadeje.

<sup>7</sup> Buejehoromo uavadeje: Siloam jovo e'uoro va'oromo nu ano'oho eguējo. Rōhu Siloam nosi jōehu huotovē'oho nugō'ōjade jōhoje. Nu ano'oho eguējamu hegorovo rue nuni sisē'e ahuro va'oromo nu ano'oho eguoromo mae uherihoromo vuonorō'ō ro vadeje.

<sup>8</sup> Rovamu hesi amo rajohu'o a ioro'iorohu'o bōviēni bise'ēni ēninēm'i ego ganōvē'ēro jaburo uarovareje: Ave iaho urimē'i hiromu noehu ajamijōro ēninamuinōvade aho hōjo. Na mae-ējo.

<sup>9</sup> Na mae-ējamu a ioro'iorohuro uvareje: Io'ajo. Iae ē aho hōjo. A ioro'iorohuro uvareje: Bogajo. Ae gō ē iaho va'ēne hōjo. Ĕiāho va'ēne hōjamu rue ahuro uēvadeje: Na bogo ae gōehu jevo'i jemesi ōrire ēninēmijode aho jevajējo.

<sup>10</sup> Ĕninēmijode aho jevajējamu uavareje: Ĕhi jiē'oho diehi'amu jasi nunoho marējahade hōjo.

<sup>11</sup> Marējahade hōjamu uēvadeje: Ae gemu hesi ihe Iesu ē ahuro busasovē'e sa'aho hatohatovoromo nunoho buejehoromo uevade hōjo: Siloam jovo e'uoro va'oromo nu ano'oho eguējamu naro va'oromo eguoromo evare mae uherihode hōjo.

<sup>12</sup> Mae uherihode hōjamu uavareje: Rōhu hu dinō'e hōjo. Dinō'e hōjamu uēvadeje: Hesi nani'ajo.

<sup>13</sup> Ĕhi uēvamu ē urimo nuni sisē'e jiade aho ē aribōviahuro hu'irae baeromo Pharisee aribōvi jabesirire va'areje.

<sup>14</sup> Rōhu mami'e Iesuhu busasovē'e sa'a hatohatovoromo ē ia hesi nuni dadovahade majaho Jew rajehu mu bogo vae'i ma-nuharue majaho jiadeje.

<sup>15</sup> Ma-nuharue majare Iesuro nunoho dadovahē'ego Pharisee aribōvioho jabu'o jōe gemuoho uavareje: Diehi'amu jasi nunoho marējahade hōjo. Marējahade hōjamu uēvadeje: Huro busasovē'e sa'aho hatohatovoromo nunire buejehamu naro va'oromo nu ano'oho eguē'ēro ēhu'ēro mae uherihaje hōjo.

<sup>16</sup> Mae uherihaje hōjamu Pharisee aribōvi ioro'iorohuro uvareje: O ē ahuro nunoho dadovahoromo ēhuro nuho maja hesi jōgoroho ahade hōjo. Ĕhu'ēro ē aho bogo God-hu nugō'ōjamu rovē'e aho hōjo. Bogo God-hu nugō'ōjamu rovē'e aho hōjamu Pharisee a ioro'iorohuro uvareje: Iae ēhi hōjo rōhu hu a sisē jio'ibejajo hu diehi'oromo ēhi jiē'e mu masijoho vae'ibejajo. Ĕhi uarovoromo Pharisee aribōviahuro jōe gō gō uehorovo'amareje.

<sup>17</sup> Jōe gō gō uehorovoromo urimo nuni sisē'e jiade aho rōhu maho jōe majahiromo uavareje: Jero uōvuānuējo: Huro nasi nunoho dadovehade hōjo. Ĕhi jiē'oho ja uehorovanuoho hu diehi jiē'e ae hōjo. Diehi jiē'e ae hōjamu uēvadeje: Hu jō God-aro baeromo majahuijaje ae hōjo.

<sup>18</sup> Rōhu rue Jew rajohuro uvareje: Nani sareramuiromo uōvuāruējo: Aevo'i nuni sisē'e jiadoho avevejō'oho gavajēromo ae uēvareje: Uēvego ave a hesi vēmu vavu'ohuro rue'irarējo.

<sup>19</sup> Jabumē rovamu uēvareje: Na ave aho jemesi harihe hōjo. Jemē uōvuārije hōjo: No ave harihu baejare majare evare hu aevoromo nuni sisē'e jiade hōjo. Na mae o sarerējo. Mae jiē'oho diehi'ē'ēro jaruvoho hu mae uherihajējo.

<sup>20</sup> Mae uherihajējamu rue vēmu vavu'ohuro uēvareje: No gavaruoho ave aho iae hu nosi harihe hōjo. No hu baejarevare evare aevoromo nuni sisē'e jiade hōjo. Ĕjōho iae no gavaruējo.

<sup>21</sup> Rōhu rahuhu diehi ajamamu nuni dadovadoho no bogo gavē'e javuajējo. Jue'io ua garego huro hesi jō'ēro majēhi'irajo hu bōvie jiaje.

<sup>22</sup> Rōhu vēmu vavu'ehu ē jō uēvare hesi bēhoho jaburo ē Jew rajo masijoho juhuonēmijareje. Urimē'i ē a masijohuro jōe mevoromo ae aho'obēhe uēvareje: Ae rahu huruoho majahuiromo uōvuē'oho: Bōrōme namiromo ajamuijaje aho Iesu hō uōvuē'oho ēhi jiē'e aribōvioho noro ahēvo'iramu ijōnōho nosi osa bōrōmoroho bogo rueromo God rajahinōvo'aruējo. Ĕjōho uehorovoromo vēmu vavu'ohuro juhuonēmijareje.

<sup>23</sup> Juhuonēmiromo ēhuni uēvareje: Ĕaho bōvie jiaje ēhuni jemēro hu ua garējo.

<sup>24</sup> Hu ua garējamu hegorovo rue a masijohuro jõe nugõ'õjareje urimo nuni sisè'e jiade ahuro vuonorõ'õ ruerõhego. Jõe nugõ'õromo rovamu Iesuro jõho atoromo uavareje: God-are nunoro jõe ma-maemu jõvego no hejarėje. No gavaruoho è aho a sisè hõjo.

<sup>25</sup> A sisè hõjamu uèvadeje: Na'o bogo gavajėje. Nani hu a sisè hõjo o bogajo. Rõhu jõe gemu iae na gavajėje urimo nuni sisè'e jevadoho jaruvoho mae uherihevo'ego.

<sup>26</sup> Èhi uèvamu uavareje: Hu diehi'avade hõjo. Hu diehi nunoho dadovahade hõjo.

<sup>27</sup> Dadovahade hõjamu uèvadeje: Na mami'e uèvamu jemèro bogo ejeharije hõjo. Rabèni rõhu maho he'i nègajėje. Nani jemè'o hesi ijore ijore jijih'o'i nègo'ego o rabèni ue ge'i arijarujėje.

<sup>28</sup> Ue ge'i arijarujėjamu sivoromo uavareje: Ja è ia hesi ijore ijore juvanue ae javajėje. No bogajo. No Moses-are jõgoru ijore ijore jijiharue aribõvie javuajėje.

<sup>29</sup> No iae garomo uvarue hõjo: God-ro Moses jõe bojamamu majahuijade hõjo. A'i è a gõ hesi bèhoho no bogo gavaruėje.

<sup>30</sup> Bogo gavaruėjamu rue nuni sisè'e jiade ahuro uèvadeje: Asè'e jemè diehi'oromo hesi bèhoho bogo gavaruje hõjo. Iae huro nasi nunoho dadovehade hõjo rõhu jemè hu bogo gavaruje hõjo.

<sup>31</sup> No gavaruoho God a sisè jabesi jõho bogo ejèhaje hõjo. O aehu God uehorovoromo huhu nimaje mu vaejè'oho èhi jiè'e aribõvioho God-ro ejèhaje hõjo.

<sup>32</sup> Ni'i'ivadire jioromo èhi ro avevejõ'oho bogo hebe rovè'e javuajėje uvavamu: Vèmu dère jioromo nuni sisè'e raharoho aèro nunoho dadovèhade hõjo.

<sup>33</sup> God bogo nugõ'õjego rue'ibejajo èhi jiè'e darugo'e mu vaejajoho hu bogo mae bogo eni jio'ibejajo.

<sup>34</sup> Bogo eni jio'ibejajamu uavareje: Jasi vèmu hesi dère jioromo mu sisèmu vaebe rovè'e javajėje. Èhi javajėje rõhu ja diehi'oromo jõgoroho bojamuijanuėje. Èhi uanugoromo jabesi osa bõrõmoroho rarovõ'õjamu va'adeje.

*Ae gõ dè vövõbajo'e ramoramovè'e raromarue jõ Iesuhu jõvadohoje.*

<sup>35</sup> Èrarovõ'õjamu va'ade jõho aèro atamu Iesuro hejadeje. Heromo è aho bihororomo uavadeje: Na ja God-are A Ma hesi õriroho mae uehorovanuėje.

<sup>36</sup> Mae uehorovanuėjamu uavadeje: Rõhu God-are A Maho rahuo hõjo. Uevego na hesi õrire mae uehorovõjo.

<sup>37</sup> Mae uehorovõjamu Iesuro uavadeje: God-are A Maho jero mami'e gavane hõjo. Rõhu aviavejõ'e ja'o jõe jõvajėje. Iae na jevajėje.

<sup>38</sup> Na jevajėjamu uavadeje: Bada naro jasi õrire mae uehorovavajėje. Mae uehorovavajèromo ague aho hiromo rajahijadeje.

<sup>39</sup> Rajahijamu Iesuro uèvadeje: Naro sa'are rovode hõjo mae o sisè aribõvie mevèvo'irodèni. Nuni ramoramo'e aribõvioho nune dadovèho'i ma-dõhemu nuni ma'e aribõvioho nune tugohèho'irodèni èhuni sa'are rovode hõjo.

<sup>40</sup> Èhi uèvamu Pharisee a ioro'iore bèhire raromarohuro è jõho heromo uavareje: Na ja nosi jõho jõvoromo è'anuėje. No bogo nuni ramoramo'e aribõviehu javuajėje.

<sup>41</sup> Javuajėjamu Iesuro uèvadeje: Jemè nuni ramoramo'e jèvo'ibejajo jõ sisèho bogojèvo'ibejajo. Rõhu jemè èma uvaruje hõjo: Iae no mae gavarue hõjo. Èhuni jemesi sisèho iae jèvajėje.

## 10

*Sheep-ehu raromarue amo hesi uhu jõ Iesuhu jõvadohoje.*

<sup>1</sup> Iae Iesuro uhu'e uèvadeje: Ave jõho na jõ mae uè'iè'ajėje. Ae rahu sheep jabesi amore va'iè'iroho bogo ojoroho va'i buoru iromaroho ruahoromo va'amu gavè'oho uvo'a'anuėje: Èhi jiè'e aho anano'e vajiohu'e ae hõjo.

<sup>2</sup> O ae rahu ojore va'amu gavè'oho uvo'a'anuėje: Èho sheep muebe'amaje aho hõjo.

<sup>3</sup> Sheep muebe'amaje aho sheep amore va'ia'amu gavè'iroho ojo muebejaje ahuro ojoho jiovahego è va'aje hõjo. O sheep-ohuro hesi huèho heruomaje hõjo. Hejego hesi sheep gemu gemu hesi ihoho uvoromo sõ ujuohoromo va'o amonõ hõrõjaje hõjo.

<sup>4</sup> Sõ ujuoho va'o barènuogoromo evare jabesi nuninõ va'ego sheep-ohuro ijore va'oruomaje hõjo hesi huèho heruomajèro jiè'èro.

<sup>5</sup> A ioro'ioro jabesi huèho bogo hejaruèro jiè'èro jabesi ijoroho bogo va'i huruomoromo va'oruomo'ajėje.

<sup>6</sup> Èjõho Iesuro uhu'e uèvamu è jõ hesi bèhoho bogo avoho hejareje.

*Sheep muebe'amaje a maho hu Iesu jiaje jõ Iesuhu jõvadohoje.*

<sup>7</sup> Bogo avoho hejē'ero Iesuro uēvadeje: Ave jōhu'o na jō mae uē'iē'ajējo. Na sheep-ehu va'oruomaje ojoho va'ēne jevajējo.

<sup>8</sup> Urimo rueruomade aribōvioho anano'e vajiohu'e a va'ēne jēvobe rovadoho nasi sheep mahuro jabumē bogo ejēhare hōjo.

<sup>9</sup> Na ojo va'ēne jevajējo. Ae rahu nasirire ruaho rovē'oho maro jioruomo'ajējo. Maro jioromo ruaho rueromo osare jioromo ruaho va'oromo va'orahonō ioho bihoromomo ue'aho'aruējo. Ēhi gemu ē'onōvo'aruējo.

<sup>10</sup> Rōhu anano'e vajiohu'e ahuro rueruomaje hōjo vajiohēro ujuoho'i bijuēmo'i ijumo'amo'irovo. Naro rovode hōjo nasi sheep ōmo'ōmohuro i'ovoromo ma-marō raromorōhego.

<sup>11</sup> Sheep muebe'amaje a maho na jevajējo. Sheep muebejaje a mahuro uvaje hōjo: Naehu sheep jabesi jōēni nasi arijo'arije bojamirovoromo guomorovē'oho iae mae hōjo.

<sup>12</sup> O ma-moniemu nimoromo ae gō hesi sheep muebejahaje aho ēho bogo sheep jabesi vavuoho jio'i ma-muebe'amajēro jiē'ero ga'irōhe vōrō'e mioho rovamu gavē'iroho sheep-oho rēmō'ōromo ju'ebiromo va'aje hōjo. Ju'ebiromo va'ego miohuro ro sheep-oho umi ujuoho va'ego sheep ioro'iorohuro huruomomomo arua anumiae va'aje hōjo.

<sup>13</sup> Amo a hesi sheep muebejahajohuro moniemu nimē'ero sheep-oho bogo huēho baejēvaje hōjo. Ēhu'ero huruomaje hōjo.

<sup>14-15</sup> A'i na sheep muebe'amaje a maho jevajējo. Vavuohuro na ge'i naehu Vavu gavajēhi ēhi naro nasi sheep-oho ga'amaje hōjo. O nasi sheep-ohuro na geruomaje hōjo. Ēhi jiē'ero naehu sheep jabesi jōēni nasi arijo'arije bojamirovoromo guomorovē'oho iae mae hōjo.

<sup>16</sup> Rōhu sheep ioro'ioroho iae jevajējo. Jabumē ave sheep amoroho bogo raromaruē hōjo. Bogo raromaruoho jabu'o sōjēvo rue'ejōjo. Rueromo jōe majēhi'iramu eje-honōvo'aruējo. Ēhu'ero jiē'ero sheep aho'obēhe ma-gemuoro jio'i sheep muebejaje aho ma-gemu jevo'ajējo.

<sup>17</sup> Vavuehu na rajehijaje hesi bēhoho naro guomorovo'ejōjo i'ovoromo rōhu maho hi'irodēni.

<sup>18</sup> Aho bogo ma-anego'i nasi nimoromo bojamirovo'iramu anego'iramu guomevo'ajējo. Naehu bojamirovamū anegamu guomevē'oho iae mae hōjo. O ajamirovoromo i'ovoromo rōhu maho hijē'oho ēhu'o iae mae hōjo ēhi guomoromo rōhu maho ri'ō'irodoho nasi Vavuohuro uevamū hejē'ero jevē'ero.

<sup>19</sup> Ēhi uēvamū hegorovo rue Jew rajohuro rōhu maho jōe gō gō uehorovareje.

<sup>20</sup> A ioro'ioroho aho'obēhe jaburo atoromo uarovareje: Satan-are a sisē gemuēro hesi dē vōvōbajo'ere abuejē'ero simane sisē'i uehorovoromo jōvajējo. Jemē rabēni hesi jōho hejarujējo.

<sup>21</sup> A ioro'iorohuro uarovareje: O huhu jō jōvajoho bogo Satan-are a hesi dēroho abuejē'ero jōho jōvajējo. Ēhesi bēhoho Satan-are a sisēhuro nuni sisē'e aho diehi ajamego mae jio'ibejajo. Bogajo. Ēhi atoromadeje.

### *Jew rajo aribōviehu Iesuare ōrire bijōnimoruomade jōhoje.*

<sup>22</sup> Iae Jerusalem amore maja bōrōmoho rovadaje. Ēmaja bōrōmo hesi bēhoho Jew rajo ōmo'ōmohuro uehorovoromo uvonōvareje: Evare majare nosi a mamiohuro God-are amo bōrōmo hesi ojoho jiovoromo God-are ōrire ma-ioro'ioremu bojamare hōjo hesi baerōhego. Ēmaja bōrōmoho runoni majae jiē'iro evare rovadaje.

<sup>23</sup> Ēmaja bōrōmoho rovamu Iesuro God-are amo bōrōmo hesi haradare juvadeje. Harada hesi ihohe Solomon-are Haradae jadeje.

<sup>24</sup> Juvamu gagorovo Iesu ririre jio'i Jew rajohuro ruē numē riravo rova'oromo uavareje: Ja divare jō subivahuanuoho vuonugo'iramu ēhuro bogo dadivavuo'ajējo. Ma-sama'e majahuijego hejarējo. Na ja bōrōme namiromo ajamui'irane aho javajējo o bogajo.

<sup>25</sup> Ēhi uavamū Iesuro uēvadeje: Naro mami'e uēvode hōjo. Rōhu jemē bogo ma uehorovevaruje hōjo. Naro nasi Vavu hesi ihore mu masijoho vaejaje hōjo jemēro ē muoho garomo uvo'irarijego: Iae mae-ējo. Nōrō iae a mae hōjo.

<sup>26</sup> Rōhu jemēhu na bogo ma uehorovevaruje hesi bēhoho jemē bogo nasi sheep-oho jēvajējo.

<sup>27</sup> Nasi sheep-ohuro nasi huēho heromo ejehoruomego naro jabumē gēvaje hōjo. Gēvego jaburo nasi ijore ijore jijihoruomaje hōjo.

<sup>28</sup> Nasi ijore ijore jijihoruomego naro jabu ajēmego ma-ioro'ioremu maro raromaruē hōjo. Ēhu'ero jiē'ero jabumē bogo mae bogo sisēroho va'oruomo'ajējo. O nasi ōvo dōre raromaruoho aho bogu baeniehī'aruējo.

<sup>29</sup> Nasi Vavue jabumë baejëvoromo nasi örire bojemade ahuro aho'obëhe iosirëmjijë hõjo. Èhuni Vavu hesi övo döre raromaruoho aho bogo baeniahi'aruëjo.

<sup>30</sup> Na'o nasi Vavuohu'o no gemuoho javuajëjo.

<sup>31</sup> Na'o nasi Vavuohu'o no gemuoho javuajëjamu hegorovo Jew rajohuro urimo munëhu vajami'ië'aroho rõhu maho munëho ujuohareje vajami'irovo.

<sup>32</sup> Munëho ujuohamu gagorovo Iesuro uëvadeje: Vavuohuro na ajemamu mu mae aho'obëhe vae'amamu gavarije hõjo. Di mu vaejamu gavarijohuni munëho vaji'ië'aruëjo.

<sup>33</sup> Munëho vajemi'ië'aruëjamu uavareje: Bogo mu ma hesi jöënioho munëho vajami'ië'aruëjo. A'i jero God-are ihoho ijumo'ego èhuni è'aruëjo. Ja ma-ae javajëjo. Rõhu jero uvanuëjo: Na God jiaje gemuoho jevajë uvanuohuro èhuro God-are ihoho ijumanuëjo.

<sup>34</sup> Ijumanuëjamu Iesuro uëvadeje: Rõhu jemesi jögoru surire jajivoromo èhi uvë'e hõjo: God naro uëvajëjo: Jemë god ömo'öme jëvajëjo.

<sup>35</sup> Èhi jajivë'e hõjo. God-are surire jõho ioro'ioremu jiorõhe jõho hõjo. Èsurire jajivoromo uvë'e hõjo: God-are jö baejare aribövioho jabumë god ömo'öme jio'amajë uvë'e hõjo.

<sup>36</sup> Rõhu na bogo ma-God-are jõho bae'i a'i Vavuohuro na baejëvoromo sa'are remö'õjamu rovë'ero uëvajëjo: Na God-are Harihe jevajëjo. Èhi jië'ocho jemë rabëni uevarujëjo: Jaehu uövuanuoho: Na God-are Harihe jevajë uövuanuohuro èhuro God-are ihoho ijumanuëjo. Èhi jië'ocho bogo maehu hõjo.

<sup>37</sup> Rõhu nasi Vavuehu bojemade muoho na na vaejaje hõjo o bogo vaejaje hõjo. Bogo vaejaje jevamu gavë'ocho nadi maho uehorovevorëjo.

<sup>38</sup> Rõhu Vavuehu bojemade muohuremu iae na vaejaje hõjo. Nani jemëro na bogo ma uehorovevo'aruëjo rõhu nasi muoho èhuro garomo uvorëjo: Iae mae-ëjo. Vavuohuro ajamamu vaejade hõjo. Jemë èhi uehorovë'ocho èhuro avoho ga barëromo uvo'a'aruëjo: Vavuohuro nasi dë vövöbajö'ere jio'i naro Vavu hesi dë vövöbajö'ere jiaje hõjo.

<sup>39</sup> Èhi jövamu hegorovo ruehu jaburo rõhu maho Iesu guduamo'ië'areje. Gudu-amo'ia'amu garaedëgoromo va'adeje.

<sup>40</sup> Va'adoho va'o Jordan jovoho beromo ioni gönö va'oromo John-hu aevoromo bapataeto vaejëvadire è va'o hijadeje.

<sup>41</sup> Va'o hijamu gagorovo ae aho'obëhe rueruomadeje. Rueromo uarovareje: John bogo darugo'e mu masijoho vaenövade hõjo. Rõhu ave a hesi jö John-hu majahuujamu hejaroho è jõho aho'obëhe iae mae uövuaade hõjo.

<sup>42</sup> Èhi uarovoromo ae aho'obëhe Iesu è öri ari'ere mae uehorovoruumadeje.

## 11

### *Lazarus guomade jõhoje.*

<sup>1</sup> Iae guomo guomo'e ae gemu hesi ihoho Lazarus Bethany amore hijadeje. Rõhu hesi ma'ine niö'i Mary'o Martha'o jabesi amoho gemuoho jiadeje.

<sup>2</sup> Rõhu Mary hu majae ijönö hiromo Badare hörure ridi'e jovehu otehodivoromo simano uehu uhijaho'irõhe magonahoho jiadeje. Amo è magonaho hesi ma'ine Lazarus-ro guomo guome baeromo hijadeje.

<sup>3</sup> Hijamu Lazarus-are ma'ine niö'iro jöe nugö'öromo Iesu uavareje: Bada jaehu huë baejanue aho guomo guome baejë'e hõjo.

<sup>4</sup> Guomo guome baejë'e höjamu hegorovo Iesuro uëvadeje: Èguomo guomo baejade hesi bëhoho hu bogo ioro'ioremuoho guomo'irögoro God-are ihoho döro jiorõhego. Hu guomo guome baejë'ero èhu'ero God-ro ajemi'iramu hesi Harihe nasi ihohu'o dö maro jio'a'ajëjo.

<sup>5</sup> Rõhu Iesuro ö'o ö'o Martha'o Mary'o jabesi ma'ine Lazarus'o èhi dë vövöbajö'e aho'o uehorovëvadeje.

<sup>6</sup> Amo hejade uavamu: Lazarus guomo guome baejë'e hö uavamu heromo bogo Judea sa'arohu va'oromo Lazarus ga'irögoro èhi hijamu majae niö'i barëjëvadeje.

<sup>7</sup> Majae niö'i barëjëvamu gagorovo hesi ijorajo ömo'ömocho uëvadeje: Ruehego no Judea sa'are vuonorö'ö va'arëjo.

<sup>8</sup> Va'arëjamu ijorajoho jaburo uavareje: Tisa iae mae hõjo rõhu avevejö'e Jew rajoho jaburo ja munëro vajami'ië'are hõjo. Èhi jië'ocho ja rabëni è sa'arohu vuonorö'ö va'ië'anuejo.

<sup>9</sup> Va'ië'anuejamu Iesuro uëvadeje: Aveho aji majaromëro jië'ero va'ejöjo. Jemë'o uehorovohëjo. Majae höröromo hour aho'obëhe 12 barëjëgo evare beva'aje hõjo. Èhu'ero

ae rahu maja'e jijihë'o'oho ave sa'ae aho'o hesi ajire jijihoromo ëhuro bogo biberovarue hõjo.

<sup>10</sup> O vahi'e jijihë'o'oho ajoho bogojëvë'ëro ëhuro biberovarue hõjo.

<sup>11</sup> Ëhi uëromo ijono uëvadeje: Nosi aemo'aemoho Lazarus niavë'e hõjo. Ëhuni na va'oromo io'ejõjo.

<sup>12-13</sup> Io'ejõjumu hesi ijorajoho jaburo uvareje: Nani Iesuro uõromo ë'ajëjo: Lazarus manjavajë uõuvajëromo uavareje: Bada hu niavë'o'oho iae marë'ajëjo. Röhu Iesu bogo ëhioho uë'i a'i uëromo ë'adeje: Lazarus hu guomë'e hõjo.

<sup>14</sup> Ëhuni Iesuro huruoho majëhiromomo uëvadeje: Lazarus guomë'e hõjo.

<sup>15</sup> Guomamu naehu bogo hu'o hijodohuni ëhuni jemesi jõeni nimorohajëjo ëhuro jemëro nasi muoho garomo mae uehorovo'irarijego. Röhu rueho na hesirire va'arëjo.

<sup>16</sup> Ëhi uëvamu hegorovo Thomas hesi ihoho aehu uvaruoho Huodi'e Rahade Aho huro ijorajo ioro'ioroho uëvadeje: Go va'ohego no'o va'oromo Iesu'o gemu mae vuovo'irarëjo.

*Iesuhu vuovë'e aribövi ajëmego i'ovoromo ri'õromomo mae raromarue jö Iesuhu jövadohoje.*

<sup>17</sup> Ëhi'amu Iesuro va'oromo Bethany amore hörõ'irõgoro hejade uavavamu: Lazarus mami'e guomamu guavarohomo majae ëhi niõ'i ëhi niõ'i barëjë'e hõjo.

<sup>18</sup> Röhu Bethany amoho Jerusalem bëhire jië'ëro 3 kilometre rabu'e jiadeje.

<sup>19</sup> Ëhu'ëro Jew raje ae aho'obëhe jaburo Jerusalem jioromo Bethany rovë'ëro ë raromareje Martha'o Mary'o jabesi ma'inoho guomë'ëro huë vavaeni baejaruoho sanuëmirõhëro.

<sup>20</sup> Ëhi'amu Martha-ro hejade uavavamu: Iesu rovajëjumu hegorovo osare jioromo hörõromomo Iesu biroho'i rovadeje. Rue'irõgoro Mary-ro ëhi osare hijadeje.

<sup>21</sup> Hijamu Martha-ro rueromo Iesu birohoromo uavadeje: Bada ja ave hi'ibejanëjo nasi ma'inoho bogo guomo'ibejajo.

<sup>22</sup> Nasi ma'inoho iae guomë'e hõjo. Röhu jaruvohu'o God-hu diehi ajamijõro Iesu jaehu ua gavë'o'oho iae ajami'ajëjo.

<sup>23</sup> Ajami'ajëjumu Iesuro uavadeje: Jasi ma'inoho iae i'ovoromo ri'õ'a'ajëjo.

<sup>24</sup> Ri'õ'a'ajëjumu Martha-ro uavadeje: Iae na garomo uvajëjo: Ijo tugoho'i ruerõhe majaho rue'iramu evare ae aho'obëhe i'ovoromo ri'õruomom'iramu hu'o ri'õ'a'ajëjo.

<sup>25</sup> Ri'õ'a'ajëjumu Iesuro uavadeje: Vuovoromo i'ovoromo ri'õromomo mae raromom'irarije darugo hesi bëhoho na jevajëjo. Ëhu'ëro ae rahu nasi õrire mae uehorovëv'õhuro daruge baeromo mae raromom'aruëjo. Nani vuovo'ajëjo röhu iae i'ovëvo'ajëjo.

<sup>26</sup> Ae rahu i'ovoromomo raromomomo nasi õrire mae uehorovëv'õho bogo sisëroho va'i mae raromom'aruëjo. Na ja ë jõho mae uehorovanuëjo.

<sup>27</sup> Mae uehorovanuëjumu uavadeje: Bada io'ajo. Iae na mae uehorovoromo uvajëjo: Börõme namiromomo ajamui'irane aho God-are Harihoho ja javajëjo. Ave sa'are rue'iranego God-hu uõvuade aho ja javajëjo.

*Iesuhu nivade jõhoje.*

<sup>28</sup> Martha-ro Iesu ëhi uanugoromo va'adeje. Va'oromo osare va'o hesi õho Mary saginiëri uavadeje: Tisae rovë'e hõjo. Rovë'ëro uvajëjo jero ruejõro.

<sup>29</sup> Ruejõro uvajëjumu hejë'i ma-burëro ri'õromomo Iesu biroho'i va'adeje.

<sup>30-31</sup> Ma-burëro ri'õromomo Iesu biroho'i va'amu gagorovo Jew raje Mary'o osare raromomomo sanuamijarohuro uvareje: Nani Lazarus-are sino bamarire nivo'i va'ajëromomo rihiomareje. Rihiomomamu Iesuro amo maroho bogo rue'i Martha-hu birohadire ë hijë'ëro Mary-ro ë biroho'i rovadeje.

<sup>32</sup> Rueromo Iesu garomo hesi bëhire ague aho hiromomo uavadeje: Bada ja ave hi'ibejanëjo nasi ma'inoho bogo guomo'ibejajo.

<sup>33</sup> Ëhi uaromo nivamu Jew raje hu'o gemu mae rovarohu'o nivruomomamu gëgorovo Iesuro hesi dë vövõbajo'o uhure hara'uoromomo vavaenimomo avohadeje.

<sup>34</sup> Vavaenimomomo uëvadeje: Jemë sinoho dinõ'e bamarije hõjo. Bamarije hõjumu uavareje: Bada rueromomo gavëjo.

<sup>35</sup> Rueromomo gavëjumu Iesuro nivadeje.

<sup>36</sup> Nivamu gagorovo rue Jew rajohuro uarovareje: Aroriaho gahëjo. Hu Lazarus-are õrire hesi dë vövõbajo'ere bogo bisemuoho uehorovë'ëro ëhuni nivajëjo.

<sup>37</sup> Nivajëromomo ae göëro göëro uvareje: Ëahuro nuni sisë'e aho ajamamu marëjade hõjo. Ëhuni nani huro Lazarus mami'e ro ajami'ibejajo hu bogo guomo'ibejajo.

*Iesuhu Lazarus ajamamu guomomomo i'ovoromo ri'õjade jõhoje.*

<sup>38</sup> Ĕhi uarovamu hegorovo Iesuro rōhu maho hara'uoromo vavaenimamu sino bamarire va'adeje. Va'oromo gavadeje juju gagoho munēro tugohē'e jiamu.

<sup>39</sup> Tugohē'e jiamu gagorovo uēvadeje: Munēho rori'o bava'ohējo. Bava'ohējamu guomē'e a hesi ma'ine Martha-ro uavadeje: Bada iae ēhi hōjo rōhu majae ēhi niō'i ēhi niō'i barējē'ero jiē'ero usihōvajējo.

<sup>40</sup> Usihōvajējamu Iesuro uavadeje: Iae ēhi hōjo rōhu na mami'e uavode hōjo: Jaehu mae uehorovē'oho God-are aji maho ga'a'anuējo. Naehu uavode jōho na ja ēho uehorovanuējo o bogajo.

<sup>41</sup> Ĕhi uavamu hegorovo rueho jaburo munēho bava'areje. Bava'amu Iesuro sioroho garomo uavadeje: Apo naro jasi ōrire huē mae uavajējo rabēni jero nasi jōho ejehē'ego.

<sup>42</sup> Iae na garomo uvajējo: Jero majae ēhi ejehanue hōjo. Rōhu naro ave jōho uavajējo arue aribōvi jabesi jōēni ēhuro jaburo uvoruomorōhego: Iae mae-ējo. God-ro nōrō nugō'ōjamu rovade hōjo.

<sup>43</sup> Ĕhi uanugoromo ma-darugo'o uvadeje: Lazarus va'orahonō hōrō rovējo.

<sup>44</sup> Hōrō rovējamu guomamu bamare ahuro i'ovoromo hesi ōvo hōru'oho no ano'oho niōgēro muoho taemo'amē'e juju gagore jioromo hōrō rovadeje. Rovamu gagorovo Iesuro uēvadeje: Niōgoho jiovahohego va'ajo.

*Jew rajo a masijehu Iesu ano'iro jō atare jōhoje.*

<sup>45</sup> Ĕhi'amu Jew raje ae aho'obēhe Mary ga'i rovarohuro gavare Iesuro Lazarus ēhi ajami'ego i'ovoromo ri'ōjamu gagorovo hesi ōrire mae uehorovareje.

<sup>46</sup> A ioro'iorohuro bogo ma uehorovo'i va'oromo Pharisee aribōvioho huruoho majēhiromo uēvareje: Iesuro ēhi jiē'e muoho vaejade hōjo.

<sup>47</sup> Ĕhi majēhijamu hegorovo priest masijohu'o Pharisee ōmo'ōmohu'o ēho jaburo Jew rajo a masijo ioro'iorohu uēvareje: Gagovohego no jōe mevarējo. Jōe mevarēromo gagovamu uēvareje: No ave a hesi ōriroho diehi'o'ejarējo. Huro darugo'e mu masijoho aho'obēhe vaejaje hōjo.

<sup>48</sup> Ĕhi jiē'e mu masijoho vaemu vaejamu noehu bogo tugohē'oho ae aho'obēhe hesi ōrire mae uehorovoruomo'ajējo. Mae uehorovo'iramu gagorovo Rome aribōviohuro rueromo nosi amo bōrōmohu'o sa'ahu'o ijumavuo barē'ajējo.

<sup>49</sup> Rōhu ae gemu hesi ihoho Caiaphas hu jabu'o jiadeje. Evare vaduniroho hu priest bōrōme namijē'e jiadeje. Ĕahuro ri'ōromo uēvadeje: Jemē ave muoho bogo avo'avoho gavarujējo.

<sup>50</sup> Jemē diehi'oromo bogo uehorovarujējo ae gemuehu ae aho'obēhe noni guomē'oho ēhuro jemē marējēvo'ajējo. Ĕhi jiē'oho nosi sa'aho aho'obēhe bogo barējavuo'ajējo. Caiaphas-ro ēhi jōvadeje.

<sup>51</sup> Ĕjōho bogo hesi ēma jōvo'irōgoro evare vaduniroho hu priest bōrōmēro jiē'ero ijonō jiorōhe jōho God-ro bojamamu majēhijadeje. Majēhijade jō hesi bēhi huruoho majēhijē'oho Iesu guomo'a'ajējo Jew raje aho'obēhe ajēmi'irōhēro.

<sup>52</sup> Rōhu bogo Jew rajo jabesi jōēni ēhemuoho guomo'i a'i guomoromo ēhuro God-are aboji harihu'e aho'obēhe dinō'e dinō'e raromaruoho gemuoro gagovo'irōhego Caiaphas-ro jō bēhoho bogo uehorovē'e ēhi ma-jōvadeje.

<sup>53</sup> Iesu guomorōhe jōho ēhi atoromo evare majare aevoromo ōroho nahoromo avohobe rovareje hu anorōhēro.

<sup>54</sup> Ĕhi'amu Iesuro Judea sa'are va'orahore juvadoho vuonugo'i va'adeje. Va'oromo a rumo'e sa'a hesi bēhire amo ihe Ephraim ē va'oromo hesi ijorajo ōmo'ōmohu'o gemu mae hijadeje.

<sup>55</sup> Hijamu Jew rajo jabesi maja bōrōmoho dunovadeje. Maja bōrōmo hesi ihoho God-hu Vōrō Tugohade hesi Majaho jiadeje. Ĕmaja bōrōmoho dunovamu ae aho'obēhe amo harihu harihure jioromo Jerusalem amo bōrōmore iojiomareje Moses-are jōgoroho ejahoromo jabesi sisēho avohorovo'i sōrō majaho rovego avoho ue'ahorōhēni.

<sup>56</sup> Iojioromoro Iesu nahoromo God-are amo bōrōmore gagovoromo uarovareje: Jemē diehi uehorovarujējo. Na jemē uehorovarujoho Iesu sōrō bōrōmoroho rue'a'ajējo o bogajo. Nani bogajo.

<sup>57</sup> Rōhu mami'e priest masijohuro Pharisee ōmo'ōmohuro ae aho'obēhe jōe bojēmiromo uēvareje: Iesu dinō'e hijajoho ae rahu gavē'oho ro huruoho majahuirego no heromo va'oromo hu guduamo'irarējo.

## 12

*Magonaho gōehu ridi'e oso baeromo Iesuare hōrure otehodivade jōhoje.*



<sup>1</sup> Ijonö majae aho'obêhe 6 barêjego God-hu Vörö Tugohade Sörö maja rue'iröhoho jiadeje. Rue'iröhoho jiamu evare Iesuro Bethany amore Lazarus-hu hijajire ë ajiomadeje. Lazarus guomamu Iesuhu ajamamu ri'öjâde aho jiadeje.

<sup>2</sup> Amo Iesuro ë ajiomamu ariböviohuro i harihe avohoromo Iesu bojamijareje. Bojamiro mo Martha-ro ajëmiromo ie i'imëmamu Lazarus-ro ie i'i Iesumë'o ro hijadeje.

<sup>3</sup> Èhi ro raromamu Mary-ro ridi'e osoho bisemu bövie barovadeje. Osoho bogo jovo'oho buarohë'e ma-oso maemu jiadeje. Hesi manaho bogo bise'o vadu'oho jiadeje. Èsoho Mary-ro barueromo Iesuare hörü döre otehodivoromo simano uohuro höröho uhijahadeje. Uhijahamu ridohuro osae aho'obêhe rumorovo barêjadeje.

<sup>4</sup> Rumorovo barêjamu Iesuare ijorajo ömo'ömoho ae gemu hesi ihe Judas Iscariot Iesuni hiruëmiromo a jabesi övore bojëmi'iröhe ahuro uëvadeje:

<sup>5</sup> Ridi'e osoho rabëni bogo aroho imëvoromo 300 kina rabu'e baeromo bövi bise'o rumo'e aribövioho suvuorëmiare höjo. Èhi jië'oho iae mae jio'ibejajo.

<sup>6</sup> Èhi uëvade hesi bëhoho Judas Iscariot-ro bövi bise'o rumo'e ariböviohuniho bogo uehorovoromo jövo'i a'i vajiohu'e aëro jië'ëro ëhi jövadeje. Èhesi bëhoho huro Iesumëi moni'e esöho muebenövadeje. Muebejë'i gö vajiohëro baenövadeje. Vajiohëro baenövë'ëro ëhu'ëro uëvadeje: Ridi'e osoho rabëni bogo aroho imëvoromo bövi bise'o rumo'e aribövioho suvuorëmiare höjo.

<sup>7</sup> Bövi bise'o rumo'e aribövioho suvuorëmiare höjamu hegorovo Iesuro uavadeje: Bogave magonahoho vavaenoho bojami'iranëjo. Huro nimade höjo osoho avoho mueberomo guomevego otehodegoromo guavevo'iröhëni.

<sup>8</sup> Bövi bise'o rumo'e aribövioho jemë'o jiemu jioruomoi' na bogo jemë'oho hiemu hi'ejöjo. Èhuni hu iae mae otehodegade höjo.

*Jew rajo priest masijehu Lazarus ano'i jö atarohoje.*

<sup>9</sup> Èhi'amu Jew raje ae aho'obêhe hejare uvavamu: Iesuro Lazarus'o gemuore hijajë uvamu hegorovo rueruomadeje Iesu ga'irovo. Röhu bogo Iesu gemu ga'i rue'irögoro Lazarus'o ga'i rovareje Iesuro ajamamu i'ovë'ëro jië'ëro.

<sup>10</sup> Lazarus ga'i rueruomaje jöho hegoro priest masijohuro jöe mevoromo uarovareje: È'ego Lazarus'o ano'irarëjo.

<sup>11</sup> Lazarus ano'i atare hesi bëhoho Jew raje ae aho'obêhe uvareje: Iesuro Lazarus mabêhe ajamijade hörömo priest masijo jabesi jöho vuonugo'i Iesu mae uehorovareje. Èhuni ano'i atareje.

*Iesuhu Jerusalem mae rovamu gavë'i aehu mabêhe rajahiruomade jöhoje.*

<sup>12</sup> Èhi'amu nërö sörö i'i rovare aribövioho aho'obêhe hejareje uvavamu: Iesu Jerusalem rojomajëjo.

<sup>13</sup> Rojomajëjamu hegorovo ijo rude ujuohoromo Iesu biroho'irögoro uvobe va'oromo uvoruomadeje:

God mabêhëjo.

Ave aho Badare ihore rovajoho mabêhëjo.

Israel rajo nosi börömo mabêhëjo.

<sup>14</sup> Èhi uvoruomamu Iesuro donkey harihe baeromo hesi döre ajio hijadeje. Donkey döre hijego Jerusalem amo rajehu garuomoi'iröhe jöho mami'e God-are surire jajivoromo uvë'eje:

<sup>15</sup> Zion rajomë nadi juhuonivo'i arueho gahëjo.

Jemesi börömhuro donkey harihu döre hiromo rovajëjo.

Èhi jajivë'eje. Röhu mami'e God-are surire jajivadëhi Iesuro ëhi ë'adeje.

<sup>16</sup> Urimoho Iesuare ijorajo ömo'ömohuro ë surire jö hesi bëhoho bogo avoho uehorovareje. Röhu ijönö Iesuro döre ajiomoromo aje baeromo böröme namijamu evare ë jöho uehorovoromo uvareje: Iae mae-ëjo. Iesuare jö God-are surire jajivarëhi no hesi örire ëhi vaejahare höjo.

<sup>17</sup> Röhu ae aho'obêhe Iesu biroho'i rueruomade hesi bëhoho urimë'i Lazarus guomamu Iesuro huni uvamu i'ovoromo munë gagore jioromo hörö rovamu evare ae aho'obêhe Iesu'o raromoromo ë muoho gavareje. Gavë'ëro ë jöho majëhibe jijihareje.

<sup>18</sup> Èbëhi'e mu börömo hesi jöho majëhijamu hejë'ëro ëhuni ae aho'obêhe Iesu biroho'i rueruomadeje.

<sup>19</sup> Iesu biroho'i rueruomamu gëgorovo Pharisee ariböviohuro uarovareje: Jemë'o gahëjo. Èa hesi mu tugohë'oho bogo eni javuo hesi höjo. Iae ae aho'obêhe mae hu gemu uehorovoromo hesi ijore ijore jijihoruomajëjo.

*Greece sa'a rajo a ioro'iorehu Iesu ga'i nimoruomade jöhoje.*

<sup>20</sup> Èhi'amu ae aho'obêhe Jerusalem rojomamu Greece raje ae gö gö jabu'o rojomareje sörö majaho rovego God rajahi'iröhëro.

<sup>21</sup> Rojomoromo Philip ga'i rovareje. Philip hu Galilee sa'a raje Bethsaida amo raje jiadeje. Jaburo Philip ga'i rueromo uavareje: No naguajëjo Iesu ga'irovo.

<sup>22</sup> Èhi uavamu hegorovo Philip-ro va'oromo Andrew uanugoromo jaburo niö'iro va'oromo è jöho Iesu majahijareje.

<sup>23</sup> Majahijamu Iesuro uëvadeje: God-are A Ma nasi iho döre jioröhe majaho iae rovë'e höjo.

<sup>24</sup> Ave naehu ë'irode jöho uhu'e majëhi'ië'ajëjo. Èhesi bëhoho iae jö mae magemuohemu höjo. I ujo gemu sa'are beruvebiromo sisërë'ajëjo. Sisërëjë'ëro ëhu'ëro tögömoromo ëgovoromo baje aho'o rae'amo'ajëjo. Bogo sisërë'ibejajo ëhi magemu jio'ibejajo. Sisërëjë'ohuro ëhuro bogo sivuoho jio'i aho'o jio'amo'ajëjo. Na ëhi sisërëjëvo'iramu ëhuro ae aho'o gemuore jio'a'ajëjo.

<sup>25</sup> Ae rahu jabesi sinohemu uehorovë'oho ijumovoravue höjo. O ave sa'are raromoromo sinehu nimaje mu bogo uehorovë'oho ëhuro ioro'iore gemu raromo'aruëjo.

<sup>26</sup> Ae rahu nasi mu vae'i nimë'oho nasi ijore ijore jijih'o'aruëjo. Na dinö'e hijë'iroho nasi mu aribövioho jabu'o è raromonövo'aruëjo. Ae rahu nasi mu vaejehë'oho nasi Vavuohuro jabesi ihoho döro bamo'ajëjo.

*Iesu guomoröhe jö huhu jövadohoje.*

<sup>27</sup> Avevejö'oho na dë vövöbajore vavaenegavajëjo. Èhuni na diehi ua'ejöjo. Na na ua'ejöjo: Apajo. Ave vavaeni maja rueröhohe tugohehego bogo bae'iröjo. Bogajo. Na bogo ëhioho ua'ejöjo rabëni na è vavaenoho bae'i rovë'ëro.

<sup>28</sup> Èhuni bogo tugoho jöho ua'irögoro a'i ua'ejöjo: Apo jasi aji'e muoho röjëhijego aëro garomo uvarëjo: Jasi ihoho bëröme höjo. Jasi ihoho bëröme hö uanugoromo hejadeje ö'idöve uvavamu: Na mami'e nasi aji'e muoho röjëhijë'e jevajëjo. Röhu maho röjëhi'ejöjo aëro uvoruomoröhego: God nasi ihoho bëröme höjo.

<sup>29</sup> Èhi uvavamu hegorovo ae aho'obêhe bëhire riravarohuro a ioro'iorohuro uvareje: Varurëro anavohijajo. A ioro'iorohuro uvareje: O aneraëro Iesu jöe majahiromo uvavohijajo.

<sup>30</sup> Èhi atoruumamu hegorovo Iesuro uëvadeje: Ejö uvavamu hejarijoho bogo nasi jöënioho uvo'i jemesi jöëni uvade höjo.

<sup>31</sup> Jaruvoho ave sa'are mu sisë vaeruomaje aribövioho God-ro mevëvo'irögoro ë'ajëjo. Jaruvoho ave sa'are mu sisë simano vaejaje aho God-ro ruahö'ö'irögoro ë'ajëjo.

<sup>32</sup> Na sa'are jevajoho aehu banigjioimevë'oho evare naro ae aho'obêhe rinëgo'iramu nasinö rueruomo'ajëjo.

<sup>33</sup> Aehu hu banigjioimo'iröhe jö majëhijadoho huro uëromo è'adeje: Aëro ëhi korosire banigjioimevo'iramu guomo'ejöjo.

<sup>34</sup> Èhi uëvamu hegoro rue ariböviohuro uaruomadeje: Guomo'irane jö uövuanuoho röhu no hejë'e javuajëjo nosi jögoru surire adahoromo uövuanu: Bëröme namiromo ajamui'iröhe aho nosirire rovë'iroho hu bogo guomo'i ma-ioro'ioremu hi'a'ajëjo. Èhi jië'oho ja diehi jië'e aëro javë'ëro ja guomo'i uvauëjo.

<sup>35</sup> Guomo'i uvauëjumu hegorovo Iesuro uëvadeje: Ajoho naro majae ma-bunemu jemë'o hiromo ajivëvo'ejöjo. Jemë'o hiromo ajivëvego ajiro jijihorëjo ëhuro bogo ramoramovëvo'iröhe höjo. Ramoramore jijihë'oho öroho sidövëvo'ajëjo.

<sup>36</sup> Èhi jië'e jiaje aji naehu jemë'o hijajevaro evaro ajoho na mae uehorovevorëjo. Mae uehorovë'oho aji'e aribövie jëvo'ajëjo.

*Jew rajo ariböviehu Iesu bogo ma uehorovare jöhoje.*

Èhi uënuogoromo va'adeje. Va'oromo gurihirovoromo dirö'o göro hijadeje jaburo gajöëni. Èhi'adeje.

<sup>37</sup> Urimo Iesuro Jew rajohu'o hiromo bëhi'e mu masije aho'obêhe jabesi nunire vaebe rovadeje. Röhu jabumöro hesi öiroho bogo maho uehorovareje.

<sup>38</sup> Èhesi bëhoho jö God-aro baeromo majëhinövade ae Isaiah-hu maminö gö'e jajivadëhi ëhi jioröhego ëhuni Iesu bijönimareje. Isaiah-ro God-are surire jajivoromo uvadeje: Bada rahuro nosi jöho mae uehorovë'e höjo.

Badare darugo'e mu hesi bëhoho rahuro avoho gavë'e höjo.

Isaiah-ro ëhi jajivadeje ijönö jioröhego. Huhu jajivadëhi jaburo ëhi ë'oromo Iesu bogo ma uehorovareje.

<sup>39</sup> Iesu ma uehorovo'iröhoho bogo eni jëvadeje. Bogo eni jëvade hesi bëhoho Isaijah-ro ave jöhu'o surire uhunö'e jajivadeje. Jajivoromo uvadeje:

<sup>40</sup> God-ro uvajëjo: Naro jabesi nunoho tugohëhoromo uehoroho ijumëhë'e jevajëjo

ëhuro nunoho ramoramovëvoromo uehoroho bogojëvoröhego.

Uehoroho bogojëvego bogo huotorovoromo nasi öriroho bogo rovego naro bogo i'ovëvego bogo mae jëvoröhego.

<sup>41</sup> Isaijah-hu ëhi jajivade hesi bëhoho huro uehore God-aro baeromo Iesuhu baeröhe ajoho garomo huhu vaeröhe jöho jövadeje.

<sup>42</sup> Iae a ioro'ioroho Iesu bogo ma uehorovareje röhu a ioro'ioroho aho'o Jew rajo a masijo ioro'iorohu'o iae hu mae uehorovareje. Mae uehorovoromo röhu uvareje: Pharisee ömo'ömhuro uö'a'aruëjo: Iesu mae uehorovarujohuni God rajahijarue osaroho nadi ijoroho ruerë uö'a'aruëromo ëhuni Pharisee juhuonëmiromo Iesu mae uehorovare jöho subivëhareje.

<sup>43</sup> Uvareje: God-hu no rajahui'iröhoho ëho ma-jianovo'i aehu no rajahuijaruoho iae mae höjo.

*Iesuhu majëhijade jö bijönimë'ohuro sisëro va'iröhe jöhoje.*

<sup>44</sup> Iae Iesuro ma-darugo'o uvadeje: Ae rahu na mae uehorovëvë'oho bogo nasi öriroho gemu uehorovevo'i sa'are remö'öjade ahu'o mae uehorovarue höjo.

<sup>45</sup> Ae rahu na gevë'oho sa'are na remö'öjade ahu'o gavarue höjo.

<sup>46</sup> Naro sa'are rovë'ëro aho'o ajivëvaje höjo ëhuro ae rahu na mae uehorovëvë'oho ë aribövioho bogo ramoramoroho raromöröhego.

<sup>47</sup> O ae rahu nasi jö heromo bogo ejehë'oho na bogo jabesi jöho mevoromo sisëroho bamëvo'ejöjo. Sa'ae aho'o bogo sisëroho bamëvo'i maro bamëvo'i rovode höjo.

<sup>48</sup> Röhu na'o nasi jöhu'o bijönimë'oho sisëre va'iröhe bëhoho iae jiajëjo. Bëhoho ëho naehu majëhibe rovode jöho höjo. Hujeji ijo tugoho'i majaho rue'iramu ë jöho bijönimë'ëro ëhu'ëro sisëro va'a'aruëjo.

<sup>49</sup> Rabëni hesi bëhoho naehu majëhibe rovode jöho bogo nasi ëma jövo'i Vavue sa'are remö'öjadohuro jöho bojemijade höjo naro ëhuremu jövo'irodego.

<sup>50</sup> Röhu naro garomo uvaje höjo: God-hu bojemijade jö aehu ejahë'ohuro ëhuro ma-ioro'iohemu maro raromarue höjo. Ehu'ëro jië'ëro naehu jövaje jöho Vavuehu uevadëhi iae ëhi gemuoho höjo.

## 13

*Iesuhu hesi ijorajo ömo'ömo jabesi hörü hitahi u'ovëhade jöhoje.*

<sup>1</sup> Iae God-hu Vörö Tugohade Sörö majaho nërëhi jio hesi jiadeje. Nërëhi jio hesi jiamu Iesuro garomo uvadeje: Naehu sa'a nugo'i Vavu hesi örire va'irode majaho iae rovë'e höjo. Röhu hesi aribövi maho ave sa'are raromaruoho mami'e dë vövöbajo'e aho'o uehorovëvobe rovadoho bogo vuonugo'i uehorovëvobe va'adeje ëhi ma-guomöröhego.

<sup>2</sup> Iae Satan-ro mami'e Simon Iscariot-are harihe Judas-are simanoho ijumahadeje huro Iesu bijönimarue a jabesi övore böjemi'iröhego. Ehi jië'ëro Iesu'o hesi ijorajoho jabu'o raromoromo i harihe ue'ahareje.

<sup>3</sup> Ie ue'ahoromo Iesuro garomo uvadeje: Vavuohuro daruge aho'obëhe nasi övoro bamehë'e höjo. Na God-arire jioromo rovodohe hesi örire vuonorö'ö va'ejöjo.

<sup>4</sup> Hesi örire vuonorö'ö va'ejöromo Iesuro ie ijë'ëro ri'öromo döre niögoho jijöromo uhirovarue niögoho dë'ahore muohorovadeje.

<sup>5</sup> Muohorovoromo jovoho hevöre otehoromo aevoromo hesi ijorajo jabesi höröho eguehoromo muohorovade niögoho baeromo höröho uhijëhadeje.

<sup>6</sup> Ehi'obe va'oromo Simon Peter-hu hijajire rovadeje. Rovamu uvadeje: Bada na ja nasi höröhu'o eguehonëjo.

<sup>7</sup> Eguehonëjamu uvadeje: Naehu ömaje hesi bëhoho jaruvoho ja bogo gavanuëjo. U'emu ga'a'anuëjo.

<sup>8</sup> Ga'a'anuëjamu hegorovo Peter-ro uvadeje: Nasi höröho bogo egueho'anuëjo. Bogo mae bogajo. Bogajamu uvadeje: Naehu jasi hörü bogo eguahë'oho ijönöho ja bogo nasi ae gemuoho javo'ajëjo.

<sup>9</sup> Javo'ajëjamu hegorovo Simon Peter-ro uvadeje: Ehi jië'e jiaje nadi höremuoho egueho'i a'i övohu'o simanohu'o ëhu'o eguehëjo.

<sup>10</sup> Eguehëjamu Iesuro uvadeje: Rabëni övoho simanoho eguahöjöräjo. Bëhoho bogohöjo. Ae rahu jabesi sino haho'o jovo eguoromo u'o barëjë'öho röhu maho bogo

eguoruo<sup>o</sup>ma'i jabesi hōrohemu eguonōvo'aruējo. Rōhu jemesi sisēho mami'e u'ovēhē'ero mae jēvājējo. Mae jēvo'i sisēho jemesi ae gemu hesiriremu hōjo.

<sup>11</sup> Iesuho ēhi uēvade hesi bēhoho huro garomo uvadeje: Judas-ro na bijōnegarue a jabesi ōvore bojēmi'ajējo. Ēhuni uēvadeje: Jemē mae jēvo'i sisēho jemesi ae gemu hesiriremu hōjo.

<sup>12</sup> Ēhi uēromo ijarahajo jabesi hōroho eguēhonugoromo niōgu jijō bamadoho rōhu maho ba'amoromo va'o hesi rōhore hinugoromo uēvadeje: Naehu jemesi ōrire ōmode mu hesi bēhoho na jemē gavarujējo o bogajo.

<sup>13</sup> Bēhoho iae na majēhi'iē'ajējo. Jemēro uevaruje hōjo: Tisajo o Badajo. Iae mae uevaruje hōjo na ēhi jevē'ego.

<sup>14</sup> Na jemesi Bada'o Tisa'o jevajējo rōhu na bogo uvode hōjo: Bōviēro jevē'ero hōroho bogo eguēho'ejō uvo'i ma-eguēhode hōjo. Ēhuni jemē'o nadi bōvie javuajē uvo'i gōero gōho huē baerovoromo hōroho eguahorovorējo.

<sup>15</sup> Ēhesi bēhoho naro mu mae rōjēhijē'e jevajējo ēhuro naehu jemē ajēmijodēhi jemē'o ēhi huē baerovoromo ajamirovo'irarijējo.

<sup>16</sup> Ave jōho na jō mae uē'iē'ajējo. Mu aribōviohuro o anue jijiharue aribōviohuro jabesi a bōrōmoho bogo iosiramiromo masije riravarue hōjo.

<sup>17</sup> Ējōho mae jio'ego jemē iae gavarujējo. Ēhuni nadi na iosiremiromo uvorējo: No masijēro javuē'ero aho bogo ajēmi'ejarē uvo'i ma-ajamirovorējo. Ēhi ē'ē'o'oho huē mae jēvo'ajējo.

<sup>18</sup> Huē mae jēvo'ajē uēvaje jōho ēho bogo ae aho'obēhe jemesi jōho uēromo ē'ajējo. Jemē diehi jiē'e aribōvie baejēvodoho iae na gēvaje hōjo. Mami'e God-are surire jōho jajivoromo uvē'e hōjo: Na'o gemu mae i ijajahuro huotorovoromo na'o muorovo'i nimade hōjo. Ēhi jiorōheho God-are surire jajivadēhi iae ēhi jiē'e mu sisēho jio'a'ajējo God-are surire jōho bogo bejajēro jiē'ero.

<sup>19</sup> Ēmu sisēho bogo vejō'oho jio'i u'emū jio'a'ajējo. Rōhu aviavejō'e uēvājējo jemēro ga'irarijējo ē mu sisēho rovego garomo uvo'irarijējo: Iae mae-ējo. Nōrō jiemū jiaje A Bōrōmoho hōjo.

<sup>20</sup> Rōhu ave jōho na jō mae uē'iē'ajējo. Naehu rēmō'ōjēgo rovarue aribōvioho ae rahuhu ē aribōvi rajēhiromo baejēvō'oho ēhuro na'o rajehiromo baejevorumaje hōjo. O ae rahu na rajehiromo baejēvō'oho ēhuro remō'ōjamu rovode ahu'o rajahiruomaje hōjo.

*Judas-hu Iesu bijōnimarue a jabesi ōvore bojēmi'irōhe jō Iesuho jōvadohoje.*

<sup>21</sup> Ēhi uēromo hesi dē vōvōbajo'ere huē vavaene bōrōme baejadeje. Huē vavaene bōrōme baeromo ma-sama'e majēhiromo uēvadeje: Ave jōho na jō mae uē'iē'ajējo. Jemesirire jiaje ae gemuēro na bijōnegarue aribōvi jabesi ōvore bojēmi'anuējo.

<sup>22</sup> Ēhi uēvamu hegorovo hesi ijarahoho jaburo nuniro garoro garoro baeromo uvareje: Rahuare jōho uōromo ē'ajējo.

<sup>23</sup> Rōhu Iesuare ijarahaje ae gemuēro Iesuare bēhi mare hijē'e jiadeje. Iesuro ē aho hesi dē vōvōbajo'e aho'o rajahinōvadeje.

<sup>24</sup> Ēaho Iesuare bēhire hijē'e jiamu Simon Peter-ro ē a hesi ōrire uvenēro uavadeje: Ua gavējo: Rahuare jōho uōromo ē'anuējo.

<sup>25</sup> Uōromo ē'anuējamu ē ijarahohuro Iesu hia'iro saginiēri uavadeje: Bada ja rahuare jōe uōromo ē'anuējo.

<sup>26</sup> Uōromo ē'anuējamu Iesuro uavadeje: Naro ioho baeromo ijo bajo nemarire ba'amoromo ioromo ae gemu bojami'ejōjo. Bojamijēgo garomo uvonējo: Iae ē ahuro ēhi sisē vaejevo'ajējo. Ēhi uanugoromo ie gemu baeromo ba'amoromo ioromo Simon Iscariot-are harihoho Judas bojamijadeje.

<sup>27</sup> Bojamamu Judas-ro baeromo ijamu gavē'i Satan-ro ē a hesi dē vōvōbajo'ere abuejadeje. Abuejamu Iesuro uavadeje: Jaehu vae'i ē'anue muoho ma-burēro va'oromo vaejējo.

<sup>28</sup> Vaejējamu hegorovo raromoromo i ijarue aribōviohuro bēhoho rabēni Iesuho Judas ēhi uavajoho bogo avoho hejareje.

<sup>29</sup> Bogo avoho he'irōgoro a ioro'iorohuro uvareje: Judas-ro moni bahijaruoho muebejajēgo ēhuni nani Iesuro uaromo ē'ajējo: Va'oromo sōrōēni ie imahuējo. O va'oromo inōmo rumo'e aribōvioho monioho gō suvuorēmijējo. Ēhuni uaromo ē'ajējo.

<sup>30</sup> Rōhu Judas-ro Iesuho bojamijade ioho baeromo ma-burēro hōrōromo ramoramore va'adeje.

*Gōehu gō rajahirovo'irōhe jō i'ohoje.*

<sup>31</sup> Judas va'amamu gagorovo Iesuro uévadeje: Avevejö'oho God-are A Ma nasi aji'e muoho røjehijë'e höjo. God-ro daruge bojemijë'ëro hesi aji'e muohu'o røjehijë'e jevajejo.

<sup>32</sup> Naro God-are ajoho ae røjehi'iramumu evare God-ro hesi A Ma nasi ihoho banigogiomeho'ajëjo. Hu ma-burëro iae ëhi ë'ië'ajëjo.

<sup>33</sup> Nasi harihu ömo'ömohumë na jemë'oho majae ma-bunemu hi'ejöjo. Hiromomu va'iramumu nahevo'arujëjo. Röhu Jew rajo masijomu mami'e uëvodëhi jemë'o ëhi uë'ië'ajëjo: Naehu va'irodire jemë ë ö'irarijohu bogu eni jëvajejo.

<sup>34</sup> Röhu jögoru i'e bojemi'ië'ajëjo. Göëro göhu rajahirovorëjo. Naehu jemë rajëhibe rovodëhi jemë'o ëhi gemuohu ë'orëjo.

<sup>35</sup> Jemë rajahirovë'ohu ëhuro ae aho'obëhe gëromomu uvoruomomu'ajëjo: Jemë nöruare ijore ijore jijiharuje aribövie jëvajejo.

*Peter-hu Iesu gavajohu subivëho'iröhe jö Iesuhu jövadohoje.*

<sup>36</sup> Ehi uëvamu Simon Peter-ro uavadeje: Bada röhu ja dinö'e va'onëjo. Dinö'e va'onëjamumu uavadeje: Naehu va'irodire avevejö'e ë ö'iranohu bogu eni javajejo. U'emumu ö'a'anuëjo.

<sup>37</sup> Ö'a'anuëjamumu hegoromu Peter-ro uavadeje: Bada röhu avevejö'e naehu jasi ijore ö'ë'ohu rabëro bogu eni jevajejo. Naehu ajamiromomu jani guomevë'ohu iae mae höjo.

<sup>38</sup> Iae mae höjamumu Iesuro uavadeje: Peter jero uvanuëjo: Naro nöro ajamiromomu guomorovu'ejöjo. Röhu ave jöhu na jö mae ua'ië'ajëjo. Kökörökohu bogu uvë'e jero majae niö'i gemu ae uë'a'anuëjo: Na Iesu bogu gavaje höjo.

## 14

*Vavu hesirire va'arue öroho Iesu jiaje jö Iesuhu jövadohoje.*

<sup>1</sup> Iae Iesuro hesi ijorajö ömo'ömohu uévadeje: Nadi nurunurumoromu uehore gö göbae'i a'i God-are öroro mae uehorovoromomu nasi örohu'o ëhu'o mae uehorovorëjo.

<sup>2</sup> Ehesi bëhohu nasi Vavu hesi osare röhohu aho'obëhe jio'amajëjo. Eëhuni na ë va'oromomu jemëhu raromomu'irarije röhohu avohëho'ejöjo. Naehu jövaje jöhu bogu maehu jio'ibejajö bogu uë'ibejöjo.

<sup>3</sup> Va'oromomu jemesi röhohu avohëhonugoromomu vuonorö'ö rueromomu söjëvoromomu nasirëro va'ejöjo ëhuro naehu hijajire jemë'o ë raromomu'irarijegu.

<sup>4</sup> Naehu va'oromomu hi'irode öroho jemë iae gavaruje höjo.

<sup>5</sup> Gavaruje höjamumu Thomas-ro uavadeje: Bada jero ëhi uövuanuëjo röhu jaehu dinö'e va'o hi'iranohu no bogu gavaruëjo. Ehi jië'ohu ja diehi'oromomu uövuanuëjo: Öroho iae gavaruje höjo.

<sup>6</sup> Gavaruje höjamumu Iesuro uavadeje: Mare va'irarije öroho na jevajejo. Jö ma ga'irarije öroho na jevajejo. Darugo baë'irarije öroho na jevajejo. Vavuohu'o gemu mae jëvojöro nëgë'irohu öroho na gemu jevajejo.

<sup>7</sup> Jemë na gevë'e jëvë'ëro nasi Vavuohu'o ga'a'arujëjo. Jaruvohu aëvoromomu jemë ë A hesi bëhohu uehore baeromomu gabe va'a'arujëjo.

<sup>8</sup> Gabe va'a'arujëjamumu Philip-ro uavadeje: Vavuohu röjahuijegu no gavarëjo. Gavë'ohu ëhuro no mae javuö'ajëjo.

<sup>9</sup> Mae javuö'ajëjamumu uavadeje: Philip na majae ëgobövie jemë'o hijë'e jevajejo. Eëhu'ohu ja diehi'oromomu bogu avohu gevanuëjo. Ae rahu na gevë'ohu nasi Vavuohu'o garuomajë höjo. Eëhu'ohu ja diehi'oromomu uevanuëjo: Vavuohu röjahuijegu no gavarëjo.

<sup>10</sup> Ja diehi'oromomu bogu uehorovoromomu uvanuëjo: Nöro Vavu hesi dë vövöbajö'ere jio'i Vavuohuru nöruare dë vövöbajö'ere jiajëjo. Naehu jemë uëvaje jöhu bogu nasi ëma uehorovoromomu uë'i a'i Vavue nasi dë vövöbajö'ere hijajöhuru huro hesi muoho nasi dë vövöbajö'ere vaejegu na vaejaje höjo.

<sup>11</sup> Na uëvode höjo: Naro Vavu hesi dë vövöbajö'ere jio'i Vavuohuru nasi dë vövöbajö'ere jiajëjo. Eëjöhu heromomu uvorëjo: Iae mae-ëjo. O jemë uvë'ohu: Nöruare jöhu bogu eni hö uvë'ohu naehu vaejaje mu masijohu uehorovoromomu uvorëjo: Nöruare jöhu mae höjo.

<sup>12</sup> Ave jöhu na jö mae uë'ië'ajëjo. Ae rahu na mae uehorovevë'ohu naehu vaejajëhi jië'e darugo'e muoho vae'a'arujëjo. Röhu naehu vaejaje darugo'e muoho ma-jianovajohu u'emumu jemëro darugo'e mu masijö mahu vae'a'arujëjo rabëni naru Vavu hesi örire va'iramumu.

<sup>13</sup> O jemë rabe rabe Vavuohu nasi ihore ua gavë'ohu naru ëhi vaejëho'ejöjo ëhuru Harihu nasi muohu garomomu uvo'irarijegu: Vavuohu böro'me höjo.

<sup>14</sup> No nöruare aribövie javuajë uvoromomu rabe rabe ue gevë'ohu iae na vaejëho'ejöjo.

*God-hu hesi Aru'aho mëmi'iröhe jö Iesuhu jövadohoje.*

<sup>15</sup> Jemě na rajehijě'ohuro nasi jögoroho ejeho'arujėjo.

<sup>16</sup> Ejeho'iramu naro Vavuoho ua'iramu Ajëminövo'iröhe A göho bojëmi'ajėjo huro rueromo jemě'o ma-ioro'ioremu hi'iröhego.

<sup>17</sup> Ajëminövo'iröhe Aho iae jö maemu barovaje Aru'ahoho höjo. Sa'arohemu uehorovarue ariböviohuro ë Aru'ahoho bogo uehorovoromo simanoho bogo avoho gavaruëro jïë'ëro ëhuni bae'iröhoho bogo eni jëvájėjo. A'i jemëro hu avoho gavaruje höjo. Avevejö'e hu jemë'o hijajoho u'emü jemesi dëre abo hibe va'a'ajėjo. Iae ëhuni jemë gavaruje höjo.

<sup>18</sup> Naro jemë rëmo va'iramü jemë bogo sivuoho öbioho raromanovo'arujėjo. A'iro na vuonorö'öromo jemesirire rue'ejöjo.

<sup>19</sup> Majae ma-bunemu barë'iramü sa'arohemu uehorovarue ariböviohuro bogo geruumo'ajėjo. Röhu jemëro iae ge'a'arujėjo. Na hiemu hijajohuro ëhuro jemë'o daruge baeromo raromo'arujėjo.

<sup>20</sup> Eho majaho rue'iramü jemë garomo uvo'a'arujėjo: Nörö hesi Vavu hesi dë vövöbajö'ere jio'i no nöruare dë vövöbajö'ere javuo'i nöro nosi dë vövöbajö'ere jiajėjo.

<sup>21</sup> Ae rahu nasi jögoru baeromo ejehë'oho ëhi jïë'e ariböviohuro rajehiruomaje höjo. Rajehijë'oho nasi Vavuohuro jabumë rajëhi'ajėjo. Rajëhi'iramü na'o ë aribövioho rajëhiromo va'orahoro röjahirovo'ejöjo geruomoröhego.

<sup>22</sup> Ehi uëvamu Judas-ro bogo Judas Iscariot a'i Judas göhuro Iesu uavadeje: Bada ja diehi'oromo nosi örire gemü jasi arijo'arije röjahirovo'i sa'arohemu uehorovarue aribövi jabesi öriroho bogo röjahirovo'ië'anuejėjo.

<sup>23</sup> Bogo röjahirovo'ië'anuejamü uavadeje: Ae rahu na rajehijë'oho ë ariböviohuro nasi jöho ejehoruomo'ajėjo. Ejeho'iramü nasi Vavuohuro jabumë rajëhiromo hu'o na'o ö'oromo jabu'o gemü mae ari'ëjarëjo.

<sup>24</sup> O ae rahu bogo rajehijë'oho nasi jöho bogo ejehoruomaje höjo. Jemë hejaruje jöho bogo nasirehu jio'i a'i Vavuehu remö'öjamü rovode a hesi jöho höjo.

<sup>25</sup> Na jemë'o hijë'i ë jöho majëhijë'e jëvájėjo.

<sup>26</sup> O Vavuohuro jemë Ajëminövo'iröhe Aho ë hesi bëhoho Vavu hesi Aru'ahoho nasi ihore nugö'ö'iramü huro jemë bövioho bise'oho röjëhiromo simanoho huotovëho'iramü naehu majëhijode jöho uehorovo barë'arujėjo.

<sup>27</sup> Nasi huë maho jemesi örire bojëmijajėjo rëmo va'ië'ëro. Sa'arohemu uehorovarue ariböviehu huë ma bojëmijaruëhioho na bogo ëhioho bojëmi'i uhohu'o bojëmijajėjo. Nadi nurunurumoromo juhuonivorëjo.

<sup>28</sup> Mami'e jemë hejaruje höjo naro uëvamu: Na va'ejöjo. Röhu na vuonorö'öromo jemesirire rue'ejöjo. Jemë na avoho rajëhi'ibejarijėjo nasi Vavu hesirire va'irode jöho heromo nimorohö'ibejarijėje Vavuehu na iosiremiromo börömo jiajohuni.

<sup>29</sup> Avevejö'oho ë muoho bogo vaejë'e röhu urimo na ma-majëhijë'e jëvájėjo ëhi'ego garomo evare mae uehorovo'irarijého.

<sup>30</sup> Röhu na bogo majae ëgo'oho jemë jöho majëhi'ejöjo ave sa'are Sisë A Börömohe rue'ego ëhunivo. Röhu hu bogo nasi bövioho jïë'ëro hu jöho bogohöjo.

<sup>31</sup> Röhu na nege sa'ae aho'o jaburo garomo uvoruomoröhego: Nöröro Vavuoho iae rajahiromo Vavuehu jö bojamijadëhi nöroëro ëhi ë'taje höjo. Ahia mino'ëjo. Ri'öhego no va'tarëjo.

## 15

*Iesu grape bajo rae'amaje ö'i mae jiaje uhu jö Iesuhu jövadohoje.*

<sup>1</sup> Iae Iesuro hesi ijorajo ömo'ömoho jö viture uhu'e uëvadeje: Grape bajo rae avohaje ö'oho na jëvájėjo. Ö'i muebejaje aho nasi Vavuoho höjo.

<sup>2</sup> Na'o bimuvaruje aribövioho ëho ö'i ado sirino'oho jio'amajėjo. Ö'i muebejaje ahuro garöhe di adoho bajoho bogo rae'amamü gavë'oho duvahore tarivoromo ruruhö'öjaje höjo. O garöhe di adoho bajoho raejamü gavë'oho iogororomo sirino sirino harihu sahorï'amë'oho tarivo ruruhö'ö'i mahemu nugaje höjo ëhuro ë adohuro bajoho rae avohoröhego.

<sup>3</sup> Röhu naehu majëhijode jöho ejehë'ëro ëhuro jemë adonö'e mami'e iogorëvë'e höjo.

<sup>4</sup> Röhu jemë na'o gemuore bimuvoromo raromarujoho ëhi raromorëjo. O naro jemë'o gemuore bimuvoromo hijajoho ëhi hi'ejöjo. Jemëhu na'o bogo gemuore bimuvoromo raromë'oho bogo rae avoho hesi jëvájėjo. Ö'i adehu aho najore bogo bimuvë'ëro sisërëromo bajo bogo ma raejajëhi ëhi jëvo'ajėjo.

<sup>5</sup> Ō'i bēhoho na jevo'i jemē ado sirino'oho jēvajējo. Ae rahu na'o gemuore bimuvoromo raromo'i naehu jemē'o gemuore bimuvoromo hijē'ohuro ēhuro rae avoho'arujējo. O na'o gemuore bogo bimuvē'oho i'o mu'o vaejē'oho bogo mae bogo eni jēvo'ajējo.

<sup>6</sup> Ae rahu na'o bogo gemuore bimuvoromo raromē'oho ado suaromo ruruhō'ōjego sisērējajēhi ēhi jēvo'ajējo. Ēhi jiē'e adoho gagovoromo vēnire huego ravo'amaje hōjo.

<sup>7</sup> Rōhu jemē na'o gemuore bimuvoromo raromē'oho o nasi jō jemesi dē vōvōbajo'ere jiē'oho ēhuro jemē rabe rabe God ua ga'i nēgē'oho uarējo. Ua gavē'oho iae bae'a'arujējo.

<sup>8</sup> Jemē bajo rae avohē'ohuro ēhuro nasi Vavu hesi ihoho dōro jiaje hōjo. O bajo rae avohē'ohuro ēhuro nasi ijore ijore jijiharuje aribōvi mae jēvo'ajējo.

<sup>9</sup> Iae Vavuehu na rajehijadēhi naro ēhi jemē rajēhijē'e jevajējo. Naro ēhi rajēhijē'e jevaje ēhuni na'o gemu mae ēhi raromorego na rajēhiemu rajēhinōvo'irōjo.

<sup>10</sup> Jemēhu nasi jōgoru ejehē'oho ēhuro na'o gemu mae raromo'iramu ēhuro na rajēhinōvo'ejōjo. Naehu nasi Vavu hesi jōgoru ejahē'ero hu'o hijego huhu rajehijajēhi jemēro ēhi na'o raromo'iramu rajēhinōvo'ejōjo.

<sup>11</sup> Naehu jō ēhi jōvaje hesi bēhoho naehu nimorohajēhi jemē'o na'o gemu mae nimorohē'irarijego bogo bisemuoho nimoroho'i nimoroho avoho'irarijego.

<sup>12</sup> Ave jōgoroho naro bojēmī'iē'ajējo. Naehu jemē dē vōvōbajo'e aho'o uehorovēvajēhi jemēro gōero gōho ēhi uehorovēvorējo.

<sup>13</sup> Gōehu gō dē vōvōbajo'ere uehorovēvarue mu bōrōmoho aviēhi hōjo nosi aganoho ajēmī'i vuovorovo'ejarējo. Mu ioro'ioroho ma-jianovajējo.

<sup>14</sup> Nasi jōgoru ejehē'oho jemē nasi agane jēvaje hōjo.

<sup>15</sup> Urimoho na bogo aganoho uē'i a'i uēnōvode hōjo: Nasi mu vaejaruje aribōvie jēvajējo. Ae gō jabesi mu vaejarue aribōvīohuro jabesi masijehu vaejarue mu hesi bēhoho bogo garuomaje hōjo. Ēhuni avevejō'oho na bogo nasi mu vaejaruje aribōvīoho uē'i a'i agane uēvajējo ē hesi bēhoho nasi Vavuehu rabe rabe uevamu hejode jōho naro rōjēhijamu jemē gavē'ego.

<sup>16</sup> Jemē na bogo baejevo'i a'i naro jemē baejēvode hōjo. Baejēvoromo muro bamēvode hōjo jemēro va'oromo ioro'ioeremu jiorōhe bajoho rae avoho'irarijego. Ēhi jiē'e bajo rae avohē'oho ēhuro jemēhu Vavu hesi ōrire rabe rabe nasi ihore ua gavē'oho iae huro bojēmī'ajējo.

<sup>17</sup> Ēhu'ero jiē'ero ave jōgoroho naro bojēmijajējo. Gōero gōho dē vōvōbajo'e aho'o uehorovēvorējo.

*Sa'are mu sisē uehorovoruomaje aribōviehu Iesuare aribōvi nu huodaguo'irōhe jō Iesuhu jōvadohoje.*

<sup>18</sup> Sa'arohemu uehorovarue aribōviehu jemē nu huodēgaruoho uvorējo: Urimo ēhi jiē'e aribōvīohuro nōro nue huodivoruomade hōjo.

<sup>19</sup> Jemē'o sa'arohemu uehorovaruje aribōvie jēvo'ibejajo ē aribōvīohuro uvoruomo'ibejajo: Jemē nosi aribōvie gemuoho jēvajēromo rajēhi'ibejarējo. A'i jemē sa'arohemu uehorovarijoho naro baejēvode hōjo nasinō jēvorōhego. Baejēvē'ego jemē bogo jabu'oho havoromo ave sa'a hesirohemuoho uehorovaruje hōjo. Ēhuni ē aribōvīohuro jemē nue huodēgarue hōjo.

<sup>20</sup> Jemē'o uehorovohējo. Naro mami'e uēvode hōjo: Mu aribōvīohuro jabesi a masijoho bogo iosirēmiromo masijoho riravarue hōjo. Ējō hesi bēhoho jemesi bōrōmoho na sisē vaejevē'ero ēhu'ero sa'ae aho'o jaburo mu vaejaruje aribōvīoho jemē'o sisē vaejēvo'aruējo. O nasi jō ejehē'oho jemesi jōhu'o ejēho'aruējo.

<sup>21</sup> Jemēro nasi ihoho baejē'ego ēhuni ēho jaburo jemesi ōrire ēhi sisē vaejēvoruomo'ajējo rabēni hesi bēhoho sa'are na remō'ōjade aho jabumē bogo gavaruēro jiē'ero.

<sup>22</sup> Na bogo sa'aroho rueromo jōho jabesi ōriroho majēhi'ibejōjo jabesi jō sisēho bogojio'ibejajo. Rōhu nasi jōho majēhijamu hejare hōjo. Hejē'ero bogo uō'a'aruējo: Noehu mu sisē vaejaroho bogo gavē'e ēma ē'are hōjo.

<sup>23</sup> Na nu huodegē'oho nasi Vavuohu'o nue huodivoruomaje hōjo.

<sup>24</sup> Ae gōehu bogo vaejarue ēhi jiē'e darugo'e mu masijoho naro jabesi nunire vaenōvode hōjo. Jabesi nuniroho ēhi jiē'e muoho bogo vae'ibejōjo ēhuro jabesi jō sisēho bogojio'ibejajo. O avevejō'oho jabumē nasi muoho iae gavare hōjo rōhu na'o nasi Vavuohu'o nue huodaguruomaje hōjo.

<sup>25</sup> Jabuhu nu huodaguarue hesi bēhoho urimē'i jabesi jōgoru surire jajivoromo uvē'e hōjo: Na sisēho bogo ōmē'e jabumē ēma nue huodegare hōjo. Rōhu nue huodego'irōhe jō jajivadēhi ēhi nue huodegarue hōjo God-are jōho bogo bejajēro jiē'ero.

<sup>26</sup> Rõhu jemë Ajëminõvo'irõhe Aho jö maemu barovaje Aru'ahohuro jjië'ëro Vavuohu'o gemu mae hijaje hõjo. Èhi hijajëro jjië'ëro naro nugõ'õ'iramu Vavu hesirire jioromo jemesi õrيره ruvebi'ajëjo. Ruvebiromo nasi jõho huruoho majëhi'ajëjo.

<sup>27</sup> O jemë'o nasi jõho huruoho majëhi'arujëjo aevo'i na'o raromobe rovë'ëro jëvë'ëro.

## 16

<sup>1</sup> Èjõho naro uëvajëjo jemë mae uehorovevarujoho vuonugojõeni.

<sup>2</sup> Jew rajehu God rajahijarue osare osare jemëhu gagovoromo God rajahijarujoho aëro ahëvoruomõ'ajëjo. O majae ijõnõ aehu jemë muo'amëvë'iroho uvoruomõ'ajëjo: Noehu Iesuare aribõvi muo'amaruoho ëho God-are mue vaejarujëjo.

<sup>3</sup> Èhi jjië'e huë vavaeni'e muoho jemesi õrيره vaejëvo'aruëjo ë hesi bëhoho Vavuohu'o na'o bogo gövuaruëro jjië'ëro.

<sup>4</sup> Rõhu naro ë jõho uëvajëjo ëhuro naehu ëhi uëvode huë vavaeni majaho rovego jemëro uehorovoromo uvo'irarijago: Nõrõro uõvuade hõjo: Èhi jjië'e mu sisëho rue'a'ajëjo.

*God-are Aru'ahuhu mu vaejaje jö Iesuhu jövadohoje.*

Èhi jjië'e jõho na bogo aevo'ioho uëvode hesi bëhoho na urimë'i jemë'o hibe juvoromo ëhuni bogo uëvode hõjo.

<sup>5</sup> Rõhu avevejõ'oho na jemë'oho bogo hi'i a'i na remõ'õjamu sa'are rovode a hesi õrيره vuonorõ'õ va'ië'ajëjo. Jemë bogo ae gemu vadu'oho uevarujëjo: Ja dinõ'e va'ië'anuëjo.

<sup>6</sup> Rõhu na va'i uëvodohuni ëhuni jemë sisë maro vavaenimarujëjo.

<sup>7</sup> Ave jõho na jö mae uë'ië'ajëjo. Na bogo va'ibejõjo bisemu sisë jëvo'ibejajo. O na va'ë'ohuro ëhuro maho jëvo'ajëjo. Èhesi bëhoho na bogo va'ibejõjo ëhuro God-are Aru'ahuhu Ajëminõvo'irõhoho jemesi õriroho bogo rue'ibejajo. O va'ë'oho ëhuro naro Aru'ahoho jemëni nugõ'õ'iramu rue'a'ajëjo.

<sup>8</sup> Aru'ahohuro rueromo sama'e røjëhi'a'ajëjo ae aho'o ga'irarijago sa'arohemu uehorovarue aribõvioho jaburu mu sisë hesi õroho mu ma hesi õroho sisë mevëho'irõhe hesi õroho bogo avoho uehorovoruomego.

<sup>9</sup> Mu sisë hesi õri bogo avoho uehorovarue hesi bëhoho jabumë nasi õriroho bogo maho uehorovevoruomaje hõjo.

<sup>10</sup> Mu ma hesi õri bogo avoho uehorovarue hesi bëhoho naro Vavu hesi õrيره maro va'iramu ijõnõho bogo ge'a'arujëjo.

<sup>11</sup> Sisë mevëho'irõhe hesi õri bogo avoho uehorovarue hesi bëhoho ave sa'are Sisë A Bõrõmo hesi muoho mami'e mevamu bejë'e hõjo.

<sup>12</sup> Naehu jemë jõe aho'obëhe majëhi'irodoho avevejõ'e simanore uehorovo'irarijoho jemë bogo eni jëvajëjo.

<sup>13</sup> Iae ëhi hõjo rõhu jö mae barovaje Aru'ahohuro rovë'iroho huro mu ma hesi õroho røjëhi barë'ajëjo. Hu bogo hesi ëma uehorovoromo jõho jövo'i a'iro jõe rabe rabe hejë'oho ëho jõvoromo rõhu u'emu jiorõhe mu jõho huruoho majëhi'ajëjo.

<sup>14</sup> Naro jõe jövo'iramu Aru'ahohuro nasi jõho baeromo jemë huruoho majëhi'iramu ëhuro nasi ihoho döro jio'a'ajëjo.

<sup>15</sup> Vavuehu jövaje jõho aho'o nasirohu'o gemuoho hõjo. Iae ëhuni na uëvajëjo: Naro God-are jõe jövo'iramu Aru'ahohuro nasi jõho baeromo jemë majëhi'ajëjo.

*Iesuare aribõviehu huë vavaeni baeromo barëjago huë mae bae'irõhe jö Iesuhu jövadohoje.*

<sup>16</sup> Majae ma-bunemu barë'iramu jemë na bogo ge'a'arujëjo. Bogo geromo rõhu va'o majae ma-bunemu barë'iramu evare rõhu maho ge'a'arujëjo.

<sup>17</sup> Ge'a'arujëjamu hegorovo hesi ijorajo ioro'iorohuro uarovareje: Iesuro no uõvuajëjo: Majae ma-bunemu barë'iramu bogo geromo rõhu majae ma-bunemu barë'iramu ge'a'arujëjo. Hu diehi uõromo jövajëjo. O uõvuajëjo: Na bogo ge'irarije hesi bëhoho na Vavu hesi õrيره va'ië'ajëjo. Èhu'o hu diehi uõromo ë'ajëjo.

<sup>18</sup> Majae ma-bunemu uvaje jö bëhoho rabe hõjo. Hu rabu jö jövajoho no dadivavuajëjo.

<sup>19</sup> Èhi uarovamu Iesuro garomo uvadeje: Arue aribõvioho ue ge'i nimarueromo uëvadeje: Na uëvajëjo: Majae ma-bunemu barë'iramu bogo ge'a'arujëjo. Bogo geromo rõhu va'o majae ma-bunemu barë'iramu rõhu maho ge'a'arujëjo. Na jemë ë jö hesi bëhoho naho'i atarujëjo.

<sup>20</sup> Ave jõho na jö mae uë'ië'ajëjo. Jemë sisë maro nierusuburu'e bamo'arujëjo. A'i ave sa'arohemu uehorovarue aribõviohuro nimoroho avoho'aruëjo. Jemë huë vavaene bae'a'arujëjo rõhu huë vavaeni bae'irarijoho barëromo dë mae jëvo'iramu nimoroho'arujëjo.



<sup>21</sup> Magonahehu raho'i'ie'iroho hejaje hōjo vi'ehimavego huē vavaene baejaje hōjo. Huē vavaene baeromo harihoho rahanugoromo uvaje hōjo: Iae harihoho mabēhe baejē'e jevajēromo nimorohaje hōjo. Nimorohego ēhuro hesi vi'ehoho rumonimaje hōjo.

<sup>22</sup> Magonahehu huē vavaeni rumonimajēhi jemē'o huē vavaeni baejarujoho ēhi rumonimo'arujējo. Avevejō'oho jemē nasi jōēni huē vavaene baejarujējo. Huē vavaeni baejarujoho u'emu naro rōhu maho ro gē'iramu nimoroho'arujējo. Jemēhu nimoroho'irarijoho aho bogo ahēvo hesi hōjo.

<sup>23</sup> Ēmajaho rue'iramu jemē bogo nasi ōriroho ue ge'a'arujējo naro ajēmijōro. Rōhu ave jōho na jō mae uē'iē'ajējo. Jemē rabe nēgamu Vavuoho nasi ihore ua gavē'oho hu iae ajēmi'ajējo.

<sup>24</sup> Urimoho nasi ihoroho bogo uabe rovarijoho rōhu aevoromo nasi ihoro ua ganōvorējo. Ēhi jiē'oho jemē ua ga'irarijoho iae baeromo nimoroho avoho'arujējo.

*Sa'are mu sisē uehorovoromuaje aribōvi jabesi mu sisē Iesuhu ruahō'ōjēho'irōhe jō Iesuhu jōvadohoje.*

<sup>25</sup> Na uhu'e jōe gō gō jōvoromo ēhuro nasi jōho majēhijajējo. Rōhu ijonō majaho rue'iramu evare uhu'oho bogo majēhi'i Vavu hesi jōho ma-sama'e majēhi'ejōjo.

<sup>26</sup> Ēho majaho rue'iramu jemē Vavuoho nasi ihore ua ganōvo'arujējo huro ajēmi'irōhego. Ua ga'irarijoho na bogo uēvajējo: Naro jemesi jōēni hu ua ga'ejōjo

<sup>27</sup> rabēni hesi bēhoho Vavuohuro iae hesi dē vōvōbajo'e aho'o jemē uehorovēvajēro jiē'ēro. Ēhuni jemesi jōēnioho na bogo ua ga'i jemesi ua ganōvo'arujējo. Vavuehu jemē uehorovēvajē hesi bēhoho jemēro na rajehiromo mae uehorovoromo uvaruje hōjo: Nōrō Vavu hesirire jioromo rovade hōjo.

<sup>28</sup> Iae mae-ējo. Iae na Vavu hesirire rovē'ēro ave sa'are hijajējo. Hijajēro ave sa'aho nugo'i Vavu hesi ōrire vuonorō'ō va'iē'ajējo.

<sup>29</sup> Va'iē'ajējamu hesi ijorajoho jaburo uavareje: Asē'e avevejō'oho ja bogo uhu'oho jōvo'i ma-sama'e jōvanuējo.

<sup>30</sup> Avevejō'oho no garomo uvaruējo: Ja bōvie bise'e ga barējē'e javajējo. Ja bogo ae gō uō gōvuānuē hōjo: Jō rabe ue ge'i nēgajējo. Uō gō'irane bēhoho bogohōjo jero mami'e gōvuē'ēro. Ēhuni no mae uehorovoromo uvaruējo: Ja God-arire jioromo rovane hōjo.

<sup>31</sup> Rovane hōjamu Iesuro uēvadeje: Na jemē jaruvoho mae uehorovarujējo.

<sup>32</sup> Majae ijonōho majae ma-bunemu jio'iramu jemēro na remō'ō barēromo jemesi osare osare huruomo va'iramu sivue jevo'ajējo. Rōhu na bogo sivuoho jevo'i Vavuoho na'o jiaje hōjo.

<sup>33</sup> Ējōho na majēhijajējo ēhuro jemē heromo nasi ae gemuohuro jēvē'ēro juhuonoho bogojēvo'i huē mae jēvo'irōhego. Sa'are jiaje mu sisēro jiē'ēro ēhuro sa'are raromoromo huē vavaene bae'a'arujējo. Ēhi hōjo rōhu naro mu sisēho ruahō'ōjē'e jevaje ēhuni biririvorējo.

## 17

*God-hu Iesuare aribōvi ajēmīrōhego Iesuhu ēninamade jōhoje.*

<sup>1</sup> Iesuro hesi aribōvioho ēhi uēnugoromo ō'idōre siorohoromo uavadeje: Apajo. Majaho rovē'e hōjo. Na jasi Harihe jevaje nasi ihoho dōro banigojiohōnego naro jasi ihohu'o dōro banigojiohō'irōjo.

<sup>2</sup> Jero jōho bojēmijane hōjo naro dōro namiromo ae aho'obēhe muebejēvo'irodego. Muebejēvoromo ēhuro jaehu bojēmijane aribōvioho naro darugoho bojēmego jaburo maiorō'ioremu maro raromo'irōhego.

<sup>3</sup> Aehu ma-iōro'ioremu maro raromarue hesi bēhoho ēho God ja gavarue hōjo ja gemu maho javego. O jaehu remō'ōjamu ave sa'are rovode aho Iesu Keriso na gevarue hōjo. Ma-iōro'ioremu maro raromarue hesi bēhoho iae ēhi hōjo.

<sup>4</sup> Naro ave sa'are hiroho jaehu bojēmane muoho vae barēromo ēhuro jasi ihoho dōro banigojiohō'e jevajējo.

<sup>5</sup> Rōhu Apo avevejō'e na ja'o hijajoho jero nasi ihoho dōro banigojiohōnejo. Urimo sa'a bōvi bise'o bogo bamanēvare evare naro ja'o hijamu nasi ihoho dō maro jiaje hōjo. Ēhi jiē'e ihe gemuoho bojēmego na bae'irōjo.

<sup>6</sup> Ave sa'a hesirohemu uehorovarue aribōvioho God jero a iōro'iohoho baejēvoromo nasi ōrire bojēmamu baejēvode hōjo. Baejēvoromo ja diehi jiē'e ae javajoho naro rōjēhijode hōjo. Jabumē jasinō jiaroho jero na bojēmamu baejēvode hōjo. Baejēvamu jabumē jasi jōho ejahē'e hōjo.

<sup>7</sup> Ejahē'ēro avevejō'oho jaburo garomo uvarue hōjo: Jaehu bojēmijane jōho muoho bōvioho bise'oho jasi ōrire jioromo rovē'e hōjo.

<sup>8</sup> Jabuhu ãhi uvarue hesi bẽhoho jaehu røjehijane jõho naro jabesi õrيره røjehijẽ'e jevajerõ. Røjehijamu heromo baejare hõjo. Baejẽ'ero garomo uvarue hõjo: Iae mae-ẽjo. Nõrõ jasi õrيره jioromo rovade hõjo. Ëhi uvoromo mae uehorovoromo uvarue hõjo: God jero nõrõ ave sa'are nugõ'õjane hõjo.

<sup>9</sup> Na jabumẽni ãninamijajerõ. Na bogo uavajerõ jero sa'arohemu uehorovarue aribõvioho ajẽmi'i a'i jaehu bojemane aribõvioho ajẽmi'iranego jasinõ jẽvẽ'ero.

<sup>10</sup> Ae bõvie bise'e na'õ jiaruoho jasirohu'õ jioruomajerõ. O ae bõvie bise'e ja'õ jiaruoho nasirohu'õ jioruomajerõ. Nasi iho bõrõmoho jabumẽro ae ma-va'orahoro røjehijẽ'e hõjo.

<sup>11</sup> Na jasirire õ'iẽ'ajerõ. Ave sa'aroho bogo ego'oho hi'i a'i jabumẽ ave sa'are ãhi raromonõvo'aruẽjo. Sa'are raromo hesi jioruomẽ'e jiaje ãhuni Apo maemu javajoho jero jasi darugohuro avoho muebejevõnẽjo. Ëdarugoho jero na bojemane hõjo. Ëdarugo gemuohuro jabumẽ muebejevõgo ãhuro ja'õ na'õ ma-gemu jiaruẽhi jabu'õ ãhi ma-gemu jioruomorõhe hõjo.

<sup>12</sup> Naro jabu'õ hijodevare jaehu bojemijane darugohuro ãhuro avoho muebejevõnõvode hõjo rireromõvojõni. Muebejevõromo nasi gurutore rãmamu aho sisõroho bogo va'ẽ'e hõjo. Sisõro va'irõhe ahuremu sisõro va'ẽ'e hõjo jasi surire jõ jiajẽhi ãhi jiorõhego.

<sup>13</sup> Aviavejõ'e naro jasi õrيره õ'iẽ'ajerõ. Rõhu naro ave sa'are hiromo ave jõho jasi õrيره uavajerõ ãhuro naehu nimorohajerõ jabu'õ ãhi nimoroho avoho'irõhego.

<sup>14</sup> Naro jasi jõho jabesi õrيره røjehijamu baeruomẽ'e hõjo. Baeruomamu sa'arohemu uehorovarue aribõviohuro jabesi õrيره nue huodõgoruomẽ'e hõjo. Rabẽni hesi bẽhoho naehu bogo sa'arohemu uehorovajerõhioho ãhioho nasi aribõvioho jabu'õ bogo sa'arohemuoho uehorovaruego ãhuni nue huodõgẽ'e hõjo.

<sup>15</sup> Rõhu na bogo ãninamiromo uavajerõ: Sõ va'ego ave sa'aroho bogo raromõ'irarẽjo. A'i naro uavajerõ: Avoho muebejevõgo A Sisõho bogo baejẽvo'irajo.

<sup>16</sup> Naehu sa'arohemu bogo uehorovajerõhioho ãhioho jabu'õ sa'arohemuoho bogo uehorovarue hõjo.

<sup>17</sup> Jero jabumẽ baejevõgo jõ mahemu ejahoromo ãhuro jasi aribõviemu jio'amo'irajo. Jõ mahemu uavaje ã hesi bẽhoho aviẽhi hõjo. Jaehu jõvanue jõho hõjo.

<sup>18</sup> Jaehu na sa'are remõ'õjanẽhi ãhi naro jabumẽ rãmõ'õjẽ'e jevajerõ sa'are aribõviohu'õ raromoromo nue vaerõhego.

<sup>19</sup> Rãmõ'õjẽ'ero jabesi jõeni uehorovoromo naro nasi arijo'arije jasi õrيره bojamirovajerõ naro jabumẽ ajẽmijego ãhuro jabu'õ jasi gemu jioruomorõhego.

<sup>20</sup> Na'õ raromarue aribõvi jabesi jõeni ãhi ãninamijajerõ. Bogo jabesi jõenioho gemu uehorovo'i u'emu nasi jõ majẽhijego heromo na mae uehorovevo'irõhe aribõvi jabesi jõhu'õ uehorovajerõ.

<sup>21</sup> Uehorovoromo ãninamijajerõ ãhuro jabumẽ ae aho'obõhe ma-gemu jiorõhego. Apajo. Na negajerõ jaehu na'õ bimuvo'i naehu ja'õ bimuvajerõ jaburo ãhi no'õ gemuoro bimuvorõhego. Bimuvego sa'arohemu uehorovarue aribõviohuro ãho garomo uvoruomorõhego: Iae mae-ẽjo. God-ro nõrõ nugõ'õjamu sa'are rovade hõjo.

<sup>22</sup> Jaehu nasi iho banigojiomoromo aji bojemijanẽhi naro ãhi jia'ẽe ajoho bojẽmẽ'e jevajerõ ãhuro ja'õ na'õ ma-gemu javuajerõ jabu'õ ãhi ma-gemu jioruomorõhego.

<sup>23</sup> Naehu jabu'õ bimuvo'i jaehu na'õ bimuvanẽhi ãhi jabu'õ bimuvoromo ma-gemu jẽvego sa'arohemu uehorovarue aribõviohuro ãho garomo uvoruomorõhego: God-ro nõrõ nugõ'õjamu rovade hõjo. O God-hu nõrõ rajahijadẽhi huro hesi aribõviohu'õ ãhi rajẽhijaje hõjo.

<sup>24</sup> Apajo. Na negajerõ jaehu bojemijane aribõviohuro nasinõ õ'oromo na'õ gemu mae raromoruomorõhego. Raromoromo nasi aji maho garuomorõhego. Ëajoho jero na bojemane hõjo rabẽni mami gõ'e sa'a bõvi bise'õ bogo bamanevare evare jaehu na rajehinõvanohuni.

<sup>25</sup> O Apo ja mu maemu vaejanue ae javajerõ. Sa'arohemu uehorovarue aribõvioho ja bogo gavarue hõjo. A'i naro iae ja gavaje hõjo. O ave nasi aribõviohuro iae garomo uvoruomaje hõjo: Jero nõrõ nugõ'õjamu rovade hõjo.

<sup>26</sup> Ja diehi jia'ẽe ae javajoho naro nasi aribõvioho røjehijẽ'e jevajerõ. Iae na ãhi røjehinõvo'ejõjo ãhuro jaehu na rajehijanuẽhi jaburo ãhi gõero gõho rajahirovego naro jabu'õ gemu mae juvo'irodõro.

## 18

*Judas-hu Iesu bijõnimarue aribõvi ajẽmiromo Iesu jabesi õvore bojẽmade jõhoje.*

<sup>1</sup> Iesuro ãhi ãninaminugoromo hesi ijorajo õmo'õmohu'õ gemu mae va'adeje. Va'oromo Kidron dodure abueromo iojiomoromo aehu ijo bivare õri ari'ere ã va'õ raromareje.

<sup>2</sup> Rõhu Iesuni hiruẽmade aho Judas ẽ õri ari'oho iae gavadeje mami'e Iesuro hesi ijarahoho jabu'õ ẽ ro hinõvẽ'ẽro.

<sup>3</sup> Judas-ro ẽ õri ari'oho gavẽ'ẽro ae sõjẽvo ujuohoromo rovadeje. Muorovo aribõvioho sõromo God-are amo bõrõmo atovarue aribõvie priest masijohu'õ Pharisee õmo'õmohu'õ jabuhu rẽmõ'õjamu rovaroho sõv ujuohoromo rovamu bijo bunu'õho ujuohoromo iroho gae ujuohoromo rueruõmadeje.

<sup>4</sup> Rovamu gẽgorovo diehi jiẽ'e muehu hesi õrire rue'irõhoho Iesu iae ga barẽromo ro birohẽvoromo uẽvadeje: Jemẽ rahuo naharujẽjo.

<sup>5</sup> Rahuo naharujẽjamu uavareje: Iesu Nazareth rajoho naharuẽjo. Naharuẽjamu uẽvadeje: Ẽvaruje aho iae na aviae jevajẽjo.

Rõhu Iesuni hiruẽmade aho Judas jabu'õ gemu mae namijadeje.

<sup>6</sup> Jabu'õ gemu mae namijamu gagorovo rueho jaburo hejare Iesuro uẽvamu: Na jevajẽ uẽvamu hegorovo dejonõ va'oromo sa'are rireromareje.

<sup>7</sup> Ẽhi'amu Iesuro rõhu maho uẽvadeje: Jemẽ rahuo naharujẽjo. Naharujẽjamu uavareje: Iesu Nazareth rajoho naharuẽjo.

<sup>8</sup> Naharuẽjamu uẽvadeje: Na mami'e uẽvode hõjo: Iae na aviae jevajẽjo. Jemẽ na nahevogoro ave nasi aribõvioho rẽmõ'õjeho ma-va'arẽjo.

<sup>9</sup> Ẽhi uẽvade hesi bẽhoho mami'e Iesuro Vavuho uavadeje: Jaehu bojemane aribõvioho naro bogo ae gemu vadu'õho nugõ'õjamu sisõroho va'ẽ'e hõjo. Hu Vavu uavadẽhi hesi aribõvioho ẽhi mae jio'amorõhego ẽhuni guduamo'i rovere aribõvioho uẽvadeje: Nasi aribõvioho rẽmõ'õjeho va'arẽjo.

<sup>10</sup> Ẽhi uẽvamu Simon Peter-ro kaejõe gurihi bamẽ'ẽro jiẽ'ẽro jijõromo priest bõrõmo hesi mu vaejaje a ihe Malchus anoromo õvo manõrire hia'õho tariõ'õjahadeje.

<sup>11</sup> Hia'õho tariõ'õjahamu Iesuro Peter uavadeje: Kaejõho sionoro ba'amẽjo. Naehu i'lu baejõro Vavuuhu uevajoho rabẽni bogo baejõrajo.

*Aehu Iesu Annas-are nunire bava'õ nugare jõhoje.*

<sup>12</sup> Ẽhi'amu gagorovo muorovo aribõviohu'õ jabesi a bõrõmohu'õ Jew rajo atovarue aribõviohu'õ ẽho jaburo Iesu guduamoromo tõvonugoromo

<sup>13</sup> hu'irae baeromo urimo Annas ga'i rovereje. Annas hu Caiaphas-are vaboro hesi vavue jiadeje. Ẽvaduniroho Caiaphas hu priest bõrõme jiadeje.

<sup>14</sup> Caiaphas-ro urimẽ'i Jew rajo a masijoho uẽvadeje: Ae gemuehu ae aho'obẽhe noni guomẽ'õho iae mae hõjo. Ẽhi jõvade a hesi juroho Annas ga'irõgoro Iesu hu'irae bava'areje.

*Peter-hu Iesu gavaje jõ a subivẽhade jõhoje.*

<sup>15</sup> Hu'irae bava'amu Simon Peter'õ ijarahõ gõ'õ jaburo niõ'iro Iesu rihiomareje. Rihiomoromo priest bõrõmo hesi amo rejo iromare ojore rovereje. Rueromo gõhuro Iesuhu va'ajire ẽ va'adeje priest bõrõmoho ẽ aho mami'e gavajego. Huro ẽ va'i Peter-ro rejo ojore viẽhi amonõ namijadeje.

<sup>16</sup> Ojore viẽhi amonõ namijamu Iesuare ijarahõ gõho priest bõrõmehu gavaje ahuro sionõro ojore rueromo ojo muebejaje magonahoho uanugoromo Peter ojore namijajoho osanõ hu'irae bava'adeje.

<sup>17</sup> Bava'amu ẽ ojo muebejaje magonahohuro Peter uavadeje: Na mae ja'õ ẽ ia hesi ijarahõ javajẽjo. Ijarahõ javajẽjamu uavadeje: O na bogajo.

<sup>18</sup> Ẽhi uanugoromo va'oromo gẽvade mu aribõviohu'õ atovarue aribõviohu'õ runonẽgamu vẽnõ muraege biho'amẽ'ẽro bẽhire riravoromo jurovoruomamu gẽgorovo va'oromo jabu'õ gemu mae namiromõ vẽnõho jurovadeje.

*Iesu priest bõrõmo hesi nunire namijamu jõe gõ gõ ua ga'i hijade jõhoje.*

<sup>19</sup> Ẽhi'amu priest bõrõme Annas-ro Iesu uavadeje: Jasi ijore ijore jijiharue aribõvioho rahumẽ hõjo. Ja diehi jiẽ'e jõho aho rõjẽhijanue hõjo. Ẽjõho majehijego hejõjo.

<sup>20</sup> Majehijego hejõjamu uavadeje: Na bogo guriiromõ jõho majehi'i ma-va'orahoro sama'e majehinõvode hõjo ae aho'obẽhe heruomorõhego. God rajahijarue osare osare o God-are amo bõrõmore ẽ rõjẽhibe juvonõvode hõjo Jew raje aho'obẽhe ẽ gagovaruẽro jiẽ'ẽro.

<sup>21</sup> Ẽhu'õho ja rabẽni nasi õriroho ue gevanuẽjo. Nasi jõ heruomade aribõvioho jabumẽ uẽ gẽnego majahiruomõ'irajo. Naehu majehijode jõho jabumẽ iae gavarue hõjo.

<sup>22</sup> Ẽhi jõvamu hejẽ'i evare atovarue ae gemu Iesuare bẽhire namijaduhuro Iesu õvo hitahiẽro anoromo uavadeje: Hẽ ja rabẽni priest bõrõmoho ẽhioho uavanuẽjo.

<sup>23</sup> Uavanuėjamu hegorovo uavadeje: Naehu jö sisë majahamu hejanoho huruoho majahuego no ae aho'obëhe hejarëjo. O naehu jö mae majahamu hejanoho röhu rabëni na aneganuëjo.

<sup>24</sup> Ëhi uavamu hegorovo Annas-ro Iesu tövare ö'oho bogo jiovahë'e ëhu'o ëhi nugö'öjadeje va'oromo priest bëröme Caiaphas-are nunire namiröhego.

*Peter-hu Iesu gavaje jö röhu maho subivëhade jöhoje.*

<sup>25</sup> Ëhi'amu Simon Peter-ro ëhi namiromo vënoho jurovadeje. Jurovamu gagorovo aëro uavareje: Na mae ja'o hesi ijoraje javajëjo. Ijoraje javajëjumu uëvadeje: O na bogajo.

<sup>26</sup> Ëhi uavamu priest bërömo hesi mu vaejarue röhu ae gemu Peter-hu anoromo hia'i tariö'öjahade ë a hesi agane gemuohuro Peter uavadeje: Iae na gavode höjo ijo bivare öri ari'ere ja Iesu'o gemuore namijamu. Na mae-ëjo.

<sup>27</sup> Ëhi uavamu Peter-ro uavadeje: Bogajo. Bogajamu gavë'i evare kökörökoho uvadeje.

*Iesu barovamu Pilate-are nunire namijade jöhoje.*

<sup>28</sup> Ëhi'amu Iesu Caiaphas-are nunire namijë'ëro sisonuvamu aëro hu hu'irae baeromo sa'a muebejaje a bërömo hesi osare rovareje. Rueromo röhu uvareje: Osare va'ë'oho no sisë baeromo God-hu Vörö Tugohade Söröho bogo avoho i'ejarë uvoromo bogo osaroho va'i ma-ojanore riravareje.

<sup>29</sup> Ojanore riravamu Pilate-ro hörö rueromo uëvadeje: Ave ia hesi sisëho rabe jiamu baeromo rovarije höjo.

<sup>30</sup> Baeromo rovarije höjumu uëvareje: Ëiaho bogo mu sisë vaejaje aho jio'ibejajo no bogo barueromo jasi öriroho bojami'ibejarëjo.

<sup>31</sup> Bogo bojami'ibejarëjumu Pilate-ro uëvadeje: Jemëro jemesi bava'oromo court vaeromo jemesi jögoroho atoromo hesi muoho mevo garëjo mae o sisë jiego. Ëhi uëvamu Jew rajo masijohuro uvareje: Iae ëhi höjo röhu aehu mu sisë vaejarohuni noehu uëvego vuovoröhe darugoho nosi öriroho bogohöjo.

<sup>32</sup> Uëvego vuovoröhe darugoho nosi öriroho bogohö uavare hesi bëhoho God-ro nimadeje Iesu korosire anego guomoröhe jöho Iesuhu nami'e jövadëhi ëhi jioröhego. Ëhuni uavareje: Ëhi jië'e darugoho bogojavuajëjo.

<sup>33</sup> Bogojavuajëjumu Pilate-ro hesi osa bërömore vuonorö'ö va'adeje. Va'oromo Iesuni uvoromo rovamu uavadeje: Na ja Jew rajo jabesi a bërömocho javajëjo.

<sup>34</sup> Bërömocho javajëjumu Iesuro uavadeje: Na jasi ëma uehorovoromo uevanuëjo. O na ae göëro nasi jöho uavë'ëro uevanuëjo.

<sup>35</sup> Uevanuėjumu Pilate-ro uavadeje: Asë'e na bogo Jew rajehu jevajëjo. Jasi sa'a rajohu'o jasi priest masijohu'o ëho jaburo baejavoromo ro nasi övore bojemare höjo. Ja diehi'amu baejavo rovare höjo.

<sup>36</sup> Rovare höjumu uavadeje: Ave sa'are masije riravarue aribövi jabesi muoho gö jio'i naehu bërömo namijaje muoho gö höjo. Nasi muoho sa'are jiaje mue gemuoho jio'ibejajo nasi mu ariböviohuro muorovoromo ahëvo'ibejarëjo ëhuro Jew rajohuro bogo gudumevoröhego. Röhu bogo ëhioho höjo. Naehu bërömo namijaje muoho bogo ave sa'are vaejarue mue gemuoho höjo.

<sup>37</sup> Ëhi uavamu Pilate-ro uavadeje: Ëhi jië'oho na ja bëröme namiromo ae muebejëvanue ae javajëjo. Javajëjumu Iesuro uavadeje: Naehu bërömo namijajoho jero jasi jövanuëjo. Röhu na sa'are ruvebijamu rahevade hesi bëhoho jö mahuremu majëhi'irodëro ruvebijamu rahevade höjo. Ae rahu jö mahuremu nimaruhö nasi jöe ejeharue höjo.

<sup>38</sup> Ejeharue höjumu Pilate-ro uavadeje: Röhu jö ma hesi bëhoho diehi höjo.

*Iesu anego guomoröhego Pilate-hu majëhijade jöhoje.*

Jö ma hesi bëhoho diehi hö uaromo amonö röhu maho hörö va'oromo Jew rajoho uëvadeje: Ave aehu i'u baeröhe hesi sisëho bogo birohë'e jevajëjo.

<sup>39</sup> Röhu ave sörö majaho rovego evare naro savoji ojoho jiovoromo jemëni ae gemu nugö'öjëhego hu mae va'aje höjo jemesi muoho ëhi gemu jiove rovë'ëgo. Ëhi jië'oho na jemë nëgajëjo naro Jew rajo jemesi bërömocho jiovo nugö'öjëhego mae va'ojöro.

<sup>40</sup> Ëhi uëvamu hegorovo jö'e dadovoromo uvoruomadeje: Bogo ë iahajo. A'i Barabbas-ajo. Ëhi uvoruomadeje. Jaburo Barabbas jiovahego va'ojöro nimareje röhu hu vajiohu'e anano'e ae jiadeje.

## 19

<sup>1</sup> Iae Pilate-ro uëvamu muorovo ariböviohuro Iesu bava'oromo hisuebijareje.

<sup>2</sup> Hisuebiromo a masijehu bosö didi'arue ëhi jië'e bosöho Iesuare simanore didi'ahareje. Röhu bogo inömo maho baeromo bosöho avohaho'i bibë'e ijo hisuoho ujuoho huoromo

simanore ba'amahareje. Ba'amahoromo a masijehu kavuë'e niögu ëgo io'amarue ëhi jië'e niögho ba'amahoromo

<sup>3</sup> ro sivoromo ua'i arijareje: Jew rajo a börömohe vaevë'e hijanuëjo. Ëhi uaromo övo hitahiëro ano'i arijareje.

<sup>4</sup> Ëhi'amu gagorovo Pilate-ro osare jioromo röhu maho hörö rueromo ë gagovare aribövioho uëvadeje: Jöe hehëjo. Naro ë iaho hu'irae barue'ië'ajëjo jemëro garomo uvo'irarijigo: I'u bojami'irode bëhoho na bogo birohë'e javajëjo.

<sup>5</sup> Ëhi uëvamu gavë'i Iesuro bibë'e bosöho simanore didi'ë'e kavuë'e niögho ba'amë'e hu'o höröjadeje. Höröjumu gagorovo Pilate-ro uëvadeje: Gahëjo. Ëiaho aviae höjo.

<sup>6</sup> Iesu ganugoromo priest masijohuro God-are osa atovarue ariböviohuro uvoruomadeje: Korosioro anego guomajo. Korosioro anego guomajo. Guomajumu Pilate-ro uëvadeje: Jemëro jemesi bava'oromo korosioro anohego guomajo. I'u bojami'irode bëhoho na bogo birohë'e javajëjo.

<sup>7</sup> Bogo birohë'e javajëjumu rue Jew rajohuro uaruomadeje: Röhu jögoru börömohe nosi örire jiajëjo. Ëiahuero ë jöho ahoromo uövuade höjo: Na God-are Harihe javajëjo. Ëjögöru ahadöhuni ëhuni guomo'a'ajëjo.

<sup>8</sup> Ëhi uavamu hegorovo Pilate-ro urimo juhuonivadoho ë jabesi jöho hegoro evare juhuonivo avohadeje.

<sup>9</sup> Juhuonivo avohoromo Iesu hu'irae baeromo rue osa börömore vuonorö'ö va'oromo uavadeje: Ja dinö'e jioromo rovane höjo. Rovane höjumu Iesu bogo mana ua'i majörumoraëjadeje.

<sup>10</sup> Jörumoraëjumu Pilate-ro uavadeje: Ja diehi'oromo jöho bogo mana majehijanuëjo. Aveho uehorövëjo. Na jiovo ramö'ö'irode darugoho korosire ano taemavo'irode darugoho iae na javajëjo.

<sup>11</sup> Jevajëjumu uavadeje: Iae ëhi höjo röhu God darugoho bogo bojami'ibejajo nasi örire mae o sisë vae'irane darugoho bogojavo'ibejajo. A'i God-ro bojami'jë'ëro ëhu'ëro iae eni javajëjo. Ëhi jië'ëro jasi övore bojamamu ja baejevane a hesi jö sisëhuero jasiriroho iosiramiro mo bövi mae höjo.

<sup>12</sup> Ëhi uavamu hegorovo Pilate-ro öre nahadeje Iesu jiovo nugö'ö'irovo. Jiovo nugö'ö'i öre nahamu Jew rajohuro ma-darugo'o uvoruomadeje: Jaehu hu jiovo nugö'öj'ë'ohö ëho ja bogo Rome a börömo nimanue aho javo'ajëjo. Ae rahu uvë'ohö: Na böröme namijaje ae javajë uvë'ohö ë iahuro Rome a börömo hesi muoho ahaje höjo.

<sup>13</sup> Ahaje höjumu hegoro Pilate-ro va'ö Iesu hu'irae baeromo amonö ro hörönugoromo va'adoho munëhu ahare öri ari'ere Hebrew huëhu huotovë'ohö Gabbatha ë va'oromo jö mevarue arëto börömore hijadeje.

<sup>14</sup> Röhu God-hu Vörö Tughade Sörö iröhe majaho nërëhi jio'i röhu evaroho majae ririre jio'iro ë'adeje. Evare majare Pilate-ro arëto börömore hiromo Jew rajoho uëvadeje: Jemesi a börömohe gahëjo.

<sup>15</sup> Gahëjumu hejë'i rue ariböviohuro ma-darugo'o uvoruomadeje: Anëjo. Anëjo. Korosioro anego guomajo. Pilate-ro uëvadeje: Na na jemesi börömohe korosiroho ano'ejöjo. Ano'ejöjumu priest masijohuro uaruomadeje: Rome a börömohe ëhemu nosi börömohe jiajëjo. Ae gö bogohöjo.

<sup>16</sup> Ae gö bogohöjumu Pilate-ro ë aribövioho ejëhoromo muorovo a jabesi övore Iesu bojëmadeje jaburo bava'oromo korosire anego guomajöro. Bojëmamu Iesu baeruomadeje.

*Iesu korosire ano taemare jöhoje.*

<sup>17</sup> Iesu baeruomamu huro korosioho banigojiomoromo dejore bamoromo baeromo va'adoho ajio ë'ö ihe Simano Gijo Va'ëne Ë'ohö Hebrew huëhu huotovë'ohö Golgotha ë ajio suorovareje.

<sup>18</sup> Suorovonugoromo ë dirö'ore korosire ano taemareje. Röhu ae niö'i jabu'ö ano taemëvareje u'emu ujuoho nigemo'amoromo Iesu ririre amo'i a göho ruëhi amo'i göho viëhi amo'iröhëro.

<sup>19</sup> Ëhi'ö'i röhu urimo Pilate-ro Iesuare jöho jajivoromo ae bojëmijadeje bava'oromo Iesuare simano namore korosire ano taemego aëro garuomoröhego. Jöho jajivoromo ëhi uvë'e jiadeje: Iesu Nazareth raje Jew rajo jabesi a börömohe höjo.

<sup>20</sup> Ejöhö Jew raje ae aho'obëhe adahoruomadeje Iesuhu korosire iromadoho amo börömo bëhiro jië'ëro. Ejöhö Hebrew jöëro Rome jöëro Greece jöëro jajivo'amë'e jiadeje.

<sup>21</sup> Jajivë'e jiamu gagorovo Jew rajo priest masijohuro va'oromo Pilate uavareje: Nadi ëhioho jajivoromo uvo'ibejanëjo: Jew rajo jabesi a börömohe höjo. A'i jajivoromo uvonëjo: Ave iahuro hesi ëma uvade höjo: Na Jew rajo jabesi börömohe javajëjo.

<sup>22</sup> Bõrõmoho jevajëjãmu Pilate-ro uëvadeje: Bogajo. Na jajivodoho hesi ëhi jiamu jio'a'ajëjo.

<sup>23</sup> Ëhi'ãmu muorovo aribõviohuro Iesu korosire ano taemonugoromo hesi niõgoho adovoromo muorovo ae ëhi niõ'i ëhi niõ'i jië'ëro gemu gemu ujuohareje. Rõhu hesi niõgu ëgobõvioho ëhu'o baejareje. Baeromo gavareje bogo niõgu gõho gõho gemuoroho bimuvoromo sigohijë'e jio'i ma-bõrõme gemu jiamu gagorovo

<sup>24</sup> uarovareje: Ë'ëgo no niõgoho bogo arororomo gemu gemu bae'irõgoro a'i aja-jovoromo gavarejo raro baejego. Jabuhu ëhi ë'are hesi bëhoho mami'e God-are surire jajivoromo uvë'eje:

Nasi uho giva'oho adovoromo ujuohare hõjo.

Nasi niõgoho ajajovoromo ae gemuëro baejade hõjo.

Surire jajivadëhi ë muorovo aribõviohuro ëhi ë'areje.

<sup>25</sup> Ëhi'ãmu Iesuare vëmoho o vëmu hesi õho o Mary Clopas-are vaboroho o Mary Magdalene ëho jaburo korosi bëhire rivavareje.

<sup>26</sup> Rivavamu gagorovo Iesuro gavadeje aruëre hesi vëmohu'o hesi ijoraje huhu dë vövõbajo'e aho'o rajahijajoho jabu niõ'iro rirarovamu. Rirarovamu gëgorovo vëmoho uavadeje: Mamajo. Ave iahuro harihëro muebejavanovo'ajë ua'i

<sup>27</sup> ijorajoho uavadeje: Ave magonahoho vëmunõ'e muebenëjo. Ëhi uavë'ëro rue ahuro magonahoho hu'irae bava'ãmu hesi osare hijadeje.

*Iesu guomade jõhoje.*

<sup>28</sup> Ëhi ë'ë'ëro Iesuro garomo uvadeje: God-hu nimade muoho mami'e barëjë'e hõjo. Mami'e barëjë'e hõromomo diehi ë'irõhego God-are surire jõ jajivadëhi ëhi ë'i nimamu uvadeje: Na jove i'i negajëjo.

<sup>29</sup> Jove i'i negajëjãmu ramaho roriae jiadeje. Nioga'i'e wine jovëro ë ramaho irijiomë'e jiadeje. Ëhi jiamu aëro u'uhë'e inõmoho jovore ba'amonugoromo rumorovamu ioromo ijaho viture bijiohonugoromo nigemoromo hirore bamahadeje.

<sup>30</sup> Bamahamu jovoho sunuohonugoromo uvadeje: Iae barëjajëjo. Ëhi uvoromo simanoho uruhoromo aru'ahoho nugõ'õnugoromo guomadeje.

*Muorovo aehu Iesuare ionire bijihu bijiohade jõhoje.*

<sup>31</sup> Guomamu majaho Friday jië'ëro Jew rajohuro uvareje: Nërõho nuho majae sörõ maja bõrõmoho jio'ië'tëgo ëhuni vuovë'e sinehu korosire nuho majare rae'amo'irõhoho no bijõnaguajëromomo iae va'areje. Va'oromo Pilate uavareje: Uëvego korosire rae'amaje aribõvioho aëro va'o hõroho aho'amëhego vuovëvo'irajo. Vuovëvego evare korosire jiajoho ujuoho ruvebi'irarëjo.

<sup>32</sup> Ruvebi'irarëjãmu Pilate-ro ejëhamu muorovo aribõviohuro va'oromo va'o Iesu'o gemu mae ano taemare a gõ hesi hõrohu'o gõ hesi hõrohu'o ahëhoromo

<sup>33</sup> Iesuaro va'oromo gavare mami'e guomë'e jiamu gagorovo hõroho bogo ahahareje.

<sup>34</sup> Bogo ahaho'irõgoro muorovo ae gemuëro bijohuro Iesuare ionire bijiohamu gavë'i kõ'o jovõ'o rovadeje.

<sup>35</sup> Kõ'o jovõ'o rovamu gavade ahuro majahuijë'eje jemëro heromo mae uehorovo'irarijego. Hesi jõho bogo sareri'ehu jio'i iae maeje. Huro mae garomo uvajeje: Naehu majëhijode jõho iae mae hõjo.

<sup>36</sup> Rõhu Iesuare hõru bogo ahahare hesi bëhoho mami'e diehi ë'irõhego God-are surire jõ jajivadëhi ëhi jiorõhego. Jõho jajivoromo ëhi uvë'eje: Hesi ijo'ahe gemu vadu'oho bogo ahõ'õjaho'aruëjo.

<sup>37</sup> O Iesuare ionire bijiohade hesi bëhoho mami'e God-are surire jõ gõho jajivoromo ëhi uvë'eje: Bijëro bijiohoromo ë aho nunëro garuomõ'ajëjo. Diehi ë'irõhego God-are surire jajivadëhi iae ëhi bijiohadeje.

*Iesuare sino munë gagore bamare jõhoje.*

<sup>38</sup> Ëhi'ãmu Joseph Arimathea amo rajohuro rovadeje. Joseph hu Iesuare ijore ijore juvaje ae jiadeje. Rõhu Jew rajo a masijoho juhuonëmiromomo bogo huruoho majëhi'i ma-saginiëri Iesu uehorovobe juvadeje. Ëahuro rueromo Pilate uavadeje: Uevego na va'oromo Iesuare sinoho bava'irõjo. Bava'irõjãmu Pilate-ro ejahamu Iesuare sinoho bae'i va'adeje.

<sup>39</sup> Rõhu Nicodemus-ro hu'o gemu mae va'adeje. Nicodemus hu urimë'i vahi'e Iesu ga'i rovade aho jiadeje. Hu'o hesi aribõviohu'o ridi'e osoho ujuohoromo Joseph'o va'areje. Ësoho ridi'e ije niõ'i jabesi siva buaroharoho ë hesi i'uoho 40 kilo rabu'e ëhi jiadeje.

<sup>40</sup> Ēosoho ujuoho va'oromo Iesuare sinoho baeromo Jew rajehu sino guavo'i è'aruèhi Joseph'o Nicodemus'o èhi niögohu'o ridi'e osohu'o ujuohoromo èhuro sinoho avohahoromo numareje.

<sup>41</sup> Röhu Iesu korosire anare è hesi bëhoho mue jiadeje. Ēmure munè gage gemu bogo aho bamè'e èma uno'e jiè'e jiadeje.

<sup>42</sup> Uno'e jiè'èro Iesuare sinoho numonugoromo uvareje: Nèròho Jew rajo nosi nuho majae jio'a'ajèromo munè gagoho bëhiro jiè'èro è dunemu bamareje.

## 20

*Iesu i'ovoromo ri'òjè'èro hesi sino bamariroho bogojiade jòhoje.*

<sup>1</sup> Iae hura böròmo bogo ajivè'e i'o ma-sisonuvo'ia'amu Mary Magdalene-ro Iesu bamarire va'adeje. Va'i gavadeje ojo tugohare munèho rori'o bava'è'e jiamu.

<sup>2</sup> Bava'è'e jiamu gavè'i è magonahohuro tutuvoromo va'adoho Simon Peter'o ijoraje Iesuhu dè vövòbajo'e aho'o rajahinövade è ahu'o uèvadeje: Badare sinoho munè gagoroho bava'è'e hòjo. Bava'oromo din'ò'e bamaroho no dadivavuajèjo.

<sup>3</sup> Dadivavuajèjamu gagorovo Peter'o Iesuare ijorajo göhu'o ri'òromo Iesu bamarire va'areje.

<sup>4</sup> Jaburo niö'iro tutuvo va'oromo ijorajo göhuro Peter iosiramiro mo munè bëhire urimo rovadeje.

<sup>5</sup> Urimo rueromo hohitohoromo sino numo'amare niögohu ga'amadeje. Ga'i munè gagoroho bogo rumo va'adeje.

<sup>6</sup> Bogo rumo va'amu Simon Peter-ro ijore rovadoho ro munè gagore va'adeje. Va'oromo gavadeje sino numo'amare niögohu momorò'ò'i

<sup>7</sup> Iesuare simano numare niögohu hesi hahagu huhohè'e raromamu.

<sup>8</sup> Èhi gavamu gavè'i urimo rovide Iesuare ijorajo göhuro hu'o rumo va'oromo nunèro garomo mae uehorovadeje.

<sup>9</sup> Jaburo niö'iro Iesuhu guomoromo ri'ò'iròhe God-are surire jajivare jòho bogo uehorovareje.

<sup>10</sup> Bogo uehorovè'èro Iesuare ijoraje niö'iro sionèro jabesirèro va'areje.

*Iesuhu Mary Magdalene-are nunire rovamu gavade jòhoje.*

<sup>11</sup> Iesuare ijoraje niö'iro va'irògoro Mary-ro sino bamare ojo bëhire namiromo nivadeje. Nivoromo hohitohoromo sino bamarire uherihadeje.

<sup>12</sup> Uheriho'i gavadeje anerae niö'i ajivè'e niögohu io'amè'e Iesuare sino bamare sionore göho simano bamarinò hi'i göho hòru bamarinò hijamu.

<sup>13</sup> Èhi gèvamu gagorovo rue aneraho jaburo uavareje: Ma'inoho ja rabèni nivanuèjo. Ja rabèni nivanuèjamu rue magonahohuro uèvadeje: Aèro nasi Badare sinoho bava'è'e hòjo. Bava'oromo din'ò'e bamaroho na bogo gagoro èhuni nivajèjo.

<sup>14</sup> Èhuni nivajèromo huotorovo'i gavade Iesu namijamu gagorovo uvadeje: Nani hesi ae gö hòjo.

<sup>15</sup> Hesi ae gö hòjamu Iesuro uavadeje: Ma'inoho ja rabèni nivanuèjo. Ja rahuo nahanuèjo. Ja rahuo nahanuèjamu magonahohuro uvadeje: Nani ave mu muebejaje aho hòromo uavadeje: Jerò sinoho bava'è'e javego röjehego na va'o baejòjo.

<sup>16</sup> Baejòjamu ruehuro uavadeje: Mary-ajo. Mary-ajamu magonahohuro huotorovoromo Hebrew jòero uavadeje: Raboniajo. Rabonia uavade hesi bëhoho uaromo è'adeje: Tisajo.

<sup>17</sup> Rabonia uavamu uavadeje: Nasi Vavu hesi òriroho bogo ajiomè'e jevaje ma'eneganooho vuonugèjo. Vuonugo'i va'oromo nasi ö ömo'òmohu uènèjo: Nòrò God-are òrire ajiomò'iè'ajèjo. God hu nõruare Vavue jioromo jemesi Vavue hòjo. Hu nõruare God jioromo jemesi God hòjo.

<sup>18</sup> Èhi uavamu Mary Magdalene-ro va'oromo Iesuare ijorajo ömo'òmohu uèvadeje: Na Bada gavè'e jevajèjo. Gavamu huro jòho èhi èhi majehade hòjo.

*Iesuhu hesi ijorajo jabesi nunire rovamu gavare jòhoje.*

<sup>19</sup> Evare majare hura böròmore vahiromamu Iesuare ijorajo ömo'òmohuro Jew rajo a masijoho juhuonèmiromo osare gagovoromo ojoho tugohu titimè'èro è raromareje. Raromamu gavè'i Iesuro jabesi ririre èma ro namiromo uèvadeje: Huè mae raromohèjo.

<sup>20</sup> Huè mae raromohè'i hesi övohu'o ionohu'o røjèhijadeje. Røjèhijamu gagorovo uvareje: Iae Bada hò uvoromo nimorohareje.

<sup>21</sup> Nimorohamu rõhu maho uèvadeje: Huè mae raromohèjo. Nasi Vavuehu na remò'òjamu sa'are rovodèhi èhi naro jemè rëmò'òjajèjo jemèro va'oromo nasi muoho vaebe jijihò'irarijèjo.

<sup>22</sup> Ēhi uēnugoromo nu ōge ahodēgoromo uēvadeje: God-are Aru'ahoho baerējo.

<sup>23</sup> Jemēhu ae rahuare ōrire uavē'oho: God-ro jasi sisēho uehorovoromo vuonugajē uavē'oho God-ro ē a hesi sisēho uehorovoromo ma-ioro'ioeremu vuonugo'ajējo. O jemēhu ae rahuare ōrire uavē'oho: God-ro jasi sisēho majae ēhi uehorovaje hō uavē'oho God-ro ē a hesi sisēho majae ēhi uehorovo'ajējo.

*Iesuhu Thomas-are nunire rovamu gavade jōhoje.*

<sup>24</sup> Ēhi'amu ijoraje ae gemu bogojiē'ero Iesu rovajoho bogo gavadeje. Ēijorajo hesi ihoho Thomas aehu uvaruoho Huodi'e Rahade Ahoje.

<sup>25</sup> Thomas Iesu bogo gavē'ego Iesuare ijorajo ioro'iorohuro Thomas uavareje: No Bada gavē'e javuajējo. Bada gavē'e javuajējamu uēvadeje: Hesi ōvore vio'uehu ano taemo'amare sionoho naehu bogo garomo nasi ōvo namehu bogo rēhē'oho o hesi ionī'ahore bijehu bijiohadire nasi ōvo bogo nugō'ōjē'oho ēhuro bogo ma uehorovoromo bogo uvo'ejōjo: Iesu ri'ōjē'e hōjo.

<sup>26</sup> Rōhu urimo Iesuhu jabesi nunire rovadoho hurae gemu barējamu hesi ijorajoho jaburo rōhu maho osare raromareje. Raromamu Thomas-ro jabu'o hijadeje. Ojoho tugoho titimoromo osare raromamu gavē'i Iesuro jabesi ririre ēma ro namiromo uēvadeje: Huē mae raromohējo.

<sup>27</sup> Ēhi uēnugoromo Thomas uavadeje: Jasi ōvo namoho barueromo ave nasi ōvoho gavehējo. Jasi ōvoho barueromo nasi ionī'ahoro nugō'ō gavējo. Ēhi'oromo naehu ri'ōjode jōho mae o sarere hō uvanuoho vuonugo'i ma-avoho uehorovonējo.

<sup>28</sup> Avoho uehorovonējamu Thomas-ro uavadeje: Nasi Bada nasi God ja javajējo.

<sup>29</sup> Nasi God ja javajējamu Iesuro uavadeje: Jero na gevē'ero ēhu'ero mae uehorovanuējo. Rōhu bogo gevē'e ēma mae uehorovē'oho ēhi jiē'e aribōvioho huē mae bae'a'aruējo.

*Ave surire jō jajivade hesi bēhoho ēhi jiaje jōhoje.*

<sup>30</sup> Iae Iesuhu bēhi'e mu masije aho'o hesi ijore ijore jijiharue aribōvi jabesi nunire vae'amadoho ave suriroho ē jōho bogo jajivo'amē'eje.

<sup>31</sup> Ēhi jie rōhu naehu ave jō jajivobe rovode hesi bēhoho jemēro adahoromo uvo'irarijego: Iae mae-ējo. Iesu hu bōrōme namiromo ajamuaje aho hōjo. Hu God-are Harihe hōjo. Ējōho uehorovoromo hesi darugoho baeromo ēhuro i'ovoromo maro raromo'irarijego ēhuni jajivē'e jeve.

## 21

*Iesuhu hesi ijoraje 7 jabesi nunire rovamu gavare jōhoje.*

<sup>1</sup> Ēhi'amu ijonō rōhu maho Iesuro hesi ijorajo jabesi nunire rovadeje. Evare majaroho Tiberias e'u rirōre ē rovadeje. Rueromo huhu ē'ade jōho na jajivo'iē'e.

<sup>2</sup> Iae Simon Peter o Thomas aehu uvaruoho Huodi'e Rahade Aho o Nathanael Galilee sa'a raje Cana amo rajoho o Zebedee-are harihe niō'i o ijoraje gō'o niō'i ēho jaburo gemuore gagovoromo raromareje.

<sup>3</sup> Raromoromo Simon Peter-ro ri'ōromo a ioro'ioroho uēvadeje: Na visu maje va'iē'ajējo. Va'iē'ajējamu jaburo uavareje: No'o ō'iē'aruējo. Ō'iē'aruēromo va'oromo boat gagore ajiomoromo jovo dōre va'oromo vahi bōvie visuēni viōe jovore ba'amoromo io gabe jijilhoromo visuoho bogo birohē'e gavareje sisonuvamu.

<sup>4</sup> Sisonuvamu gavē'i gavare arue Iesu jovo rirōre namijamu gagorovo jaburo hu garomo uvareje: Nani hesi ae gō hōjo.

<sup>5</sup> Hesi ae gō hōjamu Iesuro jabumē gēromo uvēvadeje: Aganomē na jemē visuoho suovē'e jēvajējo. Suovē'e jēvajējamu rueho jaburo uvareje: Visuoho no bogo suovē'e javuajējo.

<sup>6</sup> Bogo suovē'e javuajējamu uvēvadeje: Boat-re viōho ioromo ōvo manō ba'amohējo visue suovo'irarije. Ēhi uēvamu viōho ba'amoromo gavareje visue aho'obēhe ro abuejē'ero viō barojomo'irōhoho bogo eni jēvamu.

<sup>7</sup> Bogo eni jēvamu gagorovo Iesuhu dē vōvōbajo'e aho'o rajahijaje ijorajohuro Peter uavadeje: Iae Bada hōjo. Bada hōjamu hegorovo Peter-ro dōre ba'amaje niōgoho mami'e jijjōvē'ero rōhu maho ba'amoromo avoho ruohoromo jovore jōrō'ōromo Iesu biroho'i va'adeje.

<sup>8</sup> Peter-ro jovore jōrō'ōromo va'irōgoro ijorajo ioro'iorohuro boat gagore raromoromo viōre visuoho ioninō jagu baeromo rovareje jovo rirōho bogo ēgoho jio'i ma-90 metre rabu'e ēhi jiē'ero.

<sup>9</sup> Rueromo sa'are ravo'amoromo gavareje vēni muraege biho'amē'ero visuoho ē mue'i ioho ē bēhire momorō'ōjamu.



<sup>10</sup> Ëhi'amu Iesuro uêvadeje: Avevejô'e suovarije visuoho gö ujuoho ruehêjo.

<sup>11</sup> Ujuoho ruehêjamu Simon Peter-ro va'oromo boat-re ajiomoromo viôho sa'are jagu barovadeje. Rôhu viôre visu masijoho aho'obêhe 153 jiê'ëro êhuro irijiomê'e jiadeje. Visuoho aho'obêhe jiadeje rôhu viôho bogo dadorovadeje.

<sup>12</sup> Viôho barovamu Iesuro uêvadeje: Ro ie ihêjo. Ro ie ihêjamu rue ijorajoho jabu bogo biririvoromo uavareje: Ja rahuo javajêjo. Jabumê iae garomo uavareje: Iae hu Bada hôjo.

<sup>13</sup> Ëhi'amu Iesuro rueromo ioho ujuoho i'imêmiromo visuohu'o êhi gemuoho ê'adeje.

<sup>14</sup> Urimê'i Iesuro guomoromo ri'ônugoromo urimo vae niô'i hesi ijorajo jabesi nunire rovadoho evare majare rôhu maho jabesi nunire rueromo iohu'o visuohu'o êhi suvuorêmijadeje.

*Iesuhu Peter'o jô jôvade jôhoje.*

<sup>15</sup> Suvuorêmiromo ue'ahamu gagorovo Iesuro Simon Peter uavadeje: Simon John-are harihoho na jero ave aribôvioho iosirêmiromo na rajehi avohanue hôjo. Ëhi uavamu Peter-ro uavadeje: Bada io'ajo. Jero na gevanue hôjo naro ja rajahijego. Ëhi uavamu uavadeje: Ëhi jiê'oho jero nasi sheep harihoho mio'amego jabesi aru'ahoho da'uomo'amo'irajo.

<sup>16</sup> Da'uomo'amo'ira uanugoromo rôhu maho uavadeje: Simon John-are harihoho na jero na rajehianue hôjo. Rajehianue hôjamu Peter-ro uavadeje: Bada io'ajo. Jero na gevanue hôjo naro ja rajahijego. Ëhi uavamu Iesuro uavadeje: Ëhi jiê'oho jero nasi sheep-oho muebejehonônôjêjo.

<sup>17</sup> Muebejehonê uaromo urimo vae niô'i uavadoho rôhu maho uavadeje: Simon John-are harihoho na jero na rajehianue hôjo. Vae niô'i gemu ê jôe gemuoho êhi ua'i hijamu hegorovo Peter vavaenimadeje. Vavaenimoromo uavadeje: Bada jero bôvioho bise'oho gavanue hôjo. Jero na gevanue hôjo naro ja rajahijego. Ëhi uavamu Iesuro uavadeje: Ëhi jiê'oho jero nasi sheep-oho mio'amego jabesi aru'ahoho da'uomo'amo'irajo.

<sup>18</sup> Ave jôho na jô mae ua'iê'ajêjo. Urimo ja a i'o javadevare evare jasi arijo'ëro niôgoho ruoho titimoromo dinô'e juvo'i nagadire êma juvonôvane hôjo. Rôhu ijônô ja mavojirae'irane majare evare jero jasi ôve niô'i ahorire vae'iramu ae göëro jasi ôvoho muoho titimêvoromo ja ê dirô'ore va'ê'oho bijônagajire ê baejavo va'a'ajêjo.

<sup>19</sup> Ëhi uavade hesi bêhoho hu Peter rôjahiromo ê'adeje huro heromo uvorôhego: Aëro êhi êhi'oromo na anego'iramu guomevo'ajêjo. Guomevo'iramu êhuro God-are ihoho dôro jio'a'ajêjo. Amo Iesuro ê jôho uanugoromo Peter uavadeje: Nasi ijoro ijoro juvonônôjêjo.

*Iesuhu dê vövôbajo'e aho'o rajahijaje ijorajo hesi jôhoje.*

<sup>20</sup> Juvonônôjêjamu Peter-ro huotorovo'i gavade Iesuhu dê vövôbajo'e aho'o rajahijaje ijorajoho ijore rovamu. Urimê'i ê ahuro Iesuare bêhire ie iromo va'o hia'iro saginiêri uavadeje: Bada ja bijônagarue a jabesi ôvore bojami'irôhe aho rahuo hôjo. Ëhi ua gavade ae gemuohuro rovamu Peter-ro huotorovoromo gavadeje.

<sup>21</sup> Garomo uavadeje: Bada ave iaho diehi jio'a'ajêjo.

<sup>22</sup> Diehi jio'a'ajêjamu Iesuro uavadeje: Hesi jôho êho bogo jasi muehu hôjo. Na negê'ohuro hu biririvoromo êhi hiemu hi'iramu na vuonorô'ô rue'ejôjo êho bogo jasi muoho hôjo. Jero nasi ijoro juvonônôjêjo.

<sup>23</sup> Ëhi jôvê'ëro Iesuhu Peter êhi majahijade jôho Iesuare aribôvioho jaburo jabesi êma vaerovemu vaerovoromo uvoruomadeje: Êjô hesi bêhoho ê iaho bogo guomo'i ma-hiemu hi'irôhe jôho hôjo. Ëhi uvoruomadeje rôhu Iesuro Peter bogo uavadeje: Iaho bogo guomo'a'ajê ua'i a'i uavadeje: Na negê'ohuro hu biririvoromo êhi hiemu hi'iramu na vuonorô'ô rue'ejôjo êho bogo jasi muoho hôjo. Iesuro dê vövôbajo'e aho'o rajahijaje ijorajo hesi jôho êhi jôvadeje.

<sup>24</sup> Rôhu ê adaharije mu hesi jôho ê ijoraje gemuohuro garomo hejê'ëro no majahuijajeje. Rôhu ê jôho huro surire jajivê'eje. Noro garomo uvarueje: Hu iae jô mae majahuijaje hôjo.

<sup>25</sup> Rôhu ê mu jô jajivadoho Iesu bogo ê muohemuoho vae'i mue aho'obêhe vae'amadeje. Rôhu na uehorovoromo uve: Iesuhu vaejade muoho aho'obêhe aëro mue gemu gemu surire jajivo'amo va'o barê'ibejajo suri bahi'irôhe rôhoho sa'ae dinô'e dinô'e jio'amajoho nani bogo eni jio'ibejajo. Ahia mino'e.

## ACTS

*God-hu hesi Aru'aho mëmi'iröhëni mae uëvade jö Iesuhu jövade jöhoje.*

<sup>1-2</sup> O asê'e Theophilus ave jöho naro jajivo'iê'e. Urimê'i Iesuhu mue rabe rabe vaejade jöho naro jajivo barëjamu ja adahaneje. Huro muoho aevo'i vaenugoromo mue vaebe jöe röhëhibe êhi'obe ruejuvo God-ro uavamu ô'idöre ajiomadeje. Urimore jöho na êhi jajivodeje. Röhu Iesuro ô'idöre ajiomo'irögoro God-are Aru'aho hesi darugohuro jögoroho apostle ömo'ömoho bojëmijadeje jabumë mami'e hesi baejêvê'ëro.

<sup>3</sup> Guomoromo ri'öjê'ëro majae aho'obêhe 40 hesi uhure jabesi nunire rueromo hesi arijo'arije røjahirovo'i hinövadeje. Røjahirovamu jaburo garomo uvareje: Iae hijajêjo. Huro jabesi nunire rueromo God-hu bëröme namiromo muebejavuaje ë hesi jöho majêhi'ego henövareje.

<sup>4</sup> Hejamu huro jabu'o hiromo uëvadeje: Naro mami'e uëvode höjo: Vavuohuro suvuoroho mëmi'ajêjo. Èhuni Jerusalem va'irarijoho nadi nugo va'i ë amoremu raro-moromo ë suvuoroho mueberêjo.

<sup>5</sup> Suvuoro hesi bëhoho êhi höjo. Urimê'i John jovëro bapataeto vaejêvade höjo. Bogo majae êgoho baebe va'ë'iro God-ro hesi Aru'ahoho mëmiromo êhuro jovoho bogo a'i Aru'ahohuro bapataeto vaejêvo'ajêjo.

*Iesuhu ô'idöre ajiomade jöhoje.*

<sup>6</sup> Èhi'amu iae apostle ömo'ömohuro Iesu'o gemuore jioruomê'ëro uavareje: Bada na ja avevejö'e ajamui'iramu Israel rajoho nomëro urimo ë'arêhi êhi masije riravoromo sa'a ioro'ioroho muebejêvo'ejarêjo o bogajo.

<sup>7</sup> O bogajamu uëvadeje: Èhi jiê'e muoho bövioho bise'oho divare majare jio'amoröhoho hesi Vavuohuro bamê'ëro êhu'ëro bogo ga'a'arujêjo.

<sup>8</sup> Iae êhi höjo röhu God-are Aru'ahohuro jemesirire ruvebi'iramu darugoho bae'a'arujêjo. Baenugoromo naehu diehi diehi ê'amu gavarije jöho ë jöho Jerusalem amore majêhibe Judea sa'ae bövioho majêhibe Samaria sa'ae bövioho majêhibe sa'ae gö gö majêhibe jijihö barê'arujêjo.

<sup>9</sup> Èhi uëvamu hegoro gavareje hu ô'idöre ajiomamu God-ro uavê'ëro. Ajiomamu suëro riogivê'ëro hu bogo gavareje.

<sup>10</sup> Röhu ajiomamu bogo gavê'e ô'idöho ëma ërimahamu gavê'i ae niö'i ajivê'e niögu io'amê'oho jaburo ma-majioho rueromo bëhire rirarovareje.

<sup>11</sup> Rirarovoromo uëvareje: Asê'e Galilee rajomë jemë rabëni riravoromo ô'idöho ërimaharujêjo. Êaho Iesu jemesirire jioromo ô'idöre ajiomê'ëro sionëro ruvebi'ajêjo. Sue uhure ajiomamu gavarijêhi êhi rue'a'ajêjo.

*Judas-are siono baeromo apostle jioröhe a baejare jöhoje.*

<sup>12</sup> Èhi majêhijamu hegorovo apostle ömo'ömohuro Olives Dahorure jioromo öri dunonö 1 kilometre rabu'e vuonorö'ö va'oromo abo Jerusalem va'o surovareje.

<sup>13</sup> Suorovonugoromo va'oromo urimo raromonövre döre osa gagore ë ioijiomareje. Êapostle jabesi ihoho Peter John James Andrew Philip Thomas Bartholomew Matthew o Alphaeus-are harihe James o Simon. Röhu Simon hu Jew rajehu jabesi mueberovo'i nimade aho jiadeje. O apostle gö James-are harihe Judas jiadeje. Apostle jabesi ihoho êhi jio'amadeje.

<sup>14</sup> Êaribövioho aho'obêhe ë ioijiomoromo Iesuale ö ömo'ömoho hesi vëme Mary magonaho ioro'ioroho ë ariböviohu'o gemu mae raromoromo God-are örire jöe ato'i arinövareje.

<sup>15</sup> Èhi'oromo majae vemino'e barëjamu evare Iesu mae uehorovarue aribövioho 120 rabu'e êho jaburo gemuore gagovorovê'ëro Peter-ro ri'öromo uëvadeje:

<sup>16</sup> Ö mueno'ohumë Judas-hu ë'ade jöho God-are surire jajivarêhi öre gö bogojiê'ëro iae êhi jiade höjo. Urimê'i God-are Aru'ahohuro David uavamu Judas-hu majae ijönö vaeröhe jöho jajivade höjo. Judas hu aehu Iesu guduamojoro öri röhëhijade ae jiade höjo.

<sup>17</sup> Hu no'ö gemu mae hi juvonövade höjo. Huro no'ö bimuvoromo mue gemu vaeröhego êhuni Iesuro hu baejade höjo.

<sup>18</sup> Peter-ro êhi jövadeje röhu hesi jö bëhoho Judas-hu mu sisê vaeromo ujuohade ë ijo bajohuro êhuro sa'aho imadeje. Imoromo ë sa'are beruvebiromo dêho tögömamu dê hötöre suoro suoro baeromo guomadeje.

<sup>19</sup> Guomamu ë jöho Jerusalem raje ae aho'obêhe jaburo henugoromo ë sa'aho jabetesi jöëro Akeldama jumuwareje. Akeldama huotovê'e hesi bêhoho Kô Rovê'e Sa'ahoje.

<sup>20</sup> Amo Peter-ro Judas-are jö vituoho majêhiromo uêvadeje: David-ro Judas-are jöho Psalms surire jajivoromo uvê'e hôjo:

Hesi amoho a rumo'e jioröhe hôjo.

Nadi a göho êho hi'irajo.

O jö göho uvê'e hôjo: Ae göëro hesi sionoho baeromo mue bae'a'ajêjo.

<sup>21-22</sup> Êhi uvê'ego na negajêjo ae gemuëro Judas-are sionoho baeromo no'o gemu mae juvoromo Bada Iesu ri'ôjê'ëro hijamu nunehu gavade jöho ae majêhinövoröhego. Na negajêjo Iesuhu no'o hibe juvo'ego John-hu bapataeto mu vaejamu aevo'i no'o hibe ruejuvo Iesu ô'idöre ajiomamu êhi hiemu hibe rovade êhi jiê'e ae jio'iröhego.

<sup>23</sup> Peter-ro êhi uëvamu hegorovo ruoho jaburo ae niö'i jabetesi ihoho uvareje Judas-are sionoho baeröhego. A gö hesi ihoho Joseph jiadeje. Êa hesi iho göho Barsabbas jio'i iho göho Justus jiadeje. Hesi ihoho niö'i gemu jiadeje. O a gö hesi ihoho Matthias jiadeje.

<sup>24</sup> Êae niö'i jabetesi ihoho uvonugoromo God-are ôrire ênamiromo uavareje: Bada ae aho'obêhe nosi dë vövöbajo'oho jero gövuanue hôjo. Êhuni ae niö'i röhu di aho gemu nimanuoho jero röjahuijeko no bae'irarêjo

<sup>25</sup> êhuro hu Judas-are sionoho baeromo apostle muoho vae'iröhe hôjo. Êhesi bêhoho urimê'i Judas apostle jiê'ëro röhu muoho vuonugo'i guomoromo hesi röho sisëre va'ade hôjo.

<sup>26</sup> God êhi uanugoromo munë inine ömëvonugoromo ë ae niö'i jabetesi ihoho ë munë jabetesi döre jajivoromo hevö gagore ba'amoromo hijiohijiovareje ga'iro di aho bae'iröhoho jiejo. Hijiohijiovoromo gavareje bae'iröhe aho Matthias jiamu gagorovo uavareje huro Iesuare apostle 11-ho jabu'o gemuore juvonövoröhego.

## 2

*God-are Aru'ahehu ruvebijade jöhoje.*

<sup>1</sup> Êhi'amu Pentecost majaho rovamu Keriso mae uehorovarue ariböviohuro aho'obêhe osae gemuore raromoruomadeje.

<sup>2</sup> Raromoro ma-majioho hejareje buru bôrömonö'e ô'idöre jioromo ruvebiromo jabuhu raromarue osaho aho'o huosihuosihavamu.

<sup>3</sup> Huosihavamu hejê'i gavareje vëni hödu va'ëne bitaroho rumorovoromo ae gemu gemu jabetesi simano döre jiorovamu.

<sup>4</sup> Jiorovamu gagorovo God-are Aru'ahohuro ae aho'obêhe jabetesi dë vövöbajo'ere abueromo rarovadeje. Rarovoromo bitaroho ajëmijamu aevoromo huë göëro göëro jöe vaerovobe va'areje.

<sup>5</sup> Röhu Jew rajo ae göëro göëro Jerusalem amore ë raromoruomadeje God mae uehorovarüero jiê'ëro sa'ae göre jioromo rueruomê'ëro.

<sup>6</sup> Jerusalem raromoro hejare Iesuare ariböviohuro atavavamu hegorovo ae aho'obêhe gemuore rueromo gagovoromadeje. Gagovoromo ae gemu gemu hejare jaburo jabetesi huë göëro göëro vaerovavamu hegorovo hire görö'ôjêvadeje.

<sup>7</sup> Hire görö'ôjêvamu ri'öromo uvoruomadeje: Jabumê bogo nosi sa'ae gemuoho jio'i Galilee rajemu jioruomajêjo.

<sup>8</sup> Êhi jiê'oho diehi'oromo nosi huë göëro göëro ato'ego no hejaruêjo.

<sup>9</sup> No Parthia sa'a raje javuajêjo. Media raje Elam raje Mesopotamia raje Judea raje Cappadocia raje Pontus raje Asia raje

<sup>10</sup> Phrygia raje Pamphylia raje Egypt raje javuajêjo. Cyrene amo bêhire Libya sa'a raje javuajêjo. Rome amo raje javuajêjo.

<sup>11</sup> Rome amo rajo a ioro'ioroho Jew rajo ae javuajêjo. A ioro'ioroho bogo Jew aehu javuoi röhu Jew rajo jabetesi muoho noro ijonö baejê'e javuajêjo. Crete sa'a raje javuajêjo. Arabia sa'a raje javuajêjo. No sa'ae gö gö êhi javuajêjo. Röhu no ae aho'obêhe hebe rovaruêjo God-hu mu masije gö gö ê'ade jöho ë aribövioho jaburo ae gemu gemu nosi jöëro atavavo'ego.

<sup>12</sup> Êhi uvoromo ae aho'o tiöromo uehore gö gö baeromo uarovareje: Diehi'ego êhioho ê'aruêjo.

<sup>13</sup> A ioro'ioroho bogo êhioho uvo'i a'i ma-sivëgoromo uarovareje: Êaribövioho rihu'e jovo sisë ue'aho avohê'ëro simane huotovêho'ego ê'aruêjo.

*God-are Aru'ahehu rovamu Peter-hu Iesuare jö majêhijade jöhoje.*

<sup>14</sup> Ĕhi'amu Peter-ro apostle ioro'ioire 11-ho jabu'o gemu mae jiē'ero ri'ōromo ae aho'obēhe ma-darugo'o uēvadeje: Jew raje Jerusalem raromarujohumē ae aho'obēhe naehu jō jōvo'iē'ajoho avo'avoho hehējo.

<sup>15</sup> Jemēro uvarujējo: Ave aribōvioho simane sisērējē'ero ē'aruējo. Bogo ēhioho hōjo rabēni majae rojomanovego vōrō'e jovocho aho bogo ue'ahoruomajēro jiē'ero.

<sup>16</sup> Ĕhuni bogo ēhioho jio'i a'i ē mu hesi bēhoho urimē'i Joel-ro ave jōho God-aro baeromo jajivoromo uvade hōjo:

<sup>17</sup> God-ro uōvuavohijajo: Ijo tugoho'i majaho rue'iramu naro ave muoho vae'ejōjo. Naro nasi Aru'ahoho jovonō'e otehēho'iramu ae magonahe aho'o rumorovo'ajējo. Rumorovo'iramu jemesi ujo ōmo'ōmoho a'o magonaho'o nasi jōho huruoho'aruējo.

Jemesi a i'ohuro nasi muoho nia'ovoro ga'a'aruējo.

Jemesi a mavojohuro momorō'ōromo mue gemuoho ga'a'aruējo.

<sup>18</sup> Ĕho majaho rue'iramu nasi Aru'ahoho otehēho'iramu nasi mu vaejarue aho magonahoho jabu'o rumorovo'ajējo.

Rumorovo'iramu nasi jōho huruoho'aruējo.

<sup>19</sup> Ō'idōre vōrō'e muoho vae'ejōjo.

Sa'are darugo'e muoho ōmo'ejōjo.

Sa'are ōmo'iramu kōemu jioromo vēne ravoromo u'e ajiomō'ajējo.

<sup>20</sup> Ō'idōre vae'iramu majaho ramoramovoromo manaeroho kō'e jio'a'ajējo.

Badare aji'e maja bōrōmo ruerōhe ē hesi urimo ēho jio'a'ajējo.

<sup>21</sup> Evare ae rahu Badani uvē'oho maro jēvo'ajējo.

<sup>22</sup> Rōhu Israel rajomē ave jōho hehējo. Naro Nazareth raje Iesuare jōho majēhi'iē'ajējo. God-ro Iesu ajamijamu bogo gavarue darugo'e muoho vae'amade hōjo ēhuro jemēro tiōromo ma-sama'e uvo'irarjige: Iesu bogo ēma rue'i God-ro nugō'ōjumu rovade hōjo. Ĕmuoho jemesirire vaejē'ero jemē'o iae gavaruje hōjo.

<sup>23</sup> Ĕaho jemesi ōvore rovade hōjo God-ro ēhi nimoromo uvē'ero. Jemesi ōvore rovamu jemēro baeromo sisē aribōvioho uēvamu korosire anare hōjo. Jemesi sisē hōjo.

<sup>24</sup> Rōhu vavaene baeromo guomo raromoromo God-ro hesi vavaenoho avohahamu ri'ōjade hōjo bogo ioro'ioiremu guomorōhe ahuro jiē'ero.

<sup>25</sup> Ĕhi ri'ō'irōhe jōho urimē'i David-ro God-are surire jajivoromo uvē'e hōjo:

Naro gavode hōjo Badaro na'o gemu mae juvo'i hijamu.

Huro nasi bēhire juvo'ego na bogo juhuonivo'ejōjo.

<sup>26</sup> Ĕhuro dē vōvōbajo'oho sasohevaje hōjo. O bitarohuro nimorohē'i jōe jōvaje hōjo.

Iae nasi sino haho'oho guomo hesi hōjo. Rōhu na mae hiromo muebe'ejōjo hujeji God-ro ajemi'irōhego.

<sup>27</sup> Ĕhesi bēhoho guomevo'iramu vuovoromo raromariroho God ja nasi aru'ahoho ēho bogo nugeho'iramu bogo ioro'ioiremuoho ēho hi'a'ajējo.

Na jasi aēro jevē'ero ēhu'ero jero ajemi'iramu nasi sinoho bogo sagohorijevo'ajējo.

<sup>28</sup> Naehu hiemu hi'irode ōroho jero rōjehijē'e javajējo.

Jero na'o gemu mae juvo'ego ēhuro na nimorohevo avoho'ajējo.

Iesuhu ēhi ē'irōhe jōho David-ro jajivade hōjo.

<sup>29</sup> Aganomē naro nosi hijo miono'e David-are jōho jemesi ōrire huruoho majēhi'ejōjo.

David guomamu guavare hōjo. Hu guavare huoho jaruvohu'o aviae jiajējo. Ĕhuni hesi sinoho bogo sagohori'irōhe jōho hu bogo jōvo'i Iesuare jōho jōvade hōjo.

<sup>30</sup> Ĕhesi bēhoho David-ro jō God-aro baeromo juvaje aēro jiē'ero ijonō jiorōhe jōho gavade hōjo. Ĕhu'ero hu garomo uvade hōjo: God-ro na jōe darugo ma'e majehiromo uev'e'e hōjo: God naro jasi uje gemu baeromo bōrōme bamo'ejōjo David jaehu ōri ari'e muebejanuēhi ēhi ē'irōhego.

<sup>31</sup> God-hu Keriso bōrōme bamorōhe jōho David-ro gavē'ero ēhuni Kerisohu ri'ōrōhe jōho jajivoromo uvade hōjo:

Vuovoromo raromariroho God ja hesi aru'ahoho ēho bogo nugahamu bogo ioro'ioiremuoho ēho hijade hōjo.

Jero hu ajamamu hesi sinoho bogo sagohorijahade hōjo.

<sup>32</sup> Rōhu ē aho Iesu God-ro ajamijamu ri'ōromo rōhu maho hijade hōjo. Hijamu hesi aribōvioho aho'o no iae nunēro gavē'e javuajējo.

<sup>33</sup> Ri'ō hiromo God-ro bōrōme bamamu ajiomoromo hesi ōvo manō hijē'e hōjo. Hiromo Vavuehu uavadēhi ēhi hesi Aru'ahoho bojamamu baeromo jovonō'e otehahuē'ero jemē garomo hejaruje muoho nomēro vaejaruējo.

<sup>34</sup> Rõhu Iesuhu God-arire ajiomade jõho iae mae jio'ego rõjëhi'ejõjo. Iesuhu ajiomadëhioho David God-arirõho bogo ëhioho ajiomade hõjo. David hu bogo ajiomade hõjo rõhu God-are surire jajivoromo uõvade hõjo:

Bada God-ro nasi Bada uavade hõjo:

Nasi õvo manõ rojo hijego

ja'õ muorovarue aribõvioho

<sup>35</sup> naro ruahõ'õjëvego

hõrëro vijuvo taemo'amo'irane hõjo.

Bada Iesuhu ajio God-are õvo manõ hi'irõhe jõho David-ro ëhi jajivade hõjo.

<sup>36</sup> Ëhuni Israel aribõvioho aho'obëhe jemëro ave jõho avoho hehëjo. Jemëhu korosire anarije aho Iesu ë aho God-ro bõrõme bamë'ëro hu Bada hõjo. Bõrõme namiromo ajamuijaje ae hõjo.

<sup>37</sup> Peter-ro ëhi majëhijamu hegorovo ë aribõvioho jaburo juhuone bõrõme baeromo Peter'o apostle ioro'iorohu'o uëvareje: Õ õmo'õmoho no diehi ë'ëjarëjo.

<sup>38</sup> Diehi'o'ëjarëjamu Peter-ro uëvadeje: Jemë ae gemu gemu uehoro sisëho vuonugo'i uehoro mae baeromo Iesu Keriso-are ihoro bapataeto vaejego God-ro jemesi sisëho uehorovoromo vuonugo'irajo ëhuro God-ro hesi Aru'ahoho suvuore mëmege bae'irarije hõjo.

<sup>39</sup> Ëhesi bëhoho God-ro hesi Aru'ahoho jemë'o jemesi aboji harihu'ohu'o mëmi'i uvade hõjo. Ae dinõ'e dinõ'e raromoromo nosi Bada God-hu uvamu ejahë'oho hesi Aru'ahoho mëmi'i uvade hõjo.

<sup>40</sup> Peter-ro ëhi uëngoromo ëhi jië'e jõ göho aho'obëhe majëhiromo uëvadeje: Sisëho vuonugo'i avoho rarohego ave sisë aribõviehu i'u bae'irõhoho jemë bogo ëhioho bae'irarije hõjo.

<sup>41</sup> Peter-ro ëhi majëhamu hegorovo hesi jõ ejahare aribõviohuro bapataeto vaeruo-madeje. Vaejë'ëro ëhu'ëro evare majare ae aho'obëhe 3,000 ëhi aevoromo Iesuare aribõvi ioro'iorohu'o gemu mae jijihonõvareje.

<sup>42</sup> Gemu mae jijihoromo apostle jabesi jõho heromo agane vaerovoromo gemuoro ie ue'ahoromo God-are õrire jõe atonõvareje. Ëhi jië'e muohuremu uehorovonõvareje.

*Iesuare aribõviehu gemuore raromo jijihoromo aviëhi jië'e mu vaejare jõhoje.*

<sup>43</sup> Ëhi'o'ego God-ro apostle-ho ajëmi'ego bogo gavarue darugo'e muoho vaenõvareje. Vae'ego ae aho'obëhe ëho gagorovo tiõromo uvonõvareje: O mu mabëhe barueromo rõjahuijaruëjo.

<sup>44</sup> Ëhi'o'ego Iesu mae uehorovarue aho jaburo agane gemuoho va'ëne gemuoro raromo jijihoromo bõvie bise'e bogo sivu sivuoho bae'i ma-gemuoro bahinõvareje.

<sup>45</sup> Jabesi sa'ae inõme inõme bõvie bise'e imo'amoromo ijo baje ujuohoromo ae gö rabe rabe bogojië'oho suvuorëminõvareje.

<sup>46</sup> Majae ëhi God-are amo bõrõmore gagovorovonõvareje. O osare osare gemuoro raromoromo nimorohë'i huë baerovë'i ie ue'ahonõvareje.

<sup>47</sup> Ue'ahoromo God rajahiromo a ioro'ioro jabesiro huë mae baenõvareje. Ëhi'o'ego Badaro ae gö gö baejëvoromo maro bamëvoromo ekaresia gemuore bimuvëvonõvadeje.

### 3

*Peter'o John'o hõru sisë'e a ajamamu marëjade jõhoje.*

<sup>1</sup> Majae sanuovamu Jew rajehu pari vaejarue majare Peter'o John'o jaburo niõ'iro ruhe God-are amo bõrõmore hõrõ'i ajiomareje.

<sup>2</sup> Ajiomoromo amo bõrõmo hesi rejo ojo bëhire rovareje. Ëõjo hesi iho jumubaroho Ojo Mabëheje. Rue'i gavareje ae gemu ë hijamu mami'e hõru sisë'e ëhi rahë'e jië'ëro. Hõru sisë'ëgo majae ëhi hesi aribõviohuro barueromo ojo bëhire ë bamonõvareje. Ojo bëhire bamo'ëgo ae gö gö osa bõrõmore va'ië'iroho jaburo hu ijo baje bojamijõro ëninëminõvadeje.

<sup>3</sup> Ëhi ë'õjuvo hiromo gavade Peter'o John'o jabu'õ osare rova'ia'amu gëgorovo ëninëmadeje.

<sup>4</sup> Ëninëmamu hegorovo rueho jaburo hu ërimahoromo Peter-ro uavadeje: No gövuëjo.

<sup>5</sup> Gövuëjamu hegorovo rue ahuro uvadeje: Jaburo suvuore memi'i uevaruëromo gëvadeje.

<sup>6</sup> Gëvamu Peter-ro uavadeje: Ijo baje bogojevajëjo. Rõhu nasi õrire jevajohuro ëhuro ajami'ejõjo. Naro Nazareth amo rajë Iesu Keriso-are ihore ja uavajëjo: Ri'õromo juvëjo.

<sup>7</sup> Ri'öromo juvëromo hesi övo manö ma'enoromo nigemadeje. Nigemamu gavë'i hejade hesi

höru hitahioho öbinajoho mae jivamu hegorovo

<sup>8</sup> döro majioho ri'öromo namiromo hesi hörëro juvadeje. Hesi hörëro juvoromo tiöbe God rajahibe jabu'lo gemu mae God-are osare va'adeje.

<sup>9</sup> Èhi'amu ae aho'obëhe garuomadeje huro God rajahibe juvamu gagorovo

<sup>10</sup> gavare Ojo Mabëhi hesi bëhire hiro mo ijo bajëni èninëmaje aho jiamu garomo tiöjëvamu uvareje: Diehi'oromo höroho marëj'ëro juvajëjo.

*Peter-hu God-are osa börömore namiromo Iesuare jö majëhijade jöhoje.*

<sup>11</sup> Èhi uvoromo gavare è aho Peter'lo John'lo jabesi övoro jiorovoromo jabu'lo èhi juvamu God-are amo börömo hesi harada ihe Solomon-are haradare è juvamu garomo tiöjëvamu tutuvoromo è gemu va'oromo gagovoruomadeje ga'irovo.

<sup>12</sup> Gagovamu gëgorovo Peter-ro uëvadeje: Israel rajomë jemë ave aho garomo rabëni tiöjarujëjo. Jemë rabëni John'lo na'lo èrimahuarujëjo. Bogave uvo'irarijëjo: No vörö'e aëro javu'ëro o mu maemu vaejaruëro èhu'ëro noro ajami'ego marëromo juvajëjo. Bogo èhioho höjo.

<sup>13</sup> A'i hu marëjade hesi bëhoho aviëhi höjo. God-hu Abraham Isaac Jacob nosi hijo miono'lo ioro'ioro muebe'amadohuro hesi mu vaejaje aho Iesuare ihoho döro nigemahade höjo. Èaho jemëro guduamoromo a masijo jabesi övore bojëmijarije höjo baeromo sisë vaeröhego. Bojëmiromo hejarije Pilate-ro uvavamu: È'ego naro Iesu jiovo nugö'ö'irö uvamu hegorovo jemëro Pilate-are nunire Iesu bijönimarije höjo.

<sup>14</sup> Iesu hu God gemu uehorovoromo mu maemu vaenövade höjo röhu jemëro hu bijönimoromo Pilate uavarije höjo huro a muo'amaje aho jemëni jiovo nugö'öjëhego va'iröhego.

<sup>15</sup> A muo'amaje aho jiovo nugö'öjëhojoro ua'i a i'ovavuaaje aho Iesu anojoro uavarije höjo. Èhi'amu guomoromo God-ro ajamamu ri'öromo hijamu nosi nunëro gavë'ëro è jöho majëhijarue höjo.

<sup>16</sup> Èaho Iesu mae uehorovadohuro èhuro hesi darugohuro ajamamu ave höru sisë'e a jemë gavarujoho biriroho baejade höjo. Èaho Iesu mae uehorovamu èhuro marëjadoho jemë ae aho'obëhe iae gavarujëjo.

<sup>17</sup> Aganomë iae èhi höjo röhu na gavajoho jemë'lo jemesi a masijohu'lo bëhoho bogo avoho gavë'ëro Iesu anarije höjo.

<sup>18</sup> Röhu jemëhu vaejarije mu sisë hesi bëhoho urimë'i God-ro jöho nugö'öjamu jö hesiro baeromo majëhinövare ariböviohuro surire jajivoromo uöbe rueruomade höjo: God-hu uavë'ëro böröme namiromo ajamu'iröhe aho vi'ehë baeromo guomo'a'ajëjo. God-ro mami'e jö bamoromo uövuadëhi öroho èhi avohamu Iesu guomade höjo.

<sup>19</sup> Èhi jië'e jiaje èhuni öri sisëre jijiharujoho vuonugo'i God-are öroro jijihëgo huro jemesi sisëho mu'uvëho'irajo.

<sup>20</sup> Èhi è'ë'oho Badaro jemesi aru'ahoho biririvëho'ajëjo. Biririvëhoromo Iesu nugö'ö'iramu jemëni rue'a'ajëjo. Iesu böröme namiromo ajëmi'iröhe aho è aho God-ro jemesi jöëni baejade höjo.

<sup>21</sup> Baej'ëro huro ö'idöre hijuvo hujeji God-ro sa'ae bövie bise'e röhu maho i'e avoho'iramu evare rue'a'ajëjo. Èhi jië'e jöho mami gö'e nugö'öjamu jö hesiro baeromo majëhinövare ariböv mahuro surire jajivobe rovare höjo.

<sup>22</sup> Iesuare jöho Moses-lo God-are surire jajivoromo uövuade höjo: Jemesi a bövie God-hu na remö'öjamu rovodëhi huro jö hesiro baeromo majëhi'iröhe a göhu'lo èhi nugö'ö'iramu rue'a'ajëjo. Hu jemesi sa'a raje jio'a'ajëjo. Jö rabe uëvë'oho ejahonövorëjo.

<sup>23</sup> Ae rahu hesi jö bogo ejahë'oho è ariböviohuro rori'lo sö va'oromo ijumëvo'aruëjo. Iesuare jöho èhi jajivë'e höjo.

<sup>24</sup> Èhi jajivamu jö God-aro baeromo majëhinövare a ioro'ioroho Samuel-arire aevoromo hesi ijore rueromo jö majëhijare ae aho'obëhe èho jaburo jaruvore mu rabehu rovaje jöho majëhibe rovare höjo.

<sup>25</sup> Röhu jemë'o huë mae bae'irarijëgo èhuni è ariböviohuro jöho God-aro baeromo majëhiromo uënövare höjo: Huro mu mabëhe nugö'ö'iramu rue'a'ajëjo. Jemë'o huë mae bae'irarijëgo èhuni God-ro jemesi hijo miono'oho darugo'e jögoroho bojëmiromo uëvade höjo: Iae naro muebejëvonövo'ejöjo. Huro èhi jië'e jögoroho Abraham bojamiromo uavade höjo: Naro jasi a ujoho mae avohëvo'iramu èhuro sa'ae dinö'e dinö'e raromarue ariböviohu'lo huë mae baeruomo'ajëjo.

<sup>26</sup> Ëhi uavë'ëro huro hesi mu vaejaje aho Iesu baeromo urimo jemesirire nugö'öjade höjo huro rueromo jemë huë mae bojëmiromo dë vövöbajo'oho huotovëhego jemë ae aho'obëhe mu sisëho vuonugo'irarijego.

#### 4

*Peter'o John'o Jew rajo a masijo jabesi nunire rirarovare jöhoje.*

<sup>1-2</sup> Peter'o John'o jaburo jöho Ëhi majëhijamu hejë'i Jew rajo a masijohuro rueruomadeje. Priest ömo'ömohuro God-are amo börömo atovarue jabesi a böviohuro Sadducee ömo'ömohuro ëho jaburo hejare Peter'o John'o ae uëvamu: Iesu guomoromo ri'öjë'ëro ëhu'ëro vuovarue ae aho'obëhe no'lo ri'ö'ëjarë uëvamu hegorovo uvareje: Jö sisë ae majëhijaruëromo dë vörönëgamu rovareje.

<sup>3</sup> Rueromo Peter'o John'o guduamo ömëvo va'oromo majae barëjumu gagorovo savoji gagore ba'amëvareje hujeji nërö rueromo jabesi nunire rirarovoröhego.

<sup>4</sup> Amo ae aho'obëhe Peter'o John'o majëhijare jöho heromo Iesu mae uehorovoruumadeje. Mae uehorovë'ëro ëhu'ëro Iesu mae uehorovarue aribövioho aho'obëhe 5,000 rabu'e jiadeje.

<sup>5</sup> Peter'o John'o savoji gagore ba'amëvamu momorö'öjë'ëro sisonuvamu gagorovo council a masijohuro a duvaho ömo'ömohuro jögoru öri röjëhijarue ariböviohuro ëho jaburo Jerusalem rueromo gemuore gagovoruumadeje.

<sup>6</sup> Gagovoruumamu priest böröme Annas-ro Caiaphas-ro John-ro Alexander-ro priest börömo hesi agano ioro'iorohuro ëho jaburo a masijo ioro'iorohu'o gemuoro gagovareje.

<sup>7</sup> Gagovoromo Peter'o John'o hu'iraejëvo ruejörö jöe nugö'öjumu rueromo jabesi nunire ë rirarovareje. Rirarovamu gëgorovo uëvareje: Jemë diehi'oromo höru sisë'e aho ajamijamu marëjade höjo. Diehi jië'e vöröho baeromo rahuare ihoro uvoromo ë'arije höjo.

<sup>8</sup> Ëhi uëvamu God-are Aru'ahohuro Peter-are dë vövöbajo'oho rarovamu ri'öromo uëvadeje: Jew rajo a masijohu'o a duvahohu'o nasi jöe hehëjo.

<sup>9</sup> Noehu höru sisë'e a ajamamu marëjade jöho evaho nani jemë he'i nëgamu ëhuni noro jemesi nunire rirarovojöro atë'ëro uö gövuuarujëjo.

<sup>10</sup> Ëhi jië'oho na negajëjo jemë'o Israel a ioro'iorohu'o ae aho'obëhe jemëro ave jöho he'irarijego. Ave aho jemesi nunire marëjë'e namijaje hesi bëhoho Nazareth raje Iesu Keriso hesi darugohuro ëhuro ajamamu marëjë'e höjo. Ëaho Iesu jemë korosire anamu guomamu God-ro i'ovamu ri'öjade höjo.

<sup>11</sup> Ëaho Iesuare jöho God-are surire uhunö'e jajivoromo uövuë'e höjo: Jemë munë javue vae'irögorö munë gemu bijönimoromo vuonugarije höjo. Vuonugarijoho jaruvoho ë munëhuro javuoho nigemo'ego bibivoromo mae namijajëjo. Ëhi jajivë'e höjo.

<sup>12</sup> Iesuro huro gemuëro ajamuijego i'uoho bogo bae'i marëjavuaje höjo. Ëhesi bëhoho God-ro Iesuare ihe gemu sa'ae dinö'e dinö'e bojamuijë'e höjo aho bogo sisëroho va'i mae javuoröhego. Iho göho bogohöjo.

<sup>13</sup> Ëhi uëvamu hegorovo rue Jew rajo a masijoho jaburo gavare Peter'o John'o bogo nuni aji'e aho jëvo'i ëma uno'e ae jëvë'e bogo juhuonivo'i biririvoromo jöho majëhijamu gagorovo tiöruomadeje. Tiöromo evare garomo uvareje: Ëaho jaburo niö'iro Iesu'o gemu mae jirehonövë'ëro ëhu'ëro ë'aruëjo.

<sup>14</sup> Ëhi uvoromo gavare höru sisë'e aho mami'e marëjë'ëro Peter'o John'o jabesi gemuore namijamu gagorovo jabesi jö aho'iröhoho bogo eni jioruomadeje.

<sup>15</sup> Bogo eni jioruomamu aëro Peter'o John'o hu'iraejëvoromo gagovarue osaho vuonugoi rori'lo va'ojöro uënuogoromo jabesi sivue jöho mevoromo uarovareje:

<sup>16</sup> Noro ave ae niö'ioho diehi'ëvo'ëjarëjo. Ëhesi bëhoho Jerusalem raromarue ae aho'obëhe hejare uvamu: Ëae niö'iohuro bogo gavaru mue gö vaejë'e hö uvamu hejë'ëro ëhu'ëro subivo'iröhoho bogo eni javuajëjo.

<sup>17</sup> Röhu ae göëro göëro hebe va'ojöëni ë'ego no jögore bojëmiromo uë'irarëjo: Bogave ijoho Iesuare ihoroho jöho majëhi'irarijëjo.

<sup>18</sup> Ëhi uarovoromo ae uëvamu Peter'o John'o osaëro hu'iraejëvo rovareje. Hu'iraejëvo rovamu uëvareje: Bogave gemu Iesuare ihoroho jöho majëhiromo röjëhi'irarijëjo.

<sup>19</sup> Ëhi uëvamu hegorovo rue ae niö'iohuro uëvareje: Jemëhu uövuuarujoho nadi Iesuare ihoroho jöho majëhirë uövuuarujoho iae no hejaruëjo. Röhu na no jemesi jöho ejëho'ëjarëjo o God-are jöho ejaho'ëjarëjo. Jemesi garëjo God di muoho nimego.

<sup>20</sup> Iesuhu ë'amu noehu garomo hejare jöho diehi'oromo vuonugojörajö.

<sup>21</sup> Èhi uèvamu rue Jew rajo a masijohuro Peter'o John'o i'u bojèmi'ibejaroho rõhu uvareje: Hõru sis'e aho marèjamu gavè'èro ae aho'obèhe God rajahiruomajèromo i'u bojèmi'irõhe õroho bogo birohogoro vuonugo'i jõe gõ'o darugo ma'e majèhiromo jiovo rêm'õjèvamu va'areje.

<sup>22</sup> Amo ae aho'o God rajahijare hesi bèhoho è hõru sis'e aehu hijade hesi vadunoho aho'o 40 èmino'e iosiramiro mo ruèhi jiè'èro bogo marè hesi jiadoho rõhu Peter'o John'o Iesuare daruge baeromo ajamamu marèjadeje.

*God-hu ajèmego bogo juhuonivè'e ma-birivoromo jõ majèhi'irõhèro Iesuare aribõviehu èninamare jõhoje.*

<sup>23</sup> Iae jiovo rêm'õjèvamu va'oromo Peter'o John'o ma-burèro vuonorõ'õ va'oromo jabesi aribõvioho uèvareje: Jew rajo priest masijohu'o a duvahohu'o jaburo no uõvuare hõjo: Iesuare ihoroho nadi ijoho jõho majèhirèjo.

<sup>24</sup> Èhi uèvamu hegoro ruo Iesuare ae aho'obèhe jaburo uehore gemu baeromo God uaruomadeje: O asé'e nosi A Bõrõmoho õ'idõe sa'ae jove bõvie bise'e jero bamavuane hõjo.

<sup>25</sup> Urimè'i jero ave jõho bojamamu jasi Aru'ahohuro jasi mu vaejaje ae David nosi hije David-are simanore bojamamu huro jajivade hõjo. Jajivoromo uõvuè'e hõjo:

Sa'a ioro'ioro rajoho rabèni jovèro gatovanovoruomade hõjo.

Sa'ae gõre gõre aribõvioho rabèni simano rumo'e muoho vae'i õroho naho garuomade hõjo.

<sup>26</sup> Sa'ae dinõ'e dinõ'e raromarue a masijohuro muorovo'i avohorovare hõjo.

Sa'are simano vaejarue aribõviohuo gagovorovare hõjo

Bada God'o muorovo'i God-hu uavè'èro bõrõme namiromo ajamuae ahu'o muorovo'i.

<sup>27</sup> David-hu è jõ jajivadèhi èhi ave amore iae gagovoruomade hõjo Iesu'o muorovo'irovo. A masije niõ'i Herod'o Pontius Pilate'o èho jaburo sa'a ioro'ioro rajohu'o Israel rajohu'o gemuoro gagovare hõjo Iesu'o muorovo'irovo. Iesu jasi muohuremu vaejaje aho hõjo. Jero hu uavane hõjo huro bõrõme namiromo ajamui'irõhego. Èahu'o muorovo'i gagovoruomade hõjo.

<sup>28</sup> Èmuoho vae'i gagovare hõjo. Rõhu urimè'i èhi jiè'e muoho jiorõhego God jero darugo'èro javè'èro jasi nimoromo èhi bamane hõjo.

<sup>29</sup> Bada rõhu jaruvoho è aribõviehu uõvuarohe Iesuare jõ majèhijè'oho i'ue bae'a'arujè uõvuare jõho jero èho heromo uehorovoromo no jasi mu vaejarue aho ajamuinego bogo juhuonivo'i birivoromo jasi jõho ma-sama'e majèhinõvo'irarèjo.

<sup>30</sup> Jasi muemu vaejaje ae Iesuare jõèni ri'õromo guomo guomo'e aribõvioho ajèmiromo darugo'e mue gõ gõ vaejejo aèro garomo jõho mae uehorov'irarèjo. Ahia mino'èjo.

<sup>31</sup> God-are õrire èhi atamu gagorovo jabuhu raromaruoho hijiohijiovamu God-are Aru'aho hesi darugohuro ae aho'obèhe jabesi dè võvõbajo'oho rarovamu bogo juhuonivo'i birivoromo God-are jõho atobe va'areje.

*Iesuare aribõviehu huè baeromo ajamirovonõvare jõhoje.*

<sup>32</sup> Èhi'amu iae Iesu uehorovarue aribõvioho aho'obèhe uehore gemu dè võvõbajo'e gemu baeromo bogo uvonõvareje: Nasi hõromo sivu sivue bahi'i a'i uvonõvareje: Ae aho'obèhe nosi hõromo ma-gemuoro bahinõvareje.

<sup>33</sup> Apostle õmo'õmohuro darugo ma'o ae majèhiromo uènõvareje: Bada Iesu guomoromo ri'õjè'èro hijamu nosi nunèro gavè'e javuajèjo. Èhi'o'ego God-are huè mahuro è aribõvioho aho'o ruahõ'õjèvonõvadeje.

<sup>34</sup> Ruahõ'õjèvo'ego Iesuare aribõvioho aho'obèhe i runo'e bõvie bise'e eni jèvonõvadeje. Èhesi bèhoho ae raHu sa'ae o javue ma-jio'amè'oho imo'amoromo monioho ujuohoromo rueromo

<sup>35</sup> apostle jabesi õvore bahinõvareje. Bahi'ego apostle-ho jaburo ganõvare Iesuare ae gõ gõ rabe bogojiamu gavè'oho suvuorèminõvareje.

<sup>36</sup> Suvuorèmijamu iae ae gemu hesi ihoho Joseph-ro mue gemuoho vaejadeje. Joseph-are iho gõho apostle õmo'õmohuro Barnabas jumuvareje. Barnabas huotovè'e hesi bèhoho biriri bojèmaje ahoje. Hesi agano ihoho Levi raje jiadeje. Cyprus sa'are jioromo rovadeje.

<sup>37</sup> Rovè'èro hiromo sa'ae gõ imoromo monioho barueromo apostle jabesi õvore bojèmadeje ae suvuorèmirõhego.

## 5

*Ananias'o Sapphira'o sareri sareri'e jõ majèhijare jõhoje.*



<sup>1</sup> Ĕhi jiē'e mu maho vaejambu rōhu ae gōero mu sisēho vaejadeje. A hesi ihoho Ananias jio'i hesi vaboro ihoho Sapphira jiadeje. Ananias-ro mu sisēho vaeromo jabesi sa'aho gō imoromo

<sup>2</sup> subivēhoromo moni vitu hesi tario bamadoho vaborohuro iae gavadeje. Vituoho hesi tario bamo'i vituoho apostle ōmo'ōmoho i'imēmiromo sarerēmiromo uēvadeje: Sa'a imode hesi ijo bajoho iae bojēmi barējē'e jevajējo.

<sup>3</sup> Bojēmi barējē'e jevajējambu Peter-ro uavadeje: Ananias Satan-hu dinamijadoho ja rabēni ejahoromo hesi jōho baejane hōjo. Nadi God-are Aru'ahoho sareramīromo sa'a moni vituoho subivēhoromo tario bamoromo uō'ibejanējo: Na sa'a hesi monioho iae bojēmi barējē'e jevajējo.

<sup>4</sup> Sa'a bogo imane majaroho ēho jasi jiade hōjo. Jero jasi ga'ibejanējo imavego o bogo. O sa'a imanevare monioho aho'o jasi jiade hōjo. Jero jasi ga'ibejanējo ae bojēmavego o jasi ma'enavego. Rōhu ja rabēni ēhioho ē'i uehorovane hōjo. Ĕhi ē'anoho ja bogo ma-aemuoho sareramui'i God'o sareramijane hōjo.

<sup>5</sup> Jōho ēhi majahjambu hejē'i Ananias sa'are beromo guomadeje. Guomamu ae aho'obēhe ē jōho hegorovo sisē maro juhuonivareje.

<sup>6</sup> Amo guomamu a i'o ōmo'ōmohuro rueromo sinoho niōgēro numoromo bava'oromo guavareje.

<sup>7</sup> Guavamu majae 3 hours rabu'e barējambu gagorovo vaborohuro hesi baru guomade jōho bogo hejē'e ma-rovadeje.

<sup>8</sup> Rovamu gagorovo Peter-ro uavadeje: Ave jōho uevego na hejōjo. Sa'aho imoromo na jemē monioho avemino'e baejarije hōjo o gō'o dōre baejarije hōjo. Baejarije hōjamu sareramīromo uavadeje: Iae ēmino'e baejē'ero jemesi ōrire bojēmi barējē'e javuajējo.

<sup>9</sup> Bojēmi barējē'e javuajējambu hegorovo Peter-ro uavadeje: Ja'o jasi baruohu'o jemē rabēni uvarije hōjo: Nani Badare Aru'ahohuro bogo gōromo i'uoho bojamui'ajēromo ēma sareramuijarije hōjo. Nadi ēhioho ē'ibejarijējo. Aveho gavējo. Aribōvioho jasi baruoho guavē'ero aruere ojanore rovaruoho hejējo. Jasi sinohu'o bava'oromo guavo'aruējo.

<sup>10</sup> Ĕhi uavamu gavē'i vaborohuro Peter-are bēhire ma-majioho beromo guomadeje. Guomamu rue a i'ohuro osare rueromo gavare vaboroho mami'e guomē'e jiamu gagorovo amonō bava'oromo hesi baru hesi bēhire guavareje.

<sup>11</sup> Ĕhi'amu ekaresiae aho'obēhe o a ioro'ioroho jabu'o ē jōho hegoro sisē maro juhuonivoruomadeje.

*Apostle ōmo'ōmehu noehu bogo gavarue darugo'e mu vaenōvare jōhoje.*

<sup>12</sup> Ĕhi ē'ē'ero iae God-ro ajēmi'ego apostle ōmo'ōmohuro bogo gavarue darugo'e muoho aho'obēhe vae'ego ae aho'obēhe ganōvareje. Ĕhi'o'ego Iesuare aribōviohuro God-are amo bōrōmore iojioromomo amo bōrōmo hesi harada ihe Solomon-are haradare ē gemuoro gagovorovonōvareje.

<sup>13</sup> Gagovo'ego a ioro'ioroho jaburo Iesuare aribōvioho mae uehorovēvo'i rōhu juhuonivoromo bogo ēma gemuoroho va'o raromonōvareje.

<sup>14</sup> Bogo ēma gemuoroho raromo'i rōhu ae magonahe gō'o gō'o aho'obēhe Bada mae uehorovoromo Iesuare aribōviohu'o aevoromo gemu mae raromo jijihonōvareje.

<sup>15</sup> Ĕhi jiē'e mu masijoho rovē'ego aēro guomo guomo'e aribōvioho ōrire ujuoho ruenugoromo momorō'ōjarue rōho nu ano'e gōre gōre ē bahinōvareje Peter rova'ego hesi ōvehu bogo ajēmijē'oho rōhu hesi maja aru'ahohuro bamēvego marē'irōhego.

<sup>16</sup> Ĕhi'o'ego ae aho'obēhe Jerusalem-nōrire amo gōre gōre raromarue aribōvioho jaburo guomo guomo'e aribōviohu'o aru'aho sisēhu simano sisē vaejēhē'e aribōviohu'o ujuoho rue'ego apostle ōmo'ōmohuro jabumē aho'obēhe ajēmiromo avohēvonōvareje.

*Jew rajo a masijehu Iesuare apostle aribōvi sisē vaejēvare jōhoje.*

<sup>17</sup> Ĕhi'amu gagorovo iae Jew rajo priest bōrōmohu'o hesi aemo'aeme Sadducee aribōviohu'o ēho jaburo apostle jabesi mu maho garomo dē vōrōnimareje.

<sup>18</sup> Dē vōrōnimoromo ri'ōromo apostle aribōvioho guduamēvoromo ujuoho va'oromo savoji gagore io'amamu sisē aribōviohu'o gemuore raromareje.

<sup>19</sup> Savoji gagore raromamu vahiromamu gagorovo Badahu nugō'ōjade anerahuro rueromo ojoho jiovēhoromo apostle aribōvioho sōjēvo va'oromo amonō hōrōjadeje. Hōrōromo uēvadeje:

<sup>20</sup> Va'irarijoho God-are amo bōrōromo riravoromo Iesu uehorovoromo mae raromo'irōhe ōri hesi jōho majēhirego ae aho'obēhe he barē'irarējo.

<sup>21</sup> He barē'irarējambu hegorovo va'oromo sisonuvamu gagorovo God-are amo bōrōromo ajiō riravoromo aevoromo Iesuare jōho majēhijareje.

Ēhi'amu Jew rajo priest bōrōmohu'o hesi aribōviohu'o ēho jaburo rueromo Jew rajo a duvahoho aho'obēhe jōe nugō'ōromo uēvareje: Jew rajo a masijoho aho'obēhe ro gemuoro gagovorego no jōe mevo'irarējo. Mevo'irarēromo jōe nugō'ōromo police-oho uēvareje: Savojo gagore aribōvioho sō ujuoho ruehējo.

<sup>22</sup> Sō ujuoho ruehējamu hegorovo va'oromo gavare savojo gagoroho apostle aribōvioho bogojēvamu gagorovo vuonorō'ō rueromo Jew rajo a masijoho uēvareje:

<sup>23</sup> Noro va'oromo gavare hōjo savojo gago hesi ojoho tugoho titimo'amē'ēro muebejarue aribōvioho ojore ojore atovoromo riravoruomamu gēgorovo ojoho jiovoromo osare va'ihō gavare hōjo Iesuare aribōvioho bogojēvamu.

<sup>24</sup> Ēhi uēvamu hegorovo God-are amo bōrōmo atovaje police bōviohu'o priest masijohu'o uvareje: Diehi jiē'ēro bogo'e hōjo.

<sup>25</sup> Bogo'e hōjamu ae gemuēro rueromo uēvadeje: Jōe hehējo. Savojo gagore io'amarie aribōvioho jaburo God-are amore riravoromo ae aho'obēhe jōe rōjēhjaruējo.

<sup>26</sup> Rōjēhjaruējamu hegorovo rue police bōviohu'o hesi bēhire raromarue aribōviohu'o ēho jaburo apostle ōmo'ōmoho sō ujuoho rue'i va'areje. Va'oromo uvareje: Noehu jabumē gudumēv'ē'oho ae aho'obēhe no gōromo bijōnimoromo munēro vajamui'aruēromo juhuonivoromo apostle bogo gudumēv'ē'e ma-sō ujuoho rovareje.

<sup>27</sup> Ujuoho rueromo Jew rajo a masijo jabesi nunire rēmamu ē riravareje. Riravamu gagorovo priest bōrōmohuro uēvadeje:

<sup>28</sup> Noro darugo'e jōho mami'e bojēmiromo jemē uēvare hōjo: Iesuare ihoroho bogave gemu aho jōho rōjēhi'irarijējo. Rōhu jemēro jemesi jō sisēho rōjēhi'i arijamu Jerusalem amo rajoho ae aho'obēhe heruomē'e hōjo. Ēhi'oromo nimarujējo Iesu anamu guomade mu hesi i'uhoho noro bae'irōhego.

<sup>29</sup> Ēhi uēvamu hegorovo Peter'o apostle ioro'iorohu'o jaburo uēvareje: Iae no hejaruējo rōhu jemesi jōho gō jio'i God-are jōho gō jio'ego ēhuni nomē God-are jōho ejaho'ejarējo a jōho bogajo.

<sup>30</sup> God nosi hiyo miono'o muebe'amonōvade ahuro Iesu ajamamu guomoromo ri'ōjade hōjo jemēro hu ijore ano taemamu guomē'ēro.

<sup>31</sup> Ri'ōjamu God-ro hesi ihoho dōro bamoromo uavade hōjo: Rojo nasi ōvo manō hijējo. Hiromo ae aho'obēhe jabesi bōrōme namiro mo maro bamēvo'irane aho jionējo. Ēhi jioromo ōroho jiovēhego Israel rajoho jaburo uehoro sisēho vuonugego God naro jabesi sisēho dejonō bu'ōjēho'irode hōjo.

<sup>32</sup> God-ro ēhi jiē'e muoho vaejamu nosi nunēro gavē'ēro ē hesi jōho ae majēhjarue hōjo. Rōhu bogo no gemu majēhi'i God-are Aru'ahohu'o ajamuiromo ae majēhijaje hōjo. Ae rahu God-are jō ejahē'oho Aru'ahoho God-aro baejarue hōjo. Amo hu'o ajamuiromo ae majēhijaje hōjo.

<sup>33</sup> Ēhi uēvamu hegorovo rue Jew rajo a masijohuro vōrō'iraeromo apostle ōmo'ōmoho muo'amojōro uvoruomadeje.

<sup>34</sup> Uvoruomamu jabesi ae gemuēro jōe jōvo'i ri'ōjadeje. Ēa hesi ihoho Gamaliel jadeje. Hu Pharisee ae jiadeje. Hu Jew rajo jōgoru ōri rōjēhijaje ae jiamu ae aho'obēhe hesi ōrire mae uehorovoruomadeje. Ēaho Gamaliel-ro ri'ōromo a masijo ioro'ioroho uēvadeje: Ēaribōvioho rori'o sō va'ego na jō harihe majēhijego evaro sionēro sō ruerējo.

<sup>35</sup> Sō ruerējamu sō ujuoho va'amu evare uēvadeje: Israel rajomē rue Iesuare aribōvi muo'amo'i uvarujoho o jabesi ōrire rabe rabe vae'i uehorov'ē'oho nadi nuni rumo'oho ma-vae'i uehorovo avohoromo vaerējo.

<sup>36</sup> Ēhesi bēhoho rabēni ma-bisemu urimo ae gemu hesi ihoho Theudas-ro rovade hōjo. Rueromo ae uēnōvade hōjo: Na a bōrōme jevajējo. Ēhi uē'ego ae aho'obēhe 400 rabu'e hesi ijore ijore jijihonōvare hōjo. Hesi ijore ijore jijihujuovo aēro Theudas anamu guomamu hesi aribōvioho aho'obēhe arua anumiae va'oruomamu hesi muoho sisērē barēromo bogojiade hōjo.

<sup>37</sup> Ēhi ē't'ēro sa'are a jabesi iho baeruomade majare ae gō hesi ihe Judas Galilee sa'a rajohuro rovade hōjo. Rueromo jōe majēhiromo jabesi simanoho huotovēh'ēro ae aho'obēhe hesi ijore ijore jijihonōvare hōjo. Jijihamu aēro Judas'o anamu guomamu ē hesi aribōvioho aho'obēhe arua anumiae va'ō barējade hōjo.

<sup>38</sup> Va'ō barējē'ego ēhuni naro ave jōho majēhiromo uēvajējo: ĒIesuare aribōvioho manūnēremu gēromo vuororēmirejo. Ēhesi bēhoho rabēni jabuhu vae'i nimoruomaje muoho ma-a jabesi mu jiajoho Theudas'o Judas'o jabesi muehu sisērējadēhi Iesuare aribōvi jabesi muohu'o ēhi sisērē'ajējo.

<sup>39</sup> O God-hu bojëmade mu vaejaruohuro jemë jabumë bogo iosirëmi varijënoho jëvájëjo. Iosirëmi'ië'oho uvo'a'arujëjo: Nani no ae gô'o muorovaruë'i ga'a'arujëjo God'o muorovëvo'iramu.

Jôho ëhi majëhamu hegorovo ë Jew rajo a masijohuro ejahoruomadeje.

<sup>40</sup> Ejahoromo ae uëvamu apostle aribövioho osaëro sô rovareje. Sô rovamu gagorovo hisuebijëvojôro uëromo apostle-ho uëvareje: Ijoho bogave Iesuare ihoroho jôho aho majëhi'irarijë uëngoromo jïovo rëmô'ôjareje.

<sup>41</sup> Rëmô'ôjamu uvareje: God-ro no mae uehorovavuë'ëro ëhuni hu uvajëjo: Noehu Iesuare jöëni i'u baejaruoho iae eni javuajëromo nimorohobe Jew rajo a masijehu jiaruire jïoromo va'areje.

<sup>42</sup> Va'ë'ëro Iesuare jö mae majëhinövaroho bogo vuonugo'i majae ëhi God-are amo bôrömore va'oromo jabesi osare osare va'oromo ae uënövareje: God-hu uavë'ëro bôröme namiromo ajamuaje aho iae Iesu hôjo. Jôho ëhi majëhiromo ë hesi öroho rjöhëninövareje.

## 6

*Äe aho'obëhe 7-hu ekaresia ajëmiromo moni mu muebejëhoröhego ekaresiaehu baejëvarejôhoje.*

<sup>1</sup> Èhi'amu ae magonahe aho'o ro Iesuare aribövi gemuoro havobe va'amu bôrömoreajadeje. Bôrömoreajamu Greece huëhu atarue Iesuare ariböviohuro dë vörönëgamu jöe atoromo uvareje: Ijo bajo magonaho doru majae ëhi suvuorëmijaruoho nosi Greece huëhu atarue magonahoho ijo bajoho bogo avoho baejarue hôjo.

<sup>2</sup> Èhi atamu hegorovo apostle aho'o 12-ho jaburo Iesuare ae magonahe aho'obëhe gemuoro gagovojôro jöe nugô'ôjareje. Jöe nugô'ôjamu ro gemuoro gagovamu gagorovo uëvareje: Apostle nosi muoho God-are jö majëhijaruoho hôjo. Noehu God-are jö majëhijaruoho bogo avoho ma'eno'i moni suvuorëmijarue muohu'o vaejë'oho ëho bogo maho hôjo.

<sup>3</sup> Aganomë bogo maho jië'e ijaie ëhuni ga'irarije di aho ae aho'obëhe uvarujoho: God-are Aru'ahohuro dë vövöbajö'ere rarovë'ëro jabumë simano mae uehorovarue aribövioho hô uvarujoho ëhi jië'e aho aho'obëhe 7 ëmino'e jabesi ihoho uövuego noro ë moni muro bamëvëgo jabumë ëho muebe'irarëjo.

<sup>4</sup> Èaribövioho 7 jaburo suvuorëmi'iröhe muoho muebe'iramu noro ë muoho vuonugo'i God-are örire jöe atoromo hesi jôho majëhinövo'ëjarëjo. Èhuremu uehorovonövo'ëjarëjo.

<sup>5</sup> Apostle-ho jaburo ëhi majëhijamu hegorovo ae magonahe aho'obëhe uvareje: Jö mae hôjo. Jö mae hô uvoromo ejëhoromo Stephen baejareje. Stephen Iesu mae uehorovo avohamu God-are Aru'ahëro rumorovë'e ae jiadeje. Stephen baeromo Philip Prochorus Nicanor Timon Parmenas Nicolaus ëho jabu'o baejëvareje. Nicolaus mami'e Antioch amore jïoromo rovadeje. Urimoho bogo Jew rajo jiadoho ijönö Jew rajo muoho baejareje.

<sup>6</sup> Èaribövioho 7 baejëvonugoromo sô ujuoho va'oromo apostle jabesi nunire rëmareje. Jabesi nunire rëmaru apostle-ho jaburo jabesi jöëni God-are örire jöe atoromo öve simanore bamëvareje ë ijo bajo suvuorëmiröhe muoho vaeröhego.

<sup>7</sup> Èhi ë'ë'ëro God-are jôho Jerusalem ame bövioho rumorovamu Iesuare ae magonahe Jerusalem raromaruoho ae aho'obëhe jiobe va'adeje. Äe aho'obëhe jiobe va'ojuvo Jew rajo priest ae aho'obëhe Iesuare jôho aevoromo ejahareje.

*Jew rajo a masijehu uëvamu Stephen guduamare jôhoje.*

<sup>8</sup> Èhi'amu iae God-ro Stephen mabëhe ajamiromo darugoho bojami'ego ëhuro bogo gavaruë darugo'e mu masije gô gô ae aho'obëhe jabesi nunire vaenövadeje.

<sup>9</sup> Mu masijoho vaejamu Jew rajo a ioro'iorohuro ri'öromo Stephen-are jôho aho'ahamijareje. Jö aho'ahamijare aribövioho ioro'iorohuro Cyrene amore Alexandria amore jïoromo rovë'ëro Jerusalem raromoromo Jew rajehu God rajahjarue osae gemuore gagovoromo God rajahinövareje. Èosa hesi ihoho jïovo rëmô'ôjë'e Aribövi Jabesi Osaho jiadeje. O ioro'iorohuro Cilicia sa'are Asia sa'are jïoromo rovë'ëro raromareje. Èaribövioho jabu'o Stephen-are jôho aho'ahamareje.

<sup>10</sup> Aho'ahami'ego God-are Aru'ahohuro Stephen simano mae bojami'ego huhu jövajë jö ahoröhoho bogo eni jëvonövadeje.

<sup>11</sup> Bogo eni jëvamu gagorovo jabumëro a ioro'ioroho ijo bajoho bojëmiromo uëvareje: Jemëro ae aho'obëhe sarerëmiromo uërëjo: Noro hejare hôjo Stephen-ro Moses'o God'o jabesi jôho sisë'i jövavamu.

<sup>12</sup> Èhi majëhiromo Jew rajo a duvaho jabesi o jögoru öri rjöhëhjarue aribövi jabesi o ae magonahe aho'obëhe jabesi dë vövöbajö'oho huotovëhamu dë vörönimoruomadeje. Dë

vörönimoruomoro rueromo Stephen guduamo bava'oromo Jew rajo a masijo jabesi nunire nugareje.

<sup>13</sup> Jew rajo a masijo jabesi nunire nugoromo a ioro'ioroho sö rovareje jaburo ë a masijo jabesi nunire Stephen-are jöho sarerëmiröhego. Sö rovamu ëho jaburo Jew rajo a masijoho sarerëmiromo uëvareje: Ave iahuro God-are osa bërömohe sivoromo Moses-hu bojamuijade jögorohu'o sivemu sivaje höjo.

<sup>14</sup> Èhesi bëhoho noro hejare höjo Stephen-ro uvamu: Nazareth rajoho Iesuro God-are osa bërömohe dadovoromo Moses-hu bojamuijade muoho aho'o tugoho'i mu i'e bojamui'ajëjo. Stephen-ro ëhi jï'e jö sisëho jövamu hejare höjo.

<sup>15</sup> Sarerëmiromo ëhi majëhijamu hegorovo rue Jew rajo a masijohuro Stephen gemu ërimahoromo gavareje hesi nu ano'oho anera jabesi nu ano'o va'ëne jiamu.

## 7

*Israel rajehu God-are jö bijönimobe rovare jö Stephen-hu majëhijadohoje.*

<sup>1</sup> Anera jabesi nu ano'o va'ëne jiamu gagorovo priest bërömoheuro Stephen uavadeje: Jasi jö sisë uövuarohe ë jöho na ma jöe o sareri jöe höjo.

<sup>2</sup> Mae o sareri jöe höjamu hegorovo Stephen-ro uëvadeje: A duvahohu'o agano ioro'iorohu'o naehu jö harihu majëhi'ie'ajoho hehëjo. Urimë'i God-ro nosi hije Abraham-are nunire rovade höjo. U'emu Abraham-ro Haran sa'are va'iröhëro ë hesi urimo Mesopotamia sa'are hijamu evare God aji'ere hijaje ahuro hesi örire rovade höjo.

<sup>3</sup> Rueromo uavade höjo: Jasi aganoho sa'aho vuonugo'i naehu röjahi'irode sa'ahuro ëhuro va'onëjo.

<sup>4</sup> Èhi uavamu hegorovo Chaldea sa'aho vuonugo'i Haran sa'are va'oromo ë hijade höjo. Hiromo hesi vavuoho guomamugo God-ro uavamu ave jemëhu raromaruje sa'are ro hijade höjo.

<sup>5</sup> Rueromo hijamu evare majaroho God-ro sa'aho bogo gö bisemu vadu'oho bojamade höjo. Bogo bojami'i a'i mae majahiro mo uavade höjo: U'emu bojëmi'ejöjo ja'o jasi ujohu'o ave sa'aho bae'irarijego. Abraham harihu rumo'e jï'e röhu God-ro ëhi jövade höjo.

<sup>6</sup> Èhi uaromo uavade höjo: Jasi ujo ömo'ömohe sa'ae göro va'o raromoruomo'ajëjo. Raromo'iramu ë sa'a rajohuro i'u'e mue huë vavaene bojëmi'iramu jabesi darugoremu raromoro huë vavaene baebe va'ojuvo vadune aho'obëhe 400 barë'ajëjo.

<sup>7</sup> Barë'iramu jemesi ujo ömo'ömehe vaejöro i'u'e mu bojëmaje aribövioho God naro gëromo i'ue mana bojëmi'ejöjo. I'ue bojëmi'iramu evare jasi ujo ömo'ömoheuro ri'öromo ë sa'are jioromo rueröhoho ro ave dirö'ore na rajehiruomo'ajëjo.

<sup>8</sup> Èhi mae uanugoromo uavade höjo: Jasi a jabesi sinoho tarivo'amobe va'onövorëjo. Èhuro na uvo'irode höjo: Nasi aribövie jëvajëromo muebejëvo'irode höjo. Ja'o jasi ujo ömo'ömoheuro jemëro ëhi ë'onövorëjo. Èhi uavë'ëro ijönö Abraham-ro harihoh Isaac baeromo hurae gemu barëjamu gagorovo sinoho tarijahamu God-are harihuraejade höjo. Èhi'amu ijönö Isaac-ro harihoho Jacob baeromo hesi sinoho ëhi tarijahade höjo. Èhi'amu ijönö Jacob-ro hesi harihe aho'obëhe 12 nosi hijo miono'o jabesi sinoho ëhi tarivëhobe rovade höjo.

<sup>9</sup> Èhijo miono'ohuro masijoraeromo Joseph-are nu mahuni dë vörönëgamu hu ae gö imëvoromo mana baejare höjo. Mana baejamu rue imare ariböviohuro Joseph baeromo Egypt sa'are abuejare höjo. Abuejamu God-ro Joseph'o gemu mae juvade höjo.

<sup>10</sup> Joseph'o gemu mae juvoromo Joseph-ro vavaene bae'lego gagoro ajami'ego mae hinövade höjo. Mae hijamu God-ro hu ajamiromo huë mae uehoro mae bojami'ego mu mae vaenövade höjo. Mu mae vaejamu gagorovo Pharaoh Egypt sa'are simano vaejaje ahuro Joseph-are muoho garomo rajahiro mo uavade höjo: Nasi Egypt sa'aho o bövie bise'e avoho muebejehonëjo.

<sup>11</sup> Èhi uavamu muebebe va'ë'ëro iruno'e bogojiego ëma raromarue majaho rovamu ae aho'obëhe nume Egypt sa'are ave Canaan sa'are raromaruohuro huë vavaeni döro raromare höjo. Raromoro nosi hijo miono'ohuro ie nahoromo gavare höjo bogojiamu.

<sup>12</sup> Ie bogojiamu gagorovo Jacob-ro hejade uvavamu: Nume Egypt sa'are iruno'e iae jiajëjamu hegorovo hesi harihu ömo'ömohe uëvade höjo: Egypt sa'aro abueromo iruno'e imoromo ujuoho ruerëjo. Ruerëjamu aevoromo Egypt abuejare höjo.

<sup>13</sup> Abuejë'ëro vuonorö'öromo Canaan sa'are rojomareje. Rojomë'ëro röhu maho Egypt abuejamu gagorovo Joseph-ro huruohoromo uëvade höjo: Na jemesi öe jevajëjo. Èhi uëvamu Egypt sa'are simano vaejaje ahuro Joseph-are agano jabesi jöho hejade höjo.

<sup>14</sup> Hejamu Joseph-ro jöe nugö'öromo vavuoho uavade höjo: Ja'o agano ioro'iorohu'o Egypt sa'aro ruerëjo. Èaganoho aho'obëhe 75 ëmino'e jiade höjo.

<sup>15</sup> Jõe nugõ'õjamu hegorovo Jacob'o hesi aganohu'o Egypt abueruomade hõjo. Abuej'ëro ë vuovëvade hõjo.

<sup>16</sup> Vuovëvamu jabesi sinoho vuonorõ'õ ujuoho rojomoromo Shechem amore ë guavare hõjo mami'e jabesi hije Abraham-ro Hamor rajo aribõvioho monie bojëmiromo ë sa'aho imë'ëro.

<sup>17</sup> Guavamu nosi hijo miono'e Egypt raromaruohuro ae aho'obëhe jiobe ruejuvo God-hu mami'e hesi ujo ajëmi'i Abraham uavadëhi ëhi ajëmi'irõhe majaho dunovade hõjo.

<sup>18</sup> Dunovamu gagorovo sa'are simano vaejaje ae gö Joseph bogo gavadohuro ri'õromu Egypt sa'aho muebejade hõjo.

<sup>19</sup> Egypt mueberomo nosi aribõvioho sarerëminõvade hõjo. Sarerëmiromo nosi hijo miono'oho sisë vaejavoromo uëvade hõjo: Jemesi harihu ininoho amonõ bahiromo ëhuro vuonugo'amego vuovëho'irajo. Uë'ego ëhi ë'onõvare hõjo.

<sup>20</sup> Ehi'amu Moses rahade hõjo. Aharihu hesi nu ano'oho mabëhe jiade hõjo. Nu ano'oho mae jiamu hesi vëmu vavu'ohuro jabesi osare muohujuvo manaere niõ'i gemu barëjade hõjo.

<sup>21</sup> Manaere niõ'i gemu barëjamu gagorovo amonõ banugare hõjo. Banugamu gagorovo sa'are simano vaejaje a hesi abojohuro rue'i gavade Moses raromamu gagorovo baeromo va'o hesi muohadë hõjo. Muohamu böviraejade hõjo.

<sup>22</sup> Böviraejamu Egypt rajohuro jabesi mu mae jö mae bövie bise'e röjahijamu bae barëjade hõjo. Bae barëj'ëro jö böromõ jövoromo mu masijo vae'amaje ae jiade hõjo.

<sup>23</sup> Ehi'õjuvo Moses vadune aho'obëhe 40 barëjamu gagorovo huro uehorovoromo uvade hõjo: Jaruvoho na va'oromo nasi Israel rajo aribõvioho gë'ejõjo gë'i diehi raromego.

<sup>24</sup> Ehi uvonugoromo va'i gavade Egypt raje ae gemuëro Israel raje ae gemu hesi õrire mu sisë vaejamu gagorovo Israel rajoho ajamiromo Egypt rajoho i'ue mana bojamiromo ano bamade hõjo.

<sup>25</sup> Ano bamoromo uvade hõjo: Nani nasi aribõviohuro uehorovoromo uvarue hõjo: God-ro nõrõ ua'iramu nõrõro no ajamui'iramu avare darugore raromaruoho vuonugo'i va'o mae raromo'ëjarëjo. Ehi uvarue hõ uvadoho bogo ëhiho jiade hõjo.

<sup>26</sup> Ehi'ë'ëro nõrõ Moses-ro gavade hõjo Israel raje niõ'iro muororovamu. Muororovamu gëgorovo ahëvë'i uëvade hõjo: A niõ'imë agane gemuoho jëvajëjo. Röhu jemë rabëni muorovarujëjo.

<sup>27</sup> Ehi uëvamu hegorovo mu sisë vaejade ahuro ri'õromu Moses õvëro rori'o bid-uohõ'õromu uvade hõjo: Ja raro ua'ego böromë vaeromo nosi muoho garomo ahavuanuëjo.

<sup>28</sup> Ja nëri Egypt rajo ananëhi na ja ëhi anego'iro ë'anuëjo.

<sup>29</sup> Ehi uavamu hej'ë'i Moses-ro Egypt sa'are jioromo ju'ebiroomu va'adoho va'o Midian sa'are ë hijade hõjo. Ehiromo harihe niõ'i õmëvade hõjo.

<sup>30</sup> Harihe niõ'i õmëvoromo hijuvo vadune aho'obëhe 40 barëjamu Moses-ro a rumo'e sa'are Sinai dahuro bëhire nami'i gavade hõjo ijo hisue vënehu ravõ'ego anerae gemu ririre hijamu.

<sup>31</sup> Ehijamu gagorovo tiõromu avoho ga'i bëhire va'ihõ hejade hõjo Badaro uavavamu:

<sup>32</sup> Na jasi hijo miono'e Abraham Isaac Jacob muebejëvaje aho God jevajëjo. God jevajëjamu hegorovo Moses-ro avoho ga'ie'adoho juhuonivoromo butubutumoromo bogo avoho gavade hõjo.

<sup>33</sup> Bogo avoho gavamu Badaro uavade hõjo: Ave sa'aho nasi sa'ae jiaje na mae uehorovevoromo hõru guduoho jijõvëjo.

<sup>34</sup> Naro iae gëvode hõjo nasi aribõviohuro Egypt sa'are sisë'i raromamu gavë'i hejade hõjo jabumë hara'uavavamu. Ehunõ na ruvebijë'e jevajëjo jabumë ajëmege sisë'i raromaruoho vuonugo'i mae raromorõhego. Ehi jië'e jiaje ri'õjego na ramõ'õjego Egypt sa'aro va'ëjo. God-ro Moses-are õrire ëhi uavade hõjo.

<sup>35</sup> Eaho iae Moses hõjo. Urimë'i Israel rajo aribõviohuro ë ae gemuoho bijõnimoromo uaruomade hõjo: Ja raro ua'ego böromë vaeromo nosi muoho gavanuëjo. Israel rajo aribõviohuro Moses ëhi bijõnimoruomamu God-ro hu baejade hõjo. God-ro hu baeromo mu böromõho bojamade hõjo. Ehesi bëhõho God-ro uavamu vënehu ravade ijo hisu ririre hijade anerahuro Moses nugõ'õjamu Egypt sa'are abueromo a böromë namiromo Israel rajo aribõvioho vavaene jëvamu baejëvoromo maro bamëvade hõjo. Ehi jië'e mu böromõho God-ro Moses bojamade hõjo.

<sup>36</sup> Eae gemuoho Moses-ro Egypt sa'are hiromo bogo gavaruë vörõ'e muoho vae'amoromo Israel rajoho Egypt sa'are jioromo sõjëvo va'adoho va'o jovo e'ure jovo ihe

Kavuë'e Jovore darugo'e muoho vaeromo sōjēvo va'adoho va'o a rumo'e sa'are darugo'e muoho vae'amobe va'ojuvu vadune aho'obēhe 40 barējade hōjo.

<sup>37</sup> Ēae gemuoho Moses-ro Israel rajoho uēvade hōjo: God-hu na remō'ōjumu rovodēhi jō hesiro baeromo majēhi'irōhe a gōhu'o huro ēhi nugō'ō'iramu rue'a'ajējo. Hu jemesi sa'are raje jio'a'ajējo. Ēhi uēvade hōjo.

<sup>38</sup> Ēae gemuoho Moses Israel rajehu a rumo'e sa'are gagovoromo raromaruire hu'o ē gemuore hijade hōjo. Hu Sinai dahorure hiro mo anera hesi jōho baeromo anumiae abo hōjo miono'o'ho majēhinōvo numeho jabesi jōho aruhiae ajio aneraho majahinōvade hōjo. A i'ovēvo'irōhe jōho God-aro baejade hōjo nosi ōrire bojamui'irōhēro.

<sup>39</sup> Ēhi ē'amu nosi hōjo miono'ohuro Moses-are jōho bogo ejahare hōjo. Bogo ejaho'irōgoro a'i Moses juahamiromo Egypt sa'are vuonorō'ō va'irōgoro ē'are hōjo.

<sup>40</sup> Va'irōgoro Aaron uaruomade hōjo: Inōmoho avoho'amego no ēho masije hō uvoromo jabesi ijore ijore jijihō'irarējo. A'i Moses sōjavuovo rovade aho no bogo gavaruējo hu dinō'e hōjo.

<sup>41</sup> Ēhi atonugoromo cow harihu nu ano'o va'ēne inōmoho avohoromo uvare hōjo: Ave inōmoho darugo'ego ma-hu gemu uehorovonōvo'ejarējo. Ēhi uvoromo mie muo'amoromo vēniro mueromo rajahiromo bahijahare hōjo. Jabumē ōvehu avohare inōmoho ēho uvare hōjo: Bōrōmoho hōromo hesi ihoro sōrōho ijare hōjo.

<sup>42</sup> Ēhi'amu gagorovo God-ro jabesinō de jōho bu'ōromo uēvade hōjo: Jemēro jije mujōre ēho rajēhibe va'orējo. Jemēhu nēgajēhi ēhi ē'orējo. Ēhesi jōho jō God-aro baeromo majēhinōvare aribōvi jabesi surire jajivoromo uvē'e hōjo: God-ro uēvajējo: Israel rajomē mie muo'amoromo vēniro mueromo bahibe a rumo'e sa'are vadune aho'o 40 jijiharije hōjo. Na jemē na rajehi'i ē'arije hōjo. Bogajo.

<sup>43</sup> A'i ae gō jabesi god ihe Moloch ē hesi niōgu javuoho baeromo jijiharije hōjo. Ae gō jabesi god ihe Raphan hesi jiji nu ano'o'ho baeromo jijiharije hōjo. Ēinōmo sisēho jemesi ōvēro avoho'amarije hōjo uvene aho rōjahi'irarijēro. Ēhuni na jemē rēmō'ō'ejōjo ōre ēgoro va'oromo Babylon iosiramiro mo rori'o va'o raromō'irarijēgo. God-are surire jōho ēhi jajivē'e hōjo.

<sup>44</sup> Nosi hōjo miono'ehu a rumo'e sa'are raromo jijiharevare evare God-are niōgu javu bōrōmoho jabesi ōrire jiade hōjo jaburo ēho garomo uvorōhego: God-ro no'o gemu mae juvaje hō uvorōhego. Ējavu vaerōhe hesi ōroho God-ro rōjahijamu Moses-ro ēho garomo ae uēvamu ēhi vaejare hōjo.

<sup>45</sup> Vaejamu nosi hōjo miono'ohuro baejare hōjo. Baejē'ēro vuovēvamu jabesi ujōho jaburo baejare hōjo. Baeromo Joshua-are ijore va'oromo ave sa'are rueromo gavare hōjo urimore raromare aribōvioho God-ro bisihō'ōjēvamu gagorovo ave sa'aho baeromo javu bōrōmoho ē bamare hōjo. Bamamu javuoho ē jiobe ruejuvo David-ro bōrōme namiromo Israel muebejēvade hōjo.

<sup>46</sup> Muebejēvoromo mu mae vaeromo God-ro hu mae uehorovamu uvade hōjo: Na negajējo javu maho vaejare Jacob muebenōvade aho God-ro ē hirōhego.

<sup>47</sup> Rōhu hu bogo a'i Solomon-ro God-ni javu maho vaejahade hōjo.

<sup>48</sup> Ēhi ē'ade hōjo rōhu God dō mare hijajēro aehu ōvehu vaejeharue osaroho bogo hijaje hōjo. Osare bogo hijaje jōho jō God-aro baeromo majēhinōvade ahuro jajivoromo uvē'e hōjo:

<sup>49</sup> Badaro uvavohijajo: Na hijajoho ō'idōre hōjo.

Hōroho sa'are bamaje hōjo.

Ēhi jiē'o'ho diehi jiē'e javue nanioho vaerējo.

Nuho'irode osaho dinō'e avohorējo.

<sup>50</sup> Jemē bogo eni jēvo'ajējo naro nasi ōvēro ave inōmoho aho'obēhe bamē'ēro jevē'ēro. God-are surire ēhi jajivē'e hōjo.

<sup>51</sup> Sareri hia'i biriri'e aribōvie jēvajējo. Dē vōvōbajo'oho gō gō uehorovaruje aribōvie jēvajējo. Hia'e tugohē'e aribōvie jēvajējo. Jemesi hōjo miono'ehu ē'onōvarēhi ēhi ē'aruje hōjo. God-are Aru'ahoho bijōnimobe rovaruje hōjo.

<sup>52</sup> God-are jō majēhijarue aribōvioho jemesi hōjo miono'oho rabu'e aribōvioho bogo sisē vaejēvare hōjo. Mami gō'e God-ro ae rēmō'ōjumu jaburo ae majēhiromo uēbe rovare hōjo: God-are mu ma vaejaje aho rue'a'ajē uēvare hōjo rōhu jemesi hōjo miono'ohuro muo'amare hōjo. O avevejō'e jemēro God-are mu ma vaejaje aho a sisē jabesi ōvore bojēmamu anare hōjo. Ēho jemesi sisē hōjo.

<sup>53</sup> Jemesi jōēni anaerō jō bōrōmoho God-aro baeromo bojēmare hōjo. Rōhu jemēro bogo ejaharije hōjo.

*Stephen munëhu vajamiromo ano bamare jöhoje.*

<sup>54</sup> Stephen-ro jöho ëhi majëhijamu hejë'i Jew rajo ariböviohuro hesi örire dë vörönëgamu vörö'iraeromo ane vuogigimoruomadeje.

<sup>55</sup> Ane vuogigimamu God-are Aru'ahohuro hesi darugohuro Stephen-are dë vövöbajo'ere rarovamu ö'idöre sioroho gavadeje God ajivo'ego Iesuro God-are övo manö namijamu.

<sup>56</sup> Iesu ë namijamu gagorovo uëvadeje: Arueho gahëjo. Na gavajëjo ö'idöho arorovo'ego God-are A Mahuro hesi övo manö nami'ego.

<sup>57</sup> Ëhi uëvamu hejë'i rueho jaburo jö'e dadovoromo hia'e övo hitahiëro tugohoromo ma-darugo'o tutuvo rueruomoromo Stephen ruë numë baba'amoromo riravareje.

<sup>58</sup> Riravoromo jagu bava'oromo rori'o nugoromo munëro vajamiruomadeje. Munëro vajami'irögoro urimo utaho'amojöeni niögoho jövo bahiruomadeje a i'e gemu Saul-ro muebejëhoröhego.

<sup>59</sup> Niögoho bahinugoromo munëro vajamemu vajamijamu Stephen-ro uavadeje: Bada Iesu nasi aru'ahoho baejehego jasi örire ö'iröjo.

<sup>60</sup> Ëhi uanugoromo ague aho hioromo ma-darugo'o uvadeje: Bada ave aribövi jabesi sisëho uehorovoromo vuonugëhëjo. Ëhi uvoromo guomadeje.

## 8

<sup>1</sup> Stephen guomamu gagorovo Saul-ro uvadeje: Stephen anaroho iae mae höjo.

*Saul-hu ekaresia sisë vaejëvobe juvade jöhoje.*

Ëhi'amu evare majare aëro aevoromo ekaresiae Jerusalem raramaruoho mu sisë bëhe vaejëvonövareje. Vaejëvamu Iesuare aribövioho aho'obëhe Jerusalem jioromo huruomoromo adovoromo va'o Judea sa'are Samaria sa'are dirö'e göro göro raromobe va'areje. Apostle ömo'ömohuremu ëhi ë Jerusalem raromareje.

<sup>2</sup> Amo God uehorovarue a ioro'iorohuro Stephen-are jöëni darugo'o nierusuburu'e bamoromo hesi sinoho guavareje.

<sup>3</sup> Guavamu Saul-ro ekaresiae aho'obëhe ijumëvo'i ë'onövadeje. Ijumëvo'irögoro osare osare va'oromo Iesuare aho magonahoho guduamo'amoromo ruho ujuoho rueromo savoji gagore io'amonövadeje.

*Philip-hu Iesuare jö bava'oromo Samaria sa'a rajo majëhijade jöhoje.*

<sup>4</sup> Iae huruomoromo va'are ariböviohuro dirö'e göro göro Iesuare jöho majëhibe va'onövareje.

<sup>5</sup> Ëhi majëhibe va'oromo iae Philip-ro Samaria rajo jabesi amo börömore va'adeje. Va'oromo majëhiromo uëvadeje: God-hu uavë'ëro böröme namiromo ajamuijaje aho iae Iesu höjo.

<sup>6</sup> Ëhi jië'e jöho majëhi'ego Samaria raje ae aho'obëhe jaburo hesi jöhuremu avoho henövareje. Hesi jöho heromo ganövareje Philip-ro darugo'e muoho vae'amo'ego.

<sup>7</sup> Vae'ego aru'aho sisëhuro jö'e dadovoromo a dëre jioromo suorovo va'onövareje. Övo hörü'e vuovëhë'e hörü sisë'e ëhi jië'e aribövioho marë'amonövadeje.

<sup>8</sup> Ëhi'o'ego Samaria aribövioho nimorohëvo avohonövadeje.

<sup>9</sup> Nimorohamu ae gemuëro ë amore hijadeje. Ëa hesi ihoho Simon jiadeje. Simon-ro iro oso'e vaebe rovamu Samaria sa'a raje ae aho'obëhe garomo jöe barëjëvadeje. Jöe barë'ego huro uënövadeje: Na a böröme jevajëjo.

<sup>10</sup> Ëhi uë'ego amo raje ae aho'obëhe ininore va'o masijore avoho heromo uvonövareje: Nani Simon hu God-are vörö röjahuijaje ae hesi ihoho Vörö'e A Börömo höjo.

<sup>11</sup> Iro oso'e majae ëgobövie vaebe rovë'ëro ëhuni ë sa'a rajoho jöe barëjëvo'ego hesi jöhuremu avoho henövareje.

<sup>12</sup> Hesi jöhuremu hejë'ëro hejareje Philip-ro jö maho majëhiromo uëvamu: God-hu böröme namiromo muebejavuaje majaho rovë'e höjo. Iesu Keriso-are ihoho böröme höjo. Ëhi jië'e jö maho Philip-ro majëhi'ego Samaria rajo a'o magonaho'o mae uehorovoromo bapataeto vaenövareje.

<sup>13</sup> Röhu iae Simon hu'o mae uehorovadeje. Mae uehorovoromo bapataeto vaeromo Philip'o gemu mae juvonövadeje. Juvoromo ganövade Philip-ro bogo gavarue darugo'e mue gö gö vae'ego garomo tiönövadeje.

<sup>14</sup> Ëhi'amu apostle ömo'öme Jerusalem raramaruohuro hejare uvavamu: Samaria rajohuro God-are jöho ejaharuëjumu hegorovo Peter'o John'o rëmö'öjëvareje Samaria va'oröhego.

<sup>15-16</sup> Rēmō'ōjēvamu Peter'o John'o va'aroho va'o Samaria hörōjareje. Hörōnugoromo gavare God-are Aru'ahoho Samaria rajo jabesi ōriroho bogo ruvebijē'e jabumē Bada Iesuare ihoro ma-bapataeto vaejē'e jiamu gagorovo God ēninamiromo uavareje Iesuare aribōviohuro Aru'ahoho baeruumorōhego.

<sup>17</sup> Ēninamiromo simane ōve taemēhamu God-are Aru'ahoho baeruumadeje.

<sup>18</sup> Simane ōve taemēho'ego Aru'ahoho baeruumamu gēgorovo Simon-ro ri'ōromo Peter'o John'o uēvadeje: Naro ijo baje bojēmi'ejōjo.

<sup>19</sup> Ēhuni jemēro daruge bojemego na'o bae'irōjo ēhuro ae rahuare rahuare simanore ōve bamego God-are Aru'ahoho baeruumo'irōhe hōjo.

<sup>20</sup> Ēhi uēvamu Peter-ro uavadeje: Ja'o jasi moniohu'o vēnēro ravēvo'ajējo. Jero uvanuējo: Naro monie bojamiromo ēhuro Aru'aho ae gō bojēmi'irode darugoho bae'ejōjo. Rōhu ēhi jiē'e darugoho hesi God-are suvuore hōjo.

<sup>21</sup> God-are nuniroho jasi dē vōvōbajo'oho bogo maho jio'ego ja bogo no'oho havo'anuējo.

<sup>22</sup> Ēhuni sisē uehorovanuoho vuonugo'i Bada uavego mae jiē'oho jasi uehoro sisēho uehorovoromo vuonugaho'irajo.

<sup>23</sup> Iae na gavajoho jero ganiganimoromo mu sisē uehorovo'i hi'ego ēhuro jasi dē vōvōbajo'oho ma-sisēremu rarovavē'e hōjo.

<sup>24</sup> Ēhi uavamu hegorovo Simon-ro Peter'o John'o uēvadeje: Jemēro Badare ōroro ēninamego huro ajemego jemēhu uevarije i'uoho bogo bae'irōjo.

<sup>25</sup> Ēhi'amu Peter'o John'o Badahu mu rabe vaejamu gavare jōho majēhinugoromo vuonorō'ōromo Iesuare jō maho Samaria rajo jabesi amore amore majēhibe va'aroho va'o Jerusalem hörōjareje.

*Philip-hu Iesuare jō majahijamu Ethiopia sa'a rajehu heromo mae uehorovade jōhoje.*

<sup>26</sup> Ēhi'amu Badare anerahuro Philip uavadeje: De ri'ōromo va'iranoho arue Jerusalem jioromo anume Gaza abuejarue ōroro hörōnējo. A rumo'e sa'are va'arue ōroho uavajējo.

<sup>27</sup> Ēhi uavamu hegorovo ri'ōromo va'adeje. Va'ihō gavadeje Ethiopia sa'a raje aho ōrēro rova'amu. Ēaho Ethiopia sa'are simano vaejaje magonaho Candace uvaruoho ē magonaho hesi mu vaejahaje a bōrōme jiadeje. Hesi mu vaejahaje a bōrōmēro jiē'ero huro ē magonaho hesi inōmo inōmoho aho'obēhe muebejahonōvadeje. Hesi muoho ēhi jiadeje. Urimē'i God rajahi'i Jerusalem va'ē'ero

<sup>28</sup> vuonorō'ōromo maratu dōre hiromo miōhuro jaguvamu va'ē'i suri surire jōho adahobe va'adeje. Surire jōho ēho Isaiah God-are jō majēhinōvade aehu jajivade jōho jiadeje.

<sup>29</sup> Surire jōho adahobe va'amu gavē'i God-are Aru'ahohuro Philip uavadeje: Va'oromo arue maratuore hiromo va'aje aho birohoro ajiō hu'o hiromo va'onējo.

<sup>30</sup> Hiromo va'onējamu hegorovo Philip-ro tutuvo va'oromo hejade rue Ethiopia rajohuro Isaiah-are surire jōho adahamu hegoro uavadeje: Ējō adahanuoho na ja hejanuējo o bogajo.

<sup>31</sup> Ruehuro uavadeje: Aehu bēhi bogo rōjehijē'oho na diehi hejōrajo. Rojomoromo na'o hijego va'arējo.

<sup>32</sup> Ēhi uavamu hegorovo Philip-ro ajiō hu'o hijadeje. Hiromo gavadeje Ethiopia rajohuro ave jōho adahamu.

Vaevē'oho sheep ano'i hu'irae va'aruēhi ēhi bava'are hōjo.

Sheep harihu u tarivahego bogo uē'uēvē'e namijajēhi ēhi jōrume namijade hōjo.

<sup>33</sup> Aēro hesi iho mu'uvahamu aho bogo ajamiromo hesi jō maho jōvade hōjo.

Raro hesi aboji harihu'o jabesi jōho majahui'ajējo.

Aboji harihu'o rumo'e ave sa'are hijadoho iae barējē'e hōjo.

<sup>34</sup> Ējōho adahorocho rue Ethiopia rajo a bōrōmohuro Philip uavadeje: Ave jōho na uevego hejōjo. Jō God-aro baeromo majēhinōvade ahuro rahuare jōe jajivē'e hōjo. Na hesi jōe o ae gō hesi jōe jajivade hōjo.

<sup>35</sup> Ēhi uavamu hegorovo Philip-ro ē adahade jōho aevoromo Iesuare jō maho majahijamu Ethiopia rajohuro hejadeje.

<sup>36</sup> Heromo ōrēro va'ihō gavare jove jiamu gagorovo rue a bōrōmohuro Philip uavadeje: Ēhuro gavējo jove jiego. Naehu avevejō'e bapataeto vaejē'oho na mae hōjo o sisē hōjo.

<sup>37</sup> [Mae o sisē hōjamu Philip-ro uavadeje: Ja jasi dē vōvōbajo'e aho'o mae uehorovē'ohuro bapataeto vaejē'oho iae mae hōjo. Iae mae hōjamu ruehuro uavadeje: Io'ajo. Iae na mae uehorovoromo uvajējo: Iesu Keriso iae God-are Harihe hōjo.]



<sup>38</sup> Ĕhi uanugoromo maratu jagu bava'ajoho Ĕhi namijōro uavadeje. Namijamu Philip'lo Ĕ a bōrōmohu'lo jaburo niō'iro jovore abueromo Philip-ro Ĕ aho bapataeto vaejadeje.

<sup>39</sup> Bapataeto vaeromo jovore jioromo rojomareje. Rojomamu gavē'i Badare Aru'ahohuro Philip ma-majioho hu'irae baeromo va'adeje. Va'amu Ethiopia rajo a bōrōmohuro ijoho hu bogo gavadeje. Bogo ga'irōgoro maratuore ajio hiromomo nīmorohobe va'adeje.

<sup>40</sup> Va'amu Philip-ro gavadeje mami'e Ashdod amore rovē'e jiamu. Ashdod rueromo amore amore hōrōbe jō maho majēhibe ruejuvo Caesarea amore hōrōromo Ĕ hijadeje.

## 9

*Saul-hu aevoromo Christian vaejade jōhoje.*

<sup>1</sup> Ĕhi'amu Saul-ro bogo vuonugol'i Badare aribōvioho muo'amo'i ma-vōrōeremu jōvonōvadeje. Ma-vōrōeremu jōvē'ero Jerusalem ajiomoromo va'oromo Jew rajo priest bōrōmoho uavadeje:

<sup>2</sup> Na negajējo jero surire jajivoromo i'imemego na Damascus amore ujuoho va'oromo Jew rajehu God rajahijarue osare osare i'imēmege jaburo garomo uvo'irōhego: Nōrō priest bōrōmo hesi ihoro rovē'e hōjo. Jabuhu Ĕhi uvē'oho ue'iramu naro gē'irode ae o magonahe Iesuare ōrire jijihamu gavē'oho naro guduamēvoromo Jerusalem amore vuonorō'ō ujuoho rue'ejōjo.

<sup>3</sup> Ĕhi Ĕ'ē'ero iae va'adeje. Va'adoho va'o Damascus amore hōrō'i gavade ajoho ma-majioho ō'idōre jioromo ruvebiromo hu ajivamu gavē'i

<sup>4</sup> sa'are behumorovoromo hejadeje Ĕhi uvavamu: Asē'e Saul ja rabēni sisē vaejevanue hōjo.

<sup>5</sup> Sisē vaejevanue hōjamu uavadeje: Bada ja rahuo javajējo. Rahuo javajējamu uavadeje: Jaehu sisē vaejevanue aho Iesu na jevajējo.

<sup>6</sup> Rōhu ri'ōromo va'oromo rue Damascus amoro hinējo. Hiromo he'a'anuejo ae gemuēro ua'iramu: Jero Ĕhi Ĕhi Ĕ'ējo.

<sup>7</sup> Ĕhi uavamu Saul'lo va'are aribōviohuro aho bogo ga'i ma-huēhemu heromo ma-jōrume riravareje.

<sup>8</sup> Ma-jōrume riravamu Saul-ro sa'are raromadohuro ri'ōromo nune dadovo'i rōhu ōri ari'oho bogo gavadeje. Ōri ari'oho bogo gavamu gagorovo rueho jaburo ōvėro ma'eno bava'oromo Damascus amore suorovareje.

<sup>9</sup> Suorovonugoromo Saul-ro ōri ari'oho bogo gavē'e ioho jovoho bogo ijē'e ma-hijuvo majae niō'i gemu barējadeje.

<sup>10</sup> Majae niō'i gemu barējamu Iesuare ae gemu hesi ihe Ananias Damascus amore hiromo nia'ovo'iraeromo gavadeje Badaro rueromo uavamu: Ananias-ajo. Ĕhi uavamu ruehuro uavadeje: Bada na aviae jevajējo.

<sup>11</sup> Na aviae jevajējamu Badaro uavadeje: De ri'ōromo ōri ihe Ahorirehu Va'arue Ōro va'onējo. Va'oromo Judas-are osaro hōrōromo uēnējo: Tarsus amo rajo a ihe Saul na Ĕho jiajējo. Na hu ga'i rovode hōjo. Ĕhi uēnējo. Iae hu parie vaejajējo.

<sup>12</sup> Urimē'i huro nia'ovo'iraeromo gavade hōjo ae gemu Ananias-ro rueromo hesi ōvoho sinore bamamu nunoho marējōro. Ĕhuni va'oromo gavējo.

<sup>13</sup> Ĕhi uavamu hegorovo Ananias-ro uavadeje: Bada iae mae hōjo rōhu na hejode hōjo ae aho'obēhe Saul-are jō sisēho uevamu hejode hōjo. Jaburo uevare hōjo: Huro Jerusalem amore hiromo jasi aribōvioho mu sisē bēhe vaejēvo'i hijade hōjo.

<sup>14</sup> Mu sisē vaejēvė'ero Jerusalem priest masijo jabesi darugoho baeromo aviae rovē'e hōjo Ĕhuro ae rahu ja uehorovavė'oho guduamo ujuoho va'o barērōhero.

<sup>15</sup> Ĕhi uavamu Badaro uavadeje: O-ajo. Va'ējo. Ĕhesi bēhoho naro Ĕ iaho baejē'e jevajējo huro nasi muoho vaerōhego. Huro nasi jōho bava'oromo sa'a ioro'oro rajo aribōvioho jabesi a masijoho Israel rajo aribōvioho huruoho majēhibe juvego ae aho'obēhe heruomorōhego Ĕhuni na Saul baejode hōjo.

<sup>16</sup> Baejē'ero naro hu rōjahi'ejōjo huro garōhego huhu nasi jōeni vi'ehe huē vavaene rabe bae'irōhoho diehi jiē'e jiego garōhego.

<sup>17</sup> Ĕhi uavamu hegorovo Ananias-ro va'adoho osare rumo va'oromo ōvoho Saul-are sinore bamoromo uavadeje: Ōho Saul-ajo. Badaro remō'ōjamu rovode hōjo. Ja ave amore rue'irōgoro ōrire gavane aho Iesuro remō'ōjade hōjo naro rueromo ajamego jasi nunoho marē'i God-are Aru'ahohuro jasi dē vōvōbajo'ere abueromo rarovavo'irōhego.

<sup>18</sup> Ĕhi uavamu gavē'i hiobaro ginioru nu ano'o va'ėnoho Saul-are nunire jioromo sa'are rireromo rovamu nunoho marējadeje. Marējamu ri'ōromo bapataeto vaejadeje.

<sup>19</sup> Bapataeto vaenugoromo ie inugoromo röhu maho birivoromo mae hijadeje.

*Saul-hu Damascus amore hiromo Iesuare jö majëhijade jöhoje.*

Mae hijë'ëro Iesuare ariböviohu'o Damascus hijamu majae ma-gemu niö'i barëjadeje.

<sup>20</sup> Hiromo ma-burëro aevoromo Jew rajehu God rajahjarue osare osare Iesuare jöho majëhibe juvadeje. Majëhiromo uenövadeje: Iesu iae God-are Harihe höjo.

<sup>21</sup> God-are Harihe hö uëvamu heromo tiöromo uarovareje: Asë'e ë aho Saul na ae gemuoho höjo o ae gö höjo. Èhesi bëhoho Saul Jerusalem hiromo bogo ëhioho ë'onövade höjo. A'i Iesu uehorovarue aribövioho muo'amonövade höjo. Muo'amë'ëro huhu ave rovade hesi bëhoho Iesuare aribövioho guduamo ujuoho va'oromo Jew rajo priest masijoho i'imëmego baejëvo'iröhego ëhuni rovade höjo. Èhi jië'o ho hu diehi'oromo Iesuare jöho majahuijajëjo.

<sup>22</sup> Èhi uarovamu Saul-ro biririvo avohoromo jöho jövobe va'oromo majëhiromo uenövadeje: God-hu uavë'ëro böröme namiromo ajamuijaje aho Iesu höjo. Èhi uëromo ë jö bëhoho avoho garomo hejë'ëro darugo'o majëhijamu hegorovo Jew raje Damascus amore raromaruoho jabuhu Saul-are jö aho'iröhoho bogo eni jioruomadeje.

<sup>23</sup> Bogo eni jioruomamu ëhi'ojuvo majae aho'obëhe barëjamu Jew rajohuro gagovoromo Saul ano'i atareje.

<sup>24</sup> Ano'i atamu ë jöho heromo ae göëro Saul majahijadeje. Röhu jene vö'öe majae vahie Jew rajo ariböviohuro Damascus amo rejo ojore ojore atovo raromareje Saul hörö rovego ano'iro.

<sup>25</sup> Èhi'obe va'ojuvo hujeji vahie gemu evare Saul-are aemo'aemohuro uavamu niomonio bojö gagore abo hijadeje. Abo hijamu ö'ëro beromo ma-saginiëri ö'ire ma'enë'i rejo sigagure ö'oho a'ohö'öjé'i ma-u'emu ba'amamu je'onö ruvebi sa'are ravo'amoromo va'adeje.

*Saul-hu Jerusalem amore va'oromo ë'tade jöhoje.*

<sup>26</sup> Va'oromo Jerusalem höröjadeje. Höröromo Iesuare ariböviohu'o gemu mae juvo'i ë'o gavadeje. Juvo'ia'amu gagorovo rue ariböviohuro uvareje: Nani Saul bogo Iesuare aehu jio'i ma-sareramuijajëromo juhuonamiruomadeje.

<sup>27</sup> Juhuonamijamu gagorovo Iesuare ae gemu Barnabas-ro Saul ajamiromo hu'irae baeromo apostle jabesi örire rovadeje. Rueromo uëvadeje: Saul urimo mu sisë vaenövädëhioho bogo ëhioho vae'i a'i Damascus örire va'ihö gavade höjo Badaro birohoro jöe ëhi ëhi majahijamu. Jöe ëhi ëhi majahijamu hegorovo Damascus va'oromo darugo'o maëro Iesuare jöho majëhibe juvade höjo. Èhuni jaruvoho Saul hu a mae höjo.

<sup>28</sup> Èhi'amu gagorovo Saul-ro Iesuare ariböviohu'o gemu mae hi juvadeje. Hi juvoromo birivoromo Badare jöho Jerusalem ame bövioho majëhibe juvadeje.

<sup>29</sup> Majëhibe juvoromo Jew rajehu Greece huëhu atarue ariböviohu'o Iesuare jöho jövoromo jö aho'ahamirovareje. Jö aho'ahamirovoromo rueho jaburo Saul ano'irögoro ë'areje.

<sup>30</sup> Ano'ia'amu gagorovo Iesu uehorovarue ö mueno'o ömo'ömhuro Saul hu'irae baeromo Caesarea amore abuejaroho abo nugö'öjamu hesi amëro Tarsus va'adeje.

<sup>31</sup> Va'amu Judea sa'are Galilee sa'are Samaria sa'are jioruomaje ekaresia ariböviohuro huë vavaeni'e raromaro ho barë'i mae raromareje. Mae raromamu God-are Aru'ahohuro ekaresiaho ajëmamu Bada mae uehorovoromo biririvobe va'amu ae aho'obëhe jëvobe va'adeje.

*Peter-hu Lydda amore Joppa amore va'o hiromo ë'tade jöhoje.*

<sup>32</sup> Èhi'ego Peter-ro amore amore juvonövadeje. Juvoromo iae God-are aribövioho gë'iro Lydda amore abueromo ë hijadeje.

<sup>33</sup> Hiromo gavadeje ae gemu hesi ihe Aeneas övo hörue vuovahë'ëro maratuoremu raromamu. Mami'e aevoromo raromobe rovadoho vadune aho'obëhe 8 barëjë'e iadeje.

<sup>34</sup> Raromamu gagorovo Peter-ro uavadeje: Aeneas Iesu Kerisero jasi sinoho avohahajëjo ëhuro mae javojöro. Èhuni ri'öromo jaehu raromanue maratuoho avoho bamëjo. Èhi uavamu hejë'i ma-burëro ri'öjadeje.

<sup>35</sup> Ri'öromo juvamu Lydda amo rajohu'o Sharon sa'a rajohu'o ae aho'obëhe Aeneas garomo aevoromo Badare ijore ijore jijihadeje.

<sup>36</sup> Èhi'amu Iesuare magonahe gemu hesi ihe Tabitha Joppa amore hijadeje. Hesi ihoho Greece huëhu uvaruoho Dorcas-je. Dorcas iho bëhoho mi ihe deer-je. Huro hiromo huë baejë'e muoho vaeromo ae ajëminövadeje.

<sup>37</sup> Ae ajëmiromo ijönö guomo guome baeromo guomadeje. Guomamu hesi sinoho u'oromo baeromo javu döre osare ajio bamareje.

<sup>38</sup> Bamamu Iesuare ariböviohuro hejareje uvavamu: Peter-ro Lydda amore hijajë uvamu hegoro ôroho bogo ëgoho jië'ego ae niö'i uëvareje: Va'irarijoho Peter uavego maburëro rue'irajo. Rue'irajamu va'o majahijareje.

<sup>39</sup> Majahijamu hegoro Peter-ro ri'ôromo jabu'o rovamu hu'irae baeromo dôre osare iojomareje. Iojomamu magonaho doru ômo'ômohuro nierusuburu'e bamë'i Peter-are bëhire ro ruë numë gagovo rova'o rojomoromo Dorcas-hu jabu'o hijë'i sigohi'amade niôgoho Peter-ro gajôro rôjahijareje.

<sup>40</sup> Rôjahijamu huro jabumë aho'obëhe ë dôre osare jëvamu rëmö'ôjamu va'o barëjadeje. Va'amu Peter-ro ague aho hiromo God-are ôrire ëninamiromo huotorovoromo sinoho garomo uavadeje: Tabitha ri'ôjëjo. Ri'ôjëjamu Tabitha-ro nune dadovoromo Peter garomo ri'ôromo dôre hijadeje.

<sup>41</sup> Hijamu gagorovo Peter-ro ôve nugö'ôromo ma'enoromo nigemamu namijadeje. Namijamu Peter-ro uvëvadeje magonaho doru ômo'ômohu'o Iesuare ae magonaho ioro'iorohu'o ruejôro. Rovamu Peter-ro uëvadeje: Ave magonahoho i'ovoromo mae hijaje gahëjo.

<sup>42</sup> Èhi'ade jôho Joppa amoho aho'o uarovo barëjadeje. Jôho uarovamu hegoro Peter-ro aho'obëhe Bada aevoromo mae uehorovoruomadeje.

<sup>43</sup> Mae uehorovamu Peter-ro majae aho'obëhe Joppa amore baeromo mi sino mae avohaje a hesi osae gemuore hijadeje. A ihoho Simon jiadeje.

## 10

*Peter-hu Jew raje jiadeje rôhu sa'ta gö raje Cornelius ga'i va'ade jôhoje.*

<sup>1</sup> Peter-ro Simon'o gemuore hijamu iae ae gemuëro arue Caesarea amore hijë'e jiadeje. Hesi ihoho Cornelius jiadeje. Cornelius bogo Jew rajoho jio'i hu muorovo simano vaejaje aëro jië'ëro muorovo aribövi ioro'ioroho ma-gemuoro bu'ôromo hijë'ëro ëhi muebejëvonövadeje. Èmuorovo aribövi gemuore bu'ôjare jabesi ihoho Italy muorovo aribövi jiadeje.

<sup>2</sup> Rôhu Cornelius God mae uehorovaje ae jiadeje. Hu'o hesi agane aho'o jaburo God rajahinövareje. Huro Jew rajo aribövioho huë baejëvoromo ajëminövo God-are ôrire jöe jövonövadeje. Èhi jië'e ae jiadeje.

<sup>3</sup> Èhi jië'e aëro jië'ëro iae majae sanuovamu gagoro Cornelius-ro nia'ovo'iraeromo masamoro gavadeje God-are anerae gemuëro rovamu. Rueromo uahijo: Cornelius-ajo.

<sup>4</sup> Cornelius-ajamu hegoro Cornelius-ro aneraho juhuonamiromo ërimahoromo uavadeje: Ja diehi uehorovoromo rovanuëjo. Rovanuë'ego anerahuro uahijo: Jaehu God-are ôrire jö jövanuoho ae gö huë baejëvanuoho ëho God-ro ejahoromo ja mae uehorovavajëjo.

<sup>5</sup> Èhuni ae gö rëmö'ôjago rue Joppa amore va'arëjo ae gemu Simon hesi iho göho Peter-ro rueröhe hëjo.

<sup>6</sup> Simon Peter-ro Simon göhu'o mi sino mae avohaje a hesi osae gemuore majahuri hijajëjo. Hesi javuoho sö jovo bëhire jiajëjo.

<sup>7</sup> Anerahuro ëhi majahinugoromo va'amu gagorovo Cornelius-ro hesi osa muebejahaerue ae niö'iro o muorovo ae gemuëro ëhi ruejôro jöe nugö'ôjadeje. Èmuorovo aho God mae uehorovoromo Cornelius hu'o gemu mae juvoromo ajamijaje ae jiadeje.

<sup>8</sup> Èaho niö'i gemu rueruomamu Cornelius-ro diehi ë'amu gavade jôho majëhiromo rëmö'ôjamu Joppa amore va'areje.

<sup>9</sup> Nërö ë ariböviohuro ôrëro va'oromo Joppa suorovo'i rovereje. Suorovo'i rovamu gavë'i majae ririre rabu'e jiamu gagorovo evare Peter-ro ruhëre javu dôre ajiomoromo hitavë'ëro raromaruire ë hijadeje God-are ôrire jöe jövo'irovo.

<sup>10</sup> Hiromo hömamu hegoro Peter-ro uëvadeje: Ie avohoromo bojemirego na i'iröjo. I'irö uëvamu hegoro ioho avohahareje. Ioho avohahamu hu nune jioromo nia'ovo'iraerajadeje.

<sup>11</sup> Nia'ovo'iraeromo gavadeje ô'idôho arorovo'ego niôgu va'ëne inömo bôröme veneguöruvë'o ho hesi bëhire ruvebi raromamu.

<sup>12</sup> Raromamu gavë'i gavadeje sa'are jijihaje maje gö gö sigobe je'o uge rabe rabe niôgu va'ëne inömo hesi dôre jio'amamu.

<sup>13</sup> Jio'amamu gagorovo hejadeje uvavamu: Peter jero ri'ôromo muo'amoromo ijëjo.

<sup>14</sup> Ijëjamu hegoro Peter-ro uavadeje: Bada bogajo. Jew rajo noehu bogo ijarue i sisëho bogo mae bogo ibe rovë'e jevavajëjo jögore ahojôëni.

<sup>15</sup> Peter-ro ëhi uanugoromo hejadeje rôhu maho uvavamu: O-ajo. God-hu sisë barëjë'e hë uvoromo jiovëhë'e mioho raboho ëho nadi uvorëjo: Sisë hëjo.

<sup>16</sup> Vae niö'i gemu ähi jië'e muoho Peter-ro ga'i hijuvo evare gavadeje ë inömohe sionëro ö'idöre ba'ojiomamu.

<sup>17</sup> Ba'ojiomamu gatorovo Peter-ro hesi uehorovoromo uvadeje: Nia'ovo'iraeromo gavode hesi bëhoho rabe höjo. Hesi bëhoho rabe hö uvamu iae nime Cornelius-are ariböviohuro Simon-are osaho dinö'e jiaje jöho hejë'ëro ë osa hesi ojanore ro riravareje.

<sup>18</sup> Riravoromo ma-darugo'o uvareje: Na ae ihe Simon Peter ëho jiajêjo.

<sup>19</sup> Ëhi uvamu iae Peter-ro nia'ovo'iraeromo gavade mu hesi bëhoho uehorovë'e hijamu gavë'i God-are Aru'ahohuro hu uavadeje: Hejëjo. Ae niö'i gemu jaburo ja nahavaruëjo.

<sup>20</sup> Ri'ö abue'i nadi uvonëjo: Sa'ae gö raje jëvo'lego bogo va'ejö uvo'i ma-va'onëjo. Naro rëmö'öjamu rovare höjo.

<sup>21</sup> Ëhi uavamu hegorovo Peter-ro abueromo nime rovare aho uëvadeje: Jemë nahevarujoho na aviae jevajëjo. Jemë rabe nëgamu rovarije höjo.

<sup>22</sup> Rovarije höjamu uavareje: Muorovo simano vaejaje ae Cornelius-ro uövuamu rovare höjo. Hu a mae God mae uehorovaje ae höjo. Ëhuni Jew raje ae aho'obëhe jaburo hesi örire mae uehorovarue höjo. Ëhi jië'lego God-are anerae gemuëro rueromo Cornelius uavade höjo: Jero uavego Peter rue'irajo jöe majahijego he'irane höjo. Ëhuni rovare höjo.

<sup>23</sup> Ëhuni rovare höjamu hegorovo Peter-ro uëvadeje: Osaro ro raromoromo vahiromego momorö'örëjo.

Ëhi ë'ë'ëro nëröho Peter-ro ri'öromomo jabu'o va'adeje. Röhu Joppa raje Iesuare ö mueno'o ioro'iorohuro hu'o va'areje.

<sup>24-27</sup> Va'aroho va'o nëröho Caesarea amore suorovareje. Amore suorovoromo Cornelius-are osare va'ia'amu Cornelius-ro Peter bihororomo uvadeje: Peter God va'ëne höromomo hesi bëhire sa'are ague aho hiromomo Peter rajahijadeje. Rajahijamu gatorovo Peter-ro Cornelius baniojioromomo uvadeje: Nadi ëhioho ë'i ma-ri'öromomo döro namijëjo. Na bogo God jevo'i ma-ae jevajëjo. Ma-ae jevajë uanugoromo hu'o Cornelius'o jöe jörovobe osare va'oromo Peter-ro gëvade Cornelius-are agane aemo'aeme ruejoro uëvadoho ae aho'obëhe gagovoromo gemuore raromoromo muebejamu.

<sup>28</sup> Muebejamu gëgorovo uëvadeje: Iae jemë'o gavarujëjo Jew rajo noehu sa'a ioro'ioro rajo jemë'o gemu mae jijihö'iröhoho o jemesi osare va'iröhoho nosi öroho tugohahuë'e höjo. Ëhi höjo röhu God-ro na röjehiromomo uevë'e höjo: Jero nadi uvonëjo: Sa'a ioro'ioro rajoho o rahuo rahuo sisëgo gorëvo'iröhe aribövioho jio'amajëjo.

<sup>29</sup> Ëhuni naro ruejoro jero jöe nugö'öjamu hegorovo na bogo uvode höjo: Ja sa'a gö raje javajëromomo nue gö gö uehorovo'i ma-burëro rovode höjo. Ëhi jië'oho rabëni ruejoro uevane höjo.

<sup>30</sup> Uevane höjamu Cornelius-ro uavadeje: Naehu uavode hesi bëhoho urimo riröhe majae sanuovamu jaruvo jiajëhi naro nasi osare hiromomo God-are örire jöe jövode höjo. God-are örire jöe jövë'i gavode höjo ae gemuëro niögu aji mabëhe ba'amë'e nasi örire rovam.

<sup>31</sup> Rueromomo uevavohijajo: Cornelius jaehu God-are örire jö jövanuoho God-ro ejahoromomo jaehu ae gö huë baejëvanuoho huro ëhu'o uehorovajëjo.

<sup>32</sup> Ëhuni ae rëmö'öjogo Joppa va'arëjo ae gemu Simon hesi iho göho Peter-ro rueröhe höjo. Simon Peter-ro Simon göhu'o mi sino mae avohaje a hesi osae gemuore ma-jahuri hijajëjo. Hesi javuoho sö jovo bëhire höjo.

<sup>33</sup> Ëhi uevamu hejë'i naro ma-burëro jöe nugö'öjode höjo jero ruejoro. Röhu ja rovanoho iae mabëhe ë'ane höjo. Ëhu'ëro no ae aho'obëhe aviae God'o gemuoro raromoromo muebejaruëjo he'i Badaro diehi diehi jöho bojamë'ëro jero majahijego.

*Peter-hu Cornelius-mesi örire majahijade jöhoje.*

<sup>34</sup> Ëhi uavamu hegorovo Peter-ro jöho majëhiromomo uëvadeje: Iae na gavajoho God bogo Jew rajohemu nimo'i sa'a ioro'ioro rajoho bijönimo'i

<sup>35</sup> a'i ae aho'obëhe sa'ae dinö'e dinö'e raromoromo God uehorovoromomo mu mae vaejaruoho no aho'o huro ëhi ma-gemu uehorovavuoromomo ejahuaje höjo.

<sup>36</sup> Iae jemë'o gavarujëjo God-ro Israel rajo nosi örire ave jö maho majahuiromomo uövuade höjo: God na'o jemë'o hahagu hahagu javuadoho jaruvoho Iesu Kerisoro gagovavuë'e höjo. Röhu huro böröme namiromomo sa'ae dinö'e dinö'e muebejavuaje ae höjo.

<sup>37</sup> Jemë'o gavarujëjo Iesuare mu börömohe Judea sa'ae bövioho rumorovade höjo. Bapataeto vae'iröhe jöho John-ro majahuijamu evare ë mu börömohe Galilee sa'are aevoromomo Judea sa'ae bövioho rovade höjo.

<sup>38</sup> Nazareth rajo ae Iesu hesi jöho jemë'o iae hejaruje höjo. God-ro Iesu muro bamo'irögoro hesi Aru'ahohu'o darugohu'o bojamiromomo muro nugade höjo. Muro

nugë'ëro hu'o gemu mae juvo'ego Iesuro ae mae vaejêvobe Satan-are darugoro raromaru aribövioho aho'o ajêmibe êhi ê'obe è sa'ae bövioho juvonövade hõjo.

<sup>39</sup> Juvoromo Jew rajo nosi sa'are o Jerusalem amore mu rabe rabe vaejadoho iae nosi nunêro gavê'e javuajêjo. Aëro hu korosire anamu guomade hõjo.

<sup>40</sup> Guomamu majae niõ'i gemu hesi uhure God-ro uavamu ri'õjê'ëro hijamu gavare hõjo.

<sup>41</sup> Ae aho'obêhe Iesu bogo gavare hõjo. Noehu hu garomo a majêhirõhego God-hu mami'e baejavuade aribövioho noremuêremu hu gavare hõjo. Hu guomoromo ri'õjade hesi ijore hu'o i jovo ue'ahare aribövioho noremuêremu gavare hõjo.

<sup>42</sup> Noro hu gavamu Iesuro uövuede hõjo noro hesi jõho ae majêhiromu uênövorõhego: God-ro Iesu gemu uavade hõjo ae aho'obêhe vuovê'oho o bogo vuovê'oho hesi nunire riravego mevêvorõhego. Êhi uênövorõhego Iesu majahuijade hõjo.

<sup>43</sup> Rõhu è a hesi jõho jõ God-aro baeromo majêhinövare ae aho'obêhe avoho majahuromo jajivobe rovare hõjo. Jajivoromo uövuae hõjo: Ae rahu è a mae uehorovê'oho God-ro hesi jõeni nosi sisêho uehorovoromo vuonugahu'ajêjo.

*Sa'a ioro'ioro rajehu aevoromo God-are Aru'aho baejare jõhoje.*

<sup>44</sup> Peter-ro êhi majêhijamu gavê'i God-are Aru'ahohuro ruvebiromu jõ hejarue aribövieu aho'o jabesi dê vövõbajo'ere abue'amadeje.

<sup>45-46</sup> Abue'amamu gagoro Jew raje Iesu mae uehorovê'i Peter'o rovare ariböviohuro hejare è sa'a ioro'ioro rajohuro bogo hejarue huê gõëro atoromo God bõrõme hõ uvavamu hegorovo tiõjêvadeje. Tiõjêvamu uehorovoromo uvareje: Asê'e God-ro hesi Aru'ahoho bogo Jew rajohemu bojamui'i sa'a ioro'ioro rajohu'o bojêmijade hõjo. Bojêmijade hõjamu Peter-ro ri'õromo uêvadeje:

<sup>47</sup> Jew rajo noehu God-are Aru'aho baejarêhi ave sa'a ioro'ioro rajo ariböviohu'o God-are Aru'ahoho êhi baejare hõjo. Êhi jiê'oho no rabêni ahêvo'iramu bogo bapataeto vae'a'aruêjo. Bêhe bogohõjo.

<sup>48</sup> Êhi uênugoromo hesi aribövioho uêvadeje: Iesu Keriso-are ihoro bapataeto vaejêvohêjo. Êhi ê'ê'ëro Cornelius-mêro Peter uavareje: Nadi ma-burêroho va'i majae êgo'o no'o hiromu va'onêjo. Êhi uavamu jabu'o hijadeje.

## 11

*Sa'a ioro'ioro rajehu bapataeto vaejare jõ Peter-hu majêhijamu Jerusalem ekaresia aribövieu hejare jõhoje.*

<sup>1</sup> Iae apostle õmo'õmohu'o Keriso-are õ mueno'o ioro'iorohu'o Judea sa'are rõhu è sa'ae gemuore dirõ'e gõre gõre raromaruohero hejareje uvavamu: Bogo Jew rajoho gemu a'i sa'a gõ rajohu'o God-are jõho baejare hõjo.

<sup>2</sup> Êhi uvamu hegorovo Jew rajo a ioro'iorohu'o Jew rajehu ê'aruêhi sa'a gõ rajo jabesi sino tarivêhorõhego nimoruomaje ariböviohuro gavare Peter Jerusalem rovamu gagorovo birevoromo uavareje:

<sup>3</sup> Jew rajo nosi sino tarivahuaruêhioho aho jabesi sinoho bogo êhioho tarivêhare hõjo rõhu jero jabesi osare va'oromo jabu'o gemu mae hiromu ioho ijane hõjo.

<sup>4</sup> Êhi uavamu Peter-ro ri'õromo huhu sa'a gõ rajohu'o hiromu vaejade mu hesi bêhoho huruoho majêhi barêjadeje.

<sup>5</sup> Majêhiromu uêvadeje: Naehu vaejode mu hesi bêhoho na anumiae Joppa amore hijode hõjo. Hiromu God-are õrire jõe jõvode hõjo. Jõe jõvê'i nia'ovo'iraeromo gavode hõjo niõgu va'êne inõmo bõrõme veneguõruvé'oho nasi bêhire ruvebi raromamu.

<sup>6</sup> Raromamu ga'i gavode hõjo amo maje je'lo maje sigobe uge rabe êhi è inõmo hesi dôre jjo'amamu.

<sup>7</sup> Hejode hõjo uevavamu: Peter ri'õromo muo'amoromo ijêjo.

<sup>8</sup> Ijêjamu hegoro naro uavode hõjo: Bada bogajo. Jew rajo noehu bogo ijarue i sisêho bogo mae bogo ibe rovê'e jevajêjo jõgore ahojõeni.

<sup>9</sup> Êhi uanugoromo hejode hõjo õ'idõre rõhu maho uevavamu: O-ajo. God-hu sisê barêjê'e hõ uvoromo jiovêhê'e mioho raboho êho nadi uvorêjo: Sisê hõjo.

<sup>10</sup> Êhi uevamu êhi jiê'e muoho vae niõ'i gemu naro ga'i hijuvo evare gavode hõjo è inõmoho aho'o sionêro õ'idõre ba'õjomê'e jiamu.

<sup>11</sup> Êhi'amu gavê'i ae niõ'i gemu naehu hijaje osare õ'are hõjo Caesarea amore jioromo rêmõ'õjê'ëro jiê'ëro.

<sup>12</sup> Õ'amu God-are Aru'ahohuro uevade hõjo: Nadi uvonêjo: Sa'a gõ raje jêvo'ego nani na jabu'oho bogo va'ejõ uvo'i ma-va'onêjo. Êhi uevamu ave raromarue Iesuaru õ õmo'õmohu

övo gö mine övo göre gemu ëho jaburo na'lo gemu mae ri'öromo ë rovere ariböviohu'lo gemuore va'loromo Cornelius-arire suovoromo hesi osare va'are höjo.

<sup>13</sup> Noro hesi osare va'amü Cornelius-ro uövuade höjo: Na gavode höjo anerae gemuëro rueromo uevavamu: Ae rëmö'öjogo Joppa va'arëjo ae gemu Simon hesi iho göho Peter-ro rueröhe höjo.

<sup>14</sup> Huro rueromo jöe majëhi'ajëjo ja'lo jasi aganohu'lo heromo bogo sisëroho va'i maro raromo'irarijego.

<sup>15</sup> Cornelius-ro ëhi uövuamu hegorovo naro aevoromo jöho majëhijamu gavë'i God-are Aru'ahohuro jabeti örire ruvebijade höjo. Urimë'i Jew rajo nosi örire ruvebijadëhi ëhi ë'ade höjo.

<sup>16</sup> Ruvebijamu gagorovo naro uehorovoromo uvode höjo: O Badaro mami'e uövuade höjo: Urimë'i John jovëro bapataeto vaejëvade höjo. U'emu God-ro hesi Aru'ahoho mëmiromo ëhuro jovoho bogo a'i Aru'ahohuro bapataeto vaejëvo'ajëjo. Iesuro ëhi uövuade höjo.

<sup>17</sup> Amo urimë'i noehu Bada Iesu Keriso mae uehorovamu God-hu hesi Aru'aho suvuoro mamujadëhi ëhi sa'a gö ariböviohu'lo mëmade höjo. God-hu ëhi sa'a gö rajo ajëmijadoho ëhu'oho na rabëni God-are öroho tugohojörajo.

<sup>18</sup> Peter-ro ëhi uëvamu hegoro rue Jew rajohuro Peter birevaroho vuonugo'i God rajahiro mo uavareje: Èhi jië'oho God-ro sa'a ioro'ioro rajo jabeti öroho jiovëhë'e höjo ëhuro jabu'lo dë vövöbajo'e huotorovoromo mae raromo'iröhego.

*Antioch amo rajehu aevoromo Keriso mae uehorovare jöhoje.*

<sup>19</sup> Urimë'i Jew rajëro Stephen anonugoromo Iesu mae uehorovarue aribövioho sisë vaejëvamu gagorovo huruomoromo sa'are sa'are va'lo raromareje. Va'aroho ioro'iorohuro ma-bisemu dunoro va'lo raromo'i ioro'iorohuro öri ëgöbövie va'oromo Phöncia sa'are o Cyprus sa'are o Antioch amore ë va'lo raromoruomadeje. Raromoro mo Jew rajohemu Iesuarë jöho majëhinövareje.

<sup>20</sup> Röhu Iesu mae uehorovarue a ioro'ioroho Cyprus sa'a rajohu'lo Cyrene amo rajohu'lo ëho jaburo Antioch amore va'lo raromareje. Raromoro mo bogo Jew rajohemu a'i sa'a gö ariböviohu'lo Bada Iesuare jö maho aevoromo majëhijareje.

<sup>21</sup> Sa'a gö ariböviohu'lo jöho majëhijamu Bada God-ro daruge ajëmijamu Antioch amo rajë ae aho'obëhe Bada Iesu mae uehorovoromo aevoromo hesi örire jijihareje.

<sup>22</sup> Hesi örire jijihamu Jerusalem ekaresiahuro ë jöho hejareje. Heromo Barnabas nugö'öjamo Antioch rajoho gë'i va'adeje.

<sup>23</sup> Va'oromo gavade God-ro mae ajëmijë'e jiamu gëgorovo nimorohoromo uëvadeje: Ae aho'obëhe jemëro biririvoromo jemesi dë vövöbajo'e aho'lo Bada gemu uehorovorëjo.

<sup>24</sup> Èhi uëvade hesi bëhoho Barnabas hu a mae jiadeje. God-are Aru'ahohuro hesi dë vövöbajo'oho aho'lo rarovamu huro God mae uehorovo avohadeje. Èhi'amü ae aho'obëhe aevoromo Badare örire jijihareje.

<sup>25</sup> Ae aho'obëhe Badare örire jijihamu gagorovo Barnabas-ro ri'öromo Tarsus amore va'adeje Saul naho'irovo.

<sup>26</sup> Nahoromo birohonoromo hu'irae baeromo sionëro Antioch rovadeje. Rueromo Barnabas'o Saul'lo jaburo niö'iro Antioch ekaresiahu'lo gemu mae ariromo ae aho'obëhe röjëhibe va'aroho vadune gemu barëjadeje. Èhi'amü Antioch amore ë dirö'ore aëro Keriso-are aribövioho gëromo aevoromo uvareje: Jabumë Christian aribövioho jëvajëjo. Urimoho ëhi jië'e ihoho bogojëvadeje.

<sup>27</sup> Röhu evare majare jö God-aro baeromo majëhijarue a ioro'iorohuro Jerusalem jioromo Antioch rovareje.

<sup>28</sup> Rueromo ae gemu hesi ihoho Agabus-ro jöe God-are Aru'aho hesiro baeromo ri'öromo uëvadeje: Ijonö i bogojio majaho sa'ae aho'obëhe rue'a'ajëjo. Huhu uëvadëhi ijönö Claudius Rome a börömo jiadevare evare ë i bogojio majaho rovadeje.

<sup>29</sup> Amo Agabus-ro ë jöho majëhijamu hegoro Antioch amore raromarue Keriso-are ariböviohuro uvareje: No ae gemuëro gemuëro ga'iröhe no ijo bajo bövie baejë'e javuamu gavë'oho bövie tarioromo bise'e baejë'e javuamu gavë'oho bisemu tarioromo baro gemuoro bamoromo Christian agane Judea sa'are raromaruohuni nugö'öjëho'ëjarëjo.

<sup>30</sup> Èhi uvonugoromo suvuoroho gagovoromo Barnabas'o Saul'lo i'imëmijareje jaburo niö'iro ujuoho va'oromo Jerusalem ekaresia a duvaho jabeti övo döre bahijëhoröhego.

## 12

*Peter savojire ba'amare jöhoje.*

<sup>1</sup> Evare majaroho Judea sa'are börömo vaeromo hijaje a böröme Herod-ro ri'öromo jõe nugö'öjadeje aëro ekaresia a ioro'ioroho ijumëvoröhego.

<sup>2</sup> Huro ae uëvamu jaburo John-are öho James guduamoromo siravaëro anareje.

<sup>3</sup> Anamu Herod-ro gavade Jew rajo ariböviohuro ëhi nimoruomamu gëgorovo ae uëvamu Peter'lo guduamo bava'areje. I Dë Huaje Oso Rumo'e Jew rajehu Ue'aharue Maja börömo jiadevare evare ëhi ë'areje.

<sup>4</sup> Peter guduamo bava'oromo savoji gagore ba'amareje. Ba'amamu muorovo aëro 4 aevo'ioho Peter muebejareje. Muebejamu muorovo ae 4 gö'o ro jabesi sionoho baejareje. Röhu ae 4 gö'o ro jabesi sionoho baejareje. Röhu ae 4 gö'o ro jabesi sionoho baejareje. Ehi ë'onövareje. Urimoroho va'ego ae göëro ro sionoho baenövareje. Ehi ë'l'ë'ëro Herod-ro uvadeje hujeji God-hu Vörö Tugohade Söröho barëjego evare Peter ae aho'obëhe jabesi nunire barueromo court vaeröhego.

<sup>5</sup> Ehi uvamu Peter-ro savoji gagore ëhi hijadeje. Hi'ego ekaresiaho jaburo biririvoromo God uanövareje hu ajamiröhego.

*Aneraehu Peter ajamamu Peter-hu savoji gagore jioromo hörö va'ade jöhoje.*

<sup>6</sup> Ehi'ojuvo nërö Herod-ro Peter ae aho'obëhe jabesi nunire bava'i uvë'iro röhu jaruvëhi a göhuro ruëhi hi'i göhuro viëhi hiromo Peter muebe'i Peter ririre ö'e niö'iro tövë'ëro niavë'e jiadeje. Ae göëro savoji ojoho muebejareje.

<sup>7</sup> Muebejamu iae Badare anerae gemuëro ma-majioho rovamu savoji gagoho ajivadeje. Ajivamu gavë'i anerahuro Peter-are ionire anoromo ioromo uavadeje: Ma-burëro ri'öjëjo. Ehi uavamu gavë'i övore muohahare ö'ohuro jiovo bu'öromo sa'are bejadeje.

<sup>8</sup> Bejamu anerahuro uavadeje: Jasi götaho ruoho bibivo'i höru guduoho io'amëjo. Io'amëjamu Peter-ro götaho ruoho bibivoromo höru guduoho io'amadeje. Io'amamu uavadeje: Niögoho ba'amoromo nasi ijoro rovëjo.

<sup>9</sup> Nasi ijoro rovëjamu savoji gagoroho höröromo hesi ijore va'adeje. Va'oromo uvadeje: Aneraehu ömajoho nani bogo maho ga'i na nia'ovo'iraejajë'i va'ojuvo

<sup>10</sup> va'o urimo mueberomo riravaruire rova'oromo ijore mueberomo riravaruire rova'oromo suorovoromo amo börömore va'arue biriri'e ojore ë rovareje. Rue'i gavare ojoho hesi ëma jiororovamu gagorovo va'orahonö va'oromo örire jirehareje. Jirehoromo anerahuro ma-majioho va'adeje.

<sup>11</sup> Va'amamu gagorovo Peter-ro uehorovo avohoromo uvadeje: Avevejö'oho iae na garomo uvajëjo: Iae mae-ëjo. Badaro hesi aneraho nugö'öjamu Herod-are övore jevadoho baeniahi baejevo rovë'e höjo. Baeniahi baejevo rovë'ëro Jew rajo ariböviohuro bövi bise'lo vaejevo'i uvaroho ëhi ë'oröhoho bogo eni jëvo'ajëjo.

<sup>12</sup> Peter-ro ëhi uehorovonugoromo John Mark-are vëme Mary-arire va'adeje. Röhu Iesuare ae aho'obëhe Mary-are osare raromoromo ëninamijareje God-ro Peter ajamijëro.

<sup>13</sup> Ehinamamu gavë'i Peter-ro rueromo oje jiovahojöro ano'anovadeje. Ano'anovamu hegoro magonaho aboride gemu hesi ihoho Rhoda-ro ojoho jiovahoi' rovadeje.

<sup>14</sup> Rueromo Peter-are huëho hegoro nimorohoromo ojoho bogo jiovo'i ma-burëro vuonorö'ö va'oromo osare aribövioho uëvadeje: Peter mami'e rovë'e aviae ojanore namijajëjo.

<sup>15</sup> Namijajëjamu uvoruomadeje: Nani Peter savoji gagore hijajëromu magonahoho uavareje: Simane huotorovoromo ëma uövuanuëjo. Ema uövuanuëjamu magonahoho uëvadeje: O-ajo. Na mae uëvajëjo. Hu iae rovë'e höjo. Uavareje: Peter bogo rue'i ma-hesi aru'ahohuremu rueromo namijajëjo.

<sup>16</sup> Ehi'amu gagorovo ojo jiovahojöro Peter-ro ojore ano'anovo'i hijadeje. Ano'anovo'i hijamu va'o ojoho jiovoromo Peter gavamu jõe barëjëvadeje.

<sup>17</sup> Jõe barëjëvamu Peter-ro övëro tugohëvoromo uëvadeje: Na savoji gagore jevamu Badaro ëhi ëhi ë'oromo hu'irae baejevo rovide höjo. Ehi jië'e jöho majëhinugoromo uëvadeje: Jemëro va'oromo James'o agano ioro'iorohu'o nasi jöho majëhirego he'irarëjo. Ehi uënuogoromo öre gö va'adeje.

<sup>18</sup> Öre gö va'ë'ëro sisonuvamu savoji gago muebejarue ariböviohuro gavare Peter bogojiamu gagorovo tiöromo juhuonivoromo uehoroho bogojëvamu ma-jöe gö gö atoromo uvareje: Peter dinö'e va'ë'ëro bogojiajëjo.

<sup>19</sup> Bogojiajëjamu Herod-ro uëvamu hesi ariböviohuro Peter nahemu nahujuvo gavareje bogojiamu. Bogojiamu gagorovo Herod-ro Peter atovarue aribövi jabesi jöho heromo jõe mevoromo hesi ariböviohuro atovarue aribövioho muo'amojöro uëvadeje. Ehi'onugoromo Herod-ro Judea sa'are jioromo abuejadoho abo Caesarea amore ë hijadeje.

*Herod guomade jöhoje.*

<sup>20</sup> Caesarea hiromo Herod-ro Tyre o Sidon amo rajo jabesi örire sisë maro dë vörönimadeje. Dë vörönimamu gagorovo rue amo rajohuro uvareje: Noehu ijarue iruno'oho Herod-hu muebejaje sa'are jioromo rovaje höjo. Ioro'ioremu tugohojöëni ëhuni Herod ga'i gemuore ruenugadeje. Rueromo Herod-are osa muebejaje aho Blastus jabesi jöho ajëmiromo Herod sanuamijöro dinamiro mo jöe nugö'öromo Herod uavareje: Noni vavaenimoromo ajamuijego ja'o no'o huë baerovoromo raromo'irarëjo.

<sup>21</sup> Ëhi'amu Herod-ro majaho bojëmadeje ë majare rueruomoröhego. Ëmajaho rovamu gagorovo Herod-ro hesi niögu ma-maho io'amadeje. Io'amoromo hu bövi namiro mo hijaje röho mare hiro mo ae aho'obëhe jöe majëhijadeje.

<sup>22</sup> Jöe majëhijamu hejë'i rue ariböviohuro uvoruomadeje: Asë'e jö böröme höjo. Bogo ma-ae hu jöho majahui'i a iosiramuiromo dö mare jië'e aru'ahohuro jöho majahuijajëjo.

<sup>23</sup> Ëhi uvoruomamu gavë'i Badare anerahuro Herod anamu huiniëro hesi uhoho ijahamu guomadeje. Anade hesi bëhoho hu God-are iho bogo nigemadohuni ëhuni anamu guomadeje.

<sup>24</sup> Röhu God-are jöho ejahoruomamu aro rumorovobe va'adeje.

<sup>25</sup> Ëhi'amu Barnabas'o Saul'o Jerusalem va'oromo monioho ekaresia jabesi a duvahoho i'imëmjë'ëro John hesi iho göho Mark hu'irae baeromo Antioch amore vuonorö'ö va'areje.

## 13

*Barnabas'o Saul'o va'oromo God-are jö majëhibe jirehoröhego Antioch ekaresia aribövieu baejëvoromo rëmö'öjare jöhoje.*

<sup>1</sup> Iae Antioch amore ekaresia a ioro'ioroho jö God-aro baeromo majëhijarue ariböviohu'o Iesuare öri röjëhijarue ariböviohu'o jëvadeje. Ëaribövi jabesi ihoho Barnabas o Simeon iho göho Niger o Cyrene amo raje Lucius o sa'a a böröme Herod'o gemu mae bövi raejade aho Manaen o Saul ëhi jio'amadeje.

<sup>2</sup> Ëhi jio'amamu ekaresiaho jaburo ioho bogo ijë'e God ma-rajahiemu rajahijamu gagorovo hesi Aru'ahohuro uëvadeje: Jemëro Barnabas'o Saul'o baejëvoromo nani rëmohëjo jabuhu ë'ojöro baejëvode muoho vaenövoröhe höjo.

<sup>3</sup> Ëhi uëvamugo ekaresiaho jaburo ioho bogo ijë'e God-are örire jöe atonugoromo Barnabas'o Saul'o jabesi simanore öve bamëhoromo rëmö'öjamu va'areje.

*Barnabas'o Saul'o Cyprus sa'are va'oromo Keriso-are jö majëhijare jöhoje.*

<sup>4</sup> God-are Aru'ahohuro Barnabas'o Saul'o ëhi rëmö'öjadeje God-are muohuremu vaeröhego. Rëmö'öjamu abuejaroho abo Seleucia amore höröjareje. Höröromo boat-re ajiomoromo jovo döre va'aroho Cyprus ruë numë sö jovemu jië'e sa'are ë va'o ravo'amareje.

<sup>5</sup> Cyprus sa'are ravo'amoromo Salamis amore höröromo Jew rajehu God rajahijarue osare osare God-are jöho majëhibe jirehareje. Röhu John Mark hu'irae baeromo hu'o jirehareje huro ajëmego jaburo muoho vaebe jirehoröhëro.

<sup>6</sup> Jirehoromo Salamis amoho nugo va'oromo Cyprus sa'aho jirehobe numëhi va'o viture juvö'öromo Paphos amore höröjareje. Höröromo sareri sareri'e iro oso'e ae gemu birohareje. Hesi ihoho Bar-Iesu jiadeje. Hu Jew rajëro jië'ëro aribövioho sarerëmiromo uënövadeje: Na jö God-aro baeromo majëhijaje ae jevajëjo.

<sup>7</sup> Bar-Iesu ë sa'are a börömo hesi ae jiadeje. Ësa'are a börömo hesi ihoho Sergius Paulus jiadeje. Hu uehoro ma'e ae jiadeje. Uehoro ma'e aëro jië'ëro jöe nugö'öromo Barnabas'o Saul'o uëvadeje: Rueromo God-are jöho majehirego na he'iröjo.

<sup>8</sup> Na he'iröjamu rueromo God-are jöho majahijamu hejë'i ë iro oso'e aho Bar-Iesu röhu iho göho Greece jöehu uvaruoho Elymas-ro jabesi jöho aho'ahovadeje. Elymas-ro Barnabas'o Saul'o jabesi jöho aho'ahovoromo ë sa'are a börömo nijo'irae gavadeje Iesuare jöho ejahojöëni.

<sup>9</sup> Nijo'irae gavamu Saul hesi iho göho Paul-are dë vövöbajo'e aho'o God-are Aru'ahohuro rarovamu gagorovo Paul-ro Elymas gemu ërimahoromo

<sup>10</sup> uavadeje: Ja Satan-are ae javajëjo. Sareri sareri'e muohemu vaejanue mu maho bövi bise'o maho ijuanue ae javajëjo. Badare jö ma huotohuotovo jövanuoho divare vuonugonëjo.

<sup>11</sup> Ëhuni Badahu i'u mana bojami'ie'ajoho gavëjo. Jasi nunoho sisërëjavö'ie'ajëjo. Sisërëjavö'iramu majae hu ajivajoho majae ëgo'o bogo uherihoromo ga'a'anuejo.

Ëhi uavamu gavë'i hesi nunoho sisërëjamu ramoramoro hijadeje. Ramoramoro hiro mo övëro morijovobe juvadeje aëro övëro ma'eno hava'ojöro.



<sup>12</sup> Ĕhi'amu ě sa'are a bŕŕŕmohuro gavade Paul-ro jŕe jŕvŕ'ego ě a hesi nunoho sisěrějamaru gagorovo tiŕoromo uvadeje: Badare jŕ Paul-hu majahuijajoho iae jŕ bŕŕŕme hŕ uvoromo Iesuare ŕrire mae uehorovadeje.

*Barnabas'o Paul'o Pisidia sa'are Antioch amore va'oromo God-are jŕ majĕhijare jŕhoje.*

<sup>13</sup> Ĕhi'amu Paul'o hesi aribŕvŕiohu'o ěho jaburo Paphos amore boat-re iojioromomo jovo dŕre va'oromo Pamphylia sa'are Perga amore ě ravo'amareje. Ravo'amonugoromo John Mark-ro jabumě rěmoromo Jerusalem vuonorŕŕŕ va'adeje.

<sup>14</sup> John va'irŕŕgoro Barnabas'o Paul'o jaburo niŕ'iro Perga amore jioromo va'oromo Pisidia sa'are Antioch amore ro arijareje. Ariromomo Jew rajo jabesi nuho majaho rovamu God rajahijarie osare va'o arijareje.

<sup>15</sup> Arijamaru aěro Moses-hu bojěmade jŕgoru surire jŕho adaho jŕ God-aro baeromo majĕhinŕvare aribŕvŕiohu jajivare surire jŕho adahamu evare God rajahijarie osa muebejarue aribŕvŕiohuoro Barnabas'o Paul'o jŕe nugŕ'ŕoromo uĕvareje: Jew rajo aganomě jemě jŕgore jĕv'ŕoho majahuijejo no heromo birivoromomo God mae uehorovo'irarějo.

<sup>16</sup> Ĕhi uĕvamaru hegorovo Paul-ro ri'ŕoromo jaburo hejŕro ŕvĕro tugohĕvoromo uĕvadeje: Israel rajomě God mae uehorovarue a ioro'iorohumě na jŕ harihe majĕhi'iĕ'ajějo. Hehějo.

<sup>17</sup> God Israel rajo aribŕvŕi muebejavuajohuro nosi hijo miono'oho hesi baejĕvade hŕjo. Baejĕv'e jiamu jabumĕro Egypt sa'are abueromomo ma-jahuri raromamu God-ro ajĕmijamaru ae aho'obĕhe jĕvobe va'ade hŕjo. Aho'obĕhe jĕvobe va'amaru God-ro hesi darugĕro ajĕmiromomo Egypt sa'are jĕvamaru sŕjĕvo ujuoho rovade hŕjo.

<sup>18</sup> Sŕjĕvo ujuoho rovamu vadune aho'obĕhe 40 a rumo'e sa'are mu sisě vaebe juvo'lego ma-nunĕremu gĕ taeromomo ajĕminŕvade hŕjo.

<sup>19</sup> Ĕhi'ojuvu jabumĕro Canaan sa'are rueruomamu evare ě sa'a uhure ěne aho'obĕhe 7 mamirovoromomo raromonŕvare aribŕvŕiohu God-ro muo barĕromomo jabesi sa'aho nosi Jew rajo hijo miono'oho mĕmijade hŕjo jabesi sionoho baerĕhego.

<sup>20</sup> Rŕhu God-ro Israel rajo baejĕvadoho aevoromomo Egypt sa'are abo raromojuvu a rumo'e sa'are raromobe jijihojuvo ro Canaan sa'are raromaroho vadune aho'o 450 ěhi barĕjade hŕjo. Vadune 450 barĕjamaru gagoro God-ro a mevĕvarue a masijoho bojĕmibe rovade hŕjo nosi hijo miono'oho muebejĕvonŕvŕorĕhego. A mevĕvarue a masijoho bojĕmibe ruejuvo evare Samuel jŕ God-aro baeromomo majĕhijaje ahuro hijo miono'oho muebejĕvade hŕjo.

<sup>21</sup> Samuel-ro muebejĕvamaru evare Israel rajo aribŕvŕiohuoro ri'ŕoromo God ua gavare hŕjo huro bŕŕŕme namiromomo muebejĕvo'irŕhe aho bojĕmijŕro. Ua gavamaru God-ro jabesi ŕrire Kish-are harihe Saul bojĕmijade hŕjo bŕŕŕme namiromomo muebejĕvorĕhego. Saul hu Benjamin rajo ae jiade hŕjo. Saul bojĕmijamaru muebejĕvojuvo vadune 40 barĕjade hŕjo.

<sup>22</sup> Vadune 40 barĕjamaru God-ro Saul rori'o babu'ŕi David Saul-are sionore nugade hŕjo bŕŕŕme namiromomo muebejĕvorĕhego. David nugoromomo uĕvade hŕjo: Jesse-are harihe David iae na garomomo nego avohajějo. Huro naehu nimaje bŕvŕiohu bise'oho vae'a'ajějo. David-are jŕho ěhi uĕvade hŕjo.

<sup>23</sup> Ĕhi uĕromomo va'ojuvu majae ijonŕ David-are ujoho gemu Iesu God-hu Israel rajo uĕvadĕhi ěhi bojamuade hŕjo no Israel aribŕvŕiohu manŕ bamavuorĕhego.

<sup>24</sup> Iesu rue'ia'amaru John-ro Israel raje ae aho'obĕhe majahuiromomo uŕvuade hŕjo: Uehoro sisĕho vuonugo'i uehoro mae baeromomo bapataeto vaerějo.

<sup>25</sup> Ĕhi jiĕ'e jŕho majahuijuvo muoho barĕ'ia'amaru uŕvuade hŕjo: Jemĕro uvarujějo: Na nahu jevajějo. Na bogo ro ajĕmi'irode a muebejarujoho jevajějo. Rŕhu gahějo. Ĕhuro nosi ijonŕ rue'ie'ajějo. Na hesi mu bise'o vaejoromomo hŕru sino jiovaho'ibejodoho o mu bise'o bise'e rabe vaejaho'ibejodoho rŕhu hu bŕŕŕme jio'i na ma-bise'e jevajějo.

<sup>26</sup> Rŕhu aganomě Abraham-are ujo ŕmo'ŕmohumě o sa'a gŕ raje God mae uehorovarujomě God-hu ajamuiromomo manŕ bamavuaeje jŕho ě jŕho nosi jŕĕni rov'e hŕjo.

<sup>27</sup> Ĕhesi bĕhoho Jerusalem raromarue aribŕvŕiohu'o jabesi a masijohu'o ěho jaburo Iesuare bĕhoho bogo avoho garomomo bogo uvare hŕjo: Iesu iae ajamuiromomo manŕ bamavuaeje aho hŕjo. Bogo avoho garomomo rŕhu Jew rajo nosi nuho majaho rue'ego henŕvare jŕ God-aro baeromomo majĕhinŕvare a jabesi surire jŕho adahoromomo uvo'ego: U'emu a bŕŕŕmĕro rueromomo ajamui'ajĕ'ego dadivĕvo'ego uvonŕvare hŕjo: Ĕa bŕŕŕmoho bogo Iesuhu jio'i ae gŕ jio'a'ajějo Iesuare bĕhoho bogo avoho gavĕ'ĕro. Bogo gavĕ'ĕro aehu Iesuare ŕrire vaeruomorŕhego ě surire jajivarĕhi Jerusalem raromarue aribŕvŕiohuoro ěhi ĕ'oromomo Iesu court vaeromomo uaruomade hŕjo: Sisě ae javĕ'ĕro guomo'a'anuĕjo.

<sup>28</sup> Guomo'a'anuĕ uanugoromomo nahoromomo gavare guomorŕhe bĕhoho bogojiamu gavĕ'i Pilate ěma uaruomade hŕjo: Uĕvego ano'irarějo.

<sup>29</sup> Amo Iesuare örire bövi bise'lo sisë'i vaeröhego God-are surire jö jajivarëhi Jerusalem raromaru ariböviohuro ëhi vae barënuqoromo Iesu ijore jiamu baruvebiromu hure bamare höjo.

<sup>30</sup> Hure bamamu God-ro ajamijamu ri'öjate höjo.

<sup>31</sup> Ri'öjamu Galilee sa'are jioromo Jerusalem Iesu'lo gemu mae urimo rovare a jabesi nunire rue'i hijadoho majae aho'obëhe barëjade höjo. Rue'i hijamu hu gavare ariböviohuro jaruvoho Israel rajo jabesi örire hesi jöho ma-mae majëhijarue höjo.

<sup>32</sup> Iae noro jö maho majëhiromu uëvaruëjo: God-hu nosi hijo miono'lo uëvadëhi

<sup>33</sup> no jabesi ujëro javuë'ëro ëhi ajamuijate höjo. Ajamuiromu nosi jöëni Iesu ajamijamu guomoromo ri'öjate höjo. Èhesi bëhoho God-hu Iesu ajamego ri'ö'iröhe jöho God-are surire Psalm 2-re jajivoromo uvë'e höjo:

Ja nasi Harihoho javajëjo.

Jaruvoho naro ja baejavë'e jevajëjo.

<sup>34</sup> O God-are surire jö göho huhu ajamego Iesu ri'öjago ijönö bogo guomoromo sino sagohori'iröhe jöho jajivoromo ëhi uvë'e höjo: God naehu David uavodëhi iae ëhi ma-maemu ajëmi'ejöjo jemë mae jëvo'iröhego.

<sup>35</sup> O God-are surire jö göho jajivoromo uvë'e höjo: Jasi aëro jevë'ëro God jero ajemi'iramu nasi sinoho bogo sagohori'jevo'ajëjo.

<sup>36</sup> Iae David-hu hijate majare God-hu nimade muoho vaebe juvojuvo guomate höjo. Guomamu hesi hijo miono'lo guavarire sionore guavamu hesi sinoho sagohorijate höjo. Èhuni hesi sino bogo sagohori'iröhe jöho David-ro bogo jajivo'i

<sup>37</sup> a'i Iesuare jöho jajivate höjo. Èhesi bëhoho God-ro ajamamu guomoromo ri'öjë'ëro ëhu'ëro hesi sinoho bogo sagohorijate höjo.

<sup>38-39</sup> Aganomë ëhu'e ijaie ave jö hesi bëhoho ga avohohëjo. Iesuare jöëni God-hu mu sisë uehorovë'oho mu sisë vaejarije hesi i'uoho iae barëjaje höjo. Moses-hu bojamuade jögoru ejahë'oho bogo ëhuro mu sisë hesi i'uoho barë'i a'i Iesu mae uehorovë'oho iae barëjaje höjo.

<sup>40</sup> Èhuni avoho mueberovohëjo ëhuro jö God-aro baeromo majahuinövare a jabesi surire jajivare i'uoho bogo bae'irarije höjo.

<sup>41</sup> Èhesi bëhoho God-are jöho jabesi surire jajivoromo uvë'e höjo:

God-ro uëvajëjo: Nasi jö ahoromo sivaruje ariböviohumë nasi muoho garomo tiöromu vuovorëjo.

Èhesi bëhoho jemë bogo vuovo'i raromaruje majare evare naro vörö'e mu börömo vae'ië'ajëjo.

I'u'e mu börömëro jüë'ëro aëro jemë sama'e röjëhi'ibejarëjo röhu bogo avoho heromo mae uehorovo'ibejarijëjo.

Èhi uvë'e höjo. Èhuni avoho uehorovohëjo.

<sup>42</sup> Paul-ro ëhi uënuqoromo hu'lo Barnabas'lo höröjamu gëvë'i rue ariböviohuro uëvareje: Ruëre hura gö hesi nuho majaho rovego vuonorö'ö rueromo ëhi jüë'e jöho majahuirego no he'irarëjo.

<sup>43</sup> Èhi uëruomoromo suorovoromo Jew raje ae aho'obëhe o sa'a ioro'ioro rajehu jabesi mu vuonugo'i Jew rajo mu baeromo God mae uehorovarue aribövioho aho'obëhe jaburo Paul'lo Barnabas'lo jabesi ijore va'areje. Ijore va'amu gëgorovo jaburo niö'iro jabesi örire jögore mëmiromu uëvareje: Birivoromo uvorëjo: Hesi God-ro huë baeromo ajamui'ajëromu muoho vaenövorëjo.

<sup>44</sup> Èhi ë'ë'ëro hura gö hesi nuho majaho rovamu amo raje ae aho'obëhe Badare jöho he'i ë osare gemu gagovoruomateje. Ae gemu gemu bogo rovareje.

<sup>45</sup> Amo raje ae aho'obëhe gagovamu gëgorovo Jew rajoho jaburo Paul'lo Barnabas'lo jabesi mu mahuni dë vörönëgo avohamu Paul-are jöho aho'ahovoromo jö sisë atareje.

<sup>46</sup> Jö sisë atamu hegorovo Paul'lo Barnabas'lo bogo juhuonivo'i ma-birivoromo jöho majëhiromu uëvareje: God-ro nimade höjo Jew rajo jemëro hesi jöho urimo hejöro. Èhi höjo röhu jemë ë jöho heromo bijönimarujëjo. Bijönimoromo ëhuro jemëhu ioro'ioyemu maro raro'mo'irarije öroho tugohë'e jëvajëjo. Èhuni no huotorovoromo sa'a ioro'ioro rajoho jöho majëhinövo'ëjarëjo.

<sup>47</sup> Èhesi bëhoho rabëni Badaro jöe bojamuiromu uövuë'e höjo:

Naro ja bamavode höjo jero sa'a ioro'ioro rajoho ajivëvo'iranego.

Ajivëvego ae aho'obëhe majae beva'ajire majae hö'öjajire maro raro'mo'iröhego.

<sup>48</sup> Ĕhi uēvamu hegorovo sa'a ioro'iuro rajohuro nimorohoromo uvoruomadeje: Badare jōho iae mae hōjo. Ĕhi uvoromo ioro'ioremu raromo'irōhego God-hu uvade aribōviahuro Iesu mae uehorovorouomadeje.

<sup>49</sup> Mae uehorovamu Badare jōho ē sa'ae bōvioho uarovobe va'adeje.

<sup>50</sup> Uarovobe va'irōgoro a'i rue Jew rajoho jaburo God uehorovarue magonaho masijohu'o amore a masijohu'o ē aribōvi jabesi dēho iēhamu ri'ōromo Paul'o Barnabas'o sisē vaejēvorouomadeje. Sisē vaejēvoromo Antioch sa'anō jēvamu rēmō'ōjēvorouomadeje.

<sup>51</sup> Rēmō'ōjēvamu gagorovo va'irōgoro hōru tohotoho'e jēvamu riremoromo va'areje amo rajohuro sisē vaejaruoho gājōro. Va'oromo Iconium amore hōrōjareje.

<sup>52</sup> Amo Antioch raromarue Keriso-are aribōvi jabesi dē vōvōbajo'oho aho'o sasohēvoromo God-are Aru'ahohuro rarovēhadeje.

## 14

*Paul'o Barnabas'o Iconium amore ariromo God-are jō majēhijare jōhoje.*

<sup>1</sup> Paul'o Barnabas'o Iconium amore hōrōnugoromo urimo Antioch ē'arēhi ēhi Jew rajehu God rajahijarue osare va'oromo Iesuare jōho majēhijareje. Jōho majēhijamu ēhuro Jew raje ae aho'obēhe sa'a ioro'iuro raje ae aho'obēhe Iesu mae uehorovorouomadeje.

<sup>2</sup> Mae uehorovamu gēgorovo Jew raje jō bogo ma uehorovarue aribōviahuro sa'a ioro'iuro rajo jabesi ōrire uehoro sisēho bojēmiromo jabesi dē iēhamu jaburo Keriso-are aribōvioho nue huodēgorouomadeje.

<sup>3</sup> Nue huodēgamu Paul'o Barnabas'o majae ēgobōvie ariromo bogo juhuonivo'i mabirivoromo Badare jōho majēhijareje. Majēhiromo Badaro ajēmamu ēhuro bogo gavarue darugo'e mue gō gō vae'amareje ae aho'obēhe garomo uvorōhego: Iae mae-ējo. God-hu huē baeromo ajamuijaje jōho mae hō uvorōhego.

<sup>4</sup> Ĕhi'amu amo rajo aribōviahuro jōe gō gō uehorovareje. A ioro'iorohuro Jew rajo jabesi dōnō jio'i a ioro'iorohuro Paul'o Barnabas'o jabesi dōnō jēvadeje.

<sup>5</sup> Ĕhi'oromo Jew rajohu'o sa'a ioro'iorohu'o ēho jaburo jabesi masijohu'o gemu mae ri'ōromo Paul'o Barnabas'o ijumēvoromo munēro vajēmi'i atareje.

<sup>6</sup> Munēro vajēmi'i atamu Paul'o Barnabas'o ē jōho heromo ju'ebiroromo va'areje. Va'oromo Lycaonia sa'are Lystra amo Derbe amo jiajinō ē va'areje.

<sup>7</sup> Va'oromo ē sa'are aribōvioho Iesuare jō maho majēhibe jirehareje.

*Paul'o Barnabas'o Lystra amore ariromo God-are jō majēhiromo huē vavaeni birohoromo ju'ebiroromo Derbe amore va'are jōhoje.*

<sup>8</sup> Jirehoromo Lystra amore ro arijareje. Rōhu hōru sisē'e ae gemuēro ē hijē'e jiadeje. Urimē'i vēmehu rahadire aevoromo hōru sisē'e jiobe rovē'ero ēhu'ero bogo mae bogo juvadeje.

<sup>9</sup> Bogo juvē'ero hejadeje Paul ae jōe majēhijamu. Paul-ro jōho majēhiromo gavade ē aho hu'o jōho hejumu gagorovo ma-hu gemu ērimahoromo gavade hu mae uehorovo'ego marē'irōhoho eni jiamu gagorovo

<sup>10</sup> ma-darugo'o uvadeje: Dōro ri'ōromo avoho namijējo. Namijējamu hejē'i ma-burēro dōro ri'ōromo aevoromo juvadeje.

<sup>11</sup> Juvamu ae aho'obēhe gavare Paul-ro ē hōru sisē'e aho ēhi ajamamu gagorovo simane sisē'i uehorovoromo uvoruomadeje: Paul-hu ē hōru sisē'e aho ajamamu aevoromo juvade hesi bēhoho Paul'o Barnabas'o bogo ma-aehu jēvo'i a'i aru'aho bōrōmoho niō'iro araeromo rueromo jabesi darugoho bōrōmēro jēvē'ero ēhu'ero Paul-ro ē iaho ajamade hōjo. Simane ēhi sisē'i uehorovoromo ri'ōromo jabesi Lycaonia jōero ma-darugo'o uvoruomadeje: O aveho bogo ma-aehu rue'i a'i muebejavuarue aru'aho bōrōmoho niō'iro araeromo nosi ōrire ruvebijē'e hōjo.

<sup>12</sup> Aru'aho bōrōmoho niō'i ruvebijē'e hōromo Barnabas jabesi sareri'e god hesi ihe Zeus jumuvoromo Paul-are jōho sarerivoromo uvoruomadeje: Nani ē aho nosi god Hermes jō bajuvaje aru'ahoho hōromo Paul Hermes jumuvorouomadeje Paul jōgoru jōvaje aego.

<sup>13</sup> Zeus aru'aho bōrōme hōromo rajahijarue osaho amo bēhiro jiē'ero Zeus rajahijarue mu muebejaje ahu'o uvadeje: Nani iae mae-ējo. Nosi aru'aho bōrōme Zeus-mē amore rovē'e hōromo cow ano'oho ujuohoromo ijino inovaroho ujuohoromo amo bōrōmore rejo ojo bēhire rovadeje. Rueromo hu'o a ioro'iorohu'o ēho jaburo Paul'o Barnabas'o aru'aho bōrōme jēvajēromo uvene aho rōjēhiromo ē mioho muo'amoromo vēniro mueromo i'imēmi'irōgoro ē'oruomadeje.

<sup>14</sup> Ĕhi ē'irōhe jōho henugoromo Barnabas'o Paul'o ē apostle-ho niō'iro uvareje: Ĕhi jiē'oho mu sisē bēhe hōromo jabesi niōgoho dadovo'amareje ae gōero garomo uvorōhego:

Jaburo nosi muoho bijönimoromo ë'aruëjo. Niögoho dadovoromo ma-ba viëhi jiaroho rue ae aho'obëhe jabesi ririre riravoromo ma-darugo'o uvareje:

<sup>15</sup> Asë'e jemë rabëni ëhioho ë'aruëjo. No bogo aru'aho bërômoho javuo'i no ma-ae jemë va'ëne javuajëjo. No jö maho majëhi'i rovare höjo ëhuro ëhi jië'e darugo rumo'e inömo ëma rajëhijarujoho vuonugo'i darugo jië'e aho God uehorovo'irarijego. God-ro ö'lidöe sa'ae jove bövie bise'e no bamavuade höjo.

<sup>16</sup> Urimë'i sa'a göre göre raromaruje aribövioho jemesi nimaruje nimaruje muoho vae'lego huro ma gë taemonövade höjo.

<sup>17</sup> Iae ëhi jiade höjo röhu God-ro hesi muoho aho'o bogo gurihi'i a'i jemë mae avohëvoromo hesi muoho röjëhibe rovade höjo jemëro garomo uvo'irarijego: Iae mae-ëjo. Hu ëhi jië'e a bëröme hö uvo'irarijego. Huro ëne nugö'öromomo i majaho rovego uvaje höjo: Iëro tagavëjo. Ioho tagavego uëvaje höjo: Jemëro i avohego da'uëgo'irajo. Nimoronimorohego dë vövöbajo'e sasohëvo'irajo. Huro hesi muoho ëhi röjëhibe rovë'e höjo.

<sup>18</sup> Biririvoromo ëhi jië'e jöho majëhiromomo dë vövöbajo'e huotovëho'i ë'o gavaroho mi suvoromo vënire bueromo bamëho'i ë'aroho bogo vuonugo varijënoho jië'e ëma vuonugareje.

<sup>19</sup> Vuonugamu iae Jew rajo a ioro'iorohuro Antioch amore Iconium amore jioromo rueruomadeje. Rueromo Lystra amo rajoho jabesinö jioruomöjoro mu sisë jöho biririvoromo majëhijareje. Majëhijamu Lystra amo rajoho jaburo ejëhoromo ajëmiromomo Paul munëro vajamiruomadeje. Vajamiromomo uvoruomadeje: Paul guomë'e höromomo amoro jiamu rori'o ruho baeromo va'oruomadeje.

<sup>20</sup> Bava'amu Keriso-are ariböviohuro ro Paul-are bëhire gagovoromo riravo rova'areje. Riravo rova'amu Paul-ro ri'öromomo rue amo bërömore vuonorö'ö va'adeje. Va'oromomo nëröho Barnabas-mu niö'iro ri'öromomo va'aroho va'o Derbe amore höröjareje.

*Paul'o Barnabas'o Syria sa'are Antioch amore vuonorö'ö va'are jöhoje.*

<sup>21</sup> Derbe höröromomo Iesuare jö maho majëhijamu ae aho'obëhe aevoromo Iesuare ijore ijore jijiharue aribövie jioruomadeje. Ëhi'amu gagorovo Paul'o Barnabas'o jaburo vuonorö'öromomo Lystra Iconium Antioch amore ekaresiaa ajëmibe va'areje.

<sup>22</sup> Ajëmiromomo jabesi dë vövöbajo'oho biririvëhoromo uënövareje: Biririvoromo Iesuare jöhemu mae uehorovonövorëjo. Ëhesi bëhoho God-are aji öri ari'ere va'i naguë'oho no vavaene bëröme baee va'ojuvo evare va'ejarejo.

<sup>23</sup> Ëhi uëbe a duvahe ekaresiaa jabesi simano vaeröhoho nugo'amobe ie bogo ijë'e mapariemu vaeromomo uëbe va'areje: Jemë Bada mae uehorovaruje a hesi övo döre rëmaruëjo. Ekaresiaa ëhi ajëmibe va'areje.

<sup>24</sup> Va'oromomo Pisidia sa'aho jireho barënugoromomo Pamphylia sa'are rovareje.

<sup>25</sup> Pamphylia rueromomo Perga amore ariromomo Iesuare jöho majëhinugoromomo va'o Attalia amore abuejareje.

<sup>26</sup> Attalia amore abo ariromomo boat-re ajiomoromomo jovo döre va'aroho va'o sionëro Antioch amore rovareje. Urimoho Antioch ekaresiaa jaburo Paul'o Barnabas'o God-are övo döre rëmareje huro ajëmego mu mae vaebe jireho'iröhego. Jaruvoho ë muoho barëjë'ëro Paul'o Barnabas'o sionëro rovareje.

<sup>27</sup> Rueromomo ekaresiaa uëvareje: Gagovohego jöe majëhijarejo. Majëhijarë uënugoromomo gagovamu uëvareje: God-ro ajamuijamu ëhi jië'e muoho vaeromomo rovare höjo. Huro öroho sa'a ioro'ioro rajohuni jiovëhamu jaburo Iesu mae uehorovare höjo. Ëhi'ade höjo.

<sup>28</sup> Ëhi majëhiromomo Keriso-are ariböviohu'o gemu mae majae ëgöbövie ë arijareje.

## 15

*Ekaresia jabesi a masijehu Jerusalem gagovoromomo Moses-hu bojëmade jögoru ë hesi jö mevare jöhoje.*

<sup>1</sup> Paul'o Barnabas'o Antioch amore arijamu iae ae göëro Judea sa'are jië'ëro rueromomo Keriso-are aribövioho majëhiromomo uënövareje: God-arire mae va'i nëgë'iroho Moses-hu Jew rajo nosi jögoru jajivadëhi sa'a ioro'ioro rajoho jemë'o sinoho ëhi tarivëhego God-are aribövie jëvo'irajo. Sino bogo tarivëhë'oho bogo maroho va'a'aruëjo.

<sup>2</sup> Bogo maroho va'a'aruëjamu hegorovo Paul'o Barnabas'o jaburo ri'öromomo irovoromomo darugo'o jö aho'ahëmiromomo i'e rovare aribövioho uëvareje: Sa'a ioro'ioro rajoho nadi ëhi jië'e jöho majëhirëjo. Majëhirëjamu Antioch ekaresiaa jaburo Paul Barnabas Antioch amore ekaresia a ioro'ioroho ëhi baejëvareje jaburo Jerusalem amore va'oromomo apostle ömo'ömo'u'o Jerusalem ekaresia a duvaho ioro'iorohu'o sino tarivo'iröhe jöho mevo'iröhego.

<sup>3</sup> Baejėvoromo rėmō'ōjāmu Paul'o Barnabas'o jaburo a ioro'iorohu'o gemu mae ae jōe majėhibe Phoenicia sa'are Samaria sa'are va'areje. Majėhiromo uėnōvareje: Sa'a ioro'ioro rajoho iae aevoromo God mae uehorovoruomohijajo. Ėhi uė'ego Christian aganoho aho'obėhe ė jōho heromo bōrōmo bėhe nimorohonōvareje.

<sup>4</sup> Amo ėhi jiė'e jōho majėhibe rueromo Jerusalem suorovareje. Suorovamu gėgorovo apostle aribōviahuro ekaresia a duvaho ōmo'ōmohuro ekaresia a ioro'iorohuro ėho jaburo jejėmiruomadeje. Jejėmijamu rueho jaburo jōho majėhiromo uėvareje: God-ro ėhi ajāmuamu muoho vaeromo rovere hōjo.

<sup>5</sup> Ėhi majėhijāmu Pharisee aribōvie Iesu mae uehorovarue a ioro'iorohuro ri'ōromo uėvareje: Iae ėhi hōjo rōhu sa'a ioro'ioro rajo jabesi sinoho tarivėhoromo jōe majėhiromo uė'ejarėjo: Moses-hu bojamuade jōgoroho ejahonōvorėjo. Ėhuremu mae hōjo.

<sup>6</sup> Ėhi uėvamu hegoro apostle aribōviahuro Jerusalem ekaresia a duvaho ioro'iorohu'o ė jōho mevo'li gagovareje.

<sup>7</sup> Jōho mevojuvo Peter-ro ri'ōromo uėvadeje: Aganomė jemė'o gavarujėjo urimė'li God-ro na jemesi ririre baejevade hōjo naro hesi jō maho majėhijego sa'a ioro'ioro rajoho jaburo heromo Iesu mae uehorovorōhego.

<sup>8</sup> Jaburo mae uehorovāmu God-hu hesi Aru'aho Jew rajo Keriso-are aribōvi mamuadėhi sa'a ioro'ioro rajoho jabu'o ėhi mėmāde hōjo ėhuro noro garomo uvorōhego: God ae aho'o nosi dē vōvōbajo'o gōvuajohuro hesi Aru'ahoho sa'a ioro'ioro rajoho mėmijė'ėro ėhuni huro jabu'o mae uehorovėvājėjo.

<sup>9</sup> God-ro Jew rajohu'o sa'a ioro'ioro rajohu'o bogo gō gō uehorovavuo'li ma-gemu uehorovavuae hōjo. Ėhesi bėhoho sa'a ioro'ioro rajohuro Keriso mae uehorovāmu God-ro jabesi sisėho u'ovėho barėjade hōjo.

<sup>10</sup> Moses-hu bojamuade jōgoroho i'u ma'ėro jiė'ėro no'o nosi hijo miono'ohu'o vaeromo mare va'irōhoho bogo eni javuade hōjo. Ėhi jiė'oho jemė rabėni nėgajėjo sa'a ioro'ioro rajohu'o ėhi jiė'e i'u'e muoho bojėmi'iro. Jemė rabėni God-are dėho bijjioho ga'li nėgajėjo.

<sup>11</sup> Bogajo. No mae uehorovoromo uvarue hōjo: Bogo noehu mu vaejaruohuro a'li hesi Bada Iesuhu huė baeromo ajāmuijajohuro iae ėhuro Jew rajoho no maro raromo'ejarėjo. Sa'a ioro'ioro rajo jabesi ōri jiajėhi noehu maro raromo'irōhe ōroho gemuho hōjo.

<sup>12</sup> Peter-ro ėhi majėhijāmu Barnabas'o Paul'o ri'ōromo uėvareje: God-ro ajāmuamu noro darugo'e mu gō gō ėhi ėhi vaeromo sa'a ioro'ioro rajoho ajėmibe jirehare hōjo. Ėjōho he'iro ae aho'obėhe jōrumoraejareje.

<sup>13</sup> Jōrumoraejāmu Barnabas'o Paul'o jōho majėhi barėjāmu hegorovo James-ro ri'ōromo uėvadeje: Aganomė nasi jōhu'o hehėjo.

<sup>14</sup> God-hu sa'a ioro'ioro rajo aevoromo uehorovėvoromo a ioro'ioro hesi baejėvade jōho Simon-ro ė jōho majāhuijāmu no hejare hōjo.

<sup>15</sup> Ėjōho iae mae hōjo. Ėhesi bėhoho God-hu sa'a ioro'ioro rajo baejėvorōhe jōho urimė'li jō God-aro baeromo majėhinōvare aribōviahuro jajivare hōjo. Jabesi ae gemuėro David-are ujo gagovėvorōhe jōho uhu'e huotovoromo jajivoromo uvė'e hōjo:

<sup>16</sup> Badaro uvavohijajo: Ėhesi ijōnō naro vuonorō'ō rueromo David-are javu dadorovadoho evare avoho vae'ejōjo.

Sisėrėjadoho naro avoho'iramū urimė'li namijadėhi ėhi nami'a'ajėjo.

<sup>17</sup> Nami'iramū sa'a gōėro gōėro Bada na birohevo'li nahevo'aruėjo.

Nasi jō bogo henōvare aribōviehu nasi iho baejarohuro ėhi ė'a'aruėjo.

Badaro ėhi uvajėjo.

<sup>18</sup> Mami gō'e huro ė jōho aevoromo majėhadoho hebe rovė'e javuajėjo.

Ėhi jajivė'e hōjo.

<sup>19</sup> Ėhuni na ėhi uehorovajėjo. Sa'a ioro'ioro rajehu huotorovoromo God mae uehorovė'oho no nosi i'u'e muoho jabesi ōriroho bogo bojėmi'li

<sup>20</sup> a'li ma-suriro jōho nugō'ōromo uė'ejarėjo: Aehu sareri'e god gōėni gōėni bahijė'e mioho uvorėjo: Sisė hōromo nadi ue'ahorėjo. Nadi ōnō'oho jijjiorėjo. Mi hesi kōho nadi ue'ahorėjo. Huė ahahė'e mioho kō'e jiaje nadi ue'ahorėjo. Ėjōhemu jajivo'ejarėjo.

<sup>21</sup> Ėhi jiė'e jōgoru jajivo'irōhe ė hesi bėhoho Moses-hu ėhi jiė'e jō bamadoho mami'e ame aho'obėhe majėhibe rovė'e hōjo. O hesi jōho Jew rajo nosi nuho majāho rovego noehu God rajahijarue osare Moses-are jōho adahego jaburo hejarue hōjo. Ėhuni ėhi jiė'e mu gororovo'irōhe jōho sa'a ioro'ioro rajo jabesi ōrire nugō'ō'ejarėjo.

*Jerusalem ekaresia a masijehu suri suri jajivoromo sa'a ioro'ioro rajehu Keriso mae uehorovarue aribōvi jabesi ōrire bamėhare jōhoje.*

<sup>22</sup> James-ro ēhi uēvamu hegoro apostle-ho jabu'o ekaresia a duvaho ōmo'ōmohu'o ēho jaburo jōe mevoromo uvareje: Ē'ego no nosi a ioro'ioroho baejēvego jaburo Paul'o Barnabas'o gemu mae Antioch amore va'irarējo. Ēhi majēhijamu ekaresiae ae aho'obēhe uvareje: Ēhi jiē'o'oho iae mae hōjo. Ēhi uvoruomoromo Judas hesi iho gōho Barsabbas'o Silas'o jabumē niō'i baejēvareje ekaresiaho jaburo ē ae niō'i jabesi ōrire mae uehorovaruēro jiē'ēro.

<sup>23</sup> Baejēvoromo suroho jajivoromo bava'ojōro bojēmijareje. Surire jajivare jōho ēhi uvē'le jiadeje: O asē'le Jew rajoho bogo a'i sa'a ioro'ioro rajoho Antioch amore Syria sa'a ioro'iore Cilicia sa'are raromaruje aribōviahumē apostle aribōviohu'o Jerusalem ekaresia a duvaho ōmo'ōmohu'o jemesi ō mueno'ēro javuē'ēro noro jemesi ōrire jejēmaruējo.

<sup>24</sup> Rōhu no hejare hōjo uvavamu: A ioro'iorohuro nosirire jioromo ō'are hōjo. Ō'oromo jōe gō majēhiromu jemesi simanoho sisēvojēhamu uehore gō gō baejarije hōjo. Rōhu ēho bogo noehu uēvamu ē'are hōjo.

<sup>25</sup> Ēhuni no ae aho'obēhe gemuoro gagovoromo jōe mevoromo uehore gemuoho baeromo uvare hōjo: Noro ae gō baejēvo'ejarējo jemesi ōrire rēmō'ōjēvego jaburo nosi aemo'aeme Barnabas'o Paul'o gemu mae ō'irōhego.

<sup>26</sup> Barnabas'o Paul'o vuovēvorōhe jōho bogo uehorovē'le ma-birivoromo nosi Bada Iesu Keriso-are muohuremu uehorovē'le arijare hōjo.

<sup>27</sup> Rōhu Judas'o Silas'o jabu'o gemu mae rēmō'ōjēvaruējo jaburo ō'oromo noehu jajivarue jōe gemuoho majēhijego he'irarijego.

<sup>28</sup> God-are Aru'ahohu'o no'o jōe gemuoho uehorovoromo uvaruējo: Jew rajo nosi i'u'e mue gō gō bogo bojēmi'i ave jōgorohuremu bojēmi'ejarējo.

<sup>29</sup> Aehu sareri'le god gōēni gōēni bahijē'le mioho nadi ue'ahorējo. Mi hesi kōho nadi ue'ahorējo. Huē ahahē'le mioho kō'e jiaje nadi ue'ahorējo. Nadi ōnō'oho jijihorējo. Ēhi jiē'le mu gororovē'oho ēhuro mae jēvo'ajējo. Ahia mino'ējo. Surire jōho ēhi jajivoromo bojēmijareje bava'orōhego.

<sup>30</sup> Bojēmiromu rēmō'ōjamu Paul Barnabas Judas Silas ēho jaburo va'aroho va'o Antioch amore suorovareje. Suorovonugoromo Christian aribōvioho aho'obēhe gagovēvoromo suroho bojēmijareje.

<sup>31</sup> Suroho bojēmamu ekaresiae ae aho'obēhe hejare adahoromo uvavamu: Jew rajo nosi i'u'e muoho sa'a ioro'ioro rajoho bogo bojēmi'ejarējamu hegorovo uvareje: Sasohē'le mu maho rovē'le hōromo nimorohoruomadeje.

<sup>32</sup> Ēhi'amu Judas'o Silas'o jō God-aro baeromo majēhijarue aēro jēvē'ēro majae ēgobōvie jōe majēhiromu Christian agano jabesi dē vōvōbajo'oho biririvēhareje.

<sup>33</sup> Ēhi'oromo majae ēgo'o Antioch arijamu evare ē Christian aganhuro rēmō'ōjēvoromo uēvareje: Huē mae baeromo va'orējamu jaburo Jerusalem jioromo rēmō'ōjēvamū rovarē ē aribōvi jabesirire sionēro va'areje.

<sup>34</sup> [A'i Silas-ro ēhi hi'i uvadeje.]

<sup>35</sup> Iae Paul'o Barnabas'o jaburo Antioch majae ēgo'o arijareje. Ariromu jabu niō'i o a ioro'ioroho aho'obēhe ēho jaburo Badare jōho ekaresiae majēhiromu bēhoho rōjēhinōvareje.

*Paul'o Barnabas'o jō aho'ahamirovoromo gemuore jireharoho vuonugo'i ōre gō ōre gō va'are jōhoje.*

<sup>36</sup> Ēhi'ojuvo iae Paul-ro Barnabas uavadeje: No urimo Badare jōho majēhibe amo gōre gōre dinō'le dinō'le jireharire ē'tego no ē vuonorō'ō va'oromo gēvarējo Christian aganhoho diehi diehi muoho vaeruomego.

<sup>37</sup> Ēhi uvavamu hegoro Barnabas-ro uavadeje: Iae mae hōjo rōhu na negajējo John Mark-ro no'o ō'ojōro.

<sup>38</sup> Ēhi uvavamu Paul-ro uavadeje: Bogajo. John Mark-hu no'o ō'ē'oho bogo maehu hōjo. Ēhesi bēhoho urimē'i mue ajamuibe juvoromo Pamphylia sa'are ramu'ō'i sionēro rovade hōjo. Ēhi jiē'le a bava'ē'oho na bijōnegajējo.

<sup>39</sup> Bijōnegajē uaromo Paul'o Barnabas'o irorovoromo gōēro ōre gō va'i gōēro ōre gō va'adeje. Va'iro Barnabas-ro Mark hu'irae baeromo boat-re ajiomoromo Cyprus sa'are va'adeje.

<sup>40</sup> Cyprus va'irōgoro Paul-ro Silas uavadeje: Rovego ja'o na'o muoho vaebe jireho'irarējo. Jireho'irarējamu Silas-ro uavadeje: Iae ēhi'ojarējamu Christian agano ōmo'ōmohuro Paul'o Silas'o Badare ōvo dōre rēmareje huro ajēmego mu mae vaebe jirehorōhego. Rēmamu Paul-ro Silas hu'iraeromo va'adeje.

<sup>41</sup> Hu'iraeromo va'adoho va'o Syria sa'are Cilicia sa'are ekaresia aribövioho jöe majëhiromo ëhuro jabesi dë vövöbajo'oho biririvëhobe va'adeje.

## 16

*Timothy-hu aevoromo Paul'o Silas'o gemu mae juvade jöhoje.*

<sup>1</sup> Va'oromo Paul-ro va'adoho va'o Derbe amore ro hiromomo va'adoho Lystra amore rovadeje. Röhu Keriso uehorovaje ae gemuëro ë hijadeje. Hesi ihoho Timothy jiadeje. Hesi vëmoho Jew raje Iesu mae uehorovaje magonahe jiadeje. A'i hesi vavuoho Greece raje jiadeje.

<sup>2</sup> Christian agane Lystra amore Iconium amore raromaruohuro uvoruomadeje: Timothy hu mu mae vaejaje ae höjo.

<sup>3</sup> Paul-ro nimadeje Timothy hu'irae va'ego hu'o juvoröhego. Hu ëhi nimoromo röhu uvadeje: Jew raje ave sa'are röhu dirö'e göre göre raromaruohuro garomo uvaruëjo: Timothy-are vavuoho bogo Jew rajoho jië'ëro sinoho bogo tariojahë'e höjo. Ëhi uvoromo Timothy-are sinoho bogo tariojahëgo Jew rajëro hesi jöho bogo ejahojöëni Paul-ro uëvadeje Jew rajehu ë'aruëhi Timothy-are sinoho tariojahojöro. Ëhi ë'ë'ëro hu'irae baeromo va'adeje.

<sup>4</sup> Va'oromo Paul'o Silas'o amore amore jöe majëhibe va'areje. Majëhiromomo Keriso-are aribövioho uënövareje: Apostle-ho jabu'o Jerusalem ekaresia a duvaho ömo'ömo'u'o ëhi jië'e jögoroho uehorovë'ëro bojëmijare höjo jemëro ejëhonövo'irarijego. Ëjöhö ejëhonövorëjo.

<sup>5</sup> Ëhi jië'e jöho majëhibe va'ego ekaresia ariböviohuro biririvoromo Keriso mae uehorovobe va'areje. O majae ëhi ekaresiae aho'obëhe marohëvobe va'adeje.

*Paul-hu Troas amore va'oromo nia'ovo'iraeromo gavade jöhoje.*

<sup>6</sup> Paul'o Silas'o jöho majëhibe va'amu gavë'i God-are Aru'ahohuro jabumë tugohëvadeje Asia sa'aroho jöho bogo majëhiröhego. Tugohëvë'ëgo Phrygia sa'a'o Galatia sa'a'o birorohade ënire ë jireho va'areje.

<sup>7</sup> Va'aroho va'o Mysia sa'a viture va'aroho Bithynia sa'are va'ia'amu Iesuare Aru'ahohuro uëvadeje: Nadi ë sa'aho va'ohëjo.

<sup>8</sup> Ëhi uëvamu Bithynia sa'aroho bogo va'i Mysia sa'aremu rova'oromo abuejaroho abo Troas amore höröjareje.

<sup>9</sup> Troas hörönugoromo vahiromamu Paul-ro nia'ovo'iraeromo gavadeje Macedonia raje ae gemuëro namiromomo dinamiromomo uavamu: Macedonia sa'aro rueromo ajamuinëjo.

<sup>10</sup> Nia'ovo'iraeromo ëhi ganugoromo Paul-ro Silas-ro naro evare uvareje: God-ro uöromomo ë'ajëjo: Macedonia sa'a rajoho Iesuare jö maho majëhihë uövuajë uvoromo maburëro va'iro bövioho bise'oho avohareje.

*Paul'o hesi ariböviohu'o Philippi amore ro jö atamu hegorovo Lydia-hu mae uehorovade jöhoje.*

<sup>11</sup> Ëhi'onugoromo Troas jioromo boat-re iojioromomo ma-ahorirëro jovo döre va'aroho va'ao Samothrace sa'are suorovë'ëro nëröho jovo döre va'aroho Neapolis amore suorovareje.

<sup>12</sup> Neapolis suorovonugoromo örëro va'aroho Philippi amore suorovareje. Ëamoho Macedonia sa'are jiadeje. Macedonia sa'a börömoho röhu ë sa'aho taritarivë'e ihe gö gö jiadeje. Röhu sa'a dirö'e gemu börömoho jiadeje. Ëdirö'ore sa'are Philippi amoho jiadeje. Rome amo rajohuro rueruomoro ë amoho aevo'i ioromo raromobe rovë'e jiareje. Amo noro ro Philippi amore suorovoromo majae gemu niö'i ë raromareje.

<sup>13</sup> Raromoromo iae Jew rajo nuho majaho rovamu noro uvareje: Nani Jew rajo ariböviohuro God-are örire jöe ato'i nume jovo riröre abo raromarue höromomo amore jioromo ë abuejareje. Abueromomo ë raromoromo gagovoromo raromarue magonaho ömo'ömo'ho Iesuare jöho majëhijareje.

<sup>14</sup> Jöe majëhijamu magonahe gemu hesi ihoho Lydia-ro ë hiromomo hejadeje. Lydia hu Thyatira amo rajo magonahe jiadeje. Hu kavuë'e niögu maho imo'amaje magonahe jiadeje. Hu bogo Jew rajo magonahehu jiadeje röhu Jew rajo ariböviohu'o gemuore God rajahinëvadeje. Röhu Badaro Lydia-are dë vövöbajo'oho jiovahë'ëro huro hejade Paul-ro Iesuare jöho majëhijamu hegorovo jöho ejahadeje.

<sup>15</sup> Ejahoromo hu'o hesi osare raromarue ariböviohu'o bapataeto vaejareje. Vaenugoromomo ë magonahohuro uövuadeje: Jemë uvarujoho: Iae mae-ëjo. Nöröro Bada mae uehorovajë uvarujoho jemëro rueromomo nasi osaro raromohëjo. Ëhi uöromomo dinamujamu ejahareje.

*Philippi amo rajo jabesi a masijehu Paul'o Silas'o savoji gagore ba'amëvare jöhoje.*

<sup>16</sup> Èhi ë'ë'ëro iae noro God-are örire jö ataruire va'i va'amu gavë'i magonaho aboride gemüero örire birohavuadeje. Èmagonahoho hesi ma-a masijo jabesi muemu vaejêhaje magonahe jiadeje. Röhu Satan-are aru'aho sisë gemüero hesi dë vövöbajo'ere abuejamu simanoho sisërëjê'ëro ëhu'ëro rabe rabe ijönö jioröhe jöho iae hu ae huruoho majêhinövadeje. Majêhiromo monie mana baenugoromo hesi a masijo ömo'ömo ho i'imëmi'ego rueho jaburo moni bërömo mae baenövareje.

<sup>17</sup> Amo ë magonahohuro simanoho sisërëjê'ëro Paul'o no'o rihirimavuuromo darugo'o uvobe rovadeje: Èaribövioho jabumë God dö mare hijaje hesi mu aribövie jëvájëjo. Jemëhu sisëroho bogo va'i maro va'irarije öroho röjêhijarue höjo.

<sup>18</sup> Èjõe gemuoho majae aho'o rihirimavuuromo uvobe ruenövadeje. Èhi'ojuvo Paul-ro he'i hiromo vörönimamu hegoro vo huutorovoromo magonaho hesi dëre aru'aho sisëho uavadeje: Iesu Keriso-are ihoro naro ja uavájëjo: Aruëre magonaho hesi dë vövöbajo'eroho hörö va'ëjo. Va'ëjamu gavë'i evare höröromo va'adeje.

<sup>19</sup> Höröromo va'amu ë magonaho hesi a masijohuro garomo uvareje: Aru'ahoho magonaho hesi dëre rarovö'öjahê'ëro jî'ëro ë magonahoho rabe rabe ijönö jioröhe jöho bogo majêhiromo ëhuro monie gö'o bogo baeromo bojamui'iramu bae'ëjarëromo Paul'o Silas'o guduumëvoromo amo ririre jagu baejêvo rovareje amore a masijo jabesi nunire rëmoröhëro.

<sup>20</sup> Jagu baejêvo rueromo Rome rajehu court mevarue a jabesi nunire rëmonugoromo Paul'o Silas'o jabesi jö sisëho majêhiromo uëvareje: Ave aho Jew raje aëro jëvë'ëro nosi amore mu sisë barueromo ijumavuaruëjo.

<sup>21</sup> Èhesi bëhoho Rome nosi jögoroho ahoromo jabesi muoho röjahuijaruëjo. No Rome rajëro javuë'ëro jabuhu röjahuijarue mu ejëhoromo vaejê'oho bogo maehu höjo.

<sup>22</sup> Bogo maehu höjamu hegoro rue amo raje ae aho'obêhe gemuore gagovoromo ajëmiromo anëgo'ië'areje. Anëgo'ia'amugo amore a masijohuro Paul'o Silas'o jabesi niögoho ma'eno dadovëhoromo jîjövëhoromo police uëvareje: Hisuebijëvohëjo.

<sup>23</sup> Hisuebijëvohëjamu hisuebijëvo'i arijuvo hisuebijëvonugoromo baejêvo va'o savoji gagore ba'amëvoromo savoji muebejaje aho uavareje: Ave ae niö'ioho avoho muebejëvonëjo. Ju'ebi'aruëjo.

<sup>24</sup> Èhi uavamu hegoro baejêvo va'oromo savoji osa riri avoho ba'amo rëmoromo höröho ijo dirö'ore bahijëhoromo evare i'u'e ijo ha'osi göho baro havoromo muoho taemëvamu ëhi ariemu arijareje.

<sup>25</sup> Ariromo vahi riri'e jiamu Paul'o Silas'o God-are örire jöe majahiromo hu rajahiromo jöe iareje. Rajahiromo jöe iavavamu savojire a ioro'iorohuro heruomadeje.

<sup>26</sup> Èhi'amu gavë'i sa'aho ma-majioho hijiohijiovamu savoji gagoho aho'obêhe ë javu vaejare munë sa'a uhure jio'amajohu'o sisë maro hijiohijiovadeje. Hijiohijiovamu gavë'i evare oje aho'obêhe jiororovoromo ae aho'obêhe tövëvare ö'oho jiororovo'amadeje.

<sup>27</sup> Jiororovo'amamu iae savoji muebejaje ahuro niavë'ëro ri'öromo gavade ojoho aho'o jiororovo'amë'e jiamu gagorovo uvadeje: Huruomë'e hörömo kaëjö ëgoho jîjörömo hesi arijo'arije anorovo'ië'adeje.

<sup>28</sup> Hesi anorovo'ia'amu gavë'i Paul-ro ma-darugo'o uavadeje: Èhi jî'ë'oho vuonugëjo. No ae aho'obêhe aviae javuajëjo.

<sup>29</sup> Aviae javuajëjamu uvadeje: Iroho gae ujuoho ruehego gavöromo ma-burëro rovadeje. Rueromo juhuonivoromo butubutumoromo Paul'o Silas'o jabesi bëhire behumorovadeje.

<sup>30</sup> Behumorovë'ëro hu'irae ömëvoromo amonö va'oromo uëvadeje: Na diehi ë'ëjöjo ëhuro maja ijoho na sisëroho bogo va'i maro va'irode.

<sup>31</sup> Diehi ë'ëjöjamu uavareje: Bada Iesu mae uehorovë'oho God-ro ja manö bamavo'iramu maro va'a'anuëjo. Ja'o jasi osare raromaruohu'o ëhi jëvo'ajëjo.

<sup>32</sup> Èhi'onugoromo Badare jöho majêhijamu rue savoji muebejaje ahu'o hesi osare raromaruohu'o jaburo hejareje.

<sup>33</sup> Henugoromo evare majaroho vahiromë'iro Paul'o Silas'o hu'irae ömëvo va'oromo sinore nemo'amadoho u'ovëho'amoromo hu'o hesi osare raromaruohu'o ma-burëro bapataeto vaejareje.

<sup>34</sup> Bapataeto vaenugoromo Paul'o Silas'o hu'irae ömëvoromo osare ajiomoromo ie i'imëmi'jadeje. Ie i'imëmiromo hu'o hesi osare raromaruohu'o God mae uehorovë'ëro nimoroho avohareje.

<sup>35</sup> Èhi ë'ë'ëro sisonuvamu gagorovo Rome rajehu court mevarue a masijohuro police-oho jöe bojëmiromo rëmö'öjamu va'oromo savoji muebejaje aho uavareje: Savoju gagore arijarue ae niö'ioho ojoho jiovëhego va'irarëjo.



<sup>36</sup> Va'irarëjama hegorovo savoji muebejaje ahuro Paul uavadeje: Court mevarue ariböviohuro jõe nugö'öj'e höjo naro rëmö'öjego Silas'o ja'o höröromo va'irarijego. Èhuni höröromo mae va'orëjo.

<sup>37</sup> Mae va'orëjama Paul-ro ri'öromo police-oho uëvadeje: Röhu nosi sisë bogo birohë'e a nuniro ëma hisuebijavuare höjo. Èho bogo maehu höjo no Rome rajëro javuë'ëro. Èhi'oromo savoji gagore ba'amavuare höjo. Èhi ë'are höjo röhu jaruvoho jabumë diehi'oromo saginiëri ramuö'ö'ië'aruëjo noro va'ojöro. Bogo ëhioho höjo. Nadi'ego court mevarue ariböviohuro rueromo jabesi övëro baejavuego höröromo va'irarëjo.

<sup>38</sup> Èhi uëvamu hegorovo police-ohuro jöho bava'oromo court mevarue aribövioho majëhijareje. Majëhijama hegorovo hejare Paul'o Silas'o Rome rajë ae jëvamu hegorovo juhuonivareje.

<sup>39</sup> Juhuonivoromo rueromo Paul'o Silas'o sanuëmiromo savoji gagore jëvamu hu'irae ömëvo rueromo uëvareje: Jemëro nosi amoho vuonugo'i va'orëjo.

<sup>40</sup> Va'orëjama Paul'o Silas'o jaburo savoji gagore jioromo höröromo Lydia-are osare va'areje. Va'oromo Christian agano ömo'ömohe gëromo jögore mëmiromo va'areje.

## 17

*Paul'o Silas'o Thessalonica amore va'oromo huë vavaeni baejare jöhoje.*

<sup>1</sup> Va'oromo Paul'o Silas'o Amphipolis amore va'aroho Apollonia amore va'aroho va'o Thessalonica amore höröjareje. Höröromo gavareje Jew rajehu God rajahjarue osaho ë jiamu.

<sup>2</sup> Jew rajehu God rajahjarue osaho jiamu gagorovo Paul-hu amore amore juvoromo God rajahjarue osare va'onövädëhi ëhi ë osare va'adeje. Va'oromo God-are surire jöho adahoromo ë jö hesi bëhoho Jew rajo ariböviohu'o gemu mae mevadeje jabesi simane huotovëho'i. Nuho majae niö'i gemu rue'ego ëhi ë'onövadeje.

<sup>3</sup> Bëhoho røjëhiromo uënövadeje: God-are surire jö urimë'i jajivare hesi bëhoho God-hu uavë'ëro bëröme namiromo ajamu'iröhe aehu rovë'iroho huro huë vavaene baeromo guomoromo i'ovoromo ri'ö'a'ajëjo. Surire jö hesi bëhoho ëhi höjo. Röhu naehu majëhijaje aho Iesu hu iae ë bëröme namiromo ajamuijaje aho höjo.

<sup>4</sup> Èhi jië'te jöho majëhijamu Jew rajo a ioro'iorohuro uvareje: Iae jö mae höjo. Jö mae hö uvoromo aevoromo Paul'o Silas'o gemu mae jijihareje. Greece rajehu God mae uehorovarue aho aho'obëhe magonaho masijoho aho'obëhe jabu'o Paul'o Silas'o gemu mae jijihoruomadeje.

<sup>5</sup> Ae aho'obëhe Paul'o Silas'o gemu mae jijihamu gëgorovo Jew rajoho ëhuni dë vörönëgadeje. Dë vörönëgamu örire ëma jijiharue a sisëhu mu sisë vaejöro gemuoro gagovëvareje. Gemuoro gagovëvoromo muorovo jöho ma-darugo'o atamu amo rajë ae aho'obëhe heromo muorovo'i ë'oruomadeje. Muorovo'i ë'oromo ri'öromo Jason-are amoho ro juhiromo osare va'oromo Paul'o Silas'o nahëvareje guduamëvoromo amonö baejëvo rueromo ae aho'o jabesi nunire rëmo'iro.

<sup>6</sup> Jason-are osare va'oromo gavare Paul'o Silas'o bogojëvamu gagorovo jaburo Jason o Christian agane gö gö guduamoromo jagu ujuoho va'oromo amore a masijo jabesi nunire bamëvoromo ma-darugëremu uëvareje: Majae hö'öjajire nume beva'ajire huë sisë öri røjëhibe jijihaje aribövioho ave nosi amohu'o rovë'e höjo.

<sup>7</sup> Nosi amohu'o rovamugo Jason-ro uëvade höjo: Ro nasi osaro arihëjo. Huro ëhi uëvamu hesi osare arihë'ëro Rome a bërömehu bojamuijade jöho ahoromo sareramuiromo uövuaruë höjo: A ioro'ioro iosiramuiromo bërömo namijaje aho bogo Rome hiromo bëröme namiromo no muebejavuaje aho jio'i a'i hesi ae gö höjo. Hesi ihoho Iesu höjo.

<sup>8</sup> Èhi majëhijamu hegorovo amore ae aho'obëhe o jabesi masijoho aho'o vörö'iraeruomadeje.

<sup>9</sup> Vörö'iraeromo amore a masijohuro Jason'o Christian a ioro'iorohu'o uëvamu monioho bojëmijamu ëhuro rëmö'öjama va'areje.

*Paul'o Silas'o Berea amore va'oromo ë'are jöhoje.*

<sup>10</sup> Èhi'oromo vahiromamu gavë'i Christian aganhuro Paul'o Silas'o Thessalonica amore jëvamu rëmö'öjëvareje Berea amore va'iröhego. Rëmö'öjëvamu va'oromo Berea amore höröjareje. Höröromo Jew rajehu God rajahjarue osare va'oromo Iesuare jöho majëhijareje.

<sup>11</sup> Jöho majëhijamu Berea amo rajohuro Thessalonica amo rajoho iosirëmiromo simano mae uehorovë'e ariböviohe jioruomadeje. Simano mae uehorovë'ëro God-are jöho he'i nimo avohareje. Heromo God-are surire jöho adaho'i arijareje ga'iro Paul-hu majëhijade jöho jö mae o sareri jöe jiego.

<sup>12</sup> Mae o sareri jõe iego ga'i adahonugoromo Jew raje ae aho'obêhe Iesu mae uehorovareje. Jew rajëro mae uehorovo'i Greece rajo magonaho masijohu'o Greece rajo ama'i'o ae bogo bise'o vadu'o ho Iesu mae uehorovoruomadeje.

<sup>13</sup> Èhi'amu Jew raje rue Thessalonica amore raromaruoho jaburo hejare uvavamu: Paul-ro God-are jôho Berea amore majëhijë'e jiajëjãmu hegoro Berea rueromo amo raje ae aho'obêhe jabesi dêho iëhareje jaburo vörö'iraeromo Paul'o muorovo'iröhego.

<sup>14</sup> Èhi'amu gavë'i Christian aganohuro Paul nugö'öjamu abuejadoho abo sö jovore höröjadeje. Èhi'o'irögoro Silas'o Timothy'o Berea amore èhi arijareje.

<sup>15</sup> Arijamu Paul namijaho va'are ariböviohuro hu'irae bava'oromo Athens amore suorovoromo è nugareje. Paul è nugaromo Berea vuonorö'ö va'ia'amu gagorovo Paul-ro uëvadeje: Va'irarijoho Silas'o Timothy'o uëregö ma-burëro rue'irarëjo. Èhi uëvamu hegorovo va'areje.

*Paul-hu Athens amore hiromö Iesuare jö majëhijade jöhoje.*

<sup>16</sup> Va'amu gagorovo iae Paul-ro Athens amore hiromö Silas'o Timothy'o muebejëvadeje. Hiromö muebejëvoromo gavade aru'aho'e höromö uvene aho röjahi'amarue inömo ho aho'obêhe amore jiorovamu gagorovo uvadeje: Amo rajoho God-are jôho bogo hejarue höromö èhuni dê vövöbajo'e aho'o vavaenimadeje.

<sup>17</sup> Vavaenimoromo Jew rajehu God rajahjarue osare va'oromo Jew rajohu'o sa'a ioro'ioro rajehu God mae uehorovarue ariböviohu'o Iesuare jôho mevoromo jabesi simane huotövêho'iro vae majae imo'amarue öri ari'ere va'o namiromö ganövade ae rue'ego jabu'o Iesuare jôho mevonövadeje jabesi simanohu'o huotövêho'iro.

<sup>18</sup> Jôho mevo'ego Epicurus-are jö hesi ijore ijore jijiharue ariböviohu'o Stoic jö hesi ijore ijore jijiharue ariböviohu'o èhi jië'e ariböviohuro God-are jôho bogo hejaruëro jië'ëro Paul-are örire rueromo jö aho'ahaminövareje. Jö aho'ahamiromö a ioro'iorohuro uarvonövareje: Simano bogojië'e aho rahuro rajahijöro jôho jövajëjo. Rabu jõe jövo'i è'ajëjo. A ioro'iorohuro uarvonövareje: Nani sa'a gö rajehu böröme hö uehorovarue aru'aho jabesi jôho huro majahuiromö è'ajëjo. Jabuhu èhi uarovare hesi bëhoho Paul-ro Iesuare jôhu'o aehu vuovoromo ri'öjarue jôhu'o majëhijamu hejë'ëro èhuni uarovareje: Sa'a gö rajo aru'aho jabesi jôho majahuijajëjo.

<sup>19</sup> Èhi uarovoromo Paul uavareje: Rovego no Areopagus dahorure ajiomarëjo èhuro è gagovarue a masijo jabesi nunire jasi jôho jövegö heröhe höjo. Èhi uanugoromo hu'irae bava'oromo Areopagus a masijo jabesi nunire nugaromo uavareje: Jö i'e jaehu baeromo rovanuoho no he'i naguajëjo.

<sup>20</sup> Jaehu jövanue jôho bogo hejaruëro jië'ëro èhuni no naguajëjo avoho he'iro.

<sup>21</sup> Èhi uavare hesi bëhoho Athens amo rajohu'o sa'a ioro'iorore jioromo ro Athens raromarue ariböviohu'o èho jaburo jö i'e èhemu atemu atoromo hemu henövareje. Èhi jië'e muohemu uehorovonövareje.

<sup>22</sup> Èhi'amu Paul-ro è a masijo jabesi nunire ri'ö namiromö uëvadeje: Athens amo rajomë na jö harihe majëhi'ie'ajëjo. Na gëvajoho jemë aru'ahe gö gö mae uehorovëvarue aribövio jëvajëjo.

<sup>23</sup> Èhesi bëhoho na jemesi amore juvode höjo. Juvoromo jemëhu aru'aho rajëhijaruje öri ari'oho gabe juvo'i gavode höjo munë maratue hitavoromo sehoromo jajivoromo uvë'e jiamu: Ave maratu hesi bëhoho hesi iho bogo hejarue aru'ahohuni ave maratuoho èma hitavo nugaruëjo. Èhi uvë'e jiamu gavë'ëro jemë hesi iho bogo hejë'e èma rajahijaruje aru'aho hesi jôho iae na röjëhi'irögoro è'ajëjo.

<sup>24</sup> Èaru'ahoho iae God höjo. God-hu sa'a bövi bise'o bamade aho höjo. Huro böröme namiromö ö'idörohu'o sa'arohu'o muebejavuajë höjo. Èhuni ma-aehu hu rajahi'i vae'amare osaroho hu bogo èho hijaje höjo.

<sup>25</sup> Hu eni jië'e aego no bogo hunioho vavaenimoromo bövioho bise'oho avohoromo hu i'imami'ëjarëjo. Èhesi bëhoho huro gemuëro no ae aho'o birire bojamuego nue ahoromo daruge bövie bise'e baeromo raromarue höjo.

<sup>26</sup> Huro ae gemu bamade höjo. Bamoromo è aho baeromo èhuro sa'ae aho'obêhe raje avohëvobe rovë'e höjo jaburo sa'ae dinö'e dinö'e va'oromo raromoröhego majae hö'öjajire beva'ajire. A bogo bamadevare evare huro uvade höjo: Aribövioho è majare raromö'i è majare rireromobe va'oromo è sa'are è sa'are raromobe va'ajëjo.

<sup>27</sup> Huhu bamëvade hesi bëhoho aëro God ga'i nahobe va'iröhego. Nahobe va'öjuvo nani bihoröhëgo. Röhu God bogo ègoroho jio'i ae gemu gemu no'o hi juvaje höjo.

<sup>28</sup> Ëhesi bëhoho noro hesi darugoro raromo jijihole vaejarue hõjo. Ëjõe gemuoho jemesi gavê'e aribõviohuro jajivoromo uvê'e hõjo: Iae no ae aho'obêhe hesi aboji harihu'e javuajêjo. Ëhi uvare hõjo.

<sup>29</sup> No God-are aboji harihu'ëro javuë'ëro ëhuni no bogo uehorovoromo uvo'ejarêjo: God hu aehu gold silver munê gõ gõ ujuohoromo õvo sasohoromo simano sasohoromo sehoromo avoho'amare inõmoho va'ëne hõjo. No bogo uvo'ejarêjo: God hu ëhi hõjo.

<sup>30</sup> Urimoho aehu God-are jõ bogo hejare majare God-ro gëvade aëro ëhi jiê'e inõmoho aru'aho'e hõromo uvene aho røjêhi'ego gëromo ma-gë taemonõvade hõjo. A'i avevejõ'oho ae aho'obêhe sa'ae dinõ'e dinõ'e raromaruje aribõvioho uëvajêjo: Uehoro sisêho vuonugo'i nasi õro ruehêjo.

<sup>31</sup> Ëhi uëvaje hesi bëhoho huro majaho bamê'e hõjo sa'are ae aho'obêhe hesi court-re riravo'irõhego. Riravo'iramu huhu uavade ahuro hesi ihore court vaejëvoromo ae aho'o jabesi jõho avoho mevoromo gë'a'ajêjo gë'i ae mae o sisê jëvego. Aëro ma-samaro uvorõhego: Ëahuro mevo gõ'a'ajê uvorõhego ëhuni hu ajamamu guomoromo ri'õjade hõjo.

<sup>32</sup> Guomoromo ri'õjade jõho heruomoromo a ioro'iorohuro sivareje. A ioro'iorohuro uavareje: Jasi jõho rõhu maho u'emum he'ejarêjo.

<sup>33</sup> Ëhi'amu Paul-ro gagovaruire jioromo va'adeje.

<sup>34</sup> Va'amu a ioro'iorohuro aevoromo hu'o gemu mae jijihole va'oromo Iesu mae uehorovareje. Areopagus dahorure gagovaje a bõrõme gemu hesi ihe Dionysius o magonahe gemu hesi ihe Damaris o ae gõ gõ ëho jaburo mae uehorovareje.

## 18

*Paul-hu Corinth amore va'oromo ë'ade jõhoje.*

<sup>1</sup> Ëhi'amu gagorovo Paul-ro Athens amore jioromo va'adoho va'o Corinth amore hõrõjadeje.

<sup>2</sup> Corinth hõrõromo Jew rajo a ihe Aquila birohadeje. Aquila hu Pontus amore rahade ae jiadeje. Rahê'ëro ijonõ va'o Italy sa'are hijadeje. Hiromo Rome a bõrõme Claudius-ro Jew rajo aribõviohuro Rome jëvamu va'o barêjõro uëvamu gagoro hu'o hesi vabore Priscilla'o Rome jioromo Corinth amore aviavejõ'e rovareje. Corinth aviavejõ'e rovamu Paul-ro jabumê gë'i va'adeje.

<sup>3</sup> Va'oromo Paul o Aquila o Priscilla mue gemuoho vaeromo niõgu javue vaejaruëro jiê'ëro Paul-ro jabu'o hiromo ë muoho gemu mae vaeromo ijo bajoho mana baenõvareje.

<sup>4</sup> Ëhi'oromo Jew rajo nuho majaho rue'ego Paul-ro Jew rajehu God rajahjarue osare va'oromo Jew rajohu'o Greece rajohu'o jabu'o jõe mevoromo jabesi dë vövõbajo'oho huotovêho'i ë'õ ganõvadeje jaburo aevoromo Iesuare õrire jijihorõhego.

<sup>5</sup> Ëhi'õjuvo Silas'o Timothy'o jaburo niõ'iro Macedonia sa'are arijê'ëro Corinth amore rovareje. Corinth amore rovamu gagorovo Paul-ro mue gõ gõ vuonugo'i Iesuare jõhuremu ae majêhijadeje. Majêhiromo Jew rajoho uënõvadeje: God-hu uavê'ëro bõrõme namiromo ajamuijaje aho iae Iesu hõjo.

<sup>6</sup> Ëhi majêhijamu hegorovo rue Jew rajo aribõviohuro jõ aho'ahamiro Paul-are jõ sisêho atamu hegorovo huro niõgure uono'uonoho jabesi nunire hijiovo røjêhijadeje jaburo garõhego hu jabesi muoho bijõnimego. Røjêhiromo uëvadeje: Jemê i'u baejõ'oho ëho jemesi mue hõjo. Bogo nasi muehu hõjo. Ijoho naro Jew rajoho jemê vuonugëvo'i va'oromo sa'a ioro'ioro rajoho jõho majêhinõvo'ejõjo.

<sup>7</sup> Ëhi uënuigoromo Jew rajehu God rajahjarue osaho vuonugo'i va'oromo ruëre osa gõre Titius Justus-are osare va'o hijadeje. Titius Justus bogo Jew rajo aho jiadeje rõhu Jew rajoho jabu'o God rajahijaje ae jiadeje.

<sup>8</sup> Ëhi'amu gagorovo Crispus Jew rajehu God rajahjarue osa muebejaje aho Crispus'o hesi osare raromarue aribõvioho aho'obêhe jabu'o aevoromo Bada mae uehorovareje. Mae uehorovamu Corinth amo raje ae aho'obêhe Iesuare jõho heromo mae uehorovoromo bapataeto vaerumadeje.

<sup>9</sup> Ëhi'amu vahioromamu gagorovo Paul-ro nia'ovo'iraeromo gavadeje Badaro rueromo uavamu: Nadi juhuonivo'i jõho jõvonõvonêjo. Bogave vuonugo'iranêjo.

<sup>10</sup> Ëhesi bëhoho na ja'o hi juvaje hõjo. Aho bogo anago'aruêjo ave amore nasi aribõvioho bõrõmo mae jiê'ëro.

<sup>11</sup> Ëhi uavamu Paul-hu ë amore hiromo God-are õri røjêhibe va'adoho vadune gemu manaere 6 ëhi barêjadeje.

<sup>12</sup> Vadune gemu manaere 6 ëhi barëjama Gallio-hu Greece sa'a Rome jabesi ihore muebejevadevare evare Jew rajoho jaburo gagovoromo Paul guduamoromo court-ro bava'oruomadeje.

<sup>13</sup> Paul court-ro bava'oromo ë a bõrõmoho Gallio uavareje: No ave a barovare hesi bëhoho huro aribõvi jabesi dë vövõbajo'oho huotovõho'i ë'ajëjo jaburo God sisë'i sisë'i rajahirõhego. God ëhi rajahijë'oho jõgoroho ahoruomo'ajëjo.

<sup>14</sup> Ahoruomo'ajëjama Paul-ro hesi jõho majahi'ia'amu gavë'i Gallio-ro uëvadeje: Jew rajomë ave aho vajiohu'e anano'e muoho vae'ibejajo naehu ma-taemorovoromo jemesi jõ hejë'oho iae mae jio'ibejajo.

<sup>15</sup> Rõhu bogo ëhi jië'e jõho barovarije hõjo. A'i jemesi jõ bëhi iho bëhi mu jõgoru bëhi rabe rabe Jew rajo jemëhu atoromo berohemu beroharujoho ëhi jië'e jõhemu court-ro barovë'e jëvaje ëhuni jemëro jemesi gahëjo. Ëhi jië'e mu õri mevë'oho na bijõnegajëjo.

<sup>16</sup> Ëhi uënuigoromo hesi aribõvioho uëvamu sihõ'õjëvareje.

<sup>17</sup> Sihõ'õjëvoromo ae aho'obëhe ri'õromo Jew rajehu God rajahijarue osa muebejaje a hesi ihoho Sosthenes guduamoromo court a masijo jabesi nunire baro anoromo kõe bojamareje. Kõe bojamamu gëgorovo Gallio-ro ma-nunëremu gëvadeje.

*Paul-hu Antioch amore vuonorõ'õ va'ade jõhoje.*

<sup>18</sup> Ëhi'amu Paul-ro Corinth amore Christian aganohu'o gemu mae hijamu majae ëgobõvie barëjadeje. Majae ëgobõvie barëjama huro aribõvioho ë ræmo'i Cencreae amore abuejadeje. Abueromo hõrõromo mue vaerõhëni God-are nunire mae uanugoromo aëro simano uoho tarijahojõro uavadeje hujeji muoho barëjeho evare ijonõ aëro rõhu maho tarijahorõhego. Simanoho tarijahamu Paul-ro Priscilla'o Aquila'o gemu mae boat-re ajiomadeje Syria sa'are va'orõhëni.

<sup>19</sup> Va'adoho va'o Ephesus amore hõrõjadeje Aquila'o Priscilla'o ë amore rëmo va'ië'ëro. Hõrõromo huro Jew rajehu God rajahijarue osare va'oromo Iesuarë jõho Jew rajohu'o mevadeje jabesi simanoho huotovõho'i.

<sup>20</sup> Mevamu hegorovo rue aribõviohuro uavareje: Avehuro majae ëgo'o hiromu u'emu va'onëjo. U'emu va'onëjama bogo ejëhadeje.

<sup>21</sup> Bogo ejëhoromo va'irõgoro uëvadeje: God-hu nimë'ohuro na vuonorõ'õ rueromo gë'ejëjo. Ëhi uënuigoromo boat-re ajiomoromo Ephesus amoho vuonugo'i va'adeje.

<sup>22</sup> Va'adoho Caesarea amore ravõ'amoromo ajiomadoho ajio Jerusalem amore hõrõromo ekaresia aho magonahoho jejëminugoromo va'adoho va'o Antioch amore hõrõjadeje.

<sup>23</sup> Antioch majae ëgo'o hiromu va'adoho Galatia sa'a'o Phrygia sa'a'o birorohade ënire Keriso-are aribõvioho aho'o jõe majëhiromu ëhuro jabesi dë vövõbajo'oho biririvëhobe juvadeje.

*Apollos-hu Ephesus amore ro hiromu va'oromo Corinth amore hiromu ë'ade jõhoje.*

<sup>24</sup> Ëhi'amu iae Jew raje ae gemu hesi ihoho Apollos-ro Ephesus amore rovadeje. Hu Alexandria amore rahade ae jõ'e sasohoromo jõe jõvaje ae God-are surire jõho ga avohë'e ae jiadeje.

<sup>25</sup> Ae gõëro Badare õroho Apollos rõjahijamu hejë'ëro hesi dë vövõbajo'e aho'o ri'õromo Iesuarë jõho majëhiromu ma-ahorirëro rõjëhinõvadeje. Ëhi jiadeje rõhu Iesuarë ihore bapataeto vaerõhe jõho bogo he'i John-hu bapataeto vaejëvade jõhemu hejë'ëro jõho jövõnõvadeje.

<sup>26</sup> Amo Apollos-ro Ephesus amore rueromo Jew rajehu God rajahijarue osare va'oromo aevoromo God-are jõho biririvoromo majëhijadeje. Majëhijamu Priscilla'o Aquila'o hejare Apollos-ro God-are jõ vituoho he'i vituoho bogo ma hejë'ëro jõho majëhijamu hegorovo jabesi osare hu'irae bava'oromo avoho rõjahiromu uavareje: God-are mu õroho ëhi hõjo.

<sup>27</sup> Ëhi'amu Apollos-ro uvadeje: Na Greece sa'are va'ejõjo. Va'ejõjama Ephesus amore Keriso-are aribõviohuro hu ajamiromu suroho jajivoromo bojamiareje huro bava'ego Greece sa'are raromarue Keriso-are aribõviohuro adahoromo hu rajahiromo baeruo-morõhego. Suroho bojamamu baeromo va'o Greece sa'are hõrõjadeje. Hõrõromo jõho majëhadeje. Majëhiromu God-hu huë baejëvoromo jabesi simano huotovëhë'e Keriso mae uehorovarue aribõvioho ë aribõvioho Apollos-ro mabëhe ajëmijadeje.

<sup>28</sup> Ëhesi bëhoho huro biririvoromo Jew rajo jabesi jõho a nunire aho'ahëmiromu God-are surire jõho adahoromo avoho rõjëhijadeje jaburo garomo uvorõhego: Iae mae-ëjo. God-hu uavë'ëro bõrõme namiromu ajamuijaje aho iae Iesu hõjo.

## 19

*Paul-hu Ephesus amore hiromo ë'ade jöhoje.*

<sup>1</sup> Apollos-ro Corinth amore hijamu evare majae gemuore Paul-ro sa'a ririre va'adoho va'o Ephesus amore höröromo ë hijadeje. Hiromo Keriso-are aribövi ioro'ioroho birohëvadeje.

<sup>2</sup> Birohëvoromo uëvadeje: Jemë Iesu mae uehorovarijevaroho na jemë God-are Aru'ahoho baejarije höjo o bogajo. O bogajamu uavareje: O-ajo. God-are Aru'aho hesi jöho no bogo hejë'e javuajëjo.

<sup>3</sup> Bogo hejë'e javuajëjumu uëvadeje: God-are Aru'aho hesi jö bogo hejë'oho jemëhu bapataeto vaejarijoho bëhoho diehi jiade höjo. Uavareje: John-hu bapataeto hesi bëhi majëhinövadoho bëhe gemuoho jiade höjo.

<sup>4</sup> Bëhe gemuoho jiade höjumu Paul-ro uëvadeje: Iae mae höjo röhu John-hu a bapataeto vaejëvade hesi bëhoho aëro uvoröhego: Ëaribövioho uehoro sisëho vuonugo'i uehoro i'e baejë'ëro ëhu'ëro ë'aruëjo. Röhu bapataeto vaejëvoromo uënövade höjo: Nasi ijore rueröhe aho rovego ë a hesi öroro mae uehorovorëjo. Ëhesi bëhoho Iesu mae uehorovoröhe jöho uëromo ë'ade höjo.

<sup>5</sup> Ëhi uëvamu hegoro ë Ephesus amo rajohuro Bada Iesuare ihoro bapataeto vaejareje.

<sup>6</sup> Bapataeto vaejumu Paul-ro öve simane taemëhamu God-are Aru'ahohuro jabesi dë vövöbajö'ere ro abuejadeje. Aru'ahohuro abueromo jabesi simanore ajëmiromo huotovëho'ego jöho bogo hejarue huë göëro göëro atonövo jöe God-aro baeromo huruoho majëhinövareje.

<sup>7</sup> Ae aho'obëhe 12 rabu'e jaburo ëhi jië'e muoho vaejareje.

<sup>8</sup> Ëhi'amu Paul-ro Jew rajehu God rajahijarue osare va'oromo biririvoromo ë ariböviohu'o jöe mevoromo jabesi uehoroho aho'o huotovëho'i ë'ö gavadeje jaburo uvoröhego: Iae mae-ëjo. God-ro böröme namiromo ëhi muebejavuajë höjo. Ëhi'obe va'ojuvo manaere niö'i gemu barëjadeje.

<sup>9</sup> Manaere niö'i gemu barëjumu a ioro'iorohuro biriri'övoromo jöho bogo ejahoromo Badare mu öri hesi jöho ae aho'o jabesi nunire sisë'i atareje. Jöho sisë'i atamugo Paul-ro ri'öromo ë Jew rajehu God rajahijarue osare aribövioho rëmo'i Keriso-are aribövioho sö ujuohoromo va'adeje. Va'oromo Tyrannus-hu jö majëhijaje osa börömore va'oromo majae ëhi Iesuare jöho jövonövadeje.

<sup>10</sup> Ëhi'obe va'ojuvo vadune niö'i barëjumu Asia sa'are raromarue ae aho'obëhe Jew rajohu'o sa'a ioro'ioro rajohu'o ëho jaburo Badare jöho hejareje.

*Sceva-are harihu ömo'ömehu sareri sareri ë'are jöhoje.*

<sup>11</sup> Ëhi'ë'ego God-ro Paul ajami'ego bogo gavarue darugo'e mu masijoho vaenövadeje.

<sup>12</sup> Mu masijoho vae'ego Paul-are sinore rëho'amade niögoho aëro ujuohoromo guomo guomo baejë'e aribövi jabesi örire va'ego jabesi guomoho barënövo Satan-are a sisë dëre jië'oho suorovo va'onövareje.

<sup>13</sup> Va'ego iae Jew rajo a ioro'iorëro sisë aribövi dëre jioruomajoho suorovo va'ojöro uvobe jijihonövareje. Jijihoromo ma-sarerivoromo Bada Iesuare ihoho uvo ganövareje suorovoromo va'ojöro. Uvo garomo aru'aho sisëho uënövareje: Paul-hu majahuijeho hejarue aho Iesu ë a hesi ihore uëvaruëjo: A dëre jiarujoho suorovoromo va'ohëjo.

<sup>14</sup> Jew rajo priest böröme gemu Sceva-are harihe 7 ëho jaburo ëhi jië'e sareri'e muoho vaejareje.

<sup>15</sup> Ëhi jië'e muoho vae'i ë ö ömo'ömo 7-ho jaburo aru'aho sisë hesi dëre abuejë'e ae gemu hesi osare va'areje. Va'oromo sarerivoromo Paul-are ihohu'o Iesuare ihohu'o ëma jöho majahiromo aru'aho sisëho sarerami'i ë'ö gavareje. Sarerami'i ë'ö garomo uavareje: Paul-hu majahuego hejarue aho Iesu ë a hesi ihore noro uavaruëjo: Ëa hesi dëre jianuoho höröromo va'ëjo. Höröromo va'ëjumu hejë'i rue aru'aho sisëhuro uëvadeje: Jemë Iesuare jöhu'o Paul-are jöhu'o majehijarujëjo. Iesu iae na gavaje höjo o Paul-are jöho iae na hejë'e javuajëjo. Röhu jemë rahumë jëvavëjo.

<sup>16</sup> Rahumë jëvavëjumu hejë'i aru'aho sisë dëre jië'e ahuro ri'öromo ë ö ömo'öme 7-ho darugo'o muo'amoromo jabesi darugoho ruahö'öjëhoromo jabesi niögoho jaho'amoromo ruruhö'öjëhamu dë'ahobatëremu ma-köemu jië'e hesi osare jioromo huruomoromo va'areje.

<sup>17</sup> Huruomoromo va'amu Jew rajohu'o sa'a ioro'ioro rajohu'o Ephesus raromaruohuro ë jöho heruomadeje. Heromo ae aho'obëhe juhuonibijiohamu Bada Iesuare ihoho ma-döro jiadeje.

<sup>18</sup> Ma-döro jiamu Iesu mae uehorovarue ae aho'obëhe mu sisë gö gö gurihoromo vaejaroho sama'e huruoho majëhijareje.

<sup>19</sup> Majëhiromu röhu ae gö gö urimo iro oso'e mu vaenövarohuro uvoruomadeje: Nosi iro oso'e muoho sisë hö uvoromo jabesi iro oso'e mu hesi suri surioho ujuoho rueromo gemuoro gagovoromo ae aho'o jabesi nunire vëniro huareje. Vëniro huoromo suri suri hesi manaho adahoromo gavareje ajivë'e ijo baje 50,000 ëhi vëniro ravë'e jiamu.

<sup>20</sup> Èhu'ëro jië'ëro ae aho'obëhe Badare jöho hebe mae uehorovobe va'areje.

*Ephesus amo rajehu muorovo'irögoro vörö'iraeruomade jöhoje.*

<sup>21</sup> Èhi'amu Paul-ro uehorovoromo uvadeje: Macedonia sa'are Greece sa'are juvo va'onugoromo evare ajiomoromo Jerusalem amore höröromo è hi'ejöjo. Hiromu hujeji evare ino amoho va'o ga'ejöjo.

<sup>22</sup> Èhi uvonugoromo hu ajamijarue aho niö'i Timothy'o Erastus'o rëmö'öjëvamu Macedonia sa'are va'areje. Va'irögorovo huro Ephesus amore Asia sa'are ëhi hijadeje.

<sup>23</sup> Hijamu evare aëro Badare öroho bijönimoromo iro muorovo'oho Ephesus amore vaejareje.

<sup>24</sup> Èhesi bëhoho ae gemu Demetrius-ro Ephesus hijadeje. Hu silver-ehu inömo avoho'amaje ae jiadeje. Silver-ehu inömo avoho'amaje aëro jië'ëro Artemis rajahijarue javu börömo hesi nu ano'o va'ëne inömo ininoho silver-ëro avohoromo imo'amonövadeje. Èhesi bëhoho è amo raje ae aho'obëhe sarerivoromo uvonövareje: Artemis aru'aho magonahe hörömo rajahi'irögoro huni javu böröme vaejahareje. Vaejë'ëro è javu hesi nu ano'o va'ënoho javu inino avohoromo imo'amarue muoho Demetrius-ro muebenövadeje. Muebe'ego hesi mu ajamarue aribövioho ijo bajo böröme baenövareje.

<sup>25</sup> Èhu'ëro jië'ëro Demetrius-ro hu ajamijarue ariböviohu'o ëhi jië'e mu vaejarue aribövi ioro'iorohu'o ëho jabuni jöe nugö'öromo uëvadeje: Gagovorovego no jöe ato'irarëjo. Èhi uëvamu gemuoro gagovareje. Gagovamu uëvadeje: Ae aho'obëhe nasi jöho hehëjo. Jemë'o uehorovarujëjo. Noehu Artemis-are javu va'ëne inino avohoromo imo'amaruohuro ëhuro no ijo bajo bövie baejarue höjo.

<sup>26</sup> Ijo bajo bövie baejarue höjo röhu è a sisë Paul-hu diehi jië'e mu vaejajoho jemëro jemesi nunëro garomo jemesi hial'ëro hejaruje höjo. Huro uövuaje höjo: Aehu övehu avoho'amaje vörö'e inömohe ëho vörö rumo'e jio'amajëjo. Èhi uöromo Ephesus amo rajohu'o Asia sa'a rajo ioro'iorohu'o jabesi simanoho huotovëhamu ae ma-vemino'e bogo e'i'a'i ae aho'obëhe ëma sarerivoromo uvoruomë'e höjo: Paul jö mae jövajëjo.

<sup>27</sup> Èhi uehorovoromo nani jaburo uvoruomö'ajëjo: Noehu Artemis-are javu inino avohoromo imo'amaruoho mu sisë vaejarue höjo. Röhu gö'o ae aho'o jaburo nani uvoruomö'ajëjo: Ephesus nosi aru'aho magonaho börömo hu rajahijarue javu börömohe iho rumo'e höjo. Èaru'aho magonahoho ae aho'obëhe Asia sa'are sa'ae dinö'e dinö'e raromarue ariböviohuro hu gemu börömo bëhe rajahijarue höjo. Röhu jabumë Paul-are jö ejahë'ohuro ëhuro ijönöho è magonahoho bogo börömohe uehorovo'iramu hesi ihoho bogojio'ajëjo.

<sup>28</sup> Demetrius-ro ëhi uëvamu hegorovo ae aho'obëhe dë vörö'iraeromo ma-darugo'o uvo'i arijareje: Ephesus nosi aru'aho magonahoho Artemis hu böröme höjo.

<sup>29</sup> Èhi uvo'i arijamu hegorovo è amoho muorovo'i vörö'iraebe va'oruomadeje. Vörö'iraebe va'oromo ae aho'obëhe jaburo Macedonia raje ae niö'i Paul'o gemu mae jireharuoho jabesi ihoho Gaius'o Aristarchus'o è ae niö'ioho guduamëvoromo hu'iraejëvoromo tutubijiohoromo jabuhu gagovarue öri ari'ere va'oromo gemuoro gagovrovareje.

<sup>30</sup> Gagovorovamu Paul-ro è öri ari'ere va'oromo ae aho'obëhe jabesi nunire namiromu jöe jövo'i nimamu gagorovo Keriso-are ariböviohuro ahoromo uavareje: Vuonugëjo.

<sup>31</sup> Vuonugëjamu Asia sa'are a masijo ioro'iorohuro Paul mae uehorovë'ëro jöe nugö'öromo uavareje: Nadi è öri ari'eroho va'ego ae aho'obëhe ja ga'irarëjo.

<sup>32</sup> Èhi'amu jö ataroho sisërëjamu gagovare hesi bëhoho ae ma-gemu gemu ga'i ae aho'o bogo gagoro ae göëro göëro jöe gö gö ëma ma-darugo'o uvoruomadeje.

<sup>33</sup> Uvoruomoromo a ioro'iorohuro gavare Jew rajëro Alexander nuninö nuguoromamu gagorovo uvareje: Nani Alexander-are jöëni gagovare höjo. Gagovare höjamu Alexander-öro övëro tugohëvoromo hesi jöho hesi arijo'arije ajamirovoromo majëhi'i ë'o gavadeje.

<sup>34</sup> Majëhi'i ë'o gavamu rue ariböviohuro ae aho'obëhe gavare Alexander Artemis bogo ma uehorovaje aehu jio'i Jew raje jiamu gagorovo gemu mae uvemu uvareje: Ephesus nosi aru'aho magonahoho Artemis hu böröme höjo. Èhi gemu uvo'i arijuvo 2 hours barëjadeje.

<sup>35</sup> 2 hours barëjamu amo rajo a böröme gemuëro ahëvo gabe va'oromo gavade jöromorae barëjamu gagorovo uëvadeje: Ephesus rajomë jemëro nasi jöho hehëjo. Ae

aho'obêhe iae gavarue hõjo Ephesus rajoho no aru'aho magonaho bõrõme Artemis-are osa muebejarue aribõvie javuego. O hesi võrõ'e munë õ'idõre jioromo beruvebijadoho muebejarue aribõvie javuego.

<sup>36</sup> Aho ë jõho bogo aho'a'aruëjo. Èhi jië'e jiaje nadi uehoro rumo'e muoho vae'i ma-sanuovorëjo.

<sup>37</sup> Ave ae niõ'i ma-baejëvo rovarijoho jabumë bogo nosi aru'aho jabesi javu masijoroho va'oromo vajiohoho ujuohare hõjo. Nosi aru'aho magonaho hesi jõho bogo sisë'ioho atare hõjo.

<sup>38</sup> Èhu'ëro jië'ëro Demetrius-hu o hesi mu ajamijarue aribõviehu ae gö jabesi jõ sisë huruoho majëhi'i nimë'oho court vaejarue majae iae jiajëjo. Court vaejarue aribõvie iae jioruomajëjo. Èhuni ë va'oruomoromo jõ sisëho majahirovo'aruëjo.

<sup>39</sup> Röhu jemë jõe gö jëvë'oho amo rajo a masijehu gemuore gagovoromo atarue majaho rovego evaro jemesi jõho bu'õjeho jaburo heromo avoho mevëho'irarëjo.

<sup>40</sup> Naehu èhi uëvaje hesi bëhoho noehu jaruvo vaejarue mu hesi jõ hejë'oho nani ave sa'are a masijohuro no uõ'a'aruëjo: Jemëro rabëni muorovo sisëho barovarije hõjo. Èhi uõvuë'oho no rabu jõe mana majëhijõeni ma-hia'ëremu he'ejarëjo.

<sup>41</sup> Èhi uëngoromo uëvadeje: Iae barëjajëjo. Va'ohëjo.

## 20

*Paul-hu Macedonia sa'are va'oromo jõ majëhibe juvoromo Greece sa'are va'ade jõhoje.*

<sup>1</sup> Iro muorovo'oho barëjamu gagorovo Paul-ro jõe nugõ'õjadeje Keriso-are aribõviohuro gagovorovorõhego. Gagovorovamu ajëmiromo jõgoroho bojëmiromo jejëmiromo Macedonia sa'are va'adeje.

<sup>2</sup> Macedonia va'oromo Christian aribõvioho ajëmiromo jõgore aho'o bojëmibe va'adeje. Va'onugoromo Greece sa'are rovadeje.

<sup>3</sup> Greece sa'are ro hijadoho manaere 3 barëjadeje. Manaere 3 barëjamu gagorovo Syria sa'are jovo dõro va'ië'iro evare hejade uvavamu: Jew rajo aribõviohuro ja anago'i saginieri jõe ataruë uvamu hegorovo uvadeje: Èhi jië'oho na bogo jovo dõroho va'i vuonorõ'õromu Macedonia õrëro va'ejõjo.

<sup>4</sup> Èhi uvamu Pyrrhus-are harihe Berea amo raje Sopater-ro Paul'o ë va'adeje. Röhu Thessalonica amo raje ae niõ'i Aristarchus'o Secundus'o Derbe amo raje ae Gaius-ro Timothy-ro Asia sa'a raje ae niõ'i Tychicus'o Trophimus'o ë aribõvioho jaburo Paul'o gemu mae va'areje.

<sup>5</sup> Va'aroho jabumëro urimo Troas amore va'oromo raromoromo muebejavuareje no ijore va'orõhego.

<sup>6</sup> Muebejavuamu noro Philippi amore ariromo Jew rajehu I Dë Huaje Oso Rumo'e I ijarue majaho barëjamu evare boat-ëro baejavuoromo va'adoho majae õvo gö mine barëjamu Troas amore ravo'amoromo no muebejavuarue aribõvioho birohëvareje. Birohëvoromo ë raromaroho hurae gemu barëjadeje.

*Paul-hu Troas amore hiromo ë'ade jõhoje.*

<sup>7</sup> Hurae gemu barëjamu hura bise'ore vahiomamu gagorovo no gagovorovareje ie gemuoro ue'aho'irovo. Gagovorovamu gagorovo Paul-ro ë amo rajo aribõvioho jõe majëhibe va'adoho vahi riri'e jiadeje sisonuvego va'orõhëro.

<sup>8</sup> Röhu ë javu dõre osare noehu gagovarire ire aho'obêhe bue'amë'e jiadeje.

<sup>9</sup> Bue'amë'e jiamu iae a i'e gemu hesi ihe Eutychus-ro dõre ahë'e ojo arëtoere hijadeje. Hijamu Paul-ro jõho ma-jõvemu jõvobe va'amu gavë'i Eutychus nunëhimobe va'ojuvo nunëhimamu niavamu dõre jioromo amonõ beva'adeje. Osa uhure ririre dõre èhi jiobe ajiomë'e dõre javu hesi osare jioromo amonõ beva'adeje. Beva'amu ruhe dõre aribõviohuro abueromo banigojiomoromo gavareje mami'e guomë'e jiamu.

<sup>10</sup> Guomë'e jiamugo Paul-ro abueromo Eutychus bu'õ taemoromo huohudëromu no uõvuadeje: Nadi huë vavaenoho baehëjo. Hu bogo guomë'e iae hijajëjo.

<sup>11</sup> Èhi uõngoromo ajiomoromo ie ato'atororomo iromo ë aribõvioho jõe majëhibe va'ojuvo va'o sisonuvadeje. Sisonuvamu gagorovo va'adeje.

<sup>12</sup> Röhu a i'oho bogo guomë'e hijamu gagorovo Keriso-are aribõviohuro hu bava'oromo huë mabêhe baejareje.

*Paul-hu Troas jioromo Miletus amore va'ade jõhoje.*

<sup>13</sup> Èhi'amu iae Paul-ro uõvuadeje: Jemëro urimo boat baeromo Assos amoro va'ego na ijore sa'aëro õ'irõjo jemë'o na'o ë jioromo boat-re gemu mae va'orõhe. Èhi uõvuamugo boat-re va'areje.

<sup>14</sup> Va'oromo Assos rueromo Paul hu'irae baeromo jovo dõremu va'onõvojuvo va'o Mitylene amore rovaraje.

<sup>15</sup> Mitylene rovê'ëro nêrõ jovo dõremu va'õjuvo Chios sa'a bêhire rovê'ëro nêrõ va'aroho Samos sa'are rovê'ëro nêrõ va'aroho Ephesus amoho iosirami va'oromo hujaji Miletus amore è ro suorovareje.

<sup>16</sup> Ephesus amo iosiramijare hesi bêhoho Paul-ro êhi iosirami'i nimadeje êhuro bogo Asia sa'aroho êgoho hi'i ma-burêro evare Jerusalem va'oromo eni jiê'ohõ Pentecost majaho rovego Jerusalem hõrõrõhëni.

*Paul-hu Ephesus ekaresia muebejêvarue a duvaho jabesi õrيره jõgoru majêhijade jõhoje.*

<sup>17</sup> Miletus amore suorovoromo è ravo'amoromo Paul-ro Ephesus amore jõe nugõ'õjadeje ekaresia a duvahohuro ruvebiruomorõhego.

<sup>18</sup> Ruvebiruomamu uêvadeje: Naehu urimo Asia sa'are rovodevare evare naehu diehi diehi mu vaebe rovodoho jemê iae uehorovarujêjo.

<sup>19</sup> Jew rajêro ijumevo'i ato'i ari'lego na huê vavaene baeromo nivê'i bogo dõroho bamorovo'i ma-taemo hiromo Badare muohuremu vaejahonõvode hõjo.

<sup>20</sup> Jemê ajêmi'irode jõho na bogo subivêho'i ekaresiae ae aho'obêhe jemesi nunire ekaresiae ae gemu gemu jemesi osare osare jõho majêhi barêromo õroho rõjêhi barênovode hõjo.

<sup>21</sup> Jew rajohu'o sa'a ioro'ioro rajohu'o jemesi õrire darugo'o majêhiromo uênõvode hõjo: Jemêhu õri sisêre jijiharujohõ vuonugo'i God-are õroro jijihoromo nosi Bada Iesu mae uehorovorêjo.

<sup>22</sup> Rõhu avehu'o hehêjo. Avevejõ'ohõ God-are Aru'ahohuro ue'ego na Jerusalem va'ajêjo. Va'o hõrõjeho diehi'evoruomorõhõho na bogo gavajêjo.

<sup>23</sup> Na aviêhi jiê'e muohuremu gavajêjo. Ame gõre gõre hibe rue'ego God-are Aru'ahohuro uebe ruehijajo: Ja Jerusalem hõrõ'iramu savoji gagore ba'amavo'iramu huê vavaene gõ gõ bae'a'anuêjo.

<sup>24</sup> Êhi uevade hõjo rõhu na nasi sinohunioho bogo uehorovaje hõjo êhuro Bada Iesuhu bojemade muoho aho'o vae barê'irodëni. Êmu hesi bêhoho God-hu no huê baejavuoromo ajamuijaje jõho a majêhibe juvo'irodoho hõjo.

<sup>25</sup> God-hu bõrõme namiro mo muebejavuaje jõho ae aho'o jemesirire jõvobe juvê'e jevajêjo. Rõhu iae na gavajêjo. Ijonõho ae gemu vadu'ohõ na bogo ge'a'arujêjo.

<sup>26</sup> Êhuni avevejõ'ohõ naro darugo'o majêhiromo uêvajêjo: Jemê ae gõ gõ sisêre va'ê'ohõ êho bogo nasi sisêhu hõjo.

<sup>27</sup> Êhesi bêhõho rabëni God-hu uvaje jõho na bogo subivêho'i na majêhi barêjê'e jevajêjo.

<sup>28</sup> Jemesi dê võvõbajo'ohõ mueberovorêjo. O God-are Aru'ahêhu jemê bojêmijade aribõvioho aho'o muebejêvorêjo. Êaribõvioho God-are sheep-nõ'e jio'amajêjo. Hu hesi Harihu mae nugõ'õjamu guomadohuro êhuro jabumê hesi baejêvade hõjo. Êhuni hesi ekaresiaho sheep-nõ'e mio'amoromo muebejêvorêjo.

<sup>29</sup> Êhesi bêhõho na gavajohõ na va'iramu võrõ'e miehu rueromo sheep ijumo'amaruêhi a sisê gõero gõero jemesirire rueromo sareri sareri'e jõho majêhiromo ekaresia jemesi uehorohõ ijumêho'aruêjo.

<sup>30</sup> Rõhu gõ'o jemesi a ioro'iorohuro ri'õromo sareri sareri'e jõho ato'a'aruêjo Keriso-are aribõvioho jemêro jabesinõ va'irarijeho.

<sup>31</sup> Êhuni gavê'i raromorêjo. Uvorêjo: Nõrõro muoho bogo vuonugo'i majae jene vahie võ'õe sisonê huê vavaene baeromo nivê'i no ae gemu gemu rõjahuibe ruejuvo vadune aho'obêhe 3 barêjade hõjo.

<sup>32</sup> Rõhu jaruvohõ na negajêjo God-ro jemê muebejêvego huhu no huê baejavuoromo ajamujaje jõho jemêro uehorovego ma-mae jëvorõhego. Jemêhu hesi jõ uehorovê'ohõ êhuro jemêro biririvobe va'oromo God mae uehorovo'iramu God-hu hesi aribõvie aho'o mae avohavujajêhi jemê'o êhi avohêvo'ajêjo.

<sup>33</sup> Rõhu jemesi ijo bajënioho niõgënioho na bogo ganiganiegade hõjo.

<sup>34</sup> A'i jemê'o iae gavaruêjo na'o nasi aribõviohu'o no huê vavaene javuadoho ave nasi õvohuro muoho vaeromo hesi manaho baeromo êhuro bõvioho bise'ohõ ujuhonõvode hõjo.

<sup>35</sup> Muoho êhi vaeromo êhuro naro jemê rõjêhijode hõjo jemêro garomo uvo'irarijeho: Mu rabe rabe rovê'ohõ Paul-hu ê'adêhi no'o êhi biririvoromo muoho vaeromo êhuro darugo u'uhê'e aribõvioho ajëminõvo'ejarêjo. Uehorovoromo uvorêjo: Bada Iesuro huro hesi uõvuade hõjo: Suvuro ma-baejê'ohõ ja ma-bisemu vuêvavo'ajêjo. A'i suvuorëmiijê'ohuro êhuro vuêvavo avohõ'ajêjo.

<sup>36</sup> Paul-ro êhi uëngoromo a duvahohõ aho'o jabu'o gemu mae ague aho hiromo God-are õrire jõe jõvadeje.



<sup>37</sup> Jõe jövamu jabumë aho'obëhe nierusuburu'e bamë'i Paul guduamoromo dudôhoromo jejamareje.

<sup>38</sup> Uvareje: Huë vavaeni jö gö hejaroho ma-jianovo'i a'i noehu ijönö hu bogo ga'iröhe jöho ëho bôrömo ho hōromo sisë maro vavaenimareje. Èhi'oromo Paul boat-re hu'irae bava'areje.

## 21

*Paul-hu Jerusalem va'ade jöhoje.*

<sup>1</sup> Hu'irae bava'amu Paul'o no'o boat-re iojioromoro Ephesus aribövioho ë rëmo'i va'areje. Jovo dôremu va'onövojuvo ahorirëro va'aroho va'o Cos sa'are rovareje. Rovë'ëro nërö va'aroho Rhodes sa'are rova'aroho va'o Patara amore ë suorovareje.

<sup>2</sup> Patara amore suorovonugoromo gavare boat göho Phoenicia sa'are va'i ë namijamu gagorovo noehu rovare boat-oho vuonugo'i ë boat gagore iojioromoro va'areje.

<sup>3</sup> Va'aroho gavare Cyprus sa'aho arue nosi övo adonö jiamu iosiramiro mo viëhi rova'aroho Syria sa'are rueromo Tyre amore ravo'amareje jabumëro inömo inöme suovo bahi'iro.

<sup>4</sup> Ravo'amoromo noro Keriso-are aribövioho nahëvojuvo birohëvoromo jabu'o raromamu hurae gemu barëjadeje. Jabu'o raromamu God-are Aru'ahohuro ë Keriso-are a jabesi örire uehore bojëmi'ego Paul uanövareje: Jerusalem bogave va'iranëjo.

<sup>5</sup> Èhi uavamu noro jabu'o raromoro nosi majaho barëjamu ri'öromo va'areje. Va'ia'amugo rue Keriso-are aribövioho ae aho'obëhe jabesi vaborohu'o aboji harihu'ohu'o no sö ujuohavuoromo amore jioromo va'areje. Va'oromo sö jovo riröre jabu'o no'o ague aho raromoro God-are örire jöe atareje.

<sup>6</sup> Atonugoromo göëro göho jejamirovonugoromo noro boat gagore iojio mo'i jaburo vuonorö'ö amëro va'areje.

<sup>7</sup> Va'iro noro Tyre amoho vuonugo'i boat-re va'aroho va'o Ptolemais amore ro ravo'amareje. Ravo'amoromo Christian aganoho jejëmiromo jabu'o majae gemu raromareje.

<sup>8</sup> Majae gemu raromë'ëro nërö noro ri'öromo va'aroho va'o Caesarea amore suorovareje. Suorovonugoromo Iesuare jö ma majëhijaje ae Philip-are osare va'oromo ë raromareje. Èaho Philip urimë'i Jerusalem ekaresiahuro hu'o a ioro'iorohu'o 6 ëhi baejëvareje ijo bajo a suvuorëmi'iröhe muoho muebenövo'iröhego.

<sup>9</sup> Röhu Philip-are abojoho aho'o 4 jaburo bogo masuvë'ëro jöho God-aro baeromo ae huruoho majëhinövareje.

<sup>10</sup> No majae gemu niö'i Philip'o gemu mae raromamu ae gemuëro Judea sa'are jioromo ruvebijadeje. Hesi ihoho Agabus jiadeje. Hu jö God-aro baeromo ae huruoho majëhijaje aëro jië'ëro

<sup>11</sup> ri'öromo Paul-are götaho jijövahonugoromo baeromo hesi övo hörü'oho tövorovo'amadeje. Tövorovoromo Paul uavadeje: God-are Aru'ahohuro uvavohijajo: Ave göta arijo'ohuro Jerusalem ajiomo'iramu gagorovo Jew rajohuro ë aho ëhi tövonugoromo sa'a ioro'ioro rajo jabesi övore bojëmi'aruëjo.

<sup>12</sup> Agabus-ro jöho ëhi majahijamu hegorovo ë amore Christian ariböviohu'o no'o Paul dinamiromo ua'i arijareje: Èhi jië'oho bogave Jerusalem ajiomo'iranëjo.

<sup>13</sup> Bogave ajiomo'iranëjamu Paul-ro uövüadeje: Jemë rabëni nierusuburu'e bamoromo nasi uehoroho aheho'ego na huë vavaenoho baejajëjo. Èhi jië'oho vuonugohëjo. Naehu Jerusalem ajiomo'iramu Bada Iesuare jöhuni tövavo'aruë uevarujoho iae eni jiajëjo. O anegamu guomevë'oho ëhu'o iae eni jiajëjo.

<sup>14</sup> Èhi uövuamu noro gavare bogo ejahuamu gagorovo dinamijaroho vuonugo'i uavareje: Èhi jië'oho no naguajëjo Badahu nimaje muoho jioröhego.

<sup>15</sup> Èhi'amu gagorovo inömo inömo ho avohoromo Jerusalem amore iojio mo'iro ë'areje.

<sup>16</sup> Iojio mo'irögoro Caesarea amo rajo Keriso-are a ioro'iorohuro söjavuo va'oromo a ihe Mnason-are osare rovareje noro hu'o raromo'iröhego. Röhu Mnason hu Cyprus sa'a rajë jiadeje. Hu mami gö'e aevoromo Keriso mae uehorovadeje.

*Paul-hu Jerusalem ajiomoromo ekaresia muebejëvaje ae James ga'i va'ade jöhoje.*

<sup>17</sup> Iojioromoro Jerusalem suorovamu nosi Christian ö mueno'ohuro jabesi dë vövöbajo'e aho'o jejamuijareje.

<sup>18</sup> Jejamuijë'ëro nërö Paul-ro no'o gemu mae James ga'i va'adeje. Va'oromo gavadeje ekaresia a duvahoho aho'obëhe jaburo James'o gemuore raromoruomamu.

<sup>19</sup> Raromamu gëgorovo Paul-ro jejëmijadeje. Jejëmiromo uëvadeje: Naehu Keriso-are jö majëhibe juvodohuro ëhuro God-ro sa'a ioro'ioro rajoho ëhi ëhi ajëmijade hõjo. Ëhi jië'e jõho Paul-ro majëhi barëjadeje.

<sup>20</sup> Majëhijamu hegorovo rueho jaburo God rajahijareje. Rajahiromo Paul uavareje: Öho röhu Jerusalem amoroho diehi jiego ja gavanue hõjo. Ëhesi bëhoho Jew raje ae aho'obëhe Iesu mae uehorovarue hõjo. Mae uehorovoromo röhu jabumë ae aho'o Moses-are jögoroho nimo avoharue hõjo.

<sup>21</sup> Moses-are jögoru ninaruoho hejare hõjo sareri'e jõho uvavamu: Paul jero sa'a göre göre va'oromo Jew rajoho aho'obëhe jõe bojëmime juvoromo uëvanue hõjo: Moses-are jögoroho vuonugohëjo. Moses-are jõho vuonugoromo jemesi harihu jabesi sino tarivëharujoho vuonugoromo Jew rajo nosi mu ioro'iorohu'o vuonugohëjo.

<sup>22</sup> Jaehu ëhi majëhijane sareri jö ave raromarue aribövioho hejaroho he'a'aruëjo uvavo'iramu: Jero Jerusalem rovane hõjo. Ëhuni ja diehi'oromo Jew rajoho röjëhi'iramu garomo uvoruomo'ajëjo: No sareri jõe hejare hõjo. Moses-are jögoroho ja bogo vuonugë'e javajëjo.

<sup>23</sup> Jaehu diehi ë'irane jõho no ua'ië'aruëjo. Ae aho'o 4 jabu no'o raramaruëjo. Iae urimo ë ariböviohuro Jew rajo nosi muoho aevoromo vaeromo God uavare hõjo: God jasi nunëro jero gö'ego no muoho ëhi ëhi vae'ejarëjo.

<sup>24</sup> Jabumë ëhi jië'e Jew rajo muoho vaejë'e jioruomaje ëhuni jero jabumë søjëvo va'oromo ajëmiromo jabu'o gemu mae bimuvoromo sisë barëjëho'irõhe muoho vaeromo eni jiego ë ae 4 jabesi jöëni monie bojëmego mie imoromo God-ni suvuore bahijahego ëhuro jabesi simano uoho tarijõho'irarëjo. Jaehu ëhi Jew rajo mu ajëmiromo vaejë'o'ho ëhuro Jew raje Christian ae aho'obëhe ja garomo uehorovoromo uvoruomo'ajëjo: Paul jaehu Moses-are jögoru vuonugane jö hejaroho ëho ma-sareri'e jõe hõjo. A'i Moses-hu uuvaude jõho iae ja ejahë'e hijanue hõjo. Jabumëro ëhi uvoruomo'ajëjo.

<sup>25</sup> Iae Jew raje noro Moses-are jõho ëhi ma'eno'ejarëjo. Röhu sa'a ioro'ioro raje Iesu mae uehorovarue ariböviohuni urimë'i noro jõe gö uehorovoromo jajivoromo nugö'oromo uëvare hõjo: Aehu sareri'e god göëni göëni bahijë'e mioho nadi ue'ahorëjo. Mi hesi kõho nadi ue'ahorëjo. Huë ahahë'e mioho kõ'e jiaje nadi ue'ahorëjo. Nadi önö'oho jijjhorëjo.

<sup>26</sup> Ëhi uvavamu hegorovo Paul-ro ejëhë'ëro nërö ë Jew raje ae 4-ho søjëvo va'oromo ajëmiromo jabu'o gemu mae Jew rajo muoho vaejadeje jabesi sisëho barë'irõhego. Ëhi'onugoromo Paul-ro God-are osa bërömore va'oromo priest aribövioho uëvadeje: Majae ëmino'e barë'iramu evare ë ae 4 jabesi o nasi sisëho barë'ajëjo. Barë'iramu evare ae gemu gemu nosi jõhuni God-ni mi suvuore bahi'ejarëjo.

*Paul-hu God-are osa bërömore hijamu Jew rajehu guduamo bava'oruomade jõhoje.*

<sup>27</sup> Paul-ro ëhi majëhijamu va'o huhu uëvade majae 7 barë'ië'adeje. Barë'ia'amu evare Asia sa'are jioromo rovare Jew rajo a ioro'iorohuro gavareje Paul God-are osa bërömore jiamu. Paul osa bërömore jiamu gagorovo ri'öromo iro muorovo'e vae'iro jõe darugo'o atamu ae aho'obëhe heromo uehoro sisë baeruomadeje. Uehoro sisë baeruomamu Asia jioromo rovare ariböviohuro Paul guduamareje.

<sup>28</sup> Guduamoromo ma-darugo'o uvareje: Israel rajoho jemëro ro ajamuihëjo. A sisëho aviae hõjo. Huro Jew rajo nosi ihoho Moses-are jögoroho ave God-are amo bërömore ë hesi jõho ijumo'amoromo ae aho'o jabesi örire sisë'i röjëhibe sa'ae dinö'e dinö'e juvaje hõjo. Jaruvoho huro sa'a gö rajo aho söromo ave God-are osare rovamu ëhuro ama mahi ijumë'e hõjo. Ëmu sisëhu'o ë'i'e hõjo.

<sup>29</sup> Ëhi uvare hesi bëhoho urimo jaburo gavare Ephesus amo rajo ae Trophimus Paul'o gemu mae Jerusalem jiamu gavë'ëro uvareje: Nani Paul-ro God-are osare hu barovë'e hõromo ëhuni darugo'o uvareje: Paul-ro sa'a gö rajo ae aviae barovë'e hõjo.

<sup>30</sup> Ëhi uvamu hegorovo Jerusalem amo raje ae aho'obëhe ri'öromo vörö'iraeromo tutubijohoromo gemuoro gagovoromo Paul God-are osare jiamu guduamo bava'areje. Bava'amu gavë'i God-are javuoho ojoho tugoho'amareje.

<sup>31</sup> Tugoho'amamu ae aho'obëhe jaburo Paul guomojoro ano'ia'amu gavë'i aëro jõe bava'oromo Rome muorovo a bërömore uavareje: Jerusalem muorovo'irögoro ë'oruomajëjo.

<sup>32</sup> Muorovo'irögoro ë'aruëjama hejë'i rue muorovo a bërömore huro hesi bëhire muorovo simano vaejarue ariböviohu'o muorovo a ioro'iorohu'o søjëvoromo ma-burëro tutuvo ruvebijadeje muorovo'i ë'aruoho ahëvo'i. Ruvebijamu ae aho'obëhe gavare muorovo a bërömore huro muorovo a ioro'iorohu'o rovamu gëgoro Paul anaroho vuonugareje.

<sup>33</sup> Vuonugamu muorovo a börömhuro rueromo Paul guduamoromo ae uvêvadeje: Ô'e niõ'i barueromo tövohë uëvamu tövareje. Tövamu gagorovo muorovo a börömhuro uëvadeje: Ave aho rahuo hõjo. Rabe ë'ego ëhuni anarujëjo.

<sup>34</sup> Anarujëjumu ae aho'obëhe ri'öromo jõe gö gö mana ma-darugo'o uvoruomadeje. Amo ëhu'ëro jöjõje böröme jiamu a börömhuro Paul-are jõho bogo avoho hejadeje. Bogo avoho hejê'ëro hesi aribövioho uëvadeje: Ave aho hu'iraeromo aruhe muorovo a nosi osaro iojiomohëjo.

<sup>35-36</sup> Iojiomohëjumu hu'irae bava'oromo vuahure iojio'mo'irögorogavare ae aho'obëhe vörö'iraeromo gemuoro tatijiomobe Paul anojöro uvobe ijore jijihoruomamu gëgorovo Paul döro nigemo baeromo iojio'mareje.

*Paul-hu ae aho'obëhe jabesi nunire namiromo hesi arijo'arije ajamirovoromo jö majëhijadejõhoje.*

<sup>37</sup> Iojio'moromo muorovo osare bava'ia'amu gagorovo Paul-ro a börömhuro uavadeje: Naehu jasi örire jö majahijë'oho na mae hõjo. Na mae hõjamu rue a börömhuro uavadeje: O-ajo. Ja Greece a jabesi jöëro jövanuëjo.

<sup>38</sup> Naro uvode hõjo: Ja Egypt sa'a rajo ae javajëjo. Na uehorovoromo uvode hõjo: Jero urimë'i muorovo jõho barueromo vörö'e aribövioho 4,000 gagovoromo a rumo'e sa'are sö va'ane hõjo Rome a masijohu'o muorovo'iro. Ja ë aho javajë uvode hõjo röhu nani ja ae gö javajëjo.

<sup>39</sup> Javajëjumu Paul-ro uavadeje: Io'ajo. Na Jew raje jevajëjo. Cilicia sa'are Tarsus amore rahevade hõjo. Nasi amo hesi ihoho böröme hõjo. Röhu na negajëjo jero uevego na ae aho'obëhe jabesi örire jö harihe majëhi'iro.

<sup>40</sup> Ëhi uavamu rue a börömhuro Paul uavadeje: Iae mae hõjo. Jõho jövëjo. Jövëjumu hegorovo Paul-ro vuahure namiromo ae aho'obëhe övëro tugohëvadeje. Tugohëvoromo jörumorajumu jabesi Hebrew jöëro majëhijadeje.

## 22

<sup>1</sup> Majëhiromo uëvadeje: Nasi a duvahohu'õ ö mueno'o ioro'iorohu'õ nasi jö harihu majëhi'ie'ajoho hehëjo. Na mu sisë rabe rabe bogo ömë'ëro i'uooho bogo bae'irodëro ë hesi jõho majëhi'ie'ajëjo.

<sup>2</sup> Majëhi'ie'ajëjumu ae aho'obëhe urimo jö vuonugaroho hejare Paul-ro jabesi Hebrew jöëro majëhijavumu hegorovo jörumorae barëjareje. Jörumorae barëjumu Paul-ro uëvadeje:

<sup>3</sup> Na Jew rajo ae jevajëjo. Cilicia sa'are Tarsus amore rahevë'ëro Jerusalem rovode hõjo. Rovamu Gamaliel-ro röjehijumu Jew rajo muoho hebe rovode hõjo. Nosi hijo miono'ëhu röjahuibe rovare jögorohuremu he avohoromo jemëhu God-are muemu uehorovarujëhi na'õ ëhi gemuoho uehorovonövode hõjo.

<sup>4</sup> Ëhi gemuoho uehorovoromo ganövode aëro Iesuare örire jijihö'ego gëgorovo huë sisë bojëminövode hõjo. O aëro jabu muo'amego vuovëvojöro uënövode hõjo. Aho magonahoho guduamo'amoromo savoji gagore io'amonövode hõjo.

<sup>5</sup> Priest börömhuro'õ Jew rajo a masijo ioro'ioroho aho'õ nasi muoho gavë'ëro jemë uë'a'aruëjo: Nöröro mae uëvajëjo. Ëhesi bëhoho urimë'i ë a masijoho jaburo Christian a guduamo'amo'irode jö'e suri surioho i'imemijare hõjo naro Damascus amore ujuoho va'oromo Jew rajo nosi ö ömo'ömoho i'imëmi'irodego. I'imemamu naro ujuohoromo ë va'ode hõjo Christian aribövioho guduamoromo tövo ujuohoromo Jerusalem vuonorö'ö rovego i'ue baeromoröhego.

*Paul-hu aevoromo Keriso mae uehorovade jö majëhijadejõhoje.*

<sup>6</sup> Örire va'ojuvo maja ririre jiamu Damascus amore hörö'i gavodeje aji börömhuro majajioho ö'idöre jioromo ruvebiromo ajivevamu.

<sup>7</sup> Ajivevamu gavë'i sa'are behumorovoromo hejodeje uevavamu: Asë'e Saul ja rabëni na sisë vaejevanue hõjo.

<sup>8</sup> Sisë vaejevanue hõjamu uavode hõjo: Bada ja rahuo javajëjo. Rahuo javajëjumu uevade hõjo: Na Nazareth rajoho Iesu jaehu sisë vaejevanue aho jevajëjo.

<sup>9</sup> Ëhi uevamu na'õ jijihare ariböviohuro ajohemu ga'ü huëho bogo hejare hõjo. A'i naremuëremu huëho hejode hõjo.

<sup>10</sup> Heromo uavode hõjo: Bada na diehi ë'ejöjo. Diehi ë'ejöjumu uevade hõjo: Ri'öromo va'oromo rue Damascus amoro hinëjo. Hiromo jaehu vae'irane mu God-hu uvadoho aho'õ he'a'anuëjo.

<sup>11</sup> Ĕhi uevamu aji bŕŕŕmoho gavŕ'ĕro nasi nunoho sue'iraejehade hŕjo. Nunoho sue'iraejehamu nasi aribŕviahuro ōvore ma'eno baejevo va'oromo Damascus amore suorovare hŕjo.

<sup>12</sup> Rŕhu ĕ amore ae gemu hesi ihe Ananias hijŕ'e jiade hŕjo. Hu Jew rajo nosi jŕgoroho avoho eromo God rajahijaje aĕro jiŕ'ĕro Jew raje Damascus raromarue aho aho'obĕhe jaburo hesi jŕho mae uehorovare hŕjo.

<sup>13</sup> Ĕaho Ananias-ro rueromo bĕhire namiromo uevade hŕjo: Őho Saul nunoho dadovahego rŕhu maho avoho uherihŕjo. Uherihŕjĕmu gavŕ'i nunoho ma-burĕro dadovehamu hu gavode hŕjo.

<sup>14</sup> Gavamu uevade hŕjo: God nosi hijo miono'e muebejĕvobe rovade ahuro ja baejavade hŕjo jero huhu nimaje muoho baeromo hesi A Maho nunĕro garomo A Ma hesi huĕho he'iranego.

<sup>15</sup> Ĕhesi bĕhoho hesi jŕ majĕhijanue ae javo'ajĕjo jaehu garomo hejane jŕho ma-maemu majĕhijego ae aho'obĕhe heruomo'irŕhego.

<sup>16</sup> Rŕhu rabĕni gŕ'oho muebenĕjo. Ri'ŕromo bapataeto vaeromo Badare ihoho uvego jasi sisĕho u'ovaho'irajo.

*God-hu Paul uavamu Jew rajo jabesi sa'are bogo a'i sa'a ioro'ioro rajo jabesi sa'are va'oromo ajĕmade jŕ Paul-hu majĕhijadohoje.*

<sup>17</sup> Ĕhi'amu naru vuonorŕ'ŕromo Jerusalem rovode hŕjo. Rueromo God-are osa bŕŕmore va'oromo hesi ŕrire jŕe jŕvoromo nia'ovonŕ'e gavode hŕjo

<sup>18</sup> Bada Iesuro ro uevamu: Ma-burĕro Jerusalem amoho vuonugo'i va'ĕjo. Ĕhesi bĕhoho jaehu nasi jŕ majĕhijĕ'oho ave amo rajoho bijŕnĕgo'ajĕjo.

<sup>19</sup> Bijŕnĕgo'ajĕjĕmu uavode hŕjo: Iae mae hŕjo rŕhu naehu diehi jiŕ'e mu vaenŕvodoho ave aribŕviahuro iae mae gavarue hŕjo. Naro Jew rajehu God rajahijarue osare osare va'oromo ja mae uehorovavarue aribŕviahuro guduamo ujuoho va'oromo savoji gagore io'amonŕvo hisuebijĕvonŕvode hŕjo.

<sup>20</sup> O aĕro jasi jŕ majĕhijaje ae Stephen anamu gagorovo na ĕ jevĕ'ĕro uvode hŕjo: Jabuhu Stephen anaruoho iae mae ĕ'aruĕromo jabesi niŕgu jŕvo bahijaroho muebejĕhode hŕjo. Ĕjŕho ave aribŕviahuro iae mae gavarue hŕjo.

<sup>21</sup> Mae gavarue hŕjĕmu Badaro uevade hŕjo: O va'ĕjo. Naro ŕre ĕgobŕviro ramŕ'ŕ'ĕjŕjo jero sa'a ioro'ioro rajoho nasi jŕho majĕhi'iranego.

<sup>22</sup> Paul-ro ĕhi majĕhijĕmu ae aho'obĕhe hebe rueruomĕ'ĕro hejare uĕvavamu: Sa'a ioro'ioro rajoho majĕhi'iranego ramŕ'ŕ'ĕjŕ uĕvamu hegorovo hejaroho vuonugo'i vŕrŕ'iraeromo ma-darugo'o uvo'i arijareje: Ĕaho anohĕjo. Huhu ave sa'are hijajoho sisĕ hŕjo.

<sup>23</sup> Ĕhi ma-darugo'o uvoruomĕ'i niŕgoho jŕvoromo hijihijiovĕ'i tohotohoho dŕro ru-ruhŕ'ŕ'i arijareje.

<sup>24</sup> Ruruhŕ'ŕ'i arijĕmu gagorovo rue muorovo a bŕŕmohuro hesi aribŕviahuro uĕvadeje: Jemĕro ave iaŕo nosi osahuro hu'irae bava'oromo hesi dĕho bijioho ga'i hisuebiromu uarĕjo: Rabĕni anagojŕo uvaruĕjo.

<sup>25</sup> Uvaruĕjĕmu Paul osare bava'oromo hisuebi'irŕgorovo tŕvamu Paul-ro gavade a bŕŕmo ajamiromo mu simane vaejaje ae gemu aruĕre namijĕmu gagorovo uavadeje: Na Rome raje jevajĕjo. Rŕhu bogo court vaejevĕ'e ĕma hisuebijĕvo'iro ĕ'aruĕjĕjo. Rome rajo nosi jŕgoroho bogo ĕhioho hŕjo. Ĕhi jiŕ'oho jemĕ rabĕni ĕma hisuebijĕvo'iĕ'aruĕjĕjo.

<sup>26</sup> Ĕhi uavamu hejĕ'i rue simano vaejaje ahuro va'oromo muorovo a bŕŕmohoro uavadeje: Ja rabĕni ĕ'anuĕjo. Ĕaho Rome raje hŕjo.

<sup>27</sup> Ĕhi uavamu hegorovo rue a bŕŕmohuro rueromo Paul uavadeje: Uvego na hejŕjo. Na ja Rome raje javajĕjo. Javajĕjĕmu Paul-ro uavadeje: Io'ajo.

<sup>28</sup> Io'ajĕmu a bŕŕmohuro uavadeje: Naro moni bŕŕŕme bu'ŕjĕ'ĕro ĕhu'ĕro na Rome raje jevajĕjo. Jevajĕjĕmu Paul-ro uavadeje: Rŕhu na monioho bogo bojĕmi'i a'i nasi vĕmu vavu'ohuro baejevĕmu evare na Rome raje jevade hŕjo.

<sup>29</sup> Ĕhi uavamu hejĕ'i evare Paul hisuebijĕ'i ua ga'iĕ'are aribŕviahuro huruomo va'o rori'o riravareje. Rori'o riravamu rue a bŕŕmohuro uehorovoromo uvadeje: Rome raje tŕvĕ'e jevajĕromo juhuonivadeje.

*Paul Jew rajo a masijo jabesi nunire namijade jŕhoje.*

<sup>30</sup> Muorovo a bŕŕmohuro juhuonivĕ'ĕro nĕrŕ uvadeje: Nume Jew rajo aribŕviahuro Paul-are jŕho rabu jŕ sisĕ majahui'iĕ'aruĕromo ae gŕ uĕvadeje: Paul tŕvare ŕ'oho jiovahŕ'i ae gŕ uĕvadeje: Abueromo uĕvego Jew rajo priest masijohu'o Jew rajo masijo

ioro'iorohu'o gagovorego na jabesi jöho he'iröjo. Ëhi ë'ë'ëro Paul hu'irae ba'obueromo Jew rajo a masijo jabesi nunire nugadeje.

## 23

<sup>1</sup> Jew rajo a masijo jabesi nunire nugamu Paul-ro gë avohoromo uëvadeje: Aganomë God-are nunire na sa'are hiromo rabe rabe ë'obe rovodoho na nasi herovajoho na ma-mae jevajëjo.

<sup>2</sup> Ma-mae jevajëjumu hegorovo priest bëröme Ananias-ro Paul-are bëhire riravare aribövioho uëvadeje: Paul jö'oro anohëjo.

<sup>3</sup> Anohëjumu hegorovo Paul-ro ri'öromo priest bërömo uavadeje: God-ro ja'o anago'ajëjo döhemu ajivavë'e aego. Ja aviae hijanuëjo mevoromo ga'iranëro na nosi jögoroho mae ejë'e jevego o bogo ejë'e jevego. Röhu jero ë jögoroho ahoromo uëvanuëjo: Paul anohëjo.

<sup>4</sup> Paul anohëjumu Paul-are bëhire riravare ariböviohuo Paul uavareje: Asë'e jero God-are priest bërömo aganuëjo.

<sup>5</sup> Aganuëjumu Paul-ro uëvadeje: Aganomë naro uvode höjo: Ëaho bogo priest bëröme hu höromo jövode höjo. Na uehorovo'ibejöjo na bogo ëhioho jövo'ibejöjo. Ëhesi bëhoho God-are surire jöho jajivoromo ëhi uövuë'e höjo: Jasi aribövi muebejëvaje aho nadi agonëjo.

<sup>6</sup> Ëhi uënuögoromo Paul-ro gavade ë a masijo ioro'ioroho Sadducee aribövie jioruomoi a ioro'ioroho Pharisee aribövie jioruomamu gëgorovo ë a masijo jabesi nunire ma-darugo'o uëvadeje: Aganomë na Pharisee ae jevajëjo. Nasi vëmu vavu'omohu Pharisee aribövie jëvade höjo. Na court-re namijaje hesi bëhoho Pharisee aribövi noehu uehorovaruëhi naro ëhi uehorovoromo uvaje höjo: Vuovë'e ariböviohuo i'ovoromo röhu maho ri'öruomoi'ajëjo.

<sup>7</sup> Ëhi uëvamu hejë'i Pharisee ariböviohu'o Sadducee ariböviohu'o irovoromo uehore gö gö baeruomadeje.

<sup>8</sup> Uehore gö gö baeruomade hesi bëhoho Sadducee ariböviohuo uvoruomajeje: Vuovë'e aribövioho bogo i'ovo'aruëjo. O anerahu'o aru'aho ioro'iorohu'o bogohöjo. A'i Pharisee ariböviohuo uvoruomajeje: Vuovë'e aribövioho iae i'ovo'aruëjo. Anerahu'o aru'aho ioro'iorohu'o iae jioruomajëjo. Iae ëhuni Sadducee ariböviohu'o Pharisee ariböviohu'o Paul-are jöho heromo irovareje.

<sup>9</sup> Irovoromo darugo'o uvobe rueromo Jew rajo jabesi jögoru öri röjëhjarue ahuro Pharisee aëro jëvë'ëro ri'öromo ma-darugo'o uëvareje: No gavaruoho ave aho sisë rumoi'e ae höjo. Nani mae-ëjo. Nani aneraëro o aru'aho göëro hesi örire je majahijë'ëro jövajëjo.

<sup>10</sup> Ëhi uënuögoromo irovoromo bërömo bëhe vörö'iraeruomamu gëgorovo rue muorovo a bërömo hu juhuonivadeje Jew rajohuro Paul-are övore duruajore ruhamirovego tariorovojöëni. Juhuonivoromo va'o hesi muorovo aribövioho uëvadeje: Abo nume ae aho'obëhe jiaruro ëhuro Paul baeniëhiromo hu'irae ba'ojiomoromo muorovo a nosi osaro nugorëjo.

<sup>11</sup> Ëhi'amu vahiromamu gagorovo Badaro rueromo Paul-are bëhire namiromo uavadeje: Nadi juhuonivo'i ma-biririvoromo hinëjo. Ja nasi jö Jerusalem ma-mae majëhijanëhi Rome amoho ëhu'o va'oromo nasi jöho ëhi ma-maemu majëhi'anuëjo.

*Jew rajo ae göehu göehu Paul ano'i uvoruomade jöhoje.*

<sup>12</sup> Ëhi uavë'ëro sisonuvamu gagorovo Jew rajo ariböviohuo gagovorovoromo jöe atoromo uarovareje: God-ro gö'ego no ioho jovoho bogo i'ëjarëjo hujeji Paul anogoro evare iröhëro.

<sup>13</sup> Ëhi uarovare aribövioho ae aho'obëhe 40 iosirëmiromo ruëhi jiadeje.

<sup>14</sup> Ëhi uarovoromo va'oromo priest masijohu'o a duvaho ioro'iorohu'o uëvareje: Noro darugo'e jöe atoromo uarovare höjo: God-ro gö'ego no ioho jovoho bogo i'ëjarëjo hujeji Paul anogoro evare iröhëro.

<sup>15</sup> Ëhuni ave muoho vaenëjo. Jemë'o Jew rajo nosi a masijo ioro'iorohu'o Rome muorovo a bërömo hu jöho nugö'öromo sareramiro mo uarëjo: Paul röhu maho hu'irae baruvebijego jö mevarue ariböviohuo hesi jöho he avohoi'irarëjo. Jöe nugö'öromo ëhi uarëjo. Röhu muorovo ariböviohuo jemesi jöho eromo Paul hu'irae barovamu gavë'oho noro örire atovoromo rue'iramu ano'ëjarëjo.

<sup>16</sup> Ëhi majëhijumu Paul-are ma'ino hesi harihohuro Paul anoröhe jöho hejadeje. Heromo ruhe muorovo aehu raromarue osare ajiomoromo Paul huruoho majahijadeje.

<sup>17</sup> Majahijumu hegorovo Paul-ro muorovo simano vaëjaje ae gemuëni uvadeje: Rovego na jöe majahijöromo rovamu uavadeje: Ave a i'oho muorovo a bërömo hesi öroro hu'irae va'ego hesi jöho majahi'irajo.

<sup>18</sup> Majahi'irajamu hu'irae bava'oromo muorovo a börömo uavadeje: Ave a i'o naehu barovode hesi bëhohe ë hisiehu tövê'e aho Paul-ro hesirire va'ojöro uvevonugoromo naro va'amu uevade höjo: Ave a i'oho bava'ego hesi jöho a börömo majahi'irajo. Èhuni barovode höjo.

<sup>19</sup> Barovode höjamu rue a börömhuro a i'oho övore ma'eno bava'oromo va'o rori'o jabesi sivue ariromo uavadeje: Rabu jöe majehi'ie'anuëjo.

<sup>20</sup> Majehi'ie'anuëjamu a i'ohuro uavadeje: Jew rajo aribövihuro uarovare höjo: Nèri muorovo a börömo sareramiro mo ua'ejärëjo: Paul baruvebijego Jew rajo jö mevarue a masijohuro hesi jöho he avoho'irarëjo.

<sup>21</sup> Èhi uarovê'e jiaje èhuni Jew rajehu nèri jö majahijê'oho nadi ejëhoromo Paul Jew rajo a masijo jabesi öriroho hu'irae ba'obue'i ave osaro nugonëjo. Èhesi bëhohe Paul raje ae aho'obêhe 40 iosirëmiromo ruëhi ëmino'e gurihovoromo atovo'aruëjo Jew rovego anoröhëni. Èhesi bëhohe urimê'i uarovare höjo: God-ro gö'ego no ioho jovoho bogo i'ejärëjo hujeji Paul anogoro iröhëro. Èhi uarovare höjo. Röhu jaruvo jabumê bövie bise'e avohê'ëro jîê'ëro raromo muebejaruëjo hujeji nèri jasi jöho he'iröhëro.

<sup>22</sup> Èhi majahijamu hegorovo rue a börömhuro a i'oho uavadeje: Jaehu majehanue jöho bogave aho majehi'iranëjo. Èhi uanugoromo nugö'öjamu va'adeje.

*Muorovo a börömehu Paul nugö'öjamu Jerusalem jioromo Caesarea amore va'ade jöhoje.*

<sup>23</sup> Va'amu gagorovo rue muorovo a börömhuro hu ajamiromo simano vaejarue aho niö'i uëvadeje: Ruehego na jöe majëhijöjo. Rovamu uëvadeje: Kaejö ègehu muorovarue aribövioho 200 o horse-re jijjhoromo muorovarue aribövioho 70 o bijëhu muorovarue aribövioho 200 èho gagovëvego jaburo vahi'e 9 o'clock evare va'irarëjo.

<sup>24</sup> O horse gö avoho'amego Paul-ro jabesi döre hiro mo va'onövo'irajo. Eni romoromo jiego evaro va'oromo Paul avoho hu'irae baeromo muebebe va'orego èhuro bogo anego guomo'i sa'a muebejaje a böröme Felix-arire mae va'irajo.

<sup>25</sup> Èhi uënuoromo muorovo a börömhuro jöho surire jajivoromo uavadeje:

<sup>26</sup> O asê'e Felix ja a börömego Claudius Lysias naro jasi örire jejamijajëjo.

<sup>27</sup> Ave nugö'öjaje aho Jew rajo aribövihuro guduamoromo ano'ie'are höjo. Ano'ia'amu naro hejode uvavamu: Hu Rome raje hõ uvamu hegorovo naro nasi muorovo ariböviohu'o gemu mae va'oromo gëvode ano'ia'amu gëgoro baeniëhiromo hu'iraeromo rovode höjo.

<sup>28</sup> Rueromo he'i negade höjo uevego: Èhi èhi ë'amu noro Paul ano'iro ë'are höjo. Ano'iro ë'are jöho he'i negamu naro Paul hu'iraeromo Jew rajo jabesi jö mevarue a masijo jabisirire abuejode höjo jö bëhohe he'iro.

<sup>29</sup> Hu'iraeromo abueromo bëhohe hejode höjo. Ano'ie'are bëhohe Jew rajo aribövihuro uevare höjo: Paul-ro Jew rajo nosi jögoroho ahade höjo. Èhi jîê'e jöhuni ano'ie'are höjo. Röhu na gavode höjo mu sisê vaejogo mana anaruëhi jîê'e mu sisêho o mu sisê vaejogo savoji gagore ba'amaruëhi jîê'e mu sisêho èhi jîê'e muoho Paul bogo vaejê'e jiamu.

<sup>30</sup> Èhi gavê'ëro va'o ijönö hejode ae göëro huruoho majehiromo uevamu: Jew rajëro Paul ano'i örire atovo'aruë uevamu hejê'ëro na ma-burëro Paul Felix jasi örire nugö'öjajëjo. Hu jasi örire nugö'öromo Jew rajo aribövioho uë'irögoro ë'ajëjo jaburo Felix jasi örire ö'oromo Paul-are jö sisêho majahego jero he'iranego. Ahia mino'ëjo.

<sup>31</sup> Èhi jajivoromo vahiomamu gagorovo muorovo aribövihuro jabesi a börömo ejahoromo Paul hu'irae va'oromo Antipatris amore ë suorovareje.

<sup>32</sup> Amore suorovoromo sisonuvamu gagoro muorovo a ioro'iorohuro jabisirëro va'irögoro horse-re jijjhoromo muorovarue aribövihuro ri'öromo Paul hu'iraeromo va'areje.

<sup>33</sup> Va'aroho va'o Caesarea amore ë suorovareje. Caesarea amore suorovoromo Paul barovare jö hesi suri surioho sa'a a börömo bojamiromo uavareje: Aveho Paul höjo.

<sup>34</sup> Aveho Paul höjamu sa'a a börömhuro suri surioho adahoromo Paul uavadeje: Ja di sa'aho raje javajëjamu Paul-ro uavadeje: Cilicia sa'a raje jevajëjo.

<sup>35</sup> Cilicia sa'a raje jevajëjamu a börömhuro uavadeje: Jasi jö sisê atarue aribövioho rue'iramu evare na jasi jöho he'ejöjo. Èhi uanugoromo hesi aribövioho uëvadeje: Paul hu'irae va'oromo Herod-hu vaejade osa börömo nugego atovarue aribövihuro ë muebe'irarëjo.

## 24

*Paul sa'a muebejaje a böröme Felix-are nunire namijamu Jew rajo a ömo'ömehu Paul-are jö sisë majahijare jöhoje.*

<sup>1</sup> Paul osare nugamu majae övo gö mine barëjumu gagorovo priester böröme Anias-ro Jew rajo a duvaho ioro'iorohu'o jabesi court jö majëhijaje ae gemu Tertullus hu'o ë aribövioho sôjëvoromo Caesarea amore ë ruvebijadeje. Ruvebiromu sa'a a böröme Felix hesi hesi nunire riravoromu Paul-are jö sisëho huruoho majahijareje.

<sup>2</sup> Majahijamu Tertullus-ro jöho majahijöro Felix-ro uavamu hegoro Tertullus-ro ri'öromu Paul-are jö sisëho majahiromu uavadeje: Na jö majahi'ie'ajoho henëjo. Ja a böröme javajëjo. Jero avoho muebejavuë'ëro majae ëgobövie no iro muorovo'oho bogo vae'i ma-mae raromobe rovë'e javuajëjo. O mue rabe rabe bogo eni javuobe rovë'oho jero ajamuego nosi sa'aho mu maëremu ri'öjego no huë mae raromarue höjo.

<sup>3</sup> Èhuni Felix jaehu vaejanue muoho dirö'e aho'o majae aho'o mae hö uvoromu dë vövöbajo'e aho'o jasi örire rajahijarue höjo.

<sup>4</sup> Röhu na jasi mu majaho bogo anahoromu jö ëgoho majahi'i ma-bunemu majahi'ie'ajëjo. Èhuni uavajëjo: Huë baejavuoromu nosi jö hariho avoho henëjo.

<sup>5</sup> No gavë'e javuajëjo ave aho Paul a sisë bëhe jiamu. Hu jö sisë jövobe sa'ae dinö'e dinö'e juvoromu Jew rajo jabesi dë iëhego muorovo'i vörö'iraeruomaje höjo. Iesu Nazareth rajo a hesi sisë aribövi jabesi simano vaejarue aho Paul hu'oje.

<sup>6</sup> Èhi jië'e aëro jië'ëro huro God-are osa börömoho ijumo'iro ë'amu gagorovo noro guduamare höjo. [Guduamu bava'oromo noro court vaeromu Jew rajo nosi jögoroho uehorovoromu hesi jö sisëho ga'irögoro ë'amu

<sup>7</sup> muorovo a böröme Lysias-ro ö'oromo ma-darugo'o baeniahuiromu ruho bava'ade höjo.

<sup>8</sup> Bava'onugoromu huro Jew rajoho no uövuade höjo noro Caesarea ruvebiromu Paul-are jö sisëho huruoho majëhijego Felix jero he'iranego.] Röhu jaehu Paul ua gavë'oho hesi jö sisë noehu majahijaruoho jasi hia'ëro he barë'anuëjo. Ahia mino'ëjo.

<sup>9</sup> Èhi majahijamu hejë'i Jew raje ae aho'obëhe jaburo hu ajamiromu uavareje: Tertullus-ro jö mae jövajëjo. Paul hu ëhi jië'e ae höjo.

*Paul-hu Felix-are nunire namiromu hesi arijo'arije ajamirovoromu majahijade jöhoje.*

<sup>10</sup> Èhi majahiruomamu rue sa'a a börömohuro uvene aho röjahijadeje Paul-ro garomu evare hesi jöho jövöjoro. Èhi'amu gagorovo evare Paul-ro majahiromu uavadeje: Iae na gavajëjo jaehu jö mevanue mu hesi öri muebebe rovanoho vadune aho'obëhe barëjë'e javajëjo. Èhuro na dë mae jevo'ego nasi jöho majahi'ie'ajëjo jero heromu uvojöro: Paul mu sisëho bogo vaejë'e höjo.

<sup>11</sup> Naehu majëhi'ie'aje jöho jasi nagë'oho ae uë henëjo mae o sarere jiego. Naehu God rajahi'i Jerusalem ajiomodoho maja ëgoho bogo barë'i majae 12 ëhuremu barëjë'e höjo.

<sup>12</sup> Jerusalem hijodevaroho nasi jö sisë majahijarue aribövioho na mu sisë vadu'oho bogo vaejamu jabumë gevë'e höjo. God-are amo börömore hiro mu na ae gö'oho bogo jö aho'ahoho ë'ode höjo. Jew rajehu God rajahijarue osare osaroho o Jerusalem uhure dinö'e dinö'e na bogo mu sisëho vaeromu jö sisëho majëhijode höjo aëro iro muorovo'e vaejoro. Na ëhi jië'e mu sisëho bogo vaejamu jabumë gevë'e höjo.

<sup>13</sup> Bogo vaejamu gevë'ëro jö bëhi ja majahijego heromu mae uehorovo'irano ho jabesi öriroho bogohöjo. Bogojië'e nasi örire ëma nibejeharuëjo.

<sup>14</sup> Ruëroho numëroho na bogo ömo'i ave ömaje jöhemu huruoho majëhi'irodoho jevajëjo. Na Iesuare öri i'ore juvaje höjo. Röhu ave Jew rajoho jaburo uevarue höjo: Èöroho sisë öriro juvanue höjo. Èörire iae na ë juvoromu ëhuro nosi hijo miono'o muebejëvobe rovade aho God rajahijaje höjo. Iae na ëhi ë'aje höjo röhu Jew rajehu ë'aruëhi Moses-hu bojamuade surire jögorohu'o jö God-aro baeromu majahuinövere a jabesi surire jöhu'o na'ö ëhi mae uehorovo avohaje höjo.

<sup>15</sup> O ave Jew rajehu ë'aruëhi na'ö ëhi gemuoho God mae uehorovoromu uvaje höjo: God-ro vuovë'e aribövioho a mahu'o a sisëhu'o i'ovavuo'iramu ri'ö'ejarëjo.

<sup>16</sup> Èhi uehorovoromu God-are nunire o ae aho'o jabesi nunire mae namijego dë mae jevo'iröhohuni ëhuni na ömo gavaje höjo. Na ëhi jië'e ae jevajëjo.

<sup>17</sup> Èhi jië'e aëro jevë'ëro öre gö hiro mu vadune gö gö barëjumu evare ijo bajoho ujuhoromu Jerusalem rovode höjo nasi aribövioho suvuorëmi'irodëro. O rovode höjo Jew rajo muoho vaeromu bijuëmare mioho God-are örire suvuorami'irodëro.

<sup>18</sup> Jerusalem ro hiro mu ëhi jië'e muoho vaejamu evare Jew rajohuro ro gevare höjo na God-are osare jevamu. Röhu na urimo Jew rajo muoho vaejamu sisëho barë'i ma-mae

jevë'ëro ëhu'ëro na God-are osare jevadoho iae mae jiade hõjo. Rõhu göho jabuhu gevare majare ae aho'o na'ohohogojio'i iro muorovo'e jõjõje rabe rabe bogojiade hõjo.

<sup>19</sup> Na ëhi mae hijamu jaburo gevare hõjo. Rõhu Jew raje Asia sa'are jioromo rovarohuro ë osae gemuore jiare hõjo. A'i jabumë aveho bogo rovere hõjo. Ëaribõvioho jabumë nasi jõ sisë jëvo'ibejajo rueromo jasi õrire majahi'ibejarëjo iae mae jio'ibejajo. Rõhu bogo rove'e hõjo.

<sup>20</sup> O na Jew rajo jõ mevarue a masijo jabesi nunire namijodevare jabuhu nasi mu sisë rabe gavaroho nadi'ego ave aribõviohuro majahijego hejëjo. Rõhu nasi sisëho bogo birohare hõjo.

<sup>21</sup> Ave jõhuremu hejare hõjo. Na jabesi nunire namiromo ma-darugo'o uvode hõjo: Jemëhu jaruhu court vaejevoromo uvarujoho: Paul-are ihoho sisë hõ uvaruje hesi bëhoho naro mae uehorovoromo uvaje hõjo: Vuovë'e aribõvioho i'ovoromo ri'õ'ëjarëjo. Ëjõhuremu hejare hõjo. Ahia mino'ëjo.

<sup>22</sup> Paul-ro ëhi majahijamu hegorovo Felix-ro Iesuare õri hesi jõho mae hejë'ëro uëvadeje: U'emu muorovo a bõrõme Lysias ruvebi'iramu evare na jemesi jõho gö'o heromo uë'ëjõjo: Paul-are jõho mae hõjo o bejë'e hõjo. Ëhi uënugoromo court-oho tugohadeje.

<sup>23</sup> Tugohoromo muorovo simano vaejaje aho uavadeje: Jero Paul muebejego bogo rori'ohoho va'i ë bëhiremu hi juvo'irajo. O hesi aganehu õ'oromo ajami'ie'iroho nadi nijio'iraejõvonëjo.

*Paul-hu Felix'o hesi vabore Drusilla'o jabesi nunire namiromo jõ jõvade jõhoje.*

<sup>24</sup> Ëhi'oromo majae gemu niõ'i barëjamu Felix-ro hesi vaborohu'o gemu mae Paul ga'i va'adeje. Vaboro hesi ihoho Drusilla jiadeje. Hu Jew rajo magonahe jiadeje. Felix-ro va'oromo Paul-ro hesirire ruejõro jõe nugõ'õjadeje. Jõe nugõ'õjamu Paul-ro rueromo Iesu Keriso mae uehorovarue jõho majahijamu Felix-ro hejadeje.

<sup>25</sup> Hejamu Paul-ro mu maemu vaerõhe jõho ma-taemo raromo'irõhe jõho u'emu God-are nunire riravorõhe jõho ëhi jië'e jõho jõvobe va'amu Felix-ro heromo juhuonivadeje. Juhuonivoromo Paul uavadeje: Va'ëjo. Majae eni jevo'iramu jõe nugõ'õ'ëjõjo jero sionëro ruejõro.

<sup>26</sup> Ëhi uaromo huro sareri'e muoho vae'i uehorovoromo uvadeje: Nani Paul-ro ue'a'ajëjo: Ë'ëgo na ja ijo bajo harihe saginiëri bojamego jero ëho bae'i na ëma jiovo remõ'õjëjo. Felix-ro uehorovoromo uvadeje: Paul-ro ëhi ue'a'ajëromohuni Paul-ni jõe nugõ'õ'i hijadeje. Nugõ'õ'i hiromorue'ego huro Paul'o jõe jõvonõvadeje.

<sup>27</sup> Ëhi'õjuvo vadune niõ'i barëjamu Felix-ro sa'a muebejaje muoho vuonugo'i Jew rajo aribõviohuro hu mae uehorovojõro Paul savoji gagore ëhi nugoromo va'adeje. Va'amu Porcius Festus-ro rueromo hesi sionohobaejadeje.

## 25

*Paul-hu Rome va'oromo a bõrõme Caesar-are nunire namiromo court avo'avohovae'rõhëro jõe jõvade jõhoje.*

<sup>1</sup> Hesi sionohobaeromo Festus-ro sa'ahomuebe'i rovadeje. Rueromomajae niõ'i gemubarëjamu Caesarea amore jioromu Jerusalem ajiomadeje.

<sup>2</sup> Ajiomamu Jew rajo priest masijohu'o Jew rajo a masijo ioro'iorohu'o ëho jaburo Paul-are jõ sisëho huruohomajahijareje Festus-ro hejëro. Paul-are jõ sisëho majahinugoromo Festus uavareje:

<sup>3</sup> Jero huë baeromoramuiromova' Paul nugõ'õjego Jerusalem rojomõ'irajo. Ëhi uagavarehesi bëhohourimë'i Paul õri ahore ano'i saginiëri atë'ërohohuni uavareje: Nugõ'õjego Jerusalem rojomõ'irajo.

<sup>4</sup> Rojomõ'irajamu Festus-ro uëvadeje: O-ajo. Paul Caesarea amore savoji gagore jië'ërorojomõ'irõhohobogoeni jiajëjo. Rõhu na aviaevëjõ'e vëjõ'e Caesarea vuonorõ'õ'ëjõjo.

<sup>5</sup> Ëhuni jemesi masijohuro Caesarea amorona'õ'oromo Paul-are jõ sisë rabe rabe jië'õhocourt vaeromomajehijego na he'irõjo.

<sup>6</sup> Ëhi uënugoromo Festus-ro Jerusalem hiromomajae gö'o 8 o 10 rabu'e barëjamu Caesarea amore vuonorõ'õ' abuejadeje. Abuejë'ëronëro court vaeromom Paul hu'irae ruejõro uvadeje.

<sup>7</sup> Paul hu'irae rovamu Jew raje mami'e Jerusalem jioromoruvebijarohojaburo Paul-are bëhire gagovorova'oromosareri'e jõ masijohoho'obëhe Festus majahiromouavareje: Paul-ro ëhi jië'e ëhi jië'e mu sisëho vaejade hõjo. Paul-are jõ sisëho ëhi majahiromorõhu jõ bëhi majahego mae uehorovo'irõhohohabesi õrirohobogojiadeje. Bogojië'e manibeahareje.



<sup>8</sup>Ma-nibejahamu Paul-ro Festus uavadeje: Na sisêho bogo vaejê'e jevajêjo. Jew rajo nosi jôgoroho God-are osa bôrômo Rome a bôrômehu no muebejavuajoho na jabesi jôho bogo ahoromo jabesi muoho bogo ijumêhê'e jevajêjo.

<sup>9</sup>Ëhi majahijamu gavê'i Festus-ro Jew rajo aribôviohuro hu mae uehorovojôro nimamu Paul uavadeje: Na ja nagajêjo Jerusalem ajiomoromo ê amore nasi nunire namiromomo jasi jô sisê jabuhu ataruocho mevo'iro.

<sup>10</sup>Ëhi uavamu Paul-ro uavadeje: Bogajo. Na aviae Rome a bôrômo hesi court-re namijajêjo. Ëhuremu gemu iae maho hôjo. Ja'o iae gavanuêjo Jew rajo aribôvioho na bogo sisê vaejêvode hôjo.

<sup>11</sup>Na mu sisê vaejê'ero guomevorôhe bêhoho jio'ibejajo na bogo nijio'iraejêvego jabesi anegego guomevo'ibejajo. A'i ê Jew rajo aribôviehu nasi jô sisê êma barueromo nibejihiromomo uavaruoho: Paul-ro êhi ê'ade hô uavaruoho aho Jew rajo jabesi ôvoroho bogo êma bojêmi'arujêjo court vaejevorumo i'ue bojemi'irôhego. Ëhuni na negajêjo Rome va'oromo muebejavuaje a bôrômo hesi nunire nami'iro.

<sup>12</sup>Ëhi uavamu Festus-ro hesi jô ajamiromomo mevarue aribôvi jabesi jôho heromo Paul uavadeje: Jero uevanuêjo: Na negajêjo Rome va'oromo a bôrômo hesi nunire nami'iro. Ëhuni iae va'oromo hesi nunire nami'a'anuêjo.

*Paul-hu a bôrôme Agrippa'o Bernice'o ma'ino'o ma'ino'o jabesi nunire namiromomo jôvade jôhoje.*

<sup>13</sup>Ëhi'amu va'lo ririvanovamu evare a bôrôme Agrippa'o Bernice'o jaburo niô'iro Festus jejami'i rovareje.

<sup>14</sup>Rueromomo majae bisemu êge hu'lo arijareje. Arijamu Festus-ro Paul-are jôho Agrippa majahiromomo uavadeje: Ae gemu aviae hôjo mami'e Felix-ro savoji gagore ba'amoromo nugo va'ê'ero.

<sup>15</sup>Na Jerusalem ajio hijodevare evare Jew rajo jabesi priest masijohu'o a duvaho ômo'ômohu'o êho jaburo hesi jô sisêho huruoho majehiromomo uevare hôjo naro hu i'ue bojami'irodego.

<sup>16</sup>Ëhi uevamu uêvode hôjo: Rome aribôvioho no êhi jiê'e muoho bogo vaejarue hôjo. No bogo aho a jabesi ôvoroho êma bojêmijarue hôjo i'ue bojemi'irôhego. A'i urimo iho sisê'e ahu'lo hesi jô sisê majahuijarue aribôviohu'o gemuore jio'iramu jaburo hesi jô sisêho majahui'iramu huro mana hesiroho majahui'ajêjo. Hujeji hesi jôe bejê'ohuro êhuro i'uocho bojami'ejarêjo.

<sup>17</sup>Ëhi uêvode hôjo. Rôhu ê Jew rajo aribôviohuro Paul-are jô sisêho huruoho majehi'i ruvebijamu gêgorovo na bogo ôrisanuovo'i nêrôho nasi aribôvioho uêvode hôjo: Paul hu'irae ruehego court vaejêjo.

<sup>18</sup>Ëhi uêvamu hu'irae rovamu Jew rajo aribôviohuro ri'ôromomo Paul-are jô sisêho majahuijare hôjo. Majahuijamu naro uvode hôjo: Nani jaburo Paul-hu mu sisê bêhe vaejade jôho majahui'aruêjo. Rôhu bogo êhioho majahuijare hôjo.

<sup>19</sup>A'i Jew rajehu jabesi beroharue jôhuremu Paul'o jô aho'ahamirovare hôjo. Jô aho'ahamirovoromomo jabesi sareri'e aru'aho hesi mu jôhu'o guomê'e a hesi ihe Iesu ê a hesi jôhu'o jô aho'ahamirovoromomo Paul-ro uêvade hôjo: Êaho Iesu bogo guomê'e iae hijajêjo. Ëhi jiê'e jôhuremu court-re barovare hôjo.

<sup>20</sup>Ëhi barovamu hegorovo naro uvode hôjo: Ëhi jiê'e jôho bogo avoho hejê'ero na bogo mevo varijênoho jevajêjo. Bogo mevo varijênoho jevajêromomo êhuni Paul uavode hôjo: Na ja nagajêjo Jerusalem ajiomoromo Jew rajo jabesi nunire namijego jaburo ê jôho mevo'irôhego.

<sup>21</sup>Ëhi uavamu Paul-ro uevade hôjo: Na bogo ajiomoejêjo. Na negajêjo jemêro na muebejevego hujeji na Rome amore va'ego muebejavuaje a bôrômohuro nasi jôho mevo'irôhego. Ëhi uevamu naro nasi muorovo aribôvioho uêvode hôjo: Paul avoho muebejêgo bogo rori'oho va'irajo hujeji naro Paul nugô'ôjêgo va'lo Rome rajo a bôrômo hesi nunire nami'irôhego.

<sup>22</sup>Festus-ro jôho êhi majahijamu hegorovo Agrippa-ro uavadeje: Paul-ro jôho jôvego na'lo nasi hia'êro he'i negajêjo. He'i negajêjamu uavadeje: Jôho nêri jôvo'iramu he'a'anuêjo.

<sup>23</sup>Ëhi uavê'ero nêrô Agrippa'o Bernice'o rovamu ae aho'obêhe jaburo ri'ôromomo jabesi ihoho dôro bamoromo rajêhijareje. Rajêhijamu gavê'i jaburo niô'iro muorovo a masijohu'o amo rajo a masijohu'o gemu mae gagovarue osa bôrômore rueruomadeje. Rovamu gatorovo Festus-ro ae uêvamu Paul hu'irae rovareje.

<sup>24</sup> Hu'irae rovamu Festus-ro jöe majëhiromo uëvadeje: Agrippa a bërömhajo. O a ioro'lore ave gemuore gagovarijohumë ave aho Paul aviae nami'ego gavarujëjo. Ëa hesi jö sisëho Jew rajae ae aho'obëhe ave raromaruohu'o Jerusalem raromaruohu'o ëho jaburo nasi örire majehiarue höjo. Majehiromo jö'e dadovoromo ma-darugo'o ueruomaje höjo: Ave sa'are ëgo'o ma-hijë'oho bogo maehu höjo.

<sup>25</sup> Jabuhu ëhi uevarue höjo röhu anego guomoröhe hesi bëhoho bogo birohë'e jevajëjo. Röhu Paul-ro hesi uevade höjo: Remö'öjego naro Rome va'ego ë a bërömhuro nasi jöho mevo'irajo. Ëhi uevamu ëhuni uvode höjo: Naro Paul nugö'ö'ejöjo Rome a bërömo hesirire va'iröhego.

<sup>26</sup> Iae na nugö'ö'ejöjo röhu Paul-are mu sisë jö jajivoromo a bërömo hesi örire nugö'ö'irodoho bogovejajëjo. Bogovejë'ego ëhuni naro uëvode höjo Paul hu'irae rovego huro ae aho'obëhe jemesi nunire o Agrippa jasi nunire namijego noro hesi jöho heromo mevoromo bëhoho garomo eni jiego evare jöho jajivoromo nugö'ö'irodëro.

<sup>27</sup> Ëhesi bëhoho naro uvode höjo: Tövë'e a hesi jö sisë bogo jajivë'e ma-nugö'ö'jë'oho ëhi jië'oho bogo maehu höjo.

## 26

*Paul-hu Agrippa-are nunire namiromo hesi arijo'arije ajamirovoromo majahijade jöhoje.*

<sup>1</sup> Ëhi uëvamu Agrippa-ro Paul uavadeje: Jasi jöho majahuego no hejarëjo. Hejarëjamu Paul-ro jöe jövo'irögoro öve nigemoromo uëvadeje:

<sup>2</sup> Agrippa a bërömhajo. Na jö harihe majahi'ie'ajëjo. Jew rajehu nasi jö sisë rabe rabe majëhiruomego naehu aho'i jaruvo jasi nunire namijajoho na uvajëjo: Iae huë mae baejë'e jevajëjo.

<sup>3</sup> Huë mae jevaje hesi bëhoho aveho bërömhoho höjo. Jew rajehu mu diehi vaeromo jö rabe beroharuoho Agrippa jero mae gavanuego ëhuni Paul naehu jasi nunire namijajoho iae mae höjo. Ëhuni na negajëjo jero ma-taemorovoromo nasi jöhemu he'iranego.

<sup>4</sup> Na asisö'o jevadire aevoromo nasi sa'a rajohu'o gemuore hibe o ro Jerusalem amo rajohu'o gemuore naehu diehi hibe rovodoho Jew rajae ae aho'obëhe mae gavë'e höjo.

<sup>5</sup> Jew rajëro mami'e gabe rovë'ëro jaburo iae mae geromo uvarue höjo: Pharisee aribövi jabesi jöho mami'e aevoromo ebe rovode höjo. Jew rajo ioro'ioroho Jew rajo nosi jögoru ejaruoho ma-jianovo'i a'i Pharisee ariböviohuro e avoharue höjo. Naehu ëhi eromo vaebe rovodoho ave Jew rajohuro nimë'oho ua'a'aruëjo: Paul jö mae jövajëjo.

<sup>6</sup> Röhu avevejö'e naehu jasi nunire namijaje hesi bëhoho aveho höjo. Naro mae uehorovoromo uvaje höjo: Iae mae-ëjo. God-hu nosi hijo miono'o uëvadëhi huro ëhi ajamui'iramu ma-mabëhe raromo'ejarëjo.

<sup>7</sup> Nosi Jew rajo anie aho'obëhe 12-ho jabumë ae aho'obëhe vae majae God rajahiemu rajahiromo naehu uehorovajëhi jabu'o ëhi gemuoho uehorovoromo uvarue höjo: God-ro uövuadëhi ijönö nosi örire ajamui'iramu mae raromo'ejarëjo. Agrippa jabuhu uehorovarüehi na'o ëhi gemuoho uehorovaje höjo röhu ë jöhuni Jew rajohuro nasi jö sisëho huruoho majë'ëgo naro jasi nunire namijajëjo.

<sup>8</sup> Röhu Iesu guomamu God-hu i'ovadoho jemë bogo maho uehorovarujëjo. Jemë rabëni uvarujëjo: God-hu vuovë'e aribövi i'ovo'amaje jö uehorovo'iröhoho no bogo eni javuajëjo.

<sup>9</sup> Urimë'i na'o uvonövode höjo: Naehu bövi bise'o vaeromo ëhuro Nazareth rajae Iesuare iho ijumë'oho ëhi jië'oho ëho nasi mu maho höromo

<sup>10</sup> ëhuni Jerusalem hiromo hesi muoho ijumo'i ë'ode höjo. Ëhi'oromo naro priest masijo jabesi jöho baeromo God-are aribövioho aho'obëhe guduamo ujuoho va'oromo savoiji gagore io'amonövode höjo. O Jew rajo a masijo ioro'iorohuro Iesuare aribövi jabesi jöho mevoromo vuovëvojöro uë'ego na'o ajëmiromo uënövode höjo: Iae mae uëvarujëjo. Jabumë vuovë'oho iae mae hömo.

<sup>11</sup> Ëhi'oromo majae aho'obëhe Jew rajehu God rajahiarue osare osare va'oromo Iesuare aribövi jabesi örire i'ue bojëmijöro uënövode höjo. I'ue bojëmijöro uëromo uënövode höjo: Uöhëjo: Noehu Iesu mae uehorovaroho avevejö'oho vuonugë'e javuajëjo. O naro jabumë muo'amëvo'i vörö'iraeromo ëhuni nasi sa'aho vuonugo'i sa'a göre göre amo göre göre va'onövode höjo sisë vae'amo'iro.

*Paul-hu aevoromo Keriso mae uehorovade jö majahijadohoje.*

<sup>12</sup> Iesuare aribövioho sisë vaejëvo'irögoro ëhuni jabumë guduamo ujuoho rue'irodego nosi Jew rajo priest masijehu jajivare jöho naro baeromo Damascus va'ode höjo.

<sup>13</sup> Rõhu Agrippa naro õrيره va'oromo majae ririre jiamu va'ihõ gavode hõjo ajoho õ'idõre jioromo ruvebiromo na'o na'o gemu mae õ'arue aribõviohu'o ajivavuamu. Maja nuni hesi ajoho ma-jianovo'i èho aji bõhe jiamu gavode hõjo.

<sup>14</sup> Ajivavuamu gagorovo no ae aho'obõhe sa'are behumorovoromo naro hejode hõjo nasi Hebrew jõero uevavamu: Asè'e Saul-ajo. Ja rabëni sisè vaejevanuëjo. Naro ja minõ'e sivavamu jero na ijumevo'i hõromo jasi ijumorovë'e javajëjo.

<sup>15</sup> Èhi uevamu naro uavode hõjo: Bada ja rahuo javajëjamu uevade hõjo: Jaehu sisè vaejevanue aho Iesu na jevajëjo.

<sup>16</sup> Rõhu de jero ri'õromo jasi hõrëro dõro namijëjo. Naehu jasi nunire rovode è hesi bõhoho naro ja nasi baejavego jero nasi muoho vaejehoromo jaehu na gevanue jõhu'o u'emu naehu rõtjihijego ga'irane jõhu'o ae majëhibe juvonõvo'iranego èhuni rovode hõjo.

<sup>17</sup> Majëhibe juvo'iramu naro ja ajami'iramu Jew rajohu'o sa'a ioro'ioro rajohu'o ja bogo anago'aruëjo. Iae na sa'a ioro'ioro rajo jabesi õrيره ramõ'õ'ejõjo.

<sup>18</sup> Ramõ'õ'iramu jero va'oromo ajëmiromo jabesi nunoho dadovëho'iramu ramoramo'e muoho vuonugo'i ma-ajiro ramomo'aruëjo. Satan-are võrõ hesi uhure raromaruoho vuonugo'i God-are aharire raromo'aruëjo. God-are aharire raromoromo nasi õrيره mae uehorovëv'ëro God-ro jabesi sisèho uehorovoromo vuonugoromo jabesi rõhoho bojëmi'iramu God-hu baejëvade aribõvi ioro'iorohu'o gemu mae raromo'aruëjo.

*Paul-hu Keriso-are mu vaebe rovade jõ jõvadohoje.*

<sup>19</sup> Rõhu King Agrippa Iesuro õ'idõre hiromo èhi ajoho rõtjehiromo jõho majehijamu garomo hejode hõjo. Heromo na bogo bijõnimode hõjo.

<sup>20</sup> Bogo bijõnimo'i a'i huhu uevadëhi èhi vaeromo urimo Damascus amore ijõnõ Jerusalem amore Judea sa'ae bõvioho sa'a ioro'ioro rajo jabesi sa'are èhi Iesuare jõho majëhibe juvoromo uenõvode hõjo: Uehoro sisèho vuonugo'i God mae uehorovoromo mu maemu vaenõvorëjo. Mu mae vaejè'o ho èhuro noro gëromo uvo'ejarëjo: Iae mae-ëjo. Jemëro mu i'oho mabëhe baejè'e jëvajëjo.

<sup>21</sup> Naro èhi jiè'e jõho majëhibe juvè'ego èhuni Jew rajo aribõviohuro God-are osa bõrõmore guduamevoromo anego'iè'are hõjo.

<sup>22</sup> Anego'ia'amu God-ro na ajemibe rovè'ëro èhu'ëro jaruvoho iae na aviae jevajëjo. Aviae jevè'ëro naro namiromo nasi jõ maho majëhi'ego jemë a ininore va'o a masijore èhi hejarujëjo. Nasi jõho iae mae hõjo. Èhesi bõhoho ijõnõ jiorõhe mu jõho urimë'i jõ God-aro baeromo majëhinõvare aribõvi jabesi surire o Moses-are surire jajivarëhi naro èhi majëhijaje hõjo.

<sup>23</sup> Jabuhu jajivarëhi naro èhi majëhijaje hõjo. Jaburo jajivoromo uvonõvare hõjo: Bõrõme namiromo ajamui'irõhe aho huë vavaene bõrõme baeromo guomo'a'ajëjo. Guomo'iramu a ioro'ioroho taemëvo'i huro urimo ri'õ'ajëjo. Ri'õromo hesi aji'e jõho majëhi'iramu Jew rajohu'o sa'a ioro'ioro rajohu'o heruomo'ajëjo.

<sup>24</sup> Paul-ro hesi jõho èhi majëhijuvo evare Festus-ro ri'õromo ma-darugo'o uavadeje: Paul ja simane sisërëjavolego èhi jiè'e jõho jõvanuëjo. Ja bõrõme gavè'e aëro javè'ëro èhu'ëro jasi simanoho sisërëjahé'e hõjo.

<sup>25</sup> Sisërëjahé'e hõjamu Paul-ro uavadeje: Bogajo. Nasi simanoho bogo sisërëjehé'e hõjo. Na simano maëro jevè'ëro jõ maemu jõvajëjo.

<sup>26</sup> Rõhu naro Agrippa hesi õrيره jõho bogo subivaho'i ma-sama'e majahijajoho iae mae hõjo. Iae hu bõhoho gavaje hõjo. Iesuare õrيره mu diehi diehi rovadoho o huhu mu diehi diehi vaejadoho bogo gurihiroho vae'i ma-va'orahoro vaejè'ëro na uehorovajëjo iae Agrippa è jõe aho'o garomo uehorovè'e hõjo.

<sup>27</sup> Agrippa-jo. Jõ God-aro baeromo majahuinõvare aribõviehu jajivare jõho na ja mae uehorovanuëjo o bogajo. Iae na gavajoho ja mae uehorovanue hõjo.

<sup>28</sup> Mae uehorovanue hõjamu Agrippa-ro Paul uavadeje: Asè'e jero uvanuëjo: Naro Agrippa'o majae ma-bunemu jõe jõvoromo dinami'iramu hu Christian vae'a'ajëjo. Rõhu bogajo.

<sup>29</sup> Bogajamu Paul-ro uavadeje: Majae ma-bunemu o majae ègo'o baeromo Christian vaejè'o ho iae mae hõjo. Rõhu naro God-are õrيره uavajëjo huro ja ajamijego bogo ja gemu ae aho'obõhe nasi jõ jaruvo hejarujoho ajëmego na jevajëhi jemë'o èhi jëvorõhego. Rõhu õ'ehu tõvevarëhi jemë'o èhi tõvëvo'irõhoho na bogo èho uëromo è'ajëjo.

<sup>30</sup> Paul-ro èhi majëhijamu hegorovo Agrippa Festus Bernice a ioro'ioroho èho jaburo ri'õ'jareje.

<sup>31</sup> Ri'õromo suorovoromo uarovareje: Èaho mu sisè vaejè'ëro guomorõhe o savoji gagore hi'irõhe hesi bõhoho bogohõjo.

<sup>32</sup> Èhi uarovoromo Agrippa-ro Festus uavadeje: Èaho Rome va'oromo a bõrõmo hesi nuniroho bogo nami'i uvo'ibejajo jaehu jiovo nugõ'õjè'o ho iae mae jio'ibejajo.

## 27

*Paul-hu Rome amore va'iröhëro boat baeromo sô jovo dôre va'ade jôhoje.*

<sup>1</sup> Èhi'amu a bôröme Festus-ro uvadeje ë majare noro boat-re ajiomoromo Italy sa'are va'oröhego. Èuvade majaho rovamu aëro Paul'o savoji'e a ioro'iorohu'o ujuohoromo ae gemu hesi örire bojamareje huro jabumë avoho muebejëvego boat-ohuro aegoromo va'oröhego. Èmuebe'amoröhe a hesi ihoho Julius jiadeje. Hu Rome raje muorovo a ioro'ioro ma-gemuore bu'öromo muebejëvobe juvaje ae jiadeje. Gemuore bu'öjare muorovo aribövi jabesi ihoho Rome A Bôrömo Hesi Muorovo Aribövioho jiadeje. Julius-ro ë aribövioho muebejëvonövadeje.

<sup>2</sup> Julius-are örire Paul'o savoji'e aribövi ioro'iorohu'o bojamamu Julius Paul na a ioro'ioroho no ae aho'obêhe boat-re iojiomareje. Èboat-oho Adramyttium amore jioromo rovë'ëro röhu vuonorö'öromo Asia sa'are jio'amaje amore amore höröbe va'irögoro ë'adeje. Va'ia'amu noro ë boat-re iojiomareje. Ajo raramamu evare boat-oho ri'öromo va'adeje. Röhu ae gö hesi ihe Aristarchus-ro no'ö ö'adeje. Aristarchus hesi sa'a ihoho Macedonia jio'i amo ihoho Thessalonica jiadeje.

<sup>3</sup> Boat-ëro aegavuoromo va'aroho nërö Sidon amore suorovareje. Suorovoromo Julius-ro Paul huë baeromo uavadeje: Ja nagë'oho va'oromo jasi aganoho gëvego rabe rabe bogo eni javajoho i'imamego ujuohoromo vuonorö'ö ruenëjo.

<sup>4</sup> Èhi'amu boat-ohuro aegavuoromo Sidon amore jioromo va'areje. Va'ihö gavare bure boat nuninö rovamu gagorovo Cyprus sa'aho viëhi nugo'i ruëhi va'areje sa'ahuro buroho urahego mae va'oröhëro.

<sup>5</sup> Sô jovo dôre va'aroho Cilicia sa'aho iosiramiro mo va'aroho Pamphylia sa'aho iosiramiro mo va'aroho va'o Lycia sa'are Myra amore ro suorovareje.

<sup>6</sup> Suorovoromo ravo'amoromo Julius-ro gavade boat gö Alexandria amore jioromo rovë'ëro Italy sa'are va'i namijamu gagorovo sôjavuoromo ë boat-re ajiomadeje.

<sup>7</sup> Boat-re iojiomoromo va'amu burëro taemoromo unovamu ma-u'emu va'ojuvo majae gemu niö'i rabu'e ëhi barëjumu evare Cnidus amo bëhire boat-oho ro namijadeje. Namijamu gavare burëro darugo'o nuninö ro taemo'ego bogo va'o hesi javuamu huotorovoromo ruëhi dirö'ö gönö va'areje. Va'aroho Crete sa'a vitu jovore ba'amade sa'a vösö hesi ihe Salmone iosiramiro mo va'aroho Crete sa'aho viëhi nugo'i ruëhi sa'a bëhire va'areje sa'ahuro buroho urahego mae va'iröhëro.

<sup>8</sup> Ioni bëhi mare va'adoho unamuibe va'ojuvo Lasea amo bëhire jiaje osore ro namijadeje. Oso hesi ihoho Boat Mae Riravaje Osoho jie.

<sup>9</sup> Boat Mae Riravaje Osore namiromo majae ëgobövie ë raromareje. Raromojuvo buru majae boat bogo jjiharue majaho dunovadeje Jew rajehu i bogo ijarue maja bôrömo mami'e barëjë'ëro. Buru majaho dunovamu Paul-ro ri'öromo boat-re raromarue aribövioho jöe majëhiromo uëvadeje:

<sup>10</sup> Aribövi jöe hehëjo. No boat-re röhu maho aevoromo va'ë'oho na gavajoho sisërëjavuo hesi höjo. Inömo'hu'o boat-ohu'o ijumo'amo'ajëjo. Röhu bogo ëhemuho ijumo'i no ae gö vuovavuo hesi höjo.

<sup>11</sup> Vuovavuo hesi höjamu hegorovo Julius-ro Paul-are jöho bogo ejaho'i boat baeromo juvaje ahu'o boat arijo'ohu'o jabesi jöho ejëhoromo uvadeje: È'ego no ma-va'arëjo.

<sup>12</sup> Röhu göho buru maja rovë'iroho boat ë dirö'ore namiromo gurihi'iröhoho ë osoho bogo eni jio hesi jiamu gagorovo ae aho'obêhe uvareje: È'ego no ma-sivoho gabe va'oromo mae javuë'oho Phoenix osore suorovoromo buru maja jië'oho ë gurihi raromobe va'irarëjo. Èhi uvareje. Röhu Phoenix ëho Crete sa'are osohoje. Maja beva'ajire röhu viënoho ruënoho bogo tugohë'e ma-va'orahoreje. Èdirö'ore va'i nimoruomadeje.

*Paul-mëhu sô jovo dôre va'oromo buru bôrömehu rueromo boat anamu huë vavaeni bæjare jôhoje.*

<sup>13</sup> Phoenix va'i nimoromo gavare buru burue aruëhi rovamu gagoro boat muebejarue ariböviohuro uvareje: Phoenix va'ë'oho iae no mae va'ëjarëromo boat i'uhoromo namijöro be ba'amarue inömo'ho barojo dönö bamoromo evare va'areje. Va'oromo Crete sa'a bëhi mare va'areje.

<sup>14</sup> Ma-bisemu va'anovamu gavë'i evare buru bôrömo Crete sa'anö jioromo rovadeje. Èburu hesi ihoho uvarueje: Maja Rojomajinö Röhu Bisemu Aruëhi Rovaje Buroho höjo.

<sup>15</sup> Èburöhuro rueromo boat simanonö darugo'o anamu gagorovo buru rovajinö va'iröhoho bogo eni javuamu gagoro sivoho garomo vuonugo'i huotorovoromo burëro dirö'ö göre bava'amu ëma va'areje.

<sup>16</sup> Va'aroho va'o sa'a bise'o hesi ihoho Cauda ruëhi nugo'i viëhi va'ihö gavare ë sa'ahuro buroho urahë'ëro ma-bisemu u'uhamu gagorovo noro sivohojuvo nosi boat bise'o ruho bava'aruoho ma'eno titimareje.

<sup>17</sup> Ma'eno titimoromo boat muebejarue ariböviohuro ë boat bise'oho io barojomoromo börömo hesi döre avoho bamareje. Bamonugoromo biriri'e ö'oho ujuohoromo boat börömo avoho tövo rova'o rojomareje bibivego bogodadovoröhego. Avoho tövo rova'o rojomoromo uvareje: Boat baejavuoromo öri ëgoböviro Libya sa'a bëhire va'iramu sa'a hurihuriro iorovoromo diruvavuo'ajëromö juhuonivoromo burehu namijaje niögöho muotohoromo baruvebiromö bamamu burohuro boat-ohu'o baejavuoromo ëma va'adeje.

<sup>18</sup> Ëma va'oromo gavare buru böröme ma-darugo ma'o rovadoho bogö barëjamu gagorovo boat i'uhoromo diruvo'ajëromö boat-ehu ujuoho va'aje inömöho nërö aevoromo ujuohoromo jovore ruruhö'öjareje.

<sup>19</sup> Ruruhö'öj'ëro nërö boat mu vaejarue hesi inömöho ëhu'o jabesi övëro ujuohoromo jovore ruruhö'öjareje.

<sup>20</sup> Ruruhö'öromö va'aroho no majae bogö gavë'e jije bogö gavë'e ëhuro öroho dadi-vavuoromö ëma va'aroho buru börömo bëhe ruemu ruejuvo majae aho'obëhe barëjamu gagorovo uehorovoromö uvareje: Bogö i'ovo'i vuovavuo hesi höjo.

<sup>21</sup> Vuovavuo hesi höjamu boat muebejarue aribövioho ioho bogö ue'ahë'e ma-muemu vaejuvo majae ëgobövie barëjamu gëgorovo Paul-ro ri'öromö uëvadeje: Ariböviojajo. Mami'e nasi jöho ejeho'i Crete sa'aho bogö nugo rue'ibejarijëjo bövioho bise'oho bogö ëhioho sisërëjahuo'ibejajo.

<sup>22</sup> Iae ëhi höjo röhu naro uëvajëjo: Biririvöhëjo. Jemë ae gemu vadu'oho bogö guomëvo'ajëjo. Boat-ohemu dadorovo'i jemë mae raromö'arujëjo.

<sup>23</sup> Naehu ëhi uëvaje hesi bëhoho God-are aëro jevë'ëro naro hu rajahijaje höjo. Ëa hesi anerahuro jaruvo vahie'e ro nasi bëhire namiromö

<sup>24</sup> uevade höjo: Paul nadi juhuonivëjo. Ëhesi bëhoho jasi muëro jiië'ëro ja va'oromö Rome a börömo hesi nunire nami'a'anuëjo. Ëhuni bogö öriroho guomö'a'anuëjo. Röhu ave jöhu'o hejëjo. God-ro jasi örire huë baejavë'ëro ëhi ajami'ajëjo. Huro jasi jöëni uehorovoromö ja'o boat-re jijiharue aribövioho aho'obëhe ajëmi'iramu bogö vuovëvo'ajëjo.

<sup>25</sup> Ëhi jiië'e jö maho anerahuro uevë'e jiaje ëhuni jemëro biririvöhëjo. Ëhesi bëhoho naro God mae uehorovoromö uvajëjo: Aneraehu uevadëhi iae ëhi mae javuo'ajëjo.

<sup>26</sup> No mae javuo'i röhu burëro boat-oho baeromö va'iramu sa'a motumoture iorovo'ajëjo.

<sup>27</sup> Paul-ro ëhi majëhijamu majae aho'o 13 barë'i vahie 14 vahiromadeje. Vahie 14 vahiromamu Mediterranean sö jovore ëma va'areje. Va'aroho vahie riri'e jiamu gagorovo boat muebejarue ariböviohuro uvareje: Nani no sa'a bëhiro rovaruëjo.

<sup>28</sup> Sa'a bëhiro rovaruëromö jovo vahuoho diehi jiego ga'irögöro vahuvo garomö gavareje jovo hesi ëgöho 40 metre ëmino'e jiamu. Vahuvo ganugoromö rori'o va'oromö röhu maho vahuvo garomö gavareje jovo hesi ëgöho 30 metre jiamu.

<sup>29</sup> 30 metre jiamu gagorovo uvareje: Nosi boat-oho va'o munë masijoro va'o titimö'ajëromö juhuonivareje. Juhuonivoromö boat i'uhoromö namijöro be io'amarue inömöho 4 ëhi boat dejonö jovore be io'amoromö vahie ëgobövie jiamu uvareje: Maburëro sisonuvego no öri ari'e gavarëjo.

<sup>30</sup> Ëhi'öjuvo boat muebejarue ariböviohuro boat bise'ore huruomö va'i nimoromö sareramuiromö uövuareje: Boat börömo avoho namijöro i'u'e inömöho boat nuninö be io'amö'i ëhuni boat bise'oho ba'obueromö jovo döre ba'amaruëjo ë raromoromö muoho vae'iro. Ëhuni ë'aruëromö boat bise'oho baba'amareje.

<sup>31</sup> Baba'amë'ëro ë abueromö huruomö va'ia'amu gëgorovo Paul-ro muorovo a börömocho Julius'ö hesi muorovo ariböviohu'o uëvadeje: Nume boat muebejarue aribövioho ave boat börömore bogö raromö'i huruomö va'ë'öho sa'are va'irarijohö bogö eni jëvo'ajëjo. Vuovëvo'ajëjo.

<sup>32</sup> Ëhi majëhijamu hegorovo muorovo ariböviohuro boat muebejarue ariböviehu huruomö'iröhe öroho tugöho'i boat bise'o tövare ö'oho tariö'öjamu boat bise'ohuro a rumo'e ma-gagëremu va'adeje.

<sup>33</sup> Ma-gagëremu va'amu sisonuvo'ia'amu gagorovo Paul-ro ae aho'obëhe uëvadeje: Ie ihëjo. Jemë nurunuruëgamu ioho bogö ijë'e ma-dë gagëremu raromö jijiharijohö majae aho'o 14 barëjë'e jëvajëjo.

<sup>34</sup> Ëhuni uëvajëjo: Ie ihëjo ëhuro jemesi dajohö bogö ma-ruhorovo'i biririvo'irarije höjo. Ëhesi bëhoho jovohö rabohö bogö anëgo'i jemesi sino haho'öho aho'o ma-mae jëvo'ajëjo.

<sup>35</sup> Ĕhi uēnugoromo ie baeromo ae aho'obēhe jabesi nunire God-are ōrire mae uaromo ioho atoromo ijadeje.

<sup>36</sup> Ijamu gagorovo ae aho'obēhe birivoromo jahu'o ie ue'ahareje.

<sup>37</sup> Rōhu no ae aho'obēhe 276 ěmino'e boat-re raromareje.

<sup>38</sup> Ae aho'obēhe ie ue'ahoromo da'uēgamu hegorovo wheat iruno'oho suevoromo jovre ruruhō'ōjamu boat-oho sasohoromo ma-dōro hetebe va'adeje.

*Burehu rueromo jovehu boat anamu dadorovade jōhoje.*

<sup>39</sup> Hetebe va'ojuvo sisonuvamu boat muebejarue aribōviahuro sa'aho garomo uvareje: No ari rahu rovere hōjo. Ari rahu rovere hō'i uherihoromo gavareje osore nie'uahe jiamu gagorovo uvareje: No eni javuē'oho boat-oho baeromo ě nie'uahore va'ejarējo.

<sup>40</sup> Ĕhi uvonugoromo boat i'uhoromo namijōro be io'amare inōmo ě hesi ō'oho tari-vamu i'u inōmohu'o ō'ohu'o jovre rireromo va'amu boat-oho sasohadeje. Sasohamu boat hunuovarue ijo be nugare ō'oho jiovo nugareje ěhuro ijo damuoho ma'enoromo hunuovobe va'orōhēro. Jiovo nugoromo burehu ro namiromomo boat bava'aje niōgohomo boat simanonōrire ijo namore ba'ojiomoromo be nugareje ěhuro boat-oho nuninō darugo'o va'orōhego. Boat-oho ěhi avohonugoromo eni jiamu gagorovo nie'uahore va'i va'areje.

<sup>41</sup> Va'ihōromomo boat-oho nie'u hurihuri'ere iorovadeje. Iorovamu boat simanonōho nie'ure diruvē'ero unovamu da'irinōho jovo vōrōhuro ano dadovo'amadeje.

<sup>42</sup> Dadovo'amamu gagorovo muorovo aribōviahuro jaburo jōe mevoromo uarovareje: Ĕ'ego no savojile aribōviahuro muo'amarējo. Sōvōe muoromo va'oruomoma'ajējo.

<sup>43</sup> Ĕhi uarovamu jabesi bōrōmhuro Paul bogo guomo'i ma-mae hijōro nimoromo ahēvadeje. Ahēvoromo no uōvuadeje: Ae rahu sōvō'e jēvē'oho urimo jovohuro revoromo sōvōe muoromo va'o ravojiomorējo.

<sup>44</sup> A ioro'iorohomo jemēro ijo ha'ose o boat dadorovade ijo vitu vituohomo ujuohoromo jovo dōro va'oromomo va'o ionoro ravojiomorējo. Ĕhi uōvuadeje. Ĕhi uōromomo no ae aho'obēhe ěhi'oromomo va'o ari mare ravojiomomo barējareje.

## 28

*Paul-hu Malta motumoture hijade jōhoje.*

<sup>1</sup> Ari mare ravojiomonugoromo hejareje uvavamu: Ave motumotu hesi ihoho Malta hōjo.

<sup>2</sup> Ĕhi hejamu ě sa'a arijo'e aribōviahuro huē mabēhe bojamuijareje. Huē mabēhe bojamuiromomo gavare ěne rueromo runone rovamu gagorovo vēne huoromomo bōvie bise'e ajamuijareje.

<sup>3</sup> Ajamuijamu Paul-ro ijo vēne gagovoromomo huduamo va'oromomo vēnoho huamu gavē'i sigobohuro vēni vōrōho juhuonamiromomo hōrōromomo Paul-are ōvore ja'ihomo titimadeje.

<sup>4</sup> Sigobohuro hesi ōvore ja'ihomo titimoromomo ěhi iromē'e jiamu ě sa'a rajohuro garomo uarovareje: Sigobehu ja'ihaje hesi bēhohomo iae no gavaruējo. Hesi bēhohomo ě ahuro ae anē'ero ě'ajējo. Ĕahuro ae anade hōjo rōhu ě hesi manahomo bogo baeromomo sō jovohomo iromomo guomade hōjo. Bogo mana guomadohuni ěhuni i'u bojamuajē aru'ahohuro ě sigobohomo uavamu rueromomo ja'ihade hōjo mana guomōjōro.

<sup>5</sup> Ĕhi uarovamu gagoro Paul-ro ōvohomo hijiohijiovamu sigobohuro Paul bogo ja'ihomo avohē'e ma-juvo bu'ōromomo vēnire ravorovadeje.

<sup>6</sup> Vēnire ravorovamu gagorovo ě sa'a rajo aribōviahuro uvareje: Sigobēro ja'ihē'ero nani ě a hesi sinoho huoa'ajējo. O ma-majioho sa'are beromomo guomo'a'ajēromomo raromoromomo muebejareje Paul guomorōhego o diehi ě'orōhego. Muebebe va'ojuvo gavare bogo ěhi ěhi'amu gagorovo uehore gō baeromomo uvareje: Nani hu bogo ma-aeu jio'i hu aru'aho bōrōme anō'e rovē'ero ěhu'ero hu mae hōjo.

<sup>7</sup> Iae sa'are a bōrōmomo hesi sa'ahomo raromarue bēhire jiadeje. Ĕa bōrōmomo hesi ihoho Publius jiadeje. Publius-ro no uōvuadeje: Nasi osaromo raromohējo. Raromohējamu va'areje. Va'amu huro huē mae bojamuiromomo ajamuibe va'ojuvo majae niō'i gemu barējareje.

<sup>8</sup> Huē mae ajamuamomo ě a hesi vavuhomo guomomo guome baeromomo raromadeje. Guomomo guome baeromomo raromoromomo hesi sinoho vōrō'iraeromomo dē sirōvadeje. Ĕhi jiamu gagorovo Paul-ro ě guomomo guomomo a hesi osare va'oromomo God-are ōrire uanugoromomo ōvohomo hesi sinore bamamomo guomomo guomohomo barējareje.

<sup>9</sup> Barējamu gagorovo guomomo guomomo baejē'e a ioro'iorohomo rueruomomomo Paul-ro ajēmamomo mae jēvadeje.

<sup>10</sup> Mae jëvamu rajahuiromo suvuore aho'o i'imamuijareje. I'imamuijê'ëro rôhu ijônô noro va'iro ê'amu gagorovo inôme rabe rabe no bogojavuaajoho ujuohoromo noni boat-re bahijahuareje.

*Paul-hu rueromo Rome amore hijade jôhoje.*

<sup>11</sup> Manaere niô'i gemu barëjumu boat göre iojomareje. Êboat hesi ihoho Huodi'e Rahëvade Aru'aho Jabesi Boat jiadeje. Êboat-oho urimë'i Alexandria amore jioromo rueromo buru bôrômo hesi majaroho ê namijuvo buroho barëjumu evare va'iro ê'adeje. Va'iro ê'amu evare no iojomoromo va'areje.

<sup>12</sup> Va'aroho va'o Syracuse amore suorovoromo ê raromoromo majae niô'i gemu barëjadeje.

<sup>13</sup> Majae niô'i gemu barëjumu ê amoho vuonugo'i boat-re va'aroho va'o Rhegium amore suorovoromo ê raromareje. Raromoromo nêrô gavare burohuro no va'iro ê'aruinô ê va'amu gagorovo noro ri'ôrômo boat-oho baeromo va'amu burohuro nosi dejonô boat-oho bijimobe ô'amu evare va'areje. Va'aroho nêrô Puteoli amore rueromo sa'are ravo'amareje.

<sup>14</sup> Puteoli amore ravo'amoromo va'oromo Christian aganoho birohëvareje. Birohëvoromo uôvuamu jabesi osare va'o raromoromo hurae gemu baejareje. Hurae gemu baeromo Rome amore va'i va'areje.

<sup>15</sup> Va'amu Rome raromarue Christian aganohuro noehu va'arue jôho hegoro nahavuo'i rovaraje. Rueromo a ioro'iorohuro Appius ôrîre bövi bise'o imo'amaruire ro birohavuo'i a ioro'iorohuro nuharue osae niô'i gemu jiajire ê ro birohavuaraje. Birohavuumu gëgorovo Paul-ro God huê mae uavamu hesi dê vövöbajo'oho sasohadeje.

<sup>16</sup> Dê vövöbajo'oho sasohamu noro va'oromo Rome amore suorovareje. Suorovamu gavamen a masijëro osae bojamamu Paul-ro hesi sivue hijamu muorovo ae gemuëro hu muebe hijadeje.

*Paul-hu Rome amore hiromo Keriso-are jô majëhijadohoje.*

<sup>17</sup> Êhi'amu majae niô'i gemu barëjumu Paul-ro Jew rajo a masije bëhire raramaruohuni jôe nugô'ôrômo uëvadeje: Ro gagovorego no jôe ato'irarëjo. Jôe ato'irarëjumu ro gemuoro gagovareje. Gagovamu gagorovo uëvadeje: Jew rajo ô ômo'ômomë nasi jôho hehëjo. Na nosi Jew rajo aganoho bogo sisë vaejêvode hôjo. Jew rajo nosi a mami muoho bogo ahëvode hôjo. Êhi hôjo rôhu Jerusalem amore Jew rajo ariböviohuro êma guduamevoromo Rome rajo jabesi ôvore bojëmare hôjo baejevoromo court vaejevorohëgo.

<sup>18</sup> Bojëmamu Rome ariböviohuro baejevoromo court vaejevoromo gavare hôjo na mu sisë vaejê'ëro guomo'irode bëhoho bogojiamu. Bogojiamu gagorovo jiovo remô'ô'irôgoro ê'tare hôjo.

<sup>19</sup> Jiovo remô'ô'ia'amu Jew rajo ariböviohuro nijio'iraejêvoromo uëvare hôjo: Nadi êhi jië'oho ê'ohëjo. Nadi êhi jië'oho ê'ohëjumu naro gavode mae va'irode ôri göho bogojiamu gagorovo uëvode hôjo: Iae na Rome va'oromo a bôrômo hesi nunire nami'ejôjo. Na êhi uëvode hôjo. Rôhu na Jew rajo agano jabesi jô sisëho bogojêvê'ëro na bogo êhunioho Rome a bôrômo hesi nuniroho nami'i uvode hôjo.

<sup>20</sup> Êhi jië'ëro êhuni jemëni jôe nugô'ôrômo uëvode hôjo: Ruehego na gëromo jemë'o jôe jövôjo. Rôhu ave ô'ehu tövevare hesi bëhoho aji mu bôrômoho ruerôhëgo Israel aribövi ioro'iorehu muebejarujëhi na êhi gemuoho muebejajëro jië'ëro êhuni na ave ô'ohuro tövevê'e hôjo.

<sup>21</sup> Paul-ro êhi uëvamu hegorovo rue Jew rajo ariböviohuro uavareje: Jew rajo Judea sa'are raramarue aribövioho jasi jôho bogo suriroho jajivoromo nugô'ôjumu baejê'e javuajëjo. O nosi Jew rajo aganoho Judea sa'are jioromo rovarevaroho jasi jô sisë jôho o jaehu rabe rabe ê'ane jôho bogo majahuijare hôjo.

<sup>22</sup> Rôhu jasi uehoroho diehi jiajajo no he'i naguajëjo. Êhesi bëhoho ae aho'obëhe dinô'e dinô'e raramaruohuro uvoruomaje hôjo: Jaehu uehorovanuëhi êhi uehorovarue aribövi jabesi ôroho sisë hôjo.

<sup>23</sup> Êhi uanugoromo majaho bojamiromo uavareje: No ê majare rue'ëjarëjo. Êhi uavê'ëro ê bojamare majaho sisonuvamu Jew raje ae aho'obëhe Paul-are osare rovareje. Rovamu sisonu'e aevoromo Paul-ro jôe majëhiemu majëhibe va'ojuvo va'o vahiomadeje. Majëhiromo uëvadeje: God-hu bôrôme namiromo muebejavuaje hesi ôroho êhi hôjo. Êhi majëhiromo Moses-are jögoru surire jôhu'o God-are jô baeromo majëhinövare a ioro'ioro jabesi surire jôhu'o adahoromo bëhoho rôjëhiromo êhuro jabesi simanoho huotovëho gavadeje jaburo Iesu mae uehorovo'irôhëgo.

<sup>24</sup> Êhi'amu hegoro a ioro'ioroho mae uehorovo'i a ioro'ioroho bogo ma uehorovareje.

<sup>25</sup> Ĕhi'oromo va'oromo Paul-hu jövamu hejare jöho berohemu berohoromo amonö suorovo va'oromo göëro mae uehorovareje göëro bogo. Röhu bogo va'oruomë'iro Paul-ro ave jöhuremu majëhiromu uëvadeje: God-are Aru'ahohuro jemesi jöho iae mae jövade höjo. Ĕhesi bëhoho Isaiah jö God-aro baeromo majëhinövade a hesi simanore God-are Aru'ahohuro jöe bojamijade höjo huro jemesi hijo miono'ooho uëröhego.

<sup>26</sup> Jöe bojamiromu uavade höjo:

Va'oromo è aribövioho èhi uënëjo:

Jemë hemu he'a'arujëjo röhu bëhoho bogo avoho he'a'arujëjo.

Jemë gaemu ga'a'arujëjo röhu bëhoho bogo avoho ga'a'arujëjo.

<sup>27</sup> Ĕaribövi jabesi dë vövöbajo'ooho i'uhëgaje höjo.

Hia'ooho tugohëhë'e höjo.

Nunoho sigohijëhë'e höjo.

Bogo èhioho jëvo'ibejajo nunëro ga'ibejarëjo.

Hia'ëro he'ibejarëjo.

Dë vövöbajo'ooho sasohoromo jöho bae'ibejarëjo

ëhuro jabumë huotorovoromo rue'ibejarëjo naro avohëvego mae jëvo'ibejajo.

Ĕjöhö God-are Aru'ahohuro iae mae jövade höjo.

<sup>28</sup> Ĕhuni ave jöho majëhi'ië'ajëjo jemëro hejëro. God-hu maro ramuaje jö naehu majëhijajoho sa'a ioro'ioro rajo jabesi örire nugö'öjë'e höjo. Jemëhu ma-he taemarujohe jabumëro iae he'a'aruëjo.

<sup>29</sup> [Paul-ro èhi uëvamu rue Jew rajoho jaburo darugo'o jö aho'ahamirovobe va'areje.]

<sup>30</sup> Ĕhi'amu vadune niö'i hesi uhure Paul-ro osae gemu ma-jahuri hiromu monioho mana bojëmibe va'onövadeje. Ĕösare hiromu gënövade aëro hu ga'i rue'ego huë mae bojëminövadeje.

<sup>31</sup> Huë mae bojëmiromu God-hu böröme namiromu muebejavuaje jöho majëhibe Bada Iesu Keriso-are öroho röjëhibe va'onövadeje. Röhu jö majëhinövadoho aho bogo ahonövareje. O hu'o bogo juhuonivë'e aho jöho ma-sama'e majëhinövadeje. Ahia mino'e.



## ROMANS

*Paul-hu apostle mu hesi bëhi jajivade jöhoje.*

<sup>1</sup> Paul naro ave jöho jajivo'irögoro ë'e. Na Iesu Keriso-are mu vaemu vaejahaje ae jeve. Na apostle jeve ë hesi bëhoho God-ro uevë'ëro. Huro na baejevoromo bamevadeje huhu bojamuade jö mahuremu naro ae majëhinövo'irodego.

<sup>2</sup> Ëjö maho urimoroho huro hesi jö majëhijarue aribövioho bojëmi'ego jabumëro hesi surire jajivobe rueromo uvonövareje: God-ro iae ëhi ëhi ajamui'ajëjo.

<sup>3</sup> Röhu ë jö maho iae God-are Harihu hesi jöhoje. Hu araeromo a daje baejadire hu David-are uje jiadeje.

<sup>4</sup> Röhu guomamu God-ro hu i'ovoromo hesi Aru'aho Maho bojami avohë'ëro uavadeje: Jaruvo ja nasi Harihe darugo baejë'e ae javajëjo. Ëhao hu Iesu Keriso nosi Badaje.

<sup>5</sup> Ëhao God-ro uavamu huro Paul na huë baeromo ajëmiromo apostle muoho bojëmiromo uevadeje: Nasi jöho majëhijego sa'a ioro'ioro raje aho'obëhe mae uehorovoromo jöho ejeho'irarëjo ëhuro Keriso nasi ihoho döro jioröhe. Ëmuoho bojëmamumu naro baejë'ëro sa'a ioro'ioro rajoho ajëmijajeje.

<sup>6</sup> Röhu Rome aribövime jemë'o iae ëhi jië'e aribövie jëvo'ego jemë'o ajëmi'irodoho jëve. God-ro jemë'o uëvë'ëro ëhu'ëro Iesu Keriso-are aribövie gemuoho jëve.

<sup>7</sup> Ëhuni Rome amo rajo God-hu rajëhiromo hesi baejëvade aribövime naro jemesi örire jajive. Na nege God nosi Vavuohu'o Bada Iesu Keriso'o huë baeromo ajëmijego maro raromo'irarijego.

*Paul-hu Rome va'oromo amo rajo gë'i nimade jöhoje.*

<sup>8</sup> Urimoho naro Iesu Keriso-are ihore God mabëhe uave ae aho'obëhe jemesi jöëni. Ëhesi bëhoho ae aho'obëhe sa'ae dinö'e dinö'e hejarueje atoromo uvoruomavego: Rome aribövioho jaburo Keriso mae uehorovarue höjo. Ëhuni jemesi jöëni mabëhe uave.

<sup>9</sup> Iae ave jöho na jö mae jövo'ië'e God-are nuniro. God hu nasi börömoheje. Ëhuni God-are nuniro ave jöho jemë mae majëhi'ië'e. Na bogo vuonugo'i majae ëhi jemëni uehorövöromomo

<sup>10</sup> parie vaejajeje. Urimë'i jemë bogo gënövë'ëro ëhuni God-are örire uavajeje huro hesi nimöromomo nasi öroho avohehego naro ma-marö ö'oromo gë'irodëni.

<sup>11</sup> Ëhesi bëhoho na jemë gë'i nego avohe ëhuro naro jemë ajëmijego God-are Aru'ahëhu bojamuijaje suvuoroho jemëro baeromo biririvo'irarijego.

<sup>12</sup> Na negajoho jemë'o na'o Keriso mae uehorövë'ëro ëhu'ëro ajamirovo'iramumu mae javuo'ë'e. Na ëhi nege.

<sup>13</sup> Nasi ö mueno'e na nege ave jöho ga'irarijego. Na majae göro göro ö'ië'oromo müëro böviëro bise'ëro ma'enegro'i hijamumu bogo ö'odeje. Na negadeje sa'a ioro'ioro rajo jabumë ajëmibe juvajëhi na jemesirire ö'oromo ëhi jemë'o ajëmiromo ae gö Keriso-arinö ujuohëvo rue'irodëro.

<sup>14</sup> Sa'ae aho'o Keriso-are jöho majëhibe juvo'ejo. Amore raromarue je'ore raromarue gavë'e bogo gavë'e ëhi jië'e aribövioho aho'o jöho majëhibe juvo'ejo God-ro muoho ëhi bojëmijë'ëro.

<sup>15</sup> Ëhuni na nego avohe Rome amore ö'oromo Keriso-are jö maho jemë'o majëhi'irodëni.

*Keriso-are jö mae uehorövë'oho God-hu no i'ovavuaaje darugo röjahuiromo ajamuaaje jöhoje.*

<sup>16</sup> Ëjö ma hesi jöhuni röromomo na javojoho bogojevo'i ma-mae jeve. Rabëni ë jö maho ae rahu heromo Keriso mae uehorövë'oho God-ro i'ovavuaaje öroho no röjahuiromomu ajamuiromomu öri sisëno javuajoho baejavuoromomu öri manö ramuaajeje. Urimo Jew rajoho ëhi ajëmiromomu röhu sa'a ioro'ioro rajohumu ajëmijego maro raromarueje.

<sup>17</sup> Ëjö uehorovoromomu maro raromarue hesi bëhoho God-ro ë jö gemuoho bojamuiromomu ëhuro hesi muoho röjahuijego no garomomu uvarueje: God-hu nosi sisë mu'uvahuo'iröhe öroho aviëhi höjo. Noëhu Keriso mae uehorövë'ohuro iae ëhuro God-ro nosi sisë mu'uvahuego hesi nunire mae riravarue höjo. Öre gö bogohöjo. Ëhi uvarueje. Röhu God-are surire jöho ëhi gemuoho uvë'eje: Ae rahu God mae uehorovoromomu hesi nunire mae riravë'oho ë aribövioho iae maro raromomu'aruëjo.

*Ae aho'obëhe God-are i'uhesihure raromobe rovare jöhoje.*

<sup>18</sup> Röhu God-ro õ'idõre hiromo rõjahuego no garomo uvarueje: Hu sisë aribõvioho aho'obêhe jabesi jõeni dë võronimoromo i'ue mana bojëmaje höjo. Ëhi jië'e aribõviohuro God bijõnimoromo ae sisë vaejõvoruomajeje. Mu sisë vaeromo êhuro mu ma hesi õroho subivêho'i ë'o garuomajeje.

<sup>19</sup> God-hu diehi jië'e ae jiajoho vituoho gavarueje vituoho bogo. Röhu gavarue vituoho ë sisë aribõviohuro iae va'orahoro garuomajeje God-ro rõjehijë'e jiego.

<sup>20</sup> No bogo nuunoho gavarueje God diehi jië'e jiego. Röhu God-hu sa'a bövi bise'o bamadevare evare aëro aevoromo gabe rovarueje sa'ae jove bövie bise'e God-hu bamadoho jio'amamu. Ëhi jiamu gagorovo êhuro uvobe rueruomadeje: Bövie bise'e aho'o bamë'ëro êhuni hu bogo ma-aehu jio'i hu gemu bõrõme jio'i hu gemu eni jië'ëro êhi jiemu jioibe rovadoho êhi jiemu jioibe va'a'ajëjo. Ëhi uvobe rueruomë'ëro jabumë God bogo mana uaruomo hesije: O no ja bogo gavë'ëro jië'ëro êhuni mu sisëho vaejare höjo. Ëhi jië'e jõho bogojio'ë'e.

<sup>21</sup> Jabumë iae God jabesi simanëro gabe rueruomadeje. Röhu bogo uvareje: God gemu bõrõmoho hö uvoromo rajahijareje. Suvuoro gö gö bojëmadoho bogo huë mae uavë'e ëma ujuohareje. Ëhi'oromo God bogo uehorovo'i a'i sisë'i sisë'i uehorovobe nu ano'e ramoramovobe simane sisë maro sisërërovobe rueruomadeje.

<sup>22</sup> Uvobe rueruomadeje: No simano ma'e aribõvie javuajë'i simane sisërëbe rueruomadeje.

<sup>23</sup> Simane sisërërovë'ëro êhu'ëro bogo uvareje: God hu ioro'ioremu aji'e hijaje ae jio'i ave sa'are aribõvioho nomë ma-jahuri raromarue aribõvie javuajë uvo'i a'i God ioro'ioremu jiaje aho bijõnimo'i ma-jahuri raromarue aribõvi no va'ëne inõmoho avohoromo êhi rajahi'amobe rovarueje. A va'ëne ugo va'ëne majo va'ëne sigobu va'ëne êhi jië'e inõmoho avohoromo rajahi'amobe rovarueje.

<sup>24</sup> Ëhi jië'e simano rumo'e muoho vaejë'ëro êhuni God-ro jabu ma-nunëremu gëromo rëmõ'õjadeje jabesi nimarue muoho vae'irõhego. Rëmõ'õjamu jabesi nimoromo õëro jijihanovoromo göëro göho mu gö gö vaeromo jabesi dajoho ijumorovobe rovarueje.

<sup>25</sup> God hu diehi jië'e a jiaje uehoro maho vuonugo'i sareri'e muohemu uehorovobe rovarueje. God-hu avoho'amade bövioho bise'oho God hõromo uvene aho rõjahi'amobe rovarueje. Bövi bise'o avohade ë aho bogo uehorovareje. Röhu hesi ihoho ma-mabêhe jiemu jioibe va'ë'e. Iae mae.

<sup>26</sup> Jaburo God bogo uehorovë'ëgo huro ma-nunëremu gëromo rëmõ'õjamu õëro jijihanovobe rovarueje. Iae magonahohuro ama'i'o masurovarue muoho vuonugo'irõgoro magonahohuro jabesi arijo'arije sihamirovobe rovarueje.

<sup>27</sup> O ama'ohuro êhi jië'e mu sisë gemuoho vaeromo vaboro masëgarue muoho vuonugo'i dëre ri'õromo õëro jijihanovoromo a'o a'o sihamirovobe rovarueje. Ëhi jië'e javojie mu sisëho vaerovë'ëro êhu'ëro i'ue mana baebe rovarueje.

<sup>28</sup> Jabumë uvareje: God uehorovë'õho bëhi rumo'e hö uvoruomamu êhuni God-ro manunëremu gëromo rëmõ'õjamu jabesi uehoroho ihesi ma'e sisërëromo bogo ë'o varijëne muoho vaebe rueruomadeje.

<sup>29</sup> Bogo mu maho vaejamu mu sisë göëro göëro jabesi dëho irijiomëhë'eje. Mu sisë uehorovarueje. Bövie bise'e ma-bae taemarueje. Mu gö gö vaejarueje. Ae gö jabesi mu mahuni dë võrõnëgajeje. Ae muo'amarueje. Iro muorovo'e vaejarueje. Sareri sareri'e muoho vaejarueje. Nue huodëgarueje. Ëhi jië'e uehoro sisëhuro jabesi dë võvõbajo'ere irijiomëvë'eje. O ae gö jabesi jõ sisëho saginiëri atarueje.

<sup>30</sup> A göëro gö hesi ihoho ijumarueje. God nue huodivarueje. A ioro'ioro jabesi ihoho ijumarueje. Dõro bamorovarueje. Nimoronimorohë'i atarueje. Mu gö gö barovarueje. Vëmu vavu'o jabesi jõho bogo ejëharueje.

<sup>31</sup> Uehoro maho mu maho huë maho dë maho bövi bise'o maho bogojëve.

<sup>32</sup> Iae garomo uvarueje: Ae rahu êhi jië'e mu sisë vaejë'õho vuovo hesi höjo God-are jõgoroho êhi jië'ëro. Iae êhi uvareje rõhu jabumë êhi jië'e muoho vaejarueje. Röhu bogo jabesi ëma vae'i a'i garõhe ae gö êhi jië'e mu sisë vaejamu gavë'õho uëvarueje: Iae mu mae vaejarujëjo.

## 2

*God-hu ae aho'obêhe avoho mevavuo'irõhe jõhoje.*

<sup>1</sup> Nani jero dõro bamorovoromo uvo'a'anue: Ëaribõvioho sisëgo sisëro va'ë'õho iae mae höjo. Ja êhi uvo'a'anue rõhu jabuhu vaejaruëhi êhi jië'e mu sisë gemuoho ja'o vaejanueje. Ëhuni God-ro uvajeje: Jero uvanue höjo: Ësisë aribõvioho sisëro va'a'aruë uvanuoho êhuro ja'o i'ue gemuoho bae hesi javajëjo. Êhu'ëro ja jõ God mana ua'iranoho bogojavo'ë'e.

<sup>2</sup> Iae no garomo uvarueje: Ëhi jië'e mu sisë vaejarue aribövioho God-hu i'u mana bojëmijë'oho iae mae höjo.

<sup>3</sup> Ae gö jabesi sisëho mevanueje röhu ja'o iae ëhi jië'e mu sisë gemuoho vaejanueje. Na ja uvanueje: God-hu bojamuijaje i'u'oho na bogo bae'ejöjo.

<sup>4</sup> God-ro huë baejavuo avohoromo nosi sisëho garomo bogo burëroho i'uoho bojamui'i ma-göromo hesi vöröho nimo ëhi taemajeje. Iae ëhi jie röhu na jero uehorovoromo uvanueje: Iae hesi höjo. Röhu huro jasi öriroho bogo ëma huë baejavoi' a'i huhu huë baejavaje hesi bëhoho hu nime jasi dë vövöbajo'oho huotovahego jasi sisëho vuonugoromo hu mae uehorovo'iranego. Röhu ëho ja rabëni bogo avoho uehorovanueje.

<sup>5</sup> Röhu jero mu sisë vaejanuoho bogo vuonugoi' a'i hia'e biriri'övoromo ma-vaemu vaebe va'ego ëhuro God-ro gö'o gö'o döre dë vörönimobe va'öjuvo hujeji hesi maja börömoho rue'iramu evare i'uoho sisë maro mana bojami'iramu bae'a'anue. Ëmaja börömoroho huro a nuniro namiro mo jabesi sisëho avoho mevoromo ae aho'obëhe hesi dëre vöröho baeromo evare i'ue bojëmi'ë'e.

<sup>6</sup> Aehu diehi jië'e mu vaejaruoho evare majare huro ëhi jië'e manaho ae gemu gemu bojëmi'ë'e.

<sup>7</sup> Ae göëro biririvoromo mu mae vaeromo nimarueje hujeji God-ro hesi aji maho bojëmiromo jabesi iho ho mae uëvego ma-ioro'ioremu God'o raromo'iröhëro. Ëhi jië'e aribövioho God-ro ajëmi'iramu ma-ioro'ioremu maro raromo'ë'ö.

<sup>8</sup> O ae göëro jabesi sinohemu uehorovoromo God-are jö maho bijönimoromo öri sisëro jijihoruomajeje. Ëhi jië'e ariböviohuni God-ro dë vörönimo'iramu i'ue sisë maro bojëmi'ë'e.

<sup>9</sup> Mu sisë vaejë'o ho ae aho'o vi'ehe huë vavaene bae'ë'ö. Jew rajohuro urimo bae'iramu röhu sa'a ioro'ioro rajoho jabu'o gemuoho bae'ë'ö.

<sup>10</sup> O mu mae vaejë'o ho ëhi jië'e ae aho'o God-ro aji maho bojëmiromo jabesi ihoho mae uëromo ajëmi'iramu huë mae raromo'ë'ö. Jew rajoho urimo ajëmiromo röhu sa'a ioro'ioro rajoho jabu'o ëhi gemuoho ajëmi'ë'e.

<sup>11</sup> God-ro ae aho'obëhe ma-gemu göromo sisë bojamuibe mae bojamuibe va'ajeje.

<sup>12</sup> Sa'a ioro'ioro rajohuro Moses-are jögoroho bogo hejë'e mu sisëho ma-vaeruomajeje. Hesi jöho bogo hejë'e mu sisë ma-vaejaruëro jië'ëro ëhuni ijonö God-ro Moses-are jöho bogo majëhijë'e ma-uë'ë'e: Sisë jëvaje sisëro va'ohëjo. O Jew rajohuro Moses-are jögoroho iae hejarueje. Heromo röhu sisë vaeruomajeje. Heromo röhu mu sisë vaejaruëro jië'ëro ëhuni ijonö God-ro jabesi örire Moses-are jöho majëhiromo uë'ë'e: Jemëro hesi jögoroho ahë'e jëvaje sisëro va'ohëjo.

<sup>13</sup> Ëhesi bëhoho bogo jögoru hejarue aribövioho a'i jögoru ejahoromo mu vaejarue ariböviohuro God-are nunire mae riravo'ë'ö.

<sup>14</sup> Sa'a ioro'ioro rajoho Moses-are jögoroho bogo hebe rovë'eje. Röhu hesi jögoru jiajëhi ëhi jië'e muoho vae'ë'ö. Vaejë'o ho ë hesi bëhoho God-are jögoroho bogo he'i a'i jabesi uehororo jië'ëro ë muoho vaejarueje.

<sup>15</sup> Ëhi vaejego noro garomo uvarueje: God-are jögoru jiajëhi jië'e mu vaeröhe hesi uehoroho huro jabesi dë vövöbajo'ere ba'amëhë'e höjo. Jabesi dëre herovarueje jabesi arijo'ëro mu mae o sisë vaejë'e jiavego. Jabesi uehore gö gö rovego uvarueje: No sisë vaejë'e javuajëjo o nani majae gö uvarueje: Mae vaejë'e javuajëjo.

<sup>16</sup> Röhu ëho majaho rue'iramu iae ëhi jio'ë'e. Naehu Keriso-are jö mae majëhiromo ae uëvajëhi God-ro ëhi ë'oromo Iesu Keriso ua'iramu huro ae aho'o jabesi uehoro gurihi taemaro ho mevo'ë'e ga'i mae o sisë jiego.

*Mu vaeröhe jögoru Moses-hu bojëmamu Jew rajehu bogo ejahare jöhoje.*

<sup>17</sup> Röhu nani jero ae uëvanueje: Na Jew rajëro jevë'ëro iho mabëhe jevajëjo. Jero uvanueje: Na Moses-are jögoru ijore ijore juvaje aëro jevë'ëro ëhu'ëro God-are nunire mae nami'ejöjo. Jero sivue döro bamorovoromo ae uëvanueje: Na God-are a maëro jevë'ëro ëhu'ëro ma-mabëhe jevajëjo.

<sup>18</sup> Iae maeje. God-hu rabe rabe nimajoho jero uehorovanueje. Moses-are jögoroho hejë'ëro ëhu'ëro jero gavanueje di muoho maho jiego.

<sup>19</sup> Jero biririvo avohoromo uvanueje: Nuni tugorohë'e jabesi öri röjëhijaje aho na jevajëjo. Ramoramo'ere raromarue aribövi jabesi ojo jiovëhaje aho na jevajëjo ajivëvo'irodoho.

<sup>20</sup> Simano bogojë'e aribövi röjëhijaje aho na jevajëjo. Asisö'o röjëhijanovaje aho na jevajëjo. Moses-are jögoroho hejë'ëro ëhu'ëro na nuni aji'e jö maho ga barë nahonahovë'e jevajëjo. Na ëhi jië'e ae jevajëjo. Nani jero ëhi uvanueje.

<sup>21</sup> Iae maeje. Jero a ioro'ioroho jöho röjehanueje. Röhu ja rabëni jasi arijo'arijoho bogo röjahirovanueje. Jero a ioro'ioroho majëhiromo uëvanueje: Nadi vajiohoho ë'orëjo. Iae mae uëvanueje röhu na ja vajiohoho ë'anueje.

<sup>22</sup> O jero a ioro'ioroho uëvanueje: Nadi goho'amorëjo. Röhu na ja goho'amanueje. O jero uehorovoromo uvanueje: Sarerri vörö'e inömoho sisë bëhe jio'amajëjo. Röhu na ja ë inömo uehorovarue osaroho rumo va'o'amoromo vajiohoho ujuohoromo ë inömo hesi sisëho baejanueje.

<sup>23</sup> Jero uvanueje: Na God-are jögoroho hejë'ëro mae jevajëjo. Iae ëhi jie röhu na ja God-are jögoroho ahoromo hesi ihoho ijumanueje.

<sup>24</sup> God-are iho ijumanue jöho iae hesi surire ëhi gemuoho uvë'eje: Jew raje jemëro sisë vaejejo ëhuni sa'a ioro'ioro rajohuro God-are ihoho sisë'i uvarue hõjo.

<sup>25</sup> Jew rajehu ë'aruëhi ëhi jasi sinoho tariojahë'eje. Ja God-are jögoru ejahamu sino ëhi tariojahë'oho ëhuro mae javo'ë'e. O God-are jögoru bogo ejahamu sino ëhi tariojahë'oho bogo ëhuro maho javo'ë'e.

<sup>26</sup> Ave jöhu'o uehorovore. Sa'a ioro'ioro rajoho Jew rajo muoho bogo vaeromo sinoho bogo tarivo'amarueje. Röhu jabumë ae rahu God-are jögoru ejahë'oho ëhuro God-ro uvo'ë'e: Ëaribövioho sa'a gö raje jio'i röhu Jew rajo jabesi sino tariojëharuëhi jië'e aribövie jëvë'ëro ëhu'ëro jabu'o nasi aribövi mae jio'amajëjo.

<sup>27</sup> Sa'a ioro'ioro raje ae göëro göëro sinoho bogo tarivo'amë'e God-are jögoroho iae ejaharueje. God-ro jabesi mu maho garomo Jew rajoho ja ua'ë'e: Ja nasi surire jöho baejë'e javajëjo. Nasinö javojöro jasi sinoho tariojahë'e hõjo. Röhu sa'a ioro'ioro rajehu ë'arëhioho ja rabëni jögoroho bogo ebe rovane hõjo.

<sup>28</sup> Ëhesi bëhoho ja Jew rajo iho javo'i Jew rajehu ë'aruëhi jasi sinoho tariojaho'i röhu God bogo uhohu'o uehorovë'oho ja ma-döhemu Jew rajoho javë'ëro ëhu'ëro ja bogo God-are a maho javajeje.

<sup>29</sup> Döremu Jew rajo javë'oho ëho bëhi rumo'e javo'i a'i Jew rajehu God uehorovarüëhi ëhi uhure uehorovë'oho ëho böromohoje. Ëhesi bëhoho bogo jasi sinoho tarioromo avohaho'i a'i jasi dë vövöbajo'oho avohahë'eje. Bogo ma-jajivë'e jögoru ejahoromo aehu jasi sinoho tariojaho'i a'i God-are Aru'ahohuro jasi dë vövöbajo'oho avohahë'eje. Dë vövöbajo'oho avohaho'iramu bogo aehu ja rajahi'i God-ro rajahi'ë'e.

### 3

<sup>1</sup> Ëhi jië'oho na Jew rajo ariböviohuro sa'a ioro'ioro rajoho iosirëmiromo God-are mu maho baejë'ëjõ o bogo. O Jew rajo mu vaeromo sino tarivaruoho na ëhuro mae baejë'ëjõ o bogo.

<sup>2</sup> Io'o mue aho'o iae mae baejë'ëjõ. Aevo'i jöho aviëhije. God-ro Jew rajo jabesi övore hesi jögoroho bamadeje jaburo mueberöhego.

<sup>3</sup> Jabesi övore bamamu röhu Jew rajo a ioro'iorohuro ë jögoroho bogo avoho ejaho'i vuonugareje. Vuonugarohuni na ëhuni God-ro huhu uëvade muohu'o vuonugo'i jõ göho uehorovo'ë'e o bogo.

<sup>4</sup> God bogo mae bogo ëhioho ë'ë'e. Ëhesi bëhoho God bogo sareri'oho jio'i hu ma-maëremuje. Ae aho'obëhe sareri sareri'e javuë'oho röhu God hu'o bogo ëhioho jio'i hu ma-maemu jio'ë'e. God-are surire jöhu'o ëhi gemuoho uvë'eje:

No gavarue hõjo God jasi jöho ma-maemu majahuijego.

Aëro uvoruomo'ajëjo: God jasi muoho sisë hõ uvoruomo'ajëjo röhu iae ga'ëjarëjo jasi muoho mae jio'iramu.

<sup>5</sup> Röhu noehu mu sisë vaeromo God-are mu mahu'o gemuore havoromo gavë'oho ëhuro hesi mu maho ma-va'orahoro jio'ë'e. Ëhuni nani aëro ëho garomo sarerivoromo ave sa'are ariböviohu uvaruëhi ëma uvo'ë'ö: Noehu sisë vaejamu ëhuro God-are mu ma va'orahoro jië'oho noehu mu sisë vaejejo huhu i'u mana bojümü'iröhoho ëho sisë hõjo.

<sup>6</sup> Röhu bogo ëhiohoje. God-hu a sisë i'u mana bojümü'iröhoho sisë jio'ibejo hu diehi'oromo sa'a raje aho'obëhe göromo mevavuo'ibejo mae o sisë javuego. Röhu huro ae aho'obëhe iae mevavuo'ë'e. Ëhuni God-hu a sisë i'u mana bojümü'iröhoho iae maeje.

<sup>7</sup> O nani aëro ëma uehorovoromo uvo'ë'e: Naehu jö sareri jövë'ohuro ëhuro God-are jö maho va'orahoro jio'a'ajëjo. Ëhi jië'ëro God-are ihoho döro jio'a'ajëjo. Nasi sisëhuni hesi ihoho döre jië'oho God-hu na ue'iröhoho: Ja sisë javaje sisëro va'ë ue'iröhoho ëho sisë hõjo. Röhu aehu ëhi jövë'oho ëho sisëje.

<sup>8</sup> Ëhi jië'e jöho aviëhi jianove. Ruehego no mu sisë vaejarëjo ëhuro God-are ihoho mae jio'iröhe hõjo. Iae aëro Paul nasi ihoho ijumoromo ëma uëvarueje: Nöröro ëhi jië'e jö sisëho jövaje hõjo. Ëhi ataruëro jië'ëro sisëre va'oruomë'oho iae maeje.

*Ae aho'obēhe sisē javuaje jōhoje.*

<sup>9</sup> Rōhu Jew raje noro God-are mu mabēhe baejē'e javue. Mu mabēhe baejaroho na ēhuro noro sa'a ioro'ioro rajoho mue aho'o iosirēmiromo mae javue o bogo. Bogo. Jew rajohu'o sa'a ioro'ioro rajohu'o no aho'o mu sisē darugo hesi uhuremu javue. Ējōho na mami'e jajivodeje ga'irarijejo.

<sup>10</sup> God-are surire jōhu'o ēhi gemuoho uvē'eje:

God mae bogo ae gemu vadu'oho maho hōjo.

<sup>11</sup> Aho bogo simano maho uehorovoroumaje hōjo.

God biroharue ōroho bogo nahoruomaje hōjo.

<sup>12</sup> Ae aho'obēhe ōri maho nugō'ō'i je'oro va'oruomē'e hōjo.

Ae aho'obēhe sisē mae sisērērovē'e hōjo.

Bogo mae bogo ae gemu vadu'oho mu maho vaejaje hōjo.

<sup>13</sup> Jō sisē ataruohuro ēhuro sisē bēhe jēvajējo.

Ae guavoromo bogo duho'i ma-nugego usihōvo rojomajēhi jabesi huē gagore ēhi rojo-manovaje hōjo.

Jō'ero jō sareri sareri'e atoromo jovēro rovanovaje hōjo.

Bitaro vuodovē'ohuro bitaro gagore sigobu vōrō va'ēnoho rojomaje hōjo.

<sup>14</sup> Jō'ore ajuo'e rojomego nu huē'e jōemu atarue hōjo.

<sup>15</sup> Hōrohuro tutuvo va'oromo ae muo'amarue hōjo.

<sup>16</sup> Dinō'e va'ē'iroho bōvie bise'e ijumobe ae huē vavaene bojēmibe va'arue hōjo.

<sup>17</sup> Huē mae bae'irōhe ōroho bogo gavē'e hōjo.

<sup>18</sup> Simanohuro God bogo uehorovē'e ma-jijiharue hōjo.

God-are surire jōgoroho ēhi uvē'eje.

<sup>19</sup> Ēmu sisē vaejarue jōho iae no gavaruēje. God-hu ē jō bojamuijade hesi bēhoho ēhuro Moses-are jōgoru hesi uhure rarumarue aribōviahuro heromo jabumē'o sa'a ioro'ioro rajohu'o ae aho'obēhe jō mana uarōhoho bogojavuego jō'e tugorohoromo hesi nunire gōvōgōvōvē'e riravo'irōhego ae aho'obēhe maja hō'ōjajire beva'ajire.

<sup>20</sup> Gōvōgōvōvē'e riravo'irōhe hesi bēhoho aehu mu vaerōhe jōgoru heromo ijore ijore va'ē'oho bogo ēhuro God-are nuniroho maho riravo'i a'i ma-uvarueje: Noro ē jōgoroho bogo avoho ejaruēro javuē'ero sisē javuajējo.

*Keriso mae uehorovaruoohuro ēhuro God-are nunire mae riravarue jōhoje.*

<sup>21</sup> Iae ēhi sisē javue rōhu jaruvoroho noehu hesi nunire mae riravo'irōhe ōroho God-ro rōjahuijē'eje. Moses-are jōgoru surire o jō God-aro baeromo ae majēhinōvare aribōvi jabesi surire ē hesi ōroho iae jajivē'eje. Rōhu ē ōroho bogo jōgoru heromo mu vaerōhe ōrehu jio'i a'i ōroho aviēhije.

<sup>22</sup> Aehu Iesu Keriso mae uehorovē'ohuro ēhuro God-ro nosi sisēho uehorovoromo vuonugego hesi nunire mae riravarueje. Ae aho'obēhe mae ae rahu Keriso mae uehorovē'oho ēhi ajamuijajeje. God-ro gōvuajeje no ae aho'obēhe bogo gōho gōho javuo'i ma-gemuoho javuego.

<sup>23</sup> No ae aho'obēhe sisē vaejē'ero God-are aji'e muoho vae'irōhoho bogo eni javuego ma-rarumarueje.

<sup>24</sup> Rōhu God-ro hesi uehorovoromo no huē mae bojamuiromo Iesu Keriso noni guomōjōro sa'are nugō'ōromo ēhuro sisē hesi darugore javuadoho baeniahijē'ero no hesi nunire mae riravarueje.

<sup>25</sup> God-ro Keriso nugō'ōjadeje hesi kōho rueromo guomego noro ē muoho mae uehorovego God-ro nosi sisēho dejonō bu'ōjēgo hesi dē vōrōnimadoho barē'irōhego. God-ro nosi sisēho ēhi ajamuijade hesi bēhoho rōjahuijēgo noro garōhego hu maemu vaejaje ae jiego. Ēhesi bēhoho mami'oho aēro sisē vae'ego God-ro ma-taemorovoromo nunēremu gēbe ruenōvadeje.

<sup>26</sup> Avevejō'oho nosi sisēho bogo ma-nunēremu gō'i a'i Keriso nosi sisēni nugō'ōjahuaeje. Hu nimadeje rōjahuijēgo noro garōhego hu maemu vaejaje ae jiego. Noro garōhego hu mu maemu vaejajoho o Iesu mae uehorovarue aribōvi nosi sisē mu'uvahuego hesi nunire mae riravaruoho.

<sup>27</sup> Ēhi jiē'oho no diehi nimorohē'i uvo'ejo: Nosi birirohuro God-are nunire mae javuajējo. Ēhi jiē'e jōho bogoje. Ēhesi bēhoho rabēni no bogo ēhioho uvo'ejo. Na nosi birirohuro mu vaerōhe jōgoroho baejē'ero ēhuni no bogo nimorohē'ioho ataruēje. Bogo ēhiohoje. Nosi biriroho bogo a'i God-are birire mae uehorovo'irōhe jōgoroho baejē'ero ēhuni bogo ēhioho ato'ejo.

<sup>28</sup> Ĕhesi bēhoho rabēni. Noro uehorovoromo uvarueje: Jew rajo mu vaerōhe jōgoru ijore ijore va'ē'ohō bogo ēhuro God-are nuniroho maho riravarue hō uvo'i a'i Keriso mae uehorovē'ohō ēhuro God-are nunire mae riravarue hōjo.

<sup>29</sup> Jew rajo mu vaejē'ohuro ēhuro maro javuo'ibejo no uvo'ibejo: God hu ma-Jew rajohemu muebe'amaje hōjo. Rōhu hu bogo jabumēremu muebejēvo'i a'i sa'ae aho'o muebe'amajeje.

<sup>30</sup> Iae God hu ma-gemuje. Huro Jew rajohu'o sa'a ioro'iorohu'o mae riravorōhe ōre gemuoho rōjēhijajeje. Jew rajohu'o sa'a ioro'ioro rajohu'o jabumē Keriso mae uehorovē'ohuro ēhuro ajēmijego mae riravarueje.

<sup>31</sup> Keriso mae uehorovo'irōhe jōho baejē'ohuro na no ēhuro God-are jōgoru mamioho aharueje. Bogo aho'i a'i ēho ma'eno titimarueje.

## 4

*Abraham bogo aehu hesi sino tariojaharohuro bogo ēhuro God-are nunire mae nami'i a'i huhu God mae uehorovadohuro ēhuro God-are nunire mae namijade jōhoje.*

<sup>1</sup> Bēhe vaeromo jiade Jew rajo nosi hijoho Abraham jie. Rōhu Abraham-hu gavade God-hu diehi ajamamu gavade jōho no uehorovo'ejo.

<sup>2</sup> Nani aēro uvo'ē'ō: Abraham-hu God-are nunire mae nami'iē'adevaroho huro mu mae vaeromo ēhuro God-are nunire mae namijade hōjo. Ĕhuni dōro bamorovoromo nimorohē'i uvo'ibejajo: Naro nasi biririvoromo ēhuro God-are nunire mae namijaje hō uvo'ibejajo ēho iae mae jio'ibejajo. Nani ēhi uvo'ē'ō. Rōhu God-hu gavajoho Abraham-hu dōro bamorovo'irōhoho bēhoho bogoje.

<sup>3</sup> God-are surire jōho ēhi uvē'eje: Abraham-ro God-are ōrire mae uehorovoromo uvade hōjo: Hesi God-ro ajemi'ajējo. Huro mae uehorovamu gagorovo God-ro huni vavaenimoromo uvade hōjo: Na gavajoho hesi sisēho barē'ego iae hu a mae hōjo.

<sup>4</sup> Rōhu gōehu gō hesi mu vaejahamu ē hesi mana bojamamu gavē'oho uvarueje: Ĕaho bogo ēma vavaenimoromo suvuoroho bojami'i a'i mu vaejadohuni hesi manaho bojamade hōjo.

<sup>5</sup> O ae gōehu mu mae bogo vae'i ma-uvē'ohō: Iae mae-ējo. No a sisē javuē'ego God-ro nosi sisēho mu'uvahuego hesi nunire mae riravarue hōjo. Ĕhuni hesi huro na'o ajemi'iramu mae jevo'ajē uvē'ohō God-ro uvajeje: Ĕahuro na mae uehorovevē'ero ēhu'ero na gavajoho hesi sisēho barē'ego iae hu a mae hōjo.

<sup>6</sup> David-ro jōe gemuoho jajivadeje. Aehu bogo hesi biririvoromo mu mae vae'i ma-God mae uehorovego God-hu vavaenimoromo ajamego hesi nunire mae namiromo huē mae baejaje jōho David-ro God-are surire jajivoromo ēhi uvē'eje:

<sup>7</sup> O asē'e mabēhējo.

Aehu God-are jō ahamu huhu uehorovoromo vuonugahuē'ohō mu sisē vaejamu u'ovahuē'ohō

no huē mae baejarue hōjo.

<sup>8</sup> Noehu sisē vaejaroho Badahu bogo ijonō jō majahuijē'ohō

ēhuro no huē mae baejarue hōjo.

Ĕhi uvē'eje.

<sup>9</sup> Rōhu ē huē ma baejarue aribōvioho rahumēje. Na ma-Jew rajo mu vaeromo sino tarivo'amarue aribōviohuremu God-are nuniroho maho riravoromo huē maho baejarueje. O na sa'a ioro'ioro rajohu'o ēhi gemuoho huē mae baejarueje. Bogo Jew rajohuremuoho a'i Jew rajo mu bogo vaeromo sino bogo tarivo'amarue aribōvioho jahu'o ē huē maho baejarueje. Ĕhesi bēhoho urimē'i naro ave God-are surire jōho adahoromo jajivē'e jeve. Jajivoromo uēvē'e jeve: Abraham-ro God-are ōrire mae uehorovoromo uvade hōjo: Hesi God-ro ajemi'ajējo. Huro mae uehorovamu gagorovo God-ro huni vavaenimoromo uvade hōjo: Na gavajoho hesi sisēho barē'ego iae hu a mae hōjo.

<sup>10</sup> Rōhu rabu'e majare God-ro uvadeje: Abraham hu mae hōjo. Na hu sino tariojahare maja hesi urimo o ijonō evare uvadeje. Sino tariojahare maja hesi urimo evare God-ro uvadeje: Abraham hu mae hōjo.

<sup>11</sup> Abraham mae hō uvonugoromo ijonō God-ro sino tarivorōhe muoho Abraham bojamadeje ae aho'o ēho garomo uvorōhego: Urimē'i sino bogo tariojahare majare Abraham-ro God mae uehorovoromo ēhuro hesi nunire mae namijade hōjo. Ĕhu'ero jiē'ero Abraham-hu ē'adēhi Jew rajo mu bogo vaeromo sino tarivo'amē'e ma-God mae uehorovoromo hesi nunire mae riravarue aribōvioho ē aribōvi jabesi bēhoho iae Abraham-je.

<sup>12</sup> Rõhu Jew rajo mu vaeromo sino tarivare aribövie gö gö nosi bëhoho iae Abraham gemuje. Èhesi bëhoho Abraham ë'adëhi nosi sinohu'o tarivahuë'eje. Rõhu ëho ma-jianovo'i a'i Abraham sino bogo tarijahë'e ma-hijade majare huhu God mae uehorovadëhi Jew raje ae rahu ëhi gemuoho God mae uehorovë'o'oho ëhuro Abraham hu nosi bëhohoje.

*Noehu jöguru ejaruohuro bogo ëhuro God-are huë maho nosiriroho rue'i a'i noehu God mae uehorovoromo hesi nunire mae riravaruohuro ëhuro God-are huë mahuro nosirire rovajeje. Èhesi jöhoje.*

<sup>13</sup> God-ro Abraham uavadeje: Ave jöho na mae uavajëjo. Naro ja'o jasi ujohu'o sa'ae aho'o bojëmi'iramu bae barë'arujëjo. Rabëni baeröhego God-ro uavadeje. Bogo Abraham-hu mu vaeröhe jöguru ejahadohunioho bogo ëhunioho God-ro mana uavadeje: Sa'ae aho'o bae barë'arujëjo. A'i Abraham-ro God mae uehorovoromo uvadeje: Hesi God-ro ajemi'ajë uvadohuni ëhuni God-ro uvadeje: Na gavajoho Abraham-are sisëho barë'ego hu mae hõ uvadohuni ëhuni uavadeje: Sa'ae aho'o bae barë'arujëjo.

<sup>14</sup> O God-ro uõ'ibejo: Ave jöho na mae uëvajëjo. Jëmëhu jemesi birivoromo mu vae'irarije jö ejehë'ohuro ëhuro na sa'ae aho'o bojëmi'ejöjo. O bogo ejehë'oho bogo bojëmi'ejö uõ'ibejo no mae uehorovoromo uvaruoho: Hesi God-ro ajamui'iramu mae javuo'ajë uvaruoho ë hesi bëhe bogojio'ibejo. O nosi biriroho bogo eni javuë'ero huhu bojamui'i uõvuadoho bogo bae'ibejo. Rõhu bogo ëhiohoje. Mu vaeröhe jöguru ejaharuo-hunioho God-ro bogo ëhunioho ajamui'i a'i noehu hesi örire mae uehorovaruohuni ëhuni ajamuajeje.

<sup>15</sup> Mu vaeröhe jö God-hu bojamuadoho no bogo ejahego mae javuo'i a'i ahego God-ro no göromo dë vörönimego i'ue bojamuajeje. O mu vaeröhe jöguroho bogojio'ibejo bogo aho'ibejo.

<sup>16</sup> Èhu'ëro jië'ëro God-hu no ajamui'i Abraham uavadoho ëho no bogo mu vaeröhe jöho ejahoromo bae'i a'i God mae uehorovoromo ëhuro baejarueje. Èhu'ëro God-ro bogo nosi muoho garomo huhu Abraham uavadëhi ëhi mana ajamui'i a'i hesi ëma nimoromo huhu Abraham uavadëhi iae hu ëhi ajamuego ëhuro Abraham-are ujoho no ae aho'obëhe iae baejarueje. Bogo Moses-are jöguru ejaharue aribövie gemuohemuoho bae'i a'i ae rahu Abraham-hu ë'adëhi God mae uehorovë'o'oho iae bae'ejo ë hesi bëhoho God mae uehorovarue aribövioho aho'obëhe nosi bëhoho Abraham jië'ëro.

<sup>17</sup> Abraham nosi bëhi jio'iröhe jö God-hu Abraham uavadoho God-are surire jajivoromo ëhi uvë'eje: God naro ja ajami'iramu ëhuro sa'a gö gö raje aho'obëhe jabesi hijoho ja javo'ajëjo. Èhu'ëro jië'ëro noehu God mae uehorovarue aribövie aho'obëhe nosi bëhoho Abraham-je hu God-are nunire ëhi jië'ëro. God gemu Abraham-ro mae uehorovadeje. God hu vuovë'e aho ajamuijego i'ovavuaje ahoje. God-hu uvego urimo bogojio'amë'e bövi bise'o ëma jio'amaje ahoje. God hu ëhi jië'e a jiajoho Abraham-ro hu mae uehorovadeje.

<sup>18</sup> Mae uehorovamu God-ro uavadeje: Sa'ae gö gö aho'obëhe jabesi hijoho ja javo'ajëjo. Èhi uavamu Abraham-ro uvadeje: Diehi'oromo bae'ejöjo. Öroho bogohöjo. Iae ëhi uvadeje rõhu huro God mae uehorovoromo uvadeje: Iae hesi höjo. God-hu uevadëhi iae ëhi jio'a'ajë uvoromo hiromo muebejadeje. God ëhi mae uehorovoromo muebej'ëro ëhu'ëro Abraham sa'ae gö gö aho'obëhe nosi bëhoho jië'eje. Nosi bëhi jioröhe jö God-hu Abraham uavadoho God-are surire ëhi uvë'eje: Abraham jasi ujoho aho'obëhe jiji va'ëne jiobe va'a'ajëjo. Surire jö jiadëhi iae ëhije.

<sup>19</sup> Rõhu Abraham vadune aho'obëhe 100 rabu'e bae'irögoro ë'ë'ëro ëhu'ëro hesi sino haho'e u'uhoromo guomanovë'e jiadeje. O hesi vaboroho Sarah dë tiöj'e magonahe jiadeje. Baruhu'o vaborohu'o ëhi sisërëjëvë'e jiadeje. Rõhu Abraham-ro uehorovoromo uvadeje: Iae ëhi höjo rõhu God-ro iae uje bojëmi'iramu ëhuro aho'obëhe jieh'o'ajëjo. Abraham-ro ëhi birivoromo God mae uehorovobe rovadeje.

<sup>20</sup> God mae uehorovadoho hu bogo vuonugoromo uvadeje: Na God-hu uevadëhi ëhi jio'a'ajëjo o bogajo. Bogo ëhioho uvo'i a'i biririvo avohoromo God mae uehorovobe rovadeje. Mae uehorovobe rueromo God-are örire rajahiroho

<sup>21</sup> uvadeje: Iae mae-ëjo. God-hu uevadëhi ëhi ajemi'iröhoho iae hu eni jiajëjo.

<sup>22</sup> Èhi mae uehorovoromo uvamu gagorovo God-ro Abraham-ni uehorovoromo uvadeje: Èhu'ëro na gavajoho hesi sisëho barë'ego iae hu a mae höjo.

<sup>23</sup> Rõhu ë jöho bogo Abraham-nioho gemu jajivo'i

<sup>24</sup> ae aho'obëhe nosi jöhu'o jajivë'eje. God-hu no ae rahu mae javuajë uvoromo baejavuade aribövi nosi jöhoje ë hesi bëhoho no Iesu nosi Bada i'ovade ae God hesi örire mae uehorovaruëro jië'ëro.

<sup>25</sup> Rõhu God-ro Iesu a övore bojëmadeje baeromo anego nosi sisëhuni guomorõhego. Guomamu God-ro hu ajamijamu i'ovoromo ri'õjadeje ëhuro noro God-are nunire mae riravo'irõhego.

## 5

*God-are nunire mae riravaruëro jië'ëro hu'o huë mae baeromo nimoroharue jõhoje.*

<sup>1</sup> Noro Keriso mae uehorovamu God-ro nosi sisëho mu'uvahuamu hesi nunire mae riravë'ëro javuë'ëro ëhu'ëro God'o no'o gemuoro mae raromarueje nosi Bada Iesu Kerisoro buore vaejavuë'ëro.

<sup>2</sup> Buore vaejavuoromo ajamuijë'ëro ëhuro no God-are huë maho bihororomo biririv-oro mae hesi nunire mae riravarueje ë hesi bëhoho noro hesi õrيره mae uehorovë'ëro javuë'ëro. Hesi nunire mae riravoromo noro uvarueje: Noro God-are aji mare raromo'ëjarë uvoromo ëhuni noro nimorohë'i muebejarueje.

<sup>3</sup> Rõhu göho no huë vavaeni bövi bise'o baejë'iroho ëhu'o nimoroharueje. Rabëni hesi bëhoho no uvarueje: Huë vavaeni baejë'ohuro ëhuro birire baeromo God mae uehorovobe va'arue hõje.

<sup>4</sup> Biririvoromo God mae uehorovobe va'ë'ohuro ëhuro God-ro uvajeje: Jemë ruahõ'õjje'ë jëvqjë uvajohuro ëhuro no dë ma-mabëhe jioromo muebejarueje ijono huro ajamuego ma-mabëhe javuorõhego.

<sup>5</sup> No mabëhe javuo'irõhego muebejaruoho ëho bogo sarerivoromo ë'arueje. Ëhesi bëhoho God-ro hesi Aru'ahoho no bojamuijë'ëro no dë vövõbajo'ere herovarueje God-ro no mabëhe uehorovavuo avohego.

<sup>6</sup> God-hu no uehorovavuae õroho aviëhije. Urimoho nosi arijo'arije ajamirovë'oho bogo eni javuadeje. Bogo eni javuobe rovamu God-hu nimade majaho rovamu evare Kerisoro guomadeje hu bijõnimarue aribövioho ajamui'iro.

<sup>7</sup> O noro garõhe ae gö mae jië'e hu ëma vörõ'ere hijamu gagorovo hu ajami'i vuovorovë'oho ëho juhuoni'e muego nani no hu bogo ajami'ëjo. O ga'irõhe ae gö huë bae avohaje a mabëhe jië'e hu ëma vörõ'ere hijamu gavë'oho hesi nani'o. Nani no hu ajami'i biririvoromo vuovorovo'ëjo nani bogo.

<sup>8</sup> A'i Kerisoro gavade no sisë aribövije javuamu evare huro no ajamui'i guomorovadeje. No sisë aribövije javuamu evare guomë'ëro jië'ëro ëhu'ëro God-ro no röjahuijë'ëje noro garomo uvorõhego: God-ro no uehorovavuo avohaje hõje.

<sup>9</sup> No ae sisë javuamu evare Kerisoro noni guomë'ëro ëhu'ëro no God-are nunire mae riravarueje. Ëmuoho i'u'e mae jiadeje. Ëhuni no biririvo avohoromo uvo'ëjo: Kerisoro mami'e ajamuijë'ëgo majae ijono God-hu bojamui'irõhe i'uoho no bogo bae'ëjarëjo.

<sup>10</sup> Hu'o no'o gororamirovuae aribövije javuamu evare hesi Hariho noni guomamu ëhuro hesinõ ramuadeje. Ëmuoho i'u'e mae jiadeje. Ëhuni biririvo avohoromo uvo'ëjo: God-ro mami'e hesinõ ramuë'ëro jië'ëro hesi Harihe biririvoromo hijajohuro ëhuro God-ro baejavuoromo maro bamavuo'iramamu mae javuo'ajëjo.

<sup>11</sup> Iae u'ëmu mae javuo'ë'e rõhu avevejõ'ohu'o no God rajahiromo nimoroharueje nosi Bada Iesu Keriso-are jöeni ë hesi bëhoho huro mami'e vörõho tugohuoromo God-arinõ ramuë'ëro.

*Adam-hu mu sisë vaejamu vuovarue muehu rue'i Kerisohu mu mae vaejamu i'ovarue muehu rovade jõhoje.*

<sup>12</sup> Ëhi jië'ëro urimoho ae gemuëro aevoromo mu sisëho vaejadeje. Ae gemuëro mu sisëho vaejamu ëhuro mu sisëho sa'are rovadeje. Sisëho rovamu ëhuro aevoromo aho vuovëvadeje. Vuovëvë'ëro ëhuro no ae aho'obëhe vuovavuobe rovajeje ae aho'obëhe mu sisë vaejë'ëro.

<sup>13</sup> Urimë'i Moses-hu God-are jögoru bogo barovadevare evare mu sisëho iae sa'are jiobe rovadeje. Rõhu Moses-are jögoroho bogojiamu aribövioho ëho bogo heromo ahë'ëro ëhuni God-ro mu sisëho gemu gemu garomo bogo adaho'i ma-nunëro gëbe rovadeje.

<sup>14</sup> Mu sisëho bogo adaho'i ma-nunëremu gëbe rovamu rõhu Adam-hu mu sisë vae-jadevare evare ae aho'obëhe aevoromo vuovobe rovadoho rõhu evare Moses rovadeje. Ëaribövioho Adam-hu God-are jö heromo ahadëhioho bogo ëhioho heromo ahobe rovë'e jabu'o vuovëvobe rovadeje.

Rõhu Adam hu God-aro jioromo ijono sa'are rovade aho Keriso va'ëne ëhi jianove.

<sup>15</sup> Iae ëhi jie rõhu Adam'o ijono sa'are rovade ahu'o ae niõ'i jabesi muoho bogo gemuoho jio'irõgoro gö gö jiadeje. Gö gö jië'ëro God-are suvuorohuro Adam-hu sisë ë'adoho iosiramijë'ëje. Ëhesi bëhoho Adam hu ma-gemu jiadeje. Huro God-are jõho ahamu ëhuro ae aho'o vuovëvobe rovë'ëje. Iae ëhi jie rõhu Iesu Keriso hu'o ma-gemuje. Rõhu God-ro



no huê baejavuoromo ë aho uavamu nosi sisêho ajamuijê'ëro êhu'ëro ae aho'obêhe hesi huê maho bae avohobe maro raromobe rovê'e javue.

<sup>16</sup> Ae gemuëro sisê vaejê'ëro êhu'ëro no'o sisê javue rôhu God-are suvuorohuro ë muoho iosiramijê'eje. Êhesi bêhoho huro mu sisê gemu vaejê'ëro êhu'ëro God-ro no uôvuajeje: Jemê'o sisê'e aribôvie jêvâjêjo. A'i noehu mu sisê aho'obêhe vaejaruoho God-ro hesi nîmoromo huê baejavuoromo uôvuajeje: Jemesi sisêho iae mu'uvêhê'e hõjo.

<sup>17</sup> Ae gemuëro mu sisê vaejê'ëro êhu'ëro a vuovavuaje muoho bõrõmorajê'eje ae gemuëro huro êhi sisê ël'ë'ëro. Êhuni no biririvo avohoromo uvo'ejo: Ae gemu Iesu Kerisoro ajamuijê'ëro êhu'ëro ae rahu God-are suvuoro mabêhe baeromo aevoromo hesi nunire mae riravê'oho êhi jiê'e aribôvioho noro bogo vuovo'i Keriso-are darugoho baeromo masije riravo'ejârêjo.

<sup>18</sup> Êhu'ëro jiê'ëro mu sisê gemu jiê'ëro êhuro ae aho'o God-are nunire sisê'e javue. A'i ae gemuëro mu maho vaejê'ëro êhuro ae aho'obêhe nosi sisêho mu'uvahuê'ego no God-are nunire mae jioromo hu'o maro raromo'ejo.

<sup>19</sup> Êhesi bêhoho ae gemuëro God-are jõho ahamu ae aho'obêhe sisêrêjavuadeje. A'i ae gemuëro hesi jõho ejahê'ëro êhu'ëro ae aho'obêhe hesi nunire marêjavuo'ê'e.

<sup>20</sup> Moses-are jõgorehu ijõnõ rovade hesi bêhoho aëro êho heromo biriri'õvoromo jõho ahohe va'ego mu sisê bõrõmo bêhe ma-va'orahoro jiorõhego. Mu sisê bõrõme jio'amadeje rôhu God-ro hesi nîmoromo huê baejavuoromo bogo bise'o vadu'oho ajamuiromu nosi sisêho iosirami'amoromo hesi mu bõrõmoho rôjahuijâdeje.

<sup>21</sup> Êhu'ëro urimoho mu sisêho bõrõmoho jiadeje. Mu sisê hesi uhure javuê'ëro vuovavuonõvadeje. Jaruvoho God-hu huê baejavuade muoho bõrõmohoje. God-are huê ma hesi uhure javuê'ëro hesi nunire mae riravarueje. Mae riravoromo ma-ioro'iore gemu maro raromo'ejo nosi Bada Iesu Kerisoro ajamuijê'ëro.

## 6

*Noehu Keriso'o bimuvoromo hu'o vuovanovoromo uehoro mami vuonugo'i i'ovoromo uehoro i'e baejarue jõhoje.*

<sup>1</sup> God-hu hesi nîmoromo huê baejavuoromo nosi sisêho ajamuijê'oho no diehi uvo'ejo. Na no uvo'ejo: Ê'ego no êhi ma-mu sisêmu vaebe va'ego nosi sisêho aho'o jiego God-ro no huê baejavuo avohoromo mu'u'amajo.

<sup>2</sup> Bogo mae bogo êhioho uvo'ejo. Mu sisê uhure javuadoho no vuovaruêhi êhi jianovoromo iae barêjahue'eje. Êhi jiê'oho no diehi vuonorõ'õromu mu sisê hesi uhuroho biririvoromo raromonõvo'ejo. No bogo êhioho ê'ejo.

<sup>3</sup> Ave jõho jemê'o uehorovo'ibejarije. Ae rahu bapataeto vaejamu Iesu Keriso'o gemuore bimuvavuê'oho êhuro hu'o gemuore bimuvoromo vuovavuê'eje.

<sup>4</sup> Êhuni no bapataeto vaejamu êhuro Keriso'o bimuvoromo vuovoromo hu'o gemuore sa'a gagore raromareje vaejuo vahuehu hesi ajl'e darugohuro ajamamu Kerisohu guomadoho i'ovoromo ri'õjadêhi êhi no'o mu i'ore raromo jijihonõvorõhego.

<sup>5</sup> No Keriso'o gemu mae bimuvoromo hu guomadêhi no'o êhi vuovarohuni êhuni iae no Keriso'o gemu mae bimuvoromo hu i'ovadêhi no'o êhi i'ovoromo mu i'e bae'ejo.

<sup>6</sup> Ave jõho iae no gavarueje. No Keriso'o gemu mae bimuvoromo korosire ano taemavuoromo hu'o vuovavuade hesi bêhoho sisêhu nosi uehorore dajore biririvobe rovadoho barêjahuego êhuro mu sisê hesi darugore javuadoho ijõnõho bogo vaenõvorõhego. Êhuni no Keriso'o gemu mae vuovavuê'eje.

<sup>7</sup> Keriso'o gemu mae bimuvoromo vuovavuê'iroho sisê uhure javuadoho iae barêjahue'eje.

<sup>8</sup> No Keriso'o gemu mae bimuvoromo vuovavuê'ëro êhuni no mae uehorovoromo uvarueje: Iae no i'ovoromo hu'o gemu mae raromonõvo'ejârêjo.

<sup>9</sup> No êhi uehorovarue hesi bêhoho no gavaruoho God-ro ajamamu Keriso guomoromo ri'õjê'ëro hiromo rôhu maho bogo guomo'ê'e hu guomorõhe hesi võrõho ruahõ'õjê'ëro.

<sup>10</sup> Keriso urimo guomadeje. Êhesi bêhoho hu guomoromo êhuro sisêho ioro'iore gemu taemadeje. O jaruvoho iae hu hije ë hesi bêhoho hu God'o gemu mae hijâjêro jiê'ëro.

<sup>11</sup> Êhuni jemêro uvore: No'o vuovavuamu êhuro ma-ioro'ioremu mu sisêho taemê'e javuajêjo. Rõhu no i'ovoromo Iesu Keriso'o gemuore javuê'ëro iae God'o gemu mae raromaruêjo.

<sup>12</sup> Êhuni mu sisê uehoro sisê jemesi vuovëvorõhe sinehu nimajoho êho nadi ejahorego êhuro sisêho jemê bogo ruahõ'õjêvo'iro.

<sup>13</sup> O jemesi õve hõre simane rabe sisê õriroho nadi bojamirovoromo mu sisêho vaere. A'i uvore: No i'ovoromo mu i'e baejê'e aribôvie javuajê uvoromo jemesi dê vövõbajõe

aho'o ma-God gemu bojamirovoromo jemesi öve höre simane rabe ëhu'o hesi öroro bojamirovoromo mu mae vaere.

<sup>14</sup> Mu sisëho jemë bogo ruahö'öjévo'ë'e. Ëhesi bëhoho God-are jögoru aharuje ë hesi i'uoho bogo bae hesi jëve. God-ro hesi nimoromo huë baejëvoromo jemesi sisëho uehorovoromo vuonugëhajeje. Jemë ëhi maro raromarujeje.

*Mu ma hesi darugoremu raromarue jöhoje.*

<sup>15</sup> Jögoru aharue hesi i'uoho bogo bae'i God-are nimoro nosi sisë uehorovoromo vuonugahuë'oho na no ëhunioho mu sisëho vae'ejo. Bogo mae bogo ëhioho ë'ejo.

<sup>16</sup> Jemë'o uehorovore. Jemë ae gö hesi jöhemu ejahoromo hesi muohemu vaejaho'i nëgamu jemesi arijo'arije bojamirovë'oho ëhuro jemë ë a hesi darugoremu raromo'aruje. Jemë mu sisëmu vae'i nëgamu bojamirovë'oho ëhuro jemë sisë hesi darugoremu raromoro vuovoromo sisëro va'o hesi jëve. O God-are jö ejahoromo hesi muemu vaejaho'i nëgamu bojamirovë'oho ëhuro hesi darugoremu raromoro hesi nunire mae jëvajeje.

<sup>17</sup> Röhu na God mabëhe uave. Ëhesi bëhoho urimoho jemë mu sisë hesi darugoremu raromonövarijeje röhu avevejö'oho jemë God-are jö diehi diehi röjëhijamu hejarijoho ë jöho jemesi dë vövöbajo'e aho'obëhe ejaharujeje.

<sup>18</sup> Mu sisë hesi darugoremu raromarijoho God-ro jiovëhadeje. Ëhu'ëro ae göehu gö hesi darugoremu hijajëhi ëhi jemëro mu ma hesi darugoremu raromarujeje.

<sup>19</sup> Ae göehu gö hesi darugoremu hijajëhi jemëhu mu ma hesi darugoremu raromaruje jö naehu uëvaje hesi bëhoho nasi jöho sama'e huruohë'e jioröhego jemesi uehoroho u'uhëvego bogo avoho hejööni. Urimoho jemëro jemesi öve höre simane rabe aho'o bojamirovarijeje ëhuro va'inumi'e mu o mu sisë gö gö hesi darugoremu raromoro ëhi jië'e muohemu vaenövo'irarijëro. O avevejö'oho ëhi jemesi öve höre simane rabe aho'o bojamirovoromo mu ma hesi darugoremu raromoro God-are mu mahemu vaenövore.

<sup>20</sup> Urimë'i jemë mu sisë hesi darugoremu raromarijeharoho evaroho mu ma hesi darugoremu bogo raromo'i ma-raromarijeje.

<sup>21</sup> Ma-raromoro mu sisë vaejarijoho uehorovoromo javojëge. Röhu evare majare ëhi jië'e mu sisë vaejarijoho ë hesi maho rabe baejarijeje. Bogojiadeje. Ëhi jië'e mu sisë vaejë'oho ëhuro ma-vuovoromo sisëro va'arueje.

<sup>22</sup> O avevejö'oho God-ro ajëmam mu sisë hesi darugoremu raromarijoho vuonugo'i God-are darugoremu raromë'e jëve. Ëhu'ëro jemë God-are aribövi mae jëvoromo ëhuro ma-ioro'ioremu maro raromo'aruje.

<sup>23</sup> Noro mu sisë vaejego ë hesi manaho baeromo vuovoromo sisëro va'arueje. O God-ro hesi huë baejavuaje suvuoroho bojamuego ëhuro no ma-ioro'iore gemu maro raromaruje Iesu Keriso nosi Badare ae gemuohuro javuë'ëro.

## 7

*God-are jögoru ahoromo vavaeni'ere raromaro ho vuonugo'i Keriso-are aribövie javuaje jöhoje.*

<sup>1</sup> Aganomë sa'a a masijo jabesi mu vae'irarije jögoru hesi öroho jemë gavarujëro jëvë'ëro ëhuni ave jöho iae ga'a'aruje. Ja sa'are hijë'oho sa'a hesi jögoru uhure hibe va'ojuvo guomavo'iramu jögoru uhuroho bogojavo'ë'e.

<sup>2</sup> Bëhoho ëhi jianove. Baru hijë'oho vaboröhuro hu gemu gabe va'ë'e jögorure ëhi uövuë'ego. A'i baru guomë'oho magonahoho ë jögorehu nijio'iraejadoho iae barëjë'eje.

<sup>3</sup> Ëhi jië'ëro baru hijamu sionoho ioro bamë'oho aëro uvo'ë'ö: Ëmagonahoho önö'e ma-juvë'e magonahe höjo. A'i baru guomë'oho jögorehu nijio'iraejadoho barëjë'ego hesi nimoro ae gö baeromo hu'o gemuoro hijë'oho bogo önö'e ma-juvë'e magonahe jio'ë'e.

<sup>4</sup> Baru mamioho guomamu magonahohuro baru i'e baeromo gemu mae hijajëhi jemë'o ëhi jëvanove. Jemë Keriso-are sinohu'o gemuore bimuvorovoromo vuovëvë'ëro ëhu'ëro jögoru aharuje hesi i'uoho ma-ioro'iore gemu barëjëhë'eje ëhuro guomoromo ri'öjade ahu'o gemuoro jemëro raromoro God-hu nimaje muoho vae avoho'irarijego.

<sup>5</sup> Röhu urimë'i nosirire jiaje sisëhему uehorovarevare evare mu vaeröhe jögoroho no uehorovoromo dë iahuo'ego mu sisëmu vae'i nimonövareje. Ëhi nimoromo sisëho dajo hahö'ëro vaeromo ëhuro vuovoromo sisëro va'o hesi javuadeje.

<sup>6</sup> Avevejö'oho mu vaeröhe jögorehu no nijio'iraejavuadoho Keriso'o gemu mae vuovuvanovë'ëro ma-ioro'ioremu barëjahuë'eje. Ëhuro ë jögoru aharue hesi i'uoho bogo bae hesi javue. Ëhu'ëro ijönöho no öri mamioho bogo va'oromo ma-surire javivë'e jögoroho adahobe God-are muoho ma-sivoho gabe va'i a'i öri i'ore va'oromo God-are Aru'aho hesi darugohuro hesi muoho vaejarujeje.

*Mu vaeröhe jögoru adahoromo ehuro mu sisë hesi bëhi gavarue jöhoje.*

<sup>7</sup> Ësurire jajivë'e jögoru hesi uhure javuadoho iae barëjë'eje. Ëhuni no diehi uvo'ejo. Na no ëma uvo'ejo: Ëjögoroho sisë höjo. Bogo mae bogo ëhioho uvo'ejo. Ëjögoroho bogojio'ibejo Paul na bogo ga'ibejo mu sisë hesi öroho diehi jië'e jiego. Ëhesi bëhoho jögore gemu jajivoromo ëhi uvë'eje: Nadi ae gö hesi böviëni bise'ënioho ganiganimonëjo. Bogo ëhioho jajivo'ibejo naro uvo'ibejo: Ganigani muoho nani mae höjo.

<sup>8</sup> Röhu ganigani hesi jögoroho iae jajivë'eje. Jajivë'ëro naro garomo uvodeje: Ëganigani muoho God-ro bijönimaje hö uvamu nasi dë ihamu sisëhuro börömo mae rojomamu avare böviëni bise'ëni ganiganiego avohadeje. O surire jajivë'e jögoroho bogojio'ibejo uehoro sisëho bogo ëhioho rojomoi'ibejo.

<sup>9</sup> Urimoho ë jögoroho bogo hejë'e ëma hibe rueromo uvodeje: Nani na mae jevajëjo. A'i ganigani jögoroho hejamu mu sisëhuro baejevamu naro biriri'övoromo jögoroho ahoromo

<sup>10</sup> uvodeje: Ëhu'ëro na guomo örire jevajëjo. Röhu mami'e God-hu ganigani jögoru bamade hesi bëhoho ehuro no mae raromo'iröhëgo. Röhu ë ganigani jögoroho jië'ëro ehü'ëro sisëhuro baejevamu na guomo örire jevadeje.

<sup>11</sup> Guomo örire jevade hesi bëhoho surire jajivë'e jögoroho na hejë'ëro ehü'ëro ë mu sisëhuro sareremiromo dë ihamu naro jögoroho ahamu ehuro guomo örire jevadeje.

<sup>12</sup> Röhu ë surire jajivë'e jögoroho aho'obëhe God-aro jioromo rovë'eje. Ëhesi jöe gö gö God-ro bamadeje noro mu mae vaejego marëjavuoröhëgo. Ëhu'ëro ë jöho iae maeje.

<sup>13</sup> Mae jië'oho na no ëma uvo'ejo: Jö mahuro ehuro na ijumevamu guomo örire jevade höjo. Bogo ëhioho uvo'ejo. A'i uehoro sisëhuro ehuro ë'adeje. Uehoro sisëhuro ë jö maho huotovoromo ijumevamu guomo örire jevadeje. Ëhesi bëhoho God-ro nimadeje no samaro garöhëgo sisë hesi bëhoho i'u'e mae jiego. Hu nimadeje jögoroho jioromo ehuro mu sisëho börömoraröhëgo.

*Uehoro ma'o uehoro sisë'o umogirohaje ë hesi jöhoje.*

<sup>14</sup> Röhu no gavaruoho God-are jögoroho hesi Aru'ahohuro bojamuaje jöjeje. Röhu na bogo hesi Aru'aho ejahaje aho jevo'i sino hesi mu sisë eromo hesi darugoremu hijaje ae jeve.

<sup>15</sup> Ëhuni na uvajeje: Naro diehi ë'ëgo ë'aje höjo. Mu mae negajoho bogo vae'i a'i mu sisë bijönegajoho ëma vaejajeje.

<sup>16</sup> Röhu naehu mu sisë vaeromo God-are jögoru ahajoho bijönëgego ehuro na uvajeje: God-hu bojamuade jögoroho iae maho höjo.

<sup>17</sup> Ëhi jië'ëro bogo naehu nimoromo sisëho vae'i a'i uehoro sisëro dëre rojomego ehuro vaejajeje.

<sup>18</sup> Na gavajoho uehoro maho nasiriroho bogo mae bogojë. Ëhesi bëhoho nasi dëre uehoro mami jioje rovadoho ëho sisëmuje. Na ëhi gavaje hesi bëhoho na mu mae vae'i negajoho bogo vae hesi jeve.

<sup>19</sup> Mu mae vae'i negajoho ëho bogo vae'i a'i mu sisë bijönegajoho ëho iae na vaejajeje.

<sup>20</sup> Na bijönegaje muoho ëma vaejë'ëro ehuro bogo naehu nimoromo vae'irögoro uehoro sisëhuro nasi dëre rojomego ehuro vaejajeje.

<sup>21</sup> Ëhu'ëro na gavajeje aviëhi jië'e muoho jiego. Na mu mae vae'i negë'iroho mu maho bogo rue'i mu sisëhuremu nasirire rovajeje.

<sup>22</sup> Nasi dë vövöbajore God-are jögoroho negajeje.

<sup>23</sup> Röhu na gavajoho uehoro göhuro nasi sino haho'e ruahö'öjevajeje. Ruahö'öjevoromo God-are jögoru simanehu nimajohu'o umogihorovajeje. Umogihorovoromo ehuro sino haho'ere jiaje sisëhuro na ruaho'amoniagegajeje.

<sup>24</sup> Asë'e vaevë'e jevaje. Sisëhu sino haho'e ruahö'öjevo'ëgo guomevo hesi jevajoho raro ajemi'iramu maho jevo'ë'e.

<sup>25</sup> Röhu na God mabëhe uave. Huro ua'iramu Iesu Keriso nosi Badaro ajemi'iramu mae jevo'ë'e.

Ëhu'ëro jië'ëro na ëhi jeve. Naro nasi uehoroho bojamirovoromo God-are jögoroho ejahajeje. Röhu sisë nasirire jioje rovadohuro mu sisë hesi jöhu'o ejahajeje.

## 8

*God-are Aru'aho baeromo ehuro mae raromarue jöhoje.*

<sup>1</sup> Röhu jaruvoho Iesu Keriso-are ae gemuoho javuë'oho mu sisë hesi i'uoho bogo bae hesi javue.

<sup>2</sup> Urimoho ja mu sisëmu vaeromo guomo öriremü juvonöwaneje. Jaruvoho ja Iesu Keriso-are ae gemuoho javë'ëro i'ovavuaje Aru'ahohuro ja ajamiromo ë sisëhu ruahö'öjavadoho bisihö'öjamu mae javë'eje.

<sup>3</sup> God hu eni jië'ëro hesi Harihu Maho nugö'öjadeje araeromo sino haho'e baeromo no a sisë javuajëhi hu ëhi jioromo rueromo sisëni guomoröhego. Èhi'amu ëhuro nosirire jiaje sisë hesi darugoho barëjahuađeje. Noehu mu vaeröhe jögorohuro bogo ëhuro sisë hesi darugoho barëjahuađeje. Sisë nosirire jië'ëro jögoru hesi biriroho bogojiađeje.

<sup>4</sup> Röhu God-hu sisë hesi darugo ëhi tugohuađe hesi bëhoho hu nimadeje noro God-are jögoru hesi mu maho aho'obëhe vaeröhego sino hesi sisëhu nimajoho no bogo e'i God-are Aru'ahuhu nimajëhi ëhi vaejaruëro javuë'ëro.

<sup>5</sup> Sinehu nimaje sisë ejë'o ho ë hesi muohuremu uehorovarueje. O God-are Aru'ahuhu nimajëhi vaejë'o ho Aru'ahuhu uövuajohuremu uehorovarueje.

<sup>6</sup> Nosirire jiaje sisëhuremu uehorovë'o ho ëhuro no vuovoromo sisëro va'arueje. A'i God-are Aru'ahuhu uövuajohuremu uehorovë'o ho ëhuro ma-ioro'iore gemu huë mae raromarueje.

<sup>7</sup> Nosirire jiaje sisëhuremu uehorovego vuovavuaje hesi bëhoho ëhi jië'e uehoro sisë baejë'o ho God-are jögoroho bogo ejaharueje. Ejaho'iröhoho bogo eni javuajëje. Èhuro God'o muorovarue aribövie javuajëje.

<sup>8</sup> Nosirire jiaje sisëhuremu uehorovë'o ho God-hu nimaje muoho bogo biroho hesi javuajëje.

<sup>9</sup> Röhu jemë bogo ëhioho ë'arujeje. Jemë sinehu nimaje sisëho bogo e'i a'i God-are Aru'ahuhu nimajëhi ëhi vaejarujeje God-are Aru'ahoho jemesi dë vövöbajo'ere mami'e abo gemu mae hijë'ego. Ae rahu Keriso-are Aru'aho dë vövöbajo'ere bogojie'o ho hu bogo Keriso-are ahoje. Röhu hesi Aru'ahoho jemesirire jië'ego ëhuni huhu nimaje jöho iae ejaharujeje.

<sup>10</sup> Keriso jemesi dë vövöbajo'ere jie. Èhu'ëro jemë sisë vaejarujohuro jemesi sino haho'oho iae vuovëho hesije röhu jemë God-are nunire mae riravarujohuro jemesi aru'ahoho biririvëhego raromarujeje.

<sup>11</sup> Röhu God-ro Iesu ajamamu guomoromo ri'öjadeje. Èhuni hesi Aru'ahoho jemesirire jië'ëro God-hu Keriso ajamamu guomoromo i'ovadëhi jemesi vuovo sinohu'o ëhi ajëmi'iramu i'ovëvo'ë'e God-are Aru'ahohuro jemesi dëre abo hijë'ëro.

<sup>12</sup> Èhi jië'ëro noehu mu vae'iröhoho iae jiahue. Röhu nosi sinehu nimaje mu sisëho ëho bogo nosi muehujë.

<sup>13</sup> Èhi jië'e sisë vaejë'ohuro ëhuro jemë ioro'ioeremu vuovëvo'ë'e. A'i God-are Aru'aho hesi birire baeromo jemesi sino hesi mu sisë mu'uromo bogo gavanovë'o ho ëhuro jemë ma-ioro'ioeremu raromo'aruje.

<sup>14</sup> Ae rahu God-are Aru'aho ejahobe va'ë'o ho ë aribövioho God-are aboji harihu'e jio'ame.

<sup>15</sup> God-are Aru'aho baejarujohuro jemë bogo tövo rëmo'ego röhu maho sisëroho raromoromo juhuonibijioho'irögoro a'i God-are Aru'ahohuro jemë ajëmijë'ëro hesi aboji harihu'e jëve. Èhuni no God-are örire uavarueje: Asë'e Apajo.

<sup>16</sup> Noehu ëhi uavarue hesi bëhoho God-are Aru'ahohuro nosi aru'ahoho ajamuiromo uövuajëje: Jemë iae God-are aboji harihu'o mae jëvájëjo.

<sup>17</sup> No hesi aboji harihu'ëro javuë'ëro no God nosi Vavu hesi maho bae hesi javue. Kerisohu baejajëhi no'o ëhi bae'ëjo. No Keriso'o huë vavaene baejaruëro jië'ëro ëhuro hu'o gemuore aji maho bae'ëjo.

*U'emu God-are aji ma baeröhe jöhoje.*

<sup>18</sup> Na uve: Huë vavaene jaruvo baejaruoho ma-bise'e jio'ego bogo uehorovo'i a'i God-hu röjahujiego garöhe aji mabëhoho ëho böromö mae höjo.

<sup>19</sup> Röhu vaevë'o ho sa'ae mie bövie bise'e God-hu bamadoho bogo eni jioebe ruejuvo God-ro hesi aboji harihu'oho va'orahoro bamavuo'iramu ëho ma-marö jio'amo'ë'e.

<sup>20</sup> Èhesi bëhoho God-ro uvadeje: Sa'ae bövie bise'e sisërë'amo'ajëjo. Bogo hesi ëma sisërë'amobe ruel'i God-ro hesi nimoromo sisërëjörö uvadeje hujeji avohego marë'amoröhego.

<sup>21</sup> God-hu bamade bövioho bise'oho jaruvoho ëhi ma-sagohoriemu sagohoribe va'ajeje. U'emu God-ro avoho'amo'iramu ëhi jioebe va'ajoho iae barë'irögorö huro i'ovo'amo'iramu hesi aboji harihu'e ma-marö javuoröhëhi ëhi huhu bamade bövioho bise'oho marö jio'amo'ë'e.

<sup>22</sup> Vaevë'o ho iae no gavö God-hu bamade bövioho bise'oho sisërëbe rovë'e jio'ego ijönö mae jio'amo'ie'ëro.

<sup>23</sup> Sa'ae bövie bise'e bogo ehemuoho sisërë'i röhu huhu hesi Aru'aho aevoli suvuoramuamu baejare aribövioho no'lo sisë'i huë vavaeni'e romë'ëro hara'uë'i mueberom raromö ijono God-ro hesi aboji harihu'o'oho no avohavuuromo nosi sino haho'e aho'obëhe i'ovavuego ma-maemu javuoröhego.

<sup>24</sup> Èhi mae javuoröhoho èho noro muebejoro God-ro ajamuiromo maro bamavuë'je. Mue gö gö no avejöl'e nunehu ga'amaruoho èho bogo ga'amo'i muebejarueje iae mami'e gavaruëro.

<sup>25</sup> A'i mae javuo'iröhoho nunoho bogo ga'i ma-raromoromo muebejaruëro jië'ëro èhuni ga'irögororo biririvoromo raromoromo muebebe va'arueje.

<sup>26</sup> Röhu no u'uhavuë'lego God-are Aru'ahohuro nosirire rueromo ajamuijajeje. Èhesi bëhoho God-are örire diehi avoho ato'iröhoho no dadivavue. Dadivavuego God-are Aru'ahohuro hesi ajamuiromo nosi jöëni huë vavaene böröme bëhe baeromo sisë maro hara'uoromo èhuro God-are örire èninamijajeje. Huhu hara'uoromo èninamijaje jöho aho è jöho bogo ato hesi javue.

<sup>27</sup> Röhu God-hu dë vövöbajo'ere bijioho gövuajohuro hesi Aru'aho hesi uehorohu'o iae gavajeje rabëni God-hu nimajëhi hesi Aru'ahohuro èhi jië'e uehoroho baeromo hesi aribövi nosi jöëni èninamijajejo.

<sup>28</sup> No gavaruoho ae rahu God rajahijë'iroho mu mae mu sisë huë mae huë sisë jabesi örire rovego röhu God-ro jabumë ajëmiromo huë mahu'o huë sisëhu'o aho'obëhe avohëhajeje èhuro ijono jabumë mae jëvo'iröhego hesi nimadëhi rinëgade ariböviero jëvë'ëro.

<sup>29</sup> Èaribövioho urimë'i God-ro söjëgo'irögororo uehorovëvadeje. Uehorovëvoromo hesi simanëro mevoromo uvadeje: Hujeji è aribövioho naro tarioromo baejëvo'ejöjo èhuro nasi Harihu ma va'ëne jëvoröhego. Èhi jië'o'oho jabumë ijoraje aho'obëhe jëvo'i nasi Harihoho murioho jio'a'ajëjo. Mevoromo èhi uvadeje.

<sup>30</sup> Èaribövie gemuoho mevoromo röhu hesinö rinëgadeje. Rinëgoromo röhu jabesi jö sisëho uehorovoromo vuonugëhamu hesi nunire mae riravareje. Hesi nunire mae riravamu huro baejëvoromo aji mare rëmadeje.

*God-hu dë vövöbajo'ere no uehorovavuae muoho èho a göehu o mu göehu bogo aho'iröhe jöhoje.*

<sup>31</sup> God-hu èhi ajamuijadoho no diehi uehorovo'ejo. Iae no èhi uvo'ejo: God nosi dönö jiajoho raro no bisihö'öjavuo'ajëjo.

<sup>32</sup> God bogo uvadeje: Nasi Harihoho maego bogo bojëmi'ejö uvoromo nijio'irae'i a'i Harihoho nugö'öjajeje ae aho'obëhe nosi jöëni huë vavaene baeröhego. Hesi Harihoho èhi bojamuijë'ëro èhuni noro biririvoromo uvarueje: Hesi suvuoro börömo mami'e bojamuijë'ëro èhuni suvuoro ioro'iorohu'o iae bojamui barë'ajëjo.

<sup>33</sup> God-hu baejavuade aribövi nosi jö sisëho raro jövo'ë'e. Jövoröhe aho bogoje. Rabëni God-ro nosi sisëho avohahuë'ëro uvajeje: Jemë mae jëvavëjo.

<sup>34</sup> O raro uö'ë'e: Sisë'e jëvaje sisëro va'ohëjo. Èhi uö'iröhe aho bogoje. Rabëni hesi bëhoho Iesu Kerisoro guomadeje. Guomoromo röhu ri'öromo ajiomë'ëro God-are övo manö hiromo nosi jöëni God-are örire jöe majahijajeje.

<sup>35</sup> Kerisoro no dë vövöbajo'e aho'o uehorovavuuromo ajamuijajeje. Uehorovavuuromo ajamuijaje öroho raro tugohahu'ë'e. Aho bogo. Huë vavaeni bövi bise'o rovë'oho ae göehu ijumavuë'oho ie o niögu suhi'e bogojavuë'oho vörö'ere va'ë'oho aehu bijuëmavuuu vuovë'oho bogo èhuro tugohahu'ë'e.

<sup>36</sup> Iae èhi jië'e mu sisëho nosi örire rovajeje. Èjöho God-are surire èhi uvë'jeje:

God no jasi ariböviero javuë'ëro èhuni aëro vae majae muo'amavuo'ië'lego no vöröre mararumarue höjo.

Sheep rinovoromo bijuëmö'ië'aruëhi aëro nosi örire èhi ë'arue höjo.

<sup>37</sup> Iae no èhi javue. Röhu rabe rabe rovë'iroho Kerisoro no uehorovavuuromo ajamuijajeje èhuro no ruahö'ö avohoromo ma-mae javuajajeje.

<sup>38</sup> Èhesi bëhoho na mae uehorovoromo uvajeje: Huhu dë vövöbajo'e aho'o uehorovavuuromo ajamuijaje öroho mu gö gö rovë'oho bogo tugohahu'ajëjo. Vuovavuë'oho o ave sa'are raromë'oho anerae maja aru'ahë vörö'e mue gö gö rovë'oho mu rabu rabu jaruvo o u'emu rovë'oho

<sup>39</sup> noehu dö mare ajiomë'oho o sa'a gago ègobövire abuejë'oho bövie bise'e dinö'e dinö'e jiajoho rovë'oho God-hu uehorovavuae öri Iesu Keriso nosi Badarire röjahuijajoho èho bogo tugohahu'ajëjo.

## 9

*God-hu hesi nimoromo Israel rajo hesinö baejävade jöhoje.*

<sup>1</sup> Na Keriso-are ae gemuohuro jevê'ëro jö mae majêhi'iê'e sareri'e jöho bogo. God-are Aru'ahohuro nasi dê vövöbajo'oho ajemiromo avoheho'ego herovoromo na jö mae majêhi'iê'e.

<sup>2</sup> Huê vavaene na bogo bise'o vadu'oho baeromo majae êhi vavaenegajeje.

<sup>3</sup> Nasi sa'a raje ö mueno'e gemuoho jëvanovo'ego jabesi jöeni vavaene baeje. Êhesi bëhoho jabumê Keriso bogo mae uehorovoruomajeje. Röhu jabesi aru'ahohuni na böröme uehorovevo'i nasi sinoho ma-bisemu uehorovajeje. Êhuni na uve: God-ro sisê bojemiromo Keriso-are bëhiroho rori'o babu'öjevege nasi sa'a rajohuro aevoromo Keriso mae uehorovoruomo'ibejajo êhuro iae mae jevo'ibejajo. Jabesi jöeni êhi dê vövöbajo'eho'oho uehorovëvoromo vavaenimajeje.

<sup>4</sup> Nasi sa'a rajoho Keriso bogo ma uehorovarueje röhu huê mabêhe God-are örire baerumê'eje. Jabumê Israel rajo God-hu baejävade aribövie jioruome. Huro jabumê hesi aboji harihu'e vaejävadeje. Hesi aji maho röjêhijadeje. Hesi jögoru maho bojëmiromo uëvadeje: Iae na jemê muebejêvo'ejöjo. Mu vaeröhe jögoroho bojëmadeje. Osa börömore rueromo hu rajahi'iröhe öroho röjêhijadeje. Ijonö mae ajëmi'iröhe jöho bojëmadeje.

<sup>5</sup> Jabesi hijo miono'oho God-are a masije jävadeje. Böröme namiromo ajamuae aho Keriso jabesi sa'a raje gemuoho jiadeje. Keriso hu bogo ma-aehu jio'i hu God jiê'ëro sa'ae bövie bise'e muebejajego êhuni noro hesi örire rajahiemu rajahibe va'ejo.

<sup>6</sup> Iae Israel-are ujo ömo'ömoho noro êhi jiê'e mu maho baejê'e javue. Röhu hesi ujoho ma-ae gemuëro gemuëro Keriso mae uehorovo'i a ioro'ioroho bogo ma uehorovarueje. Bogo ma uehorovarueje röhu Israel-are ujo muebejavuoröhëro God-hu uvade jöho bogo barêjê'eje. Êhesi bëhoho Israel-are siono baeromo mu ma bövi bise'o baejarue ariböviohuremu God-ro muebejavuo'i uvadeje. Röhu êhi jiê'e aribövioho bogo aho'oho jio'i ma-gemu gemu javue. God-hu Israel-are mu ma baejarue aribövi muebejavuo'i uvadêhi êhi muebejavuajaje. Êhuni Israel-are ujo muebejavuoröhëro uvade jöho bogo barêjê'eje.

<sup>7</sup> Göho Abraham-are ujoho aho'obêheje röhu ujo ioro'ioroho hesi mu maho bövioho bise'oho bogo baerumê'eje. Êhesi jöho God-hu Abraham uavadoho God-are surire jajivoromo uvê'eje: Jasi harihe Isaac'o hesi ujohu'o ë ariböviohuremu jasi sionoho baeromo bövioho bise'oho baebe va'i jasi ujo ioro'ioroho bogajo. Êhi uvê'eje.

<sup>8</sup> Êjö hesi bëhoho bogo Abraham hesi arijo'ëro ëma nimoromo baejade harihohu'o ë harihu hesi ujohu'o God-are aboji harihu ömo'ömehu jio'i a'i God-hu Abraham bojami'i uavade ujo ömo'ömoho êho jaburo Abraham-are sionoho baejarueje.

<sup>9</sup> God-ro Abraham harihe bojami'i majahiromo uavadeje: Evare majare na vuonorö'ö rue'iramu Sarah harihe raho'a'ajëjo. Êhi uvê'eje.

<sup>10</sup> Abraham-are harihu göhuremu Abraham-are sionoho bae'iröhego êhi uvadeje röhu bogo êhemu jio'i a'i ijonö Rebecca harihe niö'i huodi'e dëre jävadeje. Harihu niö'i jabesi vavuoho gemu jiadeje. Hu nosi hijo miono'e Isaac jiadeje.

<sup>11-12</sup> Röhu harihe niö'i bogo rêhëvê'e dëre jëvamu mu maho o mu sisêho bogo vaejê'iro evare majare God-ro jabesi vëmoho Rebecca uavadeje: Naro ijorajohemu ajami'iramu böröme jio'iramu muriohuro bise'e jioromo ijorajo hesi muoho vaejahonövo'ajëjo. Mu ma o mu sisê bogo vaejare majare harihe gemu ajami'i uvade hesi bëhoho êhuro huhu nimadêhi êhemu uehorovoromo ae baejëvoröhëni hu bogo aehu mu ma vaejaruoho gëromo rinëgo'i hesi nimoro ëma rinëgajëro jiê'ëro. Iae êhuni mu bogo vaejare majare harihe gemu ajami'i uvadeje.

<sup>13</sup> God-hu ijoraje Jacob ajami'i murie Esau bogo ajamijade jöho God-are surire jajivoromo êhi uvê'eje: Na Jacob nego'i Esau bijönegade höjo. God-ro êhi uvê'eje.

<sup>14</sup> Êhi jiê'oho no diehi uvo'ejo. Na no ëma uehorovoromo uvo'ejo: God-hu a sisëro jiê'ëro sisê'i uehorovoromo êhioho ê'ade höjo. Êhi jiê'oho jö sisëgo bogo êhioho uvo'ejo.

<sup>15</sup> Êhesi bëhoho God-ro Moses uavadeje: Di aribövi sisê jëvajoho huê baejêvo'i negê'oho ë aribövioho huê baejêvo'ejöjo. O di ariböviohuni na vavaenimo'i negê'oho ë ariböviohuni vavaenimo'ejöjo.

<sup>16</sup> Êhu'ëro jiê'ëro God-hu hesinö rinaguaje hesi bëhoho bogo noehu nimoromo biririvoromo muoho vae'i a'i huro noni vavaenimoromo rinaguajeje.

<sup>17</sup> God-hu sisê a börömo Pharaoh-are örire jö majahijade jöho God-are surire jajivoromo êhi uvê'eje: God naehu ja böröme vaejavoromo döro bamavode hesi bëhoho naro jasi sisê hesi i'uoho bojamiromo êhuro nasi vöröho ae röjêhijago sa'ae göre göre raromarue aribövioho aho'obêhe nasi ihoho hebe va'oröhego.

<sup>18</sup> Ĕhu'ëro jië'ëro God hesi nimë'oho a ioro'ioro jabumëni vavaenimoromo hesinö javuojöro gagovavuo'i a ioro'ioro ma-rëmajeje jabeti nimoromo biriri'övoromo mu sisëhemu vaenövoröhego.

*God-hu dë vörönimoromo i'ü bojamuibe noni vavaenimobe va'aje jöhoje.*

<sup>19</sup> Ĕhu'ëro jië'ëro nani jero ae gö jö sisë uehorovoromo nasi jöho ahoromo sarerivoromo ue'a'anue: God-ro hesi nimoromo ramuë'ëro ĩhu'ëro noro biriri'övoromo mu sisëho vaejarue höjo. Noehu mu sisë vaejaruoho ĩho bogo nosi sisëhu jio'i God-hu nimade muoho höjo. Hesi nimade muoho bogo aho varijënoho javuego ĩhuni no mu sisëho vaejarue höjo. Ĕhuni God-ro sarerivoromo ĩma uövuaje höjo: Jemëhu mu sisë vaejarujoho jemesi sisë höjo. Ĕho bogo nosi sisëho jio'i God-ro hesi nimoromo ramuë'ëro ĩhu'ëro no mu sisëho vaejarue höjo.

<sup>20</sup> Jaehu ĩhi jië'e sareri'e jö majehijë'oho naro ja ua'ejo: Ja ma-ae javajëjo. Ja ma-javë'oho röhu ja rabëni biriri'övoromo God-are öriroho ĩhi jië'e jö sisëho jövanuëjo. No sa'aehu rama avoharuëhi ĩhi javuo'i God hu rama avoho'amaje aho va'ëne jië'ego ĩhuni no bogo ri'öromo ua'ejarejo: Ja rabëni no ĩhioho avohavuane höjo. Bogo ĩhioho ua'ejarejo.

<sup>21</sup> Ja'ö uehorovone. Rama avoho'amarue ariböviehu sa'a mugöru baeromo jabeti nimoromo avohë'oho iae maeje. Nimë'oho sa'a mugöre gemu baeromo röhu ramae niö'i avohëvo'ë'e rama göho maego maja böromohuni runo'e bamo'irögorö göho sisëgo majae ĩhi ĩ nemonövo'iröhëro.

<sup>22</sup> Ĕuhu jö hesi bëhoho God no avohavuaje aeje. No avohavuaje aëro jië'ëro ĩhu'ëro jië'ëro hu hesi nimoromo ë'ë'oho iae maeje. Hu nimadeje huhu a i'ü bojëmi'iröhe vöröhu'ö darugohu'ö ae aho'obëhe röjëhi'iröhëni. Ĕhuni huhu dë vörönimego sisërërohe aribövi jabeti öriroho i'üoho bogo burëroho bojëmi'i ma-birivoromo gë taemobe rovadeje ijönö i'üoho bojëmi'iröhëni.

<sup>23</sup> Ma-gë taemobe rovade hesi bëhoho hu nimadeje hesi aji mabëhe nosi örire röjahui avoho'iro rabëni hu noni vavaenimaje aribövie javuë'ego. Noehu hesi aji baeröhego huhu huë baeromo avohavuade aribövie javuë'ego.

<sup>24</sup> Jew rajo ioro'ioroho no hesinö javuojöro rinaguade aribövie uëve. Röhu bogo Jew rajoho gemu rinaguo'i a'i sa'a gö gö raje a ioro'ioro'üo rinëgë'eje.

<sup>25</sup> God-hu sa'a ioro'ioro rajo hesinö jëvojöro rinëgoröhe jöho urimë'i Hosea-ro God-are surire jajivoromo uvë'eje:

God-ro uvajëjo: Ĕaribövioho bogo nasi aribövie jëvajoho

ijönö naro uë'ejöjo: Ĕho nasi aribövie jioruomajëjo.

Ĕaribövioho bogo nasi huë baejëvaje agane jëvajoho

ijönö naro uë'ejöjo: Naehu huë baejëvaje agane jioruomajëjo.

<sup>26</sup> Di sa'are ariböviohuro henövare God-ro uë'ego: Jemë bogo nasi ariböviehu jëvajë'ego henövaroho

ë aribövioho naro uë'ejöjo: God darugo'ö hijaje a nasi aboji harihu'e jëvajëjo.

<sup>27</sup> God-hu sa'a ioro'ioro rajo rinëgade hesi jöho ĩhi jio'i röhu Israel rajo jabeti jö Isaiiah-hu darugo'ö uvade jöho God-are surire jajivoromo ĩhi uvë'eje: Nani Israel rajoho nie'ü va'ëne ae jëvo'ajëjo röhu ae ma-vemino'e i'üoho bogo bae'i mae jioruomo'ajëjo.

<sup>28</sup> Ĕhesi bëhoho God-ro sa'ae aho'ö jabeti sisëho ma-burëro mevoromo i'üoho ma-ioro'ioremu bojëmi'ajëjo.

<sup>29</sup> O Isaiiah-ro ave jöhu'ö jajivoromo uvadeje:

Jögoru eni jië'e ae Bada God-ro noni a uje gemu bogo vuonugahu'öibejajo

Sodom amo barëjadëhi no'ö ĩhi barëjavuo'ibejajo.

Gomorraah amo sisërëjadëhi no'ö ĩhi sisërëjavuo'ibejajo.

Isaiiah-hu urimo uvadëhi avevejö'oho Israel rajoho no ĩhi ae ma-gemu gemu God-are aribövi mae javue.

*Israel rajehu Keriso bogo ma uehorovarue jöhoje.*

<sup>30</sup> Ĕhi jië'oho no diehi uvo'ejo. No ĩhi uvo'ejo: Israel rajoho bogo a'i sa'a ioro'ioro rajoho bogo sivoho gabe rovare höjo God-are nunire mae riravoröhoho. Ĕhi höjo röhu jabumëro Keriso-are örire mae uehorovoromo ĩhuro God-are nunire mae riravo'iröhe öroho iae baejë'e höjo.

<sup>31</sup> Sa'a ioro'ioro rajohuro baejare höjo a'i Israel rajohuro uvare höjo: No God-are jögoru ejahë'oho ĩhuro hesi nunire mae riravo'ejarëromo God-are jöho ejaho'i sivoho gabe rovaroho mae riravo'iröhe öroho bogo baejare höjo.

<sup>32</sup> Bogo baejare hesi bëhoho bogo uvareje: Kerisoro gemuëro ajamui'iramu mae javuo'ajë uvo'i a'i ômo gavareje ga'i avohorovë'ëro God-are nunire mae riravo hesi jëvego. Èhi jië'e ôroho nahoromo bogo biroho'i God-are munë Iesu bijönimoromo hesirire munëro biberovanovareje.

<sup>33</sup> Keriso munë va'ëne jiaje jôho uhu'e jajivoromo èhi uvë'eje:

Èhuro gahëjo. God naro munë va'ëne aho Zion bamajëjo.

Èäro hesirire ro biberovo'aruëjo.

Hesirire ro rireromo'aruëjo.

A'i ae rahu ë aho mae uehorovë'o ho bogo javojimo ga'a'ajëjo.

## 10

<sup>1</sup> O asë'e aganomë nasi dë vövöbajo'oho aho'o nimo avohoromo God-are örire ëninamijajeje nasi Israel sa'a rajohuro God-are i'uoho bogo bae'i ma-marö va'iröhego.

<sup>2</sup> Èhesi bëhoho naro jabesi muoho garomo uëve: God-are muoho nimo avohoruomaje höjo. Röhu bogo ma garomo ë'oruomaje höjo.

<sup>3</sup> God-hu nosi iho avohahuaje öroho bogo gavanovo'i sarerivoromo uvoruomë'eje: No mu mae vaejë'o ho God-ro göromo nosi sisëho uehorovoromo vuonugo'iramu hesi nunire mae riravo'ëjarëromo jabesi biririvoromo God-are jögoroho ejaho'i ë'o gavë'eje. Èhi'oromo God-hu nosi sisë avohahuego hesi nunire mae riravo'iröhe jôho bijönibijohë'eje.

<sup>4</sup> Èhesi bëhoho äero sarerivoromo uvoruomajeje: No God-are jögoru ejahoromo mu mae vaejë'o ho èhuro hesi nunire ma-mae riravo'ëjarëjo. Èhi uvoruomajeje. Röhu ae rahu Keriso mae uehorovë'o ho ijönöho bogo ëhioho uvo'i a'i uvarueje: Hesi Kerisoro ajamui'iramu God-are nunire riravo'ëjarëjo.

*Israel rajohu'o sa'a ioro'oro rajohu'o Keriso mae uehorovego God-hu baejavuoromo maro bamavuaje jöhoje.*

<sup>5</sup> Jögoru ejahoromo God-are nunire mae riravo'iröhe ë hesi jôho Moses-ro jajivoromo uvë'eje: Ae rahu jögoru e barëjë'o ho èhuro maro raromoruomo'ajëjo.

<sup>6</sup> Röhu God-are jögoru ejahoromo hesi nunire mae riravo'iröhe ë hesi darugoho bogo nosirehu jio'i a'i Keriso mae uehorovoromo God-are nunire mae riravo'iröhe öroho iae nosirire jie. Èhesi jôho God-are surire jajivoromo èhi uvë'eje: Nadi jemesi simanoho uehorovoromo uvorëjo: No diehi'oromo ö'idöroho iojio'mo'ëjarëjo. Èsurire jö hesi bëhoho uöromo ë'adeje: Nadi uvorëjo: No diehi'oromo iojio'mo'ëjarëjo èhuro Keriso hu'irae baeromo vuonorö'ö ruvebijego huro no ajamui'iröhego.

<sup>7</sup> O jö göho nadi uvorëjo: No diehi'oromo vuovë'e ariböviehu raromaruöroho abue'ëjarëjo. Èsurire jö hesi bëhoho uöromo ë'adeje: Nadi uvorëjo: No diehi'oromo vuovë'e ariböviehu raromaruöroho abue'ëjarëjo èhuro Keriso hu'irae barojomego ajamui'iröhego.

<sup>8</sup> Keriso-are muoho bogo rori'ohoje. A'i God-are surire jôho èhi uvë'eje:

God-are jôho iae jemesirire höjo.

Hesi jôho dë vövöbajo'ere jëvë'ëro jemesi jö'ehu ato'irarijoho höjo.

God-are jö hesi bëhoho Keriso mae uehorovoröhego noehu majëhjarue jôho uöromo ë'adeje.

<sup>9</sup> Jaehu dë vövöbajo'ere mae uehorovoromo uvë'o ho: God-ro Iesu ajamamu guomoromo ri'öjade hö uvoromo röhu mae uehorovanue jö jasi jö'ehu a huruoho majëhiromo uëve'o ho: Iesu gemu Bada hö uëve'o ho bogo sisëroho va'i maro hi'a'anie.

<sup>10</sup> Dë vövöbajo'o o jö'o jabesi bëhoho dë vövöbajo'ere noro Iesu mae uehorovoromo èhuro God-are nunire mae riravarueje. O jö'ëro no Iesuare jôho ae huruoho majëhiromo èhuro bogo sisëroho va'i maro va'o hesi javue.

<sup>11</sup> Èhi jië'e jôho God-are surire jajivoromo uvë'eje: Ae rahu ë aho mae uehorovë'o ho bogo javojimo ga'a'ajëjo.

<sup>12</sup> Èsurire jôho sa'ae aho'obëhe aribövi nosi jöhoje. Jew rajo ariböviohu'o sa'a ioro'irohu'o bogo göho göho javuo'i ma-gemuoho javue. Badaro gemuëro böröme namiuromo ae aho'obëhe muebejavuoromo göröhe di ahuro huro ajamijöro ua gavamu gövuë'o ho no ae aho'obëhe mabëhe ajamuijajeje.

<sup>13</sup> God-are surire jôho èhi gemuoho uvë'eje: Ae rahu Badaro ajamijöro ua gavë'o ho ajëmi'iramu bogo sisëroho raromo'i maro raromo'aruëjo.

<sup>14</sup> Èhi jie röhu aehu Bada Iesu bogo ma uehorovë'o ho ajamijöro diehi ua ga'ë'ö. Ua ga'iröhe öroho bogoje. O hesi jö bogo hejë'o ho diehi mae uehorovo'ë'ö. Mae



uehorovo'iröhe öroho bogoje. O aehu hesi jö bogo majëhijë'ocho diehi he'ël'ö. He'iröhe öroho bogoje.

<sup>15</sup> O God-hu a bogo rëmö'öjamu rovë'ocho hesi jöho diehi majëhi'ël'ö. Majëhi'iröhe öroho bogoje. God-are surire jöho ëhi uvë'eje: Jö ma barovarue aribövioho mabëhe rovego gëvarue höjo.

<sup>16</sup> Mabëhe rovego gëvarue hö jajivadeje röhu Jew raje ae aho'o bogo a'i ma-gemuëro gemuëro Iesuare jö maho ejahë'ejö. Urimë'i Isaiah-ro jöe gemuoho jajivoromo uvë'eje: Bada rahuro nosi jöho mae uehorovë'e höjo. Ae vemino'ëro ejahuë'e höjo.

<sup>17</sup> Èhu'ëro jië'ëro Keriso-are jöho majahuijego ëhuro no hejarueje. Heromo ëhuro no mae uehorovarueje.

<sup>18</sup> Èhi jie röhu nara uëve: Na Israel rajoho hejë'e höjo o bogajo. Iae jabumë hejareje. God-are jö hejaroho iae hesi surire jajivoromo ëhi uvë'eje:

Jabesi huëho sa'a viture viture he barëjë'e höjo.

Jabesi jöho maja rojomajire maja beva'ajire rërirae barëjë'e höjo.

<sup>19</sup> Röhu ave jöhu'o uë gë'ejo. Na Israel rajoho God-are jö bëhoho gavare höjo o bogajo. Iae jabumë bëhoho gavareje röhu bogjo ejaeje. Urimo Moses-ro God-are surire jajivoromo uvë'eje:

Jabesi sivu sivue raromarue aribövioho God nara ajëmi'iramu

Jew rajoho jemëro gëromo dë vi'ehëgo'iramu uvo'a'arujëjo:

God-ro rabëni jabumë ajëmi'i no bogo ajamuijaje höjo.

O God na bogo avoho gevarue aribövioho nara ajëmi'iramu

Jew raje jemëro jabumë gëromo dë vörönimo'arujëjo.

Èhesi bëhoho Israel rajohuro God-are jöho iae hejareje röhu bogo ejahareje.

<sup>20</sup> Èhi jië'e jöe gemuoho Isaiah-ro ma-sama'e huruoho jajivoromo uvë'eje:

Bogo birohevo'i nahevare ariböviohuro God na birohevare höjo.

Nasi jöëni bogo uë gëvare aribövioho nara jabesi örire röjahirovamu gevare höjo.

<sup>21</sup> Sa'a ioro'ioro rajehu God biroho'iröhe jöho ëhi jajivo'i a'i Israel rajo jabesi jöho jajivoromo ëhi uvë'eje: Jaburo nasiro ruejoro na vae majae öve nugö'öbe rovë'e jevajëjo röhu jabumë jöe bogo e'i biriri'övoruomaje aribövie jioruomajëjo.

## 11

*God-hu Israel raje ae aho'obëhe bogo vuonugëvo'i a vituohuni vavaenimoromo ajëmibe rovide jöhoje.*

<sup>1</sup> Israel rajoho ëhi jië'e hia'i biriri'övë'e aribövie jioruomë'ego Paul nara uëve: Na ëhuni God hesi aribövioho ioro'ioeremu vuonugëvë'e höjo. Bogo mae bogo vuonugëvë'eje. Paul na'o Israel raje jeve. Na Abraham-are uje jeve. Na Abraham-are uje Benjamin hesi uje gemuoho jeve.

<sup>2</sup> Urimë'i God sa'a bövi bise'o bogo bamadevare evare Israel aribövioho hesi baejavu'o'i uvë'ëro ëhu'ëro ijönöho bogo ramuö'öjë'eje. Elijah-hu ë'tade jöho jemë'o iae gavarujeje. Elijah-ro Israel rajo jabesi jö sisëho God majahiromo uavade höjo:

<sup>3</sup> Bada jani suvuoro vënire buejiharue maratuoho Israel rajohuro dadovo'amë'e höjo. Jö jasiro baeromo majëhijarue aribövi ioro'ioroho muo'amë'e höjo. Vaevë'e na gemu jevajëjo. Röhu na'o anego'i nimarujëjo.

<sup>4</sup> Elijah-ro God ëhi uavade höjo. Èhi uavamu God-ro Elijah mana diehi uavade höjo. Huro ëhi uavade höjo: Ja uvanuoho: Na gemu jevajë uvanuoho röhu na Israel raje ae aho'obëhe 7,000 avoho nugö'amë'e jevajëjo. Èhu'ëro jabu'o na bogo vuonugevo'i sareri'e god gö Baal ague aho raromoromo rajahiruomë'e höjo. God-ro ëhi uavade höjo.

<sup>5</sup> God-hu Israel rajo ioro'ioro avoho nugö'amadëhi avevejö'ocho ëhi gemuohoje. God-ro hesi nimoromo huë baejavuoromo Israel rajo a vituoho avohoromo maro ramuë'eje.

<sup>6</sup> Avoho ramuade hesi bëhoho noehu vaejarue muoho bogo uehorovë'e hesi ëma nimoromo huë baejavuoromo ajamujadeje. O noro mu mae vaejogo huro ëho garomo avoho ramuö'ibejo ëho bogo hesi ëma nimoromo huë baejavuajae muoho jio'ibejo.

<sup>7</sup> Èhu'ëro jië'ëro Israel rajohuro God-are nunire mae riravoröhe öri nahobe rovaroho bogo birohareje. Ae ma-gemu gemu God-ro hesinö baejavuë'ëro ë öroho birohareje. Israel rajo a ioro'ioroho God-ro ma-rëmamu jabesi biriri'övoromo mu sisëho vaebe jijihadeje.

<sup>8</sup> God-are surire jöho ëhi gemuoho jajivoromo uvë'eje: God-ro jabesi öroho tugohëhamu momorö'ö uro'amë'ëro God-are muoho jabesi nunoho bogo garomo hesi jöho jabesi hia'ocho bogo hebe rovaroho jaruvohu'o ëhi gemuoho höjo.

<sup>9</sup> Röhu Israel rajo jabesi jöho David hu'o God-are surire jajivoromo uvë'eje: God jero ëhi'onego jabumëro uvo'irarëjo: No mae javuajëromo söröe ijanovego evare guavëro

jiomëvanovoromo buorëro taemëvanovoromo guaro rireromëvanovoromo ëhi'oromo ëhuro jabesi i'uoho mana baerumoröhe.

<sup>10</sup> God jero jabesi nunoho tugohëhonego ramoramovëhego bövioho bise'oho bogo garuomoi'irajo. I'u böröme bojëminego baeromo ma-ioro'iore gemu deje gurorovë'e jjiho'irajo. David-ro ëhi jajivë'eje.

*God-hu sa'a ioro'ioro rajo baejavuoromo mare bamavujaje jöhoje.*

<sup>11</sup> Èhuni na uëve: Israel raje rireromëvadoho na ëhuro ioro'ioremu sisërëjëvo hesi höjo. Bogo mae bogo. A'i Israel raje Keriso bijönimë'ego ëhuro sa'a ioro'ioro raje sisë'i jëvajoho God-ro baejëvoromo maro bamëvë'eje. Baejëvoromo maro bamëvade hesi bëhoho ëhuro Israel rajohuro dë vi'ehëgego uvoruomoröhego: God-ro diehi'oromo sa'a ioro'ioro rajoho ajëmi'i no bogo ajamujaje höjo.

<sup>12</sup> Israel rajohuro Keriso bijönimoromo God-hu ajëmaje muoho boremi'öjamu ëhuro sa'a ioro'ioro raje din'öte din'öte raromaruohuro Keriso-are mu maho baerumë'eje. Èhuni jemë'ö uehorovore. Israel raje aribövie aho'obëhe vuonorö'öromo God-are örire avo'avoho uehorov'iramu ëhuro sa'a ioro'ioro rajohuro Keriso-are mu maho bae avohoruomö'ë'e.

<sup>13</sup> Röhu sa'a ioro'ioro rajomë naro jemesi örire ave jöho uë'ië'e. Kerisoro na rem'öj'ëro na hesi jö baeromo sa'a ioro'ioro rajo jemesi örire majëhibe juvaje ae jeve. Naro uvajaje: Èmuoho böröme hö uvoromo nimorohë'i Keriso-are jöho jemesi örire majëhijajeje.

<sup>14</sup> Keriso-are jöho sa'a ioro'ioro rajo jemesi örire majëhiromo na nime nasi sa'a rajohuro dë vi'ehëgego uvoruomoröhego: Sa'a ioro'iorehu mu ma baerumajëhi rabëni no'ö bogo ëhioho baejare höjo. Jabuhu ëhi uvë'oho nani naehu ajëmi'irodoho ni jevo'ë'e. Èhuro jabumë Keriso uehorovoromo bogo sisëroho va'i maro va'oruomö'ë'e.

<sup>15</sup> God-ro Israel rajoho rori'ö rem'öj'ëro ëhu'ëro sa'ae aho'ö jemë'ö buore vaeromo hu'ö jemë'ö gemu mae raromaruajeje. Èhu'ëro jië'ëro God-ro Israel rajoho sionëro baejëvo'iramu ëhuro aji'e mu göëro urimore muoho iosiramiro mo börömo bëhe rue'ë'e. Èho vuovoromo i'ovanovë'e muoho jianovö'ë'e.

<sup>16</sup> Röhu i mugöru vitu harihoho urimo atoromo God bojamijë'iroho i mugöru vitu göhu'ö ëhu'ö hesije. O ijo dirume God bojamijë'iroho ijo mahu'ö ëhu'ö hesije. Èhu jö hesi bëhoho Israel rajo hijo miono'e God-are ariböviero jëvë'ëro ëhu'ëro ijore jiobe rovaje hijo miono'ohu'ö jabesi ujohu'ö God-are aribövie javue.

<sup>17</sup> Röhu uhu jö göho olive ije gö amore bivaroho gö je'ore ëma rijadohoje. Israel rajoho no amore bivare ijoho va'ëne javue. O sa'a ioro'ioro rajoho jemë je'ore ëma rijade ijoho va'ëne jëve. Röhu God-ro amore ijo hesi ade gö tarivo'amoromo rori'ö bahi'i je'ore ijo hesi adoho ujuohoromo sionore bijioho nugo'amadeje. Èhu'ëro jië'ëro je'ore ijo adohuro amore ijo hesi rihuoho baeromo sirihromo ma-mabëhe gemuoro iojionë'eje. Èhu jö hesi bëhoho God-ro sa'a ioro'ioro raje jemë Israel rajohu'ö gemuore bimuvëvamu jemë'ö God-are mu maho baejarijeje.

<sup>18</sup> Tarivoromo rori'ö bahijade ijo adoho garomo nadi uvore: Noro jabumë iosirëmiromo ma-mabëhe javuoromo jabesi sionoho baejë'e javuajëjo. Jemë ëhi uvë'oho avo'avoho uehorovoromo uvore: No ma-ijo ado va'ëne javuajëjo. No ijo bëhoho bogo rihuoho bojëmijarue höjo. A'i ijo bëhohuro no rihuoho bojamujaje höjo. Èhu'ëro no bogo masijoho javuajëjo.

<sup>19</sup> Röhu nani jero ue'a'anue: Iae mae höjo röhu ë ijo adoho tarivë'e höjo ëhuro naro jabesi sionoho bae'irodego. Èhu'ëro naro jabumë iosirëmiromo ma-mabëhe jëvajëjo.

<sup>20</sup> Iae mae uevanue röhu jabumëro Keriso-are jöho bogo ma uehorovamu ëhuni tarivë'eje. Röhu jero Keriso mae uehorovë'ëro ëhuro birivoromo sirihromo namijanue. Èhuni nadi jasi sivuoho uehorovoromo uvone: Na böröme namijajëjo. Nadi ëhioho uvo'i a'i juhuonivone.

<sup>21</sup> Israel rajo ijo ado ma va'ëne jëvadoho röhu God-ro jabesi sisëho bogo manunërumuoho gë'i tarivoromo rori'ö ruruhö'öjajëje. Èhi jië'e jiaje ëhuni je'ore ijo adoho jero nadi uvone: Na sisë vaejë'oho hu ma-nunëro ge'a'ajë uvo'i a'i uvone: Na sisë vaejë'oho ë Israel aribövi i'u bojëmadëhi God-ro ëhi jië'e i'uoho na'ö bojemi'ajëjo.

<sup>22</sup> Èhuni ave jöhuremu uehorovone. God hu huë baejavujaje aeje. Röhu hu i'ue bojamujaje aeje. Sa'are rireromare aribövi jabesi örire i'ue bojëmijë'eje. O jasi örire huë baejavajeje. Huhu huë baejavaje muoho jaehu mae uehorovobe va'ë'oho iae huë baejavanövo'ë'e. O bogo mae uehorovë'öho huro ja'ö tariö'öjavö'ë'e.

<sup>23</sup> O Israel rajoho Keriso bogo mae uehorovarueje. Röhu ë mu sisëho vuonugo'i Keriso mae uehorovë'o'ho God-ro ë aribövioho tariö'öjêvadoho ujuohoromo röhu maho sionore bimuvëvo'i'ë'e ëhi jië'e mu vae'iröhoho God hu eni jië'ëro.

<sup>24</sup> Èhesi bëhoho sa'a gö rajo ae javajoho ja je'ore ijoho va'ëne javadeje. Èhi javamu röhu God-ro ja je'ore ijo adoho va'ëne tariojavoromo amore ijo gemuore bimuvavadeje. Èhi jië'e anoj'i'e muoho vaej'ëro ëhu'ëro noro biririvo avohoromo uvarueje: God-hu Israel rajo ë amore ijo ado tarivoromo rori'o bahijadoho ujuoho sionore bimuvëvanovë'o'ho ëho ma-samae jio'a'ajëjo.

*God-hu ae aho'obëhe nosi jöëni vavaenimoromo maro bamavuo'iröhe jöhoje.*

<sup>25</sup> Aganomë ave jöho urimë'i God-hu gurihjadoho avevejö'oho röjahuij'ëje. Èjöho na nege jemëro avoho ga'irarijigo jemëro jemesi sivue uehorovoromo uvöjöëni: Nosi simanoho mabëhöro javuë'ëro mae raromarue höjo. Èjöho na majëhi'i'ë'e. Israel rajo a ioro'iorohuro hia'e biriri'övaroho bogo ioro'iorema'oho ruero'ioemuoho ëhiho jëvobe va'i hujeji sa'a ioro'ioro raje ae aho'obëhe God-arinö rueruomoi'ramu evare barë'i'ë'e.

<sup>26</sup> Sa'a ioro'ioro rajohuro rueruomoi'ramu evare Israel rajoho ae aho'obëhe sisëre jëvajoho God-ro baejëvoromo maro bamëvo'i'ë'e. God-hu Israel rajo baejëvoromo mare bamëvo'iröhe jöho God-are surire ëhi gemuoho jajivoromo uvë'ëje: Bada God-ro uvajëjo: Ajëmi'iröhe ahuro nasi dahorure Zion jioromo ruvebi'ajëjo. Ruvebiromo God bijönimarue mue aho'o Jacob-are ujo ömo'ömehu vaejaruoho rori'o babu'ö barë'ajëjo.

<sup>27</sup> Jabesi sisë u'ovëho'irode majare evare ëhi jië'e ioro'ioeromo jioröhe jögoroho naro bojëmi'ejöjo.

Israel rajo jabesi jöho ëhi jajivë'ëje.

<sup>28</sup> Israel rajehu Keriso-are jö ma bijönimaruohuro ëhuro jabu rori'o tariö rëmaje aribövie jëve ë hesi bëhoho God-ro sa'a ioro'ioro rajoho ajëmi'i nimë'ëro. A'i God-hu Israel rajo nimoromo baejëvadohuro ëhuro jabumë God-hu huë baejëvaje aribövie jëve ë hesi bëhoho God-ro Israel rajo jabesi hijo miono'o jabesi ujoho ajëmi'i uvë'ëro jië'ëro.

<sup>29</sup> Èhesi bëhoho God-hu di aribövi hesinö jioruomoröhego uëromu hesi mu ma suvuoro bojëmijë'o'ho huro bogo jö göho uehorovo'i'ë'e gemuoho uehorovëvobe va'ë'e. Èhuni Israel rajoho bogo vuonugavuo'i'ë'e.

<sup>30</sup> Urimoroho sa'a ioro'ioro rajoho jemëro God-are jöho bogo ejahonövarijeje. Bogo ejahamu God-ro gavë'ëro röhu jaruvoho gavade Israel rajohuro hesi jöho bogo ejahamu gëgorovo huotorovoromo sa'a ioro'ioro rajo jemesi jöëni vavaenimë'ëje.

<sup>31</sup> God-ro sa'a ioro'ioro rajoho jemëni vavaenimoromo ajëmijë'ëro Jew rajehu avevejö'e God-are jö bogo ejaharuoho ijonö God-ro jabesi jöëni ëhu'o vavaenimoi'ramu maro jëvo'i'ë'e.

<sup>32</sup> God-ro ae aho'o jögoru aho'iröhe hesi darugo uhure ramuë'ëje ëhuro ijonö ae aho'obëhe no huë baejavuo'iröhëro.

<sup>33</sup> Asë'e God-are huë maho bogo bise'o vadu'ohoje. Hesi simano maho nuni aji maho börömo maeje. Huhu uehoro mae baejaje hesi bëhoho rahuro biroho'ibejo. Huhu diehi ë'taje öroho rahuro ga'ibejo.

<sup>34</sup> God-are surire jöho ëhi gemuoho jajivoromo uvë'ëje:

Rahuro Badare uehoroho gavë'e höjo.

Hesi öriroho rahuro jögoroho mami'ajëjo.

<sup>35</sup> Raro suvuoroho bojämijë'ëro ëhu'ëro

God-ro mana vuonorö'ö bojami'ajëjo.

<sup>36</sup> Èhesi bëhoho God-ro bövioho bise'o'ho hesiremu javuoröhego avohavuë'ëro huro döre hiromo aho'obëhe muebejavuaeje. Èhuni hesi ihoho gemu rajahiemu rajahibe va'ëjo. Iae mae.

## 12

*Noehu God-are örire dë vövöbajo'e aho'o bojamiromo hesi mu vaenövoröhe jöhoje.*

<sup>1</sup> Aganomë God-ro ëhi noni vavaenimë'ëro ëhuni na nege jemëro jemesi sino haho'e dë vövöbajo'e aho'o baeromo God-are örire gemu bojamirovo'irarijigo. Èhi bojamirovë'o'ho ëhuro Jew rajehu vuovë'e mi suvuoro God-ni bahijaruoho bogo ëhiho jio'i nune jië'e suvuore jio'ë'e. Èhi jië'e suvuoroho God-aremu jio'iramu ëhuro hu nimo avoho'ë'e. Jemesi arijo'arije God-are örire ëhi bojamirovë'o'ho ëhuro jemë simano mae jioromo God avoho rajahi'aruje.

<sup>2</sup> O ave sa'arohemu uehorovarue ariböviehu nunire bahijarue mu sisëho nadi ejëhoromo vaenövore. A'i nugego God-ro jemesi uehore aho'o huotovëho'iro ëhuro jemesi

dë vövöbajo'ere God-are aji mahemu baebe va'irarije. Ëhi ë'ë'oho God-hu diehi diehi jië'e mu nimajoho jemë ga'a'aruje. Ga'a'aruje diehi jië'e muoho sisëho bogojio'i God-are nunire ma-maemu jio'iramu.

<sup>3</sup> Röhu God-ro hesi nimoromo huë baejevoro apostle mu hesi darugoho bojemijë'ego ëhuni ave jöhu'o majëhi'ejo jemë ae aho'obëhe he'irarijego. Nadi jemesi sivuoho uehorovoromo uvore: No a masije javuajëjo. A'i jemë ae gemu gemu avoho uehorovoromo uvore: Naro hesi örire mae uehorovoromo mu vaejöro God-hu ajemadëhi naro hesi örire ëhi mae uehorovoromo ëhi jië'e muoho vaenövo'ejöjo.

<sup>4</sup> No sino haho'e gemu gemu javuo rove. Röhu öve höre nune ëhi jië'e inömoaho'obëhe javuë'ëro inöme göëro mue gö vaejarueje inöme göëro mue gö vaejarueje.

<sup>5</sup> Ëhesi bëhoho ekaresiaho no ae aho'obëhe javue. Ëhi javue röhu Keriso-are ae gemuoho javuë'ëro ëhuro aho'o sino haho'e gemuoho javue. Ëhi javuë'ëro no ae aho'obëhe gemuore bimuvorovë'e javue. Nosi sino haho'o bimuvorovarëhi ëhi gemuoho javue.

<sup>6</sup> Röhu God-ro hesi nimoromo huë baejavuoromo ae gemu gemu suvuoro gö gö bojamuijamu baebe rovareje. Ëhuni suvuoro diehi baejare ëhi jië'e muoho vaebe va'ejo. Jö God-aro baeromo a majëhi'iröhe suvuoro baejë'oho mae uehorovoromo uvo'ejo: God-are jöho ëhi röjahuijë'e hö uvaruëhi ëhi jië'e jöhemu ae majëhibe va'ejo.

<sup>7</sup> O ae gö a ajëmi'iröhe suvuoro baejë'oho iae no ae ajëmime va'ejo. O God-are öri röjëhijarue ae javuë'oho iae no ae röjëhibe va'ejo.

<sup>8</sup> O jögoru bojëmijarue ae javuë'oho iae no jögore bojëmime va'ejo. O ae suvuorëmijarue ae javuë'oho iae no öve sasohavuo'iramu suvuorëmime va'ejo. O masijo riravoromo muebejëvarue ae javuë'oho ëhuremu uehorovoromo muebejëvobe va'ejo. O huë baejarue ae javuë'oho dajë nimorohoromo huë baeromo ajëmime va'ejo.

<sup>9</sup> Ae gö rajëhijë'iroho nadi ma-döhuremuoho rajëhi'i jemesi uho'u'o rajëhibe va'ore. Mu sisë rovajoho bijönimoromo nadi gavanovo'i mu maemu ma'enobe va'ore.

<sup>10</sup> Göëro göho Christian ö mueno'e hö uvoromo huë baerovore. A ioro'ioro jabesi ihoho döro bamoromo rajëhi avohore.

<sup>11</sup> Muoho nadi bijönimo'i biririvoromo vaebe va'ore. Jasi dë vövöbajo'e aho'o Badare öroro gemu bojamirovoromo hesi muoho vaejahobe va'ore.

<sup>12</sup> Uvore: Ijonö God-ro mae ajamui'iramu aji maro raromo'ejarëromo nimorohobe va'ore. Huë sisë rovë'iroho biririvoromo riravobe va'ore. Majae ëhi God-are öroro jöe atoromo ë muohuremu uehorovobe va'ore.

<sup>13</sup> God-are aribövie huë vavaene jëvë'oho suvuorëmiromo ajëminövore. Aehu vejö'e i'e rovë'oho nihudëgonövore.

<sup>14</sup> Aehu sisë vaejëvo'i arijë'oho jemëro God uavego huro jabumë huë mae bojëmi'iro. Nadi uavego huro sisëho bojëmi'i a'i uavego mae bojëmi'iro.

<sup>15</sup> Ae nimorohë'oho jemë'o gemuoro bimuvoromo nimorohore. Ae vavaenimë'oho jemë'o gemuoro bimuvoromo vavaenimere.

<sup>16</sup> Jemë aho'obëhe ma-gemu uehorovoromo huë baerovore. Nadi uvore: No masijëro javuë'ëro mu ininoho bogo vae'ejare'i mu böörme o bise'e ma-vaere. Nadi sivuoho uehorovoromo uvore: No simano ma'e ae javuajëjo.

<sup>17</sup> Ae göehu sisë vaejëvë'oho nadi mana sisë vaejëvöre. Ae aho'obëhe uvaruoho: Ëmuoho mae hö uvaruoho ëhi jië'e muoho vae'i ë'o gare.

<sup>18</sup> Huë mae hesi örohuremu uehorovoromo ë hesi muohuremu vaeromo ae aho'o jabu'o gemu mae raromo gare.

<sup>19</sup> Aganomë aehu sisë vaejëvë'oho nadi mana i'uoho bojëmi'i ma-ga taemorego hesi God-ro vörö'iraeromo i'uoho bojëmi'iro. Ëjöho God-are surire uvë'eje: Badaro uövuajëjo: I'u bojëmi'irodoho nasi mue höjo. Naro mana bojëmi'ejöjo.

<sup>20</sup> Ëhi uvë'e jiaje nadi mana bojëmi'i a'i God-are surire jöho uvë'e jiajëhi ëhi vaere. Ëjöho ëhi uvë'eje: Ja'uo muorovaje aho hömë'iroho ioho ma-bojaminëjo. O jovo i'i nimë'iroho jovoho ma-bojaminëjo. Ëhi ë'ë'oho ruehuro ëho garomo tiöromo gövögövövoromo avo'avoho uehorovo'ajëjo.

<sup>21</sup> Mu sisë rovë'iroho nadi ejahorego jemë ruahö'öjëvego bejëvo'i a'i mu mae vaeromo ëhuro ë sisë rovajoho ruahö'öre.

## 13

*Sa'are a masijehu bojamuaje mu noehu vaeröhe jöhoje.*

<sup>1</sup> Ae gemu gemu aho'obëhe ave sa'are a masijo jabesi jöho ejëhore. Sa'ae dinö'e dinö'e raromoromo masijo vaejarue aribövi jabesi darugoho bogo ëma ri'ö'i God-ro darugoho bojëmiromo uëvadeje: Ëmuoho vaerëjo.

<sup>2</sup> Ĕhuni ae rahu ave sa'are a masijo jabesi jö ahë'oho ĕhuro God-hu bamade muohu'o mu'uvajeje. God-hu bamade mu mu'uvë'oho ĕhuro i'uocho mana bae'ë'e.

<sup>3</sup> Sa'are a masijo jabesi mu bëhoho mu ma vaejarue ariböviohuro bogo juhuonivo'i a'i mu sisë vaejarue ariböviohuro juhuonivo'iröhego. Jabesi mu bëhoho ĕhije. Ĕhuni ja sa'are a börömo bogo juhuonami'të'oho mu mahemu vaene. Mu ma vaejë'oho huro jasi ihoho mae ua'ë'e.

<sup>4</sup> Sa'are a börömocho God ajamiromo mu vaejaje aeje ĕhuro ja mae javo'iröhego. A'i jaehu sisë vaejë'iroho juhuonamine. Rabëni i'u bojamui'iröhe vöröho ave sa'are a börömocho bogo ëma bae'i a'i God-are mue vaeromo mu sisë vaerumaje ariböviocho God-are vörö'e i'uocho mana bojëmijajeje.

<sup>5</sup> Ĕhuni jero ave sa'are a masijo jabesi jöho ejëhone. Ejahë'oho ĕhuro i'uocho bogo bae'a'anue. Röhu göho jasi dë vövöbajo'ere herovoromo uvo'a'anue: Na mu mae vaejë'e jevajëjo.

<sup>6</sup> Iae ĕhuni ave muohu'o vaejarujeje. Jemëro jabumë tax-oho bojëmijarujeje rabëni ave sa'are a masijohuro God-are muoho vaeromo avoho muebejaruëro jïë'ëro ë hesi bëhohuni.

<sup>7</sup> A masijo jabesi örire diehi jïë'e mu vae'irarijoho ĕhi vaere. Tax ihe gö gö bojëmi'irarijoho ĕhi bojëmire. Mae uehorovo'irarije ariböviocho mae uehorovore. Rajëhi'irarije ariböviocho rajëhire.

*Göehu gö hesi örire diehi jïë'e mu vaeröhe jöhoje.*

<sup>8</sup> Suvuore rabe a mana bojëmi'irarijoho ma-burëro mana bojëmirego ë muoho barë'iro. A'i ave muohuremu jiemu jiobe va'ë'e dë vövöbajo'e a bojëmi'irarije muohoje. Göehu gö dë vövöbajo'e aho'o bojamijë'oho ĕhuro God-hu bojamuade jögoroho e barë'aruje.

<sup>9</sup> Rabëni hesi bëhoho God-hu bojamuade jögoroho ĕhi uvë'eje: Nadi goho'amonëjo. Nadi ae anonëjo. Nadi vajiohe ë'onëjo. Nadi ae gö hesi böviëni bise'ëniho ganiganimonëjo. Ĕjöhu'o jögoru ioro'iorohu'o ë hesi bëhoho ĕhi uvë'eje: Jasi arijo'arije rajahirovanuëhi jasi ae gemuoho ĕhi rajahinëjo.

<sup>10</sup> Jasi ae gemuoho dë vövöbajo'ehu rajahijë'oho hesi öriroho mu sisëho bogo vae'a'anue. Ĕhuni göehu gö rajahirovë'oho ĕhuro God-are jögoroho e barë'anue.

<sup>11</sup> Ĕhi jïë'e muoho vaenövore rabëni hesi bëhoho jaruvoho diehi jïë'e maja jiajoho jemë iae gavaruje. Momorö'öjarujoho ri'ö'irarije majaho rovë'eje. Ĕhesi bëhoho aevo'i Keriso mae uehorovare majare evare noehu God'o maro raromo'iröhe majaho ëgo'o jiajede. Jaruvoho ë majaho dunove.

<sup>12</sup> Vahiocho barë'i Badahu rueröhe majaho sisonuvo'irögoro ë'e. Ĕhuni ramoramoe muoho vuonugo'i muorovo'iröhe inömo inömocho ujuohoejo aji'e majare muorovo'iröhëro.

<sup>13</sup> Aehu majare avoho raromo jijiharuëhi noro ĕhi ë'ejo. O gemuore gagovoromo mahunö'e uruvoromo tiöromo jijihë'oho bogo. Jovo iromo simano sisërejë'oho bogo. Öehu jijihanovoromo mu gö gö vaejë'oho bogo. Ire muorove bogo. Ae gö jabesi mu mahuni dë vörönimë'oho bogo.

<sup>14</sup> A'i jemëro Bada Iesu Keriso-are darugoho baeromo ĕhuro sinehu sisë nimajoho nadi eromo hesi muoho vaere.

## 14

*Noehu bogo masije riravoromo uvo'iröhe: Christian ö mueno'oho sisë hö uvo'iröhe jöhoje.*

<sup>1</sup> A ioro'iorohuro Keriso mae uehorovarujeje. Röhu bogo avo'avohu uehorovo'i ma-juhuoni juhuonie mae uehorovarujeje. Ĕhi jïë'e ariböviehu ekaresiae jemë'o bimuvo'i nimamu gëvë'iroho jemesi baejëvore. Röhu nadi uvore: Jabumë rue'iramu noro jabesi jöho aho'ahovo'ejarëromo baejëvore.

<sup>2</sup> Ae göëro biririvoromo Keriso avoho uehorovoromo uvo'ë'e: I mi bövi bise'o ijë'oho iae mae höjo. Ae göëro juhuoni juhuonie uehorovë'ëro mioho bogo i'i ma-iemu i'ë'e.

<sup>3</sup> Röhu mi bövi bise'o ijanue aharo nadi sivoromo uvone: Mi bövi bise'o juahovaje aho ma-asisö'o va'ënëro jïë'ëro juahovaje höjo. Nadi ëhiho uvone. O mi juahovanue aharo nadi uvone: Bövi bise'o ijaje aho vajamirovajëjo. Nadi ëhiho uvone. God-ro ë aho hesinö baejë'e höjo.

<sup>4</sup> Ae gö hesi mu ajamaje aho jaehu garomo sisë hö ua'iranoho ëho bogo jasi muehuje. God hesi böviohuremu ga'ë'e hesi mu ajamijaje aho mae nami'iramu o be'iramu. Röhu hu iae nami'ë'e. Rabëni hesi bëhoho. Hesi Bövioho ajami'iröhoho eni jïë'ëro ĕhuro hu ajami'iramu biririvoromo mae nami'ë'e.

<sup>5</sup> Ae gōero uvajeje: Ĕmajaho ě majaho bōrōmeġo ěhuni ě majaroho no God mae uehorovoromo raromo'ejareġo. O maja ioro'ioroho ma-mu majaemu hōjo. Ae gōero uvajeje: O bogo ěhioho jio'i a'i majae aho'obēhe God-are majae jiē'ero no God uehorovē'i muoho vae'ejareġo. Ĕhi jiē'e uehoroho niō'i jēve. Rōhu ae gemu gemu di uehoroho mae hō uvanuoho ě uehoroho gemu ma'enoromo hi juvone.

<sup>6</sup> Ae rahu uvē'iroho: Ĕmajaho bōrōme hō uvē'iroho huro Bada mae uehorovoromo ěhuni ě majaho uehorovajeje. O ae rahu mie rabe ijē'iroho huro uvajeje: God-ro suvuoro mae bojemiġe'le hōromo ijajeje. Ĕhu'ero Bada mae uehorovoromo ijajeje. O ae rahu mie rabe juahovē'iroho Bada mae uehorovoromo ěhuni juahovajeje. Juahovoromo rōhu i rabe ijajohuni God huē mae uvajeje.

<sup>7</sup> Ĕhesi bēhoho no ave sa'are raromē'iroho bogo nosi jōēnioho gemu raromarueje. O vuovē'iroho bogo nosi jōēnioho gemu uehorovoromo vuovo'i

<sup>8</sup> a'i raromē'oġo Badare jōēni uehorovoromo raromarueje. O vuovē'oġo Badare jōēni uehorovoromo vuovarueje. Ĕhu'ero jiē'ero raromē'oġo o vuovē'oġo no Badare javue.

<sup>9</sup> Kerisohu guomoromo rōhu ri'ōromo hijade hesi bēhoho vuovē'e aribōviohu'o ave sa'are raromarue aribōviohu'o nosi Bada jioromo muebejavuo'irōhēni. Ĕhu'ero no Keriso-aremu javue.

<sup>10</sup> Ja rabēni jasi ōehu mu ě'ajoho garomo sisē hōromo aganueje. O ja rabēni ōho juhuoni'e ae hōromo sivanueje. Hujēji God-are majaho rue'iramu no aho'obēhe hesi nunire riravo'ejo hesi huro mevavuorōheġo.

<sup>11</sup> Ĕhesi jōho God-are surire jajivoromo uvē'eje: Badaro ěhi uōvuajējo: Na daruge jioromo hijajoho iae mae jio'ego ave jōhu'o mae majēhi'iē'ajējo. Ae aho'obēhe God nasi jōēni gemu ague aho raromo'aruējo.

Ae aho'obēhe jō'ero huruohoromo uvo'a'aruējo: Nōrō God hōjo.

<sup>12</sup> Noehu God-are nunire gemu riravo'irōhe jōho ěhi jajivē'ero ěhuni no ae aho'obēhe gemu gemu God-are nunire riravoromo mu vaebe rovare bēhoho huruoho majahi'ejo huro herōheġo.

*No mue gō gō nosi Christian ō mueno'o jabesi nunire bogo vaejeġo jabuhu no gōromo nosi dōre bogo ō'oromo mu sisē vaejeġo rireromēvo'irōhe jōhoje.*

<sup>13</sup> Ĕhuni ě'ego no ijonoġo bogo uvo'iro: Ĕaho mi ijajoho o ěhi jiē'e mu vaejajoho ěhuro mu sisēho vaejaje hōjo. Ĕ'ego no bogo ěhioho uvo'i. A'i uvore: Noro mue gō gō agano jabesi nuniroho bogo vae'ejareġo jaburo no gōromo nosi dōre ō'oromo mu sisē vaejeġo rireromēvojōēni.

<sup>14</sup> Na Bada Iesuarue ae gemuohuro jevē'ero ěhu'ero na ma-mae garomo uvajeje: Ijarue ioho mioho bōvioho bise'oġo God bogo ahavuaġe hōjo. Iae ěhi jie rōhu aehu uvē'oġo: God-ro ahavuaġe hō uvoromo ě uvade aehu ijē'oġo sisēje.

<sup>15</sup> Ĕhesi bēhoho mae hōromo jaehu ie mie jasi Christian ae gō hesi nunire ijamu ě ahuro garomo uvē'oġo: O God-hu ahavuaġe ioho ijane hōjo. Ĕhuni na'o God-are jōho ahoromo i'ejō uvē'oġo jaehu hesi nunire ijanoho ěho bogo maho ě'aneje. Jero hesi ōrire bogo uehorovē'e ma-ijaneje. Ĕa hesi jōēni Kerisoro guomē'e jiaġe ěhuni nadi ioho mioho ěma iromo ěhuro hu ijumone.

<sup>16</sup> Ĥemēhu uvarujoho: Ie mie jove bōvie bise'e ijē'oġo mae hō uvarujoho gavē'i ue'ahore. Ae gōero gēromo jemesi mu ma hesi jōho sisē'i ato'ē'ō.

<sup>17</sup> God-hu bōrōme namiromo muebejavuaġe hesi bēhoho bogo ie jove ue'aharuoho jio'i a'i mu mae vaeromo huē baerovoromo God-are Aru'ahehu dē vōvōbajo'o sasohavueġo raromaruohoje.

<sup>18</sup> Ĕhi jiē'e mu ma vaeromo Keriso-are mu vaejahē'oġo God-ro ěhi jiē'e aho nimo'iramu ae aho'obēhe uvoruomo'ē'e: Ĕahuro mu maho ōmaje hōjo.

<sup>19</sup> Ĕhu'ero jiē'ero no ave muohemu ě'o ga'ejo. Noro gemuoro avoho huē mae raromoromo ajamirovo'ejo ěhuro avoho birivoromo riravo'irōhēni.

<sup>20</sup> Ĥemēro nadi iemuoho miemuoho uehorovoromo God-hu ae gō jabesi dē vōvōbajo'ere mu vaejajoho ijumēhore. Ie aho'obēhe God bogo tugohē'eje. Rōhu Ĥemēhu i ue'ahamu ae gōehu gēromo jabu'o ue'ahoromo God-are jō ahē'oġo ěhuro Ĥemēhu ue'aharujoho sisē jio'ē'e.

<sup>21</sup> A'i aveho mu mahoje. Jaehu mi ijamu wine jove ijamu o mu rabe vaejamu jasi Christian aganehu ja garomo dōre ō'oromo rireromē'irōhe ěhi jiē'e muoho gorone.

<sup>22</sup> Jaehu uvanuoho: Na ie mie bōvie bise'e ijē'oġo iae mae hō uvanuoho jero ine. Rōhu jasi sivue God-are nunoro ine. Jaehu uvē'oġo: Ave muoho iae mae hō uvē'oġo rōhu ě muoho vaeromo he'irane dē vōvōbajo'oġo mae jivamu hejē'oġo huē mae javajeje.

<sup>23</sup> A'i jaehu i i'ië'iroho uehore niö'i baeromo röhu ë i ëma ijë'o'ho God-are nunire mu sisë vaejanueje i hesi bëhoho ja bogo herovoromo uvaneje: Iae mae-ëjo. God-ro ëhi jië'e muoho nimajë uvë'e ëma ijë'ëro. Jaehu bogo uvë'o'ho: Iae God-ro ë muoho nimajë uvë'e mu ëma vaejë'o'ho ëho mu sisë vaejanueje.

## 15

*Nosi sino bogo uehorovo'i a ioro'ioro jabesi jöhu'o uehorovoromo mu vaeröhe jöhoje.*

<sup>1</sup> No biririvoromo Keriso avoho uehorovarue aribövioho noro aviëhi jië'e muoho vae'ëjo. Noro garöhe ae göehu ma-juhuoni juhuonie uehorovamu gëvë'o'ho nosi sinehu nimajoho bogo uehorovë'e ma-u'emu sanuovoromo ajëminövo'ëjo.

<sup>2</sup> Nosi Christian aganehu uvaruoho: Ëmuoho mae hö uvaruoho ëhi jië'e muoho no ae gemu gemu vaenövo'ëjo ajëmego jaburo avoho biririvoromo Keriso mae uehorovo'iröhego.

<sup>3</sup> Keriso'o hesi sinehu nimajoho bogo uehorovadeje. A'i huhu ë'ade jöho God-are surire jajivoromo ëhi uvë'ëje: Aehu jö sisë rabe rabe God ja bojamaroho na'o ë i'uoho baejode höjo.

<sup>4</sup> Röhu urimë'i God-are surire jö diehi diehi jajivo'amare hesi bëhoho ëhije röjahuego noro ë surire jöho adahoromo dë sanuovahuego biririvoromo ëhuro muebebe va'ëgo God-ro ajamujego mae javuoröhego.

<sup>5</sup> Röhu avevejö'oho God-ro ajamujajeje ëhuro no dë sanuovahuego biririvobe va'oröhego. Ëhuni na nege huro jemë ajëmijego Iesu Kerisohu uehorovadëhi ëhi gemuoho uehorovoromo jemë aho'obëhe simane gemuoho uehorovo'irarijego.

<sup>6</sup> Simane gemuoho uehorovë'o'ho ëhuro jöe gemuoho atoromo gemuore bimuvoromo God rajahi'aruje hesi ihoho böröme jioröhego God hu nosi Bada Iesu Keriso-are Börömo'ho hesi Vavuoho jië'ëro.

*God-hu bogo Jew rajemuoho a'i sa'a ioro'ioro rajohu'o ajamuaje jöhoje.*

<sup>7</sup> Ëhuni Kerisohu jemë rajëhiromo baejövadëhi jemë'o göëro gö rajahivororomo baerovorego ëhuro God-are ihoho böröme jio'iro.

<sup>8</sup> Ëhesi bëhoho majëhi'ië'e. Kerisoro Jew rajoho no ajamui'i rovadeje. Jew rajo no ajamui'i rovade hesi bëhoho God-ro nosi Jew rajo hijo miono'oho uëvadeje: Ijonö naro ëhi'oromo jemesi ujo'ho ajëmi'ejöjo. God-ro ëhi uëvë'ëro Kerisoro ijonö rueromo nimadeje God-hu Jew rajo jabesi ujo ajamui'i uëvadëhi Jew rajoho ëhi ajamui'iro ëhuro noro garöhego God hu jö maemu majahuijaje aho jiego.

<sup>9</sup> O sa'a ioro'ioro rajohuro uvoröhego: God-ro noni vavaenimoromo no'o mabëhe ajamuijë'e hö uvoromo hesi ihoho döro bamo'iröhego. Ëhesi jöho God-are surire ëhi uvë'ëje:

Ëhuni naro sa'a ioro'ioro rajohu'o hiromo God jasi örire huë mae ua'ejöjo.

Na jöe ioromo jasi ioho rajahi'ejöjo.

<sup>10</sup> O God-are surire jö göho uvë'ëje: Sa'a ioro'ioro rajoho jemëro God-are ariböviohu'o gemu mae nimorohorëjo.

<sup>11</sup> O surire jö göho ëhi uvë'ëje:

Sa'a ioro'ioro rajoho jemëro ae aho'obëhe Bada mabëhe uarëjo.

Sa'ae dinö'le dinö'le raromarujoho ae aho'obëhe hesi öroro rajahirëjo.

<sup>12</sup> O Isaiah-ro Keriso-are mu diehi jioröhe öroho jajivoromo uvë'ëje:

A mami ae Jesse bëhoho jiade höjo.

Röhu sahorijadoho hujeji bunohuro sirinohiromo ri'ö sionore nami'a'ajëjo.

Ëhi'oromo böröme namiromo sa'a ioro'ioroho muebejëvo'ajëjo.

Muebejëvo'iramu jaburo uvo'a'aruëjo: Iae ë ahuro ijonöho no ajamuinövo'ajëjo.

Ëhi uvë'ëje.

<sup>13</sup> Iae God-ro nosi dë vövöbajo'e avohahuego ëhuro no uvarueje: Ijonöho huro ajamui'iramu mae javuo'ajëjo. Ëhuni na nege huro ëhi ajëmijego jemëro hesi örire mae uehorovoromo ëhuro huë vavaenoho juhuonoho bogo bae'irögoro ma-nimorohoromo mae raromo'irarijego. Ëhi jië'o'ho God-are Aru'ahohuro hesi darugoho bojëmi'iramu jemëro ma-mabëhe biririvoromo muebebe va'a'aruje hesi aji maho bae'irarijëro. Ëhi jië'o'ho iae na nege.

*Paul-hu rabëni Rome ariböviëni biririvoromo jajivade hesi bëhohoje.*

<sup>14</sup> Aganomë iae na mae garomo uve: Jemesi muoho iae ma-maemu jiajëjo. Uehoro maho jemesi simanëro eni baejë'e jëvajëjo. Nuehu uehorovoromo röjahivorarujoho eni jëvajëjo. Iae na ëhi uve

<sup>15</sup> Rõhu naehu jö jajivodoho na ma-bisemu biririvanovoromo majëhijodeje jemëro garomo avoho uehorovo'irarijego. Naehu ëhi jajivode hesi bëhoho God-ro huë baejevoromo muoho bojemadeje

<sup>16</sup> naro Iesu Keriso-are muoho vaejahoromo sa'a ioro'ioro rajoho jemë ajëmi'irodego. Èhuni naro jemë ajëmiromomo priest-ehu vaejarue ëhi jië'e muoho vaeromo God-are jö maho majëhijajeje èhuro priest-ehu suvuoro ujuohoromo God-are örire bojamego nimorohajëhi naro sa'a ioro'ioro rajoho jemë ëhi ujuohëvoromo God-are örire suvuore bojamiyego hesi Aru'ahohuro jemesi dë vövöbajo'oho avohëvego maemu jëvego God-ro baejëvoromo nimoroho'iröhego.

<sup>17</sup> Èhu'ëro jië'ëro na Iesu Keriso-are ae gemuohuro jevë'ëro God-are mu vaejahajohuro èhuro na mae jeve.

<sup>18-19</sup> Ave jöhuremu biririvoromo jövo'ejo jö göho bogo. Kerisoro uevë'ëro naro hesi jöho majëhibe hesi muoho vaebe darugo'e mu masijoho röhëhibe hesi Aru'aho hesi darugoro biririvobe juvamu èhuro sa'a ioro'ioro rajohuro God-are jöho ejahë'eje. Èjöhemu jövo'ejo. Naro Keriso-are jö maho baeromo ruhëhi Jerusalem amoho numëhi Illyricum sa'aho rõhu è rirohu'o aho'o majëhibe juvë'e jeve.

<sup>20</sup> Na negadeje Keriso-are jö bogo hejë'e ariböviohuremu majëhibe juvo'irodëni ae göëro mami'e vaejë'e naro maho döre vaejëëni.

<sup>21</sup> Èjöhö God-are surire jajivoromo ëhi uvë'eje:

God-are jö bogo majëhijamu hejare ariböviohuro iae garuomoma'ajëjo.

Bogo hejare ariböviohuro iae jö bëhoho baeruomoma'ajëjo.

Èhi jioröhego negamu bogo heruomë'e aribövioho majëhibe juvë'e jeve.

*Paul-hu Rome amore va'i uehorovade jöhoje.*

<sup>22</sup> Èhi jië'e muoho vaebe juvoromo èhuro na ö'i è'ohijodoho bogo eni jevonövohijo.

<sup>23</sup> Rõhu avevejö'oho ave sa'anörire mu vae'irodoho iae barëje. Barjë'ëro vadune aho'obëhe ö'i nimobe rovodohuni

<sup>24</sup> èhuni na uehorovoromo uve: Spain sa'are va'ië'iroho ö'oromo gë'ejöjo. Gëromomo jemë'o ma-bisemu hiromomo huë mae jevo'iramu evare jemëro ajëmi'iramu èhuro na Spain sa'are mae va'ejöjo. Na ëhi nege.

<sup>25</sup> Rõhu avevejö'oho na Jerusalem amore va'ië'e God-are aribövioho ajëmiromomo suvuoro harihe i'linëmi'irodëro.

<sup>26</sup> Èhesi bëhoho God-are ariböviohu Macedonia sa'are Greece sa'are raromaruohuro jabesi nimoromomo uvareje: È'ego no suvuore gagovoromomo Jerusalem raromaruore ariböviohuni nugö'öjëho'irarëjo God-are aribövi bövi bise'o rumo'oho jaburo ujuohoröhe höjo.

<sup>27</sup> Jabesi nimoromomo ëhi uvareje. Rõhu Jerusalem ekaresia ajëmi'iröhohoho èho jabesi mueje. Rabëni. Jew rajo ekaresiahuro sa'a ioro'ioro rajoho aru'aho muoho ajëmiromomo Keriso-are jöho majëhijë'ëro èhuni Jew rajo jabesi örire sino hesi muoho mana ajëmiromomo ijo bajo nugö'öjëhë'oho iae maeje.

<sup>28</sup> Naro jabesi suvuoroho bava'oromomo ekaresia jabesi övore bamëhoromomo barë'iramu evare ö'oromomo jemë gëromomo Spain sa'are va'ejöjo.

<sup>29</sup> Rõhu na gavajoho ö'ë'iroho Kerisohu ajamuijaje darugoho bövi mae baeromomo ö'oromomo ajëmi'ejo.

<sup>30</sup> Rõhu na aveho nimo avohoromomo uë'ië'e. Jemëro nosi Bada Iesu Keriso uehorovoromomo God-are Aru'ahuhu dë vövöbajo'ere huë ma bojamuijajoho uehorovore. Èho uehorovoromomo na'o bimuovoromomo biririvoromomo nasi jöëni God-are öroro ua ganövore.

<sup>31</sup> Ua garomomo uare: God jero Paul ajaminego huro Judea sa'are va'oromomo Keriso bogo uehorovarue a jabesi övoroho bogo va'irajo. Bogo va'i Paul-hu Jerusalem amore hiromomo bogo eni jëvaje aribövi ajëmi'iröhohoho jero hu ajaminego God-are ariböviohuro uvo'irarëjo: Paul-ro mabëhe ajamuijade höjo.

<sup>32</sup> Èhi ua gavë'oho God-ro hesi nimoromomo ajëmi'iramu naro nimorohë'i jemesi örire ö'oromomo jemë'o hi'ejo. Hi'iramu daje sasohevo'ë'e.

<sup>33</sup> Huë mae bojamuajaje aho God-ro ae aho'o jemë'o hi'ë'e. Iae mae.

## 16

*Paul-hu a jëjëmijade jöhoje.*

<sup>1</sup> Rõhu ave magonahoho Phoebe nosi Christian ma'ineje. Hu Cencreae amore ekaresia ajëmiyaje magonaheje. Hu magonaho maeje.



<sup>2</sup> Ĕhuni God-are ariböviehu a rajëhiro mo baejëvaruëhi ëhi nosi Badare ihoro hu'o rajahiro mo baere. O huë vavaene rabe jië'oho ajamire rabëni hu ae aho'obëhe ajëmiromo na'o ajemijë'e jiaje ëhuni.

<sup>3</sup> O Prisca'o Aquila'o jejëmijode hõre jabu'o na'o havoromo Iesu Keriso-are mu vaejarue a magonaho'ego.

<sup>4</sup> Na bogo guomevorõhego jaburo niõ'iro vörõ'ere va'areje. Ĕhuni naro jabesi õrire huë mae jevajeje. Bogo naremuëremuoho a'i sa'a ioro'ioro rajo ekaresiae ae aho'obëhe jabu'o jabesi õrire huë mae jioruomajeje. Ĕhuni jejëmijode hõre.

<sup>5</sup> O jabesi osare gagovarue ekaresiahu'o jejëmijode hõre.

O nasi aemo'aeme Epaenetus jejamijode hõre Asia sa'aroho huro aevo'ioho Keriso mae uehorovë'ego.

<sup>6</sup> O Mary jejamijode hõre mu bõrõme biririvoromo jemesirire vaejë'ego.

<sup>7</sup> O Andronicus'o Junias'o jejëmijode hõre nasi Jew rajo aganego. Jaburo niõ'iro na'o savoji gagore arijaraje. Apostle jabumëro ë ae niõ'i jabesi ihoho mae hebe rovarueje. Urimo ë ae niõ'ioho jaburo Keriso'o gemuoro bimuvamu naro jabesi ijore bimuvodeje.

<sup>8</sup> O Ampliatius jejamijode hõre. Hu'o na'o Badare ae gemuohuro javuë'ëro ëhu'ëro naro hesi õrire dë vövõbajo'e aho'o uehorovajeje.

<sup>9</sup> O Urbanus no'o gemuore havoromo Keriso-are muoho vaejajego jejamijode hõre. O Stachus naro hu dë vövõbajo'e aho'o uehorovajëro jevë'ëro jejamijode hõre.

<sup>10</sup> O Apelles hu biririvoromo Keriso gemu uehorovego no ae aho'obëhe gavaruëro jië'ëro jejamijode hõre. O Aristobulus-are aganoho jejëmijode hõre.

<sup>11</sup> O Herodion jejamijode hõre nasi Jew rajo aganego. O Christian õ mueno'e Narcissus-are aganoho jejëmijode hõre.

<sup>12</sup> O Tryphaena'o Tryphosa'o jabesi õrire jejëmijode hõre ë magonaho niõ'iohuro Badare muoho biririvoromo vaejaruego. O magonaho gõho Persis jejamijode hõre. Naro hesi õrire dë vövõbajo'e aho'o uehorovo'i huro Badare muoho biririvoromo bövi mae vaejajego.

<sup>13</sup> O Rufus jejamijode hõre hu Badare a ma-mabëhego. O Rufus-are vëmoho jejamijode hõre nasi vëmu maehu ë'anovajohuni.

<sup>14</sup> Rõhu Asyncritus Phlegon Hermes Patrobas o Hermas ëhi jejëmijode hõre. Jabu'o gemu mae raromarue Christian aganoho ëhu'o jejëmijode hõre.

<sup>15</sup> O Philologus'o Julia'o niõ'i o Nereus'o hesi ma'inohu'o niõ'i o Olympas o God-are aribövie aho'o jabu'o raromaruoho ëhi jejëmijode hõre.

<sup>16</sup> God-are ariböviehu jejamirovaruëhi jemë'o ëhi rajahirovoromo jejamirovore. Rõhu Keriso-are ekaresiae aho'obëhe jemesi õrire jejëmiruomadeje.

### *Ijo tugoho'i jõhoje.*

<sup>17</sup> Aganomë ave jõhuremu uehorovore. Gavë'i raromore Keriso-are jõ majëhijamu hejarijoho nani aëro õ'oromo ahoromo jõe gõ majëhi'ë'o. Jõe gõ majëhiro mo jemesi mu maho ijumo'iramu jemëro jõe gemuoho bogo ato'i jõe gõ gõ ato'a'aruje. Ĕhi jië'e aribövi õ'amu gëvë'oho jabesi jõho nadi ejëhore.

<sup>18</sup> Ĕhi jië'e aribövioho nosi Bada Keriso-are muoho bogo vaejaho'i jabesi sinehu nimaje muohemu vaejarueje. Jabesi sinehu nimaje muohemu vaeromo ae sanusanuëmiromo madõëremu jõ mae majëhijego ae gõëro mu sisë jõho bogo uehorovo'i ma-heromo uvarueje: Jõ mae majahuujaruëromo ejëharueje.

<sup>19</sup> A'i jemëro jabesi mu sisëho garomo nadi ejëhore. Naehu ëhi uëvaje hesi bëhoho jemëhu God-are jõ mae ejaharuje jõho ae aho'obëhe hejë'ejõ. Ĕhuni na nimorohe. Rõhu na nege jemëro mu sisëho bogo uehorovo'i ma-mu mahemu uehorovo'irarijego.

<sup>20</sup> Majae dunovo'iramu huë mae bojumuaje aho God-ro Satan-are muoho ruhõ'õ'iramu jemesi hõrëro vijuvo taemo'aruje.

Nosi Bada Iesuro jemë huë baeromo ajëminõvo'ë'e.

<sup>21</sup> Rõhu na'o havoromo mu vaejaje ae Timothy-ro jemesi õrire jejëmije. O Lucius o Jason o Sosipater ëho jaburo jemesi õrire jejëmijõ jabumë nasi Jew rajo aganëro jioruomë'ëro.

<sup>22</sup> Tertius naro Badare ihore jejëmije. Paul-ro ue'ego naro hu ajamiromo ave surire jõho jajivahe.

<sup>23</sup> Rõhu Gaius-ro jemë jejëmije. Ĕa hesi osare Paul naro hijego huro muebejevajeje. O ekaresiae ae aho'o hesi osare gagovoromo God rajahi'i raromarueje. Rõhu ave amo hesi ijo bajo muebejaje aho Erastus'o nosi Christian agane Quartus'o ëho jaburo niõ'iro jemë jejëmijõ.

<sup>24</sup> [Nosi Bada Iesu Kerisoro jemë ae aho'o huë baeromo ajëminõvo'ë'e. Iae mae.]

<sup>25</sup> Röhu God hu mabëhego rajahi'ejo. Èhesi bëhoho hu eni jië'ëro ajëmi'iramu jemë birivoromo naehu majëhijaje jö maho Kerisohu ajamuaje jöho mae uehorovo'aruje. Keriso-are jöho God-ro urimo subivahuobe rovadoho

<sup>26</sup> jaruvoho ma-sama'e huruohoromo röjahuijë'eje. Ijonö jioröhe jö God-are surire jajivare hesi bëhoho noro garomo ë subivahuade jöho baejarueje. Baeromo ioro'ioremu hijaje aho God-ro uövuë'ëro noro ë jöho ae majëhibe jijiharueje sa'ae aho'obëhe raro-marue ariböviohuro mae uehorovoromo ejahoruomoröhego.

<sup>27</sup> God hu gemu simano mae uehorovaje ahoje. Èhuni noro Iesu Keriso-are ihore hu rajahiemu rajahibe va'ejo. Iae mae.

## 1 CORINTHIANS

*Paul-hu Corinth amo rajo ekaresia jejëmiromo jabesi jöëni God mae uavade jöhoje.*

<sup>1-2</sup> O asë'e God-are ekaresiae Corinth amore raromarujohumë God-ro jemë uëvë'ëro ëhu'ëro jemë God-are aribövi mae jëve jemë Keriso-are ae gemuohuro jëvë'ëro. Jemë God-are aribövïe jëve röhu ae aho'obëhe sa'ae dinö'e dinö'e raromoromo nosi Bada Iesu Keriso-are iho uvaruoho jabu'o jemë'o God-are aribövïe gemuoho jëve Keriso hu jabesi o nosi börömhuro jïë'ëro. Röhu Paul na Iesu Keriso-are apostle jeve God-ro nimë'ëro. Nosi öe Sosthenes-mu niö'ïro jemesi örire jejëmö.

<sup>3</sup> No nague God nosi Vavuohu'o Bada Iesu Keriso'o huë baeromo ajëmijego maro raromo'irarijego.

<sup>4</sup> Naro majae ëhi jemëni uehorovoromo nasi Böröme God-are örire mabëhe uavajeje rabëni huro jemë huë mae bojëmiromo Iesu Keriso uavamu huro jemë ajëmijë'ego.

<sup>5</sup> Jemë Keriso'o gemuoro jëvë'ëro ëhu'ëro mabëhe baejë'e jëve. Simano mae jö mae o ëhi jïë'e suvuore gö gö aho'obëhe baejë'ëro ëhu'ëro jemë God-are jöho mabëhe uehorovoromo atarujeje.

<sup>6</sup> O Keriso-are jö noehu majëhijaruoho ëho jemesi dë vövöbajo'ere ma-mae uehorovoromo biririvoromo ma'ënarujeje.

<sup>7</sup> Èhu'ëro jïë'ëro mue gö gö vae'irarije suvuoroho gö bogo vuonugo'i aho'obëhe bae barëjë'e jëve. Èhi jëvë'ëro muebejarujeje nosi Bada Iesu Kerisoro va'orahoro rovego ga'irarijëro.

<sup>8</sup> Jemëhu hu muebejarujoho huro jemë ajëmi'iramu biririvobe va'ojuvo va'o ijo tugoho'i majare nosi Bada Iesu Kerisoro göromo mevavuo'iramu evare jemë hesi nunire ma-maemu riravo'aruje

<sup>9</sup> ë hesi bëhoho God hu maëro jïë'ëro. Huro uëvamu jemë aevoromo hesi Harihe Iesu Keriso nosi Bada'o bimuvë'ëro hu'o jemë'o gemuoro jëve. Èhi ajëmade aho God-ro iae jemë ajëmi'iramu biririvobe va'a'aruje.

*Ekaresia aribövïehu bogo jöe gemuoho uehorovo'i jöe gö gö uehorovoruomade jöhoje.*

<sup>10</sup> Nasi ö mueno'ohumë ave jöho na Bada Iesu Keriso-are ihore majëhi'ïë'e. Jemë ae aho'obëhe jöe gemuoho atore. Nadi sivu sivuoho jöe gö gö ato'i o uehore gö gö bae'i a'i uehore gemu baeromo raromore.

<sup>11</sup> Nasi ö mueno'e naehu ëhi javivaje hesi bëhoho here. Chloe-are agano ioro'iorohuro rueromo jemesi jö sisëho huruoho majëhiromo uevareje: Corinth rajo aribövïohuro jö aho'ahamirovarue höjo. Èhi majëhijamu hejodeje.

<sup>12</sup> Èhi ë'arujoho na uë'ïë'e. Jemë ae göëro göëro jöe gö gö atarujeje. Ae göëro uvanueje: Paul börömejo na hesi ijore ijore juvaje ae jëvájëjo. Ae göëro uvanueje: Paul bogajo. A'i Apollos börömejo na hesi ijore ijore juvaje ae jëvájëjo. Ae göëro uvanueje: Apollos bogajo. A'i Peter börömejo na hesi ijore ijore juvaje ae jëvájëjo. Ae göëro uvanueje: Keriso börömejo na hesi ijore ijore juvaje ae jëvájëjo. Jemë bogo ëhioho ë'aruje höjo. Jemëro ëhi atarujeje.

<sup>13</sup> Nani sarerivoromo uvarujeje: Keriso-are sino haho'oho tariö'ö tariö'ö jïë'e höjo. No ioro'ioroho Keriso-are javuo'i ioro'ioroho bogo Keriso-aroho javuajëjo. Èhioho bogojïë'e jïaje nadi ëhioho uvore. Keriso gemu börömocho jio'i apostle aribövïoho no bogo masijehu javue. Jemesi jöënioho bogo Paul naru guomodeje. Jemë bogo Paul nasi ihoroho bapataeto vaejëvareje. Èhu'ëro na bogo börömehu jeve.

<sup>14</sup> Na bogo nasi övoho jemë bapataeto vaejëvonövodeje. Crispus'o Gaius'o ëhemu bapataeto vaejëvo'i a ioro'ioroho jemë bogo bapataeto vaejëvodeje. Èhuni na God huë mae uave.

<sup>15</sup> Na nasi övoho jemë bogo bapataeto vaejëvë'ëro ëhuni bogo uvo'a'aruje: Paul-ro bapataeto vaejavuamu noro hesi ihoro bapataeto vaejë'ëro ëhu'ëro hesi aribövïe javuajëjo. Jemë bogo ëhioho uvo'a'aruje. Èhuni naehu bapataeto bogo vaejëvodoho na mae jeve.

<sup>16</sup> O iae na uehorovajoho jemesi ae Stephanus-are aganoho jabu'o naro bapataeto vaejëvodeje. Röhu na uehorovoromo uve: Na na jemesi aribövïi ioro'ioroho bapataeto vaejëvode höjo o bogajo. Nani bogajo.

<sup>17</sup> Röhu na ae ma-vemino'e bapataeto vaejëvode hesi bëhoho ëhije. Kerisoro remö'öromo na bogo uevadeje: Bapataeto vaejëvobe va'onëjo. A'i remö'öromo uevadeje: Nasi jö maho majëhibe va'onëjo. Kerisoro nimadeje ave sa'are aribövïehu simano

ma'e jõe höromo ataruëhioho na bogo ëhioho jövoromo hesi jöho aho majëhi'irodego ae aho'obëhe ëhi jië'e jöho heromo ëhuro Kerisohu korosire guomade jöho bogo avoho heromo dë vövöbajo'oho bogo marëjövöjööni. Ëhi jio'ibejo ë jöho daruge bogojio'ibejo.

*God-are uehoro darugo röjahuijaje ae Keriso-are jöhoje.*

<sup>18</sup> Kerisohu korosire guomade jöho sisëre va'arue ariböviohu heromo uvarueje: Ëho simano rumo'e jõe höjo. O God-hu ajamuego mare va'arue aribövioho noro ë jöho heromo uvarueje: Keriso guomadohuro ëhuro God-hu no ajamuijaje öroho jiovahuë'e höjo. Ëhuro God-hu no ajamuaje darugoho iae no gavarue höjo.

<sup>19</sup> God-are surire jajivoromo ëhi uvë'eje:

Aëro ave sa'a hesi uehorohemu baeromo ëho simano ma'e jõe hö uvoruomaje höjo.

Röhu God naro ë jöho mu'u'ejöjo.

Noro nuni aji'e jöho baejë'e javuajë uvoruomaje höjo.

Röhu naro ëho rori'o babu'ö'ejöjo.

<sup>20</sup> Ëhi jië'oho ave sa'arohemu uehorovarue aribövioho simano ma'e aribövi jabesi uehoroho diaje. Nuni aji'e aribövi jabesi uehoroho diaje. Jö'e sasohoromo darugo'e majëhijarue aribövi jabesi uehoroho diaje. God-ro röjahuijë'eje jabesi uehore aho'o bogojiajoho noro garöhego.

<sup>21</sup> Ëhesi bëhoho God-ro hesi simanoho maëro jië'ëro uvadeje: Aëro sa'arohemu uehorovoromo uvoruomaje höjo: Nosi simanoho mae höjo. Ëhi uvarue höjo röhu bogo jabesi simanoho uehorovoromo God na ge'a'aruëjo. A'i jaburo uvoruomaje höjo: Kerisohu guomade jöho Paul-mëhu majahuijaruoho ëho simano rumo'e jõe höjo. Ëhi uvoruomaje höjo röhu ë jöho ae rahu mae uehorovë'oho God naro baejëvoromo maro bamëvo'ejöjo. God-ro ëhi uvadeje.

<sup>22</sup> Jew rajo ariböviohu uvoruomajeje: Darugo'e muoho röjahuijigo garomo uvo'irarëjo: God-are muoho rovë'e höjo. O Greece rajo ariböviohu uvoruomajeje: Ave sa'a hesi simano ma'e jöhuremu he'li naguajëjo.

<sup>23</sup> Röhu no bogo ëhi jië'e muoho jöho röjëhi'i a'i noro ave jöhuremu ae majëhiromo uëvarueje: Kerisoro noni korosire guomade höjo. Ëhi majëhijarueje röhu Jew rajo ariböviohu ë jöho bijönimarueje. O sa'a ioro'ioro rajohuro uvarueje: Ëjöho simano rumo'e jõe höjo.

<sup>24</sup> Jaburo ëhi uvo'i a'i God-hu uövüë'ëro hesi aribövie javuajoho Jew rajohu'o sa'a ioro'iorohu'o noro uvarueje: Keriso guomadohuro ëhuro God-ro hesi darugohu'o hesi simano mahu'o röjahuijë'e höjo.

<sup>25</sup> Ëhesi bëhoho aëro sa'arohemu uehorovoromo God-hu Keriso sa'are nugö'öjamu rueromo korosire guomade jöho heromo uvoruomajeje: Ëho God-ro simano rumo'e darugo rumo'e muoho vaejade höjo. Röhu a nosi simano maho ëho ma-jianovo'i God-hu vaejaje mu jabuhu uvarue simano rumo'e mue hö uvaruoho ëho börömo mahoje. A nosi darugoho ëho ma-jianovo'i God-hu vaejaje mu jabuhu uvarue darugo rumo'e mue hö uvaruoho ëho börömo mahoje.

<sup>26</sup> Nasi ö mueno'e God-hu jemë uëvamu aevoromo hesi aribövi jëvadevare jemë diehi jië'e aribövi jëvadoho ëhuremu uehorovore. Ave sa'a hesi simano ma'e aribövioho jemë ae ma-gemu gemu jëvadeje. O darugo ma'e aribövioho o iho döre jië'e aribövioho ëho ae ma-gemu gemu jëvadeje. Ëhi jië'e aribövioho ma-gemu gemu God-ro baejëvadeje.

<sup>27</sup> Röhu God-ro uvadeje: Aehu ma-sa'arohemu uehorovoromo uvarue simano rumo'e darugo rumo'e ae jioruomajë uvaruoho röhu ëhi jië'e aribövioho God naro baejëvo'ejöjo. Ëhi jië'e aribövioho baejëvo'iramu ëhuro sa'are simano ma'e ariböviohu'o sa'are darugo ma'e ariböviohu'o ëhi jië'e ariböviohuo uvoruomajëjo: Noro uvare höjo: No simano ma'e darugo ma'e aribövie javuajëjo. Ëhi uvare höjo. Röhu God-ro no bogo baejavuoi simano rumo'e darugo rumo'e aribövioho baejëvade höjo. Ëhu'ëro no gavaruoho nosi uehoroho bogo maehu jioromo nosi darugoho bogo eni jië'e höjo. Ëhi uvoruomajëjo.

<sup>28</sup> Aehu ma-sa'arohemu uehorovoromo uvarue a inine iho rumo'e bëhi rumo'e jioruomajë uvarue aribövioho ëhi uëvarue aribövioho God naro baejëvo'ejöjo. Baejëvo'iramu ëhuro ae aho'obëhe ga'a'aruëjo sa'are mu hesi bëhoho bogojio'iramu.

<sup>29</sup> Ëhi jië'e aribövioho God-ro baejëvë'ëro jië'ëro ëhu'ëro aho God-are nuniroho bogo riravoromo nimorohë'i uvoruomajë'e: No a masije javuë'ego ëhuni God-ro no baejavuë'e höjo. Bogo ëhioho uvo'ë'ö.

<sup>30</sup> Röhu jemë bogo jemesi arijo'arijoho ajamirovo'i a'i God-ro jemë ajëmiromo baejëvë'ëro ëhu'ëro Iesu Keriso'o gemuoro jëve. God-ro ëhi bamë'ëro ëhu'ëro Kerisoro

sisëhu tövavuadoho jiovahuoromo uehoro maho nosirire barueromo nosi ihoho God-are nunire avohahuoromo mu mahuremu röjahuijaje.

<sup>31</sup> Èhu'ëro jië'ëro God-are surire jajivoromo uvë'eje: Nimoronimorohë'i ato'ië'iroho Badahu ë'ade jöho ëhuremu nimorohë'i atorëjo.

## 2

*Kerisohu korosire guomade jöhoje.*

<sup>1</sup> Nasi ö mueno'e naehu jemesi örire ö'oromo God-are jö urimo gurihijahuadoho huruoho majëhijodevaroho na bogo sine nimorohoromo ave sa'a hesi simano ma'e jöho bö'oromo bitare sasohoromo ave sa'a hesi vuëvo'e jöho majëhijodeje.

<sup>2</sup> Èhesi bëhoho naro nasi nuëro uehorovoromo uvodeje: Naro jemë'o hiromomo jö ioro'ioroho vuonugo'i Iesu Kerisohu korosire guomade jöho börömego ëhuni hesi jöhuremu uehorovoromo majëhinövo'ejöjo.

<sup>3</sup> Naro ëhi uvoromo ö'oromo jemë'o hiromomo na daruge bogojevoromo juhuoninegoromo butubutuego avohadeje.

<sup>4</sup> Naehu majëhijode jöho o naehu jö majëhijode ë hesi öroho na bogo sine nimorohoromo sanusanuëmiromomo ave sa'a hesi simano ma'e jöho jövoromo ëhuro jemesi simanoho jaguvëho ga'i a'i God-are Aru'aho hesi darugoho jemë röjëhiromomo Keriso-are jöho majëhijodeje

<sup>5</sup> ëhuro jemëro bogo ave sa'a hesi simano ma'e jöho heromomo Keriso mae uehorovo'i a'i God-are darugoho baeromomo ëhuro Keriso mae uehorovo'irarijejo.

*God-are Aru'ahuhu hesi uehoro ma röjahuijaje jöhoje.*

<sup>6</sup> Iae ëhi jie röhu simano ma'e jöho iae no majëhijarueje God-are jö heromomo mae biririvë'e ariböviohuro heruomoröhego. Simano ma'e jöho iae majëhijarueje röhu ë jöho göje o ave sa'a hesi jöho göje. Aehu ave sa'arohemu uehorovoromo ë jöho simano ma'e höromomo ataruëhioho no bogo ëhioho majëhijarueje. O ave sa'a hesi muohemu muebejarue a masijehu jö mae höromomo jö ataruëhioho nosi jöho bogo ëhiohoje ë a masijoho rireromomo barë'ië'tego.

<sup>7</sup> Èhi jië'e aribövi jabesi simano ma'e jöho no bogo ato'i a'i God-are simano ma'e jöho urimo gurihijahuë'e jiadoho ëho huruoho majëhijarueje. Urimë'i sa'a bövi bise'o bogo bamadevare God-ro uvadeje noro ë jöho heromomo aji maho baeröhego.

<sup>8</sup> Noehu aji baeröhe jöho ave sa'a hesi muohemu muebejarue a masijoho jabu bogo mae bogo garuomadeje. Jabumë garuomö'ibejo Bada hesi iho döre jië'e aho uehorovoromo korosiroho bogo ano taemoruomö'ibejo.

<sup>9</sup> Röhu jabumë bogo gavareje. Bogo gavare hesi jöho God-are surire jajivoromo ëhi uövuë'eje:

Nunehu bogo garomomo hia'ehu bogo heromomo

aehu nosi dë vövöbajo'ere bogo uehorovaroho ëhi jië'e ajoho God-ro avohahuade höjo hu rajahijarue aribövioho noro baeröhego.

Èhi uvë'eje.

<sup>10</sup> Èaji baeröhe jöho sa'a hesi muohemu muebejarue aribövioho bogo garuomadeje. Röhu God-ro uavamu hesi Aru'ahohuro ë jöho nosi örire röjahuijë'eje. Aru'ahuhu röjahuijade hesi bëhoho huro aho'obëhe ga barëromomo God-hu hesi dë vövöbajo'ere uehorovajoho ëhu'o iae ga barëjajeje.

<sup>11</sup> No ae gemu gemu diehi uehorovaruhoho ae göho bogo ga'i nosi aru'ahohuremu sivue gavajeje. God-are Aru'ahoho ëhi gemuhoje. God-are Aru'ahohuremu God-are uehoroho gavajeje. No bogo gavarueje.

<sup>12</sup> Aji baeröhe jö God-are Aru'ahuhu no röjahuijaje hesi bëhoho no bogo ave sa'a hesi jö uehorovaje aru'ahoho bae'i a'i God-hu nugö'öjade Aru'ahoho baejë'e javue ëhuro God-hu bojumuade suvoro bövie bise'e aho'obëhe huro röjahuijejo garöhëro.

<sup>13</sup> Èhu'ëro jië'ëro aehu ave sa'arohemu uehorovoromomo jö röjëhijaruëhioho no bogo ëhioho jöho röjëhi'i a'i God-are Aru'ahuhu röjahuijajëhi ëhi majëhijarueje. Majëhiromomo God-are Aru'aho hesi jö bëhoho huruoho majëhijarueje Aru'aho baejë'e ariböviohuro heruomoröhego.

<sup>14</sup> Röhu God-are Aru'aho bogo baejë'e ariböviohuro uvoruomajeje: God-are Aru'aho hesi jöho simano rumo'e jöe höromomo bogo eruomajeje. Jö bëhoho bogo garuomajeje. Bogo garuomaje hesi bëhoho ëhi jië'e jöho God-are Aru'ahohuremu ajamuego avoho mevoromomo gavarujeje mae jiego. Röhu God-are Aru'ahoho jabumë bogojëvë'ëro ëhu'ëro God-are Aru'ahoho jö bëhoho bogo röjëhijego ëhuro bogo garuomajeje.

<sup>15</sup> A'i God-are Aru'aho baej'e aribövioho noro jöe aho'obêhe garomo mevarueje. Röhu noehu God-are Aru'aho baejaroho a ioro'ioroho bogo avoho mevavuarueje gö'i mae o sisê javuego.

<sup>16</sup> Bogo mevavuarue hesi bêhoho Kerisohu diehi uehorovajoho God-are Aru'aho rumo'e ariböviehu mevo'iröhoho bogo eni jêve. Êhesi jöho God-are surire jajivoromo uvê'eje: Rahuro Badare uehoroho gavê'e höjo.

Hesi öriroho rahuro jögoroho mami'ajêjo.

Êhi uvê'eje. Êhu'ëro God-are Aru'aho rumo'e aribövioho Keriso-are uehoroho bogo garuomajeje. Röhu huhu uehorovajêhi no'o uehorovaruëro jiê'ëro êhu'ëro God-are Aru'aho rumo'e aribövioho nosi uehorohu'o bogo garomo bogo avoho mevavuoruomajeje.

### 3

*God-are mu vaeromo ekaresia ajëmarue aribövioho bogo masijehu jio'amo'i God gemu bëröme jiaje jöhoje.*

<sup>1</sup> Nasi ö mueno'e urimê'i naro gavodeje jemê God-are Aru'aho hesi jöho bogo avoho uehorovo'i ave sa'arohemu uehorovamu. Jemê ave sa'arohemu uehorovamu gëgorovo Christian jö aevoromo røjêhijarue êhi jiê'e jöhemu røjêhijodeje.

<sup>2</sup> Asisö'o i mi bogo mëmi'i ma-amu rihu mëmijaruêhi na God-are jöho amu rihunö'e bojëmibe rovodeje. Êhesi bêhoho Keriso-are jö aevoromo sama'e røjêhijaruohuremu êhuremu jemesi örire røjêhijodeje. Ijore røjêhijarue jö bërömo bogo røjêhijodeje. Êhesi bêhoho ijore røjêhijarue jö hejê'oho jemê bogo eni jêvadeje. Jemê bogo eni jêvobe rovadoho röhu jaruvohu'o bogo eni jêve.

<sup>3</sup> Êhesi bêhoho ave sa'arohemu uehorovarijoho êho bogo vuonugê'e jêve. Bogo vuonugo'i a'i jemê göëro gö hesi muoho garomo dë vörönimoromo iro muorovo'e vaejarujeje. Jemê êhi ê'arujohuro êhuro ave sa'arohemu uehorovaruje aribövie jêve. God rumo'e aribövi jabesi muoho baeromo êhi raromo jijiharujeje.

<sup>4</sup> Êhesi bêhoho jemê ae göëro uvanueje: Na Paul-are ae jevajêjo. Ae göëro uvanueje: Na Apollos-are ae jevajêjo. Êhi jiê'e jö gö gö atarujohuro êhuro jemê God rumo'e aribövioho va'ëne jêve.

<sup>5</sup> Röhu Apollos-are muoho diehi jio'i Paul nasi muoho diehije. No bogo a masijehu javuo'i no God-hu bojamuade muohemu vaejarue ae javue. Hesi muoho vaeromo jöho majêhijamu jemëro aevoromo Keriso mae uehorovarijeje. No êhi jiê'e ae javue. Badahu ae gö gö mue gö gö bojamuibe rovadoho êho no vaejarujeje.

<sup>6</sup> Mue gö gö vaeromo naro ujane bivëvanovodeje jemê aevoromo Keriso-are aribövie jëvoröhego. O Apollos-ro ijore ö'oromo ujanore jove otehanovadeje sanuovëvego marê'irarijego. Noro êhi jiê'e muoho vae'i God-ro hesi sivue avohëvamu marëromo ri'öjarijeje.

<sup>7</sup> Ujonö'e bivëvaje ahu'o jovehu sanuovëvaje ahu'o no ma-bise'e javuo'i God avohëvego ri'öjaruje aho hu bërömo hoje.

<sup>8</sup> O ujonö'e bivëvaje ahu'o jovehu sanuovëvaje ahu'o no bogo göho bëröme göho bise'e javuo'i ma-gemuoho javue. No diehi jiê'e mu vaejê'oho God-ro manaho êhi bojamui'ê'e.

<sup>9</sup> Iae no God'o gemu mae mu vaejarue ae javue. Jemê God-are i'o mu'o va'ëne jêve. Röhu uhu'e jöe göho. Jemê God-are javu va'ëne jëvanove. Êjöhu'o uehorovo'ëjo.

<sup>10</sup> God-ro na huê baejevorumo muoho bojëmamü êhuro aehu javu ma vaejaruêhi naro aevoromo jemê vaejëvoromo sa'a uhure umoromo biriri'oho bamêhodeje êhuro jemëro döre javu va'ëne êhi biririvoromo mae riravo'irarijego. Êhi vaejêvê'ëro ae göëro javue döre vaeruome. Javue döre vaejaruoho ae gemu gemu gavê'i javuoho ma-avoho vae'iro.

<sup>11</sup> Êhesi bêhoho God-ro aevoromo Iesu Keriso bamê'eje munënö'e bibivoromo namiromo jemê nigemëvego riravo'irarijego. Javu uhure gö gö bogojio'i Iesu Keriso gemuje. Aho munê göho bogo bamo'ê'ö javuoho biririvoröhego.

<sup>12-13</sup> Javu uhure Iesu Keriso jio'i döre aëro javue vaejarujeje. Javu döre vaejaruoho ae gemu gemu diehi diehi vaejaruoho ijönö va'orahoro jio'ê'e. Munê ma-mabêhe gold silver oho inajo'e ujuohoromo munê mae gö gö oho inajo'e ujuohoromo avoho vae'i o ma-jahuri javu vaejarue inömo ijo ö'e sare oho inajo'e ujuohoromo sisê'i vaejaruoho êho va'orahoro jio'ê'e. God-are maja rovê'iroho vëni bërömöro rueromo ë javuoho ravo ga'ê'e. Vënëro ravo'iramü no ga'ëjo di ahuro biriri'oho vae'i di ahuro sisê'ioho vaejê'e jio'iramü.

<sup>14</sup> Mami'e vaejare muoho vënehu ravamu biririvoromo namijê'oho ë javu vaejare aribövioho suvuore mana baeruomo'ê'e.

<sup>15</sup> O mu mami'e vaejaro ho ravo barëjê'oho êhuro è javu vaejare aribövioho suvuroho bogo baeruomo'ê'e. Röhu jabumê bogo sisêroho va'i iae mae raromoruomo'ê'e. Raromoro röhu uvoruomo'ê'e: Ravavuo'iê'ajëromo huruomare hõjo. Röhu vaevê'e nosi muoho ravo barëjahuoromo sisêrëjahuê'e hõjo. Êhuni ae aho'obêhe gavê'i javuoho ma-avoho vaeruomo'i'ro.

<sup>16</sup> Jemê iae gavaruje ekaresiaho jemê God-hu hijaje javuoho va'êne jëvê'ego God-are Aru'ahëhu jemesirire hijajoho.

<sup>17</sup> Jemê God-hu hijaje javuoho va'êne jëvê'ëro êhu'ëro God-are javu hesiremu jiajêhi jemê êhi hesi aribövieu mu jëve. Jemê hesi aribövieu jëvê'ëro ae rahuhu mu sisê jemê røjëhiromo ijumêvê'oho êhi jiê'e aribövioho God-ro mana ijumêvo'ê'e.

<sup>18</sup> Nadi jasi arijo'arijoho sareramirovone. Ja ae rahuaro nimorohoromo uvê'oho: Ave sa'arohemu uehorovarue a jabesi nunire na simano ma'e ae jevajê uvê'oho êhi jiê'e uehoroho vuonugone. Vuonugo'i uvone: Ave sa'arohemu uehorovarue a jabesi nunire na simano rumo'e ae jëvê'oho iae mae hõjo. Ja êhi uvê'oho God-are nunire ja simano ma'e ae javo'ajëjo.

<sup>19</sup> Êhesi bêhoho ave sa'arohemu uehorovarue simano ma'e jõho êho God-hu gavajoho simano rumo'e jõeje. Êhesi jõho God-are surire jajivoromo uvê'eje: Ave sa'arohemu uehorovarue ariböviohuoro sareri sarerie ê'oromo uvoruomaje hõjo: No simano mae baeromo jijiharujëgo evare aevenëro mie jiomêvanovaje hõjo.

<sup>20</sup> O jõe gö'o jajivoromo uvê'eje: Badaro gavaje hõjo simano ma'e a jabesi uehoroho bogo maehu jiego.

<sup>21</sup> Êhu'e jiaje a nosi ihoho nadi dôroho bamoromo nimoronimorohê'ioho atoromo uvorëjo: Paul o ae gö bôrômego no jabesi ijore ijore jijiharue aribövie javuajëjo. Êhesi bêhoho ae inõme bövie bise'e God-hu bamavuadoho êho noehu ajëmi'irõhoho javue.

<sup>22</sup> Paul na Apollos Peter êho no jemê ajëmi'irõhe aho javue. Sa'ae bövie bise'e êhu'o jemê ajëmi'irõhoho jio'ame. Jemê biririvoromo raromê'oho o vuovêvê'oho è bövioho bise'oho êhu'o jemê ajëmi'irõhoho jio'ame. Rabe rabe avevejê'e jio'amajoho ijonõ jio'amo'irõhoho êhu'o jemê ajëmi'irõhoho jio'ame.

<sup>23</sup> Êho aho'obêhe jemesi javue. Röhu jemê Keriso-are jëve. O Keriso hu God-areje. Êhuni nadi a nosi ihoho dôroho bamoromo nimoronimorohê'ioho atore.

## 4

*Corinth aribövieuho apostle òmo'òmo bogo gö nimo'i gö bijõnimo'irõhe jõhoje.*

<sup>1</sup> Êhu'e jiaje êhuni uvore: Paul-mê êhi jiê'e aribövie jëvajëjo. Jabumê Keriso-are mu vaejarue aribövie jëvajëjo. God-are jõ mami'e subivahuade hesi mu muebejharue aribövie jëvajëjo. Êhi uvore.

<sup>2</sup> Ae rahu ae gö hesi mu muebejahê'oho biririvoromo muoho avoho ma'enobe va'arueje. Êhuremu maeje. Êhu'ëro no'o êhi ê'ejo.

<sup>3</sup> Naro uvajeje: Jemê o ae gö ave sa'a hesi uehore baeromo nasi mu mae o sisê jiego mevo gavarujoho êho ma-bise'e hõjo. Iae na'o nasi arijo'arijoho bogo mevorovajeje ga'i na mae o sisê jevego.

<sup>4</sup> Êhesi bêhoho naehu mu sisê vaejode jõho na bogo uehorovoromo dêroho juhuoninege. Iae êhi jie röhu bogo êhuro na God-are nuniroho maho namiye. A'i Badaro gemuëro na gevajeje nasi muoho mae o sisê jiego.

<sup>5</sup> Êhuni nadi sarerivoromo masijoho riravoromo ae gö nosi muoho mevo gavahuore ga'i no mae o sisê javuego. Mevo gö'irõhe majaho bogo rovê'eje. Hujeji Badaro rueromo nosi mue rabe rabe gurihijê'e bogo gavaruoho o noehu uhure ma-uehorovo taemaruoho va'orahoro bamoromo evare mevo gö'ê'e. Mevo göromo evare God-ro ae gemu gemu nosi mu diehi vaejare atoro huê maho êhi ajiomê'e o abuejê'e mamui'ê'e.

<sup>6</sup> Nasi õ mueno'e è jõho naro jemê majëhiromo ae gö jabesi jõhu'o majëhiromo Apollos-mu nosi ihore jajivodeje røjëhijëgo jemêro garomo ave jõgoru hesi bêhoho avoho uehorovo'irarijëgo. Jõgoroho êhi uvê'eje: Nadi aruëroho anumëroho jijihoi'i God-are surire jõhuremu êhuremu uehorovobe jijihorëjo. Êjõgoru hesi bêhoho avoho uehorovoromo nadi jemesi sivuoho uehorovoromo dôroho bamorovoromo nimorohê'ioho uvore: Êa masijoho êho nego'i êho bijõnegajëjo.

<sup>7</sup> Raro uê'ëgo masijoho riravõ. Inõmoho raboho na ëma baejarijeje. Bogo. Hesi God-ro bojëmædeje. Êhi jiê'oho jemê rabëni uvarujeje: Bövie bise'e nosi biririvoromo baejare hõromo nimorohê'i atarujeje.

<sup>8</sup> Sareri aribövie jëve. Nani jemê uvarujeje: Mami'e God-are jõho no da'uaguê'e hõjo. Mami'e hesi ajoho bae barëjê'e javuajëjo. No masije riravoromo bövie bise'e

muebe'amarue hōjo. Apostle-ho no bogo ēhioho masijoho javuē'e jemēro jemesi sivue uehorovoromo ēma uvarujeje: Noremuēremu masije javuajējo. Ēhi uvarujeje rōhu jemē bogo ēhioho jēve. Jemē mae masije riravo'ibejarije ēhuro na nimorohevo'ibejo. Ēhesi bēhoho jemē mae masije riravo'ibejarije ēhuro no'o jemē'o gemuoro masije riravo'ibejo. Ēhi jiē'o ho mae jio'ibejo.

<sup>9</sup> A'i avevejō'o ho na uehorovoromo uve: God-ro apostle nosi ihoho sa'aro bamē'e hōjo. Aehu i'u baeromo a nuniro guomo'iē'ego hesi iho sa'are jiajēhi nosi ihoho ēhi sa'aro jiego ae anerae aru'ahē dinō'e dinō'e raromaruohuro apostle nosirire ē gemu nunoho bamoromo ērimahuarue hōjo. Na ēhi uehorove.

<sup>10</sup> Nosi ihoho sa'aro jiē'ero aēro nosi jōho uehorovoromo ēma uvoruomajeje: Paul-mēro Keriso mae uehorovo'ego ēhuro simano rumo'e aribōvie jēvajējo. Rōhu jemēro jemesi jōho ēma uvarujeje: Keriso'o gemuore javuē'ero Corinth rajoho nomē simano mabēhe javuajējo. Aēro apostle nosi jōho ēma uvoruomajeje: Paul-mesi muoho darugo rumo'e hōjo. Rōhu jemēro jemesi jōho ēma uvarujeje: Corinth rajo nosi muoho darugo ma'e hōjo. Jemēro uvarujeje: Nosi ihoho dō mare hōjo. Rōhu apostle nosi ihoho sa'aroje.

<sup>11</sup> Io'o apostle no iēni jovēni vuovavuobe rovdohō jaruvohu'o iae ēhi javue. Niōgu sisēmu io'amarueje. Aēro anagu'o'i arijarueje. Amo ari'e bogojavuē'ero ēma jiiharueje.

<sup>12</sup> Nosi övēro biririvoromo i'u'e muoho vaeromo ioho ē ijarueje. Aehu nosi örire agavuē'iroho no ma-jō maemu mana majēharueje. Aehu nosi örire huē vavaeni bojamuijē'oho no ma-biririvoromo raromaruueje.

<sup>13</sup> Aehu nosi iho ijumoromo jō sisē atē'o ho no ma-u'emu jōe sanu'e mana majēhijarueje. Sa'ae dinō'e dinō'e raromaru aribōvi jabesi nuniroho no sisē javuego musisinō'e bu'ōjavuarue aribōvie javue. Sa'osa'ero ruhijanovē'e aribōvie javue. Nosi ihoho ēhi jiohe rovdohō jaruvohu'o ēhi gemuohoje.

<sup>14</sup> Ējō naehu jajivaje hesi bēhoho bogo jemēro adahoromo javoje bae'irarijigo ēhunioho jajive. A'i naro uve: Jemē nasi aboji harihu'o mae jēvajēromo öroho rōjēhiromo jajive.

<sup>15</sup> Nani Keriso-are mu rōjēhijarue aribōvie marohē'e mae jēve. Rōhu jemesi vavuoho na gemu jēve. Ēhesi bēhoho jemē'o na'o Keriso-are aēro javuē'ero ēhu'ero jemesi vavuoho na jēve rabēni naro aevoromo Keriso-are jō maho majēhijē'ero.

<sup>16</sup> Jemesi vavue jevē'ego ēhuni uēve: Na negajējo naehu mu vaejajēhi jemē'o ēhi ē'irarijigo.

<sup>17</sup> Ēhi nego'ego Timothy jemesi örire nugō'ö'iē'e. Hu nasi huē baejaje harihu maeje. Hu Badare muemu uehorovaje aeje. Ēaho nugō'ö'iramu huro ö'oromo uē'ē'e: Nöröro ēhi jiē'e jōho ejahoromo Iesu Keriso-arire juvoromo hijaje hōjo. O ē jōe gemuoho ekaresiaē aho'obēhe dinō'e dinō'e jioruomajoho rōjēhibe juvaje hōjo. Ēhi jiē'e jōho huro majēhi'iramu jemē rōhu maho uehorovo'aruje.

<sup>18</sup> Rōhu jemē a ioro'iorēro uvarujeje: Nörö nosiriroho bogo rue'a'ajēromo jemēro jemesi ihoho dōro bamorovē'e jēve.

<sup>19</sup> Rōhu God-hu nimē'ohuro iae na ma-burēro ö'ejo. Ö'oromo nasi ga'ejo simano bövi'e aribōvioho diehi jēvo'iramu. Na bogo jabesi jō huhu jōhemu he'i ö'i a'i ö'ejo ga'i jabumē God-are darugoho baejē'e jioruomego o bogo.

<sup>20</sup> Ēhesi bēhoho God-hu böröme namiromo no muebejavuajoho ēho bogo ma-jō ataruoho jio'i a'i darugo'e muohoje.

<sup>21</sup> Rōhu jemē di muoho nimō. Na na ha'ite bö'oromo hisuebijēvo'ejo o huē baejēvoromo jō sanu'e majēhi'ejo.

## 5

### *Masuarue jōgoru ahade a hesi jōhoje.*

<sup>1</sup> Rōhu jemesi jō sisēho na hejē'e jēve. Aēro atoromo uvoruomohijo: Corinth rajo ekaresia jabesirire öehu jiihanovarue muoho jiajējo. Ae gemuero vavu hesi vaboroho vajiohōro baeromo niō'iro gemu mae arijarue hōjo. Ēhi jiē'e muoho sisē bēheje. God-are jō bogo hejē'e aribōvioho jabu bogo ēhi jiē'e muoho vaeruomajeje. A'i jemesi aēro ēhi jiē'e muoho vaejajeje.

<sup>2</sup> Ēhi jēvē'eje rōhu jemēro jemesi ihoho ēma dōro bamorovarueje. Nadi ēhioho ē'ibejarije. A'i huē vavaene böröme baeromo ēhi jiē'e mu vaejaje aho jemesirire jiajoho nugō'ö'ibejarije iae mae jio'ibejo. Rōhu bogo nugō'ö'arijeje.

<sup>3</sup> Nasi sino haho'oho bogo jemē'oho jie. A'i nasi uehoroho aho'o jemesirire jie. Ēhuro na jemē'o jevanove. Jemē'o jevanovoromo hesi sisēho mevoromo nosi Bada Iesuare ihore uvē'e jēve: Hu mu sisē bēhe vaejajēro i'ue bae'a'ajējo.



<sup>4</sup> Ĕhuni jemëro gemuoro gagovorovoromo nasi uehorohu'o nosi Bada Iesuare vöröhu'o jemë'o jiego

<sup>5</sup> ë iaho rori'o nugoromo Satan-are öroro bojamego ehuro hesi sinore jiaje mu sisëho barë'iro ehuro Badare majaho rovego ë ia hesi aru'ahoho bogo sisëroho va'i mae hiröheje.

<sup>6</sup> Röhu jemëhu jemesi mu uehorovoromo iho döre bamorovarujoho ëho sisëje. Ave uhu'e ataruoho jemë'o iae uehorovaruje. I dë huaje oso biseharihoho ehuro ie aho'obëhe rumorovego dë huaje höjo.

<sup>7</sup> Ĕdë huaje oso jemesirire jiajoho bu'öjego ma-i mahemu jëvo'i. Ĕhesi bëhoho ë mu sisë jemesirire jiajoho ahego bogo rumorovo'i a'i barë'iro ehuro jemë i ma va'ëne aribövie jëvo'iröhe. Röhu jemë iae i ma va'ëne aribövie jëve. Rabëni hesi bëhoho naro majëhi'ië'e. God-hu Vörö Tugohade Söröho Israel rajehu ue'ahë'iroho dë huaje oso rumo'e iohemu ue'aharueje. Ue'ahoromo röhu ave muohu'o vaejarueje. God-are jöëni sheep harihoho bijuëmarueje. Röhu Keriso sheep harihu va'ëne anamu guomë'eje ehuro God-ro nosi sisëho uehorovoromo vuonugö'iröhego. God-ro jemesi sisëho uehorovoromo vuonugë'ëro ehuro jemë i ma va'ëne jëve.

<sup>8</sup> Nosi sisëho uehorovoromo vuonugë'ëro jië'ëro ehuni Jew rajehu i dë huaje osoho sisë höromo vuonugoromo evare God-hu Vörö Tugohade Sörö ijaruëhi no ëhi jië'e muoho vaeromo nu huohue mu sisë gö gö vuonugö'i God-hu vörö tugohahuade muoho uehorovoromo maemu raromo'ejo.

<sup>9</sup> Röhu urimë'i naro jöho jajivoromo majëhiromo uëvodeje: Öehu jijihanavarue ariböviohu'o nadi gemuoroho raromo jijihorëjo.

<sup>10</sup> Ĕjö jajivodoho na bogo uëromo ë'odeje: God-are jö bogo hejë'e ariböviohu'oho nadi gemuoroho jijihorëjo. Na bogo uëromo ë'odeje: Ga'irarije God-are jö bogo hejë'e aho önö'e mahunö'e mu vaebe vajiohu'e mu vaebe jijihamu God dejonö bamo'i bövi bise'o nuninö bahibe jijihamu gëvë'iroho ëhi jië'e ariböviohu'oho nadi gemuoroho raromo jijihorëjo. Naehu uëvode jö hesi bëhoho bogo ëhiho jiadeje. Nasi bëhoho ëhi jio'ibejo jemëro ejeho'ibejarije God-are jö bogo hejë'e ariböviohu'oho gë vadë'ibejarije. Ĕhuni God-are jö bogo hejë'e ariböviohu'oho jië'e mu sisë vaejamu jemëhu jabu'o gemu mae raromo jijihë'oho iae maeje.

<sup>11</sup> Röhu jajivode hesi bëhoho aviëhije. He'irarije aëro jemë'o raromoromo uëvamu: No Christian ae javuajë uëvamu hejë'iroho röhu ga'irarije jabumë önö'e mahunö'e jijihamu gëvë'iroho God dejonö bamo'i bövi bise'o nuninö bahijamu gëvë'iroho ae gö jabesi jö sisë atobe jijihamu hejë'iroho jovo ue'ahoromo simano sisërëbe bövi bise'o juuohoniëhibe jijihamu gëvë'iroho ëhi jië'e ariböviohu'oho nadi gemuoroho ioho ue'ahore o raboho raboho ë'ore.

<sup>12</sup> Naro rabëni God-are jö bogo hejarue aribövi jabesi muoho garomo mevojöro. Ĕho bogo nasi muehuje. A'i Christian agano jabesi muoho ëho garomo mevore.

<sup>13</sup> God-are jö bogo hejarue aribövi jabesi muoho hesi God-ro sivue garomo mevo'ë'e. No bogo mevarueje. A'i God-are jö hejarue aribövi jabesi mu jemëhu garomo mevo'irarije jöho God-are surire jajivoromo uvë'eje: A sisë jemesirire jiajoho nugö'öregö va'irajo. Ĕhi uvë'e jiaje ë a sisëho nugö'öregö va'iro.

## 6

*Corinth ekaresiaehu Christian agano bogo court-re sö va'ego God-are jö bogo hejë'e ariböviohu' mevoröhe jöhoje.*

<sup>1</sup> Röhu aviëhi jië'e muoho jemë rabëni biriri'övoromo ë'arujeje. Ja'o Christian a göhu'o jemë niö'i jö sisë jëvë'oho jemë God-are jö bogo hejë'e aribövi jabesi nunire va'o riravororomo jemesi jö sisëho majëhijarujeje jaburo mevëhojöro. Bogo ëhiho ë'i a'i God-are aribövi jabesi nunire riravororomo jöho ato'ibejarije iae mae jio'ibejo.

<sup>2</sup> Jemë diehi'oromo bogo uehorovoromo uvö: God-are majaho rue'iramu God-are ariböviohu'oho noro sa'ae aho'obëhe jabesi muoho garomo mevo'ëjarëjo. Ĕhi uvo'ibejarije iae mae jio'ibejo. Röhu jemë majae ijönö mu böröme vaeromo ae aho'obëhe jabesi muoho garomo mevo'ie'ëro jëvë'ëro ehü'ëro avevejö'e jö bise'o bise'o mevë'oho jemë iae eni jëve.

<sup>3</sup> Jemë'o iae gavaruje Keriso-are ariböviohu'oho no majae ijönö anera gëromo jabesi mu masijo mevëho hesi jëvajoho. Iae ehuni uvore: Ave sa'are mu ininoho garomo mevë'oho iae no eni javuajëjo.

<sup>4</sup> Ave sa'a hesi jö inino mevo'irarijoho jëvë'oho jemë diehi'oromo ë jöho bava'oromo God-are jö bogo hejarue aribövi jabesi nuniroho riravororomo majëhijarujeje mevëhoröhego. Jabesi ihohe Keriso-are ekaresia jemesiriroho bogojië'e jiaje jemesi jö sisëho jabisiriroho nadi bava'ore.

<sup>5</sup> Jemesi arijo'arije javojimorovohe. Christian agano jemesi jöehu umogihegu mevo'irarijoho na jemesiriroho simano ma'e aho bogojië'ego ëhuni dirö'e göro va'oromo jemesi jöho majëhijarujeje God-are jö bogo hejë'e ariböviohuro mevëhoröhego. Röhu simano ma'e aribövioho jemesirire iae jio'ame.

<sup>6</sup> Röhu Christian agane göëro göho dirö'e göro bava'oromo jemesi jöho majëhijarujeje God-are jö bogo hejë'e ariböviohuro mevëho'iröhego.

<sup>7</sup> Röhu jemë göëro göhu'o iro muorovo'e vaeromo court-re va'arujoho ëhuro jemesi Christian muoho mam'i'e bejë'eje. Jemë court-roho bogo va'i uvo'ibejarije: Sisë vaejevadoho o vajiohehu baejhadoho iae hesi hõ uvo'ibejarije iae mae jio'ibejo.

<sup>8</sup> Röhu jemë bogo ëhioho uvo'i jemëro ri'öromo göëro gö hesi örire sisë vaejarujeje. O vajiohëro baejharujeje. Bogo God-are jö bogo hejë'e a jabesi örire gemu ë mu sisëho vae'i a'i jemesi Christian aganoho jabu'o ëhi'ëvarujeje.

<sup>9</sup> Jemë iae gavarujeje sisë aribövie God-are aji'e öri ari'ere bogo va'o hesi jioruomajoho. Nadi saramimovore. Önö'e jijiharue aribövioho God-are öri ari'eroho bogo va'ë'ö. God dejonö bamo'i bövi bise'o nuninö bahijarue aribövioho bogo va'ë'ö. Goho'amarue aribövioho mu gö gö barueromo a'o a'o sihorovarue aribövioho bogo va'ë'ö.

<sup>10</sup> Vajiohu ë'arue aribövioho mahunö'e ë'arue aribövioho jovo iromomo simano sisërejearue aribövioho ae gö jabesi jö sisë atarue aribövioho bövi bise'o ae gö ujuohoniëhijarue aribövioho ëhi jië'e aribövioho God-are öri ari'eroho bogo va'ë'ö.

<sup>11</sup> Urimoho jemë a ioro'ioroho ëhi jië'e sisë aribövie jëvadeje. Jaruvoho jemesi sisëho u'ovëhë'eje. Jemë God-are aribövie jëve. Jemë God-are nunire mae riravaruje. Èhesi bëhoho God-ro Bada Iesu Keriso-are ihore hesi Aru'ahoho nugö'öjamu jemëni rueromomo dë vövöbajo'oho avohëhë'ëro ëhu'ëro mae jëve. Èhuni mu sisëho vuonugol'i ma-raromore.

*Sino haho'ehu mu maemu vaejege God-are iho dö mare jioröhe jöhoje.*

<sup>12</sup> Jemë ae göëro uvarujeje: Noehu mue aho'obëhe vaejë'oho iae mae hõjo. Èhi uvarujeje. Iae ëhi jie röhu mu ioro'ioro vaejë'oho bogo ëhuro marëjavu'o'ë'e. Nani noehu mue aho'obëhe vaejë'oho iae maeje röhu mu göehu göehu ruahö'öjevo'iröhoho na bijönego'ego ëhuni ëhi jië'e muoho na bogo vae'ëjo.

<sup>13</sup> Röhu jemëro uvarujeje: I hesi bëhoho dëre abuejajëjo. Dë hesi bëhoho ioho baejajëjo. Iae ëhi jie röhu God-ro uvo'iramu iohu'o dëhu'o barë'ë'e. Dë hesi bëhoho ioho baeje röhu nadi uvore: Nosi sino haho'o hesi bëhoho öëro ë'anovajëjo. A'i uvore: Nosi sino haho'o hesi bëhoho Badare örire bojamijaruëjo. O Badare bëhoho nosi sino haho'oho muebejajëjo.

<sup>14</sup> Iohu'o dëhu'o barë'ë'e. Röhu Bada guomoromo bogo barë'i God-ro daruge bojamamu ri'öjajëje. Ri'öjë'ëro no'o ëhi daruge bojamu'iramu vuovoromo ri'öjavu'o'ë'e. Èhuni nosi sino haho'oho ma-Badaremujë.

<sup>15</sup> Jemë'o uehorovore. Jemesi sino haho'oho Keriso-are övo duruajö'e jëve. Èhi jië'oho na no öëro jijihanovoromo Keriso-are övo duruajö'oho baeromo ö va'ëne magonaho sisëhu'o gemuoroho havoromo momorö'ö'ëjo. Bogo mae bogo ëhioho ë'ëjo.

<sup>16</sup> Ae rahu magonaho sisëhu'o gemuore havoromo momorö'öj'öhuro ëhuro sine dë vövöbajö'e gemuoho javu'o'ë'e. Èhuremu uehorovore. Èjöho God-are surire ëhi gemuoho jajivoromo uvë'eje: Jabumë niö'i jëvadoho röhu gemu jio'a'ajëjo.

<sup>17</sup> Jabumë gemu jiajeje röhu Bada'o bimumvë'öhuro ëhuro Iesu'o no'o Aru'ahe gemuoho javue. Èhuni magonaho sisëhu'o bogo gemuoroho momorö'ö'ëjo.

<sup>18</sup> Önö'e muoho gorore. Mu sisë ioro'iorohuro ëhuro sinoho dë vövöbajö'oho bogo sisë vaerovo'i a'i öehu jijihanovë'öhuro ëhuro sinoho dë vövöbajö'oho sisë vaerovarujeje.

<sup>19</sup> Ave jöhu'o avo'avoho uehorovore. Jemesi sinoho dë vövöbajö'oho God-are Aru'aho hesi osa maño jëvanove. Èhesi bëhoho God-are Aru'ahohuro God-are örire jioromomo jemesi sinore dë vövöbajö'ere rovë'ëro jemesi uhure ë hijajeje. Jemesi sinoho dë vövöbajö'oho aho'obëhe bogo jemesirehu jio'i God-areje.

<sup>20</sup> God-ro jemë bogo ëma baejëvo'i a'i hesi Harihoho nugö'öromomo huë vavaene sisë maro baejë'ëro ëhu'ëro jemë hesi baejëvadeje. Èhuni jemesi sino haho'oho mu maemu vaerego hesi ihoho dö maro jio'iro.

## 7

*Masvarue mu hesi jöhoje.*

<sup>1</sup> Röhu jemëhu jajivoromo ue gevarije jöho na majëhi'irögoro ë'e. Aehu magonaho bogo masuvë'oho iae maeje.

<sup>2</sup> Röhu ae aho'obêhe önö'e jijiharue jiaje êhuni ae gemu gemu magonahe masure o magonahe gemu gemu ae masure.

<sup>3</sup> Baruaharo jasi vaborehu ja'o niavo'i uavê'oho ejahone. O vaboroharo jasi baruehu ja'o niavo'i uavê'oho ejahone.

<sup>4</sup> Êhesi bêhoho vaboroho jasi sino haho'oho bogo jasirehu jio'i jasi baru hesije. O baruoho jasi sino haho'oho bogo jasirehu jio'i jasi vaboro hesije.

<sup>5</sup> Êhuni vaboroharo nadi baruoho juahami'i baruaharo nadi vaboroho juahami'i majahorovore. Röhu nani jemê gemu mae jöe jörovoromo uarovo'aruje: Ê'ego no gemuore niavarue muoho majae ma-bisemu vuonugo'i God-are örire jöe jövojuvo va'o majae eni jiego vuonugo'irarêjo. Êhi jiê'oho iae maeje. Röhu êhi ê'ê'oho God-are örire jö jövo'irarije majaho barêjogo ijönö röhu maho sionëro gemuoro niavore. Bogo êhi ê'ê'oho nani jemëro bogo avo'avoho biririvo'iramu Satan-ro bijêho gê'ê'e.

<sup>6</sup> Röhu jemêhu masurovo'irarije jö jajivajoho na bogo uëromo ê'e: Jemêhu bogo masurovê'oho sisê hö uê'i a'i na uëromo ê'e: Jemê nêgê'oho êhi'orêjo.

<sup>7</sup> Röhu naehu vaboro bogo masuvê'e ma-hijajêhi ae magonahe aho'obêhe êhi jêvo'ibejo êhuro Paul na mae jevo'ibejo. Röhu bogo êhioho jio'ê'e. A'i ae magonahe gö gö diehi jiê'e mu vaeröhe suvuoroho mami'e God-ro bojamuibe rovê'eje. Ae göëro suvuore gö ae göëro suvuore gö êhi baebe rovê'e javue. Êhi jiê'ëro ae magonahe gö gö masurovo'i göëro bogo masurovo'amê'eje.

<sup>8</sup> Röhu magonaho doruohu'o bogo masuvê'e aribövi ioro'iorohu'o ave jöho na jemesi örire majêhi'iê'e. Naehu ê'ajêhi jemê vabore o barue bogo masuvê'oho iae maeje.

<sup>9</sup> Röhu biririvoromo avoho taemo raromo'irarijoho bogo eni jêvamu masurovo'amê'oho iae maeje. Êhesi bêhoho jemesi dê vövöbajo'ere simanore uehoro gö gö baejê'oho êho sisêje. Êhuni masurovo'amore.

<sup>10</sup> Röhu masurovê'e aribövioho jemê na ave jöho bojêmi'iê'e. Bogo naehu uehorovoromo majêhi'i a'i Badaro bojamuijê'e jio'ego na majêhi'iê'e. Vaboroharo baruoho nadi nugö'öromo va'o rori'oho hine.

<sup>11</sup> O nugö'öromo va'o rori'oho hijê'oho nadi ae göho masu'i ma-hine. O vuonorö'ö rueromo jasi baruohumu huê baerovoromo avoho arire. Röhu baruoharo ja'o vaboroho nadi nugö'öne.

*Vaboro'o baru'o göehu Keriso mae uehorovo'i göehu bogo ma uehorovê'oho êhuro êhi ê'iröhe jöhoje.*

<sup>12</sup> Röhu a ioro'ioro jemesi örire ave jöho majêhi'iê'e. Bogo Badaro ave jöho jövo'i a'i naro nasi uehorovoromo jajive. Baruaharo ja bogo Keriso uehorovanevare jaehu Keriso bogo ma uehorovaje magonaho masuromo hiromo evare ijönö Keriso mae uehorovo'i jasi vaborehu bogo ma uehorovoromo ja uavê'oho: Iae na ja'o hinövo'ejö uavê'oho nadi nugö'öne.

<sup>13</sup> O vaboroharo Keriso bogo uehorovanevare jaehu Keriso bogo ma uehorovaje a masuromo hiromo evare ijönö Keriso mae uehorovo'i jasi baruehu bogo ma uehorovoromo uavê'oho: Iae na ja'o hinövo'ejö uavê'oho nadi nugö'öne.

<sup>14</sup> Êhesi bêhoho Keriso bogo uehorovaje aho Christian vaborohu'o niö'iro gemuoro arijê'ëro êhuro iae hu God-are aeje. O Keriso bogo uehorovaje magonahoho Christian baruohu'o niö'iro gemuoro arijê'ëro êhuro iae hu God-are magonaheje. Bogo êhioho jio'ibejo jemesi aboji harihu'oho God rumo'e aboji harihu'e jioruomo'ibejo. Röhu bogo êhioho jio'i jabumê iae God-are aribövie jioruome.

<sup>15</sup> Röhu ga'irane Keriso bogo ma uehorovaje jasi baruëro o jasi vaborëro ramö'öromo va'o rori'oho hi'ia'amu gavê'oho nadi uehorovoromo uvore: No mami'e mae masurovê'ego hu va'ê'oho God-ro bijönimo'ajëromo nijio'irae'i ma-uane: Va'i nagego va'êjo. O nijio'iraeromo gemuore arijê'oho huê vavaene baejê'e ari'a'aruje. Röhu God bogo êhioho nimo'i a'i uêvadeje jemê hesi aribövie jioromo huê baerovoromo gemuoro raromo'irarijogo.

<sup>16</sup> Röhu Christian vaboroho ja bogo gavanue. Nani jero baruoho ajami'iramu hu Keriso mae uehorovoromo bogo sisëroho va'i Keriso'o maro hi'ê'e. O Christian baruoho ja bogo gavanue. Nani jero vaboroho ajami'iramu hu Keriso mae uehorovoromo bogo sisëroho va'i Keriso'o maro hi'ê'e.

*God-hu ae gemu gemu mu bojêmibe va'lego mu vaeröhe jöhoje.*

<sup>17</sup> Röhu Badahu ae gemu gemu mevoromo mure bamobe rovade muoho o jemêhu mu diehi vaebe rovamu evare God-hu hesinö rinêgadoho êhi jiê'e muohemu vaere. Naro ekaresiaa aho'obêhe ê jögore gemuohemu bojêmibe va'ajeje.

<sup>18</sup> Ae gō urimē'i Jew rajehu ē'aruēhi hesi sino tarijahamu hu hijuvo rōhu God-hu hesinō rinovē'oho nadi sino tarijare muoho mu'ure. O ae gō Jew rajehu ē'aruēhioho hesi ōriroho bogo ēhioho ē'amu hu hijamu rōhu God-hu hesinō rinovē'oho nadi uarego Jew rajo jabesi muoho vaeromo hesi sinoho tarijaho'iro.

<sup>19</sup> Jew rajehu ē'aruēhi jemesi sino tarivēhē'oho o bogo tarivēhē'oho iae hesije. A'i God-are jōe gō gō ejahē'oho ēho bōrōmohoje.

<sup>20</sup> Rōhu ae gemu gemu jemēhu diehi jiē'e mu vaebe rovamu evare God-hu hesinō rinēgadoho ēhi jiē'e muoho vaenōvore.

<sup>21</sup> Nani ja a bōrōmo hesi darugore javē'ēro hesi muohuremu vaejahē'iro evare God-ro ja hesinō rinagadeje. Nadi ēhunioho nurunurumo'i ē muohuremu vaenōvone. Rōhu jaehu ē a hesi darugore hijanuoho vuonugo'i va'oromo jasi nimanue mu ōri birohē'ohuro va'ō ē muoho vaene.

<sup>22</sup> Rōhu jaehu ae gō hesi darugoremu hiromo bogo nurunurumo'irane ē hesi bēhoho a bōrōmo gō hesi muohuremu vaejahamu evare Badahu hesinō rinagē'oho ja dōho jasi bōrōmo hesi darugoremu hi'i jasi uhoho jasi nimoromo Badare mu vaejanue ae jave. O ja jasi nimanue muohemu vaejamu evare Badahu hesinō rinagē'oho ja Keriso-are darugoremu hiromo hesi muohemu vaejanue ae jave.

<sup>23</sup> God-ro jemē bogo ēma baejēvo'i a'i hesi Harihoho nugō'ōromo huē vavaene sisē maro baejē'ēro ēhu'ēro jemē hesi baejēvadeje. Ēhuni nadi ae gō jabesi darugoremuoho raromoromo ma-muemu vae'i uehorovo'i a'i God-are muoho uehorovore.

<sup>24</sup> Nasi ō mueno'e ja ae gemu gemu diehi jiē'e mu vaebe rovamu God-hu hesinō rinagadoho ē aho jero God-are nunoro juvoromo ēhi jiē'e muohuremu vaenōvone.

*Bogo masurovē'e o ma-doru raromarue aribōvi jabesi jōhoje.*

<sup>25</sup> Rōhu bogo masurovē'e aribōvioho jemesi jōho na majēhi'iē'e. Ave jōho bogo Badaro uōvuē'ēro majēhi'i a'i naehu uehorovaje jōho majēhi'iē'e. Iae naehu uehorovaje jōho na majēhi'iē'e rōhu Badaro huē vavaene baeromo uehoroho bojemijē'ēro ēhu'ēro nasi jōho heromo uvo'a'aruje: Iae jō mae hōjo.

<sup>26</sup> Na uehorovoromo uve: Jaruvoho huē vavaeni majaho nosi ōrire rovē'ego ēhuni aehu raromaruēhi ēhi raromē'oho ēho iae maho hōjo.

<sup>27</sup> Ēhesi bēhoho nani jemē vabore masuvē'e raromarujeje. Ēhi jiē'oho nadi nugō'ō'i uehorovore. O nani jemē bogo masuvē'e ma-raromarujeje. Ēhi jiē'oho vaboroho nadi nahore.

<sup>28</sup> Rōhu a juvijehu o magonaho aboridehu masuvē'oho bogo sisē'ioho ē'arujeje. Rōhu masuvē'ohuro ēhuro nurunurue uehore gō gō bae'a'aruje. Rōhu na bijōnege ēhi jiē'e huē vavaenehu jemesi ōrire ruerōhoho. Ēhuni uēve: Vaboroho nadi nahorējo.

<sup>29</sup> Nasi ō mueno'e nasi bēhoho ēhije. God-ro majae ma-bunemu bamē'eje hesi majaho ruerōhego. Ēhi jiē'e jiaje ave majare aevoromo raromobe va'ē'iroho masuvē'e aribōvioharo masuvarije muoho barē'iē'e jiaje nadi masuvarije muohemuoho uehorovo'i God-are muohu'o uehorovore.

<sup>30</sup> O huē vavaeni baejē'e aribōvioharo ave sa'a hesi huē vavaeni muoho barē'iē'e jiaje nadi huē vavaeni baejarujoho ēhemuoho uehorovo'i God-are muohu'o uehorovore. O nimorohē'e aribōvioharo ave sa'a hesi nimorohē'e muoho barē'iē'e jiaje nadi nimoroharujoho ēhemuoho uehorovo'i God-are muohu'o uehorovore. O inōme rabe rabe imo'amaruje aribōvioharo inōme bōvie bise'e barē'iē'e jiaje uvore: Noehu imaroho bogo nosirehu jio'i hesi God-are hōjo.

<sup>31</sup> Ave sa'are bōvie bise'e jiego gavaruoho barē'iē'e jiaje ēhuni ave sa'a hesi mue bōvie bise'e vaejē'iroho nadi ēhuremuoho uehorovoromo vae'i God uehorovē'i muoho vaere.

<sup>32</sup> Rōhu na nege jemē bogo ave sa'a hesi muohuni uehorovoromo nurunurumo'irarijego. Bogo masuvē'e aribōviohuro Badare muohemu uehorovarueje ēhuro Bada dē mae jiorōhego.

<sup>33</sup> A'iro vaboro masuvē'e aribōviohuro ave sa'a hesi muoho bōrōme uehorovarueje ēhuro jabesi vaboroho dē mae jioruomorōhego.

<sup>34</sup> Ēhu'ēro Badare muohu'o ave sa'a hesi muohu'o gemuoro havoromo vaejego anoji'e jiajeje. Rōhu magonaho aboridohu'o bogo masuvē'e magonaho ioro'iorohu'o jaburo Badare muohemu uehorovarueje jabesi sino haho'ohu'o aru'ahohu'o God-are ōrire gemu bojamirovorōhēro. A'i baru masuvē'e magonahohuro ave sa'a hesi muoho uehorovarueje jabesi baruoho dē mae jioruomorōhego.

<sup>35</sup> Na jō majēhijaje hesi bēhoho ēho bogo jemēhu masurovo'irarije ōroho tugohēho'i a'i jemē ajēmijego mae jēvorōhego majēhije. Avo'avoho raromoromo Badare muohuremu uehorovo'irarijego ēhuni vabore o barue bogo naho'irarije jōho majēhije.

<sup>36</sup> Röhu a juvijo'o magonaho aborido'o aemo'aemo'o jëvoromo röhu uvë'o'ho: No bogo masurovo'ejareë uvoromo ëhi uehorovobe va'ojuvo röhu aehu magonaho masu'iro nimo avohoromo ëhuni uvë'o'ho: Naro nasi magonaho hesi öriroho muoho bogo maho vaegoro masu'ië'ajë uvoromo masuvë'o'ho iae maeje. Hesi nimoromo masurovoromo gemuore ari'ë'ö. Ehi jië'o'ho bogo sisëhu jio'i maeje.

<sup>37</sup> O aehu biririvoromo hesi dë vövöbajo'ere mae uehorovoromo uvë'o'ho: Eëmagonahohu'o na'o no aemo'aemëro javuë'ëro bogo masurovo'i ma-aemo'aeme vaejë'ëro bogo niavo'i ma-aribe jireho'ejareë uvoromo hesi dë vövöbajo'ere nimajoho bogo uehorovo'i hesi nimajoho taemorovoromo bogo masuvë'o'ho hu mae ë'ajeje mami'e biririvoromo uehorovë'ëro jië'ëro.

<sup>38</sup> Ehu'ëro jië'ëro aehu hesi aemo'aemo masuvë'o'ho iae maeje. O bogo masuvë'o'ho ëho ma-mabëheje.

<sup>39</sup> Röhu masuvë'e magonahoho baru hijë'iroho baru'o gemu mae hi'ë'e. God-are jöho ëhije. O baru guomë'iroho magonahohuro di a nimë'o'ho ëho bae'ë'e. Röhu Bada mae uehorovaje ahuremu masu'ë'e ae gö bogo.

<sup>40</sup> Röhu hu baru bogo bae'i ma-doru hijë'o'ho iae hu huë mabëhe hi'ë'e. O baru i'o baejë'o'ho ma-bisemu bogo ëhioho huë maho hi'ë'e. Nasi uehoroho ëhije. Röhu nasi uehoroho bogo sisëhuje. Ehesi bëhoho naro uvajeje: God-are Aru'ahohuro bogo ae gö jabesi simanoho gemu huotovë'ho'i Paul nasi simanohu'o huotovehego ehuro na uehoro mae baeromo jajivaje höjo.

## 8

*Aehu inömo sisëni bahijare mi hesi vitu Christian ariböviehu i'iröhe o bogo i'iröhe jö Corinth ariböviehu ua gavamu Paul-hu mana jajivade jöhoje.*

<sup>1</sup> Röhu jö göho na jajivo'ië'e. Övehu avohoromo uvene aho röjahijarie inömhuni mie anoromo aho'o bamëhoruomajeje sisëhuro baeröhego. Sisëni bamëhë'e mi vituoho na jemë ma-dajumo ue'ahore o uvore: Aru'aho sisëni bahijähë'ego juahovo'ejarejo. Eëmioho i'irarije o juahovo'irarije di muoho mae jiajoho ëho no uehorovo'ejo. Jemëhu ë'arujëhi aehu uvë'o'ho: Aru'aho mue bövie bise'e eni ga barëjë'e jevajë uvë'o'ho ehuro hesi ihohehu döro bamorovajeje. O aehu ae gö jabesi örire uehorovëvë'o'ho ehuro hu ekaresia muoho nigemajeje.

<sup>2</sup> Ja uvë'o'ho: Na mue eni ga barëjë'e jevajë uvë'iroho ma-döhemu ga'i bogo avoho gavanueje.

<sup>3</sup> O jaeuho God uehorovë'o'ho huro ja mae gavajeje.

<sup>4</sup> Röhu naehu urimo uëvode jöho inömo sisë hesi mi i'irarije o juahovo'irarije jöho na majëhi'ië'e. Iae no garomo uvarueje: Ehi jië'e inömo ho bëhi rumo'e höjo. God gemu jio'i gö bogohöjo.

<sup>5</sup> Iae God-are jö bogo hejë'e ariböviohuro sarerivoromo uvoruomajeje: Ö'idöre jio sa'are jië'e aribövi noehu bogo gëvaruoho uvene aho röjëhi'iröhoho höjo. Iae ëhi jë. Aëro uvarueje: God gö gö aho'obëhe no bogo gavarue darugo'e a masijoho aho'obëhe jio'amajëjo.

<sup>6</sup> Röhu Christian aribövioho no bogo ëhioho uehorovo'i God gemu Vavuoho mae uehorovarueje. Huro sa'ae bövie bise'e bamavuë'ëro noro hesi jöhemu uehorovoromo raromo jijiharueje. O Darugo'e A Böröme gemu Iesu Keriso mae uehorovarueje. God-ro uavamu Kerisoro bövie bise'e bamavuadeje. Bamavuoromo ajamuamu no vuovo öroho vuonugoi'i darugoho baejë'ëro mae rarumarueje.

<sup>7</sup> Iae no garomo uvarueje: God gemu A Böröme Keriso gemu ëhi jëvajëjo. Röhu Keriso-are aribövi ioro'ioroho bogo ëhioho gavarueje. A'i urimë'i God-are jö bogo hejare majare uvonövareje: Inöme gö aru'aho'e höromo ëho rajëhinövareje. Majae ëgobövie ëhi ë'obe rovë'ëro ehul'ëro jabumë inömëni bamëhare mi vitu i'ië'iroho uvoruomajeje: Eëmioho iae aru'aho sisë hesi mi höjo. Ehi uvoromo ëma ijë'ohuro ehuro herovoromo uvarueje: Nani no sisë ijaruëromo juhuonivarueje mu öroho bogo avo'avoho gavë'ëro.

<sup>8</sup> Jabumë uvarueje: No sisë ijaruëromo juhuonivarueje röhu i ijë'o'ho bogo ehuro God-are bëhiroho va'ejo. I juahovë'o'ho God-are nuniroho bogo sisëho javuo'ë'e. O ijë'o'ho God-are nuniroho bogo maho javuo'ë'e.

<sup>9</sup> Jemë i ijë'o'ho o juahovë'o'ho God-ro uvajeje: Eho jemesi mue höjo. Röhu gavë'i ë mioho ue'ahore. Nani bogo avoho biririvë'e Christian aribövioho jaburo jemë gëromo sisëro rireromo'ë'ö.

<sup>10</sup> Ehesi bëhoho ja iae garomo uvaneje: I ijë'o'ho o juahovë'o'ho hesi höjo. Röhu ë jöho Keriso-are ae göëro bogo avoho uehorovë'ëro jië'ëro juhuonivoromo uvö'ë'e: Sisë

ariböviohuni bahijare mioho naehu ijë'oho sisë höjo. Nani ë ahuro garöhe jero inömo sisë rajëhijarue osare hiro mo ie i'iramu gagorovo uvo'ë'e: Èaru'aho sisë hesi mi vitu aehu ijë'oho ëho God bijönimajë uvoromo röhu ja gavë'i hu'o ëma i'ë'e.

<sup>11</sup> I'iramu ë biriri rumo'e a hesi aru'ahoho sisërë'ë'e. Jasi öhuni Kerisoro uehorovoromo guomadeje. Röhu jero uvaneje: Mi hesi öroho na ga barëj'ë'e javajëromo ë a hesi nunire mioho ijamu huro ja gavë'i iromo sisërëjadeje.

<sup>12</sup> Èhi jië'e mu vaejë'oho jemëro jemesi Christian agano jabesi dë vövöbajo'oho biriri rumo'ëro jië'ëro ijumëhoromo jabesi örire sisë vaejëvarujohuro ëhuro Keriso'o sisë vae'a'aruje.

<sup>13</sup> Èhi jië'ego naehu mi ijamu nasi aganehu geromo nasi döre rueromo sisërërovo'ia'amu gavë'oho naro mi ijajoho ioro'ioere gemu vuonugo'ejo nasi aganoho sisërëjöëni.

## 9

*Paul-hu bogo apostle javajë uvoromo bövi bise'o maho hesi nijio'irae'i a'i a gö jabesi jöëni uehorovoromo vuonugonövade jöhoje.*

<sup>1</sup> Jemë'o uehorovore Paul na bogo a jabesi darugoremuoho hi'i nasi nimoromo hijajeje. Na apostle ae jeve. Na nosi Bada Iesu nunëro gavë'e jeve. Naehu Badare mu vaejodohuro iae ëhuro jemë hesi aribövie jëve.

<sup>2</sup> Èhuni ame göehu göehu na bijönegoromo uvë'oho: Nörö bogo apostle-hu hö uvë'oho hesije röhu jemë bogo ëhioho uvo'i uvo'a'aruje: Paul iae apostle höjo hesi örire noro Keriso-are muoho baejë'ëro.

<sup>3</sup> Röhu naehu vaejaje mu aehu garomo uevë'oho: Paul ja rabëni ëhi jië'e muoho vaejanue hö uevë'oho na ave jöho mana majëhijajeje.

<sup>4</sup> No God-are jö majëhiromo ie jove mana i'ibejo na mae o sisë jio'ibejo. Iae mae jio'ibejo.

<sup>5</sup> O Peter'o apostle ioro'iorohu'o Bada Iesuare ö ömo'ömo'hu'o ë'aruëhi no'o vabore masuromo sö ujuoho jireho'ibejo na mae o sisë jio'ibejo. Iae mae jio'ibejo.

<sup>6</sup> O nani jemëro ëma uvarujeje: Nosi ekaresia ajamuijarue a ioro'iorohuro God-are muoho vaeromo ekaresia no ajamuiromo ë muohuremu vae'iramu no mana bojëmiejarejo. Röhu Paul'o Barnabas'o jabumëremu bogo ëhioho mana bae'i God-are muoho vaeromo no ajamuiromo jabesi övëro mue gö ionire vaeromo manaho baenövo'arujejo.

<sup>7</sup> Jemë nani ëhi uehorovarue röhu muorovo aribövioho na jabumë jabesi övëro mu gö ionire vaeromo mana baeromo ioho ue'aharueje. Bogo. Jabumë muorovo muohemu vaeromo baejarueje. O iruno'e ba'amo bivo'e vaejarue aribövioho na jabumë ë iruno'oho ue'aharueje o bogo. Iae ue'aharueje. O mi muebejarue aribövioho na jabumë ë mi hesi amo rihuoho ue'aharueje o bogo. Iae ue'aharueje.

<sup>8</sup> Aehu mu vaeromo mana baejarue jöho jajivë'e jeve jemëro heromo uvo'irarijejo: God-are ekaresia muebejavuoromo mana baejë'oho iae mae höjo. Röhu God-are jöho ëhi gemuoho jajivë'eje.

<sup>9</sup> Moses-hu jajivade jögoru surire ëhi uvë'eje: Jasi mu vaejahaje miehu jasi mu vaejahoromo i hörehu sa'ijovobe juvë'oho hesi jö'oho nadi tugohahego hu juvoromo hesi manaho baeromo huhu hörehu sa'ijovaje i vitu vituoho ibe juvo'irajo. Èhi jië'oho miohuo ëho hesi manae bae'a'ajëjo. God-are jöho ëhije. Röhu God bogo miohemuoho uehorovoromo ë jöho bojamui'i

<sup>10</sup> a'i nosi jöho uehorovoromo bojamuadeje. Èhesi bëhoho iruno'o mu muebejë'iroho sa'a ato'atovarue ariböviohu'o i sa'ijovarue ariböviohu'o jabesi muoho vaejë'i uehorovoromo uvoruomajeje: No i mu vaejaruohuni ëhuni u'emu ë ioho ue'aho'ejarejo. Èhi uvë'oho iae maeje.

<sup>11</sup> Röhu no iruno'o bivarue aribövioho va'ëne javue. Noro God-are jöho jemesi örire majëhijë'e javue ëhuro God-are jö majëhijaroho muro iruno'e bivanovë'e javue. No ëhi jië'e aru'aho muoho jemëni vaejëhë'ëro ëhuni ave sa'a hesi inöme ie rune mana baejë'oho bogo sisëhu jio'i maeje.

<sup>12</sup> Jemesi ekaresia muebejëvarue a ioro'ioerehu jemesi örire mana bae'i uehorovë'oho maeje jabumëro jemë bise mu ajëmijë'ego. Röhu no jemë höröme ajëmijë'e javuë'ëro ëhuni no biririvoromo uvo'ejo: No mana baejë'oho iae mae höjo.

Röhu nosi nimoromo manaho bogo bae'i a'i no biririvoromo huë vavaene bövie bise'e baejë'e javue aëro uvojöëni: Paul-mëro nosi monioho bae'i nimoromo ekaresiaho muebejavuaje höromo Keriso-are jö maho bogo eruomöjöëni.

<sup>13</sup> Jew rajehu God-are amo börömo hesi mu vaejë'oho God-are amore bahijare ioho jabesi manaego ujuohoromo ue'aharueje. O God-are maratuore mi bamoromo vënehu bue'öjarue ariböviohuro ë mi vituoho jabesi manaego ue'aharueje. Ëho na jemë uehorovö o bogo.

<sup>14</sup> O Keriso-are mu vaejarue aribövioho ëhi gemuoho ë'arueje. Badaro uövü'eje hesi jö majëhijarue aribövioho noro mana baeromo raromo jijihonövoröhego.

<sup>15</sup> Ëhi uövü'eje röhu na manaho bogo baejë'e jeve. O naehu avevejö'e jajivaje jö hesi bëhoho bogo ëhuro jemëro bojemi'irarijigo. Naehu guomë'oho iae hesije. A'i naehu Keriso-are jö ma majëhiromo ëhuni mana baejë'oho ëho bogo maehuje. Na bijönege ae göëro mana bojemiromo ëhuro naehu nimorohë'i jövaje jö hesi bëhoho tugoho'iröhoho.

<sup>16</sup> Naehu Keriso-are jö ma a majëhijë'oho nimorohë'i jövo'irode bëhoho bogoje God-ro ë muoho bojemijë'ego. Hesi jö bogo majëhijë'oho na i'ue bae'ejo.

<sup>17</sup> Naehu nasi nimoromo Keriso-are jö majëhijë'oho suvuore mana baejajeje. A'i na bogo negë'e Keriso-are jö ëma majëhijë'oho God-hu bojemade muoho ma-vaejajeje.

<sup>18</sup> Röhu naehu baejaje suvuoroho rabeje. Keriso-are jö majëhijë'oho na ave sa'a hesi mana baejë'oho maeje. Röhu ëho bogo uehorovoromo manaho bogo baejë'e hesi jö ëma majëhijajoho ëhuro dë vuëvavejaje. Ëho nasi suvuoreje.

<sup>19</sup> Na bogo ae gö jabesi darugoremuoho hiromo jabesi muohemu vaejëhaje aehu jevo'i a'i naro nasi mueberovoromo nasi nimoro muoho vaebe juvajeje. Röhu na bogo nasi nimaje muoho vae'i a'i ae aho'obëhe jabuhu diehi namaruoho ëho vaejajeje ëhuro ae aho'obëhe baejëvoromo Keriso-arire rëmo'irodëro.

<sup>20</sup> Jew rajo jabu'o gemuore hiromo God-are jö majëhijë'iroho Jew rajehu raromaruëhi na'o ëhi hibe juvajeje ëhuro Jew rajoho baejëvoromo Keriso-arire rëmo'irodëro. O Moses-are jögoruremu raromaruë ariböviohu'o hiromo God-are jö majëhijë'oho jabuhu Moses-are jö ejaharuëhi na'o ëhi ejahajeje ëhuro Moses-are jögoruremu raromaruë aribövioho baejëvoromo Keriso-arire rëmo'irodëro. Moses-are jögoroho iae na ejahajeje röhu bogo hesi jögoruremuoho hijajeje.

<sup>21</sup> O Jew rajo jögoru bogo hejë'e ariböviohu'o hiromo God-are jö majëhijë'iroho jabuhu Jew rajo jögoru bogo ejaharuëhi na'o ëhi ë'ajeje ëhuro Jew rajo jögoru bogo hejë'e aribövioho baejëvoromo Keriso-arire rëmo'irodëro. Iae na Jew rajo jögoroho bogo ejahajeje röhu na God-are jögoroho bogo vuonugo'i Keriso-are jögoruremu hiromo God-are jöho ejahajeje.

<sup>22</sup> O juhuoni juhuoni mu vaejarue ariböviohu'o gemuore hiromo God-are jö majëhijë'iroho jabuhu raromaruëhi na'o ëhi hijajeje ëhuro ë aribövioho baejëvo'irodëro. Ëhu'ëro di ariböviohu'o hijë'oho jabuhu mu vaejaruëhi na'o ëhi hibe juvoromo öre aho'obëhe ë'ö gavajeje ëhuro a ioro'iroho maro va'iröhëgo.

<sup>23</sup> Ëhi jië'e mu vaejaje hesi bëhoho aëro Keriso-are jö maho heromo jabu'o na'o huë mae baeröhëro ëhuni ë'ajeje.

<sup>24</sup> Jemë'o iae gavaruje tutuvoromo ae göehu gö iosirëmi'ië'iroho ae aho'obëhe biririvoromo tutubijoharueje röhu ae gemuëro iosirëmiromo urimo ma-burëro tutuvoromo suvuoro baejajoho. Jabuhu ë'aruëhi jemë'o ëhi jemesi uehoroho darugoho aho'o bojamiromo Keriso-are muohuremu biririvoromo vaere hujeji jemesi suvuoroho bae'irarije.

<sup>25</sup> Röhu tutuvoromo aehu a ioro'iroho iosirëmi'ië'iroho urimë'i biririvoromo dajoho avoho mueberovobe va'oruomajeje ëhuro darugo ma'ëro tutuvoromo suvuoroho baeröhëni. Ësuvuoroho ijino inovoromo simanore didi'aharuoho jië'ëro ëhu'ëro ma-burëro sisërë hesi jiajeje. Röhu ë sisërëröhe suvuoroho baeröhëro ëhuni ë ariböviohuo biririvoruomajeje. Röhu Christian aribövioho no bogo ëhi jië'e suvuoroho bae'i a'i ioro'ioremu jioröhe suvuoroho baeröhëni ëhuni Keriso-are muoho vaejarueje.

<sup>26</sup> O Paul naro ioro'ioremu jioröhe suvuoroho bae'irodëni ëhuni aehu övo mugö mugöehu ano'irögoro övo aruëre anumëre ma-bu'öjaruëhioho na bogo ëhioho Keriso-are muoho sisë'i sisë'ioho vaejajeje. A'i aehu ma-ahorirehu biririvoromo tutuvaruëhi na ëhi Keriso-are muoho ma-ahorirëro biririvoromo vaejajeje.

<sup>27</sup> Keriso-are muoho vaeromo nasi dajehu nimajoho ma-taemorovajeje ëhuro biririvevoröhego. Ëhi'oromo nasi dajoho nasi mueberovoromo ahorrirëro va'ajeje naro ae gö jabesi örire jögore majëhijajëro röhu Kerisoro uejöëni: Paul jasi muoho bogo eni jio'ego jasi suvuoroho bogo bae'a'anüë uejöëni.

## 10

*Aehu övehu avohare inömo bogo uehorovo'iröhe jöhoje.*

<sup>1</sup> Nasi ö mueno'e na nege jemëro ave jöho uehorovo'irarijeho nosi Jew rajo hijo miono'ehu ë'are jöho. Nosi Jew rajo hijo miono'oho aho'obëhe God-are suehuro riogëgoromo öroho röjêhi'ego ë örire jijiho va'onövareje. Jabumë ae aho'obëhe jovo ihe Kavüë'e Jovoho beromo mae iojionareje.

<sup>2</sup> Jovo beruomamu suehu aegëhadoho ëho noehu bapataeto vaeromo Keriso'o bimuvaruëhi jabu'o ëhi bisemu gemuoho vaejanovareje. Èhesi bëhoho jovo beruomamu suehu aegahadoho ëho Moses'o bimuvarohoje.

<sup>3</sup> Röhu jabumë ae aho'obëhe ie gemuoho ue'ahareje. Ue'ahoromo ëhuro God-are Aru'aho hesi darugoho baejareje.

<sup>4</sup> Jabumë ae aho'obëhe jove gemuoho ue'ahareje. Èjovoho munë gagore jovo mae suorovajoho ue'ahareje. Röhu ë jovoho bogo jovo maemuoho jiadeje. Èhesi bëhoho munënö'e aehu jabu'o gemuore va'onövadoho ë ahuro aru'aho'e jovohu'o bojëmamu jaburo jovo maho iromo ëhuro aru'aho hesi birirohu'o baejareje. Èmunënö'e aho ëho Keriso jiadeje.

<sup>5</sup> Jew rajo hijo miono'e ae aho'obëhe ëhi jië'e huë maho baeruomamu röhu ae ma-gemu niö'i jabesi muoho God-ro garomo nimorohadeje. A ioro'iorohuniöho bogo nimorohoi' jabesi örire bijönimadeje. Bijönimamu a rumo'e sa'are vuovo momorö'öbe va'adeje.

<sup>6</sup> Mu sisë ëhi vaeromo vuovare jöho ëho God-are suriroho bogo ëma jajivo'i a'i noni jajivë'etje noro garomo adahoromo avo'avohoho uehorovo'iröhego. Èhi jië'oho jabuhu mu sisë nimarëhioho no bogo ëhioho nimo'ejo.

<sup>7</sup> O jabumë a ioro'iorehu inömo aru'aho'e höromo rajahi'amarëhioho no bogo ëhioho ë'ejo. Jabuhu ë inömo sisë aru'aho'e höromo rajahi'amo'irögoro nimorohare jöho God-are surire jajivoromo ëhi uövuë'etje: Aribövöhuro sa'aro raromoromo jovoho ioho mahunö'e ue'ahoromo ri'öromo mu sisë'o vaemarumijë'i ajajovare höjo.

<sup>8</sup> Röhu jabumë a ioro'iorehu öehu ë'anovarëhioho no bogo ëhioho ë'ejo. Öero ë'anovë'ëro ae aho'obëhe 23,000 majae gemuore rireromoromo vuovëvadeje.

<sup>9</sup> Röhu jabumë a ioro'iorohuro mu sisë vaebe va'oromo ëhuro Badare dëho bijioho garuomadeje ga'iro hu ma-nunëremu gëbe muebejövobe va'ego o bogo. No ëhi jië'e muoho bogo vae'ejo. Röhu jabumë ëhi ë'ë'ego sigobëro umijëvamu vuovëvadeje.

<sup>10</sup> Röhu jabumë a ioro'iorohuro huë sisë barueromo nurunuruëgamu God-are örire jöe sisë'i atoromadeje. Èhi jië'oho no bogo ë'ejo. Jabumë ëhi ë'ë'ego a muo'amego vuovavuaje anerahuro rueromo muo'amamu vuovëvadeje.

<sup>11</sup> Èhi jië'e i'uooho aho'obëhe nosi hijo miono'o jabesi örire rovadeje ëhuro no ae aho'obëhe uehorovo'iröhego. Jabuhu mu sisë vaeromo i'lu mana baejare jöho iae God-are surire jajivë'etje noro garomo adahoromo avo'avohoho raromo'iröhego jaruvore maja barë'iröhoho mami'e dunovo'ego.

<sup>12</sup> Èhu'e jiaje ja ae rahuaro uvë'oho: Na bibivoromo namijajë uvë'oho gavë'i va'one. Bejavo'ë'e.

<sup>13</sup> Röhu uehoro sisë gö gö jemesi örire rovajeje. Iae ëhi jie röhu diehi jië'e uehoro sisëhu rueromo jemesi dëre bijëhë'oho ëhi jië'e uehoro sisëho bogo jemesiriroho gemu rue'i ae aho'obëhe nosi dëre ro bijahuajeje. Röhu God-hu no ajamui'i uövüadëhi iae hu ëhi ajamuijajëro jië'ëro ëhu'ëro huro garöhe biriri ma'e uehoro sisëhu jemesi örire rue'ia'amu jemë nijio'iraerovo'irarijoho bogo eni jëvamu gavë'iroho hu bogo ma-nunëremuoho gë'ë'e. A'i uehoro sisë jemesi örire bijëho'i rovë'iroho huro öroho röjêhi'ë'e jemëro ë jjihoromo uehoro sisëho vuonugo'i biririvoromo maro va'irarijeho.

<sup>14</sup> Nasi ö mueno'e ëhi jië'e jiaje ëhuni inömooho god höromo rajëhijarue muoho gororomo rori'o va'ore.

<sup>15</sup> Röhu jemëro jemesi simanoho avo'avohoho uehorovarujeho ëhuni ave jöho majëhi'ië'e. Mevoromo gare jö hesi bëhoho diehi jiego.

<sup>16</sup> Jemë'o uehorovore. Enatuore wine jovohuni God huë mae uaromo hesi suvuoro baeromo ijë'iroho ëhuro no Keriso-are köho gemu mae baejarueje. O i ato'atovoromo ijë'iroho ëhuro no Keriso-are sinoho gemu mae baejarueje.

<sup>17</sup> No ae aho'obëhe ie gemuoho ma-gemuoro ijë'ëro ëhu'ëro no ae aho'obëhe javue röhu ae gemuoho javue ie gemuoho ijë'ëro.

<sup>18</sup> Röhu Israel rajo jabesi muohu'o uehorovore. Jaburo mioho tarioromo vituoho God-ni hesi maratuore bahi'i vituoho ijarueje. Iromo ëhuro ë mure bimubarueje. O inömo sisë hesi öroho gemuohoje. Noehu inömo sisë hesi i vitu ijë'ohuro ë mure bimubarueje.

<sup>19</sup> Nani ë jöho adahoromo uvo'a'aruje: Paul-ro uöromo ë'ajëjo: God-are jö bogo hejë'e ariböviehu rajëhijarue inömooho darugo'e jio'amajëjo. O inömo sisë bojëmijë'e mioho bëhi'e höjo. Nani ëhi uvo'a'aruje röhu na bogo ëhioho uëve.



<sup>20</sup> A'i na uëromo ë'e: God-are jö bogo hejë'e ariböviehu inömohuni i bamëhë'oho bogo God-ni bahijaho'i Satan-are aru'aho sisëho jabuni bahijëharue hōjo. Èhuro aru'aho sisë jabesi mure bimuvuarue hōjo. Rōhu jemëhu Satan-are aru'aho sisëhu'o gemuore bimuvë'oho na bijönegajëjo.

<sup>21</sup> Jemëhu Badare enatuore jovohu'o Satan-are aru'aho sisë jabesi enatuore jovohu'o gemuore havoromo ijë'oho bogo maehuje. O Badare maratuore iohu'o aru'aho sisë jabesi maratuore iohu'o gemuore havoromo ijë'oho bogo maehuje.

<sup>22</sup> O noehu biriri'övoromo Satan-are aru'aho sisë jabesi i jovo iromu jabu'o bimuvë'oho God-ro uvo'ë'e: Jemë bogo na gemu rajehijarujëromo èhuni dë vörönimo'ë'e. Èhi jië'oho na no aru'aho sisëhu'o bimuvo'ejo. Bogo. O èhi jië'e mu vaejë'oho nani no sisë'i uehorovoromo uvarueje: God-are darugoho bise'e hōjo nosiroho böröme hōjo. Èhu'ëro no hesi i'uoho bogo bae'ëjarëjo. Èhi uehorovë'oho sisëje. No aru'aho sisë'o bimuvë'oho iae no i'ue bae'ejo.

*Ave jö masijoho uehorovoromo inömo sisëni bahijare mi gororovo'iröhe ë hesi jö vituohoje.*

<sup>23</sup> Jemë ae göëro uvarujeje: Mue aho'obëhe vaejë'oho iae mae hōjo. Iae èhi jie rōhu mu ioro'ioro vaejë'ohuro bogo èhuro marëjavuo'ë'e. Nani mue aho'obëhe vaejë'oho iae maeje rōhu mu ioro'ioro vaejë'ohuro bogo èhuro ajamirovarueje avoho biririvoromo Keriso mae uehorovobe va'iröhëro.

<sup>24</sup> No bogo nosi sinohemuoho uehorovo'i ae gö jabesi sinohu'o uehorovo'ejo.

<sup>25</sup> Market-re imarije mioho aho'o ma-dajumo ue'ahore. Nadi juhuonivoromo uvore: Na ave mioho aru'aho sisëni bamëhare mioho hōjo o gö hō uvo'i ma-ue'ahore.

<sup>26</sup> Èhesi bëhoho God-are surire jajivoromo uvë'eje: Sa'ae iruno'e bövie bise'e aho'obëhe Badare hōjo.

<sup>27</sup> O God bogo ma uehorovarue aehu jemë uëvë'oho: Ruerego no i harihe gemuoro i'irarë uëvamu jabu'o ie i'i nëgë'oho va'oromo ga'irarije ie rabe rabe i'imëmamu gavë'oho ma-dajumo ue'ahore. Nadi dë vövöbajo'eroho uehorovoromo uvore: Na ave mi ue'ahë'oho mae o sisë hōromo mi hesi jōho uë gë'i ma-ue'ahore.

<sup>28</sup> Rōhu ae göehu jemë uëvë'oho: Ave mioho aru'aho'e inömëni bamahë'e mie hō uëvë'oho nadi ue'ahore. Uvore: No ue'ahë'oho ë jö majahuijade ahuro garöhe noehu ue'ahamu gavë'oho uvo'a'ajëjo: Èho God bijönimajëromo juhuonivo'ajëjo. Èhuni no'o vuunugoe'ëjarëjo. Èhi uvore.

<sup>29</sup> Na uëve: Jemë ë mi juahovo'irarije hesi bëhoho ë jö majëhijade ahuro juhuonivoromo uvojöëni: Èmi ue'aharujoho sisë hō uvojöëni uëve. Na bogo uëve jemëro juhuonivoromo uvojöro: Sisë hōromo juahovo'irarijego. Nani jemëro na ue'a'aruje: Rōhu God-ro uövuë'e hōjo: Ie rabe rabe i'i nëgë'oho irëjo. Èhi jië'oho no rabëni juhuoni'e a hesi jōho uehorovoromo ë mioho juahovo'ëjarëjo.

<sup>30</sup> O no God-are örire huë mae uaromo mi ue'ahë'iroho rabëni ae göho uö'a'aruje: Jemë sisë ue'aharujëjo. Rōhu ë miohuni no mami'e God mae uaromo ue'ahare hōjo. Nani èhi ue'a'aruje.

<sup>31</sup> Iae èhi jie rōhu ie jove ue'ahë'oho o mue bövie bise'e vaejë'oho God uehorovoromo vaenövore hesi ihoho döro jioröhe.

<sup>32</sup> Jew rajoho o sa'a ioro'ioro rajoho o ekaresia aribövioho èho jabesi jöëni jemëro uehorovoromo nadi mue gö gö vaejego jaburo èho gavego jabesi aru'ahoho sisërëjëho'iro.

<sup>33</sup> Rōhu na'o mu rabe rabe vaejë'iroho avo'avoho vaejajeje ae aho'obëhe na gevego mae jëvoröhego. Nasi sinoho bogo uehorovo'i ae aho'obëhe jabesi sinoho uehorovoromo muoho vaejajeje jaburo maro va'oruumoröhego.

## 11

<sup>1</sup> Naehu Keriso-are mu garomo vaejajëhi jemë'o nasi muoho garomo èhi vaenövore.

*Magonahehu God rajahiruomoti'ë'iroho simano numorovo'amoröhe jōhoje.*

<sup>2</sup> Rōhu naro jemesi örire rajëhije. Èhesi bëhoho jemë majae èhi nasi örire uehorovevoromo naehu jöe rabe hejë'ëro bojëmijodoho ejeharujeje. Èhuni naro jemesi örire rajëhije.

<sup>3</sup> Rōhu na nege jemëro garomo uvo'irarijego: A nosi simanoho Keriso hōjo. No hesi uhure javuajëjo. Vaboro hesi simanoho baruoho hōjo. Vaboroho baru hesi uhure hōjo. Keriso-are simanoho God hōjo. Èhi uvore.

4 Ĕhi jiē'ero God rajahi'i gemuore gagovē'iroho ama'e o asē rahu simano numorovoromo pari vaejē'oho o God-are jō a majēhijē'oho ēhuro no Keriso bogo avoho uehorovarueje ē hesi bēhoho Keriso nosi simanoho jiē'ero.

5 O magonahe rahu simano bogo numorovē'e pari vaejē'oho o God-are jō a majēhijē'oho baruoho bogo avoho uehorovarueje ē hesi bēhoho baruoho jabeti simanoho jēvē'ero. Simano bogo numorovē'oho u seho barējē'e magonahoho gemuoho jēvanove.

6 Magonahehu simano bogo numorovē'oho simano uoho tariojē'oho iae mue gemuoho jio'ibejo. Rōhu magonahehu simano u tariojē'oho o simano u seho barējē'oho ēho javoji'e muohoje. Ĕhuni magonahehu simano numorovē'oho iae maeje.

7 God-ro aho bamavutoromo hesi aru'ahoho ajoho bojamuijē'ero God jiajēhi aho ēhi javue. Ĕhuni simano numorovē'oho bogo ama'i nosirehuje. O God-ro a ijo'ahē baeromo magonahoho avohoromo a nosi ajoho magonahoho bojēmijadeje. Ĕhuni magonahehu simano numorovē'oho iae maeje.

8 Aevo'ioho God bogo magonahoho baeromo ēhuro ama'oho avoho'i a'i ama'e baeromo ēhuro magonahoho avohadeje.

9 O God bogo ama'oho magonaho jōēnioho avoho'i a'i magonahoho ama'i jōēni avohadeje.

10 Ĕhu'ero jiē'ero magonaho jabuhu simano numorovē'oho iae maeje ēhuro aneraho jaburo gēromo uvorōhego: Ĕmagonahoho jaburo baru jabeti aharire rarumarue hōjo.

11 Iae ēhi jie rōhu a'o magonaho'lo Bada'lo gemuoro javuē'ero ēhu'ero magonahoho bogo a rumo'oho riravo'i ama'oho bogo magonaho rumo'oho riravo'ē'ō.

12 Ae jiē'ero ēhuro God-hu magonaho avohadēhi ēhi magonahe jio'amē'ero jiē'ero ēhuro aho rahavuaaje. Rōhu God-ro aho'obēhe bamavuē'ero ēhuro aho magonahoho bōvioho bise'oho javue.

13 Rōhu jemesi uehorovore. Magonahehu ekaresiae aho'obēhe jabeti gemuore raromoromo simano bogo numorovē'e ma-pari vaejē'oho na mae o sisēje. Ĕho sisēje.

14 No ae magonahe aho'obēhe dinō'e dinō'e raromaruoho uehorovoromo uvarueje: A nosi simano u ēgo jiē'oho sisē hōjo.

15 Rōhu magonaho jabeti simano u ēgo jiē'oho iae ma-mabēhe hōjo. Ĕhesi bēhoho God-ro magonahoho simano u ēgobōvioho bojēmijadeje ēhuro simanoho riogivorōhego.

16 Ae gōehu nasi jō aho'ahovo'iē'iroho rōhu God-are ekaresiae dinō'e dinō'e raromaruohu'o no'lo ēhi jiē'e muohuremu vaejarueje.

*Badare i jovo avoho ue'aho'irōhe jōhoje.*

17 Rōhu na bogo jemē rajēhiromo ave jōho majēhi'irōgoro ē'e. Jemesi ekaresia gagovē'iroho ēhuro jemē bogo marojēvo'i a'i sisērējēvajeje.

18 Ĕhesi bēhoho aevo'ioho na hejodeje uevamu: Corinth rajo ekaresia jabumē gemuore gagovorovē'iroho Christian aribōviohuro uehoroho bogo gemuoho bae'i ae gōero uehore gō ae gōero uehore gō baejarue hōjo. Ĕhi jiē'e jōho hejē'ero na uehorovoromo uve: Ĕjōho nani bogo sareroho jio'i ma-bisemu jō mae jiē'ero Corinth ekaresiaho jemēro nani ēhi jiē'e mu sisēho vaejaruje hōjo.

19 Rōhu jemēhu hahagu hahagu uehorovē'oho ēho a jabeti maeje. Ōre gōho bogoje. Hahagu hahagu uehorovē'ero ēhuro uhohu'o mae uehorovarue aribōvioho va'orahoro jio'amo'ē'e.

20 Amo jemēhu gemuore gagovorovē'iroho jemē bogo uvarueje: Noehu i'irōhe ioho wine-oho ēho Badare hō uvo'i ma-ue'aharujeje.

21 Ĕhesi bēhoho ē i jovo ue'ahē'iroho jemē a ioro'ioroho bogo uehorovē'e sivu sivue jemesi ioho jovoho ēma ue'aharujeje. Ioho jovoho ēma ue'ahoromo a ioro'ioroho hōmēvo'i a ioro'ioroho vōrō'e jovo bōrōme iromo simane sisērējēvajeje.

22 Na jemē osaho bogojēve ē raromoromo iruno'e jove i'irarijoho ēhuni gemuoro gagovoromo Badare ioho jovoho sisē'i ijarujeje. O na jemē God-are ekaresiaho bijōnimoromo ēhuni iruno'o rumo'e aribōvi jabeti ōrire javoje bojēmiromo ioho jabeti nunire ēma ue'aharujeje. Jemē ēhi ē'arujoho na diehi jiē'e jōho jōvo'ejo. Na na jemesi muohuni rajēhi'ejo. Na bogo rajēhiromo jōvo'ejo.

23 Rōhu ave jōho Badaro bojēmijē'ero naro jemē bojēmodeje. Bada Iesu a sisē bojēm'i'irōhe vahire evare huro ioho baejade hōjo.

24 Ioho baeromo God mae uanugoromo ato'atovoromo hesi aribōvioho uēvade hōjo: Aveho nasi sine hōjo. Na nasi sinoho bojamirovo'iē'ajējo jemē mae jēvorōhego. Aviēhi jiē'e muoho vaenōvorējo ēhuro na uehorovevo'irarije hōjo.

25 Ioho inugoromo rōhu i baejadēhi ēhi enatuore jovoho baeromo uēvade hōjo: Ave enatuore jovo hesi bēhoho hehējo. Na kōe rovevoromo guomevo'iē'ajējo.

Guomevo'iramu ehuro God-hu jemë muebejêvorôhe jögoru i'oho ioro'ioremu marë'ajêjo. Èhuni jemë jovo ijê'iroho irêjo ehuro na uehorovevo'irarije hõjo.

<sup>26</sup> Bada Iesuhu êhi jövade jö hesi bëhoho è i o è enatuore jovo ijê'iroho ehuro huhu guomade jöho røjêhibe va'ojuvo va'o hu rue'ê'e.

<sup>27</sup> Èhu'ëro jiê'ëro aehu Badare i o enatuore jovo bogo mae uehorovê'e ma-ijê'oho Badare sinoho kõho ijumê'ëro ehuro sisê jëve.

<sup>28</sup> Èhuni ae aho'obêhe gemu gemu jasi dê vövöbajo'oho mevo avohoromo gare diehi diehi uehorovêvego. Èhi ga avohoromo evaro ioho jovocho inövore.

<sup>29</sup> Badare sino bogo uehorovê'e ma-iemu jovemu ijê'oho è ioho jovocho iromo ehuro i'ue mana bae'a'aruje.

<sup>30</sup> I'ue baeromo jemesi a ioro'ioroho aho'obêhe sine u'uhêvoromo guomo guome gö gö baejê'ejö. A ioro'ioroho vuovêvê'eje.

<sup>31</sup> Röhu nosi dê vövöbajo'oho urimo mevo avohoromo ga'ibejo êhi jiê'e i'uoho bogo bae'ibejo.

<sup>32</sup> O Badahu i'u bojamuijê'oho êho røjahuiromo bojamuijajeje ehuro noro avoho uehorovoromo sisê ariböviohu'o gemuoroho sisêroho bogo va'irôhego.

<sup>33</sup> Nasi ö mueno'e Badare i jovo i'i gagovê'iroho göëro göho mueberovoromo gemu mae ire.

<sup>34</sup> Röhu hömêvê'oho jemesi osaro osaro raromoromo ire. Èhi jiê'oho gagovoromo God-are i'uoho bogo bae'a'aruje. Röhu jö ioro'ioroho naehu ö'ê'iroho avohêho'ejo.

## 12

*Mu vaeröhe suvuore gö gö God-are Aru'ahehu bojamuajje jöhoje.*

<sup>1</sup> Nasi ö mueno'e God-are Aru'ahehu suvuoro bojamuijaje jöho na majêhi'iê'e. Èhesi bëhoho na nege jemêro è jöho avoho ga'irarijeko.

<sup>2</sup> Iae jemê'o gavaruje jemê God bogo ma uehorovarije majaroho aëro jemê sarerêmi'ego jö mae hõromo ejêhoromo ëma jijihonövarijeje. Jijihoromo ehuro jörumo'e momorö'öjê'e inömo inömoho vörö'e hõromo ëma uvene aho røjahinövarijeje.

<sup>3</sup> Èhuni ave jöho uehorovore. God-are Aru'ahehu jö bojê'mê'oho aho bogo uê'ê'ö: Iesu sisêgo sisêro va'a'ajêjo. God-are Aru'ahoho bogo êhi jiê'e jöho bojamuijajeje. A'i hesi God-are Aru'ahohuremu uehoroho bojamuijeko uvarujeje: Iesu bõröme namijê'ëro iae Bada hõjo. O God-are Aru'ahehu uehoro bogo bojamuijê'oho nosi sivuoho êhi jiê'e jöho bogo vaerovo hesi javue.

<sup>4</sup> Mu vaeröhe suvuorocho gö gö jiorove. Röhu Aru'ahe gemuëro è suvuorocho bojamuibe va'ajeje.

<sup>5</sup> Christian muoho gö gö jiorove. Röhu Badare muoho gemu noro vaejharujeje.

<sup>6</sup> Mue gö gö vaejê'oho eni javue. Röhu God-ro gemuëro darugoho bojamuego no ae aho'obêhe è muoho vaebe va'arujeje.

<sup>7</sup> No ae gemu gemu God-are Aru'ahëro suvuore bojamuijeko ehuro hesi muoho røjahirovarujeje ekaresiae ae aho'obêhe marêjavuoröhego.

<sup>8</sup> Ae gö God-are Aru'ahëro hesi suvuore bojamuijeko uehoro mae jiê'e jöho atarueje. Ae gö Aru'ahe gemuohuro aji'e jöho bojamuijeko ae røjêhijarueje.

<sup>9</sup> Ae gö Aru'ahe gemuohuro ajamuijeko no biririvoromo God mae uehorovoromo ehuro mu bövi mae vaejarujeje. Ae gö Aru'ahe gemuohuro ajamuijeko guomo guomo'e a jabesi sinoho avohêharueje.

<sup>10</sup> Ae göëro darugo'e muoho vae'amarueje. Ae göëro jö God-aro baeromo ae huruoho majêhijarueje. Ae göëro gavarueje di muoho God-are Aru'ahëro vaejê'e jiego di muoho bogo. Ae göëro bogo hejarue huê göëro göëro ëma atarueje. Èma atego ae göëro êhi jiê'e jöho huotovoromo nosi jöëro majêhijarueje aëro hejõro.

<sup>11</sup> Èhi jiê'e muoho aho'obêhe bogo aru'aho göho göho vae'amo'i ma-gemuëro vae'amajeje. God-are Aru'ahehu diehi nimê'oho ae gö gö hesi suvuore gö gö bojamuibe va'ajeje.

*No Keriso-are sine gemuoho javue röhu no hesi öve duruajje gö gö javuo'amaje jöhoje.*

<sup>12</sup> Röhu no ae gemu gemu sino haho'oho ma-gemu javue röhu öve hõre nune hia'e bövie bise'e aho'oho javue. Iae öve nune hõre gö gö aho'oho javuo'ame röhu sino haho'oho ma-gemu javue. Sino haho'oho jiajêhi êhi Keriso-are aribövioho no aho'oho sinoho ma-gemu javue.

<sup>13</sup> No ae aho'obêhe Jew rajoho sa'a ioro'ioro rajoho a jabesi darugoremu raromarue aribövioho nosi nimoro mu vaejarue aribövioho God-are Aru'ahe gemuohuro bapataeto vaejavuoromo sine gemu gemu bamavuê'êje. Ae aho'obêhe Aru'ahe gemuoho jovonö'e bojamuamu ijê'e javue.

<sup>14</sup> Rõhu sino haho'o hesi öve höre nune bövie bise'e bogo gemuoho jio'i aho'obêhe javuo'ame.

<sup>15</sup> Rõhu hõrohuro jõe jövoromo uvo'ibejo: Na bogo övoho jevajêjo. Na bogo övoho jevê'ero êhuni sino haho'oho hahagu jevajêjo. Iae êhi uvo'ibejo rõhu êho hesi jio'ibejo bogo êhuro hõroho sino haho'oho hahagu jio'i sino haho'e gemuoho jio'ibejo.

<sup>16</sup> O hia'ohuro jõe jövoromo uvo'ibejo: Na bogo nunoho jevê'ero êhuni na sino haho'oho hahagu jevajêjo. Iae êhi uvo'ibejo rõhu bogo êhuro hia'oho sino haho'oho hahagu jio'i sino haho'e gemuoho jio'ibejo.

<sup>17</sup> Sino haho'oho ma-nuni'emu javuo'ibejo no diehi he'ibejo. O sino haho'oho ma-hia'emu javuo'ibejo no diehi ridamui'ibejo.

<sup>18</sup> Rõhu bogo êhiohoje. God-ro diehi nimadêhi öve duruaje nune gö gö baeromo havo'amoromo êhuro sino haho'e gemu bamavuadeje.

<sup>19</sup> Öve duruaje nune gö gö bogojavuo'ibejo êhuro sino haho'e bogojavuo'ibejo.

<sup>20</sup> Rõhu öve duruaje nune gö gö aho'obêhe javuo'i rõhu sino haho'oho ma-gemu javue.

<sup>21</sup> Êhi jî'ero nunohuro jõe jövoromo övo hesi õrire ua'ibejo: Ja bêhi rumo'e javo'ego na ja bogo negajê ua'ibejo êho sisê jio'ibejo. O simanohuro jõe jövoromo hõroho uê'ibejo: Jemê bêhi rumo'e jêvo'ego na jemê bogo negajê uê'ibejo êho sisê jio'ibejo.

<sup>22</sup> Rõhu sino haho'ere inõme gö gö jio'amajoho ga'amoromo uvarueje: Jabesi darugoho u'uhê'e hõjo. Êhi uvo'ejo rõhu êho bogojio'amo'ibejo bogo eni javuo'ibejo.

<sup>23</sup> O sino haho'ere inõme gö gö jio'amajoho ga'amoromo uvarueje: Ma-inine jio'amajêjo. Rõhu êho bogo sisêho hõ uvo'i mueberovo avoharueje. Sino haho'ere inõme gö gö jio'amajoho ga'amoromo uvarueje: Êho javoji'e inõmoho hõjo. Rõhu êho bogo sisêho hõ uvo'i ma-mabêhe avoho riogivorvarueje.

<sup>24</sup> O javoji rumo'e inõmo no ma-mae ga'amaruoho êho no bogo êhioho avoho riogiv-orovarueje. Rõhu God-ro nosi sino haho'oho havo'amoromo gemuoro avohahuadeje êhuro noro garõhego di inõmoho javoji'oho jiego o darugo rumo'oho jiego êho avo'avoho muebe'amorõhego.

<sup>25</sup> Êhu'ero jî'ero nosi sino haho'oho gemuoho javuê'ego ê hesi inõmo göhuro göho bogo sisê vae'i a'i uvo'ejo: Gemuoho javuajêromo huê baerovoromo ma-ajamirovo'ejo.

<sup>26</sup> Sino haho'o hesi inõme gö vi'ehimê'oho sino haho'e aho'o ê vi'ehoho herovajeje. O sino haho'o hesi inõme gö hesi iho dõre jî'oho sino haho'e aho'obêhe gemuoro nimorohajeje.

<sup>27</sup> Rõhu jemê ae aho'obêhe Keriso-are sino haho'e jêve. Jemê ae gemu gemu sino haho'ere höre nune bövie bise'e jêve.

<sup>28</sup> God-ro hesi ekaresiaho aho'obêhe gemuoro havoromo avoho bamavuadeje. A ioro'ioroho apostle bamavuadeje rue nuni maroho javuorõhego. Êhesi bêhire jö God-aro baeromo a majêhijarue aribövioho bamavuadeje. Êhesi bêhire Keriso-are õri rõjêhijarue aribövioho bamavuadeje. Êhesi bêhire darugo'e mu vaejarue aribövioho bamavuadeje. Êhesi bêhire darugo baeromo guomo guomo'e a jabesi sino avohêharue aribövioho bamavuadeje. O a ajêmarue aribövioho ekaresia muebejêvarue aribövioho o no bogo hejarue jö göehu göehu atarue aribövioho êhi bamavuadeje.

<sup>29</sup> Na no ae aho'obêhe apostle javue. Bogo. Na no ae aho'obêhe jö God-aro baeromo majêhijarue aribövie javue. Bogo. Na no ae aho'obêhe Keriso-are õri rõjêhijarue aribövie javue. Bogo. Na no ae aho'obêhe darugo'e muoho vaejarueje. Bogo.

<sup>30</sup> O na no ae aho'obêhe daruge baeromo guomo guomo'e aribövi jabesi sinoho avohêharueje. Bogo. Na no ae aho'obêhe God-are Aru'aho suvuoroho baeromo jö göero göero atarueje. Bogo. Na no ae aho'obêhe God-are Aru'aho suvuoroho baeromo huê göehu majêhijarue jõho huotovoromo sama'e majêhijarueje. Bogo.

<sup>31</sup> Jemêro uvarueje: Aru'aho suvuoro mabêhe bae'iê'ajêromo bae gavarueje. Rõhu õri maho naro rõjê'ehjo göehu gö uehorovêvo'irarije õroho.

## 13

*Gõehu gö dë vövöbajo'ere uehorovo'irõhe jõhoje.*

<sup>1</sup> Noehu bogo hejarue huê göehu göehu naehu jövo'irodoho eni jevê'oho o anera jabesi huêhu êhu'o jövo'irodoho eni jevo'i rõhu a dë vövöbajo'ehu bogo uehorovêvê'oho na bitare garaegaraevanovoromo jõho êma jövo'ejo.

<sup>2</sup> O naehu suvuoro God-aro baeromo hesi jö ma-mae majêhijê'oho o huhu subivahuade jõho aho'o nuni aji'e jõho aho'o ga barêjê'oho o biririvo avohoromo hesi õrire mae uehorovoromo êhuro dahoru ujuohoromo rori'o bahijanovobe va'i rõhu a dë vövöbajo'ehu bogo uehorovêvê'oho na bêhi rumo'e ae jeve.

<sup>3</sup> O naehu a ajëmi'irögoro nasi bövi bise'o bojëmi barëjê'oho o nasi sinohu'o bue'öjevojöro bojamirovo'i röhu a dë vövöbajo'ehu bogo uehorovëvê'e ma-sino döhuremu ëhi ajëmi'jê'oho ëhuro bogo maroho jevo'ê'e.

<sup>4</sup> Jaehu a dë vövöbajo'ehu uehorovëvê'oho ëhuro biririvoromo ma-ga taemo'anue. Ae huë baejêvo'anue. A dë vövöbajo'ehu uehorovëvê'oho ëhuro ae gö hesi mu mahunioho bogo dë vörönaço'ê'e. Bogo nimoronomorohê'ioho jövo'anue. Bogo sivuoho uehorovoromo döroho bamorovo'anue.

<sup>5</sup> Bogo ma-mahu urejonö'oho juvo'a'anue. Bogo jasi sinohemu uehorovo'anue. Bogo uehore gö gö baeromo vörönimo'anue. Bogo ae gö jabesi sisêho uehorovemu uehorovo'anue.

<sup>6</sup> Mu sisê garomo bogo ëhunioho nimoroho'anue. Jö maemu heromo ëhuro nimoroho'anue.

<sup>7</sup> A dë vövöbajo'ehu uehorovëvê'oho ëhuro huë vavaene rovê'oho ma-gavê'i hinövo'anue. Mae uehorovonövo'anue. Mae jio'a'ajê uvoromo muebenövo'anue. Biririvoromo naminövo'anue.

<sup>8</sup> A dë vövöbajo'ehu uehorovëvarue muoho bogo barê'i ëhi ma-jiemu jiajeje. Jöe gö gö God-aro baeromo majëhjarue suvuoroho iae barê'ê'e. Noehu bogo hejarue huë göehu göehu atarue suvuoroho iae bogojio'ê'e. A ioro'ioro iosirëmiromo God-are jö mae gavarue suvuoroho iae barê'ê'e.

<sup>9</sup> Èhesi bëhoho jaruvoho God-are mu vituoho gavarueje. Vituoho bogo. Jö vituoho God-aro baeromo majëhjarueje. Vituoho bogo.

<sup>10</sup> Hujeji aji ma-mabêhe rue'iramu evare jöe mue gö ga'i gö bogo gavarue ë muoho iae barê'ê'e.

<sup>11</sup> Èhesi jöho uhu'e uê'iê'e. Na asisö'e jevade majaroho asisö'ehu ataruëhi ëhi jövonövođeje. Asisö'ehu nimarüëhi ëhi nimonövođeje. Asisö'ehu uehorovarüëhi ëhi uehorovonövođeje. A'i ma'e jevade majare evare asisö'o uehoroho vuonugo'i ma-mae uehorovođeje.

<sup>12</sup> Èhesi bëhoho jaruvoho no sisê'i sisê'i aririro gavanovarueje. Majae ijönöho avoho ga'ejo. Jaruvoho jö vituoho naro gave. Jö vituoho bogo gave. A'i evare majaroho God-hu na gevajêhi na'o ëhi muoho ga barê'êjo.

<sup>13</sup> Èhu'ëro ave muoho ma-jiemu jio'amobe va'ê'e. Göho God mae uehorovarue muohoje. Göho no uvarue: God-ro ajamui'iramu mae javuobe va'a'ajê uvarue muohoje. Göho a dë vövöbajo'ehu uehorovëvarue muohoje. Èhi jiê'e muoho niö'i gemu ëhi jiemu jioebe va'ê'e röhu a uehorovëvarue muoho ëho böviohoje.

## 14

*God-are Aru'aho hesiro baejarue suvuore niö'i God-are jö ae huruoho majëhjarue suvuorohu'o bogo hejarue huë göehu atarue suvuorohu'o ë suvuoro jabesi jöhoje.*

<sup>1</sup> Èhuni göehu gö dë vövöbajo'ehu uehorovëvo'irarije muoho vae'i ëhuremu ömo gare. Röhu aru'aho suvuore gö gö bae'i nimore. Jö God-aro baeromo a huruoho majëhi'irarije suvuoroho ëho börómo bëhe nimore.

<sup>2</sup> Aehu aru'aho suvuoro baeromo bogo hejarue huëhu jövê'oho ëho bogo aho he'i ma-God-remu hejöro jövajeje. Huë göehu jövê'oho suvuore Aru'aho hesiroho baeromo gurihijê'e jöho jövego aho bogo hejarueje.

<sup>3</sup> A'i jö God-aro baeromo a huruoho majëhijê'oho aëro hejöro jövajeje heromo birire baeromo muoho avoho ma'enoröhego o huë vavaeni jëvadoho mae jëvoröhego.

<sup>4</sup> O bogo hejarue huëhu jövê'oho hesi dë vövöbajo'ohemu ajamirovajeje. A'i God-are jö huruoho majëhijê'oho ekaresiaho ajëmajeje.

<sup>5</sup> Jemê ae aho'obêhe huë göehu atê'oho iae na nego'ibejo. A'i jemê jö God-aro baeromo huruoho majëhi'irarijoho ëho iae na nego avoho'ibejo. Jö God-aro baeromo a majëhijê'oho ëho mu börómeje. O huë göehu atê'oho ë muoho ma-bisemu bise'eje. Röhu huë göehu atamu ae göehu jö huotovê'oho ekaresiae ae aho'obêhe he'iramu mae jëvo'ê'e. Èhi jiê'oho mu börómeje.

<sup>6</sup> Nasi ö mueno'e na ö'oromo subivêhê'e jö bogo huruoho majëhi'i nuni aji'e jö bogo majëhi'i bogo jö God-aro baeromo majëhi'i mu öri bogo röjêhi'i a'i bogo hejarue huë göëremu naehu jövê'oho jemê heromo bogo marëjêvo'ê'e.

<sup>7</sup> O hesi ëma momorö'öjaje inömo inömo viriköe o gita ëhi jiê'e inömohe uehorovore. Aruëre anumêre ëma huê'oho o bejê'oho ëhuro huêho bogo avoho hejarueje rabu jö huajoho o bejajoho.

<sup>8</sup> O muorovo jöhu'o uehorovore. Hëgö sisê'i huê'oho bogo avoho heromo avoho raromo'ê'ö muorovo'iröhëni.

<sup>9</sup> Ējō hesi bēhoho no bogo hejarue huē gōehu jemēhu atoromo sisē'i majahuijē'oho no bogo avoho he'ejo. Jemē jōho ma-bu'ō'a'aruje.

<sup>10</sup> Sa'ae aho'obēhe huē gō gō atoruomajeje. Rōhu huē aho'obēhe bēhi'oje.

<sup>11</sup> Rōhu na ave huē bogo baejē'oho jō jōvaje ahuro uvo'ē'e: Nōrō huē gō ae hōjo. O naro uvo'ejo: Hu huē gō ae hōjo.

<sup>12</sup> Huē gōehu atē'oho jemē ēhi jēvo'ē'e. Huē gōehu ato'irarijoho nadi ēhemu nimo'i a'i jemē suvuore God-are Aru'aho hesiro bae'i nēgē'e jiaje ēhuni ekaresia ajēm'i'irarije suvuoroho baeromo ē hesi muoho avoho vae'i nimore.

<sup>13</sup> Ēhuni ja huē gōehu jōvē'oho God uavego ajami'iro ēhuro jōho huruoho majēhi'irane.

<sup>14</sup> Naehu bogo hejaje huē gōehu pari vaejē'oho nasi aru'ahoho parie vae'i simanoho uehore bogojio'ē'e.

<sup>15</sup> Ēhi jiē'oho na diehi ē'ejo. Nasi aru'ahohuro parie vaeromo rōhu nasi simanohu'o uehorovoromo parie vae'ejo. Nasi aru'ahohuro ēhuro jōho io'ejo. Rōhu nasi simanohu'o uehorovoromo jōho io'ejo.

<sup>16</sup> Jemē'oho uehorovore. Jemesi simanoho bogo uehorovē'e bogo hejarue huē gōehu ma-aruhohuremu atoromo God mae uavē'iroho suvuoro bogo baejē'e ahuro jemesi gemuore rueromo jōho heromo bēhoho bogo he'ē'e. Bogo heromo dadivo'iramu bogo uvo'ē'e: Iae mae-ējo.

<sup>17</sup> Ja God mae uavane jōho nani mae jōvaneje. Rōhu ē ahuro bogo avoho hejē'ēro ēhu'ēro dē vōvōbajo'oho bogo maho jio'ē'e.

<sup>18</sup> Rōhu Paul naro suvuore God-are Aru'aho hesirire baeromo jemē iosirēmiromo majae aho'oho huē gōero gōero jōvajeje. Ēhuni na God mae uave.

<sup>19</sup> Ēhi jie rōhu na uehorovoromo uve: Ekaresia gemuore jevē'oho jō ēgobōvie huē gōehu jōvē'oho ma-jianovo'i aēro God-are jōho avoho heruomōjōro jō biseharihe ma-sama'e jōvē'oho ēho bōrōmohoje.

<sup>20</sup> Nasi ō mueno'e asisō'ō ininehu mu sisē bogo uehorovaruēhi jemē'oho ēhi gemuoho uehorovore. Rōhu mu ioro'ioro asisō'ēhu uehorovaruēhiho nadi ēhiho uehorovo'i a'i a duvahēro uehorovanovore.

<sup>21</sup> God-are surire jōho ēhi uvē'eje: Badaro uvajējo:

Naehu ave aribōvi jō majēhi'ie'iroho

huē gōehu atarue aribōvioho uē'iramu nasi jōho bava'oromo bojēmi'aruējo.

Sa'a gō rajoho rōjēhi'iramu nasi jōho bava'oromo majēhi'aruējo.

Rōhu bogo ēhuro ave aribōvioho ejeho'aruējo.

<sup>22</sup> Ēhuni suvuore Aru'aho hesiro baeromo huē gōehu atarue muoho ēho God bogo ma uehorovarue aribōvohuremu heromo uehore baerōhego. O jō God-aro baeromo huruoho majēhijarue muoho ēho God mae uehorovarue aribōvohuremu heromo huē mae jēvorōhego.

<sup>23</sup> Jemē'oho uehorovore. God-are ekaresiae ae aho'obēhe gemuore gagovoromo ae aho'obēhe bogo hejarue huē gōehu gōehu atamu ekaresia mu bogo gavē'e aribōviehu o Keriso bogo ma uehorovarue aribōviehu rovē'iroho jaburo herōhe bogo hejarue huē gōehu ēhi atamu hejē'oho uehorovoromo uvo'ē'ō: Ēekaresia aribōviohuro simane sisērēromo ēhuro jōjōjuvoruomajējo. Jemēhu huē gōehu atē'oho ēhi jio'i

<sup>24</sup> a'i ekaresiae ae aho'obēhe jō God-aro baeromo huruoho majēhijamu Keriso bogo ma uehorovaje aehu o ekaresia mu bogo gavē'e aehu rovē'iroho huro herōhe jemēro God-are jōho majēhi'iramu hegorovo uehorovoromo uvo'ē'e: Nasi jō sisēho iae ataruējo. Na sisē jevajējo. Ēhi uvo'ē'e.

<sup>25</sup> Ēa hesi uehoro sisē gurihijadoho jaburo ato'iramu va'orahoro jio'ē'e. Va'orahoro jio'iramu sa'are ague aho hiromo God rajahiromo uē'ē'e: God jemē'oho jiajējo.

*Gagovoromo God rajahijē'oho ma-avoho rajahi'irōhe jōhoje.*

<sup>26</sup> Nasi ō mueno'e naehu jajivaje jō hesi bēhoho uehorovore. Ekaresia gagovē'iroho ae gōero uē'ē'e: Ē'ego no ave jōho iarējo. Ae gōero Keriso-are ōroho rōjēhi'ē'e. Ae gōero gurihijē'e jōho huruoho majēhi'ē'e. Ae gōero bogo hejarue huē gōero jōvo'ē'e. Ae gōero ē jō hesi bēhoho huotovoromo majēhi'ē'e. Rōhu ē muoho aho'obēhe avoho vaerego ēhuro ekaresiae aho'ō birire baerumo'i.

<sup>27</sup> Rōhu bogo hejarue huē gōehu ato'ie'iroho ae niō'iro o ae niō'i gemuēro ato'i a ioro'ioroho nadi atore. Rōhu bogo majae gemuoroho ae aho'ō ato'i ae gemuēro gemuēro jōvobe va'ore. Jōvobe va'ego ae gemuēro ē jōho huotovoromo aho majēhine.

<sup>28</sup> O jō huotovo'irōhe a bogojie'oho huē gōehu jōvaje ahuro ekaresia gemuore jōrume hiromo hesi arijo'arije majahirovē'i God-are ōrire jōe jōvo'ē'e.

<sup>29</sup> O jö God-aro baeromo majëhi'ië'iroho ae niö'iro o niö'i gemuëro jöho majëhire. Majëhijego a ioro'ioroho jemëro jöho heromo mevo gare jöho mae o sisë ijego.

<sup>30</sup> O ae göehu jö majëhijamu röhu ae göehu sa'are hiromo hejë'iroho God-are jöehu hesi dë vövöbajö'ere rovamu hegoroovo jö jövo'ië'iroho urimo jövane aharo vuonugonego ijore ahuro jöho jövo'iro.

<sup>31</sup> Èhi'o'iramu jemë ae aho'obëhe röhu ae gemuëro gemuëro God-hu bojëmijaje jöho majëhibe va'a'aruje èhuro ae aho'obëhe jöho he avohoromo birire baeruumoröhego.

<sup>32</sup> Nadi ma-majioho majëhi'i a'i ma-taemorovoromo majae eni jiego evaro majëhinövore.

<sup>33</sup> Èhesi bëhoho God bogo uövuajeje noro garatöhuritöv'e raromo'i ma-avoho taemo raromojöro uövuajeje.

Röhu God-are aribövi ioro'ioerehu gagovoromo vaejaruëhi jemë'o èhi gemuoho vaere.

<sup>34</sup> Ekaresia jemëhu gemuore gagovë'iroho jemesi magonahohuro jörume raromo'iro. Jabumë jöho nadi majëhi'iro. God-are surire jiajëhi èhi magonahohuro nadi masijoho riravo'i ma-jöemu ejëhobe jijih'o'iro.

<sup>35</sup> Jabumë God-are jö avoho he'i nimoruomë'o'oho jabesi osaro raromoromo baruoho uë gë'iro rabëni ekaresiae gemuore raromoromo jöe atë'oho bogo maehu jië'e jiaje.

<sup>36</sup> Röhu nani jemë sarerivoromo uvarujeje: Corinth rajo aribövioho noro aevoromo God-are jöho majëhibe va'are höjjo. O nani uvarujeje: God-are jöho bogo sa'a göroho va'i manosiriremu rovë'e höromo èhuni jemë gemuore gagovë'oho jemesi sivue uehorovoromo magonahoho jabu'o God-are jöho atoruomajeje.

<sup>37</sup> A'i jemë ae rahu uvë'oho: No jö God-aro baeromo majëhijarue ae javuajë uvë'oho o no God-are Aru'ahehu uehoro ma bojamuego jö atarue ae javuajë uvë'oho uvore: Paul bogo ma-jajivo'i a'i Badaro jöho bojamamu jajivade höjjo.

<sup>38</sup> Ae rahu nosi jö bogo uehorovë'oho nadi jabesi öriroho uehorovore.

<sup>39</sup> Nasi ö mueno'e èhu'e jiaje jöe God-aro baeromo huruoho majëhi'i nimo avohore. O suvuro God-are Aru'aho hesiro baeromo bogo hejarue huë göehu ataruoho èhi jië'e muoho nadi ahore.

<sup>40</sup> Röhu ekaresiae gemuore gagovoromo vaejaruje muoho aho'obëhe ma-avoho vaere.

## 15

*Kerisohu guomoromo ri'öjade jöhoje.*

<sup>1</sup> Nasi ö mueno'e Keriso-are jö maho na majëhi'ejo jemë röhu maho uehorovo'irarijego. Èjöhö naro mami'e majëhijamu jemëro heromo ejë'ëro èhuro mae biririvoromo riravarujeje.

<sup>2</sup> Na majëhamu hejarije è jöho biririvoromo ma'enë'ohuro èhuro maro rarumarujeje. O ma-döhuremu uehorovë'oho bogo èhioho maho jëvajeje.

<sup>3</sup> Jö böromo börome hejë'ëro jemesi örire majëhijodoho röhu maho majëhi'ië'e. Kerisohu guomo'irohe jöho God-are surire jajivarëhi èhi huro nosi sisëni guomade höjjo.

<sup>4</sup> Guomoromo guavamu raromoromo majae niö'i gemu hesi uhure God-ro i'ovamu ri'öjade höjjo. Èhi jië'e mu vaeröhe jöho God-are surire jajivo'amare höjjo.

<sup>5</sup> Röhu Kerisoro ri'önugoromo Peter-are nunire rueromo evare apostle aho'obëhe jabesi nunire rovadeje.

<sup>6</sup> Ijonö hesi ijorajo ömo'ömoho 500 iosirëmiromo ruëhi jië'e majae gemuore jabesi nunire rovadeje. Jaruvoho è aribövioho ma-gemu gemu vuovëvo'i röhu aho'obëhe biririvoromo raromoruome.

<sup>7</sup> Èhi jië'ëro James-are nunire ruenugoromo apostle ae aho'obëhe jabesi nunire rovadeje.

<sup>8</sup> Rueromo ijo tugoho'i nasi örire rovamu na'o nasi nunëro gavodeje. Apostle ioro'ioerehu Keriso aevoromo uehorovarëhioho na bogo èhioho aevoromo hu mae uehorovo'i a'i mu sisë bëhe vaeromo ma-majioho mae uehorovodeje. Èhu'ëro jië'ëro vëmehu sisë'i rahego harihehu ma-majioho rovajëhi na èhi jevanove. Na urimo ramoram'o'ere hiromo ma-majioho Keriso-are ajire rovodeje.

<sup>9</sup> Apostle a ioro'iorohuro na iosiremiromo a masije jio'i na ma-bise'e jeve. Urimë'i naro God-are ekaresiae huë sisë bojëmi'i hijë'ëro èhu'ëro apostle iho baejodoho na bogo maho jeve.

<sup>10</sup> Èhi jie röhu God-ro hesi nimoromo huë baeromo ajemijë'ëro èhuro na mae jeve. Huro ajemijë'ëro na bogo èma hi'i a'i naro apostle ioro'ioroho iosirëmiromo muoho darugo'o vaejë'e jeve. Röhu bogo nasi biriroho baeromo èhuro muoho vae'i hesi God-ro nimoromo huë baeromo ajemijë'ëro vaejodeje.

11 Ēhu'ëro jië'ëro Keriso-are jö naehu majëhijë'oho o apostle ioro'iorehu majëhijë'oho Kerisohu guomoromo ri'öjate jöe gemuoho no majëhijarueje. Röhu ë jöho jemë iae mae uehorovarijeje.

*Noehu vuovoromo ri'ö'iröhe jöhoje.*

12 Kerisohu guomoromo ri'öjate jöho noro majëhibe jijiharueje. Ējö majëhibe jijihë'oho jemë a ioro'ioroho diehi'oromo atoromo uvarujeje: Aho vuovoromo röhu bogo maho ri'ö'ëjarëjo. Nadi ëhiho atore.

13 Aho vuovoromo bogo ri'ö hesi javuo'ibejo Keriso hu'o bogo ri'ö'ibejo.

14 Keriso bogo ri'ö'ibejo no ma-imo jöho majëhijego jemëro ma-imo mae uehorovo'ibejarije.

15 Röhu aviëhi jië'e mu sisë gö'o döre jio'ibejo. No bogo ri'ö hesi javuo'ibejo God-hu Keriso ajamamu ri'öjate jö noehu majëhijaruoho sareri'e jöe jio'ibejo ëhuro nomë God-are jöho a nuniro sareri'e majëhi'ibejo.

16 Vuovë'e aribövioho bogo ri'ö hesi javuo'ibejo ëhuro Keriso hu'o bogo ri'ö'ibejo.

17 Röhu Keriso bogo ri'ö'ibejo jemëro Keriso-are örire ma-imo uehorovo'ibejarije God jemesi sisëho bogo uehorovoromo vuonugo'ibejo ëhuro sisë jëvadoho avevejö'ohu'o ëhi gemuoho jëvo'ibejo.

18 O Keriso mae uehorovoromo vuovë'e aribövioho sisëro va'oruomo'ibejo.

19 No vuovoromo sisëro va'o hesi javuo'ibejo no uvo'ibejo: Kerisoro ajamui'iramu ave sa'arohemu maroho raromo'ëjarëjo. Ijonöho bogo maroho javuo'ajë uvo'ibejo ëhuro a ioro'ioro jabeti vavaenoho bise'e jio'i Keriso-are aribövi nosiroho böromo mae jio'ibejo.

20 Röhu bogo ëhiho jio'i a'i Keriso guomoromo iae ri'öj'ëje. Ri'öj'ëro ma-ioro'iorehu hijajeje. Ēhu'ëro no garomo uvarujeje: Vuovavuae aribövi ioro'ioroho no'o ri'ö'ëjarëjo.

21 Ave sa'are hijade ae gemuëro aevoromo mu sisë vaeromo guomë'ëro ëhuro vuovavuae rovajeje. Röhu ave sa'are hijade a göho aevoromo ri'öj'ëro ëhu'ëro vuovoromo ri'ö'ëjo.

22 Ēhesi bëhoho ae aho'obëhe Adam-are ae gemuohuro javuë'ëro ëhu'ëro vuovavuaeje. Röhu ae aho'obëhe Keriso-are ae gemuohuro javuë'ëro ri'öromo raromo'ëjo.

23 Ae gö gö aho'obëhe jabeti majaho rovego ri'öjarueje. Urimë'i Kerisoro ri'öjateje. Ijonö Keriso rue'iramu evare hesi aribövioho no'o ri'ö'ëjo.

24 Ri'ö'iramu evare jaruvore majaho iae barë'ë'e. Jaruvore majaho barë'iramu evare Kerisoro vörö'e sisë aribövie gö gö ruahö'öjëvo barëromo öri ari'e aho'obëhe God Vavu hesi övöre bojami'ë'e huro mueberöhego.

25 O avevejö'oho God-ro nimo'ogo Kerisoro börome namiromo öri ari'e aho'o muebejuvo hujeji ijonö God-ro a sisëho mu sisëho ruahö'ö'amo barë'ë'e Kerisoro hörëro vijuvo taemego barë'iröhego.

26 Huro mu sisë ioro'ioroho urimo ruahö'ö barënuogoromo a vuovavuae öroho ijo tugoho'i ruahö'ö'iramu barë'ë'e.

27 Ēhesi jöho God-are surire jajivoromo uvë'ëje: God-ro ae mue bövie bise'e aho'obëhe bahijahamu huro hörëro taemë'e höjo. Kerisohu ë'aje jöho ëhi jajivë'ëje. Ēhuni no uvarujeje: Vuovavuae örohu'o huro hörëro taemo'iramu iae barë'ajëjo. Röhu aho'obëhe Keriso-are aharinö jiaje hesi bëhoho God bogo a'i a ioro'ioroho aharinö jioruomajeje. Ēho samaeje. Rabëni God-ro bövie bise'e Keriso-are aharinö bahijateje huro mueberöhego. Ēhuni God bogo Keriso-are aharinöho jio'ë'e.

28 Röhu bövie bise'e Keriso-are aharinö bahi barë'iramu evare God-are Harihohuro God böromo mae jiaje hesi aharire va'o hi'ë'e God-ro aho'obëhe Keriso-are aharinö bahijahë'ëro jië'ëro. Ēhu'ëro jië'ëro God-ro gemuëro börome namiromo bövie bise'e aho'o muebejavuo barë'ë'e.

29 Röhu jemë'o uehorovore. A ioro'ioroho bapataeto vaejëvarueje mami'e vuovë'e aribövioho ajëmi'iröhego. Röhu vuovavue'e aribövioho bogo ri'ö hesi javuo'ibejo bëhoho rabëni vuovë'e aribövi jabeti jöëni bapataeto vaejëvarueje.

30 Röhu no diehi javuae jöhu'o uehorovore. Noro Keriso-are jöho majëhijego aëro bijönimoruomoro muë sisë bojamuego ëhuro majae ëhi vörö'ere raromarueje. Vuovoromo bogo ri'ö hesi javuo'ibejo vörö'ere raromaruoho bëhi rumo'e jio'ibejo.

31 Nasi ö mueno'e Paul na majae ëhi vörö'ere jevë'ëro guomevo'ië'ajeje. Na mae uëve. Jemë'o na'o nosi Bada Iesu Keriso-are ae gemuohuro javuë'ëro naro jemesi jöho uehorovoromo nimorohajeje. Ējöho iae maeje. Röhu guomevo'ië'ajeje hö uëvaje jöho ëhu'o iae jö maeje.

32 Na Ephesus hiromo ave sa'a hesi suvuorohemu uehorovo'ibejo na Keriso-are jöënioho vörö'e miroho bogo va'oromo jabu'oho muorovanovoromo vavaenoho



bae'ibejo. A'i vuov'e aribövioho bogo ri'ö hesi javuo'ibejo aehu atarue jöho ejëhoromo uvo'ibejo: Ioho jovoho ma-ue'ahê'e raromo'ejärëjo ruëroho no ma-vuovo va'iê'ëro.

<sup>33</sup> Ae gö jabetesi sareri sareri'e jö uehorovarujoho vuonugore. Vuonugoromo ave a mami jögoroho uehorovore. Sisê ariböviohu'o gemuore buarohê'oho êhuro nosi mu maho ijumahuaeje höjo.

<sup>34</sup> Mu sisêho vuonugo'i avo'avoho uehorovore. Jemê ae gö gö God bogo mae bogo gavarujeje. Jemê javoje baejëro êhuni uëve.

*Noehu vuovoromo ri'öjego nosi sino haho'oho nu ano'e gö javuoröhe jöhoje.*

<sup>35</sup> Ae göëro ue'a'anue: Röhu vuov'e aribövioho diehi'avuo'iramu ri'ö'ejärëjo. O diehi jiê'e sino haho'e jioromo rue'ejärëjo.

<sup>36</sup> Ja simane garaejê'ëro êhi jiê'e jöho majehi'anue. Ja ujo öjê'iroho bogo êma ri'ö'ê'e. Su'oho sagohori'iramu röhu i'e rëdijiomoromo ri'ö'ê'e.

<sup>37</sup> O ja iruno'e ö'iê'iroho ahohu'o hanohu'o u'emu jioröhoho bogo ö'i a'i ma-ujohemu ö'a'anue. Nani wheat uje o rabe ö'a'anue.

<sup>38</sup> Ö'iramu i'e rëdijiom'amoromo God-hu nimadêhi êhi nu ano'e gö gö jiobe va'ê'e.

<sup>39</sup> Röhu göho amore je'ore jovore raromarue aho majoho bövioho bise'oho nosi sino haho'oho bogo gemuoho javuo'i nu ano'e gö gö javue. A nosi nu ano'oho gö javuo'i sa'are majo hesi nu ano'oho gö jio'i ugo hesi nu ano'oho gö jio'i jovo majo hesi nu ano'oho göje.

<sup>40</sup> Röhu ö'idö inömohe sa'a inömohe iae jiorove. Röhu ö'idö inömohe nu ano'e mabêheje röhu gö jio'amoi' sa'a inömohe nu ano'e mabêheje röhu gö jio'ame.

<sup>41</sup> Maja hesi nu ano'oho mabêhe röhu göje. Manaero hesi nu ano'oho mabêhe röhu göje. Jiji mujöru'ö jabetesi nu ano'oho mabêhe röhu gö jio'ame. Jiji mujöru'ö jabetesi nu ano'oho mabêhe röhu gö gö jiorove.

<sup>42</sup> Êjö uhu'e majêhijode hesi bêhoho êhije. Sa'are inöme ö'idöre inöme bövie bise'e gö gö jio'amajêhi êhi sa'are guavarue sinohu'o ri'ö'iröhe sinohu'o gö gö jio'amajeje. Sa'are guavarue sinoho sagohori'iröhe sine jio'i ri'ö'iröhe sinoho bogo sagohori'iröhe sinohoje.

<sup>43</sup> Sa'are guavarue sinoho nu ano'e bogo maehu jio'i ri'ö'iröhe sinoho nu ano'o mabêhe ri'ö'ê'e. Sa'are guavarue sinoho darugo rumo'e jio'i ri'ö'iröhe sinoho darugo ma'e ri'ö'ê'e.

<sup>44</sup> Sa'are guavarue sinoho sa'are raromoromo mu vaejarue sinoho jio'i ri'ö'iröhe sinoho God-arire raromoromo aru'oho mu vaeröhe sinoho javuo'ê'e. Sa'are mu vaejarue sino haho'e javuê'ëro êhu'ëro uvarujeje: Aru'aho muemu vaeröhe sino haho'e iae jiaje höjo.

<sup>45</sup> Êhesi jöho God-are surire jajivê'eje. Nosi urimore aevo'i jiade bêhoho Adam-are jöhoje. Jajivoromo uvê'eje: Êhuro aevoromo darugoho baeromo ave sa'are hijade höjo. Êhi jajivê'eje. Röhu nosi ijore aevo'i jiade bêhoho Keriso-are jöho uvarujeje: Hu ijore rovade Adam jianovajëjo. Êhuro aevoromo aru'aho'e muoho vaeromo nosi aru'ahoho darugoho bojamuadeje.

<sup>46</sup> Aru'aho hesi darugoho bogo urimoho baeromo raromo jijihoi' a'i ave sa'a hesi darugoho urimo baeromo raromo jijiharujeje. Evare ijönö aru'aho hesi darugoho baeromo raromo jijiharujeje.

<sup>47</sup> Röhu urimore jiade aho sa'aëro avohê'ëro sa'a sine jiadeje. Ijore jiade aho ö'idöre jiê'ëro ruvebijadeje.

<sup>48</sup> Sa'a sino a jiadêhi no'o sa'a sino javuobe rovajeje. Ö'idöre jioromo rovade a jiajêhi u'emu ö'idö aribövioho no'o êhi javuobe va'ê'e.

<sup>49</sup> Röhu sa'a sino a hesi nu ano'o baebe rovaruêhi u'emu ö'idö a hesi nu ano'oho êhi baeruomoejo.

<sup>50</sup> Nasi ö mueno'e naehu jajivaje jö hesi bêhoho ave sa'a hesi sinoho no bogo êhu'o baeromo va'o God-are öri ari'eroho raromoejo. O sagohori'iröhe sinoho bogo ioro'ioremuoho javuo'ê'e.

<sup>51</sup> Gurihijê'e jöho na huruoho majêhi'iê'e here. A ioro'ioroho bogo vuovavuo'ê'e. Röhu ae aho'obêhe nosi sinoho gorosovoromo ajoho bae'jeje.

<sup>52</sup> Ijo tugohoi' majare hêgöe huo'iramu baderivanovo'iramu evare ga'ejö sinoho mami'e gorosovavue'e jio'iramu. Hêgöe huo'iramu vuov'e aribövioho ri'öruomoe'e ijönöho bogo vuovo'i ma-ioro'ioremuo raromöhêro. Ri'öruomoe'iröhoho no aho'obêhe gorosovavuo'ê'e.

<sup>53</sup> Êhesi bêhoho God-ro nimê'ëro ave sagohori'iröhe sinoho gorosovoromo êhuro bogo sagohori'i ma-jiemu jiobe va'oröhe sinoho javuo'ê'e. Vuovo'iröhe sinoho gorosovoromo êhuro bogo vuovo'i ma-jiemu jiobe va'oröhe sinoho javuo'ê'e.

<sup>54</sup> No êhi gorosovo'iramu evare ave God-are surire jö jajivarêhi êhi jio'ê'e. Jajivoromo uvê'eje:

Vuovavuaaje öroho God-ro ruahö'öromo mu'u barëj'e höjo.

<sup>55</sup> Vuovavuaaje öri hesi darugoho dinö'e höjo.

Guomavuaaje öri hesi vöröho diae höjo.

<sup>56</sup> Vuovavuaaje vörö hesi bëhoho no mu sisë vaejago vuovavuaajeje. O mu sisëhu ruahö'öjavuaaje hesi bëhoho God-are jöho aharueje.

<sup>57</sup> Iae ëhi jie röhu God-are örire mabëhe ua'ejo. Huro nosi Bada Iesu Keriso uavë'ëro huro vuovavuaaje örohu'o mu sisë ioro'iorohu'o ruahö'ö'amajeje ëhuro no mae javuoröhego.

<sup>58</sup> Nasi ö mueno'e vuovavuaaje öroho barë'ië'e jiaje ëhuni nami bibivoromo God-are muohuremu avoho vaenövore. Ehesi bëhoho jemë garomo uvarujeje: I'u'e mu Badare ihore vaejaruoho ëho no bogo ma-imo'i vaejarue höjo.

## 16

*Jerusalem ekaresia ajëmi'i Corinth rajo ariböviehu ijo bajo gagovo'iröhe jöhoje.*

<sup>1</sup> Röhu God-are aribövi Judea sa'are bogo eni jëvajohuni jemëhu ijo bajo gagovo'irarije jöho na majëhi'ië'e. Naehu Galatia sa'are God-are ekaresia mu bojëmibe juvodëhi jemëro ëhi jië'e muoho vaere.

<sup>2</sup> Hura börömo jië'iroho jemë ae gemuëro gemuëro ga'irarije ijo baje bövie baej'e jëvego bövie tario bamore. O bise'e baej'e jëvego bisemu tario bamore. Ehi jië'o ho na ö'iramu jemë ijo bajoho bogo naho'i ma-burëro baeromo bojemiaruje.

<sup>3</sup> Röhu ö'ë'iroho naro suri surire jajivoromo Jerusalem ekaresia a masijoho uë'ejo: Ave aribövi jabesi muoho ëhi höjo. Ehi jajivonugoromo ë suri suriohu'o jemesi suvuorohu'o jemëhu baejëvarije aribövi jabesi örire i'imëmiromo rëmö'ö'ejo ujuohoromo Jerusalem amore va'oröhego.

<sup>4</sup> O na'o Jerusalem va'irodoho mae hö uvë'o ho jabumë na'o gemu mae ö'ë'ö.

*Paul-mëhu diehi ë'i uehorovare jöhoje.*

<sup>5</sup> Röhu Macedonia sa'are va'o juvoromo evare ö'ejo Macedonia sa'are juvo'ië'ëro jevë'ëro.

<sup>6</sup> Ö'oromo nani majae bisemu ëgo'o jemë'o hi'ejo. Hesi nani'o nani buru majaho hi va'oromo barë'iramu na dinö'e va'irodire va'iramu jemëro ajemi'iramu mabëhe va'ejo.

<sup>7</sup> Avevejö'e ö'oromo ma-burëro gëromo va'ë'o ho na bijönege. A'i na nege Badahu nimë'ohuro ëhuro na majae ëgobövie jemë'o gemu mae hi'irodëro.

<sup>8</sup> Röhu avevejö'oho ave Ephesus amoremu hibe va'ejo Pentecost majaho rueröhego.

<sup>9</sup> Ehesi bëhoho nasi öroho jiovehë'eje naro aviae hiromo i'o mu'e vae'irodego. Röhu ae aho'obëhe nasi muoho aho'ië'ö. E'huni hiromo muebë'ejo.

<sup>10</sup> Röhu jö göho Timothy ö'ë'iroho avoho mueberego hu bogo juhuonivo'i jemë'o gemuoro mae hi'iro. Ehesi bëhoho naehu Badare mu vaejajëhi hu'o ëhi jië'e muoho vaejajago ëhuni uëve.

<sup>11</sup> Nadi uvore: Hu ma-asisö'e höromo nue huodivo'i a'i ajamiromo nugö'ö'orego nasi örire mae vuonorö'ö rue'iro. Rabëni na hiromo muebeje Christian ö ömo'ömo rue'iröhire hu'o ë rueröhego.

<sup>12</sup> Röhu nosi öe Apollos-are jöho gare. Na Apollos dinamiromo uavodeje: Christian ö ömo'ömo ioro'iorehu Corinth amore va'ë'iroho ja'o va'onëjo. Ehi uavodeje röhu avevejö'e jemesirive ö'iröhoho hu bogo mae bogo nimadeje. Röhu garöhe majaho eni jio'iramu gagorovo evare ö'ë'e.

*Paul-are ijo tugoho'i jöhoje.*

<sup>13</sup> Röhu nadi momorö'ö'i öre uherihë'i raromoromo birivoromo Keriso mae uehorovore. Nadi juhuonivo'i a duvahonö'e daruge baeromo riravore.

<sup>14</sup> Mu bövi bise'o vaejë'iroho ae dë vövöbajo'ëro uehorovëvoro muoho vaere.

<sup>15</sup> Nasi ö mueno'e na negaje jö göhu'o uë'ië'e. Stephanus'o hesi aganohu'o jabesi jöho jemë iae gavaruje. Greece sa'a rajoho jabumëro aevo'ioho Keriso-are jöho mae uehorovareje. Mae uehorovë'ëro jaburo God-are aribövi jabesi örire dë vövöbajo'e aho'o uehorovëvoro ajëmiarujeje.

<sup>16</sup> E'huni ëhi jië'e aribövi jabesi jöho ejëhoromo ae rahu mue gemuoho ajëmiromo birivoromo vaejë'oho jabesi jöhu'o ejëhore.

<sup>17</sup> Jemë rueromo na'o jio'irarijoho bogo eni jëvamu Stephanus Fortunatus Achaicus ëho jabuhu jemë'o röromo rovarohuro ëhuro na nimoroheve.

<sup>18</sup> Eäriböviohuro jemesi dë vövöbajo'oho sasohëhoromo nasirohu'o sasohëhë'ejö. E'huni ëhi jië'e aribövi jabesi öroho mae uehorovëvore.

<sup>19</sup> Rõhu God-are ekaresiae aho'obêhe Asia sa'are raromaruoho jaburo jemesi õrire jejëmijõ. O Aquila'o Priscilla'o Badare ihore dë vövöbajo'e aho'o jejëmijõ. Jabesi osare gagovarue ekaresiaho jabu'o ëhi gemuoho ë'ö.

<sup>20</sup> Christian õ mueno'e aho'obêhe jemesi õrire jejëmijõ. God-are ariböviehu jejamirovaruëhi ëhi rajahirovoromo jejamirovore.

<sup>21</sup> Ave jõho naro nasi övëro jajivo'ië'e. Paul naro jemesi õrire jejëmije.

<sup>22</sup> Ae rahumë Bada bogo ma uehorovë'o ho sisëro va'ë'ö. Bada jero ma-burëro ruene.

<sup>23</sup> Bada Iesuro huë baeromo jemë ajëminövo'ë'e.

<sup>24</sup> Jemë'o na'o Iesu Keriso-are agane gemuohuro javuë'ëro naro nasi dë vövöbajo'e aho'o jemesi õrire bojëmije. Ahia mino'e.

## 2 CORINTHIANS

*Paul-hu Corinth ekaresia jejëmijade jöhoje.*

<sup>1</sup> O asê'e God-are ekaresiae Corinth amore raromarujoho God-ro nimamu Iesu Keriso-are apostle jevê'ëro Paul na'o nosi öe Timothy'o noro niö'iro jemê jejëmiromom God-are aribövi Greece sa'a ioro'iorore raromarujoho jemê'o jejëmijö.

<sup>2</sup> No nague God nosi Vavuohu'o Bada Iesu Keriso'o huê baeromom ajëmijego maro raromom'irarijego.

*Paul-hu huê vavaeni baeromom barêjê'ëro God rajahijade jöhoje.*

<sup>3</sup> Asê'e God hu mabêheje. Hu nosi Bada Iesu Keriso-are Börömeje o göho hesi Vavueje. Êaho God Vavuoho hu mabêheje. Êhesi bêhoho hu noni vavaenimom avohaje Vavuohoje. Hu sanuamuiromom ajamui avohaje A Börömochoje.

<sup>4</sup> Huro gövuaje no huê vavaeni bövi bise'o baejamu gövüë'iroho sanuamuego biririvavuajeje êhuro huê vavaeni bövi bise'o baejê'e aribövioho no'o sanuëmijê'o'oho eni javuoröhego. Sanuëmego jabbu'o birire baeröhego. Huhu no sanuamuijadêhi no'o êhi ê'oromom a ioro'iroho sanuëmego mae jëvoröhego.

<sup>5</sup> Kerisohu baejade êhi jîê'e huê vavaeni jovehu ruomanovoromom nosi örire rovajêhi êhi Kerisohu nosi örire bojamuaje biriroho jövëro ruomanovajeje.

<sup>6</sup> Noehu huê vavaeni baejarue ê hesi bêhoho jemesi jöëni baejarueje êhuro jemê biririvëvego maro va'irarijego. O God-hu sanuamuego biriri baejarue ê hesi bêhoho gemuohoje. Jemesi jöëni baejarueje noehu baejarue êhi jîê'e huê vavaeni baejê'iroho êhuro biririvëvego baberumi riravo'irarijego.

<sup>7</sup> Röhu noro uvarueje: Noehu huê vavaeni baejarue gemuoho jemê'o baejarujêhi êhi noehu biriri baejarue gemuoho jemê'o baejaruje hõ uvoromom êhunim uvarueje: Iae mae-êjo. Jemê iae biririvo'arujêjo.

<sup>8</sup> Röhu nasi ö mueno'e noehu Asia sa'are raromoromom huê vavaeni baejare jöho no nague jemëro avoho ga'irarijego. Huê gage marijamuromom ijo'aho rumorêjavuoromom uehoroho barêjavuamom uvareje: Noehu vuovavumom hesi hõjo.

<sup>9</sup> Nosim herovoromom uvareje: Vuovavumom'iröhe jöho court-re majahuijamom hejanovê'e javuajêjo. Êhi herovareje. Röhu êhi herovare hesi bêhoho God-ro nimadeje norom uehorovoromom uvoröhego: Nosim sivuoho bogom eni javumom'iröhe God-ro vuovê'e aribövioho ajëmego rî'ö'amajêro jîê'ëro êhu'ëro hesi huro ajamui'ajêjo.

<sup>10</sup> Sisê döro vuovavumom'iröhe hõjadoho God-ro ujohavuoromom maro ramuadeje. God-hu mare ramuadoho u'emum sisêro javuê'o'oho maro ramum'ê'e. No hesi örire mae uehorovoromom uvarueje: U'emum sisêro javum'iramum röhum mahom maro ramum'ajêjo.

<sup>11</sup> Jemëro ajamuiromom nosi jöëni God ua'iramum huro iae êhi ajamui'ê'e. Ae aho'obêhe êninam'iramum nosi örire huê baejavuoromom ajamui'ê'e. Êhunim ae aho'obêhe nosi jöëni hesi örire mabêhe uaruom'ê'e.

*Paul-hu Corinth amore va'irarijego uëromom röhum bogom va'ade ê hesi jö bëhim Paul-hu majêhijadohoje.*

<sup>12</sup> Ave jöho no uehorovoromom nimoroharueje. Herovoromom uvarueje: Iae mae-êjo. God-ro ajamuegom no bogom ma-döëremuohom muohom vae'i nosim dë vövöbajom'iröhe uohum'iröhe ma-va'orahorom a jabesi örire röhum jemesi öriroh'iröhe vaejavarue hõjo. Bogom aehum êmam uvaruohom: Simanom ma'e uehorom hõ uvaruohom bae'i a'iröhe God-hu huê baejavuoromom bojamuaje darugohom êho no baeromom muohom vaejarue hõjo.

<sup>13</sup> Êhesi bêhoho jemêhum samae'ê adahoromom mae hejaruje jöhemum no jajivarueje.

<sup>14</sup> Jemëro nosim bêhohom ma-bisemum hejarujeje röhum na nege jemê he avohoromom uvom'irarijego: Bada Iesuare majahom rü'iramum Paul-mêhum nosim jöënim nimorohê'iröhe uehorovom'iröhêhim noehu Paul-mesim jöënim êhim nimorohê'iröhe uehorovê'o'ohom iae mae jio'a'ajêjo.

<sup>15</sup> Iae na mae uehorovoromom uvodeje: No êhim mae garorovarue hõ uvodohumim êhunim uvodeje: Naro jemesi örire urimom ö'ejöjom êhuro vae niö'iröhe ö'ego huê mae bae'irarijego.

<sup>16</sup> Urimom ö'oromom jemesirire hiromom Macedonia sa'are va'ejöjom. Macedonia va'oromom vuonom bu'oromom jemesi örire röhum mahom ö'ejöjom. Ö'iramum jemërom bövime bise'e ajemiromom remö'ö'iramum na mae va'oromom Judea sa'are hi'ejöjom.

<sup>17</sup> Na êhim ê'iröhe uehorovodeje röhum bogom ö'odeje. Êhunim nanim jemê êmam uvaruje: Nöörö sarerim'ê'e aërom jîê'ëro bogom rovade hõjo. Nanim êhim uvaruje röhum na bogom êhim jîê'e aho jeve. O naehum êhim ê'iröde muohom uehorovê'o'ohom bogom nasi sinohemum uehorovoromom jöho

huotohuotovoromo uévajeje: Io'ajo. Iae na ë'ejö uëvë'i uévajeje: Bogajo. Na bogo ë'ejöjo. Na bogo ëhioho jöho huotohuotovoromo jövajeje.

<sup>18</sup> God-hu bogo uehore gö gö bae'i ma-gemu uehorovajëhi no'o jemë jö majëhijaruoho bogo uëvarueje: Io'a uëvë'i boga uëvarueje.

<sup>19</sup> Èhesi bëhoho God-are Harihe Iesu Keriso-are jöho noro baeromo jemë majëhijareje naro Silas-ro Timothy-ro. Noehu jö majëhijare aho Keriso hu bogo uvë'eje: Io'a uvë'i uvë'eje: Bogajo. Keriso bogo ëhioho uvë'eje. A'i Kerisohu diehi ajamuiröhego God-hu uavadëhi huro io'a gemu uvoromo ëhi ëhi ajamuibe rovvë'eje.

<sup>20</sup> Keriso bogo rovade majare God-ro mae uvobe rovadeje: Naro nasi aribövioho ëhi ëhi mae vaejëvo'ejöjo. Mae vaejëvo'ejö uvë'ego Kerisoro uvadeje: Io'a uvoromo God-hu uvade mu maho vae barëjë'eje. Èhuni Keriso-are ihoro noro God-are örire uavarueje: Jaehu mu vaejahuo'i mae uvanëhi Kerisohu ëhi vaejahuadoho iae mae-ëjo. Iae mae-ë uavaruohuro ëhuro God-are ihoho bërömeje.

<sup>21</sup> Röhu no jemë'o gemu mae baejavuoromo Keriso'o gemuore ioro'ioeremu bimuvavuoromo hesi mure bamavuade aho iae God-je.

<sup>22</sup> Huro no hesinö ioro'ioeremu baejavuoromo hesi Aru'ahoho nosi dë vövöbajo'ere bojamuijë'eje noro uvoröhego: Hu aevoromo hesi Aru'ahoho suvuore bojamuijë'ëro ëhu'ëro hesi suvuoro vituoho'o ijönö iae bojamui'ajëjo. God-ro ëhi ioro'ioeremu ajamuijë'eje. Èhi jië'ëro na'o bogo jöho huotohuotovoromo jövajeje. Amo bogo ëhunioho ö'i uëvodoho vuonugo'i hijodeje.

<sup>23</sup> A'i ave jöho God-ro ge'ego na mae jöve. Naehu Corinth amore ö'ië'oromo vuonugode hesi bëhoho naro ö'oromo i'ue bojëmego baejööni ëhuni bogo ö'odeje.

<sup>24</sup> Iae na i'u bojëmi'irode jöho uëve röhu nosi mu hesi bëhoho bogo masijoho riravoromo jemesi öriroho darugo'e jöhuremu bojëmiromo uë'iröhëro: Èhi ëhi God mae uehorovohëjo. A'i no jemë'o havoromo ajëmijarue ae javue jemë dë sasohëvonövoröhego ë hesi bëhoho jemë iae eni biririvoromo God mae uehorovarujego.

## 2

<sup>1</sup> Amo ö'ië'oromo vuonugo'i hijode hesi bëhoho naro nasi uvodeje: Na bogo röhu maho ö'oromo i'uoho huë vavaenoho bojëmi'ejöjo.

<sup>2</sup> Na jemesi örire i'u huë vavaeni bojëmijë'oho rahumëro na huë maho bojemi'ë'ö. Jemëremu huë maho bojemi'ibearijoho röhu huë vavaene jëvo'ibejo aho bogo huë maho bojemi'ibearije.

<sup>3</sup> Na bogo vejö'oho ö'irögoro a'i urimo jemëhu avo'avoho uehorovo'irarije jögoru jajivoromo nugö'öjode hesi bëhoho na bijënegadeje ö'oromo jemesi mu sisë garomo huë vavaeni bae'irodoho. Jemesi jöeni huë maemu baejë'oho iae maeje. Èhuni huë vavaeni jemesi jöeni baejë'oho na bijënegamu suri surioho jajivodeje. Èhesi bëhoho naro jemë ae aho'obëhe mae uehorovëvoromo uvodeje: Jemë'o na'o mu mae gemuoho nimo avohoromo ëhuro huë mae baejarue höjo.

<sup>4</sup> Röhu na jajivodevare huë vavaene bëröme baejë'i nurunurumë'i sisë maro nivë'i jemesi örire jajivodeje bogo ëhuro jemë huë vavaenoho bae'i a'i ga'irarijego naro jemesi örire uehorovëvo avohaje jevego. Iae ëhuni jajivodeje.

*Mu sisë vaejade a hesi sisë Corinth ariböviehu uehorovoromo vuonugo'iröhego Paul-hu uëvade jöhoje.*

<sup>5</sup> Röhu huë vavaene nasi örire barovade aho hu bogo nasi öriroho ë'i a'i ekaresiae ae aho'o jemesi örire ma-bisemu huë vavaene barovanovadeje. I'u jö uë'irodoho na bijönege.

<sup>6</sup> Jemë ae aho'o ë a i'u bojamarijoho iae eni jië'eje.

<sup>7</sup> I'uoho mino'e bojami'i hesi sisë uehorovoromo vuonugoromo ma-ajamiromo biririvo'iröhe jö ma-sanu'oho majahire. Jemë bogo ëhi ë'ë'oho nani hu huë vavaene bëröme bae'iramu jövëro ruomoromo taemanovo'ë'e.

<sup>8</sup> Èhuni na nege jemëhu hu huë baejarujoho röjahi avohego hu garöhego.

<sup>9</sup> Rabëni na urimo jöho ave hesi bëhohuni jajivodeje gë'irodëro jemë nasi jöho aho'o ejehë'e jëvego o bogo.

<sup>10</sup> Ae rahuarë sisë jemëhu uehorovoromo vuonugë'oho na'o gemuoho ë'ajeje. Mu sisë rabe na uehorovoromo vuonugodoho mu sisë uehorovoromo vuonugo'irode jië'oho Keriso-are nuniro namiromo jemesi jöeni na uehorovoromo vuonugë'e jeve

<sup>11</sup> Satan-ro sareramuiromo baejavuujöeni iae no hesi sareri sareri'e muoho mami'e gavaruëro jië'ëro.

*Paul-hu Troas amore hiromo nurunurumade jöhoje.*

<sup>12</sup> Röhu naro Troas amore va'odeje Keriso-are jö maho majëhi'irodëni. Va'oromo gavodeje Badaro nasi mu öroho mabëhe jiovehë'e jiamu.

<sup>13</sup> Èhi jiamu ga'irögoro röhu gavode nasi öho Titus jemesirire ö'adoho bogo rovë'e jiamu gagorovo uehore böröme baejodeje. Uehore böröme baeromo amo rajoho jejëmiromo rëmo va'odeje Macedonia sa'are va'ië'ëro.

*No Keriso-are gemuore javuë'ëro mu sisë huë vavaene ruahö'öjarue jöhoje.*

<sup>14</sup> Röhu no God mabëhe ua'ejo. Rabëni Kerisoro mu sisë'o no'o ruahö'öjavuë'ëro jië'ëro ëhu'ëro God-ro uvajeje no Keriso'o gemu mae javuajë uvoromo sôjavuuo ujuoho va'ego nimorohë'i jijiharueje. Èhi'oromo huro Keriso-are jöho no bojamuijë'ëro noro ae majëhibe va'ego ridi mabëhëro rumorovanovobe va'ajeje. Rumorovanovobe va'ego aëro heruomajeje God ëhi jië'e ae jiajoho.

<sup>15</sup> Noro Keriso-are jöho ëhi baeromo jijihego God-ro uvajeje: Èho Kerisoro nasi örire ridi'e suvuore bojemijanovajë uvoromo vuëvajeje. Vuëvego no Keriso-are jöho ridi manö'e baeromo va'ego mare va'iröhe o sisëre va'iröhe ariböviohuro heruomajeje.

<sup>16</sup> Sisëre va'iröhe ariböviohuro Keriso-are jöho bogo ejahego ë jöhuro ridi sisënö'e ridëmego sisërëjëvo hesije. A'i mare va'iröhe ariböviohuro heromo ejahego jöhuro ridi maëro i'ovëvanovego ëhuro maro raromo hesi jëve. Asëte ëhi jië'e mu börömo vae'iröhoho rahuo eni javue.

<sup>17</sup> Ae göehu göehu aho'obëhe ë'aruëhioho no bogo ëhioho sarerëmiromo uëvarueje: No eni javuajëjo. Èhi jië'e ariböviohuro ijo bajemu uehorovoromo God-are jöho sareri sareri'oho majëhibe jijiharueje. Iae ëhuni uvarueje: No eni javuajëjo. Röhu no bogo ëhioho ë'i a'i uhohu'o maemu javuego God-ro uövüë'ëro Kerisohu nimaje muohemu vaeromo God-are nuniro atarueje.

### 3

*Paul-mëhu God-are jögoru i'o hesi mu vaejarue jöhoje.*

<sup>1</sup> Èjöho garomo nani jemëro ëma uvo'a'arueje: Paul-ro hesi arijo'ëro hesi ihohu'o hesi aribövi jabesi ihohu'o mami'e nigemadoho röhu maho ëma nigemoromo ë'ajëjo noro uvoröhego: Paul-më God-are mu vae'iröhoho eni jëvájëjo. O ëma uvo'a'arueje: A ioro'iorehu nimaruhëi Paul-mëro nimaruejo jabesi mu eni jiaje jöho ae göëro jajivego no suroho garomo uvoröhego: Paul-më eni jëvájëjo. O noro Paul-mesi jöho jajivego a ioro'iorohuro suroho garomo uvoruomoröhego: Paul-më eni jëvájëjo. Nani ëhi uvo'a'arueje röhu nomë bogo ëhi jië'e suri surioho nimö.

<sup>2</sup> Èhi jië'e suri suriohu'o röromo iae jemë jëve. Kerisoro jemesi ihoho nosi dë vövöbajo'ere jajivahuë'ëro ëhu'ëro no jemesi örire börömo mae uehorovëvarueje. Börömo mae uehorovëvaruëro javuë'ëro ëhuni uvarueje: Nosi mu eni jiaje jö jajivë'e suroho bogo naguajëjo aëro adaho garomo uvoröhego: Paul-më mu mae vaejarue höjo. Ae aho'o suroho bogo adaho ga'i a'i jemesi muohuremu garomo uvoruomo'ë'e: Corinth ariböviehu mu mae vaejarue hesi bëhoho Paul-mëro eni ajëmijë'ëro ëhu'ëro ë'aruëjo. Èhuni Paul-mesi muoho iae eni jiajëjo.

<sup>3</sup> Iae ae aho'obëhe gavö jemë Kerisohu jajivade suri surire jöho va'ëne jëvo'ego. Èjöho noro bö'areje. Röhu Keriso jöho bogo barigoho jajivo'i a'i God darugo bojamuaje a hesi Aru'ahohuro ëhuro jajivë'eje. O Moses-hu God-are jögoru munë hitahi döre jajivadëhioho bogo ëhioho rori'oho munë döroho jajivo'i a'i jemesi dë vövöbajo'ere jajivë'eje.

<sup>4</sup> Noro ëhi ajëmijë'ëro Keriso-are mu jemesirire jiajohuni ëhuni God-are nunire riravoromo Keriso-are jöëni biririvoromo uehorovoromo uvarueje: Jemë noehu mu vaejarue suri ma va'ëne jëvájëjo.

<sup>5</sup> Bogo nosi simanohuro darugohuro God-are mu vae'iröhoho no eni javuoi' a'i hesi God-ro avohavuë'ëro ëhuro eni javue.

<sup>6</sup> Huro no avohavuë'ëro ëhu'ëro no hesi jögoru i'o hesi öroho avoho röjëhi'iröhoho no eni javue. Èjögoru i'oho bogo jajivë'e jögoroho jio'i a'i God-are Aru'ahuhu bojamuaje jögorohoje. Jajivë'e jögoroho ahoromo vuovarueje. A'i Aru'ahohuro i'ovavuaajeje.

<sup>7</sup> Munë hitahire sehoromo jajivë'e jögoru ë hesi muoho rovego aëro ë jöho ahoromo vuovajeje röhu ë jögoru barovade majare evare God-are aji böröme a nunire rovadeje. Rueromo vuorövobe va'adeje röhu Israel rajoho Moses-are nu ano'o hesi ajoho bogo ga avoho'i ma-ga burutimoruomadeje.

<sup>8</sup> Èhuni biririvoromo uvo'a'anue: God-are Aru'aho hesi muoho rovë'ëro ëhu'ëro ë mu hesi ajohuro aji mamioho iosiramiroho bogo bise'o vadu'oho ruenövo'ajëjo.

<sup>9</sup> Jögoru mami hesi muoho rovego aëro heromo ë jöho ahoromo jö sisë God-are nunire baejarueje. Röhu ë hesi muoho aji'e jiadeje. Ëhuni biririvoromo uvo'a'anue: Jögoru i'lo hesi muoho rovego aëro ë jöho ejego jabesi jö sisëho barëjhäjëro jië'ëro ë mu hesi ajohuro mu mami hesi ajoho iosiramiro mo bövi mae höjo.

<sup>10</sup> Aji mamioho böromo ajivadoho jaruvoho bogojianove aji i'ohuro rueromo böromo mae ajivoromo ruahö'öjë'ëro.

<sup>11</sup> Vuorövole va'oröhe muoho iae aji'e jiadeje. Ëhuni biririvoromo uvo'a'anue: Ioro'ioremu jioröhe mu hesi ajoho böromo mae höjo.

<sup>12</sup> Mu i'ehu ioro'iore gemu jioröhego dë sasohoromo uvaruohuni ëhuni no biririvo avohoromo jöho ma-samae majëhijarueje.

<sup>13</sup> Samae majëhiromo Moses-hu hesi aji gurihjadëhioho no bogo ëhioho nosi aji'e jöho gurihijarueje. Ëhesi bëhoho Moses-ro hesi nu ano'o'oho niögëro riogivorovoromo gurihijadeje Israel rajoho jaburo bogo muebe'öromo garöhego ajoho vuorövo va'oromo barëjëgo.

<sup>14</sup> Röhu Israel rajoho hia'i biririro jabesi simanoho sisërëjhadeje. Jaruvohu'o ëhi gemuohoje. Jögoru mami adahamu hejë'iroho Moses-hu hesi nu ano'o' hesi aji riogivorovadëhi jabesi uehoroho ëhi riogivorovobe rovë'ejö. Ëhesi bëhoho jabumë Keriso bogo ma uehorovarueje röhu huro gemuëro riogivahuajoho jiovahuajeje.

<sup>15</sup> Io'lo. Jaruvohu'o Moses-are jögoru adahë'iroho jabesi uehoroho riogivë'e maeje.

<sup>16</sup> Röhu jabumë ae rahu huutorovoromo Bada mae uehorovë'iroho evare uehoro riogivëhadoho iae jiovëho'ë'e.

<sup>17</sup> Röhu Bada hesi bëhoho God-are Aru'ahoho uave. Badare Aru'ahuhu dinö'e dinö'e jië'iroho öri mare jijio'iröho iae jiovahuë'jeje.

<sup>18</sup> Ëhu'ëro jië'ëro no Christian ae aho'obëhe nosi nu ano'o'oho bogo riogivahuë'ëro ma-jaehu aririre bijiohego gavaruëhi ëhi Badare ajoho aririro gavanovoromo ëho uehorovo avohoromo gorosovoromo hu jiajëhi ëhi javuobe hesi ajoho gö'lo gö'lo baebe va'arueje. Badaro ëhi ajivvuajeje. Bada hesi bëhoho God-are Aru'ahoho uaromo ë'e.

## 4

*Aji mu mabëhe baejë'ëro ëhuni Paul-mëhu biririvoromo mu vaejare jöhoje.*

<sup>1</sup> Ëhi jië'e aji'e muoho God-ro noni vavaenimoromo bojamuijë'jeje. Ëhuni bogo u'uhoromo vuonugo hesi javue.

<sup>2</sup> Gurihijë'e javojie mu sisëho bijönaguego bogo vaejarueje. Sareri'e muoho bogo vaeromo God-are jöho huotuhotovoromo majëhijarueje. A'i God-are jö maho sama'e huruoho majëhiromo hesi nunire riravoromo mue vaeromo nosi arijo'arije ae aho'obëhe röjahirovarueje jabesi uhure uehorovoromo uvojöro: No ma-mae javuajëjo.

<sup>3</sup> Keriso-are jö maho noro iae sama'e majëhijarueje röhu ë jö hesi bëhi tugohëhë'oho sisëre va'iröhe aribövi jabesi örohemu tugohëhë'jeje.

<sup>4</sup> Ëhesi bëhoho Keriso bogo ma uehorovarue aribövioho ave sa'a hesi böromohuro jabesi uehoroho tugohëhë'jeje jö ma hesi ajohuro ajivëvego Keriso-are ajoho garuomojöëni Keriso hu God jiajëhi ëhi jië'ëgo.

<sup>5</sup> Bogo nosi jöho majëhi'i a'i ae majëhiromo uëvarueje: Iesu Keriso hu Bada höjo. Nomë Iesuare jöëni jemesi mu vaejëharue aribövie javuajëjo.

<sup>6</sup> Keriso-are jö majëhijarue hesi bëhoho ni'i'ivadiroho God-ro uvade höjo: Ramoramoho ajivëjo. Ëhi uvade ahuro nosi dë vövöbajo'oho ajivvuadeje noro hesi aji mahemu Keriso-are nu ano'ere garuomoröhego.

*Paul-mesi sino haho'e u'uhëvadeje. Huë vavaene baejareje röhu God mae uehorovë'ëro biririvoromo mue vaejareje. Ëhesi jöhoje.*

<sup>7</sup> ËGod-are aji maho nosirire u'uhë'e rama gagore jianovajeje ëhuro noro garöhego daruge aho'o bogo nosirehu jio'i hesi God-are örire jioromo rovego.

<sup>8</sup> Majae ëhi huë vavaene börome bae'i arijarueje. Röhu bogo ijumavuo barëjë'jeje. Öre nahoromo uehore gö gö bae'i arijarueje. Röhu öroho iae birohharueje.

<sup>9</sup> Ae aho'obëhe sisë vaejavuoruomajeje. Röhu God bogo vuororamuijë'jeje. Aëro anaguoi' arijarueje. Röhu bogo ma anaguë'jeje.

<sup>10</sup> Iesuhu vi'ehi baeromo guomadëhi majae ëhi no'lo sa'a sinore ëhi vi'ehi baeromo vuovo'ië'obe va'arueje God-ro nimë'ëro noro garöhego Iesuare darugoho nosi sinore jiego.

<sup>11</sup> Majae ëhi ave sa'are raromaruevare evare Iesuare jöëni vuovo'iröhëro raromarueje God-ro nimë'ëro noro garöhego Iesuare darugoho nosi sa'a sinore jiego.

<sup>12</sup> Ĕhu'ëro jië'ëro noehu Keriso-are jö majëhijaruoho vuovo öriro muoho vae'i a'i jemë ë jöho heromo i'ovo örire jëvajeje.

<sup>13</sup> Röhu God-are surire jajivoromo uövuë'eje: Na mae uehorovode höjo. Ĕhuni jöho jövode höjo. Ĕaehu jajivadëhi no'o ëhi gemuoho mae uehorovë'e raromarueje. Mae uehorovoromo ëhuni jöho atarueje.

<sup>14</sup> Atarue hesi bëhoho no garomo uvarueje: Bada Iesu ajamamu ri'öjade aho God-ro no'o ëhi ajamui'iramu ri'ö'ëjarëjo Iesu'o gemu mae javuë'ëro. Ri'ö'iramu jemë'o gemu mae hesirire söjavuo va'a'ajëjo.

<sup>15</sup> Ĕmuoho aho'obëhe nosirire rovaje hesi bëhoho ëhuro God-ro ae aho'o huë baeromo ajëmiromo dë vövöbajo'e huotovëhobe va'ego ae aho'o hu rajahi avohego hesi ihoho dö maro jioröhego.

<sup>16</sup> Ĕhuni no bogo u'uhoromo muoho vuonugo hesi javue. Nosi sino haho'oho sisërëjavuobe va'irögoro a'i nosi aru'ahoho majae ëhi i'ovavuobe va'ajeje.

<sup>17</sup> Nosi huë vavaenoho ma-bisemu baeromo ma-burëro barë'iröhoho jio'i röhu ë huë vavaenohuro ëhuro ijönö aji ma-mabëhe ioro'ioremu bae'ëjo. Huë vavaenoho ma-bise'ego bogo uehorovo'ëjo. A'i ajoho börömo mae jio'ë'e.

<sup>18</sup> Nunehu ga'amaruoho bogo nuroho vae'i a'i nunehu bogo ga'amaruoho nuro vaejë'e raromarueje rabëni hesi bëhoho nunehu ga'amaruoho ëho majae ma-bunemu jioromo barë'i a'i bogo ga'amaruoho ëho jiemu jio hesi jië'ëgo.

## 5

### *Vuovavuë'oho no maro raromo'iröhe jöhoje.*

<sup>1</sup> Iae no garomo uvarueje: Nosi sa'a sinoho ma-jahuri raromarue javu va'ënoho ëho sisërë barëjë'oho God-hu nugahuade javu maho nosi jio'a'ajëjo. Bogo aho övoho avoho'i hesi God-ro bamahuë'e höjo noro ëho baeromo ö'idöre ioro'ioremu raromo'iröhego.

<sup>2</sup> Avevejö'oho vavaenimoromo hara'uë'i muebejarueje ö'idöre jiaje javuoho baeromo ëhuro niögunö'e aegorovo'iröhëni.

<sup>3</sup> Niögunö'e aegorovë'oho bogo niögu rumo'oho ëma raromo jijihanovo'ëjo.

<sup>4</sup> Sa'are ma-jahuri raromarue nosi javuore raromaruevare evare vavaenimo avohoromo hara'uarueje. No vavaenaguaje hesi bëhoho bogo niögu mamioho boremi'ö'i nagaujohunioho bogo ëhunioho vavaenimo'i a'i God-hu bojamui'iröhe niögu i'ohuro döre aegorovego ëhuro raromemu raromo'iröhe muohuro sisërëjavuobe va'aje muoho ruahö'öjego barë'i i'e javuoröhego. Ĕhuni vavaenimarueje.

<sup>5</sup> Röhu hesi God-ro no avohavuadeje noro ëhi i'e baeröhego. Avohavuoromo hesi Aru'aho maho svuore bojamuijë'eje noro uvoröhego: Iae mae-ëjo. Hesi Aru'aho bojamuijadëhi svuuro vituoho ëhi bojamui'iramu ma-mabëhe bae'ëjarëjo.

<sup>6</sup> Ĕhuni majae ëhi no dë sasohoromo biririvarueje. Rabëni no gavaruoho nosi sino haho'ere raromaruoho ëhuro Bada'o gemuoroho bogo raromarueje.

<sup>7</sup> Bada mae uehorovoromo raromo jijiharuooho bogo hu garomo ëhioho ë'arueje.

<sup>8</sup> Amo noro dë sasohoromo biririvarueje. Dë sasohoromo biririvë'i uvarueje: Nosi sinoroho bogo raromo'i Bada'o gemu mae raromë'oho ëho iae maho höjo.

<sup>9</sup> Röhu no sinore raromë'oho o bogo raromë'oho ëho bogo uehorovo'i a'i nosi uehoroho ë gemu bamarueje noro muoho avoho vaejego Badaro göromo nimorohoröhego.

<sup>10</sup> Huhu nimorohoröhego vaejarue hesi bëhoho no ae aho'obëhe Keriso-are nunire riravo'ëjo no ae gemu gemu sinehu raromoromo mu mae o sisë vaejarue ëhi jië'e manaho baebe va'iröhëni.

### *Kerisohu no buore vaejavuoromo God-are gemuore bamavuade jö Paul-mëhu a majëhinövare jöhoje.*

<sup>11</sup> Hesi nunire riravo'iröhohuni ëhuni Bada juhuonamiromo a jabesi simanoho huotovëho gavarueje jaburo hu mae uehorovoröhego. No ëhi mae ë'aruoho God-ro no gö barëjë'eje. Röhu na uehorovomoe uve: Nani jemë'o jemesi dë vövöbajo'ëro ma-va'orahoro gövuvarueje höjo. Ĕhi jië'oho iae na nege.

<sup>12</sup> Noehu mae ë'ëgo God-hu gövuaje jöho uëve röhu nadi uvore: Paul hesi arijo'ëro hesi ihohu'o hesi aribövi jabesi ihohu'o mami'e nigemadoho röhu maho ëma nigemoromo ë'ajëjo noro uvoröhego: God-are mu vae'iröhoho eni jëvajejo. A'i ë jöho jajivode hesi bëhoho ëhuro jemë nosi jöëni nimoroho'irarijego. Nimorohoromo he'irarije aehu nosi jö sisë atoruomamu hejë'oho jö mana uë'irarijoho jemesi örire jioröhego. Nosi jö sisë atoruomaje aribövioho dë vövöbajo'oho bogo nimorohë'e atö'i a'i ma-sinoremu nimorohë'i atoromo nosi jö sisëho atoruomajeje.



<sup>13</sup> Aehu uvaruoho: Paul-mëro simane sisërëromo muoho vaejarue hõ uvaruoho no God-ni ëhi jië'e muoho vaejarueje. O simano mae javuego mu vaejaruoho ëho jemesi jöëni ëhioho vaejarueje.

<sup>14</sup> Èhesi bëhoho Kerisoro no dë vövöbajo'e aho'o uehorovavuajeje. Èhuremu no uehorovoromo bogo nosi jöënioho a'i God-are o aribövi jemesi jöëni uehorovoromo muoho vaejarueje. Iae no uehorovoromo uvarueje: Ae gemuëro ae aho'obëhëni guomadë hõjo. Urimo ae aho'obëhe no mu sisëmu uehorovaroho rôhu Kerisohu guomadohuro ëhuro ae aho'obëhe no'o ëhi vuovavuanovamu nosi mu sisëho barëjahuë'e hõjo.

<sup>15</sup> Kerisohu ae aho'obëhëni guomadë hesi bëhoho no ave sa'are raromarue ariböviohuro ijönöho bogo nosi sinemuoho uehorovoromo raromo jijihö'i noni guomoromo ri'öjädë aho uehorovoromo raromo jijihö'iröhego. Iae ëhuni hu guomadë hõjo.

<sup>16</sup> Èhi jië'ëro aehu uehorovaruëhioho no ijönöho bogo ëhioho uehorovoromo uvo'ejo: Èaho mae o sisë hõjo. Urimoho aehu jabesi ma-uehorovaruëhi no'o ëhi uehorovoromo uvonövarëje: Iae Keriso ëhi ëhi jië'e ae hõjo. Rõhu jaruvoho no bogo ëhioho uehorovaruëje.

<sup>17</sup> Èhu'ëro jië'ëro ae rahu Keriso-are ae gemuoho javuë'oho no i'e javuajeje. Mu mamioho barëjahuo'i mu i'e rovë'eje.

<sup>18</sup> Èmuoho aho'obëhe hesi God-ro avohahuadeje. Huro Keriso nugö'öromo ëhuro buore vaejavuoromo hu'o no'o aevoromo maro raromareje. O mue bojamuadeje buore vaejavuade jöho majëhijego aëro heromo ejahoruomoröhego.

<sup>19</sup> Jöho aviëhije. God-ro Keriso-are dë vövöbajo'o uhure jioromo mue ajamiromomo ëhuro ae aho'obëhe nosi sisë hesi i'uoho bogo uehorovahuo'i buore vaejavuade hõjo. Buore vaejavuoromo buore vaejavuade jöho bojamuade hõjo noro majëhibe jijihoröhego.

<sup>20</sup> Èhu'ëro jië'ëro no Keriso'o röromomo jö majëhijarue aribövie javuë'ego God-ro jöho bojamuoromo uövüego no ae dinëmarueje. Keriso-are jöëni ae uëvarueje: Buore vaejavuade jöho eromo God'o gemuoro huë mae raromohëjo.

<sup>21</sup> Keriso hu mu sisëho bogojädëje. Rõhu God-ro nosi sisëho hesi örire bojamamu baejädëje ëhuro no Keriso-are ae gemuohuro javuë'ëro God-ro nosi ihoho avohavuego hesi nunire ma-mae riravoröhego.

## 6

<sup>1</sup> No God'o gemu mae mue vaejaruëro javuë'ëro no naguaje jöho jemesi örire majëhi'irögoro ë'ö jemëro ëhi ë'irarijego. God-hu huë baeromo bojëmadë jö maho mu maho nadi ëma baeromo boremi'ö'i ma-avoho ma'enore.

<sup>2</sup> God-are surire jöho jajivoromo ëhi uvë'eje:

God naehu huë baejëvo'irode majaho rovamu evare na jemesi jöho ejëhode hõjo.

Jemë maro bamëvo'irode majaho rovamu evare na ajëmijode hõjo.

God-ro ëhi majahujädëje. Rõhu ë hesi bëhoho gare. God-hu huë baejëvo'i uvadë majaho jaruvöje. Maro bamëvo'i uvadë majaho jaruvöje.

<sup>3</sup> Paul na'o nasi ariböviohu'o noehu God-are mu vaejaruoho ë muoho iho sisë hõ uvë'oho no bijönague. Èhuni nosi muoho bogo sisë'ioho vaejarueje aëro ëho garomo sisë'i uehorovoromo rireromöjöëni.

<sup>4</sup> A'i God-are mu vaejarue ariböviehu ë'aruëhi ëhi mue aho'o a nunire avoho vaejarueje. Huë vavaene mu sisë gö gö rovë'oho biririvo avohoromo riravarueje.

<sup>5</sup> Aehu hisuebijavuë'oho savoji gagore io'amavuë'oho muorovamui'i juhijavuë'oho ma-biririvarueje. Noehu i'u'e mu vaejë'oho rôho dere bogo momorö'öjë'oho i bogo ue'ahë'oho ma-biririvarueje.

<sup>6</sup> Biririvoromo mu mahemu uehorovoromo Keriso-are jöho mae garomo a jabesi mu sisëho ma-ga taemoromo ae huë baejëvoromo God-are Aru'ahoho baeromo ae dë vövöbajo'e aho'o uehorovëvoromo

<sup>7</sup> God-are jö maho majëhiromomo hesi darugoho röjëhijarueje. Èhi'oromo God-are mu vaejarue ariböviehu ë'aruëhi no ëhi a nunire mae vaejarueje. Mu mae vaeromo ëhuro Satan-hu no'o muorovë'oho övo göhuro tugohë'i övo göhuro mana muorovamijarueje.

<sup>8</sup> Aëro rajahuinövo sivaguonövarueje. Nosi ihoho ba'obuenövo ba'ojiomonövarueje. Aëro ma-uvarueje: Paul-më sareri'e aribövie jëvájëjo rôhu ma-jö maemu atarueje.

<sup>9</sup> Aëro uvarueje: Paul-më iho rumo'e aribövie jëvájëjo rôhu ae aho'obëhe nosi ihoho iae heruomajeje. Aëro uvarueje: Vuovëvo'ië'ajëjo rôhu bogo vuovo'i iae biririvoromo raromareje. Aëro uvarueje: Sisëni i'uoho baejarue hõjo rôhu bogo vuovavuajeje.

<sup>10</sup> Aëro uvarueje: Huë vavaene baejarue hõjo rôhu majae ëhi nimoroharueje. Aëro uvarueje: Bövi bise'o rumo'e jëvájëjo rôhu noro ae aho'o ajëmijego Keriso-are bövi bise'o

maho baejarueje. Aëro uvarueje: Rabe rabe bogojëvájëjo rõhu bövie bise'e aho'o nosi örire eni jië'eje.

<sup>11</sup> Corinth amo rajomë nosi simanore dë vövöbajo'ere jöho ma-sama'e huruoho majëhijë'e javue. Nosi dë vövöbajo'e aho'o jemesi örire bojëmijë'e javue.

<sup>12</sup> No jemesi öriroho bogo uehorovëvoromo vuonugë'e jemëro nosi örire uehorovauoromo vuonugavuanovë'e jëve.

<sup>13</sup> Vavuehu aboji harihu'e jö majëhijaruëhi ëhi naro jemë üeve: Jemëro mana ëhi dë vövöbajo'e aho'o nosi öroro bojamuïrëjo.

*Christian ariböviehu God rumo'e aribövi jabesi uehoro bogo baeromo jabu'o bimuvorovo'iröhe jöhoje.*

<sup>14</sup> God bogo ma uehorovarue ariböviohu'o gemuoroho nadi bimuvoromo uehore gemuoho baere. Jabesiroho hahagu jio'i jemesiroho hahaguje. Na mu mahu'o mu sisëhu'o mu gemuohoje o hahagu hahaguje. Hesi hahagu hahaguje. Na ajohu'o ramoramohu'o gemuohoje o hahagu hahaguje. Hesi hahagu hahaguje.

<sup>15</sup> Na Keriso'o Satan'o jöe gemuoho uehorovarueje o hahagu hahagu uehorovarueje. Hesi hahagu hahagu uehorovarueje. Na God mae uehorovarue ariböviohu'o God bogo ma uehorovarue ariböviohu'o jöe gemuoho uehorovarueje o hahagu hahagu uehorovarueje. Hesi hahagu hahagu uehorovarueje.

<sup>16</sup> Na God-are osa börömo'u'o sareri'e vörö'e inömo'u'o gemuohoje o hahagu hahaguje. Hesi hahagu hahaguje. Rõhu no God darugo'o hijaje a hesi osa börömo'u'o va'ëne javue. Ëhesi bëhoho God-are surire jöho ëhi uvë'eje:

God naro jabesirire hiromo jabu'o juvo'ejöjo.

Na jabesi Börömo'u'o jevo'i jabumë nasi aribövie jioruomo'ajëjo.

<sup>17</sup> Ëhuni Badaro uvajëjo: Jemëro jabumë gorëvoromo jemesi hahagu raromohëjo.

Sisëho nadi gavanovohëjo.

Ëhi ë'ë'o naro jemë rajëhiromo baejëvo'ejöjo.

<sup>18</sup> Baejëvo'iramu na jemesi Vavue jevo'i jemë nasi aboji harihu'e jëvo'ajëjo.

Bada mu bövi bise'o eni jië'e ahuro ëhi üevajëjo.

## 7

<sup>1</sup> Nasi ö mueno'e God-hu ëhi mae vaejavuoröhëni uövuaadhuni ëhuni mu sisë aho'obëhe vae'amego ëhuro sino haho'o dë vövöbajo'o sisërejavujöho ë'ego no ëho goro'i God gemu börömo'u'o hë uehorovoromo mu mae gemu vaeromo avoho raromo'iro.

*Corinth ekaresiaehu mu mae vaejamu Paul-hu heromo nimorohade jöhoje.*

<sup>2</sup> Jemesi dë vövöbajo'e aho'o nosi öroro bojamuïre. Nomë aho bogo sisë'ioho vaejëvë'e javue. Aho bogo ijumëvë'e javue. Jemesi bövioho bise'oho bogo sarerisareriëmiromo ujuhëhë'e javue.

<sup>3</sup> Ëjöho na bogo uëromo ë'e: Jemë a sisë jëvájëjo. Na mami'e uëvodeje: Jemë nosi dë vövöbajo'ere jëvájëjo ëhuro no biririvoromo raromë'oho o vuovavuë'oho jemë'o no'o gemuoro javuoröhego.

<sup>4</sup> Na jemesi örire mae uehorovëvo avohajeje. Jemesi jöëni sisë maro nimoroheve. Iae no huë vavaene aho'o javue rõhu na herove nasi dë vövöbajo'ere huë sanue rue avohoromo sasohevo'ego.

<sup>5</sup> Iae no Macedonia sa'are rueromo uvareje: Nosi dë vövöbajo'oho sanuovavuo'ajëjo rõhu bogo. A'i huë vavaene aho'o nosi örire ruenövohijö. Gahijö anaguö biraguö'e vae'i ari'ego. Nosi uhure javuone rojomohijö.

<sup>6</sup> Rõhu God-hu huë vavaeni sanuamuijaje ahuro jië'ëro Titus nugö'öjamu rovdohuro ëhuro no sanuamuamu biririvavuadeje.

<sup>7</sup> Rõhu bogo huhu rueromo sanuamuijadohuremu jio'i a'i Titus-hu jemesi örire huë sanu baejade jöho no hejamu ëhuro God-ro nosi dëho sanuamuijadeje. Huro rueromo uövuaadeje: Corinth ariböviohuo nörö ga'i nimohijajo. Jabesi sisëni vavaenimohijajo. Nöruare örire ajami'i nimohijajo. Iae ëhuni avevejö'oho na nimorohevo avohe.

<sup>8</sup> Naro urimë'i uru'ö jöho jajivoromo nugö'öjamu jemëro garomo huë vavaene baejarijeje. Iae ëhi ë'odeje rõhu na bogo uehore gö baeromo uvajeje: Uru'ö jöho rabëni jajivode höjo. Rõhu urimo na uvodeje: Na rabëni jajivode höjo. Na gavajöho jemë huë vavaeni baejarijöho ëho majae ma-bisemu baeromo barëjadeje. Ëhi jie rõhu iae baejarijeje.

<sup>9</sup> A'i jaruvo na jö jajivodoho dë mae jeve bogo vavaeni bojëmijodohuni a'i jemëhu vavaeni baeromo ëhuni huotorovoromo avoho uehorovarijohuni. God-hu nimaje ëhi jië'e vavaenoho baejarijeje. No bogo ëhuro jemë sisë vaejëvareje.

<sup>10</sup> Ae rahu God-hu nimaje ëhi jië'e vavaeni baejë'ohuro ëhuro ja huotorovoromo avoho uehorovoromo maro hi'a'anue. Avoho uehorovoromo avoho hijë'oho bogo ë hësi jöënioho vavaenimo'anue. A'i sinemu uehorovoromo vavaeni baejë'ohuro ëhuro ma-guom'o'anue.

<sup>11</sup> Röhu gare. God-hu nimaje ëhi jië'e vavaeni baejarijohuro ëhuro ave mu maho rovadeje. Jemesirire jiade mu sisë ma-nunëremu gavarijoho vuonugoromo aho'i uehorovarijeje. Övo uno'e ma-maemu jëvajokho röjehi'i nimarijeje. Mu sisëhuni dë vörönëgadeje. Ehesi i'uohuni juhuonivarijeje. Nasi jöëni vavaenimarijeje. Muoho avoho'i nimarijeje. Sisë vaejade aho i'ue mana bojami'i nimarijeje. Iae no gavö jemë ë mu sisë avoharijoho ma-mabëhe jio'ego.

<sup>12</sup> Ehu'ëro jië'ëro iae na uru'ö jöho jemëni jajivodeje röhu na mu sisë vaejade aho bogo uehorovoromo sisë baejade aho bogo uehorovoromo jajivo'i a'i naehu jajivode hesi bëhoho jemëro God-are nunire riravoromo garomo uvo'irarijogo: Iae no Paul-mësi jöëni uehorovo avoharue höjo.

<sup>13</sup> Jemëhu nosi jöëni uehorovarujohuro ëhuro no sanuamuijamu birire baejë'e javue.

Birire baeromo gavare Titus nimorohamu gagorovo no'o nimoroho avohareje ë hesi bëhoho jemë ae aho'o hu ajamamu hesi dë sasohahadohuni.

<sup>14</sup> Ehesi bëhoho urimë'i naro jemesi jöëni nimorohë'i jöë bisemu Titus-are örire majahiromo uavodeje: Corinth aribövioho mu mae vaejarue höjo. Ehi uavamu hegorovo Titus-ro ö'oromo gavade jemë mu mae vaejamu gagorovo vuonorö'ö rueromo uevadeje: Paul ja Corinth amo rajo jabësi jöho mae uevane höjo. Jaehu uevanëhi Corinth aribövioho ëhi jië'e mu maho vaejamu gëvode höjo. Ehi uavamu hegorovo na javojoho bogo bae'i mae jevadeje. Noehu Corinth amo rajo jemesi örire jöë aho'o ma-maemu majëhinövarëhi ëhi Titus-are örire jö mae majahijareje.

<sup>15</sup> O Titus-ro jemesi örire dë vövöbajo'e aho'o uehorovëvajeje. Ehesi bëhoho hu jemë gëromu simanoro vaejë'ëro uvajeje: Naro Corinth amore va'amamu amo rajohuro juhuonivoromo butubutumoromo jejemiromo ae aho'obëhe nasi jöho gemu ejarahë höjo.

<sup>16</sup> Ehu'ëro jië'ëro na uvajeje: Naehu nimaje muoho ae aho'obëhe jemëro majae ëhi vaejaruje hö uvoromo nimoroheve.

## 8

*Corinth ekaresiaehu rabëni öve sasohoromo bövie bise'e a bojëmi'iröhe hesi jö bëhi Paul-hu jajivadohoje.*

<sup>1</sup> Röhu nosi ö mueno'e no nague Macedonia sa'a rajo ekaresia jabësi jöho jemëro ga'irarijogo. Macedonia sa'are ekaresia God-hu huë baeromo ajëmamumu jabuhu ë'are jöho no majëhi'ië'ö.

<sup>2</sup> Macedonia ekaresiaho jabumë huë vavaene börömo böröme baeromo sisë'i raromareje. Iae sisë'i raromareje röhu evare majare nimoroho avohareje. Nimorohoromo ëhuro bövie bise'e biseharihe jëvadoho röhu öve sasohëvamumu suvuore bogo bise'ö vadu'oho God-are örire i'imamijareje.

<sup>3</sup> Jaburo rabe rabe jëvajokho i'imamiromo röhu gö'ö döre mamareje. Ehi'amumu gëvë'ëro na ë jöho jemë majëhije. Jabësi nimoromo ri'öromu

<sup>4</sup> dinamuiromo uövuareje: Uövuego no jemë'ö bimuvoromo God-are aribövio Judea raromaruoho ajëmi'irarëjo. Ehi uövuë'oho huë mae javuo'ajëjo.

<sup>5</sup> Noro uehorovoromo uvareje: Jabumë ma-moniemu i'imamui'ajëjo. Ehi uvareje röhu bogo ëhemuoho ë'areje. A'i urimomo jabësi dë vövöbajo'oho Badare örire bojamirovoromo evare God-hu nimajëhi nosi örire bojamirovareje.

<sup>6</sup> Ehi'amumu gagorovo noro Titus uvareje huhu jemë'ö hiromu mu aevadëhi huro röhu maho ö'oromo ëhi ajëmëgo jemëro ë huë baejarije mu mabëhoho röhu maho vaeromo barë'irarijogo.

<sup>7</sup> Röhu jemë müe aho'obëhe vae avoharujeje. Jemë God mae uehorovo avoharujeje. Jöho mae ato avoharujeje. Simanëro mae ga avoharujeje. Müe bövie bise'e ajamui'i nimo avoharujeje. Nosi örire uehorovavuo avoharujeje. Ehuni no nague jemëro ë huë bae'irarije muoho ëhu'o vae avoho'irarijogo.

<sup>8</sup> Na bogo darugo'e jögoroho jemesi öriroho bojëmi'i a'i aribövio ioro'iorehu ajëmi'i nimo avohare jöho naro majëhiromo jajivodeje ga'irodëni jemë ma-döhëmu ae uehorovëvego o uohu'o uehorovëvoromo huë baeromo ajëmijogo.

<sup>9</sup> Nosi Bada Iesu Kerisohu huë baeromo ajamuade jöho iae jemë'ö uehorovarujeje. Hësi örire börömo mae jiadeje röhu jemesi jöëni vuonugoromo rueromo bövi bise'ö rumo'e

hijadeje êhuro hu bövi bise'o rumo'ëro jîë'ëro êhu'ëro jemëro aru'aho'e mue bövie bise'e bae avoho'irarijego.

<sup>10</sup> Nasi uehoroho jemë diehi ë'ego marëjëvo'iröhe öroho aviëhije. Vaduni göho jemëro urimo ë suvuoro muoho aevoromo vaejamu a ioro'iorohuro ijonö aevareje. Jemëro urimo ë muoho vae'i nimamu a ioro'iorohuro ijonö nimareje.

<sup>11</sup> Jaruvoho ë mu vituoho vae barëre. Jemëhu mu aevoi' böromö bëhi nimarijëhi ëhi vae barë'i nimo avohore. Nimoromo jemë rabe övore jëvajoho êho bojamire.

<sup>12</sup> Jemë bojami'i nimoromo övore jëvamu bojamijë'ooho God-ro uvajeje: Êho suvuoro mae hõjo. Övore bogojëvë'ooho God bogo uëvajeje: Bojemihëjo.

<sup>13</sup> Na bogo uve jemëro bövi mae bojëmiromo êhuro bogo eni jëvego huë vavaeni'e raromego a ioro'iorohuro ma-samae baeromo nimorohoröhego. Na bogo êhioho nego'irögoro na nege ae aho'obëhe ma-gemuoho jëvoröhego.

<sup>14</sup> Avevejö'ooho jemë moni böromë jëvo'i jabumë bogojëvë'ëro jemëro jabumë ajëmi'aruje. Êhi jîë'ooho ijonöho jabumë moni böromë jëvo'i jemë bogojëvë'iroho jabumëro jemë ajëmi'ë'ö. Êhi jîë'ooho jemë'o jabu'o gemuoho jëvo'ë'e.

<sup>15</sup> God-are surire jöho êhi gemuoho jajivoromo uvë'eje: Bövie gagovade aho i vituoho bogo rune vaejade hõjo. Bisemu gagovade aho hu ie eni jîade hõjo.

*Titus o ae gö niö'ï Corinth amore va'oromo ajëmiromo suvuore gagovo'iröhe jöhoje.*

<sup>16</sup> No God-are örire huë mae uavö. Rabëni hesi bëhoho huro Titus-are dë vövöbajo'ooho huotovahë'ëro noehu jemë ajëmi'i nimaruhëi Titus'o êhi ajëmi'i nimajeje.

<sup>17</sup> Nimë'ëro huro jemë ajëmijöro noro ua gavamu hegoroovo ejahuadeje. Ejahuoromo röhu ajëmi'i nimo avohamu êhuni hesi uvadeje jemesirire ö'iröhëni.

<sup>18</sup> Röhu Titus'o gemu mae va'iröhego nosi ö göho nugö'öjö. Êahuro God-are jö maho ma-mae majëhibe juvajeje. Êhuni ekaresiae dinö'e dinö'e jio'amajohuro hesi örire rajahiruomajeje.

<sup>19</sup> Röhu gö'o ekaresia ariböviohuro ë aho baeruomadeje bövi bise'o bogojîë'e aribövi jabesi suvuoroho noro baejëhoromo va'ego evare huro no'o gemu mae ö'oröhego. Êsuvuoro mu hesi bëhoho Badare ihoho ma-mabëhe jio'i o ae aho'obëhe göröhego nomë huë baejëvo'i naguego.

<sup>20</sup> Huhu Titus'o va'iröhego noehu nugö'öjarue hesi bëhoho aëro uvojjöeni: Moni böromë sisë'i muebejarujëjo.

<sup>21</sup> Iae no nague muoho Badare nuniro avoho vaeromo röhu êhi a nuniro avoho vae'iröhego.

<sup>22</sup> Titus'o ë ö göhu'o rëmö'öromo ö göhu'o nugö'öjö ë ae niö'iohu'o gemu mae ö'oröhego. Urimë'i ë ahuro Keriso-are muoho ajëmi'i nimo'ego no gabe ruenövoreje. Röhu jaruvoho hu böromö bëhe ave muohu'o jemë ajëmi'i nimajeje jemesi örire mae uehorovëvë'ëro jîë'ëro.

<sup>23</sup> Titus hu na'o bimuvoromo jemëni mu vaejaje aeje. O nosi ö niö'ioho jabumë ekaresiaehu rëmö'öjare aho jëve. A maëro jëvë'ëro Keriso-are ihoho dö maro ajio jîë'eje.

<sup>24</sup> Êhuni ë ariböviohuro ö'ego jemëro mae rajëhijego jaburo uvo'i: Corinth aribövioho huë baejë'e aribövie jioruomajëjo. Êhu'ëro Paul-mëro jabesi jöho mae nimoronimorohë'i majahuijare hõjo. Jabumë êhi uehorovë'ooho ekaresiae aho'obëhe jemesi jöho heromo uvoruomo'ë'ö: Paul-mëro Corinth aribövi jabesi jöho mae atare hõjo.

## 9

*Christian ioro'oro jabesi örire huë baejëvoromo moni bojëmi'iröhe jöhoje.*

<sup>1</sup> God-are aribövi ajëmi'irarije muoho iae jemë gavarujeje röhu na diehi jîë'e jöho jajivoromo majëhijego gare.

<sup>2</sup> Na gëvajeje jemëro ajëmi'i nimego. Êhuni bogo jajivo'ejo. Jemë nimarujoho naro Macedonia sa'a rajo jabesi örire nimorohë'i jövoromo uëbe rovë'e jeve: Greece sa'a rajoho jaburo mami'e vaduni göre aevoromo bövi bise'o avoharoho êhi jëvobe rovë'e hõjo. Jemesi jöho êhi uëvamu hegoroovo Macedonia sa'a raje ae aho'obëhe uvareje: Corinth ariböviohuro ajëmi'i nimarue uvoromo jabu'o ri'öromo ajëmi'i nimareje. Êhuni ajëmi'irarije jöho na bogo jajivoromo majëhijëjo.

<sup>3</sup> A'i naro ö mueno'ooho rëmö'öje jaburo ö'oromo ajëmego naehu Macedonia rajo uëvodëhi êhi bövie bise'e eni avoho'irarijego noehu jemesi jö nimorohë'i majëhijaroho bëhi rumo'e jianovojëni.

<sup>4</sup> Na juhuoninege ijonö Macedonia sa'a rajehu na'o ö'ë'oho ö'oromo gëvego monioho bogo gagovë'ëro ëhu'ëro ajëmi'irarijoho jemë bogo eni avohë'te jëvego na javoje baejööni rabëni monioho gagovo'arujë uvoromo mae uehorovëvë'ëro. Jemesi javoji jöho bogo majëhi'ëjo.

<sup>5</sup> Èhuni na uvodeje: Nasi muoho ëhi höromo ö mueno'oho uëvodeje: Corinth amoro urimo va'irarijoho jabuhu bojëmi'i uövuare suvuoroho avohorego naro ijonö ö'oromo ga'iröjo suvuoroho gagovë'ë jeigo. Èhesi bëhoho suvuoro urimo ajëmiromo gagovamu eni jië'oho na ö'oromo jemesi öriroho bogo dinëmi'iramu jemëro bogo övoho i'uho'i dë vövöbajo'ere nimo avohoromo öve sasohoromo suvuoroho bojamui'aruje.

<sup>6</sup> Bëhoho aviëhije. Öve i'uhoromo suvuore ma-bisemu bamë'oho i uje bisemu öjë'ëro bisemu gagovaruëhi suvuoro manaho ëhi bisemu bae'a'anue. O öve sasohoromo suvuoro böröme bamë'oho i ujo böröme öromo i böröme gagovaruëhi suvuoro manaho ëhi böröme bae'a'anue.

<sup>7</sup> Èhu'e jiaje jemë ae gemüëro gemüëro bojëmi'i dë vövöbajo'ere uehorovarijëhi ëmino'e ëhi bojëmire. Suvuoro muoho nadi uvore: I'u'e höromo bijöni bijönioho vaere. Aehu nimorohoromo huë baeromo bojëmijë'oho ëhi jië'e aribövioho God-ro nimajeje.

<sup>8</sup> Huhu bövi mae ajëmi'iröhoho iae eni jië'ëje. Ajëmego ëhuro majae ëhi jemë bövie bise'te eni jëvego huë bae'irarije muoho aho'o vae avoho'irarijego.

<sup>9</sup> Èhi jië'oho suvuoro'e aribövi jioruomajëhi jemë ëhi jëvo'ë'e. Suvuoro'e aribövi jabesi jöho God-are surire ëhi uvë'ëje:

Huro suvuoroho öve sasohoromo bövi rumo'e a jabesi örire i'imëmibe va'aje höjo.

Huhu mu ma vaejaje jöho ëhi jiemu jioje va'a'ajëjo.

Jemë ëhi jëvo'ë'e.

<sup>10</sup> Iruno'o ujo ö'ië'iroho God-ro suvuoramuijego öjarueje. Iruno'o ue'aho'ië'iroho God-ro suvuoramuijego gagovoromo ue'aharueje. Iruno'o ujuhu'o iruno'ohu'o suvuoramuijaje aho God-ro jemë'o aru'aho muoho bövioho bise'oho suvuorëmi'iramu rae avohëvo'iramu jemesi mu maho bövi mae jiëho'ë'e. Huro ëhi ajëmi'ë'e.

<sup>11</sup> Ajëmiromo mae sisë rabe rabe suvuorëminövo'ë'te ëhuro ae huë vavaeni jëvamu gëvë'oho jemëro öve sasohoromo i'imëmi'irarijego. Èhi jië'oho jemëro suvuoroho nosi örire i'imamui'iramu noro ujuoho va'oromo suvuorëmi'iramu ae aho'obëhe ujuohoromo God-are örire huë mae uaruomo'ë'e.

<sup>12</sup> Iae jemëhu ajëmiromo mae sisë i'imëmijë'oho ëhuro ë God-are ariböviohuro rabe rabe bogo eni jëvajoho eni ujuohoruomo'ë'e. Ujuohoromo röhu ëhuro ae aho'obëhe God mabëhe hö ua avohoruomo'ë'e.

<sup>13</sup> Jemëro ëhi ajëmi'iramu jaburo jemesi suvuoroho ujuohoromo ga'ë'ö jemë uhohu'o mae jëvo'iramu. Èhi gëromo uvoruomo'ë'e: O Corinth amo rajohuro Keriso-are jö maho bogo ma-jö'ëremuoho ejaho'i dë vövöbajo'o uhohu'o ejaharue höjo. Ejahoromo huë baeromo öve sasohoromo suvuoroho nosi örire i'imamuiromo ae aho'o jabesi örire i'imëmijarue höjo. Jemesi jöho ëhi uvoromo God-are ihoho döro bamoruomo'ë'e.

<sup>14</sup> God-are ihoho döro bamoromo uvoruomo'ë'e: God-ro Corinth aribövioho huë mae bojëmi avohoromo dë vövöbajo'oho huotovëhamu öve sasohoromo ajamuiruomade höjo. Èhi uvoromo jemesi jöëni vavaenimoromo God uaruomo'ë'e huro jemë ajëmiröhëgo.

<sup>15</sup> Asë'e God hu mabëheje rabëni huro huë baejavuoromo hesi Harihoho nosi örire suvuore böröme bëhe bojamuijë'ëro jië'ëro. Suvuoro böröme bëhe jië'ëgo no ë hesi jöho bogo ato varijënoho javue.

## 10

*A göëro sarerivoromo uvareje: Paul hu ma-u'uhoromo Keriso-are muoho vaejaje höjo. O hesi sinohemu uehorovoromo vaejaje hö uvamu Paul-hu jabesi jö mana ahëhoromo jajivade jöhoje.*

<sup>1</sup> Röhu Paul naro nasi jöho uë'ië'e. Jemëro avo'avoho here. Keriso ma-taemorovoromo sanu'e mu vaenövade a hesi ihore jöho majëhi'ië'e. Aëro jemesi amore raromoromo nasi jö sisë sareri'e atoromo uvoruomajeje: Nöröro rueromo Corinth hijë'oho juhuoni juhuonie hi'i öre gö hijë'oho Corinth aribövi jemesi örire biriri'övoromo darugo'e jöho surire nugö'öjaje höjo. Nörö ëhi jië'e ae höjo.

<sup>2</sup> Èhi jië'e ae jiajé uvoruomaje aho naro jemesi örire ave jöho uëve. Avo'avoho uehorovego na ö'oromo Corinth hijë'iroho bogo biriri'övoromo darugo'e jöho majëhi'iro. Darugo'e jö majëhi'irodoho na bijönëgo'i röhu majëhi'irodoho iae na eni jeve. Ae rahumë nasi jö sarerivoromo uëvë'oho: O Paul-më ma-sa'a hesi muohuremu uehorovoromo

muoho vaejarue hõ uëvë'oho ãhi jië'e aribõvi jabesi õrيره naro birivoromoro darugo'e jõho majëhi'irodëro uehorove.

<sup>3</sup> Jabumëro uëvarueje: Paul-më ma-sa'a hesi muohuremu uehorovoromo muoho vaejarue hõjo. Iae mae. Iae no sa'are raromo jijiharueje rõhu sa'a hesi muoho bogo uehorovë'e Satan'õ muorovarueje.

<sup>4</sup> No muorovë'oho bogo ave sa'a hesi bijo bunõ'oho ujuohoromo muorovarueje. A'i God-are jõëni bijo bunonõ'e hesi darugõho baeromo Satan-are rejõho dadovo'amarueje. Hesi sareri'e jõho mu'uvaharueje.

<sup>5</sup> Uehore rabe rabe simanore rovego ëhuro dõre bamorovoromo God bogo avõho gavarue ãhi jië'e uehoro aehu baro bu'õjë'oho noro aho'amarueje. Ahoromo võrõe aho'õ bojamiromo a ioro'ioro jabesi simanõho huotovëharueje Keriso-are jõhemu ejaho'irõhego. Ëhi'oromo Satan'õ muorovarueje.

<sup>6</sup> O jemëro Keriso-are jõho ejaho barë'iramu evare ae rahu jemesirire raromoromo Keriso-are jõ bogo ejahoruomaje ãhi jië'e aribõvioho noehu i'u bojëmi'irõhõho eni javuo'ë'e.

<sup>7</sup> Bogo gurihijë'e jemesi nunire jiajõho avo'avõho gare. Aehu hesi uehorovoromo uvajõho: Na Keriso-are mu ajamijaje ae jevajë uvajõho ë'ego ãhi jië'e ahuro uehorovo avõhoromõ uvo'iro: Na bogo nasi sivuõho Keriso-are mu ajamijaje aho jevo'i a'i na Keriso-are ae jevajëhi Paul-më jabu'õ ãhi jëvajëjo.

<sup>8</sup> No Keriso-are aribõvie javue rõhu göho Badaro darugõho bojamujjë'eje hesi muoho vaerõhego. Darugo hesi bëhõho bogo jemë ijumëvo'i a'i ajëmege jemëro avõho birivoromõ mae uehorovõve va'irarijego. Ëhuni ë mu hesi darugo hesi jõhu'õ naehu nimorohë'i jõvë'oho ëhu'õ jõ maëro jië'ëro ijõnõho bogo javõjego'ë'e.

<sup>9</sup> Rõhu nasi darugo hesi jõho na bogo uë'ejõ jemëro uehorovoromõ uvojõëni: Juhuoni-naguojõro jero ëma jajivane hõjo.

<sup>10</sup> Ëhesi bëhõho aëro sarerivoromõ uvoruomajeje: Paul-hu jõ jajivoromõ majahujjë'iroho darugo ma'õ majahujjaje hõjo. O rueromõ no'õ hijë'õho hu ma-u'uhë'e aëro jië'ëro bëhi rumo'e jõho jõvego hejarue hõjo.

<sup>11</sup> Ëhi sarerivoromõ uvoruomaruõho nadi'ego jabumë avõho uehorovoromõ uvo'iro: Paul-mëhu õre gö raromoromõ darugo'e jõ jajivaruëhi jaburo rueromõ no'õ raromoromõ muoho ãhi darugo'õ vae'iramu gë'ëjarëjo.

<sup>12</sup> Rõhu aëro sarerivoromõ uvoruomajeje: Paul-më juhuoni'e aribõvie jëvajëjo. Iae mae. Iae no juhuoni'e ae javue. Juhuoni'e aëro javuë'ëro bogo biriri'õvoromõ uë'ejõ: Jabesi sivu uehorovoromõ jabesi iho nigemarue aribõviohu'õ no jabu'õ masije gemuõho javuajëjo. No bogo ëhioho uë'ejõ. Ëho jaburo gõëro gö hesi muoho garomõ jabesi arijo'arije mevorovoruomajeje ga'i mae o sisë jëvego. Ëhi jië'õho simane sisë'i uehorovoruomajeje.

<sup>13</sup> Rõhu no bogo ëhioho ë'ejõ. Nosi mu maho no bogo iosiramiro mo ruëroho numëroho ëma nimoronimorohë'ioho ato'ejõ. No bogo sarerivoromõ uvo'ejõ: Ëho God-hu bojamuade muoho hõromõ nimoronimorohë'ioho ato'irõgoro a'i huhu no bojamuade ë muohuremu nimorohë'i ato'ejõ. Rõhu ë muoho bogo õri göremuõho jio'i jemë'õ õ'õ baejëvë'e javue.

<sup>14</sup> No jemë bogo baejëvë'e javuo'ibejo noehu jemë ajëmijaruõhuni nimoroharuõho God-hu bamahuade ënoho iosirami'ibejo. Rõhu bogo iosiramijë'e javue. Ëhesi bëhõho Keriso-are jõho noro aevõ'ioho õ'oromõ majëhijareje. Ëhuni no nimoroharuõho iae maeje.

<sup>15</sup> Ae gõehu mu vaejarõho garomõ no bogo uvarueje: Noro vaejare hõromõ nimoronimorohë'i ataruje bogo noehu vaejare muoho jië'ëgo. Rõhu no uvõ: Jemëro avõho birivoromõ Keriso mae uehorovõ'iramu evare God-hu bamahuade ëni jiajëhi ãhi nosi muoho jemesirire tutuvoromõ bõrõmo bëhe ri'õ'a'ajëjo.

<sup>16</sup> Ri'õ'iramu noro va'õ jemesi dejõnõrيره sa'a ioro'ioro rajõhu'õ Keriso-are jõ maho majëhibe jijihõ'ëjarëjo. Majëhibe jijihë'iroho God-hu ae gö mu bojëmamu vaejare õri ari'ëroho no bogo va'õromõ jabuhu mu bõrõmo vaejarõho garomõ uvo'ejõ: Noro vaejare hõromõ nimoronimorohë'ioho ato'ejõ. A ioro'iorehu nimoronimorohë'i ataruëhioho no bogo ëhioho ë'ejõ.

<sup>17</sup> A'i God-are surire jõho ãhi uvë'ejõ: Nimorohë'i ato'ië'iroho Badare jõhemu nimorohë'i atorëjo.

<sup>18</sup> Ëhesi bëhõho ae rahu jabesi sivu uehorovoromõ ae uëvë'õho: No eni javuajë uëvë'õho bogo ëhuro God-are nuniroho maho jioruomõ'ë'e. A'i ae rahu Badahu uëvë'õho: Jabumë eni jëvajë uëvë'õhuro ë aribõviohuremu God-are nuniroho maho jioruomajeje.

## 11

*Corinth ekaresiaëro sarerivoromo uvareje: Nani Paul hu bogo apostle maho jio'ï ae gö i'o rovaroho ëho apostle maho jio'amajë uvoruomamu Paul-hu jabesi uehoro ahëhoromo jajivade jöhoje.*

<sup>1</sup> Na bisemu simano rumo'e jöho jajivanovo'ïe'e. Röhu na nege jemëro nasi jöho bogo bijönimo'ï ma-taemorovoromo he'ïrarijego. Ma-taemorovoromo here.

<sup>2</sup> Jemëhu he'ïrarije hesi bëhoho sisëhu jemë baejëvojöëni God-hu avoho muebejëvajeji naro ëhi jemë muebejëvajeje. Èhesi bëhoho naro vavunö'e jemë muebejëvajeje. Ae gemuehu masuröhego uaromo vavuehu aboji muebejëvajeji naro ëhi ë'ajaje jemë Keriso-are övore bojëmego hesi aribövi mae jioromo hu gemu mae uehorovo'ïrarijego.

<sup>3</sup> Keriso gemu mae uehorovo'ïrarijego muebejëve röhu na juhuoninege jemë Keriso gemu uhohu'o uehorovarijoho vuonugo'ï sareri'e jöho ejëhoromo simane sisërëjëvego rori'o va'ojöëni. Urimë'ï sigobehu rueromo Eve sareri sareri'e jö majahijamu mae höromo ejahadëhi jemesi simanoho ëhi sisërëjëvego Keriso vuonugojöëni uëve.

<sup>4</sup> Naehu ëhi juhuonivaje hesi bëhoho ae göehu ö'oromo Iesuare jö noehu majëhijaroho huotohuotovoromo majëhijego jemë bogo bijönimo'ï ëho mabëhe ö'oromo ejarujeje. O God-are Aru'aho baejarijëhioho bogo ëhioho rue'ï hesi aru'aho göëro ö'ego bogo bijönimarujeje. O jemë jö mae hejarijëhioho ae göëro bogo ëhioho majëhi'ï hesi jöe gö majëhijego jemë ëhu'o bogo bijönimo'ï ëho mabëhe ö'oromo ejarujeje. Jabesi sareri'e jö ejëharujohuni ëhuni nasi jöhu'o nadi bijönimo'ï a'ï ma-taemorovoromo here.

<sup>5</sup> Èhesi bëhoho jemëro sarerivoromo uvarujeje: Èi'o rovare aribövioho apostle masijo masije jioruomo'ï nöruare ihoho bogohöjo. Èhi uvarujeje röhu na uehorovoromo uve: Jabesi ihohuro nasiroho bogo iosiramiromo taemehë'e höjo.

<sup>6</sup> Jemë uvarujeje: Nöro ave sa'a hesi vuëvo'e jöe gö gö jövo'ïröhoho hu dadivaje höjo. Nani na bogo ëhi jïë'e jö jövaje aho jeve röhu na nuni ajï'e jöho baejë'e ae jeve. Ènuni ajï'e jöho aho'o noro röjëhi'ego jemë ma-samabëhe ganövarejeje.

<sup>7</sup> O nani aveho uvarujeje sisë höjo. Naro manaho bogo baejë'e God-are jö maho jemesi örire ëma majëhiromo ëhuro nasi ihoho ba'obuejë'e jeve ëhuro jemesi ihoho nigemë'e jioröhego.

<sup>8</sup> Ekaresiae gö gö jabesi ijo bajoho ujuohëhoromo ëhuro hinövodeje jemë ajëmi'ïrodëni.

<sup>9</sup> Na jemë'o hiromo gavë'oho nasi mae sisë rabe rabe bogo eni jevamu gavë'oho na bogo jemesi öriroho huë vavaenoho bojëmiromo uë gënövodeje. Rabëni hesi bëhoho rabe rabe bogo eni jevajoho Christian ö mueno'ëro Macedonia sa'are jioromo ujuohëhoromo jemesi amore rueromo ajeminövareje. Èhi jïë'ëro na jemesirire jiaje maho sisëho bogo ëninëmi'ï avo'avoho mueberovonövodeje huë vavaene bojëmi'ïjöëni. Èhi gemuoho ë'onövo'ejo.

<sup>10</sup> Keriso-are jö maho nasi dëreje. Èhu'ëro na aveho jö mae uëve. Naehu jemesi maho sisëho bogo ujuohëhë'ëro naehu nimorohë'ï jövajoho Greece sa'are raromaruje aribövioho ae gemu vadu'oho bogo ahevo'anue.

<sup>11</sup> Na rabëni ëhi jïë'e jöho uëve. Na na jemë bogo uehorovëvoromo ëhuni jöve. Röhu God-hu gevajoho iae naro jemesi örire uehorovëvajeje.

<sup>12</sup> Jemë ajëmi'ïjöhuni na manaho bogo ujuohajëro ijönöhu'o bogo ujuohëho'ejo. Èhesi bëhoho i'o ö'are ariböviohuro nimö a ioro'ïorohuro ëma uvoröhego: Jabuhu nimorohë'ï atarue jöho iae mae höjo. Jabu'o Paul-më'o masije gemuoho jëvajejo. Èhuni i'o ö'are aribövioho jemesi bövi bise'o ujuohëharuëhioho na bogo ëhioho ë'ëvo a ioro'ïorohuro uvoröhego: Èariböviohu'o Paul-më'o hahagu hahagu jëvajejo.

<sup>13</sup> Èaribövioho bogo apostle maho jioruomo'ï ma-sareri'e apostle jioruome. Sareri'e mu vaejarue aribövie jioruome. Huotorovoromo ma-döhemu mu mae vaejarujeje aëro gëromo uvoröhego: Iae Keriso-are apostle jëvajejo.

<sup>14</sup> Èhi jïë'e sareri'e mu vaejaruoho gëromo no bogo majiohavue. Èhesi bëhoho Satan'o huotorovoromo ma-döhemu mu mae vaejejo aëro uvoruomajeje: Ajï'e aneraëro ë'ajëjo.

<sup>15</sup> Èhuni Satan-are mu vaejarue ariböviohu'o huotorovoromo ma-döhemu mu mae vaejaruoho ëho bogo börömehuje. Jabunë ë sisë vaejaruëhi ëhi sisëro va'o hesi jioruome.

*Paul apostle jioromo huë vavaeni baëbe juvaje jö huhu nimorohë'ï jajivade jöhoje.*

<sup>16</sup> Röhu urimë'ï jajivodëhi iae na ëhi gemuoho majëhi'ïe'e. Nadi ae gemu vadu'oho uvore: Paul simano rumo'e ae höjo. Röhu jemëhu uvë'oho: Nöro ëhi jïë'e ae hö uvë'oho iae hesije. Simano rumo'e ae höromo ma-baejevego na'ö ma-bisemu rajahirovë'ï jajivo'ïro.

<sup>17</sup> Na avejë'e jajivo'ïe'ajë jöho bogo Badahu nimajëhi jïë'e jöho jajivo'ï a'ï simano rumo'e aehu ataruëhi ëhi jajivo'ïe'e rajahirovo'ïrode bëhoho na jevajë uvë'ëro jevë'ëro.

<sup>18</sup> Ae aho'obêhe sine rajahirovê'i ataruohuni êhuni na'o êhi gemuoho jajivo'ejo.

<sup>19</sup> Rôhu jemê uvê'oho: Nôrô simano rumo'e ae hō uvê'oho nasi jôho ma-baere. Êhesi bêhoho jemê uvarujeje: No simano ma'e javuajêromo ê i'o ô'are simano rumo'e aribôvioho mae hōromo iae rajêhijê'i baejêvarujeje.

<sup>20</sup> Jemêhu jabesi darugore raromjôro rêmaruoho jemesi mae sisê ijêharuoho sarerisareriemiromo jemê baejêvaruoho jemê taemêvaruoho nu ano'ere hirumijêvaruoho êhi jî'e aribôvioho jemêro baejêvarujeje.

<sup>21</sup> Iae mae nomê darugo rumo'êro javuê'êro jabuhu ê'aruêhioho no bogo êhioho ê'arueje. Êhuni na javojego'ego uêve.

Jabuhu biriri'ôvoromo rajahirovê'i ataruêhi na'o biriri'ôvoromo ê'ejo. Na simano rumo'e aêro jôho jôvevanove.

<sup>22</sup> Jemêro jabumê rajêhijôro uêvarueje: Nomê Hebrew sa'a raje javuajêjo. Rôhu na diho raje jeve. O uêvarueje: Nomê Israel raje javuajêjo. Rôhu na diho raje jeve. O uêvarueje: No Abraham-are ujo ômo'ôme javuajêjo. Rôhu iae na'o êho raje jeve.

<sup>23</sup> Jemêro jabumê rajêhijôro uêvarueje: Nomê Keriso-are mu vaejeharue ae javuajêjo. Rôhu naro jabumê iosirêmiromo Keriso-are mu maho vaejajeje. Simano sisêrêjê'e ahuro jôvevanove. Jabumê iosirêmiromo mu bôvie vaejê'e jeve. Iosirêmiromo Keriso-are jôeni savoji gagore hi'i hijê'e jeve. Majae aho'o hisuebijevohe rovê'ejô. Rôhu jabumê bogo êhioho hisuebijêvê'ejô. Iosirêmiromo vôrô'ere va'amu guomevo'i hōjê'eje.

<sup>24</sup> Jew rajehu vae aho'obêhe 39 hisuebijevo'i arijaroho êho majae ôvo gô mine êhi'obe rovê'ejô.

<sup>25</sup> Majae niô'i gemu Rome rajêro na hisuebijevo'i arijê'ejô. Majae gemu munêro vajemijê'ejô. Majae niô'i gemu boat-re hiromo va'amu dadorovo'amadeje. Boat dadorovamu na majae gemu vahie gemu jovo ririre ijo ha'osi dôre hetejodeje.

<sup>26</sup> Majae aho'o ôre gôre gôre juvodevare evare jovêro baejevo'i hōjê'eje. Vajiohu'e aêro ijumevo'i hōjê'ejô. Nasi sa'a rajêro ijumevo'i hōjê'ejô. Sa'a ioro'ioro rajêro ijumevo'i hōjê'ejô. Amore hijamu ijumevo'i hōjê'ejô. Ôrere juvamu ijumevo'i hōjê'ejô. Sô jovore juvamu ijumevo'i hōjê'eje. Ma-dôeremu agane vaejeharuohuro ijumevo'i hōjê'ejô.

<sup>27</sup> Mue vaeromo u'ue baenôvodeje. Rôho deroho bogo avoho niavonôvodeje. I rumo'e jovo rumo'e ma-hinôvodeje. Ioho bogo uehorovê'i hinôvodeje. Javu rumo'e niôgu rumo'e ma-hinôvodeje.

<sup>28</sup> Êhi jî'e huê vavaeni ioro'ioroho bogo uê'i ave jôhemu uê'ejo. Majae êhi ekaresiae dinô'e dinô'e jioruomajohuni na uehorovêvoromo nurunuruego avohe.

<sup>29</sup> Ae gô dê vövôbajo'e u'uhê'iroho na'o gemuoho herovajeje. Ae gôehu gô hesi dêre bijiohamu sisêre beva'ê'iroho huê vavaene sisê marojevajeje.

*Paul-ro Damascus jioromo ju'ebijadeje. Êjôho Paul-ro jajivadeje noro uvorôhego: Hu darugo rumo'e jiade hōjo. Êhesi jôhoje.*

<sup>30</sup> Ôre gô bogojevê'ego nasi jôho êma nimorohê'i jôvo'ejo. Rôhu rabu muehu nasi ôrere rovadoho aehu heromo uvaruoho: Paul darugo rumo'e hō uvaruoho êhi jî'e jôhemu nimorohê'i jajivo'ejo.

<sup>31</sup> Naehu jô jajivo'iê'ajoho Bada Iesuare Bôrômoho o gôho hesi Vavue God-ro geve na bogo sarerêmi'ego. Hesi ihoho ma-mabêhe jiemu jiohe va'ê'e.

<sup>32</sup> Na Damascus amore hijodevare ê sa'a muebejaje ae Aretas-are uhure bamare ahuro ê amo bôrômô rejo hesi ojore ojore ae nugo'amadeje na va'ego guduamevoruomoro'ego.

<sup>33</sup> Êhi'amu niomonioho bojôre arirovodeje. Arirovamu ô'êro beromo ma-saginiêri ô'ire ma'enê'i amo rejo sigature ô'oho a'ohô'ôjê'i ma-u'emu ba'amevamu rue je'onô ruvebi sa'are ravo'amoromo ju'ebidêgodeje.

## 12

*God-hu mu mabêhe rôjahi'ego Paul-hu nia'ovo'iraeromo ganôvade jôhu'o huê vavaeni'e hijade jôhu'oje.*

<sup>1</sup> Rôhu ôre gô bogojevê'ego gô'o nimoronimorohê'i jajivo'ejo. Nimoronimorohê'i jajivê'oho bogo êhuro marêjevo'ê'e. Êhi jie rôhu Badahu ajemi'ego nia'ovo'iraeromo ga'amonôvode jôho mu masije gô gô rôjehi'ego nia'ovonô'e ga'amonôvode jôho êhi jî'e jôho iae na jajivo'iê'e.

<sup>2</sup> Na Christian ae gô gavê'e jeve. Êaho God-hu baejamu aruhe ô'idô mare ajiomadeje. Ajiomoromo vuonorô'ô ruvebijadoho vadune aho'obêhe 14 barêjê'eje. Nani hu sinohu'o ajiomadeje o nani sine diboromo ajiomadeje. Na'o bogo gave. Hesi God-ro gemuêro gave.



<sup>3</sup> Naehu gavajoho ë aho God-ro baejamo Paradise-re ajiomadeje. Röhu maho uë'ejo. Nani sinohu'o ajiomadeje o nani sine diboromo ajiomadeje. Na'o bogo gave. Hesi God-ro gemuëro gave.

<sup>4</sup> Hu ajiomoromo hejadeje jö mabëhe hesi jöho bogo ato'iröhe jöho uvavamu. Hejade jö ma-aehu atë'o ho sisëje.

<sup>5</sup> Ëhi jië'e a hesi jöho nimoronimorohë'i jövo'ejo. Röhu nasi jöho bogo jövo'ejo. Majae göro göro na bogo eni jevaje ë jöhemu nimorohë'i jövo'ejo.

<sup>6</sup> Röhu nasi jöho nimoronimorohë'i jövo'ibejo ëho bogo simano rumo'e jöho jio'i ma-jö mae jio'ibejo. Röhu bogo nimorohë'ioho jövo'ejo jemëro ma-nasi jöhemu heromo uvöjëni: Paul a böröme höjo. Ëhi jië'o ho sisëje. O nasi mu jemesi nunehu garomo nasi jö jemesi hia'ehu heromo nöro mae hö uehorovë'oho ëhemu iae maeje.

<sup>7</sup> Röhu ae gö ö'idöre ajiomoromo Paradise garomo ruvebijade ë hesi jö majëhijode hesi bëhoho nasi jöho majëhiromo ë'odeje. Röhu ëhi jië'e mu masijo masijoho God-ro röjehijamu ga'amë'ëro na sisë'i uehorovoromo döre bamorovöjëni ëhuni huro huë vavaeni'ere bamevë'ëro huë vavaene gemuëro nasi sino uhure bibëro namijevanovajeje. Ëbibëho Satan-hu nugö'öjadohoje na sisë vaejevonövoröhego. Röhu ë vavaeni rovade hesi bëhoho naro bogo sisë'ioho uehorovoromo döroho bamorovo'irodego.

<sup>8</sup> Bibëro namijevanovamu hegorovo vae niö'i gemu Bada ëninami'i hijodeje rori'o babu'öjehoröhego.

<sup>9</sup> Ëninami'i hijamu uevadeje: Bogo ë'ejöjo. Naehu huë baejavoromo darugo bojamajohuro ëhuro ja eni javajëjo. Ëhesi bëhoho ae u'uhëvë'oho nasi darugohuro ëhuro biririvëvo avohaje höjo. Ëhi uevë'ëro ëhuni rabe rabe bogo eni jevë'oho ëhi jië'e jöhuremu na nimoronimorohë'i jövo'ejo. Ëho nimoronimorohë'i jövë'oho nasi dë vövöbajo'o uhure ma-mabëhe jevö'ë'e ëhuro Keriso-are birirohuro na aegehoröhego.

<sup>10</sup> Ëhu'ëro jië'ëro Keriso-are jöeni u'uhevë'oho o aehu sivegë'oho o naehu vörö'ere va'ë'oho o aehu sisë vaejevë'oho o huë vavaeni bövi bise'o baejevë'oho iae na huë mae jevajeje. Ëhesi bëhoho u'uhevë'oho iae evare na daruge baeromo biririvevajeje.

*Paul-hu Corinth aribövi jabesi jöeni börömo bëhe uehorovoromo ëhuni jajivade jöhoje.*

<sup>11</sup> Nasi arijo'ëro nasi jöho nimoronimorohë'i jövoromo ëhuro na simano rumo'e aëro jajivanovë'ëje. Jemëro na bogo ajemijë'ëro ëhu'ëro na öre gö bogojevadeje. Bogo naehu a'i jemëro uvo'ibejarije: Paul mu mae vaejaje hö uvo'ibejarije iae mae jio'ibejo. Röhu jemë bogo ëhioho uvarijeje. Ëhuro öre gö bogojevadeje. Ëhesi bëhoho jemëro uvarujeje: Ëi'o rovare aribövioho apostle masijo masije jioruomö'i nöruare ihoho bogohöjo. Ëhi uvarujeje. Iae na bise'e jeve röhu jabesi ihohuro nasi ihoho bogo iosiramiro mo masijoho jioruomë'ëje.

<sup>12</sup> Na jemë'o hijodevare evare apostle-ehu vaeruomaje ëhi jië'e mu masijoho bogo gavarue darugo'e mue gö gö u'urume vaenövodeje jemëro garomo uvo'irarijeho: Nöro apostle höjo.

<sup>13</sup> Naro jemesi öriroho diehi sisë'i ajëmijë'ëro jemë uvarujeje: Paul ekaresia ioro'iorohuremu ajëmi'i no bogo ajamuijade höjo. Jemë nani ëma uvarujeje: Paul-hu nosi mana bogo baeromo huë vavaeni bogo bojamuinövadaho ëho sisë höjo. Ëhi jië'oho nasi sisëho uehorovoromo vuonugore.

<sup>14</sup> Röhu aveho gave. Urimë'i vae niö'i ö'oromo hijodoho iae na röhu maho ö'ië'e. Ö'ë'oho bogo huë vavaenoho bojëmiromo jemesiriroho mu hesi manaho bae'ëjo. Ëhesi bëhoho na jemesi maho sisëho bogo uehorovo'irögoro jemë uehorovëve. Jemë nasi aboji harihu'o va'ëne jëvanove. Aboji harihu'oho bogo vëmu vavu'o jabesi jöënioho maho sisëho gagovoromo bahijëhoruomö'i a'i vëmu vavu'ohuro aboji harihu'ohuni gagovoromo bahijëhoruomajeje.

<sup>15</sup> Naehu jemë ajëmi'irodëni nasi mae sisë bojëmi barëromo nasi arijo'arije ëhu'o bojamirovë'oho na mae jeve. Naro jemesi örire dë vövöbajo'e aho'o uehorovëvajeje. Na ëhuni jemëro na bogo börömo ho uehorovevarujeje.

<sup>16</sup> Nani jemë uvarujeje: Ja jö mae jövanuëjo. Jasi arijo'ëro nosiriroho mu hesi manaho bogo baeromo huë vavaenoho bogo bojamuijane höjo. Iae mae-ëjo röhu ja sareri sareri'e aëro javë'ëro sareramuiromo nosi ijo bajoho ujuohahuane höjo.

<sup>17</sup> Ëhi uvarujoho na jemëro uvö: Paul-ro sarerivoromo hu'o röromo ae gö nugö'öjade höjo huro ö'oromo nosi maho sisëho vajiohuvodaguojöro.

<sup>18</sup> Röhu na Titus sisë maro uavodeje: Corinth amoro va'onëromo Christian ö göho nugö'öjodeje Titus'o gemu mae ö'oröhego. Ëhi ë'odeje. Titus-ro ö'oromo na huro

sarerëmiromo jemesi inõmoho vajiohëro ujuohëhadeje. Bogo. Jemë'o uehorovore. Hu'o na'o uehore gemuoho mue gemuoho baeromo jireharueje.

<sup>19</sup> Ave noehu jajivarue jõho nani jemëro adahobe va'oromo uvonõvo'aruje: O Paul-mëhu jajivare hesi bëhoho jabumëro jabesi ihoho nosi nunire avohorõhëni ëhuni jõho jajivare hõjo. Rõhu no bogo jemesi nuniroho riravoromo jajivo'i Keriso-are aëro javuë'ëro God-are nunire riravoromo jõho jajivë'e javue. Nosi ò mueno'e noehu jõ jajivëhë'o ho o mu rabe vaejêhë'o ho ë hesi bëhoho bogo nosi ihoho avohorovo'i a'i jemë ajëmego biririvëvorõhego ë'aruje.

<sup>20</sup> Na juhuoninege naro õ'oromo gëjõëni jemë ëhi mae jëvojõro negajoho gõ jëvego o jemëro na gejõëni jemë na sanu'e ae jëvojõro nëgajoho gõ jëvego. Na juhuoninege gëjõëni jemë nõ muorovo'e vaejego o a jabesi mu mahuni dë vörõnëgego o vörõ'iraeromo muorovego o jemë sivu sivue uehorovego o jemëro ae gõëro gõ sivego o ae gõëro gõ hesi sisëho saginiëri atego o sivue dõro bamorovego o jemesi nimarujohemu ëma vaejego. Ëhi jië'e mu sisëho jemëro vaejego gëjõëni ëhuni juhuoninege.

<sup>21</sup> Na juhuoninege rõhu maho õ'ego nasi Bõrõmoho God-ro javoje bojemego jemesi nunire baejõëni. Ëhesi bëhoho na gëjõëni ae aho'obëhe jemesirire mami'e mu sisë vaejaroho bogo vuonugë'e jioruomego. Biriri'õvoromo õehu jijihanovoromo bõvi bise'o ëma vaejaroho bogo vuonugë'e jioruomego. Ëhi garomo huë vavaene bõrõme baejõëni ëhuni juhuoninego'ego jõho jajive ajëmi'irodëro.

## 13

*Corinth rajehu avoho raromorõhego Paul-hu majëhiromo jõgoru mëmade jõhoje.*

<sup>1</sup> Urimo vae niõ'i õ'odoho rõhu maho õ'ejo. Ëhi jië'o ho vae niõ'i gemu õ'ë'e jëvo'ë'e. God-are surire jõho ëhi uvë'eje: Ae rahumëhu ae gõ hesi sisë court-re majëhië'o ho ae niõ'i o niõ'i gemu mu sisë gavarijohuro jõe gemuoho ajamivoromo huruoho majëhi'iramu hesi jõ sisëho jio'a'ajëjo. God-are surire jõho ëhi uvë'eje. Ëhuni jemë bogo avoho raromë'o ho naro õ'oromo jemesi jõ sisëho majae niõ'i gavodoho rõhu maho gavëho'iramu jemesi sisëho va'orahore huruohëhë'e jio'ë'e.

<sup>2</sup> Urimë'i na õ'oromo rueromo rõhu maho õ'ode majare evare jõgore bojëmiromo uëvodeje: Mu sisë urimo vaejarije aribõviohu'o a ioro'iorohu'o naehu rõhu maho rovë'o ho bogo vuororëmi'i i'ue bojëmi'ejõjo. Jemë'o hiromo ëhi uëvodoho õre ëgo'o hiromo rõhu maho ëhi gemuoho uëve.

<sup>3</sup> Naehu jemë i'u bojëmi'irode hesi bëhoho jemë jëvojõro majare evare jõgore bojëmiromo Paul jõe bojamego o bogo bojamego huhu no majahuijajoho. Iae naro Keriso-are darugoho baeromo õ'oromo i'ue bojëmi'iramu ga'a'aruje Kerisohu na jõ bojemajoho. Kerisoro bogo ma-u'uhoromo jemesi õriroho muoho vae'i a'i darugo ma'o vaejajeje.

<sup>4</sup> Iae Keriso-are sino u'uhamu korosire anamu guomadeje rõhu avevejõ'o ho hu God-are darugoho baeromo biririvoromo hijajeje. Keriso-are aribõvie gemuohuro javuë'ëro no'o ëhi u'uhavuaajeje. Rõhu God-are darugoho baeromo Keriso'o gemu mae raromoromo biririvoromo jemesi õrire ajëmi'ejõ.

<sup>5</sup> Nasi õriroho nadi bijeho ge'i a'i jemesi arijo'arije garorovoromo gare jemë Keriso uhohu'o mae uehorovëgo o ma-dõëremu mae uehorovëgo. Jemë iae garomo uvarujeje: Iesu Keriso Corinth rajo nosi dë vövõbajo'ere hijaje hõjo. O na jemë ma-dõëremu muoho vaejarujeje.

<sup>6</sup> Rõhu naro uve: Jemëro garomo uvo'a'arujëjo: Paul-më bogo ma-dõhemuoho muoho vaejarue hõjo. Na nege jemëro ëhi uvo'irarijego.

<sup>7</sup> Noro God-are õrire uvarujeje huro ajëmego jemë bogo rireromëvo'irõhego. Ëhesi bëhoho bogo ae aho'obëhe uvo'irarijego: Paul-mesi darugoho ruahõ'õj'e ho uvo'irarijego bogo ëhunioho no uavarueje. A'i no uavarue hesi bëhoho jemëro mu maemu vae'irarijego ëhuni God uavarueje. Rõhu jemë mu mae vaejamu noehu i'u bojëmi'irõhe darugo bogo røjëhijamu aehu uvë'o ho: Paul-mesi darugoho bogohõ uvë'o ho iae hesije.

<sup>8</sup> God-are jõ ma aho'irõhoho no bogo eni javuoi ma-nigemo'irõhoho eni javue. Ëhuni jemëhu mu mahemu ejamu gëvë'o ho no i'u bojëmi'irõhe darugoho bogo røjëhi'ejõ.

<sup>9</sup> Jemëhu Keriso-are darugo baeromo biririvë'o ho o noehu Keriso-are darugo jemë bogo røjëhiromo i'u bogo bojëmamu a nunire u'uhavuvë'o ho iae nimiroharueje. Jemëro avo'avoho uehorovo'irarijego ëhuni noro God-are õrire ua gavarueje.

<sup>10</sup> Ëhu'ego na õre ëgo'o hiromo ave jõ jajivaje hesi bëhoho na õ'oromo jemë'o hiromo nasi darugoho bogo baeromo vörõ'e i'uoho bojëmi'irodëni. Ëdarugoho Badaro bojemadeje bogo jemë ijumëvo'i a'i ajëmego avoho biririvoromo mae uehorovobe va'irarijego.

*Paul-hu ijo tugoho'i jejëmijade jöhoje.*

<sup>11</sup> Nasi ö mueno'e ijo tugoho'i jöho uë'ië'e. Mae raromore. Avo'avoho uehorovoromo nasi jöho ejehore. Uehore gemu baeromo huë mae baerovore. Ëhi ë'ë'o'oho God huë ma o sanu'e jö bojamuijaje ahuro jemë'o hi'ë'e.

<sup>12</sup> Christian ö mueno'ehu jejamirovaruëhi ëhi jejamirovore.

God-are aribövie aho'obëhe jemesi örire jejëmijö.

<sup>13-14</sup> Bada Iesu Kerisoro huë baejëvoromo jemë aho'o ajëminövo'i God-ro jemë aho'o uehorovëvonövo'i God-are Aru'aho Mahuro ae aho'o jemë'o gemu mae hi juvo'ë'e. Ahia mino'e.

## GALATIANS

*Paul-hu Galatia aribövi jejemade jöhoje.*

<sup>1</sup> O asê'e Galatia ekaresiaho Paul naro jemesi örire jajive. Na apostle jeve. Èhesi bëhoho bogo ma-aehu hesi uehorovoromo uevamu apostle muoho bae'i bogo God-ro ae uavamu è ahuro rueromo uevamu apostle muoho bae'irögoro a'i Iesu Keriso'o God Vavuohu'o jaburo uevamu apostle muoho baejodeje. Iesu Keriso'o God Vavuehu Iesu ajamamu ri'öjode è ahu'o èho jaburo niö'iro uevamu muoho baej'ëro èhu'ëro na apostle jeve. Èhuni naehu majèhi'iè'aje jöho avo'avoho here.

<sup>2</sup> Röhu na'o gemuore arijarue Christian aganoho aho'obèhe na'o gemuore havoromo jemè jejemijö ekaresiae aho'obèhe Galatia sa'are dinö'e dinö'e jëvajoho.

<sup>3</sup> Na nege God nosi Vavuohu'o Bada Iesu Keriso'o huè baeromo ajëmijego maro raromo'irarijego.

<sup>4</sup> Kerisoro God nosi Vavu hesi jöho ejahoromo nosi sisèni guomorovadeje èhuro avevejö'e jiaje mu sisè hesi darugore javuajoho baeniahjego maro javuoröhego.

<sup>5</sup> Èhuni God-are ihoho noro mabèhe uabe va'onörovo'ejo. Iae mae.

*God-are jö mae ma-gemu jio'i gö gö bogojiaje jöhoje.*

<sup>6</sup> Röhu jemè diehi diehi sisè'i è'arujoho na heromo jöe barèjeve. Èhesi bëhoho God-ro Keriso-are huè mae röjëhiromomo èhuro hesinö rinégadeje. God-hu èhi è'adoho jemè rabèni ma-burèroho hu vuonugo'i jö göho God-are jö maho hörömo ejëhoromo baejö.

<sup>7</sup> Èjöhö bogo God-are jö maehuje Keriso-are jö maho gemu jio'i gö gö bogojjè'ego. A'i aëro jemesi simanoho sisè vaejëhoromo Keriso-are jö maho huotohuotovo majèhi'i nimö.

<sup>8</sup> Noro urimè'i God-are jö maho majèhijareje. Noehu majèhijare jöho ae rahu vuonugo'i sarezëmiromomo jöe gö majèhiromomo jemè èma uëv'èoho: Aveho God-are jö mae hõ uëv'èoho God-are i'u börömoho baerumomo'è'e. Naehu èhi sareri sareri è'è'èoho o aneraehu ö'idöre jioromo ruvebiromomo èhi sareri sareri è'è'èoho o ae rahu èhi è'è'èoho no God-are i'u börömoho bae hesi javue.

<sup>9</sup> No mami'e jemè'ö ariromomo èhi jji'e darugo'e jö majèhijarohö röhu jaruvo na jöe gemuoho majèhi'ejo. Jemèhu baejarieje jö maho ae rahu vuonugo'i jemè sarezëmiromomo uëvaruoho: Ave jö göho God-are jö mae hõ uëvaruoho God-are i'u börömoho bae hesi jioruome.

<sup>10</sup> Naehu avevejö'e jajivaje jöho na na ma-aëro mae uehorovevojöro è'e o na na God-ro mae uehorovevojöro èhuni jajive. Na na ma-aëro rajehijöro jajive. Naehu è'ödèhi na ma-aëro rajehijöro jöho majèhi'iibejo èhuro na bogo Keriso-are mu ajamijaje aho jevo'iibejo.

*Paul-hu a majèhijaje jö maho è jöho bogo aroho bae'i Iesuaro baejade jöhoje.*

<sup>11</sup> Röhu nasi ö mueno'e na nege jemèro ave jöho avo'avoho he'irarijego. Keriso-are jö ma naehu majèhijamu hejarijoho bogo ma-aehu jabesi ma-uehorovoromo na majehare jöhoje.

<sup>12</sup> Bogo aehu aevoromo jöho majehiromomo bëhoho huruoho majehi'irögoro a'i Iesu Kerisoro huro jöho majehijamu baejodeje.

<sup>13</sup> Iesu Kerisoro majehi'i bogo Keriso-are ariböviehu majehijamu hejodeje. Jemè'ö uehorovore. Naehu bogo Christian vaej'è'e Jew rajo a mami mu vaeromo God rajahinövode majare evare naehu diehi diehi hi juvonövode jöho mami'e hejarieje. Evare majare naro biririvoromo God-are ekaresiae aho'obèhe sisè vaejövobe mu'u'amo'i è'ö gabe rovodeje. Èhuni Keriso-are jöho bogo jabesi öriroho hejodeje.

<sup>14</sup> A'i vadune gemuore jioruomade è aribövioho nasi Jew raje gemuoho aho'o naro iosirëmiromomo Jew rajo nosi hijo miono'o jabesi jögoroho nimoromo nosi Jew rajo muoho bae avohodeje.

<sup>15</sup> Èhi jji'e ae jevadoho röhu urimö mamö na bogo rahev'è'e ma-dëre jevamu evare God-ro hesi jevojöro nijio'iraejev'è'ero ijönö huè baejevoromo hesinö ringadeje.

<sup>16</sup> Ringoromo huhu nimadèhi hesi Harihoho röjehijadeje naro garomo Jew rajo nosi sa'arohö bogo a'i sa'a ioro'ioro rajo jemesirire Keriso-are jö maho majèhibe juvonövo'irodego. Röhu God-ro hesi Harihu röjehijadevarohö evarohö na bogo è amorohö hiromö a jö'orohö baeromö

<sup>17</sup> bogo Jerusalem amo börömorohö ajiomoromö urimö riravare apostle ömo'ö mohu'öho jöho atoromö jö maho è bae'irögoro a'i na ma-burèro öre gö va'oromö Arabia sa'are hijodeje. Hijè'ëro Damascus amore vuonorö'öromö rovodeje.

<sup>18</sup> Amo röhu God-hu na hesi Harihu röjehijadoho vadune aho'obêhe niö'i gemu barëjamu evare na Peter'o jöe jörovo'i Jerusalem amore ajiomodeje. Röhu majae ma-bisemu hurae niö'i rabu'e êhi hu'o hiromomo va'odeje.

<sup>19</sup> Peter iae naro garomo röhu Bada Iesuare öho James hu'o gavodeje. Röhu apostle ioro'ioroho bogo gëvê'e ma-va'odeje.

<sup>20</sup> Naehu jemesi örire jajivaje jöho God-hu gevajoho na bogo sarerëmiye.

<sup>21</sup> Apostle ioro'ioroho bogo gëvê'e ma-va'odeje. Jerusalem amoho Judea sa'aho nugo'i va'odoho va'o Syria sa'are Cilicia sa'are hibe juvodeje.

<sup>22</sup> Röhu Keriso-are ekaresiae gö gö Judea sa'are raromaruoho êho jabu nasi nu ano'ooho bogo gavareje.

<sup>23</sup> Nasi nu ano'ooho bogo ga'i ma-hejareje aëro uvavamu: Urimoho nöröro Christian aribövi nosi örire sisê'i vaejavuobe juvade höjo. Sisê'i vaejavuobe juvoromo Keriso mae uehorovarue mu mu'u'i ê'o gabe juvadoho röhu avevejö'oho Keriso mae uehorovo'iröhe jöho nöröro majêhibe juvaje höjo.

<sup>24</sup> Êhi uvamu hejê'ëro jiê'ëro nasi jöëni God mabêhe uavareje.

## 2

*Paul-hu a majêhijaje jöho Jerusalem ekaresia a masijohuro heromo uvareje: Êho jö mae höjo. Êhesi jöhoje.*

<sup>1</sup> Êhi'oromo vadune aho'obêhe 14 barëjamu gagorovo naro Barnabas'o gemu mae Jerusalem amo böromore vuonorö'ö ajiomodeje. Röhu Titus hu'o hu'irae baeromo ajiomodeje.

<sup>2</sup> Ajiomode hesi bëhoho God-ro uevê'ego ajiomodeje. Ajiomoromo ekaresia a masijoho jaburemu na'o nosi hahagu gagovorovoromo jöho atareje. Atoromo naehu sa'a ioro'ioro rajo diehi jiê'e jö majêhibe juvode jöho naro huruoho majêhijodeje ë ekaresia a masijohuro avoho heruomoröhego rabëni naehu mami'e vaebe rovode muoho jabumëro ahego bejöëni. Iae êhuni avoho majêhijodeje.

<sup>3</sup> Röhu nasi muoho bogo ahehareje. Bogo ahehoromo uevareje: Sa'a gö rajoho Jew rajo jögoroho röjëhi'ibejanëjo. O na'o rovade aho Titus bogo Jew rajehu jio'i sa'a gö raje a jiajoho röhu jabumë bogo uövuareje: Titus baeromo Jew rajo muoho vaeromo sinoho tariojahago hu God-are nunire mae nami'irajo. Êa masijoho bogo êhi jiê'e jöho uö'i a'i

<sup>4</sup> hesi ae göëro nimareje Jew rajehu ë'aruêhi êhi ë'oromo Titus-are sinoho tariojahajöro. Röhu jabumë ma-döëremu Christian aribövie jëvê'ëro ë'areje. Ma-döëremu Christian aribövie jioromo sisê'i uehorovoromo saginiëri rueromo nosi gemuore gagovareje ga'i no Iesu Keriso-are ae gemuohuro javuê'ëro no diehi jiê'e sasohê'e muoho baejê'e javuego. Êhesi bëhoho jaburo nimareje Jew rajo nosi i'u'e muoho noro röhu maho vaemu vaeröhego. Êhuni nimareje Titus-are sinoho tariojahajöro.

<sup>5</sup> Êhi nëgamu röhu jabesi jöho no bogo mae bogo ejêhareje êhuro noro Keriso-are jö maho avo'avoho muebejago jemëro ë jöhemu he'irarijago.

<sup>6</sup> Röhu ekaresiaehu uvoruomaje a masije hö uvoruomaje aribövioho jabumë a masijoho o ininoho naro uehorovoromo uvajeje: Iae hesi höjo. Êhesi bëhoho God-ro gövuajeje a masijoho o ininoho bogo göho göho javuo'i ma-gemuoho javuego. Röhu ë ekaresia a masijohuro naehu majêhibe juvaje jöho heromo röhu jö gö'oho bogo döroho bojemijareje êhu'o majêhijöro.

<sup>7</sup> A'iro jabumëro iae mae garomo uvareje: God-hu Peter mu bojamijadëhi êhi nörö muoho bojamijade höjo noro Keriso-are jö maho baeromo Peter-ro Jew rajo örire majêhibe juvo'i naro sa'a ioro'ioro rajo örire êhi majêhibe juvo'irodego.

<sup>8</sup> Êhesi bëhoho God-ro Peter darugoho bojamijadeje huro apostle muoho baeromo Jew rajoho ajëmi'iröhego. God-hu Peter darugo bojamijadëhi na'o êhi bojemijadeje naro apostle muoho baeromo sa'a ioro'ioro rajoho ajëmi'irodego.

<sup>9</sup> Êhuni ekaresiaehu uvoruomaje masije hö uvoruomaje aribövioho James Peter John êho jaburo garomo uvareje: God-ro huê baeromo nörö muoho bojamade höromo na'o Barnabas'o öve ma'enagutoromo uövuareje: Jemë'o no'o uehore gemuoho javuaëjo. Noro Jew rajo nosi sa'are jöho majêhibe jijihoi jemëro sa'a ioro'ioro rajo jabesi sa'aro va'o jöho majêhibe jirehonövorëjo.

<sup>10</sup> Sa'a ioro'ioro rajo jabesi sa'aro va'o majêhibe jirehorëjo röhu nosi aribövi inömo bogojëvajoho êho uehorovënonövorëjo. Ekaresia a masijohuro êhi uövuareje. Röhu êhi jiê'e huê baejê'e muoho iae naro vae'i nimobe rovê'e jeve.

*Antioch amore Peter-hu mu sisê vaejamu Paul-hu jögoru bojamade jöhoje.*

<sup>11</sup> Rõhu Peter Antioch amore rovamu naro hesi nuniro hu jö aho'ahamijodeje hu mu sisë vaejë'ego.

<sup>12</sup> Naehu ëhi uavode hesi bëhoho urimoho Peter-hu aevoromo Antioch rovadevare evare uvadeje: Jew rajo mu vaeromo sino tarivarue Christian aribövioho no'o Jew rajo mu bogo vaeromo sino bogo tarivarue Christian aribövioho jabu'o gemuoho javuajë uvoromo sa'a ioro'ioro rajo Christian ö mueno'ohu'o gemuoro hirono ioho inövadeje. Gemuore hiromo i ibe rovadoho gavade Jew rajohuro James-arire jioromo ro Antioch raromamu gëgorovo uvadeje: Ësino tarivojõro nimarue ariböviehu gevë'oho na Jew rajo mu bogo vaejarue ariböviohu'o gemuore hijamu gevë'oho bijõnimoruomo'ajëromo juhuonivoromo sa'a ioro'ioro rajohu'o i ijadoho vuonugo'i rori'o va'o hijadeje.

<sup>13</sup> Peter-ro juhuonivoromo ëhi jië'e sareri sareri'e muoho vaejamu gagorovo Jew rajo ioro'ioroho jaburo sa'a ioro'ioro rajohu'o gemuore raromoromo i ue'aharoho vuonugo'i jabu'o ëma sarere rori'o raromareje. Rori'o raromamu gëgorovo Barnabas-ro hu'o ëma sarere va'o rori'o hijadeje.

<sup>14</sup> Jabumëro ëhi'amu gëgorovo Paul naro mae gëromo uvodeje: Jabumë God-are jö maho bogo avo'avoho uehorovoromo ahoriroho va'aruëromo ëhuni ri'õromo Christian ae aho'obëhe jabesi nuniro namiromo Peter-are õrire uavodeje: Ja Jew rajo ae javajëjo rõhu Jew rajo muoho bogo uehorovo'i sa'a ioro'iorehu raromaruëhi ëhi hibe rovë'e javajëjo. Ëhi jië'oho ja rabëni sa'a ioro'ioro rajoho gorëvanuëjo. Jabu gorëvanuohuni dadibijiohoromo Jew rajo muoho baejõrajo.

*God-are nunire mae riravo'irõhe hesi õroho ma-gemu jie. Iesu mae uehorovoromo ëhuro mae riravo'ejo. Ëhesi jõhoje.*

<sup>15</sup> Rõhu no Jew rajo mae javue nosi hijo miono'oho Jew raje jiobe rovë'ëro. No bogo God-are jõgoru rumo'e sa'a ioro'ioro rajoho javuo'i no Jew raje javue.

<sup>16</sup> Rõhu noro garomo uvarueje: Ae rahu rahu God-are nunire mae nami'i nimë'oho hu bogo Jew rajo nosi jõgoroho ejego God-ro garomo hesi sisëho u'ovahuego hesi nuniroho maho namijaje hõjo. Õroho bogo ëhioho hõjo. A'i Iesu Keriso mae uehorovego God-ro hesi sisëho u'ovahuego hesi nunire mae namijaje hõjo. Mae nami'irõhe hesi õroho iae ëhi hõjo. Noro ëhi gavë'ëro ëhuni Jew rajo Christian aribövioho no'o Iesu Keriso mae uehorovë'e javue noro hu mae uehorovoromo ëhuro God-are nunire mae riravo'irõhëni. No bijõnague mu vaerõhe jõgoru e'i ë'o garomo ëhuro hesi nunire mae riravo'i ë'o ga'irõhoho. Ëhesi bëhoho bogo ae gemu vadu'oho noehu mu vaerõhe jõgoroho ejego God-ro gõromo nosi sisëho u'ovahuego hesi nuniroho maho riravarueje.

<sup>17</sup> Jew rajo Christian aribövioho no God-are nunire mae riravo'i naguejoho no bogo Jew rajo nosi jõgoroho uehorovo'i a'i no nimarueje God-ro no Keriso'o gemu mae ramuego ëhuro God-are nunire mae riravorõhëni. Ëhi nimoromo no'o Jew rajo jõgoru rumo'e aribövie sa'a ioro'ioro rajoho va'ëne javuanovajeje. Ëhi jië'oho na no ëma uehorovoromo uvo'ejo: God-hu Jew rajo bojamuade jõgoroho Kerisoro ajamuego ahoromo mu sisë vaejarue hõjo. Bogo mae bogo ëhioho uvo'ejo.

<sup>18</sup> Naro mami'e uëbe rovodeje: God-are nunire mae riravo'ië'iroho bogo Jew rajo jõgoroho ejego ëhuro God-ro nosi sisëho u'ovahuego hesi nuniroho maho riravarue hõjo. God-are nunire mae riravo'irõhe õroho bogo ëhioho hõjo. Rõhu naehu ëhi majëhinövode jõho ahoromo uë'ibejo: Jew rajo jõgoroho ejego God-ro gõromo nosi sisëho u'ovahuego hesi nunire mae riravarue hõ uë'ibejo naro sisë'i majëhiromo ëhuro God-are jõgoroho aho'ibejo. Rõhu bogo ëhioho majëhi'ejo.

<sup>19</sup> Naro mami'e uehorovoromo uvodeje: Jew rajo jõgoru ejë'oho ëhuro na God-are nunire mae nami'ejõromo Jew rajo jõgoroho e'i sivoho gajuvo gavode bogo eni jevamu gagorovo uvodeje: Noehu God-are nunire mae riravo'irõhe õroho bogo ëhioho hõromo ëhi uehorovodoho vuonugodeje. Na ëhi jië'e uehoroho ioro'iore gemu vuonugë'e jeve. Aehu vuovoromo ioro'iore gemu va'aruëhi na ëhi ioro'iore gemu ë õroho vuonugë'e jeve ëhuro na i'ovoromo hirono God-are muohuremu vaebe juvo'irodëni. Keriso korosire guomadevare evare na hu'o korosire ano taemevamu guomevanovadeje.

<sup>20</sup> Guomevë'ëro ëhu'ëro na bogo nasi darugoroho o nasi uehororoho hi'irõgoro a'i Kerisoro nasi dë vövõbajo'ere hirono darugoho uehoroho bojemego hijajeje. Sa'are hijajoho God-are Hariho mae uehorovoromo ëhuro ave sa'aroho hijajeje huro na uehorovevoromo nasi jõëni guomorovë'ëro jië'ëro.

<sup>21</sup> God-hu huë mae baejavuoromo hesi Harihoho suvuoroho bojamuijadeje. Ësuvuoroho na bogo mae bogo juahamiro mo uvo'ejo: Na bogo Keriso gemu uehorovo'i a'i Jew rajo nosi jõgoroho e ga'ejõjo God-ro geromo nasi sisëho u'ovehego hesi nunire mae nami'irodëni. Na bogo ëhioho uvo'ejo. Noro Jew rajo jõgoroho ejego God-ro gõromo nosi

sisêho u'ovahuêgo hesi nunire mae riravo'ibejo Keriso nosi sisênioho ma-imo guomê'e jio'ibejo. Rôhu bogo êhiohoje. Êhuni Keriso-are suvuoroho bogo juahovoromo Jew rajo jôgoroho rôhu maho uehorovo'ejjo.

### 3

*God-hu nosi aru'aho ajamuaje hesi bêhoho bogo noehu mu vaerôhe jôgoru ejahego God-hu gôromo ajamui'a'i noehu hu mae uehorovego ajamuijaje jôhoje.*

<sup>1</sup> Vaevê'e Galatia sa'a rajohumê sareri simano rumo'e aribôvie jêve. Diehi'amu simanoho sisêrêjêh'êro sisê'ioho uehorovarujeje. Nadi êhioho uehorovo'ibejarije. Êhesi bêhoho Iesu Kerisohu korosire guomade jôho naro ma-sama'e majêhijamu jemê ae aho'obêhe hejarijeje. Êhi hejarijoho rôhu diehi'oromo sisê'ioho uehorovarujeje.

<sup>2</sup> Ave jôhuremu majêhirego na he'iro. God-are Aru'aho baejarije hesi ôroho diehi jiadeje. Na jemê Jew rajo jôgoroho eromo êhuro Aru'ahoho mana baejarijeje. O na jemê Keriso-are jôho heromo mae uehorovoromo Aru'ahoho baejarijeje. Iae mae uehorovoromo Aru'ahoho baejarijeje.

<sup>3</sup> Rôhu jemê diehi'oromo sisê'ioho uehorovarujeje. Aevoromo Keriso-are ôrire jijiharijevare evare God-are Aru'aho hesi darugoho baeromo jijihonôvarijeje. Êhi jiê'oho diehi'oromo ôri vituoho jemesi darugohuremu jijihô'i nêge.

<sup>4</sup> Asê'e jemê Keriso-are mu ôri bae avohobe rovarijoho na ê muoho êma sisêrê'ê'e. Bogo.

<sup>5</sup> Iae God-ro hesi Aru'ahoho ma-mabêhe bojêmiromo darugo'e mu masijoho jemesirire vae'amajeje. Rabêni êhi jiê'e darugoho bojêmijajeje. Na jemê Jew rajo jôgoroho ejê'ego êhuni ê hesi manaho darugoho bojêmijajeje. Bogo. A'i jemêro Keriso-are jôho heromo mae uehorovê'ego êhuni ê'ajeje.

<sup>6</sup> Rôhu Jew rajo nosi bêhoho Abraham êhi gemuoho jiadeje. Hu'o God mae uehorovoromo êhuro huê maho baejadeje. Êhesi jôho God-are surire jajivoromo uvê'eje: Abraham-ro God mae uehorovamu huro êho garomo uvade hôjo: Êhuro iae hu nasi nunire mae namijajêjo.

<sup>7</sup> Êhuni jemê ga'a'aruje Abraham-are ujo ômo'ômo maho êho God mae uehorovarue aribôvie jio'amo'iramu.

<sup>8</sup> Iae God-ro uvadeje: Ijonô bogo Jew rajoho gemu a'i sa'a ioro'ioro rajohu'o nasi ôrire mae uehorovevê'ohuro êhuro naro jabesi sisêho u'ovêho'iramu nasi nunire mae riravorumo'ajê uvoromo ê jô mabêhoho Abraham-are ôrire majahijadeje. Huhu majahijade jôho God-are surire jajivoromo uvê'eje: God naro ja ajami'iramu êhuro sa'ae din'ê din'ê aho'obêhe nasi huê maho baebe va'oruomo'ajêjo.

<sup>9</sup> Êhesi bêhoho Abraham-ro God mae uehorovamu God-ro hesi ôrire ma-mabêhe ajamijê'ero êhuni ae rahu God mae uehorovê'oho God-hu Abraham ajamijadêhi êhi ma-mabêhe ajamuijajeje.

<sup>10</sup> O ae rahu uvê'oho: No God-hu bojamuade Jew rajo jôgoru ejaho'i ê'ê'oho êhuro hesi nunire mae riravo'ejarê uvê'oho êhi jiê'e aribôvioho God-ro i'ue bojêmege bae hesi jêve ê jôho bogo e barêjê'ego. God-are surire jôho êhi uvê'eje: Mu vaerôhe jôgoru surire jajivo'amadoho ae rahu ê jôgoru bogo e barêjê'oho God-are i'uocho bae hesi jêvâjêjo.

<sup>11</sup> Aehu hesi darugehu Jew rajo jôgoru e'i ê'ê'ohuro bogo êhuro God-are nuniroho maho riravarujeje. Êjôho iae ma-va'orahoroje. Êhesi bêhoho God-are surire jôho êhi uvê'eje: Ae rahu God mae uehorovoromo êhuro hesi nunire mae riravê'oho ê aribôviohuremu maroho raromoruomo'ajêjo.

<sup>12</sup> Aehu hesi biriri baeromo Jew rajo jôgoru e'irôhoho êho mue gô jio'i mae uehorovoromo uvê'oho: Hesi God-ro ajamui'ajê uvê'oho êho gôje. God-are surire jôho êhi uvê'eje: Ae rahu Moses-are jôgoru e barêjê'ohuro êhuro maro raromoruomo'ajêjo. Êho bogo God mae uehorovego God-hu mae ajamui'ajê uvo'irôhe jôho jio'i nosi biririvoromo mu vae'irôhe jôhoje.

<sup>13</sup> Rôhu noro ê jôgoroho ahê'ero êhu'ero i'u bôrômoho mana bae hesi javue. Êi'u bôrômo bae'irôhoho Kerisoro no'o rôromo ê i'uocho baeromo êhuro noehu bae'ibejaroho tugohahuadeje. Êhesi jôho God-are surire jajivoromo uvê'eje: A ijo dôre iromê'oho ê hesi bêhoho ê aho God-are i'u bôrômoho baejê'ero jiê'ero êhuni ijoroho iromaje hôjo. Êhi jajivê'eje. Rôhu Kerisoro ijo dôre êhi iromoromo êhuro nosi jôeni i'u bôrômoho God-aro baeromo êhuro noehu bae'ibejare i'uocho tugohahuadeje.

<sup>14</sup> Kerisohu nosi i'u êhi tugohahuade hesi bêhoho iae naro majêhi'iê'e. Urimê'i God-ro Abraham mae uavadeje: U'emu naro jemê mabêhe ajêmi'iramu maro raromo'arujêjo. Rôhu Iesu Kerisoro noehu bae'ibejare i'uocho tugohahuadeje êhuro God-hu Abraham-mê

ajëmi'iröhëni uavadëhi sa'a ioro'ioro rajoho jemë ëhi ajëmijego maro raromo'irarijego. Noehu hu mae uehorovaruhuro ëhuro God-hu hesi Aru'aho bojamui'i uövuadëhi ëhi bojamuijego noro bae'iröhego. Iae ëhuni Kerisoro noehu bae'ibejare i'uoho tugohahuadeje.

*Urmo God-hu hesi aribövi ajëmi'iröhe jögoroho Abraham majahiro mo ijonö mu vaeröhe jögoroho Israel rajo bojëmijade ë jögoru niö'i jabesi jöhoje.*

<sup>15</sup> Nasi ö mueno'e noehu ataruëhi jië'e jöho jövo'irögoro ë'e jemëro ëho uehorovego jö bëhoho juvo bu'ö'iröhego. Ae niö'iehu jö gemuore uehorovoromo mae uarovë'oho: Noehu jörovare jöho iae ëhi jiemu jio'a'ajë uarovë'oho aho jö göho bogo baro nosi jö gemuoroho havo'ë'ö o aho'ë'ö.

<sup>16</sup> Èhesi bëhoho God-ro Abraham'o hesi ujohu'o mae uëbe rovadeje: Naro jemë ajëmi'ejöjo. Röhu God-are surire jajivare jöho bogo uvë'eje: Jasi ujoho aho'obëhe ajëmi'ejö uvo'i a'i uvë'eje: Jasi ujoho ajami'ejöjo. Èhesi bëhoho a uje gemu ajami'iröhëni uavadeje. Ujoho iae Keriso jiadeje.

<sup>17</sup> Èhesi bëhoho naro majëhi'irögoro ë'e. Urimë'i God-ro Abraham-are örire jögoroho bojamiromo jöho majahi barëromo röhu uavadeje: Na jövode jöho bogo vuonugo'i iae na ajëmi'ejöjo. Èhi uavë'ëro va'o va'o va'o vadune aho'obëhe 430 ëmino'e barëjamu ijonö mu vaenövo'iröhe jögoroho bojëmijadeje. Bojëmamu röhu bogo ëhuro God-hu ajëmi'iröhe jögoru Abraham bojämijadoho tugoho'i a'i God-hu ajëmi'iröhëni mae jövade jöho ëhi jiemu jiobe rovadeje.

<sup>18</sup> Noehu mu vaenövoröhe jögoroho ejahoromo ëhuro God-are suvuoroho mana bae'ibejo no uvo'ibejo: God-ro no ajamui'i Abraham mae uavë'ëro bogo ëhuniöho hesi maho bojamui'i a'i huro gavade noro mu mae vaejamu gagorovo iae ëhuni hesi suvuoroho mana bojamuade höjo. Röhu bogo ëhiohoje. God bogo Abraham-are mu maho garomo hesi suvuoroho manaho bojami'i a'i God-ro no ajamui'i Abraham uavë'ëro ëhuni hesi suvuoroho Abraham bojamideje.

<sup>19</sup> Noehu mu vaenövoröhe jögoru ejahamu God-hu hesi suvuoro bogo mana bojami'ejöho hu rabëni mu vaenövoröhe jögoroho bojamuadeje. God-ro ajamui'iröhe jöho urimo bojami'ejöho ijonö noehu mu vaenövoröhe jögoroho bojami'ejöho noro garomo uvoröhego: No God-are jögoru aharue aribövie javuajëjo. Noehu mu vaenövoröhe jögoroho bojami'ejöho ma-jahuri hebe uehorovobe va'öjuvo God-hu ajami'iröhëni uavade aho Abraham-are uje gemu Kerisoro rovego evare noehu mu vaenövoröhe jögoroho barë'iröhego. Röhu noehu mu vaeröhe jögoru God-hu bojami'ie'adevaroho evaroho bogo ahoriroho nosi öriroho bojami'i a'i ë jöho anerae bojëmamu jabumëro rueromo God'o no'ö jiarue ririre namiromo nosi öri avohahuonövade aho Moses bojämamu huro ë jöho baeromo no bojami'ejöho. Èhi'adeje.

<sup>20</sup> Röhu ae göëhu göëhu jö mevë'oho ae göëro rueromo öroho avohëhego jöho juvo bu'ö'ajajeje. O ae gemuehu jö bojami'ejöho a göho bogo rueromo jö bojami'iröhe öroho avohahuo'ë'e. Èhesi bëhoho God-hu no ajamui'iröhe jö Abraham bojamidevaroho huro sivue ë jöho Abraham bojamideje.

*Noehu mu vaeröhe jögoru God-hu bëhoho rabëni bojamuade jöhoje.*

<sup>21</sup> Ajamui'iröhëro God-ro Abraham jöe gö gö majahijë'ëro röhu ijonö noehu mu vaeröhe jögoroho bojamuadeje. Èhi ë'aduhuro na ëhuro urimo uavade ajamui'iröhe jögoru öroho ahadeje. Bogo mae bogo. Èhesi bëhoho mu vaeröhe jögoroho God-ro bojämuego noro ejahoromo ëhuro daruge baeromo maro raromo'ibejo noehu mu vaeröhe jögoru ejaruhuro ëhuro God-are nunire mae raravo'ibejo.

<sup>22</sup> Röhu God-are surire ëhi uvë'eje: Ae aho'obëhe dinö'e dinö'e raromaruoho sisëro ruahö'öjavuë'e höjo. Èhi jajivë'eje. Èhu'ëro jië'ëro mu sisë vuonugo'i God-are suvuoro bae'ie'iroho ë hesi öroho ma-gemu jie. Öroho Iesu mae uehorovo'iröhohoje. Ae rahu Iesu Keriso mae uehorovë'ohuro ëhuro iae God-are suvuoro maho baejarueje Keriso mae uehorovarue aribövioho no God-ro ajamui'i uövuë'ëro jië'ëro.

<sup>23</sup> Noehu Keriso mae uehorovë'oho God-ro ma-marö ramuajëje. Èhesi majaho jaruvoje. Röhu urimoho ë maja bogo rovadevare no tövavuë'ëro jië'ëro bogo ruëroho numëroho va'i ma-Jew rajehu mu vaeröhe jögoru hesi ahariremu raromobe rovareje. Èhi'obe rovaroho ijonö Keriso mae uehorovo'iröhe öroho huruorohadeje.

<sup>24</sup> Aehu asisö'ö söromo avo'avoho muebejövobe va'ego asisö'ëhu ma-aharirehu va'aruëhi Jew rajehu mu vaeröhe jögoroho ëhi jiadeje. No Jew rajo jögoru ahariremu asisö'onö'e raromobe rovamu Kerisoro sa'are rovadeje. Jögoru hesi aharire raromare hesi bëhoho öre röjahuijego noro Keriso mae uehorovoromo ëhuro God-are nunire mae raravo'iröhego.



<sup>25</sup> Rõhu jaruvoho noehu Keriso mae uehorovo'irõhe majaho rovvè'eje. Ëmajaho rovvè'ego no bogo ë mu vaerõhe jõgoru hesi ahariroho raromarueje.

<sup>26</sup> Jemë ae aho'obëhe Keriso mae uehorovoromo Keriso'o gemuore bimuvè'ëro ëhu'ëro jemë God-are aboji harihu'e jëve.

<sup>27</sup> Ëhesi bëhoho bapataeto vaejarijohuro ëhuro Keriso'o gemuoro bimuvoromo jemëro Keriso-are muoho niõgu i'o va'ëne ëhi jemesi sinore io'amè'e jëve.

<sup>28</sup> Ëhuni Jew rajohu'o sa'a ioro'ioro rajohu'o jemë bogo hahagu hahaguoho jëvo'i Keriso'o gemuoro havè'e jëve. A jabesi muemu vaejêho'i arijaruje ahu'o a uno'ohu'o bogo hahagu hahaguoho jëvo'i Keriso'o gemuoro havè'e jëve. A'o magonaho'o bogo hahagu hahaguoho jëvo'i Iesu Keriso'o gemuoro havè'e jëve. Jemë ae aho'obëhe Iesu Keriso'o gemuoro jëve.

<sup>29</sup> Keriso-are ariböviëro jëvè'ëro ëhu'ëro jemë Abraham-are uje jëve. Ëhuni mami'e God-ro Abraham'o hesi ujohu'o diehi ajamui'irõhëni Abraham uavadëhi iae jemë ëhi ajëmi'iramu mae jëvo'ë'e.

## 4

*Iesuro sa'are rueromo ajamuijè'ëro ëhu'ëro no bogo ma-muemu vaemu vaejarue aribövioho va'ëne javuo'i God-are aboji harihu'e javue. Ëhesi jõhoje.*

<sup>1</sup> Rõhu ave uhu jõhu'o uë'iè'e. Harihoho bise'eje rõhu ijono vavu hesi sionoho bae'iè'ëro ëhu'ëro ë vavuehu muebe'amaje inõmoho hesi harihu hesi ihoro jio'ame. Ëhi jie rõhu a bise'ego mu vaemu vaejarue ahuni aehu ë'aruëhi harihu hesi õrire ëhi ë'arueje.

<sup>2</sup> Aëro hu jõgoroho bojamibe hesi maho sisëho muebejahobe va'arueje hujeji hesi vavuehu uvade majaho ruerõhego.

<sup>3</sup> No ëhi javuadeje. Urimoho no asisõ'o va'ëne javuadeje. Noro uvareje: Aru'ahë gö mue gö masijoho hõromo ëma imo ëhemu uehorovoromo muoho vaejêhemu vaejêhonõvareje.

<sup>4</sup> Ëhi'obe rovaroho rõhu majae eni jiamu gagorovo God-ro hesi Harihoho nugõ'õjamu sa'are rovadeje. Rovamu ma-magonahëro hu rahadeje. Rahamu hu Jew rajo nosi jõgoru aharire jiobe rovadeje

<sup>5</sup> ëhuro Jew rajo jõgoru aharire sisè'i raromaroho ajamuego no mae javuoromo God-are aboji harihu'e javuo'irõhego.

<sup>6</sup> Jemë aboji harihu'e jëvè'ego God-ro hesi Harihu hesi Aru'ahoho nugõ'õjamu nosi dë vövõbajo'ere abo hijè'ëro uvajeje: Apajo.

<sup>7</sup> Ëhu'ëro jiè'ëro jemë ae gemu gemu bogo ma-mu vaemu vaejaruje aribövioho jëvo'i a'i God-are aboji harihu'e jëve. Hesi aboji harihu'ëro jëvè'ëro God-ro hesi darugoho bövioho bise'oho jemë i'imëmi'iramu ujuoho'aruje.

*Paul-hu Galatia ekaresia jabesi jöëni nurunurumade jõhoje.*

<sup>8</sup> Rõhu urimoho God-are jõho bogo henõvarijeje. God-are jö bogo hejarijevare evare ëma sarerivoromo uvonõvarijeje: Aru'ahoho bövioho bise'oho masije hõromo ëhemu uehorovoromo sisè'i raromonõvarijeje.

<sup>9</sup> O jaruvoho jemë iae God birohè'e jëve ë hesi bëhoho God-ro jemë birohèvè'ëro. Rõhu jemë mami'e asisõ'o majëhijanovarue jõgorohemu ejëhoromo aru'ahë gö gö masije hõ uehorovarijêhi ëhi asisõ'o majëhijanovarue jõgoru göho ejëharujeje. Asisõ'o majëhijanovarue jõgoroho ejëhoromo sarerivoromo uvarujeje: No Jew rajo mu vaerõhe jõgoru ejëhè'oho ëhuro God-are nunire mae riravo'ëjarëjo. Rõhu ejëhè'oho bogo ëhuro maho riravo'aruje ë jõho bogo eni jiè'ëro.

<sup>10</sup> Ëjõgoroho ejëhoromo gavarujoho majaro huraro manaeroro vaduniro rovego gagorovo uvarujeje: Ëmajaho maja masijo rue'amaje majaho hõjo. Ëmajaho avo'avoho uehorovè'oho God-ro göromo rajahui'ajëjo. Rõhu ëhi jiè'oho sisè'i uehorovarujeje.

<sup>11</sup> Na jemesi jöëni juhuoninégavave naehu jemëni vaebe rovode muoho sisërëjõëni.

<sup>12</sup> O asè'e nasi õ mueno'e na jemesi jöëni vavaenego'ego uëve. Naehu majëhi'iè'aje jõho nadi bijõnimore. Jemë bogo Jew rajoho jëvè'ëro Jew rajo mu vaerõhe jõgoroho bogo uehorovonõvarijeje. Na Jew rajë jeve rõhu Jew rajo mu vaerõhe jõgorohemu uehorovodoho vuonugè'ëro jemë va'ëne jeve. Ëhuni naehu God-are nunire mae nami'irodëro Jew rajo jõgoru bogo uehorovo'i Keriso gemu mae uehorovajëhi jemë'o ëhi ë'ore. Urimoho jemë na bogo sisè'ioho vaejevonõvarijeje.

<sup>13</sup> Jemë'o uehorovore. Naehu jemë'o aevo'i hiromo Keriso-are jö ma majëhijode hesi bëhoho na guomo guome baegoro jemë'o aevo'i hiromo jõho majëhijodeje.

<sup>14</sup> Nasi guomo guomohuro jemë esi'esiëmanovodeje. Rõhu jemë na bogo bijõnegoromo nuni juhuoninioho baejarijeje. A'i ma-mabëhe rajehijarijeje. God-are aneraëro o

Iesu Kerisoro jemesi örire ö'ego mabêhe rajahi'ibejarijêhi êhi gemuoho jemêro na rajehijarijeje.

<sup>15</sup> Rajehiromomo evare majare nasi jöëni nimoroho avoharijeje. O jaruvoho bogo êhioho nimoroharujeje. Êhesi bêhoho rabênivo bogo nasi jöënioho nimoroharujeje. O urimoho jemê eni jêvo'ibejo ri'öromomo jemesi nuni baje jahoromo bojemi'ibejarije o bövie bise'e bojemi'ibejarije. Ajemiromomo êhi'o'ibejarije. Iae na mae üeve.

<sup>16</sup> Jemê êhi rajehijarijeje. O jaruvo naehu jemê God-are jö maemu majêhijodoho na jemê êhuni uvö: Nöröro nue huodaguoromo ê'ajêjo.

<sup>17</sup> O Jew raje sareri jö rjêhijarue aribövioho êho jaburo jemê sanuëmiromomo rajêhijarueje jemêro jabesi ijore ijore jijiho'irarijego. Röhu sisê'i uehorovoromo êma döëremu ê'arujeje. Êhesi bêhoho jaburo nimö jemêro Paul na uehorovevarujoho vuonugo'i jabumê gemu rajêhi'irarijego.

<sup>18</sup> Röhu jemêro mu maemu uehorovo'irarijego aehu jemê rajêhijê'oho êho bogo sisêhuje. Naehu jemê'o hiromomo jemê rajêhijê'oho o na jemê'oho bogojevamu ae göehu jemê rajêhijê'oho iae maeje.

<sup>19</sup> O asê'e nasi aboji harihu'ohumê vaevê'e jêve. Magonahehu raho'i hara'uoromo huê vavaene bôrömo baeromo harihu baegoro evare huê ma baejaruêhi na'o êhi jeve. Na'o jemesi jöëni huê vavaene bogo bise'oho baeje hujeji Kerisohu uehorovajêhi jemê'o êhi uehorovo'irarijego.

<sup>20</sup> O asê'e avevejö'oho naro jemê'o hi'ibejo na dë mae jevo'ibejo. Jemê'o hiromomo naehu uru'ö jö jajivajoho vuonugo'i jöho ma-u'emu majêhi'ibejo. Röhu na jemesi jöëni uehorovajoho bogo eni jevoromo êhuro nurunurueje.

*Magonahe niö'i jabesi ihoho Hagar'o Sarah'o jabesi uhu jöhoje.*

<sup>21</sup> Jemê ae göëro sarerivoromomo uvarujeje: Jew rajo mu vaeröhe jögoru noehu biririvomomo ejahê'oho êhuro God-are nunire mae riravo'ëjarëromomo ê jögorohemu uehorovarujeje. Jemê ê jögoroho iae uehorovarujeje röhu hesi jöho bogo avoho hejarujeje.

<sup>22</sup> Êjemêhu bogo avoho hejaruje jöho naro majêhi'iê'e. Urimoho Abraham harihe niö'i jêvade hōjo. Harihu göho hesi muemu vaejahaje magonaho ihe Hagar-ro rahade hōjo. Harihu göho hesi ihoho Isaac hesi ma-hiromomo baruohu'o juvaje magonahohuro rahade hōjo.

<sup>23</sup> Röhu harihu göho muemu vaejahaje magonahohuro nosi magonahehu ê'aruêhi êhi'oromomo dê'iraeromomo hesi harihoho rahade hōjo. A'i harihu göho Isaac God-ro Abraham ajami'i uavadohuro êhuro vaboro mae dë tiovê'ohuro rahade hōjo. Êhi'are hōjo.

<sup>24-25</sup> Röhu êho bisemu uhu jöe jianove. Magonahe niö'i jabesi bêhoho iae God-hu hesi aribövi muebejavu'iröhe jögore niö'i he'iröhoho jêve. Abraham-are muemu vaejaje magonahe Hagar-are bêhoho êho God-hu Jew rajo mu vaeröhe jögoru bojамamamo Moses-hu Arabia sa'are Sinai dahorure hiromomo baeromomo bojamuadeje. Êhesi bêhoho Hagar-hu avare muemu vaeromomo sisê'i hijadêhi Moses-hu bojamuade jö hesi ijore ijore jijiharue ariböviohuro sarerivoromomo uvarujeje: Noehu nosi biririvoromomo ê jö ejahê'ohuro êhuro God-are nunire mae riravo'ëjarëromomo ê muohemu vae'i sivoho gavarueje. Êhu'ëro Hagar-hu avare muemu vaeromomo sisê'i hijadêhi ê ariböviohuro êhi sisê'i raromarueje. Jaruvo jiaje Jerusalem amo rajohu'o Jew rajo ioro'iorohu'o êhi jiê'e muohuremu vaeromomo sisê'i raromarueje.

<sup>26</sup> A'i Jerusalem amo göho bogo sa'aroho jio'i ö'idöre jiaje amore jioruomaje ariböviohuro uvarujeje: Bogo nosi biriroho baeromomo God-are nuniroho maho riravo'i a'i Kerisoro ajamuego God-are nuniroho maho riravarue hō uvoromomo bogo muoho sivohoromomo sisê'ioho raromomo mae raromarueje. Röhu ê amo hesi ado sirino'oho Kerisoro aribövio no javue.

<sup>27</sup> Êhesi jöho God-are surire uhu'e uvê'eje:

Dë tiovê'e magonahoho jero sine sasohonêjo.

Bogo rahoromo vi'ehi baejanue magonahoho jö'e dadovoromomo nimorohonêjo.

Uvonêjo: Baru'o hijaje magonahoho ado sirino'oho ma-jianovo'i

baruehu remo va'ade magonahoho ijönöho ado sirino'e marohê'e mae jevo'ajêjo.

<sup>28</sup> Nasi ö mueno'e God-hu Abraham ajami'iröhe jö bojamijadohuro êhuro hesi vaboro mahuro Isaac rahadeje. God-hu ajami'iröhe jö Abraham bojamijadohuro êhuro Isaac baejadêhi êhi God-hu no ajamui'iröhëro Abraham mae uavadohuro êhuro jemê God-are aboji harihu'e jêve.

<sup>29</sup> Röhu göho sa'are magonahehu ê'aruêhi êhi'oromomo hesi ma-rahade harihohuro ri'öromomo God-are Aru'ahehu vëmu ajamamamo rahade harihe Isaac huê vavaene bojam-inövade hōjo. Jaruvoho iae êhi gemuohöje. Sa'are ma-raromarue êhi jiê'e ariböviohuro

ri'öromo God-are Aru'ahehu ajamuijigo i'ovoromo raromarue aribövioho huë vavaene bojamuuruomajeje.

<sup>30</sup> Röhu huë vavaeni bojamuijarue aribövi jabesi jöho God-are surire ähi uvë'eje: Muemu vaejaje magonaho hesi harihohuro mae hijaje magonaho hesi harihohu'o gemuoroho bogo namiro mo vavu jasi sionoho baeromo bövioho bise'oho bae'a'ajëjo. Èhuni muemu vaejahaje vëmohu'o harihohu'o babu'öjëvego rori'o va'irarëjo.

<sup>31</sup> Nasi ö mueno'e Keriso-are aribövioho no bogo avare muemu vaeromo sisë'i hijade magonaho hesi aboji harihu'ehu javuanovo'i a'i vaboro maehu Abraham'o mae hiromo juvaje magonaho hesi aboji harihu'o va'ëne javuanove.

## 5

*Röhu maho bogo sisë'ioho raromo'i birivoromo mae raromo'iröhe jöhoje.*

<sup>1</sup> No bogo Jew rajo mu vaeröhe hesi darugoroho raromo'i mae raromo'iröhego èhuni Kerisoro no maroho ramuadeje. Èhu'e ijaje nadi röhu maho èhi jië'e mu hesi darugoroho va'o raromo'i a'i biriviro rarovoromo maro raromere.

<sup>2</sup> Röhu ave jöhuremu here. Paul naro majëhi'ië'e. Aehu jemë sarerëmiromo uëvaruoho: Jew rajehu ë'aruëhi jemë'o ae uëvego jaburo jemesi sinoho tarivëho'irarëjo èhuro jemë God-are nunire mae riravo'irarije èhi uëvaruoho nadi ejëhore. Ejëhë'oho jemë bogo Keriso gemu mae uehorovo'i Jew rajo jabesi muohu'o uehorovo'arue èhuro God-are nunire mae riravo'irarijëro. Jemëhu èhi uehorovë'oho Kerisoro diehi ajëmi'ë'e God-are nunire mae riravo'irarijigo. Bogo ajëmi'ë'e.

<sup>3</sup> Röhu ave jö röhu maho majëhi'ië'ajoho jemesi èhuremu here. Ae rahu Jew rajo jögoru eromo uëvë'oho: Nosi sinoho tarivahuohago no God-are nunire mae riravo'irarë uëvë'oho Jew rajo jögoru vituohu'o aho'obëhe e barë'iröhoho èhi jië'e i'u'e muoho baerumo'ë'e.

<sup>4</sup> O jemë ae göëro Jew rajo jögoru hesi ijore ijore jijiharujeje èhuro God-are nunire mae riravo'irarijëro. Èhi ë'arujohuro èhuro Keriso boremi'öj'e jeve. Keriso boremi'öromo èhuro God-hu huë baeromo jemë ajëmi'iröhe mu öroho tugohë'e jeve.

<sup>5</sup> A'i no God-are Aru'ahohuro ajamuijë'ëro èhuro Keriso mae uehorovoromo uvarueje: O mabëhe höjo. U'emu God-are nunire mae riravo'ëjarëromo èhuni huë mae raromoromo muebejö èhi javuoröhego.

<sup>6</sup> No Iesu Keriso'o gemuore javuë'iroho Jew rajehu ë'aruëhi nosi sino tarivahuë'oho o bogo tarivahuë'oho iae hesije. Keriso mae uehorovoromo a huë baejëvë'oho èhemo böromohoje.

<sup>7</sup> Urimoho jemë mu mabëhe vaebe rovarijeje. Röhu God-are jö ma ejahobe rovarijoho raro ahëvamu vuonugarijeje.

<sup>8</sup> Bogo God-hu dinëmijadeje jemëro Keriso-are jöho vuonugojöro è hesi bëhoho huro jemë hesinö rinëgajëro jië'ëro.

<sup>9</sup> Aëro ave uhu jöho atoromo uvoruomajeje: Dë huaje osoho ma-bisemu jioromo rumorovoromo ioho böromo mae dë huaje höjo. Èhesi bëhoho mu sisëro rumorovoromo böromorijajeje. Sareri jö røjëhijarue aribövioho nadi ejëhore. Jabesi jö sisëhuro jemë rumorovëvo'ë'e.

<sup>10</sup> Èhi jie röhu jemë'o na'o Badare gemuore javuë'ego naro jemesi örire mae uehorovoromo uvajeje: Jemë jö maho bogo vuonugoromo jö göho uehorovo'arujëjo. O jö göho naro uvajeje: Jemesi simano ijumëhaje aho nani a börome o nani a bise'e höjo. Iae hesi höjo. Röhu è ahuro God-are i'uoho iae bae'a'ajëjo. Na èhi uehorove.

<sup>11</sup> Nasi ö mueno'e naro urimo ae uënövodeje: Jemë God-are nunire mae riravo'ië'iroho Jew rajo nosi jögoroho eromo jemesi sinoho tarivorëjo. Sino tarivë'oho èhuro God-are nunire mae riravo'arujëjo. Èhi jië'e jö majëhinövodoho vuonugë'e jeve. Röhu aëro sareri'e atoromo uvarueje: Nöro è jöho bogo vuonugë'e höjo. Röhu èhi jië'e jöho majëhi'ibejo aho nasi öriroho bogo bijönimoruomo'ibejo. A'i Jew rajo jögoru ejaho'iröhe jöho na bogo majëhijajeje. Èhuni aëro Kerisohu korosire guomade jö naehu majëhijajoho bijönimoruomajeje.

<sup>12</sup> O jemesi simano huotovëharue aribövioho sareri aribövie jioruome. Jabumë sino tarivo'i nimë'oho rabëni sinoho bogo tarivo barë naho nahovoromo ruruhö'öjarueje.

<sup>13</sup> Nasi ö mueno'e God-hu hesinö rinëgade hesi bëhoho jemëro bogo Jew rajo mu vaeröhe jö hesi darugoroho raromo'i a'i mae raromo'irarijigo. Èhi jie röhu nadi uvore: Èmu vaeröhe jö hesi darugoroho bogo raromo'i mae raromaruëromo jemesi sinehu nimaje mu sisëho vae'i a'i göëro göho huë baerovoromo muoho ajamirovore.

<sup>14</sup> God-hu Jew rajo bojamuijade jögoru hesi bëhoho ma-gemuje. Jaehu jasi arijo'arije rajahirovanuëhi jasi ae gemuoho ëhi rajahinëjo.

<sup>15</sup> Röhu jemë mahehu öehu muorovanovoromo hutitimobe jijihë'oho gavë'i ëhi jië'oho ë'ore. Èhuro ijumorovo barë'aruje.

*Sinohuremu nimoromo vaejarue muohu'o God-are Aru'ahehu nosi dë vövöbajo'o huotovahuego vaejarue muohu'o ë mu niö'i jabesi jöhoje.*

<sup>16</sup> A'i ave jöho na uëve. Ua'i arirego God-are Aru'ahohuro jemesi dë vövöbajo'oho huotovëho'iro maro raromo jijihonövo'irarije. Èhi ë'ë'oho jemesi sinehu nimaje mu sisëho bogo enövo'aruje.

<sup>17</sup> Sinehu nimajohuro God-are Aru'ahehu nimajoho nijio'irae'i God-are Aru'ahehu nimajohuro sinehu nimajoho nijio'iraejajeje. Èmu niö'iohuro ëhi umogihorovajeje. Èhu'ëro jië'ëro jemë mu rabe vae'i nëgë'oho bogo eni jëve.

<sup>18</sup> Röhu God-are Aru'aho hesi ijore ijore jijiharujoho èhuro bogo uvo'a'aruje: Nosi biriroho baeromo mu vaeröhe jögoroho ejahoromo èhuro God-are nunire mae riravo'ejarëromo ë jögoroho bogo uehorovo'anue.

<sup>19</sup> Röhu sinehu nimaje mu sisëho diehi jio'amajoho iae va'orahoro jie. Èhi jië'e mu vaejë'iroho öero jijihanovarueje. Va'inumi'e muoho vaejarueje. Biriri'övoromo bövie bise'e ëma ë'arujeje.

<sup>20</sup> Aehu avohare inömo sisëho masije höromo uvene aho röjahijarueje. Iro oso'e vaejarueje. Nue huodamirovarueje. Muorovarueje. Ae gö jabesi mu mahuni dë vörönimarueje. Vörö'iraejarueje. Ae gö iosirami'iröhohuremu uehorovarueje. Bogo agane gemuoho vaerovo'i adovorovoromo uehore gö gö baejarueje.

<sup>21</sup> Ae gö jabesi böviëni bise'ëni ganiganimarueje. Jove iromo simane huotorovarueje. Jove iromo simane sisëromomo bövie bise'e ë'arujeje. Èhi jië'e mue gö gö ë'arujeje. Naehu uëvodëhi röhu maho uë'ejo: Èhi jië'e mu vaejë'oho God-hu muebejaje öri ari'eroho bogo va'oromo maroho raromoruomo'ajëjo. Sinehu nimaje mu sisë hesi bëhoho ëhije.

<sup>22</sup> A'i God-are Aru'ahehu dë vövöbajo'o ri'öjehë'ohuro èhuro ae gö uehorovëvarueje. Nimoroharueje. Huë mae raromarueje. Ma-taemorovoromo sisëho uehorovoromo vuonugarueje. Huë baeromo ajëmijarueje. Mu mae vaejarueje. Biririvarueje.

<sup>23</sup> Bogo döroho bamorovo'i ma-avoho raromarueje. Taemo raromarueje. Èhi jië'e muoho mu vaeröhe jögorohuro bogo ahajeje.

<sup>24</sup> Ae rahu Iesu Keriso-are aribövi javuë'oho Kerisohu korosire ijumorovadëhi ëhi nosi uehoro sisëho o nosi sinehu bövi bise'o nimajoho ëho no ioro'ioyemu ijumë'e javue.

<sup>25</sup> God-are Aru'ahohuro gemuëro darugoho bojamuijë'ëro èhu'ëro maro raromarueje. Èhuni hesi Aru'ahehu diehi jië'e mu nimë'oho èhuremu vaebe jijihonövo'ejo.

<sup>26</sup> No bogo nosi sivuoho uehorovoromo döroho bamorovoromo bogo ri'öromomo göëro gö hesi dëho iahoromo jö göho göho ato'ejo. O ae gö hesi mu maho garomo bogo dëho vörönimo'ejo.

## 6

*Ae göehu gö ajamirovoromo i'u'e mu nigemahorovo'iröhe jöhoje.*

<sup>1</sup> Nasi ö mueno'e ga'irarije ae gemu mu sisë vaejamu gavë'oho God-are Aru'aho ejaharuje aribövioho jemëro ëhi jië'e aho ma-u'emu ajamirego hu mu sisëho vuonugoi röhu maho avo'avohu juvo'irovo. Röhu jemesi arijo'arije avoho garorovoromo ajamire. Sisëhuro jemesi dë vövöbajo'ere bijëhego jemë'o ëhi jië'e mu sisëho vaejogo rireromëvojöëni uëve.

<sup>2</sup> Uehoro sisë huë vavaene rabe rovë'oho ajamirovoromo nigemahorovore. Èhi ë'ë'oho Kerisohu bojamuade jögoroho ejaho'aruje.

<sup>3</sup> O ae gö jabesi sivue uehorovoromo uvë'oho: No a masijëro javuë'ëro aho bogo ajëmi'ejarë uvë'oho ëma sareramirovarueje.

<sup>4</sup> Ae gemu gemu jemesi muoho sivu sivue mevorovoromo gare mae o sisë vaejë'e jëvego. Mae vaejë'e jëvamu gavë'oho jemesi muohuremu garomo nimorohë'i jijih'o'aruje. Bogo ae gö jabesi muohu'o jemesirohu'o gemuoroho havoromo garomo uvo'a'aruje: Nosi muohuro jabesiroho iosiramijajëromo nimoronimorohë'i jijih'o'aruje.

<sup>5</sup> Èhesi bëhoho ae gemu gemu mu diehi diehi vaejaroho ë hesi manaho ëhi baerumo'ë'e God-ro ëhi bamë'ëro.

<sup>6</sup> Aehu Keriso-are jö bëhi röjëhijamu jemëhu hebe va'ë'oho bövie bise'e mana ajëmire. Èhi jië'oho iae maeje.

<sup>7</sup> Nadi sareramirovore. A vadu'oho God bogo sarerami hesi jëve. Diehi jië'e ijo bajo öjë'oho iae ëhi jië'e nu ano'e gemuoho ri'amo'iramu gagovo'amo'anue.

<sup>8</sup> Ëuhu jö hesi bëhoho ëhi jie. Ja ae rahu sinehu nimajohemu ömë'oho ëhuro ijonö sisë mana baeromo guomo'a'anue. A'i Aru'aho hesi mu vaejë'oho ëhuro ijonö ma-ioro'ioremu maro hi'a'anue.

<sup>9</sup> Ëhuni mu ma vaejaruoho bogo u'uvo'ejo. Bogo u'uvoromo dë vövöbajo'o sisërëvororomo mu vuonugë'oho ëho majaho rue'iramu evare mana mabëhe gagovo'ejo.

<sup>10</sup> Ëhu'ëro jië'ëro maja baejaruire ae aho'obëhe ajëmi'ejo röhu nosi Christian aganoho avo'avoho ajëminövo'ejo.

*Ave surire jajivade ijo tugoho'i jöhoje.*

<sup>11</sup> Nasi övehu masijo jajivo'amajoho gare.

<sup>12</sup> Ma-sino hesi muohuni nimoronimorohë'i jijiho'i nëgaje ariböviohuro biririvoromo jemesi örire uëruomajeje: Jew rajo noehu sino tarivaruëhi ëhi jemë'o jemesi sinoho tarivorëjo ëhuro God-are aribövie jëvo'iröhe. Rabëni ëhioho uëruomajeje. Jabumë uehorovoromo uvarueje: Kerisohu korosire guomade jö noehu mae uehorovaruohuni ëhuni nosi sa'ae gemuoho Jew rajëro huë vavaene bojamuiruomo'ajëjo. Röhu noehu sa'a ioro'ioro rajo uëvë'oho: Jemë'o Jew rajo nosi muoho vaeromo sine tarivorë uëvë'oho ëhuro nosi sa'a rajohuro huë vavaenoho bogo bojamui'ajëjo. Huë vavaenoho bogo bojamui'ajëromo ëhuni sa'a ioro'ioro jemesi örire uëvarueje: Jemesi sinoho tarivorego God-are aribövie jëvo'irajo.

<sup>13</sup> Röhu Jew rajo mu vaeromo sino tarivoruomaje ariböviohuro Jew rajo jögoroho bogo avoho ejëhoruomajeje. Röhu jabumë nimö jemëro sinoho tarivego jaburo nimorohë'i uvoruomo'i: Mabëhëjo. Noro é aribövioho dinëmijamu Jew rajo nosi muoho baejë'e höjo.

<sup>14</sup> Röhu Paul naro nosi Bada Iesu Kerisohu korosire guomade jöho ëhemu uehorovoromo nimorohë'i juvo'ejo. Mu ioro'iorohunioho bogo. Rabëni Iesu Kerisohu korosire guomade jöho na ëhuremu uehorovajeje. Ëhuremu uehorovoromo naro uvajeje: Ave sa'a hesi mu sisëho korosiro ano taemë'e höjo. O sa'arohemu uehorovarue ariböviohuro uvoruomajeje: Nöro korosiro ano taemë'e höjo.

<sup>15</sup> Noehu Jew rajo mu vaeromo sino tarivë'oho o bogo vaeromo sino bogo tarivë'oho ëho iae hesije. A'i God-hu nosi dë vövöbajo'o i'ovahuë'oho ëhemu bërömohe.

<sup>16</sup> Ae rahu naehu uvodëhi ëhi uvoromo ijore ijore jijihë'oho God-ro vavaenimoromo ajëmi'iramu maro raromo'aruje. O God-are aribövi ioro'iorohu'o aho'obëhe ajëmi'iramu mae raromo'ë'tö. Na nege God-ro ëhi ajëmijöro.

<sup>17</sup> Röhu naehu Iesuarë mu vaejamu aehu anegare batatoho sino haho'ere jevo'ame. Ëhuro ae aho'o garuomajeje na hesi muemu vaejaje ae jevego. Ëhuni aho nadi ijoho uehoro bërömohe bojemirëjo.

<sup>18</sup> Röhu nasi ö mueno'e nosi Bada Iesu Kerisoro jemesi aru'ahohu'o jioromo huë baeromo ajëminövo'ë'e. Ahia mino'e.

## EPHESIANS

*Paul-hu Ephesus ekaresia jejëmijade jöhoje.*

<sup>1</sup> O asê'e God-are aribövi Ephesus amore raromarujoho ae rahu Iesu Keriso'o gemuore jëvego hu gemu uehorovarujohumë God-ro nimamu Iesu Keriso-are apostle jevê'ëro Paul naro jemesi örire jejëmije.

<sup>2</sup> Na nege God nosi Vavuohu'o Bada Iesu Keriso'o huë baeromo ajëmijego maro raromo'irarijego.

*God-hu nosi aru'aho mae ajamui'irögoro Keriso-are jöëni huë mabêhe bojamuijade jöhoje.*

<sup>3</sup> Asê'e God hu mabêheje. Hu nosi Bada Iesu Keriso-are Börömeje o göho hesi Vavueje. Êaho God Vavuoho hu mabêheje. Êhesi böhoho no Keriso-are ae gemuohuro javuê'ëro Vavuohuro ô'idöre jio'amaje bövioho bise'oho suvuoramui barêjê'eje êhuro nosi aru'ahoho mabêhe jiahuoröhego.

<sup>4</sup> Ni'ivadire sa'a bövi bise'o bogo bamadevare evare uvadeje no Keriso'o gemuoro javuê'ëro baejavuego no jö sisê bövie bise'e bogojavuo'i hesi nunire ma-maemu javuoröhego.

Nosi örire dë vövöbajo'e aho'o uehorovavuê'ëro

<sup>5</sup> uvadeje: Ijonö Iesu Kerisoro jabumë ajëmi'iramu êhuro naro gagovëvo'ejöjo nasi aboji harihu'e jioruomoröhego. Hesi simanore nimamu êhi uvadeje.

<sup>6</sup> Êhi jiê'e huë mabêhe bojamuijadohuni êhuni no hesi ihoho rajahi'ejo è hesi böhoho no hesi Harihu Mabêhi hesi agane gemuoho javuamu hu bogo nijio'irae'i ma-ajamuijê'ego.

<sup>7</sup> Ajamui'irögoro hesi Hariho nugó'öjamu köho rueromo guomadeje. Guomoromo no sisêhu tövavuadoho jiovahuoromo uehorovoromo vuonugahuê'ëro mae javue. Mae javuê'ëro no garomo uvarueje: God hu bogo bise'o vadu'oho ajamui'i börömo mae ajamuijê'e höjo.

<sup>8</sup> Börömo mae ajamuiromo hesi simanoho eni jiego bövie bise'e ga barêjajëro jiê'ëro

<sup>9</sup> huhu røjahui'i uvadêhi êhi røjahuijê'eje noro garöhego. Êhesi böhoho urimê'i God-ro uvadeje: Na muoho êhi êhi vae'ejö uvoromo subivahuobe rovadoho röhu iae røjahuijê'eje no garöhego hu êhi jiê'e muoho vae'i nimê'e jiego. Êmu hesi jöho huro urimê'i uehorovoromo uvadeje: Naehu nimaje mu vaejê'iroho naro Keriso ua'ejöjo ajemi'iröhego.

<sup>10</sup> Muebejuvo majae eni jio'iramu evare è muoho avoho barê'ejöjo. Êmuoho avohoromo bövie bise'e ô'idöre sa'are jio'amajoho Keriso-are uhunö gemuoro bamo'ejöjo huro simanoho jioromo muebe'amoröhego.

<sup>11</sup> O no Keriso-are ae gemuohuro javuê'ëro Vavuohuro baejavuadeje hesi javuoröhego. Hu muoho bövioho bise'oho bogo êma vae'i a'i hesi simanëro nimego muoho vaejajeje. Êhuni baejavuo'iröhëro mami'e simanore uehorovoromo uvadêhi êhi baejavuadeje.

<sup>12</sup> Êhuni Jew rajoho no aevoromo Keriso uehorovare aribövioho javuê'ego Vavu hesi iho börömo uehorovoromo rajahi'ejo.

<sup>13</sup> Röhu sa'a gö rajoho jemê'o mue gemuoho baejarijeje. Jemëro God-are jö maho hejarijeje uëvavamu: Jemê sisêro jëvego God-ro baejëvoromo manö bamêvaje höjo. Manö bamêvaje hö uëvamu hegorovo Keriso mae uehorovarijeje. Mae uehorovamu God-ro Keriso-are gemuore havëvoromo hesi Aru'aho Ma bojamui'i uövuadêhi êhi bojëmijadeje jemëro è Aru'ahoho baejê'ëro no ae aho'o êho garomo uvoröhego: Iae jemê God-are aribövie jëvájëjo.

<sup>14</sup> Hesi Aru'aho Maho suvuore bojamuijê'ëro uvarueje: Iae mae-ëjo. Maja viture Vavuohuro hesi aboji harihu'o nosi suvuoro vituohu'o iae bojamui'ajëjo. Suvuoro vituoho bojamuiromo êhuro mu sisêhu rabehu i'uhaguajoho jiovahuo'iramu hesi aribövioho no ma-marö raromo'ëjarëjo. Êhi uvarueje. Êhuni hesi iho börömo uehorovoromo rajahi'ejo.

*God-hu Ephesus ekaresia ajëmi'iröhego Paul-hu êninamade jöhoje.*

<sup>15</sup> Êhu'ëro jiê'ëro na hejodeje aëro uvavamu: Jemëro Bada Iesu mae uehorovoromo God-are aribövioho aho'obêhe huë baejëvaruje höjo.

<sup>16</sup> Êhi ë'aruje hö uvamu hegorovo naehu jemesi jöëni God mae uabe rovodoho bogo vuonugê'e jeve. Êhi'oromo Vavu hesi örire jemëni êninamijajeje.

<sup>17</sup> Vavuoho ma-aje gemu hij'ego nosi Bada Iesu Kerisoro uvajeje: Hu nasi Bõrõmoho hõjo. Vavuoho ãhi jië'e ae jië'ero naro hesi õrinamijajeje huro jemë ajëmi'irõhego. Ajëmiromo uehoro mae bojëmiromo hesi arijo'arije rõjahirovego jemëro hu mae ga'irarijego.

<sup>18</sup> O jemesi simanoho jiovëhego garomo uvo'irarijego: Vavuohuro no hesinõ javuojõro uovuë'ero ãhu'ero ijonõ aji maro raromo'ejarejo. O uvo'irarijego: Vavuohuro hesi aboji harihu'oho aji'e suvuore bogo bise'õ vadu'oho bõrõmo bëhe bojamui'irõhëni uvajëjo.

<sup>19</sup> O uvo'irarijego: Hu daruge bogo bise'õ vadu'oho jië'ero ãhu'ero hu ma uehorovarue aribõvioho ajamuijaje hõjo.

<sup>20</sup> Keriso guomamu i'ovade ãhi jië'e daruge gemuohuro no'õ ajamuijajeje. Ëdarugohuro Keriso ajamamu ri'õromo õ'idõre ajiomë'ero hesi õvo manõ hiromo

<sup>21</sup> simano vaeromaje võrõ'e aru'ahoho rabe rabe je'ore sa'are õ'idõre dinõ'e jioruomajoho iosirëmiromo iho masijo jio'amë'oho iosirëmiromo jaruvo majaho rõhu ruere maja i'õ jiorõhoho ãho ihe gõ gõ masijo jiorovajoho taemëvo'õ hu gemu dõroho jië'eje.

<sup>22</sup> Kerisoro ãhi bõrõme hijamu God-ro bõvioho bise'õho hesi uhunõ bamaho barëj'eje huro gemuëro bõrõme namiromo muebe'amorõhego. Ëhi bamahoromo uavadeje huro gemuëro simane vaeromo ekaresia nosi muoho aho'obëhe muebe barë'irõhego.

<sup>23</sup> Keriso hu simanoho jio'i ekaresiae no õvo hõru'oho javue. Õvo hõru'oho javuë'ero ãhuro simanoho romoromeje. Rõhu ã simanohuro ãhuro bõvie bise'e õ'idõroho sa'aroho romoromoroje.

## 2

*Nosi aru'aho vuovahuamu God-hu ajamuiromo i'ovahuade jõhoje.*

<sup>1</sup> Rõhu urimoho jemesi aru'ahoho vuovëhë'e ãma raromo jijihonõvarijeje God-are jõgoroho ahoromo mu sisë vaejë'ero jië'ero.

<sup>2</sup> Mu sisë vaeromo ave sa'are õri sisëre jijihonõvarijeje. Jijihoromo God dõre jio'i aruere ahore raromarue aru'ahoho sisë õ dinõ'e raromarue aru'ahoho sisë jabesi simano vaejaje ã hesi ijore ijore jijihonõvarijeje. Ëhuro God-are jõ bogo eruomaje aribõvi jabesi dë vövõbajo'oho huotovëhego mu sisëho vaerumajeje. Ëa hesi ijore ijore jijihonõvarijeje.

<sup>3</sup> God-are jõ bogo eruomaje aehu raromo jijiharuehi ae aho'obëhe no'õ urimë'i sinehu nimego simanehu uehorovaje muohuremu vaebe nosi dajehu nimajire biriri'õvoromo ãhi jijihonõvareje. Ëhi ã'obe rovë'ero ãhu'ero a ioro'iorehu God-are i'õ mana baerõhëhi no'õ ãhi bae hesi javuadeje.

<sup>4</sup> No ãhi javuadeje rõhu God-ro noni vavaenimo avohoromo dë vövõbajo'e aho'õ uehorovavuë'ero

<sup>5</sup> ãhu'ero gövuade no hesi jõho ahamu nosi aru'ahoho vuovahuë'e jiamu göromo bogo vuororamui'i Keriso'õ gemuore havavuomamu nosi aru'ahoho i'ovahuadeje. Hu hesi ma-huë bæjëvoromo jemesi õrire ãhi ajëmiromo maro babamëvadeje.

<sup>6</sup> Rõhu God-ro Keriso'õ gemuore havavuoromo no ajamuumu vuovoromo ri'õjë'ero aru'ahoho i'ovahuë'eje. I'ovahuë'ero Iesu Keriso'õ gemuore havavuoromo ajamuumu no ajiomë'ero hu'õ rõhe gemuore raromoromo sa'are mu sisëho ruahõ'õjarueje.

<sup>7</sup> Vavuuhu ãhi ajamuijade hesi bëhoho maja ijonõho rovego huro rõjahuijego no'õ a ioro'iorohu'õ garomo uvobe va'irõhego: O Iesu Keriso'õ gemuoro havavuoromo huë mae bojamuiromo ajamuijë'ero ãhu'ero huhu huë bæjavuajoho bõrõmo mae hõjo.

<sup>8</sup> Ëhesi bëhoho huhu ma-huë bæjëvoromo uehoro mae bojemijadhuro iae ãhuro jemë mae uehorovamu gagorovo maro bamëvadeje. Bogo jemesi biriroho baeromo ajamirovo'õ a'i hesi God-ro suvuoroho bojëmijë'ero jemë mae jëve.

<sup>9</sup> Hu bogo uvadeje: Jemë mu ma vaejë'õho maro bamëvo'ejõjo. O bogo vaejë'õho bogajo. Hu ãhi uvo'ibejo aëro nimoronimorohë'i jijihoromo uvoruomo'ibejo: Noro nosi ajamirovoromo manõ bamorovare hõjo.

<sup>10</sup> A'i hesi God-ro no mae avohavuadeje. Huro Iesu Keriso'õ gemuore havavuoromo bamavuadeje ãhuro noehu vae'irõhe mu ma huhu uehorovadoho ãho vaebe va'irõhego.

*Kerisohu sa'a ioro'oro rajohu'õ Jew rajo aribõviohu'õ gemuore gagovavuade jõhoje.*

<sup>11</sup> Ëhuni jemë urimë'i sisë'i raromarijoho uehorovore. Jemë bogo Israel rajo aribõviehu jëvo'õ sa'a gõ raje jëve. Israel rajohuro jabesi õvero dõre muoho vaeromo sinoho tarivë'ero uëruomajeje: No sine tarivahuë'e aribõviëro javuë'ero God-are aribõvie javuo'i jemë sine bogo tarivëhë'e aribõviëro jëvë'ero bogo God-are aribõvioho jëvajëjo. Jemë ãhi jië'e sine bogo tarivëhë'e aribõvie jëvaje urimo diehi raromarijoho uehorovore.

<sup>12</sup> Evare majare jemë bogo Keriso'õ gemuoroho jëvo'õ Israel rajo God-hu muebejavuajiroho jemë bogo nosi gemuoroho jëvo'õ jemesi hahagu raromonõvarijeje. God-hu hesi

aribövi ajamui'iröhëro mae uövuade jöho jemë bogo hejë'e ma-raromonövarijeje. God-hu ajamuego ijönö ma raromo'iröhe jöho bogo hejë'e God rumo'e jioromo sa'are ëma raromonövarijeje.

<sup>13</sup> Urimoroho jemë God jiaje gemuoroho bogojëvo'i rori'o numori'o jëvadeje. Jaruvoho Iesu Keriso-are ae gemuoho jëvë'ëro Keriso-are köho rueromo guomamu ëhuro jemë ro God-are bëhire jëvë'eje.

<sup>14</sup> Keriso hu noni sanu'e mu barovaje ahoje Israel rajohu'o sa'a ioro'ioro rajohu'o gemuoro gagovavuë'ëro. Èhesi bëhoho Israel rajohu'o sa'a ioro'ioro rajohu'o noni buorunö'e iromo tugohë'ëro gororamirovonövareje. Gororamirovamu Kerisoro araeromo guomoromo ëhuro buore dadovanovadeje.

<sup>15</sup> Huro guomoromo Israel rajo nosi jögoroho tugohahuadeje. Mami'e è jögoroho Israel rajohuro gabe rovareje jajivoromo uvë'e jiamu: Èhi èhi è'iro èho ma-garëjo. Èjöho tugohahuadeje. Tugohahuade hesi bëhoho urimë'i Israel rajoho noro nosi jögoroho e'i sa'a ioro'ioro rajohuro bogo eruomë'ëro ëhu'ëro hahagu hahagu javuajoho Kerisoro nimadeje baeromo hesinö gemu bu'öjego gemuoro raromego ma-i'e gemu javuöjoro. Èhuro Jew rajohu'o sa'a ioro'ioro rajohu'o huë baerovoromo maro raromo'iröhëgo.

<sup>16</sup> Hu nimadeje korosire guomoromo nu huohuoho tugohahuo'i sino haho'o ho hesi gemuore havavuë'ëro God'o no'o gemuoro huë mae raromo'iröhëro.

<sup>17</sup> Huë mae raromo'iröhëro Kerisoro rueromo è huë ma jöho majahuijamu rori'o raromarije ariböviohu'o God-are bëhire raromare ariböviohu'o noro èho hejareje.

<sup>18</sup> Kerisoro söjavuë'ëro ëhuro Israel rajohu'o sa'a ioro'ioro rajohu'o noro Aru'ahe gemu baeromo Vavu hesi bëhire va'arueje.

<sup>19</sup> Èhu'ëro jië'ëro urimo jemë rori'o raje aruëre anumëre ëma jijihonövarijoho jaruvoho bogo èhioho è'arujeje. Bogo èhi'o'irögororo God-are aribövi nosi gemuoro jëvoromo hesi aboji harihu'e jeve.

<sup>20</sup> God-are aboji harihu'o ho javu va'ëne javue röhu jemë'o gemuoho jëve. Èjavu hesi uhunö apostle o jö God-aro baeromo majëhijarue ariböviohuro javuoho banigojiomego Iesu Kerisoro huro munënö'e bönoho namijego ëhuro bibivajeje.

<sup>21</sup> Huro javuoho aho'obëhe èhi ma'eno titimë'ëro javuoho marëbe va'ajeje God-are osa böromo jiajëhi no èhi javuoröhëgo Bada'o gemuoro javuë'ëro.

<sup>22</sup> Röhu jemë'o Keriso'o gemuoro jëvë'ëro God-ro jemë'o hesi javunö'e gemuoro bimuvëvego gemuoro riravarujeje hesi Aru'ahohuro jemë'o jië'ëro.

### 3

*Sa'a ioro'ioro rajo ajëmiromo jabesi örire Keriso-are jö huruoho majëhi'iröhe mu Paul-hu bæjade jöhoje.*

<sup>1</sup> God-ro jemesi örire èhi mae vaejëvë'ëgo ëhuni Paul naro jemëni uehorovoromo God-are örire jöe jövajeje. Jew rajo iho bogo bæjarije sa'a ioro'ioro rajo jemesi jöëni naehu uehorovëvoromo Iesu Keriso-are jö majëhijajohuni ëhuni aëro savoji gagore ba'amevë'ëro hije.

<sup>2</sup> Iae jemë hejarijeje God-ro huë mae bæjëvoromo ave muoho bojemadeje jemëhu mare raromo'irarijohuni.

<sup>3</sup> God-hu diehi jië'e mu vaeröhëni hesi uhure uehorovadoho huro röjehijamu bæjodeje. Èjöho ma-bisemu jajivë'e jeve.

<sup>4</sup> Naehu jajivodoho jemë adahë'ohuro ëhuro garomo uvo'a'aruje: God-hu Keriso bojami'i uhure uehorovade muoho iae nöörö mae gavë'e höjo.

<sup>5</sup> Èmuoho urimoho subivahuobe rovadoho avevejö'oho God-ro hesi Aru'ahoho uavamu huro hesi apostle ömo'ömo'u'o jö hesirire baeromo majëhijarue ariböviohu'o nosi örire röjahuijamu bæjë'e javue.

<sup>6</sup> God-hu uhure uehorovade mu hesi bëhoho aviëhije. Sa'a ioro'ioro rajoho jemëro Jew rajo no'o gemu mae God-are mu maho baeromo nosi sino haho'o ho ma-gemu havorovoromo God-hu Jew rajo huë mae bojamui'iröhëni uvadëhi èhi Iesu Keriso-are ihoro jemë'o bojëmijego bæjarujeje Kerisohu è'ade jö maho jemesiro rovë'ëro.

<sup>7</sup> Èjö ma hesi muoho God-ro darugo'ëro jië'ëro na huë bæjëvoromo suvuore bojemadeje naro è jö hesi muoho vaenövo'irodego.

<sup>8</sup> God-are ae magonahe ioro'ioroho masije jio'amo'i na bise'e jeve. Na èhi jeve röhu God-ro huë bæjëvoromo è muoho bojëmijadeje ëhuro Kerisohu huë mae böromo bëhe bojamuaje jö maho sa'a ioro'ioro rajoho majëhibe juvo'irodego. Röhu è jö hesi bëhoho bogo ga barë hesi javue. Èjöho huro uevadeje naro èho majëhiromo



<sup>9</sup> rōjēhijego ae aho'obēhe garōhego God-hu hesi uhure uehorovade mu ēhi ēhi a nunire vaejajoho. Ēhuni ē muoho bojemadeje. Bōvi bise'o bamade aho God-ro urimo ē muoho hesi simanore uehorovobe subivahuobe rovadeje.

<sup>10</sup> Subivahuobe rovade hesi bēhoho ēhuro avevejō'oho anera masijohu'o daruge jīē'ero ō'idōre raromarue aribōvi ioro'iorohu'o ēho jaburo ekaresiae no gōromo uvoruo-morōhego: Ojō'e God uehoro mabēhe gō gō hesi ōrire jīē'ero ēhu'ero hesi aribōvioho ajēmibe rovē'e hōjo.

<sup>11</sup> Mami gō'e ēhi'o'i uvadoho Iesu Keriso nosi Bada uavamu huhu nimade muoho vaejahoromo sa'a ioro'ioro rajoho jemē Jew rajo nosi gemuore gagovēvadeje.

<sup>12</sup> Gagovēv'ero no hu'o gemuoho javuego noro hu mae uehorovaruēro jīē'ero ēhu'ero bogo juhuonivo'i uvarujeje: Iae hu ajamui'ajē uvoromo God-are bēhire va'oromo nosi jōho majahijarujeje.

<sup>13</sup> Ēhuni naro jemē uēve: Naehu jemesi jōēni vi'ehi bōrōmo baejajoho nadi ēho uehorovoromo nasi jōēnioho vavaenimoromo u'uhore. Na vi'ehe baeje ēhuro jemē maro raromo'irarijego.

*Kerisohu bōrōmo bēhe uehorovavuae jōhoje.*

<sup>14</sup> Rōhu God-ro sa'a ioro'ioro rajoho jemē ajēmi'i uōvuē'ego ēhuni naro ague aho hiromo Vavu hesi ōrire jōe jōvajeje huro jemē ajēmi'irōhego.

<sup>15</sup> Agane aho'obēhe ō'idōre raromarue sa'are raromarue bamavuae a hesi ōrire naro jemesi jōēni ēninamiromo uavajeje

<sup>16</sup> hesi ajoho bōrōmo bēhōro jīē'ero huro uavego hesi Aru'ahohuro hesi darugo maho bojēmego jemesi dē vōvōbajo'oho biririvēvorōhego.

<sup>17</sup> Naro hu uavajeje jemēro Keriso mae uehorovego huro jemesi dē vōvōbajo'ere ioro'ioeremu hi'irōhego. Huro jemē ajēmego ijehu ō'ehu sa'a gagore dirume abue'amē'ero biririvajēhi o javue sa'a uhure vae abuejē'ero biririvajēhi ēhi jemēro ae dē vōvōbajo'e aho'uehorovēvoromo ēhuro biririvogoro muoho mae vaebe va'irarijego.

<sup>18</sup> O jemēro God-are aribōvi ioro'iorohu'o gemuoro avoho garomo uvo'irarijego: Kerisoro bogo bise'o vadu'oho uehorovavuo'i bōrōmo bēhe uehorovavuo avohaje hōjo.

<sup>19</sup> Rōhu Kerisohu diehi uehorovavujoho noehu ga barē'irōhoho bogo eni javue. Iae ēhi jie rōhu na nege jemēro uvo'irarijego huro ēhi uehorovavuae hō uvego ēhuro God-are uehoro mahuro mu mahuro jō mahuro bōvi bise'o mahuro jemesi dē vōvōbajo'oho rarovē'irōhego. Na ēhi negego God-are ōrire jōe jōvajeje.

<sup>20</sup> Rōhu God-are ihoho mabēhe ua'ejo. Ēhesi bēhoho huro hesi darugoho nosi dē vōvōbajo'ere bamahuē'ero ēhu'ero huhu ajamuiromo mu masijo vaerōhoho hu eni jie ē hesi bēhoho noehu hu ua gavaruoho o nosi dē vōvōbajo'ere uehorovaruoho ēho majanovo'i God-hu no iosiramuiromo mu bōrōmo vaeromo bōvie bise'e aho'o nosi ōrire ajamui'irōhoho hu eni jiajēro jīē'ero.

<sup>21</sup> God-ro Iesu Keriso ajamiromo hesi ekaresiahu'o ajamuijē'ego ēhuni hesi ihoho mabēhe ua'ejo ēhi gemu jiemu jiobe va'irōhego.

## 4

*Keris-are aribōvie no hesi sino haho'e gemuoho javuae jōhoje.*

<sup>1</sup> God-ro ēhi jemē ajēmijē'ero jīē'ero ave jōho majēhi'iē'e. Naehu Badare jōēni savoji gagore hijajohuni ave jōho ejehore. God-hu jemē hesi aribōvi mae jēvojōro uēvadēhi ēhi mu mae vaejē'i raromo jijihore.

<sup>2</sup> Nadi dōroho bamorovo'i ma-sanuovoromo ae gō jabesi sisēho ga taemoromo huē baerovore.

<sup>3</sup> O God-are Aru'ahohuro jemē aho'o uehore gemuoho bojēmijaje ē uehoroho ma'enoromo dē vōvōbajo'e gemu bamoromo agane vaerovo gare.

<sup>4</sup> Jemē sino haho'e gemuoho jēve. God-are Aru'ahē gemuoho baejē'e jēve. Aji'e mu bōrōmoho gemu bae'irarijego ēhuni God-ro hesinō jēvojōro uēvadoho muebejarujeje.

<sup>5</sup> Bada gemu uehore gemu bapataeto gemu jēve.

<sup>6</sup> God gemu ae aho'obēhe nosi Vavueje. Huro gemuēro bōrōme namiromo bōvie bise'e aho'o muebejavuoromo ma'enaguo titimoromo nosi dē vōvōbajo'ere hijajeje.

<sup>7</sup> Rōhu Kerisohu no ae gemu gemu suvuoro bojamuibe rovadēhi ēhi baebe rovē'e javue ae ajēmi'irōhōro.

<sup>8</sup> Ēhesi jōho God-are surire jajivoromo uvē'eje: Badahu ajiomadēvare evare a sisēho ruahō'ōjēv'ero tōvēvoromo sō ujuhoromo dō mare ajiomade hōjo. Ajiomoromo suvuoroho ae suvuorēmijade hōjo. Ēhi jajivē'eje.

<sup>9</sup> Ĕjō adaharoho ēhi uvē'eje: Badaro ajiomade hōjo. Ĕhesi bēhoho bogo ēma ajiomo'i a'i urimo hu sa'are ruvebiromo sa'a uhu mare abuejadeje.

<sup>10</sup> Ruvebiromo abuejade ae gemuohuro ajiomadoho ajio ō'idōho iosiramiro mo dō mare ajiomadeje ēhuro ō'idōho sa'aho aho'o huro raro vo barē'irōhēni.

<sup>11</sup> Ĕahuro aviēhi jiē'e suvuore gō gō bojamuibe va'ē'eje ēhuro noro hesi muoho vaerōhego. A ioro'ioroho apostle mu vaerōhe suvuoroho bojamuijadeje. A ioro'ioroho jō God-aro baeromo majēhi'irōhe suvuoroho bojamuijadeje. A ioro'ioroho Keriso-are jō ma majēhibe jijihō'irōhe suvuoroho bojamuijadeje. A ioro'ioroho hesi aribōvi muebejēvoromo ōri rōjēhi'irōhe suvuoroho bojamuijadeje.

<sup>12</sup> Suvuoro ēhi bojamuijade hesi bēhoho God-are aribōvioho aho'obēhe noro ē suvuoroho baeromo eni javuego gōero gōho ajamirovoromo ēhuro Keriso-are sino haho'e gemuohuro javuē'ēro no uehoro mae baebe birire baebe va'ojuvo

<sup>13</sup> hujeji no ae aho'obēhe uehore gemu baeromo God-are Harihoho garomo gemuoro javuorōhego. Ĕhi gemuoro javuo'iramu Keriso-are darugohuro bōviēro bise'ēro rarovavuo'iramu ēhuro a duvahanō avoho raromo'ejo.

<sup>14</sup> A duvahanō avoho raromo'iramu evare ijonōho bogo asisō'o va'ēnoho javuo'ē'e. Bogo asisō'o va'ēnoho javuo'iramu aehu sareri sareri'e jō barueromo jō huotohuotovoromo bōvi bise'o ēma ōmoromo jō sisē majahuijē'oho ijonōho bogo ejēho'ejo. Bogo ejēhoromo burehu jovo dōre rueromo jovo hasajego vanagiehu huotorohuotorovobe va'ajēhioho no bogo ēhioho ē'i ma-biririvoromo ahorirēro va'ejo.

<sup>15</sup> Ma-ahorirēro va'oromo gōero gōho rajahirovoromo jō mahemu majahirovo'ejo sareri'e jōho bogo. Jō mahemu majahirovobe huhu nimaje muohuremu avoho vaebe va'ejo ēhuro Keriso nosi simanoho va'ēne jiahuorōhego.

<sup>16</sup> Hu nosi simanoho jiē'ēro ruahō'ōjavuego gemuore hesi uhure raromarueje hesi ōvo duruajo'ēro javuē'ēro. Hesi uhure raromoro mo nosi sino haho'e bimuvavuadēhi ae aho'obēhe ēhi bimuvorovoromo ēhuro hesi darugoho baeromo no ae gōero gōero huhu bojamuade mue gō gō avoho vaeromo gōero gō rajahirovoromo ēhuro a duvahanō'e biririvobe va'arueje.

*Keriso-are ae gemuoho javuē'ego mu i'o baerōhe jōhoje.*

<sup>17</sup> Rōhu naro ave jōgoroho Badare ihoro darugo'o majēhi'ie'e. God bogo ma uehorovarue aribōviehu jō sareri sareri uehorovē'i raromo jijiharūēhioho ijoho nadi ēhioho raromo jijihore.

<sup>18</sup> Ĕhesi bēhoho ēho jaburo simanoho ramoramovēhē'ēro uehoroho bogojioromo biriri'ōvoromo God bijōnimoromo ēhuro hesi biriroho bogo baejamu jabesi aru'ahoho vuovēhē'eje.

<sup>19</sup> Jabumē mu sisēni javojēgadoho vuonugo'i jabesi dē vōvōbajo'e aho'o sisēro gemu bojamirovoromo ō mahunō'e va'inumi'e muoho bōvioho bise'oho ēma ōmarueje.

<sup>20</sup> Rōhu jemē Keriso-are jōho bogo ēhioho rōjēhamu hejarijeje.

<sup>21</sup> Hesi jōho iae mae hejarijeje. Hesi aribōviēro jēv'ēro Iesuho ēhi ēhi ē'oromo hibe juvade jō maho iae rōjēhijamu hejarijeje.

<sup>22</sup> Aviēhi jiē'e jōho hejarijeje. Mami'e ōri sisēre jijiharije ē hesi uehoro mamioho boremi'ōre. Ĕuehoro mamioho ejahoromo ēhuro mu sisē naguego sareramirovoromo ē muoho vaejego sisērejavuobe va'ajeje.

<sup>23</sup> Uehoro mamioho boremi'ō'i God uarego huro jemesi dē vōvōbajo'o uhoho avohēho barē'iro.

<sup>24</sup> Ĕhi uaromo uehoro i'e baere. Ĕuehoro i'oho God-ro avohadeje noro hu va'ēne jioromo ma-taemo raromoro mo mu maemu vaenōvorōhego.

<sup>25</sup> Ĕhuni no sino haho'e gemuoho javuē'e jiaje ēhuni sareri sareri'e jōho vuonugo'i gōero gō hesi ōriroho ma-jō maemu majahirovore.

<sup>26</sup> O vōrōnēgē'iroho nadi ri'ōromo mu sisēho vaere. Nadi dē vōrōnimemu vōrōnimobe va'ego majaho beva'oromo vahiomēvo'iro.

<sup>27</sup> A'i vōrōho vuonugego Satan bogo ijumēvo'iro.

<sup>28</sup> O ae rahu vajiohu'e mu vaejaje aho uavego ijoho nadi ēhi jiē'oho ē'i hesi ōvōro biririvoromo i'o mu'oho ma-avoho vae'i ēhuro mae sisē eni jiego bōvi bise'o rumo'e aribōvi jabesi ōrire suvuorovo'irōhe.

<sup>29</sup> O jō atē'iroho jō sisēho nadi ato'i ma-jō maemu atonōvore. Ĕhi jiē'e jō atē'ohuro jemē ae ajēm'i'iramu jabumē huē vavaene rabe jēv'ē'oho jemesi jōho heromo biririvēvo'iramu dē vōvōbajo'e mae jēvo'ē'e.

<sup>30</sup> O God-are Aru'aho Maho nadi vavaenoho bojamire. Hu jemesirire jië'ëro ëhu'ëro uvarueje: Jemë God-are aribövie jëvobe va'ujuvo hujeji ëho majaho rue'iramu sisëhu tövëvajoho God-ro jiovëho'iramu aho'obëhe ma-mae gemu jëvo'ajëjo.

<sup>31</sup> Rõhu ijoho a jabesi jö sisëho nadi uehorovo'i arire. Nadi a jabesi jöënioho vörönimemu vörönimore. Nadi ano'i vörö'iraenövore. Nadi jö sisëho uëromo giagamëhore. Nadi agëvore. Jö sisë gö gö nadi uehorovoromo ëhi jië'e muoh vae'i

<sup>32</sup> a'i göëro göhuni vavaenimovororomo huë baerovë'i göëro gö hesi mu sisëho uehorovoromo vuonugore. God-hu jemesi sisë Keriso-are jöëni uehorovoromo vuonugadëhi jemë'o ëhi ë'ore.

## 5

*Aji'ere raromo jijihotiröhe jöhoje.*

<sup>1</sup> God-ro hesi dë vövöbajo'e aho'o uehorovëvego jemë hesi aboji harihu'e jëvaje ëhuni huhu ë'ajëhi jemë'o ëhi ë'onövore.

<sup>2</sup> Èhi'oromo ae uehorovëvë'i raromo jijihonövore. Èhesi bëhoho Kerisoro no uehorovavuuromo nosi jöëni God-are örire suvuore bojamirovoromo guomorovadeje. Guomorovamu God-ro uvadeje: Huro mabëhe ë'l'ëro ëhuro iae na huë mae jevajëjo. Kerisohu uehorovavadëhi ëhi ae uehorovëvë'i raromo jijihonövore.

<sup>3</sup> O jemë God-are aribövie jëvaje ëhuni önö'e mahunö'e muoho nadi vaeromo ae gö jabesi bövioho bise'oho nadi ujuohëho'i ë'orego ëhuro ëhi jië'e mu sisë hesi jöho jemesiroho bogojio'i.

<sup>4</sup> O mu sisë jöho simano rumo'e jöho ijo ijo'e atarue jö sisëho nadi atore. Atë'oho bogo maehuje. A'i huë ma jöhemu God-are öroro atore.

<sup>5</sup> Ave jö gavarujoho iae maeje. Ae rahu önö'e mahunö'e jijihë'oho o ae gö jabesi bövi bise'oho ujuohëho'i ë'l'ë'oho Keriso'o God'o muebejarue öri ari'eroho bogo va'oruomo'ë'e. Ae gö jabesi bövi bise'oho ujuohëho'i ë'arue hesi bëhoho God dejonö bamo'i inömo sisë nuninö bamarue mueje.

<sup>6</sup> Èhi jië'e mu sisëho God-are jö bijönimarue ariböviohuro vaejaruëro jië'ëro ëhu'ëro God-are i'ue mana bae hesijö. Ae göehu sareri'e jö atoromo uëvë'oho: Bogo ëhioho jio'a'ajë uëvë'oho nadi ejëhore.

<sup>7</sup> Èhuni ëhi jië'e ariböviohu'oho gemuoroho nadi jijihore.

<sup>8</sup> Urimoroho jemë'o ramoramo'ere raromonövarijeje. Jaruvoho jemë Badare aji'ere raromaruje. Èhuni aji'ere raromarue ariböviehu raromo jijiharuehi ëhi raromo jijihore.

<sup>9</sup> Rabëni. Aji rovë'ohuro ëhuro mu maemu vaeromo jö maemu atoromo bövie bise'ë avoho vaejarueje. Èhuni aji'ero raromore.

<sup>10</sup> Avoho uehorovoromo gare Badahu nimaje muoho diho jiego.

<sup>11</sup> O ramoramo'e mu aehu ma-imo vaejaruoho ëhi jië'e muoho nadi gavanovo'i mu mae vaejejo jaburo ëho garomo uvoruomo'iro: Nosi muoho sisë höjo.

<sup>12</sup> Iae ëhi jië'e muoho jabesi saginiëri vae'amaruoho javoje vëmunajoho jië'ego bogo atarue jöhoje.

<sup>13</sup> Jabesi sisë aho'o gurihiro jiadoho aji va'orahoro jië'oho jabesi mu diehi jiajoho ë garuomo'ë'e.

<sup>14</sup> Mu rabe va'orahore jië'oho iae aji'eje. Èhuni noro God uehorovoromo jöe ioromo uvarueje:

Niavanuoho ri'öjëjo.

Guomanuoho i'ovëjo.

Èhi'o'iramu Kerisoro ja ajivavo'ajëjo.

<sup>15</sup> Èhuni jemë diehi jië'e mu vaeromo raromo jijiharujoho ëho avo'avoho vaere. Simano rumo'e muoho bogo a'i simano ma'e muohemu vaere.

<sup>16</sup> Mu mae rovajoho nadi vuonugo'i hesi muoho avoho vaere jaruvoho mu sisë vaeruomaje majae jiaje.

<sup>17</sup> Èhuni nadi sisë'ioho uehorovo'i a'i jemëhu diehi mu vaejöro Badahu nimajoho ëho avoho garomo baere.

<sup>18</sup> Nadi vörö'e jovoho ue'ahago simanoho huotorovëvo'i. Èhuro sisërejëvo'ë'e. A'i nadi'ego God-are Aru'ahohuro rarovëvego ëhuro simano mae jëvo'i.

<sup>19</sup> Psalms surire jajivare jöho God rajahi'iröhe jöho Aru'ahuhu bojëmaje jöe gö gö iaruhoh majahirovore. Dë vövöbajo'e aho'o God rajahiroho ëhi jië'e jöho ionövore.

<sup>20</sup> Vae majae huë mae o huë sisë rovë'oho nosi Bada Iesu Keriso-are ihoro God Vavuoho mae uanövore.

*Masurovë'e ariböviehu diehi avoho raromo'iröhe jöhoje.*

<sup>21</sup> Röhu Keriso mae uehorovaruje jëvaje ëhuni göëro gö hesi jöho ejahorovore.

<sup>22</sup> Vaboroharo Badare jöëni jemesi baruoho ejëhore

<sup>23</sup> rabëni hesi bëhoho baruoho vaboro jemesi simane jio'amë'e jiaje. Keriso ekaresia nosi simanoho jio'i no hesi sino haho'e gemuoho javuë'ëro huro no maro bamavuë'eje. Röhu hu ekaresia nosi simano jiajëhi ëhi baruoho vaboro jemesi simanoho jio'ame.

<sup>24</sup> Ëhuni ekaresiaehu Keriso-are jö ejaharuëhi ëhi vaboro ömo'ömoho jemëro baru jabesi jöho ejëho barëre.

<sup>25</sup> O baruoharo jemesi vaboroho dë vövöbajo'e aho'obëhe uehorovëvore. Ëhesi bëhoho Kerisoro ekaresiaho uehorovavuoromo hesi arijo'arije bojamirovoromo guomorovadeje <sup>26</sup> ëhuro ekaresiaho jövëro u'ovahuoromo hesi jöho majahuiromo ma-maemu avohavuoröhëni.

<sup>27</sup> Ma-maemu avohavuego ekaresiaho aji mabëhe javuoröhego. I'o masu'iröhe magonaho va'inumi rumo'e sino haho'e bogo abuejë'e sisë rabe rabe bogojio'i ma-maemu jiajëhi ekaresiaho no ëhi ma-maemu gemu javuego huro no hesi baejavuoröhëni. Ëhuni ekaresiaho no uehorovavuoromo ajamuijadeje.

<sup>28</sup> Iae Kerisohu ekaresia uehorovavuadëhi ëhi baru ömo'ömoho jemëro jemesi vaboroho uehorovëvore. Uehorovëvoromo jemesi sino rajahirovarujëhi jemesi vaboroho ëhi rajëhire. Jemëhu jemesi vaboro rajëhijë'ohuro ëhuro jemesi sinohu'o rajahirovarujeje.

<sup>29-30</sup> Aho jabesi sinoho bogo bijönimorovo'i a'i Kerisohu ekaresiaho no hesi sino haho'e gemuoho javuajëromo muebejavuajëhi aëro jabesi sinoho ëhi avo'avoho mueberovarujeje.

<sup>31</sup> Vaboro'o baru'o jabesi jöho God-are surire jajivoromo uvë'eje: Ëhu'ëro jjë'ëro aëro vëmu vavu'oho rëmö'ö'i vaborohu'o gemu mae hi'a'ajëjo. Hu'o hi'iramumu jabumë niö'i jëvadoho röhu gemu jio'a'ajëjo.

<sup>32</sup> Ëhi uvë'eje. Röhu ë jö hesi bëhoho uhuroho jö bërömo bërömeje. Ëjö hesi bëhoho naru uëve Keriso'o hesi ekaresia'o no gemuoho javuajë jöhoje.

<sup>33</sup> Röhu jemesi jöhu'oje. Ae gemu gemu jemesi arijo'arije rajahirovarujëhi jemesi vaboroho ëhi rajëhire. O vaboro ömo'ömoho jemëro baruoho masijoho hö uehorovore.

## 6

*Aboji harihu'o vëmu vavu'o diehi avoho raromo'iröhe jöhoje.*

<sup>1</sup> O aboji harihu'oharo Badare jöëni vëmu vavu'o jabesi jöho ejëhore. Ëhi ët'ë'ohu iae maeje.

<sup>2</sup> Ëhi jjë'e jögoroho God-are surire jajivoromo uvë'eje: Jasi vëmoho vavuoho mae uehorovëvonëjo. Ëjöho bërömo maego God-ro ë hesi viture uvadeje: Jaehu ë jö ejë'ohu naru mae ajami'ejöjo.

<sup>3</sup> Ëhesi bëhoho uvë'eje: Vëmu vavu'o mae uehorovëvë'ohu ëhuro mahu javo'iramumu sa'are majae ëgo'o hi'a'anuejo.

<sup>4</sup> Röhu vëmu vavu'oharo jemesi aboji harihu'ohu nadi sisë'iohu avohëvego dë vörönëgo'iro. Nadi ëhiohu ë'i a'i avoho muebejëvoromo Badare jöho röjëhigero heromo avoho raromobe va'oruomo'iro.

*Avare mu vaejëharue ariböviohu'o jabesi simano vaejarue ariböviohu'o diehi avoho raromo'iröhe jöhoje.*

<sup>5</sup> O ae gö jabesi muemu vaejëharuje aribövioharo jemesi a masijo jabesi mu vaejë'irohu uvore: No Keriso-are mue vaejaruëromo jabesi jöho avoho uehorovoromo jemesi dë vövöbajo'o uhohu'o ejëhonövore.

<sup>6</sup> Nadi ma-döemuoho ejëhorego jemesi masijohuro gëromo uvo'iro: Mu mae vaejarujëjo. A'i uvore: No Keriso-are mue vaejaharuëromo nadi bijönimo'i dë vövöbajo'e aho'o mu öröro bojamiromo God-hu nimaje muoho vaenövore.

<sup>7</sup> Uvore: No bogo ma-a jabesi muoho vaejëho'i Badare mue vaejaharuëromo dë sasohoromo muoho vaere.

<sup>8</sup> Uvore: Ae gemu gemu mu mae vaejë'ohu Badaro suvuoroho mana bojamui'ajëjo. No avare muemu vaejëhë'ohu o nosi nimoro mu vaejë'ohu iae hesi höjo. Ae gemu gemu mana bojamui'ajëjo.

<sup>9</sup> O simano vaejaruje aribövioharo ëhi mu mae vaenövore. Jemesi mu aribövi jö sisë uëromo giagamëharujoho vuonugore. A'i uvore: Nosi mu vaejahuarue aribövi jabesi o nosi Böviohu iae ae gemu ö'idöre hijajëjo. Huro mu ariböviohu'o no'o ma-gemuoho uehorovavuae jöhoje.

*Keriso-are ariböviehu ajamirovoromo niögu biriri'oho io'amoromo bijo buno baeromo Satan'o muorovo'iröhe uhu jöhoje.*

<sup>10</sup> Röhu aveho ijo tugoho'i jöho majëhi'ië'e. Bada'o gemu mae jioromo hesi darugo maho baeromo biririvore.

<sup>11</sup> God-hu bojamuaje muorovo inömoaho'oho' ujuohore Satan-ro sarerëmijego ëhuro biririvoromo riravo'irarije.

<sup>12</sup> No bogo ma-a'oho muorovo'i a'i a iosiramuijë'e sisë aribövi masijohu'o muorovarueje. Sa'ae aho'obëhe ramoramo'e mu muebejarue ariböviohu'o döre raromarue sisë ariböviohu'o vörö'e sisë aribövi ioro'iorohu'o ëho jabu'o no muorovarueje.

<sup>13</sup> Ëhuni God-hu bojamuaje muorovo inömoaho'oho' ujuohore maja sisë rovego Satan-ro jemë'o muorovego biririvo'irarije. Ëhi muorovojuvo majae barë'iramu biririvoromo ëhi baberumi riravo'aruje.

<sup>14</sup> Ëhuni avoho riravore. Röhu a'o muorovo'ië'iroho götaho dë'ahore muoho titimo'iramu dë'ahoho bibivoromo ëhuro eni javo'ë'e. Ëhesi bëhoho mu sisë'o muorovo'ië'iroho God-are uehoro mahemu ma'eno titimorego ëhuro eni jëvo'iro.

O a'o muorovo'ië'iroho biriri'e niögoho vinebire ba'amo'iramu ëhuro eni javo'ë'e. Ëhesi bëhoho mu maemu baeromo maemu ömorego ëhuro eni jëvo'iro.

<sup>15</sup> O a'o muorovo'ië'iroho hõru gudu ba'amë'ohuro ëhuro mae nami juvo'a'anue. Ëhesi bëhoho Kerisohu huë mae bojamuaje jö maho simanoro bamore avoho bibivo riravo'irarije.

<sup>16</sup> O vëni ravë'e bijo vösö huotovaho'ië'iroho ejoho ma'enoromo nami'iramu siroho ro ë jore riravoromo suggivoromo vënoho duoroho'amo'ë'e. Ëhesi bëhoho God-ro no ajamuijaje hö uvoromo hu mae uehorovonövore. Ëhi uehorovë'ohuro Satan-ro hesi vörö'e bijohuro bijëho'iramu bogo ejaho'aruje.

<sup>17</sup> O a'o muorovo'ië'iroho biriri'e simano bosöho didi'oromo simanoho tugohorovo'anue ëhuro bogo nemavo'i mae javoröhego. Ëhesi bëhoho simanëro uehorovoromo uvore: God-ro no maro ramuë'e höjo. Ëhi uehorovë'ohuro ëhuro Satan-are sisëho tugoho'iramu jemë bogo baejëvo'ë'e.

O a'o muorovo'ië'iroho kaejö ëgoho övëro ma'enoromo muorovo'anue. Ëhesi bëhoho God-are jö hesi Aru'ahuhu bojamuijajoho ëhi ma'enoromo Satan'o muorovore.

<sup>18</sup> Ëhi jië'e muoho vaejë'i majae ëhi God-are Aru'aho hesi uehoroho baeromo parie gö gö vaeromo jöe gö gö ëninaminövore. Ëhi ë'irarije nune jioromo majae ëhi biririvore. Biririvoromo God-are aribövie aho'o jabetesi jöëni uehorovore.

<sup>19</sup> O nasi jöho ëhu'o uehorovore. Uarego naehu hesi jö a majëhi'ië'iroho huro jö maho bojemego naro bogo juhuonivë'e ma-sama'e majëhinövö'iro ëhuro jabumë hesi gurihijë'e jö ma hesi bëhoho mae garomo heruomoröhe.

<sup>20</sup> Ëjö maho ae majëhi'irodego ëhuni na God-are ihoro jö majëhijaje ae jeve. Röhu na savoji gagore hije. Ëhuni God uarego na birire bojemego huhu bojemade muoho vaeromo bogo juhuonivo'i ë jöho ma-sama'e majëhinövö'iro.

*Ave surire jajivade ijo tugoho'i jöhoje.*

<sup>21</sup> Röhu na diehi jevajoho o mu rabe vaejajoho ë jöho jemë'o he'irarijego ëhuni Tychicus-ro ö'oromo majëhi'iramu he barë'aruje. Tychicus hu nosi huë baerovarue öeje. Hu Badare muoho biririvoromo vaejajeje.

<sup>22</sup> Ëaho naehu nugö'ö'ië'aje hesi bëhoho huro ö'oromo jöho majëhijego noehu diehi raromarue jöho jemëro hejego dë vövöbajo'oho mae jëvoröhego ëhuni nugö'ö'ië'e.

<sup>23</sup> Röhu na nege God Vavuohu'o Bada Iesu Keriso'o jaburo nasi ö mueno'oho jemë ajëmijego jemëro God mae uehorovoromo huë mae raromoromo rajahirovo'irarijego.

<sup>24</sup> Nosi Bada Iesu Keriso rajahiemu rajahijaruje aribövioho aho'obëhe God-ro huë baeromo ajëminövö'ë'e. Ahia mino'e.

## PHILIPPIANS

*Paul-hu Philippi ekaresia jejēmade jōhoje.*

<sup>1</sup> O asē'e Iesu Keriso'o gemuore jēvoromo God-are aribōviēro jēvē'ēro Philippi amore raromarujoho Paul na'oh Timothy'o Iesu Keriso-are mu vaejaharue ae niō'i noro jemesi ōrire jejēmijō gare. O ekaresia muebejēvaruje aribōviohu'o ekaresia ajēmijaruje aribōviohu'o jemesi ōrire jejēmijō.

<sup>2</sup> Na nege God nosi Vavuohu'o Bada Iesu Keriso'o huē baeromo ajēmijego maro raromo'irarijego.

*Paul-hu Philippi ekaresia uehorovoromo God'o jō jōvonōvade jōhoje.*

<sup>3</sup> Naehu jemē uehorovēvē'iroho jemēni God nasi Bōrōmoho huē mae uavajeje.

<sup>4</sup> O jemēni God-are ōrire jō jōvē'iroho nimorohē'i jōho majahijajeje.

<sup>5</sup> Rabēni hesi bēhoho mami'e jemēhu aevo'i na'oh bimuvoromo Keriso-are jō ma hesi mu ajēmijarijoho ēhi ajemibe ruejuvo jaruvohu'o ēhi gemuoho ajēmijarujeje.

<sup>6</sup> Ēhuni na mae uehorovoromo uvajeje: God-ro mabēhe aeovoromo jemesi dē vōvōbajo'oh avohēvadoho iae ēhi avohēvobe va'ojuvo hujeji Iesu Keriso-are majaho rue'iramu avohēvo barē'ajējo.

<sup>7</sup> God-hu jemē ēhi avohēvobe va'a'ajē uvajoho ēho iae maeje ē hesi bēhoho jemē nasi dē vōvōbajo'ere jēvē'ēgo. Jemē na'oh gemuore mu mabēhe baejē'e jēve. God-ro mu mae bojemamu urimoho na savoji gagoroho bogo hijē'iro hesi jō ma hesi jōhuni biririvoromo majēhibe rovodoho jaruvoho na savoji gagore hijē'i ēhi gemuoho majēhijajeje. Jemēro ēhi jīē'e mu mabēhe na'oh bimuvoromo ajemibe rovē'e jēve.

<sup>8</sup> Rōhu Iesu Kerisoro nasi dēre rumorovego na jemēni sisē maro vavaenegajeje. God-ro ge'ēgo na mae uēve.

<sup>9</sup> Rōhu ave jōho na jemēni ēninamijajeje. Naro uavajeje huro jemē ajēmijego jemē simane mae jioromo mue bōvie bise'e garomo ae rajahuijarujoho gō'oh gō'oh dōre ēhi'obe va'oromo

<sup>10</sup> ēhuro rabe rabe maho jiego ga'irarijego. Ēhi jīē'oho Keriso-are majaho rue'iramu jemē jō sisēho bogojēvo'i uhohu'oh ma-maemu jēvo'ē'e.

<sup>11</sup> O Iesu Kerisohu ajamuego vaejarue mu mahuro jemē'oh rumorovēvo'ē'e ēhuro God-are ihoho dō maro ajiomorōhego.

*Paul-hu hi jūvonōvade hesi bēhoho Keriso uehorovoromo jūvonōvade jōhoje.*

<sup>12</sup> Rōhu nasi ō mueno'e na nege jemēro ave jōho ga'irarijego. Na ave savoji gagore hijamu mu rabehu rabehu nasi ōrire rovadohuro ēhuro Keriso-are jō ma hesi muoho bogo sisērē'i marējē'eje.

<sup>13</sup> Marējē'ēro ēhu'ēro sa'a a bōrōmo hesi javu atovarue aribōviohu'oh a ioro'ioire aho'obēhe jabu'oh mae garomo uvoruomajeje: Nōrō Keriso-are aēro jīē'ēro savoji gagore hijajējo.

<sup>14</sup> O Christian ō mueno'e marohē'e maēro gevarue na savoji gagore hiromo mae biririvego geromo jabu'oh daruge baeromo ēhuro bogo juhuonivē'e mabēhe biririvoromo God-are jōho majēhijarueje.

<sup>15</sup> Ēaribōvioho a ioro'iorohuro iae nasi mu mahuni dē vōrōnimoromo na iosiremi'irōgoro Keriso-are jōho majēhijarueje rōhu a ioro'iorohuro huē mae bojemi'i ē'arueje.

<sup>16</sup> Jabumē uvarueje: God-ro nōrō aviae bamade hōjo ēhuro aēro God-are jō maho sareri'e atego nōrōho aho'irōhego. Ēhuni jabumēro na mae uehorovevoromo Keriso-are jō maho majēhijarueje.

<sup>17</sup> O ē aribōvi ioro'ioirehu Keriso-are jō majēhijaruoho bogo maho uehorovoromo ē'i a'i jabesi ihohe mu uehorovoromo Keriso-are jōho majēhijarueje. Jaburo uvarueje: Noehu Keriso-are jō ae majēhijē'ohuro ēhuro a masijohuro heromo Paul savoji gagore hijajoho rōhu gō'oh dōre i'ue bojami'aruēromo ēhuni Keriso-are jōho majēhijarueje.

<sup>18</sup> Rōhu ēho hesije. Aehu ma-dōhemu uehorovo'i o uhohu'oh uehorovo'i o diehi uehorovoromo Keriso-are jō majēhijaruoho rōhu aēro Keriso-are jōho iae majēhijarueje. Na ēho uehorovoromo nimorohajeje. Rōhu bogo vuonugo'i ēhi gemuoho nimorohonōvo'ejo.

<sup>19</sup> Ēhesi bēhoho naro garomo uvajeje: Naehu ēhi sisē'i hijajoho jemēro nasi jōēni ēninami'iramu Iesu Keriso-are Aru'ahohuro ajemi'iramu ēhuro na mae hi'ejōjo.

<sup>20</sup> Ēhuni naehu ave uehorovajohuremu nego avohe na bogo mae bogo javojoho baeromo muoho vuonugo'i a'i majae aho'oh rōhu avevejō'ohu'oh biririvo avohoromo nasi arijo'arije aho'oh bojamirovego Keriso-are ihoho dō maro jiorōhego. Na ave sa'are hijē'oho o guomevē'oho ēhi gemu jiojōro nege.

<sup>21</sup> Na ave sa'are hijë'oho Keriso gemu uehorovë'i hibe juvajeje. O guomevë'oho jaruvo sisë'i hijanovajoho ijönö mabëhe hi'ejo.

<sup>22</sup> Na ave sa'are ëgo'ohi hijë'oho ëhuro i'ohi mu'e birohönövo'ejo. Hesi nani'ohi diehi ë'ejo.

<sup>23</sup> Na uehore niö'ihijevö'ego ëho uehorovë'ehije. Iae na nege guomoromo sa'ahovuonugo'ihiva'ohi Keriso'ohi gemu mae hi'irodëni. Hu'ohi hijë'oho ëho mahoje.

<sup>24</sup> Röhu naehu biririvoromo sa'are hijë'oho ëho börömohe jemë'ajëmi'irodohuni.

<sup>25</sup> Ëho na eni gavë'e jeve. Ëhuni na garomo uve: Naro biririvoromo jemë'ohi'ejöjo ëhuro ajëmego Keriso mae uehorovobe nimorohobe va'irarijeho.

<sup>26</sup> Ëhi jïë'ohi naro röhu maho ö'iramu jemëro na geromo Iesu Keriso-are örire mabëhe rajahi'aruje.

<sup>27</sup> Röhu na diehi jëvë'ohi jemëro Keriso-are jö maho eromo raromo jijihore. Ëhuremu börömohe. Ëhi ë'ë'ohi ëhuro naehu ö'oromo gëvë'ohi o öre ëgo'ohi hiromi ma-jemesi jöhemi hejë'ohi na garomi uvo'ejo: Jemëro gemuori riravoromi uehore gemu baeromi mue gemu nimoromi jö ma hesi muohuremu biririvoromi nigemarujëjo.

<sup>28</sup> Biririvoromi nigemoromi jemesi jö bijönimoruomaje aribövioho bogi juhuonëmijarujëjo. Bogi juhuonëmijamu gëvë'ohuro God-ro röjëhijajeje jabumëro garöhego maja ijönöho jabumë sisërëjëvo'ihijemë marojëvo'irohöho jëvego. Iae God-ro jemë ajëmi'iramumu marojëvo'ë'e.

<sup>29</sup> Jemë Keriso-are mu börömohe niö'ihijevö'e jëve. Göho Keriso-are örire mae uehorovö'irarijoho göho hesi jöëni vi'ehe bae'irarijoho.

<sup>30</sup> Urimi jemë iae gavarijeje na sivohoromi Keriso-are muohi nigemamu. O jaruvohi jemë hejarujeje aëro uvoruomego: Nöröro ëhi gemuohi ë'ajë höjo. Röhu ë mue gemuohi jemëro na'ohi bimuvoromi ëhi sivohoromi ömo'aruje.

## 2

*No bogi nosi nimaruohe mu uehorovö'ihijevö'ohi göehi gö huë baerovö'iröhe jöhöje.*

<sup>1</sup> Jemë aho'ohi Keriso-are aë gemuohi jëvájoho na jemë ëhuro hejarujeje biririvëvego. Kerisohi jemë huë baejëvájoho na jemë ëhuro hejarujeje jemesi dë vövöbajö'ohi giogövëvego. Na jemë God-are Aru'ahohi'ohi gemuoro jëve. Na jemë göëro göhuni vavaenimoromi dë vövöbajö'e aho'ohi uehorovëvarujeje.

<sup>2</sup> Ëhi jëvë'e jiaje ëhuni ma-gemuoro jioromi uehore gemu baeromi huë baerovë'e muohi gemu vaerego na heromi nimorohi avohi'iro.

<sup>3</sup> Nädi jemesi sinohemuohi uehorovoromi a ioro'iorohi ëma iosirëmiromi ihohi döroho bamorovö'ihijevö'ohi uehorovoromi muohi vae'irögöro a'ihijevö'ohi ma-u'ehi uehorovoromi a ioro'iorohi masije hö uvoromi jabesi ihohi döro bamore.

<sup>4</sup> A ioro'iorohi jabesi ihohi döro bamoromi röhu nädi jemesi jöhemuohi uehorovö'ihijevö'ohi a'ihijevö'ohi jabesi jöhu'ohi uehorovore.

*Kerisohi hesi nimajoho bogi uehorovö'ihijevö'ohi sa'are rueromi God-are jöhemi ejahadëhi noehi ëhi ë'iröhe jöhöje.*

<sup>5</sup> Iesu Kerisohi uehorovadëhi ëhi uehorovore.

<sup>6</sup> Hu God jiajëhi ëhi jïë'ëro röhu bogi uvadeje: Naro biririvoromi God-hu hijajëhi ëhi hi'ejöjo.

<sup>7</sup> Hu bogi ëhioho uvo'ihijevö'ohi bövie bise'e nugö'ö'amoromi mu vaejahuaaje a jiajëhi ëhi jiadeje. Ma-a javuajëhi ëhi jiadeje. A nu ano'ohi va'ëne jioromi aë aho'obëhe nosi nunire rovadeje.

<sup>8</sup> Rueromi hesi iho börömohe uehorovoromi vuonugo'ihijevö'ohi ma-God-are jöhemi ejahobe juvoromi ëhuro guomadeje. Korosire anamu guomadeje.

<sup>9</sup> Ëhi ë'ë'ego ëhuni God-ro ajamamu huro dö maro ajio namijamu hesi ihohuro iho ioro'iorohi iosiramuiromi börömohe bëhe jïë'eje

<sup>10</sup> ëhu'ego aë aho'obëhe ö'idöre raromarue sa'are raromarue sa'a uhure raromarue aribövioho noro Iesuare ihohi böröme höromi hu rajahiromi ague aho raromoromi

<sup>11</sup> aë aho'obëhe noro huruohoromi uvoruomöröhego: Iesu Keriso iae Bada hö uvoröhego. Ëhi uvo'iramumu God Vavu hesi ihohi börömohe bëhe jïö'ë'e.

*Ramoramö'ehi raromarue ariböviohu'ohi ave sa'are raromoromi noro ironö'e ajivëvo'iröhe jöhöje.*

<sup>12</sup> Nasi ö mueno'e naehu jemë'ohi gemu mae hijamu jemëhu nasi jö ejehönövarijoho röhu jaruvo na öri ëgöbövire hijajohu'ohi nasi jöho ejehönövore. Ëho börömohe. Juhuoni'ohi butubutu'ohi muohi avo'avohi vaerego jemë ma-mae jëvo'iro.

<sup>13</sup> Ëhesi bëhohi God-ro jemesi dë vövöbajö'ohi huotovëhajeje ëhuro huhu nimaje ëhi jïë'e muohi vae'ihijevö'ohi nimoromi vae'irarijeho. Ëhuni ëhi jïë'e muohi vaere.

<sup>14</sup> Mu rabe rabe vaejè'oho nadi muoho bijõnimoromo jö sisèho atoromo o jöho aho'ahèmi'irõgoro a'i muoho ma-vaere.

<sup>15-16</sup> Èhi è'è'oho jemè jö sisèho bogojèvo'i uhohu'o ma-mae jèvo'è'e. Sareri sareri'e aribövi sisèhu'o gemuore raromo'aruje rõhu jemè God-are aboji harihu'e maemu jèvo'è'e. A l'ovavuo'irõhe jöho rõjèhiromo èhuro jiji mujõru'ehu ramoramore ajivo'amajèhi ramoramore raromarue aribövioho èhi ajivèvore. Jemè èhi è'è'oho Keriso-are majaho rue'iramu naro uvo'ejo: O mabèhèjo. Jemè nasi jöho mabèhe ejeharije hõjo. Na sa'are hiromo jöho majèhiromo muoho bogo èma sivohoromo darugoho boremi'õjode hõromo jemesi jöèni nimoronimorohè'i jöho jövo'ejo.

<sup>17</sup> Rõhu hesi nani'o nani aëro anego'iramu guomevo'è'e. Èhi'o'iramu nasi kõho rue'iramu God-ro uvo'è'e: Èho na suvuore bojemijajèjo. Rõhu jemèhu hesi õrire mae uehorovoromo mu vaejarujoho èhu'o God bojamijarue suvuoreje. Rõhu nasi suvuorohu'o jemesi suvuorohu'o gemuoro jio'iramu God-ro garomo uvo'è'e: Iae eni jiajèjo. Èhuni aehu na èhi anegego guomevo'irõhoho na huè mae jeve. Huè mae jevoromo jemè'o gemu mae nimoroheve.

<sup>18</sup> Naehu è'ajèhi jemèro huè mae jioromo na'o gemu mae nimorohore.

*Paul-hu Timothy'o Epaphroditus'o rëmö'õjogo Philippi amore õ'irõhe jöhoje.*

<sup>19</sup> Iae na uehorovoromo uve: Bada Iesuhu nimè'ohuro èhuro na ma-burõro Timothy nugö'õ'iramu jemesi õrire õ'a'ajèjo. Èhi è'irodèro nege. Èhesi bèhoho õ'oromo jemèhu diehi raromarue jöho huro vuonorõ'õ barovego na heromo huè mae jevorõhego.

<sup>20</sup> Timothy-ro gemuëro na'o gemuoro uehorovoromo bogo dõhemuoho a'i uhohu'o jemesi jöho uehorovajeje. Èhi jiè'e a göho bogojeve.

<sup>21</sup> A ioro'iorohuro bogo Iesu Keriso-are jöho uehorovo'i jabesi muohemu uehorovarueje.

<sup>22</sup> Rõhu jemè gavarujo iae hu a maeje. Harihehu vavu ajèmijaruèhi huro na èhi ajemiromo Keriso-are jö ma hesi muoho vaebe rovè'eje.

<sup>23</sup> Èhuni na uehorovoromo uve: Ga'irode nasi muoho diehi jiamu gavè'iroho hu nugö'õ'ejõjo õ'irõhego. Na èhi nege.

<sup>24</sup> Rõhu naro uve: Badahu nimè'oho majae ma-bisemu barè'iramu na'o õ'ejõjo.

<sup>25</sup> Rõhu naro uvodeje: Nosi Christian õho Epaphroditus nugö'õ'ejõjo õ'ojõro. Èhuremu iae mae hõjo. Rõhu avevejõ'oho hu na'o bimuvoromo Satan'o muorovoromo mu vaejaje aeje. Mami'e jemèro nugö'õ'jarijeje huro rueromo jemesi ihore nasi vavaenoho ajeminõvo'irõhego. Rõhu naro hu sionèro nugö'õ'je.

<sup>26</sup> Naehu hu nugö'õ'irode hesi bèhoho huro ae aho'obèhe jemèni vavaenime. Vavaenimoromo nurunurume jemesi jõhuni. Èhesi bèhoho jemè hejarijeje uvavamu: Hu guomo guome baejade hõ uvamu hejarijohuni èhuni.

<sup>27</sup> Iae mae. Hu guomo guomo bõrõme baeromo guomo hesi jiadeje. Rõhu God-ro hesi jöèni vavaenimoromo ajamijadeje. Bogo hesi jöènioho gemu vavaenimo'i a'i nani vavaenimadeje hu guomego naro huè vavaene gö'õ dõre baejõèni.

<sup>28</sup> Èhuni na nego avohe nugö'õ'jogo õ'ojõro èhuro hu õ'ego jemèro rõhu maho garomo nimoroho'irarijogo o èhuro nasi nurunuruoho barèjanovorõhego.

<sup>29-30</sup> Èhu'e jiaje hu õ'ego Badare ihoro bõrõmo mae nimorohoromo rajahire. Èhesi bèhoho hu uvadeje: Philippi amo rajoho ame ègoböviro raromoromo Paul ajamijè'oho bogo eni jiajèjo. Èhuni naro jabu'o rõromo è muoho vae'ejõ uvoromo èhuni hu ave sa'are hi'irõhe jöho bogo uehorovoromo guomo hesi jiadeje. Èhuni õ'ego rajahire. O huhu è'adèhi ae rahu jabesi sino bogo uehorovo'i Keriso-are muohuremu uehorovè'oho èhi jiè'e aribövioho aho'obèhe rajèhinövore.

### 3

*Noehu God-are nunire mae riravo'irõhe õroho èho Keriso mae uehorovo'irõhe jöhoje.*

<sup>1</sup> Nasi õ mueno'ave ijo tugoho'i jöho majèhi'ie'e. Badare õroro uehorovoromo nimorohore. Rõhu ave majèhi'irode jöho mami'e uèvodoho rõhu maho majèhijè'oho bogo u'uvevo'è'e. O jemè rõhu maho hejè'oho èhuro avo'avoho raromo'arueje.

<sup>2</sup> Õ sisèho va'ène aribövioho gèvè'i raromore. Jaburo God-are muoho sisè'i rõjèhijarueje. Èhuni gèvè'i raromore. Jaburo uèvarueje: Jemèro Jew rajo muoho vaeromo jemesi sinoho tarivorèjo èhuro God-are nunire mae riravo'irarije. Rõhu jabuhu rõjèhijarue muoho bogo mu maehu jio'i èho sino taritarivo'irõhe muoho jianove. Èhuni gavè'i raromore. Èhi jiè'e ariböviohuro sarerèmi'è'õ.



<sup>3</sup> Jaburo sarerivoromo uvoruomajeje: No sine tarivo'amè'ëro ëhu'ëro no God-are aribövie javuajëjo. Röhu jabumë ma-döhemu God-are aribövie jioruomö'i a'i no uho'u'o God-are aribövie javue. Èhesi bëhoho noro God-are Aru'aho hesi darugoho baeromo hu rajahiro mo Iesu Keriso uehorovoromo nimorohë'i atarueje. No bogo uvarueje: Nosi muohu'o ihohu'o ave sa'are mae jiahuë'o'oho ëhuro God-are nunire mae riravo'ëjarëjo.

<sup>4</sup> Röhu nosi muohu'o nosi ihohu'o mae jiahuë'ego ëhuro God-are nunire mae javuo'ibejo Paul nasi muohu'o ihohu'o mae jiehë'ëro jië'ëro uvo'ibejo: Na hesi nunire mae jevajëjo. A ioro'iorehu uvaruoho: No Jew rajo maëro javuë'ëro Jew rajo muoho avo'avoho vae'ego God-are nunire mae javuajë uvaruoho Paul naro ëhi uvo'ibejo iae mae jio'ibejo rabëni naro jabumë iosirëmiromo Jew rajo maho na jevë'ego.

<sup>5</sup> Rahevamu hurae gemu barëjamu Jew rajo muoho vaejevoromo nasi sinoho tarioje-hareje. Nasi vëmu vavu'o'oho Israel rajëro jëvë'ëro ëhu'ëro na'o Israel raje jeve. Benjamin-are uje gemuoho jeve. Nasi hijo mino'ëhu Hebrew huëhu atobe Hebrew mu vaebe rovarëhi na'o ëhi gemuoho ömajeje. O mu vaeröhe jögoru ejae ae jevadeje. Pharisee ariböviehu jögoru e avohojöro övuuaruëhi na ëhi'obe rovodeje.

<sup>6</sup> O God-are mu nimode ae jevadeje. Naro uvodeje: Jew rajo muoho God-are mue höromo ekaresia aribövioho sisë vaejëvo'i hijodeje. Jew rajo nosi jögoru ejaruohuro ëhuro mae javuo'ibejo ja uvo'ibejane: Nörö mabëhi mae höjo.

<sup>7</sup> Èhi jië'e mu mae iho mae jevamu iae marëjevajë uvodoho jaruvoho Keriso-are jöho uehorovoromo uvajeje: Èhuro sisërëjevë'e höjo.

<sup>8</sup> Naro uvajeje: God-are nunire mae nami'irögoru naehu Jew rajo mu vaejë'ohuro mu ioro'iorohu'o noehu vaejego God-are nunire mae javuoröhe ëhi jië'e mue aho'obëhe naehu uehorovë'oho ëhuro sisërëjevo'ajëjo. Iesu Keriso nasi Börömo ga'irodoho ëhemu börömoho höjo. Hesi jöëni mu ioro'ioroho musisi va'ëne höromo boremi'öjë'e jeve ëhuro naro Keriso bae'irodëro.

<sup>9</sup> Keriso baeromo hu'o gemuoro bimuvo'irodëro. Jaruvoho bogo nasi ëma biririvoromo Moses-are jögoroho eromo uvajeje: God-are nunire mae jevajëjo. Bogo. A'i na Keriso mae uehorovoromo ëhuro hesi nunire mae jeve. Èhesi bëhoho God-ro ajamuego no mae uehorovoromo hesi nunire mae riravarueje.

<sup>10</sup> Na nege nasi simanohuro dë vövöbajo'ohuro Keriso ga'iro hu ri'öjë'ëro hesi darugoho ajemijego marëjevojöro. Huhu huë vavaeni vi'ëhi baejadëhi na'o ëhi gemuoho baebe va'iro. Huhu mu sisë mu'uvahuo'i guomadëhi na'o ëhi mu sisë garomo hörëro taemobe va'irodëni.

<sup>11</sup> Sisëho hörëro taemobe va'oromo ëhuro ijönö Iesuhu guomoromo ri'öjadëhi nani na'o eni jevë'ohuro nasi sino haho'ohu'o guomoromo ëhi ri'ö'irodëro. Èhuremu nege.

*Paul-hu daruge aho'o bojamiromo Keriso-are mu vaejadëhi no'o ëhi ë'iröhe jöhoje.*

<sup>12</sup> Na bogo uehorovoromo uvajeje: Mami'e Keriso-are muoho baejë'ëro mu sisë bogojëvo'i bövie bise'e eni jevajëjo. Bogo ëhioho uso'i a'i Iesu Kerisoro hesi baejevë'ëgo ëhuni hesi muoho bae'i biririvoromo muoho vaejajeje.

<sup>13</sup> Nasi ö mueno'e na bogo uvajeje: Naro Keriso-are muoho bae barëjë'e jevajëjo. Röhu ave muoho gemu uehorovajeje. Mue urimo vaebe rovodoho na bogo uehorovo'i ijönö jioröhe muohuremu bae'i sivohoromo ë'o gavajeje.

<sup>14</sup> Naehu vaejoro Kerisohu nimajoho ëhemu nunire bamoromo ë ahorrirëro vae'i biririvoromo ë'o gavajeje ëhuro ruahö'öromo suvuoroho bae'irodëro. Èsuvuoro hesi bëhoho God-hu uevego na Iesu Keriso'o gemuoro jevë'ëro hesirire ajiomö'irodohoje.

<sup>15</sup> Ae rahu a duvahanö'e uehorovarue aribövi javuë'oho naehu uëvodëhi ëhi uehorovonövo'ejo. O jemëhu jö gö uehorovë'iroho God-ro ëho röjëhi'iramu ga'a'aruje jemë bogo eni jëvo'iramu.

<sup>16</sup> Èhi jië'ëgo Keriso-are jö ejahobe rovaroho ëhi ejahobe va'ejo. Èhi jië'oho iae maeje.

<sup>17</sup> Nasi ö mueno'e jemë gemuoro bimuvoromo naehu ë'ajëhi ëhi ë'onövore. Noehu öri mare jijiharuehi ëhi jijiharue aribövioho gë avohoromo jemë'o ëhi ë'ore.

<sup>18</sup> Röhu ave jöho majae aho'o majëhi'i hijodoho huë vavaene bogo bise'o vadu'oho baeromo röhu maho majëhi'irögoru ë'e. Ae aho'obëhe mu sisë vaebe jijihoromo ëhuro Kerisohu korosire guomade jöho ahanovoromajeje.

<sup>19</sup> Ahanovoromo röhu noehu God börömoho hö uehorovaruëhi ëhi jabumëro jabesi sinohuremu nimajoho börömoho hö uehorovoromajeje. Javoji'e muoho vaeromo mae höromo nimoronimorohë'i jijihoromajeje. Ave sa'a hesi muohemu uehorovoromajeje. Èhu'ëro jië'ëro vëni'e örire va'o hesi jioruome.

<sup>20</sup> Jabumë ëhi jië'e aribövie jioruome rôhu nosi ôri ari'oho bogo aveho jio'i ô'idöre jie. Ô'idöre jië'ego no raromoro muebejarueje Bada Iesu Keriso no maro bamavuafe ahuro ô'idöre jioromo rueröhego.

<sup>21</sup> Rueromo mue bövie bise'e ruahö'ô'amoröhe darugoho baeromo nosi sino haho'e u'uhavuafe avohahuo'iramu gorosovoromo hesi sino haho'o mabêhe jiajêhi ëhi mabêhe javuo'amo'ê'e.

## 4

*Noehu uehore gemu baeromo nimorohoromo mu maemu uehorovo'iröhe jôhoje.*

<sup>1</sup> Êhuni nasi ô mueno'e Badare ôroro ëhi uehorovoromo biririvoromo riravore. Na jemesi ôrire dê vövöbajo'e aho'o uehorovëvego jemesi jöëni vavaenegajeje. Na jemesi jôho uehorovoromo huë mabêhe jevê'ëro nimoroho avohajeje. Êhuni na jemesi ôrire uëve: Nasi ô mueno'e biririvoromo riravorejo.

<sup>2</sup> Naro Euodia jasi ôrire uave. Syntyche jasi ôrire uave. Badare magonahe gemuoho jëvaje êhuni uehore gemu baere.

<sup>3</sup> Rôhu ja na'o mue gemuoho mae vaejanue ae javê'lego naro ave jôho jasi ôrire uave. Êmagonaho niö'ioho ajëmijego gemuoro avoho ari'iro. Êhesi bêhoho ë magonahoho jaburo na'o gemu mae bimumoromo God-are jô ma hesi muoho biririvoromo vaejareje. Jaburo Clement'o na'o mu vaejarue aribövi ioro'iorohu'o ëhi ê'areje. Jabesi ihoho mae raromemu raromo'iröhe ô'idöre jiaje surire ë jajivo'amê'eje. Êhuni ë magonaho niö'ioho ajëmine.

<sup>4</sup> Rôhu jemë ae aho'o Badare ae gemuoho jëvaje majae ëhi nimorohonövore. Rôhu maho uëve: Nimorohorêjo.

<sup>5</sup> Ma-sanuovoromo ae aho'obêhe jabesi ôroro huë mae baejêvore. Badahu rueröhe majaho dunove.

<sup>6</sup> Bövi bise'o rovê'iroho nadi nurunurumo'irögoro a'i God-hu ajëmijajoho huë mae uavê'i êninamiromo jemesi huë vavaenoho hesi ôroro majahinövore.

<sup>7</sup> Jemêhu ëhi ê'ê'oho God-are sanu'e mahuro noehu uehorovarue sanu iosiramijajohuro êhuro jemesi uehoroho dê vövöbajo'oho duohêho'iramu sanuovêho'ê'e Iesu Keriso'o gemuoro jêvê'ëro.

<sup>8</sup> Nasi ô mueno'e ijo tugoho'i jôho uê'iê'e. Aviêhi jië'e muohemu uehorovore. Jô mae ataruohuremu a duvahonö'e vaejarue muemu ahorirêro vaejarue muemu ajiro raromarue muemu dê vuêvo'e muemu aji ma'e muemu huë baejê'e muemu mu rabe rabe ma-maemu jiajoho rabe rabe noehu mae uehorovaruohe ë muohuremu uehorovonövore.

<sup>9</sup> Naehu rabe rabe rôjêhijamu o vaejamu jemêhu garomo heromo baejarijoho ëhi jië'e muohuremu vaenövore. Êhi ê'ê'oho God jô sanu'e bojamuijaje ahuro jemê'o hi'ê'e.

*Philippi ekaresiaehu huë baeromo Paul-are ôrire suvuro bamahamu Paul-hu mabêhe uêvade jôhoje.*

<sup>10</sup> Bada'o gemuoro jevê'lego na nimorohevo avohe ë hesi bêhoho jemë majae bisemu êgo'o bogo ajemijarijoho avevejö'e rôhu maho uehorovevoromo huë baejevairijohuni. Iae jemë na uehorovevobe rovारीjeje rôhu huë baejevo'irarije ôroho bogo biroharijeje.

<sup>11</sup> Na bogo uve: Jemë nasi huë vavaenoho bogo gevanovarije hôromo bogo êhunioho jajive. A'i huë mae o huë sisê rovê'oho na uvajeje: Na rabe rabe jevajoho iae eni hôjo. Êhi jië'e uehoroho iae na avoho baejê'e jeve.

<sup>12</sup> Bövi bise'o bogo eni jevajoho o marohê'e mae jevajoho iae na gavê'e jeve. Eni da'uegê'oho o hômevê'oho bövi bise'o marohê'e mae jevê'oho o inómo rumo'e jevê'oho o diehi jevê'oho naro uehorovoromo uvajeje: Na iae eni jevajêjo. Êhi jië'e uehoro hesi bêhoho birohê'e jeve.

<sup>13</sup> Keriso biriri bojemaje ahuro ajemijê'ëro êhuro mae o sisê rovê'oho na biririvoromo nami'irodoho eni jeve.

<sup>14</sup> Rôhu nasi huë vavaeni ajemijarijoho êho iae mae ê'arijeje.

<sup>15</sup> Rôhu Philippi amo rajohumë jemê'o iae gavarijeje. Na urimê'i aevoromo Keriso-are jô ma majêhibe juvodevare evare naro jemesi sa'aho Macedonia vuonugo'i va'amu ekaresia ioro'ioroho bogo ajemi'i jemêremu ijo bajo suvuroho bojemiro mo huë maho mana baejarijeje.

<sup>16</sup> Rôhu jemesi sa'aho bogo vuonugo'i a'i Thessalonica amore va'o hijamu evare na bogo eni jevo'ego jemêro suvuore nasi ôrire nugö'ô'i arinövarijeje.

<sup>17</sup> Na bogo suvuroho nahoromo êhunioho uê'i a'i na nege jemêro suvuore bojemego êhuro ijônö God-hu suvuro mana jemesi ôrire bojêmi'irôhoho bövi mae jêhoröhego.

<sup>18</sup> Epaphroditus-ro jemesi suvuoroho nasi örire barovadeje. Ëhuni uëve: Jemesi suvuoroho iae na baejë'e jevajëjo. Iae eni höjo. Marohë'e mae höjo. Jew rajehu mi God-are örire suvuoro bojami'i anoromo vënire buejaho'ego God-hu ridi heromo vuëvonövadëhi jemesi suvuoroho ëhi jie. God-ro garomo suvuoroho nimoromo huë mae jiajeje.

<sup>19</sup> Röhu jemë rabe rabe bogo eni jëvamu gëvë'o ho jemë Iesu Keriso-are ae gemuoho jëvë'ego nasi Vavuohuro iae ajëmi'ë'e hu daruge aje bövie bise'e bogo bise'o vadu'oho jïë'ëro.

<sup>20</sup> Röhu na nege God nosi Vavu hesi ihoho ioro'iore gemu dö maro jiobe va'oröhego. Iae mae.

*Paul-mëhu ijo tugoho'i jejëmijare jöhoje.*

<sup>21</sup> Röhu God-are aribövie Iesu Keriso-are aganoho aho'obëhe jejëmijajë uëre. Christian ö mueno'e na'o gemu mae arijaruohuro jemesi örire jejëmijö.

<sup>22</sup> God-are aribövie aho'obëhe jemë jejëmijö. Röhu Rome a böromo hesi osare raromarue God-are aganoho jaburo bövi maho jejëmijö.

<sup>23</sup> Bada Iesu Kerisoro jemesi aru'ahohu'o jioromo huë baeromo ajëminövo'ë'e. Ahia mino'e.

## COLOSSIANS

*Paul-hu Colossae ekaresia jejëmijade jöhoje.*

<sup>1-2</sup> O asë'e God-are aribövi Colossae amore raromarujohumë birivoromo Keriso uehorovaruje ö mueno'e jëve hu'lo gemuore bimuvorovë'ëro. God-ro nimamu Iesu Keriso-are apostle jevë'ëro Paul na'o nosi öho Timothy'o noro jemesi örire jejëmijö. No nague God nosi Vavuohuro huë baeromo ajëmijego maro raro'm'irarijego.

*Paul-hu Colossae ekaresia jabesi jöëni uehorovoromo God rajahiromo ëninamade jöhoje.*

<sup>3</sup> Jemëni uehorovoromo pari vaejë'iroho noro God nosi Bada Iesu Keriso-are Vavu hesi örire huë mae uavarueje.

<sup>4</sup> Rabëni hesi bëhoho iae no hejareje uvavamu: Colossae aribövioho jemëro Iesu Keriso mae uehorovë'i God-are aribövie aho'obëhe huë baejëvaruje höjo.

<sup>5</sup> Jemë ëhi ë'aruje hesi bëhoho jemëro uvarujeje: Huë mae bae'iröhe ajoho ö'idöre rune vaejahuë'e höromo raromoromo muebejarujeje ijönö biroho'irarijëro. Èhi mae biroho'irarije jöho mami'e aehu Keriso-are jö ma hesi bëhi mae majëhijarevare evare jemë hejarijeje.

<sup>6</sup> Jemesirire jiajëhi ëhi sa'ae aho'obëhe maja rojomajire beva'ajire ë jö maho majëhijego ae aho'obëhe ejahuobe marëbe va'ajeje. Èhi jië'e mu maho jemesirirohu'lo rumorovë'eje. Jemëhu jö heromo God-are huë ma baeromo hesi bëhi avoho hejarije majare evare aevadeje.

<sup>7</sup> Epaphras-ro ë jö maho aevo'i jemë majëhijadeje. Epaphras noro uehorovarue aëro jië'ëro no'o bimuvoromo Badare muoho vaejahajeje. Huro no'o röromo jemesirire muoho birivoromo ajëmijajeje.

<sup>8</sup> Huro uövuaadeje: God-are Aru'ahëro jemesi dë vövöbajo'oho huotovëhë'ëro ae huë baejëvo avoharuje höjo. Jemesi jöho ëhi majahuujamu hejareje.

<sup>9</sup> Iae ëhuni jemesi jö hejarevare evare no aevoromo jemëni God-are örire uehorovobe rovorohe jaruvoho ëhi gemuoho ë'tobe va'arujeje. Èhi ë'obe va'oromo noro God uavarueje huro jemë avohëvego hesi Aru'ahehu simano ma bojamuijaje ëhi jië'e simanoho jemë'o mabëhe baeromo mue aho'obëhe avoho garomo ëhuro ga barë'irarijego God-hu diehi nimajoho.

<sup>10</sup> Èhuro huhu nimajëhi jemëro ëhi vaejego Badaro jemë gëromo vuëvo avoho'iröhego. O jemë mu mae bövie bise'e vaeromo God bisemu gavarujoho gabe va'ojuvo ijönö ga avoho'irarijego.

<sup>11</sup> Röhu God-hu aji mare hiromo bojamuijaje biriroho ëho jemëro bövi mae bae avohoromo ëhuro huë mae huë sisë rabe rovego nimorohë'i birivoromo mae riravo'irarijego.

<sup>12</sup> Mae riravoromo Vavuoho huë mae ua'irarijego rabëni huro jemë avohëvamu hesi ariböviehu aji'e öri ari'ere va'lo raromoromo mae baejaruëhi ëho jemë'o bae'irarijoho eni jëvë'ëro jië'ëro. Iae ëhuni no God ua gavarueje.

*Keriso aho'obëhe iosiramui'amaje a hesi aharire javuaje jöhoje.*

<sup>13</sup> Iae mae. God-ro no ajamuiromo ramoramo hesi vöröre raromaroho jiovahuoromo rinaguoromo hesi Harihu mabëhi hesi aharire ramuë'eje.

<sup>14</sup> Ramuë'ego hesi Harihohuro i'u'e mu sisëho tugohahu'lo hesi sasohë'e mu maho jiovahuoromo sisëho mu'uvahuadeje.

<sup>15</sup> Sisë mu'uvahuade aho Keriso God bogo gavarue a jiajëhi hu ëhi jië'ëro no hu garomo uvarueje: God ëhi höjo. Hu Murioho jië'ëro God-hu bamade bövioho bise'oho iosiramui'amoromo hu simanohoje.

<sup>16</sup> Èhesi bëhoho God-ro Keriso uavamu huro bövioho bise'oho avoho'amadeje. Ö'idöre jiajohu'lo sa'are jiajohu'lo nunehu ga'amaruohu'lo bogo ga'amaruohu'lo simano vaeruo-maje aru'aho masijohu'lo vörö baeruomaje aru'aho masijohu'lo aho'obëhe God-ro uavamu avoho'amo barëjadeje hesi muebe'amoröhëni.

<sup>17</sup> Bövi bise'lo bogo bamadevaroho Keriso hu urimo jiadeje. Huro aho'obëhe mueberomo ma'eno titimajeje.

<sup>18</sup> Hu ekaresia nosi simanohoje no ma-hesi övo duruajo'e javuë'ëro. Hu ekaresia nosi bëhohoje. Hu aevo'i guomoromo ri'öjadeje ëhuro aho'obëhe iosiramui'amoromo huro urimo nuniroho jioröhëni.

<sup>19</sup> God-ro nimamu Kerisoro hesiro daruge uehore bövie bise'e bae barëjë'eje.

<sup>20</sup> God-ro ëhi nimë'ëro uvadeje: Na negajëjo Kerisoro aho'obëhe nasinö sö rovego na'o huë mae jioruomoröhego. Kerisoro korosire iromoromo köe rueromo guomego ëhuro God naro buore vaeromo bövie bise'e sa'are o ö'idöre jio'amajoho avoho'amego na'o huë mae garorovë'i raromoröhego. Na ëhi negajëjo.

<sup>21</sup> Röhu urimoho jemëro sisë'i uehorovoromo sisë vaejumu mue gö jëvë'ëro God-ariroho hahagu tariö'örovë'e jëvanovoromo God nu huodivaruje aribövie jëvadeje.

<sup>22</sup> Jaruvoho bogo God nu huodivaruje aribövioho jëvo'i a'i God-ro hesi Harihoho nugö'öjumu sino haho'e jioromo guomamu ëhuro God-ro jemë buore vaejëvoromo agane vaejëvadeje ëhuro jemë övövo rumo'e jö sisë rumo'e jëvo'i ma-maemu jëvego va'o hesi nunire mae riravo'irarijeho.

<sup>23</sup> Hesi nunire ëhi mae riravo'i nëgë'oho mae uehorovaruje jöho ëhuremu biririv-oromo uehorovore. Urimo ë jö maho heromo uvarijeje: U'emu God'o gemu mae raromo'ëjarëjumu huë mae jëvobe rovadeje. Ëhi uehorovobe rovarijoho nadi vuonugore. Ëjö maho sa'ae aho'obëhe maja rojomajire beva'ajire aëro majëhibe jijihö barëjë'ejö. Röhu ë jö hesi muoho naro vaejajeje.

*Paul-hu ekaresia ajëminövade jöhoje.*

<sup>24</sup> Naro jemë ajëmi'irodëni vi'ëhi huë vavaeni bövi bise'o baebe rovodoho huë mae jeve. Noehu Keriso'o röromo bae'iröhe vi'ehoho ëho naro ajamiromo nasi sinore bae'i hirohajeje hesi sino haho'oho naehu uëvaje hesi bëhoho hesi ekaresiaho mae jëvoröhego.

<sup>25</sup> Ekaresiaë jemë mae jëvoröhego God-ro ekaresia ajëmi'irode muoho nasi örire bojemijë'eje. Bojemiro mo uevë'eje naro hesi jöho majëhi barë'irodego.

<sup>26</sup> Majëhi'irode jöho urimo God-ro ae aho'obëhe subivëhobe rovodoho jaruvoho hesi aribövioho röjahujë'eje garöhego.

<sup>27</sup> Ëjö urimo subivahuadoho God-ro hesi aribövioho röjahui'i nimadeje noro garomo uvoröhego: Ëjöho aji mabëhe jïë'ëro sa'a gö gö raje aho'obëhe hebe va'oromo ma-mabëhe raromoumo'ajëjo. Ëjö hesi bëhoho Keriso jemë'o jie. Keriso jemë'o jïë'ëro ëhu'ëro uvarujeje: U'emu hesi aji mare ajio raromo'ëjarëjo. Jöho ëhije.

<sup>28</sup> Ëhu'ëro jïë'ëro Keriso-are jöho ae aho'o majëhijarueje. Majëhiromo simane ma-mae uehorovoromo ae aho'obëhe röjëhibe jijiharueje jö bëhoho heromo avo'avoho uehorovoromoröhego. Avo'avoho uehorovobe va'oromo ëhuro ae gemu mae aho'obëhe Keriso-are ae gemuoho jioromo a duvahonö'e God-are nunire riravoröhego.

<sup>29</sup> Ëhi mae riravoröhego ëhuni naro Keriso-are darugo bövi maho baeromo biririvoromo mu börömo böröme vaemu vaeromo hesi jöho röjëhijajeje.

## 2

*Sareri'e jö bogo ejëho'i Keriso-are jöhemu mae uehorovo'iröhe jöhoje.*

<sup>1</sup> Röhu na nege jemëro ave jöho ga'irarijeho. Na muoho bogo bise'o vadu'oho vaejajeje ëhuro jemë'o Laodicea amo rajohu'o nasi nu ano'o bogo gevarue a ioro'iorohu'o ajëmi'irodëni.

<sup>2</sup> Naehu mu vaejaje hesi bëhoho na nege jemesi dë vövöbajo'ohu'o jabesirohu'o biririvëho'iröhego. Jemë'o jabu'o huë baerovoromo rajahirovo'irarijeho. Jöho avoho heromo ëhuro mae uehorovoromo uvo'irarijeho: Jöho bogo sareri'ehu jio'i ma-mae gemu höjo. Ëhuro God-hu urimo subivëhade jö hesi bëhoho Keriso-are jöho ga'irarijeho.

<sup>3</sup> Ae rahu Keriso-are bëhi gavë'oho ëhuro God-are nuni ajl'e uehoro maho börömo mae biroho'anue. Ëhuremu jio'i biroho'irane öre gö bogoje.

<sup>4</sup> Na Keriso-are jö ëhi uëvaje hesi bëhoho ae göëro jemë sarerëmiromo vuëvo'e jöho majëhijeho mae höromo ejëhojëni uëve.

<sup>5</sup> Röhu na rori'o hi'i röhu nasi uehoroho aho'o jemesirire jie. Ëhuro na jemë'o jevanove. Jemë'o hijanovoromo gavaje jemë biririvoromo gemuore riravoromo Keriso mae uehorovego gëromo nimorohajeje.

*Keriso-are ae gemuohuro javuë'ëro ëhu'ëro bövi bise'o eni javuego mae raromarue jöhoje.*

<sup>6</sup> Röhu jemë aevoromo mae uehorovoromo uvarijeje: Iesu Keriso iae nosi börömo höjo. Aevoromo hu mae uehorovarijëhi ëhi uehorovoromo hu'o gemu mae raromo jijihore.

<sup>7</sup> Ije ö'e dirumu'ëro bibivajëhi o javu öbehu bibivo'amajëhi ëhi Keriso-are jöro dirumunö'e io'amoromo bibivo riravore. Ëhi'oromo röjëhijumu hejarije jöho biririvoromo mae uehorovobe hesi öroro mabëhe uabe va'ore.

<sup>8</sup> Rõhu aehu ëma sarerëmiromu uëvaruoho: Aveho nuni aji'e jö böröme hö uëvaruoho nadi ejëhoromo guaroho rireromanovore. Jabuhu atarue jöho ma-aëro jabesi uehorëro avohobe rovë'eje. Ave sa'a hesi jöhemu jië'ëro ëhuro Keriso-are jöho ahajeje.

<sup>9</sup> Ëhuni jabesi jöho nadi ejëhore. Ëhesi bëhoho God-hu diehi jiajoho iae Kerisoro hesi sino haho'ere bae barëjë'eje.

<sup>10</sup> O aru'aho mue gö gö jemëhu baejõro God-hu nimajoho iae eni bae barëjë'e jëve Keriso-are ae gemuohuro jëvë'ëro Kerisoro simano vaeruomaje darugo'e aru'ahë gö gö aho'o taemëvo'i huro gemuëro dö maroho jië'ëro.

<sup>11</sup> Jemë Keriso-are ae gemuohuro jëvë'ëro ëhu'ëro jemesi sino sisëho tarivëhanovë'eje. Ëhesi bëhoho bogo ma aehu Jew rajo muoho vaeromo sinoho tarivëhamu ëhuro God-are aribövie jëvo'i a'i Kerisoro jemesi sino hesi mu sisëho tarivëhë'eje God-are aribövie jëvoröhego.

<sup>12</sup> Jemë bapataeto vaejarijevare evare Keriso guomamu hure bamarohuro ëhuro jemesi uehoro mamioho hu'o gemu mae guavëhë'eje ioro'ioremu barëjëho'iröhego. Rõhu God-ro darugoho bojamamu Keriso guomoromo ri'öjadeje. Ëdarugoho jemëro mae uehorovoromo ëhuro Keriso'o gemu mae ri'öromu uehoro i'oho baejarijeje. Bapataeto vaejarijevare ëhi jëvadeje.

<sup>13</sup> Urimoho jemë mu sisëhemu uehorovonövarijeje. Mu sisëhemu uehorovoromo bogo Jew rajehu jëvo'i sa'a gö rajëro jëvë'ëro God-are jögoroho bogo baejë'ëro ëhu'ëro jemesi dë vövöbajo'oho vuovëvanovadeje. Jaruvoho God-ro jemë Keriso'o gemu mae ajëmmu i'ovoromo ri'öromu uehoro i'e baejë'e jëve. Rõhu God-ro nosi sisëho aho'o uehorovoromo vuonugahuë'eje.

<sup>14</sup> Urimo huro hesi jögoroho bojamuromu uövüadeje: Ëhi ëhi ë'orëjo. Bogo ë'ë'o'oho i'ue bae'a'arujëjo. Ëhi uöromu gavade noro ë jögoroho ahamu gagorovo nosi ihoho jajivoromu uvadeje: Jabumë mu sisë ëhi ëhi vaejë'ëro i'ue bae hesi jioruomajëjo. Ëhi ë'ë'ëro Keriso korosire guomadevare God-ro nosi sisëho uehorovoromo vuonugoromo nosi mu sisë jö surire jiajoho Keriso'o korosire ano taemoromo mu'uvahuadeje ëhuro mae javuoröhego.

<sup>15</sup> Rõhu majae gemuore Keriso korosire guomamu ëhuro aru'aho sisë ihe gö gö sa'a bövi bise'ö muebë'amarue jabesi darugoho God-ro ruahö'ö'amoromo rori'ö ujuoho ruruhö'öjadeje. Ruruhö'öromu ë sisë aribövioho söromu a nunire rovadeje ae aho'öbëhe garöhego God-ro jabumë ruahö'öjävë'e jiego.

<sup>16</sup> Vörö'e aru'aho sisëhu ave sa'are muebejëvoruomadoho ruahö'öjävë'e jiaje ëhuni aehu ave sa'a hesi jögorohuremu uehorovoromo uëvaruoho: Ëioho jovoho bogave i'irarijëjo. ËJew rajo maja börömo'ho vadue göro göro manaere göro göro hurae göro göro ëhi rovego ëhi ëhi vaenövorëjo. Nosi jögoru bogo ejahuë'oho sisërëjëvo'ajë uëvaruoho nadi ejëhore.

<sup>17</sup> Ëhi jië'e jögorohuro ëhuro God-are mu maehu rue'iröhoho ëho no ma-sisë'i sisë'i maja aru'ahonö'e gavarueje. A'i Keriso gavë'ohuro ëhuro ë mu ma hesi bëhoho gavarueje.

<sup>18</sup> Ëhuni aehu sarerëmiromu uëvaruoho: No nia'ovo'iraeromo mu masijo masije gavë'ëro ëhu'ëro a masije javuajëjo. Ëhuni uëvaruëjo: Jemesi arijo'arije taemorovorëjo. Aneraho uvene aho röjëhinövorëjo. Nosi jö bogo ejahuarujohuni sisëro va'a'arujë uëvaruoho nadi ejëhore. Ëhi jië'e ariböviohuro sinehu nimaje mu sisëho uehorovoromo ma-döhemu nimoronimoröhë'i jijihoruomajeje.

<sup>19</sup> Bogo birivoromo Keriso mae uehorovoruomajeje. Rõhu Keriso hu simanoho jio'i no hesi övo hörü'oho javue. Hu simanoho jië'ëro muebejavuego övo hörü'oho jarömi umuogëro darugoho baerovoromo gemuoro bimuvorovoromo God-hu ëhi ë'öjõro nimadëhi ëhi vaeromo böviraëbe va'arueje. Ëhi jië'ëro Keriso nosi simanohoje rõhu ë sisë aribövioho bogo birivoromo simanoho Keriso'o gemuoroho bimuvorovoruomajeje.

*Keriso'o gemu mae vuovanovoromo mu mami vuonugo'i hu'o gemu mae ri'öromu mu i'ö baejare jöhoje.*

<sup>20</sup> Rõhu jemë Keriso'o gemu mae bimuvoromo vuovëvamu ave sa'a hesi mu jöho barëjëhadeje. Sa'a mu jö barëjëhadoho rõhu jemë rabëni ave sa'a hesi mu uehorovarijoho bogo vuonugë'e ëhi gemuoho raromo jijiharujeje. Jemë rabëni aviëhi jië'e jöho ejëharujeje:

<sup>21</sup> Aveho nadi ma'enorëjo. Ëho nadi irëjo. Aruëroho nadi rëhorëjo.

<sup>22</sup> Ëhi jië'e jögoroho ma-i hesi jögore o inömo hesi jögoreje. I ijë'oho barëjajeje. O inömo baeromo mu vaejë'oho ëhuro ma-sisërë'amajeje. Ëhi sisërë'amoröhe inömo bövi bise'ö hesi jögoroho ma-aëro bojëmiromu röjëhiruomajeje.

<sup>23</sup> Röjahi'iramu uvo'a'anue: Jabesi jöho nani simano ma'e jöe höjo. Ëhesi bëhoho jaburo uvarueje: Uehore aho'o bojamuromu aru'aho masijoho uvene aho röjëhinövorëjo.

Arijo'arije taemorovonövorëjo. Sino haho'oho ijumorovonövorëjo. Röhu jabesi jöho ma-döemu maeje. Ejëhë'oho bogo ëhuro sinehu nimaje mu sisëho aharueje.

### 3

<sup>1</sup> Röhu Keriso guomoromo ri'öjadohu'o gemu mae ri'öjë'e jëvaje ëhuni Kerisohu God-are övo manö bööröme hijajire döre jiaje muoho bövioho bise'oho ëhemu uehorovore.

<sup>2</sup> Nadi ave sa'a hesi mu sisëho uehorovo'i döre jiajohemu ëhemu uehorovore.

<sup>3</sup> Jemesi mu sisë hesi darugoho ioro'ioremu barëjëhë'eje. Ëhuro vuovëvanovë'eje. Jemë vuovëvanovamu Keriso'o bimumovorovë'ëro jemesi darugo i'oho God-arire gurihijë'eje.

<sup>4</sup> Ëhi'obe va'ojuvo hujeji Keriso darugo bojëmijaje aho va'orahoro rue'ë'e. Rue'iramu evare jemëro hu'o va'orahoro riravoromo hesi ajoho gemu mae bae'a'aruje.

*Mu mami vuonugo'i mu i'o vaenövo'iröhe jöhoje.*

<sup>5</sup> Ëhuni sinehu nimaje mu sisëho mu'ure. Öehu jijihanovarujoho va'inumi'e mu vaejarujoho jemesi dëre uehoro sisë ri'öjëgo nimarujoho ëhi jï'e muoho mu'u'amore. Röhu avare inömemu nimaruje muoho mu'ure. Avare inömemu nimarue mu hesi bëhoho God dejonö bamo'i inömo sisë nuninö bamarue muohoje.

<sup>6</sup> God-are jö bogo eruomaje ariböviohuro ëhi jï'e mu sisëho vaeruomajego ëhuni God-are vöröhuro jabumëni rue'ë'e.

<sup>7</sup> Urimoho jemë'o ëhi jï'e ariböviohu'o gemuore jijihoromo ëhi jï'e mu sisëho vaenövarijeje.

<sup>8</sup> Röhu avevejö'oho aviëhi jï'e mu sisëho aho'obëhe vuonugore. Dë vörönimarujoho vörö'iraejarujoho uehoro sisë baejarujoho ëhi ë'arujoho vuonugore. Ae gö jabesi iho ijumarujoho javoji'e jö sisë atarujoho bogave jemesi jö'oroho suorovo'i.

<sup>9</sup> Nadi göëro göho sareramirovore rabëni hesi bëhoho uehoro mami jëvo'ego mu sisë vaenövarijoho vuonugo'i

<sup>10</sup> uehoro i'e baejë'e jëvaje. Ëuehoro i'oho God-ro aevoromo bojëmadeje. Bojëmijë'ëro ë uehoroho huro avohëhobe va'ajeje huhu uehorovajëhi ëhi uehorovojöro ëhuro jemëro hu avoho ga'irarijejo.

<sup>11</sup> Uehoro i'ëro jëvë'ëro jemë bogo aho adovoromo uvo'a'aruje: Jew rajoho gö javuo'i sa'a ioro'oro rajoho gö javuajëjo. Jew rajo mu vaeromo sino tarivahuë'e aribövioho gö javuo'i sino bogo tarivahuë'e aribövioho gö javuajëjo. Huë gö aribövioho o rori'ere aribövioho gö javuajëjo. O ae gö jabesi muemu vaejëharue aribövioho gö javuo'i nosi nimoro mu vaejarue aribövioho gö javuajëjo. Ëhi jï'e muoho iae barë'i jemë ae aho'obëhe Keriso-are aribövie gemuoho jëve. Hu ae aho'obëhe jemesirreje.

<sup>12</sup> God-ro jemë hesi baejëvë'ëro jemë hesi aribövi maemu jëvego huro jemë dë vövöbajo'e aho'o uehorovëvajeje. Ëhuni huë baeromo a ajëmi'irarije muoho baere. Nadi sivuoho uehorovoromo bövioho riravo'i ma-sanuovoromo muoho vaere. Ae göehu huë sisë bojëmijë'oho biririvoromo ma-nunëremu ga taemore.

<sup>13</sup> Göëro göho garomo nadi nuoho huodivorovo'i jahu'o ma-raromore. O uvë'iroho: Ae göëro mu sisë vaejade hö uvë'iroho göëro gö hesi sisëho uehorovoromo vuonugore. Badahu jemesi sisë uehorovoromo vuonugadëhi jemë'o ëhi ë'ore.

<sup>14</sup> Ëhi jï'e muoho vaejë'i röhu ave muohuremu avoho ma'enore. Göëro göho dë vövöbajo'e aho'o uehorovore. Dë vövöbajo'e aho'o uehorovë'oho mu mae aho'obëhe avo'avoho vaenövo'aruje.

<sup>15</sup> Röhu Kerisoro ajamuijego nosi dë vövöbajo'e mae javuego gemuoro mae raro-marueje. Jemëro ëhi gemuoro mae raromo'irarijejo ëhuni God-ro gagovëvadeje sino haho'e gemuoho jëvojöro. Ëhuni ë muohuremu nunoro bamoromo uvore: No muoho ëhi ëhi vae'jarëjo. O God-hu suvuoro gö gö bojëmijajoho nadi ëma nunëremuoho ga'i uvore: God-ro suvuoro mabëhe bojamuijë'e hö uvore.

<sup>16</sup> Röhu Keriso-are jöho mabëhe jiaje ë jöhuremu uehorovore. Ëjöho uehorovoromo simano mae bae avohoromo öroho röjahirovoromo jögore mamirovore. Ëhi'oromo uvore: God-ro mae vaejavuajë uvë'i Psalms surire jajivare jöho God rajahi'iröhe jöho Aru'ahuhu bojëmaje jöe gö gö iore.

<sup>17</sup> Jemë jö atë'oho mu vaejë'oho o rabe rabe ë'ë'oho God Vavuoho Bada Iesuare ihore huë mae uavë'i mue aho'o Bada Iesuare ihoro vaenövore.

*Aehu diehi avo'avoho garorovo'iröhe jöhoje.*

<sup>18</sup> Röhu vaboroharo jemesi baru jabesi jöho ejëhonövore. Jö ejëhë'oho iae maeje jemë Badare magonahëro jëvë'ëro.

<sup>19</sup> O baruoharo jemesi vaboroho rajëhire. Rajëhiromo nadi sisë'ioho vaejëvore.

<sup>20</sup> O aboji harihu'oharo jemesi vēmu vavu'o jabesi jōho aho'o ejēhonōvore ēhi ē'ē'oho Badaro nimaje ijae.

<sup>21</sup> O vēmu vavu'oharo aboji harihu'oho nadi huē sisēho bojēminōvore. Huē sisē bojēmibe va'ē'oho jabesi uehoroho u'uhēho'ē'e.

<sup>22</sup> Ae gō jabesi muemu vaejēharuje aribōvioharo jemesi masijoho ejēhonōvore. Nadi madōemuoho ejēhorego jemesi masijohuro jemē gēromo mae uehorovēvo'irōgoro a'i Bada uehorovoromo jabesi ōroro uhohu'o mae ejēhonōvore.

<sup>23</sup> Ejēhoromo mu rabe rabe vaejē'oho uvore: Bogo ma-a jabesi muoho vae'i na Badare mue vaejājēromo dē vōvōbajo'e aho'o avoho uehorovoromo muoho vaere.

<sup>24</sup> Mu ma vaejē'oho Badare aribōviehu bae'irōhe suvuoroho huro jemē'o mana bojēmi'ē'e. Ēhuremu uehorovore. Ēhesi bēhoho ae gō jabesi mu vaejē'oho ēhuro Keriso jemesi bōvi hesi muohu'o vaejaruje.

<sup>25</sup> O mu sisē vaejē'oho ē mu sisē hesi manaho bae'a'aruje. God-ro bogo gō nimo'i gō bijōnimo'i a'i ma-gemu uehorovavujaje.

## 4

<sup>1</sup> O simano vaejaruje aribōvioharo jemesi muemu vaejēhoruomaje aribōvi jabesi ōroro avo'avoho vaejēvore. Uvore: Bogo jabumēremu a'i no'o Simano Vaejavuaje Ae iae ō'idōre ijajējo.

*Biririvoromo God-are ōrire jō jōvoromo mu avo'avoho vaenōvo'irōhe jōhoje.*

<sup>2</sup> Rōhu God-are ōrire jō atē'iroho nadi u'uvo'i a'i biririvoromo nune jioromo hesi ōroro mabēhe uaromo jōho atore.

<sup>3</sup> God-are ōroro jōho atoromo rōhu nosi jōēni ēninamirego huro nosi ōroho jiovahuo'iro no Keriso-are jō subivahuadoho ae huruoho majēhi'irōhe. Ējō majēhijajohuni ēhuni aēro savoji gagore ba'amev'ē'ero hijajeje.

<sup>4</sup> Ēninamirego na ē jō hesi bēhoho avo'avoho huruoho majēhi'iro aēro ma-mae heruorōhe. Naehu ēhi ē'ē'oho iae maeje.

<sup>5</sup> O Keriso-are jō bogo heruomaje aribōviohu'o gemuore raromē'iroho simanoho avoho uehorovoromo jabu'oho raromo jijihore. Jabu'o raromoromo rōhu majae eni jiamu gavē'iroho nadi ēma raromo'i a'i biririvoromo jabesi ōroro avoho ajēmire.

<sup>6</sup> Rōhu jemēhu jabu'o jō atē'oho jemēro vuēvo'e jō mahemu atore. Ēhi jīē'e jō atē'oho ēhuro he'irarije aēro Keriso-are jō bēhoho he'i uē gēvamu hejē'oho ae gemu gemu avoho majēhibe va'a'aruje.

*Ijo tugoho'i jejemijare jōhoje.*

<sup>7</sup> Tychicus-ro ō'oromo naehu rabe rabe ē'aje jōho majēhi'iramu he'a'aruje. Hu nosi huē baerovarue ōeje. Hu no'o bimuvoromo Badare muohemu vaejahajeje.

<sup>8</sup> Ēa naehu nug'ō'iē'aje hesi bēhoho huro ō'oromo jōho majēhijego noehu diehi raromarue jōho jemēro hejego dē vōvōbajo'oho mae jēvorōhego ēhuni nug'ō'iē'e.

<sup>9</sup> Rōhu Onesimus-ro Tychicus'o gemu mae ō'ē'e. Onesimus nosi huē baerovarue ōhuro jīē'ero biririvoromo Keriso mae uehorovajeje. Hu jemesi ae gemuhoje. Tychicus'o Onesimus'o niō'iro noehu rabe ē'aruoho majēhi barē'iramu he'a'aruje.

<sup>10</sup> Rōhu na'o savoji gagore hijaje aho Aristarchus-ro jemesi ōrire jejemije. O Mark Barnabas-are muenohuro jejemije. Rōhu Mark ō'ē'oho jejamiromo uare: Nosi osaro ro hijējo. Ējōho na mami'e bojēmamu gavarijeje.

<sup>11</sup> Rōhu Joshua iho gōho Justus hu'o jemesi ōrire jejemije. Aristarchus o Mark o Joshua ē Jew rajoho niō'i gemu jaburo sivue na'o bimuvoromo God-hu muebejaje ōri ari'o hesi muoho vaejarujeje. Vaeromo ma-mabēhe ajemijē'ejō. Jew rajo ioro'ioroho bogo ajemijarujeje.

<sup>12</sup> O Epaphras jemesi ae gemuoho Iesu Keriso-are mu vaejahaje ahuro jemesi ōrire jejemije. Huro jemesi jōēni bōrōmo mae biririvoromo God-are ōrire ēninamijajeje huro ajēmego jemēro a duvahon'ō'e biririvoromo riravoromo hesi jōho uhohu'o ma-mae hō uehorovoromo huhu rabe rabe nimajēhi ēhi ejaho barē'irarijejo.

<sup>13</sup> Ēhi ēninamiromo mu bōrōmo bōrōme vaejajeje jemē'o Laodicea amo rajohu'o Hierapolis amo rajohu'o ajēm'i'irōhēni. Mu bōrōme vaejamu gavē'ero naro majēhije.

<sup>14</sup> Rōhu oso muebejaje ae nosi huē baerovaruoho Luke o Demas jabu niō'iro jemesi ōrire jejemijō.

<sup>15</sup> O Laodicea raromarue Christian ō mueno'ohu'o jejemijode hōre. O Nympha nasi Christian ma'ine o hesi osare ro gagovoruomaje ekaresiahu'o jejemijode hōre.



<sup>16</sup> Rõhu ave surire jö baeromo adahë'iroho suroho nugö'öromo Laodicea amo rajoho uërego jabu'o adaho'irovo. O naehu Laodicea amore nugö'öjode suroho jabuhu jemëni nugö'öjë'iroho jemë'o ëho adahore.

<sup>17</sup> Rõhu Archippus uare: Badahu bojamade muoho avo'avoho uehorovoromo vae barënëjo. Ëhi uane.

<sup>18</sup> Rõhu ave jöho naro nasi övëro jajive gare. Paul naro jemesi örire jejëmije. Na savoji gagore hijaje jöho nadi rumonimore.

God-ro jemë huë baeromo ajëminövo'ë'e. Ahia mino'e.

## 1 THESSALONIANS

*Paul'o hesi ariböviohu'o jabuhu Thessalonica amore raromaruve ekaresia jabeti örire jejëmjare jöhoje.*

<sup>1</sup> O asë'e Thessalonica ekaresiaho Paul naro Silvanus-ro Timothy-ro ave jöho bamëhö. Jemë God Vavu hesi o Bada Iesu Keriso-are ekaresiaëro jëvë'ëro Thessalonica amore raromarujoho noro jemesi örire jejëmjö. No nague God-ro huë baeromo ajëmjijego maro raromo'irarijego.

*Thessalonica ekaresia ariböviehu biririvoromo God mae uehorovoromo raromare jöhoje.*

<sup>2</sup> No God-are örire jö atë'iroho no jemë ae aho'obëhe uehorovoromo jemesi jöëni majae ëhi God huë mae uavarueje.

<sup>3</sup> Nosi Vavue God-are örire ëninamijë'iroho noro ave jöho uehorovarueje. Jemëro Keriso mae uehorovoromo ëhuro mu maho vaejarujeje. O ae gö huë baejëvoromo ëhuro i'u'e muoho vaejarujeje. O biririvoromo nosi Bada Iesu Keriso ga'i muebemu muebejarujeje.

<sup>4</sup> Nasi ö mueno'e noro garomo uvarueje: God-ro hesi dë vövöbajo'o uhohu'o jemë rajëhijaje höjo. Rajëhijajoho hesinö jëvoröhego uvë'ëro ëhu'ëro huro jemë baejëvade höjo.

<sup>5</sup> Noehu ëhi uvarue hesi bëhoho urimë'i noehu Keriso-are jö ma majëhijarevare evare no bogo ma-jö'l'ëremuoho ë jö maho majëhijareje. A'i no God-are darugohu'o Aru'ahohu'o baejë'ëro ëhu'ëro biririvavuamu jöho majëhijamu ma-burëro ejahuarijeje. Noehu jemesirire raromoromo jemesi jöëni diehi jï'e mu vaejaroho iae jemë gavarujeje.

<sup>6</sup> Röhu no'o Bada'o noehu raromo jijiharëhi jemë'o ëhi gemuoho raromo jijihonövarijeje. O noehu Keriso-are jö majëhijarevare jemë gavarijeje huë vavaene jemesi örire rovamu. Röhu God-are Aru'ahohuro jemesi dë vövöbajo'o avohëhamu jemëro nimorohoromo jöho biririvoromo ejahuarijeje.

<sup>7</sup> Nimorohoromo jöho mae ejahuamu Macedonia sa'are Achaia sa'are raromaruve Christian aribövie aho'obëhe jemesi mu ma hesi jöho heromo uvoruomë'eje: Ë'lego no'o ëhi jï'e muoho vaejarëjo.

<sup>8</sup> Ëhesi bëhoho jemëro mu mae vaejë'ëro ëhu'ëro Badare jöho jemesirire jioromo jemesi sa'ae Macedonia rumorovoromo sa'a göho Achaia rumorovobe va'ë'eje. Röhu gö'o jemëhu God mae uehorovaruje jöho sa'ae dinö'e dinö'e rumorovobe va'ë'eje. Rumorovobe va'amu ae he barëjë'ego no bogo röhu maho aho majëhiromo uë'eje: Thessalonica amo rajohuro God mae uehorovoruomaje höjo. No bogo ëhioho uë'eje.

<sup>9</sup> Ëhesi bëhoho jaburo mami'e hejë'ëro jabeti ri'öromono nosi jöho ae majëhiromo uëruomajeje: Paul-mëhu Thessalonica amore aevoromo va'arevare ë amo rajohuro jabeti örire mabëhe rajëhiromo baejëvare höjo. Baejëvoromo sareri'e darugo rumo'e inömo masije höromo ëhemo uehorovoruomadoho vuonugo'i God darugo'e hijaje a ma hesi muoho aevoromo vaeruomade höjo.

<sup>10</sup> Aevoromo God-are muoho vaeromo hesi Harihoho muebejare höjo huro ö'idöre jioromo rueröhego. Harihoho iae Iesuoje. Guomamu God-ro ajamamu ri'öjadeje. Ri'öjë'ëro huro no ajamuijajeje ëhuro vörö'e maja rovë'oho God bogo dëho vörönimoromo i'uoho mana bojamuijego bae'i a'i mae raromo'iröhego.

## 2

*Paul-hu Thessalonica hiromo diehi mu vaejade jöhoje.*

<sup>1</sup> Röhu nasi ö mueno'e jemë'o gavaruje bogo noro ö'oromo Keriso-are jöho majëhijamu ë muoho sisërëjadeje.

<sup>2</sup> Urimë'i noehu jemesirire bogo ö'i Philippi amore raromarevare evare ë amo rajohuro huë vavaene bojamuiromono mu sisë vaejavuareje. Ëhi ë'aroho jemë iae hejë'e jëve. Ëhi'amu noro jemesirire ö'amu jemesi amo rajohuro nosi jöho bijönimoromo ri'öromono no'o muorovo'ie'areje. Muorovo'ia'amu röhu nosi Böröme God-ro ajamuijamo no bogo vuonugo'i biririvoromo hesi jö maho jemë majëhijareje.

<sup>3</sup> Ëhesi bëhoho aehu simano huotorovojöro mu jö majëhijë'oho no bogo simanoho garaeromo sareri'e jöho mae höromo jöho majëhijarujeje. No bogo uehoro sisëho baeromo jöho majëhijarujeje. No bogo aho sarerëmi'i nimoromo jöho majëhijarujeje.

<sup>4</sup> A'i God-are jöho mae majëhijarujeje. Ëhesi bëhoho God-ro no göromo uvadeje: No eni javuajë uvoromo hesi jö maho nosi örire bojamuadeje noro majëhiröhego. Hesi jöho

bojamuij'ëro ðhuni noro jho avoho majhijarueje bogo aho heromo nimoroho'i a'i God nosi d vvbajo'o gvuajohuro nimorohojro.

<sup>5</sup> Noehu jem bogo mae bogo sanusanumiromo sareri sareri'e j majhijaroho jem iae gavarujeje. No bogo nosi sinohemuoho uehorovoromo bvioho bise'oho bojamuijro nimoromo jho majhijareje. God-ro g'ego no j mae uvo.

<sup>6</sup> No bogo ma-aero rajahuijro bogo ðhunioho jem jho majhijareje bogo jemero o a ioro'iorero rajahuijro.

<sup>7</sup> No Keriso-are apostle mo'mohuro javu'ro hesi darugoho baej'e javue. Hesi darugoho baej'e javu'ro ðhu'ro no masije riravoromo i'u'e muoho jem bojmi'ibejo iae mae jio'ibejo. Rhu no bogo ðhioho 'i a'i noro jemo raromoromo ma-sanu'e jhemu majhijareje. Vmehu aboji harihu'o sanumiromo muebejaruhi noro ðhi jemesi rire ma-sanu'e jhemu majhiromo muebejvareje.

<sup>8</sup> No jemni vavaenaguo avoh'ro ðhuni no uvareje: No bogo ma-God-are j mahemu bojmi'i nosi d vvbajo'o uhu'o bojmi'ejarjo rabni noro jemesi rire d vvbajo'o aho'o rajhij'ro javu'ro.

<sup>9</sup> Nasi  mueno'e noehu jemo raromoromo i'u'e mu bogo bise'o vadu'o vaejaroho iae jemo uehorovarujeje. Noehu God-are j ma majhijarevaroho no bogo ðhemuoho 'i sisine vahie majae nosi vero biririvoromo i'u'e mue vaemu vaebe va'oromo ðhuro nosi manah birohoromo iruno'oho bvioho bise'oho imonvareje. No God-are j ma majhiromo bvini bise'ni mana ninmij'oho no bijnaguadeje jem anojmijni. ðhuni ðhi 'areje.

<sup>10</sup> Jemo God'o iae gav'e jve Keriso mae uehorovaruje aribvi jemesi rire noro diehi ji'e muoho vaejvamu. Noro God-are jhemu uehorovoromo mu maemu vaejvamu ðhuro j sisho bogojio'i j maemu jiadeje.

<sup>11</sup> Vavuehu hesi aboji harihu'o mu ri rjhijajhi noehu jem ae gemu gemu ðhi rjhijaroho ðhu'o gavarujeje.

<sup>12</sup> Noro jem sanumij'i jgore mmij'i jemesi uehoroho biririvhojro unvareje God-hu nimajhi jemero ðhi raromo jijih'irarijego. ðhi unvareje. ðhesi bhoho God-ro uvajeje jemero hesi ri ari'ere iojiomoromo hesi aji mare raromo'irarijego. ðhuni 'areje.

<sup>13</sup> Rhu noro ave jhu'o uehorovoromo vae majae God-are rire rajahijarueje. Noehu God-are j b'oromo majhijamu hejarijevare jem heromo uvarijeje: jho bogo ma-a joehu jio'i God-are je h uvoromo ejaharijeje. Iae mae uvarijeje. Iae God-are jeje. Hesi johuro jem biririvvego ðhuro hesi rire mae uehorovaruje aribvioho mae jvajeje.

<sup>14</sup> Nasi  mueno'e God-are ekaresiae Iesu Keriso-are aribviehu Judea raromoromo vavaeni baejarhi jemo ðhi hu vavaene baej'e jve. Jew rajehu jabesi rire 'arhi jemesi sa'a rajohuro ðhi sis vaejvo'i arij'ej.

<sup>15</sup> Jew rajohuro ðhi jabesi sa'a rajo ekaresiaho sis vaejvareje rhu  hesi urimo jabesi hijo miono'ohuro j God-aro baeromo majhinvare aribvioho muo'amobe ruejuvo evare  Jew rajo aribviohuro Bada Iesu'o anareje. Bada Iesu anoromo no rarov'javuareje. Jaburo God-are rire hu sis bojamiromo nu hu'e muoho ae aho'obhe nosi rire vaejarueje.

<sup>16</sup> Nu hu'e muoho vaeromo nosi roho tugoho'i'areje ðhuro no bogo sa'a ioro'ioro rajoho Keriso-are jho majhijego bogo ejahoromo maroho va'oruomorhego. ðhi ji'e mu sismu vaebe rovaroho jaruvoho brmo bhe jio'ego iae bar'i God-ro d vrnim'ro i'u'e mana bojmi''e.

*Paul-hu Thessalonica ekaresia rhu maho va'o g'i nimade jhoje.*

<sup>17</sup> Nasi  mueno'e rhu vaev'e no jemo raromoromo diro gre rovaroho vmu vavu'o rumo'e va'ne majae bunemu hesi uhure ðhi javuanovadeje. Iae nosi uehoroho jemo jiadeje rhu no jemesi nu ano'oho bogo gvareje. Bogo gv'ro jemni sis maro vavaenagumu re nahareje 'oromo jemesi nu ano'oho g'irovo. ðhuremu uehorovareje.

<sup>18</sup> No 'i nagumu Paul naro re naho'i hi'ego Satan-ro nosi roho tugohahu'o'ego 'orhoho bogo eni javuonvadeje.

<sup>19</sup> Nosi Bada Iesu rovamu hesi nunire rirav'oho no rahumesi jho uehorovoromo d sasohoromo nimoroh'i uvo'ejo: No  aribvioho mae ajmiromo ruah'j'e javuajjo. No bogo a ioro'ioro jabesi jhemuoho uehorovo'i jemesi jhuni ðhu'o nimoroho'ejo.

<sup>20</sup> Iae maeje. Jem mae jvo'iramu ggorovo jemesi jni nosi ihoho dro ri''iramu nimorohoromo God mabhe ua'ejo. Iae ðhuni 'oromo g'i nagueadeje.

## 3

<sup>1</sup> Ö'oromo gë'i naguamu bogo jemë'o'oho gemuoroho raromojuvo bogo eni javuamu noro Silas-mu niö'iro uvareje: È'ego nosi sivue Athens amore ari'i

<sup>2</sup> Timothy nugö'öjego huro va'oromo Thessalonica amo rajoho gëromo jöho heromo ro majahuego heröhe höjo. Timothy hu nosi Christian öëro jië'ëro no'o bimumvoromo God-are muoho vaeromo Keriso-are jö maho majëhibe juvaje jië'ëgo ëhuni noro Timothy nugö'öjareje ö'oromo jemë ajëmego jemëro biririvoromo Keriso avo'avoho uehorovo'irarijego.

<sup>3</sup> Jemëhu Keriso uehorovarujohuni jemesi örire huë vavaene rovego mae uehorovarujoho vuonugojöëni ëhuni Timothy nugö'öjareje. Röhu Christian aribövi noehu huë vavaeni bae'iröhoho God-ro bamahuadeje. Jemë ë jöho iae gavarujeje.

<sup>4</sup> Èhesi bëhoho urimë'i noehu jemë'o raromarevare noro uëvareje: Aëro sisë vaejavuo'iramu huë vavaene bae'ëjarëjo. Noehu uëvarehi iae ëhi jië'e huë vavaenoho rovamu gavë'e jëve.

<sup>5</sup> Röhu jemesi jöho bogo hejë'e ëma hibe rovodoho hejode bogo eni jevamu hegorovo ëhuni Timothy jemesirire nugö'öjodeje jemëhu diehi diehi Keriso mae uehorovaruje jöho he'iro. Èhesi bëhoho na juhuonivoromo uvodeje: Nani evaho Satan-ro jemesi dëho bijioho gëvamu rireromëvë'e höjo. Èhu'ëro noehu vaejare muoho aho'o sisë'rë'amo'ajëjo. O diehi jio'amo'ajëjo. Èhuni Timothy nugö'öjamu jemesiriroho ö'adeje.

<sup>6</sup> Timothy nugö'öjamu ö'ë'ëro röhu aviavejö'e jemesi jö maho baeromo vuonorö'ö rueromo uövuadeje: Iae jemë Keriso mae uehorovoromo huë baerovaruje höjo. O jemëro no uehorovavuoromo noehu jemë gë'i vavaenimaruëhi jemë'o ëhi no gö'i vavaenimaruje höjo.

<sup>7</sup> Nasi ö mueno'e no huë vavaene uehore gö gö hesi uhure raromamu u'uvavuë'iro hejare jemëhu Keriso mae uehorovaruje jöho Timothy-ro barovamu heromo jemesi jöëni nosi dë vövöbajo'oho biririvahuadeje.

<sup>8</sup> Èhesi bëhoho avevejö'oho jemëhu biririvoromo Bada'o gemuore raromarujohuro ëhuro no ma-mae raromarueje.

<sup>9</sup> Iae no nosi Böröme God-are nuniro javuoromo jemesi jöëni sisë maro nimorohavue. Èhi jië'oho no rabu jöe majahiromo hesi ö'iroho rajahi'ejo.

<sup>10</sup> Vahie majae jene noro hesi örire biririvoromo ua'i arijarueje huro ajamuijego ö'oromo jemesi nu ano'oho garomo jemëhu Keriso mae uehorovarujoho bisemu bogo eni jëvego ajëmi'iröhëni.

<sup>11</sup> Röhu no nague nosi Vavue God'o nosi Bada Iesu'o nosi öroho avohahuego maro ö'iröhëni.

<sup>12</sup> No nague Badaro ajëmego jemë ae göëro gö avoho rajahirovobe a ioro'iorohu'o avoho rajahuibe va'oromo ijonö ma-mabëhe jëvoröhego. Noehu dë vövöbajo'e aho'o jemë rajëhijaruëhi jemë'o ëhi ë'irarijego.

<sup>13</sup> Èhi ë't'ë'oho Badaro ajëmi'iramu jemë biririvobe va'öjuvo hujeji nosi Bada Iesuro hesi aribövie aho'obëhe nosi gemuore rue'iramu evare jemëro nosi Vavue God-are nunire ma-mae riravo'aruje. Mae riravo'iramu jö sisë bogojëvo'i hesi aribövi maemu jëvo'ë'e.

## 4

*God-hu nimaje mu hesi jöhoje.*

<sup>1</sup> Nasi ö mueno'e röhu jö göho Bada Iesuare ihore jajivo'ejo. Avo'avoho raromo jijiho'irarije jöhoje. Jöho bogo bise'o vadu'ohoje. Jemë ëho garomo avo'avoho uehorovore. Mami'e jemë hejarijeje noro uëvavamu: Èhi ëhi avoho raromo jijihorego God-ro gëromo nimoroho'irajo. Èhi jië'e jöho hejë'ëro jemë iae ejahuarujeje. Röhu no nague jemë gö'o gö'o döre avoho ejahuobe va'irarijego.

<sup>2</sup> Noehu jögore rabe rabe Bada Iesuare ihore majëhijamu hejarijoho jemë iae eni gavarujeje.

<sup>3</sup> God hu aviëhi jië'e muoho nime. Hu nime jemë öehu jijihanovo'irarije muoho bogo vae'i mu maemu vaenövo'irarijego.

<sup>4</sup> Jemë ae gemu gemu aho'obëhe magonaho masu'ië'iroho mu maemu uehorovoromo dë vövöbajo'ohu'o rajahiromo masuromo ëhi gemuoro raromore. Èhi jië'e muoho avo'avoho gare.

<sup>5</sup> Nadi Christian rumo'e God bogo gavarue aribövieu ë'aruëhioho ë'anovoromo masino hesi ganiganiohuniho magonahoho masure.

<sup>6</sup> O jasi öho nadi sareramiromo vajiohuvoromo hesi vaboroho baene. Ëhi jië'e mu vaejarue aribövioho Badaro i'ue mana bojëmi'ë'e. Ëjõho mami'e darugo'o majëhijamu hejarijeje.

<sup>7</sup> God-ro no hesinö rinaguadeje bogo ehuro no öero jijihanovo'i a'i mu mahemu vaenövo'irõhego.

<sup>8</sup> Ëhuni ae rahu ëhi jië'e jögoru dejonö bu'öromo öehu jijihanovë'o'ho ëhi jië'e aribövioho jahu bogo aho no bijõnaguo'i a'i God bijõnimoruomajeje. Röhu God-ro hesi Aru'ahehu mu maemu barovajoho suvuoramuijajeje. Aru'ahehu mu maemu barovajoho suvuoramuij'ëro ëhuni no ëhi gemuoho mu maemu vaebe jijih'ejo.

<sup>9</sup> Röhu jemesi Christian ö mueno'o rajahirovo'irarije muoho God-hu mami'e röjëhijadoho no rabëni röhu maho sionoho röjëhi'ejo.

<sup>10</sup> Christian ö mueno'e aho'obëhe Macedonia jemesi sa'a börömore raromaruoho jabesi örire jemëro iae huë baejëvoromo rajëhijarujeje. Röhu nasi ö mueno'e noro üevö jemëro ëhi jië'e muoho gö'o gö'o döre avoho vaebe va'irarijejo.

<sup>11</sup> Röhu jemesi ma-jörume raromoromo jemesi muohuremu vaere. Noehu üevärëhi jemëro ëhi'oromo jemesi övëro birivoromo bövioho bise'o'ho baere. Ëhi jië'e muohuremu avoho uehorovore.

<sup>12</sup> Ëhi ëtë'o'ho ehuro God bogo ma uehorovarue ariböviohuro jemë gëromo mae uehorovëvo'i jemë bövie bise'e eni jëvo'ë'e.

*Iesuho sa'are vuonorö'ö ruerõhe jö noehu uehorovego huë vavaeni u'uhahuorõhe jõhoje.*

<sup>13</sup> Röhu nasi ö mueno'e jö göho no nague vuovë'e aribövioho diehi jioruomajoho jemë ga'irarijejo ehuro bogo vavaenëgorõhego. Hesi a ioro'iorohuro uehorovoromo uvarueje: No vuovoromo bogo ri'ö'i ma-ioro'ioremu vuovo'ejarëromo sisë maro vavaenimarueje. Jabuhu vavaenimarüehioho jemë bogo ehioho vavaenëgorõhego ëhuni ave jõho jajivo'ie'ö.

<sup>14</sup> Noro mae uehorovoromo uvarueje: Iesu guomoromo röhu i'ovoromo ri'øjade höjo. Ëhi uvaruohuni ëhuni uvo'ejo: Iesu mae uehorovoromo vuovë'e aribövioho jahu'o God-ro i'ovëvoromo Iesu'o gemu mae söjëvo rue'a'ajëjo.

<sup>15</sup> Ëhesi bëhoho ave jõho Badahu röjahuijade jõho no jajivo'ie'ö. Bada sa'are rovë'iroho ave sa'are raromarue aribövioho noro vuovë'e aribövioho bogo iosirëmiromo maroho jio'i a'i jabumëro urimo ri'öruomo'ë'e.

<sup>16</sup> Ëhesi bëhoho aëro heruomo'ë'e jöe bojëmiromo darugo'o uvavo'iramu anera börömhuro uvavo'iramu God-are hëgõho huavo'iramu. Ëho he'iramu gavë'i evare Badaro ö'idöre jioromo ruvebi'ë'e. Ruvebi'iramu Keriso-are aribövie vuovëvadoho urimo ri'öruomo'ë'e.

<sup>17</sup> Ri'ö'iramu röhu ijonö bogo vuovë'e ave sa'are raromaruoho God-ro no jahu'o gemu mae suehu'o ma-burëro baejavuo ajiomoromo gagovavuo'ë'e noro Bada birohjöro. Ëhi'onugoromo ioro'iore gemu Bada'o gemu mae raromo'ejo.

<sup>18</sup> Ëhi javuo'ie'e jiaje ëhuni ë jõho majahirovorego jemesi dë vövöbajo'oho mae jëvo'iro.

## 5

*Badahu ruerõhego noehu avoho mueberovo'irõhe jõhoje.*

<sup>1-2</sup> Röhu nasi ö mueno'e Bada Iesu divare rovego mu masije gö gö divare rue'irõhe ë hesi jõho no bogo jajivo'ejo jemë mami'e hejë'ëgo. Mami'e hejë'ëro ëhu'ue iae garomo uvarueje: Badare majaho vajiohu'e aehu vahi'e rovajëhi ëhi ma-majioho rue'a'ajëjo.

<sup>3</sup> Keriso bogo ma uehorovarue ariböviohuro uvoruomo'iramu: Jaruvoho muorovo'ho bövioho bise'o'ho bogojio'i ma-mae raromaruë uvo'iramu evare God-are i'uohuro ma-majioho rueromo ë aribövioho ijumëvo'ë'e. Dë'e magonahehu ma-majioho hara'uaruëhi ë aribövioho ëhi ma-majioho ijumëvo'iramu aho bogo huruomo'ë'ö.

<sup>4</sup> Röhu nasi ö mueno'e jemë bogo ehioho jëve. Jemë bogo ramoramoro'ho raromarujeje. Ramoramoro raromo'ibejarije jemë ga'ibejarije ë majaho vajiohunö'e ma-majioho rovego tiö'ibejarije. Röhu jemë bogo ehioho jëve.

<sup>5</sup> A'i jemë ae aho'obëhe ajie majare raromaruje aribövioho jëve. No bogo vahi'e ramoramore raromarue aribövioho javue.

<sup>6</sup> Ëhuni a ioro'iorehu ma-momorö'öjaruëhioho no bogo ehioho ma-momorö'ö'i a'i nune jioromo simanoho avoho uehorovo'ejo.

<sup>7</sup> Aehu momorö'öj'ë'iroho vahi'e momorö'öruomajeje. Vörö'e jovo ue'ahamu simano sisërëjävë'o'ho ëhi jië'o'ho vahi'e ë'oruomajeje.

<sup>8</sup> Vahi'e ēhi ē'oruomajeje rōhu no maja'ere raromarue aribōvie javu'ē'ego ēhuni nosi simanoho avoho uehorovoromo muoho avoho vaeromo ēhuro biririvoromo riravo'ejo. Muorovo majare biririvoromo riravo'iē'iroho biriri'e niōgoho vinebinō io'amoruomajeje bijo vōsōho ē namiromo sugigivego biririvoromo riravo'irōhēro. Keriso-are aribōviehu ēhi biririvoromo riravo'iē'iroho noro Keriso mae uehorovoromo a ioro'ioroho dē vōvōbajo'ēro rajēhi'ejo ēhuro biririvoromo riravo'irōhēro. O muorovo majare aehu biriri'e bosō simanore io'amoromo biririvaruēhi noehu ēhi biririvo'iē'iroho uvo'ejo: Ijonō God-ro baejavuoromo no maro bamavuo'ajē uvē'e raromo'ejo ēhuro biririvavuorōhego.

<sup>9</sup> God-ro hesinō baejavuadeje bogo nosi sisēhuni i'ue bojamui'irōhēro. Hu bogo ēhunioho baejavuadeje. A'i huro no baejavuadeje nosi Bada Iesu Kerisoro nosi sisēho ajamuij'ēro maro bamavuo'irōhēro.

<sup>10</sup> Huro nosi sisēho ajamui'i noni guomadeje ēhuro ave sa'are biririvoromo raromē'oho o vuovavu'ē'oho no hu'o gemuoro raromō'irōhego.

<sup>11</sup> Ēhuni ajamirovoromo jō mae majahirovarujēhi ēhi ē'orego ēhuro avoho biririvēvoromo mae jēvobe va'iro.

*Paul-hu ijo tugoho'i jajivade jōhoje.*

<sup>12</sup> Rōhu nasi ō mueno'e jō gōho majēhi'iē'ō. Ējōho bogo nu huē'e jōho jio'i ma-sanu'e jōemuje. Aehu jemesirire mu bōrōmo vaeromo Badare ihore jemē muebejēvoromo jōgoru majēhijarue ē aribōvioho jemēro mae uehorovēvore.

<sup>13</sup> Mae uehorovēvoromo jabesi muoho uehorovoromo rajēhi avohore. Rōhu iro muorovo'oho nadi vae'i ma-raromore.

<sup>14</sup> Rōhu nasi ō mueno'e ave muohu'o vaere. Mu bijōni'e aribōvioho uēvego mue vaej'ē'e raromō'i. O juhuoni'e aribōvioho ajēmego dē vōvōbajo'oho mae jēvo'iro. O darugo u'uhēv'ē'e aribōvioho ajēmego biririvēvo'i. Ae aho'obēhe jabesi ōroro ma-sanu'e jōhemu majēhire.

<sup>15</sup> Avoho mueberovore. Aehu mu sisē vaejēv'ē'oho nadi mana mu sisēho vaere. A'i ae gōero gōho huē baerovo'i o a ioro'iorohu'o huē baejēvo'i ē'ō gare.

<sup>16</sup> O vae majae nimorohonōvore.

<sup>17</sup> God-are ōroro jōe majahiemu majahinōvore.

<sup>18</sup> Mu diehi rov'ē'oho hesi ōroro huē mae uanōvore rabēni Iesu Keriso-are aribōvioho jemēro muoho ēhi vaejōro God-ro nimē'e jiaje.

<sup>19</sup> God-are Aru'ahoho vēninō'e ravajoho nadi duohore.

<sup>20</sup> He'irarije aēro uēvego: God-are Aru'ahēro jōho bojemi'ego majēhijajē uēvamu hej'ē'oho nadi bijōnimore.

<sup>21</sup> Nadi bijōnimo'i a'i jōho jemesi simanēro mevoromo gare diho mae jiego diho sisē jiego. O mue aho'o ēhi mevo gare. Mae jiamu gavē'iroho avoho ma'enore.

<sup>22</sup> Sisē jiamu gavē'iroho aho'o vuonugore.

<sup>23</sup> Rōhu God hu ajamuego huē mae raromarue ahoje. Ēhuni na nege huro ajēmego jemēro uehore aho'obēhe ma-maēremu hesi ōrire gemu bojami'irarijego. Gōho na nege God-ro jemesi aru'ahē dē vōvōbajo'e sino haho'e aho'obēhe muebejēvobe va'ojōro ēhuro nosi Bada Iesu Keriso rov'ē'iroho jemē jō sisēho bogojēvo'i ma-maemu jēvo'irōhego.

<sup>24</sup> Iae huro ēhi ajēmi'ē'e rabēni jemē hesinō rinēgade aho God hu nue gemu uehorovaje aēro jī'ē'ero.

<sup>25</sup> Nasi ō mueno'e jemēro nosi jōēni ēhu'o parie vaenōvore.

<sup>26</sup> Christian aganehu jejamirovaruēhi aho'obēhe ēhi jejamirovore.

<sup>27</sup> Rōhu Paul naro Badare ihore ave jōho darugo'o majēhiromo uēve. Ave naehu jajivode jōho adahego Christian aganoho aho'o heruomō'i.

<sup>28</sup> Nosi Bada Iesu Kerisoro huē baeromo jemē ajēminōvo'ē'e. Ahia mino'e.

## 2 THESSALONIANS

*Paul'o hesi ariböviohu'o jabuhu Thessalonica amore raromarue ekaresia jabesi örire jejëmjare jöhoje.*

<sup>1</sup> O asë'e Thessalonica ekaresiaho Paul naro Silas-ro Timothy-ro ëhi noro jemesi örire jejëmjö jemë God nosi Vavu hesi o Bada Iesu Keriso-are ekaresiae jëvë'ego.

<sup>2</sup> No nague God Vavuohu'o Bada Iesu Keriso'o huë baeromo ajëmjego maro raromo'irarijego.

*Bada Iesu sa'are rovego evare nosi mu mae o sisë jiego God-hu mevo garöhe jöhoje.*

<sup>3</sup> Nasi ö mueno'e noro jemesi jöëni God mae uanövo'ejo. Ëhi jië'o'ho iae maeje. Rabëni. Jemë God mae uehorovobe va'ojuvo va'o ijonö börömo mae uehorovobe va'arujeje. O jemë ae gemu aho'obëhe rajahirovobe va'ojuvo va'o ijonö börömo mae rajahirovobe va'arujeje.

<sup>4</sup> Ëhuni jemëhu mu ma vaejaruje jöho noro baeromo God-are ekaresiae gö gö nimorohë'i majëhibe jijiharueje. Majëhiromo uëvarueje: Aëro Thessalonica ekaresiaho sisë vaejëvego huë vavaene börömo mae baerumaje höjo. Ëhi'oromo bogo u'uhu'i birivoromo Keriso mae uehorovuomaje höjo. No jemesi jöho ëhi atobe jijiharueje.

<sup>5</sup> Jemë huë vavaene baeromo röhu birivoromo Keriso mae uehorovego noro ëho garomo uvarueje: God-ro nosi muoho avoho mevo göromo diehi jië'e mu vaejarëhi manaho ëhi gemuoho bojamui'ajëjo. Iae huro jemë uë'a'ajëjo: Jemë mae jëvaje naehu börömo namiromo muebejaje öri ari'oro rojo raromhëjo. Ëhesi bëhoho avevejö'e God-are öri ari'o hesi mu ri'öröhego jemëhu nimoromo vavaeni baejarujohuni na ëhuni uëve.

<sup>6</sup> God-ro mu maemu vaeromo jemesi örire huë vavaeni bojëmarue aribövioho mana huë vavaene bojëmi'i

<sup>7</sup> huë vavaeni baejaruje aribövi jemesi örire mana huë sanue bojëmiromo no'o ëhi bojamui'ë'e. Bada Iesuhu nosi nunire rueröhe majaho rue'iramu evare God-ro ëhi jië'e muoho vae'ë'e. Bada Iesuro hesi darugo'e anera ömo'ömohu'o gemu mae ö'idöre jioromo

<sup>8</sup> vëni hödu'o rueromo God bogo uehorovoromo nosi Bada Iesuare jö ma bogo ejaharue aribövioho i'ue mana bojëmi'ë'e.

<sup>9</sup> I'ue mana bojëmi'iramu jabumë Badahu jiajiroho bogo raromoli hesi aji'eroho darugo'eroho bogo raromoli rori'o va'oromo ioro'ioremu sisërë va'ë'ö.

<sup>10</sup> Badahu rueröhe majare evare ëhioho jio'ë'e. Iae hu rue'ë'e hesi aribövie aho'obëhe noro hesi ihoho döro bamoröhego hu mae uehorovarue aribövioho noro hu rajahiruo-moröhego. Jemë'o ëhi ë'a'aruje ë hesi bëhoho noehu majëhjare jöho jemëro mae uehorovë'ëro jëvë'ëro.

<sup>11</sup> Badare ihoho ëhi döro jioröhego ëhuni noro vae majae jemesi jöëni nosi Böröme God ëninamiromo uavarueje: God jero Thessalonica aribövioho uëvane höjo jabumë jasi aribövie jioromo mae jëvojöro. Ëhuni ajëmego jaeu uëvane ëhi jië'e aribövie jioruomoi'irajo. Jasi darughuro ajëmego jabuhu mu ma vae'i nimaruocho aho'obëhe vaeromo Keriso mae uehorovoromo vaejarue muoho aho'o vae barë'irarëjo. Noro ëhi God ua gavarueje.

<sup>12</sup> Jemëhu ëhi jië'e mu vaejë'o'ho ëhuro nosi Böröme God'o Bada Iesu Keriso'o huë baejëvoromo jemë ëhi ajëmi'iramu ëhuro nosi Bada Iesuare ihoho böröme jio'i jemëro hesiro ajoho bae'a'aruje.

## 2

*Mu ma ijumaje aehu ma-va'orahoro rueröhe jöhoje.*

<sup>1</sup> Nasi ö mueno'e nosi Bada Iesu Kerisohu rueromo uövuego noehu hu jiajire gagov-oro muore raromoi'iröhe jöho noro majëhi'ië'ö avoho uehorovoi'irarijego.

<sup>2</sup> Aehu sarerëmiromo uëvaruoho: Badare majaho mami'e rovë'e hö uëvaruoho ëho heromo nadi ma-burëroho tiöromo uehore gö gö baere. Ëhi jië'e jö rovade hesi bëhoho nani aëro sarerivoromo uëvareje: Ëjöhö God-are Aru'aho hesiro baeromo majëhijaruëjo. O nani aëro jabesi ëma uehorovoromo majëhjareje. O nani aëro sarerivoromo uvareje: Paul naro ëhi jië'e jöho jajivoromo bamëhode höjo. Nani ëhuni uvarueje: Badare majaho mami'e rovë'e höjo.

<sup>3</sup> Ae göehu ëhi jië'e jö atoromo sarerëmi'i ë'o gavaruoho bogave ejëho'irarije. Badare majaho bogo ëma rue'i a'i ë hesi urimo ae aho'obëhe dë vövöbajo'e aho'o

huotorovoromo God bijönimoromo hu'o muorovo'ieß'iramu God-are mu ijumaje ahuro va'orahoro rueromo bövie nami'ë'e ijönö sisërë va'iröhëro.

<sup>4</sup> Bövie namiromomo jöe majahuiromomo uö'ë'e: Jemëhu bövie bise'e aho'o God höromomo rajëhijarujoho vuonugo'i na gemu börömoho hö uehorovevorëjo. Èhi uöromomo God-are osa börömore va'o hiromomo majahuiromomo uö'ë'e: Aviaa na God jevajëjo. Èhi ë'iramu ë hesi ijönö Badare majaho rue'ë'e.

<sup>5</sup> Jemë'o uehorovore. Naro jemë'o hiromomo ë hesi jöho uë'ego henövarijeje.

<sup>6</sup> God-are mu ijumaje aho u'emu rue'ë'e. Avevejö'oho ë ia hesi mu sisëho ahë'eje. Diehi'oromomo ahajoho iae jemë gavarujeje. Èmu sisëho ahobe va'ojuvo majae eni jio'iramu God-are mu ijumaje ahuro va'orahoro rue'ë'e.

<sup>7</sup> Röhu avevejö'oho hesi mu sisëho Satan-ro gurihoromomo ae uëvego vaejarujeje. Vaejogo mu sisë ahaje ahuro ahobe va'ojuvo rori'o bava'iramu evaroho sisëho bogo aho'ë'e.

<sup>8</sup> Sisëho bogo aho'iramu evare God-are mu ijumaje ahuro va'orahoro ro nami'ë'e. Va'orahoro ro nami'iramu Bada Iesuro rueromomo jö'o ögëro hadivoromomo ajoho röjahi'iramu sisërë barë'ë'e.

<sup>9</sup> Röhu urimomo Bada bogo rue'iröhëvare evare God-are mu ijumaje ahuro Satan-are darugoho barueromomo ae sarerëmiromomo darugo'e muoho röjëhi'ë'e aëro ëho garomomo tiöromomo sisë'i uehorovoromomo uvoröhëgo: God-are mu ijumaje aho mae höjo.

<sup>10</sup> Darugo'e muoho röjëhiromomo sareri'e mue bövie bise'e vaenövo'ë'e sisëre va'iröhe ariböviohuro garöhëgo. Jabuhu sisëre va'oröhe hesi bëhoho urimë'i Keriso-are jö maho bogo e'i bijönimoromomadeje. Jö maho ejaho'ibejo ëhuro iae maro va'oruomomo'ibejo. Röhu bogo ejarohuro ëhuro sisëro va'o hesi jioruome.

<sup>11</sup> Jö maho bogo ejahego ëhuni God-ro sareri'e jöho jabesi dë vövöbajo'ere bojëmijajeje jaburo ë jöho mae uehorovoromomoröhëgo.

<sup>12</sup> God-are jöho bogo ma uehorovo'i ma-mu sisëmu nimë'ëro ëhu'ëro jabumë aho'obëhe God-are nunire riravo'iramu huro uë'ë'e: Mu sisë vaejë'e aribövie jëvajëjo.

*Biririvoromomo riravo'iröhe jöhoje.*

<sup>13</sup> Röhu nasi ö mueno'e jemë Badahu rajëhijaje aribövioho jëvo'ego noro jemesi jöëni God mabëhe uanövo'ejo. Èhesi bëhoho urimë'i sa'a bövi bise'o bogo bamadevare evare God-ro jemesi jöëni uehorovoromomo uvadeje: Naro baejëvoromomo maro bamëvo'ejöjo. Nasi Aru'ahohuro jabesi dë vövöbajo'oho mae avohëho'iramu jaburo Keriso-are jöho mae uehorovo'iramu ëhuro ëhi ë'ejöjo.

<sup>14</sup> God-ro ëhi uvë'ëro noro Keriso-are jö maho jemë majëhijamu God-ro uëvadeje: Èjöho jemëro mae uehorovorego naro baejëvoromomo maro bamëvo'iröjo ëhuro jemesi Bada Iesu Keriso-are aji maho baejogo ma-mabëhe jëvo'iröhe höjo.

<sup>15</sup> Nasi ö mueno'e ëhuni biririvoromomo riravore. Biririvo riravoromomo noehu jö'ëhu majëhiromomo röhu ijönö surire jajivoromomo röjëhijare jöho ëhuremu ma'enoromomo uehorovore.

<sup>16</sup> Jemëro ëhi ë'irarijego no nague nosi Bada Iesu Keriso'o God nosi Vavuohu'o jaburo niö'iro ajëmijöro. Èhesi bëhoho urimë'i God-ro no uehorovavuoromomo huë baejavuoromomo no ioro'ioremu birire bojamuiromomo ajamuijë'eje noro nimorohë'i uvoröhëgo: Maro javuo'ajëjo.

<sup>17</sup> Èhuni no nague jabumëro jemesi dë vövöbajo'oho biririvëhego jemëro bogo juhuonivo'i mae riravoromomo mu maemu vaeromomo jö maemu atonövo'irarijego.

### 3

*Thessalonica ekaresiaehu Paul-mesi jöëni God-are örire ëninami'iröhëgo Paul-hu jaji-vade jöhoje.*

<sup>1</sup> Nasi ö mueno'e nasi ijo tugoho'i jöho jajivo'ieß'ajoho gare. Jemëro nosi jöëni God ua garego ajamuego Badare jö noehu majëhibe jijlharuoho ma-burëro rumorovo va'ego ae aho'obëhe heromomo uvoruomomo'i: Jö mabëhe höjo. Èhuro jemesirire jiajëhi ëhi jiobe va'iro.

<sup>2</sup> O ua garego God-ro ajamuego biriri'övarue aribövi sisëho no bogo baejavuoromomo sisë vaejavuo'iro ë hesi bëhoho ae göëro göëro Keriso-are jöho bogo ma uehorovarue jiaje.

<sup>3</sup> Röhu Bada hu bogo sareri'oho jio'i maëro jië'ëro huro jemë birire bojëmiromomo avoho muebejëvo'ë'e A Sisëho bogo baejëvo'iröhëgo.

<sup>4</sup> Röhu huro no uehoro maho bojamuego jemesi jöho mae uehorovoromomo uvarujeje: Jemë nosi jö ejuhauarujoho iae ëhi ejahuobe va'a'arujëjo.

<sup>5</sup> Röhu no nague Badaro ajëmijego jemesi dë vövöbajo'ere herovoromomo uvo'irarijego: God-ro mabëhe uehorovavuae hö uvoromomo Kerisohu vavaeni baeromomo biririvadëhi ëhi biririvo'irarijego.



*Övehu birivoromo bövi bise'lo baeröhe jöhoje.*

<sup>6</sup> Nasi ö mueno'e noro Bada Iesu Keriso-are ihore ave jö börömo majëhi'ië'ö. Ga'irarije Christian aganoho rahuro noehu bojëmijamu hejarije jöho bogo ejahuo'i mue bijönimoromo ëma raromamu gëvë'iroho gorëvore.

<sup>7</sup> Iae jemë'o gavaruje. Noehu ë'arëhi jemë'o ëhi ë'iibejarije iae mae jio'ibejo. Noehu jemë'o raromarevaro muoho bogo bijönimareje.

<sup>8</sup> No jemesi ioho bövioho bise'oho bogo ëma ujuoho'i imoromo ujuohonövareje. Sisone vahie majae nosi övëro birivoromo i'u'e mu börömo vaemu vaebe va'oromo nosi manaho bihoromo iruno'oho bövioho bise'oho imonövareje huë vavaene jemesi örire bojëmijöëni.

<sup>9</sup> Noro uë'iibejo: No God-are mue vaejarue javuaje bövie bise'e ma-suvuore bojamuihë uë'iibejo iae mae jio'ibejo. Röhu noehu bogo ëhi ë'are hesi bëhoho no naguadeje jemëro ga'irarijeko noehu nosi övehu birivoromo iruno'e bövie bise'e mana baejaruoho garomo ëhi gemuoho ë'irarijeko.

<sup>10</sup> Noehu jemë'o raromarevare evare ave jögoroho majëhiromo uëvareje: Ae rahu bijönimoromo mu bogo vaejë'oho ioho nadi i'imamirëjo.

<sup>11</sup> Noehu ëhi jajivarue hesi bëhoho no hejarueje uövüego: Jemesi a ioro'iorohuro muoho bijönimoromo ëma raromoromo ae gö jabesi muoho ëma ahobe jijiharue höjo.

<sup>12</sup> Ehuni noro ave jöho bojëmiromo Bada Iesu Keriso-are ihoro majëhijö. Ehü jï'e aribövioho uëregö ma-u'emu taemo raromoromo jabesi övëro birivoromo bövioho bise'oho bae'iro.

<sup>13</sup> Röhu nasi ö mueno'e jemëhu mu ma vaejarujoho nadi u'uhore.

<sup>14</sup> Ae rahu ave nosi surire jö bogo ejahuë'oho ëhi jï'e ahemu ga avohoromo nadi gavanovorego javoje bae'iro.

<sup>15</sup> Röhu nadi uvore: Hu no'o muorovaje ae höromo nue huodivo'i a'i uvore: Nosi öë höromo jögore majahijeko avoho hi'iro.

*Ijo tugoho'i jajivade jöhoje.*

<sup>16</sup> Bada huë mae bojamuaje ae jï'e'ego no nague jemë mae o sisë raromë'oho huro majae ëhi huë mae bojëmi'iröhëgo. Huro ae aho'obëhe jemë'o jio'ë'e.

<sup>17</sup> Paul naro nasi övëro jajivoromo jemesi örire jejëmiromo bame. Na surire jö jajivë'iroho nasi övo jajoho ëhi jajivajeje jemëro garomo uvo'irarijeko: Paul-ro bamahuë'e höjo. Naehu jajivaje hesi nu ano'oho ehije.

<sup>18</sup> Nosi Bada Iesu Kerisoro huë baeromo jemë ae aho'o ajëminövo'ë'e. Ahia mino'e.

## 1 TIMOTHY

*Paul-hu Timothy jecamade jöhoje.*

<sup>1</sup> O asê'e Timothy Paul naro ave jöho jasi örire jajive. Na Iesu Keriso-are apostle jeve ë hesi bëhoho baejavuoromo mare bamavuaje aho God'o noehu ga'i muebejarue aho Iesu Keriso'o ëho jaburo ë muoho bojemë'ëro ëhu'ëro.

<sup>2</sup> Naro Timothy jasi örire jecamije. Naehu Keriso mae uehorovajëhi jero nasi ijore ijore juvoromo Keriso ëhi mae uehorovanuëro javë'ëro ëhu'ëro ja nasi harihu mae jave. Na nege God Vavuohu'o nosi Bada Iesu Keriso'o ëho jaburo jabesi vavaenimoromo ajamijego maro hi'iranego.

*Timothy-hu sareri'e jö ahoröhe jöhoje.*

<sup>3</sup> Naehu ja'o hiromomo Macedonia sa'are rue'irögororo jasi örire jö bojamijode ë jöe gemuoho majahi'irögororo ë'e. Ephesus amoro ëhi hiromomo a ioro'ioroho darugo'o majëhiromomo uëne: Sareri sareri'e jö röjëhijaruho vuonugohëjo.

<sup>4</sup> Hijo miono'o jabesi vavu gö gö jabesi ihe gö gö mevohe va'emu va'arujoho a mami jöe gö gö ëma uehorovoromo atarujoho ëhi jië'e jöemu uehorovarujoho vuonugohëjo. Ëhi uëne. Ëhi jië'e jöemu uehorovë'ohuro ëhuro aëro jöho ma-berohemu beroho'i God-are muoho bogo avoho baejarueje ë hesi bëhoho God-are jöhuremu mae uehorovoromo ëhuro ë muoho baejaruëro jië'ëro.

<sup>5</sup> Jabuhu ëhi jië'e mu vuonugojöro jaehu majëhi'iranego uavode hesi bëhoho na negadeje jasi ariböviohuro bogo ma-döëremuoho aho uehorovëvo'i a'i mu maemu vae'i nimoromo dë maemu jëvego herovoromo uhohu'o Keriso-are jöho mae uehorovoromo ëhuro aho avoho huë baejëvoröhego.

<sup>6</sup> A ioro'iorohuro ëhi jië'e mu ma hesi öroho garaeromo aruëre anumëre ëma jijjhoromo jabesi jögoroho ëma berohemu beroharueje.

<sup>7</sup> Jöho ëhi berohoromo nimoruomajeje mu vaeröhe jögoru hesi öri röjëhijaruë ae jioruomoi'iröhëro. Ëhi nimoruomajeje röhu jabumë mu vaeröhe jögoru jö ataruë ë hesi bëhoho bogo avoho gavarueje. Bëhoho bogo gavë'e ëma biririvoromo jöho majëhijaruëje.

<sup>8</sup> Iae no gavaruoho mu vaeröhe jögoru hesi bëhi aehu avoho röjëhijë'oho ë jögorohuro ëhuro marëjavuo'ë'e.

<sup>9</sup> No ave jöhemu uehorovo'ejo. Mu vaeröhe jögoru bamade hesi bëhoho bogo aribövi mahunioho bamë'eje. A'i jögoru ahoruomajohuni hia'i biriri'övoromo jö bogo eroharuohuni o God bijönimoruomajohuni mu sisë vaejaruohuni o God-are mu ijumoruomajohuni sa'are mu sisëhemu uehorovoromuomajohuni o vavu muo'amaruohuni vëmu muo'amaruohuni o a ioro'ioro muo'amaruohuni

<sup>10</sup> o a'o magonaho'o öehu jijjihanovaruohuni o a'o a'o sihamirovaruohuni o ae gö vajiohehu guduamo ujuoho va'aruohuni o sareri sareri'e jö ataruohuni o court-re riravoromo sareri jö majëhijaruohuni o mu sisë rabe rabe vaeromo God-are mu ma aharuohuni ëhi jië'e ariböviohuni jögoroho bamë'eje.

<sup>11</sup> Ëmu ma jö hesi bëhoho God huë mabëhe hijaje a hesi aji röjahuijaje jöhoje. Ëjö hesi muoho huro na bojemadeje.

*God-hu Paul-ni vavaenimoromo ajamamu Paul-hu huë mae baejade jöhoje.*

<sup>12</sup> Naro Iesu Keriso nosi Badare örire huë mae uave rabëni huhu nasi muohuni darugo bojemadohuni o huhu na mae uehorovevoromo hesi mure bamevadohuni.

<sup>13</sup> Urimo naro Keriso-are jöho agoromo hesi aribövioho sisë vaejëvoromo biriri'övoromo hesi muoho ijumo'i ë'ö gabe rovodeje röhu huro hesi muoho iae bojemadeje. Huhu nasi jöëni ëhi vavaenimade hesi bëhoho naro hu bogo mae uehorovoromo nasi mu sisë hesi bëhoho bogo gavë'ëgo ëhuni ë'adeje.

<sup>14</sup> Vavaenimoromo nosi Badaro huë baejëvoromo börömo bëhe ajemiromomo uehoro maho huë maho bojemijadeje ë hesi bëhoho no Iesu Keriso'o gemuoro bimumvë'ëro javuë'ëro ëhi jië'e uehoro maho huë maho baejaruëro jië'ëro.

<sup>15</sup> Iesu Kerisoro sa'are rovadeje sisë aribövioho no baejavuoromo maro ramuo'iröhëni. Ëho jö maego ae aho'obëhe mae uehorovë'oho iae maeje. Sisë aribövi baejavuo'i rovadoho a ioro'ioroho ma-bisemu jëvanovo'i na gemu sisë maho jevë'eje.

<sup>16</sup> Sisë mae jevamu röhu Iesu Kerisoro nani vavaenimadeje. Nani vavaenimade hesi bëhoho ijönö hu mae uehorovoromo ioro'ioeremu mae raromo'iröhe aribövioho aho'obëhe jaburo uvoruomoröhego: Urimë'i Paul-ro mu sisë bëhe vae'i hijade höjo röhu Iesu Kerisoro hesi sisëho garomo huni vavaenimoromo hesi vöröho ma-taemorovobe

rovade hōjo. Ĕhu'ĕro no garomo uvarue hōjo: Kerisoro nosi sisĕhu'o garomo noni ĕhi vavaenimoromo hesi vōrōho ma-taemorovaje hōjo. Ĕhi uvoruomorōhego ĕhuni huro nani vavaenimadeje.

<sup>17</sup> Ĕhu'ĕro God hu mabĕheje. Hu bōrōme namiromo bōvie bise'e muebebe rovadoho ĕhi muebe'amobe va'ĕ'e. Hu bogo guomo'i ioro'ioremu jio'ĕ'e. Hesi nu ano'oho no bogo gavarueje. Hu gemu bōrōmohoje. Hu ĕhi jiĕ'e aĕro jiĕ'ĕro iho maho aji maho hesirohemu jiemu jiobe va'ĕ'e. Iae mae.

<sup>18</sup> Nasi harihe Timothy na ave jōho bojamije. Urimĕ'i aĕro jōe God-aro baeromo jasi mu jōgoroho majahuujamu ja'o na'o hejareje. Ĕjōe gemuoho naro ja uave ĕhuro jabuhu majahuujare jōhemu uehorovoromo biririvoromo Satan'o muorovoromo jō sisĕho ahonōvo'iranego.

<sup>19</sup> Satan'o muorovoromo jō sisĕ ahĕ'iroho Keriso mae uehorovoromo dĕ maemu jioromo ĕhuro biririvoromo ĕhi jiĕ'e muoho vaene. A ioro'iorohuro bogo ĕhioho dĕ maho jio'i a'i dĕre herovoromo uehorovoromo uvareje: Ĕmuoho sisĕ hō uvĕ'i rōhu ĕma ōmareje. Ĕma ōmĕ'ĕro ĕhu'ĕro Keriso mae uehorovare muoho ma-ioro'ioere gemu ijumoromo boremi'ō barĕjareje.

<sup>20</sup> A ioro'iorohu'o rōhu Hymenaeus'o Alexander'o ĕhi jiĕ'e mu sisĕho vaejĕ'ejō. Ĕhi'amu naro Satan-are ōvore bojamijodeje huro baejĕvego jaburo a'ororomo God-are ihoho bogo ijumorōhego.

## 2

*Ekaresiaehu diehi'oromo God uvene aho rōjahirōhe jōhoje.*

<sup>1</sup> Rōhu jō gōho. Jō majĕhi'irodoho ave jōho urimo majĕhi'ie'e. Ja'o jasi aribōviohu'o jemĕro ae aho'o jabesi jōeni uehorovoromo ĕninamijĕ'i bōviĕni bise'ĕni ua gavĕ'i huĕ mae uavĕ'i God-are ōroro jōe atonōvore.

<sup>2</sup> Ua gavego ave sa'are a masijohu'o jabesi bĕhire riravoromo ave sa'are mu muebejarue aribōviohu'o huro ajĕmego jaburo no avoho muebejavuego iro muorovo'oho bōvioho bise'oho nosi ōriroho bogo rovego no huĕ mae raromoromo God gemu uehorovoromo mu maemu vae'iro.

<sup>3</sup> Ĕhi ua gavĕ'oho mae jiego God-ro nimajeje ĕ hesi bĕhoho hu baejavuoromo mare ramuaje ahuro jiĕ'ĕro.

<sup>4</sup> Hu nime sa'ae dinō'e dinō'e raromarue aribōviohuuro Keriso-are jō maho avoho uehorovoromo ĕhuro ijonōho i'uooho bogo bae'i maro va'oruomorōhego.

<sup>5</sup> Ae aho'obĕhe ĕhi mare javuorōhego God-hu nimaje hesi bĕhoho huro gemuĕro sa'ae dinō'e dinō'e raromarue aribōvioho muebejavuajeje. Ae gemu Iesu Kerisoro God'o nosi ririre ōroho avohahuajeje.

<sup>6</sup> Ōroho avohahuajĕro jiĕ'ĕro ae aho'obĕhe noni guomorovadeje ĕhuro no sisĕhu tōvavuadoho jiovahuego no ae aho'obĕhe mae raromo'irōhego. Majae eni jiamu noni guomade hesi bĕhoho noro ĕho garomo mae uvorōhego: God-ro no ae aho'obĕhe maro ramuo'i nimajĕjo.

<sup>7</sup> Ĕjōho naro ae majĕhi'irodego ĕhuni God-ro apostle bamevadeje. Na bogo sarerami'i jō mae majahije. Huro apostle bamevadeje naro sa'a ioro'ioro rajoho rōjĕhiromo uĕ'irodego: Ave jōho mae jiaje mae uehorovorĕjo.

<sup>8</sup> Ĕhuni na nege dinō'e dinō'e gagovoromo God rajahijĕ'iroho ama'oho jaburo nu huĕ'e iro muorovo'e jōho bogo uehorovo'i uehoro maemu baeromo God-are ōrire jōe atonōvorōhego.

<sup>9</sup> O na nege magonahoho jaburo simane mae uehorovoromo niōgoho avoho ruhoruomomo'irōhego. Avoho ruhoromo bogo sinoho nimorohoromo moni bōrōmoho bu'ōromo niōgoho nieniaho bōvioho bise'oho aho'obĕhe imo'amoromo io'amoromo sinoho simano uoho avohorovo'i a'i uehorovo avohoromo niōgoho io'amoromo

<sup>10</sup> mu mae vaerōhego nege. Magonahehu majĕhiromo uĕruomĕ'oho: No God rajahijarue magonahe javuajĕ uvĕ'oho jabuhu ĕhi jiĕ'e mu vae'irōhoho iae maeje.

<sup>11</sup> Gemuore gagovoromo God-are jō hejĕ'oho magonaho ōmo'ōmohuro jōrume ma-taemo raromoromo ma-jōhuremu heruomoi.

<sup>12</sup> O magonahehu simano vaeromo ama'i jabesi ōrire church-re jō rōjĕhijĕ'oho ĕhi jiĕ'e muoho Paul naro ahajeje. Jōrume raromĕ'oho iae maeje.

<sup>13</sup> Ĕhesi bĕhoho urimoho God-ro aevo'ioho Adam bamoromo evare ijonō Eve bamadeje.

<sup>14</sup> Satan-ro bogo Adam sarerami'i a'i magonahoho sareramamu huro uvadeje: Mae hōromo God-are jōho ahahadeje.

<sup>15</sup> Iae ēhi jiajeje rōhu magonaho ōmo'ōmehu God-are ōrire mae uehorovoromo ae huē baejēvoromo God-hu nimaje muohemu vaeromo ma-taemo raromoromo ēhi jīē'e mu ma biririvoromo vaejē'ohō God-ro ajēmī'ē'e. Ajēmiromō gērōhe jabuhu aboji harihu'o rahamu gēv'ē'iroho ēhi jīē'e mu ma vaejarue magonahoho baejēvoromo maro bamēvo'ē'e.

### 3

*Ekaresia muebejēvarue aribōvi jabesi jōhoje.*

<sup>1</sup> Aēro uvarueje: Aehu ekaresia muebejēvo'i nimē'ohō mu mae bae'i nimoruomaje hōjo. Ēhi atoruumaje jōho iae maeje.

<sup>2</sup> Rōhu ekaresia muebe'amo'iē'iroho ēhi ē'iē'e a hesi ihoho ma-maemu jio'iro. Magonahe ma-gemu masu'iro. Simane sasohoromo mae uehorovoromo taemo hi'iro. Ae osare sōjēvo va'oromo nihudēgaje ae jio'iro. Jōe avoho rōjēhijaje ae jio'iro.

<sup>3</sup> Nadi vōrō'e jovoho iromō simanoho sisērē'iro. Nadi vōrō'irae'i ma-u'emu jō sanu'e majēhiromō muoho vae'iro. Nadi iro muorovo'ohō vae'iro. Nadi moniemuoho uehorovo'iro.

<sup>4</sup> Hesi osare raromarue aganoho avoho muebejēvo'iro. Avoho muebejēvoromo aboji harihu'ohō avoho rōjēhijago jaburo hesi jōho ejahoromo mu maemu vaeruumo'iro.

<sup>5</sup> O hesi osare raromarue agano bogo avoho muebejēv'ē'ohō hu diehi'oromo God-are ekaresiaho muebejēvo'ē'e. Bogo eni jio'ē'e.

<sup>6</sup> O i'e aevoromo Keriso mae uehorovade aho ekaresiaho nadi muebejēvo'iro. I'e aevoromo mae uehorovade aehu ekaresia muebejēv'ē'ohō nani hu hesi sivue uehorovoromo uvo'ē'e: Na a bōrōme jev'ē'ego ekaresia muebejēvaje mure bamevare hōromō Satan-are guare beva'ē'e.

<sup>7</sup> A'i God-are jō bogo hejē'e aribōviehu mu bae'irōhe a mae uehorov'ē'ohō ēhi jīē'e ahuro ekaresiaho muebejēvo'iro. O hesi ōrire bogo ma uehorov'ē'e ekaresia ēma muebejēv'ē'ohō hesi ihoho sisērē'iramu Satan-are guare be'ē'e. Ekaresia muebejēvarue aribōvi jabesi jōho ēhije.

*Ekaresia ajēmarue aribōvi jabesi jōhoje.*

<sup>8</sup> Rōhu ekaresia ajēmijarue aribōvi jabesi jōho ēhi gemuohoje. Taemo raromo'iro. O nadi jōho huotohuotovo majēhi'i. Nadi vōrō'e jovo bōvioho ue'aho'i. Nadi moniemuoho uehorovo'iro.

<sup>9</sup> God-hu rōjahuijade jōho uhohu'o mae uehorovo'iro.

<sup>10</sup> Mure bamēvo'iē'iroho urimo jabesi muoho diehi jiajoho gēre. Eni jēvamu gēv'ē'ohō evare muoho aevoromo vae'iro.

<sup>11</sup> O jabesi magonahoho ēhi gemuoho ma-taemo raromo'iro. Nadi ae gō jabesi jō sisēho atemu ato'irōgoro a'i simane sasohoromo mue aho'o avoho mueberuumo'iro.

<sup>12</sup> O ekaresia ajēmijarue aēro magonahe ma-gemu masuromo aboji harihu'ohu'o jabesi osare raromarue agano ioro'iorohu'o avoho muebejēvo'iro.

<sup>13</sup> Ekaresia mae ajēmijē'ohō jabesi ihoho mae jēvo'iramu ēhuro biririvoromo Iesu Keriso mae uehorovarue jōho ae ma-sama'e majēhinōvo'ē'ō.

*Paul-hu jōgoru Timothy-are ōrire jajivade hesi bēhohoje.*

<sup>14</sup> Na nege ma-burēro ō'irovo. Rōhu naehu jajivaje hesi bēhoho

<sup>15</sup> naehu ōrisanuovoromo bogo vejō'ohō ō'amu gev'ē'ohō jero ē jōho adahoromo uehorovoromo uvo'iranego: Noro ēhi'oromo God-are agano ōmo'ōmohu'o gemu mae raromoromo muoho avoho vaejarue hōjo. Iae God-are aganoho no daruge jīē'e ae God-are ekaresiae javue. God-are ekaresiae javu'ē'ero dioho'o bōnu'o javuo ma'enegro bibivajēhi noro God-are jō maho ēhi ma'eno titimoromo avoho muebejēgo ēhi jiemu jiajeje.

<sup>16</sup> God-hu rōjahuijē'ēro noehu mae uehorovarue jō hesi bēhoho bōrōmo maeje. Ae aho'o iae no ēhi uehorovarueje. Ējō hesi bēhoho aviajeje.

Hu a sine jioromo a nuniro rovade hōjo.

Hu mae jiaje jōho God-are Aru'ahohuro hu ajamiromō no rōjahuijade hōjo.

Hesi nu ano'ohō aneraēro gavare hōjo.

Hesi jōho sa'ae gōro gōro aēro aevoromo hejare hōjo.

Hesi jōho ave sa'are aribōvihuro mae uehorovare hōjo.

Ō'idōre ajimoromo hesi ajoho baejade hōjo.

### 4

*Ijonō aehu Iesuare jō ma vuonugo'i sareri'e jō majēhi'irōhe jōhoje.*

<sup>1</sup> Röhu God-are Aru'ahohuro sama'e uövuë'eje: Majae ijönö aëro God-are jö mae uehorovaruoho vuonugo'irögoro Satan-are aru'aho ömo'ömohuro sarerëmi'iramu mae höromo jabesi jö sisëho ejëhoruom'o'ajëjo.

<sup>2</sup> Satan-are aru'aho sisëhuro jabesi sareri'e jöho bojëmi'iramu sareri sareri'e ariböviohuro jöho baeromo sisë diehi diehi vaejaroho jabesi dë vövöbajo'o uhuroho bogo herovo'i ae ma-sarerëmiromo majëhiruom'o'ajëjo.

<sup>3</sup> Majëhiromo uëruom'o'ajëjo: Nadi magonahoho masu'amorëjo. Ie gö gö nadi ue'ahorëjo. Èhi uëruom'o'ajëjo röhu ë iohu'o God-ro bamadeje ëhuro Keriso mae uehorovoromo hesi jö ma gavarue aribövioho noro hesi örire huë mae uaromo ë ioho ue'aho'iröhego.

<sup>4</sup> Èhesi bëhoho God-hu iruno'o bövi bise'o bamadoho iae mae jio'ame. Èhuni no bogo uvo'ejo: Sisë höromo juahovo'ejo. A'i noehu i ujuohoromo God mae uaromo ë i ijë'oho maeje.

<sup>5</sup> Èhesi bëhoho no God-are jö adahoromo gavaruhuro uvarueje: God-ro bövioho bise'oho bamade höjo. Èhi uvoromo hesi örire jö atoromo ijë'oho ëhuro uvarueje: God-ro bamahuë'ero ijaruoho iae mae höjo.

*Timothy-hu Keriso-are mu avoho vaeröhe jöhoje.*

<sup>6</sup> Èjöho Christian aganoho majëhijego heruom'o'iro. Ja èhi è'ë'oho Iesu Keriso-are mu vaejanue a mae javo'ë'e. Èhuro no ga'ejo noehu mae uehorovarue jö ma jaeu ebe rovanoho ja èho uehorovoromo birire baejë'e javo'iramu.

<sup>7</sup> O simano sisërëromo God bogo uehorovë'e ëma atarue jöho nadi ejëhone. Nadi ejëho'irögoro birivoromo God-hu nimaje muoho sivohe muo sivohe va'one.

<sup>8</sup> Noro sino haho'o hesi muoho sivohe avohë'i è'o gabe va'arueje ëhuro nosi sinoho biririvavuo'iröhego. Èhi è'ë'oho ëhuro no ma-bisemu mae javuo'ë'e. A'iro God-hu nimaje mu sivohe avoho'i è'o gabe va'ë'oho ëhuro mabëhe javuo'ë'e. Èhuro jaruvoho mae raromaruëro ijönöhu'o èhi gemuoho rarom'o'ejo.

<sup>9</sup> Èho jö maego ae aho'obëhe mae uehorovë'oho iae maeje.

<sup>10</sup> Noro èhi mae rarom'o'iröhëni èhuni no birivoromo sivohoromo God-hu nimaje muoho vaejarueje ë hesi bëhoho God darugo'e aëro jjië'ero no ajamuijoro mae uehorovaruhuni. Hu sa'ae aho'obëhe ajamuae ajeje. Mae uehorovarue aribövioho no mare bamavuae ajeje.

<sup>11</sup> Èhi jjië'e jöho ae bojëmiromo ë hesi öroho röjëhinövone.

<sup>12</sup> Ja a i'e jave röhu nadi simano sisërëjë'e muoho vaejego aho uvoruom'o'iro: Timothy asisö'ero jjië'ero hu muoho bogo avo'avoho vaejaje höjo. A'i jero jö mae jövoromo mu mae vaeromo ae huë baejëvoromo God mae uehorovoromo avoho taemo hijego aëro jasi muoho garomo uvo'iro: No'o èhi è'ëjarëjo.

<sup>13</sup> Jero èhi'oromo God-are jöho aëni adahoromo jögore mëmiromo öroho röjëhiromo èhi è'i hijego evare na ö'iro.

<sup>14</sup> Mu vae'irane suvuro God-hu bojamadoho nadi u'uhu'i ma-birivoromo muoho vaene. Èhesi bëhoho urimë'i ekaresia muebejëvarue a duvahohuro övoho simanore bamahamu evare aëro jöho God-aro baeromo mu vae'irane jöho majahijamu ëhuro ë suvuroho baejaneje. Èhuni èho avo'avoho mueberomo muoho vaene.

<sup>15</sup> Èhi jjië'e muohuremu uehorovoromo birivoromo vaenövone. Èhi è'ë'oho ëhuro ae aho'obëhe ga'ë'ö jero muoho avoho vaebe rue'iramu.

<sup>16</sup> Jasi arijo'arije avo'avoho mueberovoromo God-are jöho avo'avoho röjëhine. Èhemu vaenövone. Èhi è'ë'oho ëhuro maro javoromo jasi jö hejarue ariböviohu'o maro jëvo'ë'e.

## 5

*Timothy-hu ekaresia ae magonahe diehi jögoru mëmi'iröhe jöhoje.*

<sup>1</sup> Röhu ga'irane a duvahehu mu sisë'i vaejamu jaeu jögoru majëhijë'oho nadi jö giagia'oho majëhi'i ma-sanu'e vavu majaharuëhi èhi majëhine. O a i'o jögoru mëmë'oho ö majëhijaruëhi èhi mëmine.

<sup>2</sup> O magonaho duvaho jögoru majëhijë'oho vëmu majëhijaruëhi èhi majëhine. O magonaho i'o jögoru mëmë'oho ma'ino majëhijaruëhi èhi jjië'e jö mahemu mëmi'i jöe gö gö nadi uehorovoromo majëhine.

*Magonaho doru jabesi jöhoje.*

<sup>3</sup> Röhu magonaho doru jabesi jöho. Magonaho doru agano rumo'ero jjië'ero huë ma baeröhe öri bogojjië'oho èhi jjië'e magonaho doruho jero rajëhiromo ajëminövone.

<sup>4</sup> A'i magonaho dorue aboji harihu'e o hijo ömo'öme jëvë'oho ë ariböviohuro ave muoho avo'avoho uehorovo'iro. Jabesi agano maho urimo avoho muebejëvoromo ëhuro jabesi vëmu vavuehu hijo ömo'ömehu ajëmarëhi ëhi jaburo mana ajëmi'iro. Jabesi mu ioro'ioroho ijönö jio'iro. Ëhi jië'e muoho God hu nime.

<sup>5</sup> A'i magonaho dorue agano rumo'ëro jië'ëro jabesi sivu mueberovë'iroho ëhi jië'e magonahohuro uvoromajeje: Hesi God-ro ajemi'ajë uvoromo ëhuni vahie majae jene God-are örire jöe jövoromo ua'i hijajaje: God jero ajemego na mae jevajo.

<sup>6</sup> O magonaho doruehu jabesi sinohemu uehorovë'oho ëma jijiharuëro ije jahosi'e jiajëhi ëhi jëve.

<sup>7</sup> Ëhi jië'e jöho majëhijego ejahego jö sisëho bogojio'iro.

<sup>8</sup> Ae rahu hesi ö mueno'o bogo ajëmi'ë'oho o hesi agano mahu'o ëhu'o bogo ajëmi'ë'oho ëhuro God mae uehorovarue jöho vuonugoromo God-are jö bogo hejë'e aribövioho iosirëmiromo hu sisë bëheje.

<sup>9</sup> Ekaresia ariböviehu magonaho doru muebejëvo'i jabesi iho jajivo'ië'iroho vadune aho'o 60 baejë'e jabesi ihohehu jajivo'amo'iro. O barue ma-gemu masuvë'oho ëhi jië'e magonaho doru jabesi ihohehu jajivo'amo'iro.

<sup>10</sup> O magonaho dorue mu mae vaejamu ëhuro jabesi iho mae jië'oho ëhuremu ihoho jajivo'amo'iro. Aboji harihu'e avoho muebe'amobe rovë'e jiego ae i'e rovamu ajëmiromo nihudëgo'i arijë'e jiego Keriso-are aribövioho huë baejë'e jiego huë vavaeni'e aribövioho ajëmi'ë'e jiego mu mae bövie bise'e vaeruomé'e jiego ëhi jië'e magonaho doru jabesi ihohuremu jajivo'amo'iro.

<sup>11</sup> A'i magonaho i'e doru jioruomé'oho nadi ëhi jië'e magonaho jabesi ihoho jajivoromo muebejëvone. Ëhesi bëhoho magonaho i'ohuro dëre uehorovoromo ri'öromo Keriso vuonugo'irögoro sionoho iore bamo'i nimarueje.

<sup>12</sup> Ëhi nimiromo ëhuro urimë'i Keriso mae uavare jöho ahego ëhuro jabesi ihoho sisëjëjajeje.

<sup>13</sup> Röhu göho magonaho doru i'ohuro mue bijönibijiohoromo osare osare ma-raromobe jijihajeje. Röhu bogo ëhemuoho ömo'i mu sisë gö'o dëre vaejarueje. A jöho ëma atobe a muoho ëma ahobe jijihajeje. No bogo atarue jöho ë magonahoho jaburo atoruomajeje.

<sup>14</sup> Ëhi jië'ohuni na nege magonaho doru i'ohuro röhu maho sionoho barue masu'amoromo aboji harihu'e vaeromo osaho avoho muebenövöröhego. Ëhi ë'ë'oho ekaresia bijönimarue ariböviehu jö sisë ato'iröhoho bogojio'ë'e.

<sup>15</sup> Na ëhi uavaje hesi bëhoho magonaho doru i'o ioro'iorohuro Keriso-are jöho vuonugo'i Satan-are örire va'ë'ego ëhuni uave.

<sup>16</sup> O Christian magonahe rahu hesirire magonaho doru jië'oho huro ajami'iro. Ajami'ë'oho ëhuro ekaresia aribövioho bogo madomadëgo'iramu agano rumo'e magonaho doru ajëmi'iröhoho eni jëvo'ë'e. Magonaho doru jabesi jöho ëhije.

*Ekaresia muebejarue a duvaho jabesi jöhoje.*

<sup>17</sup> Röhu a duvahehu ekaresia muebejëvarue jöho jajivo'ië'e. A duvahehu ekaresia avoho muebejëvamu ekaresia jabuhu mabëhe rajëhiromo suvuoro bisemu bövie mana bojëmi'ë'oho iae maeje. O a duvahehu biririvoromo ekaresia avoho muebejëvoromo röhu göho God-are jö majëhiromo bëhi röjëhjarue ëhi jië'e aribövioho böromo mae uehorovëvoromo mana bojëmi'ë'oho iae maeje.

<sup>18</sup> Suvuoro bojëmi'iröhe hesi bëhoho ë hesi jöho God-are surire uhu'e uvë'eje: Jasi mu vaejahaje miehu jasi mu vaejahoromo i hörehu sa'ijovobe jivë'oho hesi jö'oho nadi tugohahego hu juvoromo hesi manaho baeromo huhu hörehu sa'ijovaje i vitu vituohu ibe juvo'irajo. Ëhi jië'oho miohuro ëho hesi manae bae'a'ajëjo. O God-are surire jö göho ëhi uvë'eje: Ae rahu mu vaeromo mana baejë'oho iae mae höjo.

<sup>19</sup> O aehu ekaresia muebejëvane a duvaho hesi jö sisë ja majahijë'iroho ae gemuehu majahamu hejë'oho nadi ejahone. A'i ae niö'i o ae niö'i gemu jabuhu a duvaho hesi mu sisë jabesi hia'ehu heromo nunehu gavë'ëro jasi örire majahijamu hejë'oho ëhuremu ejëhone.

<sup>20</sup> Hu sisë jië'oho ekaresia aribövi jabesi nunoro jögore bojamego avoho uehorovo'i ëhuro a ioro'iorohuro ëho garomo juhuonivoromo bogo ëhioho ë'iröhe.

<sup>21</sup> Ejöho böromeje. God-are nunire Iesu Keriso-are nunire God-are anera jabesi nunire naro ja uave ejeho'iranego. Ejehanuevaro mevo ga'irane a duvaho jabesi jöho diho mae diho sisë jiamu gavë'iroho nadi ma-urimoho uvone: Iaho mae höjo o iaho sisë höjo. O nadi a duvahe jasi aemo'aemoho sanu'e jöho majëhi'i a duvaho ioro'ioroho darugo'e jöho majëhi'i a'i ma-uehore gemu baeromo a duvahe aho'obëhe majëhinövone.

<sup>22</sup> O ae göehu ekaresiaëni mu börömo vaeröhego övo simanore bamaho'ië'iroho nadi ma-majioho övoho simanoroho bamahone. Ëiahuo mu sisë vaejago ae niö'i jemesi ihoho sisërëjehojöëni uave. Nadi ëhioho ë'irögoro ma-avoho mueberovego sisëho bogojavo'iro.

<sup>23</sup> Röhu dëre guomo guomo baejavo'i hijajohuni nadi jovemuoho i'i wine jovohu'o mabisemu ijego ëhuro dëho mae javo'iro.

<sup>24</sup> Amo jaehua ekaresia jabesi mure bamëvo'ië'iroho jabesi muoho avoho garomo evaro bamëvone. Ëhesi bëhoho a ioro'iorohuro ma-va'orahoro mu sisë vaejaruëro jië'ëro jabesi mu mevo'irane ë hesi urimo ga'a'anue jabesi sisëho ma-va'orahoro jio'iramu muroho bogo bamëvo'anue. O a ioro'ioro jabesi sisëho subirö'öjë'ëro jero jabesi muoho mevo garomo evare ijönö ga'a'anue sisë jioruomoi'iramu muroho bogo bamëvo'anue.

<sup>25</sup> O mu sisë urimo gö subirö'ö'i gö va'orahoro jië'ëro ijönö aho'o ma-va'orahoro jiajëhi mu maho ëhi gemuohoje. A ioro'iorohuro mu maho ma-va'orahoro vaejarueje. O mu ma ioro'ioroho subirö'öjë'eje röhu ijönöho bogo subirö'ö varijënoho jio'ë'e.

## 6

*A jabesi muemu vaejarue aribövi jabesi jöhoje.*

<sup>1</sup> Röhu jö göho a masijo jabesi darugoremu raromoro jabesi muemu vaejêharue aribövi jabesi jöhoje. Ëhi jië'e ariböviohuro a masijoho mae uehorovëvo avohoromo muoho vaejêhego God-are ihohu'o Keriso-are jöhu'o aho bogo sisë'ioho ato'iro.

<sup>2</sup> O jabesi a masijoho Keriso mae uehorovarue aribövie jëvë'oho mu ariböviohuro nadi uvo'iro: Nosi a masijoho ma-Christian ö mueno'ëro jëvë'ëro bogo masijoho hö uvoromo muoho ëma sisë'i sisë'i ömo'iro. A'i uvoruomo'i: Nosi masijoho jabumë Keriso mae uehorovarue aribövie noehu rajëhijaruoho jëvajëjo. No ëhi jië'e aribövioho ajëmiarue hö uvoromo jabesi muoho avo'avoho vaejêhoruomo'iro.

*Keriso-are jö vuonugo'i sa'a hesi jöemu berohemu beroharue mu sisëhu'o ave sa'a hesi inömo bae'i ëhemu uehorovarue mu sisëhu'o ë mu sisë niö'i hesi jöhoje.*

Ëhi jië'e jöho jero ae röjêhiromo uë'i hijego muoho avoho vaeruomo'iro.

<sup>3</sup> Aehu jöe gö röjêhijë'oho sisëje. Jöe gö röjêhiromo nosi Bada Iesu Keriso-are jö mahu'o God-are mu diehi avoho vaejarue jöhu'o bogo ejë'oho

<sup>4</sup> hu simanoho bogo uehorovë'e ëma uvajeje: Na a böröme jevajëjo. Simane sisërëromo nimajeje bëhi rumo'e jöe gö gö ëma nahoromo jö aho'ahëmi'i. Röhu ëhi jië'e jö berohemu berohamu hejë'oho ëhuro aëro sarerivoromo uvoruomajeje: Nuni aji'e jöho jabumë diehi'oromo bae'i no bogo baejare höromo jabesi örire dë vörönimoruomajeje. Dë vörönimoromo iro muorovo'e vaeromo ae göëro gö hesi örire agoromo ae göëro gö hesi örire sisë uehorovorumuomajeje.

<sup>5</sup> O uehoro sisë baeromo God-are jö maho vuonugo'i irovoruomajeje. Irovoromo sarerivoromo uvoruomajeje: Noehu God-are muemu uehorovo'iröhe hesi bëhoho aviëhi höjo. Noro inömo bövioho bise'oho ujuohoromo ëhuro maro raromoejarëjo.

<sup>6</sup> Iae mae. God-are muemu uehorovë'oho iae maro raromarueje. Ëhesi bëhoho God-are muemu uehorovoromo röhu bogo gö'ö gö'öho bae'i uehorovo'i a'i uvë'oho: No eni javuajë uvë'ohuro ëhuro maroho raromarueje.

<sup>7</sup> Vëmehu rahavare majaroho evaroho inömo rumo'e ma-övemu rovareje. O vuovoröhe majaroho ëhu'o ma-övemu va'ejo.

<sup>8</sup> Röhu iruno'e o niögu suhi'e javuë'oho ëhuro uehorovoromo uvo'ejo: No eni javuajë uvoromo bogo gö'oho bae'i ëhemu uehorovo'ejo.

<sup>9</sup> A'i a ioro'iorohuro inöme bövie bise'e maröh'e mae bae'i ëhuremu uehorovorumuomajeje. Ëhi jië'e aribövioho Satan-ro dinëmijego buororo rumo va'anovego buorëro taemëvanovego dë vövöbajore ri'öromo simane sisë'i uehorovoromo mue gö gö nimoromo sisërërovo barëjarueje.

<sup>10</sup> Moniemu gemu uehorovë'oho ëhuro mu sisë aho'obëhe baejarueje. Ae göëro moniemu nimo avohoromo ëhuro Keriso-are jöho rumonimobe va'ojuvo va'o vuonugo'i huë vavaene gö gö baeruomë'eje.

*Timothy-hu mue gö gö vaeröhe jögoru Paul-hu javivadohoje.*

<sup>11</sup> Röhu ja God-are ae jave. Ëhuni ëhi jië'e mu sisëho nadi gavanovone. Nadi gavanovo'i ma-mu maemu vaeromo God-are muoho nimoromo hesi öroro mae uehorovoromo ae gö huë baejëvoromo biririvoromo muoho vaeromo sanu'e jöho majëhinövone. Ëhi jië'e muohuremu vae'i nimonövone.

<sup>12</sup> Aehu ajajovoromo göehu gö iosirëmi'i biririvaje ëhi jië'e mu maho baejë'e jave. Ëhuni God mae uehorovoromo jasi daruge aho'o bojamiro mo biririvoromo mu maho

vaenöivone. Muoho vaejē'i ijonö ioro'ioremu maro hi'irane öroho ëhuremu uehorovone. Urimē'i jaehu mae uehorovanue jö ae aho'o jabesi nunire huruoho majēhijanevare evare God-ro ja uavadeje ëhi maro hi'iranego. Ējöhuremu uehorovone.

<sup>13</sup> Röhu naro God-are nunire Iesu Keriso-are nunire ave jöho majahi'iē'e. God ae aho'obēhe darugo bojamuego raromarue ahoje. Iesu Keriso Pontius Pilate-are nunire namiromo hesi jö ma-maemu huruoho majahijade ahoje. Ēae niö'i jabesi nunire ave jöho majahi'iē'e.

<sup>14</sup> Jögoru hejanoho avo'avoho ejego aho jasi jö sisēho bogo ato'iro. Ēhi ebe va'one ijonö nosi Bada Iesu Keriso rovego garöhe.

<sup>15</sup> Iae hu rue'iramu no ga'ejo A Böröme God-hu nimaje majare. God hu ma-maro hiromo huro gemuëro börömo mae namijē'ero masijo vaeruomaje ae aho'o iosirēmiromo hu gemu dörohoje.

<sup>16</sup> God gemu hu bogo guomo hesije. Hu aji börömo hijē'ero hesi bëhiroho no bogo va'o hesi javue. Aho hu bogo ganövē'ero ëhi bogo ganövo'ejo. Hesi iho börömo darugoho ma-ëhi jiemu jiobe va'ē'e. Iae mae.

<sup>17</sup> Röhu ave sa'a hesi bövi bise'o marohē'e mae jëvē'e aribövioho uēne: Nadi jemesi inömo bövioho bise'oho uehorovoromo döroho bamorovorēne. Nadi uvorēne: Na inömo marohē'e jevajohuro ehuro mae jevo'ajējo ë hesi bëhoho inömo ma-jahuri jiaje inöme jiaje. A'i uvorēne: Hesi God-ro ajemi'iramu mae jevo'ajējo. Ēhesi bëhoho huro bövie bise'e suvuoramui avohaje huë mae javuoröhego.

<sup>18</sup> O uēnego jaburo mu mae vaerumo'i. Huë baerovarue mu hesi öroho marohē'e mae jëvo'iro. Öve sasohoromo suvuore ë'iro.

<sup>19</sup> Ēhi ë'ë'oho suvuoro maho ö'idöre rune vae'ë'ö ehuro maja viture ma-maro raromo'iröhohuni. Ehuro ruaho'amoromo bogo ma-döemuoho mae raromo'i dë vövöbajo'ohohu'ö maro raromonövo'ë'ö.

<sup>20</sup> Röhu Timothy God-ro hesi jöho bojamadeje jero muebe'iranego. Ehuni ë jöhemu avoho uehorovoromo ae majēhinöivone. A'i God rumo'e sareri sareri'e jöho nadi gavanovone. O aehu God-are jö ahoromo jö i'o barueromo sarerēmiromo uëvë'oho: Aveho nuni aji'e jöe hö uëvë'oho nadi gavanovone.

<sup>21</sup> Ehuni uave. Ēhesi bëhoho ae göero ëhi jiē'e jö i'oho uehorovoromo God-are jöho vuonugē'ego ehuni uave.

God-ro jemë huë baeromo ajëminövo'ë'e. Ahia mino'e.



## 2 TIMOTHY

*Paul-hu Timothy jejamade jöhoje.*

<sup>1</sup> O asê'e Timothy Paul naro ave jöho jajivo'iê'e. God-ro hesi nimê'ëro êhu'ëro na Iesu Keriso-are apostle jevê'eje naro ae majêhiromomo uênôvo'irodego: God-hu nosi aru'aho i'ovahuo'i uövuađêhi iae huro êhi Iesu Keriso'o gemuore ramuo'iramu i'ovavuo'ajê uê'irodego. Êhu'ëro na êhi jiê'e ae jeve.

<sup>2</sup> Naro nasi harihe Timothy jasi örire dë vövöbajo'e aho'o jejamije. Na nege God Vavuohu'o nosi Bada Iesu Keriso'o jabesi vavaenimoromo ajamijego jero maro hi'iranego.

*Timothy-hu Keriso mae uehorovadohuni êhuni Paul-hu God mae uavade jöhoje.*

<sup>3</sup> Naro God-are örire mabêhe uave. God nasi hijo miono'ehu uehorovobe rovarêhi na'o dë mae jevego herovoromo hesi muoho vaejajeje. Vahie majae jene naro jasi jöho hesi örire jövoromo hu mabêhe ua'i hijajeje.

<sup>4</sup> Jasi jöeni God mabêhe uaromo naro uehorovoromo uvajeje: Jero nani vavaenimoromo nivane hõ uvoromo êhuni naro ja ga'i nego avohajeje ja garomo nasi dë vövöbajo'e nimorohevoröhego.

<sup>5</sup> Na uehorovajoho ja bogo döëremuoho God mae uehorovo'i uhohu'o mae uehorovanueje. Urimê'i jasi hije magonaho ihe Lois'o jasi vême Eunice'o jaburo uhohu'o êhi God mae uehorovönvareje. Ragon na uehorovajoho jabuhu uehorovonövarêhi ja'o êhi gemuoho God mae uehorovanueje.

*Timothy-hu vi'ehê huê vavaene baeromo birivoromo Keriso-are muemu vaeröhe jöhoje.*

<sup>6</sup> Êhuni naro ave jöho ua'iê'e uehorovo'iranego. Urimê'i naro nasi övohuro jasi simanoho taemahamu evare God-ro ja darugoho bojamijadeje jero hesi aribövioho muebejêvo'iranego. Êhuni ê darugoho vëninö'e avoho muebejego bogo duoroho'iro.

<sup>7</sup> Êhesi bêhoho God-ro hesi Aru'ahoho bojamuamu baejê'ëro êhu'ëro bogo juhuonivo'i a'i daruge baeromo ae gö huê baejêvoromo avoho taemo raromarueje.

<sup>8</sup> Êhuni nosi Badare jö majêhijanuoho nadi êhunioho javojimone o na savoji gagore hijajohuni êhu'o nadi javojimone. Nadi javojimo'i God-are darugoho uehorovoromo naehu huê vavaeni baejajêhi Keriso-are jö ma hesi jöeni huê vavaeni rovê'o ho ja'o baene.

<sup>9</sup> Êhesi bêhoho no sisê javuamu God-ro no baejavuoromo maro bamavuoromo hesi ariböviohu javuojöro uövuađeje. Êhi ajamuade hesi bêhoho hu bogo uvadeje no mu mae vaejê'e javuajê uvoromo êhunioho hesi ariböviohu javuojöro uövuađeje. A'i hesi nimê'ëro noni vavaenimoromo ê'adeje. Urimo sa'a bövi bise'o bogo bamadevare evare God-ro noni vavaenimamu uvadeje ijönö Iesu Kerisoro no ajamui'iröhego.

<sup>10</sup> Êhi uvadoho jaruvoho mare ramuaje aho Iesu Kerisoro nosi örire rovê'ëro êhu'ëro God-hu no huê baejavuaje muoho va'orahoroje. Êhesi bêhoho Iesu Kerisoro nosi örire rueromo vuovo'iröhe öroho ahahuadeje. Ahoromo hesi jö maho röjahuijê'ëro êhu'ëro no ê jöho garomo uvarueje: No ioro'iore gemu maro raromemu raromo'ëjarêjo. Kerisohu ajamuade jö maho êhije.

<sup>11</sup> Êjö maho naro majêhi'irodego God-ro bamevadeje. Êhu'ëro na apostle o Keriso-are jö röjêhijaje ae jeve.

<sup>12</sup> Êhi jiê'e muoho vaebe juvê'ëro êhuro na vi'ehoho huê vavaenoho baejajeje. Iae êhi jeve röhu na bogo javojege. Rabêni. Naro God mae uehorovoromo gavajeje hu mae jiego. Êhi gavajêro jiê'ëro uvajeje: Iae mae hõjo. God-ro eni jiê'ëro êhu'ëro hesi mu nasi övo döre bamehadoho huro avoho muebebe va'iramu evare ê maja bôrömhoho rue'a'ajêjo. Êhuni javojoho bogojeve.

<sup>13</sup> Röhu naehu jö ma röjahibe rovamu hejanoho ja'o êhi jiê'e jö mahuremu ma'enone. Iesu Keriso-are uehoro maho baeromo God mae uehorovê'e ae gö huê baejêvê'e hiromomo ê jöhuremu ma'enone.

<sup>14</sup> God-hu hesi jö ma jasi övo döre bamadoho avoho muebenego aho bogo jö göho jövo'iro. God-are Aru'ahoho nosi dë vövöbajo'ere hijê'e jiaje hesi darugoho baeromo êhuro êhi ê'one.

<sup>15</sup> Iae ja'o gavanue Asia sa'a raje ae aho'obêhe Phygelos'o Hermogenes'o jabu'o nasi jöho bogo uehorovo'i remo va'oruomê'eje.

<sup>16</sup> Rõhu na nege Badaro Onesiphorus-are aganohuni vavaenimoromo ajëmi'irõhego. Èhesi bëhoho urimë'i naro huë vavaene bae'ego Onesiphorus-ro ajemi'ego dëho sashevönövadeje. O na savoji gagore hijamu hegorovo Onesiphorus-ro nasi jöënioho bogo javojimo'i

<sup>17</sup> Rome amore ruenugoromo nahevemu nahevobe juvojuvo birohevadeje.

<sup>18</sup> Èhuni na nege Badare majaho rovego huro Onesiphorus-are jöëni vavaenimoromo ajamijego mae jiorõhego. Na èhi nege. Rõhu urimë'i Onesiphorus-ro Ephesus amore hiromo muoho bövioho bise'ocho ajeminövadeje. Ja'o iae gavanueje.

## 2

<sup>1</sup> Rõhu nasi harihe no Iesu Keriso'o gemuoro bimuvavü'ë'ego God-ro hesi nimoromo huë baejavuoromo biriroho bojamuij'e' jiaje jero ë biriroho baeromo muoho vaenövone.

<sup>2</sup> Na diehi jii'e jö ae aho'obëhe majëhijajoho iae ja henövaneje. Èhenövane jöho baeromo a ma jabesi öroro röjëhijego jaburo jöho bava'oromo a ioro'ioroho jabu'o röjëhi'iro.

<sup>3</sup> Muoho èhi vaeromo huë vavaeni rovë'ocho nadi vuonugo'i a'i uvone: Iesu Keriso-are muorovo ariböviehu biririvoromo Satan'o muorovoromo huë vavaeni baejaruëhi na'o èhi ë'ejö uvoromo ja'o èhi jii'e huë vavaenoho baeromo biririvoromo Satan'o muorovone.

<sup>4</sup> Rõhu ë hesi uhu jö jajivo'ië'ajoho gane. Bijo bunoe baeromo sisë ariböviohu'o muorovë'iroho mu göho göho bogo gemuoroho havoromo muorovo'i ma-muorovo muohemu vaejarueje jabesi muorovo a böromohuro gëromo nimorohorõhego.

<sup>5</sup> O uhu jö göho. Ajajovoromo tutuvoromo ae göehu gö iosirëmi'ië'iroho diehi ajajovarue jögoroho ejëhoromo evare tutuvarueje bogo ejahë'ocho suvuroho bogo baejööni.

<sup>6</sup> O uhu jö göho. Dë mu ravë'iroho biririvoromo mu vaejarue ariböviohuro urimoho ë ioho ue'aho'ë'ö.

<sup>7</sup> Naehu jajivaje jöho uehorovo avohone. Jöe aho'o Badaro ajami'iramu bëhoho bae'a'anue.

<sup>8</sup> Rõhu Iesu Keriso uehorovönövone. Keriso hu Israel sa'a muebenövade ae David-are ujeje. Huro guomoromo i'ovoromo ri'öjë'eje. Èhi jii'e jö maho naro majëhibe juvajeje.

<sup>9</sup> Èhi jii'e jö maho naro majëhijë'ëro èhuni Keriso bijönimarue ariböviohuro uvoromajeje: Nörö Keriso-are jö majahuajohuro èhuro hu a sisë höjo. Èhi uvoromo savoji gagore ba'amevë'ëro na huë vavaene baeje. Jabumëro na savoji gagore ba'amevoromo taemevarueje rõhu God-are jöho bogo taemë'ëro ae aho'obëhe hebe va'oruomajeje.

<sup>10</sup> Ae aho'obëhe God-are jö hebe va'aruohuni èhuni God-hu baejövade ariböviohuni naro uehorovëvoromo biririvoromo huë vavaene bövie bise'e baejajeje. Èhesi bëhoho na nege ë aribövioho jabu'o Iesu Keriso-are ae gemuohuro jëvë'ëro bogo sisëroho va'i maro va'oromo ioro'iore gemu hesi ajire raromemu raromorõhego. Èhuni naehu biririvoromo mu vaejajëhi ja'o èhi biririvoromo muoho vaene.

<sup>11</sup> Rõhu noehu ato'i arjarue jöho iae jö maeje. Atoromo èhi uvarueje:

Nosi uehoro mamioho Iesu guomadëhi vuovahuë'ocho hu'o gemu mae raromoe'jarëjo.

<sup>12</sup> No bogo u'uh'o'i ma-biririvë'ocho hu'o masije riravoromo hesi öri ari'ocho muebe'ëjarëjo. Noehu hesinö dejo bu'öjë'ocho huro nosinö deje bu'ö'a'ajëjo.

<sup>13</sup> Noehu God mae uavare jö ahë'ocho rõhu God-ro mae uövüade jöho bogo aho'a'ajëjo huhu uvaje jö vuonugo'irõhoho bogo eni jii'ëgo.

*Timothy-hu mu mae God-are nunire vaerõhe jöhoje.*

<sup>14</sup> Èhi jii'e jöho majëhijego Christian ariböviohuro heromo avoho uehorovoromo'iro. Èhi majëhiromo rõhu God-are nunioro jögoroho darugo'o majëhiromo uëne: Bëhi rumo'e jöe gö gö nadi ma-jö aho'ahamirovorëne. Èhi uëne. Èhi jii'e jö aho'ahamirovë'ocho aho heromo bogo marë'i sisërëvarueje.

<sup>15</sup> Rõhu jero muoho biririvoromo ömo gavego God-ro garomo uvo'iro: Ja eni javajëjo. God-are jö maho ma-ahorirëro majëhine. Jaehu èhi ë'ë'ocho jaehu vaejanue muoho God-hu gavë'ocho ja bogo javojago'ë'e.

<sup>16</sup> Rõhu God bogo uehorovë'e ëma atarue jöho nadi enövone. Èhi jii'e jö atë'ocho aëro God rumonimobe va'oruomo'ë'e.

<sup>17</sup> Èhi jii'e jö sisëho iae sagoho va'ëne jio'ë'e. Sagohehu sino döre ibe va'ego rumorovoromo sino sisërëjëvobe va'ajëhi jabesi jö sisëhuo èhi rumorovo'iramu aëro sisërëbe va'oruomo'ë'e. A ioro'iorohuro èhi ë'arueje rõhu Hymenaeus'o Philetus'o jaburo niö'iro èhi jii'e jöho majëhijarueje.

<sup>18</sup> Majëhiromo God-are jö maho vuonugoromo ae sarerëmiromo uëvarueje: No ae aho'obëhe mami'e vuovoromo i'ovoromo ri'öjë'ëro javuë'ëro ë hesi majaho mami'e

barëjê'e hõjo. Jõ sisêho êhi jõrovamu hejê'ëro Christian ae gõero gõero Keriso avoho uehorovaro ho vuonugê'ejõ.

<sup>19</sup> Êaribõvi ioro'iorehu God-are jõ vuonugaro ho rõhu God-are aribõvi maho jabumëro õbunõ'e bibivoromo riravarueje. Jabumë God-are javu hesi õbu va'ëne jioruome. God-are javu hesi õbu va'ëne jioruome rõhu God-are javu õbu hesi ahore ave jõ niõ'ioho jajivê'eje. Gõho uvê'eje: Badaro gëvaje hõjo di aribõvioho hesiroho jioruomego. O gõho uvê'eje: Ae rahu uvê'oho: Na Bada mae uehorovaje ae jevajê uvê'oho ê ahuro mu sisêho vuonugo'irajo. Êjõho jajivo'amê'eje.

<sup>20</sup> Rõhu ekaresia jabesi uhu jõ gõho uehorovone. Osa bõrõmore va'ê'oho ga'a'anue hevõe ramae nu ano'e gõ gõ jio'amo'iramu. Ioro'ioro ho inõmo ma-mabêhëro avoho'amê'eje. Ioro'ioro ho ma-ijëro o sa'aëro sisê'i sisê'i avoho'amê'eje. Rõhu jabesi muo ho gõ gõ jiorove. Hevõ ioro'ioro ho maego maja bõrõmohuni runo'e bahi'i hevõ ioro'ioro ho sisêgo majae êhi mue vaejarueje.

<sup>21</sup> Êhesi bëhoho ae rahu naehu jajivaje uehoro sisê gohõ'õjê'oho ê aho hevõ maho va'ëne jio'ê'e. Êhi jiê'e aho mae nugê'ëro hesi Bõrõmo hesi muo ho mabêhe ajami'ê'e. Mu mae rabe rabe rovamu vaejê'oho eni jio'ê'e.

<sup>22</sup> Rõhu a i'ehu sisê õmo'i nimaruo ho goro'i a'i aviêhi jiê'oho sivo ho gane. Bada dë vövõbajo'õ uhure uehorovoromo huhu ajëmijõro ua gavarue aribõviohu'o gemuoro hibe juvoromo mu mae vae'i God mae uehorovo'i a ioro'ioro ho jasi dë vövõbajo'ëro rajêhi'i ê'õ gane. Êhi jiê'e muo ho nuninõ bamone.

<sup>23</sup> Rõhu nuni ramoramovê'ëro simano sisêrëromo jõ aho'ahamirovarue jõho nadi ejêhone. Ja'õ iae gavanue. Êhi jiê'e jõ aho'ahamirovê'iroho êhuro iro muorovo'e vaejarueje.

<sup>24</sup> Rõhu Badare mu vaejaje ahuro bogo iro muorovo'oho vae'i a'i ae aho'õ jabesi õrire huê baejëvonõvo'ê'e. Ma-taemorovoromo jõho avoho rõjêhinõvo'ê'e.

<sup>25</sup> Ae gõehu hesi jõ ahê'iroho huro sanu'e jõgoro ho juvõ'õ majêhinõvo'ê'e. Juvõ'õ majêhijê'õho hesi nani'õ nani God-ro jabesi simano ho huotovêho'iramu jabumë uehoro sisêho vuonugo'i jõ maho avoho ga'ê'õ.

<sup>26</sup> Urimê'i êhi jiê'e aribõviohuo Satan-are guare rireromo va'oromo Satan-hu nimaje muohemu vaenõvareje. Rõhu jabumë jõ ma avoho gavê'ohuro êhuro avo'avoho uehorovoromo Satan-are guare jëvajõho suorovoromo maro va'ê'õ.

### 3

*Maja viture sisê aribõviehu huê vavaeni barue'irõhoho êhi jiê'e aribõvi Timothy-hu gorëvo'irõhe jõhoje.*

<sup>1</sup> Rõhu ave jõhu'õ avo'avoho uehorovone. Sa'a bõvi bise'õ barê'irõhe majaho dunovê'iroho huê vavaene bõrõme rue'ê'e.

<sup>2</sup> Êhesi bëhoho ae aho'obêhe jabesi sinohuremu rajahirovo'ê'õ. Bõvie bise'e gõ'õ gõ'õ dõre baebe va'i nimo'ê'õ. Jõ huhe ê'oromo jõe gõ gõ êma ato'ê'õ. Jabesi simanëro êma uehorovoromo uvo'ê'õ: No a ioro'ioro ho iosirëmiromo masijõho javuajëjo. Jõ sisê ato'ê'õ. Vëmu vavu'õ jabesi jõho aho'ê'õ. Suvuoro bojêmamu baejê'õho huê ma jõho bogo uehorovo'i ma-bae'ê'õ. God-are mu maho ijumo'ê'õ.

<sup>3</sup> Jabesi agano ho bogo huê baejëvo'ê'õ. Nue huõ'i sanuëmê'õho bogo e'ê'õ. Ae gõ jabesi jõ sisêho sarerëmiromo ato'ê'õ. Mue bõvie bise'e nimaruo ho êma õmo'ê'õ. A umijaje õ sisêho va'ëne jëvo'ê'e. Mu maho bijõnimo avoho'ê'õ.

<sup>4</sup> Agano ho sarerëmiromo sisê vaejëvo'ê'õ. Bogo avo'avoho uehorovê'e mu sisêho êma vae'ê'õ. Simano bõvie vaeromo uvo'ê'õ: No eni javuajëjo. God bogo nimo'irõgoro sino sasohê'e nimorohê'e muohemu êhemu nimo'ê'õ.

<sup>5</sup> Ma-dõëremu God uehorovoromo hesi muo ho vae'i uho ho God-are darugo ho bogo herovarueje. Êhi jiê'e aribõvioho gorëvo'iranego uave.

<sup>6</sup> Êhesi bëhoho êhi jiê'e aribõvi ioro'iorohuro sarerisareriëmiromo sanuëmibe osare osare va'oromo nu gõ gõ uehorovarue magonahoho sarerëmijego jabesinõ va'arueje. Êhesi bëhoho ê magonahoho mu sisê vaebe rovê'ëro êhu'ëro dë juhuoninëgajeje. Dë juhuoninëgego mue gõ gõ nimarueje.

<sup>7</sup> Mue gõ gõ nimoromo majae êhi jõe gõ gõ hebe va'arueje rõhu jõ ma bae'irõhoho bogo eni jëvo hesije. Êhi jiê'e magonaho õmo'õmoho sarerëmijarueje.

<sup>8</sup> Sarerëmiromo God-are jõ maho aharueje. Urimê'i a ihe Jannes'õ Jambres'õ Moses-are jõ aharêhi ê sareri'e aribõviohuo êhi God-are jõ maho aharueje. Jabesi simano ho sisêrëjêvê'ëro uehoroho bogojëve. God mae uehorovarõho rireromêvê'eje.

<sup>9</sup> Rõhu è aribõvi jabesi muoho bogo marë'i urimë'i Jannes'o Jambres'o jabesi mu simano rumo'e jiamu aehu gavarëhi èhi ae aho'obëhe garuomo'ë'e è aribõvi jabesi muohu'o simano rumo'e jië'e jio'iramu.

*Paul-hu hesi majae barë'ia'amu Timothy jögoru börömo bojamade jöhoje.*

<sup>10</sup> Rõhu ja bogo èhi jië'e aho jave. Na diehi diehi røjëhibe rovodoho iae ja gavë'e jave. Na diehi hibe rovode öroho iae ja gavë'e jave. Bëhoho rabëni mu vaebe rovodoho iae ja gavë'e jave. Na God diehi mae uehorovobe rovodoho iae ja gavë'e jave. Naehu bogo nu huodëgo'i ma-sanuovoromo mu vaebe rovodoho iae ja gavë'e jave. Naehu a nasi dë vövöbajo'ere uehorovöbe rovodoho iae ja gavë'e jave. Naehu dë vövöbajo'o bogo u'uho'i ma-biririvobe rovodoho iae ja gavë'e jave.

<sup>11</sup> Aehu sisë vaejevo'i arijamu huë vavaene gö gö rue'i hijamu Antioch amore Iconium amore Lystra amore sisë vaejevo'i arijamu huë vavaeni diehi baebe rovodoho iae ja gavë'e jave. Èhi jië'e huë vavaenoho baejamu rõhu God-ro ajemamu mae jevobe rovadeje.

<sup>12</sup> Rõhu na bogo gemuoho huë vavaenoho bae'i ae rahu Iesu Keriso'o gemuore bimuvoromo God-are jöhemu ejahobe va'i nëgë'oho a ioro'iorohuro èho garomo bijönimoromo jabesi örire sisë vaejevo'i ari'iramu huë vavaene baenövo'ë'ö.

<sup>13</sup> Aribõvi mahuro huë vavaene bae'i rõhu sisë ariböviohu'o sareri'e jö majëhjarue ariböviohu'o avevejö'e mu sisë vaejaruoho jaburo ijönö gö'o döre sisë börömo mae vaebe va'ë'ö. Sisë vaebe va'oromo ae gö sarerëminövo'ë'ö o jahu'o ae gö jabesi sareri'e jöho heromo mae hõromo ejëhonövo'ë'ö.

<sup>14</sup> Jabumë èhi sisërëjëvo'ë'e. A'i jero heromo biririvoromo mae uehorovane jöhuremu ma'eno titimoromo uehorovobe va'one. Èhesi bëhoho è jö røjahijare aribövioho ja iae gövuanueje.

<sup>15</sup> Iae ja'o gavanue ja bise'o javade majare jero aevoromo God-are surire jöho hebe rovaneeje. Èsurire jö gavë'ohuro èhuro jasi simanoho ajivavo'iramu garomo uvo'a'anue: Naro èhi'oromo Iesu Keriso mae uehorovoromo èhuro bogo sisëroho va'i maro va'ejöjo.

<sup>16</sup> Rõhu God-are surire jöho aho'obëhe èho God-hu bojëmamu jajivare jöhoje. Èjö adahë'ohuro èhuro God-hu nimego noehu vaejarue muoho marëjajeje. Èhuro God-are muoho huruoho majëhjarueje. Mu sisëho aharueje. Juvö'ö majëhjarueje. Mu ma hesi öroho røjëhjarueje.

<sup>17</sup> Noehu God-are surire jö adahoromo èhi jië'e mu vaejë'oho èhuro God-are aribövioho no uehoro mae darugo mae bövie bise'e eni javuë'ëro èhu'ëro mu mae aho'o vaejë'oho eni javuo'ë'e.

## 4

<sup>1</sup> Rõhu God-are nunire Iesu Keriso-are nunire jögore bogo bise'o vadu'oho majahi'ejo. Uvone: Iesu Kerisoro sa'are raromarue ariböviohu'o vuovavu'ë'e ariböviohu'o no aho'obëhe göromo mevavuo'ajëjo. Huro nosi nunire rueromo böröme namiromo aho'obëhe muebejavuo'ajëjo. Èjöho uehorovoromo uvone: Paul-hu Iesu Keriso-are nunire jögoru majehi'ië'ajoho böröme hö uvoromo avoho ejehone.

<sup>2</sup> God-are jöho darugo'o majëhine. Ae nimë'oho o bogo nimë'oho biririvoromo majëhine. Jöe majëhijego avoho uehorovoruo'iro. Mu sisë vaejë'oho ahëvone. Darugo'e jö maho majëhijego heromo biririvoromo mu ma-maemu vaeruomo'iro. Nadi u'uho'i biririvoromo jöho røjëhinövone.

<sup>3</sup> Èhesi bëhoho rabëni. Majae ijönöho aëro God-are jö maho bijönimoruomo'ë'e. Jö maho bijönimo'i sareri sareri'e jöe gö gö he'i hia'e avohoruomo'ë'e. Hia'e avohoromo èhuni sareri sareri'e ae gö gö sö rueruomo'ë'e èhuro he'i nimarue jö bëhoho røjëhijego heruomoröhëro.

<sup>4</sup> Èhi jië'e aribövioho sö rueromo jö maho vuonugo'i sareri'e jöhuremu uehorovoruo'ë'e.

<sup>5</sup> A'i jero rabe rabe rovë'iroho avo'avoho uehorovonövone. Huë vavaene rovë'oho nadi u'uho'i biririvone. Keriso-are jö maho majëhinövone. Èmuoho ma'enone. Jasi muoho aho'obëhe avoho ma'eno titimone.

<sup>6</sup> Èhesi bëhoho nasi majaho barë'irögoro è'e. Jew rajehu God rajahiromo jovo otehoromo God bojamijaruëhi èhi nasi sino haho'oho God-are örire suvuore bojamiromo guomo'ië'e. Majae dunovo'iramu na ave sa'aho vuonugo'ejo.

<sup>7</sup> Mu ma baejodoho naro nasi uehoroho darugoho aho'o bojamiromo biririvoromo vaejë'ëro èhu'ëro ruahö'öromo vae barëjë'e jeve. Noehu mae uehorovarue jöho ma'enë'e jeve.

<sup>8</sup> Ĕhuni'ero avevejö'e mu mae vaeromo ruahö'öjode hesi suvuoroho ö'idöre nugehë'eje. Badare majaho rue'iramu huro no avoho mevavuoromo gövuajäero jä'ero è suvuoroho bojemi'ë'e. Röhu bogo na gemuoho bojemi'i a'i ae rahu hu rovego ga'i nimarue ariböviohu'o èhi jä'e suvuoroho bojëmi'ë'e.

*Paul-hu hesi jö bise'o bise'o jajivade jöhoje.*

<sup>9</sup> Röhu ma-burëro nasi öroro rue'i è'o gane

<sup>10</sup> rabëni hesi bëhoho Demas-ro sa'are muohemu nimoromo na remo'i Thessalonica amore va'irögoro Crescens-ro Galatia sa'are va'irögoro Titus-ro Dalmatia sa'are va'ë'e jiaje.

<sup>11</sup> Luke-ro gemuëro bogo va'ë'ero huro rueromo gevajeje. O Mark mae ajamuijaje ae jiaje èhuni hu'irae rovego huro muoho ajemi'iro.

<sup>12</sup> Röhu naro Tychicus nugö'öjamu Ephesus amore va'adeje.

<sup>13</sup> Röhu urimë'i na Troas amore hijodevare nasi runoni niögoho Carpus-are osare nugo rovë'e jeve. Èhuni ja rovë'iroho baejeho ruene. O biriri'e suri suriohemu uehorovo avohoromo ujuoheho ruene suri suri ioro'iorohu'o èhu'o.

<sup>14</sup> Röhu copper inömo avoho'amaje ae Alexander-ro nasi örire mu sisë bëhe vaejevadeje. Èhuni hu sisë vaejevadëhi Badaro i'ue èhi mana bojami'ë'e.

<sup>15</sup> Röhu jero gavë'i muoho vaene. Iahuro ja'o sisë vaejavo'ë'e. Èhesi bëhoho huro nosi jöho aho avohë'tego uave.

<sup>16</sup> Röhu urimë'i na court vaejevarevaroho aho bogo na'oho riravoromo nasi jöho ajemiromo majëhijareje. Ae aho'obëhe na vuororemijareje. Èhi jä'e muoho sisëgo na nege God-ro jabesi sisëho uehorovoromo vuonugojöro.

<sup>17</sup> Ae aho'obëhe vuororemi'i a'i Badaro na'o namiromo biriroho bojemadeje èhuro naro hesi muoho vae barëromo hesi jöho majëhijego sa'a ioro'ioro raje ae aho'obëhe heruomoröhego. Èhi'oromo na vörö'e mi hesi jö'ore jevanovamu Badaro ajemiromo baejevamu èhuro sisëho bogo birohodeje.

<sup>18</sup> Na sisë'i jevamu Badahu baejevadëhi na sisë birohevobe va'ë'oho huro èhi baejevoromo avoho muebejevonövo'ë'e èhuro naro ö'idöre va'oromo huhu böröme namiromo muebejavuaje öri ari'ere è hi'irodego. Hesi ihoho ma-mae jiemu jioje va'ë'e. Iae mae.

*Paul o Christian ae gö gö jabuhu Timothy'o a ioro'iorohu'o jejëmiijare jöhoje.*

<sup>19</sup> Röhu Prisca'o Aquila'o jejëmiromo Onesiphorus-are aganohu'o jejëmiijode höne.

<sup>20</sup> Röhu Erastus Corinth amore hijadoho iae èhi hije. O Trophimus guomo guome baejamu Miletus amore nugo rovodeje.

<sup>21</sup> Èhuni jero ma-burëro ruene. Buru börömo majaho rueromo ja rue'irane öroho tarijööni uave.

Eubulus Pudens Linus Claudia ö mueno'o ioro'ioroho èho jaburo jasi örire jejamijö.

<sup>22</sup> Badaro jasi aru'ahohu'o jioromo jemë ae aho'obëhe huë baeromo ajëminövë'e. Ahia mino'e.

## TITUS

*Paul-hu Titus jejamade jöhoje.*

<sup>1</sup> O asë'e Titus Paul naro ave jöho jasi örire jajive. Na God-are mu vaejaje ae jevoromo Iesu Keriso-are apostle jeve.

Èhesi bëhoho God-hu baejövade aho magonahoho naro ajëmijajeje jaburo God mae uehorovobe hesi jö maho garomo ejahobe va'iröhego.

<sup>2</sup> Ejahobe va'oromo muebejë'i uvoruomoröhego: Ioro'ioeremu maro raromo'ejarëjo. Èhi maro raromo'iröhego mami'e sa'a bövi bise'o bogo bamade majare God-ro mae uvadeje: Iae èhi jio'a'ajëjo God hu sareri'e jöho bogo jövajëro jië'ëro.

<sup>3</sup> Maro raromo'iröhe jöho èhi uvë'ëro gavade majaho eni jiamu gagorovo huhu uvade jöho hesi aribövioho sama'e majëhijadeje jaburo ae majëhiröhego. Röhu è jöho na'o bojemiromo uevadeje: Naehu uvode ma raromo'irarije jöho ae majëhinëjo. God baejavuoromo manö bamavuae ahuro è muoho bojemijë'ëro èhu'ëro hesi mu vaejaje ae jevoromo Iesu Keriso-are apostle jeve.

<sup>4</sup> Röhu naro Titus jasi örire jejamije. Naehu God uehorovajëhi ja'o èhi gemuoho uehorovanuëro javë'ëro èhu'ëro ja nasi harihu mae jave.

Na nege God Vavuohu'o Iesu Keriso manö bamavuae ahu'o èho jaburo huë baeromo ajamijego maro hi'iranego.

*Titus-hu Crete hiromu mu vaeröhe jöhoje.*

<sup>5</sup> Röhu Crete sa'are naehu ja ramoromo rovode hesi bëhoho èhuro Keriso-are ekaresia jabesi mue rabe rabe bogo eni jëvajoho jero avohëhego mae jio'amoröhego. O naehu uavodëhi ekaresia muebe'amo'iröhe a duvahoho jero amore amore èhi bahibe juvo'iranego.

<sup>6</sup> Ekaresia muebe'amo'iröhe a duvahoho èhi jio'amo'iro. Èhi jië'e a duvaho hesi ihoho ma-maemu jio'iro. Hu magonahe ma-gemu masu'iro. Hesi aboji harihu'ohuro nadi hia'e biriri'övoromo aruëre anumëre ëma jijihio'iro. Èhioho bogojio'i a'i ma-mae uehorovarue aribövie jëvo'iro.

<sup>7</sup> Iae ekaresia muebejaje aho bogo a muoho a'i God-are muoho muebejaje jiaje èhuni hesi ihoho ma-mae jio'iro. Nadi jö giagia'e aho nadi burëro vörönimaje aho nadi vörö'e jovo iromo simano sisërëjë'e aho nadi vörö ë'aje aho nadi moniemu uehorovaje aho jio'iro.

<sup>8</sup> A'i osare sötjëvo va'oromo nihudëgaje mu maemu nimaje taemorovaje jögore baeromo mueborovaje God avoho uehorovaje gororovaje èhi jië'e ae jio'iro.

<sup>9</sup> Noehu majëhibe rovarë èhi jië'e jö maho biririvoromo mae uehorovo'iro èhuro eni jioromo jö mae avoho röjëhiromu mu ma vaeruomaje a jabesi uehoroho birire bojëmi'i o göho jö aho'ahovarue aribövi jabesi uehoroho huotovëho'iröhe.

<sup>10</sup> Jö aho'ahovarue aribövioho aho'oje. Jöho bogo e'i bëhi rumo'e sareri'e jöho röjëhijarueje. A ioro'iorohu'o röhu Jew rajo Christian aribövioho jaburo èhi è'arueje.

<sup>11</sup> Èaribövi jabesi jöho ahëhore. Èhesi bëhoho jabumë sisë uehorovë'i moniemu nimeromo jabesi sareri'e jöho röjëhijego agane gö gö uvarueje: Nani mae hōromo rireromarueje.

<sup>12</sup> Jabesi Crete sa'a rajo jö majëhijaje a böröme gemuëro uvadeje: Crete rajoho sareri'e muoho javuobe vörö'e mi va'ëne javuobe mu bijöni'e iemu mahëro ue'ahanovobe rovë'e javuajëjo.

<sup>13</sup> Huhu uvade jöho iae maeje. Èhi jië'e jiaje èhuni jöho darugo'o majëhijego jaburo Keriso-are jöhemu avoho uehorovo'i

<sup>14</sup> a'i Jew rajehu jabesi uehoro jö ëma sarerëmiromo majëhijaruoho vuonugo'i. O aehu öri ma bijönimoromo jöe gö ëma bojëmijarue jö mae uehorovaruoho vuonugo'iro.

<sup>15</sup> Ae rahu dë vövöbajo'e ma-maemu jië'oho garomo uvarueje: Inöme aho'o sisë sisë bogojio'i ma-maemu jio'amajëjo. O ae rahu dë vövöbajo'o sisë jioromo Keriso bogo ma uehorovë'oho ëma uvarueje: Bövioho bise'oho sisë jio'amajëjo. Röhu jabesi uehorohu'o dë vövöbajo'ohu'o sisërëjëvë'eje.

<sup>16</sup> Jö'ëro uëvarueje: No God gavarue hōjo. Röhu mu sisëmu vaejaruohuro èhuro röjahirovego no gavarueje jabuhu èhi atarue jöho sarere jiego. Jabumë sisë bëhe jioruome. Jöho bogo eruome. Mu maho bogo vae hesi jioruome.

## 2

*Ekaresiaehu God-are jö avoho uehorovoromo mu avoho vae'iröhego Titus-hu röjëhi'iröhe jöhoje.*

<sup>1</sup> Jabumë ähi jïë'e mu sisë vaejarueje röhu jero God-are jö ma jiaje ähi jïë'e muohemu röjëhijego jasi ariböviohuro ähi vae'iro.

<sup>2</sup> Ama'i mavojoho uëne: Jemesi simanoho sasohoromo mu maemu uehorovoromo taemo raromorëne. God avoho uehorovoromo ae avoho huë baejëvoromo avoho birivorëne. A mavojoho ähi uëne.

<sup>3</sup> O magonaho mavojoho ähi jïë'e jöe gemuoho majëhiromu uëne: God gemu uehorovobe jïjihonövorëne. Ae gö jabesi jö sisëho nadi atemu atorëne. Nadi vörö'e jovohemu iemu irëne. Mu maemu röjëhijego magonaho i'ohu he'irarëne.

<sup>4</sup> Magonaho mavojoho ähi uëne. Jaburo mu mae röjëhijego magonaho i'ohuro heromo baruohu'o asisö'ohu'o rajëhi'iro.

<sup>5</sup> Taemo raromo'iro. Aho bogo sihëvo'iro. Amoho avoho muebe'iro. Baru jabesi jöho ejëho'iro. Christian magonaho i'ohuro ähi ë'iramu gëgorovo aho God-are jöho bogo agoruomo'ë'e.

<sup>6</sup> O a i'ohu ähi jïë'e jöe gemuoho majëhine. Uënego ma-taemo raromo'iro.

<sup>7</sup> Röhu jero mu maemu vaejego ae aho'obëhe ja garomo uehorovoromo uvoruomo'iro: È'ego no'lo ähi jïë'e muoho vae'irarëjo. Nadi uehore gö gö bae'i ma-taemo hiromu jöho röjëhine.

<sup>8</sup> Jö maemu jövnego aho jasi jöho heromo bogo sisë'iohu atoruo'mo'iro. Èhi jïë'ohu nosi jö bijönimoruomaje ariböviohuro Christian aribövi nosi jö sisë ato'iröhoho bogo eni jëvo'iramu javoje baeromo ma-raromo'ë'ö.

<sup>9</sup> O ae gö jabesi muemu vaejëharue ariböviohu uëne: Jemesi a masijo jabesi jöho aho'obëhe ejëhego jaburo gëromo nimoroho'irarëne. A masijo jabesi jöho nadi aho majëhirëne.

<sup>10</sup> Jabumë nadi vajiohuvodëgorëne. A'i mu maemu vaejego ae göëro gëromo uvoruomo'irajo: God-are jöho iae mae höjo. God no manö bamavuade a hesi jöho uave. Mu ariböviohu ë jöho majëhine.

<sup>11</sup> Èhi jïë'e jögoru röjëhi'irane hesi bëhoho God-hu huë baejavuaje muoho ae aho'o nosi nunire rovë'eje ëhuro baejavuego maro va'iröhego.

<sup>12</sup> Èmuoho rovë'ëro ëhuro God-ro röjahuijajeje noro God bogo uehorovarue muoho sinehu nïmarue mu sisëho dejonö bu'ö'i ma-taemorövë'i mu mahuremu uehorovë'i God rajahijë'i ave sa'are raromo jïjihöjoro.

<sup>13</sup> Èhi ë'ë'i muebejarueje ë nimoroho'iröhe maja rue'iröhire nosi A Böröme God no maro bamavuaje aho Iesu Kerisoro aji'lo rovego ga'i.

<sup>14</sup> Iesu Kerisoro nosi jöëni guomorovadeje sisëhu ruahö'öjavuadoho ahego noro maro raromoröhego. O nosi dë vövöbajo'ohu u'ovahuego no hesi aribövi maemu jioromo mu maemu vae'i nimoröhego.

<sup>15</sup> Èhi jïë'e mu öroho röjëhinövone. Jögore mëmiromu mu sisëho ahonövone. Daruge baejë'e javaje jöho darugo'lo majëhijego aho jasi jöho bogo mana aho majahi'i.

## 3

*Christian aribövi no diehi mu vae'iröhe jöhoje.*

<sup>1</sup> Jasi ekaresiaho uëne: Jemesi sa'are simano vaeruomaje ariböviohu'o jemesi a masijo ioro'iorohu'o nadi biriri'övoromo juahëmi'i jabesi jöho ejëhorëne. Mu mae bövie bise'e ömo varijëne jiorëne.

<sup>2</sup> Nadi ae gö jabesi ihoho ijumorëne. Nadi irovorëne. A'i ma-u'emu raromoromo a mahu'lo a sisëhu'lo jabesi örire ma-jö sanu'e majëhiromu huë baejëvonövorëne. Èhi uëne.

<sup>3</sup> Èhesi bëhoho no'lo uehore bogojïë'e aribövie javuonövadeje. Jöe bogo e'i aruëre anumëre ëma jïjihonövareje. Sinehu nïmaje mue gö gö ëhuremu uehorovonövareje. A jabesi mu mahuni o böviëni bise'ëni dë vörönimoromo bijönaguonövadeje. Sisë javu'olego aëro bijönaguonövareje. No'lo göëro göho nue huodamirovonövareje.

<sup>4</sup> A'i avevejö'ohu God manö bamavuaje ahuro huë baeromo ajamuijamu no gavë'e javue.

<sup>5</sup> Ajamuiromu baejavuoromo manö bamavuë'eje. Bogo noehu mu ma vaejarohunioho bogo ëhunioho ëhioho ë'i a'i huro noni vavaenimoromo ëhuni manö bamavuadeje. Èhesi öroho aviëhije. Huhu nosi sisë u'ovahuadohuro hesi Aru'ahuhu i'lo baejavuadohuro ëhuro i'orëjavuadeje.

<sup>6</sup> ĒAru'ahoho God-ro jovonö'e otehodaguadeje Iesu Keriso no mare bamavuaje a hesi ihore.

<sup>7</sup> Hu ēhi ē'ade hesi bēhoho huro huē baeromo ajamuiromo nosi sisēho mu'uvahuē'ēro noro muebejē'i uvorōhego; No hesi aboji harihu'ēro javuē'ēro Vavu hesi bōvioho bise'oho baeromo ēhuro ma-ioro'ioyemu maro raromo'ejarejo.

<sup>8</sup> Ējōho iae mae.

Na nege jero ē jōho darugo'o majēhijego ēhuro God uehorovorouomaje aribōviohuro ma-mu maemu avoho uehorovoromo vaeruomorōhego. Ēhi jiē'e mu vaejē'oho iae maeje. Ēhuro ae aho'obēhe marējēvo'ē'e.

<sup>9</sup> A'i simano rumo'e jō berohemu beroharuoho bogave ejēho'irane. Hijo miono'o jabesi iho jōemu atemu ataruoho bogave ejēho'irane. O Jew rajo nosi jōgoru hesi bēhohuni jō aho'ahamirovoromo irovaruoho bogave ejēho'irane. Ēhi jiē'e jōho ēho ma-jōeje. No ēho uehorovē'oho ēhuro bogo maho javuo'ē'e.

<sup>10-11</sup> Ae gōehu jō sisē majēhiromo ekaresia adovēvaje ēhi jiē'e aho jōgore majahiromo bogo ejahamu gavē'oho rōhu maho majahinōvone. Bogo ejahamu gavē'oho uvone: Ēhi jiē'e a hesi simanoho sisē bēhe hōne. Hesi sisēro jiē'ēro i'ue bae'a'ajēne. Ēhi uvoromo ē a hesinō dejoho bu'ōne.

*Ijo tugoho'i jōhoje.*

<sup>12</sup> Rōhu naro Artemas o nani Tychicus jasi ōrire nugō'ō'ejo. Nugō'ōjego ō'ego evaro Titus jero ma-burēro Nicopolis amoro rueromo birohevone buru majare na Nicopolis hi'i uvē'e jevaje ēhuni.

<sup>13</sup> Zenas jōgoru gavaje ahu'o Apollos'o avoho gēromo ie bōvie bise'e ajēmijego huē mae va'iro.

<sup>14</sup> Na nege nosi ekaresia aribōviohuro mu maho avo'avoho vaeromo bogo eni jēv'e aribōvioho ajēminōvorōhego. Ajēmijē'ohuro ēhuro jabumē bogo ēma raromo'i i'o mu'e vaejarue aribōvie jēvo'ē'e.

<sup>15</sup> Ave na'o raromarue aribōvioho aho'obēhe jaburo Titus jasi ōrire jejamijō. O no'o gemuore Iesu mae uehorovarue aganoho naro jejemijode hōne.

God-ro jemē ae aho'obēhe huē baeromo ajēminōvo'ē'e. Ahia mino'e.



## PHILEMON

*Paul-hu Philemon jejamijade jöhoje.*

<sup>1</sup> O asë'e Philemon nosi aemo'aeme no'o bimuvoromo mu vaejanue aho na Iesu Keriso-are jöeni savoji gagore hijaje aho Paul na'o nosi öe Timothy'o noro niö'iro jasi örire jejamijö.

<sup>2</sup> O Apphia nosi ma'inoho o no'o gemu mae Satan'o muorovaje aho Archippus o Philemon jasi osare gagovarue ekaresia aribövioho ëhu'o jejemijö.

<sup>3</sup> Na nege God nosi Vavuohu'o Bada Iesu Keriso'o huë baeromo ajëmijego maro raromo'irarijego.

*Philemon-hu Iesu mae uehorovoromo God-are aribövi huë baejëvonövade jöhoje.*

<sup>4</sup> Philemon Paul naehu God-are örire jö jövë'iroho naro jasi jöhu'o jövoromo nasi God hesi örire huë mae uavajeje.

<sup>5</sup> Ëhesi bëhoho naro hejajeje aëro jasi jöho atoromo uvoruomego: Jero God-are aribövioho aho'obëhe huë baejëvoromo Bada Iesuare örire mae uehorovanue höjo. Ëhi heromo ëhuni God mae uaromo

<sup>6</sup> ëninamiromu uavajeje: God jero ajaminego Philemon no'o gemuore mae uehorovavajohuro ëhuro hesi simanoho jiororovoromo Kerisohu bojamuijaje huë maho bövioho bise'oho ga avoho'irajo.

<sup>7</sup> Öho jaehu God-are aribövie aho'obëhe huë baejëvanohuro ëhuro jabesi dë vövöbajo'oho sanuovëhë'e jave. Ëhuro na dë mae jevego nimoroho avohajeje.

*Onesimus Philemon'o hiromu ju'ebijë'ëro sionëro ö'ëgo Philemon-hu hesi sisë uehorovoromo vuonugoromo rôhu maho baeröhe jöhoje.*

<sup>8</sup> Ja ëhi jië'e huë baejë'e ae javë'ëgo ëhuni ave jöho ua'ie'e. Na nego'ibejo na Keriso-are ihore darugo'e jöho bojamiromu ua'ibejo: jasi muoho vaejëjo.

<sup>9</sup> Röhu bogo ëhioho ë'ëjo. A'i ja huë baejë'e ae javë'ëgo ëhuni naehu nimaje jöho masanu'e majahi'ëjo. Paul na Iesu Keriso-are jö majëhijaje ae jevo'i aviavejö'e na hesi jöeni savoji gagore hijaje aëro jevë'ëro

<sup>10</sup> ëhuni naehu huë baejaje harihu hesi jöeni naro jasi örire ave jöho uave. Naro savoji gagore hiromu ajamamu huro Keriso baejadeje. Ëhuro hu nasi harihe jianove. Na Onesimus-are jöho uave.

<sup>11</sup> Onesimus-are iho hesi bëhoho ajamuijaje ahoje. Röhu hu urimo ja'o hiromu jasi muemu vaejahadevaroho evaroho jasi öriroho bogo avo'avoho ajaminövadeje. Röhu avevejö'oho Keriso baejë'ëro ja'o na'o ajamuijaje aeje.

<sup>12</sup> Iae na nugö'ö'irögöro ëte vuonorö'ö ö'oromo jasi muemu vaejaho'iröhego. Röhu hu ö'iramu nasi dë vövöbajo'e aho'o hu'o jio'ë'e.

<sup>13</sup> Naro Onesimus ma'eno'ibejo ëhuro iae na mae jevo'ibejo. Keriso-are jö ma hesi jöeni na savoji gagore hijego Onesimus-ro na'o gemu mae hiromu ja'o röromu ajemi'iröhego ëhuni ma'eno'ibejodoho röhu bogo ma'eno'ëjo.

<sup>14</sup> Ja bogo uevë'e naehu Onesimus ëma ma'enë'oho na bijönege hu jasi muemu vaejahaje aego. Ëhesi bëhoho Onesimus-ro ja'o röromu ajemi'iröhego naremuëremu nimoromo hu ma'enë'oho sisë jio'i a'i jaehu nimoromo Onesimus-hu na ajemijöro uavë'oho iae maeje. Röhu jasi jöho bogo baejë'ëro jevë'ëro ëhuni na bogo ma'eno'i jani nugö'ö'ëjo.

<sup>15</sup> Onesimus ja'oho bogo hi'i dirö'o göro majae ma-bisemu hijadeje. Ëhesi bëhoho nani hu vuonorö'ö ö'ëgo jero ma-ioro'ioremu bae'iranego.

<sup>16</sup> Avevejö'oho hu bogo ma-jasi muemu vaejahaje aho jio'i a'i jasi huë baejanue ö maeje. Iae na hesi örire börömo bëhe uehorovajeje. Röhu jero na iosiremiromu börömo mae hu uehorovo avoho'anue ë hesi bëhoho hu jasi mu vaejahaje ae jioromo ja'o hu'o Badare ae gemuoho jëvë'ëgo.

<sup>17</sup> Ëhuni jaehu uvë'oho: Paul Philemon na'o havaje ae hö uvë'oho ëhuro jaehu na rajehiromu baejevo'ibejanëhi Onesimus ö'ëgo ëhi rajahiromu baene.

<sup>18</sup> Huhu mami'e mu sisë vaejavadoho o jasi mae sisë'e bojami'iröhoho bogo bojami-jadoho uevego naro hu'o röromu jasi örire mana bojami'iro.

<sup>19</sup> Paul naro ave jöho nasi övëro jajivoromo uave: lae naro manaho bojami'ejöjo. Röhu jaehu mana ajemi'irane jöho na bogo ua'ëjo. Ëhesi bëhoho naro ja ajamijamu jero Keriso baejë'ëro ëhu'ëro bogo sisëroho va'i maro va'o hesi jave. Röhu ë jöho bogo ua'ëjo.

<sup>20</sup> Io'lo öho naehu nimaje jöho Badare jöëni ejehego mae jevo'i. Ejehoromo ehuro Keriso-are ihoro nasi dë vövöbajo'oho sanuovehone.

<sup>21</sup> Röhu na uehorovoromo uve: Naehu nimaje jöho ejeho'anuëromo ave surire jöho jajive. Iae na garomo uve: Naehu uavaje jöho jero eromo röhu gö'lo döre vae avoho'anuëjo.

<sup>22</sup> Röhu naehu hi'irode röhohu'lo avohehone. Ehesi bëhoho na uehorovoromo uve: Jemëhu nasi jöëni ëninamijarujohuro ehuro God-ro ajemi'iramu na savoji gagore jioromo höröromo jemesi örire ö'ejöjo.

*Christian ae göehu göehu Philemon jejamijare jöhoje.*

<sup>23</sup> Röhu Iesu Keriso-are jöëni na'lo savoji gagore hijaje aho Epaphras-ro jasi örire jejamije.

<sup>24</sup> O Mark Aristarchus Demas Luke ëhi na'lo gemu mae Keriso-are mu vaejarue aribövioho jabu'lo jasi örire jejamijö.

<sup>25</sup> Bada Iesu Kerisoro jemesi aru'ahohu'lo jioromo huë baeromo ajëminövo'ë'e. Ahia mino'e.

## HEBREWS

*God-hu uavamu hesi Harihehu jö majahuijade jöhoje.*

<sup>1</sup> Urimoho God-ro mue gö gö majae göro göro vaebe rueromo ehuro hesi jöho röjêhi'ego jö hesirire baeromo majêhinövare ariböviohuro baeromo nosi hijo miono'oho majêhinövareje.

<sup>2</sup> Èhi'tobe rovadoho avevej'ö'e ijo tugoho'i jioröhe majaho dunovamu God-ro uavamu hesi Harihohuro jöho majahuijê'eje. ÈHarihoho God-ro uavê'ero sa'ae bövie bise'le bamadoho êho ijonö hesi bae barê'iröhohoje.

<sup>3</sup> Iae hu God-are aji maho baeromo ehuro no ajivavuajeje. God jiajêhi hu êhije. Hesi darugo'e jöho jövoromo ehuro sa'aho bövioho bise'o'ho aho'o ma'eno titimajeje. Huro nosi sisêho u'ovahuonugoromo dö mare ajiomoromo God börömo jiaje a hesi övo manö hijadeje.

<sup>4</sup> Èhu'ero jiê'ero anerae aho'obêhe iosirêmiromo huro dö mare hijajeje. Göho hu God-are Harihêro jiê'ero hu iho bövi maho baejamu hesi ihohuro anera jabesiroho iosirêmi'ê'eje.

*God-are Harihehu anera ömo'ömo iosirêmijaje jöhoje.*

<sup>5</sup> God-are Harihehu anera jabesi iho iosirêmiromo iho börömo baejade jöho God-are surire jajivadoho gavarueje. God-ro anerae bogo gemu vadu'o'ho ave jöho ua'i ma-hesi Harihoho gemu uavadeje:

Ja nasi Harihoho javajêjo.

Jaruvoho nara ja baejavê'e jevajêjo.

O God anerae bogo gemu vadu'o hesi jöho jövoromo ae uê'i ma-hesi Harihu hesi jöhemu uêvadeje:

Na hesi Vavuoho jevo'i

hu nasi Harihoho jio'a'ajêjo.

<sup>6</sup> Jö göho God-hu hesi Harihu Muri sa'are nugö'öjadedevare evare uvadeje:

Na negajêjo God nasi aneraho aho'obêhe jaburo ê aho gemu rajahiruomoröhego.

<sup>7</sup> O anera bogo iho masijo jio'amaje jöho huro uvê'eje:

God nara nasi aneraho avohêvego bururaa'amaje hōjo.

Nasi mu ajemjarue aru'ahoho avohêvego vëni hōduraa'amaje hōjo.

<sup>8</sup> Anera jabesi jöho êhi uvo'i Harihu hesi jöho êhi uvê'eje:

God ja böröme namijanuo'ho êhi namiemu namibe va'a'anuêjo.

Böröme namiromo jero jasi öri ari'o'ho avoho muebejanue hōjo.

<sup>9</sup> Ja mu maho nimo'i mu sisêho bijönimanue hōjo.

Èhuni God jasi A Börömoho nara ja baejavoromo huê mabêhe bojamijamu

jero jasi aribövioho iosirêmi'ê'ero ja börömoho javajêjo.

<sup>10</sup> Röhu God-are Harihu hesi örire jö göho êhi uvê'eje:

Bada ni'i'ivadiroho jero sa'aho bamane hōjo.

Ö'idöhu'o jasi övëro avohane hōjo.

<sup>11</sup> Sa'ahu'o ö'idöhu'o barê'i a'i jero biririvoromo hiemu hi'a'anuêjo.

Sa'ahu'o ö'idöhu'o niögëro buraverovanovo'ajêjo.

<sup>12</sup> Aehu niögu suhi'o muotoho bahijaruêhi êhi ö'idöho sa'aho rori'o bahi'anuêjo.

Aehu niögu jijö boremi'ö'i i'o io'amaruêhi ö'idö mamioho sa'a mamioho êhi mu'u'i i'e avoho'anuêjo.

A'i ja vadune manaere aho'o êhi ma-jiemu jiobe va'a'anuêjo.

<sup>13</sup> God-ro anerae bogo gemu vadu'o'ho ua'i ma-hesi Harihohemu uavadeje:

Nasi övo manö ro hijego

ja'o muorovarue aribövioho nara ruahö'öjêvego

hörëro vijuvo taemo'amo'irane hōjo.

<sup>14</sup> Harihoho êhi böröme jio'i a'i anerae aho'o jabumë ma-God-are mu vaejharue aru'ahê jio'ame. Èhi jio'amê'ero God-ro rêmö'öjêgo jaburo rueromo God-hu ijonö mare ramuo'iröhe aribövioho no ajamuijarueje. Èhu'ero jiê'ero God-are Harihohuro aneraho iosirêmiromo hu börömo mahoje.

## 2

*God-hu baejavuoromo mare ramuaje jö noehu avoho uehorovo'iröhe jöhoje.*

<sup>1</sup> God-are Harihohuro aneraho iosirêmiromo hu böröme jiê'ego êhuni noehu God-are jö hejaroho bogo rumonimo'i biririvoromo ma'eno'êjo jöho nugo'i öre gö va'ojöeni.

<sup>2</sup> Urimoho aneraëro Jew rajo hijo miono'oho God-are jöho bojëmäreje. Êaneraho bogo masijehu jëvadeje rôhu jabesi jöho bogo sareri'ehu jio'i iae mae jiadeje. Iae mae jië'ëro ae rahu jö bogo ejëho'i mu gö gö vaejë'oho i'ue mana baenövareje.

<sup>3</sup> A'i jaruvoho God-hu nosi aru'aho mare ramuaje jö bojamuijadoho êho jö börömeje. Ae rahu ë jö vuonugë'oho i'ue baejëni gororomo huruomoromo din'öle va'ejo. Huruomoi'iröhe öroho bogoje. Êhesi bëhoho bogo aneraho uö'i Badaro aevoromo hesi jö'ëro majahuijamo jö hejare aribövioho jaburo ë jöe gemuoho majahuiromo uövuaraje: Iae mae-ëjo.

<sup>4</sup> Rôhu bogo jabesi sivuoho ëma majahui'i a'i God-ro jabesi jöho ajëmiromo bogo gavarue darugo'e mue gö gö vaenövadeje noro garomo jöho mae uehorovoröhego. Darugo'e muoho vaeromo huhu nimadëhi hesi Aru'ahoho ua'ego noehu mu mae vaeröhe suvuore gö gö êhi bojamuinövadeje noro êhu'o garomo jöho mae uehorovoröhego.

*Iesu hu baejavuoromo manö ramuade a böröme jiaje jöhoje.*

<sup>5</sup> Rôhu êhi jië'e mu masijoho êho u'emu jioröhe öri ari'o i'o hesi muohoje. Na ë hesi jöho jajive. God-ro ë öri ari'o i'o bamo'i uehorovadevaroho bogo uvadeje: Aneraëro masije riravoromo ë öri ari'oho mueberuomoi'ajëjo.

<sup>6</sup> Bogo aneraho jaburo mueberöhego uvo'i a'i jöe gö God-are surire uvë'eje: God-ajo. Sa'are aribövioho ma-bise'e javuajëjo.

Rôhu jero nosi jöëni uehorovanue höjo.

Nosi ihoho bogojavuanovajëjo.

Rôhu jero no muebejavuanue höjo.

<sup>7</sup> Anera masijo jio'amaje jabesi bëhire sa'are aribövioho no bamavuane höjo.

Ajohu'o iho mabëhohu'o bojamuane höjo.

<sup>8</sup> Noro höröro taemoromo muebe'amoröhego bövie bise'e nosi hörü uhunö bahijahuane höjo.

Êhi jajivë'eje. Bövi bise'o nosi hörü uhunö bahijade jö hesi bëhoho aho noro aho'obëhe ruahö'ö'amoromo muebe barë hesi javue. Rôhu avevejö'oho bövioho bise'oho nosi hörü uhuroho bogojavuë'ëro êhu'ëro aho no bogo aho'obëhe taemoromo muebe'amarueje. Êhi jië'e muoho nosi nunoho bogo gavarueje u'emu garöhëro.

<sup>9</sup> A'i noro ae gemu Iesu iae gavö. Iesu hu döre jiadoho God-ro hesi nimoro huë baejavuoromo hu uavamu ruvebiromo anera jabesi bëhire hijadeje ae aho'obëhe noni guomoröhego. Hiromo vavaene baeromo guomamu êhuni God-ro hu döro bamoromo ajohu'o iho mabëhohu'o bojamamu baejadeje. Êho iae no gavö.

<sup>10</sup> God-ro aboji harihu'e aho'obëhe aji'ere söjavuo ujuoh va'i nimamu êhuni baejavuoromo mare ramuoi'iröhe a börömoho Iesu uavadeje huro vi'ehe baejëro êhuro mue aho'obëhe ruahö'amoromo eni romoromemu jiego no baejavuoromo maro ramuoi'iröhego. God-hu bövi bise'o avohoromo muebe'amajohuni êhuni huhu Iesu êhi uavadoho mae jiadeje.

<sup>11</sup> Rôhu nosi sisë u'ovahuaje aho Iesuoje. Sisë javuego u'ovahuaje aribövioho iae no javue. Rôhu hesi Vavuohu'o nosi Vavuohu'o gemuohoje. Vavue gemuoho javuë'ëro Iesuro bogo javojimo'i ma-uvajeje: No ö mueno'e gemuoho javuajëjo.

<sup>12</sup> Iesuhu uvaje no ö mueno'e gemuoho javuajë uvaje jöho God-are surire jajivoromo êhi uvë'eje:

God jasi jöho naro majëhi'iramunasi ö mueno'ohuro heruomoi'ajëjo.

Naro jasi ariböviohu'o gemuore hiromo jasi örire rajahiromo jöho io'ejöjo.

<sup>13</sup> Rôhu Iesu ae aho'o no'o gemuore jiaje jöho gö'o jajivoromo uvë'eje: Naro uvonövo'ejöjo: Hesi God-ro gemuëro ajemi'ajëjo. Rôhu jöe gö'o uvë'eje: Na aviae jevajëjo. Na God-hu bojemade aboji harihu'ohu'o gemu mae hijajëjo. Iesu'o no'o gemu mae javuaje jöho êhi jajivë'eje.

<sup>14</sup> God-are aboji harihu'e javuajë uvadeje. Rôhu aboji harihu'oho no sino haho'e biroge köe javuë'ëro êhuni Kerisoro araeromo hu'o sino haho'e biroge köe êhi gemuoho baejadeje êhuro guomoröhëro. Guomego vuovo'iröhe öri hesi vörö baejaje aho Satan hesi darugoho mu'uvaho barë'iröhego.

<sup>15</sup> Satan-are darugoho mu'uvahago no vuovavuoröhe ë hesi juhuonoho barëjahuo'iröhego. Êhesi bëhoho urimë'i vuovavuo'iröhoho uehorovoromo juhuonivobe rovaraje. Juhuoni juhuoni raromaroho diehi'oromo vuonugojöëni êhuni sisë'i raromareje. Êhi jië'e juhuonoho barëjahuo'iröhego êhuni guomadeje.

<sup>16</sup> Aveho iae mae. Iesuro bogo aneraho ajëmi'i a'i Abraham-are ujoho no ajamuijajeje.

<sup>17</sup> Êhu'ëro jië'ëro huro araeromo hesi ijoraje nomë va'ëne jiadeje. Êöre gemu jiadeje êhuro hu God-are muoho vaeromo priest böröme mabëhe jioröhëro. Êhi jië'e priest

jiromono noni vavaanimoromo muoho avoho vaeromo a nosi sisēho u'ovahuorōhōro. Ēhuni no va'ēne jiadeje.

<sup>18</sup> Sisēhuro Iesuare dēre bijiohamu vavaene baejē'ēro ēhu'ēro huro garōhe sisēhu nosi dēre bijioho gōvuego huhu ajamui'irōhoho iae hu eni jie.

### 3

*Iesuhu Moses iosiramiromo bōrōme jiaje jōhoje.*

<sup>1</sup> Christian aganomē God-ro uēvadeje jemē'o hesinō jēvojōro. Ēhuni Iesu uehorovo avohore. Iesuro God-are ihore jōe majahuijajeje. Hu nosi priest bōrōmohoje. Ēhu'ēro noro hu mae uehorovoromo hesi jōho huruoho majēhijarujeje.

<sup>2</sup> Huro God-are ōrire muoho baeromo ē muoho avoho vaenōvadeje. Urimē'i Moses-hu God-are mu avoho vaejahoromo God-are aribōvie aho'o muebejēvonōvadēhi Iesuro ēhi gemuoho ē'adeje.

<sup>3</sup> Rōhu Iesuro Moses iosiramiromo iho bōrōmoho baejē'ēje. Ēhesi bēhoho Moses hu ma-God-are agane gemuoho jio'i Iesu hu God-are agano gagovade aeje. Ēaganoho gagovē'ēro ēhu'ēro Iesuare ihohuro Moses-are ihoho iosiramijē'ēje.

<sup>4</sup> Agane gō gō bogo ēma jio'i aēro gagovoromo gemuoro nugo'amē'ēje. Agano gagovoromo bōvi bise'o avoho'amade aho God-je.

<sup>5</sup> Moses God-are mue vaejahaje aēro jiē'ēro God-are agano ioro'iorohu'o hiromono hesi muoho avoho vaenōvadeje. God-are muoho avoho vaeromo God-hu ijōnō majahui'irōhe jō jiajēhi jiē'e jōho huro urimo ae majēhinōvadeje.

<sup>6</sup> A'i Keriso bogo ma-mu vaejahaje aehu jio'i hu God-are Harihe jiadeje. Hu God-are Harihēro jiē'ēro God-are aganoho avoho muebe'amajeje. No'o God-are agane javue. God-hu maro ramuorōhe jōho bogo vuonugo'i biririvoromo nimorohē'i uehorovobe va'ē'ohuro ēhuro no ēhi javue.

*God-are aribōviehu nuho'irōhe jōhoje.*

<sup>7</sup> Ēhuni God-are Aru'aho hesi jōho avoho ejahore. Hesi surire jōho ēhi uvē'ēje:

Ave jaruvore majaroho God-hu majēhijaje jō hejē'iroho

<sup>8</sup> nadi hia'oho biriri'ōvorējo.

Jemesi hijo miono'ehu hia'i biriri'ōvoromo God na'o muorovarēhioho

nadi ēhioho ē'orējo.

Jabuhu a rumo'e sa'are raromoromo God nasi dē bijioho gavarēhioho

nadi ēhioho ōmorējo.

<sup>9</sup> Jemesi hijo miono'ohuro nasi mu masijo gabe rovaroho ēho bogo uehorovo'i

nasi dē bijioho gebe rovaroho vadune 40 barējade hōjo.

<sup>10</sup> Ēhuni God naro ē aribōvi jabesi ōrire bijōnimoromo uvode hōjo:

Majae ēhi jabumē dē vōvōbajo'ere sisē'i uehorovo'i

nasi mu hesi ōroho bogo avoho baeruumē'e hōjo.

<sup>11</sup> Ēhi uvoromo naro dē vōrōnegamu jōe darugo'o jōvoromo uvode hōjo:

Jabumē bogo na'oho ro raromoromo nuhoruomo'ajējo. Bogo mae bogajo.

<sup>12</sup> Aganomē ēhi jajivē'e jiaje ēhuni gavē'i raromoro. Jemē a ioro'iorohuro God bogo ma uehorovarue uehoro sisēho baeromo ēhuro darugo'e aho God vuonugo'aruje.

<sup>13</sup> A'i gōēro gōho jōgore mamirovoro. God-are surire mami'e adahare jōho uōvuē'ēje:

Ave jaruvore majaroho nadi hia'oho biriri'ōvorējo. Ēuōvuade jaruvore majaho bogo barējē'e jiaje evaro majae ēhi gōēro gōho jōgore mamirovoro ēhuro jemē a ioro'iorohuro sisēho garomo bogo simane huotorovoromo ēhioho hia'oho biriri'ōvo'irarije.

<sup>14</sup> Jōgoru mamirovo'irarije hesi bēhoho noehu aevo'i biririvoromo mae uehorovarēhi jiē'e uehore gemuoho ma'eno titimobe va'ojuvo majae barējamu bogo vuonugē'ohuro ēhuro no Keriso'o gemu mae javuaeje.

<sup>15</sup> Hesi surire mami'e adahare jōho uōvuē'ēje:

Ave jaruvore majaroho God-hu majēhijaje jō hejē'iroho

nadi hia'oho biriri'ōvorējo.

Jemesi hijo miono'ehu hia'i biriri'ōvoromo God na'o muorovarēhioho

nadi ēhioho ē'orējo.

<sup>16</sup> Rōhu rahumēro jōho heromo ri'ōromo God'oho muorovareje. Moses-hu Egypt sa'are jioromo sōjēvo rovade aribōvioho ae aho'o jaburo huotorovoromo God'o muorovareje.

<sup>17</sup> O God-ro rahumesi ōriroho bijōnimobe rovadoho vadune 40-ho barējadeje. God-ro mu sisē vaeruomaje aribōvioho bijōnimadeje. Ēaribōvioho sisē vaeruumē'ēro ēhu'ēro a rumo'e sa'are vuovo momorō'ōbe va'oruomadeje.

<sup>18</sup> O God-ro jõe darugo'o uvadeje: Jabumë bogo na'oho ro raromoromo nuhoruom'o'ajëjo. Bogo mae bogajo. Èho rahumesi jöho jövadeje. Jö bogo ejahare aribövi jabesi jöho jövadeje.

<sup>19</sup> Èhu'ëro jië'ëro no garomo uvö: Nosi hijo miono'ehu bogo ma uehorovarohuro èhuro jabesi sa'are va'o nuho'iröhoho bogo eni jëvade höjo.

#### 4

<sup>1</sup> God-ro mae uövuë'eje noro va'oromo hu'o raromoromo nuhoröhogo. Èhuhu uövuade jöho bogo barëj'e jiaje èhuni juhuonivoromo gavë'i raromoro. Ijonö God-ro a ioro'ioro jemesi muoho garomo uvojoëni: Rueromo na'o nuho'irarijoho jemë bogo eni jëvavë uvojoëni uëve.

<sup>2</sup> No God-are jö maho hejë'e javue. Urimë'i a rumo'e sa'are jijihoruomade ë aribövioho jabu'o ë jö maho hejareje. Hejareje röhu bogo marëjëvadeje ë hesi bëhoho hejare jöho bogo ma uehorovë'ëro.

<sup>3</sup> A'i no Iesu mae uehorovarue ariböviohuro iae va'o God'o gemu mae raromoromo nuharueje. Ènuho'iröhe jö God-are surire adahare jöho èhi uövuë'eje:

Naro dë vörönegamu jõe darugo'o jövoromo uvode höjo:

Jabumë bogo na'oho ro raromoromo nuhoruom'o'ajëjo. Bogo mae bogajo.

Èhi jajivë'eje röhu ë hesi urimo God-ro sa'ae bövie bise'e bamamu evare hesi muoho barëj'ëro jaruvoho bogoje.

<sup>4</sup> God-hu mu barëjade jö God-are surire jajivaroho majae 6-ho barë'i 7 jiade jö jajivarire ë gavarueje. Èjöho èhi uvë'eje: Majae aho'obëhe 6-ho barë'i röhu 7 jiamu gavë'i God-ro hesi muoho aho'obëhe vuonugo'i nuhade höjo.

<sup>5</sup> Röhu ave God-are surire jöhu'o jajivoromo uövuë'eje: Jabumë bogo na'oho ro raromoromo nuhoruom'o'ajëjo. Bogo mae bogajo.

<sup>6</sup> Èhu'ëro jië'ëro urimë'i God-are jö ma heruomade ariböviohuro hesi jöho bogo ejahoromo èhuro bogo va'o hu'o gemuoroho raromoromo nuhareje. O ae göehu göehu va'oromo God'o raromoromo nuho'iröhe jöho bogo barë'i iae èhi gemuohoje.

<sup>7</sup> Èhuni God-ro majae gö bamoromo uvë'eje: Ave jaruvore majahajo. Èhesi bëhoho urimë'i hia'i biriri'övere aribövioho vuovëvadoho va'ojuo majae ègo'o barëjamu evare God-ro uavamu David-ro noehu adahare jöho jajivoromo uvadeje:

Ave jaruvore majaroho God-hu majëhijaje jö hejë'iroho

nadi hia'oho biriri'övorëjo.

<sup>8</sup> Urimë'i Joshua-hu Israel aribövi jabesi sa'are söjëvo va'adevare ë ariböviohuro God'o raromoromo nuhoruom'o'ibejo majae göre nuho'iröhe jöho God bogo bamo'ibejo. Röhu jabumë bogo God'oho raromoromo nuhareje.

<sup>9</sup> Bogo nuhë'ëro èhu'ëro God-are aribövieuho nuho'iröhe jöho bogo barë'i iae èhije. Urimë'i majae aho'obëhe 6-ho barë'i majae 7 jiamu God-hu aevoromo nuhade èhi jië'e nuho majaho God-ro noni bamahuë'eje.

<sup>10</sup> Èhesi bëhoho God-hu hesi mu vuonugo'i nuhadëhi ae rahu va'o God'o raromoromo nuhë'oho i'u'e muoho èhi vuonugo'i nuhoruomajeje.

<sup>11</sup> Èhuni no va'o God'o raromoromo nuho'iröhoho avoho vae ga'ejo èhuro ë hijo miono'ehu God-are jö bijönimoromo sa'are rireromarëhioho no bogo èhioho è'iröhëro.

<sup>12</sup> God-are jöho darugo ma-ma'eje. Darugo ma-ma'ëro jië'ëro ë jöho kaejö va'ëneje. Hesi kaejö anio ruë jio vië jië'ohuro nosi dëre nure aho'obëhe ro bijioho gövuajeje. Röhu nosi kaejöhö anio rumo'e jio'amo'i God-are kaejöhö anio ma-ma'eje. Èhuni no diehi diehi nosi uhure uehorovoromo nimiruoho God-ro nosi dë vövöbajö'ere göromo hesi jöho mardarugo'o ahorirëro majahuujajeje.

<sup>13</sup> Iae ae bövie bise'e God-hu bamavuadoho hesi nuniroho bogo gurihiroho javuoi a'i aho'obëhe God-hu gövuajoho ma-va'orahoro gemu javue. God nosi börömego noro hesi nunire riravoromo ua'ejo: Iae no èhi èhi vaejë'e javuajëjo. Èahuro no gö barëj'ëje.

*Iesu hu priest börömo ma jiaje jöhoje.*

<sup>14</sup> Röhu no priest börömo maho javue. Huro ö'idöre God-hu jiaje mare ë ajiomadeje. Hesi ihoho Iesuoje. Hu God-are Hariheje. Èhuni noro mae uehorovoromo huruoho majëhijarue jöho ma'eno titimo'ejo.

<sup>15</sup> Nosi priest börömohuro gövuaje nosi uehoroho darugoho u'uhoromo mu sisë vae hesi javuego göromo hu bogo ma-nunëremuoho gövuajeje. Nosi dëre mu sisëhu rabehu rabehu bijahuo'i hijajëhi sisëhuro nosi priest börömo hesi örire èhi gemuoho vaejajeje. Èhi gemuoho vaejamu bogo ejadeje.

<sup>16</sup> Ēhuni ē'ego no birivoromo God-hu bōrōmo namiromo hijajire ē va'oromo nosi jōho majahinōvo'iro God-hu hesi nimoro ajamuijajohuni. Noehu va'oromo jō majahijē'oho huē vavaene baejavuo'iramu evare huro noni vavaenimoromo huē baejavuoromo ajamui'iramu mae javuo'ē'e.

## 5

<sup>1</sup> Ave sa'are raromarue priest masijo jabesi muoho aviēhije. Ae gemu ae aho'obēhe jabesirire jiego God-ro baeromo muro bamajeje huro God-are muoho ē aribōvi jabesi jōēni vaerōhego. Muro bamē'ero priest bōrōmohuro ē aribōvi jabesi jōēni muoho vaeromo mi suvuorohu'o suvuoro ioro'iorohu'o God-are ōrire bojamiyajajeje huro jabesi sisēho uehorovoromo vuonugēhorōhego.

<sup>2</sup> Ave sa'are hijaje priest bōrōmohuro garōhe ae gō'uhane garaejanovamu o ōre sisē'i sisē'i jijihamu gēvē'oho uvo'ē'e: Priest-oho na'o u'uhevē'ero ēhi jiē'e mu sisēhuro baejajeje hōromo jōgoroho ma-u'emu avoho majēhi'ē'e.

<sup>3</sup> Ave sa'are priest bōrōmoho u'uhē'ero mu sisē vaejajeje. Mu sisē vaejajero jiē'ero bogo a ioro'ioro jabesi sisēnioho gemu a'i hesi sisēhuni mi suvuoroho God bojami'ē'e huro hesi sisēhu'o uehorovoromo vuonugahorōhego. Bogo bojami'ē'oho sisēje.

<sup>4</sup> O aevoromo priest bōrōmo mu vae'iē'iroho aho bogo sivuoho uehorovoromo dōroho bamorovoromo priest bōrōmo muoho bae'i a'i God-hu uavē'ohuro ēhuro priest muoho baejajeje. Priest bōrōmo aev'o'i jiade hesi ihoho Aaron God-hu uavamu priest mu baejadēhi God-hu uavē'ohuro priest muoho ēhi baejajeje.

<sup>5</sup> God-hu uavego priest mu baejaruēhi ēhi Kerisoro hu'o bogo hesi sivuoho uehorovoromo dōroho bamorovoromo priest bōrōmo muoho bae'i a'i God-ro priest muro bamoromo Keriso uavadeje:

Ja nasi Harihoho javajējo.

Jaruvoho naro ja baejavē'e jevajējo.

<sup>6</sup> O God-hu priest mu bojamade jō gōho jajivoromo ēhi uvē'eje:

Melchizedek priest jiadēhi

ja ēhi priest jianuoho ēhi jiemu javo'ajējo.

<sup>7</sup> Iae Iesuro ave sa'are hijadevare evare uvadeje: God ajemego bogo guomevo'irōhoho iae eni hō uvoromo darugo'o uvē'i nivē'i ēninamiromo ua gavadeje ajamijōro. Iesuro God-hu nimajoho ma-u'emu ejahonōvē'ero ēhuni God-ro hesi jōho ejahadeje.

<sup>8</sup> Hu God-are Harihe jiadeje rōhu vi'ehe baeromo ēhuro God-are jō ejaho'irōhe ōroho gavadeje.

<sup>9</sup> God ejaho'irōhe ōroho ganugoromo eni romorome jiamu evare ōroho jiovahuadeje ēhuro ae rahu hesi jō ejahē'oho ma-ioro'ioremu maro raromorōhego.

<sup>10</sup> O God-ro jōe majahiromo Iesu uavadeje: Ja priest bōrōmoho javajējo. Melchizedek priest jiadēhi ja ēhi javanovajējo.

*Noehu Iesu uehorovaruoho bogo vuonugo'irōhe jōhoje.*

<sup>11</sup> Melchizedek-are jōho aho'obēhe majēhi'irodoho jeve. Rōhu jemesi simanoho i'u'eje. Na diehi diehi jōho rōjēhi'ejo.

<sup>12</sup> Jemē Christian vaejarijoho majae ēgobōvie baejē'e jēve. Ēhuni jemēro ae gō jō rōjēhi'irarijoho eni jēvo'ibejo iae mae jio'ibejo. Rōhu jōho bogo avoho baejē'ero jemē nimarujeje God-are jō aev'o'i rōjēhijamu hejarijoho aēro rōhu maho rōjēhijōro. Jemē amure asisō'oho va'ēne jēvanove. Biriri'e i ma bogo ue'aharuje aribōvie jēve.

<sup>13</sup> Amemu ue'ahē'e Christian aribōvioho ma-asisō'o va'ēnēro jēvē'ero mu ma hesi jōho bogo ōmo gavē'ejō.

<sup>14</sup> A'i biriri'e i maho hesi a ma'ēremu ue'ahoruomajeje. Ēhi jiē'e Christian aribōviahuro mani'e muoho ōmo garomo simanoho avoho uehorovobe rovē'ero ēhu'ero gavarueje di muoho mae jiego di muoho sisē jiego.

## 6

<sup>1</sup> Asisō'ehu uehorovaruēhi ēhi uehorovaruje jēvaje ēhuni ē'ego no Keriso-are jō samaho samaho urimo hejaroho bogo ēhemuoho uehorovo'i a'i hesi jōho i'e gō'o gō'o dōre uehorovobe va'i ēhuro a duvahuēho uehorovaruēhi ēhi uehorovo'irōhe. Christian mu vae'irōhe jō aevoromo ae rōjēhijaruoho bogo ēhemuoho jemesi ōriroho rōjēhi'i ari'ejo. Mu sisē vaeromo sisērejaruoho vuonugo'irōhe jō hesi bēhoho God ma uehorovarue jō hesi bēhoho

<sup>2</sup> sisē jovehu u'ovarue jō hesi bēhoho ōvo simano taemarue jō hesi bēhoho ijōnō vuovoromo ri'ō'irōhe jō hesi bēhoho mana mae o sisē God-aro ioro'ioremu bae'irōhe jō hesi bēhoho ēhi jiē'e jō urimo rōjēhijaruoho bogo ē jōe gemuohemu rōjēhi'i ari'ejo.

<sup>3</sup> A'i God-hu nimë'oho jö i'e gö gö uehorovobe va'ejo a duvaho va'ëne javuujöro.

<sup>4</sup> O aehu urimo God-are nuni aji'e jö baeromo ö'idö hesi suvuoro garomo God-are Aru'aho no'o gemu mae baeromo

<sup>5</sup> hesi jö ma heromo vuëvëvamu ijonö bae'iröhe darugoho gö avevejö'e baebe va'ojuvo

<sup>6</sup> röhu huotorovoromo Keriso uehorovaruocho vuonugo barëjê'oho ëhi jiê'oho no diehi'oromo ajëmi'ejo jabumë röhu maho sisëho vuonugo'i huotorovoromo mae uehorov'iröhego. Öre bogoje. Rabëni ëhi jiê'e aribövioho jabesi dë vövöbajo'ere sisë'i uehorovaruocho ëhuro God-are Harihoho korosire röhu maho ano taemanovoromajeje. Ano taemanovoromo ëhuro Iesuare ihoho a nuniro ijumoruomajeje.

<sup>7</sup> God-are huë mae baebe va'ojuvo Keriso vuonugo'iröhe jöho naro uhunö'e i'o mu'ero bamo'ejo. Ënëro mure rue'i hiromo sa'ae sanuovego ëhuro iruno'e bövie bise'e ri'amego mu arijo'oho jaburo mabëhe gagovo bahiruomajeje. Ëhi jiê'e i'o mu'oho God-ro avoho muebe'iramu ma-mabëhe jio'ë'e.

<sup>8</sup> O ënehu mure rue'i hijamu röhu mure ma-bibë'e resu resu sisëhuremu ri'amë'oho uvarueje: Ëi'o mu'oho sisë höjo. Ëhi'ego God-ro i'o mu'oho ma-sisë'i avoho hesije vëniro bue'öromo ijumo barë nahonahovo'iröhëro.

<sup>9</sup> Nasi aganomë iae na ëhi jiê'e jögoroho uhu'e majëhijë'e jeve. Röhu na uehoro mae baeromo uve: Jemë bogo ëhioho jëvajëjo. Iae aji maho baejê'ëro God'o maro raromo hesi jëvajëjo.

<sup>10</sup> God bogo sisë'ioho uehorovajeje. Jemëhu mu ma vaejarijoho hu bogo rumonimo'ë'e. O jemëhu hesi örire uehorovoromo hesi aribövi ajëmijarijoho röhu jaruvohu'o ëhi gemuoho ajëmijarujoho ëhu'o bogo rumonimo'ë'e.

<sup>11</sup> Röhu na negajöho jemë ae gemu gemu jemëhu God-are muemu nimo avoharujëhi ëhi gemuoho nimo avohobe va'ojuvo hujeji maja viture jemë nimoromo muebejarujoho bae'a'aruje.

<sup>12</sup> O jemëhu God-are jö uehorovarujoho u'uhëvo'iröhoho na bijönege. A'i na nege a ioro'iorehu biririvoromo God mae uehorovoromo ëhuro huhu ajëmi'i uëvadoho birharuëhi jemë'o jabesi muoho gavë'i ëhi ë'irarijeho.

*God-hu ajamui'iröhëro mae uövuade jö noehu biririvoromo mae uehorovo'iröhe jöhoje.*

<sup>13</sup> Iae God-ro Abraham ajami'i uavadeje. Röhu bogo ma-ua'i a'i darugo'e jöho majahiro mo ëhi mae uavadeje. Ae gö God iosiramiro mo börömo jiê'oho bogojadeje God-hu ë a hesi iho uvoromo darugo'e jö majahi'iröhoho. Ëhu'ëro jiê'ëro hesi ihoho uvoromo ëhuro hesi darugo'e jöho majahiro mo

<sup>14</sup> Abraham uavadeje: Iae naro jasi örire mae vaejavoromo a uje aho'obëhe bojamibe va'ejöjo.

<sup>15</sup> Bojamibe va'ejöjamu Abraham-ro heromo biririvoromo uvo'i hinövadeje: Na iae bae'ejö uvoromo God-hu uavade ujocho iae birohadeje.

<sup>16</sup> Sa'are aribövi noehu darugo'e jö majëhijë'oho ae gö hesi ihehu nosi iho iosira-muïromo hu börömo jiaje ë a hesi ihoho uvoromo darugo'e jöho majëhiromo ëhuro mae uëvarueje. Ëhi ë'i'ë'oho aho bogo ijonöho ë jöho aho uö'ë'ö.

<sup>17</sup> O God-ro nimadeje hu ajamui'i uövuade aribövioho röjahuijeho noro garomo uvoröhego: Iae mae-ëjo. God-ro ajamui'i nimadoho bogo vuonugo'ajë uvoröhego. God-ro ëhi nimoromo hesi iho uvadohuro ëhuro darugo'e jöho Abraham majahijadeje.

<sup>18</sup> Ëhu'ëro jiê'ëro God-hu ajami'i uvade jöhu'o hesi iho uvoromo darugo'e jöhu'o ë jöe niö'ioho bogo sisë'rë'ë'e. Ëjöhö God bogo sareramui'ë'e. Ëhuni nomëro mami'e huruomoromo God-are burure va'ë'ëro uvo'ejo: God jö maemu jövajëromo ëhuro uehoro mae bae avohoromo biririvoromo uvo'ejo: Iae huro uövuadëhi iae ëhi maro ramuo'ajëjo.

<sup>19</sup> Hisiehu munë beromo e'uh derire ba'amego vanagi ma'eneho namijajëhi huhu maro ramuo'iröhe jöho noro uehorovoromo nosi dë vövöbajo'oho biririvoromo riravarueje. Iae uvarueje: God'o nosi ririre urahadoho Iesuro niögunö'e babu'öromo God-hu jiajire nosi sisëho avohahuo'i va'o hijê'ëro jiê'ëro iae ëhuni huro ijonö maro bamavuo'ajë uvoromo ëhuro bibivoromo riravarueje.

<sup>20</sup> Iae God-hu jiajire Iesuro nosi jöëni urimo va'ë'eje. Hu priest böröme vaejê'eje. Priest böröme vaejê'ëro Melchizedek priest jiadëhi hu ëhi priest jiajöhö ëhi jiemu jio'ë'e.

## 7

*Priest hesi ihe Melchizedek-are jöhoje.*

<sup>1</sup> Melchizedek hu Salem amore böröme naminövade ae jiajeje. O göho hu God dö mare hijaje hesi priest böröme jiajeje. Abraham-ro a masijohu'o muorovoromo



muo'amonugoromo rovamu gagorovo Melchizedek-ro hu birohoro muè mae hi'iröhe jöho bojamadeje.

<sup>2</sup> Bojamamu Abraham-ro ujuoho rovade inömo inömoho aho'obêhe mevoromo hue aho'o 10 bahiromo 9-ho hesi bahi'i gemu God-are suvuoro maho Melchizedek mamadeje. Röhu Melchizedek-are iho huotovë'o ho êho aji'e mu ma muebejaje a börömo hoje. O hesi amo ihe Salem hu è amo hesi a börömo jiadeje. Salem amo hesi a börömo jiade è jö hesi bëhi huotovë'o ho huè baerovarue mu muebejaje a börömo hoje. Melchizedek êhi jiê'e a böröme jiadeje.

<sup>3</sup> Hesi vëmu vavu'e hijo miono'e jabesi jöho bogoje. Hu rahade guomade maja hesi jöho bogoje. Êhu'ëro God-are Harihe hu ioro'ioremu priest jiemu jiajêhi Melchizedek êhi jianove.

<sup>4</sup> Jemë'o uehorovore. Melchizedek hu a böröme jiadeje. Êhesi bëhoho Abraham hu Israel rajo nosi ni'i'ivade bëhoho jiadeje röhu muorovoromo ujuoho rovade inömoho êho mevoromo hue 10 bahiromo God-are suvuoro maho gemu Melchizedek-are örire mamadeje. Abraham-ro God-are suvuoro maho Melchizedek mamijë'ëro êhu'ëro no garomo uvarueje: Melchizedek-ro Abraham iosiramiromo börömo mae jiade höjo.

<sup>5</sup> O Abraham-are uje gemu Levi jiadeje. Levi-are ado sirino'e jobe rovaje priest-oho jaburo God-are jögoroho ejahoromo Israel rajo aribövi ioro'iore jabesi örire God-are suvuoro maho ujuoharueje. Priest-ehu suvuoro ujuoho'ia'amu gavë'iroho Israel rajo ioro'iorohuro jabesi inömo inöme mevoromo hue aho'o 10 bahi'amego priest-ohuro God-are suvuoro maho gemu baerumajeje. Levi rajo priest-ohuro jabesi sa'a rajo jabesi örire suvuoro êhi baerumajeje. Jabesi sa'a rajoho jabu'o Abraham-are agane gemuoho jioruome röhu jabesi örire êhi jiê'e suvuoro baerumajeje.

<sup>6</sup> A'i Melchizedek bogo Levi rajo aganoho jiadeje röhu huro Abraham-are örire God-are suvuoro maho baejadeje. Baeromo huè mae hi'iröhe jöho Abraham majahijadeje. Abraham hu God-ro ajami'iröhe jöho majahijamu hejë'ëro êhu'ëro iae hu huè mabêhe birohë'e jiadeje röhu Melchizedek-ro Abraham-are örire huè mae hi'iröhe jöho majahijadeje.

<sup>7</sup> Röhu huè mae raromo'iröhe jö heruomaje aribövioho ma-jianovo'i a'i êhi jiê'e huè mae jö majêhijarue aribövioho masije jio'amajeje. Êhi jiajoho iae no ae aho'obêhe gavarueje. Êhuni Melchizedek-ro Abraham-hu huè mae hi'iröhe jöho majahijë'ëro êhu'ëro no gavö Melchizedek-ro Abraham iosiramiromo börömo hojiê'e jio'ego.

<sup>8</sup> O Levi rajo priest ömo'öme God-are suvuoro ujuoharuo ho jabumë vuovarueje. A'i Melchizedek suvuoro ujuohadoho è a hesi jöho God-are surire uvë'eje: Hu iae hijajëjo.

<sup>9</sup> Iae Levi-are ujo ömo'ömhuro God-are suvuoro maho ujuoharueje röhu Abraham-hu Melchizedek God-are suvuoro bojamadevare Levi hu'o è suvuoro ho Melchizedek bojamanovadeje.

<sup>10</sup> Êhesi bëhoho Levi hu bogo rahë'e hesi hije Abraham-are visöro jiê'iro evare majare Melchizedek-ro Abraham birohadeje.

<sup>11</sup> Röhu Levi rajo ae Aaron'o hesi ujohu'o Jew rajo jabesi jögoroho muebenövareje. Muebejaroho jabesi muohuro ioro'iore gemu ae ajëmi'ibejo priest göho bogo rue'ibejo. Röhu jemë'o uehorovore. Jabesi muoho bogo eni jiê'ëro êhuni God-ro priest i'e gö baejadeje. Bogo Aaron-are ujo va'ëne priest-oho bae'i a'i Melchizedek jiade êhi jiê'e priest-oho baejadeje.

<sup>12</sup> Levi rajo priest-oho vuonugo'amo'i priest i'e gö baejë'ëro êhu'ëro jabuhu muebejare jögoroho êhu'o vuonugo'i jögoru i'e rovë'eje.

<sup>13</sup> Röhu nosi Bada Melchizedek va'ëne priest jioröhe hesi jö God-are surire jajivaroho è aho bogo Levi rajo aehu jio'i hesi ae gö jiadeje hesi aganoho priest muoho bogo vaeromo God-are suvuoro bahijarue maratuo ho bogo muebenövë'ëro.

<sup>14</sup> No ae aho'o gavarueje nosi Badare agano ihoho Judah rajemu jio'amego. Röhu Moses-hu priest mu jö jövadiroho hu bogo uvadeje: Judah rajëro è muoho vae'a'aruëjo.

*Iesu Melchizedek va'ëne priest jiaje jöhoje.*

<sup>15</sup> Röhu priest gö Iesu Melchizedek priest jiadêhi jiê'e priest-oho iae rovë'eje. Êhu'ëro iae no ma-samae gavarueje priest mamiohu'o jögoru mamiohu'o barë'i i'e rovë'e jiëjo.

<sup>16</sup> Êi'o rovade priest-oho hu bogo vavuehu mu vaejade siono harihehu baeröhe è hesi jögoroho ejë'ëro bogo êhuro priest muoho bae'i a'i ioro'ioremu hi'iröhe darugoho baejë'ëro êhu'ëro priest muoho baejadeje.

<sup>17</sup> Êioro'ioremu hi'iröhe jöho God-are surire jajivoromo uövuë'eje: Melchizedek priest jiadêhi ja êhi priest jianuoho êhi jiemu javo'ajëjo.

<sup>18</sup> Urimore jionövade jögoroho u'uhë'ëro jiê'ëro êhu'ëro bogo maho ajamuinövadeje. Êhuni God-ro è jögoru hesi öroho tugohadeje.

<sup>19</sup> Ēhesi bēhoho ē jōgoroho bogo ae gemu vadu'oho ajamui'ego ioro'ioeromo maroho javuonōvadeje. A'i God-ro ōri i'e jiovahuē'eje. Ēōri i'ohuro ōri mamioho iosiramiro mo ma-mabēhe jiē'eje. Ēōri i'o hesi bēhoho no nimorohē'i uvarueje: Iae God-ro ajamui'iram u maro raromo'ejārējo. Ēuehoro mabēhoho javuē'ēro God-are bēhire va'arueje.

<sup>20</sup> Rōhu God-ro Iesu priest muroho bogo ēma bamo'i a'i darugo'e jōho uvoromo bamadeje. Urimoho Levi rajo priest mu bojēmi'iē'tiroho aho bogo ēhi jiē'e darugo'e jōho uvoromo muoho bojēminōvareje.

<sup>21</sup> A'i Iesuro priest muoho bae'ia'amu God-ro darugo'e jōho uvoromo bamadeje. Ējōho God-are surire jajivoromo uvē'eje:

God Badaro ave jōho darugo'o uvē'ēro  
bogo vuonugo hesi hōjo:

Ja priest jianuoho ēhi jiemu javo'ajējo.

<sup>22</sup> Iesuro priest mamioho iosirēmijē'ēro ēhu'ēro God-hu muebejavuorōhe jōgoru Iesuhu ma'enaje ē jōgorohuro jōgoru mamioho iosiramiro mo ma-mabēheje.

<sup>23</sup> Rōhu gōho Levi rajo priest-oho aho'obēhe jio'amobe rovē'eje rabēni hesi bēhoho vuovēvobe rue'ego muoho bogo ma-birivoromo vaemu vaenōvē'ēro.

<sup>24</sup> A'i Iesuro ma-ioro'ioeromu birivoromo hijajēro jiē'ēro ēhu'ēro a gōho hesi sionoho bogo bae'i huro priest muoho ma-vaemu vaebe va'o hesije.

<sup>25</sup> Iesu priest muoho ma-vaemu vaebe va'o hesirēro jiē'ēro ēhu'ēro ae rahu hesi ihore God-are bēhire va'ē'oho Iesuhu baejavuoromo ma-ioro'ioeromu mare ramuo'irōhoho hu eni jie rabēni hu bogo guomo'i majae ēhi birivoromo hiromo nosi jōēni God-are ōrire jōe majahijajēro jiē'ēro.

<sup>26</sup> Ēhi jiē'e priest bōrōmohuro iae mae ajamuajeje. Hu sisē rumo'ēro jiē'ēro hu a maeje. Aribōvi sisēho ōre gō jio'amo'i hu ōre gōje. Huro ajiomoromo sa'ae ō'idōe iosirami'amoromo ajio dō maro hijē'eje.

<sup>27</sup> Levi rajo priest masijehu ē'onōvarēhioho Iesuhu ēhi ē'irōhoho bogoje. Majae ēhi Levi rajo priest-oho jaburo God-are ōrire mi suvuoroho i'imami'i arinōvareje. Urimoho jabesi sisēhuni i'imaminugoromo ijoroho God-are aribōvi ioro'ioro jabesi sisēhuni mi suvuoroho i'imami'i arinōvareje. Iesu bogo ēhioho ē'i a'i hesi arijo'arije God-are ōrire bojamirovoromo guomorovē'ēro ēhu'ēro hesi suvuoroho majae gemu ma-ioro'ioeromu bojamirovadeje.

<sup>28</sup> Moses-hu bojēmade jōgoru hesi uhuroho ma-u'uhē'e aemu priest masije bamobe rovē'eje. A'i ē jōgoru hesi ijonō God-ro darugo'e jōho uvoromo hesi Harihoho bamadeje priest bōrōme jiorōhego. ĒHarihoho bogo u'uhē'oho jio'i mue aho'o romoromo ma-ioro'iore gemu bae barējē'eje.

## 8

*Iesu hu nosi priest bōrōmo jiaje jōhoje.*

<sup>1</sup> Na jajivobe rovode jō hesi bēhoho aviēhije. Naehu jajivode ēhi jiē'e priest bōrōmoho javue. Hu ō'idōre ajiomoromo God eni jiē'e aehu bōrōme namijaje a hesi ōvo manō hijē'eje.

<sup>2</sup> God-hu jiajire osa hesi muoho vaejajeje. Ēhesi bēhoho huro God-are javu hesi priest muoho vaejajeje. Ējavuoho bogo maja aru'aho va'ēne amoho jianovo'i a'i God-are javu maeje. Bogo ma-aehu avoho'i Badaro avohē'eje. Ēosa hesi muoho nosi priest bōrōmohuro vaejajeje.

<sup>3</sup> Amo priest masije aho'o muro bahjarue hesi bēhoho jaburo mi suvuore ōvo suvuore gō gō God bojami'irōhego. Ēhuni priest muro bahjarueje. Jabesi muoho ēhi jiē'ēro nosi priest bōrōmohu'o ōvo suvuore jio'ē'e God bojami'irōhego.

<sup>4</sup> Rōhu Iesu sa'are hi'ibejo bogo priest-oho jio'ibejo ē hesi bēhoho hesi Levi rajo priest-eremu ē muoho vaeromo Jew rajo jōgorure jajivare suvuoroho God-are ōrire bojamijaruēro jiē'ēro.

<sup>5</sup> O Levi rajo priest mu vaejaruoho ēho ō'idōre jiaje muoho va'ēneje. Ēmuoho ma-aruhonō'e jio'i bogo mahoje. Aviēhi jianove. Moses-ro God-are niōgu javuoho avoho'ia'amu evare God-ro uavadeje: Gavē'iajo. Ja'o na'o dahorure ariromo naehu rōjahijamu hejanēhi bōvie bise'e ēhi vaenējo. Amo priest ōmo'ōmohuro ēhi ō'idōre jiaje mu va'ēne vaejarueje.

<sup>6</sup> A'i Iesuhu baejade priest muohuro Levi rajo priest jabesi muoho iosiramiro mo bōrōmohoje. Ēhesi bēhoho Iesuro priest bōrōmēro jiē'ēro God'o no ae aho'obēhe nosi ririre namiromo ōroho avohahuoromo God-hu muebejavuorōhe jōgoroho avohahuajeje.

Ējōgoru Iesuhu avohahuajohuro Levi rajo priest jabesi jōgoroho iosiramiro mo mahoje. Ēhesi bēhoho Levi rajehu muebejarue jōgoru God-hu Jew rajo aevo'i bojēmadēvare evare ma-bisemu ajēm'i uvadeje. A'i Iesuhu avohahuaje jōgoru God-hu aevo'i bojāmuadevare evare bōrōme ajamui'i uvadeje. Ēhu'ēro Iesuare jōgorohuro Levi rajo jabesi jōgoroho iosiramijē'eje.

<sup>7</sup> Levi rajo priest-ehu muebejare jōgoru urimo bojāmuajadoho eni jio'ibejo God jōgoru gōho bogo bamo'i uehorovo'ibejo ajamui'irōhēni. Bēhoho bogojio'ibejo.

<sup>8</sup> Rōhu God-hu jōvade jō hesi aribōvi bogo eni jioruomaje jōho hesi surire jajivoromo ēhi uvē'eje:

Badaro ēhi uvajējo: Iae majae ijōnōho nasi aribōvi muebejēvo'irode jōgoru i'oho avohoromo

Israel rajohu'o Judah rajohu'o mēmi'ejōjo.

<sup>9</sup> Mami'e jabesi hijo miono'o muebejēvo'irode jōgoru mēmodēhioho bogo ēhi jiē'e jōgoroho mēmi'ejōjo.

Jabesi hijo miono'e Egypt sa'are jēvamu naehu sōjēgo rovodevare evare majare jōgoroho mēmode hōjo.

Mēmamu jaburo jōgoroho bogo birivoromo ejeho'i vuonugare hōjo.

Ēhuni naro jabumē bogo gēvanovode hōjo. Badaro ēhi uvajējo.

<sup>10</sup> Rōhu Badaro uvajējo: Ēmajaho barē'iramu aviēhi jiē'e jōgoroho Israel rajoho mēmi'ejōjo.

Naehu nimaje ēhi ēhi ē'onōvo'irōhe jōho jabesi simanore ba'amēho'iramu uehorovoruomo'ajējo.

Jabesi dē vōvōbajo'ere jajivēho'iramu ejehoruomo'ajējo.

Ēhi'o'iramu jabumē muebejēvo'irode bōrōmoho jevo'ajējo.

Jabumē nasi aribōvi mae jioruomo'ajējo.

<sup>11</sup> Amo rajēro gōēro gōho bogo rōjahirovoromo

aganēro gōēro gōho bogo majahirovoromo uarovo'aruējo: Bada avoho gahējo.

A ininore ēhi va'o a masijore aho'obēhe na ge'a'aruējo.

<sup>12</sup> Jabuhu sisē vaejaruoho naro jabumēni vavaenimoromo

jabesi sisēho ma-ioro'io remu uehorovoromo vuonugēho'ejōjo.

<sup>13</sup> Ējōgoroho i'e hō uvade hesi bēhoho urimore bojāmuade jōgoroho iae mamiraejē'eje.

Rōhu jōe rabe mamiraeromo sisērēbe va'ajoho ēho ma-burēro barē'iē'e.

## 9

*Jew rajo a mami priest masijehu God-are ōrire mi kō suvuoro bojāminōvare jōhoje.*

<sup>1</sup> Ēurimore jōgoru hesi uhuroho God rajahi'irōhe ōri hesi jōho jiadeje. O sa'are vaejare javuoho jiadeje God ē rajahi'irōhoho.

<sup>2</sup> Ējavuoho niōgēro vaejareje. Ēosa gagoho ririro iromo tariojamu osae niō'i jēvadeje. Viēnōrire osaroho iro bahijarue gijoho maratuoho maratu dōre bahijare God-are ioho ēhi jio'amonōvadeje. Ēosa hesi ioho God-are osa maho jiadeje.

<sup>3</sup> Niōgehu iromo tugohē'e ē hesi ruēnōrire osa gō hesi ioho God-hu jiaje osaho jiadeje.

<sup>4</sup> Ēosa'eroho ridi'e oso buejarue maratue gold-ehu avoharoho o God-are jōgoru bamare mauaho ē inōmo niō'ioho ē dirō'ore jēvadeje. Ēmauaho hesi sinoroho gold-ēro ruē numē havo rova'oromo taemo titimē'e jiadeje. Ēmaua gagoroho gold'e ramaha God-hu i'imēmade ie gō hesi ioho manna aegē'oho ē jiadeje. Gōho Aaron-are ijaho sirinohijadoho maua gagore jiadeje. Gōho munē ha'osire God-are jōgoru jajivo'amadoho maua gagore jiadeje. Ēinōmoho niō'i gemu maua gagore jio'amadeje.

<sup>5</sup> O maua dōnōho vivoju'e majo va'ēne aehu avoharohuro rirarovareje. Ēinōme niō'i jabesi bēhoho uvoromo ē'areje: God-are ajoho aviae hōjo. Rōhu nume maua dōho God-hu sisē mu'unōvadoho jiadeje. Ēdirō'oho majo va'ēne jabesi vivojohuro aegahareje. Ēinōmo jabesi jōho naro ma-bisemu jōvē'ēro vituoho vuonuge.

<sup>6</sup> Ēinōmoho aho'obēhe ē avoho bahijē'ego evare priest aribōviohuro viēnōrire osare aevoromo majae ēhi va'oromo God-are muoho vae'i arinōvareje.

<sup>7</sup> A'i ruēnōrire osaroho hesi ma-priest bōrōmohuremu vadune gemu hesi uhure majae gemu rumo va'onōvadeje. Rumo va'iē'iroho bogo ōvemuoho va'i a'i mi kōho baeromo ē osare rumo va'oromo God-are ōrire bojāminōvadeje. Hesi sisē hesi jōhuni bojāmiromo a ioro'io jabesi sisēhu'o rōromo ēhuni bojāminōvadeje.

<sup>8</sup> Hesi ma-priest bōrōmohuremu ruēnōrire God-hu jiaje osare va'ē'ēro jiē'ēro ēhu'ēro God-are Aru'ahohuro ma-sama'e rōjahujajeje noro garomo uvorōhego: Viēnōnire osa

hesi mu jiadevaroho evaroho God-hu jiajire va'oröhe ojoho bogo jiovahuë'e jiade höjo u'emu jiovahuoröhëro.

<sup>9</sup> God-hu ë niögu javuohu'o ë javu hesi muohu'o bamade hesi bëhoho jaruvo noehu God uehorovarue mu maho ëho maja aru'ahonö'e röjahui'iro ehuni bamadeje. Eösaroho mi suvuore o suvuore gö gö God i'imaminövareje. God-ni ëhi vaenövareje röhu bogo ehuro herovonövareje jabesi dë vövöbajo'ere sisëho barëjê'ehö.

<sup>10</sup> Ehi jië'e suvorovo hesi bëhoho ma-i ijaruoho jovo ijaruoho jovo eguaruoho inömo u'o'amaruoho ëhi jië'e jöhuremu jionövadeje. Ma-dajo hesi jöhemu God-ro ma-jahuri bamadeje ehuro ëhi jiobe va'ojuvo hujeji hesi mu öri mami tugoho'i Keriso-are mu i'o jiovahuo'iröhe majaho rueröhëgo.

*Iesu hu hesi kö God-are örire suvuoro bojamade jöhoje.*

<sup>11</sup> Jaruvoho Keriso rovë'eje. Hu priest börömhuro jië'ëro avevejö'e hesi mu maho vaejajeje. Urimoho ma-ae hu niögu javu börömo vaejarire priest masijohuro ë rumo va'oromo muoho vaenövareje. Avevejö'oho Keriso bogo ëhi jië'e javuoroho rumo va'ë'ëro muoho vae'i a'i javu ma-mabëhire rumo va'ë'ëro muoho vaejajeje. Ejavu mabëhoho bogo aho vaejê'ëro ehü'ëro God-hu bövi bise'o bamade noehu ga'amaruoho gö jio'amo'i ë javuoho hesi ahe göje. Ehu'ëro ë javuohuro javu mamioho iosiramiromo börömo mahoje.

<sup>12</sup> Kerisoro ë javu börömore va'oromo muoho vae'irögöro bogo goat hesi köho o cow harihu hesi köho baeromo ë osaroho va'adeje God-ni bamahoröhëro. A'i hesi kö maho baeromo osare va'oromo evare God jiajire ma-ioro'iore gemu va'oromo no baejavuoromo ma-ioro'ioeremu maro ramuadeje.

<sup>13</sup> Röhu Jew rajehu jabesi sinore sisë baeromo ehuro God bogo avoho rajahi'ië'iroho priest-ëro goat hesi köho o ano'e cow hesi köho baeromo hijiovodëgonövareje. O cow harihu hesi muomöho jovohu'o buarohoromo baeromo hijiovodëgonövareje. Hijiovodëgo'ego jabesi dajore jiaje sisëho barë'ëgo ehuro God-are örire rajahijê'oho iae mae jëvonövadeje.

<sup>14</sup> Mi köehu rabehu hijiovodëgo'ego dajore jiaje sisë u'o'amonövaroho ma-jianovo'i a'i Keriso-are kö rovadoho ëho mu börömo mahoje. E mu hesi bëhoho Kerisoro ioro'ioeremu jiaje Aru'aho hesi darugohuro birivoromo hesi dajoho God-are örire bojamirovoromo guomorovadeje. Hu mu sisëho bogo vaejê'ëro ehü'ëro huro suvuora mabëhe vaeromo hesi arijo'arije bojamirovadeje. Bojamirovamu köho rovë'ëro ehü'ëro mu sisë vaeromo nosi dë vövöbajo'o ijumorovaruoho u'ovahuo'iramu herovo'ejo sisëho barëjahuo'iramu. Sisëho barëjahuo'iramu ehuro God mae hijaje a hesi muoho noro avoho vaenövö'ejö.

*Iesu kö rueromo guomë'ëro ehuro God-hu muebejavuo'iröhe jögöru i'o marëjade jöhoje.*

<sup>15</sup> Ehuni Kerisoro God'o nosi ririre jioromo God-hu hesi aribövi muebejavuo'iröhe jögöru i'o hesi öroho avohahuajeje. Jögöru i'o hesi öri avohahuaje hesi bëhoho ehuro God-hu hesinö uövuade aribövioho noro ioro'ioeremu jioröhe mu mae gö gö Vavu hesi örire bae'amoröhëgo huro bojamui'i uövüë'ëro ehuni avohahuajeje. Mu mae baeröhe hesi öroho aviehije. Keriso guomadeje. Guomamu ehuro noehu jögöru mami hesi uhure raromoromo mu sisë vaebe rovere ë hesi jö sisëho iae u'ovahuo barëjê'eje. Sisëho u'ovahuo barëjê'ëro ehü'ëro Vavuehu bojamui'i uövuade mu maho no baejarueje.

<sup>16</sup> Keriso guomë'ëro noehu mu ma baejarue jöho uhunö'e bamo'ejö ga'irarijeko. Ave sa'are vavu ömo'ömohuro vuovego rahuhu inömo ujuoho'iröhe jöho surire jajivoruoma-jeje. A'i jabesi aboji harihu'ehu bövi bise'o ujuoho'ië'iroho ae aho'obëhe garöhe vavuoho vuovo'iramu bövioho bise'oho evare ujuoho'ë'ö. O bogo vuovë'iroho bogo ujuoho'ë'ö.

<sup>17</sup> Vavu bogo vuovo'i raromë'oho jabuhu jajivare jögöroho ëhi ma-momorö'öjajeje. A'i vuovëvego evare vavuehu uvoruomadëhi ëhi ujuoharueje.

<sup>18</sup> Ehesi bëhoho God-hu Jew rajo muebejëvonövo'iröhe urimore jögöroho bogo ëma jio'i urimo mioho bijuëmamu vuovoromo köho rovamü evare God-ro aevoromo Jew rajo aribövioho avoho muebejëvadeje. O mioho bogo muo'amego ehuro köho bogo rue'ibejo ë jögöroho bogojio'ibejo. Jew rajo aribövioho God-are ahariroho bogo raromo'ibejo.

<sup>19</sup> A'i God-hu Jew rajo muebejëvo'iröhe jö hesi muoho Moses-ro avoho'irögöro jögöru jöho ae aho'obëhe majëhi barënuogoromo evare cow harihu jabesi köho baeromo jovohu'o buarohoromo sheep hesi u kavuë'e avoharoho ujuohoromo hyssop ahore huhohoromo ë kö'o jovo'o buaroharire sheep uoho ë io'amadeje rumorovoröhëgo. Rumorovamu ioromo jögöru jajivo'amade suri suriohu'o ë ariböviohu'o kö'e jovohuro hijiovodëgadeje.

<sup>20</sup> Hijiovodëgoromo uëvadeje: Ave hijiovodëgaje köhuro ehuro God-hu bojëmë'ëro ejaho'irarije jögöroho marëjajëjo.

<sup>21</sup> Ehi majëhiromo God-are javu börömo niögehu vaejarohu'o God rajahi'amarue inömo inömo'u'o aho'obëhe ë köhuro hijiovodivo'amadeje. Ehi'adeje.

<sup>22</sup> Iae Moses-are jögoru hesi uhuroho aëro köho baeromo bövie bise'e u'o'amo'ego ëhuro ë inömo hesi sisëho barëhövadeje. Inöme ma-gemu gemu bogo ëhioho ë'onövareje. O aehu mu sisë vaejë'iroho mi muo'amamu kö rovë'ohuro ëhuro God-ro mu sisëho uehorovoromo vuonugonövadeje. O mi bogo muo'amamu kö bogo rovë'oho jabesi sisëho bogo barëjëhonövadeje.

*Iesu kö rueromo guomë'ëro ëhuro nosi sisë u'ovahuaje jöhoje.*

<sup>23</sup> ËGod rajahijarue inömo inömo ma-maja aru'ahemu sa'are jio'amadoho ëho jabesi sisëho mi köëremu u'o'amonövareje. Öre gö bogojiadeje. Röhu ë inömo inömo ö'idöre inömo ma röjahuijajoho jianovadeje. O ö'idöre inömo maho ma-mi köëremu u'o'iröhoho bogo eni jie. Mi kö God-are örire suvuro bojami'iröhoho bogo eni jio'i a'i suvuro göehu ë mi suvuro iosiramiro mo ma-mabëhe jië'oho ëhuro ö'idöre inömo ma jabesi sisëho u'o'iröhoho eni jie.

<sup>24</sup> Ësuvuro mabëhi hesi bëhoho ö'idöre God-hu jiaje öri ari'o va'ëne ma-aehu vaejare osaroho Keriso ëho bogo rumo va'i a'i God-hu jiaje ö'idö mare va'adeje. Ö'idöre va'ë'ëro God-are nunire hiromo nosi muoho avohahuajeje.

<sup>25</sup> Röhu Jew rajo priest börömhuro bogo hesi köho bae'i mi köe baeromo God-hu jiaje osare vadune göro göro va'i hinövadeje. Röhu Keriso bogo ëhioho ë'adeje. Ö'idöre va'adevaroho majae gö gö God-are öriroho suvuroho bogo bojamirovoromo guomorovi' hiröhëro bogo ëhunioho va'adeje.

<sup>26</sup> God-are örire suvure bojami'i hi'ibejo sa'a bövi bise'o bamadevare aevoromo vi'ehe baebe rue'ibejo. Röhu bogo ëhioho vi'ehoho baebe rue'i a'i sa'ae bövie bise'e barë'i dunovamu gavë'i Kerisoro a nunire ioro'iore gemu rovë'ëje God-are örire bojamirovoromo guomorovoromo nosi sisëho u'ovahuoröhëro.

<sup>27</sup> God-ro bamë'ëro no ae aho'obëhe ma-vae gemu vuovavuo'iröhohoje ijönö hesi nunire riravoröhëgo.

<sup>28</sup> Ae aho'obëhe ma-vae gemu vuovavujëhi Keriso ëhi ma-vae gemu guomadeje. Hu ma-vae gemu suvure bojamirovoromo guomorovadeje ae aho'obëhe nosi sisëho u'ovahuoröhëro. Ijonö röhu maho a nuniro vuonorö'ö rue'ë'e bogo mu sisëho avohahuo'i a'i hu rueröhëgo muebejarue aribövioho no baejavuoromo maro bamavuoröhëro.

## 10

*Jew rajo a mami priest-hu mi bijuëmoromo God suvuro bojami'ego ë suvuro hesi darugoho bogo eni jië'ëro dë vövöbajö'ere sisë bogo u'ovëhonövade jöhoje.*

<sup>1</sup> Röhu Jew rajo jögoru urimo jiadoho ëhuro God-are mu maho bövioho bise'oho no bogo avoho ga'i God-are mu maehu ijönö rovadoho ëho no ma-sisë'i sisë'i maja aru'ahonö'e gavarueje. Ëhesi bëhoho aëro Jew rajo jögoroho ejëhoromo mioho vadune göro göro bijuëmoromo God-are örire ëhi jië'e suvure gemuoho i'imamiemu i'imamibe rovarueje. Röhu ëhi jië'e suvuro ujuohoromo God-are bëhire va'i arijaruoho jabesi uhoho bogo mae bogo marëjëho'ë'e.

<sup>2</sup> ËGod rajahijarue aribövi jabesi uhoho marëjëho'ibejo ëhuro jabumë herovo'ibejo jabesi dë vövöbajö'oho mae jëvavego mi bijuëmoromo God-are örire suvuro i'imami'i arijaruoho vuonugo'ibejo.

<sup>3</sup> Röhu bogo ëhioho jio'i a'i vadune göro göro mi bijuëmoromo God i'imamijaruohuro ëhuro jabesi sisëho vadune göro göro ëhi gemuoho uehorovobe va'arueje

<sup>4</sup> ë hesi bëhoho cow ano'o hesi köhu'o goat köhu'o mu sisë u'oröhoho bogo eni jië'ëro.

<sup>5</sup> Mi köho bogo eni jië'ego ëhuni Kerisoro sa'are rue'irögoro God uavadeje:

Mi bijuëmoromo jasi örire i'imamijë'oho ja bogo nimanue höjo.

A'i jero na sino haho'e avohevane höjo.

<sup>6</sup> Mi bijuëmoromo jani vënire aho'o huo barëjë'oho

o mu sisë u'o'iranego mi bijuëmoromo jasi örire suvuro i'imamijë'oho

ja bogo maho uehorovanue höjo.

<sup>7</sup> Evare na uavode höjo: God na aviae jevajëjo.

Nasi jö jasi jögoru surire jajivarëhi

jaehu nimanue muoho ëhi vae'i abuejajëjo.

<sup>8</sup> Ëjö hesi bëhoho no uehorovo'ëjo. Urimo Kerisoro God uavade höjo: Mi bijuëmoromo suvuro i'imami'i o mi jani vënire huo barë'i o mu sisë u'o'iranego mi bijuëmoromo jasi örire suvuro i'imamijë'oho ëhi jië'oho ja bogo nimoromo bogo maho uehorovanue höjo. Bogo maho uehorovanue hö uavadoho Moses-hu bojëmijade jögoroho ejahoromo Jew rajoho jaburo ëhi jië'e mi suvuroho God-are örire bojaminövareje. Röhu Kerisoro uavadeje: Ëhi jië'e suvuroho ja bogo nimanue höjo.

<sup>9</sup> Rõhu evare ijonõ Kerisoro God uavade hõjo: Na aviae jevajëjo. Jaehu nimanue muoho vae'i abuejajëjo. Ëjõ hesi bõhoho mi bijuëmoromo God-are õrire i'imami'i arijare muoho God-ro aho'i Kerisohu bojamirovoromo guomorovo'irõhe muoho bamadeje.

<sup>10</sup> God-ro õhi jii'e muoho bamamu ëhuni Iesu Kerisoro God-are jõho ejahoromo hesi sino haho'o'oho ioro'ioere gemu suvuore bojamirovoromo guomorovadeje. ËGod-hu nimade muoho vaej'ëro ëhu'ëro nosi sisëho u'ovahuë'eje.

*Iesu kõ rueromo guomamu ë suvuoro hesi darugoho eni jii'ëro sisë u'ovahuaje jõhoje.*

<sup>11</sup> Ëhi jie rõhu Jew rajo priest-oho aho'o jaburo majae õhi riravoromo God-are muoho vaejarueje. Mioho bijuëmoromo õhi jii'e suvuore gemuoho God-are õrire i'imamibe va'arueje. Ëhi ë'arueje rõhu õhi ë'i arijaruoho ëhuro mu sisë u'o'irõhoho bogo mae bogo eni jëve.

<sup>12</sup> A'i Kerisoro vae gemu God-are õrire suvuore bojamirovoromo guomorovadeje mu sisëho ioro'ioere gemu u'ovahuorõhëro. Ëhi'onugoromo ajiomoromo God-are õvo manõ hijadeje.

<sup>13</sup> Hijë'ëro avevejõ'o'oho hiromo muebeje hu'o muorovarue aribõvioho God-ro hesi hõru uhunõ bahijego vijuvo taemo'amo'irõhëro.

<sup>14</sup> Ëhesi bõhoho huro vae gemu God-are õrire suvuore bojamirovoromo guomorovë'ëro ëhu'ëro sisë u'ovahuë'e aribõvioho no ioro'ioere gemu ma-maemu raromemu raromo'ejo.

<sup>15</sup> Noehu mae raromemu raromo'irõhe jõho God-are Aru'ahohu'o õhi gemuoho majahuiromo God-are surire uvë'eje:

<sup>16</sup> Rõhu Badaro uvajëjo: Ëmajaho barë'iramu aviëhi jii'e jõgoroho Israel aribõvioho mëmi'ejõjo.

Naehu nimaje õhi õhi ë'onõvo'irõhe jõho jabesi dë vövõbajo'ere ba'amëho'iramu ejehoruomo'ajëjo.

Jabesi simanore jajivëho'iramu uehorovoruomo'ajëjo.

<sup>17</sup> Rõhu ë jõ hesi vituoho God-are Aru'ahohuro õhi uvë'eje: Jabuhu nasi jõ ahoromo mu sisë vaejaruoho na ma-oro'ioeremu uehorovoromo vuonugëho'ejõjo.

<sup>18</sup> Ëhi majahuiromo mu sisëho uehorovoromo vuonugë'ego ëhu'ego ijonõho no suvuroho God-are õriroho bogo bojami'ejo huro mu sisëho u'ovahuorõhego.

*Noehu God mae uehorovoromo hesi bõhire va'irõhe jõhoje.*

<sup>19</sup> Aganomë Iesuare kõho rovë'ego no bogo juhuonivo'i biririvoromo God-hu jiajire va'arueje.

<sup>20</sup> Ëhesi bõhoho Iesuro noni õri i'oho iogorahuë'eje huro bogo guomo'i hiromo ë sõjavuo va'ego noro God-hu jiajire va'irõhego. Urimë'ioho God-hu jiaje osare rumo va'arue ojoho niõgëro urahonõvareje. Jaruvoho Iesuare sinoho ijumahamu guomamu niõgu va'ëne urahade ojoho dadovoromo jiovaluë'ëro noro God-hu jiajire ë va'arueje.

<sup>21</sup> Rõhu gõho nosi õrire priest bõrõme jie. Huro God-are aganoho no muebejavuajeje.

<sup>22</sup> Ëhuni ë'ego no God-are bõhire va'oromo nosi jõho majahi'iro. Nosi dë vövõbajo'oho sisërejjavuoromo i'uhaguamu Keriso-are kõhuro u'ovahuo'i nosi sino haho'o'oho ajivo barëj'e jovohuro u'ovahuë'e jiaje ëhuni ë'ego no biririvoromo nosi dë vövõbajo'oho uhohu'o mae uehorovoromo God-are bõhire va'oromo jõho majahi'iro.

<sup>23</sup> O no ae huruoho majëhiromo uvarueje: Majae ijonõ God-ro ajamui'ajëjo. Ë'ego no biririvoromo ë jõhuremu mae uehorovobe va'iro rabëni hesi bõhoho hu ajamui'i uõvuadëhi iae hu õhi ë'i'e'ë jiaje.

<sup>24</sup> O ë'ego noro gõëro gõhuni uehorovoromo dë iahorovoromo ëhuro ae huë baejëvoromo mu mae vaenõvo'iro.

<sup>25</sup> O ae gõehu gõehu God rajahi'i gemuore gagovoromo vuonugaruëhioho ë'ego no bogo ëhioho ë'i a'i no ajamirovoromo jõgore mamirovo'iro ëhuro biririvo'irõhe. Ëhesi bõhoho jemë'o gavarueje Badare majaho rue hesi jiego gavarujõhuni ëhuni ë muoho avoho uehorovo'ejo.

*Noehu God-are Harihu bogo dejonõ bamorõhe jõhoje.*

<sup>26</sup> Noehu õhi ajamirovo'irõhe hesi bõhoho noehu Keriso-are jõ ma baeromo rõhu ijonõ nosi nimoromo biriri'õvoromo mu sisëmu vaej'ëiroho nosi sisë u'ovahuo'irõhe suvuore gõ bogojõ'i

<sup>27</sup> ma-i'u sisëhemu muebe'irõhohoje. God-ro a sisëho mevëvo'iramu hu'o muorovarue aribõvioho vëni võrõro ravëvo'ë'e.

<sup>28</sup> Urimoho Moses-hu bojëmade jõgoroho ae rahu ahoromo musisinõ'e bu'õjamu ae niõ'iehu o ae niõ'i gemuehu ë a hesi sisë garomo huruoho majëhijë'o'oho hesi õriroho bogo vavaenimë'e ma-anonõvareje.

<sup>29</sup> Moses-are jögoroho ahoromo ëhi jië'e i'uoho baenövareje. Ëhuni ae rahu God-are Harihu sivë'oho ë iaho diehi jio'ë'e. O Harihu hesi köhuro ëhuro God-are jögoru i'oho marëjadeje. Ëhuro ë ia hesi sisë u'ovahadoho röhu huhu huotorovoromo uvë'oho: Ëköho bëhi rumo'e hö uvë'oho ë iaho hu diehi jio'ë'e. O God-are Aru'ahehu huë baejavuae hesi örire sisë vaejë'oho ë iaho diehi jio'ë'e. Moses-are jögoru ahare ariböviehu i'u börömo baerumadoho ëho ma-jianovo'i a'i ëhi jië'e aho i'uoho bogo bise'o vadu'oho bae'ë'e. Ëhi jië'oho iae maeje.

<sup>30</sup> Ave jöho God-are surire jajivoromo uvë'eje: I'u bojëmi'irodoho ëho nasi mue höjo. Naro i'ue mana bojëmi'ejöjo. Ëjö jövade aho iae no gavö. O ave jöho jajivoromo uvë'eje: Badaro hesi aribövioho gëromu mevävo'ajëjo.

<sup>31</sup> Iae God darugo'e aëro jië'ëro huhu i'u bojamuamu baejë'oho ë muoho juhuoni ma'ejë.

*Noehu birivoromo God mae uehorovo'iröhe jöhoje.*

<sup>32</sup> Röhu urimore majare jemëhu diehi ë'arijoho uehorovore. Keriso-are ajehu jemë aevoromo ajivëvadevare evare jemë huë vavaene böröme baeromo sivohojuvo birirvarijeje.

<sup>33</sup> Majae göro jemë Keriso nimë'ëro aëro a nuniro jö sisë bu'ö'ego henövarijeje. Mu sisë vaejëvo'ego ganövarijeje. Majae göro Christian a ioro'iorohuro ëhi jië'e huë vavaenoho bae'ego garomo jemëro jabu'o havoromo rabe rabe ajëminövarijeje.

<sup>34</sup> Christian ariböviehu savoji gagore raromaruë jabesi örire huë vavaene baenövarijeje. O aehu jemesi mae sisë vajiohehu ujuohëho va'aroho jemë nimorohë'i uvonövarijeje: Ëho iae mae höjo. Nosi inömo ma'ho ö'idöre höjo ma-ioremu bae'iröhoho. Ëvajiohehu baejare inömo iosiramiroho börömo mae höjo.

<sup>35</sup> Ëhuni Iesuarë jö birivoromo mae uehorovarujoho nadi vuonugore. Biririvë'ohuro ëhuro manaho ma-mabëhe bae'a'aruje.

<sup>36</sup> Jemëro u'urume vaenövore ëhuro God-hu nimaje muoho vaeromo huhu bojëmi'i uëvade suvuoroho bae'irarije.

<sup>37</sup> Iae God-are surire jöho jajivoromo uvë'eje: Majae ma-bunemu barë'iramu evare rue'iröhe aho iae rue'a'ajëjo.

Bogo örisanuovo'ajëjo.

<sup>38</sup> Röhu God nasi aribövi mahuro na mae uehorovevoromo ëhuro birivoromo raro-romuovo'ajëjo.

A'i ae rahu juhuonivo'i nasi öri vuonugë'oho na jabesi jöënioho bogo nimoroho vadë'ejöjo.

<sup>39</sup> Röhu nomë bogo juhuonivoromo Keriso-are mu vuonugo'i sisëre va'arue ariböviehu javuo'i a'i no God mae uehorovoromo maro va'arue aribövie javue.

## 11

*Noehu God mae uehorovo'iröhe ë hesi bëhi hesi jöhoje.*

<sup>1</sup> Mae uehorovarue hesi bëhoho aviëhije. Noehu mae uehorovë'iroho ëhuro no birivoromo uvarueje: No ijönö maro raro'iröhe jöho ëho mae höjo. Rabe rabe jio'amaje noehu nunehu bogo ga'amaruoho iae jio'amaje uvarueje.

<sup>2</sup> Nosi a mamiehu God mae uehorovarohuro ëhuro jabesi ihoho God-are nunire mae jëvadeje.

<sup>3</sup> Noehu God-are jö mae uehorovaruhuro ëhuro garomo uvarueje: God-ro jö'ëro jövamu ëhuro ö'idörohu'o sa'arohu'o jiade höjo. Noehu nunehu bogo ga'amarue inömo God-ro ujuohoromo ëhuro ga'amarue inömo inömo avoho'amade höjo.

*A mami ae Abel Enoch Noah ëho jabuhu God mae uehorovare jöhoje.*

<sup>4</sup> Iae Abel-ro God mae uehorovë'ëro ëhu'ëro hu God-are örire suvuoro maho bojamadeje. Ësuvuorohuro Cain-hu God bojamadoho iosiramijadeje. Mae uehorovamu gagorovo God-ro Abel-are suvuoroho mae hö uvoromo baejadeje. Baeromo röjëhijë'eje aëro uvoröhego: Abel hu a mae höjo. Amo Abel-hu God mae uehorovadohuro ëhuro jaruvoho hu guomë'eje röhu hu jöë jövajeje.

<sup>5</sup> O Enoch-ro God mae uehorovë'ëro ëhu'ëro bogo guomë'e God-ro ma-ba'ojiomoromo hesirire nugadeje. Aëro hu nahareje röhu bogo birohareje God-ro hu mami'e ba'ojiomë'ëro. God-hu Enoch bogo ba'ojiomade majare evare God-ro hu garomo nimorohade höjo. Ëjöho God-are surire ëhi jajivë'eje.

<sup>6</sup> Röhu God-ro nomë bogo ëma göromo nimoroho'i a'i garöhe noehu hesi örire mae uehorovamu gavë'oho nimorohajeje. Èhesi bëhoho noehu God-are bëhire va'oromo jö majahi'ie'iroho mae uehorovoromo uvo'ejo: God iae jiajêjo. Ae rahu hu biroho'i nahë'oho ajamui'ajêjo. Bogo ëhi uehorovë'oho hesi bëhiroho bogo va'ejo.

<sup>7</sup> O Noah-ro God mae uehorovadeje. Mae uehorovë'ëro hejade God-ro uvamu: Èhi jië'e i'uoho sa'are ö'a'ajê uvamu hegoroovo huro ë i'uoho bogo gavë'e God ma-ejahadeje. Ejahoromo boat börömo avohadeje ëhuro hu'o hesi aganöhu'o jovoho bogo baejêvego va'o maro raromoröhëro. Mae uehorovoromo boat-oho avohë'ëro ëhu'ëro no garomo uvarueje: Noah-mëremu maho jëvo'i a ioro'ioroho aho'o sisë ë'ë'ëro i'u baeromo vuovëvadoho mae höjo. A'i Noah-ro God mae uehorovamu God-ro garomo uvadeje: Hu nasi öirire mae uehorovajohuro ëhuro hu mae höjo.

*Abraham-hu God mae uehorovade jöhoje.*

<sup>8</sup> O Abraham-ro God mae uehorovadeje. Mae uehorovoromo huro dirö'o göro va'ojöro God-ro uvamu iae ejahadeje. Ejahoromo dinö'e va'iröhoho bogo gavë'e hesi sa'aho nugo'i ëma va'adeje God-hu u'emu bae'iröhego uvade sa'are hörö'iröhëro.

<sup>9</sup> God mae uehorovadohuni ëhuni God-hu bojami'i uvade sa'are va'o ë hijadeje. Èhijadeje röhu ae gö jabesi sa'aro ma-jahuri hijanovadeje. Hiromo bogo javu maho vae'i ma-niögu javuoremu hibe juvonövadeje. Ijonö hesi uje Isaac'o Jacob'o God-hu Abraham uvade sa'ae gemuoho bae'iröhoho jëvadeje röhu jabu'o ë sa'aroho niögu javuoremu raromobe jijihonövareje. Jabuhu ë'arëhi Abraham-ro urimoho ëhi ë'onövadeje.

<sup>10</sup> Èhesi bëhoho Abraham-ro uehorovë'e hijadeje ioro'ioyemu jioröhe amo börömo God-hu uehoro baeromo avohadire ë va'o hi'iröhëro.

<sup>11</sup> Röhu Abraham-ro God mae uehorovoromo ëhuro a ujo jioröhe darugoho baejadeje. Vaboroho Sarah dë tiöj'e jio'i baruoho Abraham mami'e mavojiraeromo harihu bae'iröhe darugo barëjahë'e jiadeje röhu hu uvadeje: God-hu harihu bojemi'i uevadëhi iae bojemi'ajêjo. Èhi uehorovoromo harihu bae'iröhe darugoho iae baejadeje.

<sup>12</sup> Abraham hu ma-ae gemu jio'i urimo hesi darugo barëromo u'uhanovadeje röhu a ujo jioröhe darugoho röhu maho baejamu hu bëhoho jioromo hesi ado sirino'oho jiji mujöru'o va'ëne aho'obëhe jio'amobe sö jovo riröre jio'amaje nie'u va'ëne ëhi bogo adaho varijënoho jio'amobe rovadeje.

<sup>13</sup> Abraham Isaac Jacob jabumë God-are öirire mae uehorovë'e raromobe ruejuvo vuovëvadeje. God-hu ajëmi'i uëvadëhioho bogo ëhioho bae'irögoro mae bae'iröhoho ma-ëgo'o riravoromo gavanovoromo uvareje: O ë muoho mabëhe rue'ajëromo ëhuni va'orahoro a nuniro uvareje: Noehu ave sa'are raromaruoho ae göehu ave sa'are majhuri raromarue aribövioho javuanovajêjo.

<sup>14</sup> Èhi jië'e jö uvaroho ëho no garomo uvarueje: Jabuhu uvarëhi ëhi uvarue ariböviohuro ioro'ioyemu raromö'iröhe sa'a maho nëgego ëhuni ëhi uvoruomaje höjo.

<sup>15</sup> Röhu jabesi sa'a mare jioromo rovaroho ëho bogo uehorovareje. Èho uehorovo'ibejo ë vuonorö'ö va'iröhe öroho jiëho'ibejo.

<sup>16</sup> Röhu jabesi sa'a mare jioromo rovaroho bogo uehorovo'i a'i sa'a gö sa'a ma-mabëhe ö'idöre jiajoho ëho nimareje. Èho nimë'ëro God-ro ëho garomo jabesi jöënioho bogo javojimo'i ma-samae uvareje: Iae na jabesi A Börömo God jëvajêjo. Iae God-ro amo börömo avohëhë'eje jaburo ë va'o raromö'iröhego.

<sup>17-18</sup> Röhu Abraham-ro God mae uehorovadohuni ëhuni hejade God-ro hesi dëre bijioho gavamu hegoroovo God-are jöho ejahoromo Isaac baeromo God-ni ano'irögoro hesi maratuore bamahadeje. Urimë'i God-ro Abraham jö mae majahiromo uvadeje: Na bogo a göho ajami'i ma-Isaac gemu ajami'iramu ëhuro jasi ihoho jiobe va'a'ajêjo. Iae God-ro ëhi mae uvamu hejadeje röhu Abraham-ro hesi harihu gemu'oho Isaac God-are öirire bojami'irögoro ë'adeje.

<sup>19</sup> Èhesi bëhoho Abraham-ro uehorovoromo uvadeje: A vuovamu ri'öjoro ajëmi'ë'oho God hu eni höjo. Röhu iae ëhi jianovadeje. Abraham-ro uvadeje: Isaac guomo'ie'ajêjo röhu gavade God-ro ajami'ego bogo guomamu sionëro baejadeje.

*Isaac Jacob Joseph ëho jabuhu God mae uehorovare jöhoje.*

<sup>20</sup> O Isaac-ro God mae uehorovadohuni ëhuni hesi harihe niö'i Jacob'o Esau'o ijonö huë mae ari'iröhe jöho majëhijadeje.

<sup>21</sup> O Jacob-ro God mae uehorovadohuni ëhuni guomo'irögoro Joseph-are harihe gemu gemu huë mae ari'iröhe jöho majëhijadeje. Majëhiromo guduodohuro bëdumo hiromo God-are öirire rajahijadeje.

<sup>22</sup> O Joseph-ro God mae uehorovadeje. Mae uehorovë'ëro ëhu'ëro guomo'irögoro evare ae uëvadeje: Ijonöho Israel rajo ujo ömo'ömohuro ave Egypt sa'are jioromo



va'oruomo'ajêjo. Va'irôgoro nasi ijo'ahoho ujuoho va'oromo ë va'o raromo'irôhe sa'are guavo'aruêjo.

*Moses-hu God mae uehorovade jôhoje.*

<sup>23</sup> O Moses-are vëmu vavu'ohuro God mae uehorovareje. Mae uehorovê'ëro êhuni Moses rahonugoromo gavare hu a harihu ma-mabêhe jiamu gagorovo sa'a a bôrômo hesi jôgoru sisê aho'irôhoho bogo juhuonivareje. Bogo juhuonivo'i Moses baeromo gurihi bamo nugaroho manaere niô'i gemu barêjadeje.

<sup>24</sup> Êhi ë'ë'ëro Moses-ro bôviraeromo hu'o God mae uehorovadeje. Mae uehorovê'ëro iae Egypt sa'a a bôrômo hesi abojohuro Moses hesi muohoromo uvadeje: Nasi harihe hõjo rôhu Moses-ro ae uënôvadeje: Nadi uvorêjo: Nôrô Egypt sa'are a bôrômo hesi aboji hesi harihe hõjo.

<sup>25</sup> Êhesi bêhoho huro uvadeje: Na mu sisê vaeromo êhuro huê ma ma-jahuri baejê'oho êho bogo maho jio'i a'i na God-are aribôvioho jabu'o gemuore bimuvoromo huê sisê baejê'oho êho iae maho hõjo.

<sup>26</sup> Huro uvadeje: Egypt sa'are jio'amaje inômo inôme marohê'e mae naehu ujuohê'oho êho ma-jianovo'i a'i bôrôme namiromo ajamui'irôhe a hesi mu naehu vaejamu aehu sivegê'oho iae mae hõjo. Êhesi bêhoho huhu u'emu bae'irôhe suvuorohemu uehorovê'e hijadeje.

<sup>27</sup> Rôhu Moses-ro God mae uehorovadohuni êhuni Egypt sa'a a bôrômo hesi vôrôho bogo juhuonivo'i huhu hijade sa'aho ma-vuonugo'i va'adeje. Va'oromo God noehu bogo gavare aho hu gemu uehorovajêro jiê'ëro biririvadoho bogo vuonugadeje.

<sup>28</sup> Rôhu Moses-ro God mae uehorovadohuni êhuni Israel rajo aribôvioho aevo'i uëvadeje: God-hu Vôrô Tugoho'irôhe Sôrôho irêjo. O mi kôe javu ojoro hijiovodivo'amorêjo êhuro a muo'amo'irôhe anerahuro êho garomo jemesi harihu murioho bogo bijuêmo'i vuonugo va'irôhe hõjo.

*Jew rajo ae göehu göehu God mae uehorovare jôhoje.*

<sup>29</sup> O Israel rajoho jaburo God mae uehorovareje. Mae uehorovoromo gavare Kavû'e Sô Jovoho jovo ihoho Kavû'e tarioromo ruhêhi va'o numêhi va'oromo riroho sinihoromo ma-sa'aemu jiamu gagorovo va'oromo ioro'ioro gönô jëvamu iojioromuomadeje. Io-jiomamu gavê'i Egypt sa'a rajoho jaburo siho baejêvo va'oromo iojiomo'ia'amu gavê'i jiovohuro ro dôe garaejëvamu vuovëvadeje.

<sup>30</sup> Rôhu Israel rajohuro God mae uehorovoromo êhuro Jericho amoho bae'irôgoro rueromo gavare amoho munê rejo êgobôviëro iromo rova'ê'e jiamu gagorovo God-are jôho mae uehorovoromo amoho majae gemu vae gemu rova'o rojomonôvareje. Êhi'obe va'ojuvo majae aho'obêhe 7 barêjamu rejoho aho'obêhe ahoromo sa'are ruvebijamu amoho baejareje. Amo ë aribôviohuro God mae uehorovamu êhuro amo rejoho ahoromo ruvebijadeje.

<sup>31</sup> O Rahab ae ma-gê'amaje magonahohuro God mae uehorovadeje. Mae uehorovoromo gavade sa'a bae'irôhëni môe rueruomaje Israel rajoho rovamu gëgorovo huê baeromo ajëmadeje. Ajëmijë'ëro ijonôho God-are jô bogo eruomade aribôviohu'oho i'uhoho bogo gemu maho baeromo guomo'i mae hijadeje.

<sup>32</sup> Na rabëni jôe gö'oho majêhi'ejo. Gideon-hu ë'ade jôho o Barak-hu Samson-hu Jephthah-hu ë'obe rueruomade jôho o David-hu Samuel-hu o jô God-aro baeromo majêhinôvare aribôvi ioro'iorehu ë'obe rueruomade jôho na jajivo'ibejo majaho barê'ibejo.

<sup>33</sup> Êaribôviohuro God mae uehorovoromo êhuro sa'a ioro'ioroho ruahô'ô'amareje. Mu maho nigemareje. God-hu bojëmi'i mae uëvadoho baejareje. Vôrô'e mi jabesi jô'oho tugohêho'amareje.

<sup>34</sup> Vôrô'e vënoho duohareje. Kaejô ëgehu muo'amëvo'i hõjaroho mae rovereje. U'uhëvadoho daruge baejareje. Muorovoromo biririvareje. Biririvoromo sa'a göëro jabu'o muorovamu gagorovo sihô'ôjêvareje.

<sup>35</sup> Vëmu ômo'ômohuro God mae uehorovoromo gavare jabesi aganoho vuovoromo ri'ôjamu sionëro ujuohareje. Iae êhi jiadeje.

A'i God mae uehorovarue a ioro'ioroho aëro jabumê vi'ehi bôrôme bojëmamu hara'uoromo vuovëvadeje. Jabumê God-are jôho vuonugo'ibejo vi'ehoho bogo bae'irôgoro va'oromo jabesi nimoro raromo jijihô'ibejo. Rôhu êhi ë'orôhoho bijônimareje êhuro ijonô i'ovoromo ma-mabêhe raromo'irôhëro.

<sup>36</sup> O God mae uehorovarue a ioro'ioroho aëro sivëgoromo hisuebijëvamu huê vavaene bôrôme baeruomadeje. Rôhu göho a ioro'ioroho aëro tôvo'amoromo savoji gagore io'amareje.

<sup>37</sup> O God mae uehorovarue a ioro'ioroho aëro munëro vajëmijamu a ioro'ioroho aëro huruvo'amamu a ioro'ioroho kaejõ ãgohuro bijio'umamu vuovo'amadeje. God mae uehorovarue a ioro'iorohuro mi sino niõgu sisëho io'amoromo iruno'o rumo'e bövi bise'o rumo'e raromonõvareje. Aëro anëgo birëgo'ego ëma jijihonõvareje.

<sup>38</sup> Rõhu jabesi sa'a rajo sisë aribövie jio'i jabumë a maemu jëvadohuni ëhuni a sisë jabu'o gemuore raromë'o ho bogo maehu jiadeje. A rumo'e sa'are sa'are dahorure dahorure munë gagore sa'a gagore ëma raromobe jijihonõvareje.

<sup>39</sup> Ëho jaburo ae aho'obëhe God mae uehorovobe rovë'ëro ëhu'ëro iho ma-mabëhoho God-are õrire baerumë'eje. Iae ëhi jie rõhu God-hu bojëmi'i uëvadoho bogo baerumadeje.

<sup>40</sup> Bogo baerumade hesi bëhoho God-ro noni uehorovoromo uehoro ma-mabëhe baeromo uvadeje jabumë bogo urimoho maho jëvo'i hujeji ijionõ jabu'o no'o gemu mae ma-mae javuorõhego.

## 12

*Noehu Iesu gemu uehorovoromo biririvo'irõhe jõhoje.*

<sup>1</sup> Ëhi jië'e ae aho'o siri va'ënehu God mae uehorovoromo mae jiamu gabe rovaroho ëho jabesi jõho gavarueje. Ëhuni jabesi jõho uehorovoromo mu göehu göehu hutitimavujoho ëho rori'o babu'õromo uehoro sisëhu simanore badirohavujoho ëho dibo bu'õ'irõgoro God-hu bojumuade muohuremu biririvoromo vaenõvo'ejo.

<sup>2</sup> Iesuaro nunoho bamë'i muoho ëhi vaebe va'ejo ë hesi bëhoho huro God mae uehorovarue õroho aevoromo rõjahuiromo va'o ijo tugoho'i mae uehorovo'irõhe õroho rõjahuijë'ego. Sa'are hiromo uvadeje: Vi'ehe baenugoromo huë mabëhe biroho'ejõ uvoromo javoji vëmunajo baerõhoho bogo uehorovë'e biririvoromo korosire guomadeje. Ëhi ë'ë'ëro jaruvoho God bõrõme namijaje hesi õvo manõ hije.

*God-hu õri ma rõjahui'irõhëro i'u bojamuaje jõhoje.*

<sup>3</sup> Rõhu jemëro Iesu uehorovore. A sisëho jaburo nue huodivoromo hesi muoho aho'ia'amu huro biririvadeje. Ëaho uehorovoromo nadi dë vövõbajo'oho u'uhobe va'oromo muoho vuonugore.

<sup>4</sup> Jemë mu sisë aho gabe rovarujoho bogo ëhuro kõho rueromo vuovëvë'eje.

<sup>5</sup> God-ro jemë hesi aboji harihu'e jëvajëromo hesi jõgoroho majëhijë'eje jemesi dë vövõbajo'ere avoho biririvo'irarijego. Na jemë ë jõho rumonëgë'eje o diehi jëve. Ëjõho God-are surire jajivoromo ëhi uëvë'eje:

Nasi harihohajo. Jaehu avoho hijõro Badahu rõjahiromo i'u bojamamu gavë'oho nadi juahovonëjo.

O jõgoru darugo'o majahijë'oho nadi u'uhonëjo.

<sup>6</sup> Badahu ae rahu uehorovavü'oho ë ariböviohuro avoho raromõjõro i'ue bojamuijaje hõjo.

Ae rahu hesi harihe javuõjõro baejavuë'oho ë aribövioho hisuebjavuaje hõjo.

<sup>7</sup> Huë vavaeni rovamu baejë'iroho uvore: God-ro no rõjahuijajëromo biririvore. Ëhesi bëhoho God-ro jemë hesi aboji harihu'e jëvajëromo ëhi'ëvajeje. Rõhu di aboji harihu'oho vavuho jaburo bogo i'uhoo bojëmë'ejõ. Ae aho'obëhe iae baejarueje.

<sup>8</sup> No ae aho'obëhe i'u baejaruëhi jemë'o i'u bogo baejë'oho bogo God-are aboji harihu'o maho jëvo'i a'i õbie jëve.

<sup>9</sup> Ave sa'are vavu õmo'õmohuro i'ue bojamui'ego noro mae uehorovëvonõvareje. Ëho ma-jianovo'i a'i aru'aho muebejavuaje Vavue God-hu i'u jõ rõjahuijajõho ëho avoho ejahoromo maro raromõ'ejo.

<sup>10</sup> Ave sa'are vavu õmo'õmohuro jabesi simanehu ëma diehi diehi maho hõ uvaroho ëhi majae ma-bisemu rõjahuihe ruenõvareje. Ëho ma-jianovo'i a'i God-hu rõjahuijaje hesi bëhoho nosi jõënije hu mae jiajëhi no'o ëhi gemuoho javuorõhego.

<sup>11</sup> O God-hu no rõjahuiromo i'u bojamuajevare evare no uvarueje: Ëmuoho bogo huë ma'õho jio'i huë sisë baejarue muoho hõjo. Rõhu God-ro rõjahuijego no i'ue baebe va'õjuvo eni jiego evare noro God-are mu maho avoho vaejego dë sasohavuaajeje.

*Noehu avoho biririvoromo darugo'o riravo'irõhe jõhoje.*

<sup>12</sup> Ëhuni õvo hõru'e u'uhëvë'oho avoho biririvore.

<sup>13</sup> Õroho ahorirëro iogororomo ëhuro maro jijihore hõru sisërëjëvadoho bogo rireromoromo hurõnivëho'i marëjëvo'irõhe.

<sup>14</sup> Ae aho'o jabu'o ma-gemuoro huë mae raromõ'i ë'o gare. Mu mahuremu vaebe jijihõ'i ëhu'o ë'o gare. Aehu bogo ëhi ë'ë'õho Bada'õho bogo mae bogo raromõ'ë'o.

<sup>15</sup> Avoho mueberovore. Aëro God-hu huë baejävaje öroho vuonugojöëni uëve. O aëro oso sisë bojëmego ae gö gö jemesi dë vövöbajo'oho ijumëvego ae aho'obêhe sisërojëvojöëni uëve.

<sup>16</sup> O aëro önö'e muoho vaejöëni uëve. O Esau-hu ë'tadêhi aëro êhi ë'ojöëni uëve. Esau-ro God rumonimoromo ave sa'are bövie bise'ohuremu uehorovadeje. Hu harihu murioho jiadeje röhu bogo êho uehorovoromo muri hesi suvuoroho bae'i a'i majae ma-gemu hesi iohuni hesi suvuoro maho ioro'ioeremu vuonugadeje.

<sup>17</sup> Iae jemë'o gavaruje. Ijonö hu vuonugade suvuoroho vuonor'ö bae'irögoro nivë'i nahadoho bogo eni jiadeje.

*Noehu huë mae baejarue jöhoje.*

<sup>18</sup> Israel rajo a mamiehu rovarêhioho jemë bogo êhioho rovë'e jëve. Êho jaburo garomo heromo rêharue dahoru ihe Sinai ë rovareje. Rueromo gavare vëni bôröme ravoromo ramoramovoromo sue baduno'e jioromo buru bôröme rovamü gavë'i

<sup>19-20</sup> hejareje hëgöe huö'ego jöho ma-darugo'o uvavavamu. Uvamu hegoroovo hejare uëvamu: Bogo aho gemu a'i miehu rabehu ave dahoru ro rêhë'oho munëro vajamirego guom'ira uëvamu ë jöho heromo bogo eni jëvamu hegoroovo dinamiroomo Moses uavareje: God uavego nadi gö'oho uvego no he'irarëjo.

<sup>21</sup> Iae êhi jïë'e juhuoni'e muoho garomo Moses-ro uvadeje: Asë'e na butubutuegoromo juhuoninegavajëjo.

<sup>22</sup> Jemë bogo êhi jïë'e dahoruroho rueromo ga'i a'i Zion dahorure rovë'e jëve. God darugo'e jïë'e a hesi amo bôrömore ö'idöre jiaje ame Jerusalem ë rovë'e jëve. Anerae aho'obêhe raromoruomajire ë rovë'e jëve.

<sup>23</sup> God-are aribövi jabesi iho ö'idöre jajivo'amë'e God-are harihu muri ömo'ömehu gagovoromo nimoro nimoro bamaruire ë rovë'e jëve. God ae aho'obêhe mae o sisë javuego gövuaje a hesi örire rovë'e jëve. Mu mae vaenövere aribövie God-hu avohëvamu ma-mabêhe ruah'öjävë'e êho jabesi aru'aho ömo'ömo jabesi örire rovë'e jëve.

<sup>24</sup> Iesuare örire rovë'e jëve. Hu God-hu muebejavuaje jögoru avohahuade ahoje. Sisë u'ovahuoröhego Iesuhu kö hijiov'öjadire rovë'e jëve. Êkö hesi jö bëhohuro Abel-are kö hesi bëhoho iosiramiroomo maeje. Abel anamu kö rueromo guomade hesi bëhoho God-hu ae gö i'u mana bojami'iröhoho jio'i a'i Iesu anamu kö rueromo guomade hesi bëhoho God-hu huë baejavuoromo sisë u'ovahuo'iröhohoje. Iae Iesuhu kö hijiov'öjadire ë rovë'e jëve. Iae mabêhe rovë'e jëve.

*Noehu avoho mueberovo'iröhe jöhoje.*

<sup>25</sup> Êhuni avoho mueberovore. God-hu jö bojamuijajoho nadi bijönimore. Sa'are hijade aehu God-are jö majëhijadoho Israel ariböviohuro heromo bijönimë'ëro i'uoho bogo huotovahareje. Êho ma-jianovo'i a'i ö'idöre hijaje aehu majahuijaje jö nomë heromo vuonugë'oho diehi diehi huruom'ëjo.

<sup>26</sup> Urimë'i God-ro Sinai dahorure jöe jövamu êhuro sa'aho hijiohijiovadeje. Avevej'ö'oho huro mae majahuiromo uövüë'ëje: Majae gemu röhu maho na sa'aho hijiovo'ejöjo. Röhu bogo sa'ahuremu hijiovo'i ö'idöhu'o sa'ahu'o hijiohijiovo'ejöjo.

<sup>27</sup> Majae gemu röhu maho hijiovo'ejö uövüade hesi bëhoho huhu avoho'amade bövioho bise'oho hijiohijiovoromo ujuoho va'iramu bogojio'amö'ë'e. Êhi jio'iramu bogo hijiohijiovoröho ma-ioro'iore gemu bibivoromo nami'ë'e.

<sup>28</sup> God-hu bôröme namiroomo muebejaje öri ari'oho bogo hijiohijiovo varijënohoje. Êho nosije. Êhuni God-are örire huë mae ua'ëjo. Mae uaromo huhu nimajëhi noro hesi ihoho bövie hö uehorovoromo avoho rajahi'ëjo

<sup>29</sup> ë hesi bëhoho nosi Bôröme God sisë vënehu bue'öjanovaje aho jïë'ëgo.

## 13

*God-hu nimorohoröhego noehu vae'iröhe mu hesi jöhoje.*

<sup>1</sup> Röhu Christian ö mueno'e göehu gö huë baerovaruje muoho êho avoho ma'enore.

<sup>2</sup> Êhi'oromo ga'irarije ae gö jemesi amore i'e ö'amü gavë'iroho uëñövore: Nosi osaro ro raromöhëjo. Urimoroho a mamiohuro gavare ae i'e rovamu uvareje: Ma-a maëremu rovaruëromö ajëmijareje. Röhu bogo aehu rueruomamu ajëmi'i aneraëro rueruomamu ajëmijareje. Êhuni ae i'e ö'ëgo ajëmi'irarije muoho nadi rumonimore.

<sup>3</sup> Iesuare jöëni savoji gagore raromarue ariböviohuni uehorovore. Uvore: Jabuhu savoji gagore raromaruoho no'o gemu mae raromaruëromö êhi huë vavaene baere. O vi'ëhi baeruomaje ariböviohuni uehorovore. Uvore: Jabuhu sino vi'ëhi baejaruoho no'o gemu mae baejaruëromö jabesi jöëni huë vavaene baere.

<sup>4</sup> Rõhu masurovarue muoho ae aho'obêhe mae uehorovore. Baruo'ho'o vaboro'ho'u o jemesi arijo'ëremu garorovore. Ön'ö'e jji'hê'oho o goho'amê'oho êhuro God-ro i'ue mana bojêmi'ê'e.

<sup>5</sup> O nadi moniohemu bae'i uehorovo'i a'i uvore: Noehu bövi bise'lo baejaruoho iae eni hõjo. Rabêni God-ro no uövü'e'ejje: Na bogo mae bogo ja vuororamiromo ramo va'e'ejjo.

<sup>6</sup> Êhuni no biririvoromo uvo'ejjo:

Badaro na ajemijaje hõjo.

Ajemijajego na bogo juhuonivo'ejõjo.

Aho diehi'oromo na ijumevo'aruëjo.

<sup>7</sup> Jemesi ekaresia a masijoho uehorovore God-are jö aevo'i majêhijaroho. Jabuhu avoho raromo jjihojuvo ma-mae vuovêvade jõho uehorovoromo jabuhu God mae uehorovarêhi jemê'ö êhi gemuoho God mae uehorovore.

<sup>8</sup> Êhesi bêhoho Iesu Keriso hu urimo jiadoho jaruvohu'o ijonõhu'o êhi ma-gemuohemu jiemu jio'ê'e.

<sup>9</sup> Êhuni aehu sareri'e jöe gö barueromo rjêhijê'iroho nadi êho uehorovoromo öri mare va'aru'joho vuonugo'i ione aho bu'öromo öri göroho va'ore. Noehu uvê'oho: God-ro hesi nimoromo ajamui'iramu nosi aru'ahoho biririvahu'ajê uvê'oho êho mahoje. A'i noehu uvê'oho: I i'irõhe jögoru rihiomê'ohuro êhuro nosi aru'ahoho biririvahu'ajê uvê'oho êho bogo maehuje. I iarue jögoru ejarue aribövioho bogo êhuro marêjêvajeje.

<sup>10</sup> Nosi sisê mu'uvahuorõhego suvuoro maho God-are örire bojamijê'ejje. Sisê mu'urõhe suvuoroho Jew rajo priest niõgu javu hesi mu vaejaruoho bogo i'ê'ö.

<sup>11</sup> Jew rajo priest bõrõmohuro mi kõho baeromo God-hu jiaje osare ë rumo va'oromo hesi örire suvuore bojaminõvadeje sisêho mu'u'amorõhego. A'i mi maho bogo amoroho nugo'i a'i amore jioromo ujoho va'o rori'lo vëniro huonõvadeje.

<sup>12</sup> Rori'lo huonõvadhê aëro êhi Iesu bogo amoroho nugo'i a'i amo bõrõmore jiamu rori'lo bava'areje. Bava'amu vi'ehe baeromo guomadeje êhuro hesi kõ maho rovego hesi aribövi nosi sisêho u'ovahuorõhego.

<sup>13</sup> Iesu amore jiamu rori'lo bava'amu guomê'ego êhuni no'lo amo rajehu sisê'i uehorovarue bogo jabesi gemuoroho uehorovo'i a'i Iesuare jöeni i'ue baeromo hu'lo gemuore riravo'ejjo.

<sup>14</sup> Rabêni ave sa'aroho noehu ioro'ioremu raromo'irõhe amoho bogojavue. A'i ijonõ jiorõhe amohemu êhuremu uehorovö. Êhuni amo rajehu sisê'i uehorovarue jabesi gemuoroho no bogo uehorovo'i Iesu'lo riravo'ejjo.

<sup>15</sup> Hu'lo riravoromo mi suvuoroho bogo a'i Iesuare ihore God rajahiromo êhuro suvuoroho hu bojaminõvo'ejjo. Êsuvuoro hesi bêhoho noehu hesi iho a huruoho majêhijê'oho êho noro jö'ö öge i va'êne êhi God-are örire suvuore bojamarueje.

<sup>16</sup> O huê baerovoromo ajamiovarujoho nadi rumonimore. Êhi jjiê'e mu vaejê'oho God-ro uvajeje: Jabumê êhi ê'aruho êho mi suvuoro mabêhe bojamaruêje.

<sup>17</sup> Rõhu ekaresia muebejêvarue aribövioho jabuhu jö bojêmijaruoho nadi aho'i majêhore. Rabêni jabumê jemesi dë vövõbajo'oho muebejêharueje ijonõ God-are örire majahiromo uaruomorõhêni: Iae no jasi aribövioho êhi êhi muebejahare hõjo. Jemêhu jabesi jö ejêhê'ohuro êhuro jabumê bogo huê vavaenoho baeromo êma muebejêvo'i jabesi dêho sasohêvo'iramu muebejêvo'ê'ö. O bogo ejêhê'oho jabu huê vavaene bae'ê'ö rõhu êma muebejêvo'ê'ö. Êhuro jemê bogo marêjêvo'ê'e.

<sup>18</sup> Rõhu jemêro nosi jöeni parie vaenõvore. Êhesi bêhoho noehu uehorovaruoho majae êhi mu maemu vae'i naguoromo êhuro no dë sasohavue. Êhuni parie vaenõvore.

<sup>19</sup> Na nego avohe jemêro êhi ê'ojõro êhuro God-ro remõ'õjego na jemesi örire ma-burêro ö'iro.

<sup>20</sup> Rõhu na nege huê mae bojamuajje aho God-ro jemê ajêmego mae jëvojõro. Êhesi bêhoho sheep muebejavuajje a bõrõme Bada Iesu God-ro ajamijamu guomoromo ri'õjadeje. God-hu Iesu ajamade hesi bêhoho Iesu kõe rueromo guomamu êhuro God-hu no ioro'ioremu muebejavuo'irõhe jögoroho jiadeje. Êhuni Iesu ajamamu ri'õjadeje.

<sup>21</sup> Amo na nege God-ro jemê inõmo maho mu maho aho'lo ajêmego huhu nimaje muoho vae avoho'irarijego o huro nosi dë vövõbajo'oho mae avohahuego noro mu mae vaejego huro göromo dë mae jiorõhego. Huro Iesu Keriso-are jöeni êhi ajamuijõro nege. Keriso-are ihoho ma-dõ maro jiemu jio'ê'e. Iae mae.

*Ijo tugoho'i jõhoje.*

<sup>22</sup> Aganomê naro ave jö harihoho jajivoromo bamêhe jemêro adahoromo dë vövõbajo'oho biririvo'irarijego. Jemêro nadi u'uvo'i ma-here. Jõho bogo êgehujje.

<sup>23</sup> Röhu ave jöho uë'ië'e jemëro he'irarijego. Nosi öho Timothy savoji gagore hijadoho jiovo nugö'öjê'eje. Hu burëro rovanu gavë'oho ëhuro na hu'o gemu mae ö'oromo gë'eje. O hu bogo burëro rovë'iroho naro sivue ö'eje.

<sup>24</sup> Jemesi ekaresia a masijohu'o God-are aribövi ioro'iorohu'o jejëmijode höre. Italy sa'a rajo ekaresiaho jaburo jemesi örire jejëmijö.

<sup>25</sup> God-ro ae aho'obëhe jemë huë baeromo ajëminövo'ë'e. Ahia mino'e.

## JAMES

*James-hu God-are aribövi jejëmjade jöhoje.*

<sup>1</sup> God-are mu vaejahaje o Bada Iesu Keriso-are mu vaejahaje aho na James jeve. God-are ariböviehu jemesi sa'a vuonugo'i sa'a göre göre va'o raromarujoho naro jemesi örire jejëmjaje.

*Biririvoromo God mae uehorovo'iröhe o hesi örire uehoro mae bae'iröhe jöhoje.*

<sup>2</sup> Nasi ö mueno'e huë vavaenehu böviehu bise'ehu burunö'e rueromo anëgë'o ho uvore: Ma-nimoroho'iröhe muoho rovë'e höjo.

<sup>3</sup> Iae jemë'o gavaruje burunö'e rueromo anëgamu God mae uehorovoromo riravë'oho ehuro u'urume vaejë'i biririvobe va'arujeje.

<sup>4</sup> Röhu u'urume vaejë'i biririvoromo va'onövore ehuro ruahö'ö'irarije. Ehi ë'ë'oho ehuro a duvahonö'e raromo'iramu ma-ëhi gemu jëvobe va'ë'e.

<sup>5</sup> Röhu ja rahuaro uehoro bogojavë'oho God uavego uehoro mae bojami'iro. Ua gavë'oho God-ro iae ejahö'ë'e hu bogo nijio'irae'i ma-huë mae bojamuijaje aëro jië'ëro.

<sup>6</sup> Röhu ua gavë'iroho nadi uehore niö'i bae'i ma-God gemu mae uehorovoromo ua gane. Bogo ma uehorovë'oho buru buruehu anego jovehu hasaromo ajiomobe abuebe va'ajëhi jasi uehoroho ehi ruëre numëre jiobe va'ë'e.

<sup>7-8</sup> Ehi javë'oho uehore niö'i baeromo öroho dadivoromo ëma juvo'a'anue. Ehi jië'e uehoro baejë'oho nadi uvone: Badaro bojemi'iramu bae'ejöjo. Hu bogo mae bogo bojami'ë'e.

*Bövi bise'o rumo'e ariböviohu'o bövi bise'o marohë'e ariböviohu'o ehi jië'e aribövi jabesi jöhoje.*

<sup>9</sup> Röhu Christian öe bövi bise'o rumo'e javë'oharo ga'irane jasi ihe sa'are jiajoho God-ro nigemahamu gavë'oho nimoronimorohë'i juvone.

<sup>10</sup> O Christian öe bövi bise'o marohavë'oharo ga'irane jasi iho döre jiajoho sa'are bejahamu gavë'oho ja'o nimorohë'i juvone. Ehesi bëhoho resu inehu sahorijajëhi bövi bise'o marohëvë'e aribövioho ehi sisërë'amo'ë'e.

<sup>11</sup> Majaëro rojomoromo birebire'e bamoromo resu ahore ravego rudoho sahojajeje. Inoho rireromajeje. Mabëhe gavaruoho sahorijego iae barëjajeje. Sahori barëjajëhi bövi bise'o marohëvë'e ariböviohuro mue vaebe va'ojuvo röhu maja ahë'o sisërë'amo'ë'e.

*Huë vavaene rueromo nosi dëre bijahuaje jöhoje.*

<sup>12</sup> Röhu huë vavaeni bövi bise'o rueromo dëre bijaho gavamu jaehu biririvoromo hijë'iroho huë mae javajeje. Biririvoromo ruahö'öjë'iroho maro hi'irane röhoho iae bae'a'anue. E'röhoho God-ro uövuadeje: Na uehorovevaruje aribövioho bojëmi'ejöjo.

<sup>13</sup> Röhu sisëhu ro dëre bijëho gëvë'oho nadi uvore: God-ro sisëho nugö'ö'ego bijahuajëjo. Nadi ëhioho uvore. Rabëni hesi bëhoho God-are dëroho sisëho bogo bijohajeje. O God bogo sisëho nugö'öjego nosi dëroho bijahuajeje.

<sup>14</sup> Bogo ëhioho jie. A'i ae gemu gemu dëre bijahuaje hesi bëhoho nosi sinohuro mu sisëho nimoromo jagu barovego ehuro sisëhuro ro bijahuajeje.

<sup>15</sup> Mu sisë vae'i nimobe va'ojuvo evare mu sisëho vaejarujeje. Mu sisëho vaebe va'ojuvo ijönö bejavuo'iramu evare iae barëjavuo'ë'e.

<sup>16</sup> Nasi ö mueno'e ehuni nadi jemesi arijo'arijoho sareramirovoromo uvore: God-ro sisëho nugö'öjego dëre bijahuaje höjo. Hu bogo ëhioho ë'ajajeje.

<sup>17</sup> A'i suvuoro mabëhe aho'o hesi örire gemu jioromo rovajeje. God hu bövie bise'e jiji mujöru'e manaere majae nosi örire ajivavuo'iröhego avohade ahuro aji mahuremu iae bojamuijajeje. God bogo gorosovo'i bogo ramoramovo'i ma-ëhi gemuohemu ajivavuobe va'ajajeje.

<sup>18</sup> Huro hesi nimoromo hesi jö maho nugö'öjajajeje nosi örire rovego noro heromo nosi aru'ahoho i'ovahuego hesi aboji harihu'e javuoröhego. Hesi aboji harihu'e javuego ehuro inömo inömo bövi bise'o avoho'amadoho noro iosirëmiromo hesi nunire aribövioho javuoröhego.

*God-are jö bogo ma-hia'ëremu he'i a'i avo'avoho ejahoromo mu vaeröhe jöhoje.*

<sup>19</sup> Nasi ö mueno'e avehuremu uehorovore. Ae aho'obëhe jemëro jöho ma-burëro hia'ëremu henövore. Nadi ma-burëroho jöho majëhiromo ma-burëroho vöro'iraere.

<sup>20</sup> Aehu vöro'irajë'oho bogo ehuro God-hu nimaje mu maho ri'ö'ë'e.

<sup>21</sup> Ĕhuni va'inumi'e mu sisē aho'o vae'i arijarujoho uehorovoromo vuonugo'i God-hu dē vövöbajore bamēhaje jōho ma-u'emu sanuovoromo ejahore. Ejahē'oho jōho darugo'ero jiē'ero ēhuro jemesi dē vövöbajō'oho i'ovövo'iramu mae jēvo'ē'e.

<sup>22</sup> Nadi sareramirovoromo God-are jōho ma-hia'ēremuoho here. A'i jōho ejahoromo huhu uēvājēhi muoho ēhi vaere.

<sup>23</sup> God-are jō bogo e'i ma-hia'ēremu hejē'oho aririre garomo

<sup>24</sup> vuonugo'i va'oromo nu ano'o bogo avohorovo'i rumonimaruēhi ma-hia'ēremu hejarue aribövioho ēhi jēvo'ē'e.

<sup>25</sup> A'i ae göehu aririre nu ano'o ga avoharuēhi ēhi God-are jōgoru ga avohoromo uvē'oho: Ma-maēro jiē'ero ejaruohuro bogo tövavuē'e maro raromo jijiharue hōromo biririvoromo ma'enoromo bogo ma-hia'ēremuoho heromo rumonimo'i a'i ejahoromo mu vaejē'oho ēho iae mae jio'ē'e. Ĕhuro rabe rabe ē'ē'oho God-ro ē aribövioho ajēmiromo huē mae bojēminövo'ē'e.

<sup>26</sup> Röhu ae göēro göēro uvarueje: No God mae uehorovoromo hesi muoho ma'enarue hō uvo'i röhu bitaroho bogo taemē'e atarueje. Ĕhi ē'aruoho jabumē ma-sareramirovoromo uvarueje: No mu mae vaejarue hō uvoromo ma-dōhemu God uehorovoromo hesi muoho vaejarueje.

<sup>27</sup> A'i God Vavuohuro uvajeje: Aviēhi jiē'e muoho bogo ma-dōēremu na uehorovevarue muoho jio'i dē vövöbajō'oho uhohu'o vaejarue mue hōjo. Ōbi asisō'ohu'o magonaho doruohu'o huē vavaeni baejaruoho noro jabumē ajēmiromo avoho muebejēvo'ejo. O no ave sa'a hesi mu sisēho bogo gavanovo'i ma-mu maemu vae'ejo.

## 2

*Noehu ae aho'obēhe ma-gemuoho hō uehorovo'irōhe jōhoje.*

<sup>1</sup> Nasi ō mueno'e nosi Bada Iesu Keriso hesi aji'e hijajoho mae uehorovarue jēvaje nadi ma-dajemuoho garomo aribövioho adovoromo ioro'ioroho rajēhi'i ioro'ioroho bijōnimore.

<sup>2</sup> Ĕhesi bēhoho jemēhu God rajahi'i ro gagovarueje osare ae niō'iro rovō. Göhuro inōmo'e aēro jiē'ero maho io'amoromo rue'i göhuro inōmo rumo'e aēro jiē'ero sino sine io'amoromo rove.

<sup>3</sup> Ĕhi'oromo rovamu gavē'oho niōgu mae io'amē'e aho jemēro garomo rajahiromo ua'a'aruje: Isi ro röho maro hijējo. A'i niōgu sisē'e aho garomo bijōnioromo ua'a'aruje: Janioho röhe bogojiē'e jiaje ēhi ma-namijējo. O ua'a'aruje: Janioho arēte bogojiē'e jiaje ave sa'aro nasi hōru bēhohuro ro hijējo.

<sup>4</sup> Ĕhi uēvē'oho jemesi aribövioho adovoromo inōmo rumo'e jiē'oho ruēhi nugo'i inōmo bōrōmo jiē'oho viēhi nugarueje. Ĕhi'oromo sisē'i uehorovoromo mevarueje.

<sup>5</sup> Röhu nasi ō mueno'e ave jōhuremu here. Ave sa'are ariböviehu garuomajoho inōmo rumo'e aribövieho jēvē'ero sisē'i raromarueje. Sa'are sisē'i raromaruoho ē aribövioho jabumē God-ro baejēvadeje jaburo bogo sisē'ioho uehorovo'i avo'avoho hesi ōrire ma-avo'avoho uehorovo'irōhego. Mae uehorovoromo hesi ōri ari'ere va'ego muebejēvo'irōhēni. Ĕhesi bēhoho mami'e God-ro uēvadeje: Ae rahu na uehorovevē'oho naro ajēmi'ejōjo nasi ōri ari'ere rovego muebejēvo'irodēni. Ĕhuni iae ē inōmo rumo'e aribövioho ēhi ajēmi'ē'e.

<sup>6</sup> God-ro inōmo rumo'e aribövioho ēhi ajēmijajeje röhu jemēro jabesi ihoho ijumēharueje. Ĕhi ē'arujoho röhu rahumēro jemē iosirēmiromo i'u'e muoho bojēmiruomajeje. Inōmo ma'e ariböviohuro ē'arueje inōmo rumo'oho bogo. O rahumēro guduamēvoromo court-roho va'o bahijēvoruomajeje. Inōmo ma'e ariböviohuro ēhi ē'arueje inōmo rumo'oho bogo.

<sup>7</sup> Jemē Keriso-are iho baejarijeje röhu ē inōmo ma'e ariböviohuro Keriso-are ihoho ijumoruomajeje. Ĕhuni nadi inōmo ma'e aribövioho rajēhi'i inōmo rumo'e aribövioho bijōnimore.

<sup>8</sup> Röhu jōgoru bōrōmo bōrōmoho God-are surire jajivoromo uövü'ejeje: Jaehu jasi arijo'arije rajahirovanuēhi jasi ae gemuoho ēhi rajēhinējo. Jemēhu ē jōgoru ejahē'oho iae maeje.

<sup>9</sup> Röhu jemē dajohemu garomo ioro'ioroho rajēhi'i ioro'ioroho bogo rajēhijē'oho ēho jemēro sisē ē'oromo jōgoroho ahē'ero i'ue bae hesi jēve.

<sup>10</sup> God-are jōgoru ejahobe va'oromo röhu jōgore gemu ahē'oho ēhuro hesi jōgoroho aho'obēhe sisē vae'iramu övövo'e ae javo'ē'e.

<sup>11</sup> Ĕhesi bēhoho God-ro uōvuadeje: Nadi goho'amonējo. Rōhu ē ae gemuohuro jō gōhu'o uōvuadeje: Nadi ae gō anonego guomo'irajo. Ĕhuni ja bogo goho'amo'i rōhu ae gō anē'oho God-are jō ahanue ae javo'ē'e.

<sup>12</sup> Ĕhuni uvonōvore: God-are jōgoru ejahē'oho ēhuro mu sisēhu tōvavuadoho jiovahuego maro raromarue hōjo. Ĕjōgoroho God-ro ijono garomo nosi muoho mevo ga'a'ajējo no ejahē'e o bogo ejahē'e muoho vaejē'e javuo'iramu. God-ro hesi jōgoroho garomo ēhi mevo gō'a'ajē uvoromo jemēro ēho uehorovē'i jōho atobe muoho vaebe jijihore.

<sup>13</sup> God-ro mevavuo'ajē uvo'irarije ē hesi bēhoho God-hu mevavuo'iroho gō'irōhe huē bogo baejēvare aho hesi nunire ro riravamu gōvuē'oho bogo huēho baejavuo'i mana i'ue bojamui'ē'e. O huē baejēvare aho hesi nunire ro riravamu gōvuē'oho God-ro i'ue bojamui'i ē'oromo vuonugo'i huē baejavuo'ē'e.

*No bogo ma-dōhuremu God mae uehorovo'i uhohu'o God mae uehorovoromo hesi jō ejahoromo mu vaerōhe jōhoje.*

<sup>14</sup> Nasi ō mueno'e aehu uvē'oho: Iae na God mae uehorovaje hō uvoromo rōhu God-hu nimaje mu bogo vaejē'oho ēhi jiē'e aho God ma-simanēremu mae uehorovajeje. I'o mu bogo vae'i God uehorovoromo ēma hijē'oho God-ro bogo maroho bamo'ē'e.

<sup>15</sup> Ĕhesi bēhoho jasi Christian ō ma'ino'e iruno'e niōgu suhi'e bogo eni jēvamu gēromo <sup>16</sup> rōhu bogo mae bogo ajēm'i ma-jōemu uēv'oho: Maro va'onējo. Va'oromo niōgu mae ujuohoromo io'amoromo i mae ujuohoromo iromo hinējo. Rōhu jabesi sinehu nimaruocho bogo ajēmē'e ma-majēhijē'oho na ēho eni jio'ē'e o bogo. Ĕho bogo eni jio'ē'e.

<sup>17</sup> Ma-jōemu majēhijē'oho bogo eni jiajēhi ēhi God-hu nimaje muoho bogo vae'i God madajēremu uehorovē'oho ēho ma-bēhi rumo'e muohoje.

<sup>18</sup> Rōhu aēro ue'ē'e: Ae gōēro God mae uehorovaje hōjo. Ae gōēro mu mae vaejaje hōjo. Ĕhi ue'iramu naro ua'ejo: Rōhu aho diehi'oromo God mae uehorovoromo muoho bogo vaejaje hōjo. Rōhu naro mue vaeromo ēhuro ja rōjahi'iramu ge'a'anuējo na God mae uehorovaje ae jevo'iramu.

<sup>19</sup> Rōhu ja simanēremu uehorovoromo uvanueje: God gemu jiajējo. Mabēhe. Satan ajamijarue aru'ahoho jabu'o uvoruomajeje: God gemu hōjo. Ĕhi uehorovoromo majuhonibijohoromo butubutumoruomajeje. Ĕhuni ma-simanēremu God uehorovē'oho bogo eni jie.

<sup>20</sup> Uehoro bogojiē'e ae jave. God-hu nimaje muoho bogo vae'i ma-God uehorovē'oho ēho bēhi rumo'eje. Ĕhi jiē'e jōho na ja nage naro rōjēhijego ga'iro. Aveho hene.

<sup>21</sup> Nosi hijo miono'e Abraham diehi'amu hesi ihoho God-are nuniroho maho jadeje. God-hu nimade muoho huro vaeromo hesi harihoho Isaac baeromo God-ni suvoro buejarue maratu dōre God-ni bamadeje. Ĕhi'amu ēhuro hesi ihoho God-are nunire maho jadeje.

<sup>22</sup> Ja'o gane. Abraham-ro God mae uehorovoromo o God-hu nimade muoho vaeromo mue niō'i havēvoromo vaejadeje. God-hu nimade muoho vaejē'ero ēhu'ero God uehorovadoho iae eni jiadeje.

<sup>23</sup> Ĕhi jiē'ero God-are surire jō uōvuadēhi iae ēhi jiadeje. Jōho jajivoromo uōvuē'eje: Abraham-ro God mae uehorovamu gavē'ero God-ro uvade hōjo: Abraham-are ihoho iae mae hōjo. Ĕhi'amu aēro uvoruomadeje: Abraham God-are aemo'aeme hōjo.

<sup>24</sup> Ĕhu'ero jiē'ero jemēhu gavarujoho God-are ihohemu ēma uehorovē'oho bogo ēhuremu nosi ihoho God-are nuniroho maho javuajeje. A'i God uehorovoromo rōhu hu nimaje mu vaejē'ohuro ēhuro nosi ihoho God-are nunire mae javuajeje.

<sup>25</sup> Rōhu jō gōho naro ua'ejo bēhoho avoho ga'iranego magonahehu mu ma vaejamu ēhuro hesi iho God-are nunire ma jade jōho. Magonahe gemu hesi ihoho Rahab-ro iae hijade hōjo. Hu ae siho'amaje magonahe jade hōjo. Rōhu hesi ihoho God-are nunire mae jade hōjo. Diehi'oromo ēhioho jade hōjo. God-hu nimade muoho huro vaejamu ēhuro ēhi jade hōjo. Huro gēvade Jew rajēro God-are ihore rovamu gēgorovo ajēmiromo osare hu'irae baejēvo rueromo rōhu ōri gōro rēmō'ōjade hōjo mae va'irōhego. Ĕhi ē'amu hesi ihoho God-are nunire mae jahade hōjo.

<sup>26</sup> Ĕhi jiē'ero ave uhu jōho majēhije. Nosi sino haho'ere aru'aho bogojiē'oho nosi sinoho ēma imo javuo'ē'e. Ĕhesi bēhoho no God uehorovo'i rōhu huhu nimaje mu bogo vaejē'oho no ēma imo sinohuremu God uehorovarueje.

### 3

*Jō maemu ato'irōhe jōhoje.*



<sup>1</sup> Nasi ö mueno'e God-are jö röjehjarue muoho majëhi'ie'e. Nadi ae aho'obëhe God-are jö röjehi'iririje muoho ëma baere. Rabëni hesi bëhoho jemë'o iae gavarujeje Christian a ioro'ioroho God-ro iae mevëvo'i röhu hesi jö ae röjehjarue aribövi nosi muoho God-ro ga avohoromo darugo'o mevavuo'ë'e.

<sup>2</sup> No ae aho'obëhe mue aho'obëhe garaejaruje. Röhu ae rahu bogo bitaro garae'i jö maemu atë'oho ëhi jië'e aribövioho ma-maemu jioruomajeje. Jabesi bitaro jö'o taemë'oho ëhuro jabesi sino haho'e aho'obëhe taemorovoromo mu maemu vaeruomajeje.

<sup>3</sup> Èhesi bëhoho horse jö'oho uehorovore. Horse jö'ore ö'oho ruaharujeje ëhuro ö'i vitunö vitunö jaguvego jaguvaruinö ë va'iröhego. Horse jö'ore ruahë'ëro ëhu'ëro horse dajo haho'e aho'obëhe ri'öjego no naguajinö ë va'ajeje. Èhi nosi jö'oho taemë'oho nosi sino haho'e aho'obëhe taemorovoromo mu maemu vaejarujeje.

<sup>4</sup> O boat jöho uehorovore. Boat-oho böörömeje. Buru böörömëro hesi niögu ba'uorimarire namiromo biduoho baeromo va'ajeje. Boat bööröme jio'i buru bööröme jio'i röhu damu bise'oho ma'enoromo hunuovego dinö'e va'i nimë'iroho ë va'ajeje.

<sup>5</sup> O nosi bitaroho iae gemuohoje. Boat damu bise'o jiajëhi nosi bitaroho iae ëhi inömo bise'eje. Inömo bise'o jiajoho röhu damuehu boat böörömo hunuovajëhi ëhi nosi bitarohuro mu böörömo hesi jöho ëma jö huhe atarujeje.

Röhu aveho uehorovore. Vëni hödu biseharihohuro ëhuro je'o böörömoho ravo barë'ë'e.

<sup>6</sup> Bitarehu jö sisë ataruoho ëho vëni sisëho va'ëneje. Sisë bövie bise'e uehorovaroho vaejaruoho bitarëro atarujeje. Bitaroho nosi sino haho'ere jië'ëro ëhuro nosi uhoho aho'obëhe sisërëromo rumorovobe va'ajeje. Jö sisë atë'iroho mue aho'obëhe ijumaje vënhuro ravanovajeje. Èhesi bëhoho Satan-are öri ari'ere jioromo ro nosi muoho aho'obëhe ijumo'amajeje.

<sup>7</sup> Uge sigobe je'o maje jovo maje ihe gö gö aruëre anumëre jijihoruomajoho röhu aëro ahego ëhi ë'aruoho vuonugo'i ma-jabesi röhoremu raromarujeje. Èhi ë'iröhoho aho no eni javuajeje. Èhi ë'ë'e javue.

<sup>8</sup> Röhu jö aruëre anumëre ataruoho ahorovoromo ëhi ë'aruoho vuonugo'i ahorirëremu ato'iröhoho a vadu'oho bogo eni javuo hesije. Nosi bitaroho sisë vörö'e sigobu jabesi bitaro va'ënëro jië'ëro ae gö ëhi jö sisë bojëmego sisërërovarujeje.

<sup>9</sup> Bitarohuro ëhuro nosi Vavuoho Bada mae uavarujeje. Röhu ë God mae uavarue bitarohuro ëhuro God va'ëne avoho'amade a jabesi örire jö sisë uëvarujeje.

<sup>10</sup> Jö'e gemuore jioromo röhu jö mahu'o jö sisëhu'o jovonö'e rovajeje. Nasi ö mueno'e ëhi jië'oho sisëje.

<sup>11</sup> Jovo mahu'o sisëhu'o sa'a gage gemuoroho bogo suorovajeje.

<sup>12</sup> Nasi ö mueno'e ijo bajo ihe gö gö bogo gemuoroho rae'i ö'i bajoho bogo ijo bajohu'o gemuoroho rae'ë'e rabëni kõe gö gö jië'ëro. Sö jovohu'o jovo mahu'o bogo gemuoroho vuo'a'anue. Èhu'ëro jö mahu'o jö sisëhu'o bogo vaerovo'ejo.

*Uehoro mae niö'i göho ave sa'a hesi uehoroho ma-döhemu mae jio'i göho God-hu bojamuaje uehoroho uhoku'o mae jiaje jöhoje.*

<sup>13</sup> Röhu romorome uehorovë'e a o nuni aji'e a jemesirire jëvë'oho ëhi jië'e ahuro hu diehi ë'ë'e. Hu avo'avoho hibe juvoromo mu maemu vaeromo ma-u'emu taemo hiromo simano mae uehorovo'ë'e. Èhi ë'ë'oho no garomo uvo'ejo: Èaho simano mae gavë'e ae höjo.

<sup>14</sup> Röhu jemë ae gö jabesi mu mahuni dë vörönimoromo nu huodivo'i jemesi ihoheму döre bamorovo'i nimë'oho nadi nimoronimorohoromo jö huhe ë'oromo o jö sareroho atoromo God-are jö maho ijumore.

<sup>15</sup> Jemë ëhi jië'e uehoro baëj'oho nani jemë uvarujeje: Èhi jië'oho simano ma'e uehore höjo. Röhu ëho bogo ö'idöroho jioromo ruvebi'i a'i ave sa'a hesi uehoroho jio'i ma-nosi sinemu uehorovaruohe jio'i Satan-are ariböviehu uehorovaruoheje.

<sup>16</sup> Dinö'e dinö'e ae göehu gö hesi mu mahuni dë vörönimoromo jabesi sinemu uehorovoromo döre bamorovë'oho ëhi jië'ire aëro iro muorovo'e vaeromo bövie bise'e gö gö vaejarujeje.

<sup>17</sup> Sa'a hesi uehoroho ëhije. A'i ö'idöre jioromo ruvebijaje uehoroho göje. Èhi jië'e uehoro ma baëj'oho mu ma-mae uehorovarujeje. Mu mae uehorovoromo gemuoro mae raromoromo muoho ma-u'emu vaeromo ma-sanuovoromo jöho ejahorovarujeje. Jöho ejahorovoromo huë baerovoromo muoho avoho vaejarujeje. No bogo ruëroho numëroho uehorovo'i ma-jöe gemu uehorovarujeje. Bogo ma-döemuoho mu maho vae'i a'i avoho uehorovoromo dë vövöbajo'o uhohu'o vaejarujeje.

<sup>18</sup> God-hu nimaje mu rueröhego nimë'oho urimo ma-u'emu sanuovoromo huë baerovo'iramu evare ëhi jië'e muoho böörömae'ë'e.

## 4

*Ave sa'ta hesi mu sisë bogo uehorovo'i God gemu uehorovo'iröhe jöhoje.*

<sup>1</sup> Röhu jemë ae göehu göehu iro muorovo'e vaejaruje hesi bëhoho rabeje. Sinohemu nimarujëro jië'ëro ëhu'ëro ë'arujeje. Ae göëro göëro jemesi sivu sivue sinohuni bae'i nimiromo uehore göëro göëro gemuore umogihoromo ëhuro ë'arujeje.

<sup>2</sup> Ëhesi bëhoho jemë bövie bise'e bae'i nimiromo röhu bogo baejarujeje. Bogo baeromo ae muo'amo'irögoro ë'arujeje. Muo'amo'irögoro röhu ganiganimoromo bae'irarije öroho bogo birohogoro iro muorovo'e vaejarujeje. God bogo ua gavarujohuro ëhuro bogo baejarujeje.

<sup>3</sup> O God ua gavë'oho ëhu'o bogo baejarujeje. Rabëni hesi bëhoho jemë sisë'i uehorovoromo mae sisë ëma ua gavarujeje ëhuro baeromo jemesi sinehu nimarujohuni bu'ö'irarijëni. Ëhuni bogo baejarujeje.

<sup>4</sup> Sareri aribövie jëve. Magonahehu bogo baru uehorovoromo taemo hi'i ma-juvajëhi jëvanove. Ëhesi bëhoho jemë bogo God gemu uehorovoromo taemo raromo'i ave sa'are mu sisëhu'o uehorovarujeje. Jemë diehi'oromo bogo garomo uvarujeje: Ave sa'are mu sisëho bëröme hõ uehorovë'oho ëhuro God bijönimarue höjo. Ëhuni ae rahu ave sa'arohemu uehorovo'i nimë'oho hu God bijönimaje aeje.

<sup>5</sup> Iae God-are surire jöho uvë'eje: God-ro bojanuade aru'ahohuni vavaenimoromo uehorovauaje höjo noro hu gemu uehorovo'iröhego. God-are jöho ëhije. Röhu nani jemëro uvarujeje: Ëho ma-jöe höjo.

<sup>6</sup> Röhu iae hu nime noro hu gemu uehorovo'iröhego. Röhu God-ro hesi nimiromo huë baejavuoromo ajamui avohajeje noro ëhi ë'iröhego. Ëhi ajamuijaje jöho God-are surire jajivoromo uövüë'eje:

Biriri'övoromo masije javuajë uvarue aribövioho God-ro ahëvaje höjo.

Ma-u'emu taemo raromarue aribövioho God-ro hesi nimiromo huë baejëvoromo ajëmijaje höjo.

<sup>7</sup> Ëhuni God-are jöho ejahore. Satan rovë'oho ahore. Satan ahë'oho jemesirire jiajoho ju'ebiro mo va'ë'e.

<sup>8</sup> God-are bëhoro va'ore. Hesi bëhire va'ë'oho huro jemesi bëhire rue'ë'e. Jemë sisë'e aribövie jëvaje övoho u'orovore. Vaji vaji'e aribövie jëvaje dë vövöbajo'oho avohorovore.

<sup>9</sup> Huë vavaene bërömohe baere. Jemë ma-ijo'ijivoromo nimironimoroharujoho vuonogo'i ma-nierusuburu'e bamoromo raromore.

<sup>10</sup> God-are nunoro uvore: Nasi ihoho abuejë'e höjo. Ëhi uvë'oho God-ro jemesi ihoho döro bamëho'ë'e.

*Noehu bogo masijo riravoromo ae gö jabesi jö sisë ato'iröhe jöhoje.*

<sup>11</sup> Nasi ö mueno'e nadi göëro gö hesi jö sisëho atore. Ö mueno'o jabesi jö sisë jövë'oho o döre bamorovoromo uvë'oho: Ö mueno'oho sisë hõ uvë'oho ë hesi bëhoho God-are jögoroho sisë'i jövoromo döro bamorovoromo uvo'a'anue: A jabesi sisë bogo ato'iröhe jögoru God-hu bojamuadoho iae hesi höjo. God-are jögoroho iae hesi hõ uvë'ohuro ëhuro ja hesi jögoroho bogo ejaho'i a'i hesi jögoroho iosiramimoromo mevo ga'a'anue ga'i God-hu bojamuade jöho diho mae jiego diho sisë jiego.

<sup>12</sup> Jögoru bamade aho gemuje. Nosi sisë mevahuaje aho gemuje. Ëaehu mare bamavüë'oho o sisëre bamavüë'oho hu eni jie. Ëhuni diehi'oromo uvanueje: Na bëröme jëvo'i God bise'e höromo ëhuni döro bamorovoromo jasi a hesi jö sisë mevuanueje.

*Bogo nosi sivuoho eni javuajë uvoromo ma-döhemu nimironimorohë'i ato'iröhe jöhoje.*

<sup>13</sup> Röhu ave jöho majëhi'ië'e here. Jemë a ioro'iorohuro uvarujeje: Jaruvo ë amore iae no va'ëjarëjo. O uvarujeje: Nëri ë amore iae no va'ëjarëjo. Va'iröhoho va'o vadune gemu hesi uhure ë raromoromo mue vaeromo moni bövie bae'ëjarëjo.

<sup>14</sup> Ëhi uvarujoho röhu nëri diehi jëvo'iröhoho dadivëve. Ëhuni vadune gemu ëhi jëvo'iröhoho ëhu'o dadivëvajeje. Ëhesi bëhoho jemë sue va'ëne jëve. Sueho majae bisemu numoromo evare dadovo va'oromo barëjajëhi ëhi jëvo'ë'e.

<sup>15</sup> Ëhuni nadi uvo'ibejarije: Ëhi ë'ëjarëjo. A'i uvo'ibejarije: Hesi Badahu nimë'ohuro no biririvoromo raromoromo ëhi ëhi ë'ëjarëjo. Ëhi uvo'ibejarije iae mae jio'ibejo.

<sup>16</sup> A'i jemëro uvarujeje: Ëhi ëhi ë'iröhoho nosi sivuoho iae eni javuajëromomo ma-döhemu nimironimorohë'i atarujeje. Ëhi jië'oho bogo maehuje.

<sup>17</sup> Ëhu'ëro jië'ëro ae rahu mu ma vae'iröhoho garomo röhu bogo vaejë'oho ëho mu sisë vaeruomajeje.

## 5

*Bövi bise'o marohë'e mae ariböviehu avo'avoho uehorovo'iröhe jöhoje.*

<sup>1</sup> Röhu inömo marohë'e mae jië'e ariböviohumë aveho here. Nierusuburu'e bamo avohore huë vavaene börömo böröme jemesi örire rue'ië'e jiaje.

<sup>2</sup> Bövi bise'o börömo bëhi jëvajoho sagohoromo muduhi'amo barë hesije. Giresasaëro jemesi niögogo tarivo'amo hesije.

<sup>3</sup> Jemesi mae sisë'o maho maho dë'irae'amo hesije. Dë'irae'amo'iramu ëhuro jemesi nigoji öroho va'orahoro jio'i jemë vënëro ravëvanovo'ë'e. Ave maja barë'ië'aje majare jemë inömo inömo bövi mae bahi avohë'e jëve.

<sup>4</sup> Aveho gahe. Jemesi mu ariböviohuro jemesi mure va'oromo iruno'o tarivoromo gagovëhë'e'jö. Jemesi muoho ëhi vaejëhamu jemëro bogo manaho i'imëmi'i jemesi vajiohëro bahijë'e jëve. Vajiohëro bahijë'ëro ëhuni jaburo darugo'o uvoruomajeje: Nosi a masijoho rabëni nosi manaho bogo i'imamuarue höjo. Ëhi atarue jöho God bövi bise'o muebe'amaje aho hu iae hejajeje.

<sup>5</sup> Jemë ave sa'are raromoromo mahunö'e raromobe sinehu nimaje muohemu uehorovobe rovë'e jëve. Mahehu i ue'ahoromo masijoriaruëhi ëhi ë'obe rovrijoho mahunö'e muo'amëvego vuovo'irarije majaho rovë'eje.

<sup>6</sup> Mu sisë rumo'e aribövioho jemëro sarerisareriëmiromomo court vaejëvoromo uëvarijeje: Sisë'e jëvaje öri sisëro va'ohëjo. Ëhi'oromo muo'amëvarijeje. Röhu jabumë vörö rumo'ëro jëvë'ëro jemë bogo ahëvarueje.

*Badahu rueröhego birivoromo taemo raromoromo muebe'iröhe o God-are örire ëninami'iröhe jöhoje.*

<sup>7</sup> Röhu ö mueno'e birivoromo ma-taemo raromoromo muebejego Bada rue'iro. Jemë'o uehorovore. Nimarue iruno'o gagovo'ië'iroho öjël'ëro iruno'o bogo burëroho gagovo'amarueje. Urimo birivoromo muebejuvo urimore niohijo majaho rovego muebejuvo ijo tugoho'i niohijo majaho rovego birivoromo muebejuvo ijönö iruno'e mabëhe rijego evare gagovo'amarueje.

<sup>8</sup> Iruno'o riröhego birivoromo muebejaruëhi jemëro ëhi dë vövöbajo'o birivoromo muebere Bada vuonorö'ö rue'ië'e jiaje.

<sup>9</sup> Nasi ö mueno'e huë vavaene rovego baejarujoho nadi göëro göënioho dë vi'ehimoromo ëma nibejahirovoromo uarovore: Jero ë'ane höjo. Ëhi'amu gavë'oho God-ro mevëvoromo i'ue mana bojëmi'ë'e. Gare. No mevavuo'iröhe a hesi majaho dunove.

<sup>10</sup> Nasi ö mueno'e a mamioho uehorovore. Badare ihore jö majëhinövare aribövioho uëve. Jabumë huë vavaene baeromo röhu ma-birivoruomadeje. Jabuhu biririvarëhi jemë'o ëhi biririvore.

<sup>11</sup> Ae gö gö huë vavaeni baeromo röhu biririvarohuni ëhuni no uvarueje: God-hu mabëhe ajëmijadoho jioruomajëjo. Ëhuremu uehorovore. Röhu a mami ae Job-hu huë vavaeni baeromo röhu biririvade jöho iae jemë'o hejarijeje. Job-hu biririvobe rovamu ijönö Badahu mabëhe ajamijade jöho ëhu'o gavarueje. Iae Badaro bogo bise'o vadu'oho vavaenimoromo huë baejavuae ahuro jië'ëro ëhu'ëro Job ajamijadeje. Ëhuni jemë huë vavaene baeromo biririvë'oho God-ro jemë'o ajëmi'ë'e.

<sup>12</sup> Nasi ö mueno'e ave jögoru börömo börömoho here. Jemëhu jö atë'iroho nadi ö'idö ihoroho o sa'a ihoroho o bövi bise'o ihoroho atorego darugo'e jöho jio'iro. Nadi ëhioho ë'i a ejaho'ië'iroho ma-uvore: Io'ajo. O bogo ejaho'ië'iroho ma-uvore: Bogajo. Ëhemu uvore. Ëhemu uvë'oho ëhuro God-ro bogo mevëvoromo i'uoho mana bojëmi'ë'e.

<sup>13</sup> Röhu jemë ae gö huë vavaeni baejë'oho ë ahuro God-are örire ëninami'iro. Ae gö dë sasohë'oho huro jöe ioromo God-are örire rajahi'iro.

<sup>14</sup> Ae gö guomo guomo baejë'oho huro ekaresia muebejarue a duvahohuni jöe nugö'öjogo rue'iro. Rueromo jaburo God-are örire ëninamiromomo Badare ihore ijo bajo'e jovoho otehaho'iro.

<sup>15</sup> God mae uehorovoromo ëninamijë'oho ëhuro Badaro guomo guomo'e aho ajami'iramu marëromo i'ovo'ë'e. O mu sisë rabe rabe vaejë'oho God-ro uehorovoromo vuonugaho'ë'e.

<sup>16</sup> Ëhuni mu sisë vaejë'oho ae göëro gö huruoho majahirovonövore. Ëhi'oromo göëro göho uehorovoromo God-are öroro ëninamirego guomo guome o sisë rabe rabe jëvajoho marëjëvo'iro. A maehu ëninamijë'oho God-ro börömo mae ajëmi'ë'e.

<sup>17</sup> Ëhesi bëhoho jö God-aro baeromo a majëhinövade ae Elijah no va'ëne ae jiadeje. Röhu God-are örire birivoromo ëninamijadeje ënoho barëjöro. Ëninamijamu ëni sa'are bogo rovadoho vadune aho'obëhe niö'i gemu röhu manaere aho'obëhe 6 ëhi barëjadeje.

<sup>18</sup> Barëjamu röhu maho God-are örire uavamu huro ënoho nugö'öjamu rovamu sa'are iruno'ofo marë'amadeje.

<sup>19</sup> Nasi ö mueno'e jemë ae göehu God-are öri ma vuonugo'i aruëre anumëre ma-va'amu gagoro ae göehu ajamijamu öri mare sionehu rovamu gavë'ofo

<sup>20</sup> jemëro uvore: Ae öri sisëre juvajoho ae rahuhu ahoromo mu mae röjahijë'ofo ëhuro ë a hesi aru'ahoho ajami'iramu bogo guomo öriroho va'a'ajëjo. O ëhuro God-ro mu sisë aho'obëhe mu'u'amo'ajëjo. Ahia mino'e.

## 1 PETER

*Peter-hu God-are aribövi jejëmade jöhoje.*

<sup>1</sup> Iesu Keriso-are apostle Peter naro jemesi örire jejëmije. God-hu hesinö baejövade aribövioho jemë jemesi sa'aho vuonugo'i Pontus Galatia Cappadocia Asia Bithynia è sa'are ma-jahuri raromobe va'aruje aribövije jëve.

<sup>2</sup> God Vavuohuro hesi nimë'ëro jemë baejövamu hesi Aru'ahohuro jemë avohëvadeje èhuro jemëro hesi aribövi maemu jioromo Iesu Keriso-are jöho ejaho'irarijigo o hesi köhuro jemë u'ovëvo'iröhego.

Na nege God-ro huë baejëvoromo ajëmi avohego maro raromonövo'irarijigo.

*Mae javuoröhego noehu biririvoromo muebejarue jöhoje.*

<sup>3</sup> Asë'e God hu mabëheje. Hu nosi Bada Iesu Keriso-are Börömeje o göho hesi Vavueje. Èaho God Vavuoho hu mabëheje. Èhesi bëhoho huro nosi jöeni börömo mae vavaenimë'ëro Iesu Keriso ajamamu guomoromo ri'öjadohuro èhuro no'o ajamuamu i'ovoromo mu i'oho baejë'ëro nune jioromo biririvoromo muebejarueje mae javuoröhego.

<sup>4</sup> Noro muebejarueje Vavuehu hesi aribövi no bojamui'iröhe suvuoro mae gö gö baeröhëni. Èsuvuoro ho ö'idöre jemëni nugëhë'eje u'emu bae'irarijigo. Èö'idöre jiaje suvuoro ho bogo sagohori'i bogo sisërë'i ma-maemu jiobe va'ë'e.

<sup>5</sup> Iae jemëhu God ma uehorovarujohuro èhuro God-ro hesi darugohuro burunö'e aegëhobe va'ajeje ijo tugoho'i majaho rovego evare maro bamëvo'iröhe öroho mami'e avohëhë'ëro evare röjëhijigo ga'irarijigo.

<sup>6</sup> Huhu maro bamëvo'iröhe öroho uehorovoromo nimoro ho avoharujeje. Iae jaruvo ho God-hu nimë'oho jemëro huë vavaene bövie bise'e baeromo èhuro majae ma-bunemu vavaenimë'e raromarujeje. Èhi jie röhu iae nimoroharujeje.

<sup>7</sup> Huë vavaeni baejaruje hesi bëhoho jemë'o no'o ga'iröhëni jemesi uhohu'o biririvoromo God mae uehorovego. Èhesi jöho na uhu'e uë'ië'e. Gold mae avohö'ië'iroho vëniro buejarueje. Vëniro buejigo ravoromo va'inumoho si'urë barë'i ma-aji mae jiajeje. Röhu gold-ho bogo ioro'ioemu jio'irögoro jemëhu God mae uehorovaruje muoho majiemu jiobe va'ë'e. Èhi jïë'ëro God uehorovaruje muohuro gold-ho iosiramiro mo mabëheje. Röhu vënehu gold buejigo ravajëhi huë vavaenohuro jemesi örire èhi vëninö'e ravëvajeje. Röhu gold vëniro buejigo ravoromo sisë si'urë barë'i aho'o ma-maemu jiego gavaruëhi jemë èhi huë vavaenoho baejarueje èhuro jemëhu God uehorovarujoho biririvego jemë'o no'o garomo uvoröhëni: Jemë huë vavaene baeromo biririvoromo God mae uehorovobe rovë'ëro èhu'ëro jemesi uhohu'o God maemu uehorovaruje höjo. Èhi uvego Iesu Keriso ra nuniro rovego evare God-ro jemesi ihoho döro bamëhoromo rajëhiromo mabëhe uëröhego. Èhu'ëro jemë huë vavaenoho baejarueje.

<sup>8</sup> Amo Iesu Keriso rue'iramu jemesi ihoho èhi ma-maemu jïëho'ë'e. Avevejö'oho jemë hu bogo gavë'e jemesi dë vövöbajo'ohu ure hesi örire uehorovarueje. Jemë hu bogo nunoho gavarujeje röhu hu mae uehorovoromo nimoro ho avoharujeje. Nimoroharuje jöho börömo bëhe jïë'ego è hesi jöho bogo ato varijënoho jëve.

<sup>9</sup> Jemëro uehorovoromo uvarujeje: Noehu Keriso mae uehorovarue hesi bëhoho ijönö God-ro nosi dë vövöbajo'ohu maro bamahuo'iramu iae mae javuo'ajë uvoromo huë mabëhe jëvego nimoroharujeje.

<sup>10</sup> Urimo Keriso bogo rovadevare evare God-hu jemë mare bamëvoröhe jöho jö hesirire baeromo majëhinövare a mamiohuro majëhinövareje. Majëhiromo röhu è jö hesi bëhoho avo'avoho nahareje ga'i è muoho diehi jiego.

<sup>11</sup> Kerisohu vi'ehi baeromo guomoromo ijönö aji bae'iröhe jöho Keriso-are Aru'ahohuro jabumë röjëhijamu simanore baeromo bëhoho nahoromo uvoruomadeje: Èhi jïë'e muoho divare diehi jio'a'ajëjo.

<sup>12</sup> Bëhoho nahamu God-ro röjëhijamu garomo uvareje: Noehu jajivarue mu mabëhoho jaruvo ave sa'are raromaruoho no bogo ga'i ijönö raromoruomoröhe ariböviohuro garuomö'ajëjo. Èjöho God-ro röjëhijamu baejareje. Röhu avevejö'oho è muoho jemë iae hejë'e jëve. God-hu ö'idöre jiamu noni nugö'öjade Aru'aho hesi uehoroho baeromo aëro è mu ma hesi jöho huruoho majëhijamu hejarijeje. Èmu ma hesi bëhoho aneraho jahu'o he'i nimoruome röhu bogo eni jëve.

*Noehu mu sisë bogo gavanovo'i mu maemu vaeröhego God-hu uövuade jöhoje.*

<sup>13</sup> Ēhuni nune jioromo mue vae'i avo'avoho uehorovore. Iesu Keriso a nuniro rue'iramu God-are aji maho bae'a'aruje. Ējöhuremu avo'avoho uehorovë'e raromore.

<sup>14</sup> Ēhi uehorovë'e raromoromo God-are jöhuremu ejahonövore. Mami'e God-are jö bogo hejarije majare jemesi sinehu nimajohemu vaejarijoho ėhi jië'e mu öriroho nadi jijihore.

<sup>15</sup> Nadi ėhioho jijihoi'a'i mue bövie bise'e vaejë'iroho dë vövöbajo'o uhohu'o ma-mae jioromo raromo jijihonövore. God-hu jemë hesinö jävöjoro uëvade aho hu ma-maemu jiajehi ėhi jiajere.

<sup>16</sup> Ēhesi bëhoho God-are surire jöho uvë'eje: God na ma-maemu jevë'e jiaje ėhuni jemë'o ma-maemu jiorëjo. Ēhuni ėhi ë'onövore.

<sup>17</sup> God-ro bogo nue gö gö uehorovoromo gö'i a'i ma-gemu göromo nosi muoho diehi jiego garomo mae o sisë uövuajeje. Ēhi jië'e aho jemë Vavuoho hö uavarujeje. Ēhuni ave sa'are ma-jahuri raromaruro God börömoho hö uehorovë'i raromore.

<sup>18</sup> Ēhesi bëhoho jemesi hijo miono'ohuro Keriso bogo uehorovë'ero bëhi rumo'e muoho röjehibe rovamu jemëro ėhemu ejëhoromo sisë hesi darugoremu raromonövariijeje. Ēhi jëvë'ero God-hu nimaje muoho bogo vae varijënoho jëvadeje. Ēhi jëvamu God-ro ajëmijë'ero mae jëve. Röhu jemë'o iae gavarujeje. God-ro jemë ajëmi'irögororo ijo bajoho o bövi bise'o maho bogo ėho bu'öromo ėhuro ajëmijadeje ėhi jië'e inömohe ma-jahuri inöme jiajëgo.

<sup>19</sup> A'i Keriso-are kö maho bamoromo ėhuro mae ajëmijadeje. Ēhesi bëhoho urimoroho Jew rajëro God-ni suvuoro bamahoië'iroho sheep harihe ma-mahuremu muo'amoromo suvuoroho bamahonövareje. Keriso ėhi jië'e suvuoro maemu jiajeje. Ēhi jiamu God-ro hu bamadeje jemëni guomoröhego.

<sup>20</sup> Jemëni guomoröhego sa'ae bövie bise'e bogo bamadevare God-ro hu baejadeje. Amo ave ijo tugohoi majare jemesi jöëni God-ro hu nugö'öjumu a nuniro rovadeje.

<sup>21</sup> Rueromo jemë ajëmijë'ero ėhu'ero jemëro God mae uehorovarujeje. God-ro Keriso ajamamu ri'öromo aji maho baejë'ero ėhu'ero jemëro God gemu uehorovoromo uvarujeje: Iae huro no'o ajamui'ajëjo.

<sup>22</sup> Röhu God-are jö maho ejahoromo ėhuro mu sisë uehorovarijoho vuonugë'e jëve. Vuonugoi'irögororo Christian ö mueno'oho bogo ma-döemuoho a'i dë vövöbajo'o uhohu'o uehorovë'e jëve. Ēhuni göëro göho dë vövöbajo'e aho'o uehorovëvo avohore

<sup>23</sup> ė hesi bëhoho jemë Christian vaeromo ėhuro harihu aboji'e i'e rahëvanovamu i'oro aevoromo biririvë'e jëvaje. I'o rahëvade hesi bëhoho vuovëvo'iröhe vëmu vavu'o jabesi ujoho bogo bamëvo'i a'i God ioro'ioremu hijaje a hesi ujoho bamëvadeje. God-are ujo hesi bëhoho iae God-are jöjeje. Hesi jöho darugo bojëmijaje ioro'ioremu jioröhe jöhoje.

<sup>24</sup> God-are surire jöho ėhi gemuoho uvë'eje:

Ae aho'obëhe garasi va'ëne jio'amajëjo.

Inöme bövie bise'e mabëhe hö uehorovaruohe ėho resu resu ino va'ëne höjo.

Röhu garasioho sahori'amajëjo.

Resu inoho rireromaje höjo.

<sup>25</sup> A'i Badare jöho ėhi jiemu jiohe va'aje höjo.

Ējöhö iae Keriso-are jö ma aehu majëhijamu hejarijohoje.

## 2

*Bada Iesu hu munë va'ëne jiaje jöhoje.*

<sup>1</sup> Jemë i'e rahëvanovë'e aribövie jëvë'e jiaje ėhuni mu sisëho aho'obëhe vuonugore. Sarei sareri'e muoho döëremu mae vaejaruje muoho vuonugore. A jabesi mu mahuni dë vörönëgajoho vuonugore. Jö sisëho vuonugore.

<sup>2-3</sup> A'i jemëro mami'e herovarijeje Badaro jemë huë baejëvamu. Huë baejëvamu herovë'e jëvaje ėhuni i'e rahëvë'e asisö'ehu amu rihu ue'aho'i nimoruomajëhi ėhi dë vövöbajo'o hesi amu maho ue'aho'i nimonövore. Ēhi jië'e amu ue'ahë'oho jemesi aru'ahoho biririvobe va'öjuvo ijönö a duvaho va'ëne jioromo maro raromo'aruje.

<sup>4</sup> Röhu jemëro Bada Iesuarinö ruere. Hu hesi darugoremu hiromo darugo bojamuijaje ahoje. Hu munë va'ëneje. Ēmunëho aëro sisë hö uvoromo vuonugamu God-ro maego hesi baejadeje.

<sup>5</sup> Röhu jemëro Iesuare darugoho baejë'e jëvaje hesi öroro rovego God-ro jemë munë gagovëvanovoromo hu'o havëvoromo javu böröme vaejëvanovo'iro jemë gemuoro jëvego hesi Aru'ahohuro ė va'o hi'iröhe. Ēosa börömore jemë ė rumo va'oromo priest muoho vaenövo'aruje. Jew rajo priest-ehu God-are osa börömore rumo va'oromo God-ni suvuoro bahijaharëhi jemëro ėhi priest muoho vaeromo jemesi dë vövöbajo'o suvuoroho Iesu

Keriso-are jöeni God-are örire bojaminövo'aruje. Ëhi jië'e suvuoro bojamijë'o'oho God-ro garomo nimajeje.

<sup>6</sup> Ëhesi jöho God-are surire jajivoromo uvë'eje:

Ëhuro gahëjo. God naro munë va'ëne aho Zion bamajëjo  
huro munënö'le biriri'e bönu mabëhëro namijego ëhuro javuoho bibivoröhego.  
Ae rahu ë aho mae uehorovë'o'oho bogo javojimo ga'a'ajëjo.

<sup>7</sup> Mae uehorovaruje aribövioho jemëro uvarujeje: Ëmunëho iae mabëhe höjo. A'i bogo ma uehorovarue aribövi jabesi jöho God-are surire jajivoromo uvë'eje:  
Munë javue vae'irögoru munë gemu bijönimoromo vuonugare höjo.  
Vuonugaroho jaruvoho ë munëhuro javuoho nigemo'ego bibivoromo mae namijajëjo.

<sup>8</sup> Röhu jabesi jö göho jajivoromo ëhi uvë'eje:  
Aëro ë munë va'ëne are ro biberovo'aruëjo.

Hesirire ro rireromo'aruëjo.  
Biberovarue hesi bëhoho God-are jöho juahobijioharueje God-ro ëhi jië'e i'uoho bamëhë'ëro.

*No God-are aribövie javuaje jöhoje.*

<sup>9</sup> A'i jemë God-ro baejëvë'e aribövie jëve. Hu'o masije riravaruje priest ömo'öme jëve. Ma-maemu jëvë'e aribövie jëve. Hesiremu jëvaje hesi bëhoho jemëro hesi mu mabëhi hesi jöho ae majëhi'irarijego rabëni jemë ramoramore raromamu huhu baejëvoromo hesi aji mare bamëvadohuni ëhuni ae majëhi'irarijego.

<sup>10</sup> Urimoho jemë iho rumo'e aribövie jëvadeje. Jaruvoho God-are aribövie jëve. Urimoho God-are huë maho bogo baejarujeje. Jaruvoho hesi huë maho baejë'e jëve.

*No God-are muemu vaejarue aribövie javuaje jöhoje.*

<sup>11</sup> Aganomë na jögore bojëmi'irögoru ë'le. Jemë ave sa'are raromarujo ho sa'a göre ma-jahuri raromaruë aribövioho va'ëne jëvanove. Ëhuni uëve jemesi sinehu mu gö gö nimoromo aru'ahohu'o umogihajoho nadi gavanovore.

<sup>12</sup> A'iro God bogo uehorovarue ariböviohu'o raromoromo mu maemu vaebe va'ore. Ëhi ë'ë'o'oho jabumëro jö sisë bu'öromo jemë sisë vaejarue hö uëvaruoho röhu gë'iröhe jemë mu mae vae'iramu gëgorovo va'o ëho majaho rue'iramu God-are ihoho mae ua'ë'o.

<sup>13</sup> Röhu Badare jöho uehorovoromo aehu masijo bahi'amare aribövioho aho'obëhe jabesi jöho ejëhore. Aehu böröme namiromo nosi sa'ae aho'obëhe muebejavuajoho ejahore.

<sup>14</sup> A börömo hesi bëhire raromoromo sa'are mu muebejëvaruoho ejëhore. Ësa'are a börömhuro jabumë rëm'öjë'eje mu sisë'e aribövioho i'ue bojëmi'i mu ma'e aribövioho mae ue'röhego.

<sup>15</sup> Jemëhu a masijo ejëho'irarije hesi bëhoho God hu nime jemëro mu mae vaejego sisë'i uehorovarue ariböviohuo ëho garomo simano rumo'e jöho vuonugoröhego.

<sup>16</sup> Röhu aehu a gö jabesi darugoremu raromoromo jabesi muemu vaejaruëhioho nadi ëhioho raromo'i mae raromo jijihore. Ëhi'ore röhu nadi uvore: No bogo a darugoremuo ho raromo'i iae no nosi mae raromo jijiharuëromo ëhuni ri'öromo mu sisëho vaere. A'iro uvore: No God-are darugoremu raromoromo hesi muemu vaejarue aribövie javuajëromo mae raromo jijihore.

<sup>17</sup> Ëhi'oromo ae aho'obëhe rajëhire. Christian ö mueno'oho dë vövöbajo'e aho'o uehorovëvore. God böröme hö uehorovore. Sa'are böröme namiromo muebejavuajoho rajahire.

*Kerisohu huë vavaeni baejadëhi no'o ëhi huë vavaeni baeröhe jöhoje.*

<sup>18</sup> O ae gö jabesi darugoremu raromoromo mu vaejëharuje aribövioharo jemesi mu simano vaejarue aribövioho masije hö uehorovoromo jöho ejëhonövore. Jemesi a masijehu a mae jioromo sanu'e jöemu majëhijë'o'oho ejëho'i röhu vörö'e aribövioho jabu'o ejëhonövore.

<sup>19</sup> Ëhi jië'e sisë aribövi ejëho'irarije hesi bëhoho jaehu God-are jö uehorovanuohuni aehu huë vavaeni ëma bojamamu ma-herovë'i taemorovoromo hijë'o'oho God-are huë maho bae'a'anue.

<sup>20</sup> O jemë mu sisë vaejamu aehu muo'amëvamu jemëhu ma-taemorovë'o'oho no rabëni uvo'ejo: Jemë taemorovarujohuro jemesi ihoho ajiomë'e höjo. A'i jemë mu mae vaejë'iro huë vavaeni bojëmamu ma-taemorovë'o'oho ëhuro God-hu gavajoho maeje.

<sup>21</sup> Rabëni hesi bëhoho God-ro ëhi jië'e huë vavaeni'e muoho jemesi örire bojëmijë'eje. Keriso hu'o jemesi jöeni huë vavaene baejadeje. Huë vavaene baeromo ëhuro jemëhu diehi ë'irarije muoho röjëhijadeje huhu ë'adëhi jemë'o'oho ëhi ë'irarijego.

<sup>22</sup> Hu mu sisëho bogo vaejadeje. Sareri'e jôho bogo jövadeje.

<sup>23</sup> Aehu sivohijaroho bogo mana sivëgonövohijo. Aehu vi'ehi bojamihjaroho hu bogo jö darugo'oho mana majëhinövohijo. A'i hesi arijo'arije God-are övo döre bamorovadeje hu mae mevoromo gavaje aego.

<sup>24</sup> Èhi'oromo huro nosi sisë hesi i'uoho hesi sino haho'ere baeromo korosire guomadeje èhuro no vuovanovoromo öri sisëho ioro'ioire gemu vuonugo'i l'ovoromo öri maremu jijiharöhëgo. Huhu vi'ehi baejadohuro èhuro jemë sisë'i raromarijoho marëjëvë'eje.

<sup>25</sup> Sheep-ehu sidövanovoromo jijiharijoho jaruvoho sheep o jemesi aru'aho muebe'amaje a hesiro vuonorö'ö rovë'e jëve.

### 3

*Vaboro'ô baru'ô diehi ë'iröhe jöhoje.*

<sup>1-2</sup> Röhu vaboroharo jemesi baru jabesi jöho èhi ejëhore. Ejëhorego baruehu God-are jö bogo ma uehorovë'oho vaboro jemesi Christian jöho bogo hejë'e jemesi muohemu garomo ga'iro jemëro God böröme hö uehorovoromo mu ma-maemu vaejëgo gëromo huotorovoromo Keriso mae uehorovoromo'iro.

<sup>3</sup> Röhu jemë mae jëvego baruehu gëjoro nimë'oho nadi sinemuoho rajahirovoromo ijo bajo börömoho bu'öromo èhuro simano uoho avohorovoromo nieniaho niögoho bövioho bise'oho imoromo io'amëgo mae jëvego gë'iro.

<sup>4</sup> Nadi sinemuoho uehorovo'i a'i dë vövöbajo'ô uhohu'ô avohorovego gë'iro jemesi muoho mae jëgo. Sino avohorovë'oho mavojirovë'iramu sisëjëvë'ë'e. O dë vövöbajo'ô avohorovë'oho gë'ë'ö mae jëvemu jëvobe va'iramu. Dë vövöbajo'ô avohorovo'irarije hesi bëhoho ma-u'ëmu taemo raromo'irarije jöhoje. Jemë ma-u'ëmu taemo raromë'oho God-ro gëvajeje jemë ma-mabëhe jëvego.

<sup>5</sup> Urimore God gemu uehorovonövere magonaho ömo'ömehu jabesi dë vövöbajo'ô avohorovarëhi jemë'ô èhi avohorovore. Jabu èhi ma-u'ëmu taemo raromoromo avohorovoromo jabesi baruoho ejëhonövereje.

<sup>6</sup> Èhi jië'e magonahe gemu Sarah-ro hesi barue Abraham-are jöho èhi ejahoromo hesi örire uanövadeje: Nasi böviohajo. Jemë bogo nurunurumoromo juhuonivo'i a'i mu mae vaemu vaejë'oho èhuro jemë Sarah-are aboji ömo'ömoho va'ëne jëvanovo'ë'e.

<sup>7</sup> Röhu baruoharo jemesi vaborohu'ô gemuore raromarujevaro èhi avo'avoho uehorovoromo raromore. Uvore: Ama'i nosirire jiaje darugoho èhi jië'e darugoho magonaho jabesiroho bogohöjo röhu jabu'ô no'ô God-are harihu aboji'ëro javuë'ëro huro no ajamui'iramu ioro'ioiremu hu'ô maro raromo'ëjarëromo vaboroho rajëhire. Vaboro rajëhijë'oho èhuro jemëhu God-are örire jö ataruje muoho bogo sisë'ë'e.

*Noehu mu ma vaejëgo aehu bijönimoromo huë vavaeni bojamuijarue jöhoje.*

<sup>8</sup> Röhu jöe gemu ijo tugoho'ioho majëhi'iramu iae barë'ë'e. Jemë ae aho'obëhe jöe gemu uehore gemu baeromo ö mueno'ëhu rajahirovaruëhi èhi huë baeromo rajahirovoromo ma-taemo raromore.

<sup>9</sup> O ae göehu sisë vaejëvë'iroho nadi mana jabesi öriroho sisë vaejëvöre. O jö sisë uëvë'iroho nadi mana jabesi öriroho jö sisëho uë'i a'i jemëro God uavego huro jabumë mae vaejëvo'iro. Èhesi bëhoho God-ro jemë hesinö jëvojöro uëvadeje èhuro jemë mae vaejëvëgo maro raromo'irarijëgo. Èhuni jemëro hu uavego a ioro'iorohu'ô mae vaejëvo'iro.

<sup>10</sup> Jemëhu èhi ömo'irarijoho God-are surire uvë'eje:

Ae rahu mae hi'ië'iroho

sine sasohoromo juvo'ië'iroho

bitare taemoromo jö sisëho nadi bu'önëjo.

Jö'e tugohoromo nadi jöho ruëroho numëroho ma-jövonëjo.

<sup>11</sup> Mu sisë vaejanuoho gororomo mu maemu vaenëjo.

A'ô mae avoho hi'i sivoho avohonëjo

<sup>12</sup> rabëni hesi bëhoho Badare nunoho ma aribövi jabesiroho bogo ahoro'i

ëninamijaruoho hejëho'i

sisë aribövioho deje bojëmaje jiaje.

<sup>13</sup> Jemë mu mae vae'i èhemu uehorovë'oho rahuro jemesi öriroho sisë vaejëvo'ë'e. Aho bogo sisë vaejëvo'ë'ô.

<sup>14</sup> Röhu jemëhu mu mae vaejamu aehu bijönimoromo huë sisë bojëmamu baejë'ohuro èhuro jemë maroho jëvo'ë'e. Nadi aho juhuonëmiromo nurunurumo'i

<sup>15</sup> dë vövöbajo'ô uhoro uvore: Keriso börömëro jië'ëro Bada hö uvoromo hu gemu mae uehorovore. Hu gemu mae uehorovoromo he'irarije God-are jö bogo heruomë'e



ariböviehu jemë uëvamu: Mu maehu rueröhego uehorovaruje hesi bëhoho majahuhego hejarë uëvamu hejë'oho simane sasohoromo bëhoho røjëhire.

<sup>16</sup> Röhu ma-u'emu sanu'e jöhemu røjëhiromo mu maemu vaerego ëhuro jemesi dë vövöbajo'oho marëjëvo'i ëhuro jemëhu Keriso-are ijore ijore jijihoromo mu mae vaejaru-joho ëho aehu sivegë'oho jaburo jemesi muoho garomo javoje bae'iröhe.

<sup>17</sup> Mu sisë vaeromo vi'ehi baejë'oho sisë jio'i a'i mu ma vaeromo God-hu nimamu vi'ehi baejë'oho ëho iae maeje.

<sup>18</sup> Keriso hu'o a maëro jië'ëro sisë'e ariböviohuni uehorovoromo ma-gemu guomadohuro ëhuro jemesi sisëho ma-ioro'ioeremu mu'uvëhadeje ëhuro jemë God-are örire søjëvo va'oröhëni. Hesi sino haho'oho guomo'i röhu hesi aru'ahoho i'ovadeje.

<sup>19</sup> Hesi aru'ahohuro i'ovoromo va'o aru'aho ioro'ioerehu savoji gago va'ënire sisë'i raromaruire ë va'oromo jöho majëhijamu heruomadeje.

<sup>20</sup> Röhu ë hesi urimo Noah-hu hijadevaroho evaroho ë aribövioho bogo vuovë'e sa'are raromareje. Sa'are raromoromo God-are jöho bogo ejahonövareje. Jöho bogo ejaholego Noah-ro boat böromoho vae'ego God-ro ëhi ma-hiromo muebejëvonövadeje ë ariböviohuro avoho uehorovoruumojöro. Muebejëvamu jöho bogo ejahareje. Bogo ejahamu ae m-avemino'e ae aho'obëhe 8 boat-re rumo va'amu jovo döre jëvoromo ëhuro mae jëvadeje.

<sup>21</sup> Ejevohu uhu'e ë'adoho jovehu bapataeto vaejaruëhi ëhi jianove. Ehesi bëhoho jemë bapataeto vaejë'oho sisë'i raromego God-ro jemë baejëvoromo maro rëmege mae jëvajeje. Bapataeto hesi bëhoho bogo sinore jiaje va'inumoho dibojöro bogo ëhunioho jovoho eguol'i a'i bapataeto hesi bëhoho bapataeto vaeromo jemë God uavarujeje: Nosi dë vövöbajo'oho avohahuego no uvo'irarëjo: Nosi sisëho iae u'ovahuë'e höjo. Röhu bapataeto vaeromo jemë bogo sisëroho va'i mae raromarujeje rabëni Iesu Kerisoro guomoromo ri'öjë'ëro ëhu'ëro.

<sup>22</sup> Iae Iesu Kerisoro ri'önugoromo ö'idöre ajiomë'ëro God-are övo manö böromë namiromo anera'o ö'idöre raromoromo darugo baejë'e aru'aho ioro'iorohu'o jabesi örire huro jöho bojëmege hu gemu ejahoruomajeje.

## 4

*Sinehu nimaje mu vaejaruoho vuonugo'i God-hu nimaje mu vaeröhe jöhoje.*

<sup>1</sup> Kerisoro hesi sino haho'ere vi'ehe baejadeje. Vi'ehi baeromo mae uehorovadëhi jemë'ohi gemuoho uehorovoromo ëhuro avoho biririvore. Ae rahu jabesi sino bogo uehorovo'i Keriso-are jöëni vi'ehi jabesi sino haho'ere baejë'oho ëhi jië'e aribövioho mu sisëmu vae'i nimaroho vuonugë'ejö

<sup>2</sup> ëhuro sa'are raromo'iröhe maja vituroho sinehu nimajohemuoho bogo uehorovo'i a'i God-hu nimajohemu uehorovë'e raromo'iröhëro.

<sup>3</sup> God-are jö bogo heruomaje ariböviehu ömo'i nimiruomajëhi jemëhu urimo ëhi ömonövarijoho iae eni jië'eje. Urimoho jemëro öëro ë'anovoromo dëre ri'öjëvego bövie bise'e ëma ömonövarijeje. Jovo sisë iromo simane sisërënövarijeje. Mahëro gemuoro uruvanovo'amonövarijeje. Söröro raromanovoromo vörö'e jovemu ue'ahonövarijeje. Uehore sisë'i baeromo uvonövarijeje: Inöme gö gö aru'ahole höromo uvene aho røjëhinövarijeje.

<sup>4</sup> O jaruvohi jemë God rumo'e ariböviohu'oho bogo gemuoroho sisëho vaeromo bövioho bise'ohi ëma ë'oromo ruëroho numëroho ëma jijiharujeje. Jemë bogo ëhioho ë'ego gëromo ë ariböviohuro uvarujeje: Noehu ë'aruëhioho jabumë rabëni bogo ëhioho ë'arue höromo tiöjarujeje. Tiöromo jemesi ihoho ijumëharujeje.

<sup>5</sup> Ijumëharuoho ijönö mu sisë rabe rabe ë'aruoho God-are örire huruoho majëhi'ë'ö huro ave sa'are raromarue ariböviohu'o mami'e vuovade ariböviohu'o mevavuo gö'iröhëro muebejavuoromo hijajego.

<sup>6</sup> Ehuni vuovë'e aribövi jabesi örire Keriso-are jö majëhijamu hejare hesi bëhoho ëhuro ma-aeu sisë hesi mana nosi sino haho'ere baeromo vuovaruëhi jabu'ohi sisë hesi mana sino haho'ere baeromo vuovëvadoho God-hu biririvoromo hijajëhi jabesi aru'ahoho ëhi mae raromoröhego.

*Mu vaeröhe suvuro God-hu bojamuijajoho avoho mueberöhe jöhoje.*

<sup>7</sup> Bövi bise'o barë'iröhe majaho dunove. Ehuni taemorovoromo avoho mueberovë'i parie vaenövore.

<sup>8</sup> Röhu aveho böromoho jiaje ehuremu uehorovore. Göëro göho dë vövöbajole aho'ohi uehorovo avohore rabëni huë baerovaruohuro mu sisë aho'ohi mu'uvahuaje jiaje.

<sup>9</sup> Röhu ga'irarije Christian ö muenole vejö'e i'e rovamu gavë'iroho uëre: Nosi osaro ro raromöhëre. Nadi i'uhohi dë vövöbajole sasohoromo ëhi jië'e muoho vaere.

<sup>10</sup> Rõhu God-ro hesi nimoromo suvuore gö gö ae gö gö bojamuibe va'aje jiaje ãhuni God-hu diehi jië'e suvuoro bojëmamu baejarijoho avoho muebejahoromo ë suvuorohuro göëro göho ajamirovore.

<sup>11</sup> Jõ majëhi'irarije suvuoro baeromo God-are aribõvi majëhi'ië'iroho God-are jõhemu majëhire. A ajëmi'ië'iroho God-hu bojëmaje darugoho baeromo ë muoho vaere. Mue bövie bise'e avo'avoho vaejogo aëro gëromo uvo'iro: Jemë Iesu Keriso-are aribõviëro jëvë'ëro ë'arujë uvoromo God-are ihoho dö maro bamoruomo'iro. Aji maho darugo maho hesiremu ioro'iolemu jiemu jioje va'ë'e. Iae mae.

*Keriso'o bimuvoromo huë vavaeni baerõhe jõhoje.*

<sup>12</sup> Aganomë huë vavaenoho jovëro ruomanovajeje God-ro gërohogo jemë biririvego o bogo. Huë vavaeni baejarujoho nadi uvore: Diehi'ego ë'ajëromo tiõ'i

<sup>13</sup> ma-uvore: Kerisohu huë vavaeni baejadëhi no'o ëhi gemuoho baejaruëromo nimorohore. Ëhi jië'oho ijonõ Kerisoro hesi ajoho røjëhi'iramu garomo jemë nimoroho avoho'aruje.

<sup>14</sup> Aehu Keriso-are jöëni jemë sivëgë'oho huë mae jëvajeje rabëni God-are aji'e Aru'ahohuro jemë aegëhë'ëro.

<sup>15</sup> Rõhu jemëhu a anamu guomë'oho o vajiohehu baejë'oho o mu sisë gö gö vaejë'oho o ae gö jabesi mu ëma ahobe jijihë'oho ëho sisëje. Nadi ëhi jië'e muoho vaeromo ëhuro huë vavaenoho mana baere.

<sup>16</sup> O Christian jëvamu aehu bijönëgoromo huë vavaeni bojëmamu baejë'oho nadi javojoho bae'i Keriso-are ihoho baejë'e jëvaje ãhuni God-are öroro huë mae uare.

<sup>17</sup> Noehu vi'ehi baejarue hesi bëhoho God-hu mevavuo'irõhe majaho mami'e aevë'eje. Iae hesi aribõvire bëhe vaeromo mevavue. No rabe gavaruoho ma-i'e aevajoho rõhu va'õjuvo ijonõho God-are jõ ma bijönimarue aribõvioho diehi jëvo'ë'e.

<sup>18</sup> God-are surire jõho ëhi gemuoho jajivoromo uvë'eje:

Mu mae vaejarue aribõvioho bogo ëma maroho va'i huë vavaenëro anojamuijuvo ë hesi ijonõ evare maroho va'o hesi javuajëjo.

Ëhuni God deju bojamiromo mu sisëmu vaejarue aribõvioho diehi jëvo'ajëjo.

<sup>19</sup> Ëhuni God-hu nimajëhi huë vavaeni baejë'oho uvore: No ave sa'are bamavade ahuro ajamui'i uvadëhi ëhi ajamuijajëromo mu mae vaeromo jemesi arijo'arije hesi õvo döro bamorovore.

## 5

*A duvahehu God-are õ mahu'o avoho muebe'amo'irõhe jõhoje.*

<sup>1</sup> O God-are ekaresia muebejëvaruje a duvahoharo nasi jõgoru harihoho gare. Na'o ekaresia muebejëvaje a duvahe jeve. Naro gavodeje Kerisoro huë vavaene baejamu. Rõhu u'emu Kerisohu hesi aji ma røjahuijë'iroho huro nasi õrire bojemi'iramu na'o hu'o gemu mae ajoho bae'ëjo. Na ëhi jië'e aëro jëvë'ëro ãhuni ave jõho majëhi'ië'e.

<sup>2</sup> God-ro hesi sheep-oho bojëmijadeje jemëro muebejaho'irarijego. Ëhuni jemëhu hesi sheep muebejëvë'iroho nadi ë muoho bijönimë'i muebejëvo'i a'i God-hu nimajëhi ëhi muoho nimoromo hesi sheep-oho muebejëvore. Nadi moniemuoho uehorovoromo muebejëvo'i a'i muoho dë vövõbajo'e aho'o nimo avohoromo God-are aribõvioho muebejëvore.

<sup>3</sup> God-hu jemesi õvore bamëvade aribõvioho nadi masije jëvajë uvoromo i'ue gö gö bojëmi'i a'i mu mae vaeromo õroho røjëhirego jaburo gëromo ëhi ë'irovo. Ëhi muebejëvore.

<sup>4</sup> Ëhi ë'ë'oho Sheep Muebejavuaje A Börõmehu rovë'iroho ioro'iolemu jiorõhe aji'e suvuoroho bae'a'aruje.

<sup>5</sup> O a i'oharo a duvaho jabesi jõho ejëhore. Rõhu ekaresiae aho'obëhe jemëro ma-u'emu taemorovoromo huë baerovoromo ajamirovore. God-are surire jõho ëhi gemuoho uvë'eje:

Biriri'õvoromo masije javuajë uvarue aribõvioho God-ro ahëvaje hõjo.

Ma-u'emu taemo raromarue aribõvioho God-ro hesi nimoromo huë baejëvoromo ajëmaje hõjo.

<sup>6</sup> Ëhuni uvarujoho: No masije javuajë uvarujoho vuonugo'i uvore: God-ro gemuëro darugo'ëro jië'ëro bõrõme namiromo no muebejavuaje hõjo. Ëhi uvë'oho majae eni jio'iramu huro ajëmi'iramu jemesi ihoho döro ajiomõ'ë'e.

<sup>7</sup> Rõhu nurunuruëgajoho aho'o God-are öroro bojamire hu jemesi jöëni uehorovaje jiaje.

<sup>8</sup> Rõhu nune jioromo gavë'i raromore. Satan hu jemë'o muorovaje aje. Vörõ'e miehuh darugo'o uvobe mi ja'ihõ'i nahobe juvajëhi Satan-ro jemesi õrire ëhi ë'ajeje.

<sup>9</sup> Satan-hu ēhi ē'ē'o'oho biririvoromo God mae uehorovoromo ēhuro ahore. Ahoromo uvore: Nosi Christian ō mueno'e aho'obēhe sa'ae dinō'e dinō'e raromoruomajoho ēhi jīē'e huē vaenoho baeruomaje hōre.

<sup>10</sup> Jemē majae ma-bisemu huē vavaene baebe va'oromo majae ijonō God-ro ajēmiromo jemesi dē vōvōbajo'o'oho avohēhoromo daruge bojēmi'iramū ēhuro ma-mae jioromo munēnō'e biririvoromo riravo'aruje. God-ro huē baejavuoromo bōvie bise'e ajamuajeje. Huro uēvadeje jemēro Keriso'o gemu mae jioromo hesirire ioro'io'oremu jīaje ajoho bae'irarijego. Ēhuni iae ajēmi'ē'e mae jēvorōhego.

<sup>11</sup> Hesi daruge jīajoho ēhi gemuoho jīemu jīobe va'ē'e. Iae mae.

*Peter-hu ijo tugoho'i jajivoromo jejēmijade jōhoje.*

<sup>12</sup> Silas-ro na ajemiromo ave surire jō harihoho jajivē'e javue. Na uehorovoromo uvajeje: Hu Christian ō mae hōjo. Rōhu na jajivode hesi bēhoho jemēro adahego dē vōvōbajo'e mae jēvorōhego. O gōho naro gavē'ēro ēhuro majēhiromo uē'irodēni: God-are huē ma'e ōroho ēhi hōjo. Ēōroho bogo sareri'ehu jio'i iae mae hōjo. Biririvoromo ē ōrohuremu jījīhorējo. Ējōho majēhi'i negamu ave suroho jajivē'e jeve.

<sup>13</sup> Babylon amore raromarue ekaresiahuro jemesi ōrire jejēmijareje God-ro jemē'o jabumē'o baejēvamu hesi aribōvie jēvē'ego. O nasi Christian harihe Mark-ro jemē jejēmijadeje.

<sup>14</sup> Keriso-are aganehu rajahirovaruēhi ēhi jejamirovore.

Keriso-are aribōvie aho'obēhe jemēro God-are huē maho baeromo raromore. Ahia mino'e.

## 2 PETER

*Peter-hu Keriso-are aribövi jejmijade jöhoje.*

<sup>1</sup> Simon Peter na Iesu Keriso-are muemu vaejahaje ae jevoromo hesi apostle jeve. Keriso mae uehorovaruje aribövioho naro jemesi örire jajive. Noehu Keriso mae uehorovoromo aji'e mu ma baejarëhi jemë'o mae uehorovoromo aji'e mu ma gemuoho baejarijeje. Èhesi bëhoho gemu börömëro jië'ëro namiromo muebejavuoromo mare bamavuaje aho Iesu Kerisoro avoho uehorovoromo jemë'o no'o gemuoho gövuajëro jië'ëro èhuni no mu ma bojaujjadëhi jemesi örire èhi bojëmamu baejarijeje. Èhuni naro jemesi örire jejmije.

<sup>2</sup> Na nege jemëhu God'o Iesu nosi Bada ma gëvarujohuro èho jaburo huë baejëvo avohoromo ajëmego jemë maro raromonövo'irarijejo.

*No muoho avoho vaenövo'ejo èhuro uvoröhëni: Iae God-ro no baejavuade höjo. Èhesi jöhoje.*

<sup>3</sup> God-are darugoho hesiro jië'ëro Kerisoro mue aho'o ajamuij'eje èhuro hesi örire avoho jijih'o'iröhego. Èhesi bëhoho God-ro urimë'i no uövuadeje noro hesi aji'e mu maho baeröhego. Èhi uövuamu noro hu ma gavareje. Gavë'ëro èhu'ëro huro ajamuij'eje noro huhu nimaje muoho vaeromo öri mare jijihoröhego.

<sup>4</sup> Èhi ajamuiromo èhuro mu börömo börömoho rõjahuij'eje noro uehorovoromo uvoröhego: Iae mae höjo. Ijonö mue gö gö ma-mabëhe ajamui'ajëjo. Ijonö mae ajamui'iröhe jö hesi bëhoho jemëro èho uehorovoromo sa'arohemu uehorovaruje ariböviehu jabesi sinehu nimaruocho ömoromo sisërëjaruëhioho jemë bogo èhioho ömoromo sisërërovo'irögoro a'i God-are muoho baejejo hu jiajëhi èhi jëvo'iröhego.

<sup>5</sup> Èhuni aviëhi jië'e muoho avo'avocho vae'i è'o gare. Jemëhu Keriso mae uehorovarujocho mu mae barueromo Keriso uehorovaruje muohu'o gemuoro havore. Mu ma vaejè'ocho God-are öroho avoho garomo mu ma vaejaruje muohu'o gemuoro havore.

<sup>6</sup> God-are öri gavë'ocho taemo raromoromo God-are öri gavaruje muohu'o gemuoro havore. Taemo raromë'ocho biririvoromo riravoromo taemo raromaruje muohu'o gemuoro havore. Biririvoromo riravë'ocho God-hu nimaje muohemu uehorovoromo biririvoromo riravaruje muohu'o gemuoro havore.

<sup>7</sup> God-hu nimaje mu uehorovë'ocho huë baerovoromo God-hu nimaje mu uehorovaruje muohu'o gemuoro havore. Huë baerovë'ocho ae gö jabesi örocho dë vövöbajo'e aho'o uehorovëvoromo huë baerovaruje muohu'o gemuoro havore. Èhi jië'e muohuremu uehorovore.

<sup>8</sup> Jemëhu èhi jië'e mu vae avohë'ocho èhuro bogo èma imo nosi Bada Iesu Keriso garomo muoho vae'i a'i hu garomo muoho vaeromo rae avoho'aruje.

<sup>9</sup> A'i aehu èhi jië'e mu bogo vaejè'ohuro nune sisërëjëvego öri ègoroho bogo uheri'ih'o'irögoro ma-sa'a hesi muohemu garuomajeje. Mu sisë mami'e vaejamu God-hu u'ovëhadoho èho rumonëgë'eje.

<sup>10</sup> Aganomë èhu'e jiaje avoho biririvoromo God-hu nimaje muoho vaenövore èhuro uvo'irarije: Iae mae-ëjo. God-ro hesinö javuojöro nimoromo uövü'e höjo. Èhi jië'e mu vaejè'ocho sa'aroho bogo mae bogo rireromo'aruje.

<sup>11</sup> Bogo rireromo'irögoro a'i nosi Bada Iesu Kerisohu no mare bamavuaje aehu ioro'ioeremu muebejaje öri ari'ere jemëro mabëhe va'iramu huro jemë rajëhi avoho'ë'e.

<sup>12</sup> Èhu'ëro jië'ëro èhi jië'e jöho iae na majëhi'i hinövo'ejo jemë rumonëgojööni. Iae jemë è jöho mami'e hejè'ëro God-are jö maho eni baeromo biririvoromo ma'eno titimarujeje. Röhu maho majëhinövo'ejo jemëro heromo uehorovonövo'irarijejo.

<sup>13</sup> Bogo guomevo'i naehu ave sa'are hibe va'ajevare èhi jië'e jöho majëhiromo jemesi uehoroho avohëhonövo'ejo. Na uehorovoromo uve: Èhi jië'ocho èho nasi mue höjo.

<sup>14</sup> Èhesi bëhoho na gavajoho ave sa'aroho bogo ègoho hi'i guomo hesi jeve nosi Bada Iesu Kerisoro èhi ma-va'orahoro rõjehijë'ëro.

<sup>15</sup> Na jöho ma-avo'avocho jajivo'ejo na guomevego jemëro adahoromo uehorovonövo'irarijejo.

*Peter-mëhu Keriso-are aji nunehu gavare jöhoje.*

<sup>16</sup> Nosi Bada Iesu Keriso darugo'e a jiaje jöhu'o huhu rueröhe jöhu'o noehu jemë majëhijarevare bogo aho èma uehorovoromo sareri sareri jöho mae avohoromo majahuijamu heromo mae höromo jemë majëhi'i a'i nosi nunëro hesi aji börömoho gavë'ëro jöho majëhijareje.

<sup>17</sup> Kerisoro God Vavu hesi örire iho börömo'u'o aji börömo'u'o baejadire noro hu'o riravareje. Riravamu aji börömo jiajire ë a huëro Iesuni uvavohijo: Ave aho nasi Harihu mabëhe hõjo. Na hu garomo nimorohevajëjo.

<sup>18</sup> Èhuëho ö'idöre uvamu noro nosi hia'ëro hejareje hu'o gemuore maemu jiaje dahorure riravare majare.

<sup>19</sup> Èhi jië'e jõho hia'ëro heromo muoho nunëro gavë'ëro èhu'ëro jõ God-aro baeromo majëhinövare a jabesi jõ surire jajivaroho jemë'o no'o adahoromo mae uehorovo avoharueje. Èhuni jabuhu God-are jõ jajivaroho jemëhu avo'avoho ejëhë'o'oho iae mae jëvo'ë'e. Uvore: Surire jõho ramoramovego irehu öri röjahuijigo ë va'aruëhi ë surire jõho èhi hörömo ejahobe va'ëjarëjo hujeji Bada Iesuarë majaho rue'i dunovego evare nosi dë vövöbajö'ere garöhëni sisonuvo'ië'ëgo mujörehu rojomoromo ajivavujõho. Èhi ë'ë'o'oho jemë iae mae jëvo'ë'e.

<sup>20</sup> God-are surire jõho ejahoromo avehu'o uehorovo avohore: Jõ God-aro baeromo majëhiromomo jajivare jõ hesi bëhi he'i naguë'o'oho bogo nosi sivu sivuoho jõ bëhoho ëma morijovo ga'ëjo.

<sup>21</sup> Rabëni hesi bëhoho bogo aho jabesi ëma nimoromo jõho God-aro baeromo majëhiromomo jajivo'i a'i God-are Aru'ahëro jabesi simanoho huotövëho'ëgo God-hu bojëmaje jõho majëhinövareje.

## 2

### *Keriso-are jõ huotohuotovoromo majëhijarue aribövi jabesi jõhoje.*

<sup>1</sup> God-hu bojëmade jõho mae majëhinövareje röhu ae göëro göëro ëma sarerëmiromomo uënövereje: No jõ God-aro baeromo majëhijarue ae javuajëromomo sareri sareri'e jõho majëhinövareje. Jabesirire jionövadëhi jemesirire èhi jië'e sareri'e aribövioho jioruomö'ë'e. Jioruomoromo ma-dëëremu jõ mae atanovoromo Iesuarë jõho huotohuotovo majëhinövö'ë'ö. Majëhijamu mae hörömo ejëhë'o'oho sisërëjëvo'ë'e. Bada Iesuro hesi köëro imëvoromo jabumë baejëvadeje hesi darugoro raromöjõro. Èhi ë'adeje röhu jaburo hu deje bojamiruomajeje. Èhu'ëro jië'ëro sisë hesi manaho ma-majioho baeromo sisërëruomö'ë'e.

<sup>2</sup> Bogo ë'arue javoji'e mu sisëho vae'iramu ae aho'obëhe jabesi ijore ijore jijihonövö'ë'e. Èhi'o'iramu God-are öri ma hesi ihoho sisërë'ë'e.

<sup>3</sup> Monie jabesiremu bae'i nimoromo sareri sareri'e jõho jabesi sivue ëma uehorovoromo majëhiromö'ë'e jemëro heromo mae hörömo ijo bajoho mana bojëmi'irarijigo. Èaribövioho God-ro mevëvoromo sisëre rëmö'ö'iröhohomo mami gö'e aevoromo uehorovobe rövëjeje. Hu nune jiajëro i'uoho iae bojëmi'ë'e.

<sup>4</sup> Rabëni anera ioro'iorehu mu sisë vaejaroho God-ro bogo ma-nunëremuoho gë'i a'i tövo'amoromo sisëro nugö'ö'amadeje jabumë ë ramoramö'ere va'o raromego huhu mevo gë'iröhe majaho rueröhego.

<sup>5</sup> O mami gö'e sa'are raromo jijihonövare aribövi jabesi sisëho God-ro bogo manunëremuoho gë'i a'i hu bijönimoruomamu gëgorovo jovoho nugö'öjamu börömo bëhe rojomoromo ae aho'o baeniagëgadeje. A'i a ihe Noah mu ma hesi jõ majëhinövade ahu'o röhu a ioro'ioroho aho'obëhe 7 ë ariböviohemu i'uoho bogo bojëmi'i avoho muebejëvadeje.

<sup>6</sup> O Sodom'o Gomorrah'o amo masije niö'i God-ro i'ue bojëmiromomo vënëro bue'öjëvamu ravoromo ma-muomöe jëvadeje. Èhi ë'ade hesi bëhoho God bijönimoruomaje ariböviohuro uvoruomoröhego: Èhi jië'e i'uoho God-ro no'o bojamui'ajëjo. Iae èhuni èhi jië'e i'uoho bojëmijadeje.

<sup>7</sup> Èamo rajo a ioro'ioroho i'uoho èhi bojëmi'i a'i a maho Lot ajamamu hu Sodom amore jioromo mae rovadeje. Èhesi bëhoho urimo Lot-ro amore hiromomo ganövadeje amo rajoho jögoroho bogo e'irögoro ma-biriri'övoromo öëro ë'anovoruumö'ëgo gë'i hiromomo bijönimo avohonövadeje.

<sup>8</sup> Èaho a maëro jië'ëro ë amo rajohu'o gemuore hiromomo majae èhi heromo gëromomo jabumëro mu sisë vae'ëgo bijönimoromo dë vövöbajö'e sisërëjadeje hu a maëro jië'ëro. Èhi'amu God-ro amoho ijumö'irögoro Lot ajamamu mae rovadeje.

<sup>9</sup> God-ro sisë aribövioho èhi ijumëvo'i a maho èhi ajamijë'ëro èhu'ëro hu uehorovarue aribövioho vavaeni'ere rireromavuo'ië'ëgo ajamui'iröhohomo hu eni jie. A'i sisë'e aribövi taemëvo'iröhohomo eni jie i'uoho baemu baejuvo hujeji mevëvoromo i'u ioro'ioremu bojëmi'iröhe majaho rueröhego.

<sup>10</sup> Sisê'e aribövioho aho'obêhe jabesi ôrيره êhi ê'ê'e rôhu garôhe aehu jabesi sinehu sisê nimajoho ômoromo ôehu jijihanovoromo va'inumi'e mu vaeromo jôgoru masijo bijônimamu gevê'ohohuro ê ariböviohu'o taemëvoromo i'ue bojëmijajeje.

Êhi jiê'e jô sareri rôjêhijarue aribövie jemê'o raromaruohuro biriri'ôvoromo uvarueje: Noremuêremu masije javuajêjo. Masije javuajêromo bogo juhuonivo'i aji'e aribövie ô'idôre raromarue jabesi jôho sisê'i atarueje.

<sup>11</sup> Êhi ê'arueje rôhu anera ma jabesi darugohuro jô sareri rôjêhijarue aribövi jabesi darugoho iosiramiro mo bôrômo bêheje. Êhi jie rôhu ê aneraho bogo Badare nuniroho riravoromo anera sisêho agëvoromo jabesi jô sisêho majahijarueje.

<sup>12</sup> Bogo êhioho ê'irôgoro a'i ê jô sareri rôjêhijarue aribövioho mahu urejo va'êne jioruome. Urejoho bogo uehorovanovê'e jabesi êma jijihego aëro rinovoromo muo'amoromo ujuoho va'arueje. Êjô sareri rôjêhijarue aribövioho êhi jio'ame. Jabu'o bogo uehorovê'e jabesi êma jijihoromo bogo ma hejarue gavarue jôho sisê'i atarueje ijônô mahu urejonô'e sisêrê'amorôhëro.

<sup>13</sup> Mu sisê vaejarohuni êhuni i'ue mana bae'ê'ô. Jabumê uvarueje: Dê vövöbajô'ohu vüevavuae hesi bêhohohu majae a nunire mahehu uruvanovê'ohohu êhuro vüevavuo'ajêromo êhi ê'arueje. Mahëro uruvanovoromo jabesi sareri sareri'e muoho nimo avohoromo jemesi gemuore ô'oromo ioho ue'ahego evare niôgu suhi'ere va'inumi'ijajêhi jabesi aru'ahohohu êhi va'inumi'e jëvajeje.

<sup>14</sup> Mu sisê vae'i ôero ê'anovoromo magonahohohu majae êhi êrimêharueje. Êhi jiê'e mu sisê vuonugo'iê'ohohu bogo eni jëve. O mu göho ê sisê ariböviohuro garôhe bogo biririvoromo mae uehorovarue aribövioho raromamu gevê'ohohu jaburo jô sisê rôjêhiromo rinëgoromo sô ujuoho va'ego guaro rireromanovajeje. Bövie bise'e ma-bae taemo'i nimiromo vajiohu mu biririvoromo ê'ohohu gabe rovarohohu jaruvohohu ê muohuro ruaho'amëvê'eje. Êaribövioho God-ro sisê bojëmi'ê'e.

<sup>15</sup> Ôri ahorirehu jijiharohohu vuonugo'i aruêre anumêre êma jijihê'ejô. Êma jijihoromo a ihe Balaam Bosor-are harihohohu Balaam-hu juvade ôri sisêre va'ê'ejô. Êhesi bêhohohu Balaam jô God-aro baeromo majêhinövade ae jiadeje rôhu hu mu sisê hesi manahohu ijo baje bae'i nimadeje.

<sup>16</sup> Êhi nimamu God-ro ê a hesi uehoro sisêho ahahadeje. God-hu Balaam-are uehoro sisê ahahade hesi jôho aviêhije. Balaam-ro mu sisê vae'irôgoro mi ihe donkey dôrohohu hiromo ôrيره va'adeje. Va'amu God-ro ê donkey-ohohu uehoro mahohu bojâmamu ê jô bogo jövajohohu ri'ôromohu a huênô'e jôe jövamuhu hegorovo ê jô God-aro baeromo majêhijaje ahuro simano rumo'e muohu vae'iê'oromohu vuonugadeje. God-ro Balaam-are uehoro sisêho êhi ahahadeje. Balaam-hu ôri ma vuonugadêhi ê jô sareri'e rôjêhijarue ariböviohuro êhi ê'oromohu mu sisê vaeromohu ijo baje bae'i nimarueje.

<sup>17</sup> Rôhu ê sisê aribövioho jovehu sa'a gagore rojomoromohu sinihajêhi jabumê muohohu êhi sisê'i sisê'i ômarueje. O buru bôrômehuhu rueromohu sue huosihogohu arue anume va'oromohu ôri ari'e tugohego bogo gavaruêhi jaburo mu mahohu êhi tugohahuego bogo gavarueje. Jabumê êhi jëvê'egohu êhuni God-ro rôhe nugêhê'eje jaburo ramoramohu sisê ma jiê'ire ê va'oromorôhego.

<sup>18</sup> Jô huhe ê'oromohu simano rumo'e jôho êma atarueje. Êma atoromohu ôero jijihanovoromohu mu sisê ae rôjêhiromo rinovô'amegohu êhuro biriri rumo'e ariböviohuro sisê aribövi ioro'iоро jabesi ôri avevê'ohohu vuonugarohohu uvarueje: Jô mae hôromohu ejêhoromohu rôhu mahohu vuonorô'ohohu va'oromohu êhuro rireromarueje.

<sup>19</sup> Jemê'ohu raromarue sisê ariböviohuro ae sarerëmiromohu uëvarueje: Norohu jemê ajëmi'iramu jemê bogo tövanovê'e aribövioho jëvanovo'i a'i jemê rabe rabe ômo'i nêgê'ohohu êma ômonôvo'arujêjo. Êhi uëvarueje rôhu jabumê tövëvanovê'eje. I'u'e mu hesi darugore jëvê'ërohohu mu sisêmu vaemuhu vaejarueje. Êhesi bêhohohu di mu sisêhu ruahô'ôjavuê'ohohu êhuro tövavuanovê'eje.

<sup>20</sup> Êhi tövëvanovoromohu sisê bêhe jëvajeje. Êhesi bêhohohu nosi Bada Iesu Kerisohu no mare bamavuae aho ae rahuhuhu mae garomohu êhuro sa'a hesi mu sisêmu vaejarohohu vuonugo'i mae va'ôjuvohu rôhu huotorovoromohu sareri'e jôho mae hôromohu miehuhu viôre aeganovoromohu sisêrêjêvê'ohohu êhi jiê'e aribövioho urimohu sisê jëvadohohu majae ijônô rireromomohu sisêrê'amo barê'ê'e.

<sup>21</sup> Jabumê mu ma hesi ôrohohu bogo ga'ibejohu jabumê sisê jio'i rôhu bisemuhu ma'e jëvanovo'ibejohu. Rôhu mu ma hesi ôrohohu iae garomohu God-are jôgorohohu bojëmamuhu vuonugê'ërohohu êhu'ërohohu sisê mae jëvê'eje.

<sup>22</sup> Simanohu ma'e jôe niô'i urimê'i uhunô'e jajivarohohu huotovê'ohohu êhohu êhi jiê'e aribövi jabesi jôeje. Jôho êhi uvê'eje: Ôhuro êgubijohadire vuonorô'ohohu rovaje hôjohu. O jô göhohu jovohu

eguahêle mahohuro vuonorô'ô va'oromo sa'osa'oho muomorovaje hõjo. Êaribövi jabesi muoho êhije.

### 3

*Bada Iesuhu sa'are vuonorô'ô rue'irõhe jõho bogo sarerehu jio'ti iae mae jiaje jõhoje.*

<sup>1</sup> Aganomê urimo na surire jö jajivoromo jemêni nugô'ôjodoho rõhu maho jõe nugô'ôje. Êjõ niõ'i jabesi bẽhoho urimo hejarije jõho rõhu maho majẽhiromoma jemesi simanoho avohẽhe jemêro bogo rumonimo'i ma-maemu uehorovo'irarijejo.

<sup>2</sup> Iesu bogo rovadevare jö God-aro baeroma majẽhinõvare a maehu God-are surire jajivêle jiamu gavarije jõho o Bada Iesu mare bamavuaaje aehu jemesi apostle aribõvie no bojamuamu noehu jemê majẽhijamu hejarije jõho ê jõho jemêro avo'avohoho uehorovo'irarijejo êhuni jajive.

<sup>3</sup> Rõhu ave jõhuremu avo'avohoho uehorovore. Ijo tugoho'i jiorõhe majaho dunovo'iramu evare aêro rueromo jabesi sinehu sisê nimajohemu êma õmobe jijihoromo jemê sivẽgo'ê'õ.

<sup>4</sup> Sivẽgoromo uê'ê'õ: Iahuro uêvade hõjo: Naro va'oromo vuonorô'ô rue'ejõjo. Hu rue jö uvarujoho hu diae rovê'e hõjo. Hu va'adoho bogo rovê'le nosi hijo miono'oho vuovẽvobe rovê'e hõjo. Urimê'i ni'li'ivadiire aevoromo bõvi bise'o jiobe rovadoho bogo barê'i êhi magemuohemu jio'amajêjo.

<sup>5</sup> Êhi uêvarueje rõhu ave jõho jabesi nimoromo bogo gavanovarueje. Ni'li'ivadiire God-ro jõe jõvamu êhuro õ'idõho sa'aho êma jio'amadeje. Sa'aho jovore jioromo rojomamu jovoho ruê numê jio'i sa'aho ririre jio'amadeje.

<sup>6</sup> Êhi jiadeje rõhu ijõnõ jovohuro rojomoromo sa'ae aho'obẽhe baeniagivamu evare majare ê sa'are jiade bõvioho bise'oho ijumo barêjadeje.

<sup>7</sup> Amo God-ro jõho rõhu maho jõvê'ero êhu'ero jaruvo jiaje õ'idõho sa'aho êhi nugo'amê'eje u'emu vênêro buejeho ravo'amorõhego. Õ'idõho sa'aho nugo'amajêje God bogo uehorovarue aribõviohuro hesi nunire riravoromo jabesi jö sisêho heroma i'ue baeroma sisêro va'oruomego evare aho'o vênêro ravo barê'irõhego.

<sup>8</sup> Rõhu aganomê ave jõho gemu avo'avohoho uehorovore. Kerisohu uõvuade muoho iae rue'ê'le. Sa'are raromarue aribõviohuro uvarueje: Vadune aho'o barêjê'e hõjo rõhu Keriso bogo rovê'le hõ uvaruêhioho Bada bogo êhioho uvajeje. Hu bogo uvajeje: Majae vadune êmine êmine jioromo barêjaje hõ uvo'i a'i uvajeje: Majae gemu êho vadune aho'obẽhe mae jianovo'i vadune aho'obẽhe mae êho majae gemu jianovajêjo. Êhuni bogave uvo'irarije: Majae êge barêjê'ero rue'i uvadoho bogo rovê'ero êhuni bogo rue'a'ajêjo.

<sup>9</sup> Hesi aêro Badare jõho sareri'e uehorovoromo uvoruomajêje: O hu êhi êhi õmo'i uõvuajoho êma hiromoma õrisanuovaje hõjo. Rõhu Bada bogo êma õrisanuovo'irõgoro a'i huro jemesi jõeni uehorovoromoma êhuni ma-taemorovoromoma hije. Aehu sisêre va'ê'oho hu bijõnimõ'i a'i hu nime ae aho'obẽhe sisêho vuonugorõhego. Êhuni muebeje.

<sup>10</sup> Rõhu Badare majaho iae ma-majioho vajiohu'e aêro rovanovo'ê'le. Ma-majioho rue'iramu evare õ'idõho darugo'o tõgõmoromoma êma bogojio va'oromoma ê inõmohoma majaho manaerohoma jiji mujõru'oho ravo barêromoma sa'aho sa'a hesi i'o mu'oho sisêrê barê nahonahovo'ê'le.

<sup>11</sup> Bõvi bise'o êhi sisêrê barê'irõhohuni êhuni avevejõ'oho jemê diehi jiê'e mu vaejaruje aribõvie jiore. Jemê God gemu uehorovoromoma ma-maemu raromoma jijijho'irarije aribõvie jiore.

<sup>12</sup> Êhi jiê'e aribõvie jioromoma mueberomoma raromego God-are majaho rue'iro. Êhi ê'ê'i muoho biririvoromoma avo'avohoho vaejeho ê majaho ma-burêro rue'iro. God-are maja rovê'iroho õ'idõho ravo barêromoma õ'idõre jio'amajê inõmohoma ravoromoma disoruvo barê'ê'le.

<sup>13</sup> Êhi'o'iramu God-ro uõvuadêhi êhi õ'idõ i'oho sa'a i'oho bamo'ê'le. Õ'idõ i'oho sa'a i'oho bamo'iramu ma-mu mahuremu ê jio'amo'ê'le. Êhi jio'irõhego no raromomoma muebejarueje.

<sup>14</sup> Aganomê êhi jiorõhego muebejarujohoma biririvoromoma God'õ gemuoro huê mae raromomoma hesi nunoro mu ma-maemu vae'i ê'õ gare.

<sup>15</sup> Nosi Badahu bogo burêro i'u bojẽmi'i ma-taemorovoromoma hiromoma muebejẽvajohoma êho avo'avohoho uehorovoromoma uvore: Hu ma-taemorovoromoma hiromoma muebejavuajohuro êhuro majaho bogo barêjê'e iae jiahuaje hõjo noehu hu ua gavego mare bamavuo'irõhohoma. Êhi jiê'e jõho nosi õ mae Paul hu'õ simano maho God-are õrire baeromoma jemesi õrire jajivadeje.

<sup>16</sup> Êhi jiê'e jö suri gõre gõre aho'obẽhe jajivoromoma majêhi'i nimê'oho hu'õ jõe gemuoho jajivajeje. Rõhu Paul-are surire jõho jõe gõ gõ anoji'eje. Jõ anoji'e jiamu gavê'õho simano

rumo'ehu bogo birivoromo riravarue ariböviohuro God-are surire jö ioro'ioro sisë'i huotovaruëhi ëhi Paul-are jöhu'o sisë'i sisë'i huotovoromo ëhuro ijonöho sisërëjëvo'ë'e.

<sup>17</sup> Aganomë ëhi jioröhe jöho jemë iae hejë'e jëve. Ëhuni avo'avoho mueberovore. Jögoru ahoruomaje a sisë jabesi ijore ijore jijihö'aruje. Amo ëhuro birivoromo riravarujoho vuonugo'i baradore rireromëvo va'ë'e.

<sup>18</sup> Avo'avoho mueberovoromo nosi Bada Iesu Keriso mare bamavuaaje a hesi huë maho avo'avoho baebe hesi mu maho avo'avoho ga'amobe va'ore. Jaruvoho hesi ihoho mabëhe uaromo ëhi ioro'ioemu mabëhe uabe va'ejo. Iae mae. Ahia mino'e.



## 1 JOHN

*God-are jō jumuvē'e ahuro daruge bojamuïromo i'ovavuaaje. Rōhu ē aehu sino haho'o baeromo sa'are rovamu John-mēhu gavare jōhoje.*

<sup>1</sup> Ni'i'ivadiroho ae gemu jiē'e jiadeje. Jiadoho iae ēhi ma-jiemu jiobe rovē'eje. Noro ē a hesi jōho heromo hu nosi nunēro garomo muebe'i ariromo hesi dajoho nosi övëro rēhē'ëro javuē'ëro ē a hesi jōho jajivo'iē'ö. Hu God-are Jō jumuvē'e i'ovavuaaje daruge bojamuijaje aeje.

<sup>2</sup> Ēi'ovavuaaje darugoho va'orahoro huruohamu noro gavē'ëro ēhu'ëro jemē mae majēhïromo uēvarueje: Ēahuro darugoho ioro'ioremu bojamuijaje hōjo. Huro Vavuohu'o gemu mae hijē'ëro nosirire rueromo ē darugoho iae rōjahuijade hōjo.

<sup>3</sup> Noehu garomo hejare a hesi jōho majēhijō jemēro heromo jemē'o no'o agane vaerovo'irōhëro. Noehu Vavuohu'o hesi Harihe Iesu Keriso'o agano vaerovaruehi jemē'o no'o ēhi agane vaerovo'irōhëro.

<sup>4</sup> Jemē'o no'o ë'oromo ēhuro no nimoroho avoho'irōhëro ēhuni jajivö.

*Noehu mu sisē vaejaruoho vuonugoromo ēhuro God-are ajire raromo'irōhe jōhoje.*

<sup>5</sup> Ave jōho God-are Harihohuro majahuijamu hejē'ëro noro jemē majēhijō. God hu majajemu hōjo. Ramoramoho hesiriroho bogohōjo.

<sup>6</sup> God hu ma-aji'emu jiē'ëro ēhu'ëro no uvē'oho: No God'o agane vaerovarue hō uvoromo rōhu ramoramore raromo jijihē'oho ēho no sareri sareri jōe atoromo sareri sareri mue vaejarueje.

<sup>7</sup> A'i God-hu aji'ere hijajēhi noehu ēhi aji'ere raromo jijihē'oho ēhuro no göëro göhu'o iae agane vaerovarueje. Agane vaerovego hesi Harihe Iesu hesi kōhuro nosi sisēho u'ovahuo barējajeje.

<sup>8</sup> No uvē'oho: No sisē bogojavujā uvē'oho ēho simane garaejege God-are jō maho dē vövöbajo'eroho bogojavuaajeje.

<sup>9</sup> A'i noehu nosi sisē God-are örire huruoho majahijamu hejē'oho huro biririvoromo ma-maemu uehorovoromo muoho ma-maemu vaejajëro jiē'ëro ēhu'ëro nosi sisēho uehorovoromo vuonugoromo u'ovahuo barējajeje.

<sup>10</sup> O no uvē'oho: No bogo sisēho vaejē'e javujā uvē'oho ēho noro uvoromo ë'arueje: God-hu uövuaajoho: Jemē mu sisē vaejarueje hō uövuaajoho hu ma-sareramuiromo ē jōho jövaje hōjo. No ēhi uvē'oho God-are jōho nosi dē vövöbajo'eroho bogojajajeje.

## 2

<sup>1</sup> Nasi aboji harihu'e ave jō naehu jemesi örire jajivaje hesi bëhoho jemē mu sisēho bogo vae'irarijege ēhuni jajive. Rōhu mu sisē vaejē'oho Iesu Keriso a maëro jiē'ëro nosi sisēho ajamuijajeje. Ajamuïromo Vavu hesi örire jōe majahijajeje.

<sup>2</sup> Hu guomadohoro ēhuro nosi sisēho mu'uvahuoromo God-are vöröho sanuamijego God-ro nosi sisēho uehorovoromo vuonugajeje. Rōhu bogo nosi sisēniho gemu guomo'i sa'ae aho'obëhe dinö'e dinö'e raromarue aribövi jabesi sisēni guomadeje.

*God-hu bojamuade jögore aho'o rōhu ö mueno'e uehorovëvo'irōhe jöguru ejahoromo ēhuro ajire raromo'irōhe jōhoje.*

<sup>3</sup> Rōhu ave jōho uehorovoromo ēhuro uvarueje: No God gavarue hōjo. No huhu bojamuade jöguru ejahë'ohuro ēhuro iae no hu gavarueje.

<sup>4</sup> Ae rahu uvē'oho: Iae na God gavaje hō uvo'i rōhu God-are jöguru bogo ejahë'oho ēho hu ma-sarerivoromo ēhiho uvajeje. God-are jō maho hesi dē vövöbajo'eroho bogoje.

<sup>5</sup> O God-are jō ejahë'oho ēhuro hu God-are örire hesi dē vövöbajo'e aho'o uehorovo avohajeje. Rōhu ave jōho uehorovoromo ēhuro uvarueje: No God'o gemuoro javujājeje.

<sup>6</sup> Ae rahu uvē'oho: Na God'o gemuoro jevajē uvē'oho Iesuhu hibe juvadēhi ēhi hi'ë'e.

<sup>7</sup> Aganomē na jemesi öriroho bogo jöguru i'oho jajivo'i a'i jöguru mamioho jajivo'iē'e. Aevoromo Keriso-are jōho heromo ave jögoroho hebe rovarijeje. Ējöguru mamioho ēho noehu majēhijamu hejarije jōhoje.

<sup>8</sup> Naehu jajivo'irode jögoroho mamieje rōhu i'eje. Ējō hesi muoho Kerisohu vaejadoho jemē'o vaejarueje. Noro ē muoho garomo uvarueje: Ējōho iae mae hōjo. Ēhesi bëhoho ramoramoe muoho rori'o va'anovo'i aji mahuro aevoromo ajivavü'ëgo ēhuni uvarueje: Ējōho iae mae hōjo.

<sup>9</sup> Ae rahu uvē'oho: Na God-are aji'ero hijaje hō uvo'i rōhu hesi Christian ö mueno'o nu huodëgë'oho ramoramoe'ere hibe rovadoho jaruvohu'o ēhi gemuoho hijajeje.

<sup>10</sup> O hesi Christian ö mueno'o hesi dë vövöbajo'ere uehorovëvë'o'ho God-are aji'ero hiromo uehore ma-maemu jië'ëro ae gö bogo iëmi varijënoho jiajeje.

<sup>11</sup> O hu hesi Christian ö mueno'o nu huodëgë'o'ho ramoramo'ere hiromo ramoramo'e muoho vaebe juvajeje. Èhi'ego ramoramëro nunoho ramoramovahë'ëro öroho sidövajeje.

*Ave sa'a hesi mu sisë bogo uehorovo'iröhe jöhoje.*

<sup>12</sup> Nasi aboji harihu'e God-ro Keriso-are jöëni uehorovoromo jemesi sisëho uehorovoromo vuonugë'ego ëhuni na jemesi örire jajive.

<sup>13</sup> A duvahohumë jemë aevo'i ijobe rovade aho gavë'e jëvo'ego ëhuni na jemesi örire jajive. A i'ohumë jemëro A Sisëho ruahö'öjë'e jëvo'ego ëhuni na jemesi örire jajive.

<sup>14</sup> Nasi aboji harihu'e jemë Vavuoho gavë'e jëvo'ego ëhuni na jemesi örire jajive. A duvahohumë jemë aevo'i ijobe rovade aho gavë'e jëvo'ego ëhuni na jemesi örire jajive. A i'ohumë jemë biririvoromo God-are jöhuremu jemesi dë vövöbajo'ere uehorovoromo A Sisëho ruahö'öjë'e jëvo'ego ëhuni na jemesi örire jajive.

<sup>15</sup> Ave sa'a hesi mu sisëho bövioho bise'o'ho nadi uehorovore. Ave sa'a hesi mu sisë uehorovë'o'ho jemesi dë vövöbojo'ero'ho Vavuoho bogo uehorovo'aruje.

<sup>16</sup> Sisë rabe rabe nosi sinehu nïmaruoho rabe rabe nosi nunehu garomo nïmaruoho o noehu ave sa'are raromoromo rabe rabe uehorovoromo döre bamorovaruoho ëho ave sa'a hesi mu sisëje. Èhi jië'e muoho aho'o bogo Vavu hesirire jioromo rovade muoho jio'i a'i ave sa'a hesi mueje.

<sup>17</sup> Sa'a hesi mu sisëho sa'are nïmarue bövioho bise'o'ho barë hesi jio'i a'i ae rahu God-hu nïmaje mu vaejë'o'ho bogo barë'i ma-ioro'io'remu raromarueje.

*Keriso'o muorovarue aribövi jabesi mu sisë avoho goro'iröhe jöhoje.*

<sup>18</sup> Nasi aboji harihu'e sa'a bövi bise'o barë'iröhe majaho dunove. Èhesi bëhoho jemë hejarijeje uëvamu: Bövi bise'o barë'iröhe majaho dunovo'iramu Keriso'o muorovaje aho rue'a'ajëjo. Röhu avevejö'o'ho Keriso'o muorovarue aribövioho aho'obëhe rueruomë'eje. Èhu'ëro jië'ëro no garomo uvarueje: Bövi bise'o barë'iröhe majaho dunovajëjo.

<sup>19</sup> ÈKeriso'o muorovarue ariböviohuro nosi ekaresiaho ramuo va'areje. Röhu urimo jabu no'o raromonövadevaroho jabumë bogo nosi aribövi maehu jioruomadeje. Jabumë nosi aribövi mae jioruomom'ibejo jabumë no'o ëhi raromoruomom'ibejo. Röhu jabuhu va'arohuro ëhuro no garomo uvarueje: Jabumë bogo ae gemu vadu'o'ho nosi aho jië'ëro ëhu'ëro va'oruomade höjo.

<sup>20</sup> A'i jemë Keriso-are Aru'ahoho baejë'ëro ëhu'ëro jemë ae aho'obëhe God-are jö maho gavarujeje.

<sup>21</sup> God-are jö maho gavarujego ëhuni na bogo uve: Jemë jö maho dadivëvajëromo ëhunioho röjëhiromo jajive. A'i naehu jajivaje hesi bëhoho jemë jö maho iae gavarujeje. Garomo uvarujeje: Särer'i'e jöho bogo God-are jö ma hesi gemuoroho jioromo rovaje höjo. Iae ëhuni jajive.

<sup>22</sup> Särer'i särer'i ma'e aribövioho rahumëje. Ae rahu jö majahuiromo uövüë'o'ho: Iesu hu bogo bövie namiromo ajamuaje aho hö uövüë'o'ho ëhi uövuarue aribövioho Keriso'o muorovarue aribövie jioruome Vavu'o Harihu'o bijönëgaruëro jië'ëro.

<sup>23</sup> Ae rahu Harihu bijönimë'o'ho Vavuohu'o bijönimoruomajeje. O ae rahu Harihu ejahë'o'ho Vavuohu'o ejahoruomajeje.

<sup>24</sup> Keriso-are jö aevo'i hebe rovarije jöho uehorovoromo ma'eno titimore. Èhi ë'ë'o'ho Harihu'o Vavu'o jabesi gemuore raromom'aruje.

<sup>25</sup> Röhu Kerisoro ave suvuoroho bojamui'i mae uövüadeje. Huro uövüadeje: Naro ajëmi'iramu jemë ioro'io're gemu maro raromom'arujëjo.

<sup>26</sup> Jemë särerëmi'i ë'o gavarue aribövi jabesi jöho naro jemesi örire jajive.

<sup>27</sup> A'i jemë Kerisoro hesi Aru'ahoho bojëmamu jemesi dë vövöbajo'ere abuejë'ëro jemë'o hijajeje. Hijë'o'ho a göho rabëni jemë öroho röjëhi'ë'ö. Bëhe bogoje. God-are Aru'ahohuro hesi muoho bövioho bise'o'ho jemë röjëhijajeje. Röjëhiromo bogo särer'i'e jöho röjëhi'i jö mae röjëhijajeje. Èhu'e jiaje jemëro hesi Aru'aho hesi jöho ejahoromo Keriso'o gemuoro raromore.

<sup>28</sup> Io'o nasi aboji harihu'ohumë hu'o gemuoro raromore. Èhi ë'ë'o'ho hu rue'iramu no bogo javojimo'i biririvoromo hesi nunire mae riravo'ejo.

<sup>29</sup> Jemëro garomo uvarujeje: Keriso iae a mae höjo. Èhuni uvo'a'aruje: Ae rahu mu mae vaejë'o'ho God-are aboji harihu'e javuajëjo.

## 3

*Noehu mu sisë vaejaruoho vuonugoromo ehuro God-are aboji harihu'ehu raromaruëhi ëhi raromo jjiho'iröhe jöhoje.*

<sup>1</sup> Asë'le Vavuohuro no mabëhe rajahuijê'eje. Ëhi rajahuiromo huro no aboji harihu'e uövuê'eje. Hesi aboji harihu'e uövuadoho iae no javue. God-are aboji harihu'e javuajoho ave sa'are mu sisêhemu uehorovarue ariböviohuro God bogo avoho gavê'ëro ëhu'ëro no'o bogo avoho göruomajeje.

<sup>2</sup> Aganomë avevejö'oho no iae God-are aboji harihu'e javue. Ijonö ëhi javuoröhoho bogo røjahuijê'ëro no bogo avoho gavö. Röhu no iae garomo uvarueje: No ëhi javuoröhoho røjahui'iramu gagorovo Keriso hu diehi jiajoho iae no ga'ejarêjo. Garomo ehuro hu jiajêhi no'o ëhi javuo'ajêjo.

<sup>3</sup> Ae rahu uvê'oho: Kerisoro no ajamui'iramu hu jiajêhi no'o ëhi javuo'ajê uvê'oho ehuro Keriso ma-maemu jiajêhi ëhi jio'i ê'o gavajeje.

<sup>4</sup> Ae rahu mu sisë vaejê'oho ëho God bijönimoromo hesi jöho ahajeje. Mu sisë hesi bëhoho ëho God bijönimoromo hesi jö ahaje muochoje.

<sup>5</sup> Röhu jemê'o iae gavarujoho Keriso rovade hesi bëhoho nosi sisêho rori'o bava'ego bogojioröhogo ehuni rovadeje. Röhu hesiriroho sisêho bogoje.

<sup>6</sup> Ëhu'ëro jiê'ëro ae rahu Keriso'o gemuore jiê'oho bogo biririvoromo mu sisêho vaejajeje. Biririvoromo mu sisë vaejê'oho hu Keriso bogo ga vadê'ê'eje.

<sup>7</sup> Nasi aboji harihu'ohumê ae göehu sarerëmijê'oho nadi ejêhore. Ae rahu mu mae vaejê'oho Keriso mae jiajêhi ëhi jiajeje.

<sup>8</sup> O mu sisë biririvoromo vaejê'oho ëho Satan-are aeje Satan-ro aevo'i sisë vaebe rovê'ëro. Sisë vaebe rue'i God-are Harihehu rovade hesi bëhoho Satan-are muoho mu'u'iröhëro ehuni rovadeje.

<sup>9</sup> Ae rahu God-are aboji harihu'e jëvê'oho Vavu örëro jëvê'ëro ëhu'ëro jabumê bogo mu sisêmuoho vaejarueje. God-are aboji harihu'ëro jëvê'ëro mu sisêmu vae'iröhoho jabumê bogo eni jëve.

<sup>10</sup> No ave muoho garomo uvarueje: Ëaho God-are harihe o aboje höjo. Ëaho Satan-are harihe o aboje höjo. Ae rahu bogo mu ma vaejê'oho o ö mueno'o bogo dë vövöbaj'ere uehorovëvê'oho ëho bogo God-are aboji harihu'oho jioruome.

*God-hu bojamuade jögore aho'o röhu ö mueno'e uehorovëvo'iröhe jögoru ejahoromo ehuro hesi aboji harihu'ehu raromaruëhi ëhi raromo'iröhe jöhoje.*

<sup>11</sup> Ave jöho jemêhu aevo'i hebe rovarije jöhoje. Noro göëro göho dë vövöbaj'ere aho'o uehorovëvo'ejo.

<sup>12</sup> Cain-hu ê'adëhiho no bogo ëhioho ê'ejo. Hu A Sisë hesi aëro jiê'ëro hesi öho ano bamadeje. Rabëni ëhioho ê'adeje. Hu mu sisêmu vae'i hesi öho mu maemu vaejajego ehuni ê'adeje.

<sup>13</sup> Aganomë ave sa'are mu sisêmu uehorovarue ariböviehu jemê gëromo bijönëgaruoho nadi tiöromo uvore: Diehi'oromo ë'aruêjo.

<sup>14</sup> No ave jöho uehorovoromo ehuro garomo uvarueje: No vuovo öroho vuonugê'ëro i'ovo örire mu javuajêjo ë hesi bëhoho noro Christian ö mueno'oho dë vövöbaj'ere aho'o uehorovëvaruëro jiê'ëro. A'i ae rahu a bogo uehorovëvê'oho vuovo örire jijihadoho ëhi jijihajeje.

<sup>15</sup> Ae rahu ö mueno'e gëromo bijönimê'oho a muo'amarue a jabesi dë vövöbaj'ero va'ëne jëvanovajeje. Jemê'o iae garomo uvarueje: A muo'amaje aho bogo i'ovo öriroho jiê'ëro bogo ioro'ioremuoho maho hi hesi höjo.

<sup>16</sup> No ave jöho uehorovoromo ehuro uvarueje: Göehu gö dë vövöbaj'ere aho'o uehorovarue hesi bëhoho ëhi höjo. Kerisoro hesi dë vövöbaj'ere börömo bëhe uehorovavuromo sinoho bogo juhuonivo'i ajamui'i guomade höjo. Ehuni no'o Christian ö mueno'ëro göëro göho uehorovëvoromo sinoho bogo juhuonivo'i ajëmi'i vuovo'ejo o diehi'o'ejo. Ëhi jiê'oho iae maeje.

<sup>17</sup> Ae rahu inöme marohê'e jio'i ga'iröhe hesi Christian ö mueno'o bövie bise'le bogojëvamu gagorovo ma-nunëremu gevê'oho hu diehi'oromo uvo'ê'e: Na God nasi dë vövöbaj'ere uehorovaje höjo.

<sup>18</sup> Nasi aboji harihu'ohumê ê'ego no bogo ma-jö'ëremuoho aho sarerëmiromo uê'iro: Naro jasi örire dë vövöbaj'ere aho'o uehorovavaje höjo. A'i ê'ego no ae uehorovëvoromo huê bæjëvoromo ajëmi'iro.

<sup>19</sup> Göehu gö dë vövöbaj'ere aho'o uehorovëvê'oho ehuro no garomo uvo'ejo: No jö ma ejarue aribövie javuajêjo. Ëhi uvoromo God-are nunire riravoromo juhuonivo'i nosi dë vövöbaj'ero sanuamirovo'ejo.

<sup>20</sup> Jö sisë javuë'ëro dë vövöbajo'ere juhuonivë'o ho no uvarueje: Nosi arijo'arije mabisemu garorovo'i God-ro no iosiramuiromo aho'obëhe gö barëjaje höjo.

<sup>21</sup> Aganomë nosi jö sisëhuni nosi dë vövöbajo'ere bogo juhuonivë'o ho God-are nuniro javuoromo biririvoromo mae riravarueje.

<sup>22</sup> Mae riravoromo rabe rabe ua gavë'o ho iae hesirire baejarueje rabëni hesi bëhoho hu bojamuade jöho ejahoromo huhu nimaje muoho vaejaruëro jië'ëro.

<sup>23</sup> Huhu bojamuade jöho aviëhije. Huro uövuađeje noro hesi Harihe Iesu Keriso-are ihoho mae uehorovoromo huhu uövuađëhi ëhi göëro göho dë vövöbajo'e aho'o uehorovo'iröhego.

<sup>24</sup> Ae rahu God-are jöe gö gö ejahë'o ho God'lo gemuoro jio'i God-ro hesi dë vövöbajo'ere hijajeje. Ave jöho uehorovoromo ëhuro uvarueje: God-ro nosi dë vövöbajo'ere hijaje höjo hesi Aru'ahoho bojamuijë'ëro ëhu'ëro.

## 4

*Keriso'o muorovarue aribövi jabesi mu sisëhu'o ave sa'a hesi mu sisëhu'o avoho goro'iröhe jöhoje.*

<sup>1</sup> Aganomë ae göëro göëro sarerivoromo sa'ae dinö'e dinö'e majëhibe jijjhoromo uvoruomajeje: No God-are Aru'ahohuro jöho bojamuego majëhijarue höjo. Ëhuni ae göehu ëhi uëvë'o ho avoho gëromo gare jabumë mae God-are Aru'ahë baejë'ëro uëvego o hesi aru'ahë gö baejë'e jioruomego.

<sup>2</sup> Ave muoho garomo uvo'a'aruje: God-are Aru'ahëro jöho bojëmego majahuijarue höjo. Ae rahu ae huruoho majëhiromo uëvë'o ho: Iesu Keriso a nosi sino jiajëhi ëhi rovë'e hö uëvë'o ho God-hu bojamuaje Aru'ahoho baeruumë'eje.

<sup>3</sup> O ae rahu Iesuare jö bogo ëhi huruoho majëhijë'o ho ëho bogo God-are Aru'ahoho baeromo majëhi'i a'i Keriso'o muorovaje a hesi aru'ahoho baeromo majëhijarueje. Jemë mami'e hejarijeje uëvamu: Keriso'o muorovaje ahuro rue'a'ajëjo. Röhu avevejö'o ho ë a hesi sareri sareri'e muoho ave sa'are vaeruumajeje.

<sup>4</sup> Hesi sareri sareri'e muoho vaeromo Keriso-are jöho sisë'i majëhijarueje. Iae ëhi ë'aruje röhu nasi aboji harihu'e jemë God-are ariböviëro jëvë'ëro Keriso-are jö sisë'i majëhijarue aribövi jabesi muoho ruahö'öjë'e jëve. Ëhesi bëhoho jemëro God-are Aru'ahoho bae'i sa'a hesi mu sisë uehorovarue ariböviohuro Satan-are darugoho baeruumë'eje. Röhu God-are Aru'aho hesi daruge jemesirire jiajohuro Satan-are daruge jabesirire jiajoho iosiramuijë'eje. Ëhu'ëro jiajë'ëro jemëro Keriso-are jö sisë'i majëhijarue aribövi jabesi muoho ruahö'öjë'e jëve.

<sup>5</sup> Ëaribövioho jabu ave sa'a hesi mu sisë uehorovarue ariböviohuro jioruome. Ëhi jië'ëro ave sa'a hesi jö sisëho atego ave sa'a hesi mu sisë uehorovarue ariböviohuro ejëhoruumajeje.

<sup>6</sup> A'i no ma-God-are ariböviumu javue. Ëhi javuë'ëro ae rahu God gavë'ohuro ëhuro nosi jöho ejahuarueje. Ae rahu bogo God-are aribövi jëvë'o ho nosi jöho bogo ejahuarueje. No garöhe di ariböviohuro God-are jö ejahuamu o ave sa'a hesi jö sisë ejëhamu gavë'o ho ëhuro uvarueje: Ëho God-are Aru'ahëro jöho bojëmego majahui'i ëho sareri'e aru'aho sisëhuro bojëmego majahuijarue höjo.

*No göehu gö dë vövöbajo'e aho'o uehorovo'iröhe jöhoje.*

<sup>7</sup> Aganomë ë'lego no göëro gö dë vövöbajo'e aho'o uehorovo'iro. Noehu göehu gö ëhi uehorovë'o ho ëho God-ro hesi uehoro maho nosi dë vövöbajo'ere bojamuego ë'arujeje. God-are aboji harihu'ëro javuë'ëro God mae gavarueje.

<sup>8</sup> O ae rahu ae gö dë vövöbajo'ere bogo uehorovë'o ho God bogo ma gavarueje rabëni God-ro dë vövöbajo'e aho'o uehorovemu uehorovauaje aëro jië'ëro.

<sup>9</sup> Huhu uehorovavuaje muoho aviëhi röjahuijadeje. Harihe gemu'o ho sa'are nugö'öjadeje huro i'ovavuego mae raromo'iröhego.

<sup>10</sup> Göehu gö dë vövöbajo'e aho'o uehorovarue mu hesi bëhoho diehije. Noehu God dë vövöbajo'ere uehorovaroho ëho ma-bise'eje. Ëhuni göehu gö uehorovarue mu hesi bëhoho bogo ëhiohoje. A'i God-ro hesi dë vövöbajo'e aho'o no uehorovavuoromo hesi Harihoho nugö'öjadeje guomego nosi sisëho uehorovoromo vuonugo'iröhëni. Ëho böviohoje. Ëhuni God-hu ëhi no uehorovavuadoho ëho göehu gö uehorovarue mu hesi bëhohoje.

<sup>11</sup> Aganomë God-ro börömo bëhe uehorovavuoromo ëhi ajamuijadeje. Ëhuni no göëro göho ëhi uehorovo'ejo.

<sup>12</sup> Ae gö nosi nunoho God bogo gavë'e javue. Röhu göehu gö dë vövöbajo'ere uehorovë'o ho God-ro nosi dë vövöbajo'ere hiromo hesi uehoro maho bojamuego nosi dë vövöbajo'oho rarovauajeje.

<sup>13</sup> Ave jōho uehorovoromo ēhuro garomo uvarueje: No God'o gemuoro javuo'i hu nosi dē vōvōbajo'ere hijaje hōjo. Huro hesi Aru'ahoho bojamuijē'ero ēhu'ero.

<sup>14</sup> No God-are Harihoho iae nosi nunēro gavē'e javue. Gavē'ero noro mae majēhiromo ae uēvarueje: Vavuohuro hesi Harihoho nugō'ōjade hōjo sa'ae dinō'e dinō'e raromarue aribōvioho baejēvoromo maro bamēvo'irōhego.

<sup>15</sup> Ae rahu huruoho majēhiromo uēvē'oho: Iesu iae God-are Harihe hō uēvē'oho ēhi jīē'e aribōvi jabesi dē vōvōbajo'ere God hi'i jabumē God'o gemuoro jēvajeje.

<sup>16</sup> Rōhu iae no'o garomo mae uehorovoromo uvē'e javue: God-ro no mabēhe uehorovauaje hōjo.

God hu dē vōvōbajo'e aho'o no uehorovauaje ahoje. Ēhuni ae rahu ae gō dē vōvōbajo'ere uehorovo'i hijē'oho God'o gemuoro jio'i God-ro hesi dē vōvōbajo'ere hijajeje.

<sup>17</sup> God-hu hesi uehoro ma nosi dē vōvōbajo'ere bojamuego rarovauaje hesi bēhoho hujeji Kerisohu nosi mu mevo gōvuamu no hesi nunire riravē'oho no bogo juhuonivo'i a'i uvorōhego: Keriso jiajēhi no'o sa'are raromoromo ēhi jōbe rovē'e javuajē uvoromo ēhuni avoho biririvorōhego. Ēhuni God-ro hesi uehoro maho bojamuego nosi dē vōvōbajo'ere rarovauajeje.

<sup>18</sup> No herovoromo uvē'oho: God-ro hesi dē vōvōbajo'e aho'o uehorovauaje hō uvē'oho no bogo hesi ōriroho juhuonamijarueje. No herovē'oho God-are uehoro maehu rueromo nosi dē vōvōbajo'ere rarovauamu hejē'oho God juhuonamijaruoho vuonugo'i mae uehorovarueje. Ēhesi bēhoho no God juhuonamijē'oho no uvarueje: God-ro i'ue bojamui hesi hōjo. Ae rahu hu juhuonamijē'oho ēhi jīē'e aribōvioho God-are uehoro maho jabesi dē vōvōbajo'eroho bogo rarovēvajeje.

<sup>19</sup> God-hu urimo nosi ōrire dē vōvōbajo'ere uehorovauadohuro ēhuro no hu'o ae gō'o dē vōvōbajo'ere uehorovēvarueje.

<sup>20</sup> Ae rahu uvē'oho: Iae na God-are ōrire dē vōvōbajo'ere uehorovaje hō uvo'i rōhu hesi ō mueno'o gēromo bijōnēgē'oho ēho hu ēma sarere uvajeje: Na God uehorovaje hōjo. Hesi ō mueno'e nunehu gēvajoho bogo uehorovēvē'oho ēhuro God uehorovo'irōhoho bogo eni jie hu God bogo nunoho gavajēro jīē'ero.

<sup>21</sup> Ēhu'ero God-ro ave jōho bojamuiromo uōvuē'eje: God nasi ōrire uehorovēvē'oho jemesi ō mueno'ohu'o dē vōvōbajo'oro uehorovēvorējo.

## 5

*God-are Harihu mae uehorovo'irōhe jōhoje.*

<sup>1</sup> Ae rahu mae uehorovoromo uvē'oho: Iesu hu bōrōme namiromo ajamuae ae hō uvē'oho ēhi jīē'e aribōvioho God-are aboji harihu'e jioruome. Ae rahu vavu dē vōvōbajo'ere uehorovē'oho ē vavu hesi aboji harihu'ohu'o dē vōvōbajo'ere uehorovēvo'anue.

<sup>2</sup> Ēhuni no ave jōho uehorovoromo ēhuro iae garomo uvarueje: No God-are aboji harihu'oho dē vōvōbajo'ere uehorovēvarue hōjo. No God dē vōvōbajo'ere uehorovoromo hesi jōgoru ejahē'ohuro ēhuro no garomo uvarueje: Hesi aboji harihu'ohu'o uehorovēvarue hōjo.

<sup>3</sup> God dē vōvōbajo'ere uehorovē'oho ēhuro iae no God-are jōgoroho ejaharueje. God-are jōgoru ejahē'oho ēho bogo i'u'ehuje.

<sup>4</sup> God-are aboji harihu'e aho'obēhe sa'are mu sisēho biririvoromo ruahō'ōjarueje. Ruahō'ō'irōhe hesi ōroho no Iesu mae uehorovaruohuro ēhuro ruahō'ōjarueje.

<sup>5</sup> Diehi jīē'e aribōviohuro sa'are mu sisēho ruahō'ōjarueje. Ae rahu uvē'oho: Iesu hu God-are Harihe hō uvē'ohuro ēhi jīē'e aribōviohuremu sa'are mu sisēho ruahō'ōjarueje.

*God-hu jō mae majahuijago no heromo ēhuro Keriso mae uehorovarue jōhoje.*

<sup>6</sup> Rōhu sa'are rovade aho iae Iesu Keriso jiadeje. Ēhuro rueromo jovo maēro bapataeto vaejamu kōho rueromo guomadeje. Bogo rueromo ma-bapataeto vaejadohemuje. A'i hu jovo maēro bapataeto vaejamu ijōnō hesi kōho rueromo guomadeje. Huhu ēhi ē'ade jōho God-are Aru'ahohuro iae mae majahuijajeje ē Aru'ahoho sareroho bogojio'i ma-maemu jīē'ero.

<sup>7</sup> Jōe niō'i gemu no heromo Keriso mae uehorovarueje

<sup>8</sup> Aru'ahuhu majahuijaje jōho jovehu bapataeto vaejade jōho kō rovade jōho. Ējōho niō'i gemu bēhe gemuohoje. Ēho heromo mae uehorovarueje.

<sup>9</sup> Ma-aēremu jō ma majahuijamu hejē'oho noro ēho mae uehorovarueje. Rōhu a jabesi jōho ma-bise'e jio'i God-hu jō mae majahuijajoho ēho bōrōmohoje. Rōhu God-ro hesi Harihu hesi jōho ēhi ma-mae majahuijē'eje.

<sup>10</sup> Ae rahu God-are Harihu mae uehorovë'ohohu ãhuro dë vövöbajore uehorovoromo uvarueje: God-hu hesi Harihu hesi jö majahuijadoho iae mae höjo. O ae rahu God-hu majahuijade jö bogo ma uehorovë'ohohu ãhuro uvoruomajeje: God hu jö sarere jövaje ae höjo. Èhesi bëhoho God-hu hesi Harihu hesi jö majahuijadoho jaburo bogo ma uehorovaruëro jïë'ëro ëhioho uvoruomajeje.

<sup>11</sup> God-hu hesi Harihu hesi jö mae majahuijade hesi bëhoho aviëhije. God-ro darugoho bojamuijê'eje noro baeromo nosi aru'ahoho i'ovoromo ioro'ioremu mae raromo'iröhëgo. Èdarugoho God-are Harihu hesirire jie.

<sup>12</sup> Èhu'ëro ae rahu Harihohu'o gemuore bimuvë'ohohu ã darugoho baeromo hu'o gemuore mae hijajeje. O bogo God-are Harihohu'o gemuore jïë'ohohu bogo ëhioho maho hijajeje.

*Ioro'ioremu mae raromo'iröhëro gavarue jöhoje.*

<sup>13</sup> Naehu jemesi örire jajivaje hesi bëhoho jemëro garomo uvo'irarijêgo: Iae no maro raromaruohu ëhi ioro'iore gemu raromobe va'ëjarë uvo'irarijêgo. God-are Harihu mae uehorovaruje aribövioho jemë uëve.

<sup>14</sup> Ave jöho uehorovoromo ãhuro no birivoromo hesi nunire riravoromo jöho majahuijarueje. God-hu rabe rabe bojamui'i nimajoho noehu ua gavë'ohohu iae hu ejahuajeje.

<sup>15</sup> Noehu ua gavë'ohohu iae ejahuaje hö uvaruëro jïë'ëro ãhu'ëro no uvarueje: No ua gavë'ohohu bojamuego bæjarue höjo.

<sup>16</sup> Ae rahuaru ga'irane Christian ö mueno'ehu mu sisë vaeromo bogo sisërohu va'o hesi jioruomamu gëvë'ohohu jero God ua ganego huro jabesi sisëho ajëmiromo daruge bojëmëgo maro raromo'iro. Na uaromo ë'e mu sisë vaeromo bogo sisëro va'o hesi jio'amaje ariböviohuni God ua ganëjo. A'i mu sisë gö vaejê'ohohu sisëro va'o hesi javue. Na bogo uave: Jero ëhi jïë'e ariböviohuni God ua ganëjo.

<sup>17</sup> God-hu bijönimaje muoho aho'obëhe vaejê'ohohu ëho sisëje. Röhu mu sisë gö vaejê'ohohu no bogo ãhuro sisërohu va'o hesi javue.

<sup>18</sup> No garomo uvarueje: Ae rahu God-are aboji harihu'e javuë'ohohu mu sisëho bogo vaemu vaejarue höjo. God-are Harihohuro tugohuego A Sisëho nosi öriroho bogo ijumavuajeje.

<sup>19</sup> No garomo uvarueje: No God-are aboji harihu'e javuö'i sa'are mu sisë uehorovarue aribövioho aho'o jabumë A Sisë hesi darugoro raromarue höjo.

<sup>20</sup> O no garomo uvarueje: God-are Harihohuro rueromo uehoro maho bojamuijê'e höjo ãhuro noro God garöhëgo God gemu hu mae jiajoho. No hu'o gemuoro javuoromo hesi Harihe Iesu Keriso'o gemuoro javue. Èaho gemu God mahoje. Huro ajamuego no ioro'iore gemu mae raromarueje.

<sup>21</sup> Nasi aboji harihu'e avoho mueberovore. Nadi uvore: Inöme bövie bise'e masije höromo nuninöho bamo'i God dejonöho bamore. Ahia mino'e.

## 2 JOHN

Aëro uvoruomajeje: Jö jabesi örire jajivade ekaresiaehu ame gemuore raromarue jöho John-ro huotovoromo uhu'e magonahehu aboji harihu'e söromo gemuore raromaruëhi ëhi jajivade höjo. O verse 13-re John-hu hijade amore ekaresia jabesi jöho huotovoromo uhu'e uvade magonaho hesi ö hesi aboji harihu'o jönö'e ëhi jajivade höjo.

<sup>1-2</sup> O asë'e aboji harihu'e gagovoromo gemuore raromaruje magonahoho God-ro hesinö javojöro baejavë'e magonahe jave. Ekaresia jabesi a duvahoho naro jemesi örire jejëmie. Jemë'o no'o God-are jö maho uehorovoromo ëhi gemu uehorovobe va'ejo. Ëhuni na bogo ma-döëremuoho uehorovëvo'i dë vövöbajo'e aho'o uehorovëvajeje. Bogo na gemuoho a'i God-are jö ma gavarue aribövioho aho'obëhe jabu'o ëhi gemuoho uehorovëvarueje.

<sup>3</sup> Noro God-are jö maho ejahoromo göëro gö dë vövöbajo'e aho'o uehorovëvo'iramu God Vavuohu'o hesi Harihe Iesu Keriso'o noni vavaenimoromo ajamuiromo huë mae bojamui'ë'e.

*God-are jö mahemu ejahoromo dë vövöbajo'e aho'o uehorovo'iröhe jöhoje.*

<sup>4</sup> Na hejodeje uevamu: Vavuehu uövüadëhi jasi aboji harihu'o ioro'iorohuro God-are jö mahemu ëhi ejaharue höjo. Ëhi hegoro nimoroho avohodeje.

<sup>5</sup> Ma'ino röhu ave jögoru jajivo'ië'ajoho bogo i'ehu jio'i mami'e aevo'i hebe rovare jögorohoje. Naro uëve: Ë'tego no ae aho'obëhe göëro göho dë vövöbajo'ere uehorovo'irarëjo.

<sup>6</sup> Göehu gö dë vövöbajo'ere uehorovo'iröhe hesi bëhoho ëho God-are jögoroho ejahë'e raromo'ejo. O God-are jögoru hesi bëhoho ëho mami'e aevo'i hebe rovarihëhi ëhi jemë göehu gö uehorovë'i raromoi'irarihohoje.

<sup>7</sup> Röhu a sarerëmiarue aribövie aho'obëhe sa'ae dinö'e dinö'e sareri jöho majëhibe jijihoromo uëvarueje: Iesu Keriso bogo a maho rue'i aru'ahëro rovade höjo. Ëhi majëhijarue aribövioho Keriso'o muorovoromo ae sarerëmiarue aribövie jioruome.

<sup>8</sup> Ëhuni avo'avoho mueberovore. Sareri'e jö bogo ejëhë'oho ëhuro mu vaebe rovarihë suvuoroho bogo boremi'ö'i bae barë'aruje.

<sup>9</sup> Ae rahu Keriso-are jö bogo ma'eno titimo'i aruëre anumëre ëma jijihë'oho ëhi jië'oho God rumo'e aribövie jioruome. O ae rahu Keriso-are jö ma'eno titimë'oho God Vavuohu'o Harihohu'o jaburo niö'iro ëhi jië'e ariböviohu'o gemuore jiarueje.

<sup>10</sup> Ae göehu jemesirire ö'oromo Keriso-are jö jiajëhi bogo ëhi majëhijë'oho nadi uëre: Ruehëjo. O nadi jejëmie.

<sup>11</sup> Ae rahu jejëmijë'oho ëhuro iae jemë jabu'o bimuvoromo jabesi mu sisëho vae'a'aruje.

*Ijo tugoho'i jöhoje.*

<sup>12</sup> Na jöe aho'obëhe jajivo'irodoho röhu bogo jajivo'ejo. Na nege ö'oromo jemë'o na'o jöho majahirovoröhëni. Ëhi jië'ohuro ëhuro jemë'o na'o sisë maro nimoroho'ejo.

<sup>13</sup> God-hu baejade magonahe jasi öe hesi aboji harihu'oho jaburo jasi örire jejämijë. Ahia mino'e.

### 3 JOHN

<sup>1</sup> O asë'e nasi isio Gaius God-are ekaresia jabesi a duvahoho naro jasi örire jejamije. Na bogo ma-döëremuoho uehorovavo'i nasi dë vövöbajo'e aho'o uehorovavajeje.

<sup>2</sup> Isio na nege jasi sino haho'ohu'o muohu'o ma-mabëhe javojöro. Iae na gave jasi dë vövöbajo'oho avevejö'oho mae javo'lego.

<sup>3</sup> Èhesi bëhoho Christian ö mueno'ëro rueromo uevareje: Gaius hu God-are jö mahemu ejahaje hö uevamu heromo nimoroho avohodeje. Èho iae maeje. Majae èhi ja God-are jö maho ejahë'e raromanueje.

<sup>4</sup> Mu göëni göënioho na ma-bisemu nimoroho'i aehu uevë'oho: John jasi Christian aboji harihu'ohuro God-are jö maho ejahë'e raromaruë uevamu hejë'oho na nimoroho avohajeje.

*Gaius-hu mu mae vaejumu John-hu rajahijade jöhoje.*

<sup>5</sup> Isio jero mabëhe biririvoromo Christian ö mueno'oho ajëmijanueje. Öre gö jioromo rovvare Christian ariböviohu'o huë mae bojëmijanueje.

<sup>6</sup> Èariböviohuro rueromo ekaresiae aho'o uövuareje: Gaius-ro nosi örire huë mabëhe bojamuijade höjo. Röhu God-hu nimajëhi jaehu bövi bise'o jabumë ajëmiromo rëm'öjamu örire va'ë'oho èho iae mae jio'ë'e.

<sup>7</sup> Èhesi bëhoho God bogo ma uehorovarue aribövi jabesiriroho suvuoroho bogo ujuohë'e ëma ri'öromo va'ë'ejö Keriso-are jöho baeromo jijih'o'iro.

<sup>8</sup> Èhuni Christian aribövioho noro jabumë ajëmi'ejo èhuro no jabu'o bimuvoromo jö ma majëhjarue hesi muoho vaeröhëni.

*Diotrephes'ö Demetrius'ö ë ae niö'i jabesi jöhoje.*

<sup>9</sup> Naro jasi ekaresia jabesi örire jö harihe jajivodeje. Jajivodoho Diotrephes hu böröme vae'i nimë'ëro nosi jöho bogo ejahuaajeje.

<sup>10</sup> Èhu'ëro jjië'ëro na ö'ë'oho huhu vaejaje mu sisëho huruoho majëhi'ejo ekaresiae aho'o heromo uehorovoruomoröhego. Huro nosi jöho huotovoromo uëvajeje: John-mëro èhi jjië'e mu sisëho vaejarue höjo. Hu bogo èhemuoho ë'i Christian ö mueno'ehu ö'ë'oho bogo rajëhiromo baejëvajeje. O ae göehu ajëmi'i nimë'öho huro ahëvoromo uëvajeje: Jemë ë aribövioho ajëmi'ie'e jëvaje rori'o va'ohëjo. Va'oromo nadi ijoho Keriso rajahijarue osaroho ruerëjo.

<sup>11</sup> Isio aehu mu sisë vaejaruëhioho nadi èhioho vae'i a'i mu ma vaejaruëhi èhi vaene. Ae rahu mu mae vaejë'oho èho God-are aribövie jioruome. O ae rahu mu sisë vaejë'oho jabu God bogo gavë'ejö.

<sup>12</sup> Röhu ae aho'obëhe uvoruomajeje: Demetrius hu a mae höjo. Iae hu mu mae vaejaje aeje. Ae aho'o hu garomo èhi uvarueje. Iae no'o uvarueje: Hu a mae höjo. Röhu ja'o gavanueje no jö maemu majëhijego. Èhu'ëro Demetrius-are jö majëhjaruoho èhu'o iae maeje.

*Ijo tugoho'i jöhoje.*

<sup>13</sup> Na jöe aho'obëhe jajivo'irodoho röhu bogo jajivo'ejo.

<sup>14</sup> Na nege ma-burëro ö'oromo ja garomo ja'o na'o jöho majahirovoröhëni.

<sup>15</sup> Huë mae hine. Ja huë baejavarue aganoho jaburo jasi örire jejamijö. O nasi aganoho aho'o gemu gemu jejëmijode höne. Ahia mino'e.



## JUDE

<sup>1</sup> Iesu Keriso-are mu vaejahaje aho James-are öe Jude naro jemesi örire jejëmiye. God Vavuohuro jemë hesinö jëvojöro üevë'ëro jemë dë vövöbajo'e aho'o uehorovëvoromo Iesu Keriso-are burure rëmë'eje.

<sup>2</sup> Na nege God-hu jemëni vavaenimoromo huë mae bojëmiromomo rajëhijaje muoho jemë herovo avoho'irarijego.

*Sareri'e jö røjëhijarue aribövi jabesi jöhoje.*

<sup>3</sup> Aganomë God-hu mare bamavuade jöho jemë'o na'o gemuoho uehorovarueje. Ëhesi jöho na jajivo'i nego avohadeje. Ëhi negamu röhu uvodeje: Ëjöho vuonugo'i jögoru gö jajivë'oho iae mae höjo öre gö bogojevë'ego. Ëhesi bëhoho God-ro hesi aribövioho jöho røjahuijadeje noro ioro'ioremu mae uehorovo'iröhego. Röhu ë jöho a ioro'iorëro huotohuotovoromo røjëhijö. God-are jö huotohuotovoromo røjëhijaruohuni ëhuni jabesi sareri'e jöho biririvoromo aho'irarijego jajivo'irögoru uvodeje.

<sup>4</sup> Ëhesi bëhoho aëro jabesi mu sisëho gurihi'i ekaresia jemesi gemuore ro buarohuromë'eje. Jemë'o buarohuromë'ëro God bogo ma uehorovo'i a'i sareri'e jöho majëhiromomo üvarueje: Jemë öehu jijihanovë'oho iae mae höjo God huë baejêvaje ae jië'ego. Ëhi uëromomo Iesu nosi Bada hu gemuehu bëröme vaejavuaje ë aho jabumëro bijönimoruomajeje. Ëhi jië'e aribövioho i'ue baeromomo sisëro va'oruomoröhego God-are surire jöho ëhi uvë'eje.

<sup>5</sup> Ave jö naehu jajivo'ië'ajoho jemëro he barëj'e jeve. Röhu na maho uë'i nege jemëro avoho uehorovo'irarijego. Israel aribövioho Egypt sa'are sisë'i raromamu Badaro ajëmiromomo mare sö ujuoho rovade höjo. Ëhi ë'ade höjo röhu ijonöho ae rahu bogo ma uehorovaroho huro i'ue mana bojëmamomo sisërëjêvade höjo.

<sup>6</sup> O anera jabesi jöhu'o uehorovore. God-hu bojëmade muoho anera ioro'iorohuro bogo biririvoromomo muebe'irögoru jabumë raromomo'iröhe röhoiho vuonugo'i jabesi mue gö baejare höjo. Ëhi'amu God-ro ioro'ioremu tövëvoromomo ramoramomere taemëvo rëmë'e höjo maja bërömhoho rovego uëröhëro: Sisë jêvaje sisëro va'ohëjo.

<sup>7</sup> O Sodom amohu'o Gomorrah amohu'o jabesi bëhire jiaje amo ioro'iorohu'o ëho jabesi jöhu'o uehorovore. Jabu'o mu sisë bëhe vaeruomade höjo. Mu sisë vaeromomo öëro jijihanovoromomo a'o a'o sihorovoromomo mue gö gö vaeruomade höjo. Ëhi'amu God-ro i'ue mana bojëmiromomo vënoho nugö'öjamu ioro'ioremu ravo'amade höjo aëro garomomo uvoröhego: God-ro ëhi jië'e i'uoho sisë'e aribövioho bojamui'ajëjo.

<sup>8</sup> Ëhi jite röhu jemë'o gagovarue ariböviohuro ëhi jië'e mu sisë gemuoho vaejarueje. Jabumëro uvarueje: Nia'ovo'iraeromomo gavaruëhi ëhi ömë'oho mae hëromomo va'inumimë muoho vaeromomo jabesi sino hahö'oho ijumorovarueje. Jögoru masijoho bijönimarujeje. Aji'e aribövioho ö'idöre raromarue jabesi jöho sisë'i atarueje.

<sup>9</sup> Jabu ëhi sisë'i atarueje röhu urimo Michael anerae bërömo namijajoho bogo ëhioho sisë'ioho jövadeje. Ëhesi bëhoho Moses guomamu Michael'o Satan'o ëhi di aehu Moses-are sino bae'iröhe jöho aho'ahamirovareje. Jöho aho'ahamirovoromomo Michael bogo biriri'övoromomo jö sisëho majahiromomo nibejahi'irögoru ma-uavadeje: Na jöho bogo ua'ejöjo. Jaehu sisë ë'anue jöho hesi Badaro majahi'ajëjo.

<sup>10</sup> Ëhi jië'e sanu'e jö jövadoho röhu jemë'o gagovarue ariböviohuro bogo ëhioho ato'i a'i bogo ma hejarue gavarue jöho ëma sisë'i atarueje. Sisë'i atoromomo simano rumo'e mahu urejehu jijiharüehi jabumëro ëhi bogo uehorovë'e jabesi nimarue muoho ëma vaebe jijihoromomo ëhuro sisërëvorueje.

<sup>11</sup> Jabuhu i'u bae'iröhe majaho iae rue'ë'e. Jabumë a mamie niö'i gemu urimo raromaroho va'ëne jëve. A mamie ae Cain-hu hesi nimoromomo ëma ë'adëhi jaburo öre gemuore jijiharueje. O Balaam-hu moniemu uehorovomomo sareri'e mu a røjëhijadëhi jaburo ëhi jië'e muohuremu vaejarueje. O Korah-hu biriri'övoromomo God-are jö ahamu guomadëhi jaburo God-are jöho ëhi ahuarueje u'emumu vuovëvoröhego.

<sup>12</sup> Jemëhu huë baerovo'i gemuore gagovoromomo i ue'ahë'iroho ë aribövioho jabu'o rovarueje. Rueromomo bogo juhuonivo'i ma-biriri'övoromomo nimorohë'i ioho jövoho mahunö'e ue'aharueje. Ëhi jië'e sisëho ë'ego ëhuro niögu suhi'ere va'inumimë jiajëhi jabesi aru'ahoho ëhi va'inumimë jëvego huë sisë baejarueje. Jabumë ae gö bogo ajëmi'i jabesi sivue ajamirovarueje. Jabumë ëni rumo'e sue burehu bava'ego sa'a bogo rihu bojamaöhoho va'ëne jëve. Jabumë ijo saho va'ëne jëve. Ijo sahojo jabesi bajo rae maja

rovë'iroho bogo raejarueje. Bogo raejago aëro umoromo dirumohu'o jahego ioro'ioremu sisërëjajeje. Jemë'o gagovarue aribövioho ëhi jëve.

<sup>13</sup> O jovehu va'inumi gatogato hasaromo ionire a nunire bu'øjajëhi jabesi sisëho ëhi a nuniro ma-va'orahoro vaejarueje. O ara'ehu vëni ioromo bio baeromo va'ajëhi jabumë ëhi jëvanove. God-hu nugëhade ramoramo sisë mare jië'ire ë rireromoromo ioro'ioremu raromo'ë'ö.

<sup>14</sup> Jemë'o gagovarue ëhi jië'e a sisë jabesi jöho Enoch-ro ae majëhijadeje. Adam-are ujehu jioje rovadoho ro iae Enoch hu number 6-ho jiadeje. Enoch-ro sisë aribövi ijonö diehi jëvoröhe jöho urimo ae majëhiromo uëvadeje: Jemë'o garëjo. Badaro hesi anera maho aho'obëhe mae jabu'o gemuore rue'a'ajëjo

<sup>15</sup> ae aho'obëhe mevavuo'iröhëni gö'i mae o sisë javuego. Mevavuoromo God bijönimoruomaje ae aho'obëhe uërhëni: God nasi örire bijönegoromo ëhi jië'e mu sisëho vaejëvarije höjo. Na bijönegoromo nasi jöho sisë'i bëhe atarije höjo. Èhuro jemë sisë'e aribövie jëvaje sisëro va'ohëjo. Èhi mevëvo'iröhëni Bada rue'a'ajëjo.

<sup>16</sup> Röhu jemë'o gagovarue ariböviohuro nibejëhiromo a jöho aruëre anumëre ëma vaerovarueje. Jabesi sinehu nimajëhi ëhi jijiharueje. Jabesi sivue uehorovoromo dö mare bamorovoromo jö huhe atarueje. Ae gö sanusanuëmijarueje èhuro jabuhu nimaruehi ëhi ë'oruomajöro. Èaribövioho ëhi jië'e aribövie jëvë'leje.

*Avo'avoho biririvoromo raromo'iröhe jöhoje.*

<sup>17</sup> Röhu aganomë jemëro ave jöho uehorovore. Nosi Bada Iesu Keriso-are apostle ariböviehu mami'e majëhinövere jöho uëve.

<sup>18</sup> Majëhiromo uëvareje: Ijo tugoho'i jioröhe majaho dunovo'iramu aëro rueromo God-are jöho sivoromo hu bogo uehorovë'e jabesi sinehu nimajohemu vaebe jijihoruomo'ajëjo.

<sup>19</sup> Èjabuhu uëvare ëhi jië'e ariböviohuro ëhi'oromo jemesi ekaresiaho adovëvarueje hahagu hahagu jëvojöro. God-are Aru'ahoho bogojëvë'ëro jabesi sinehu nimarue muohemu uehorovarueje.

<sup>20</sup> A'i aganomë jemëro God-are jö mahuremu uehorovarujoho biririvoromo gö'o gö'o mae uehorovobe va'oromo God-are Aru'aho hesi uehoroho baeromo God-are öroro jöe atonövore.

<sup>21</sup> Hu jemesi örire huë baejëvaje jiaje èhuni nadi vuonugo'i hu'o gemu mae raromere. Raromoromo muebere nosi Bada Iesu Kerisoro jemesi jöëni vavaenimoromo ajëmego èhuro ioro'ioremu maro raromo'irarije.

<sup>22</sup> Ae göëro uvoruomajeje: Na Keriso-are jöho mae höjo o ëma jöe höjo. Èhi jië'e ariböviohuni vavaenimoromo ajëmire.

<sup>23</sup> Sisëre va'arue örire ae göehu jijihoromo vënire ravorovanovamu gëvë'o ho ma-burëro baejëvorego mae jëvo'i. Ae göehu mu sisë vaejamu gëvë'iroho vavaenimoromo ajëmirego jabesi sisëho vuonugoruomo'iro. Röhu ëhi ajëmijë'o ho gavë'i ajëmiromo jabesi sisëho goro avohore. Jabuhu ömarue muoho iëmijego jemë'o ëhi ömojöëni uëve.

*God mabëhe rajahijarue jöhoje.*

<sup>24</sup> Iae God eni jië'e aego mabëhe ua'ëjo. Jemë guare bejëvo va'ojöëni ma'enëgoromo söjëvo va'oromo huhu hijaje aji mare rëmego nimoroho avohë'i ma-maemu riravo'irarijoho hu eni jie.

<sup>25</sup> Hu A Börömo ho God gemuje. Hu no maro bamavuaeje ajeje. Èhuni no Iesu Keriso nosi Badare jöëni rajahiromo hesi örire ua'ëjo: Jasi ihoho dö maro höjo. Daruge eni javë'e ae javajëjo. Böröme namiromo jasi darugëro bövie bise'e aho'o mae muebe'amanue höjo. Èhi jiemu jioje rovanoho jaruvo ëhi javajoho ëhi jiemu jioje va'a'anuejo. Iae mae. Ahia mino'e.

## REVELATION

*Aevo'i jajivare jöhoje.*

<sup>1</sup> Aveho urimo subivahuadoho Iesu Kerisohu huruohoromo röjahuijade jöhoje. Ëröjahuijade jöho God-ro Iesu bojамadeje huro hesi mu vaejaharue aribövioho röjahuijago noro garomo uvoröhego: God-ro nimo'ego majae ijonö ähi ähi jië'e muohuro nosi örire rue'ië'ajëjo. Ëjjonö rueröhe mu hesi jöho Kerisoro nosi örire röjahui'i nivoromo hesi aneraho uavamu huro barueromo John God-are mu vaejahaje aho röjahijadeje.

<sup>2</sup> God-hu jövade jö Iesu Kerisohu mae röjahijamu John-hu gavadoho aho'o huhu mae jajivo barëjadoho aviaëje.

<sup>3</sup> Ae rahu ave surire jö adahë'o'oho o ave God-are örire jioromo rovade jö heromo rabe rabe jajivadoho ëho ejahë'o'oho iae huë mae bae'a'anue maja börömo'oho dunovë'ero.

*John-hu God-are ekaresiae amo göre göre raromaruoho jejëmjade jöhoje.*

<sup>4</sup> O asë'e ekaresiae aho'obëhe 7 Asia sa'a hesi uhure amo göre göre raromobe rovarujohumë John naro jemesi örire jejëmije. Na nege God mami'e ähi jië'ero hiemu hibe rovë'ero jaruvohu'o ähi hijaje röhu ijonö ähi gemu hiemu hibe va'iröhe ë ahuro jemë huë baeromo ajëmijego maro raromo'irarijego. O na nege God-hu döre hijaje röho hesi nuninö raromarue Aru'ahe aho'obëhe 7 ëho jabu'o ähi gemuoho jemesi örire ajëmi'iröhego.

<sup>5</sup> O na nege Iesu Kerisoro Vavu hesi jöhuremu ma-mae majahuiibe rovë'ero guomoromo huro aevo'ioho ri'öromo hijë'ero a masijo ioro'oro ave sa'a muebejaruoho iosirëmiromo böröme namiromo muebejëvaje ë aho hu'o ähi gemuoho ajëmi'iröhego.

Keriso hu mabëheje. Huro nosi örire uehorovvaujëro jië'ero hesi köho otehoromo guomorovoromo ëhuro nosi sisëho u'ovahuadeje.

<sup>6</sup> U'ovahuoromo ajamuiromo nosi ihoho döro bamahuamu ëhuro no masije rira-voromo priest muoho baejë'e javue noro Keriso-are Böröme o Vavue God-are muoho vaenövoröhëni. Ähi ajamuijë'ego ëhuni uvo'ejo: Hesi ihoho gemu börömo'oho höjo. Daruge aho'o hesiriremu höjo. Ae aho'obëhe no ähi uvemu uvobe va'ëjarëjo. Iae mae.

<sup>7</sup> Gare. Iae hu suehu'o gemu mae ruvebi'ië'e. Ruvebi'iramu ae aho'obëhe röhu hu anare aribövioho jabu'o nunëro garuomö'ë'e. Garomo sa'ae aho'obëhe nierusuburu'e bamoruomö'ë'e. Ejöho iae mae. Iae ähi jio'ë'e.

<sup>8</sup> Bada God-ro uëve: Na urimo ni'i'ivevadoho röhu ijo tugohö'ioho ähi gemuoho jevo'ajëjo. Mami'e jiobe rovadoho röhu avejëjö'oho ähi jioromo röhu ijonöhu'o ähi jiobe va'iröhe aho daruge aho'o jië'e aho God-ro ähi uëve.

*John-hu nia'ovo'iraeromo Keriso gavade jöhoje.*

<sup>9</sup> Röhu John na jemesi agane gavauho jeve. Jemë'o na'o Iesuare ae gemuohuro javuë'ero na jemë'o havoromo huë vavaene baeromo God-are aharire jiajëro hesi ajoho baeromo baberumi namijajeje. Na motumotu hesi ihe Patmos ë remë'ejö rabëni God-hu jövade jö Iesuhu ma röjahuijadoho naehu majëhijajohuni.

<sup>10</sup> Naro Patmos sa'are hiromo hura börömo'oho Bada uehorovarue majaho rovamu iae God-are Aru'ahohuro rumorovevoromo uehore bojëmamü hi'i hejodeje nasi dejonö jö'o öghuro hëgö va'ëne ma-darugo'o rovavamu.

<sup>11</sup> Jö'o öghuro ma-darugo'o rueromo uevavohijo: Mue gö gö ga'amanuoho suri surioro jajivonëjo. Jajivoromo ekaresiae aho'obëhe 7 jabesi öröro nugö'önego adahego hebe va'irarëjo. Ephesus amo raje ekaresiae Smyrna amo raje Pergamum amo raje Thyatira amo raje Sardis amo raje Philadelphia amo raje Laodicea amo raje ëho jabumëro adahobe hebe va'irarëjo.

<sup>12</sup> Ähi jövamu hejë'i hunuorovodeje rahuhu na'o jöe jövajoho ga'i. Ä'i gavodeje iro bahijare gije aho'obëhe 7 gold-ehu avohö'amë'oho ë momorö'ojamu

<sup>13</sup> O iro bahijare gije riravaje ririre a ma va'ëne aho niögu ëgöbövi ba'amamu hörohu'o utahë'e gold-ehu avohë'e hisioho vinebire muoho taemë'e ähi namijamu.

<sup>14</sup> Äa hesi simanohu'o simano uohu'o ajivoromo sa buse jahanovë'e jiohijo. Hesi nunoho vënëro höduvanovohijo.

<sup>15</sup> Hesi höroho ajanie vënëro ravoromo ajivanovohijo. Huhu jö jövajoho jövëro ruomanovoromo ma-darugo'o uvavohijo.

<sup>16</sup> Hesi övo mare jije aho'obëhe 7 jio'amohijo. Hesi jö'ore kaëjö ëge anie ruë jio vië jië'e anio ma-ma'e jiohijo. Hesi nu ano'oho majaehu höröromo ajivego gavaruëhi ähi ajivë'e jiohijo.

<sup>17</sup> Ajivë'e jiamu gavë'i juhuonivoromo hesi hörü'ere bejevoromo hesi bëhire ae guomé'ohuro raromanovodeje. Raromamu hesi övo mahuro nasi sinore bamehoromo uevadeje: Nadi juhuonivëjo. Na aevo'i jevadoho röhu ijo tugoho'i jevo'ajëjo.

<sup>18</sup> Na biririvoromo hijaje ae jevajëjo. Urimo na guomevade höjo. Röhu gevëjo. Na ioro'ioremu hiemu hijajëjo. Ioro'ioremu hiromo darugoho baejë'ëro ëhu'ëro naehu uëvë'ohuro aëro vuovoromo vuovë'e ariböviehu va'o raromaruire ë va'o raromarue höjo. O bogo uëvë'oho bogajo. Na ëhi jië'e eni jevë'e ae jevajëjo.

<sup>19</sup> Ëhuni jaruvo jiaje muohu'o ijönö rueröhe muohu'o jaehu ga'amanuoho ëho jajivo'amonëjo.

<sup>20</sup> Röhu jije aho'obëhe 7 nasi övo mare jio'amamu gavane hesi jö subivahadoho o gold-ehu avoho'amë'e iro gije aho'obëhe 7 ga'amane ë hesi jö subivahadoho ë jöe niö'i jabesi bëhoho ma-sama'e huruoho majahi'ië'ajëjo. Jije aho'obëhe 7 jabesi bëhoho ekaresiae 7 jabumë muebejëvobe va'arue anerae jio'amajëjo. O iro gije 7 jabesi bëhoho ë ekaresia 7-ho jiohe va'ajëjo.

## 2

*Iesuhu Ephesus amore raromarue ekaresia jabesi örire nugö'öjade jöhoje.*

<sup>1</sup> Röhu Ephesus amore raromarue ekaresia jabu'o hiromo muebejëvaje anera hesi öroro ave jöho jajivonego ekaresiae aho'o he'irarëjo. Jajivoromo uënëjo: Nörö bööröme namiromo jije 7 övo mare ma'eno'amë'e iro gije 7 jabesi ririre hi juvaje aho nöröro jöe majëhi'irögoro ë'ajëjo. Uënëjo: Nöröro uvajëjo:

<sup>2</sup> Jemesi muoho iae na gëvajëjo. I'u'e mu masijoho u'urume vae'ego gëvajëjo. O sisë aribövioho jemëro bogo ma-nunëremuoho gë'i ahëvo'ego gëvajëjo. Aëro jemë saretrëmiromo uëvare höjo: No apostle javuajë uëvaroho jemëro jabesi muoho mevoromo gëvarije höjo jabumë bogo apostle maehu jëvamu.

<sup>3</sup> U'urume vaejë'e jëvajëjo. Nasi jöëni vavaeni bööröme baejë'e jëvajëjo röhu bogo u'uvëvë'e höjo.

<sup>4</sup> Ëhi jëvohijajo röhu avehuremu gë'ihöromo na bijönegajëjo. Rabëni jemë aevo'i rajehi avoho'ego gë'növödëhioho avevejö'oho bogo ëhioho ë'ego gëvajëjo.

<sup>5</sup> Urimo dë vövöbajo'e aho'o rajehinövarijoho avevejö'oho u'uhëhanovajoho ëho uehorovoromo sisëho vuonugo'i huotorovoromo urimo ë'onövarijëhi ëhi ë'onövorëjo. Bogo ëhi ë'ë'oho naro ö'oromo jemesi iro gijoho rori'o bava'ejöjo. Bogo huotorovoromo avoho rajehijë'oho iae na ëhi ë'ejöjo.

<sup>6</sup> Iae ëhi höjo röhu aviëhi ë'arujoho iae mae höjo. Nicolaus-are ijore ijore jijiharue aribövi jabesi mu sisë naehu bijönimajëhi jemë'o ëhi gemuoho bijönimaruje höjo.

<sup>7</sup> Ae rahu ja God-are jö hejanue ae javë'oho nasi Aru'ahehu ekaresia majëhibe rovaje jöho heromo avoho uehorovonëjo.

Ae rahu biririvoromo mu sisë ruahö'öjamu gavë'oho Iesu naro ja ua'ejöjo a i'ovëvo'iröhe ije God-are mure namijaje hesi bajoho i'iranego. Ahia mino'ëjo.

*Iesuhu Smyrna amore raromarue ekaresia jabesi örire nugö'öjade jöhoje.*

<sup>8</sup> O Smyrna amore raromarue ekaresia jabu'o hiromo muebejëvaje anera hesi öroro ave jöho jajivonego ekaresiae aho'o he'irarëjo. Jajivoromo uënëjo: Aevo'i jiadoho ijo tugoho'i jioröhe aho guomadoho röhu maho i'ovade aho nöröro jöe majëhi'irögoro ë'ajëjo. Nöröro uvajëjo:

<sup>9</sup> Jemesi huë vavaenoho iae na gëvajëjo. Jemë ave sa'a hesi mae sisë bogojëvajohu'o gëvajëjo. Röhu dë vövöbajo'o uhure bövi mae baejë'e jëvajëjo. Amo jemë agëvarue aribövi jabesi jö sisëho ëhu'o gavajëjo. Jaburo uvarue höjo: No Jew raje javuajëjo röhu Jew rajehu God-are aribövi jiaruëhioho jabumë bogo ëhioho jio'i Satan-are aribövie jiorumajëjo.

<sup>10</sup> Jemë vi'ehe huë vavaene bae'ië'arujoho nadi juhuonivörëjo. Gahëjo. Iae Satan-ro ae uë'a'ajëjo jaburo jemë ae gö gö savoji gagore ba'amëvego huro jemesi dëho bijijoho gërohëro. Ëhi'o'iramu huë vavaene baebe va'öjuvu majae ma-bisemu barë'iramu barëjëho'ajëjo. Röhu biririvemu biririvamu vuovëvë'iroho ioro'ioremu raromo'irarije svuoroho naro bojëmi'ejöjo ruahö'öjarijohuni.

<sup>11</sup> Ae rahu ja God-are jö hejanue ae javë'oho nasi Aru'ahehu ekaresia majëhibe rovaje jöho heromo avoho uehorovonëjo.

Ae rahu biririvoromo mu sisë ruahö'öjè'oho sinoho guomavo'iramu ijönöho aru'ahoho bogo guomavoromo sisëroho va'i maro hi'a'anuejo. Ahia mino'ëjo.

*Iesuhu Pergamum amore raromarue ekaresia jabesi örire nugö'öjade jöhoje.*

<sup>12</sup> O Pergamum amore raromarue ekaresia jabu'o hiromo muebejävaje anera hesi öroro jajivonego ekaresiae aho'o he'iraräjo. Jajivoromo uënëjo: Kaejõ äge anie ruë jio vië jië'e anio ma-ma'e jö'ore jië'e aho nöröro jöe majëhi'ië'ajëjo.

<sup>13</sup> Vaevë'e diehi jië'e amore raromarujoho iae na gëväjëjo. Satan hu ë amore a böröme vaeromo muebejävaje höjo. Èhi höjo röhu nasi ekaresia aribövioho jemëro biririvoromo nasi iho ma'enarujë höjo. Urimë'i Antipas-ro nasi jöho mae majëhijamu hegorovo ë Satan-hu hijajire raromarue amo rajohuro hu anamu guomade höjo. Guomamu röhu jemëhu nasi örire mae uehorovevarijoho bogo vuonugarije höjo.

<sup>14</sup> Èhi höjo röhu avehuremu bogo maehu jio'i sisë höjo. Jasi ekaresia aribövie göëro göëro Balaam-hu mu sisë vaejadëhi èhi gemuoho vaejarue höjo. Èhesi bëhoho urimë'i Balaam-ro a börömo hesi ihe Balak röjahiromo uavade höjo: Jero èhi'oromo Israel rajoho sarerëminego sisëro revo'irajo. Balaam-ro jö sisëho èhi röjahijamu hegorovo rue a börömohuro ejahoromo Israel rajoho dinëmijamu jaburo God-are jöho ahoromo uvare höjo: Inöme gö gö aru'aho'e höromo rajahiromo mioho ë inömo inömohuni bahjèhoromo vituoho ue'ahoromo öëro jijihanovoruomade höjo. Balaam-ro èhi jië'e mu sisëho röjahade höjo.

<sup>15</sup> Balaam-hu mu sisë urimo röjèhijadëhi jaruvoho èhi jië'e mu sisëho Nicolaus-ro röjèhijego ae gö jemesirire raromaruohuro hesi ijore ijore jijihoromo mu sisë vaejarue höjo. Mu sisë vaejego jemëro ma-raromoro nunëremu gëvaruje höjo.

<sup>16</sup> Èhi jië'e mu sisë ma-nunëremu gëvarujoho vuonugo'i ë mu sisëho ahëvohëjo. Bogo ahëvë'oho naro ma-burëro ö'ejëjo. Ö'oromo nasi jö'ore jiaje kaejõho baeromo ë sisë ariböviohu'o muorovo'ejëjo.

<sup>17</sup> Ae rahu ja God-are jö hejanue ae javë'oho nasi Aru'ahëhu ekaresia majëhibe rovaje jöho heromo avoho uehorovonëjo.

Ae rahu biririvoromo mu sisë ruahö'öjumu gavë'oho naro suvuore bojami'ejëjo. Suvuore hesi bëhoho urimë'i God-are ariböviehu a rumo'e sa'are jijihamu God-hu muebejëvoromo ö'idöre jiaje i i'imëmijadëhi naro ja èhi muebejavoromo gurihijë'e ö'idöre jiaje ioho i'imami'ejëjo i'iranego. Ö'idöre jiaje ioho i'imamiromo ajivë'e munëho bojami'ejëjo. Èmunë hesi döre iho i'e jajivë'e jio'a'ajëjo. Èihoho jasi sivue ga'a'anuëjo. A göho bogaja. Ahia mino'ëjo.

*Iesuhy Thyatira amore raromarue ekaresia jabesi örire nugö'öjade jöhoje.*

<sup>18</sup> O Thyatira amore raromarue ekaresia jabu'o hiromo muebejävaje anera hesi öroro jajivonego ekaresiae aho'o he'iraräjo. Jajivoromo uënëjo: God-are Harihe nunire vënehu höduvanovoromo hörure ajani vënehu ravoromo ajivanovaje aho nöröro jöe majëhi'ië'ajëjo.

<sup>19</sup> Iae na gavajoho jemë mu mae vaejaruje höjo. Jemë na'o a ioro'iorohu'o rajahuiromo na mae uehorovevoromo nasi muoho vaejehoromo muoho u'urume vaejë'i biririvaruje höjo. Urimoho mu mae ma-bisemu vaejarijoho jaruvoho börömo bëhe vaejaruje höjo.

<sup>20</sup> Iae èhi gavajëjo röhu avehuremu gë'ihöromo na bijönegajëjo. Magonahe gemu Jezebel-hu urimë'i hiromo mu sisë barovadëhi magonahe gemuëro jemë'o hiromo mu sisëho èhi gemuoho barovaje höjo. Mu sisëho barovego jemëro bogo aho'i ma-nunëremu gavaruje höjo. Ma-nunëremu gavego ë magonahohuro jemë'o hiromo sarerëmiromo uëvaje höjo: Na jö God-aro baeromo majëhijaje magonahejevajeromo Iesu nasi mu vaejeharue aribövioho sarerisarerie jöho röjèhiromo uëvaje höjo: A'o magonaho'o ëma sihamirovë'oho iae mae höjo. O inöme gö gö aru'aho'e jio'amajëromo jabumëni bahjèhare mi ue'ahë'oho iae mae höjo. Èhi jië'e sarerie'ë jöho majëhijego nasi ariböviorohuro uvarue höjo: Hesi jöho mae höromo ejaharue höjo.

<sup>21</sup> Èhi ë'ë'e höjo röhu Iesu naro bogo burëroho i'uoho bojami'i ma-muebejë'ejevajëjo huro uehoro sisëho vuonugo'i uehoro mae baeröhego. Röhu önö'e mu sisë röjèhijajoho vuonugo'iröhoho bijönimajëjo.

<sup>22</sup> Bijönimë'ëgo èhuni iae Iesu naro i'ue mana bojami'iramu guomo guome baeromo röhoremu raromo'ajëjo. Raromo'iramu ë magonahohu'o önö'e jijihaje aribövioho jabu'o èhi vi'ehe böröme bae'a'aruëjo. Jabumë ë magonaho hesi jö ejaho'i bogo vuonugë'oho èhi jië'e vi'ehi börömoho bojëmi'ejëjo.

<sup>23</sup> O ë magonaho hesi ijore ijore jijiharue aboji harihu'oho Iesu naro muo'amo'iramu vuovëvo'ajëjo. Vuovëvo'iramu gagorovo ekaresiae aho'obëhe amo göre göre uvobe va'oruomo'ajëjo: Nöröro ae aho'obëhe nosi simanoho dë vövöbajo'oho mevavuo barëjaje höjo gö'i mae o sisë javuego. Mevavuo göromo nosi mu diehi vaejarue hesi manaho èhi bojamui'ajëjo. Ekaresiaëro èhi uehorovoruomo'ajëjo.

<sup>24</sup> Rõhu Thyatira amo rajo a ioro'ioroho jemëro ë magonaho hesi jö sisëho bogo ejaharuje höjo. O hesi ariböviehu uëvaruoho: Satan-are uhu jö hesi bëhoho no bæjaroho jemë'o baerë uëvaruoho jemë bogo ejëharuje höjo. Bogo ejëharujohuni ëhuni Iesu naro jemesi örire ave jöho uë'ië'ajëjo. Jemë mu böröme bæjë'ego ë hesi döroho muoho bogo gö'oho bojëmi'ejöjo.

<sup>25</sup> Rõhu ë mu bæjarijoho biririvoromo ma'enegro Iesu na ö'iröjo.

<sup>26</sup> Ae rahu mu sisë ruahö'öromö biririvoromo nasi mu ma'enobe va'ojuvo jasi maja barëjë'oho naro ja daruge bojami'iramu sa'ae aho'o muebejëvo'anuëjo.

<sup>27</sup> Sa'ae gö gö muebejëvoromo aehu rama anoromo hahovaruëhi jero ëhi ha'itoho baeromo vörö'o muebejëvo'anuëjo. Naehu ëhi'oromo sa'ae gö gö muebejëvo'irodego nasi Vavuehu uevadëhi naro ja ëhi ua'ejöjo sa'ae gö gö vörö'o muebejëvo'iranego.

<sup>28</sup> Naro ëhi uaromo sisonu'e gavarue mujöru hesi ajoho bojami'ejöjo.

<sup>29</sup> Ae rahu ja God-are jö hejanue ae javë'oho nasi Aru'ahehu ekaresia majëhibe rovaje jöho heromo avoho uehorovonëjo. Ahia mino'ëjo.

### 3

*Iesuhu Sardis amore raromarue ekaresia jabesi örire nugö'öjade jöhoje.*

<sup>1</sup> O Sardis amore raromarue ekaresia jabu'o hiromo muebejëvaje anera hesi öroro jajivonego ekaresiae aho'o he'irarëjo. Böröme namiromo God-are Aru'ahe aho'obëhe 7 o jije aho'obëhe 7 bæjë'e aho nöröro jöe majëhi'ië'ajëjo. Jemëhu mu vaejarujoho iae na gavajëjo. Na gavajoho ae aho'obëhe uvoruomaje höjo: Sardis ekaresiaho jemëro God-are daruge baeromo mae raromaruje höjo. Jemesi jöho ëhi atarue höjo. Rõhu jemë bogo ëhioho jëvo'i jemesi aru'ahoho God-are darugo rumo'ëro jiehë'ëro vuovëhë'e höjo.

<sup>2</sup> Èhuni ri'ö nune dadovohëjo. Vëni duoroho'ië'ajoho mueberomo huego avoho ravo'irajo. Duoroho barëjëho'ajëjo. Na gavajoho nasi A Börömohe God-ro uvaje höjo: Jemesi muoho bogo maehu höjo.

<sup>3</sup> Èhuni Christian jö rabe majëhijamu hejarijoho avo'avoho uehorovoromo eromo uehoro sisëho vuonugohëjo. Bogo ri'ö nuni dadovoromo avoho uehorovë'oho naro vajiohëro ö'ejöjo. Naehu ö'irode majaho bogo mae bogo ga'arujëjo.

<sup>4</sup> Jemë ëhi jëvajëjo rõhu jemesi Sardis amo raje ae gemu gemu jabesi niögöho avo'avoho muebejë'ëro va'inumoho bogojiehajëjo. Èaribövioho maëro jëvë'ëro ëhuni ajivë'e niögöho io'amoromo na'ö gemu mae jijih'aruëjo.

<sup>5</sup> Ae rahu biririvoromo mu sisë ruahö'öjë'oho ajivë'e niögöho ëhi ba'amo'anuëjo. O jasi ihoho mae raromemu raromo'iröhe aribövi jabesi surire jajivodoho na bogo mu'uvaho'ejöjo. Bogo mu'uvaho'i a'i naro nasi Vavu hesi nunire o anera jabesi nunire namiromo jasi ihoho ma-samae majëhiromo uë'ejöjo: Ave aho nasi a maho höjo.

<sup>6</sup> Ae rahu ja God-are jö hejanue ae javë'oho nasi Aru'ahehu ekaresia majëhibe rovaje jöho heromo avoho uehorovonëjo. Ahia mino'ëjo.

*Iesuhu Philadelphia amore raromarue ekaresia jabesi örire nugö'öjade jöhoje.*

<sup>7</sup> O Philadelphia amore raromarue ekaresia jabu'o hiromo muebejëvaje anera hesi öroro jajivonego ekaresiae aho'o he'irarëjo. Jajivoromo uënëjo: Bogo sisëho bogo sareri'oho jio'i ma-maëremu jiaje aho nöröro jöe majëhi'ië'ajëjo. David-hu böröme namiromo God-are öri ari'ere va'iröhe öroho muebejadëhi naro ëhi muebejaje höjo. Naehu öri jiovë'iroho ae göehu tugöho'iröhoho bogo eni höjo. O naehu tugöhë'iroho ae göehu jiovö'iröhoho bogo eni höjo. Èhi jieh'e a börömohe Iesu naro jöe majëhi'ië'ajëjo.

<sup>8</sup> Jemëhu mu vaejarujoho iae na gëvajëjo. Hehëjo. Naro mu öroho jemëni jiovëhë'e jëvajëjo. Jiovëhë'ëro ae göehu tugöhëho'iröhoho bogo eni höjo. Iae na gavajoho jemesi darugöho bogo bövioho jieh'e jemëro nasi jöho ejehoromo nasi ihoho ae aho'o jabesi nunire huruoho majëhiromo uëvë'e jëvajëjo: Iae no Iesuare aribövie javuajëjo.

<sup>9</sup> Iae Satan-are ariböviohuro jemesi amore raromoromo uvoruomaje höjo: No Jew raje javuajëjo. Rõhu Jew rajehu God-are aribövi jiaruëhioho jabumë bogo ëhioho God-are aribövioho jio'i Satan-are aribövie jioruomajëjo. Rõhu hehëjo. Naro jabumë ruahö'öjëvo'iramu jaburo ö'oromo jemesi hörünö ague aho raromoromo gëromo uvoruomo'ajëjo: Jemë Iesuhu rajëhaje aribövie jëvajëjo.

<sup>10</sup> Nasi örohuni jemë u'urume vaejë'i biririvonövo'irarijego uëvode höjo. Èjöho jemëro ma'enë'e jëvo'ego ëhuni naro jemë ma'enëgo'ejöjo. Ma'enëgo'iramu huë vavaene sa'ae dinö'e dinö'e rueromo ae aho'o jemesi dëre bijiohë'iroho jemë mae riravo'arujëjo.

<sup>11</sup> Naehu rue'irode majaho dunovajëjo. Èhuni jemëhu bæjarije mu maho nadi vuonugo'i ma-avoho mueberëjo ëhuro aho bogo iosirëmiromo jemesi suvuroho bæjëho'iröhe höjo.

<sup>12</sup> Ae rahu biririvoromo mu sisë ruahö'öjé'oho naro baejavoromo nasi A Böröme God-are osare bamavo'iramu bönunö'e bibivoromo namijanovo'anuejö bogo ijoho rori'o va'iranëro. O nasi A Böröme God-are ihoho jasi sinore jajivaho'ejöjo ja hesiremu javoröhego. O nasi A Böröme God-are amo hesi ihoho sinore jajivaho'ejöjo. ËJerusalem amo i'oho nasi A Böröme God-hu hijajire ö'idöre jioromo ruvebi'iröhoho ë amo hesi ihoho uavajöjo. O nasi iho i'ohu'o jasi sinore jajivaho'ejöjo.

<sup>13</sup> Ae rahu ja God-are jö hejanue ae javë'oho nasi Aru'ahehu ekaresia majëhibe rovaje jöho heromo avoho uehorovonëjo. Ahia mino'ëjo.

*Iesuhu Laodicea amore raromarue ekaresia jabesi örire nugö'öjade jöhoje.*

<sup>14</sup> O Laodicea amore raromarue ekaresia jabu'o hiromo muebejëvaje anera hesi öroro jajivonego ekaresiae aho'o he'irarëjo. Jajivoromo uënëjo: Mae jövaje aho na jevë'ego God-are jöho maro maro huruoho majëhijaje aho na jevajöjo. God-hu bövi bise'o bamadoho uevamu avoho'amode aho Iesu naro jöe majëhi'ie'ajëjo.

<sup>15</sup> Jemesi muoho iae na gëvajëjo. Jemë nanioho bogo nëgo avohaje höjo bogo bijönëgo avohaje höjo. Nëgo avoho'ibejajo o bijönëgo avoho'ibejajo na mae jevo'ibejajo.

<sup>16</sup> Röhu bogo nëgo avoho'i bogo bijönëgo avoho'i uehore ma-ririre jëvajohuni ëhuni sabonö'e ijuhö'öjëvo'ejöjo.

<sup>17</sup> Jemëro uvaruje höjo: Nosi sivue bövie bise'e eni javuajëjo. Marohë'e mae javuajëjo. Böviëni bise'ënioho bogo vavaenoho baejarue höjo. Ëhi ataruje höjo. Röhu jemesi uhuroho bogo ëhioho jëvajëjo. Jemë vaevë'e huë vavaeni'e bövi bise'o rumo'e nuni sisë'e ma-sinëremu raromarujëjo. Ëhi jëvajoho ëho bogo gavaruajëjo.

<sup>18</sup> Ëhuni ave öri avoho röjëhi'ie'ajoho avoho herëjo. Nasi gold ma-mabëhe ajivë'oho nasiro imoromo jemesi ujuohorego marohë'e mae jëvo'irajo. Ajivë'e niögoho nasiro imoromo io'amego sinëremu raromoromo a nunire javoji'e mu vaejarujoho tugohego mae jëvo'irajo. Nuni hesi osoho imoromo rue jemesi nuni maro buerovego jemesi simanoho ajivëvego avoho uehorovo'irarije höjo.

<sup>19</sup> Röhu naehu huë baejëvaje aribövioho i'ue bojëmiromo avo'avoho röjëhijaje höjo sisëho vuonugo'i ma-avoho jijihö'irarijago. Ëhuni jemëro nimo avohoromo huotorovoromo uehoro maemu baerëjo.

<sup>20</sup> Hehëjo. Naro osare ö'irögoro amonö namiromo jemesi ojore ano'anovajëjo. Ae rahu nasi huë heromo ojo jiovehë'oho naro rumo ö'oromo ja'o hiromo gemuoro ioho i'ëjarëjo.

<sup>21</sup> Ae rahu biririvoromo mu sisë ruahö'öjé'oho urimo naehu biririvoromo sisë ruahö'öromö ajiomoromo nasi Vavu hesi röho mare hu'o gemu mae hijë'ëro bövi bise'o muebejëvajëhi naro ëhi ja ua'iramu nasi röho mare ö'oromo na'o gemu mae hiromo na ajemiromo bövioho bise'oho muebe'amo'anuejö.

<sup>22</sup> Ae rahu ja God-are jö hejanue ae javë'oho nasi Aru'ahehu ekaresia majëhibe rovaje jöho heromo avoho uehorovonëjo. Ahia mino'ëjo.

## 4

*Ö'idöre raromoromo God rajahiruomaje jöhoje.*

<sup>1</sup> Ëhi'amu naro ga'i gavodeje ö'idöre va'arue ojoho jiovo nugë'e jiamu. Jiovo nugë'e jiamu gagorovo hejode hëgöehu uvanovaje urimo jö majehijade ahuro röhu maho madarugo'o jöe majehiromo uevavamu: Avehuro rojomego ijönö mu diehi diehi jio'iröhoho na röjahijöjo.

<sup>2</sup> Ëhi uevamu hejë'i God-are Aru'ahohuro na avohevoromo simanoho huotoveho barëjamu gavë'i naro ö'idöre muoho garomo gavodeje a börömehu hijaje röhohe ö'idöre jiamu. Ëhi jio'ego ae gemu ë hihijo.

<sup>3</sup> Hi'ego munë mabëhe gö gö kavuë'e ajivë'e jio'amoromo jinojino'irae'amajëhi hesi nu ano'oho ëhi jinojino'irae'hijö. Röhu nuogëro röhohe numohijö. Munëhu mabëhe rövajëhi nuoguhuro nomoromo ëhi rövhohijö.

<sup>4</sup> Ëröho maho ririre jio'i a duvahe aho'obëhe 24 ruë numë gemu gemu röho mare raromo rova'oruomohijö. Ajivë'e niögoho io'amoruomë'e a masijehu didi'aruëhi jjë'e bosöe gold-ehu avoho'amarohö simanore didi'oruomë'e ëhi raromohijö.

<sup>5</sup> Röhu ririre röhere baderivo'ego varuru vajeri'e vae'i hijavohijö. O ë röho ma hesi nuninö iro bunö'irae'amadoho aho'obëhe 7 kavuo'amohijö. Ëiro jabesi bëhoho God-are Aru'ahe aho'obëhe 7-hoje.

<sup>6</sup> O röho ma hesi nuninöho jovo e'u deri va'ëne ajivo avohë'e börömo böröme jiohijö. O röhohe ririre jio'i God rajahjarue maje 4-ho ionö göre ionö göre dejonö nuninö ëhi riravo rova'oruomohijö. Nu ano'e ruë numë ma-nunemu jioruehijö.

<sup>7</sup> Ĕmajoho göho lion va'ene jio'i göho cow ano'e harihu va'ene jio'i göho ma-a nu ano'o va'ene jio'i göho buruhehu hetejeko gavaruēhi hesi nu ano'oho ēhi jiohijo.

<sup>8</sup> God rajahijarue maje 4-ho gemu gemu vivoje aho'obēhe 6 6 jio'amohijo. Jabesi vivoju uhohu'o dōnōhu'o sino haho'oho aho'o ma-nunemu jio'amohijo. Rōhu majae vahie sisono bogo vuonugē'e ma-jōe iemu ioromo uvarueje:

Bada God maemu maemu maemu jio'i daruge aho'obēhe hesirohemu hōjo.

Mami'e jioje rovadoho jaruvo jiajoho rōhu ijonō jio'irōhoho hōjo.

<sup>9</sup> God rajahijarue majohuro God ēhi ma-mabēhe rajahiromo jōho iarueje rōho mare hiromo ioro'ioremu hibe va'aje a hesi ihoho dō maro jiorōhego.

<sup>10</sup> Ĕmaje 4-ehu ēhi rajahiromo jō iē'iroho rue a duvahoho aho'obēhe 24 jaburo rōho mare hijaje a hesi nuninō ague aho raromoromo hesi ōrīre rajahijarueje hu ioro'ioremu hibe va'aje jiē'ego. Rajahiromo jabesi a masijehu simanore didi'arue bosōho God-hu hijaje nuninō rideho bahijarueje. Bahiromo uavarueje:

<sup>11</sup> Nosi Bada God jero bōvie bise'e bamane hōjo.

Jero nimoromo avohē'ero jio'amajējo.

Ĕhuro ja mae javē'ego iho bōrōme aje aho'o daruge aho'o jasi gemu hōjo.

## 5

*Huhohē'e sure God-are Sheep Harihe Iesu gemuehu jiovo varijēne jōhoje.*

<sup>1</sup> Ĕhi'amu gavodeje rōho mare hiromo muebejavuaje aho God-ro hesi ōvo mahuro huhohē'e suroho ma'enē'e jiamu. Ĕsuroho ruē jajivo viē jajivoromo huhohoromo sivaēro aho'o 7 Ĕmino'e suroho badihi taemo'amē'e jiohijo.

<sup>2</sup> O gavodeje darugo'e anerahuro ma-darugo'o uvamu: Rahu a bōrōme javē'oho badihi taemo'amade sivaho goho'amoromo suri jiovo'iranoho eni javajējo.

<sup>3</sup> Ĕhi uvamu rōhu ō'idōre sa'are sa'a uhure ēhi jiē'e a bōrōmoho nahoromo bogo mae bogo birohareje huhu ē suri jiovoromo adaho'irōhoho.

<sup>4</sup> Ĕhi jiē'e aho bogo birohamu ēhuni na sisē maro nivodeje.

<sup>5</sup> Nivamu a duvahe gemuēro uevadeje: Nadi nivo'i ave jōho hejējo. A bōrōme gemu iae eni jiajējo. Lion-hu mi ioro'ioro iosirēmiromo darugo'e jiajēhi huro Judah rajo ioro'ioroho ēhi iosirēmiromo darugo ma'e hōjo. David urimo hinōvade a hesi ujo bōrōme hōjo. Ĕhuro sisēho ruahō'ōjē'ero sivae 7 goho'amoromo suri jiovē'oho hu eni hōjo.

<sup>6</sup> Eni hōjamu hejē'i gavodeje Sheep Harihoho namijamu. Mami'e aēro anamu guomē'ero sinore batato'e jiē'e ēhi namijamu. A duvahoho ruē numē riravo rova'ego God rajahijarue maje 4-ho ruē numē riravo rova'ego ē Sheep Harihoho riri mare God-are rōho ma hesi ririre namihijo. ĔSheep-oho dane aho'obēhe 7 o nune aho'obēhe 7 ēhi jio'amohijo. Ĕnune aho'obēhe 7 jabesi bēhoho God-are Aru'ahe 7 sa'ae dinō'e dinō'e rēmō'ōjadohoje.

<sup>7</sup> Amo ē Sheep Harihohuro rueromo rōho mare hijaje aho God hesi ōvo mare jiaje suroho baehijo.

<sup>8</sup> Suroho bae'ego God rajahijarue maje 4-ho a duvahe aho'obēhe 24-ho jaburo Sheep Harihu hesi nuninō sa'are ague aho raromohijo. Jabumē gemu gemu gita ōvore ujuohē'e gold'e ramare ridi'e buejarue vēni u'oho ujuohē'e jiohijo. Ridi'e buejarue vēni u'i hesi bēhoho God-are aribōviehu hesi ōrīre atarue jō'o ōgohoje. Gita'o ramare vēni u'ohu'o ujuohē'e ague aho raromoromo

<sup>9</sup> jō i'oho ioromo uaruomohijo:

Ja maēremu javē'ero ēhuni suri baeromo siva goho'amē'oho eni javajējo.

Aēro anagamu jasi kōho otehoromo guomane hōjo. Guomoromo ēhuro ae ajēmijane hōjo. Agane gō gō huē gō sine gō sine gō gō sa'ae dinō'e dinō'e sisē'i raromoromo jero guomoromo ēhuro imēvoromo baejēvoromo God-arinō rēmane hōjo.

<sup>10</sup> God-arinō rēmoromo jabesi ihoho dōro bamēhamu ēhuro jabumē masije riravoromo priest muoho baejare hōjo

nosi A Bōrōme God hesi muoho vaenōvorōhēni.

Priest muoho baejē'ero ijonō masije vaeromo sa'are ae muebejēvoruomō'ajējo.

<sup>11</sup> Ĕhi uaruomamu naro garomo hejodeje anerae aho'obēhe mae bogo adaho varijēnoho uvoruomamu. God-are rōho maho o God rajahijarue majoho o a duvahoho ēho ririro jio'amo'i ē aneraho aho'obēhe ruē numē raromo rova'oruomohijo.

<sup>12</sup> Raromo rova'oromo ma-darugo'o uvoruomohijo:

Anamu guomade Sheep-oho mae hōjo.

Ĕhu'ero darugo maho inōmo inōme aho'o uehoro maho vōrō maho iho maho aji maho ma-hesiro gemu hōjo.



Noro hu gemu rajahi'ejarëjo.

<sup>13</sup> Ëhi uvoruomamu hegoroovo hejodeje God-hu bamade bövie bise'e ö'idöre sa'are sa'a uuhure jovo gagore raromaruoho ëho jaburo aho'obëhe uvoruomavamu:

God röho mare hijaje ahu'o Sheep Harihohu'o

iho maho aji maho darugo maho ma-jabesiro gemu höjo.

Ëhi jiemu jlobe va'ië'ego jabumë gemu rajëhiemu rajëhinövo'ejarëjo.

<sup>14</sup> Ëhi uvoruomamu hegoroovo rue God rajahijarue maje 4-ho jaburo uvoruomohijo: Ejöho iae mae-ëjo. O a duvahoho jaburo sa'are ague aho raromoromo God'o Sheep Harihohu'o rajëhiruomohijo. jöhoje.

## 6

*Suri badihi taemë'e siva dadovobe va'ade*

<sup>1</sup> Ëhi'oruomamu gagorovo gavodeje surire sivae 7 badihijaroho gemu Sheep Harihohuro aevoromo gohamu. Gohamu evare hejodeje God rajahijarue maje 4-ho röhu gemuëro varurehu anajëhi ëhi uvavamu: Rovëjo.

<sup>2</sup> Rovëjamu hegoroovo ga'i gavodeje sino ajivë'e horse jiamu. Röhu ë horse hesi döre hijade aho pevae ma'enohijo. Mami'e muorovoromo ruahö'öjé'ego bosö mabëhoho hesi simanore didi'ahohijo. Didi'aho'ego va'ohijo muorovoromo huro muorove aho'o ruahö'ö'amo'iröhëni.

<sup>3</sup> Ëhi'ego Sheep Harihehu urimo surire sivae gemu gohadoho röhu number 2-ho gohohijo. Jiovamu evare hejodeje God rajahijaje majo göhuro uvavamu: Rovëjo.

<sup>4</sup> Rovë'ego ae sino kavuo avohë'e horse-re ruehijo. Rueromo vöröe bojami'ego baehijo ëhuro sa'ae gö gö huë mae baerovarue muoho ijumëhego ae göëro göho muo'amo'iröhëgo. Ëhi ë'iröhëgo muorovarue kaejö ëgoho hesi örire bojamihijo.

<sup>5</sup> Ëhi'ego Sheep Harihehu urimo surire sivae niö'i gohadoho röhu number 3-ho gohohijo. Gohamu evare hejodeje God rajahijaje majo göhuro uvavamu: Rovëjo. Rovëjamu naro ga'i gavodeje ae rövä'e horse-re hiromö i'u gavarue inömohe baejë'e rovamu sa'a hesi iruno'oho ga'iröhëro i'ue dimino'e jiego.

<sup>6</sup> Ae rövä'e horse-re hiromö i'u gavarue inömohe baejë'e rovamu gagoro hejodeje God rajahijarue majo jabesi ririre jioromo aëro jövanovoromo sino rövä'e horse-re rovade a hesi örire uavavamu: Jero sa'a iruno'e ijumo'anuejo. Ijumo'iramu iruno'oho sisërëromo bogojianovo'ajëjo. Ioho bogojianovo'iramu ëhuro hesi manaho ajiomö'ajëjo. Ajiomö'iramu aehu i imö'ië'iroho majae gemu hesi mu vaejare manaho bu'ö barëromo ëhuro majae gemu hesi iruno'o maho o majae niö'i gemu hesi iruno'o sisëho ujuoho'aruëjo. Suvuoroho ëmino'e ajiomö'ajëjo. Röhu jaehu iruno'o ijumë'oho olive ijo bajohu'o grape ö'i bajohu'o bogave ijumo'iranëjo.

<sup>7</sup> Ëhi'ego Sheep Harihehu urimo surire sivae niö'i gemu gohadoho röhu number 4-ho gohohijo. Gohamu evare hejodeje God rajahijaje majo göhuro uvavamu: Rovëjo.

<sup>8</sup> Rovëjamu hegoroovo ga'i gavodeje ae sino jio'ajivë'e horse-re rovamu. Jio'ajivë'e horse-re rovade a hesi ihoho A Vuovëvo'iröhe Aho jiadeje. O ae gö hesi ijore ruehijo. Hesi ihoho Vuovë'e Aribövi Raromarue Öri ari'oho jiadeje. Jabu niö'i vöröe bojëmi'ego baehijo sa'ae aho'obëhe tariojogo ëhi niö'i ëhi niö'i jiego jaburo gemu baeröhëni. Gemu baeromo ijumëvego göëro göhu'o muorovoromo vuovoröhëgo. Ie barëromo vuovoröhëgo. Guomo guomo sisë baeromo vuovoröhëgo. Je'o miëro umijego vuovoröhëgo.

<sup>9</sup> Ëhi'ego Sheep Harihohuro urimo surire sivae 4 gohadoho röhu number 5-ho gohohijo. Gohamu evare gavodeje vuovëvë'e a jabesi aru'ahoho God-ni suvuoro bahijarue maratu bëhire sa'are raromamu. Èraromare hesi bëhoho urimoho ë ariböviohuro God-are jöho uehorovoromo biririvoromo majëhinövareje. God-are jöho biririvoromo majëhijamu gagorovo aëro muo'amamu vuovëvadeje. Muo'amamu vuovëvë'ëro ëhu'ëro jabesi aru'ahoho ë raromohijo.

<sup>10</sup> Raromoromo ma-darugo'o uvoruomohijo: O asë'e Bada ja darugo eni jië'e ae javajëjo. Ja mu sisëho bogo vaejanue o sareri'e jöho bogo jövanue a ma-maemu javajëjo. Röhu ë sa'are raromarue ariböviohuro no bijuëmavuare höjo. Èhuni ja majae dimino'e ma-nunëremuoho gëbe va'oromo evare ë jabesi mu sisëho mevo gëromo i'uoho mana bojëminëjo.

<sup>11</sup> I'uoho mana bojëminëjamu ajivë'e niögu ëgoho ë aribövioho suvuorëmi'ego ujuohoruomohijo. Ujuohoromo hejareje uëvavamu: Majae ma-bisemu ëgo'o nuhanovorëjo hujëji jemë muo'amëvarëhi jemë'o nasi mu vaejarue ö mueno'o aehu muo'amego vuovoröhe aribövi ioro'ioroho rue barëjogo evare i'uoho mana bojëmi'irode höjo.

<sup>12</sup> Ēhi'ego Sheep Harihehu urimo surire sivae övo gö mine gohadoho röhu number 6-ho gohohijo. Gohamu evare gavodeje sa'aho börömo böröme hijiohijiovamu. Sa'aho hijiohijiovo'ego niögu sisë rövë'e jiajēhi maja nunohuro ēhi rövo'ego manaerohuro kō va'ēne kavuohijo.

<sup>13</sup> Manaerohuro kavuo'ego buru börömehu rueromo meso hijiovego meso böso i'ehu rireromo ruvebijajēhi jiji mujōru'ohuro ēhi sa'are rireromo ruvebihijo.

<sup>14</sup> Rireromo ruvebi'ego aehu suri huhohago bogo gavaruēhi ö'idöhuro ēhi arorovoromo sisērē va'ohijo. Dahore aho'obēhe o sa'a dirō dirō'e jovore jio'amajoho aho'obēhe arua anumiae va'ohijo.

<sup>15</sup> Arua anumiae va'ego sa'are a masijo masijoho a duvaho ioro'ioroho muorovo a masijoho inōmo marohē'e aribövioho darugo'e aribövioho a jabesi muemu vaejarue aribövioho jabesi nimoro mu vaejarue aribövioho ēhi ae aho'o huruomo va'oromo juju gagore dahorure munē burure gurihirovo barēhijo.

<sup>16</sup> Gurihirovo barēromo uvoruomohijo: Dahoroho munēho jemēro ahoromo urahahuego ēhuro röho mare börömo hijaje ae God bogo gö'irajo. O Sheep Harihu hesi vöröho no bogo baejavuo'irajo.

<sup>17</sup> Ēhesi bēhoho vörō majaho rovē'e hōjo. Raro ē vöröho uraho nami'a'ajējo.

## 7

*God-hu hesi aribövie 144,000 avoho muebejevade jōhoje.*

<sup>1</sup> Ēhi'amu gavodeje anerae 4 riravamu. Sa'ae aho'o dinō'e dinō'e jiajoho ririre jio'i jabumē aruhiae anumiae aruae aviae riravo rova'ohijo. Riravo rova'oromo anerae gemuēro gemuēro burehu rovaoho gemu gemu tugohohijo buroho bogo rueromo sa'aho jovoho ijoho huosihorōho.

<sup>2</sup> Buroho ēhi tugohamu gagorovo na gavodeje anerae göēro aruhe maja rojomajire jioromo rojomamu. Rojomoromo God darugo'ehu hijaje hesi jajivarue inōmoho hesi övëro baejē'e riehijo ēhuro God-are aribövi jabesi sinore taemēhego jaji'e jio'amo'irōhego. Rueromo ma-darugo'o uvohijo rue anerae 4-ho jaburo hejōro mami'e sa'a'o sō jovo'o ijumo'irōhe vöröho God-aro baeruemē'ero.

<sup>3</sup> Uvoromo uvohijo: Jemēro sa'aho jovoho ijoho nadi vejō'oho ijumo'amohējo. Hujeji God-are mu vaejarue aribövi jabesi varijore God-are soroho jajivēhego evare jemēro ē jajoho garomo uvo'irarijogo: God-ro tugohē'e hōromo jemēro jabumē bogo ijumēvo'i öri ari'ohemu ijumo'irarije hōjo.

<sup>4</sup> Ēhi uvavamu hejē'i hejodeje aēro uevamu: God-are soru varijore baejare aho 144,000 emino'e hōjo. Israel hesi agane 12 aho'obēhe baebe va'ē'e hōjo.

<sup>5</sup> Judah'o hesi ujoho 12,000. Reuben hesiroho 12,000. Gad hesiroho 12,000.

<sup>6</sup> Asher hesiroho 12,000. Naphtali hesiroho 12,000. Manasseh hesiroho 12,000.

<sup>7</sup> Simeon hesiroho 12,000. Levi hesiroho 12,000. Issachar hesiroho 12,000.

<sup>8</sup> Zebulun hesiroho 12,000. Joseph hesiroho 12,000. Benjamin hesiroho 12,000. Ēaribövioho 144,000 jaburo God-are soroho baerumade hōjo.

*God-are aribövie ae aho'obēhe riravorumade jōhoje.*

<sup>9</sup> Ēhi'amu naro ga'i gavodeje ae aho'obēhe mae riravamu. Bogo adaho varijēnoho jiohijo. Sa'ae dinō'e dinō'e agane gö gö sine gö gö huē gö aribövioho ajivē'e niögu ēgoho io'amē'e juva hanoho ujuohē'e God-are röho ma hesi nuninō Sheep Harihu hesi nuninō riravohijo.

<sup>10</sup> Riravoromo ma-darugo'o uvoruomohijo: God röho mare hiromo muebejavuajohu'o Sheep Harihohu'o jaburo niō'iro mabēhe ajamuromo manō babamavuē'e hōjo.

<sup>11</sup> Ēhi uvoruomamu God-are röho maho riri mare jio'i God rajahjarue maje 4-ho ruē numē riravo rova'i röhu majo jabesi dejonō a duvahoho ruē numē raromo rova'i röhu a duvaho jabesi dejonō ē aneraho aho'obēhe ruē numē riravo rova'ohijo. Ēhi riravoromo röho ma hesi rirōre ague aho raromoromo God rajahiruomohijo.

<sup>12</sup> Rajahiromo uvoruomohijo: Aveho iae mae-ējo. Aji maho uehoro maho iho maho darugo maho vörō maho nosi Böröme God-aremu jiajoho ēhi ma-jiemu jiobe va'a'ajējo. Ma-jiemu jiobe va'iē'ego noro hu gemu rajahiromo huē mabēhe uanōvo'ejarējo. Iae mae-ējo.

<sup>13</sup> A duvahe 24-ho röhu gemuēro ri'ōromo na uehijo: Ēajivē'e niögu ēgo io'amē'e aribövioho rahumē jiorumajējo. Dinō'e jioromo rueruomade hōjo.

<sup>14</sup> Rueruomade hōjamu naro uavodeje: Na bogo gavajējo. Jasi jero gavanuējo. Jasi jero gavanuē'ego rue a duvahohuro uehijo: Ēajivē'e niögu io'amē'e aribövioho ēho bogo vuovēvē'e sa'are raromamu evare Iesu bijōnimarue ariböviohuro jabesi örire huē vavaene

börömo bëhe bojëmamu baerumade höjo. Baeromo röhu iae mae ruerumade höjo. Jabumëro God-are Sheep Harihu hesi köhuro jabesi niögoho u'oruomamu jabesi sisëho barëjhë'ëro niögoho ma-ajemu jiëho'amajëjo.

<sup>15</sup> Èhu'ëro jië'ëro jabumë God-hu hijaje röho ma ë hesi nuninö riravoromo hesi osare vahie majae ma-hesi muohemu vaemu vaejahoruomaje höjo. Vaejaho'iramu röho mare hijaje ahuro jabu'o gemu mae hiromo mu sisëho raboho tugohëho'iramu munë bururo raromanovoruomo'ajëjo.

<sup>16</sup> Munë bururo raromanovoruomo'iramu ijonöho vadunoho bogo hömëvonövo'ajëjo. Huëho bogo girihëvonövo'ajëjo. Majaho bövioho bise'oho bogo ravëvo'iramu sinoroho vörö'iraeromo birebirëgonövo'ajëjo.

<sup>17</sup> Rabëni hesi bëhoho God-are Sheep Harihe röho ma hesi ririre hijaje ahuro ë aribövioho hesi Sheep ömo'ömeago gagovëvoromo muebejëvonövo'ajëjo. Muebejëvoromo sö ujuohoromo a i'ovëvo'iröhe jovore ë va'onövo'ajëjo. Èhi'o'iramu God-ro jabesi nuni jovoho miorëho'iramu jabesi huë vavaenoho aho'obëhe barë'ajëjo.

## 8

*Suri badihi taemo'amare sivae 6 gohobe rovadoho ijo tugoho'i number 7-ho gohade jöhoje.*

<sup>1</sup> Èhi'ego Sheep Harihehu urimo surire sivae övo gö mine övo göre gemu gohadoho röhu ijo tugoho'i number 7-ho gohohijo. Goho'ego evare ö'idöho jörumoraebe va'öjuvo half hour rabu'e barëjadeje.

<sup>2</sup> Èhi'amu evare anerae 7 God-are nuninö riravaruoho naro gëvodeje. Riravoromo hëgöe aho'obëhe 7 bojëmi'ego gemu gemu ujuohohijo.

<sup>3</sup> Ujuoho'ego anerae göëro gold'e hevöho baeromo ruehijo ose ë bamoromo vënëro buejego ridi'e vëni u'ohuro God-ni ajiomoröhego. Hevöho baeromo God-ni suvuro vënehu buejarue maratue gold-ehu avohare ë hesi bëhire rueromo ë namihijo. Nami'ego aëro ose aho'obëhe bojami'hijo huro God-hu hijajire nuninörire maratuore ë bamoromo buejego God-are ariböviohuro ëninamijego ëninamaruohu'o ridohu'o gemuoro havoromo God-arire ajiomoröhego.

<sup>4</sup> Osoho bojami'ego anerahuro övëro ma'eno'ego God-are ariböviehu ëninamaruohu'o ridohu'o gemuoro havoromo God-arire ajiomohijo.

<sup>5</sup> Èhi'ego anerahuro ridi'e hevöho baeromo God-ni suvuro vënehu buejarue maratu döre ravë'e vënoho aegoromo irijiomö'ego vënoho suvoromo io'amo'ego sa'are rireromo abuehijo. Rireromo abue'ego baderivoromo vajeri varuru'e vaeromo sa'aho hijiohijiovhijo.

*Aneraehu hëgö huobe rovere jöhoje.*

<sup>6</sup> Èhi'ego rue anerae aho'obëhe 7-ho hëgöe gemu gemu ujuohë'ëro huo'i jö'ore bamohijo.

<sup>7</sup> Jö'ore bamoromo anerae number 1-ohuro hëgöho huohijo. Hëgöho huo'ego ënëro direjohijë'e masijohu'o vëni'o kö'o buarohë'oho otehö'ö'ego ö'idöre jioromo sa'are rireromo abuehijo. Rireromo abue'ego sa'ae aho'o ije aho'o niö'i gemu tarijaroho gemu ö'idöre jioromo rireromo abuejade vënohuro ravo barëhijo. O garasi rude rövë'e maho aho'obëhe ravo barëhijo.

<sup>8-9</sup> Èhi'ego anerae gemuehu hëgö huadoho röhu number 2-ohuro hëgöho huohijo. Hëgöho huo'ego evare dahoru böröme vënehu ravanövë'ohuro ahoromo sö jovo e'ure abuehijo. Abue'ego sö jove aho'o jovo mie aho'o boat aho'o niö'i gemu tarijaroho jovëro dirö'e gemu köraehijo jovo mie ë dirö'e gemuore vuovohijo boat ë dirö'e gemuore dadorovo'amohijo. Röhu dirö'e niö'i bogo.

<sup>10</sup> Èhi'ego anerae niö'iehu hëgö huaroho röhu number 3-ohuro hëgöho huohijo. Hëgöho huo'ego jiji böröme ö'idöre jioromo vënëro ravanövë'e be'abuehijo. Be'abueromo rova'o'amë'e jove aho'obëhe sa'a gagore rojomo'amaje jove aho'obëhe niö'i gemu tarijaroho dirö'e gemu taemohijo.

<sup>11</sup> Taemamu jovoho ajuovadeje jiji hesi ihoho Ajuo'ëro jië'ëro. Ajuovo'ego ae aho'obëhe ë jovoho ue'ahoromo ajuomo'amoromo vuovohijo.

<sup>12</sup> Èhi'ego anerae aho'obëhe niö'i gemuehu hëgö huaroho röhu number 4-huro hëgöho huohijo. Hëgöho huo'ego majae manaere jiji mujöru'e ha'ose aho'obëhe niö'i gemu tarijaroho gemu sisërëhijo. Sisërëromoramoramovohijo. Ramoramovë'ëro èhu'ëro majaehu sisonu'e jeni'e maja'e ajivo'iröhe majae bamo'iröhoho niö'i gemu tarijaroho gemu bogo ajivo'i ramoramovohijo. O manaerehu jiji mujöru'ehu vahie ajivo'iröhe majae niö'i gemu tarijaroho gemu bogo ajivo'i ramoramovohijo.

<sup>13</sup> Ĕhi'amu naro ga'irōgoro ĕ'amu gavē'i evare hejodeje buruhohuro dōre biojē'i uvavamu: O vaevē'e vaevē'ĕjo. Sa'are raromaruje aribōvioho anera ioro'ioroho niō'i gemu jaburo hēgōho huobe va'iramu jemē sisērĕjĕvo'ajĕjo.

## 9

<sup>1</sup> Ĕhi'ego anerae ĕhi niō'i ĕhi niō'iehu hēgō huaroho rōhu number 5-huro huohijo. Huamu gavode jijoho ō'idōre jioromo sa'are be'abuejĕ'e jiamu gagorovo gavodeje gua gago ĕgobōvi ma ĕ hesi ojo jiovarue key-oho aĕro jiji hesi ōrire bojami'ego baejamu.

<sup>2</sup> Gua hesi ojo jiovarue key-oho baenugoromo gago ĕgobōvi hesi ojoho jiovhohijo. Jiovo'ego vĕni bōrōmo bōrōme gua gagore jioromo u'ivoromo rojomohijo. Rojomoromo majaho tugoho'ego ōri ari'oho aho'obĕhe ramoramovohijo.

<sup>3</sup> Ramoramovo'ego guaeviguaeiviĕro vĕni u'ire jioromo sa'are ruvebiruomohijo. Ruve-biromo ĕ guaeviguaeiviohuro niani'ō hesi vōrō va'ĕnoho baejareje ae ijumo'amorōhĕni.

<sup>4</sup> Vōrōho baeromo rōhu heruomadeje uĕvavamu: Garasie ije ō'e iruno'e resu resue rabe rabe sa'are jiajoho bogave ijumo'irarijĕjo. God-are soru varijore bogojiĕ'ohemu ijumĕvorĕjo.

<sup>5</sup> Ijumĕvĕ'oho jabumĕ nadi muo'amĕvo'irōgoro niani'ōehu umijego vi'ehĕgaje ĕhi jiĕ'e vi'ehoho manaere ōvo gō mine bojĕmibe va'orĕjo. Ĕhi uĕhijo.

<sup>6</sup> Ĕhi uĕvadĕhi ĕ manaere ōvo gō mine hesi uhure ĕ ijumĕvĕ'e aribōvioho vuovo'i nĕgō'ĕ'e. Vuovo'i nĕgō'iramu vuovo'i ōroho bogo biroho'ĕ'ō.

<sup>7</sup> Rōhu ĕ guaeviguaeivi jabesi sino haho'oho muorovo'irōgoro avohĕhare horse-oho va'ĕne jio'amohijo. O jabesi simanore gold'e bosō va'ĕnoho didi'ĕho'amĕ'e jiohijo. O jabesi nu ano'oho a nosi nu ano'o va'ĕne jio'amohijo.

<sup>8</sup> O jabesi simano uoho magonahe simano rudu'e jabesi u jiajĕhi ĕhi jiohijo. O jabesi anoho vōsō'e lion jabesi ano va'ĕne jiohijo.

<sup>9</sup> Rōhu aehu muorovo'irōgoro biriri'e niōgehu vinebi tugohoromo io'amarue ĕhi jiĕ'e biriri'e niōgoho vinebire io'amĕ'e jiohijo. O vivojehu dihodiodhovoromo huosihĕ'oho ĕho muorovo'i va'i horse-ehu maratu jagu ujuohoromo darugo'o va'ego garahōrō'e baejego hejaruĕhi ĕhi jiavhohijo.

<sup>10</sup> Rōhu jabumĕ uho'e jio'amohijo. Jabesi uhoho vōrō'e niani'ō uho va'ĕne jio'amohijo. Vōrōho uhore jiĕ'ĕro ĕ uhohuro manaere ōvo gō mine umibe va'ĕ'ō.

<sup>11</sup> Rōhu ĕ guaeviguaeivi jabesi bōrōmo vaeromo muebejĕvaje aho gua gago ĕgobōvi muebejaje anera sisĕhoje. Ĕanera hesi ihoho Hebrew jōĕro uvarueje: Abaddon-ajo. O Greece jōĕro uvarueje: Apollyon-ajo. Ĕiho hesi bĕhoho bōvi bise'ō ijumo'amajohoje.

<sup>12</sup> Guaeviguaeivi rueruomade vavaeni'e muoho iae barĕ'i rōhu buruhehu uvade vavaeni'e muoho niō'i gō'o rue'ĕ'e.

<sup>13</sup> Iae anerae ōvo gō minehu hēgō huaroho rōhu number 6-huro hēgōho huohijo. Hēgōho huamu hejodeje God-are nuninō namijaje gold'e maratu osore osore jioromo uvavamu.

<sup>14</sup> Uvoromo ĕ vejĕ'e hēgō huaje aneraho uavavohijo: Nume anerae ĕhi niō'i ĕhi niō'i Euphrates jovo bōrōmore tōvĕvaroho jiovo nugō'ō'amĕjo.

<sup>15</sup> Jiovo nugō'ō'amĕjamu rue hēgō huade aneraho ĕ anerae ĕhi niō'i ĕhi niō'i tōvĕvaroho jiovo nugō'ō'amohijo ae aho'obĕhe sa'are raromaruho niō'i gemu tarioromo niō'i nugo'i gemu muo'amo'irōhego ĕ aneraho ĕhi niō'i ĕhi niō'i God-ro tōvĕvoromo bamĕvĕ'ĕro ĕ majaho ĕ manaeroho ĕ vadunoho rovego jiovo nugō'ō'amego ĕ sa'are aribōvioho muo'amĕvorōhego.

<sup>16</sup> Rōhu ĕ anerae 4 jabesi horse-re va'arue muorovo aribōvioho iae 200 million jiadeje. Ĕjōho iae na hejodeje.

<sup>17</sup> Rōhu ĕ muorovo'irōhe horse jabesi o horse va'arue muorovo aribōvi jabesi nu ano'oho nia'ovoro gavodeje. Jabesi vinebho biriri'e niōgohuro tugohoromo io'amĕ'e jiohijo. Rōhu biriri'e niōgu jabesi nu ano'oho kavuĕ'e vĕni hōdu va'ĕne rōvĕ'e vĕni u'i va'ĕne o hōvĕ'e munĕ ravoromo hōdu hōvĕ'e jiajĕhi ĕhi jio'amohijo. Rōhu horse jabesi simanoho lion jabesi simano va'ĕne jio'amohijo. Rōhu vĕni hōde vĕni u'e o hōvĕ'e munĕ ravoromo hōdu hōvĕ'e jiajĕhi jiĕ'oho ĕho jabesi jō'ore jioromo suorovohijo.

<sup>18</sup> Horse jabesi jō'ore jioromo suorovoromo vĕni hōdoho o u'oho o hōvĕ'e munĕ hōvĕ'e jiajĕhi jiĕ'oho ĕ mu sisĕhuro ae aho'obĕhe sa'are raromaruho niō'i gemu tarijaroho niō'i rĕmo'i gemu ravĕvo barĕjadeje.

<sup>19</sup> Rōhu ĕ horse jabesi vōrōho jabesi jō'ore o jabesi uhore jiohijo. Jabesi uhoho simano'e jiohijo ĕhuro ae ijumo'amo'irōhĕni. Jabesi uhoho simano'e jiĕ'ĕro ĕhu'ĕro ĕ uho jabesi nu ano'oho sigobu sisĕ jabesi nu ano'o va'ĕne jiohijo.

<sup>20</sup> Ēmu sisēhuro ēhi rueromo ijumēvo'ego a ioro'ioroho vuovēvo'i ioro'ioroho bogo vuovēvohijo. Bogo vuovēvadeje rōhu inōmo sisē jabesi ōvehu avohoromo uehorovaruoho bogo uehorovoromo vuonugo'i a'i inōmo sisē gold-ehu o silver-ehu o copper-ehu o munē gōehu gōehu o ijehu avoho'amaroho sarerivoromo uvoruomohijo: Ēho aru'aho'e hōromo uehorovemu uehorovoruomohijo. Rōhu ēhi jiē'e inōmoho bogo uheriharueje. Bogo hejarueje. Bogo jijiharueje. Ma-momorō'ōjarueje. Ēhi jiē'e inōmohu'o aru'aho sisēhu'o uehorovaruoho bogo vuonugo'i ēhi ma-uehorovoromuomohijo.

<sup>21</sup> Ēhi ma-uehorovoromo a muo'amarue muoho bogo vuonugoromo iro oso'e muoho bogo vuonugoromo ōnō'e muoho bogo vuonugoromo vajiohu'e muoho bogo vuonugo'i ma-vaemu vaeruomohijo.

## 10

*Aneraehu suri bise'o John bojamamu ijade jōhoje.*

<sup>1</sup> Ēhi'amu gavodeje anera gōho hesi darugoho bōvi maho jiē'ero suēro numē'e simano dōre nuoge ba'amē'e sa'are ruvebijamu. O hesi nu ano'oho maja va'ēne ajivē'e jio'i hesi hōroho vēni hōdu ēgobōvi va'ēne jiohijo.

<sup>2</sup> Rōhu huhoharue suri bise'oho jiovē'e ē anerahuro ōvēro ma'enhijo. O hesi hōru maho sō jovo dōre bamo'i hesi hōru adoho sa'a dōre bamoromo ēhi namihijo.

<sup>3</sup> Ēhi namiromomo lion-ehu uvaruēhi ēhi ma-vōrōēremu uvohijo. Uvo'ego vajeroho aho'obēhe ōvo gō mine ōvo gōre niō'i ano'amoromo dirō'e gōre gōre ēhi uvobe va'ohijo.

<sup>4</sup> Vajeroho anoromo uvobe va'amu hejē'i ē vajerehu uvare jōho naro jajivo'irōgoro ē'odeje. Jajivo'i ē'irōgoro hejodeje jōe ō'idōre uevavamu: Vajere ōvo gō mine ōvo gōre niō'i uvaroho nadi jajivo'i subivēhonējo.

<sup>5</sup> Rōhu hōru gō sō jovore bamo'i hōru gō sa'are bamē'e namijamu gavode anerahuro ōvo maho ō'idōre nugojiomohijo.

<sup>6</sup> Nugojiomoromo God-are ihore darugo'e jōho majēhiromomo uvohijo: Ioro'ioeromu hijaje aho God ō'idō sa'a jovo bōvi bise'o avoho'amade ahuro ge'ego na ave jōho majēhi'irōgoro ē'ajējo. Ijonōho bogo muebe'irōgoro

<sup>7</sup> a'i anera gōhuro hēgōho huo'iramu evare God-hu mami'e subivahuade mu jiorōhe jō God-hu hesi mu vaeromo jō majēhjarue aribōvi uēvadoho ē muoho iae jio barē'ajējo.

<sup>8</sup> Ēhi uvamu rōhu urimo ō'idōre uevavamu hejode ahuro jōe gō majehiromomo uevavohijo: Rue anera hōru gō jovore bamo'i hōru gō sa'are bamo namiromomo jiovē'e suri ōvehu ma'enajoho ē suroho jero va'oromo baejējo.

<sup>9</sup> Ēhi uevamu hegorovo naro va'oromo aneraho uavodeje: Suri bise'oho bojēmijējo. Suri bise'oho bojēmijējamu uevadeje: Mē suroho baeromo ijējo. Baeromo i'iramu jō'ore vuomēro rihuamanovo'i rōhu dē vi'ehago'ajējo.

<sup>10</sup> Vi'ehago'ajējamu naro baeromo ijamu vuomēro rihuemanovoromo hejodeje dē vi'ehagavamu.

<sup>11</sup> Vi'ehagamu aēro uevareje: Rōhu maho ri'ōromo sa'ae dinō'e dinō'e sine gō gō huē gō gō sa'are a masije gō gō ēho jabesi jō God-hu jōvajoho jero majēhinego ae aho'obēhe he'irarējo. Jasi muoho ēhi hōjo.

## 11

*God-are jō majēhijare ae niō'i jabesi jōhoje.*

<sup>1</sup> Ēhi ue'ego aēro guduodo va'ēne vahu baejarue ijahe memiromomo uevavohijo: Ri'ō va'oromo God-are javu bōrōmo hesi vahuoho o God-ni mi suvuoro buejarue maratu hesi vahuoho baeromo ganējo dimino'e jiego. O osare raromoromo God rajahijarue aribōvioho adahoromo ganējo dimino'e jiego.

<sup>2</sup> Rōhu God-are javu hesi vahu baejē'oho rirōnōho nadi baenējo. Ēhesi bēhoho javu rirōho Jew rajoho bogo a'i sa'a gō raje God-are jō bogo heruomaje aribōvi jabesi ōrire bojēmijē'e hōjo. Jabesi ōrire bojēmijē'ero jabumēro rueruomoromo God-are amo bōrōmoho Jerusalem manaere 42 hesi uhure hōru duruajo'ero vaeruomō'ajējo.

<sup>3</sup> Hōru duruajo'ero vae'i ē'iramu evare nasi jō majēhijare ae niō'i naro uē'iramu jabumēro niōgu sisēho io'amoromo nasi jōho majēhibe va'irōhoho ē manaere 42-ho barē'ajējo. Ēhi uevavohijo.

<sup>4</sup> Ēae niō'ioho ēho sa'a muebejaje a God-are nunire rirarovarue olive ije niō'ioho va'ēne o hesi nunire rirarovarue iro niō'ioho va'ēne jēve. Ēhesi bēhoho ē olive ijo niō'i jabesi jovo baeromo buejego ajivajēhi o ē ire niō'i buejēvego ajivajēhi ē ae niō'iohuro ēhi God-are darugoho baeromo ajoho barue'ē'ō.

<sup>5</sup> Rõhu aehu ë ae niõ'i jabesi õrيره ijumëvo'ie'iroho vënëro ë ae niõ'i jabesi jõ'ore jioromo rueromo nu huodëgarue aribõvioho ravëvo barë'ë'e. Ae rahu jabumë ijumëvo'ie'oho iae ëhi vuovëvo'ë'e.

<sup>6</sup> Rõhu ë ae niõ'ioho jaburo vörõho bae'ë'õ ëhuro God-are jõ majëhjarue majaho rovego evare ënoho tugohego bogo ruejuvo jõho majëhi barëjego evare ruerõhego. O vörõho bae'ë'õ ëhuro jabesi divare nëgë'iroho jove gö gö ijumo'amego kõ'irae'amorõhego o uvego sa'are aribõvioho guomo guomo sisë gö gö bae'amorõhego.

<sup>7</sup> Amo jabesi jõho majëhibe va'ojuvo barë'iramu vörõ'e majo sisëhuro gua ëgobõvire jioromo rojomoromo ae niõ'iohu'o muorovo'ë'e. Jabu'o muorovoromo ruahõ'õjëvoromo anëgo'iramu vuovëvo'ë'e.

<sup>8</sup> Vuovëvo'iramu jabesi sinoho amo bõrõmo hesi õri bõrõmore ëhi raromëvo'ë'e. Ëamoho sisëgo ëhuni uvarueje: Ëamoho Sodom o Egypt hõjo. Rõhu urimë'i ë ae niõ'i jabesi A Bõrõmoho aëro guduumoromo ë ame gemuore korosire anareje. Amo ë ame gemuore jabesi sinoho raromëvo'ë'e.

<sup>9</sup> Raromëvo'iramu sine gö gö agane gö gö huë gö gö sa'ae dinõ'e dinõ'e aribõvioho ëho jaburo rueromo ë ae niõ'i jabesi sinoho ërimëhoromo uarovonõvo'ë'õ: Bogo guavëvo'ëjarëjo.

<sup>10</sup> Ëhi uarovoromo sa'are raromarue aribõviohuro uvoruomo'ë'e: Ëae niõ'iohuro huë vavaene aho'obëhe nosi õrيره bojamuinõvare hõjo. Rõhu vejõ'oho vuovëvë'e höromo nimoronimorohoromo suvoramirovo'ë'õ. Ëhi'ojuvo majae niõ'i gemu rõhu ma-bisemu hesi ijore barë'ë'e.

<sup>11</sup> Ëmajaho barë'iramu God-ro jõ'o õgëro jabesi nu gagore huosihëho'iramu vuovëvadoho i'ovoromo ri'õromo dõro rirarovo'ë'õ. Dõro rirarovo'iramu ae aho'obëhe jabumë gëromo juhuonivo aho'õ'õ.

<sup>12</sup> Juhuonivo'iramu ë ae niõ'iohuro he'ë'õ õ'idõre jõe uvo'iramu: Avehuro rojomohëjo. Avehuro rojomohë'iramu evare jabumë nu huodëgarue aribõviohuro ga'ë'õ ë ae niõ'ioho õ'idõre suëro numëvobe ajiom'o'iramu.

<sup>13</sup> Õ'idõre ajiom'o'iramu evare sa'aho hijiohijivo'ë'e. Sa'aho hijiohijivo'iramu amo taritarivaroho dirõ'e 10 jië'ëro dirõ'e 9 mae jio'i dirõ'e gemu ijumo barë'ë'e. Dirõ'e gemu barë'iramu ae aho'obëhe 7,000 vuovëvo'ë'e. Vuovëvo'iramu a ioro'iorohuro juhuonivoromo uvo'ë'õ: Asë'e õ'idõre hijaje ae God hesi ihoho bõrõme hõjo. Ëhi jiorõhoho naro nia'ovoro gavodeje.

<sup>14</sup> Vavaeni'e mue niõ'i buruhehu uvadoho iae barë'i rõhu number 3-oho ma-burëro rue'ë'e.

*Aneraehu hëgõe 6 huobe rovaroho ijo tugoho'i number 7-ehu huade jõhoje.*

<sup>15</sup> Iae anerae õvo gö mine õvo göre gemuehu hëgõ huaroho rõhu ijo tugoho'i anerae number 7-huro hëgõho huohijo. Hëgõho huo'ego õ'idõre darugo'o uvoromo uvoruomavohijo: Jaruvoho nosi Bada God'o God-hu uavë'ëro bõrõme namiromo ajamuijaje aho Keriso'o jabu niõ'iro darugoho baejë'e hõjo bövie rirarovoromo sa'ae aho'obëhe muebe'amorõhëni. Darugoho baejë'ëro God-ro bõrõme namiromo muebemü muebebe va'onõvo'ajëjo.

<sup>16</sup> Ëhi uvavamu hegorovo a duvahe aho'obëhe 24 a masijehu raromarue rõho mare God-are bëhire raramaruhuro ri'õromo ague aho raromoromo God rajahiruomohijo.

<sup>17</sup> Rajahiro mo uvoruomavohijo:

O asë'e Bada God daruge aho'o baejë'e ae javajëjo.

Urimë'i jioje rovanoho jaruvohu'o ëhi gemuoho hiemu hijanue ae javajëjo.

Jasi darugo bõrõmoho baeromo dõ mare hiromo aevoromo aho'obëhe muebejavuë'ëgo ëhuni rajahijaruëjo.

<sup>18</sup> Urimoho sa'ae dinõ'e dinõ'e raromarue aribõviohuro vörõ'iraejë'e raromonõvare hõjo. Jaruvoho jero jabesi õrيره vörõ'iraejanuëjo.

Majaho rovë'e hõjo vuovëvë'e aribõvi mevëvoromo gë'iranoho mae o sisë jëvego.

Gëromo jasi mü vaejahoromo jõ baeromo majëhjarue aribõvi jabesi mana bojëmi'iranoho jasi aribõvi ma jabesi mana bojëmi'iranoho

jasi iho mae uehorovarue aribõvioho ininore va'o masijore jabesi mana bojëmi'irane ë hesi majahu'o

sa'are bövi bise'o ijumaruoho mana ijumëvo'irane ë hesi majahu'o rovë'e hõjo.

<sup>19</sup> Ëhi uvo'ëgo God-are osae õ'idõre jiajoho jiovohijo. Jiovo'ëgo God-are jõgoru jiaje maua va'orahoro jiohijo. Va'orahoro jio'ëgo baderivoromo vajerü varuru'e vaeromo sa'aho hijiohijiovoromo ënëro direjohijë'e masije darugo'o ruvebihijo.

## 12

*Sigobu börömehu magonaho sihade jöhoje.*

<sup>1</sup> Ëhi'amu gavodeje bogo gavaruëhi jië'e mu böröme gö ö'idöre jiamu. Ëmu hesi bëhoho magonahe gemu jiohijo. Majae niögu va'ëne ba'amë'e jiohijo. O hõroho manaerore bamë'e jiohijo. O hesi simanore jije aho'obëhe 12 inovoromo bosö va'ëne didi'ahë'e jiohijo.

<sup>2</sup> Röhu hu dë'ëro jië'ëro raho'irögoro vi'ehe böröme baeromo hara'uoromo darugo'ö jö'e dadovavohijo.

<sup>3</sup> Ëhi'ego bogo gavarue mu böröme gö'ö ö'idöre ruehijo. Ëmu hesi bëhoho kavuë'e sigobu börömo böröme jiohijo. Vörö'e mae jiohijo. Hesi simanoho aho'ö övo gö mine övo göre niö'i jio'amohijo. O hesi danoho aho'obëhe övo gö mine övo gö mine jio'amohijo. O sigobu simanoho gemu gemu a masijehu io'amaruëhi jië'e bosöhuro didi'ö'amë'e jio'amohijo.

<sup>4</sup> Röhu jije aho'obëhe ö'idöre jio'amajoho niö'i gemu tarijarohe dirö'e gönö niö'i nugo'i dirö'e gönö gemu sigobu hesi uhohuro sa'are ujuoho io'amohijo. Ujuoho io'amoromo ë harihu raho'ië'aje magonaho hesi nuninö raromoromo muebehijo rahego harihoho i'iro.

<sup>5</sup> Raromoromo muebe'ego rue magonahohuro harihoho rahohijo huro ijönö hujejo ha'itoho baeromo sa'ae dinö'e dinö'e raromarue aribövioho vörö'ö muebejévego jaburo hu gemu ejahoröhego. Amo harihoho raho'ego ë aho ma-majioho ba'ojio God-hu röho mare hijajire ë nugohijo.

<sup>6</sup> Evare vëmhuro ju'ebiro mo arue a rumo'e sa'are va'ohijo God-hu avohahade öri ari'ere ë hijego God-ro ajamiromo muebebe va'ego majae aho'ö 1260 barë'iröhego.

<sup>7</sup> Ëhi'ego ö'idöre muorovohijo. Anera böröme Michael'ö huhu muebejévaje anerahu'ö ëho jaburo ri'öromo sigobohu'ö muorovoruumohijo. Muorovo'ego sigobohu'ö sigobu hesi anera ömo'ömo'ö mana muorövëmihijo.

<sup>8</sup> Muorövëmihijo rueho jaburo sigobohu'ö hesi ariböviohu'ö taemëvohijo. Taemëvoromo uëhijo: Ave ö'idöho ioro'ioeremu vuonugo'i va'ohëjo.

<sup>9</sup> Ëhi uënugoromo ë sigobu böröme ö'idöre jiajoho baba'amohijo. Ësigoboho ni'i'ivadire jiohe rovadoho hesi ihoho Devil'ö Satan jiohijo. Sa'ae dinö'e dinö'e raromarue aribövi sareramuido juvaje ahoje. Hu'ö hesi anera sisë ömo'ömo'ö sa'are baba'amë'evohijo.

<sup>10</sup> Baba'amëvamu hejodeje ö'idöre darugo'ö uvavamu: Jaruvoho nosi Börömo'ö God-ro hesi darugoho röjahuiromo bövi mae namiromo sisëho noni ruahö'öjahuë'e höjo. O jaruvoho God-hu uavë'ëro böröme namiromo ajamuae aho Kerisoro no muebejavuaje darugoho röjahuië'e höjo. Ëhesi bëhoho jö sisë majahijaje aho baba'amë'e höjo. Huro God nosi A Börömo hesi nunire namiromo vae majae nosi ö mueno'ö jabesi jö sisëho sareramiro mo majahinövade höjo. Röhu jaruvoho baba'amë'e höjo.

<sup>11</sup> Nosi Christian ö mueno'ohuro uvare höjo: God-are Sheep Harihoho köe rueromo guomë'ëro mae javuajë uvoromo hesi jöho ae sama'e majëhiromo ëhuro sisëho ruahö'öruomade höjo. Jabesi sinoho bogo uehorovo'i uvare höjo: No Keriso-are jöëni vuovë'öho iae hesi höjo.

<sup>12</sup> Ëhuni ö'idöho mabëhe höjo. Ö'idöre jiaruje aribövioho mabëhe jëvaje nimorohöhëjo. A'i sa'ahu'ö jovohu'ö vaevë'e höjo ë hesi bëhoho Satan hu ë abuejé'ego. Abuejé'ëro garomo uvaje höjo: Nasi majaho barë'irögoro ë'ajëromo vörö'iraëjé'e höjo. Ëhi uvoruumohijo.

<sup>13</sup> Ëhi'ego rue sigobohuro gavade baba'amë'ëro sa'are jiamu gagorovo aharihu rahade magonahoho ijumo'i siho baeromo va'ohijo.

<sup>14</sup> Siho baeromo va'ego buruhi börömo hesi vivojoho niö'i magonahohuro God-aro baehijo ëhuro bioromo a rumo'e sa'are va'oromo hesi röhohe hiröhëni. Hijego God-ro muebejego sigoboho ë magonahehu hijaje öri ari'eroho bogo va'ego vadune aho'obëhe niö'i gemu röhu ma-bisemu hesi ijore barëröhego.

<sup>15</sup> Ëhi'ego sigobohuro jovo böröme hesi jö'ore otehö'öhijo ë jovohuro ruomoromo ë magonahehu jiajire va'oromo ë magonahoho bava'ojöro.

<sup>16</sup> Jovoho otehö'ö'ego jovohuro magonahoho bae'i rue'ego sa'ahuro magonahoho ajamiromo tögöromo'ego jovohuro ë gagore va'ö barëhijo.

<sup>17</sup> Va'ö barë'ego ë sigobohuro magonaho hesi örire vörö'iraeromo va'oromo magonaho hesi aboji harihu'ö ioro'iorohu'ö muorovo'i va'ohijo. Röhu ë aboji harihu'ö jabesi bëhoho God-are jögoru ejahoromo Iesuare jö birivoromo mae uehorovarue aribövioho jioruome. Ëariböviohu'ö sigobohuro muorovo'i va'ohijo.

<sup>18</sup> Ëhi'oromo ë sigobohuro va'oromo sö jovo riröre raromohijo.

## 13

*Vörö'e mi niö'iehu rueromo mu sisë vaejare jöhoje.*

<sup>1</sup> Sigobohuro sô jovo riröre raromamu naro gavodeje vörö'e mi sisë sô jovore jioromo rojomamu. Hesi simanoho aho'obêhe övo gö mine övo göre niö'i jiohijo. O hesi danoho aho'obêhe övo gö mine övo gö mine jiohijo. O a masijehu didi'aruêhi jiê'e bosöho dane gemu gemu jio'amobe va'ohijo. O simane gemu gemu God agarue iho sisêho gemuohemu jajivo'amê'e jiohijo.

<sup>2</sup> Röhu è vörö'e mi sisë hesi nu ano'oho leopard nu ano'o va'êne jiohijo. O hesi höroho bear höru va'êne jiohijo. Hesi jö'oho lion jö'o va'êne jiohijo. Röhu rue sigobohuro darugo börömëro jiê'ëro è darugoho vörö'e mi sisêho bojamiromo uahijo: Na'o röromo röho maro ajio hiromu nasi öri ari'oho aho'o muebejehonêjo.

<sup>3</sup> Röhu è mi sisêho hesi simanoho gemu aëro anamu guomoromo i'ovê'ëro batato'e jiohijo. Guomoromo i'ovê'ëro batato'e jiamu ae aho'obêhe êho garomo tiötiövoromo simane sisê'i uehorovoromo uvareje: Êho mae höromo hesi ijore jore jijihoruomohijo.

<sup>4</sup> Hesi ijore ijore jijihoromo uvoruomohijo: Sigobohuro vörö'e mioho hesi darugoho mabêhe bojamijade höromo êhuni sigoboho rajahiruomohijo. Sigoboho rajahiromo vörö'e miohu'o rajahiruomohijo. Rajahiromo uvoruomohijo: Êvörö'e mioho darugo ma'e höjo. Rahuro êhi jiê'e darugoho höjo. Rahuro è vörö miohu'o muorovo'ajêjo. Êhi uvoruomohijo.

<sup>5</sup> Êhi'ego God-ro è vörö'e mi hesi öroho bogo tugohahohijo huro nimoronimorohê'i jö sisë jövoromo hesi nimoromo bövie bise'e muebebe va'ojuvo manaere aho'obêhe 42 barê'iröhego.

<sup>6</sup> Öroho bogo tugohahê'ëro vörö'e mi sisêhuro ri'öromo God agoromo hesi ihoho ijimoromo God-hu hijaje öri ari'oho sivoromo God'o gemu mae ö'idöre raromarue aribövi jabesi sisêho sarerivoromo êma jövohijo.

<sup>7</sup> Jö sisêho êhi jövo'ego God-ro è vörö'e mi hesi öroho bogo tugohahohijo huro God-are ariböviohu'o muorovoromo ruahö'öjêvo'iröhego. Ruahö'öjêvoromo vöröho baeromo agane gö gö sa'ae dinö'e dinö'e huê gö gö sine gö gö aho'obêhe muebejêvo'iröhego.

<sup>8</sup> Ae aho'o sa'ae dinö'e dinö'e raramaruoho jaburo è vörö'e mi sisêho iae uvene aho röjahiruomo'ê'e. Uvene aho röjahi'iröhe hesi bêhoho urimo God-hu ö'idö sa'a bogo bamadevare evare God-ro a ioro'ioro jabesi ihoho hesi Sheep Harihu anego guomoröhe hesi surire jajivo'amadeje hu'o maro raromemu raromo'iröhego. A ioro'ioro jabesi ihoho suriroho bogo jajivo'amadeje bogo êhioho maroho raromo'iröhego. Röhu iho bogo jajivo'amê'e sa'are raromarue ariböviohuro vörö'e mi sisêho rajahiruomo'ê'e.

<sup>9</sup> God-are jö hejaruje aribövioho ave jöho hehêjo.

<sup>10</sup> Aehu jemê guduamêvoromo savoji gagore ba'amêvo'iê'ohoho iae savoji gagoro ba'amêvo'ê'ö. O aehu muo'amêvamu vuovêvo'iê'ohoho iae vuovêvo'ê'e. Êhi jiê'e mu sisë rue'iröhohuni êhuni God-are aribövioho jemêro biririvoromo God gemu uehorovobe va'ore.

<sup>11</sup> Êhi'amu gavodeje vörö'e mi sisë gö'o sa'a gagore jioromo rojomamu. Êmi hesi danoho niö'i sheep harihu hesi dano jiajêhi êhi jövohijo. A'i huhu jö jövajoho è sigobu börömehu jövajêhi êhi ma-darugo'o jövohijo.

<sup>12</sup> Ijore rovade vörö'e mi sisêhuro urimore rovade mi sisë hesi vöröe gemuoho bae barëromo huni röromo muoho vaejijo. Urimore rovade mi hesi muoho vaeromo sa'are raromarue aribövioho uêhijo jabumëro urimore rovade mi sisêho uvene aho röjahi'iröhego. Aehu hesi simanoho gemu anahamu guomoromo i'ovade è hesi batato'e simano jiê'e mioho rajahi'iröhego muoho vaejijo.

<sup>13</sup> Ijore rovade miohuro urimore rovade mi hesi muoho vaeromo no bogo gavaru vörö'e mu masijoho vaejijo. Mu masije gö gö vaeromo röhu ae aho'obêhe jabesi nunire namiromo uvo'ego vënhuro ö'idöre jioromo sa'are ruvebihijo. Êhu'o ê'ohijo.

<sup>14</sup> God-ro hesi öroho bogo tugohahê'ëro êhu'ëro ijore rovade miohuro urimore rovade miohuni röromo êhi jiê'e vörö'e muoho vaeromo êhuro sa'are raromarue aribövioho sarerëmihijo. Sarerëmiromo uêhijo jabumëro urimore rovade mioho rajahi'i munê o rabe sehoromo inöme hesi nu ano'o va'êne avohoröhego. Hesi simanoho gemu anahamu guomoromo i'ovade è hesi batato'e jiê'e mi hesi nu ano'o va'êne avohoröhego.

<sup>15</sup> Urimore rovade mi hesi nu ano'o va'êne inömo avoho'ego God-ro öroho bogo tugohahê'ëro êhu'ëro ijore rovade miohuro è mi nu ano'o va'êne inömo hesi nu gagore jö'o ögëro huosihohijo mi nu ano'o va'ënhuro daruge baeromo jöe jövoromo garöhe ae rahu hesi öriroho bogo uvene aho röjahijego muo'amo'iröhego.



<sup>16</sup> Ĕhi'oromo ě ijore rovade miohuro a masijoho a ininoho inĕmo marohĕ'le aribĕvioho inĕmo rumo'le aribĕvioho a jabesi muemu vaejarue aribĕvioho jabesi nimoro mu vaejarue aribĕvioho ae aho'obĕhe mae jĕe bojĕmiromo uĕhijo: Ĕ'ego no jemesi ōvo manĕ o varijore jajivĕharĕjo. Jajivĕharĕjamu eĕho'ego jajivĕhohijo.

<sup>17</sup> Bogo eĕho'ibejo mi sisĕhuro ōroho tugohĕhego iruno'oho bĕvioho bise'oho bogo imo'ibejo. Ĕjajivĕharoho mi hesi iheje.

<sup>18</sup> Ĕhesi bĕhoho avoho uehorovore. Ae rahu simano ma'le jĕvĕ'oho ě mi hesi iho hesi bĕhoho nahoromo biröhore. Hesi ihoho 666-je. Ĕihoho avoho adahĕ'oho a ihe biroho'anue.

## 14

*God-are aribĕvie 144,000 jabuhu jĕ i'o ioruomade jĕhoje.*

<sup>1</sup> Rĕhu naro ga'i gavodeje God-are Sheep Harihoho Zion dahorure nami'ego ae aho'obĕhe 144,000 Sheep Harihu hesi ihohu'o hesi Vavu hesi ihohu'o varijore jajivo'amĕ'le hu'o riravamu.

<sup>2</sup> Rĕhu hejodeje ruhe ō'idĕre uvavamu. Jovehu ruomoromo uvego hejaruĕhi o vajerehu anego hejaruĕhi o aehu gita bejego heromo vuĕvavuajĕhi jĕho ĕhi jiavavamu.

<sup>3</sup> Ĕhi uvoromo God-hu hijaje rĕho ma hesi nuninĕ hu rajahjarue maje 4 jabesi nuninĕ a duvaho jabesi nuninĕ riravoromo jabesinĕ nu ano'oho nugoromo jĕ i'oho ioruomohijo. Ae aho'obĕhe sa'are sisĕ'i raromaruoho rĕhu ae 144,000 ĕmino'le God-hu baejĕvadoho ě aribĕviohuremu ě jĕ i'o io'irĕhoho eni jĕvadeje. A ioro'ioroho bogo.

<sup>4</sup> Ĕaribĕvioho magonaho'oho mu sisĕho bogo vae'i ma-mae raromarueje. God-are Sheep Harihehu dinĕ'le dinĕ'le va'ĕ'iroho jabu'le hesi ijore ijore jijiharueje. A ioro'iore aho'obĕhe jio'amajoho rĕhu God-ro i'ue muoho baeromo ĕhuro ě aribĕviohuremu hesi baejĕvadeje. Ĕaribĕvioho God'le hesi Sheep Harihohu'o jabuhu aevo'i ma-mabĕhe baejĕvaroho jĕve.

<sup>5</sup> Jabumĕ bogo sareri jĕho atamu aho he'irĕgoro jabumĕ ma-maemu jĕve.

*Anerae niĕ'i gemu jabuhu uvare jĕhoje.*

<sup>6</sup> Ĕhi'amu gavodeje anerae gĕ dĕre bioromo va'amu. Ĕanerahuro God-are jĕ maho baejĕ'ĕro sa'are raromarue aribĕvioho majĕhiromo uĕ'irĕgoro ĕ'ohijo: Ioro'ioyemu jiorĕhe muoho ĕhi ĕhi hĕjo. Ĕjĕ maho sa'are raromarue aribĕvie aho'obĕhe sine gĕ gĕ agane gĕ gĕ huĕ gĕ gĕ sa'ae dinĕ'le dinĕ'le raromaruoho majĕhi'i va'ohijo.

<sup>7</sup> Va'oromo jĕho ma-darugo'le majĕhiromo uĕhijo: Jĕe hehĕjo. God-are ōroho avo'avoho uehorovoromo uvohĕjo: Hu gemu bĕrĕmoho hĕjo. Huhu ae aho'le mevĕvo'irĕhe majaho rovĕ'le hĕjo. Ĕhuni ō'idĕ sa'a sĕ jovo sa'a gagore suorovaje jovo bamade aho God hesi ōroho uvene aho rĕjahihĕjo.

<sup>8</sup> Ĕhi uvo'ego anerae number 2-ohuro ijore rueromo uĕvavohijo: Jĕe hehĕjo. Iae amoho bejĕ'le hĕjo. Iho'le amo bĕrĕme Babylon vejĕ'oho barĕjĕ'le hĕjo. Ĕhesi bĕhoho urimĕ'i Babylon amo rajohuro mu sisĕ rĕjĕhinĕvareje. Magonahehu ae mu sisĕ rĕjĕhiromo vĕrĕ'le jovo i'imĕmego ue'ahoromo simano sisĕrĕromo ōnĕ'le jijiharuĕhi ĕhi Babylon amo rajohuro sa'ae dinĕ'le dinĕ'le raromarue aribĕvioho mu sisĕho rĕjĕhijamu simane sisĕrĕromo mu sisĕ sisĕ vaeruomĕ'le hĕjo. Ĕhu'ĕro Babylon rajohuro God-are i'uhoho baeruomĕ'le hĕjo.

<sup>9</sup> Ĕhi uvo'ego anerae niĕ'i rueromo jĕ majĕhijaroho rĕhu number 3-ohuro jabesi ijore rueromo uĕhijo: Jĕe hehĕjo. Ae rahu mi sisĕ o hesi nu ano'le va'ĕne avoharoho uvene aho rĕjĕhiromo hesi iho varijore o ōvore baejĕ'oho

<sup>10</sup> ě aribĕviohuro God-are i'uhoho baeruomo'ajĕjo. Aehu vĕrĕ'le jovo bogo sanuovĕ'le ma-ue'ahoromo hara'uarue ĕhi jiĕ'le i'uhoho God-ro vĕrĕ'iraeromo bojĕmi'iramu baeruomo'ajĕjo. Baeromo God-are anera jabesi nunire God-are Sheep Harihu hesi nunire raromoromo vĕnohu'le vĕnehu ravoromo girosijiomĕ'le munĕhu'le ravĕvo'iramu hara'uoruomo'ajĕjo.

<sup>11</sup> Hara'uo'iramu ě aribĕvi ravĕvaje vĕnoho bogo duoroho'i ma-u'ivemu u'ivonĕvo'ajĕjo. U'ivo'iramu ae rahu mi sisĕ o mi hesi nu ano'le va'ĕne avoharoho uvene aho rĕjĕhijĕ'oho o mi hesi iho sinore baejĕ'oho ĕhi jiĕ'le aribĕvioho jabesi vi'ehoho bogo u'uhohi vae majae ma-jiemu jioje va'a'ajĕjo. Anerahuro ĕhi uvavohijo.

<sup>12</sup> Ĕhi jiĕ'le huĕ vavaeni rue'irĕhohuni ĕhuni God-are aribĕviehu hesi jĕgoru ejahoromo Iesu gemu uehorovarujoho jemĕro biririvoromo ĕhi gemu vaebe va'orĕjo.

<sup>13</sup> Ĕhi'amu hejodeje ō'idĕre uevavamu: Jajivoromo uvonĕjo: Badare muohuni avevejĕ'le o ijonĕ vuovĕvĕ'oho jabumĕ huĕ mae baebe va'aruĕjo. God-are Aru'ahohuro jĕe

gemuoho jövoromo uvajëjo: Io'ajo. Iae huë mae baeromo mu masijehu u'uvëvadoho vuonugo'i nuho'aruëjo. Nuhë'i ga'a'aruëjo jabuhu vaejarëhi ëhi mae jio'iramu.

*Anerae göehu aribövi ma gagovoromo avoho bahi'i anerae göehu sisë aribövi gagovoromo i'u bojëmade uhu jöhoje.*

<sup>14</sup> Röhu naro ga'i gavodeje a ma va'ëne aho ajivë'e sue döre hijamu. A masijehu didi'aruëhi jië'e gold'e bosóho simanore didi'ë'e jiohijo. O anio ma'e siravaho övore jiohijo.

<sup>15</sup> Röhu anera göhuro God-are osa börömore jioromo höröromo ruehijo. Rueromo suere hijaje a hesi örire ma-darugo'o uahijo: Iruno'o gemuore bahijarue majaho rovë'e höjo. Jasi siravahuro tarivoromo avoho bahijëjo. Sa'are jiaje iruno'oho mami'e mavoromo eni jië'e höjo.

<sup>16</sup> Ëhi uvavamu hegorovo sue döre hijaje ahuro ë siravahuro sa'are jiaje iruno'o maho tarivoromo avoho bahihijo.

<sup>17</sup> Ëhi'ego röhu anera göhuro God-are osa böröme ö'idöre ë jioromo anio ma'e siravaho baejë'e höröromo ruehijo.

<sup>18</sup> Ëhi'ego anerae gö vëni muebejaje anerahuro God-ni suvuoro vënehu buejharue maratu bëhire jioromo ruehijo. Rueromo anio ma'e sirava ma'enaje anera hesi örire ma-darugo'o uahijo: Sa'are jiaje grape ö'i bajoho mavë'e jiaje jasi siravahuro tarivoromo ujuohëjo.

<sup>19</sup> Ëhi uvo'ego rue anerahuro hesi siravahuro sa'are jiaje ö'i bajoho tarivoromo munë guorötore ujuoho bahihijo sa'ijosa'ijovoröhëni. Sa'ijosa'ijovo'iröhe hesi bëhoho God-hu vörö'iraeromo a i'u bojëmi'iröhohoje.

<sup>20</sup> Munë guorötore ujuoho bahijaroho bogo amo börömoroho jio'i hesi rori'o jiohijo. Röhu ë ö'i bajoho sa'ijosa'ijovohijo. Sa'ijovo'ego ëhuro ë kavü'e ijo bajo jovohuro kö va'ëne sa'are oterohoromo e'u va'ëne ruhibe rojomojuvo a buno gëvaruëhi ë jovo hesi ëgoho ëmino'e jiohijo. O hesi börömoho 300 kilometre jiohijo.

## 15

*Ijo tugoho'i majare God-are i'u sa'a rajo bojëmi'iröhëro anerae 7 jabuhu rama ujuohare jöhoje.*

<sup>1</sup> Ëhi'amu gavodeje noehu bogo gavaruëhi jië'e mu börömo böröme ö'idöre jiamu. Ja'o ga'ibejane tiö'ibejane. Ëhesi bëhoho anerae aho'obëhe 7 jaburo a bövi bise'o ijumo'amo'iröhe inömo sisëho ujuoho ruehijo. Ëinömo sisëho rue'iramu ëhuro God dë vörönimobe rovadoho barë'ë'e. Ëhuni ë inömo sisëho ijo tugoho'i a bövi bise'o ijumo'amo'iröhe inömoho jiohijo.

<sup>2</sup> Ëhi jio'i röhu gavodeje jovo e'u deri va'ëne börömo böröme jiamu. Ëe'u va'ënire vënëro ravanovoromo kavuhijo. O ë e'u va'ëne hesi riröre ae riravohijo. Urimoho ë ariböviohuro birivoromo mi sisëhu'o hesi nu ano'o va'ëne inömohu'o ëho jabesi muoho jöho bogo ejëhoromo mi sisë hesi ihoho sinoroho bogo bae'i ruahö'öjareje. Ëariböviohuro God-hu i'imëmade gitaho ujuohë'e e'u va'ëne ë hesi riröre riravohijo.

<sup>3</sup> Gitaho ujuohë'e riravoromo God-are mu vaejahaje ae Moses-are jöho ioromo God-are Sheep Harihu hesi jöhu'o ioromo uvoruomohijo:

Bada God ja daruge aho'o baejë'e ae javajëjo.

Jasi muoho masije ma-mabëhe höjo.

Ja böröme namiromo sa'ae aho'o muebejavuanue ae javajëjo.

Jasi muoho bogo sareri'ehu jio'i ma-maemu jio'amajëjo.

<sup>4</sup> Bada raro ja bogo böröme hö uehorovo'ajëjo.

Raro jasi ihoho bogo döroho bamo'ajëjo.

Ja gemu ma-maemu javajëjo.

Sa'ae aho'obëhe rueromo jasi örire rajahiruomo'ajëjo

jasi mu ma va'orahoro jio'amajohuni.

<sup>5</sup> Ëhi'amu gavodeje ö'idöre God-hu jiajire niögu javu maho jiovë'e jiamu.

<sup>6</sup> Jiovë'e jiamu gagorovo naehu avevejö'e uëvode aneraho 7 ë osare jië'ëro ma-mabëhe ajivë'e sanu'e niögoho io'amë'e vinebire gold-ëro muoho taemo'amë'e suorovoromo ruehijo.

<sup>7</sup> Rue'ego God rajahijarue maje 4-ho röhu gemuëro anerae 7 jabesi örire gold'e hevöho 7 ëhi anerae gemu gemu bojëmibe va'ohijo. Ëhevö gagoho God-hu a i'u bojëmi'iröhe vöröhuro irijio'mo'amë'e jiohijo God ioro'ioeremu hijaje a hesi vöröhuro.

<sup>8</sup> Rõhu God-are ajohu'uo darugohu'o ë hesi u'ohuro God-are osa mare u'ivoromo rumorovohijo. Ae gö ë God-are osa maroho bogo rumo va'o varijënoho jiohijo. Hujëji anerae 7-ho jaburo a bõvi bise'o ijumo'amo'irõhe mue 7-ho vae barë'iramu evare va'oruomo'ë'e.

## 16

*Anerae 7-ehu God-are vöröe ramare jio'amajoho otehö'öjamu sa'are raromarue ariböviehu huë vavaeni sisë baebe rovamu John-hu gavade jöhoje.*

<sup>1</sup> Ëhi'amu hejodeje God-are osa mare anerae aho'o 7 jabesi õrire ma-darugo'o uëvavamu: Va'oromo God-are vöröe ramae 7-re jiajoho sa'aro otehö'öhëjo.

<sup>2</sup> Ëhi uvo'ego anerae 1-ohuro va'oromo hesi õvore ramare vöröho sa'are otehö'öhijo. Otehö'ö'ego mi sisë hesi iho sinore jaijivëhoromo mi sisë hesi nu ano'o va'ëne inõmo rajaharue aribövioho vi'ehi'e sagoho sagoho sisëho baeruomohijo.

<sup>3</sup> Sagoho sagohoho baeruomamu urimo anerae gemuehu ramare vörö otehö'öjadoho rõhu number 2-ohuro ramare vöröho sö jovore otehö'öhijo. Otehö'ö'ego sö jovoho vuovë'e a jabesi kõ va'ëne jio'amohijo. Jovoho kõ va'ëne jio'ego jovore jijiharue majoho aho'o vuovo barëhijo.

<sup>4</sup> Vuovo'ego urimo anerae niö'iehu vörö otehö'öjaroho rõhu number 3-ohuro ramare vöröho otehö'öhijo. Otehö'ö'ego rova'o'amë'e jovohu'o sa'a gagore rojomaje jovohu'o kõrae'amohijo.

<sup>5</sup> Ëhi'amu naro hejodeje jovo muebejaje anerahuro uavavamu: O asë'e God urimë'i jiobe rovanoho avevejö'oho ëhi javajëjo. Ja a maemu javajëjo. Jaehu a gëromo ëhi jië'e i'u mana bojëmijanuoho iae mae höjo.

<sup>6</sup> Nume aribövi sisëhuuro jasi jö baeromo majëhjarue ariböviohu'o jasi aribövi ma ioro'iorohu'o muo'amamu jabesi kõho rovide höjo. Jabumëro jasi aribövioho muo'amamu kõho rovë'ego ëhuni jero jabesi õrire kõe mana bojëmijane höjo ue'aho'irõhego. Jabumë sisë'i ë'arohuni ëhuni ëhi jië'oho iae mae höjo.

<sup>7</sup> Ëhi ua'ego God-ni suvuoro vënehu buejoharue maratuore uavavohijo: Io'ajo. Bada God ja daruge aho'o baejë'e ae javajëjo. Jaehu a gëromo i'u mana bojëmijanuoho ëho bogo mu sisëho vae'iro iae mu mae vaejanue höjo.

<sup>8</sup> Ëhi uvo'ego urimo anerae niö'i gemuehu vörö otehö'öjaroho rõhu number 4-huro ramare vöröho maja nunire otehö'öhijo. Otehö'ö'ego God-ro maja nuni hesi öroho bogo tugohohijo majaëro vörö'iraeromo ae aho'o jabesi sino haho'oho vënëro ravëvanovorõhego.

<sup>9</sup> God-ro maja nuni hesi öroho bogo tugohë'ëro majaëro sisë maro nijëmiromo vënëro ravëvanovo'ego ë i'u nugö'öjade aho God agoruomohijo. Jabumë jabesi mu sisëho bogo vuonugoromo bogo uvoruomohijo: God-are ihoho böröme höjo.

<sup>10</sup> Ëhi'ego urimo anerae ëhi niö'i ëhi niö'iehu vörö otehö'öjaroho rõhu number 5-huro mi sisëhu börömo vaeromo hijaje hesi döre ë ramare vöröho otehö'öhijo. Otehö'ö'ego ë mi sisëhu muebejaje õri ari'oho ramoramovohijo. Ramoramovo'ego ae aho'obëhe hara'uoromo anëro bitaroho ja'ihorovo'amohijo.

<sup>11</sup> Anëro bitaroho ja'ihorovo'amë'ëro jabesi vi'ehohu'o sagoho sagohohu'o uehorovoromo ö'idöre hijaje aho God hesi õrire agoruomohijo. Jabumë mu sisë vaeruomadoho bogo uehorovoromo vuonugoruomohijo.

<sup>12</sup> Ëhi'ego urimo anerae övo gö minehu vörö otehö'öjaroho rõhu number 6-huro ramare vöröho rova'ë'e jovo böröme Euphrates-are döre otehö'öhijo. Otehö'ö'ego jovoho sinihohijo ëhuro ruhe maja rojomajinö jioromo rueröhe a masijo jabesi öroho jiovëhego maro rueromo muorovoruumorõhego.

<sup>13</sup> Ëhi'amu naro gavodeje aru'aho sisë niö'i gemu vahuno va'ënoho göhuro sigobu börömo hesi jö'ore jioromo göhuro mi sisë hesi jö'ore jioromo göhuro sareri'e aru'aho'e jö majëhijaje a hesi jö'ore jioromo suorovoromo rueruomamu.

<sup>14</sup> Ëaru'aho sisëho jabumë Satan-are anera sisëro jioruomë'ëro bogo gavarue darugo'e muoho vaeruomajeje. Darugo'e muoho vaeromo sa'ae dinö'e dinö'e va'arueje sa'are masijo vaejarue aribövioho aho'obëhe gagovëvego daruge aho'o baejë'e aho God-are maja börömohe rovego muorovoruumorõhego.

<sup>15</sup> Rõhu Iesuro uve: Jöe hehëjo. Naro vajiohu'e aëro ö'anovo'ië'ajëjo. Ëhuni ae rahu nune jioromo niögu avo'avoho mueberovë'oho iae mae jioruomö'ajëjo. Ëhi jië'oho bogo ma-sinëremuoho a nuniroho jijihoromo javojoho baeruomö'ajëjo. Iesuro ëhi uve.

<sup>16</sup> Amo ë aru'aho sisë niö'i gemu jaburo sa'a muebejarue a masijoho sö ujohëvo rueromo õri ari'o ihe Hebrew jöehu uvaruoho Armageddon ë gagovëvohijo.

<sup>17</sup> Gagovëvo'ego urimo anerae övo gö mine övo göre gemuehu vörö otehö'öjarohe röhu number 7-huro ijo tugoho'i ramare vöröho sa'anö otehö'öhijo. Sa'anö otehö'ö'ego God-are osa börömore jiaje röho mare uvavohijo: Iae barëjê'e höjo.

<sup>18</sup> Iae barëjê'e hö uvo'ego baderivoromo vajeri varuru'e vaeromo sa'aho sisê maro hijohijiovohijo. Aevoromo aehu sa'are raromobe rovaroho sa'aho bogo êhioho darugo'e maho hijohijiovo'i ma-bisemu jioje rovadeje.

<sup>19</sup> Sa'aho hijohijiovo'ego amo börömohe niö'i gemu tariorovobe va'ohijo. Tari-orovobe va'ego ame gö gö sa'ae dinö'e dinö'e jio'amajoho sisêrê'amohijo. Röhu God-ro amo böröme Babylon hesi sisêho bogo rumonimo'i vörö'iraeromo i'uoho amo rajoho bojêmihijo êhuro aehu vörö'e jovo ue'ahoromo hara'uaruêhi ë i'uoho baeromo êhi hara'uoruomoröhego.

<sup>20</sup> Êi'uoho bojêmi'ego sa'a dirö dirö'e jio'amajoho dahore aho'obêhe sisêrêromo êhi va'o barê'amohijo.

<sup>21</sup> Röhu ênëro direjohi'amê'e masijo masije ruvebihijo. Êhesi i'uoho gemu gemu 50 kilo rabu'e jio'amê'ëro êhuro ruvebiromo ae taemo'amoromo ijumêvohijo. Sisê maro ijumêvo'ego jaburo God agoruomohijo.

## 17

*Önö'e juvaje magonaho börömo hesi jöhoje.*

<sup>1</sup> Êhi'ego anerae aho'obêhe 7 rama ujuoharoho röhu gemuëro rueromo uehijo: Rovego na röjahego önö'e juvaje magonaho börömehu i'u baejajoho gavêjo. Êmagonahoho ruê numê jovemu jiê'e öri ari'ere hijaje höjo.

<sup>2</sup> Urimê'i a masije aho'obêhe sa'ae dinö'e dinö'e muebejaruoho êho jaburo ë magonahoho sionö'vare höjo. O ae aho'obêhe sa'ae dinö'e dinö'e raromaruoho êho jaburo hesi jöho ejahoromo hesi vörö'e jovoho ue'ahoromo simane sisêrêromo hu'o mu sisêho vaenö'vare höjo. Êhuni rovego na röjahego huhu i'u baejajoho gavêjo.

<sup>3</sup> Êhi uenugoromo God-are Aru'ahohuro nasi simanoho huotovehamu ë anerahuro na baejevoromo a rumo'e sa'are ruehijo. Baejevoromo rovamu naro gavodeje magonahoho sino kavuê'e mi sisê hesi döre hijamu. Röhu mi sisê hesi sinore iho sisê God agaruoho jajivo'amê'e jiohijo. Hesi simanoho aho'obêhe 7 jio'amohijo. Hesi danoho aho'obêhe 10 jio'amohijo.

<sup>4</sup> Röhu ë magonahohuro kavuê'e niöge nu ano'e gö gö jiê'oho ruahê'e gold mabêhëro aji'e munê mabêhëro nieniae gö gö mabêhëro êhuro gurasijiomoromo avohorovê'e hihijo. Hiromo gold'e enatuoho övëro ma'enohijo. Êenatu gagoho ë magonahëhu va'inumi'e mu gö gö vaejaje ë hesi va'inumohuro irijiomê'e usihö'e sisê bëhe jiohijo.

<sup>5</sup> O magonaho hesi ihohe hesi varijore uhu'e jajivoromo uvê'e jiohijo: Ave magonaho hesi bëhoho amo börömohe Babylon höjo. Önö'e jijiharue mu gö gö vaejarue sa'ae dinö'e dinö'e raromarue aribövi jakesi vëmoho höjo.

<sup>6</sup> Röhu na gavodeje ë magonaho hesi simanoho huotorovoromo sisêrêjê'e jiamu ë hesi bëhoho huro God-are ariböviehu Iesuare jö birivoromo majêhijaroho muo'amoromo jakesi köho ibe rovê'ëro. Êhu'ëro jiê'ëro simanoho sisêrêjê'e jiohijo.

Simane sisêrêjê'e jiamu gagorovo na tiötiövevadeje.

<sup>7</sup> Tiötiövevamu gegerovo rue anerahuro uehijo: Ja rabëni tiöjanuëjo. Êmagonaho hesi uhu jöho o magonahëhu döre hijaje mi sisê simane 7 o dane 10 jiajoho ë mi hesi uhu jöho huruoho majahi'iê'ajêjo.

<sup>8</sup> Jaehu gavane mioho urimo namijade höjo. Röhu avevejö'oho bogohöjo. Röhu u'emu gua êgobövi sa'a gagore jio rojomo'iê'ajêjo ijönö sisêro va'iröhëro. Rojomo'iramu sa'are raromarue ariböviohuro tiöromo jöe barëjêvo'ajêjo. Urimê'i ö'idö sa'a bogo bamadevare evare God-ro maro raromemu raromo'iröhe surire a ioro'ioro jakesi ihohe jajivo'i a ioro'ioro jakesi ihohe bogo jajivo'amade höjo. Jakesi iho bogo jajivo'amade ariböviohuro ë mi sisêho garomo tiöruomo'ajêjo. Êhesi bëhoho ë mioho urimo namijadohe avevejö'oho bogojajoho röhu ijönö röhu maho jio'a'ajêjo. Iae êhuni tiöruomo'ajêjo.

<sup>9</sup> Röhu ae rahu ave jöho avo'avoho uehorovoromo simano mae baeromo bëhi nahê'oho ave nasi uhu jö bëhoho biroho'arujêjo. Êjövode mi sisê hesi simane 7 êho jakesi bëhoho dahore aho'obêhe 7 hesi jöho höjo. Êmagonahohuro ë dahore aho'o 7 jiê'e hesi döre hijanovaje höjo. Röhu simane 7 jakesi bëhoho gö sa'are masijo vaejarue ae 7 jakesi jöho höjo.

<sup>10</sup> Övo gö mine rireromadoho gemu avevejö'oho daruge jioromo hi'i röhu gemu gö'o bogo rovê'e höjo. Rovê'iroho iae majae ma-bisemu hi'a'ajêjo.

<sup>11</sup> Rõhu mi sisë urimo namijë'ëro jaruvo bogojiaje hesi bëhoho a masije 7 jabeti jö uavode rõhu ë hesi ijore number 8-ehu ruerõhe hesi jõho hõjo. Rõhu ëho urimo riravobe rovarue a masije 7 jabeti ae gemuoho jio'a'ajëjo. Rõhu hu sisëro va'a'ajëjo.

<sup>12</sup> Rõhu mi hesi dane 10 gavanoho ë hesi bëhoho sa'a muebejarue a masije 10 jabeti jõho hõjo. Rõhu avevejõ'oho mueberuomoi'rõhe õri ari'oho bogo baeruumë'e hõjo. U'emu bae'a'aruëjo. Jabeti muebe'irõhe õri ari'o baejë'iroho evare a muebejëvo'irõhe darugoho bae'a'aruëjo mi sisëhu'o gemu mae masije riravoromo ae muebejëvego majae ma-bisemu jioromo evare ë darugoho barëjëhorõhego.

<sup>13</sup> Ëa masije aho'obëhe 10 ëho jaburo uehore gemu bae'a'aruëjo. Uehore gemu baeromo jabeti darugoho aho'o mi sisë hesi õrire gemu bojamiromo ajaminõvo'aruëjo.

<sup>14</sup> Mi sisëho ajamiromo ri'õromo God-are Sheep Harihohu'o muorovo'aruëjo. Muorovo'iramu Sheep Harihohuro mana muorovëmiromo jabumë ruahõ'õjëvo'ajëjo ë hesi bëhoho huro masijo vaeruomaje ae aho'o iosirëmiromo hu gemu döroho jië'ëro. O huhu baejëvo'i uehorovëvoromo hesi baejëvade aribövïehu hu gemu birivoromo uehorovarue ë aribövïo jaburo Sheep Harihohu'o gemuoro bimumoromo muorovoromo sisëho ruahõ'õjëvoruomoi'ajëjo.

<sup>15</sup> Anerahuro ëhi ueromo uehijo: Önõ'e juvaje magonahehu ruë numë jovemu jië'ire hijamu gavane jovo hesi bëhoho ae aho'obëhe sine gö gö huë gö gö sa'ae dinõ'e dinõ'e raromarue aribövï jabeti jõho hõjo.

<sup>16</sup> Rõhu mi sisëhu'o hesi dane aho'obëhe 10 ga'amanoho ëhu'o jaburo huotorovoromo ë önõ'e juvaje magonahoho nue huodivoromo ijumo'aruëjo. Ijumoromo niõgu siri'oho jahaho'amo'iramu dë'ahobatëremu jio'iramu ëhi nugoruomoi'ajëjo. Dë'ahobatëremu nuginogoromo hesi sino ioro'ioroho ue'aho'i ioro'ioroho vëniro huoruomoi'ajëjo.

<sup>17</sup> Ëhi ë'irõhe hesi bëhoho God-ro uehore ë danoho simanore bojëmijade hõjo ëhuro huhu nimaje muoho vaejahoruomorõhego. Huhu nimaje muoho jabumëro vaejahoromo simane gemuoho uehorovoromo mi sisëho jabeti darugoho aho'o bojamiromo ajamijego ë mi sisëhuro bõvie namiroromo õri ari'oho muebebe va'ego evare God-hu rabe rabe uëvadëhi ëhi jiorõhego.

<sup>18</sup> O jaehu gavane magonaho hesi bëhoho iho'e amo bõrõmoho hõjo. Ëamohuro sa'ae dinõ'e dinõ'e muebejarue a ioro'ioroho muebe'amarue hõjo.

## 18

*Amo sisë Babylon ma-ioro'ioeremu sisërë barë'irõhe jõhoje.*

<sup>1</sup> Ëhi'amu gagorovo gavodeje anerae gö õ'idõre jioromo ruvebijamu. Hu darugo bõrõme baejë'ëro ruvebi'ego hesi ajohuro sa'ae aho'obëhe ajivo'amohijo.

<sup>2</sup> Sa'ae aho'obëhe ajivo'amo'ego ma-darugo'o uvohijo: Amoho barëjë'e hõjo. Iho'e amo bõrõmoho Babylon vejõ'oho barëjë'e hõjo. Avevejõ'oho ë amoho Satan-are anera jabeti ame hõjo. Aru'aho sisë jabeti õri ari'e hõjo. Va'inumi'e ugo sisë ihe göëro göëro ë raromo jijiharue hõjo.

<sup>3</sup> Ëhesi bëhoho ëhi hõjo. Aehu magonaho hesi vörõ'e jovo iromo simane sisërëromo hu'o önõ'e vaejarue ëhi jië'e mue gemuoho ë amo rajoho jaburo sa'ae aho'obëhe røjëhijare hõjo. Aehu magonaho'õ önõ'e mu vaejaruëhi sa'are a masijo õmo'õmohuro ë amo gemuore bimumoromo javoji'e mue gö gö vaejare hõjo. O Babylon amo rajohuro mahunõ'e raromoromo bõvie bise'e imo'i nimare hõjo. Ëhi nimë'ëro inõmo imo'amarue aribövïohuro sa'ae göro göro jioromo rueromo ë amore jabeti inõmoho imoromo ëhuro moni ma'e jëvade hõjo.

<sup>4</sup> Ëhi uvavamu hejë'i hejodeje õ'idõre huë gö uvavamu: Nasi aribövïo ë amore raromarujoho vuonugo'i ruëhëjo ëhuro ë amo rajo jabeti gemuoroho bogo bimumoromo mu sisëho vae'irarije hõjo. O jabuhu i'uh baerumajoho jemë bogo bae'irarije hõjo.

<sup>5</sup> Ëamo rajehu mu sisë bõrõmo bëhe vaebe rovaroho God iae uehorovajëjo i'ue bojëmi'iro.

<sup>6</sup> Amo rajehu mu sisë vaeruomadëhi jemëro i'uhoho mana ëhi bojëmiromo rõhu gö'o döro bõrõmo bëhe bojëmirëjo.

Jabuhu a ioro'ioro vörõ'e jovo bojëmanuvamu ue'ahoromo ijumorovarëhi jemëro ëhi mana bojëmirëjo.

Rõhu vörõ ma-ma'e jovoho bojëmego ue'ahoromo ijumorovo avoho'irarëjo.

<sup>7</sup> Urimo amo rajehu nimoronimorohë'i jijihoromo mahunõ'e raromarëhi i'uhoho mana ëhi bojëmego hara'uoromo huë vavaene baeruomoi'irajo.

Magonahehu sarerivoromo uvajëhi: Na magonaho börömëro jevë'ëro dö maro hijaje höjo. Na bogo doruoho hijaje höjo.

Bogo mae bogo huë vavaenoho bae hesi jevajë uvajëhi

ë amo rajohuro ëhi gemuoho sarerivoromo uehorovoromo uvoruomaje höjo:

No masije javuajëjo.

<sup>8</sup> Èhuni majae gemuore jabesi i'uoho aho'obëhe ma-majioho rue barë'iramu sisërëjëvo'ajëjo.

Ae guomo guomo sisë baeromo vuovëvo'ajëjo.

Huë vavaene böröme jabesi örire rue'a'ajëjo.

Hömo majae rue'a'ajëjo.

Vënëro ravëvo barë'ajëjo

ë hesi bëhoho jabumë mevo gëromo i'u bojëmaje aho Bada God-are darugoho börömëro jïë'ëro.

<sup>9</sup> Röhu sa'a gö gö a masijohuro ë amo rajohu'o bimumovoromo javoji'e muoho vaeromo hesi inöme marohë'e mae ujuohoromo mahunö'e raromë'ëro garöhe amoho vënëro ravoromo u'ivo ajiomo'iramu garuomoromo amo hesi jöëni vavaenimoromo nierusuburu'e bamoruomo'ë'e.

<sup>10</sup> Nierusuburu'e bamoromo ë amore huë vavaeni börömo baejaruoho garomo juhuonivoromo rori'o ëgoböviro riravo'ë'ö. Riravoromo uvoruomo'ë'e:

Babylon vaevë'e amo börömhajo.

E-e vaevë'e biriri'e amohajo.

Jemesi i'uoho ma-majioho baejë'e jëvajëjo.

<sup>11</sup> Èhi uvoruomo'iramu sa'ae dinö'e dinö'e raromoromo inömo imoromo moni mana ujuoharue ariböviohuro ë amo hesi jöëni vavaenimoromo nierusuburu'e bamoruomo'ë'e. Èhesi bëhoho urimë'i ë amo rajehu imo'amarue a jabesi inömo imo'amoromo moni bojëminövaroho ë i'u baeröhe majare evare iae barë'ë'e. Barë'iramu ae bogojïë'ëro jabumë inömo bogo imo'amoromo monioho bae'ë'ö.

<sup>12</sup> Jabesi gold silver munë gö gö maho nienia maho bogo imo'amoromo monioho bae'ë'ö. Sanuovë'e niöge kavuë'e nu ano'e gö gö ëhu'o bogo imo'amoromo monioho bae'ë'ö. Ridi'e ije nu ano'e gö gö ëhu'o bogo imo'amoromo monioho bae'ë'ö. Inömo inömo mi danehu avoho'amaroho ijo maehu avoho'amaroho rövë'e munë maehu ajaniehu munë nu ano'o göehu avoho'amaroho ëhu'o bogo imo'amoromo monioho bae'ë'ö.

<sup>13</sup> Rihu'e i maho ridi'e oso ihe gö gö vënëro buejago ridivajoho o sino avohorovaruoho o mu rabe rabe vaejaruoho ëhu'o bogo imo'amoromo monioho bae'ë'ö. Wine jovoho olive ijo bajo jovoho flour-ho wheat-ho cow-ho sheep-oho horse-oho ëhu'o bogo imo'amoromo monioho bae'ë'ö. Maratu mabëhe horse-ehu jagu bava'aruoho ëhu'o bogo imo'amoromo monioho bae'ë'ö. Ae magonahe aru'aho'e jioruomajeje röhu mahu mi'o ë'aruëhi ëhi guduamo'amoromo imo'amarueje ae gö jabesi muemu vaeröhego. Ae magonahe mi va'ëne imo'amaruëhioho ëhioho bogo imo'ë'ö. Ijonöho aho bogo imo'amo'iramu ëhuni imo'amarue ariböviohuro nierusuburu'e bamoruomo'ë'e.

<sup>14</sup> Nierusuburu'e bamoromo uvoruomo'ë'e: Vaevë'e amoho ijo baje gö gö i'i gani-ganiëgajoho iae barëjëhë'e höjo. Jemë inöme marohë'e mae o bövie bise'e ajivë'e mabëhe jëvadoho sisërëjëhë'e höjo. Dinö'e röhu maho bihorëjo.

<sup>15</sup> Iae ë inömo amo rajo jabesi örire imo'amoromo mana marohë'e ma ujuoharohuro ë amo rajehu huë vavaeni vi'ehi börömo baejaruoho gëromo juhuonivë'ëro rori'o ëgoböviro riravo'ë'e. Ègoböviro riravoromo huë vavaene baeromo nierusuburu'e bamoruomo'ë'e.

<sup>16</sup> Nierusuburu'e bamoromo uvoruomo'ë'e:

E-e vaevë'e vaevë'e amo börömhajo.

Sanuovë'e niögu mabëhe kavuë'e ma-mabëhe io'amonövarije höjo.

Nieniae gold-ehu inömo göehu göehu avoho'amaroho gurasijiomoromo avohoronövarije höjo.

<sup>17</sup> Jaruvoho jemesi inömo marohë'oho ma-majioho ijumëhë'e höjo.

Boat muebe'amarue aribövioho boat ma'ënarue aribövioho boat-re raromoromo mu vaeromo moni baejarue aribövioho boat-re va'arue a ioro'ioroho ëho jaburo rori'o ëgoböviro riravoromo

<sup>18</sup> garöhe Babylon amoho vënëro ravoromo u'ivo ajiomo'iramu garuomoromo mardarugo'o uvoruomo'ë'e: Sareri amo börömo böröme jiade höjo. Èhi jïë'e amoho urimoho bogojïade höjo.

<sup>19</sup> Èhi uvoruomoromo vavaenimorovoromo tohotohoho jabesi simanore bu'ödivorovoromo nierusuburu'e bamoromo uvoruomo'ë'e:

E-e vaevë'e vaevë'e amo börömhajo.

Boat baeromo sō jovore va'arue ae aho'o noro ē amo rajore nosi inōmoho imēvoromo manaho maroh'ēle mae ujuoh'ēle javuajējo.

Jaruvoho ma-majioho sisērējēle hōjo.

Ēhi uvoruomo'ēle.

<sup>20</sup> Rōhu ō'idō rajoho apostle ōmo'ōmoho jō God-aro baeromo majēhijarue aribōvioho God-are aribōvi ioro'ioroho jemēro nimorohore. Ēamo rajehu jemesi ōrire sisē'i vaejēvaroho God-ro ēho gēromo ē hesi i'uoho mana bojēmijēleje.

<sup>21</sup> Rōhu darugo'e anerae gemuēro munē ha'osi bōrōmo bōrōmoho banigojiomoromo sō jovore bu'ō'le jovo gagore be'abuehijo. Jovo gagore be'abue'ego anerahuro uvavohijo: Ēmunēhu e'ure be'abuejē'ero ijonō bogo gavaruēhi amo bōrōmo bōrōme Babylon i'ue baeromo ēhi ma-ioro'ioeremu beva'oromo sisērē'iramu ijonōho bogo ga'a'anuējo.

<sup>22</sup> Gita bejaruoho jō iaruohe virikō huosiharuoho hēgō huaruoho ē hesi huēho ē amoroho ijonōho bogo he'a'anuējo. Inōmo javuo bōvi bise'o avoho'amarue aribōvioho ē amoroho ijonōho bogo birohēvo'anuējo. I sa'ijovaje munē hunuohunuovo'ego garahōrō'e baeajajoho ē amoroho ijonōho bogo he'a'anuējo.

<sup>23</sup> Iro buno'irae'ego ajivajoho ē amoroho ijonōho bogo ga'a'anuējo. A'o magonaho'o masurovoromo nimoronimoroharuoho ē amoroho ijonōho bogo he'a'anuējo. Rōhu amo rajomē urimo jemesi moni mu vaejarue aribōviohuro sa'a ioro'ioroho iosirēmiromo masije jēvade hōjo. Jemēro sareri sareri'e muoho vaeromo sa'ae aho'o jabesi uehoroho ijumēharije hōjo.

<sup>24</sup> Rōhu jō God-aro baeromo majēhijarue aribōviohu'o God-are aribōvi ioro'iorohu'o ē amore o dinō'e dinō'e raromaruoho muo'amamu vuovēv'ōho ē amo rajo jabesi sisē hōjo. Iae ēhuni ē amoho sisērē'ajējo. Anerahuro ēhi uvohijo.

## 19

<sup>1</sup> Ēhi'amu hejodeje ae aho'o ō'idōre ma-darugo'o uvoruomavamu: God mabēhējo. Huro gemuēro maroho bamavujaje hōjo. Iho bōrōmoho darugo maho nosi God hesiriremu hōjo.

<sup>2</sup> God-ro ae mae o sisē jēvego gē'i avoho mevēvaje hōjo. Ēhesi bēhoho ē ōnō'e juvaje magonaho bōrōmehu sa'ae aho'o javoji'e mu rōjēhiromo ijumēvadohuni ēhuni huro mevoromo uvade hōjo: Sisē javo'ego sisēro va'a'anuējo. Ēmagonaheru God-are mu vaejarue aribōvi muo'amēvadohuni ēhuni i'ue mana bojamijēle hōjo.

<sup>3</sup> Ēhi uvoruomoromo rōhu maho uvoruomohijo: God mabēhējo. Ēamo bōrōmoho vēnehu ravaje u'oho ēhi ma-ajiomemu ajiomō'ajējo.

<sup>4</sup> Ēhi uvoruomo'ego rue a duvahe aho'obēhe 24-ho o God rajahijarue maje 4-ho jaburo sa'are ague aho raromoro God-hu rōho mare hijajoho rajahiromo uaruomohijo: Ējōho iae mae-ējo. God mabēhējo.

*Masu'irōhe sōrō God-are Sheep Harihehu bae'irōhe jōhoje.*

<sup>5</sup> Ēhi uvoruomo'ego God-are rōho mare uvavohijo: Nosi Bōrōmoho God mabēhe uarējo. Hesi mu vaejajarue hu uehorovarue aribōvi masijohu'o ininohu'o aho'o hesi ōroro huē mae uarējo.

<sup>6</sup> Ēhi uvoruomamu hejē'i naro hejodeje ae aho'obēhe uvorovaruēhi jovehu ruomoromo uvajēhi varurehu anego hejaruēhi ēhi uvoromo uvavamu: God mabēhējo. Bada nosi God daruge aho'o baejēle ahuro bōrōme namijajējo.

<sup>7</sup> Ēhuni ē'ego no huē mae baeromo nimoroharējo. Hesi ihoho mabēhe uavarējo. Ēhesi bēhoho God-are Sheep Harihehu masu'irōhe majaho rovēle hōjo. Huhu masu'irōhe magonahuro avohorovēle hōjo.

<sup>8</sup> God-ro sanuovēle ajivo avohēle niōgoho bojamamu ba'amēle hōjo. Ēhi uvoruomavohijo. Rōhu sanuovēle niōgu hesi bēhoho God-are aribōviehu mu ma vaejarue hesi jōhoje.

<sup>9</sup> Ēhi'ego ē anerahuro uehijo: Ave jōho jajivoromo uvonējo: Ae rahu hejē'oho uēvamu: God-are Sheep Harihehu masu'irōhe sōrōho ro ihē uēvamu hejē'oho huē mabēhe jioruomō'ajējo. Ēhi uenugoromo uehijo: Ave jō hejanuoho God-are jō maho hōjo.

<sup>10</sup> Anerahuro ēhi uevamu hejē'i naro hu uvene aho rōjahi'irōgoro hesi hōru'ere ague aho hijodeje. Hiromo rajahi'irōgoro ē'amu gegorovo uehijo: Bogave ēhioho ē'iranējo. Jaehu God-are mu vaejanue ēhi jēle mu vaejaje ae jevajējo. O jasi ō mueno'ohu'o Iesuare jō mae uehorovoromo majēhijaruoho jabuhu Badare mu vaejaruēhi na'o ēhi ē'aje ae jevajējo. Ēhuni nadi na rajehi'i God gemu rajahijējo. Ēhesi bēhoho Aru'aho gemuhuro jōe bojēmē'ego aēro ijonō jiorōhe jōho majēhinōvare hōjo o avevejō'oho Iesuare jōho majēhijarue hōjo.

*Mu Ma Uehorovaje Aehu sino ajivë'e horse-re hiromo va'oromo sisë ariböviohu'o muorovade jöhoje.*

<sup>11</sup> Ëhi uevamu gavodeje ö'idöho jiovë'e jiamu. Jiovë'e jiamu gagorovo gavodeje ae sino ajivë'e horse-re hijamu. Ëa hesi ihoho Biririvoromo Mu Ma Uehorovaje Ahoje. Hu mevoromo gövuae a mae o sisë javuego gövuaajoho ëho huro mae uehorovoromo ë'ajeje. O muorovajoho ëhu'o huro mae uehorovoromo ë'ajeje.

<sup>12</sup> Röhu hesi nunoho vënëro höduvanovohijo. O hesi simanore a masijehu didi'aruëhi jïë'e bosöho aho'obëhe didi'o'amë'e jiohijo. Röhu hesi sinore ihe jajivë'e jiohijo. Ae gö ë iho hesi bëhoho bogo ga'i hesi huro sivue gavajeje.

<sup>13</sup> Hu köëremu jïë'e niögoho ba'amë'e jiohijo. Röhu hesi ihoho God-are Jö jumuvë'ohoje.

<sup>14</sup> Röhu ö'idöre jioruomaje muorovo ariböviohuo aji buse jïë'e sanuovë'e niögoho io'amoruomë'e sino ajivo'amë'e horse-re raromoruomohijo. Raromoromo ë a börömo hesi ijore ijore jijihoruomohijo.

<sup>15</sup> Röhu ë a hesi jö'ore anio ma'e kaejöho jiohijo ëhuro God bogo uehorovarue aribövi sa'ae dinö'e dinö'e raramaruoho ruahö'öjëvoröhëro. Ruahö'öjëvoromo hujejo ha'itoho baeromo vörö'o muebejëvo'ë'e jaburo hu gemu ejahoruomoröhego. Muebejëvoromo aehu kavuë'e ö'i bajo munë guorötore hörehu taemotaemovoromo sa'ijov'amaruëhi huro sisë aribövioho ëhi hörëro taemotaemovo'amö'ë'e. Ëhesi bëhoho daruge aho'o baejë'e aho God-hu dë vörönimego vörö röjëhiromo i'u bojëmijaje jöhoje.

<sup>16</sup> Röhu hesi ahinöho niögu döre ihoho jajivoromo uvë'e jiohijo: Masijo vaeruomaje ae aho'o iosirëmiromo hu gemu döroho höjo. Ëhi jajivë'e jiohijo.

<sup>17</sup> Ëhi'amu gavodeje anerae gemu maja nunire namijamu. Namiromo döre bioromo va'arue ugho aho'obëhe ma-darugo'o uëhijo: God sörö böröme bamajëjo. Rueromo gemuoro gagovohëjo

<sup>18</sup> ëhuro sa'are masijo vaejarue a jabesi birogoho iromo muorovo a masijo jabesi birogoho darugo'e a jabesi birogoho horse jabesi birogoho horse-re va'arue aribövi jabesi birogoho mae o sisë'i raramarue aribövi jabesi birogoho a masijo o a inino jabesi birogoho ëho i'amo'irarije höjo. Ëhi uëhijo.

<sup>19</sup> Röhu gavodeje urimo gavode mi sisëho o sa'ae dinö'e dinö'e masijo vaeruomaje aribövioho o jabesi muorovo aribövioho ëho jaburo ë sino ajivë'e horse-re hijaje a börömo'u'o hesi muorovo ariböviohu'o muorovo'i gemuoro gagovë'e jiamu.

<sup>20</sup> Muorovo'ego horse-re hijaje a börömo'u'o hesi muorovo ariböviohu'o ëho jaburo mi sisëhu'o mi sisë hesi sareri'e aru'aho jö majëhijaje ahu'o ëhi guduamo baejëvo va'ohijo. Urimë'i ë jö sareri'e majëhijaje ahuro mi sisë hesi jöho ae sarerëmiromo darugo'o majëhiromo mi sisëhuni röromo noehu bogo gavarue darugo'e muoho vaenövadeje. Darugo'e muoho vaeromo ëhuro aho sarerëmi'ego ae rahu mi sisë hesi iho sinore baeromo hesi nu ano'o va'ëne inömo avoharoho uvene aho röjahijë'oho guaro rireromo va'onövareje. Amo ë sareri'e aru'aho jö majëhijaje ahu'o mi sisëhu'o guduamëvoromo bogo anëgo'i ma-babu'öjëvo'ego vënehu munë ravoromo girosijiomoromo e'u börömo va'ëne jiajire ë bejëvo va'ohijo.

<sup>21</sup> Bejëvo va'ego jabesi muorovo aribövi sisëho horse-re hijaje a börömo hesi jö'ore jioromo höröjade kaejöhuo muo'amohijo. Muo'amo'ego uge aho'obëhe ë aribövi jabesi birogoho ue'ahë'ëro dë bajö'e jio'amohijo.

## 20

*Satan gua gagore vadune ëgobövie hi'iröhëgo tövoromo gua gago ëgobövire ba'amamu John-hu gavade jöhoje.*

<sup>1</sup> Naro gavodeje aneraho ö'idöre jioromo gua ëgobövi hesi ojo jiovarue key'o biriri'e ö'ohu'o övëro ömëvë'e ruvebijamu.

<sup>2</sup> Ruvebiromo ë anerahuro nil'iivadire jioje rovade sigobu börömo hesi ihoho Devil o Satan ë sigoboho guduamoromo tövohijo ëhi jioje va'ujuvo vadune aho'o 1,000 barë'iröhëgo.

<sup>3</sup> Tövoromo ë gua ëgobövire ba'amo'ego beva'ohijo. Beva'ego ojoho tugohoniagivoromo sivaëro badihï taemohijo ëhuro hu bogo höröromo urimo ë'adëhiöho sa'ae dinö'e dinö'e raramarue aribövioho sarerëmibe va'ego vadune aho'o 1,000 barë'iröhëgo. Röhu vadune aho'obëhe 1,000 barë'iramu evare ojoho jiovaho'iramu iae höröromo hibe juvoromo majae ma-bisemu barë'iramu evare barë'ë'e. Ëhi jio'ë'e.

<sup>4</sup> Ëhi'amu gavodeje a masijoho röho mare raromamu. God-ro urimo uëvamu darugoho baeruomadeje ae mevëvoromo gërohëni mae o sisë jëvego. Ëaribövioho röho mare raromoruomohijo. O gavodeje a ioro'ioro jabesi aru'ahoho jio'amamu. Urimë'i ë



ariböviohuro sa'are raromoromo God-are jö Iesuhu majëhijadoho ae majëhibe jijihamu gagorovo aëro ë mu maho bijönimoromo sönöe tarivëhamu vuovëvadeje. Vuovëvë'ëro ë aribövi jabesi aru'ahoho gëvodeje. Urimë'i ë aribövioho jaburo mi sisëho o ë mi hesi nu ano'o va'ëne avohare inömoho bogo uvene aho röhëhijareje. Ëmi sisë hesi ihoho varijore o övore jajivëho'iröhoho bijönëgamu bogo baejareje. Bogo baejë'ëro vuovoromo i'ovë'ëro Keriso'o gemu mae masije vaejuvo vadune aho'obëhe 1,000 barëhijo.

<sup>5</sup> A ioro'ioroho bogo i'ovo'i ma-vuovo momorö'öjuvo vadune aho'obëhe 1,000 barë hesije. A'i naehu gëvode aribövioho i'ovoromo ri'öjë'e raromoruomohijo. Jabuhu i'ovoromo ri'öjare hesi bëhoho urimo ri'ö'iröhe majahoje.

<sup>6</sup> Urimo i'ovoromo ri'ö'iröhe aribövioho huë mae jëvo'ë'e. God-are aribövi maho jëvo'ë'e. Urimo vuovëvadoho röhu maho bogo vuovoromo sisëroho va'i a'i God-are o Keriso-are priest muoho vaeromo Keriso'o gemu mae masije vae'iramu vadune aho'obëhe 1,000 barë'ë'e.

*Satan ruahö'öromo vëni ravajire ë bu'ö'iröhe jöhoje.*

<sup>7</sup> Vadune aho'obëhe 1,000 barë'iramu Satan jiovo nugö'ö'iramu höröromo va'ë'e.

<sup>8</sup> Hörö va'oromo Gog sa'are Magog sa'are sa'ae dinö'e dinö'e ae sarerëmibe muorovo'öro gagovëvobe va'ë'e. Sarerëmibe gagovëvobe va'iramu ae aho'obëhe muorovo'i gagovo'iramu nie'u va'ëne jio'ë'e.

<sup>9</sup> Nie'u va'ëne jië'ëro sa'ae bövioho ruë numë tagavoromo God-are aribövie hesi amo börömore riravaruoho muorovëmi'i numëvo'ë'e. Numëvo'iramu vënëro ö'idöre jioromo ruvebïromo ravëvo barë'ë'e.

<sup>10</sup> Ravëvo barë'iramu Satan ë aribövi sarerëmiromo gagovëvade aho babu'ö'iramu vënehu munë ravoromo girosijiomoromo e'u börömo va'ëne jiajire be'abue'ë'e. Urimo mi sisëhu'o hesi sareri'e jö majëhijaje ahu'o ba'amëvego abo rireromo'iröhire ë be'abue'ë'e. Be'abueromo mi sisëho o sareri'e jö majëhijaje aho o Satan ëho jaburo vae majae hara'uemu hara'uobe va'ë'ö.

*Ae aho'obëhe God-are nurire riravego jabesi muoho mae o sisë jiego God-hu ma-ioro'ioemu mevoröhe jöhoje.*

<sup>11</sup> Ëhi ë'ë'ö. Röhu gavodeje a masijehu raromarue ëhi jië'e ajivë'e röho börömore ae gemu hijamu. Hi'ëgo aehu huruomo va'aruëhi sa'ahu'o ö'idöhu'o ëhi arua anumiae va'ëgo röhu ijoho bogojiohijo.

<sup>12</sup> Ëhi'amu gavodeje vuovëvë'e aribövioho ininore va'o masijore ë röho ma hesi nunire riravamu. Riravo'ëgo suri surioho jiovo'amohijo. Röhu suri suri göho ëho maro raromemu raromo'iröhe aribövi jabesi iho jajivo'amë'e suroho jiovohijo. O suri suri ioro'ioroho ëho ae aho'o mu vaebe rovare jöho jajivo'amë'e jiohijo. Èröho mare hijaje ahuro suri surioho adahohijo ga'i di ahuro mu maho vaejë'e jiego di ahuro mu sisëho vaejë'e jiego. Èho garomo uëhijo: Mu mae vaejë'e javaje manö va'ëjo. Mu sisë vaejë'e javaje sisëno va'ëjo.

<sup>13</sup> Vuovare aribövi ioro'iorohuro sö jove iromo vuovo momorö'öjë'ëro jië'ëro rojomoromo ioro'iorohuro vuovë'e ariböviohu raromaruire ë jioromo ri'öromo rueruomohijo. Rue'ëgo röho mare hijaje ahuro ae gemu mevo garomo mu mae vaejadoho o mu sisë vaejadoho manaha ëhi bojami'ëgo baebe va'ohijo.

<sup>14</sup> Röhu vuovarue vöröhu'o a vuovego bahjarue öri ari'ohu'o ëhu'o ma-ioro'ioemu bu'ö'ëgo vënehu ravoromo e'u börömo va'ëne jiajire ë abue'ëgo ijönöho vuovarue öroho bogojiohijo. Röhu vënehu ravoromo e'u börömo va'ëne jiaje hesi bëhoho ae rahu sisë vaejë'ëro vuovoromo ri'öjë'ëro röhu maho vuovoromo ë e'u va'ënire abueröhe jöhoje.

<sup>15</sup> Ae rahu mae raromemu raromo'iröhe surire hesi iho bogojjë'öho ëhi jië'e aribövioho ujuoho ruruhö'ö'ëgo e'u va'ëne vënehu ravajire ë rireromohijo.

## 21

*God-hu ö'idö sa'a bövi bise'o i'o avoho'iröhe jöhoje.*

<sup>1</sup> Ëhi'amu gavodeje ö'idö i'ohu'o sa'a i'ohu'o jiamu ö'idö mamiohu'o sa'a mamiohu'o sisërë barjë'ëro. Sö jove urimo jiadoho bogojiohijo.

<sup>2</sup> Ëhi garomo gavodeje God-are amo böröme hesi ihoho Jerusalem amo i'e ö'idöre God-hu hijajire jioromo ruvebijamu. Magonahehu masu'irögoro baruohuro gajöro sino avohorovuëhi ë amo i'öho ëhi avohë'e jiohijo.

<sup>3</sup> Ëhi jiamu gagorovo hejodeje röho mare ma-darugo'o uvavamu: Jöe hehëjo. Avevejö'öho God-are javu maho a ririro jië'ëro huro a'o gemu mae hinövo'ajëjo. Jabumë

hesi aribövio jevo'i huro jabu'o gemu mae hiromo muebejevönövo'ajëjo jabesi Börömëro jië'ëro.

<sup>4</sup> Muebejevöromo nuni jovoho miorëho'ajëjo. Ijonöho aho bogo vuovëvo'i bogo nivö'i huë vavaenoho vi'ehoho bogo baeruomo'ajëjo mu mamioho mami'e barëjë'ëro jië'ëro.

<sup>5</sup> Ëhi uvo'ego röho mare hijaje ahuro uvavohijo: Jöe hehëjo. Naro bövie bise'e i'ëremu bamajëjo. I'ëremu bamajë uvonugoromo uehijo: Ëjöho bogo sareroho jio'i iae jö mae hjo. Ëhuni suroro jajivonëjo.

<sup>6</sup> Ëhi ueromo uehijo: Muoho iae barëjajëjo. Na urimo ni'i'vevadoho röhu ijo tugoho'ioho ëhi gemuoho jevo'ajëjo. Mue aho'o aevodoho ëhi vae barë'irodoho jevajëjo. Ae rahu huë girihëvë'oho naro sa'a gagore rojomaje jovoho vuoromo suvuore bojëmi'ejöjo ue'ahëgo i'ovëvo'iröhego.

<sup>7</sup> Ae rahu mu sisë ruahö'öjë'oho aviëhi jië'e huë maho nasi örire bae'a'ajëjo. Na hesi Börömohö God jevo'i hu nasi harihe jio'a'ajëjo.

<sup>8</sup> Al'i juhuonivoromo mu vuonugarue aribövioho sareri sareri'e aribövioho mu sisë gö gö vaejarue aribövioho a muo'amarue aribövioho önö'e jijiharue aribövioho iro oso'e vaejarue aribövioho inömo sisë aru'aho'e höromo uvene aho röjahi'amarue aribövioho jö sareri'e atarue aribövioho aho'obëhe ëhi jië'e aribövi jabesi öri ari'oho e'u börömo va'ëne munë vënehu ravoromo girosijiomajire ë jio'a'ajëjo. Ëhesi bëhoho ë aribövioho mami'e vuovëvadoho röhu maho vuovoromo ë va'o raromoromo'ajëjo.

*Jerusalem amo i'o hesi jöhoje.*

<sup>9</sup> Röhu urimo anerae 7 ramare vöröho 7 otehö'öjamu evare bövie bise'e ijo tugoho'i sisërë'amadeje. Mami'e ëhi ë'are anerae aho'obëhe 7 röhu gemuëro rueromo uehijo: Rovego na röjahijego Sheep Harihu hesi vaboro i'e masuvajoho gavëjo.

<sup>10</sup> Ëhi uenugoromo God-are Aru'ahohuro nasi simanoho huotoveho'ego ë anerahuro baejevöromö dö mare ajiomoromo dahoru börömo ëgobövire ë ruehijo. Baejevo rueromo rörehijamu gavadeje God-are Amo Böröme hesi ihoho Jerusalem ö'idöre God-hu hijajire jioromo ruvebijamu.

<sup>11</sup> Ëamohuro God-are ajoho baejë'ëro ëhu'ëro ajivohijo. Ajivoromo ma-mabëhe ajivo barëjë'e jiohijo. Munë mabëhe hesi ihe jasper ajivajëhi ëhi ajivohijo.

<sup>12</sup> Röhu ë amo hesi rejoho ëgo ëgobövi mae jiohijo. Rejo hesi ojoho aho'obëhe 12 jio rova'ohijo. Anerae aho'obëhe 12 oje gemu gemu riravo rova'ohijo. Israel rajo jabesi agane 12 jabesi ihoho gemu gemu ojo ahore jajivo'amo va'ë'e jiohijo.

<sup>13</sup> Maja höröjajinöho oje aho'o niö'i gemu jiohijo. Maja beva'ajinöho oje niö'i gemu jiohijo. Ruënöho niö'i gemu viënöho niö'i gemu ëhi jiohijo.

<sup>14</sup> Ëamo rejo hesi uhuroho munë aho'obëhe 12 ruh'e ë jië'ëro ëhu'ëro rejoho bibivoromo namihijo. Ëmunë ruho va'are ahore God-are Sheep Harihu hesi apostle ömo'öme 12 jabesi ihe gemu gemu jajivo'amo va'ë'e jiohijo.

<sup>15</sup> Röhu na'o jö jövaje anerahuro gold-ehu avohare vahu baejaruoho övoro baejë'e jiohijo amo bövi hesi vahuoho o amo rejohu'o ojohu'o ëho jabesi vahuoho bae'iröhëro.

<sup>16</sup> Röhu ë amo börömohö ioni göho ioni göho ruhënöho numënöho vahuvöjadhö hesi vahuoho ma-gemuoho jiohijo. Anerahuro gold ahoho bava'oromo amo börömo hesi vahuoho vahuvo garomo gavadeje amo hesi ëgoho 2,400 kilometre jio'i hesi bunohu'o döre ajiomadohu'o jabesi vahuoho gemuoho jiamu.

<sup>17</sup> O anerahuro amo hesi rejo vahuoho vahuvo garomo gavadeje rejo döre ajiomadohö 60 metre jiamu. Jabuhu vahuho gavaruëhi ëhi gavadeje.

<sup>18</sup> Röhu amo rejoho munë nu ano'o mabëhëro vaejë'e jiohijo. Munë hesi ihoho jasperje. O amo bövioho ma-gold-ëremu avohë'ëro ma-ajëro jië'ëro ruënörire öri ari'ohu'o ga'a'anue.

<sup>19</sup> Röhu amo rejo bibivo'iröhego rejo uhure bahijare munëho munë mabëhe nu ano'e gö gö avohoromo bahijë'e jiohijo. Munë number 1 hesi ihoho jasper ajivë'e ma-mabëhe jiohijo. Munë number 2 hesi ihoho saphire nuogu'e ma-mabëhe jiohijo. Munë number 3 hesi ihoho agate mahu guho'e jiohijo. Munë number 4 hesi ihoho emerald rövë'e ijo hano va'ëne jiohijo.

<sup>20</sup> Munë number 5 hesi ihoho onyx hesi nu ano'e gö gö kavuë'e jionövo ajivë'e jionövohijo. Munë number 6 hesi ihoho carnelian kavuë'e jiohijo. Munë number 7 hesi ihoho quartz hövë'e jiohijo. Munë number 8 hesi ihoho beryl ijo hano va'ëne jiohijo. Munë number 9 hesi ihoho topaz hövo avohë'e jiohijo. Munë number 10 hesi ihoho chalcedony rövoromo hövanövë'e jiohijo. Munë number 11 hesi ihoho turquoise nuogu'e jiohijo. Munë number 12 hesi ihoho amethyst rövoromo kavuanövë'e jiohijo. Munë aho'obëhe 12 jabesi nu ano'e gö gö ëhi jio'amohijo.

<sup>21</sup> Rõhu rejo oje aho'obêhe 12 jabesi tugoharuoho êho nienia ha'ose aho'obêhe 12 jiohijo. Oje gemu gemu nienia ha'ose gemu gemu êhi jiohe va'ohijo. Rõhu amo hesi ôri bõrõmoho ma-gold-êremu avohê'ero ma-ajëro jiê'ero ruênõrيره ôri ari'ohu'o ga'a'anue.

<sup>22</sup> Rõhu gavodeje God rajahjarue javu bõrõmoho bogojiamu. Bada God daruge aho'o baejê'e ahu'o hesi Sheep Harihohu'o êho jabu bêhi maro jêvê'ego êhuni bogo osaremuoho rajêhi'i dinõ'e dinõ'e God'o hesi Sheep Harihohu'o ë rajêhiruomohijo.

<sup>23</sup> O bêhoho rabëni majahu'o manaerohu'o ë amoroho bamoromo ajivojõro. God-are ajohuro amoho ajivoromo God-are Sheep Harihohuro iro va'êne amoho ajivajeje.

<sup>24</sup> Ajivo'iramu sa'ae dinõ'e dinõ'e raromarue aribõvioho ë amo hesi ajire jjihtonõvo'ê'õ. Sa'are masije riravarue aribõviohuro jabesi bõvie bise'e nu ano'o mabêhe gavaruoho ë amore ujuoho rue'ê'õ.

<sup>25</sup> Êamoroho vahioho bogojio'ê'e. Majae vahie bogojio'i ma-majae jiemu jio'iramu amo rejo ojoho bogo tugohonõvo jiovonõvo'i ma-êhi jiovo nugo'ê'õ.

<sup>26</sup> Sa'ae dinõ'e dinõ'e raromarue aribõviohuro jabesi mu maho inõmo maho ë amore ujuoho rueruomo'ê'ë.

<sup>27</sup> Va'inumi'e muoho bogo mae bogo barueruomo'ê'ë. Mu sisë gö gö vaejarue aribõvioho o sareri'e jõ atarue aribõvioho bogo ë amoroho rueruomo'i a'i mae raromemu raromo'irõhe aribõvi jabesi iho Sheep Harihu hesi surire jajivo'amade ë aribõviohuremu ë amoroho rueruomo'ê'ë.

## 22

<sup>1</sup> Êhi'amu iae ë anerahuo rõjehijamu gavodeje a i'ovëvorõhe jovoho ajivo barêjê'e rova'amu. Jovoho God'o hesi Sheep Harihohu'o jabuhu arijarue rõho mare jioromo ruehijo.

<sup>2</sup> Rõho mare jioromo rueromo amore ôri bõrõmo hesi ririre rova'ohijo. Jovoho ririre rova'i a i'ovëvo'irõhe ijoho ionire ionire riravobe va'ohijo. Vadune gemu gemu rõhu vae 12 12 bajoho êhi raejajeje manaere gemu gemu. Êijo hano hesi bêhoho sa'ae dinõ'e dinõ'e raromarue aribõvi marêjêvo'irõhoho jiohijo.

<sup>3</sup> A'i God-hu bijõnimaje bõvioho bise'oho ijonõho ë dirõ'oho bogojio'ê'e.

God'o hesi Sheep Harihohu'o jabuhu masijo vaeromo arijarue rõho maho ë jio'ê'e. God-are mu vaejarue aribõviohuro hu ë rajahinõvo'ê'õ.

<sup>4</sup> Rajahiromo hesi nu ano'oho ganõvo'ê'õ. Hesi ihoho jabesi varijore jajivo'amê'e jio'ê'ë.

<sup>5</sup> Rõhu vahioho ijonõho bogojio'ê'e. Iro hesi ajohu'o maja hesi ajohu'o ajivëvo'irõhe bêhoho bogojio'ê'e. A'i Bada God-are ajohuro ajivëvonõvo'ê'ë. Ajivëvo'iramu jabumëro ioro'ioremu masije riravoromo ôri ari'oho muebebe va'oruomo'ê'ë.

### *Iesu ruerõhe jõhoje.*

<sup>6</sup> Rõhu ë anerahuo uehijo: Ave jõe aho'o hejanuoho iae mae-ëjo. Bogo sareroho hõjo. Bada God hesi Aru'aho a jabesi simanore bamêhego ae jõ majêhijarue aho God-ro hesi aneraho na remõ'õjade hõjo naro rueromo rõjêhijego hesi mu vaejararue aribõviohuro garomo uvo'irarijego: God-ro nimo'ego majae ijonõho êhi êhi jiê'e muohuro nosi ôriere rue'iê'ajêjo. Êhi uehijo.

<sup>7</sup> Rõhu Iesuro uve: Jõe hehêjo. Na ma-burëro ô'iê'ajêjo. God-are jõ bõrõmoho ave surire jajivê'e hõjo. Êhuni ae rahu ejê'oho huë mabêhe jioruomo'ajêjo. Êhi uve.

<sup>8</sup> Rõhu naehu jajivode jõ hesi muoho aho'obêhe John naro heromo gavê'e jeve. Heromo ganugoromo ë mu rõjehijade aneraho naro uvene aho rõjahi'irõgoro hesi hõru'ere ague aho hijodeje.

<sup>9</sup> Êhi'o'ego uehijo: Bogave êhioho ê'iranêjo. Jaehu God-are mu vaejanue êhi jiê'e muoho vaejaje ae gemuoho jevajêjo. O jasi õ mueno'ohu'o jõ God-aro baeromo majêhijaruoho o jaehu jajivanue surire jõ ejaho'irõhe aribõvioho jabuhu God-are mu vaejaruêhi na'o êhi ê'aje ae gemuoho jevajêjo. Êhuni nadi na rajehi'i God gemu rajahijêjo.

<sup>10</sup> Êhi uenugoromo uehijo: Ijonõ jiorõhe mu hesi jõ ave suri surire jajivanuoho nadi subivêhonêjo ë hesi majaho dunovê'e jiaje.

<sup>11</sup> Ae rahu mu sisë vaejaruoho êhi vaemu vaebe va'oruomo'ajêjo. Ae rahu va'inumi'e mu uehorovaruoho êhi uehorovemu uehorovobe va'oruomo'ajêjo. Ae rahu mu ma vaejaruoho êhi vaemu vaebe va'oruomo'ajêjo. Ae rahu God gemu uehorovaruoho êhi uehorovemu uehorovobe va'oruomo'ajêjo.

<sup>12</sup> Rõhu Iesuro uve: Jõe hehêjo. Na ma-burëro ô'iê'ajêjo. Jemesi mu hesi suvuroho ujuohoromo ô'ejõjo mu diehi diehi mae o bisemu sisê'i sisê'i vaejarijêhi ae gö gö suvuroho êhi bõvie o bise'e bojêmi'irodëni.

<sup>13</sup> Na urimo ni'i'ivevadoho rōhu ijo tugoho'ioho ēhi gemuoho jevo'ajējo. Na aevo'i jevadoho rōhu ijonō jevo'ajējo. Mue aho'o aevodoho ēhi vae barē'irodoho jevajējo.

<sup>14</sup> Ae rahu niōgu u'o'amaruoho huē mabēhe jioruomajējo. Ēhi jiē'e aribōvioho naro uē'iramu a i'ovēvo'irōhe ijo hesi bajoho iromo amo rejo hesi ojoho ruahoromo amo bōrōmore rueruomo'ajējo.

<sup>15</sup> A'i mu sisē gō gō vaejarue aribōvioho iro oso'e vaejarue aribōvioho ōnō'e jiji-harue aribōvioho a muo'amarue aribōvioho inōmo sisē aru'aho'e hōromo uvene aho rōjahi'amarue aribōvioho sareri'e mu nimoromo vaejarue aribōvioho ēhi jiē'e aribōvioho ave amoroho bogo rueruomo'i ma-rori'o jioruomo'ajējo.

<sup>16</sup> Iesu naro nasi aneraho nugō'ōjē'e jevajējo ē jōho huruoho majēhijego ekaresiae gō gō he'irarijego. Na a bōrōme David-are ujoho jevajējo. Sisonuvego ajivaje mujōroho va'ēne jevajējo. Iesuro ēhi uve.

<sup>17</sup> Rōhu God-are Aru'ahohu'o Sheep Harihehu i'e masuvade magonahohu'o jaburo niō'iro uvō: Ruehējo. O ave jō he'irarije aribōvioho jemē'o uvore: Ruehējo. O ae rahu huē girihēvē'o ho jemēro ruehe. Nīmē'o ho rueromo a i'ovēvo'irōhe jovoho ma-ire. Manaho bogojio'ē'e.

*Ijo tugoho'i jōhoje.*

<sup>18</sup> Rōhu John naro God-are jō bōrōmoho ave surire jajivē'e jeve. Ēhuni naehu jajivode jō he'irarije aribōviohumē ave jō majēhi'iē'ajoho avoho here. Naehu jajivode jōho ae rahu gō'o dōre ēma jajivē'o ho ave surire jajivode i'uoho God-ro ē aho bojami'ē'e.

<sup>19</sup> O ae rahu uvē'o ho: John-hu jajivade jō ē hesi vituoho sisē hōromo dodure bu'ōjē'o ho God-ro uvo'ē'e: Ēhi jiē'e aho sisē hōromo dodure bu'ō'ē'e. Dodure bu'ō'iramu ave surire jajivode a i'ovēvo'irōhe ijo bajoho bogo i'ē'e. O ave surire jajivode God-are amo bōrōmoroho bogo va'ē'e.

<sup>20</sup> John naehu jajivode jō mae hō uvaje Ahuro uve: Iae na ma-burēro ō'iē'ajējo. Bada Iesu iae mae uvanue. De je rove.

<sup>21</sup> Bada Iesuro jemē aho'o huē baeromo ajēminōvo'ē'e. Ahia mino'e.

## Read the New Testament daily

*January*

date	Scripture
1	Matthew 1:1-2:12
2	Matthew 2:13-3:6
3	Matthew 3:7-4:11
4	Matthew 4:12-25
5	Matthew 5:1-26
6	Matthew 5:27-48
7	Matthew 6:1-24
8	Matthew 6:25-7:14
9	Matthew 7:15-29
10	Matthew 8:1-17
11	Matthew 8:18-34
12	Matthew 9:1-17
13	Matthew 9:18-38
14	Matthew 10:1-23
15	Matthew 10:24-11:6
16	Matthew 11:7-30
17	Matthew 12:1-21
18	Matthew 12:22-45
19	Matthew 12:46-13:23
20	Matthew 13:24-46
21	Matthew 13:47-14:12
22	Matthew 14:13-36
23	Matthew 15:1-28
24	Matthew 15:29-16:12
25	Matthew 16:13-17:9
26	Matthew 17:10-27
27	Matthew 18:1-22
28	Matthew 18:23-19:12
29	Matthew 19:13-30
30	Matthew 20:1-28
31	Matthew 20:29-21:22

*February*

date	Scripture
1	Matthew 21:23-46
2	Matthew 22:1-33
3	Matthew 22:34-23:12
4	Matthew 23:13-39
5	Matthew 24:1-28
6	Matthew 24:29-51
7	Matthew 25:1-30
8	Matthew 25:31-26:13
9	Matthew 26:14-46
10	Matthew 26:47-68
11	Matthew 26:69-27:14
12	Matthew 27:15-31
13	Matthew 27:32-66
14	Matthew 28:1-20
15	Mark 1:1-28
16	Mark 1:29-2:12
17	Mark 2:13-3:6
18	Mark 3:7-30
19	Mark 3:31-4:25
20	Mark 4:26-5:20
21	Mark 5:21-43
22	Mark 6:1-29
23	Mark 6:30-56
24	Mark 7:1-23
25	Mark 7:24-8:10
26	Mark 8:11-9:1
27	Mark 9:2-29
28	Mark 9:30-10:12

date	Scripture
1	Mark 10:13-31
2	Mark 10:32-52
3	Mark 11:1-26
4	Mark 11:27-12:17
5	Mark 12:18-37
6	Mark 12:38-13:13
7	Mark 13:14-37
8	Mark 14:1-21
9	Mark 14:22-52
10	Mark 14:53-72
11	Mark 15:1-47
12	Mark 16:1-20
13	Luke 1:1-25
14	Luke 1:26-56
15	Luke 1:57-80
16	Luke 2:1-35
17	Luke 2:36-52
18	Luke 3:1-22
19	Luke 3:23-38
20	Luke 4:1-30
21	Luke 4:31-5:11
22	Luke 5:12-28
23	Luke 5:29-6:11
24	Luke 6:12-38
25	Luke 6:39-7:10
26	Luke 7:11-35
27	Luke 7:36-8:3
28	Luke 8:4-21
29	Luke 8:22-39
30	Luke 8:40-9:6
31	Luke 9:7-27

date	Scripture
1	Luke 9:28-50
2	Luke 9:51-10:12
3	Luke 10:13-37
4	Luke 10:38-11:13
5	Luke 11:14-36
6	Luke 11:37-12:7
7	Luke 12:8-34
8	Luke 12:35-59
9	Luke 13:1-21
10	Luke 13:22-14:6
11	Luke 14:7-35
12	Luke 15:1-32
13	Luke 16:1-18
14	Luke 16:19-17:10
15	Luke 17:11-37
16	Luke 18:1-17
17	Luke 18:18-43
18	Luke 19:1-27
19	Luke 19:28-48
20	Luke 20:1-26
21	Luke 20:27-47
22	Luke 21:1-28
23	Luke 21:29-22:13
24	Luke 22:14-34
25	Luke 22:35-53
26	Luke 22:54-23:12
27	Luke 23:13-43
28	Luke 23:44-24:12
29	Luke 24:13-53
30	John 1:1-28



date	Scripture
1	John 1:29-51
2	John 2:1-25
3	John 3:1-21
4	John 3:22-4:3
5	John 4:4-42
6	John 4:43-54
7	John 5:1-23
8	John 5:24-47
9	John 6:1-21
10	John 6:22-40
11	John 6:41-71
12	John 7:1-29
13	John 7:30-52
14	John 7:53-8:20
15	John 8:21-30
16	John 8:31-59
17	John 9:1-41
18	John 10:1-21
19	John 10:22-42
20	John 11:1-53
21	John 11:54-12:19
22	John 12:20-50
23	John 13:1-30
24	John 13:31-14:14
25	John 14:15-31
26	John 15:1-27
27	John 16:1-33
28	John 17:1-26
29	John 18:1-24
30	John 18:25-19:22
31	John 19:23-42

date	Scripture
1	John 20:1-31
2	John 21:1-25
3	Acts 1:1-26
4	Acts 2:1-47
5	Acts 3:1-26
6	Acts 4:1-37
7	Acts 5:1-42
8	Acts 6:1-15
9	Acts 7:1-29
10	Acts 7:30-50
11	Acts 7:51-8:13
12	Acts 8:14-40
13	Acts 9:1-25
14	Acts 9:26-43
15	Acts 10:1-33
16	Acts 10:34-48
17	Acts 11:1-30
18	Acts 12:1-23
19	Acts 12:24-13:12
20	Acts 13:13-41
21	Acts 13:42-14:7
22	Acts 14:8-28
23	Acts 15:1-35
24	Acts 15:36-16:15
25	Acts 16:16-40
26	Acts 17:1-34
27	Acts 18:1-21
28	Acts 18:22-19:12
29	Acts 19:13-41
30	Acts 20:1-38

date	Scripture
1	Acts 21:1-16
2	Acts 21:17-36
3	Acts 21:37-22:16
4	Acts 22:17-23:10
5	Acts 23:11-35
6	Acts 24:1-27
7	Acts 25:1-27
8	Acts 26:1-32
9	Acts 27:1-20
10	Acts 27:21-44
11	Acts 28:1-31
12	Romans 1:1-17
13	Romans 1:18-32
14	Romans 2:1-24
15	Romans 2:25-3:8
16	Romans 3:9-31
17	Romans 4:1-12
18	Romans 4:13-5:5
19	Romans 5:6-21
20	Romans 6:1-23
21	Romans 7:1-14
22	Romans 7:15-8:6
23	Romans 8:7-21
24	Romans 8:22-39
25	Romans 9:1-21
26	Romans 9:22-10:13
27	Romans 10:14-11:12
28	Romans 11:13-36
29	Romans 12:1-21
30	Romans 13:1-14
31	Romans 14:1-23

date	Scripture
1	Romans 15:1-21
2	Romans 15:22-16:7
3	Romans 16:8-27
4	1 Corinthians 1:1-17
5	1 Corinthians 1:18-2:5
6	1 Corinthians 2:6-3:4
7	1 Corinthians 3:5-23
8	1 Corinthians 4:1-21
9	1 Corinthians 5:1-13
10	1 Corinthians 6:1-20
11	1 Corinthians 7:1-24
12	1 Corinthians 7:25-40
13	1 Corinthians 8:1-13
14	1 Corinthians 9:1-18
15	1 Corinthians 9:19-10:13
16	1 Corinthians 10:14-11:1
17	1 Corinthians 11:2-16
18	1 Corinthians 11:17-34
19	1 Corinthians 12:1-26
20	1 Corinthians 12:27-13:13
21	1 Corinthians 14:1-17
22	1 Corinthians 14:18-40
23	1 Corinthians 15:1-28
24	1 Corinthians 15:29-58
25	1 Corinthians 16:1-24
26	2 Corinthians 1:1-11
27	2 Corinthians 1:12-2:11
28	2 Corinthians 2:12-17
29	2 Corinthians 3:1-18
30	2 Corinthians 4:1-12
31	2 Corinthians 4:13-5:10

date	Scripture
1	2 Corinthians 5:11-21
2	2 Corinthians 6:1-13
3	2 Corinthians 6:14-7:7
4	2 Corinthians 7:8-16
5	2 Corinthians 8:1-15
6	2 Corinthians 8:16-24
7	2 Corinthians 9:1-15
8	2 Corinthians 10:1-18
9	2 Corinthians 11:1-15
10	2 Corinthians 11:16-33
11	2 Corinthians 12:1-10
12	2 Corinthians 12:11-21
13	2 Corinthians 13:1-14
14	Galatians 1:1-24
15	Galatians 2:1-16
16	Galatians 2:17-3:9
17	Galatians 3:10-22
18	Galatians 3:23-4:20
19	Galatians 4:21-5:12
20	Galatians 5:13-26
21	Galatians 6:1-18
22	Ephesians 1:1-23
23	Ephesians 2:1-22
24	Ephesians 3:1-21
25	Ephesians 4:1-16
26	Ephesians 4:17-5:2
27	Ephesians 5:3-33
28	Ephesians 6:1-24
29	Philippians 1:1-26
30	Philippians 1:27-2:18

date	Scripture
1	Philippians 2:19-3:6
2	Philippians 3:7-4:1
3	Philippians 4:2-23
4	Colossians 1:1-20
5	Colossians 1:21-2:7
6	Colossians 2:8-23
7	Colossians 3:1-17
8	Colossians 3:18-4:18
9	1 Thessalonians 1:1-2:9
10	1 Thessalonians 2:10-3:13
11	1 Thessalonians 4:1-5:3
12	1 Thessalonians 5:4-28
13	2 Thessalonians 1:1-12
14	2 Thessalonians 2:1-17
15	2 Thessalonians 3:1-18
16	1 Timothy 1:1-20
17	1 Timothy 2:1-15
18	1 Timothy 3:1-16
19	1 Timothy 4:1-16
20	1 Timothy 5:1-25
21	1 Timothy 6:1-21
22	2 Timothy 1:1-18
23	2 Timothy 2:1-21
24	2 Timothy 2:22-3:17
25	2 Timothy 4:1-22
26	Titus 1:1-16
27	Titus 2:1-14
28	Titus 2:15-3:15
29	Philemon 1:1-25
30	Hebrews 1:1-14
31	Hebrews 2:1-18

date	Scripture
1	Hebrews 3:1-19
2	Hebrews 4:1-13
3	Hebrews 4:14-5:14
4	Hebrews 6:1-20
5	Hebrews 7:1-19
6	Hebrews 7:20-28
7	Hebrews 8:1-13
8	Hebrews 9:1-10
9	Hebrews 9:11-28
10	Hebrews 10:1-18
11	Hebrews 10:19-39
12	Hebrews 11:1-16
13	Hebrews 11:17-31
14	Hebrews 11:32-12:13
15	Hebrews 12:14-29
16	Hebrews 13:1-25
17	James 1:1-18
18	James 1:19-2:17
19	James 2:18-3:18
20	James 4:1-17
21	James 5:1-20
22	1 Peter 1:1-12
23	1 Peter 1:13-2:10
24	1 Peter 2:11-3:7
25	1 Peter 3:8-4:6
26	1 Peter 4:7-5:14
27	2 Peter 1:1-21
28	2 Peter 2:1-22
29	2 Peter 3:1-18
30	1 John 1:1-10

date	Scripture
1	1 John 2:1-17
2	1 John 2:18-3:2
3	1 John 3:3-24
4	1 John 4:1-21
5	1 John 5:1-21
6	2 John 1:1-13
7	3 John 1:1-14
8	Jude 1:1-25
9	Revelation 1:1-20
10	Revelation 2:1-17
11	Revelation 2:18-3:6
12	Revelation 3:7-22
13	Revelation 4:1-11
14	Revelation 5:1-14
15	Revelation 6:1-17
16	Revelation 7:1-17
17	Revelation 8:1-13
18	Revelation 9:1-21
19	Revelation 10:1-11
20	Revelation 11:1-19
21	Revelation 12:1-18
22	Revelation 13:1-18
23	Revelation 14:1-20
24	Revelation 15:1-8
25	Revelation 16:1-21
26	Revelation 17:1-18
27	Revelation 18:1-24
28	Revelation 19:1-21
29	Revelation 20:1-15
30	Revelation 21:1-27
31	Revelation 22:1-21